


續修四庫全書

《續修四庫全書》編纂委員會編

續修四庫全書



上海古籍出版社

四一三・史部・紀事本末類

平定粵匪紀略十八卷附記四卷 [清]杜文瀾撰……………一

淮軍平捻記十二卷 [清]周世澄撰……………二七三

湘軍志十六卷 王闓運撰……………三九一

湘軍記二十卷 [清]王定安撰……………五〇九

2135/03

一
三
冊
書
不
日
更
合
書
寫
文
下

同治八年印

平定粵匪紀略

羣玉齋

欽惟我

朝重熙累洽二百餘年文治武功卓躒今古乃粵逆初起
羣盜如毛林文忠未至軍而薨李文恭方出師而歿繼
以周寶烏向諸公而一挫於平南再挫於永安功隳垂
成餘燼復煽而湘而衡而鄂而皖以至金陵不守逆餒
肆張其故何歟承平日久民物滋豐數窮理極天道也
兵不習戰將不知兵或視爲邊徼小寇而輕心掉之及
猝臨變故則又相顧愕然罔知所措人事也天運循環
平陂往復我

平定粵匪紀略

序

羣玉齋

文宗顯皇帝聖武天錫咸豐壬子

特畀曾公國藩以簡練湘卒之權余以菲材亦拜督師之
命當是時江漢三陷矣余與中丞胡文忠檄求湘援竭智畢
能者兩載乃拔漢陽趨武昌刷黃蘗斬曾公復率羣師
水陸東下是時我軍聲威能振逆勢仍極鴟張凡陣亡
者若而人挫衄者若而人東南繼陷者若而郡邑行省
曾公督師自楚攻江皖胡文忠駐楚皖界余亦控上游
與爲首尾之應潯陽再駕而始平金陵九困而不拔恭
逢我

皇上稟

兩宮皇太后慈訓

廟略十全俾曾公得以運籌於安慶沉園中丞躬冒矢石於城下破巨穴而殲醜類吳越肅清大功乃告厥成蓋其難也竊維自古朝廷之聖莫聖於我

朝今日人才之盛莫盛於衡霍余尤幸者當前將帥奇才如林無不意相合力相齊患相恤功相讓信乎同寅協恭如此其和衷也夫鬼方之克非傳說力高宗力也車攻馬同非方召申甫力宣王力也有唐淮西小役耳昌

平定粵匪紀略

序

二

羣玉齋

黎作頌亦推本於惟斷乃成而况我

朝聖德神功撥亂反之正者度超前古曾公與余輩所上兵事一經

聖裁萬里外如親堂陛可不敬謹編次傳信萬世乎因商之唐蔭雲廉訪丁心齋盛旭人鄭譜香觀察擬輯平定粵匪一書杜小舫觀察久贊江南戎旃比督淮筴在楚屬任纂輯之役蔭雲諸君參酌討論之越半年成紀略十八卷附記四卷以恭紀

聖功而昭來許其事覈其言切粵匪所擾之處陷而失克

而復罪而罰功而賞皆以各處奏報所奉

諭旨為經足與

國史相表裏夫天祿石渠匪特草野不能見即仕宦亦不能徧窺此書出而荒陬遐澁白叟黃童皆可按籍而仰

文宗顯皇帝之經營彪炳星日

皇上所以紹開泰運人才所以効命

朝廷者一展卷而恍然置身揖讓於兩階干羽間也爰弁簡端用上萬年有道之頌焉同治四年閏五月總督兩湖使者官文序

平定粵匪紀略

序

三

羣玉齋

平定粵匪紀略總目

第一卷

道光三十年六月起至咸豐二年十二月止

第二卷

咸豐三年

第三卷

咸豐四年

第四卷

咸豐五年

本定粵匪紀略

總目

一

羣玉齋

第五卷

咸豐六年

第六卷

咸豐七年

第七卷

咸豐八年

第八卷

咸豐九年

第九卷

咸豐十年正月起到至六月止

第十卷

咸豐十年七月起至十二月止

十一卷

咸豐十一年正月起到至六月止

十二卷

咸豐十一年七月起至十二月止

十三卷

同治元年正月起到至六月止

本定粵匪紀略

總目

二

羣玉齋

十四卷

同治元年七月起至十二月止

十五卷

同治二年正月起到至六月止

十六卷

同治二年七月起至十二月止

十七卷

同治三年正月起到至四月止

十八卷

同治三年五月起至九月止

附記四卷

賊名記

邪說記

逆蹟記

瑣聞記

平定粵匪紀略

總目

三

羣玉齋

平定粵匪紀略條目

一是紀仿

皇朝武功紀盛及

聖武記編輯自道光三十年六月廣西倡亂起至同治三年九月生擒洪福瑱止都為十有八卷據事直書節去繁冗不敢臆增一字

一史書備列盜賊姓名事蹟以懲奸慝粵逆潢池盜弄實繁有徒正記難詳故另列賊名記邪說記逆蹟記瑣聞記凡四卷

平定粵匪紀略

條目

一

羣玉齋

一逆匪蹤迹或傳諸在事之人或見諸時人筆記及諸臣行述傳鈔供詞必考證確符始列於篇戰功悉遵邸報不敢有所增益因是編成於湖北疏稿文集均資采取故述楚事較詳

一在事文武同官同姓者居多紀中不得不直書其名欽差大臣及各直省督撫則書銜書姓而不名有述旨處仍書名

一文武員弁升降不時皆就其時之官書之有奏疏叙名而未詳為何官者仍照書名

一是編專叙粵逆事如僧王及吳漕督之勦除擒匪多

將軍之蕩洗回匪各直省之懲捕騎馬賊土匪教匪

非無豐功偉績因與粵逆隔絕故未備書

一逆匪竄陷城邑有未見邸鈔者闕之尋常戰功數數

見者皆不書

一殉難文武官紳貞烈婦女但經各省采訪無不上邀

恩卹已沐

闡揚之典無俟尤書惟擇其最著者酌書之

一我

本定粵匪紀略 條目

二

羣玉齋

朝積德累仁

神天默護兵興後各省所報

關帝及諸神顯聖護佑者數十疏均已疊奉

綸音分別崇封書額酬答

靈貺不及縷書其有

神異尤著者述瑣聞附記中

一是編專敘實事不尚文辭凡忠臣碩士所作絕命詞

及哀江南諸詩賦概未鈔錄

一兵興之前童謠里讖無處無之非不隨時徵應究屬

虛渺概不敢書

一擾亂之地甚廣戡亂之功甚宏是編僅錄所見所聞

竊恐挂漏不少伏望閱者搜羅考訂不憚見貽俾資

改補以備

方略之采取幸甚

平定粵匪紀略

條目

三

羣玉齋

平定粵匪紀略卷一



道光三十年庚戌六月廣西逆民洪秀全倡亂於桂平縣之金田邨

廣西去京師四千六百餘里五嶺西偏蠻夷雜育醜類素易嘯聚唐時黃巢亂編筏浮湘水逾江而東渡淮而北禍徧天下發軔實維桂州桂卽今之廣西省會也我

朝聲教所訖反舌裸身之國雕題黑齒之鄉罔不航寶梯琛稽顙交臂卽間有邊費一經撻伐剋日盪平何期

平定粵匪紀略 卷一

羣王齋

桂林貢賦內地而逆匪洪秀全等竟踵黃巢之迹弄兵潢池荼毒浞焚爲禍至此初道光二十七年間粵西歲饑多盜巡撫鄭祖琛嚴檄緝治不能戢適有湖南逆民雷再浩擾至粵境盜益肆柳慶思潯及南甯梧州各郡爲尤甚按察使勞崇光馳往捕泊南路稍平二十九年新甯逆民李沅發復竄及柳州桂林三十年四月遂沅發回新甯甫就擒而粵匪復譁起有陳亞癸歐祖潤山猪箭顏品瑤等各率黨羽數千四路劫掠此外未著名者不下數十股斯時洪秀全等

平定粵匪紀略 卷一

羣王齋

伏而未動也六月鄭巡撫出師督勦駐平樂府洪秀全等始倡亂於桂平縣之金田邨秀全者原籍廣東花縣生於嘉慶十七年壬申身癡肥略識字父名國游與母均早死素飲博無賴以演卜游江湖問先是廣東有好民朱九濤倡上帝會邪教亦名三點會秀全及同邑之馮雲山師之旋以秀全爲教主道光十六年秀全及雲山至廣西住桂平武宣二縣接壤之鵬化山中傳其教桂平人曾玉珩家素豐延秀全訓蒙時秀全妹婿蕭朝貴武宣人亦家於桂平與楊秀清比鄰遂與秀清相結納桂平人韋昌輝貴縣人石達開先後入教秀全病極危旋愈詭云病死七日而蘇能知未來事謂舉世將有大災惟入會拜上帝可免拜上帝者各納銀五兩爲香燭資凡入會不稱師徒而曰兄弟遇婦女則曰姊妹意不欲人自貶則易廣其傳故楊秀清等皆兄事之秀全自知無術不足惑衆乃託名西洋教彼教所崇爲耶穌秀全欲駕而上之撰天父名目謂天父名耶穌爲長子秀全爲次子故稱耶穌爲天兄復與馮雲山盧賢拔

等造真言寶誥諸偽書密爲傳布潛蓄髮藏山箐間
嗾人分途簧誘連界之武宜象州藤縣陸川博白各
邑人心浮動附從者日多歛資亦漸鉅遂萌逆志當
是時秀全所惑僅下愚之眾即使嘯聚亦只如川蜀
之米賊宋之王則等耳苟有良有司安撫而驅除之
無難立定者何致勞師燁武擾亂十有五年蹂躪十
有六省淪陷至六百餘城之眾哉乃長吏務爲姑息
不事勦撫僅令鄉團守望相助復無董率一任鄉練
與會匪各樹旗鼓爭爲長雄致令蠢醜屯聚日繁遂

本定粵匪紀略

卷一

三

羣玉齋

於金田郝倡亂

八月楊秀清等迎洪秀全移屯武宣縣東鄉招集亡命
復返金田

楊秀清原籍廣東嘉應州遷居廣西桂平縣大黃江
世以種山燒炭爲業秀清獨無賴游蕩蕭朝貴武宣
縣盧陞尙農民妻洪秀全之妹馮雲山廣東花縣人
先與洪秀全立上帝會邪教爲桂平縣訪獲囚於獄
同教匪徒黃玉崑等釀錢營救得釋韋昌輝原名止
亦桂平人住金田石達開原籍廣東和平縣住廣西

貴縣家小康讀書未成遂業農五人者年皆三十餘
以次與洪秀全結納秀清尤狡獪因秀全捏造天父
遂證其說自作巫謂天父下凡附其身詞人陰私搆
發之羣驚爲神嘗託天父言挾制洪秀全令前跪受
杖已有不韙亦伏地令人杖之不少貸以是蕭朝貴
等篤信之又貴縣已革壯勇秦曰綱亦入其教六人
分布各邑輾轉誘聚入會者漸衆三十年六月起事
時洪秀全密藏於平南縣花州胡以眺家秀清率眾
迎之至金田旋移屯於武宣縣東鄉招集拜上帝之

本定粵匪紀略

卷一

四

羣玉齋

亡命者適有貴縣游民林鳳祥廣東揭陽縣海盜羅
大綱等率衆從之又湖南衡山縣人洪大全幼穎慧
甫八齡能默誦十三經陰自負知秀全倡亂卽往依
附遂爲部署隊伍馬匹旂幟器械漸備返屯金田
十月前兩江總督李星沅爲

欽差大臣赴廣西勦賊

鄭巡撫抵平樂縣疏入奉

旨調固原提督向榮爲廣西提督赴粵會勦九月至桂林
時慶遠思恩南甯等府土匪正熾向提督馳往勦辦

洪秀全等益猖獗巡撫馳奏

上命前雲貴總督林則徐為

欽差大臣馳赴廣西與鄭巡撫向提督前雲南提督張必

祿會勦旋據給事中袁甲三奏參鄭巡撫欺飾彌縫

各罪飭據兩廣總督徐廣縉覆奏撫臣年老多病文

武皆不畏服得

旨革職林總督以

欽差大臣暫署廣西巡撫嗣林大臣薨於途張提督甫至

潯州亦薨奉

平定粵匪紀略

卷一

五

羣玉齋

旨令前兩江總督李星沅為

欽差大臣赴廣西督辦李大臣於十月抵桂林

十一月我軍至金田勦賊失利

賊由金田竄平南之思旺墟副將李殿元等然礮擊

之勢少卻復分股回撲致巡檢張鏞罵賊遇害賊仍

返金田老巢金田距潯州府城僅四十餘里張提督

薨後所統貴州安徽等綠營兵均屯潯城李大臣飭

貴州鎮遠鎮總兵周鳳岐接統之十一月二十六日

派貴州清江協副將伊克坦布等往勦延至二十九

日始接仗初桂平毗連之貴縣有廣東嘉應州民數

千人聚居縣民目為來人常欺凌之來人積怒適於

二十八日投金田助逆賊得生力軍膽勢正壯遂圍

我軍伊副將及千總田繼壽把總潘繼邦外委彭昌

鏞陣亡周總兵馳往援應堵禦一晝夜斃賊數百人

始解圍

十二月前漕運總督周天爵署廣西巡撫會同勦賊

上以廣西賊勢漸眾復

派前漕運總督周天爵赴粵會辦旋令署廣西巡撫時金

平定粵匪紀略

卷一

六

羣玉齋

田賊眾裹脅日多附近各郡紳富搜括靡遺周總督

察此股為勦匪咨商向提督自橫州旋師專勦金田

之賊

咸豐元年辛亥正月洪秀全等僭偽王號於大黃江竄

擾桂平貴縣武宣平南等縣入象州境

逆眾由金田出關經八尚水而至大黃江向提督於

正月十八日督隊進攻斃賊二百餘名並拋擲火具

燬其房屋以賊眾兵單致投効候選衛守備王崇山

等十二員亡於陣洪逆遂益驕橫僭偽號為太平王

復將大黃墟縱火燬盡悉裹其眾分擾桂平貴縣武
宣平南等縣入象州境

二月廣州副都統烏蘭太馳驛往廣西幫辦軍務

烏都統奉

旨馳驛由廣東起程三月卽至粵與向提督會商勦辦疊
有新擒賊勢少戢

三月大學士賽尙阿爲

欽差大臣率都統巴清德副都統達洪阿管帶京兵馳往
楚粵之交防堵

平定粵匪紀略

卷一

七

羣玉齋

粵西羣盜日久稽誅

上眷念邊疆不安宵旰

特命大學士賽尙阿等馳往楚粵之交駐紮調度並

諭李星沅等不得以

特派有人稍存觀望又

命周天爵專辦軍務廣西巡撫著藩司勞崇光暫行署理

四月賽大臣等出都

四月初九日賽大臣

陞辭出都

特賞遏必隆刀以壯其行奏帶侍衛開隆阿天津鎮總兵

長瑞甘肅涼州鎮總兵長壽軍機章京戶部司員丁

守存聯芳等十餘員火器營烏蘭都等京兵二百名

部撥餼銀一百萬兩又由內務府廣儲司撥發內庫

銀一百萬兩

李大臣由柳州進駐武宣舊病增劇旋薨

李大臣先曾奏請專派總統期於事權歸一賽大臣

起程之前已

密交諭旨令赴廣西軍營並傳知李星沅回湖南會辦防

平定粵匪紀略

卷一

八

羣玉齋

堵至是復

諭賽大臣馳赴廣西接辦

欽差大臣事務並

授鄒鳴鶴爲廣西巡撫兼程赴任令李星沅回籍養病李

大臣旋以疾薨

五月烏都統等敗賊於象州

逆眾由武宣竄至象州之中坪等處五月初八日烏

都統統帶貴州三營官兵自羅秀拔營駐梁山邨向

提督由桐木拔營駐中坪之東雲南昭通鎮總兵經

文岱等駐寺都皆距賊巢十里初十日賊匪十數艘約四五千人渡河撲營我兵奮勇攻擊斃賊千餘人賊隊盡散十三等日三戰皆捷

六月賽大臣抵廣西破賊於新墟

洪秀全等由象州竄回桂平之新墟六月初五日賽大臣抵桂林省添募廣勇潮勇合先後所調滇黔川楚兵勇約共三萬餘人分派將弁嚴堵各要隘飭烏都統剋期會勦二十七日由官甲潛行渡江偵知竹園邨竹木叢雜令總兵秦定三伏兵其處引賊入伏

平定粵匪紀略 卷一 九 羣玉齋

一日七勝殲擒二三千人破其英邨巢穴賊仍遁入

新墟

七月奪獲雙髻山等要隘

逆匪竄踞紫荆山前以新墟為門戶後以雙髻山猪仔峽為要隘七月初十日分路進兵達洪阿攻西南烏蘭太秦定三攻西北總兵李能臣經文岱分攻東南正東巴清德向榮由紫荆山後路進十五日直登猪仔峽據其要口雙髻山之賊見我兵已奪要隘槍礮木石如雨齊發巴清德傳令奮力抵禦時川楚各

兵已繞出賊後上下夾攻賊眾大潰遂奪雙髻山要隘

八月破賊於風門坳賊竄永安

破雙髻山後向提督欲乘勝直搗花雷茶地等賊巢巴都統以五不可議阻之遲五日始進兵賊於風門坳口築壘安礮並鑿斷山梁為負隅死守計八月初二日我兵分三路奮攻賊始棄隘敗走乘勢追勦據其風門坳要害陣斃章昌輝之弟章亞孫章十一等賊始退竄向提督由桂平追之烏都統及提督秦定

平定粵匪紀略 卷一 十 羣玉齋

三總兵經文岱由鵬化山追之烏軍阻於山內向軍遇賊因雨致挫軍仗盡失賽大臣奏參革職留營効力達都統與烏都統不相合接戰復挫劔亦請撤回巴都統病甚入平樂府旋薨向提督於平南整理軍械留十餘日始行賊分二路竄永安

閏八月洪秀全等陷永安州建偽號為太平天國封各偽王

賊由大黃墟分水陸兩路經大黎向永安州閏八月初一日陷之遂僭偽國號為太平天國洪秀全為偽

天王楊秀清爲僞東王蕭朝貴爲僞西王馮雲山爲
僞南王韋昌輝爲僞北王石達開爲僞翼王洪大全
爲僞天德王秦日綱羅亞旺范連德胡以晄等各稱
丞相軍師等僞職

九月賽大臣移營陽朔

時廣西股匪分兵勦襲漸就肅清陳亞貴一股爲署
桂平縣知縣李孟羣擒獲顏品瑤一股爲藩司勞崇
光設策梟誅擊散其眾餘匪二十餘股殲滅無遺九
月十一日賽大臣移營陽朔專勦洪逆

平定粵匪紀略

卷一

十一

李王清

十月烏都統攻莫家邨大捷

賊分大股屯莫家邨以阻攻永安之路距邨十餘里
有三嶺中曰秀才左曰龍虎右曰石燕烏都統相度
形勢紮火器營小隊於秀才嶺暗埋地雷等火具派
隊誘賊誠以俟賊出卽沿左右二嶺緩撤過嶺列陣
以待自建中軍旗鼓於秀才嶺最高處帳前植一紅
蓋賊果大至爭撲中軍都統率小隊自嶺後徐退賊
拔其紅蓋火機觸發全嶺奔裂燔賊以數千計大隊
乘之旋克莫家邨此後賊見烏都統所植旗幟輒不

敢近

十一月合兵攻永安

粵西諸將惟向提督老於軍事賽大臣攻永安賊分
守城南之水竇邨爲犄角勢賽大臣以烏都統督辦
南路劉長清督辦北路其東西山亦各派鎮將守之
長清不能馭眾以向督提爲北路督辦時已奉
旨賞給三品頂戴接任後激勵將士疊獲勝仗十餘次連
營進逼賊不敢出賽大臣請開復廣西提督原官

十二月賽大臣親駐永安督勦

平定粵匪紀略

卷一

十一

李王清

賽大臣於十二月十八日由陽朔移營荔浦二十六
日至永安州向提督統軍北路聲威漸震二十八及
三十日賊匪出巢窺伺均擊退
咸豐二年壬子正月大兵圍永安

正月初一二三等日四路進攻並擊其東西礮臺城
已將克適儘先參將李廷楷等陣亡諸將少卻賊退
入城初八初十及十二日賊出撲營均卽擊退賊之
礮臺望樓兩處爲風雷擊燬

二月賊潰圍東竄官兵收復永安州陣擒僞天德王洪

大全檻送京師

我兵圍永安於城外築礮臺日夜轟擊二月十七日
四鼓賊撲壽春營我兵少却賊由古東冲小路出關
偽丞相秦曰綱先屯水寶移屯仙回嶺十八日烏都
統搶山岡夾擊殺賊二千餘人生擒洪大全時大雨
不止軍無宿處餒甚與向提督商定整軍再入五更
後烏都統忽自率親兵入山向提督疾飭各鎮接應
賊台隊復戰山逕準確又天雨路滑未及列陣賊眾
身死衝突總兵長瑞長壽董先甲邵鶴齡陣亡賊繞
山路直竄至距省六十里之六塘墟烏都統追至將
軍橋散受礮子傷都統有謀勇能卹士卒每以輕敵
涉險人皆危之至是果中流礮旋逝方賊竄出時我
兵乘勢收復州城丁守存聯芳等檻送洪大全至京
師磔於市

三月賊犯廣西省城

楊秀清知我兵力尙厚不敢道昭平平樂由小路經
牛角嶺山出馬嶺六塘高田逕撲桂林省章昌輝率
千餘賊追奪洪大全不及亦趨桂林向提督策賊必

平定粵匪紀略

卷一

圭

羣玉齋

犯省城率親兵繞道介馬疾馳先一時晉省賊踵至
會同巡撫鄒鳴鶴藩司吳鼎昌副將馬龍開等晝夜
守禦賊夾灘江而營在東南文昌門外之象鼻山架
礮轟擊鉛丸入城如雨落城中官民靜守不為動賊
近城布雲梯輒焚油燔之斃賊極眾賊又以大竹製
呂公車高與城齊數十人登車平攻我以槍礮對擊
復紮長竿縛火炬燒之賊多墜死相持三十一日賊
知不可犯乘夜解圍北去

四月陷全州

平定粵匪紀略

卷一

西

羣玉齋

桂林解圍後賊由興安攻全州湖南寶慶營都司武
昌顯率所部五百人會知縣守城賊肉薄城根武昌
顯令煎松膠瀝糠為餅火之投下賊多死賊乃穴地
燒溼薪煙障眯目咫尺不能辨諸軍之援全者皆壁
十數里外數日地雷發城陷被禍極慘時將順流而
下趨長沙浙江知縣江忠源督湘勇堵於簞衣渡忠
源湖南新甯縣舉人由軍功議叙知縣補浙江秀水
縣時丁憂回籍奉賽大臣調在籍募勇赴粵烏都統
一見器之遂贊其軍略旋率所部援全不得進乃駐

兵下游簑衣渡伐木爲堰伏西岸賊舟過力擊之塵
戰兩晝夜斃賊千餘僞南王馮雲山中礮死賊棄船
由東岸赴道州自有此捷長沙得爲備衡永防兵始
安

五月陷道州

賊陷全州後裹脅已衆及至道州湖南提督余萬清
棄城走道州俗悍多會匪賊踞城月餘從者更衆另
立道州大旗所至爭爲効死賊勢復張

六月疊犯江華甯遠嘉禾等縣陷桂陽州

自道州竄出取道江華甯遠至嘉禾縣總兵和春常
祿等躡賊蹤至嘉禾接仗獲勝奪門而入賊卽竄走
於二十九日陷桂陽州

七月陷郴州趨長沙

賊陷桂陽州後江忠源率隊趨至前隊把總邢虎臣
戰歿江忠源揮勇繼進大破之直抵城下賊棄城走
趨郴州郴州當湘粵之衝商賈輻輳駭貨驟馬以千
計賊至據之忠源會諸軍壁其三門相持月餘逆首
蕭朝貴訶長沙城外民房未拆守兵亦單意可襲而

平定粵匪紀略

卷一

五

羣玉齋

取也乃率死黨由永興茶陵醴陵趨長沙

八月犯湖南省

賊黨疾馳赴長沙七月二十八日至省總兵和春常
祿李瑞德亮與江忠源各率兵勇倍道追之亦抵長
沙賊踞城南及小西門民房爲窟竝占妙高峯燕山
廟等高阜爲壘駱巡撫秉章提督鮑起豹在籍羅巡
撫繞典會督邑紳黃冕唐際盛等獎帥兵民登陣固
守八月初四日鮑提督派四川兵勇下城功擊斃賊
多名善化縣知縣王葆生所募壯勇亦隨同官兵出

平定粵匪紀略

卷一

六

羣玉齋

城殺賊無數新授湖南張巡撫亮基自雲南來縋城
而入會籌堵禦益力僞西王蕭朝貴攻南門官兵擊
之殪尸埋老龍潭後起獲梟劉洪秀全楊秀清先在
郴州朝貴死賊黨李開芳馳告遂悉醜類馳至廣築
土壘分屯西岸土牆頭及湘江之水陸洲併力攻城
兵民百計守禦向提督率將官張國樑等踵至營於
西岸嶽麓山一帶游擊蕭逢春都司姬聖脈戰歿提
督秦定三總兵和春等營於東自天心閣直至新開
舖皆官軍堅壘朝夕夾擊槍礮聲震天地軍威漸壯

九月官兵圍勦獲勝

各路大兵齊集賊不得逞自陷柘桂得採煤山夫千餘人仿鰲翻法立土營偽師帥穴地攻城九月二十
九日南月城西魁星樓側發地雷城蝨四丈餘二三千人轟擁而上四川越嶲營參將張協中捨護中槍殞命副將鄧紹良大呼躍出城關手刃數賊右膊被礮子穿透屹立不動弁兵齊下斬大黃旗賊目斃長髮賊一百數十名短髮賊三百餘名賊始敗退迅將城關堵合十月初二日城外金雞橋地雷再發總兵

本定粵匪紀略

卷一

七

羣玉齋

和春堵之十八日魁星樓地雷又發副將瞿騰龍力拒殺悍賊數百賊之地道已盡復缺油鹽勢漸窮羣心漸離洪秀全營於南門外取玉造偽璽稱爲天賜以籠絡羣心脅衆呼爲萬歲遂於十九日夜從浮橋渡湘水由回龍塘竄去故分小股向南行我兵謂賊必犯湘潭傳東岸軍南向賊之大股已竄甯鄉矣
十月陷岳州

賊由甯鄉至益陽追賊之參將紀冠軍陣亡賊擄民船數千出臨資口渡洞庭抵岳州湖北提督博勒恭

武駐岳督防先三日棄城走賊留岳州四日郡城舊存逆藩吳三桂軍械礮位盡爲賊得復奪民舟五千餘遂東下

十一月賊下湖北陷漢陽府

十一月初九日賊驟至巡撲漢陽十二日郡城失守調防之陝西副將朱瀚陣亡知府董振鐸巷戰死漢鎮爲數省通衢百貨山積遷避不及被焚掠五晝夜殆盡

十二月武昌省城失守巡撫常大澂等皆死之

本定粵匪紀略

卷一

太

羣玉齋

武漢一江隔冬令水涸江中漲巨沙洲賊以所擄船作浮橋鐵索環之自漢陽直達省城四圍立壘分門攻撲時程總督喬采駐軍衡州惟常巡撫大澂督兵防守向提督自湖南帶兵追襲營於東門外之洪山連戰皆捷隔賊壘與省兵不能合十二月初三日黎明自洪山出隊連燬賊壘數十座槍礮斃數千驅溺於武勝門外之沙河亦數千尸骸枕藉河水爲之不流斯時官兵距城不及三里盼城中兵出接應屢遣差弁相約常巡撫恐民志未孚啓門或致逃避欲待

客兵抵城下始出不期寒雨大沛火藥不燃兵力亦極疲困向提督因令收隊而城不保矣賊未至時常巡撫縱火盡燬城外民房以防穴地文昌門濱江未及防賊已穴深丈餘初四日黎明地雷忽發城遂陷巡撫常大瀆學政光祿寺卿馮培元布政使梁星源按察使瑞元漢黃德道王壽同丁憂鹽道王東槐署鹽道林恩熙武昌府知府明善武黃同知周祖銜等皆殉難江夏縣知縣繡麟持矛巷戰死尤烈

本定粵匪紀略

卷一

九

李王書

程總督辦理防堵駐兵衡州省城陷後奉

旨革職留辦糧臺後議遣戍張總督先任湖南巡撫至是由湘赴鄂

平定粵匪紀略卷二

咸豐三年癸丑正月賊全股下竄向提督收復武昌

前因逆匪竄擾湖南賽大臣師久無功奉

旨逮問

命兩廣總督徐廣縉為

欽差大臣督辦軍務長沙解圍後始抵湖南省城逆匪已

直竄武昌徐大臣尙駐岳州亦奉

旨逮問

授向提督榮為

本定粵匪紀略

卷二

一

李王書

欽差大臣復

命前大學士琦善為

欽差大臣選直隸陝西黑龍江馬步各兵由河南進勦以

防北竄賊陷武昌後向大臣帶兵勇日夜擊之賊不

能久踞欲由襄樊北趨偵知河南重兵扼守遂於三

年正月初二日下竄是時所俘男婦約五十萬人船

約萬餘隻資糧軍火財帛與婦稚盡置舟中蔽江而

下帆檣如雲新舊賊分兩岸夾江以行所過黃州武

昌蘄水蘄州均為殘掠直抵廣濟縣之武穴鎮向大

臣於賊竄後收復省城招集地方官辦理善後事宜
卽追賊東下

賊至廣濟縣之武穴鎮兩江總督陸建瀛兵潰退保金
陵致九江安慶失守

先是二年十月

上命兩江總督陸建瀛為

欽差大臣督兵進防江皖時兩江先奉調撥官兵三千名

駐紮楚境武穴下之老鼠峽陸總督募勇未集卽帶

松江提標兵二千餘名親兵數百名由水路上駛三

平定粵匪紀略

卷二

十一

羣玉齋

年正月十一日抵湖北廣濟縣之龍坪派壽春鎮總

兵恩長為翼長督隊至老鼠峽會合前兵共籌堵禦

舟師未及登岸紮營賊已驟至恩總兵督戰陣亡舟

師潰散陸總督退保金陵江西張巡撫蒞防瑞昌

縣為入境陸路九江府城未設防賊遂薄九江而下

十七日陷安慶省安徽蔣巡撫文慶死之藩司李本

仁退守舒城縣臬司張熙宇率孤帶礮船防守小孤

山亦退回均奉

旨逮問

二月賊陷金陵

陸總督退回金陵卽帶新調廣艇及兩江原設舢板

船進防蕪湖下游之東西梁山師船復不戰而退遂

回城固守正月二十五日夜賊船由太平府四合山

順流而下二十六日辰刻福山鎮總兵陳勝元等迎

勦擊沈逆船二隻餘匪暫退官兵追至蕪湖又擊沈

二十餘船是日戌刻逆眾水陸並至陳勝元中礮落

水死賊至金陵二十九日城外紮賊壘二十四座其

賊船自新洲大勝關起泊至七里洲止晝夜環攻兵

平定粵匪紀略

卷二

三

羣玉齋

民協守甚固聚寶門外米商自團練勇齊心殺賊賊

幾敗城頭開礮助威適傷練勇數人遂駭散布政使

祁宿藻目擊忿甚嘔血死二月初十日儀鳳門地雷

舉發賊驟登第二雷又發賊自斃千餘官兵乘勢擊

之競割耳記赴局報功守陣兵力轉薄賊大隊擁至

急調各城防兵北嚮堵禦另股賊已由三山門越城

而入將軍祥厚副都統霍隆武率滿兵防守內城城

中婦女亦登陣持槍殺賊相持兩日夜力竭殉難各

賊分門劫殺陸總督及提督福珠隆阿均被戕前廣

西巡撫鄒鳴鶴獲咎後奉調隨辦防務亦在城遇害
上元縣知縣劉同纓公服坐大堂罵賊被攢射而死
前浙江總兵湯貽汾僑寓秣陵賦絕命詩從容就義
官紳殉難者極多

向大臣追賊至金陵結營城東孝陵衛

賊眾下竄後奉

旨飭向大臣追援金陵師行極速張國棟領頭隊正月十
二日卽至九江無舟不得濟咨江撫由省撥回空漕
船載之東渡二月二十一日始達金陵結營朝陽門

平定粵匪紀略

卷二

四

羣玉齋

外孝陵衛卸任廣東學政內閣學士許乃釗奉

命幫辦江南軍務亦由江西馳至

逆黨林鳳祥等率水陸諸賊陷鎮江揚州

洪逆與楊秀清計欲分賊守江南而自統全眾由淮
安北趨有一老舟子言北路無水乏糧遇困莫解今
據長江之險舟師萬千宜踞南京爲都楊秀清聽其
說遣僞丞相林鳳祥羅大綱李開芳曾立昌等率賊
東下二月二十一日陷鎮江府二十三日陷揚州府
先是揚州有民人江壽民素任修橋卹發諸事一郡

稱善人聞賊且至醜富戶金賄賊與賊約不相犯賊
僞許之富戶恃以無恐遷避甚少賊乘無備突入搜
劫資財千百萬拘江壽民於立貞善堂旋自縊賊得
鎮揚乃分據浦口瓜州各要隘徧立土壘以阻我南
北路之師

向大臣擊賊獲勝

二十五日五鼓分路開仗直攻附郭各土城克之二
十七日我兵營土城賊以四五千人出撲迎擊之斃
多名斬首數十級二十九日向大臣親自督戰逆勢

平定粵匪紀略

卷二

五

羣玉齋

不支相率逃潰我兵始逼城紮營

三月向大臣擊賊於通濟等門大捷

官兵初與接仗賊尙易視附城各賊壘堅守抗拒三
月初六日向大臣與許幫辦及按察司銜綜理江西
糧臺彭玉雯籌定攻勦之策是夜分路進兵別選精
銳直襲通濟門賊壘前後夾擊立破賊壘三座斃賊
千餘名奪獲三千觔及數百觔大礮十二尊擡鳥槍
二百四十餘桿旂械無數十一日官兵襲占七橋壘
將鍾山及報恩寺賊壘隔斷十三日乘霧設伏痛加

勒殺奪獲鍾山圍洗殆無漏網竝生擒偽總制陳轉
各兵勇樹割之十七日夜復戰噴筒火箭直射城中
繼以槍礮逆首楊秀清率眾登城見朝陽門一帶之
牌刀賊匪誤為官兵開礮轟斃數百城中槍礮競發
人聲沸騰達旦始息自是以後我兵大營十八座一
律移近城垣賊始懼不敢出時副將李德麟與鄧紹
良先後攻鎮江亦疊有斬擒焚燒賊舟救出難民船
多隻又江南觀音門賊船一千數百隻向大臣用計
焚燒船戶水手約萬餘人設法遣散竝燒燬押船長
髮賊無數賊之水隊亦漸斂戢

平定粵匪紀略

卷二

六

羣玉齋

四月漕運總督楊殿邦督兵攻揚州破土壘木城

楊漕督由淮安馳防揚州結營於距城四十里之邵
伯鎮前鹽運使但明倫運使劉良駒會理防務賊眾
我寡退守北路招募民勇收聚潰兵四月初一日會
琦大臣等兵勇四路進攻城外土壘木城全行蹋燬
東路之賊悉避入城

琦大臣直隸提督陳金綬內閣學士勝保先後攻揚州
疊獲勝仗

平定粵匪紀略

卷二

七

羣玉齋

初琦大臣等由河南之信揚州偵明賊蹤進勦陳提
督勝學士前行二月二十七日由浦口東山外越赴
江邊盡焚賊船進浦口擊賊獲勝三月初九日至帽
兒墩琦大臣亦於是日自浦口馳至營於雷塘集距
賊均止數里初十日琦大臣督肅州鎮總兵雙來等
攻城北之賊陳提督攻西路各燒賊壘數座殺賊千
數百名十二日五戰五勝琦大臣進紮寶城陳提督
等紮司徒廟各距揚城三里二十二日乘大霧攻賊
不備得勝於廿四橋及法海寺迨東路土壘破後西
北二路亦已一律掃蕩城外全無賊蹤其南路潰運
河賊船林立亦經地方官紳焚勦略盡
賊眾由揚州分擾滁州踞臨淮關陷鳳陽府
林鳳祥等爾偽指揮曾立昌踞揚城驅婦女及所劫
資財運回金陵率賊二十一軍北竄每軍數千人擾
滁州占踞臨淮關四月二十一日陷鳳陽府勝學士
由揚州分兵進勦

賊分竄六合署知縣溫紹原殲之

揚州分賊北竄時令逆酋朱錫琨黃益芸率六軍犯

浦口攻六合方琦大臣赴揚時留黑龍江馬隊二千
駐浦口又分吉林馬隊四千人為八起分駐六合等
處以防後路逆會等於四月初六日襲浦口初八日
抵六合署知縣溫紹原豫團民勇拒之於龍池千總
徐琳外委達成榮戰死紹原督團再進並約馬隊帶
兵官副都統德崇額督攻二更後賊營火起煙燄障
天燔灼而死及槍礮轟斃者數千所存無幾遁回金
陵城

五月閩浙總督慧成署漕運總督查文經漕運總督福

平定粵匪紀略 卷二

八 羣玉齋

濟先後會兵圍揚州

閩浙總督慧成帶宣化等營由東河赴揚州署漕督
查文經帶漕標徐州鎮各兵參將馮景尼帶壽春勇
參將師長鏞帶淮勇繼至方揚州失守時北路幾無
堅城江蘇臬使查文經因治豐北黃河隄工駐清江
浦聞警徧行檄示言有京兵數十萬北來飭游各
邑備馬料諭軍民毋恐賊因警怯不敢長驅及楊漕
督禔職遣戍查臬使接署漕督帶兵與慧總督先後
至紮水陸各營於東路之茱萸灣嗣正任漕督福濟

接篆查臬使移營南路陳家巷城圍始合
左副都御史雷以誠募勇駐萬福橋防揚州東路

雷副都御史與翰林院侍講學士晉康奉

命巡視黃河隘口請

旨勦賊晉學士為慧總督長子隨其營旋與查臬使紮陳

家巷雷副都御史廣延豪俊捐資募勇自成一軍紮

營揚城東南之萬福橋距城最近與各營相犄角以

保東路襄下河各州縣門戶賊垂涎裏下河久屢撲

屢却之自合圍後賊間日出爭各路均嚴陣設伏以

平定粵匪紀略 卷二

九 羣玉齋

待每戰必捷殺賊以萬計賊始窮蹙勝學士赴河南

後雷副都御史升授刑部侍郎幫辦琦大臣務

湖廣總督張亮基檄諸郡邑練團勦餘匪

逆自粵入楚沿途煽誘惡少年聞風響應未來則歛

錢饋賊曰進貢既去則假其旗幟裹黃布聚眾為淫

掠廣東之凌十八溫大賀五輩皆倚聲勢湖南岳

州有晏仲武尤凶暴先後盪殄略盡湖北蟻賊如蝟

毛長江而下則監利石首沔陽通城崇陽蒲圻為之

壑襄河以上則安襄荆德受其災至是行團練之法

遴選紳耆糾訓良家丁壯捕不道羣賊稍歛迹

湖南團練鄉兵為諸路倡

禮部侍郎今

封一等侯

欽差大臣協辦大學士兩江總督曾國藩以親喪在湖南

湘鄉籍有

詔使治鄉兵乃詳設方略練勇為諸路倡仿明戚繼光編

束隊伍法創為湘勇營其制每營五百人擇官紳誠

樸者率之厚其資糧嚴以軍法日事訓練先討衡山

平定粵匪紀略

卷二

十

羣玉齋

土匪曹戴等繼捕瀏陽徵義堂土匪周國愚等皆平

之湘勇遂以勁旅稱俊傑之士相繼而起後皆以忠

節名於時

湖北按察使江忠源赴江南大營

忠源以解桂林圍有簑衣渡之捷擢知府以援長沙

功擢道員湖廣張總督奏署湖北按察使旋實授奉

旨飭赴江南營

逆黨由安徽鳳陽竄擾河南

勝學士自揚州帶兵躡賊後由滁州攻鳳陽賊不能

久踞遂竄河南

河南歸德府城陷賊犯開封省官兵擊走之

楊秀清遣劇賊偽丞相吉文元等由浦口竄擾亳州

一帶與陷鳳陽之林鳳祥合股乘間入河南境陷永

城五月初七日闖入歸德府城巡撫陸應穀親督各

將弁分道進勦聞逆黨將窺開封急檄藩臬司沈兆

樸林揚祖登陴固守賊已由睢州甯陵杞縣陳留逕

撲開封十三日抵城時將軍托明阿提督善祿已革

都統西凌阿督三鎮兵過睢州聞警倍道而馳十八

平定粵匪紀略

卷二

十一

羣玉齋

日抵汴梁省奮力攻擊署祥符縣知縣何懷珍亦募

勇出城助勦賊知不可犯由朱仙鎮退竄中牟縣我

兵會追二十五日又敗之於汜水縣逆眾奔黃河渡

口適西北風大不能開船燒燬逆船十三隻斬擒二

百餘名溺死無數

上深念逆氛未靖而河南為濱河要塞

命直隸山東西督撫合力防河總兵董占元自大名鎮往

總兵花里雅遜布自兗州鎮往會於河北事權一統

之於

欽差大臣直隸總督訥爾經額蒙古盟長察哈勒旅亦遐
邇雲集爲河南應援逆情始憚

揚州營攻城已登不果克

賊於東路天甯等門偷搭浮橋由地道奔突而出經
慧總督先期獲奸細訊出實情派臬司查文經學士
晉康等帶隊堵截知會北路琦大臣等督兵備之賊
甫出卽回爭橋墮水死者極衆東關城上諸賊復譙
擁而出亦經擊退並用火器燒其望樓多座五月二
十七日琦大臣飭肅州鎮總兵雙來用一萬六千劬

平定粵匪紀略

卷二

三

羣玉齋

大礮轟城礮爲查臬司辦江南善後時所鑄設圍山
關運赴大營是日開用擊坍城垣數處雙來見有機
可乘用木棍作浮橋過河支雲梯奮勇直上適東路
雷侍郎亦派鹽知事銜張翊國帶勇抵城分梯而上
兩頭殺賊勢已垂克先是逆酋因原城窄狹於馬路
旁支木鋪板爲樓寬約二三尺高與城齊賊中名爲
跑馬樓賊見官兵登城自將跑馬樓放火焚燒烈焰
薰騰我兵不能驟下雙來被槍子折二齒張翊國亦
身受多傷且兩路均無接應跳城撤隊經此懲創賊

守益密

瓜州紳士擊賊陣亡

賊分踞鎮江揚州以瓜州下虹橋爲往來要衝本處
紳士侍讀銜中書鍾淮團勇於虹橋殺賊頗衆五月
二十九日約會江口水師艇船會攻直抵瓜州正接
戰間忽轉西風艇船驟退致鍾淮與已革揚州營守
備方綱陣亡幸團勇扼守虹橋賊不敢進
逆黨犯江西南昌府官兵勝卻之

楊逆遣僞豫王胡以眺等犯安徽桐城破集賢關遂

平定粵匪紀略

卷二

三

羣玉齋

再陷安慶又遣僞丞相賴漢英石祥貞攻九江湖口
進圍南昌張巡撫蒞偕在籍辦理團防陳尙書孚恩
距守時湖北臬司江忠源銜
命赴金陵大營抵九江聞南昌圍星夜往援適張巡撫等
亦飛檄召之馳四日至賊望見楚軍旂幟驚曰江妖
來何速也賊以官爲妖故云忠源入城卽會同布置
有營兵謀縋城走者立斬以徇五月二十日分三路
出城直撲賊隊往復四次糧道鄧仁莖知府耆齡林
福祥督兵勇下城助戰擒賊甚多二十一日二十八

日再戰均捷人心以安

六月南昌逆匪用地雷轟城堵截獲勝

六月初二日江臬司統楚川江三省兵勇竝六品頂戴前臬司徐恩莊等練丁分三路進兵斃賊數百名遣浙江守備封九貴同時由章江門下城焚燒賊船浙江游擊常海督兵在城上開礮助之燒賊船多隻賊復用地雷於得勝門新築月城外轟塌城牆六丈餘蟻擁而上江臬司同弟忠濟率楚勇首先抵禦殲戮多名賊退即將關口修繕完固

平定粵匪紀略 卷二

古 羣玉齋

河南逆黨犯懷慶

逆黨自汜水敗退由鞏縣潛收煤艇渡黃河分擾鄭州滎陽六月初二日圍懷慶府訥大臣遣將軍托明阿提督善祿都統西凌河渡沁河由武陟一帶沿岸捕斃羣斃其坐龍錦褥服黃袍賊目二名賊勢少卻遂趨懷慶勝學士保先繞道馳護府城逕撲賊壘先東後西連戰皆捷

諸路大兵會勦懷慶賊

初渡河賊尙少官兵屢挫其鋒至是逆援陸續偷渡

黃河築木柵以阻我兵山東李巡撫德越境勦賊訥大臣勝學士托將軍善提督西都統副都統雙成各帶兵勇及黑龍江西安馬隊先後馳至前理藩院尙書恩華亦統兵前進分營東北路清化鎮等處奮力會勦節次斬獲不下數千名賊之初至也諸路兵未集城幾陷知府余炳燾知縣襄寶鏞會同都司穆特布百計堵禦破其地道數處堅守待援及大兵雲集賊嬰壘抗拒僅能自保不復敢攻城

平定粵匪紀略 卷二

古 羣玉齋

鎮江兵失利琦大臣敗賊於揚州三汊河

六月十三日賊自鎮江城出撲官軍營盤我兵接仗北固山下伏賊齊起竝於城垣開暗門出賊縱火天熱風猛七營同時被焚鄧紹良退守丹陽經管帶廣艇都司劉廷鎮同參將站住督帶潮勇馳援賊退入城十五十七等日賊擾丹徒鎮復爲劉廷鎮擊退向大臣派總兵和春督湖南廣東兵由馬陵進紮徒陽運河內之辛豐鎮劉廷鎮亦至賊始不敢南竄常州得安瓜州賊會浦口賊亦於十九日進攻三汊河大營我兵擊走之侍衛德興阿游擊黃志配都司毛三

元追至分水龍王廟焚賊艇而還

揚州造樓船攻城總兵雙來陣亡

揚州東路大營分紮茱萸灣等處距城十數里中隔運河不能近城東路總營務處直隸州許道身兩淮鹽運判杜文瀾與參將師長鑣密商用樓船以代雲梯派人探量揚城外運河水勢測其寬窄深淺於上游邵伯湖內取回空漕艘二隻鳩工改造在船尾豎板二丈餘層級而上擬乘潮駛至城下以船尾倚城墻如雲梯以船首抵東岸設板渡兵勇登兵船成

平定粵匪紀略

卷二

七

羣玉齋

稟知慧總督等知照琦大臣派兵攻西北面以分賊勢約定十八日寅刻進兵令參將馮景尼豫伏壽州勇於東岸奶奶廟船至即令長驅師長鑣等如期駕樓船驟進卯刻抵城船尾卻倚便意門女墻守賊駭散船首已設銃詎馮景尼之勇不至無一人登者賊見無後應放火焚船時琦大臣派總兵雙來攻北城右散中礮兵勇負之以退雙總兵昏迷中猶大呼登城殺賊次日因傷殞命慧總督等奏參馮景尼革職留營効力

各直省行堅壁清野法

各路統兵大臣頻以戰功入報而逆黨尙縱橫出沒分陷江南北郡邑未克剪除重城亦未有攻復者上洞知其弊疊降

綸音仿嘉慶間堅壁清野之法或築壘浚濠或練丁團勇守望相助協力同心一隅有驚附鄰畢至使賊進無所掠退所無歸不能乘便空軼自兵興訖盪平終以此爲策首

雷侍郎創議捐收釐金以濟軍餉

平定粵匪紀略

卷二

七

羣玉齋

揚州大營四集軍餉不支雷侍郎自成一軍尤無取資處因江都之仙女鎮各會館舊有抽收釐金章程遂於是月仿行以濟軍需坐賈則按月收捐爲板釐行商則設卡抽捐爲活釐按獲利之厚薄約取百中之二三商賈不致病累而軍餉以充後各省皆循行之軍興十餘年士馬得資飽騰釐捐之神不淺七月河北軍大破賊木柵懷慶解圍

賊立木柵爲城深溝堅壘抗拒幾及六旬我兵四面環攻血戰十餘次殲其精銳賊黨震懼有渙志我兵

縱反間離其心腹明示以逆順禍福於是拔身投誠者數百人訥大臣親督諸將會城下七月二十八日分五路攻賊壘毀其木柵電掣雷轟柵中棚房悉灰燼賊棄柵遁合力追勦擒斬三千餘人偽帥授首河北肅清

湖南軍馳援江西解吉安之圍分勦太和安福之賊悉平之

逆圍南昌竝分賊竄入腹地江臬司飛書湖南請援曾侍郎駱巡撫派湘勇二千楚勇一千配以鎮守兵

平定粵匪紀略

卷二

六

羣玉齋

八百馳援其監護行軍者則有候補道夏廷樾翰林院編修今廣東巡撫郭嵩燾湘鄉縣知縣朱孫詒湘鄉縣諸生羅澤南管帶之員則謝邦翰易良幹楊虎臣羅信南康景輝等而羅澤南復率其弟子鄉人自成一軍七月二十日抵南昌因進兵太銳易良幹楊虎臣等歿於軍適吉安土匪滋擾圍城甚急獲諜知與粵逆通江臬司急檄湘軍赴援竝調今直隸總督劉名長佑與江臬司季弟忠淑所募湘勇竝隸夏廷樾麾下至吉安一戰即解圍復分勦太和安福之賊

悉平之是為湘勇出境勦賊之始

八月河南懷慶逆竄山西陷平陽府

賊敗於懷慶時南阻黃河北隔太行山東避重兵惟西首黃河太行山之間有小道蛇行鼠伏直竄山西之垣曲縣河東道張錫蕃知縣晏宗望均被戕旋擾曲沃縣踞平陽府直抵洪洞縣事聞奉

旨逮問巡撫哈芬及失守城池各官勝學士保蹤賊先至諸帶兵官亦督師竝進收復平陽訥大臣請馳回正定為備禦計得

平定粵匪紀略

卷二

九

羣玉齋

旨令上

欽差大臣關防印

授勝保為

欽差大臣

賜神雀刀自副將下有不遵約束犯軍法者先斬以聞

逮前署兩江總督楊文定等治罪

逆初陷金陵時文定為江蘇巡撫自請守瓜州一帶

蔽入蘇道路旋奉

旨兼署兩江總督及鎮揚二城繼陷京口副都統文藝出

鎮城調兵而文定奏言督率水師乘風進剿斬獲纍纍又奏劾失城各將弁時逆鋒銳甚防務正殷督篆尙未之摘也至是文定文藝皆逮問治以遣戍

革直隸總督訥爾經額職旋逮問

勝大臣既追擊晉省賊賊由洪洞東竄恩尙書華督兵東路未遏賊鋒賊遂由屯留潞城黎城等縣竄入直隸境踞邯鄲縣北之臨洛關擾至深州

上責訥總督退駐廣平革職逮問

屢念畿輔重地尤宜速彰

平定粵匪紀略

卷二

手

羣玉齋

天討

命惠親王爲奉命大將軍科爾沁郡王僧格林沁爲參贊大臣總統四將軍督旂營察哈爾精兵會勝大臣進勦並於都城設巡防所

江西省城解圍

逆匪攻撲南昌九十餘日張巡撫陳尙書江臬司等獎勵兵民同心固守八月二十一二等日疊次出城勦殺逆匪紛紛登舟揚帆下竄省城圍解派都司戴文蘭繞出賊前沿途截擊江臬司與鶴麗鎮總兵音

德布追蹤前進

九月賊入湖北境官兵失利於田家鎮旋陷黃州漢陽二府

江臬司忠源自南昌赴九江至則城已陷適署湖廣總督張亮基聞九江賊上犯遣前武昌府同知勞光泰率礮船駛至田家鎮飭糧道徐豐玉漢黃德道張汝瀛會辦防堵編巨筏橫江載礮數十其上截賊舟賊已踞田家鎮之牛壁山江臬司由瑞昌與國趨至按行營壘嘆曰此天險也而軍情地勢兩失之謀以

平定粵匪紀略

卷二

手

羣玉齋

次日移營羊角山日晡會食忽報賊船上駛急馳赴水營賊居山開礮下擊防兵多逃卽令礮船迎敵勞光泰所募皆廣東潮勇不戰而潰且有從賊者江臬司率鶴麗鎮之兵搏戰賊來益眾突圍出徐豐玉張汝瀛荆門直隸州知州李棟候補知縣杜文浩等皆陣亡時九月十三日也賊盤踞入楚要隘水陸並進先陷黃州知府金雲門罵賊被害繼陷漢陽知府俞舜卿抱印投水死知縣劉鴻庚亦殉難賊分踞之河北軍克復深州

賊竄踞深州旁擾藥城一帶烽火不絕於道及聞大將軍出征逆情震懼九月十九日勝大臣遣將軍綿洵桂齡蘊秀等帶兵攻城之西北西南西凌阿善祿攻城之東南親統馬隊直擣東北逆眾出城抗拒殲斃七八百名餘匪遁回城中二十日全股由東南而竄收復州城

十月逆黨擾天津踞靜海縣

賊自懷慶潰圍出尙有二萬餘眾勿秀清又由金陵遣偽官朱錫琨許宗揚往援在道襄毅亦不下一萬

平定粵匪紀略

卷二

圭

羣玉齋

台黨由山西入直隸界當賊之困懷慶也諸邊勁旅未集賊黨有獻議撲天津者逆酋欲甘心懷慶以必破為期未赴津嗣大軍環攻賊巢乃迂道垣曲曲沃聲東擊西以牽制大軍及深州敗逃連乘關直走天津沽防已備長蘆鹽政文謙等督兵勦賊殲斃多名賊即敗退勝大臣於九月二十七日追至靜海縣沿途斬殺賊遁入縣城堅築土壘木柵分屯獨流楊柳青等處前後攻擊數十戰皆捷
賊由湖北漢陽竄德安兵勇擊卻之

平定粵匪紀略

卷二

圭

羣玉齋

漢陽陷後賊分股北竄一陷孝感一由應城犯德安府至長江埠時湖北學政禮部侍郎青麟按試德安聞警奏雷卸署襄陽縣知縣張開霽辦防勦開霽曾任安陸縣得民心號召紳民一日間得練丁二千餘人扼守要隘張總督調鄖陽鎮兵五百人亦由天門抵應城聲勢漸壯先是二品頂戴臬司唐樹義帶兵駐黃州總兵楊昌泗駐田家鎮賊至先後退黃陂至是合兵進紮楊店以過孝感之賊賊因三面防兵並至合股退至漢陽經署漢陽府同知伍惺督勇截擊賊全股退黃州
賊陷安徽桐城舒城犯廬州
初石逆達開在安慶分兵四掠擇本地助虐者為鄉官授以偽職令按畝收銀糧詭託安民實掙克自富及是秦逆曰綱至代達開達開尙外假寬恕而曰綱則惟事凶狡遂於十月十四日乘雨直撲集賢關進攻桐城文生張勳求援於前臬司張熙字答以未接警信旋退守大關致各壯勇腹背受敵同時潰散桐城失守二十九日復陷舒城總兵恒興退回廬州在

籍督辦團練呂侍郎賢基與隨營委員通判徐啓山
在舒城行館內殉節奏帶司官刑部主事朱麟祺接
仗陣亡旋經撫臣先後查報奉

旨張熙宇恆興正法呂侍郎等分別

賜卹後張熙宇畏罪自盡自舒城失後逆氛逕指廬州廬
州者安徽文武大吏所僑寓以爲省治也

十一月金陵逆遣江西敗退之賊援揚州又令安徽灣
沚之衆由蕪湖泊高瀆湖圍窺東壩兵勇擊勝之

是時向大臣駐金陵派兵圍鎮江琦大臣營揚州督
平定粵匪紀略 卷二 王齋

攻均急鎮揚二城之賊久困金陵首逆遣偽丞相賴

漢英等領江西敗回之衆奔奪江北三汊河糾合儀

徵賊黨同援揚城副都統薩炳阿率馬隊總兵瞿騰

龍都司毛三元率步隊衝其前副將松齡等由中路

水道截其後賊退踞儀徵困揚城如故而安徽甯國
所屬灣沚之賊退出大江由蕪湖進泊高瀆湖意圖
窺伺東壩以解鎮江之圍向大臣遣鄧提督紹良德
總兵安謹守東壩迎擊斬獲極多
天津大營失利蒙古副都統佟鑑知縣謝子澄陣亡

勝大臣屢戰克捷進逼津衛口十一月二十三日賊

匪傾巢來撲廂黃旂蒙古副都統佟鑑用礮橫擊見

賊大潰乘勝驟進拽取濠板足滑踣地被賊圍刺知

府用天津縣知縣謝子澄銳身護救同時陣亡

賊竄赴瓜州揚州軍收復府城帶兵官均獲譴

先是奉

詔以揚城圍賊窮蹙必殲除罄盡無俾旁突滋擾是月賴

漢英率賊黨復由三汊河進撲步步爲營死戰不退

東路參將馮景尼之勇先饋參將師長鏢鹽知事張

平定粵匪紀略 卷二 王齋

翊國等之勇亦駭散揚城賊衆於十一月二十六日

夜全股突出與賴漢英等同由東南竄赴瓜州琦大

臣據實奏參奉

旨將馮景尼於軍前正法師長鏢張翊國遣戍琦大臣竝

帶兵各大員均革職留營効力

會侍郎水師發衡州

侍郎督軍衡州念賊擾長江非水師莫能制其死命

遂建三省會勦議治戰艦於衡湘時承平日久人不

知兵水師尤翊舉相顧聘貽侍郎銳意規畫咨商兩

粵購備駁位廣西勞巡撫崇光選派知府褚汝航知縣夏鑾以梧州巡防兵勇護礮赴湘設衡州湘潭兩局製造礮船侍郎精思詣微尺寸皆有槩度所泊有拖罟快蟹長龍舳板諸船極水戰之妙咨留護礮之陽江碣石等鎮標兵隨同褚汝航所帶廣勇分配各船為之董率共募水勇四千人分前後左右中正副為十營每營配快蟹長龍船各四舳板倍之以褚汝航夏鑾領中營今陝甘總督楊岳斌原名載福今兵部侍郎彭玉麟及褚殿元等分領左右各營派湖南平定粵匪紀略 卷二 美 羣玉齋

撫標參將塔齊布與訓導羅澤南守備周鳳山楊名聲文生曾國葆等募領陸勇亦十營侍郎親自統率發衡州水陸夾江而下

十二月揚州軍收復儀徵縣

鎮江揚州瓜州儀徵四處賊互相應援急切不得破及揚州之賊退踞瓜州賊勢稍孤琦大臣責諸將戰益力十二月初十日攻復儀徵賊沿江遁生擒八人轟斃二百餘人焚賊艘十五毀賊壘十三座乘勝窮追直抵瓜州

安徽廬州府城陷巡撫江忠源死之

田家鎮之失也江臬司突圍至廣濟縣旋拜巡撫安徽之

命令楚皖一體當相其緩急為去留江巡撫以廬州事急上疏請行時逆燄已張田家鎮黨逆復陷英山等處遂由六安州急進所部鶴麗鎮兵留防六安至廬者僅開化鎮軍勇數百而已廬民間江巡撫至爭登陴捍衛者萬人楊逆遣偽豫王胡以晄率黨十餘萬圍廬巡撫巡城以水西門當賊衝自部親信勇駐之賊穴東城威武門為隧道募死士迎出有黃衣賊正據隧口下窺外委馮貴引刀削其面賊驚誤官兵自城上擲火彈擊之皆反奔賊復穴水西門城崩數丈巡撫手大旂緣陴上連斃賊城卒完疏陳守禦狀乞援師先是壽春鎮總兵玉山以滁州之東關戍卒援拱辰門戰死陝甘總督舒興阿率萬五千人駐岡子集屢戰皆北鶴麗鎮總兵音德布自六安馳援亦敗於棗林巡撫弟忠濟同知劉長佑自湖南募勇至營西平門外之五里墩遣卒挾白銀油燭夜半縋城入且

平定粵匪紀略 卷二 毛 羣玉齋

告援師已至都司戴文蘭亦自湖北以五十八人懷
鏹入城城外賊騎充斥援師中隔卒不得薄城賊圍
月餘十二月十六日夜再穴水西門城崩賊緣城直
上江巡撫揮兵相搏天且明霧蔽蔽如雨左右血刃
擁巡撫行巡撫手劍自刎不殊有健兒負之走嚙其
項脫身投古塘死同死者布政使劉裕鈔池州府知
府陳源竟己革藩司李本仁同知鄒漢勳胡子離副
將松安雲南鶴麗鎮都司戴文蘭雲南儘先都司馬
良勳縣丞艾延輝與福等

平定粵匪紀略

卷二

天

羣玉齋

平定粵匪紀略卷三

咸豐四年甲寅正月北軍攻克獨流賊巢

三年十一月我兵小挫勝大臣與僧王合兵建以圍
為攻之策屢獲成效所陷各城以次收復惟獨流窮
賊固壘抗拒奉

嚴旨飭催以期速清畿甸於是臨陣之將親冒矢石鼓勇
之卒不避死亡於四年正月初八日大破獨流賊巢
餘匪由靜海紛竄占踞東城陳官桃園社九等邨莊
僧王勝大臣督各軍追擊之

平定粵匪紀略

卷三

羣玉齋

湖北軍覆於黃州總督吳文鎔死之

湖北賊聚於黃州張署總督亮基調撫山東吳總督
文鎔抵任奉

旨出省督師於三年十二月赴黃州駐堵城距郡二十里
是年正月初十日諜知逆黨大張燈火飲酒觀劇不
設防吳總督以為有懈可擊親督兵勇進勒三戰斃
賊數百名連日大雪諸軍凍餒有死者逆黨繞道出
大營後林麓岡密設伏幾徧十五日全股悍賊自黃
城驟至連營火起兵勇大潰吳總督殉難二品頂戴

臬司唐樹義督率水勇礮船退赴金口收集潰卒
再舉而逆黨尾追陷漢陽直上沿江皆逆艇旂幟
次襲擊並沈賊船十餘隻因賊眾蟻集坐船為其擊
沈唐臬司落木身死有家丁王貴懷其邱竄伏鄰近
乞食設法出溺骸官為殯殮貴因傷重旋死

二月揚州軍追勦瓜州賊總兵瞿騰龍陣亡

總兵瞿騰龍帶兵由瓜州西岸進勦屢報克捷賊傾

巢出關初五日官兵兩岸魚貫進左翼德興阿右翼

鞠殿華縱兵衝突賊紛潰殲斃三百餘名騰龍下馬

平定粵匪紀略

卷三

二

羣玉齋

步行持刀殺賊數十名以深入遇害

逆匪分股陷安徽太平府前學政孫銘恩殉難

金陵逆遣偽將軍孫寅三等由太平後路竄祁門縣

復繞而南是月陷太平府學政孫銘恩已因請終養

獲咎未受代自經以殉賊遂踞為老巢結壘三十餘

座直達江干與金陵往來不絕

僧王克復三邨賊退入阜城縣

逆匪自束城等處竄踞阜城縣分占附近各邨莊二

月十五日僧王相度地勢派副都統郭什訥達洪阿

副將史榮椿侍衛達崇阿等分攻堆邨連邨林家場
三處用草束火藥燃燒房屋冒火撲入躍墻登屋愈
殺愈進統計斬殺偽指揮監軍總制師帥旅帥卒長
兩司馬等一百餘名逆眾三千餘名擒獲老賊三百
餘名斬首四百餘級燒斃及自盡者不計其數逆匪
潰敗入城

岳州復陷官兵擊賊湘陰

楊逆遣石祥貞會漢黃各賊舍武昌而溯江直上二

月初一日陷岳州分擾靖江橋口等處竄入湘陰城

平定粵匪紀略

卷三

三

羣玉齋

駱巡撫派升用同知直隸州王鑫統帶練勇並飛咨

曾侍郎派文生曾國葆候選同知趙煥聯武陵縣訓

導儲攻躬在彬東橋新康一帶殺賊數百名焚賊船

十餘隻儲攻躬聞賊分擾甯鄉商同趙煥聯馳往衝

殺進城賊始下竄其靖江橋口賊船亦迎擊獲勝

三月皖逆竄擾山東臨清州

河北賊勢已窮蹙惟屯紮各邨莊亡命固拒計剋期

可擒乃金陵逆首密令安徽逆眾由豐工偷渡黃河

竄擾山東金鄉縣知縣楊鄭白全家殉難賊復進撲

臨清州城欲分我軍勢冀抒卓城諸賊之困僧王派將軍善祿等分兵迎勦三月十二日勝大臣亦奉

命督兵至臨清數戰皆捷殺賊千三百餘得首二百餘級

生擒五十名三月十五日賊用地雷轟陷西南正西

城牆數十丈漲燄灼天賊蟻擁入城官兵因北門不

啓不得入遂致失守升用知府臨清州知州張積功

臨清協副將德慶署副將慶順參將吉興游擊阿克

陳阿王用安都司武殿魁希奎千總馬誥均陣亡賊

之初入東境也巡撫張亮基分遣將弁堵禦因奏報

平定粵匪紀略

卷三

四

羣玉齋

失實革職遣戍以崇恩爲山東巡撫至是與勝大臣

善提督祿均奉

旨革職戴罪自効

湖北德安諸郡縣陷於賊

自吳總督歿逆黨踞漢陽遣賊目溯江直上陷岳州

武漢上游援師以絕賊由襄河進陷德安府及隨州

棗陽縣署總督台將軍湧督師駐隨州武昌之門不

啓學使青侍郎麟自德安晉省與崇巡撫綸會籌防

堵崇巡撫聞訃丁憂青侍郎接巡撫任惟統標兵千

餘人固守而已湖北諸城殘破不可勝數施南鄖陽以山僻免害形勢之地惟荆襄存

河北軍克復臨清州城

逆匪陷臨清後堅伏不出我兵屢次轟擊三月二十

五日三面猛攻盡掃城外賊壘二十六日丑刻踴躍

登城立斃賊匪多名州城克復賊向南奔

四月勦臨清逸出餘逆殄除淨盡

逆衆自臨清竄冠縣鄆城均經痛勦復占踞曹縣起

築木城以圖拒守四月初九日勝大臣督兵連破賊

平定粵匪紀略

卷三

五

羣玉齋

巢勢窮出竄馬步豫伏邀擊追至漫口支河逼溺入

水偽丞相曾立昌許宗揚均淹斃偽副丞相陳世保

先於冠縣燒斃全股髮逆悉數殄除無漏網者東境

肅清

僧王攻克阜城縣賊竄連州

阜城逆衆自勝大臣分兵臨清後僧王屢次攻殺斃

賊已衆四月初九日夜全股南竄僧王督馬隊追勦

殄獲多名逆竄連州占踞連鎮我兵四路圍攻勝大

臣亦自曹縣移得勝之兵赴連鎮合勦

楚南水師大捷於湘潭焚賊舟殆盡

逆黨由長江上踞岳州溯流至銅官渚逼近長沙賊船屯泊靖港曾侍郎派勇至靖港接仗賊已由間道暗襲湘潭縣城徧擄商舶將沂湘江通兩粵長沙危在且夕曾侍郎飭水師揚載福彭玉麟等往援自四月初一日接仗起分隊開礮攻勦用火箭焚燒賊船彭玉麟等伏坐小船往來督戰三日之間燬賊船六七百隻斃賊千餘名賊退入城

塔參將克復湘潭縣

平定粵匪紀略

卷三

六

羣玉齋

湖南撫標參將塔齊布性果毅耐勞苦曾侍郎特薦之使與守備周鳳山督陸軍攻湘潭三月二十八日於槍礮如雨之中逼入賊營縱火焚燒殺賊五百餘名生擒二十餘名燒斃無數二十九日賊兩次出撲塔齊布等縱橫血戰立斬偽帥先鋒九名殺賊千餘名追至嶺下水邊逼溺無數四月初一日破其城外木城斃老賊數百人適水師大捷初三日賊竄回城訓導江忠淑設伏城隅開城接應塔齊布揮軍直入將城賊盡數搜殺立復縣城綜計水陸斃賊不下萬

人解散之眾亦以萬計餘匪遁西湖自克湘潭逆鋒大挫全楚軍氣始揚

荊州官軍擊敗逆黨於龍會橋

長江已為逆往來道荊州當四路之衝至省道梗一切軍務

特詔荊州將軍今

封一等伯爵

欽差大臣文華殿大學士湖廣總督官文統之隨州棗陽之賊於三月二十八日陷安陸府四月初六日陷荊

平定粵匪紀略

卷三

七

羣玉齋

門州窺荊州並句結監利時首二邑土匪是時滿綠諸營兵大半分防要隘守城僅二千人而駐紮巴東利川之四川松潘建昌二鎮漢屯官兵奉

勅調未至有雲南普洱營游擊王國才署龍陵營參將佟攀梅為湖廣吳總督檄調以道阻不得赴省行次荊州官將軍一見偉其略奏留差遣適賊至遣王國才等督帶官兵一千二百餘名配帶江陵練勇五百人為先驅分扼龍會橋了角驛等處四月十三日逆眾直撲龍會橋承平日久練勇皆閒散游民見賊色動

名奪獲大礮擡槍無數餘匪四散逃竄重鎮遂安

湖廣台總督勦捕應山逆眾荆州軍克復監利縣

荆州台將軍湧接吳總督任勦辦北路之賊疊次剪

除收復德安府雲夢縣逆眾竄併隨州復至應山縣

台總督督兵於縣北一帶分三隊進勦飭知縣聶光

鑿帶鄉勇分兩翼以防旁抄賊以四五千來撲擊

殺無數斬首八百餘級生擒二百餘名賊棄馬匹器

械四散奔逃復於楊家岡遇伏擒戮殆盡北路賊勢

少衰南路之賊竄踞監利縣官將軍派隊往攻斃賊

國才拔劍奮身曰今賊如濤湧不進何處求生活遂

督親兵數十人挺矛入賊隊斬其魁大呼後陣兵勇

曰退一步者斬佐領玉貴等奮勇直前斃賊甚多逆

眾先於橋北民房內設伏王國才派千總畢金科拋

擲火彈燒燬民房斃伏賊百餘名賊始敗退追至馬

隍山復經副都統貴陞率協領功額訥等從樂壤橋

板橋二處堵截佐領貴鳳等帶兵接應三路合隊槍

礮齊施殺賊千餘名追逐二十餘里十八日逆眾復

竄至浩子口又經佟攀梅等擊斃百餘名生擒十數

三千餘人於四月二十八日克復縣城

五月克復宜昌縣

附近荆州各屬皆為逆匪蹂躪官將軍派撥兵勇往

勦所至有功而荆州敗匪復聚竄上游四月二十二

日陷宜昌府官將軍派副都統貴陞協領依西布投

効廩生張于銘等帶兵勇一千餘人前往會宜昌鎮

總兵訥欽署知府吳開陽等連戰獲捷於五月初一

日收復府城賊又下竄十三日距荆郡數十里復派

王國才督帶兵勇進紮箬箕垸相機迎勦賊不敢下

由太平口竄往洞庭湖合股犯常德府

連鎮逆竄陷高唐州

逆匪自獨流阜城被創後窮蹙四竄裹脅雖眾一遇

官軍崩角投誠諸大臣許以不死且酌獎之賊翼從

益衰而長髮老賊自知惡稔罪盈無生還望死拒於

連鎮五月初二日分股南竄逆匪未知曹縣股匪已

殄滅尙圖勾結故竄入山東高唐州知州魏文翰罵

賊被戕勝大臣督兵追及逆匪不暇分踞邨莊全股

入城困守

荊州軍克復石首縣竝湖南華容縣

監利既克探報賊聚湖南華容縣攻撲石首縣城官將軍以石首界連荊州恐致延蔓卽飭投效鹽經歷吳振鏞軍功黃鵬程文生李光榮等帶監利得勝之兵授以機宜竝督率礮船於五月初二日駛往石首斃賊三百餘名溺斃無數克復石首縣追至華容攻入縣城斃賊多名收復縣城餘匪乘划船向洞庭湖遁去

楚軍勦賊獲勝

平定粵匪紀略

卷二

十

羣玉齋

漢口逆船四百餘隻五月初十日竄赴下游磯高砌築土城欲占要隘青巡撫麟派都司楊昌泗往勦副將書紳副都統魁玉等接應蹋毀土城焚賊舟一百餘隻奪獲二十餘隻斃賊千餘人磯窩肅清同日賊由漢口分撲塘角又由鸚鵡洲分撲鮎魚套均駛船渡江而來亦經總兵候風岐抵禦楊昌泗回兵掩殺擊沈三十餘船賊始退竄

皖軍攻廬州獲捷竝克復六安州

和提督春福漕督濟先後奉

命援廬州未至而城陷福漕督調撫安徽與和提督會兵

三年十二月駐店埠是年二月進駐三里岡明攻暗襲屢有斬擒五月十二日冒雨揮兵殺賊一千餘名十三日再戰梟其賊目城外賊壘以平其分踞六安州者經署知州茅念劬於十六日督帶民勇攻克賊尸徧野餘匪悉數殲除

湖南常德府失守知府景星死之

湘潭逆匪敗遁西湖五月十三日陷龍陽縣由滄港白沙市而進直至常德府提標兵潰致府城於十六

平定粵匪紀略

卷二

十一

羣玉齋

日失守知府景星殉難士民被焚掠極慘逆匪復竄至辰州府之辰龍關經兵勇勦退其靖港賊船聞湘潭賊敗亦喪膽下竄至是水陸各賊均踞岳州楚南軍追賊湖北崇陽通城界

水陸逆匪全數下竄有由醴陵小道逸出者結聯湖北通城之賊乘間南竄駱巡撫遣守備徐統緒知縣陳鑑源訓導江忠淑馳赴平江縣分投進勦望風披靡遂合諸帶勇員弁乘勝搜捕抵湖北崇通二邑界六月武昌城陷布政使岳興阿按察使曹懋堅糧道李

卿穀死之

自逆黨踞漢陽後武昌省垣危若累卵然賊志獨在長沙欲據上游為破竹勢故省垣尙保乃屢敗嗣乃渡江分擾五月有磯窩等處之捷賊未受大創旋復全力圍城時青巡撫麟所統止千餘人涼州高州二鎮兵屯城外名雖為援實僅能自守居民亦遷徙殆盡守陣卒不敷堆堞數青巡撫素得兵心饋糲數月以家蓄金玉珍物充犒資不足又取所善衣裘以代之援絕食盡親與士卒啗糠糲困守孤城眾不忍舍

平定粵匪紀略

卷三

三

羣玉齋

去六月初二日城陷藩司岳與阿臬司曹懋堅糧道李卿穀均殉難青巡撫將自縊眾擁之出欲赴荆襄無路可通乃與魁玉楊昌泗南走長沙繞赴荆郡棄城越境之罪無以自解奉

旨正法

荆州所調四川兵克復潛江縣並勦除龍灣等處餘匪四川松潘建昌二鎮漢屯官兵奉調赴荆六月初六日由了角驛行至近潛江之廖家橋遇賊接仗松潘總兵雙保督戰斃賊八百餘名生擒長髮賊偽軍帥

等七十四名潛江城賊出助截殺多名賊勢不支棄城逃竄克復潛江縣其龍灣等處餘匪亦經官將軍派撥員弁督同鄉練勦逐無遺

荆州軍克復沔陽州

武昌既陷上游震驚官將軍派撥兵勇自荆州下勦六月二十五日五品軍功卽選知縣林天直會同沔陽州知州蕭蔭恩殺賊多名克復州城又殺賊於段家場通海口林天直復會守備銜黃鵬程等勦捕洪湖仙桃鎮黑牛渡各賊巢亦屢獲勝仗

平定粵匪紀略

卷三

三

羣玉齋

楚南軍克復岳州

賊自湘潭受大創全股退踞岳州設壘毀橋意圖久抗六月二十八日湘勇水師營官道員褚汝航等率各營進勦知縣彭玉麟都司楊載福伏舟於君山雷公湖遣文生何南青以疑兵誘賊出戰伏兵盡起攔腰併擊賊始宵遁我兵七月初一日入岳州府城七月楚南水師先勝後挫陸軍復大捷陣斬偽丞相曾天養

七月初一日復岳州水師仍分泊南津港君山一帶

初三日逆匪由城陵磯悉銳來犯我軍分五隊迎敵彭玉麟由湖西抄尾擊斃偽丞相一名楊載福由湖東進親執長矛刺死偽丞相汪得勝褚汝航督大隊窮追將股匪全數殄滅獲船七十六隻斃賊千餘人生擒一百三十四名燒斃溺斃不可數計其陸路之賊亦經提督塔齊布擊盡初六十四日再戰於道林磯羅山彭玉麟裹創陷陣所至有功十五日曾侍郎偕山東登州鎮總兵陳輝龍廣西升用道李孟羣各駕師船抵岳十六日陳輝龍乘南風出隊迎擊於

平定粵匪紀略

卷三

五

羣玉齋

坐馬親兵黃明魁用矛刺翻桌其首賊眾潰走追殺八百餘名後克復武昌閱偽文知賊首為偽丞相曾天養賊中之最狡健者時湖南駱巡撫以水師得力新有損亡奏委同知銜知縣唐際盛等捐造戰船以資協勦

軍克復京山縣安陸府

武昌失陷時台總督湧尙在德安奉旨視職以楊總督需代之時京山土匪勾結髮逆竄陷安陸府官將軍派四川建昌鎮總兵福忻同知銜張于

平定粵匪紀略

卷三

五

羣玉齋

螺磯乘勝進追船身膠淺陷入重圍欲歸風逆收隊不及與游擊沙鎮邦均陣亡運使銜卽用道褚汝航運同銜同知夏鑾廣東千總何若澧等駛船往救亦同特受傷遇害是役也陣亡官兵弁勇數百人水師中前後三營失船三十餘隻賊思逞志上犯經左右水師營楊載福彭玉麟竭力扼守時陸路塔提督亦戰勝賊鋒稍挫乃重整舊旅以積運使所餘戰船奏派州同俞晨管帶改名清江營隨同攻勦十八日塔提督揮隊猛進直抵賊壘突有痛髯深目賊酋槍傷

銘督帶兵勇由荆門州馳往並經安襄鄖荆道羅遵殿派撥弁兵於五月二十日先將京山縣克復進攻安陸府楊總督飭都司劉富成等會同代辦知府方卓然夾擊並令守備石清吉帶兵密往潛伏東門外劉富成等督兵進勦城賊抗禦伏兵齊起逆眾驚惶逃竄七月十六日克復府城

荆州軍克復天門縣及沔陽州所屬之仙桃鎮並收復下游各縣

官將軍派四川署松潘鎮雙保攻天門縣七月十八

日至漁新河沈擊焚燬賊船八十餘隻二十二日抵縣攻擊適安襄鄖荆道羅遵殿派縣丞袁政代辦安陸府前天门縣知縣方卓然管帶練勇踵至兩路夾攻雙保親督兵勇殺入克復縣城生擒逆首孔昭文等正法餘匪下竄其竄踞仙桃鎮者經沔陽州知州蕭蔭恩竝官將軍派往之候選知縣林天直等合軍攻擊於是月十五日破其賊巢漢陽黃州二府所屬各縣亦經各守令會督兵勇鄉團齊心殺賊孝感之賊最悍知縣李殿華會同軍功李玉田擊勝二十六

平定粵匪紀略

卷三

去

羣玉齋

次始復縣城黃陂縣於二十三日麻城縣於二十六日一律收復賊均竄黃州

江南軍擊破高淳縣賊

初江蘇巡撫許乃釗接印駐金陵大營嗣上海另股土匪滋擾由大營抽兵督往勦辦旋因久未攻克削職仍留向大臣營効力吉爾杭阿接江蘇巡撫任駐上海勦賊金陵復分兵助之金陵首逆偵大營兵力稍薄密糾蕪湖逆黨乘船下駛潛圖東壩向大臣遣副將傅振邦三品頂戴福興等迎拒之水陸均捷於

二十五日克復高淳縣金陵逆又分股撲七橋堯等處大營為將軍蘇勒通阿參將張國棟蔡應龍等勦退數日間以少擊多三戰三捷

閏七月楚南軍水陸大捷逆眾潰回武昌

岳州再捷後陸賊駐高橋塔提督匹馬直赴賊營周視形勢閏七月初二日派知府羅澤南知縣李續賓等直撲高橋賊營賊奔城陵磯我兵追勦逆出隊二萬人拒敵塔提督策馬衝入湘勇繼之適大雨如注東南風大作乘風猛撲隔竹簽數丈濠溝兩重大呼

平定粵匪紀略

卷三

去

羣玉齋

躍入殺聲與風雨聲相應震動天地其前後蹋毀賊營十三座斃賊二千名陸軍既勝水賊喪膽曾侍郎飭升用道李孟羣率前左右三營水師奮力追勦羣逆驚竄時已昏黑暫泊捕鼓臺下黎明從荆河順流而下東岸之旋湖港芭蕉湖道林磯鴨欄磯西岸之觀音洲白螺磯陽林磯螺山夾洲一帶共闕平賊壘九座礮臺三座遂駐螺山自此由荆入川由岳入湘之門戶始固

楚軍會湘軍收復嘉魚蒲圻縣

涼州副都統魁玉高州鎮總兵楊昌泗隨青巡撫退至荊州奉

旨革職留荆差遣楊總督奏議三路進攻派魁玉等帶兵由襄河直下官將軍以監利之螺山地方賊船甚多北岸礮勇單弱飭令魁玉楊昌泗及揀發參將恒泰扎勒罕管帶鎮守兵一百九十餘名挑選川楚勇四千一百餘名由大江螺山進勦會同湖水陸各軍收復嘉魚蒲圻二縣下攻花園

江南軍克復太平府

平定粵匪紀略

卷三

六

羣玉齋

金陵逆分股嘯聚於太平府勢張甚鎮江逆亦久困思竄議遠為援應同犯大營向大臣訶知其約乃調副將傅振邦參將張國樑為一隊副將明安太游擊穆大本為一隊參將張騰蛟長桂為一隊將軍蘇布通阿福興提督余萬青劉開泰等為一隊分四路抵禦親督兵上方橋接應是月十四至十八日逆各路分撲我營余萬青劉開泰敗鎮江賊於北固山甘露寺斃賊四百餘名明安太穆大本張騰蛟等亦連破出巢窺伺之賊其由雨花臺洪武門出撲七橋甕者

蘇布通阿擊卻之穆大本回騎斜刺入賊隊斬其黃衣悍目張騰蛟長桂福興搜勦城廂匪賊斬首千餘級三面皆捷第一隊傅振邦張國樑直攻太平之壘張國樑首先衝入計殺賊四五百人會同太平府知府李三捷當塗縣知縣王乃晉乘勝抵城下蹋平賊壘焚賊艇八百賊眾填濼溺水者不計其數槍斃其偽國宗率得玲偽檢點陳贊元偽將軍李長有偽總制吳春和遂於七月十四日克復府城

揚州軍擊瓜州逆獲捷

平定粵匪紀略

卷三

九

羣玉齋

自克復揚州後鎮江瓜州二逆勾連負壘為犄角琦大臣以疾薨於軍奉旨以江南將軍托明阿為欽差大臣督辦揚州軍務未至二十八日逆黨糾合數千賊逆撲大營陳提督金綬遣副將鞠殿華侍衛穆克登額德興阿分途迎拒親督馬步左右夾攻當者立踏斃賊一千餘名生擒五十餘名奪獲刀矛槍礮各若干兼斬其黃衣賊目逆鋒大挫而我軍無一人陣亡者

皖軍克復英山縣旋復失陷

和提督福巡撫會兵攻廬州月有斬馘而城大賊悍
兵力不敷環合壽春鎮總兵全玉貴最驍健單騎直
抵城下受礮傷逾數月亡兵心懈懈時安徽徧地皆
賊乃會議以重兵屯東北面撥勁旅會督團練分巡
各郡邑英山縣於上年冬間被賊竄擾經六安州知
州李元善督勇進勦閏七月二十二日伐樹梯城而
入克復縣城英山處皖楚之衝逆眾時所往來旋復
失陷

平定粵匪紀略

卷二

辛

羣玉齋

楚南軍收復湖北通城縣

管帶湘勇知縣陳鑑源等由平江趨楚境駐營通城
六七月內逆疊出撲均經擊退我兵連次攻城逆勢
不支於閏七月初七日夜潛開城門由東北逃竄遂
復通城縣

金陵賊因乏糧驅婦女出城

自廣西永安以迄金陵賊中婦女各立一館以偽女
官管束雖夫婦母子不相通至是各路攻勦賊糧漸
盡乃於閏七月二十七日詭言令婦女割稻將無力

無色者盡驅出城聽其自散後於十二月內盡括年
十五以上五十以下之婦女指配給賊不從者殺之
有志婦女紛紛自盡死者萬計

八月荊州軍會楚南軍克復崇陽縣旋復失陷

楚南軍自克復岳州後屢戰月餘本可乘勝東下因
陸路有崇陽大股之賊水路有倒口襄河之梗遂定
議塔提督勦崇逆會侍郎率水師把總秦國祿州同
俞晨徧搜支湖小河屢有金口羊樓峒之勝八月初
一日破崇陽蒲圻交界之分水坳賊卡塔提督與羅

平定粵匪紀略

卷二

壬

羣玉齋

澤南等並官將軍所派補用知縣吳振鏞守備黃鵬
程等分路而入一由北路分水坳一由南路桂口初
四日會師崇陽城下從西北二門肉薄以登生擒偽
丞相金之亨等十一名立復縣城惟逆首廖二在逃
塔提督令吳振鏞黃鵬程暫駐崇陽會同署崇陽縣
知縣鈕芳津招撫流民搜捕餘匪詎廖二勾結餘黨
回撲縣城十一日復陷吳振鏞黃鵬程鈕芳津均巷
戰陣亡

楚軍收復黃州府屬各縣

湖北楊總督一軍勦滅安陸股匪後飭游擊趙鴻舉等分路赴下游截擊八月初三日收復斬水廣濟二縣其羅田縣城亦經知縣彭中芳等收復

會侍郎督水陸大戰同日克復武昌漢陽兩城並楚軍收復黃州府武昌縣

賊守城之法不守陣而守險其精悍者悉聚城外南岸金口入漢之路以花園為險外瀕大江內枕青林湖逆立大營三座安礮百餘尊累累如置碁向江者阻我水師向南者阻我陸軍北岸沌口下游蝦蟇磯

平定粵匪紀略 卷三一

三

賊營亦如之沿江賊檣林立逆首驍健者以五采飾其帆槳若雲錦八月二十一日大軍自螺山下勦先飭楊載福俞晟前察形勢賊即率船上犯楊載福等擬枕擊之賊旋敗退曾侍郎慮此關不破則各路均難措手因將水師分為前後兩班前班衝過鹽關至鸚鵡洲抄繞而上後班復排轟而下並懸重賞能得五采帆者錢十萬各軍奮力駛入頃刻獻采帆六賊勢不支官軍縱火燒之賊船二百餘隻焚燬立盡其攻花園之陸路分三路同進李續賓攻江邊之營羅

澤南攻湖邊之營教諭唐訓方及荊州帶勇官李光榮所領川勇千人攻中路之營諸勇或越高墻或穿礮眼而入官將軍所派之魁玉楊昌泗攻蝦蟇磯者亦恰衝進土城同時縱火與江中焚船之火煙燄相合天光殷赤凡沿江木柵悉用大礮轟除又攻破漢關及白沙洲各賊營李孟羣親率各營進攻武昌望山門外之鮎魚套口延燒火藥大船霹靂一震眾船皆飛賊尸有自半空落者是夜收隊稍息二十二日進攻一如上日之猛諸士卒無不以一當百血肉雨

平定粵匪紀略 卷三一

三

飛凡大戰兩日焚盡上下賊船武漢城外無一戰壘賊於四更後開門逃竄塔提督遇於油坊嶺勦殺無算李孟羣蕭捷三彭玉麟俞晟各分途由文昌漢陽望山等門而入漢陽一城亦經楊昌泗攻入兩城克復午未之間耳餘賊四散潰竄楊總督飭黃州府知府許廣藻等帶團追勦收復黃州府城對江之武昌縣亦經知縣白潤糾約紳團收復
四川按察使胡林翼調湖北按察使至楚辦賊
胡臬司林翼湖南益陽縣人起家翰林改官貴州知

府補黎平擢貴東道咸豐四年率黔勇勦賊四月自湖北通城援武昌六月升四川按察使仍留湖北軍營七月爲湖南駱巡撫兼章奏調赴岳州防守是月調湖北按察使至楚辦賊

九月皖軍收復廬江縣

皖軍克英山後逆踞廬州如故竝分黨四出抄掠廬江近邑被擾尤煩民皆憤激有團賊志相結爲團應官兵和提督福巡撫計先取廬江挫賊鋒適練首貢生吳廷香聞道至遂議定進勦兵民爭先殺賊文生姚克厚等內應一鼓而擒其僞監軍任大綱竝賊首十七名遂收復縣城

楚南陸軍克復興國州大冶縣水師大勝於蘄州

下游逆賊知官軍分路進勦從田家鎮糾黨六千餘人半由興國分抄大冶以拒武昌官軍半踞興國以拒金牛官軍羅澤南等馳抵興國境遇賊追殺十餘里遂克州城塔提督赴大冶怒馬衝陣立斬逆首於馬下由縣城北關追至南關斃賊千餘蘄州賊黨窺我水師距陸軍稍遠將圖撲犯楊載福彭玉麟會同

平定粵匪紀略

卷二

七

韋玉齋

乘其未至而擊之直抵蘄州酣戰逾時燒燬賊船九十餘隻以陸軍未至而還

十月揚州軍破賊於浦口賊壘悉平

賊於金陵對江九泖洲下之浦口排木爲柵聚石築壘火藥器械戰守繕備冀以老我師而延殘喘將軍托明阿誓必先平浦口賊庶江南北呼吸可通遂密約向大臣派員接應兩路夾擊初八日督飭總兵武慶李德麟等各帶兵勇由金湯門外五路齊進經過新塔浮橋直擣賊巢所向披靡金陵賊飛檄來援方分兵迎堵而艇船忽排列江上則向大臣之水師已飛斃破浪至矣合圍分勦殲斃無數賊捲土遁削平其壘

楚南軍蹙半壁山賊壘破之進拔田家鎮收復蘄州

田家鎮之東有半壁山孤峯峻峙俯瞰大江一夫守之百人聘咋楚軍由蘄黃東下寶慶勇先進少挫羅澤南奮率湘勇孫升拔其木椿竹籤踰溝而入塔提督李續賓繼進斬擒幾及五千尸橫徧野時水師因蘄州未下日事攻勦互有傷亡曾侍郎慮陸軍勢孤

平定粵匪紀略

卷二

七

韋玉齋

派楊載福彭玉麟秦國祿孫昌凱俞晟等水師衝蕪
州賊壘而下至田家鎮會陸師賊於半壁山置橫江
鐵鎖四道攔以木簾徧列槍礮楊載福等定議分水
師為四隊第一隊以洪爐大斧鎔鑿鐵鎖第二隊專
以礮攻護頭隊第三隊俟鐵鎖開後駛至下游乘風
縱火第四隊守營各勇依令竝舉楊載福孫昌凱等
鎔斬鐵鎖駛舟驟下縱火反燒煙焰蔽天礮無虛發
軍無停刃燔賊舟一萬有奇沈尸塞流遂拔田家鎮
賊遁九江追至武穴而還蕪州賊首陳玉成棄城竄

平定粵匪紀略

卷三

三

平定粵匪紀略

往廣濟陸路塔提督等由田家鎮渡江追之

十一月塔提督克復廣濟黃梅二縣

賊首陳玉成竄至廣濟聯合偽燕王秦曰綱偽丞相
羅大綱等分守各要隘塔提督渡江後由善提壩蓮
花橋節節進勒克復廣濟賊眾退踞黃梅黃梅為湖
北江西安徽三省總匯之區三賊首併力死拒以萬
餘賊守小池口抗水師以數萬賊踞城西之大河埔
以萬餘賊紮北城外又以數千賊游弋聯絡之塔提
督與羅澤南周鳳山等於十一月初一日自廣濟進

至雙城驛距大河埔十里賊乘立營未定率眾來撲
我軍奮登山岡衝殺而下追至大河埔立將賊壘踞
毀初四日破新橋之險直逼城根四面勦殺鮮得脫
者塔提督頭受石傷裹創猛攻賊從小南門化龍門
縮城而遁遂克黃梅

楚北賊略平

初武昌之陷江以北襄以南城邑皆賊巢荊州當七
省阨塞內襄而外江人心皇惑旦夕莫保官將軍持
勦撫策將弁所到誅其豪會寬其黨翼父老攜壺漿

平定粵匪紀略

卷三

三

平定粵匪紀略

以迎

王師賊亦受懲創遁又遣副都統以下分城謹門關詰察
姦宄令肅風清大將用前涼州副都統魁玉前高州
鎮總兵楊昌泗佐會侍郎克復武昌以功著客將重
任王國才佟攀梅部將首擢烏貞額塔那布發什尙
額至於掃蕩沙湖連藪收潛江河陽監利石首諸州
邑則委任帶勇官林天直吳振鏞黃鵬程李光榮皆
一時之良也故居中坐鎮四邊不震驚於逆烽至是
外侮盡驅內訌亦息遺民慶再生焉

臨淮軍勦擒匪黨定督攻粵逆奪復桐城二關

擒者捏也不逞之徒聚捏成隊肆劫掠俗謂之捻子各聚其處江南則淮徐海安徽則穎亳壽河南則南汝光山東則兗沂曹濟湖北則襄棗鍾隨以各省論皆屬邊界以大勢論則居天下之中譬之雞卵中黃獨堅故此數十府州縣之民類多慄悍承平之際僅與搶竊盜等耳兵興後粵逆聯爲一氣或令分擾以擊我兵或令前驅以助其勢何慮千百股與粵逆相始終初稱亂於淮河袁京堂甲三駐兵臨淮關勦之

平定粵匪紀略

卷三

天

羣玉齋

自成一軍殄戮極衆時各擒羸定粵匪由廬州分踞舒城並於桐城大小二關扼險爲守以阻我南路之師二關爲安慶通衢官兵收而復陷者屢是月袁京堂派參將劉玉豹四品頂戴舉人臧紆青等進勦初四日擊賊於茶葉嶺勝之在籍知府葉法助戰又勝於斛樹嶺白沙嶺自午至酉連奪兩關初五日又破賊於呂亭驛斬其目吳鳳珠等十二名進抵桐城城下十一日廬江賊糾合安慶之賊來援臧紆青與千總郭錦伏勇於天靈莊斃賊數百復抄至賊後兜戮

殆盡十四日潛山援賊至復擊斃五百餘名十七日再戰各逆前後圍裹臧紆青衆寡不敵力竭陣亡劉玉豹馳至始勦散

九江逆匪勾合田家鎮餘黨竄擾江西吳城

逆匪自楚軍攻破田家鎮後屯聚九江對岸之小池口竝有賊黨自安慶來援江西總兵居隆阿兵勇潰散十一月初五日大股竄入吳城經江西陳巡撫啓邁派都司吳錫光等水陸夾擊追至南康府城下前後斃賊二千餘人焚賊船三十餘隻餘匪逃往湖口

平定粵匪紀略

卷三

天

羣玉齋

十二月會侍郎督軍獲勝於九江湖口

逆匪自黃梅受創後糾合安慶新到之賊盤踞孔壠驛小池口與對岸九江逆相勾連李孟羣率水師會合各營七戰七捷潯江賊船焚盡塔提督羅澤南李續賓等由北岸督兵進至溜港遇賊衝殺賊尸山積塔提督率諸軍攻孔壠破其土城逼賊入泥淖中復縱火焚街市賊無一得脫生擒長髮老賊七十九名僞丞相總制等多名孔壠既破小池口之賊亦遁乃調陸路渡江攻九江府城水師各營乘勝進規湖口

巢縣

九江城賊襲我水師塔提督血戰獲勝

十二月二十五日九江城賊見水師戰船集北岸連營二十餘里聲威甚壯乃於是夜以巨舟自焚於南岸水營開礮轟擊南風微起礮煙迷江不辨上下賊用小划奪我戰艦率眾犯陸營塔提督血戰獲勝水師退上游遏守

湖廣總督楊需失利於廣濟逆黨復回竄漢口鎮直入襄河

平定粵匪紀略

卷二

三

羣玉齋

楚南水陸各軍已復蕪黃諸城邑直下湖口分兵攻九江城各路敗賊收合潰散竄至黃梅楊總督親率兵勇往翼一鼓而滅駐廣濟縣值歲除軍中置酒高會賊大至官兵方派隊出禦營中已火起楊總督親隨將官李士林力鬪突重圍保之出已斷後死李士林曾從賊投誠後受楊總督恩故得其捍衛乘別騎馳至漢口鎮派豫勇一千五百人守蔡店楚勇三千駐楊店自率各標兵勇六千餘趨德安防賊北竄賊旋於次年正月初七日至漢口遂進襄河十四日上

賊曾羅大綱趨救大戰於梅家洲水師屯八里江更番迭戰焚燬小河木簾敗船殆盡十二月初十日復攻燬沙洲賊壘浮橋簡舢板小船駛入鄱陽湖內兩岸賊眾突出焚我八里江水營李孟羣等率戰艦退紮九江

皖軍克復含山縣

福巡撫等久攻廬州不下欲斷其接濟而東南一路通巢湖運賊糧不絕計惟以偏師先取含山巢縣始能致其死命以地遠勢險難其人翰林院李編修鴻

平定粵匪紀略

卷二

三

羣玉齋

章合肥人有膽識嫻韜略先為呂侍郎賢基奏帶赴皖今

封一等伯爵江蘇巡撫署兩江總督時在廬州戎幕慷慨請行福巡撫壯之令帶衛千總莫青雲等練勇會佐領輯順帶吉林馬隊繞道赴含山十二月初九日督兵勇進攻二十四等日三戰三捷十五日攜帶攻具梯繩直至城下分門攻擊逆戶紛墮忽城內火藥震發延燒民房賊自驚亂兵勇攀登擁進合力兜勦先後斃賊二千餘人生擒十三人遂克縣城移兵攻

犯漢川復擾沔陽天門各邑

平定粵匪紀略

卷二

三

羣玉齋

平定粵匪紀略卷四

咸豐五年乙卯正月江蘇巡撫吉爾杭阿克復上海縣
自三年秋另股土匪踞上海縣與粵逆通縣屬洋商
總埠百貨盈仞為賦稅所出官兵攻勦累歲無功江
蘇巡撫吉爾杭阿督總兵虎嵩林參將富安守備向
奎等水陸進攻浙江道員石景芬等督兵勇會戰排
日攻擊四年十二月二十九日江甯府知府劉存厚
挖地穴成用城雷轟場城垣二十餘丈正月初一日
各兵奮勇登城生擒逆首謝安邦偽元帥陳芝等首

平定粵匪紀略

卷四

一

羣玉齋

逆劉麗川率死黨逃出虎嵩林等追至虹橋斬之上
海縣城遂復

楚軍水陸回援武漢

楊總督於廣濟敗退曾侍郎即派通判俞晟領守備
洪定升等水師戰船湖北臬司胡林翼領陸軍回援
武漢賊至漢口即渡襄河踞漢陽府城沿江設壘並
於漢陽下游南岸嘴高築礮臺以阻下游之師俞晟
等督師船至楚正月十一日開仗毀其南岸嘴礮臺
斃賊多名泊船省城下游之塘角胡臬司擢湖北藩

司率陸軍駐上游沌口等處李孟羣水師由九江先歸紮黃鵠磯會侍郎復派知府彭玉麟水師至紮望山門外鮎魚套戰船雲集屢出勦均獲勝

會侍郎馳援江西

九江礮船已先後派援武漢其隔於湖內之舢板各船聯絡成一軍為內湖水師時江西賊入腹地饒州告陷會侍郎乃親馳西省籌辦並調羅澤南陸軍自九江移師與內湖水師相依倚

僧郡王珍逆於連鎮河北肅清

平定粵匪紀略

卷四

二

羣玉齋

四年十一月官軍勦洗連鎮鎮舊濱河分東西二鎮西鎮已破盡焚其樓棚房柵餘賊悉斃水而東蟻聚東鎮死守巢穴是年正月十九日僧王遣西都統等分隊竭力驟攻破之生擒偽總制檢點將軍等逆魁林鳳祥先已薙去長髮圖潰圍遁傷重不得出匿身地洞汙泥中搜獲檻送京師凌遲處死賊之渡河為亂者僅高唐一隅僧郡王遂移得勝之師赴高唐會勦

荊州軍擊仙桃鎮岳家口踞逆同知林天直副都統貴

陞先後陣亡

入襄河之賊自川河以至天門各鄉裹脅出沒無常備極狡譎官將軍先遣升用同知林天直沿途勦捕賊所恃為老巢者二曰岳家口隸天門縣曰仙桃鎮隸沔陽州天直屢破賊有功正月二十一日至仙桃鎮殺賊正酣突有騎馬賊偏身插刃繪面挂髯猙獰若厲鬼乘間掩襲天直倉皇搏擊身受重傷猶將賊殺退收隊時血流如湧而死副都統貴陞亦殞於岳家口副都統之未出師也將軍知其性卞急臨別戒

平定粵匪紀略

卷四

三

羣玉齋

之曰天門潛江諸勦勇未集則無趣戰遂行二月初二日抵天門擊賊於漁泛洪大捷獲賊旗幟無數斬級百餘駐營南岸其北即岳家口次日凌晨欲渡河將弁以諸勇未集請暫留貴陞滅賊心急策馬先渡至岳家口殺賊一千有餘忽於街內突出賊數千名人馬奔騰我兵首尾不相顧致貴陞陣亡

二月僧王誘賊出巢收復高唐州

高唐餘匪日久稽誅勝大臣以遲延獲謹僧王自連鎮移師進勦正月二十九日夜密令南面守陣官兵

分開列隊停止更籌故作疏防狀逆果疑城外無防
兵全股南竄僧王伏兵於前與追兵合勦遂收復高
唐州整隊窮追狂奔至荏平縣屬馮官屯入邨踞守
三月初一日官兵一擁而前短兵相接立奪西面二
邨餘匪五百餘名蟻聚馮官屯東莊圍之

江南軍討高資賊平其壘

鎮江賊數出窺伺是月初九日分股竄高資夾江而
陳內築臺壘外擗簾筏思以牽制官軍已革提督余
萬清總兵虎嵩林屢勦屢勝賊往來死拒竝擾及句

平定粵匪紀略

卷四

四

韋玉齋

容十九日向大臣遣總兵德安四面合攻賊不能支
轟殲溺斃無數連日毀其土臺擊沈賊坐船七奪獲
小艇百餘賊遁入城

三月逆陷武昌巡撫陶恩培知府多山等死之副將王
國才援師入城旋退守城外署湖北巡撫胡林翼聚軍
上游圖進取

逆匪踞漢陽漢口爲犄角懼水師上下攻擊不敢渡
江武昌省城兵力雖單尙能自保陶巡撫恩培抵任
甫月餘率司道及武昌府知府多山嬰城固守胡布

政等水陸屢戰於小河口鸚鵡洲白沙洲逆鋒稍挫
詎逆衆遽由興國通山取道青山至塘角攻撲省城
胡布政李孟羣等正獲勝間瞥見省城火起鮎魚套
水營亦被焚亟馳援而城已陷陶巡撫多山及歸州
營游擊陶德壽等力戰陣亡是日副將王國才自九
江率隊來援三更時抵省不知城之已失也呼門而
入賊亦不知爲官兵直至蛇山之前兵與賊始相認
殺聲互起王國才因孤軍深入不敢戀戰退出紮營
城外胡布政於四更時結筏潛師渡江駐涓口收集

平定粵匪紀略

卷四

五

韋玉齋

潰卒時饑益支絀乃發運私家穀濟軍歸者日眾軍
始振旋奉

命署湖北巡撫遂調諸路軍會武漢以復城爲先而楊總
督慮賊北竄奏令巡撫上扼漢川胡巡撫上方略言
荆襄據東南形勝江漢又荆襄咽喉漢陽既陷北岸
已形梗塞武昌失守南岸又被蔓延惟急攻武漢一
城獲而兩城必復乃可內固荆襄而外遏上竄之路
疏入得

旨嘉納之

楚南軍克復江西弋陽縣收復興安攻克廣信府

饒州賊匪於三月初四日分股陷弋陽會侍郎派羅

澤南李續賓往勦三月二十日敗之於大水橋陳家

山乘勝追擊克復弋陽賊退踞興安縣二十三日馳

抵興安賊先逃竄入城安輯將赴廣信已於先一夕

失守羅澤南憤甚二十七日馳抵城西之烏石山賊

出城與我兵奪隘令伴為拒守而重兵繞趨城根血

戰斬其魁府城即日克復

浙軍攻克安徽之徽州府及歙縣休甯婺源各城

平定粵匪紀略 卷四 六 羣玉齋

徽州居環山之中地勢險阨賊未敢輕犯有土匪為

鄉導遂致失陷民受荼毒相約殺賊時浙兵出境防

勦浙江金華府知府石景芬副將魁齡密啓浙江何

巡撫桂清派兵會練進勦先攻東南北三門景芬督

衆長驅如破竹勢逆黨聞風開西門遁追殺十餘里

生擒賊目二十餘人土匪數十收復徽州府及歙縣

城乘勝追復休甯縣賊由黟縣竄婺源向大臣派已

革提督鄧紹良等會同石景芬並游擊周天受分門

攻擊鏖戰三時之久城中練勇內應賊匪潰亂奔出

擒斬五百餘名生擒偽將軍將使司馬八名落水溺

斃者無數遂克婺源賊又回竄休甯亦經鄧紹良周

天受石景芬等攻克由黟縣石埭一帶逃竄浙軍會

鄧提督追擊之

江南軍擊敗諸路賊於江浦

四年十月向大臣攻破雨花臺逼南門賊不敢由通

濟門出是年三月督辦揚州軍務托大臣偵知北固

山鎮江瓜州金山四路賊約期進犯遣已革總兵王

鵬年等伏兵南北岸之七里九洑等洲迎擊破之斷

平定粵匪紀略 卷四 七 羣玉齋

賊鎖船鍊二道獲其攜簞浦口水師亦隨至接應鏖

戰大捷焚賊船三百有奇諸路賊被創殲焉

荊州軍殲賊於岳家口仙桃鎮

自副都統貴陞陣亡省垣繼陷江襄郡邑賊蹤殆徧

官將軍分派佐領協領督兵勇迅勦岳家口仙桃鎮

二賊巢誅斬無遺又飭前涼州副都統魁玉同知銜

李光祿捕襄河南岸之賊上荆門下沔陽疊次有功

飛咨楊總督會勦賊之在襄河北者鍾祥京山防堵

亦嚴內則固保荆沙外則拒絕援賊

江西軍克復饒州府

饒州陷後分擾樂平德興弋陽等縣陳巡撫啓邁派都司吳錫光等率領水陸往勦三月二十八日圍攻饒州府賊出五隊來撲竭力擊散城賊由東門逃出水陸分東北兩路殲擒極多郡城立復

四月渡黃河逆眾悉俘獲於馮官屯北軍凱撤

高唐餘匪竄保馮官屯東莊僧王修築套隄引河水圍繞以困之四月十五日轟破賊壘生擒首逆李開芳竝偽職黃懿端謝金生等八名髮賊無一脫逃者

平定粵匪紀略

卷四

八

韋玉齋

李開芳檻送京師與授偽職各賊均凌遲處死北軍告蕞後於五月十五日行凱撤典禮大將軍參贊大臣恭繳印信關防京城巡防裁撤在事文武賞賚有差

西安將軍扎拉芬會勦隨州失利陣亡

是時楊總督由德安駐隨州

旨調西安將軍扎拉芬由陝西統兵至襄陽會勦行至隨州適湖北參將劉富成失利於長林港扎將軍督兵前進四月十三十五等日賊由平林寺等處直犯隨

州扎將軍迎擊於五里墩殺賊千餘人逆匪愈集愈多身受重傷猶復裹創督戰擊賊退旋因傷重溘逝楊總督退守棗陽

江南軍進埽三山賊壘

托大臣督飭水師沿江埽蕩疊破賊船賊壘金陵上之三山爲濱江要隘逆匪以重兵據之致水師不能上駛三月二十八日向大臣派總兵吳全美德安副將李德麟等駕廣東紅單等船迤邐上駛紅單者廣東商船由造船商人稟海關給紅單以備稽察因爲

平定粵匪紀略

卷四

九

韋玉齋

名前經江南調防海口爲水師之剽捷者吳全美等率之水陸會勦焚燬賊船二百餘隻奪獲拖罟多槳快蟹等船二十五隻大小礮八十餘尊生擒偽先鋒陳長順等六十一名四月十三日逆匪竄至江甯鎮被擊敗退十六日吳全美等揮船猛進搶上賊隄燒其水壘哨樓乘勢上山踴平營卡王鵬年等將賊箴焚盡三山江面一律肅清水師棹行始便

官將軍總督湖廣
扎將軍陣亡賊於四月二十九日棄隨州陷德安府

豫境戒嚴德安府河一帶警報時至奉

旨楊總督革職留營差遣四月二十七日

詔荊州官將軍為湖廣總督乃以將軍印交荊州副都統

載增署理飭署右翼副都統魁玉扼守襄河南北岸

防逆西竄越兼理藩司鹽道常恩由宜昌率新募豫

勇一千名駐潛江為德安應援部署定即赴襄陽受

督篆

五月楚軍連破撲營之賊進逼武昌駐紙坊建議先攻

漢陽

平定粵匪紀略

卷四

十

羣玉齋

胡巡撫之初署布政也即分營金口及在巡撫派知

府彭玉麟駐陸路堵賊南犯蔽湖湘而自率水陸兩

岸防禦逆謀襲金口斷官軍糧道屢戰斬其偽總制

丞相等逆復率大隊來撲整兵擊敗之乘勝直搗其

壘屯兵紙坊進逼省城小東門逆閉門固守潛自他

門出掠是月楊載福自湖南率水師來會聲勢漸壯

胡巡撫慮相持無益遂建議云武昌城周二十里門

有九合圍則兵數不足攻其一門則賊可輪環抗拒

而外擾糧道此自困之道不如先攻漢陽以重兵扼

漢口蔡店要隘則竄襄之路絕濟江隄以水師為腹

背攻之則漢陽孤而城可破疏入

上嘉納之後奏功悉如所議

楚南水師在江西內湖勦賊屢獲勝仗

水師前自田家鎮駛湖口簡舳板輕舟燔賊船進鄱

陽湖自大孤山以至都昌縣南康府當者輒靡會值

水勢益涸賊以戰船塞湖口鐵鎖環之進湖之師船

不得出遂與外江水師分而為二自四月二十一日

起至五月十三日曾侍郎先後派營官何啓長孫昌

平定粵匪紀略

卷四

十一

羣玉齋

國賀虎臣蕭捷三等殺賊於都昌城下及馬家堰土

塘青山姑塘等處凡六戰斃賊數百名燒賊船約四

百隻湖內肅清

浙軍出嶺勦賊克復安徽石埭縣

浙軍再克休甯出嶺追勦探知逃賊前隊踞石埭縣

後隊由祁門竄走提督鄧紹良等督兵逕趨石埭奮

勇登城殲賊二千餘人尸積衢市奪路逃出之賊追

至城外琉璃嶺圍殺淨盡其逃往祁門者亦勦逐出

嶺徽郡肅清

六月楚軍會攻德安城

楊總督前由襄陽走襄陽致隨州德安以次陷

特授察哈爾都統西凌阿為

欽差大臣已入楚境官將軍亦行抵襄陽受總督關防軍

威復振逆嬰城固守不敢出初賊由府河入襄所過

州邑悉殘破官總督遣知縣李保邦李光榮沿港岸

伏礮叢草處狙擊之轟碎賊艇殲斃無數襄圍協力

賊分途潰退六月初九日收復雲夢縣初十日收復

應城縣未復者惟德安一城而已固原提督孔廣順

平定粵匪紀略

卷四

主

韋玉齋

督參將劉富成四面環攻斷其出入總兵楊昌泗

布政使常恩奉官總督檄派員弁三路進一取皂市

一勦京山一駐沙洋為兩路聲援兼杜回竄逆之翼

從益少始不敢窺伺荆襄

江南軍敗賊蕪湖重收太平府

於是太平已三陷矣沿江上下數千里殘破略盡兵

來賊去兵去賊來居民亦習常視之至是向大臣飭

張國樑等以全力攻之始得克復

七月湖南提督塔齊布卒於軍

塔提督由侍衛揀發都司存升副將在湖南疊著戰

功超升提督素以智勇著名所向無堅敵先會水師

追潯江逆黨為所陷血戰以免南康青山間疊獲勝

仗以少制眾斬驍賊如摧枯振落是月備雲梯數百

乘撫簾竹盈布袋幾千具圖大舉七月十八日傳令

攻九江城未出師以力盡忽患心悸半日而卒

楚南陸軍大捷於義甯州復其城

曾侍郎聞義甯失陷孤羅澤南率全軍往勦七月初

八日破賊於梁口十二日抵碁盤嶺由嶺入州城有

平定粵匪紀略

卷四

主

韋玉齋

二道正道頗平易賊堵禦極嚴越乾坑度小南嶺

嶺為間道澤南取間道從前山中盤旋而入羊腸險

途兵有難色澤南奮身促行令營官今廣東巡撫蔣

益澧守乾坑率勇掩旂前進襲殺守壘嶺之賊疾據

山巔恐乾坑為賊所困勒兵回援而益澧已獲勝收

隊遂於十六日進薄州城不顧矢石登時克復斃賊

四五千名賊之抗拒正道者分兵擊之棄柵壘遁去

楚軍攻蔡店克之進拔漢口鎮逼漢陽城

賊踞襄河內之蔡店上通德安下達漢鎮互為援應

七月初九日胡巡撫督知府彭玉麟分投進剿大獲勝仗十二日克蔡店遂水陸併進十五至二十五日奮力攻勦用火龍快蟹等船將襄河口鐵索浮橋上下游賊船焚燬殆盡漢口鎮襄河兩岸賊巢全行闕毀竝將省城下游塘角賊船漢陽大別山賊巢一律焚破初德安賊每日出濬濠掘地引水通府河泛艇數百伏賊眾其內夜下行晝上竄眩耀鄉民曰此援兵來自武漢者及官兵收復雲夢應城逆大恐二城者府河出入要道也蔡店再克眾知無援德安之窮

平定粵匪紀略

卷四

五

羣玉齋

賊益蹙

江南軍克復蕪湖縣

蕪湖自咸豐三年冬復陷幾二載江皖往來道梗逆以為上下關鍵水則聯艦陸則砌壘官軍屢勝威不能拔是月向大臣遣總兵吳全美德安明安太前提督鄧紹良等分道齊攻屢戰旬餘斬賊近萬遂復

縣城

楚軍收復漢川縣

胡巡撫既破蔡店督軍攻武漢而漢川為蔡店後路

賊游行衝突無已德安踞逆亦資以通聲息官總督慮巡撫之軍腹背受敵遣副都統魁玉署布政使常恩迅圖漢川時帶勇知縣李光榮李保邦分督礮船正克分水菁賊巢飭令乘勝下勦遂於十四日會同克復漢川縣武漢首尾聯絡聲勢益張

楚南水陸各軍進攻江西湖口城克之收復都昌縣逆踞湖口縣內湖水師相持數月未遽攻蓋地勢極形勝而逆壘環抱星羅非東岸有陸兵不能得手是月十一日同知李元度知縣李錕劉希洛帶平江勇

平定粵匪紀略

卷四

五

羣玉齋

由南康渡湖十五日至文橋併力破之賊趨蘇官渡又破之陸路之險隘已得乃會水師焚燒賊艇五路夾擊賊於西門外陷坑內伏大礮因躍坑而過力破守門悍賊遂克縣城其都昌縣城亦於十六日收復於是湖口一帶無艘惟下鍾山賊壘未克而已八月楚軍金口大營失利

胡巡撫攻克漢鎮其金口大營惟按察使李孟羣居守詎宗通大股驟至勾連武昌城逆分道撲犯李孟羣力戰四日眾寡不敵陸營失守水師勢孤胡巡撫

亦敗於麥山退保大軍山旋移營新堤賊勢復熾分
竄漢陽各鄉及侏儒山竝繞道襲陷漢川縣

九月官總督赴德安督勦

西大臣與幫辦軍務荊州綿將軍洵等久攻德安未
克兵勇屢次潰散奉

旨革職提督孔廣順逮問九月二十五日
授官總督爲

欽差大臣馳赴德安接受關防督辦湖北軍務官大臣時

因武漢緊急由中路馳援在京山途次接

平定粵匪紀略

卷四

去

韋玉齋

旨卽馳往德安督勦

浙江甯紹台道羅澤南赴援武漢克復通城崇陽二縣

羅澤南克復江西義甯州奉官大臣胡巡撫檄調馳

援武漢九月初五日至通城賊移崇陽桂口之衆七

八千人屯於西門外築大木城拒我初六日破其木

城縱火焚壘賊奔西門我軍尾追守城賊以磚石下

擊兵勇冒死奪門而入斬賊三千餘人遂克縣城賊

竄崇陽約通山之賊入城助守澤南選擇精兵分作

數十隊設伏輪攻城中大亂遽開北門逃出兵勇截

殺千餘人又將崇陽收復

賊擾應城沔陽爲荊州軍擊敗之

漢川之賊分股竄擾應城縣之長江埠侏儒山之賊

竄至沔陽州之周家幫官大臣先派副都統魁玉都

司文瑞等由中路進兵兼爲荊州屏蔽魁玉等分馳

堵勦設伏誘戰斃賊五六百人逼溺湖中者無數餘

匪由原路遁回

十月皖軍克復廬州府

廬州爲安徽省垣僑泊被陷已及二年和提督福巡

平定粵匪紀略

卷四

七

韋玉齋

撫駐軍城外之三里岡大小數百戰屢勝不拔自本

年入春以後賊援無日不至皆大受懲創而去我軍

仍晝夜嚴攻十月初一日和提督福巡撫親自督陣

總兵鄭魁士與守備馬昇平等潛至城根豎立雲梯

都司熊天喜首先登城都司于昌麟亦由東門繼登

副將嵩瑞等由東門殺進火箭拋入賊火藥局硝磺

轟發賊首偽軍帥均被焚燒羣賊奪路狂奔適城中

內應紳民王子顧亦在各門放火接應光可燭天呼

殺聲震山谷逆衆自相踐蹋流血成渠逸出之賊和

提督帶馬隊馳至德勝門外全數截殺是日計斃賊五千餘人割賊首二千餘級生擒偽官十七名長髮賊三百七名遂克府城

楚軍克復德安府城

逆黨踞德安眾不過數千恃武漢為下游與主襄府二河羣匪蟻集官兵勝東挫西疲於奔走以是負隅延息及官大臣督兵前往前大臣西凌阿等愧憤猛力攻擊賊不能支先是脅從偽總制陸長年偽監軍馬超羣不甘從逆欲為內應而所部長髮眼目多恐

平定粵匪紀略

卷四

六

韋玉齋

不成蒞醴乃藉端戮老賊數人屢放難民出遣親信潛赴大營告機密官大臣稔其誠購安陸人鄭蘭芳蔡業廣偽為從賊者混賊隊入城定計豫其謀者惟麾下副將顏朝斌一人自前大臣以下秘弗令知是月初四日大雨暴風我軍冒雨圍攻陸長年馬超羣在內放火開門接應游擊馬天貴等首先奪門而入賊眾爭逃我兵合力截殺殲斃無算入城安撫

楚軍克復漢川縣逆黨略平

逆之竄蹤靡定牽掣我軍者三路自隨棗至襄陽為

北路武昌上下為南路漢川中路尾潛沔首德安為尤要屢收屢陷官大臣既取德安派西都統帶重兵鎮之兼堵北路綿將軍督馬隊由天門馳赴仙桃鎮提督孔廣順統鄖陽鎮竹山協官兵發長江埠抄新溝兜擊魁玉錫齡阿李保邦蕭蔭恩等先後分四道進兵齊集漢川十四日賊眾潰散克復縣城中路肅清遂萃兵東下與胡巡撫合謀武昌漢陽二城楚軍克復蒲圻咸甯二縣

平定粵匪紀略

卷四

七

韋玉齋

石達開合悍賊二萬餘人自蒲圻分途來撲澤南派李續賓等迎擊之斃賊二千餘人十月十九日督兵進攻千總楊再佑等首先登城燒殺五千餘人蹋破賊營九座克復蒲圻縣逆復糾興國大冶之賊嘯聚咸甯縣十一月十一日黎明澤南等乘霧進兵鼓勇登城縣城遂克餘匪遁歸武昌省羅軍與胡巡撫會十一月楚軍水師破賊於金口沙口

武漢之賊聞官軍陸路大捷分賊由水路上竄金口楊提督水師自六溪口拔營派都司鮑超等由南岸

而下游擊李成謀由北岸繼發齊抵金口官大臣遣副將王國才由沌口出新灘協同水師營官鮑超王明山李濟清陳金龍萬化林等分五隊圍勦賊礮子雨落鮑超等欲乘其憊令快蟹船迴環周繞百計疑之賊礮赤藥罄乃奮迅奔撲彈毬飛滾賊不能支泗水潰遁獲賊船無算焚燬亦多遂紮水師於大軍山是日陸師副都統都與阿亦敗賊於下游沙口焚其新築板屋上下游火光相望浮尸蔽江官大臣乃與胡巡撫商定令提督楊載福駐水師於金口分二隊

平定粵匪紀略

卷四

三

韋玉齋

一扼上游一截下隘以慎江防將軍綿洵等領馬隊分駐蔡店等處杜北竄羅澤南偏師道嘉魚會胡巡撫攻武昌官大臣督李孟羣攻漢陽仍互為應援以期必克

金陵逆匪大股出竄向大臣督兵殲除之金陵首逆因瓜鎮屢被懲創意圖往援十一月十六日龍脖子等處出賊窺伺向大臣派總兵張國棟等由仙鶴門甘家巷一帶進攻逆以二三千人來撲張總兵從後路兜至縱橫抄擊斃賊無數黑龍江馬隊

四圍包抄斬賊一千數百人生擒二百餘人維時有另股由東陽竄至棲霞街焚掠張總兵繞至牌頭庵與總兵德安副都統順庭游擊李鴻勳協領武精阿等橫衝直擊斃坐轎賊首一名偽丞相周少魁等四十名追至石埠橋江邊十九日復會總兵秦如虎敗之於觀音門又斃賊二千餘人餘賊逃歸城中不敢復出

六合防軍攻破九洲賊壘

金陵逆於對江之九洲築石壘浚深濠悉銳守之平定粵匪紀略 卷四 三 韋玉齋 為金陵援蔽賊竄江北每藉為進步屢攻未克是月升用知府留署六合縣溫紹原派都司秦懷揚千總王家幹攻之乘大霧銜枚疾進越濠數重緣壘而入賊覺死守竝分賊抄裹秦懷揚見事急欲自裁王家幹力止之取賊礮置膝上實藥轟之羣賊駭潰隨克其壘後因孤懸外江未能堅守復為賊踞至同治二年五月始克

揚州軍於瓜州外築長圍成

揚州官兵與瓜州踞逆相持已二年餘自托將軍接

任後轉戰無虛月而瓜州與鎮江一水相望兩城道
眾往來無阻竝時有合竄揚州圍北犯意托將軍遣
諭士民捐築長圍於瓜州之北以扼之是月成羣逆
水陸分撲我軍大勝奪其艍船生擒偽參護鄭金桂
等十名

鎮江軍轟塌郡城

江蘇吉巡撫既克上海移兵駐鎮江前提督余萬青
副之萬青先為湖南提督守道州賊至委去論劾赴
大營自贖向大臣委令帶兵萬餘贊吉巡撫軍時吉

平定粵匪紀略

卷四

三

韋玉齋

巡撫軍祇七八千人而余軍少紀律不得用總兵虎
嵩林副將周兆熊參將吳世斌李若珠知府劉存厚
皆上海得勝從吉巡撫來者顧弁兵尙少乃馳檄調
募又得武弁慶文師長鏢張汝琳陳一銘文員知縣
松壽鹽知事張翊國各率兵勇隸麾下與余提督分
營而立余營城東京峴山吉巡撫營小九華山復於
黃鶴山及京畿嶺築城置礮以逼賊是月為地道轟
去城垣十丈餘城中賊死拒官兵不得入反乘間犯
我東戰營亦連戰卻之

江西收復各城池

湖北崇通餘匪竄入江西疊陷安福分宜萬載新昌
等縣周藩司玉衡會同贛州鎮總兵阿隆阿護吉安
營參將柏英等管帶練勇先後夾擊援應將各縣城
即時收復

十二月楚南軍大捷於樟樹鎮收復新淦縣

崇通餘匪勾結湖南茶陵州股匪於十一月初犯瑞
州候補知府劉希洛李銀督禦陣亡府城於十一日
失守又分股由新昌闖入臨江府城逆燄已逼南昌

平定粵匪紀略

卷四

三

韋玉齋

曾侍郎飛調副將周鳳山統九江全軍往援鳳山取
道臨江十二月初三日遇賊於樟樹鎮鳳山謂其部
曰賊稱勁悍者惟藤牌手我軍鉤連槍足制之努力
前進毋退後遂選鉤連槍數隊先攻其藤牌隊賊果
敗斬驍銳五六百人蹋平西南賊壘五座其東北岸
一壘兼築礮臺以拒水師者鳳山約江西水師營官
劉于瀆會攻劉于瀆令軍功李廷棟首先登岸以火
彈焚其壘眾勇齊入捨其礮臺焚燬賊船殲賊一千
餘名新淦賊聞風他竄遂於初十日進復其城新淦

通撫州亦省垣要衝

楚軍分攻武昌漢陽水陸獲勝

十二月初一日官大臣親赴三眼橋督隊李孟羣率各營直撲漢陽西門立毀賊卡龜山尾月湖隄等大股悍賊抗拒奮勇擊殺數百名賊勢潰退遁入襄河死者極多水師礮船攻至五顯廟破水卡二座燬奪賊船二十餘隻漢陽東西門外賊壘一律蹋平其武昌之賊胡巡撫與羅澤南分紮李家橋洪山盡破賊壘晝夜環攻不令少息武漢各營兵勇皆有臨戰不

平定粵匪紀略

卷四

五

羣玉齋

懷生之慨爲前所未有者

江南軍擊走安慶蕪湖諸賊

蕪湖下至揚州沿江汊河套港皆賊逋藪向大臣遣水師副將李德麟總兵吳全美節次捕勦去來無定是月偵無爲州城賊糾合安慶蕪湖羣醜東下圖解鎮江圍乃檄調水師派江會攻敗賊於神塘河又裕溪口援賊由范羅山連亘陶陽浦同日亦爲官軍所殲生擒僞檢點趙元發僞將軍王化興等數十名楚軍擊敗援賊於梁子湖金牛鎮

武昌城外賊壘如林胡巡撫督飭羅澤南李道續賓分路攻焚賊寨悉盡漢陽城外自龜山沿河而下賊艇彙聚水師焚燬之上游入江之梁子湖下游之金牛鎮羣賊赴援水陸各軍督紳民團勇數千人分勦掃其巢穴擒獲匪黨數十名奪馬牛無算武漢外患至此盡除

平定粵匪紀略

卷四

五

羣玉齋

平定粵匪紀略卷五

咸豐六年丙辰正月江南軍敗竄賊於倉頭

瓜州逆屢出衝突金陵逆遣大隊援之托大臣檄副都統德興阿都司趙樹棠屢敗賊於土橋虹橋尹家橋瓜州逆不敢復出金陵援賊亦受創去初金陵逆糾合上游來賊以數萬計由陸路嘯聚於倉頭鎮聲勢頗壯余提督萬青虎總兵嵩林等分途抄殺賊鋒不可止遏總兵張國樑奮銳摧其中堅截賊不能首尾顧各軍乘之俘斬數千賊始潰遁

平定粵匪紀略 卷五

皖軍克復舒城縣

廬州復後和提督會商福巡撫以南路舒城東路巢縣皆賊久踞為慮郡腹背患宜分兵攻之一軍由柘臯進攻巢縣一軍攻舒城和提督與總兵郝光甲珠克登等赴舒城分門攻擊已革總兵晉德布首先由東門登城各軍掩殺斃賊三千餘名縣城立復是日總兵鄭魁士分擊三河踞逆亦獲勝

二月楚南援師克復江西萍鄉縣

時江西賊勢猖獗瑞臨未復吉安府復於正月二十

五日被陷湖南邊界均戒嚴今直隸劉總督長佑從軍江楚屢以戰功擢候選道時在江西統兵勇回湘援勦由醴陵進攻萍鄉二月十一日有黃衣賊目自葡萄口出撲我軍圍之數重賊目入民舍自焚死諸賊乘夜鼠竄遂復縣城

楚南軍擊破吳城賊復建昌縣

賊踞吳城復陷建昌縣會侍郎以水師之在吳城者無陸軍依助恐致挫失遣都司黃虎臣率三營步兵馳赴吳城相機進勦二月二十二日賊出數千人逼

平定粵匪紀略 卷五

沙洲河而陳水師哨官許志清突陣被刺獲救免虎

臣乃分軍二隊一繞其後一背水出其前鼓勇夾擊我軍始振水師亦轟礮助勢遂大破賊眾追至建昌縣賊開門遁收復其城

三月瓜州鎮江逆合攻揚州城陷之旋為官軍收復

咸豐三年逆陷鎮江時有捐職都司劉廷鏜販商也帶湘勇從上海來勇而足智敗賊於鎮江之南門遁城為壘是年六月援鄧提督紹良於丹陽復至鎮城扼守逆不敢南向者二年廷鏜戰死賊乃猖獗附鎮

城江中水營二一總兵周士法部浙艇泊焦山一總兵陳國泰部粵艇泊金山而瓜州逆結連鎮城逆往來金焦間嬰如也二月杪鎮江逆渡江糾合瓜州逆突然內犯金陵逆又撥大股助之三月初一日復陷揚州知府世焜參將祥林力戰捐軀托大臣兵潰退保北路副都統德興阿帶馬隊衝突遏賊進竄賊乘間撲東路萬福橋意圖擾及裏下河經總辦糧臺江甯布政使文煜帶勇擊退

詔革托大臣及幫辦提督陳金綬前侍郎雷以誠職加德平定粵匪紀略

卷五

三

章玉齋

與阿都統銜為

欽差大臣以在營之... 府少詹事翁同書幫辦軍務德大臣親督總管西昌阿等耀兵於揚城西北隅破薛家樓撲營悍賊直擣中堅轉戰皆捷賊遂披靡潰遁十三日收復揚州

布政使銜浙江甯紹台道羅澤南力攻武昌城死之澤南湖南湘鄉縣諸生講學宗法程朱體用兼備咸豐二年賊犯長沙即倡率生徒為團練忠義至性感動鄉里遂率其鄉人轉戰三楚江西大小二百餘戰

克城二十所向悉身先士卒由訓導超擢浙江甯紹台道加布政使銜至是力攻武昌紮營實陽門外之洪山三月初二日乘勝追勦直抵城下左額中槍子入腦至初八日因傷殞命事聞

上深加憫惻照巡撫例優卹之胡巡撫派澤南弟子記名道安慶府知府李續賓統其眾逆匪陷江浦縣踞浦口攻六合官兵擊卻之旋復浦口江浦

楊城賊入江浦縣分股由寶鳳莊等處抄至浦口

卷五

四

章玉齋

總兵武慶退保六合縣賊復隨攻之德大臣派總兵穆克登額督帶馬隊馳往向大臣派總兵張國樑帶兵渡江來援駐六合之龍池逆黨由毛許墩焚掠而至張國樑俟賊近揮兵衝擊斬其目餘黨即潰追至水家灣適畱署六合縣事知府溫紹原督兵至合力攻勦斃賊一千餘名賊竄浦口張國樑會穆克登額武慶等追擊又敗賊於葛塘集隨於十八日克浦口二十三日復江浦縣

安徽甯國府失陷皖南逆氛復熾

逆匪經皖浙防軍追勦復由太平涇縣犯甯國府三月二十八日陷之逆氛復熾向大臣派兵馳往勦辦四月楚軍督黃州練勇擊援賊於新洲敗之

江西省城頻告警會侍郎撥兵赴援其駐潯水陸各軍僅得自衛九江逆上突麻城縣至新洲修營築壘搜掠民糧為率掣武漢計眾約三萬官大臣檄黑龍江營總多隆阿吉林參領額爾庫等率馬隊會同黃州府知府許廣藻督集鄉團助勦行至柳子港西岸賊於東岸列陣以迎馬隊從淺水渡將弁有傷者裹

平定粵匪紀略

卷五

五

羣玉齋

創牆進賊不能禦紛紛潰退軍功吳之傑偵賊欲歸三店巢謂所屬勇曰楊汭河者三店必由之渡大軍馬隊破其前我當以民勇勝其後乃伏勇叢葦處賊果至泗水乘其不備槍礮齊施無虛發生擒偽檢點指揮將軍各一人長髮賊八十餘人進勦三店馬隊隨至圍斬無算毀其營壘未及新洲三十里賊棄寨遁追敗之於團風鎮鷲公頸焚賊屯聚一空竝獲木簞二裝載而還

楚南軍克復江西東鄉進賢二縣會圍撫州水師復豐

城縣

逆復踞樟樹鎮撫州被陷曾侍郎派兵分路往勦同知李元度率留饒之軍取道東鄉會知縣吳朗帶團勇於三月二十日克復縣城知府鄧輔綸同知林源恩副將周鳳山自進賢進三月十二日克復進賢縣會於東鄉二十七日乘霧攻撫州破其對河賊壘五座四月初二日李元度督勇挽搭浮橋賊以大股來撲兩軍相持間李元度念搭橋劇難不若乘隙飛渡因令左營新中營用小划先濟各哨濟之半解衣晷水

平定粵匪紀略

卷五

六

羣玉齋

閱兩時畢渡連日猛攻屢敗踞逆及建昌來援之賊以城堅賊眾未能遽復記名道劉于瀆帶水師二營防上游瑞臨之賊因豐城被賊占踞四月初十日督船往攻豐城一線單隄賊得隱避船礮不能及乃於二十日初更三門放礮攻擊督帶哨勇登岸各持火具燒其南門外賊壘賊疑陸軍已至向樟樹鎮逃竄遂復縣城

江蘇巡撫吉爾杭阿擊金陵援賊於高資力戰死之吉巡撫至鎮江受幫辦軍務任慨然謂攻堅不如斷

糧野戰不如扼要高資者賊運糧要道也飭候補道
江甯府知府劉存厚結三營於高資煙墩山以扼之
金陵逆大恐出賊眾數萬由句容會鎮逆盡銳犯高
資存厚被圍知縣松壽隨知事張翊國均戰死諸將
各固壘圖保守巡撫所統不及萬人或說巡撫曰賊
護糧而來生死所關其鋒不可敵姑撤此營鎮江賊
喜於得命必不我迫巡撫憮然曰我以一部郎不數
年位開府仗節麾受

國恩厚矣今一戰而捷賊糧必斷逆穴可平上解

平定粵匪紀略

卷五

七

羣玉齋

聖主之憂下甦生民之困詎可避難趨易遂率親兵小隊
馳往救之衝入高資營賊眾四合巡撫登高瞭望中
擡礮立亡存厚左右衝突欲翼其尸出不克血戰死
京口副都統綳濶已戰脫哭曰吾與吉公偕入吉公
死吾何忍生亦自投江死

五月江南軍馳勦援賊於鎮江克之賊竄回金陵

向大臣聞吉巡撫之難遣總兵張國樑馳救五月十
五日戰於丁卯橋勝之又勝之於五峰口磨笄山游
擊李鴻勳自丹徒鎮至總兵余萬清李志和自徒陽

平定粵匪紀略 卷五

運河至福將軍興副都統德崇額督馬步隊自京峴
山至會張國樑兵四面兜勦斬賊數百級賊回走九
華山張國樑夜往襲其營破之賊皆棄壘走游擊張
玉良亦敗賊於東陽甘家港大軍尾追之竄入金陵
城賊又分股陷溧水向大臣撥兵馳勦之
江南大營失陷

鎮江圍甫解賊回金陵議夾攻以撼我大營於是鎮
江之賊趨江甯從東而西江甯之賊從西而東溧水
大小關金柱黃馬等處之賊湧出衝擾向大臣因分

平定粵匪紀略

卷五

八

羣玉齋

勦甯國溧水屢經抽撥兵力過單遂不能止遏城逆
復出通濟門會紫荊山羣匪撲七橋甕大營官兵正
併力截殺各營同時火起兵勇潰散張國樑突圍保
向大臣衝鋒而出收聚散卒由涇化鎮退保丹陽

楚軍殲除水陸擾賊開長濠困武昌城並克復安徽英
山縣

楚軍破新洲援賊後官大臣與胡巡撫會商乘賊驚
魂未定先派水師下擊以清江面遂令揚載福督六
營礮船於四月三十日下駛遇賊船即焚靡戰不勝

六一

如破竹勢數百里賊船資糧掃蕩一空五月初四日抵九江盡燬江面逆船初九日仍回沙口十日之間往返千里賊眾驚為神奇陸路援賊石達開率眾至武昌縣之葛店胡巡撫將省城下青山嘴塘角開挖長濠由大江直通南岸嘴以拒援而困城逆連戰皆捷追援賊至樊口斃賊數千先有另股賊由安徽突入英山縣城撲羅田署黃州府知府許廣藻督代理羅田縣彭應鯉率紳練敗賊於樂利河乘勝追襲四月二十三日克復英山縣復有九江股逆合蕪州之

平定粵匪紀略 卷五 九 羣玉齋

賊上竄亦經彭應鯉帶七區勁勇會同官大臣所派四品軍功馬有功夾攻於嚴家坳殺賊千餘生擒二十七名餘匪翻山遁去

六月楚南水師收復江西南康府

南康外接大江內控鄱湖為全省水道總匯前為水師入內湖時掃蕩迨樟樹鎮失利調分駐青山屏風之水師移紮吳城南康復為賊踞會侍郎遣水師彭玉麟等於六月十四日往勦賊方督民夫造戰船未竟連勝焚燒其業艦延及岸上積聚竝令各船擡高

礮口使礮子轟入城中賊大驚開門遁收復府城楚軍乘勝攻黃州竝截勦漢陽竄賊

六月初六日沙口陸營獲逆謀得偽文為八十指揮熊逆知照漢陽賊首偽尙書鍾逆者云九江逆石達開憤樊口之敗大集逆黨萬餘即日由廣濟蕪水黃岡至漢鎮令逆眾堅守以待官大臣密派荊州將軍都興阿率馬步由陸路進至黃州上二十里之堵城投誠四品軍功范潮蘭赴東路為前隊都司王玉琳繼之派劉藍田赴西路為前隊馬有功繼之馬隊則

平定粵匪紀略 卷五 十 羣玉齋

以營總多隆阿統帶擇要埋伏步隊則與知府許廣藻督團勇會合相依倚賊眾果由下游驟至我軍奮勇兜合砍倒執旗賊目一人長驅直入左邊右決殺聲震天地斃賊極多餘匪四竄沿湖溺死者無數我軍乘勝齊會黃州城下盡毀賊壘其武漢之賊尙死守官大臣與胡巡撫分南北岸逐日攻逼大小數十戰均獲勝

江南軍大破逆眾於丹陽城外 大軍退保丹陽後逆眾分途逼近重營壘以百計

和定橋鳳凰岡五里牌黃莊橋皆賊巡徼所據也
大臣晝夜憂憤疾轉篤張提督國樞密商諸將謂
以吾主帥病危眾皆驕怠諸君若舍生努力擊之必
大克眾皆唯命乃遣參將虎坤元游擊張玉良督馬
步先攻五里牌焚賊寨柵渡河至黃莊橋破其礮臺
副將秦如虎由定埠南渡截賊衝創斃極多明安太
虎嵩林旁伏伺勦亦有斬獲張國樞借福將軍興整
大隊撲賊巢縱火塵戰遂奪和定橋賊眾大潰鳳凰
岡之賊亦不戰而遁追至黃土橋斬級數千丹陽城

平定粵匪紀略

卷五

主 羣玉齋

外賊壘悉平捷聞

詔以提督銜福建漳州鎮總兵張國樞辦大營軍務

七月楚南軍合江西軍圍攻瑞州府江湘路通

瑞州府居江湘之衝自逆踞文報多阻有南北城北
曰官城南曰民城中隔一河四月初參將承堯普同
知吳坤修會國華知縣劉騰鴻帶楚南兵勇勦咸甯
蒲圻崇陽通城新昌上高等縣之賊悉復其城於七
月初三等日馳抵瑞州會侍郎亦先後撥兵勇六千
合勦拔南城韋逆昌輝自臨江赴援至北城遂資以

爲雄驟挑戰我軍堅持不動昌輝儀衛奢僭勁悍前
驅劉騰鴻曰是羊質虎皮不久見軀宜乘其敝攻之
旬餘賊跳浪氣衰我軍彌厲從北岸渡兵抄其後南
城勝兵角其前賊受創大敗我軍圍攻北城自長沙
以至南昌文報無道梗憂江右全局始振

江南向大臣卒於軍

大軍既移營丹陽嬰城固守而賊重圍密壘勢甚鴟
張有以退保勸者向大臣太息曰吾病不能進何顏
更南走當死於此耳遂以軍事付幫辦張提督國樞

平定粵匪紀略

卷五

主 羣玉齋

曰汝才足辦賊吾死何憾復踴身疾呼曰終負

朝廷恩一慟而絕向大臣自道光三十年調任廣西提督
卽勦粵匪追賊東下直抵金陵大小千百戰嘗自鑄
私印曰誓滅此賊乃大功未定竟以積勞殞於軍奉
旨優卹並

賞世職江左紳民以數載勤勞爲東南保障實能禦災捍
患呈准入祀江蘇名宦祠是時張提督已擊走丹陽
諸賊賊窟金壇卽借福將軍興派總兵虎嵩林等赴
金壇督精銳渡河破賊尋奉

旨命江南提督和春為

欽差大臣馳赴丹陽接統軍務人心以安

楚南水師疊敗賊船於瑞河口臨江口謝師塘等處

逆匪自陷吉袁瑞臨諸府城銳意修戰船議秋間大

舉圍撲省城瑞臨賊船出而下湖口賊船入而上翼

困我水師復於生米司瑞河口臨江口等處築立賊

壘七月初一日由松湖帶戰船三十餘隻陸賊千餘

將抵瑞河口我水師偵知之於瑞河口豫釘排樁出

入僅可容一舟賊船笨重甫至排樁即經我軍衝入

平定粵匪紀略

卷五

三

羣玉齋

縱火環燒之記名道劉于瀆督師船堵賊臨江口破

其礮臺盡焚賊船生米口之賊聞瑞河口敗亦棄壘

遁彭道玉麟水師自收復南康後率船巡哨適見下

游謝師塘逆旂招展自神雪湖列陣而出對敵逾時

賊舟敗北追至屏風山下南風忽起賊黨返攻彭道

傳令下旋與之坐戰賊復勢蹙敗去

八月皖軍大捷於三河

自廬州克復賊黨竄踞三河分營金牛一路壁壘相

望屢抗我師和提督諜知有隙可攻八月十七日親

督文武麟瑞熊天喜江忠信等攜帶雲梯乘夜踰濠

舉火賊棚房藥局一時騰燄木瓦燕飛用雲梯紛登

石壘賊倉皇奪門而出逃往巢湖上船我軍追至擊

燬賊船多隻先後斃賊五千餘名獲首三千餘級踐

蹋溺水死者無數生擒偽指揮張大有偽將軍秦標

盛等十一名匪黨二百餘名皖軍殺賊之功克廬州

後以此為最惟副將銜參將程智泉軍中最驍勇者

以追賊受傷亡為微憾云

楚南軍破賊於江西瑞州府收復靖安安義縣

平定粵匪紀略

卷五

四

羣玉齋

官軍方駐瑞州府八月初一日偽指揮黃姓糾黨分

五色旂出犯聲勢浩大我軍派定隊伍待其撲近以

劈山礮禦敵賊陣大亂圍而殲之橫尸遍野窮追三

十里羣賊將欲分竄有偽將軍石姓自九江來援勒

羣賊回瑞州初四日劉騰鴻普承堯彭山肥羅萱等

軍出隊盡蹋賊壘前官軍急攻瑞州時上高新昌二

縣又為賊踞湖南之路復梗乃抽派吳坤修相機進

勦先於七月二十日將二城之賊掃除遂於八月初

八日行抵奉新連戰數日十三日收復靖安十六日

收復安義次日仍回奉新

江西邊錢會匪起句結粵匪竄擾建昌一帶圍廣信府擊卻之

江西吉安建昌等府屬有邊錢會名目以錢塗硃描金爲號屢禁愈衆遂句同粵逆竄入南豐縣連陷新城瀘溪貴溪等縣圍攻廣信今江西巡撫沈葆楨時署廣信府籌餉於河口鎮聞貴溪失守單騎馳回函招浙江派防玉山之貴州安義鎮總兵饒廷選赴援甫抵城賊已圍聚城外吏民盡散沈葆楨徒步守陣

平定粵匪紀略

卷五

五

羣玉齋

妻林氏爲前雲貴總督林則徐之女同在危城中無媪婢躬汲爨具壺漿以饑士卒八月十二等日開城擊賊斃三千餘人斬其渠帥餘匪潰遁郡境肅清江南軍克復高瀆縣進攻溧水句容

總兵傅振邦克復東壩後於八月二十三日直抵高瀆界立營賊分途迎拒擊走之親督大軍會高瀆文武各員進剿縣濱湖蘆葦苞葉塞港蔽洲賊潛伏以狙害官兵先遣參將李定泰等帶練勇爲鄉導燒賊艇數十伏賊多誅死遂克高瀆縣進攻溧水張提督

國樑亦攻克寶堰賊巢乘勝進攻黃茅莊拔之移營句容

偽北王韋昌輝殺偽東王楊秀清昌輝復爲偽天王洪秀全所殺偽翼王石達開竄安慶

向大臣薨後金陵羣逆相慶次逆首偽東王楊秀清素以洪秀全爲贅疣至是陰有自立意令其下呼以萬歲洪秀全趣召偽北王韋昌輝偽翼王石達開歸密圖之昌輝先至秀清招之飲昌輝戒備以往飲次抽刃刺秀清洞胸割而烹之盡殺其黨石達開自湖北

平定粵匪紀略

卷五

六

羣玉齋

至責韋逆太酷韋逆怒將併圖之石逆覺絕城夜遁韋逆悉誅其母妻子女洪秀全益懼乃密諭其黨與楊秀清餘黨共攻偽北王府韋逆乘亂逸出潛渡江爲楊秀清逆黨所獲縛送金陵寸磔之誅其族石達開遂竄安慶秀清傳昌輝首至甯國達開回金陵後因秀全猜忌復之皖

九月江楚軍克復江西宜黃崇仁縣

同知李元度林源恩統江楚兩軍轉戰撫建間自五月至八月小勝三十餘大捷亦十數賊星散蟻聚終

不得制其死命或說以宜黃崇仁者撫建二處賊所
去來欲斷建昌莫若取宜黃欲斷撫州莫若取崇仁
二人稱善曰此蓋吭拊背計也從之九月初二日督
舉人陳大力哨官彭厚坤等先攻宜黃城破之由北
關直趨崇仁崇仁亦有官民二城與瑞州似二城之
間隔一河中有大橋百長鍾廷陞首先衝橋伏賊突
起短兵相接相持兩時彭厚坤等已登梯入城斫倒
守礮二賊力開城門官兵齊入賊竄臨江
皖軍克復無為州

平定粵匪紀略

卷五

七

平定粵匪紀略

無為濱江久為賊踞皖營自和提督渡江後福巡撫
主軍務總兵鄭魁士副之飭各屬整飭團練助以官
兵各圖克復八月二十八日派候選知府李元華督
勇會前知州林蘭攻無為州九月初二日設伏圍攻
克之殲賊二千餘人沿途圍練截擊又斃悍賊一千
七百餘名

江南軍擊敗句容溧水賊

和大臣接統江南軍未至兩江怡總督賈權其篆已
遣將弁復高淳進逼句容溧水此二城近金陵為逆

犄角九月初八日張提督奪近關橋十四五日敗賊
於吉利邨擒斬無數復會總兵傅振邦參將虎坤元
李定泰等抵溧水城下賊從小道襲我軍後我軍已
踰濠附城奮勇回戰賊不得前溺死殲死者千計金
陵逆聞之氣沮大營始安
皖軍大捷於巢縣復其城

平定粵匪紀略

卷五

六

平定粵匪紀略

姚廟岡破丁家橋直抵縣城福巡撫與李編修鴻章
督營官吉順嵩瑞于昌麟馬昇平知府恩禧等攻其
西北門鄭魁士督麟瑞蕭開甲余兆清江忠信余成
蛟等攻南門鄭魁士身受礮傷猶復督兵力戰遂於
九月二十九日克復巢縣湖中賊連墻下援勒兵迎
堵轟覆賊艇數百浮尸盈湖計旬日之內毀平賊營
十三座礮臺十座卡二十殲斃七千餘賊生擒四百
斬首三千餘級兼獲其偽印七十餘顆大礮二十六
器械四千船隻千廬州所屬諸邑以次肅清是月提

督秦定三分兵擣桐城亦屢有斬擒旋因捻匪猖獗
秦提督移師蒙辜鄭魁士督兵攻桐城

十月江西劉于涓一軍再克新淦縣

前自新淦克復後我軍進攻撫臨未能分兵留防復
為賊踞十月二十一日劉于涓一軍督戰船隻夜襲
之賊見人數無多負隅固拒蔡康業等分攻三門其
西門濱大河礮船攻之賊見四面受敵於城上擲大
黃旗二求暫解圍即出投誠我軍以一晝夜未得少
息收隊傳餐暗以稻草置城門洞以噴筒射入頃刻

平定粵匪紀略

卷五

九

羣王肅

火起城內鼎沸各勇踴肩而入賊已開門逃竄

楚軍斷逆外援武漢逆圖竄路絕

賊糧道不通田鎮下游官兵扼其險要石逆達開先
因楊韋二逆內亂已竄回金陵官大臣督臬司李孟
羣總兵王國才攻漢陽東南兩路前荊州綿將軍知
府魁聯往來策應平毀近城五里墩賊壘連紮大營
四座環掘長濠以總兵楊昌泗統之外江內湖礮船
巡防為陸路聲援楊提督遣都司鄧清守之城賊危
蹙思外竄十月十三日武昌賊擁眾渡江知縣李光

榮架礮轟截覆溺過半是夜副將顏朝斌亦圍殲漢
陽賊於沌口生擒偽總制朱長清等上下嚴備賊圖
竄之路以絕

十一月楚軍同日克復武昌漢陽城

先是襄陽縣北鄉竹篠舖等處土匪朱中瑞黃其中
等煽饑民為亂焚燒樊城連陷豫省之鄧州新野官
大臣抽調北岸兵勇千名派游擊溫發魁管帶與武
昌道常恩馳往飭與駐襄之布政使馬秀儒等會商
勦辦又隨州土匪趙邦璧藉募勇援襄為名亦句引

平定粵匪紀略

卷五

十

羣王肅

土匪滋擾復分馬步往勦大營兵力稍薄不及大舉
武漢二城之逆得少延殘喘嗣襄樊等處肅清諸將
回營協力官大臣胡巡撫督戰益急漢陽地接荆襄
外江內湖為武昌屏藩逆陷武昌自漢陽始克漢陽
則武昌自復以是官大臣親督重兵圍漢陽水師則
責成楊提督南岸則專倚胡巡撫漢陽逆久不能抗
既拔五里墩後沌口水師泛舟下沙口礮船亦上駛
水陸合攻臬司李孟羣總兵王國才楊昌泗分西南
北三路盡破城外賊壘架雲梯攻城翼長巴揚阿平

海率馬隊繼之副將顏朝斌前提督孔廣順前總兵
訥欽又繼之水營都司鄧清亦自襄河駛出環城轟
擊十一月二十二日逆出數千賊於東門外拒戰礮
子雨落兵勇皆蛇行而進數伏數起賊礮不能傷即
反奔我兵直抵城下盡拔其濠內竹簽楊昌泗自報
國庵破城入王國才李臬司亦斬關而進眾軍鼓勇
畢登或擣其衝或遮其軼合計斃賊七千有奇生擒
偽將軍司馬師帥旅帥五百餘名奪獲大小礮一百
三十二位守城逆渠偽丞相鍾姓偽指揮劉滿乘馬

平定粵匪紀略 卷五

三

羣玉齋

下河被礮轟斃有從沙洲爭渡者為水師擊盡有上
船渡江者為暴風覆舟江面浮尸紛若鳧雁是日胡
巡撫楊提督同攻武昌省城上下夾擊水師斫斷橫
江鐵鎖陸軍攀援登城逆不能守分七隊突門而出
我軍乘勢兜圍殲賊萬計生擒偽檢點古文新等十
四人斃先鋒悍賊八百餘黨匪五千餘二城同日克
復官大臣胡巡撫入城安撫蓋省城自五年三月失
守至是已二十一月矣前二次淪陷未有如斯之久
也大功告竣遂息兵整旅分堵諸邊飛咨河南巡撫

英桂會勦鄧州新野餘匪先清北境即擬東征
楚南軍克復江西分宜縣袁州府

楚南援軍轉戰數千里由萍鄉萬載合攻袁州九月
以後屢破援賊袁城之逆於吉安等處糾合股匪悉
屯合山候選道劉長佑等飛調在萬載之蕭啓江田
典恕來袁助戰十月十六日蕭啓江等分三路進破
合山之賊焚賊壘數里成焦土二十四日劉長佑派
隊攻克分宜縣城援賊路絕十一月初一日游擊劉
培元會諸軍攻袁州城誘賊出戰以精兵蹙之賊望

平定粵匪紀略 卷五

三

羣玉齋

城奔竄而門牖已下而得入四散奔潰是夜諜知有
以索縋城遁者我軍力迫之奪其索縋緣而上啓北
門納大軍入生擒偽檢點黃逆賊眾盡殲
克復安福縣

既拔袁州大軍欲進勦吉安府恐安福賊議其後未
發適吉安府知府黃冕前湖北布政使夏廷樾前廣
東羅定協副將周鳳山在湖南共籌援師勦吉安湖
南駱巡撫遣同知今

封一等伯爵前浙江巡撫曾國荃帶湘勇二千人先發黃

晁夏廷樾繼之均由萍鄉入周鳳山由萬載入約定會攻安福以趨吉安庶無首尾憂十一月十二日鳳山至楓溪距安福四十里十三日國荃至江口距安福三十里均遇賊接仗斬驍悍數十守備劉之能楊光福亦踰大小嶺破其伏先後至城下守城賊目迎戰爲張開輯劈山礮轟斃卽克復安福縣城防饒軍大捷追賊至鄱陽

平定粵匪紀略

卷五

三

羣玉齋

饒州近鄱陽湖常被肆擾防饒者雲南臨元鎮都司畢金科勇而謀謂都司林保曰吾以二千人防饒聞賊自建德東流來者五六千又探報李邱二賊目亦率三四路悍賊與之合統計近萬人此豈可力敵者非奇兵不爲功且鄱陽不靖饒州終無一日安乃於十一月十六日派營官襲廷貴領兵五百潛伏陶溪渡爲疑兵誡曰如官軍追賊至則出擊之畢金科分左右翼迎敵岳炳榮將右翼出其前朱洪章將左翼繞其後前隊遇賊故少卻賊追之後隊橫出截爲兩畢金科督壯士居中縱馬衝突當者披靡鏖戰至渡伏兵起賊猝遇大驚接應不暇登高望林中旂幟徧

滿以爲官兵大至相率逃竄乘勢兜裏斬獲千計追至鄱陽連戰連勝戈矛皆磨憂有聲賊衆盡颺去危城獲安

揚州軍擊瓜州逆勝之勦平高旺賊黨

逆踞江浦瓜州遠近亡命多依倚爲逋藪來安天長間土匪竊發假其聲勢嘯聚於高旺圖北竄德大臣遣總兵羅玉斌禦於小東店游擊魁霖等督步隊由東西葛進勦總管台斐音保等督馬隊分捕餘黨諸路皆捷盡殲賊之踞高旺者而瓜州援逆方出衆往

平定粵匪紀略

卷五

三

羣玉齋

總兵鞠殿華督後隊迎擊之大敗援賊毀其望樓營柵前後浮斬約三千餘名楚軍克復武昌縣黃州府分兵東下續克興國州大冶縣蘄水縣蘄州

克復武漢之日楊提督統水師乘勝清江面逃賊官大臣胡巡撫分師三路由審灣出東興洲爲一路游擊何紹彩領之由雞窩出胡家墩爲一路游擊張寅恭領之馬隊大軍由魯家港繞出葛店爲一路都將軍及記名道李續賓領之賊望風瓦解大戰於樊口

各路斬首三千餘級於二十四日克復武昌縣城合
兵圍黃州殲賊二千餘焚燒賊營毀水壘四座獲礮
位百餘尊馬五十匹器械千餘件二十五日克復府
城遂水陸並下楊提督統帶長龍舢板等船破上下
巴河賊卡焚奪賊舟數百隻直抵武穴陸路南岸李
續賓由武昌縣進取興國大冶北岸都將軍由黃州
擣蘄水蘄州或間道襲勦或分路兜擊各軍電掣星
馳逐節掃蕩遂於二十六七八等日克復二州二縣
湖南軍克復江西武甯縣

平定粵匪紀略 卷五

五

羣玉齋

十一月初七日署武甯縣知縣冒溶擊賊於潘墩港
兵潰縣城失陷冒溶等退紮豐溪適會侍郎調駐紮
奉新之鄭奠帶義武營至居民憾賊深持鋤助戰逐
北四十餘里十一日攻克縣城
十二月楚軍克復廣濟黃梅二縣
既克蘄黃征旛已徑指九江敗匪竄保黃梅廣濟二
縣十二月初三日都將軍會提督孔廣順等由曹家
河殲賊三千餘人克復廣濟縣初九日由大河鋪攻
黃梅都將軍率翼長多隆阿副將王國才都司石清

吉等分路盪決斃賊無數克復縣城官大臣胡巡撫
既分遣羣師悉東下尋顧念腹心兵單鄰逆尙熾江
西之瑞州義甯與崇陽通城壤地犬牙相錯可不闕
防奏留湖南候選道王鑫迅提精銳掃崇通界以固
鄂北藩籬
通城崇陽蒲圻通山餘匪平

平定粵匪紀略 卷五

美

羣玉齋

導沈玉田勦崇陽蒲圻蠢逆目偽將軍張庸忠會天
爵梁一舉等搜穴焚巢殲斃數千鑫嘆曰彼賊如風
此民如水水爲風撓終無靜止誅之可勝誅乎夫內
奸不清外宄不可得而詰故團練者非獨禁盜兼可
收捕盜之功也乃召邑父老子弟赦已往懲將來頒
示成規有桀驚不受約束者軍法從事數月團練成
按戶編籍民漸知滿洗圖自新鑫率以節次整刷遂
抵通山一律遵奉罔敢抗違
會侍郎至九江勞軍

江西自五年饒廣告陷賊悉衆踞湖口楚南水師分爲外江內湖隔閩不相通烽火逼省垣曾侍郎以省會者百城所矚無南昌是無江西也遂勒水陸軍兼程赴援且葺整舟師徐圖大舉時章門官私交迫戰士懸釜餽待炊爨不終日侍郎至調餽轉糧人心始定是年六月復南康湖南援軍至瑞州築壘遏賊次收袁州上月武漢報克城捷楊提督自蘄州抵潯陽會李續賓合圍九江章省亦疆圍堅固曾侍郎無西顧憂乃親至九江勞軍統水陸決志取九江以聯

平定粵匪紀略

卷五

毛

羣玉齋

絡內外

楚南軍克復江西之建昌瑞昌德安新喻永甯五縣

曾侍郎由省派千總張金璧等帶勇赴建昌擊敗德安援賊克復縣城甫旋省又爲賊匪竄陷十二月初三日復往克之李續賓自興國大冶追賊東下十二月初六日駐軍瑞昌縣上十里亭子山逆已先遁收復縣城李續賓進攻九江派弁收復德安縣候選道劉長佑率楚勇及投誠之李能通由袁州赴分宜賊已退踞新喻經十二月初八日在寶山遇賊李能通

匹馬衝陣各勇鼓譟從之賊遁入城我軍從入遂出東門遁去同知趙煥聯會湖南鄱縣各軍攻永甯亦於是月十三日拔之獲偽協理王起盛等

平定粵匪紀略

卷五

毛

羣玉齋

平定粵匪紀略卷六

咸豐七年丁巳正月江南軍攻敗句容逆

江南大營退駐丹陽後逆踞句容屢出窺伺正月二

十六日張提督國樞調集兵勇四路合攻張提督獨

領壯健問道抵城下焚燒外壘斬黃衣騎馬賊首斃

賊千數百名橫尸塞濠生擒七名逆不敢復出

楚南軍克復江西奉新縣

縣距省百二十里賊盤踞久江西軍不遑分勦流毒

煽虐百姓銜之刺骨湖南援軍同知吳坤修既克安

平定粵匪紀略

卷六

一

羣玉齋

義靖安二縣在籍辨團御史帥方蔚貽書勸攻奉新

坤修辭以兵單恐難必克方蔚曰姑督隊來當飭民

勇助聲勢乘眾怒之氣挾屢勝之威必克無疑也正

月初五日坤修發隊至逼城為營四鄉義勇皆號衣

纏頭儼軍家裝攜器械來會金鼓之聲十餘里賊登

高瞭望驚以為大軍薄城不敢拒戰謀宵遁我軍由

北門獅子山梯繩入餘賊無多盡殲之

二月會侍郎以父憂解任提督銜總兵楊載福等分領

其軍

武昌之陷也會侍郎留塔提督羅澤南攻九江而遣

道員彭玉麟援鄂及偽翼王石達開躡江西連陷瑞

臨袁吉建撫諸郡又檄玉麟赴援時湖江道梗易服

為賈客趺爾千里達大營轉戰頻捷屢收旁近州邑

上年冬武昌克復楊提督載福統水師至九江而會

侍郎適丁外艱

朝議奪情固請終制

上特嘉其孝給假歸里兵勇暫交其弟同知曾國華管帶

上恐職分較卑須大員統理

平定粵匪紀略

卷六

二

羣玉齋

詔提督銜湖北鄖陽鎮總兵楊載福就近統領而以廣東

惠潮嘉道彭玉麟協同調度

揚州軍擊敗瓜州撲營賊水陸並捷

是月瓜州賊分途狙擾諸路逆同出撲營德大臣檄

參領富明阿總兵鞠殿華副將陳國泰迎勦有功連

奪要隘沿河賊艇亦為我水師總兵周士法擊覆馬

隊官成明海全亦至三面兜圍旬日之間迅掃賊眾

斬殺數百名獲其偽檢點監軍二名

江南軍進勦溧水敗援賊於鄔山

金陵安慶逆偵溧水勢蹙出大隊至郎山築壘爲援
二月初七日和大臣飭副將魯占鰲傅振邦乘賊營
未定邀之賊敗走渡河復結壘四座副將李定泰都
司鄧聯科周光培分三路環攻先以羸卒誘賊出追
一伏其後一衝其旁焚燬賊壘而誘賊之卒易精銳
回擊賊奔潰自相踐藉遍野橫尸遂合兵攻溧水城
副將米興朝敗其出城賊前後共平賊壘二十六座
殲賊三千餘斬首六百級斃逆目僞靠天侯以下十
餘名生擒八十餘名移營已及一年戰功無逾是役

平定粵匪紀略

卷六

三

羣玉齋

逆黨圍壽州署廬鳳道金光筋擊走之

壽州古壽春形勝地故置重兵鎮守焉二月十九日
賊從西北來攻兩門邀戰敗之二十日復進攻南門
廬鳳道金光筋督兵勇激厲同心嬰城固守而時出
精騎攔截之二十二日賊擁至愈衆合圍驟攻光筋
飭壽州知州黃元吉鳳臺縣知縣李霖勇目朱在國
募死士縋城斫其營斬驍賊二十餘逆鋒大挫遂定
議力戰約鄉圍舉火爲接應二十五日整隊開東門
出擊奮勇酣戰自辰至酉團勇四至助勢縱火焚巢

賊棄營潰走追殺二十餘里斃賊千餘名斬首二百
級重圍立解越旬又攻正陽迤東之枸杞園賊壘飭
練勇孫家熾等由雙橋橫擊斃賊二千餘刺死僞將
軍吳守剛僞先鋒楊得應張定邦竄賊悉數殲除自
此逆餘不敢近壽州光筋勇敢素著屢立戰功奉
旨加按察使銜後於四月勦正陽關捻匪身受重傷猶復
揮兵督戰河深溜急舟覆而亡

浙軍收復安徽婺源縣參將師長鏢陣亡

江西景德鎮賊竄陷安徽婺源縣圖犯浙浙江晏巡

平定粵匪紀略

卷六

四

羣玉齋

撫端書飭總兵周天受督勦賊由香口竄穰溪河等
處二月二十七日復犯三折嶺知縣楊裕仁督率團
勇會游擊王夢齡及甯防五嶺之吳偉奇等同時進
攻賊受創潰走收復婺源縣已革參將師長鏢於三
年十一月在揚營因勇潰獲譴旋隨吉巡撫於鎮江
奉調赴浙屢著勞績是役力戰陣亡奉
旨開復原官照例議卹

江西軍擊敗撫州賊

撫州賊會合梅港匪黨竄入貴溪之膺潭屯踞街市

另股自婺源竄入興安弋陽江西巡撫文俊飭同知李元度督營官楊得意等率水陸軍馳援擊退婺源逆斃大旂悍賊數人乘勝撲進廣潭火攻街市豫飭師船剋期至內外夾擊焚燬溺斃統計二千餘名宿松太湖逆犯黃梅縣楚軍大捷

九江為江西重鎮皖楚咽喉逆力爭天險匯踞九江而以對岸黃梅之小池口為外蔽官自軍進達九江宿松諸逆首聚眾數萬築城於小池口以遏拒官軍圍上竄李臬司孟羣楊提督載福遣將弁迎勦燬其

平定粵匪紀略

卷六

五

羣王齊

壁壘是月賊眾分三路入寇一出停前驛之南一出停前驛之北後隊由獨山鎮結營於魏家涼亭距黃梅城僅數十里騎賊千餘效我軍馳驟近郊燄張甚都將軍曰彼假虎耀威耳豈能如吾軍走馬施槍捷若星月哉吾知所以破之矣知縣覃瀚元以邑垣脆薄不足保請空城誘賊入可聚而殲之將軍以為然派提督孔廣順營大河舖為旁翼總兵王國才駐桂家坂為後拒營總多隆阿伏城南游擊倭克錦衣伏城北副將鮑超都司方映川伏城西營總巴依爾呼

蘭為往來接應約俟破騎馬賊後合力並攻遂勒騎獨當賊東面不動逆果悉眾自二郎河東山鎮撲縣城直入都將軍撥馬率隊抄勦疊發連環槍賊不能禦紛墮馬下又運矛攢刺馬足賊落輒踐蹋之騎馬賊無一生還者諸路軍建旂鼓會圍斬殺近萬賊棄城逃命分途截擊斬其偽擣天侯陳姓偽天王婿鍾姓曾姓三名收馬驟無數狂逆在小池口者聞風膽喪

三月官大臣檄臬司李孟羣督兵援皖

平定粵匪紀略

卷六

六

羣王齊

逆匪於皖北肆意衝突上月壽春鎮總兵鄭魁士兵潰於桐城文武大吏俱獲譴上厯念廬州重地密邇桐城備豫宜嚴命湖北撥水陸軍協堵是時襄豫餘匪突入宜昌府城雖卽克復而荆襄防兵難於抽調水師又已齊集湖口迅圖九江乃奏稱孟羣謀勇素優最利行陣令督兵二千五百人襄糧援皖楚軍進攻小池口削平附近諸賊壘逆踞小池口築堅城為固守計復於段審楓樹坳獨

山鎮各處依山砌石爲壘數十座引水浚濠以屏蔽小池口而阻我東下之師都將軍戒諸營官曰小池口者九江犄角也沿山諸壘者小池口爪牙也爪牙不除何日拔其角而扼其吭乃先遣鮑超攻小池口城西牽掣賊勢不令出而部署諸營弁多隆阿王國才等分途攻段窰楓樹坳既破其壘斬賊千餘遂捲甲疾趨獨山鎮提督孔廣順以輕騎誘賊出巢而令馬步隊各伏要隘賊出追開化勇越濠拔椿簽焚燬篷棚賊大驚回救伏兵齊起縱橫盪決僵尸枕藉諸

平定粵匪紀略

卷六

七

羣玉齋

隘壘悉平惟小池口尙拮据自支

四月揚州軍大捷於瓜州

時大軍圍攻已久逆屢形危蹙乃出背城計水陸並撲德大臣遣參領富明阿擊之於土橋斃賊三百擒其僞總制二名總兵成明等踰濠毀礮臺二座斃賊五百總兵鞠殿華亦敗賊於四里舖賊以大船數十划船無數衝鋒進分兩路一沿港助勢一渡江他援均爲水師所敗陣斬僞將軍統計連旬共殺俘賊一千三四百名焚溺死者甚多

楚軍克復英山縣

英山先爲皖軍克復四月初六日逆匪復竄踞之以通蕪黃爲上竄計署蕪州知州兼署羅田縣知縣彭應鯤由大河畝越境進攻適李臬司孟羣援軍取道至皖飭都司盧文熊參將趙鴻舉併力扼擊斬騎馬逆目四名生擒三百餘名餘賊太潰縣城立復皖逆犯湖北界連戰破之

平定粵匪紀略

卷六

八

羣玉齋

大臣派臬司李續賓帶湘左右營駐小池口以小池口原駐之統帶五營副將鮑超移屯孔壠黃梅阻遏逆衝其蕪州羅田則調福武寶三營應援恭鳳虎三營繼之又派都司段清平張志超趨黃州扼斬水竄省之路逆衆各路分撲均經擊退副都統舒保巴楊阿等旋領勝兵自襄陽宜昌至會都將軍分途迎勦斬殺數千破賊壘二十一座軍威振而衆志益固官大臣上方略曰勦賊之道首貴摧堅九江者吳楚關鍵也江西兵勇數盈五萬饒紬日籌而九江圍城尙

闕一面以致踞逆進犯湖北退擾章皖游行掉臂防
不勝防九江若拔則可以直搗金陵而東南免奔疲
之累昔吳臣紀陟言長江五千七百里疆界雖遙而
險要必爭之地不過數四所謂險要必爭者荆襄武
漢九江湖口耳今上游悉定討賊急務必盡力攻克
九江而後江西之門戶以保江南之全局可圖時議
欲分援江皖故抗疏縷陳之

五月九江軍濬長濠因賊屢戰勝之水師深入失利尋
獲捷

平定粵匪紀略

卷六

九

羣玉齋

初臬司李續賓督步騎會水師攻九江通城爲營自
官牌夾迤南而東至白水湖募丁夫掘濠三十餘里
深二丈廣三丈五尺踞逆患之東西出賊六千餘人
欲圖格沮李臬司令步隊護濠戒勿戰親率馬隊繞
至八百坡後岡又伏兵於馬宿嶺約俟坡後礮發出
擊約兩時許賊已逼近各軍聞礮聲齊出殺賊三百
餘名追斬七百餘名賊旋出西壩伏於坡後茶庵李
臬司乃繞道譚家坂楊樹背先敗其伏而伏我兵於
其處回隊迎敵且戰且走至伏所賊不知其伏之已

敗也正以爲得計及伏起官軍也倉皇潰奔掩殺無
算越旬餘安慶逆來援約衆七八千城逆大出家二
萬蜿蜒數里旂幟如林我陸軍飛檄舟師會勦楊提
督遣水營將弁從甘棠湖趨城下轟退援賊陸路軍
亦敗賊於湖坪自三月至五月連戰皆捷水營副將
李成謀守備易景照見賊船數十隻上駛乘屢勝之
威從老河追之深入湖口距本營已百餘里爲梅家
洲扁擔夾賊艇所襲風水俱逆不能駛歸失戰船十
餘隻揚提督出防武穴駛回救之成謀鼓勇再入賊

平定粵匪紀略

卷六

十

羣玉齋

方賀功未設備成謀率衆驟進獲賊舫板船四隻沈
逆船百餘李臬司亦撥隊接應北岸之聲勢益壯
江南軍克復溧水城

逆踞溧水後招援賊壘集團大營屢加懲創斬殺約
以萬計勢雖危蹙猶抗拒復於郎山築壘數十座五
月十四日總兵傅振邦督營官周天培等節攻環擊
令賊首尾不暇顧外壘數十座以次削平乃會集城
下噴火如繁星飛墮大燒城中房屋賊內亂副將虎
坤元率衆突燄登西北二門斬守城賊酋官軍齊入

殲盪六千餘名生擒三百兼斃其偽副丞相

閏五月皖逆悉眾復犯湖北

英山霍山二縣近羅田而黃梅蘄州山徑歧出多與宿松太湖相通皖逆自四月上犯疊受斬刈旋去復來都將軍督各營諸將分途堵禦已敗賊於大河鋪逆趨武穴圍阻截我軍糧道馬步力擊之水師搶護毀其四壘我軍益修營十里舖以資轉運爲謹護計賊數出擾斬其驍健營壘始成疊敗賊於張家塆青石嶺汪家壩望天畝合節山黃土岡桐梓河等處前

平定粵匪紀略

卷六

十一

羣玉齋

後一月之久大小二十五六戰平賊壘十有餘座殲逆目三名斃賊眾七千有奇而賊裹脅太多殄滅難盡仍踞蘄州

江南軍克復句容縣

金陵逆陷踞溧水句容成犄角勢和大臣已克溧水謀取句容而城逆句接外援聲勢尙壯閏五月二十一日張提督國樞會總兵傅振邦圍攻賊以大股抗拒張提督率親兵衝入立刺執旂黃衣悍目數名賊乃奔潰和大臣揮軍衝進內濠殺賊無算二十四日

銜枚急進越濠豎立雲梯張提督首先登城賊尸山積遂於二十五日夜克復縣城

湖北胡巡撫馳赴前軍部署方略

時蘄黃一路賊蹤狂甚閏五月二十七日蘄州諸營並挫賴舒保力戰水師左光培等扼巴河得免上竄官大臣飭諸營謹守復派道員唐訓方領帶增添馬步擇要堵禦飛咨都將軍力扼黃梅嚴後路之防整齊行陣先爲不可敗以徐圖可勝並咨商胡巡撫親赴下游察驗前軍營壘情形申明軍法指示方略力固危疆以是黃州上下烽火雖驚而武漢商賈懋遷耕耨不變

平定粵匪紀略

卷六

十二

羣玉齋

六月皖逆傾巢援蘄黃楚軍戒嚴

李臬司續寶浚長濠力攻九江水師礮船復沿江環擊賊眾多死宿松太湖羣逆糾合皖省饑民十餘萬乘虛圖武漢且解九江之圍分四路進一據黃梅之停前驛參將石清吉禦之一屯廣濟之大河鋪孔廣順王國才禦之大河鋪地勢尤要助以副都統巴揚阿知府許廣藻一紮蘄州之張家塆知府邢高魁彭

應鯉朱啓仁帶練勇禦之一聚薪水之劉公河副都
統舒保記名道唐訓方禦之大小戰五十餘殺賊一
萬有奇賊勢未衰我兵亦有傷亡初小池口之勝也
北岸官軍近三萬馬隊調良皆精於技擊南岸亦師
船林植溥陽湖口立望肅清及皖逆間道上援九江
之陸軍梗阻而上游舟師又不可驟撤楚軍馬步不
及萬南勇入險失利而賊所竄伏之徑皆崎嶇泥淖
難於衝突馬隊幾勇無可施惟統將一心壯士併力
屹然不爲所憾

平定粵匪紀略

卷六

三

羣玉齋

楚軍擊逆衆於童司牌克之

楊提督聞蕪黃有警派都司胡友亮率礮船節次上
堵復戒之曰賊不橫江必憑湖當順道繞廣濟以扼
內湖之險李臬司先遣其弟知府李續宜督南勇三
營由瑞州回援逆大隊果據廣濟內湖之童司牌深
溝高壘伺隙後動十里舖在童司牌之北逆精悍所
聚而西有億生寺道險狹翼長多隆阿與副將鮑超
定議向十里舖進攻而以勁旅繞道襲億生寺逆排
隊方注意北路而不虞西路之掩至也乘其驚駭擊

敗之復與十里舖合兵兩路獲勝逆又造浮橋於河
中東通北湖西連武穴築壘綿亘望之若長虹會李
續宜親督隊伍自南岸渡江至六月二十九日統三
營爲左右中以進先擊其腰開劈山礮轟之首尾不
救紛紛墜溺盡平兩岸賊壘其內湖賊艇復爲胡友
亮礮船所焚並燒其浮橋是役也共平逆壘十九座
鐵遊目十餘俘斬以數千計惟貴州安義鎮總兵王
國才於移營時爲火藥轟傷陣亡胡巡撫旋率唐訓
方紮營黃岡之傅家嶺分撥巴揚阿守馬鞍山要隘

平定粵匪紀略

卷六

四

羣玉齋

參領舒保爲諸路接應戰守咸備逆賊稍衰

七月楚軍勦逆於黃梅破其要衝

李續宜援勇至黃州都司左光培亦以礮船巡巴河
上下屢有擒斬重以胡巡撫繕輯裁制軍氣益揚遂
於七月初一日攻黃臘山翼長多隆阿謂賊所守壘
者必疲病老弱也其強悍驍銳皆伏邨落約鮑超分
兵繞賊壘之後自以精騎直衝邨落殪伏賊數十鮑
超亦繼火焚燒合軍勦洗踣毀黃臘山附近之甘家
坂王家河賊壘四十八座斬賊五千餘溪水爲赤生

擒長髮老賊數百名正法下游賊窟漸空而在蕪黃者仍不下數萬官大臣令水師中營都司宋美富領破船扼蕪黃江面竝先於六月二十六日拆毀菩提壩賊巢擊散賊眾陸軍沿要設防各逆上竄之路始絕其孫家背流水灣踞逆當黃岡斬水之衝胡巡撫遣知府李續宜率五營進攻以馬隊舒保繼之游擊孫昌凱左光培統水師會勦竝令唐道訓方與同知唐協和督勇伏鳳凰山右都司余雲龍余際昌伏鳳凰山前以拒柳家灣馬家團之援賊又派參將何紹

平定粵匪紀略

卷六

五

羣玉齋

彩繞山岡爲疑兵防其抄擊五路皆捷統計陣斬及溺斃者三千餘名追掃巢穴蕪黃路通

江楚軍克復瑞州府

瑞州舊有南北城逆竝踞之上年七月官軍攻克南城而商賈居民多奸宄與賊通氣不可驟詰同知曾國華副將普承堯商同築堅壘於南岸屹如石城尋於石鼓嶺環以雉堞北岸亦固數絕逆糧道援師曾侍郎勞軍之月飭瑞州效九江圍城法撥水師數百往來巡防兼護長濠逆勢益蹙至是楊提督彭道玉

麟遣水師會楚軍水陸助攻逆突圍潰走我軍血戰夾擊之俘斬極多府城遂復謀擄臨江楚軍復大創皖逆於黃岡蕪水界

官軍既破孫家背流水灣二賊壘而黃蕪連界之馬家河大石港火樹林等處賊勢尙強知府李續宜以地形已審願率所部爲前驅胡巡撫壯其言派十二營馬步令統之益以副都統舒保帶湘寶三營爲後隊相機助戰續宜分軍爲三路而進七月十八日黎明賊出三千人拒右路四千人拒中路大隊八九千

平定粵匪紀略

卷六

六

羣玉齋

直撲我左路續宜登高望謂舒都統曰賊入吾彀中矣彼弱當吾強而強當吾弱能先勝其左則右亦不支然後合力於中軍乃密派張文煥劉芳貴等選諸營勁旅由山左蛇行襲其後而自領中軍竝馬隊掩旂息鼓出不意擊其前左路之賊潰我左營與中軍合於是如竹節已解無停刃遂克其中路唐道訓方同知唐協和率右營力攻右路右路之賊亦潰鏖戰未日沒賊三路皆退焚其老營營中賊悉燔死賊之未歸壘者網張禽獮無倖免者黃岡肅清蕪賊勢孤

乘勝搜勦連戰皆捷破偽城五座賊壘百餘擒斬逆
目偽檢點偽指揮三十四名

八月小池口逆壘平

自黃岡蕪水戰勝賊望風披靡蘭溪月山之兵所向
無敵直抵小池口小池口與潯城隔江對峙為江皖
入楚咽喉逆先壘石為城浚濠外衛內築重垣堅固
無匹官大臣胡巡撫以賊餒正衰亟宜水陸大舉咨
行都將軍楊提督上下合勦先拔小池口偽城以撤
其犄角胡巡撫親督唐訓方李續宜等湘勇由蕪水

平定粵匪紀略

卷六

七

羣玉齋

達黃梅設卡建礮塞宿松上竄之路復商令都將軍
多隆阿鮑超破黃梅後山至五里涼亭三賊巢楊提
督等礮船亦於八月初四日自陸家背移營進逼晝
夜環攻偵知偽城內炊爨之具已被大礮擊碎炊煙
數日不起賊不敢復立女牆乃飭各軍士攜稻草沙
囊為填濠登城具十五日風雨大作兵勇以稻草堆
地障身而進頃刻濠已填平楊提督趣十四營水陸
環薄之都將軍縱馬隊施火箭射城內賊篷一時火
起四門官軍乘賊亂亟登悉數殄除察看城內擊斃

之尸積如山阜自小池口之逆滅盡全楚始一律肅
清

江西軍克復東鄉縣

縣隸撫州為賊踞已久復新踞萬年等縣福將軍興
以東鄉為撫城保障必拔之而撫州可圖乃遣總兵
李定泰於八月二十八日冒雨由五里牌進擊命繼
火平塘絕賊竄路平塘者附城往撫州之衝也賊果
懼棄城而逃遂乘勝攻金谿

九月楚軍克復江西湖口縣

平定粵匪紀略

卷六

大

羣玉齋

初逆踞石鐘山悉銳守湖口兩岸致外江內湖之水
師間阻蕭提督捷三統舟師屢擊不克中礮卒及楊
提督等總理內外水師軍威壯盛然江湖迄不能合
者以石鐘山為之隔閡也協理水師廣東惠潮嘉道
彭玉麟建議力攻湖口若石鐘山拔則九江可唾手
得是月楚軍已克小池口乘勝下勦李臬司續賓密
商楊提督彭道水陸夾攻為聲東擊西策湖內舟師
冒死衝出湖口集山前結營布陣賊眾堵禦而李臬
司先拔營起傳令勦宿太餘匪中道折回乘夜渡江



繞湖口山後出賊不意據其城總管巴依爾呼蘭督馬隊亦由陸路濟八里江為應兵內外夾攻於九月初九日克復湖口縣遂破梅家洲偽城燔石鐘山賊巢巖壁皆赭獲戰艦八十九巨礮千二百有三殄悍賊萬餘外江內湖水師之三載阻絕者乃得合併是役也水師裹創血戰傷亡極多幸以死命爭得之事平彭道商之曾侍郎請於

朝立楚軍昭忠祠於石鐘山頂祀水師之前後歿於王事者

平定粵匪紀略

卷六

九

羣玉齋

楚南援軍敗江西臨江賊於太平墟皋田

官軍圍臨江亟撫建新淦之賊奔援候選道劉長佑奉湖南駱巡撫檄同副將蕭啓江督楚南兵勇赴臨江協勦八月二十七日距太平墟五里遇賊接仗乘勝追奔其闕賊營五十三座同知王勳聞賊擾太平墟亦率部往助斬賊六百餘生擒三百餘敗賊狂竄皋田九月初六日知府張運蘭移營獅子山賊傾巢至設伏夾擊亦殲斃千餘援賊悉敗三路兵勇合擊臨江

皖軍水陸大捷焚燬逆艇壘略盡

逆自楚北敗竄回皖糾合河南捻匪撲廬州府及巢縣之柘皋九月二十七日安徽福巡撫檄總兵吉順等分路堵截敗其援賊殲斃三千餘斬首六百級柘皋諸賊壘悉平而柘皋迤南之巢湖派河丙子舖逆船如鷺聚散游衍為運糧地鄭總兵魁士命輕舸順風縱火盡焚其帆檣獲大艦十餘小艇無數燒斃四百餘名生擒偽指揮陳上林先是逆前隊陷桃鎮官軍水陸既大捷遂派副將蕭開甲游擊聶桂榮知府今浙江巡撫馬新貽會合得勝兵節次追勦搜殺各要隘挑鎮派河上下悉無賊蹤

平定粵匪紀略

卷六

十

羣玉齋

楚南軍克復江西彭澤縣

湖口下六十里為彭澤縣南有小孤山挺立江中逆印廟成壘設礮當門為居高建甌勢南北兩岸復修築石城環以深濠密排椿木持此以守彭澤而為九江聲援時逆首石達開會集都昌鄱湖賊踞景德鎮遣逆目賴漢英等抗守茲城已五年矣楊提督合軍進取以欲克九江非拔彭澤不為功調馬隊營官巴



克坦布由橫壩頭趨北岸統帶湘凱兩營官楊得武由湖口趨南岸師船向縣城修營壘作長圍誘賊出鬪洋敗賊追至急水溝楊提督親統大軍由望江駛勦擒斬無算而李臬司續實亦率都司楊明萬等馬步合攻遂於九月二十二日克復縣城其南北岸石壘亦同日攻破盡掃小孤山賊巢下游之巨險悉夷乃分兵守彭澤湖口要隘大軍復回攻九江

江南軍勦鎮江逆壘獲大勝

鎮江賊嬰城固守諸路官軍持重伺釁以故久稽

平定粵匪紀略

卷六

三

粵王

天討九月二十二日鎮道出東北兩門至甘露寺巡撫官營分路四掠和大臣檄總兵余萬青督兵迎勦先後殲斃六百餘名張提督國樑偵逆欲西竄接應金陵密於高資增營扼要賊亦築壘於運糧河之北遣參將余兆青都司賴鎮海督兵力戰毀其礮臺而自率親兵渡河奮擊總兵虎嵩林李德麟副將今廣西提督馮子材亦水陸會攻鏖戰六晝夜沈賊巨艦十餘隻削堅壘二座生擒逆目魏長仁等六名斬俘無數十月江楚軍擊安仁逆於貴溪敗走之

景德鎮股匪竄踞安仁縣後復糾眾三萬餘分擾貴溪經福將軍興派同知李元度守陣捍禦相持浹旬備益堅不可陷安仁逆復遣賊接援練紳姚步瀛聞風迎堵於貴溪境外敗其援眾元度知攻城賊已懈鄉兵獲捷十月初二日奮勇潛出東門直衝賊壘揮矛躍馬如摧拉枯朽賊潰走城賴以完

江西逆股竄祁門浙軍截勦連勝於五里牌

十月初一等日江西浮梁賊匪竄安徽祁門縣境經

浙江晏巡撫所派游擊馬懷珍擊斃多名退踞五里

平定粵匪紀略

卷六

三

粵王

牌復經周天受江長貴自率勦旅督戰焚其木卡斃賊五百餘名生擒四十六名追殺三十餘里楚軍水師克復安徽望江東流銅陵三縣先是江南水師定海鎮總兵李德麟率紅單船自下游入皖勦賊至繁昌縣之舊縣峽口為賊艇遏抑不得上賊沿江岸築壘聲勢聯絡困我師已七閱月楚軍水師楊提督克湖口彭澤東下所過焚賊船無數安慶首逆偽成天豫陳玉成派偽丞相曾逆帶船數百號乘風而來泊馬當峽華陽鎮一帶楊提督率各

營奮力攻勦兩處賊船敗退追殺二十餘里焚奪略盡九月二十二日焚華陽鎮二十三日派李成謀一營克復望江縣二十四日乘勝復東流縣疾趨安慶攻破西門外鹽河口及對岸賊壘各三座二十五日實刻全軍衝安慶而下未刻破縱陽二十六日破大通鎮二十八日攻銅陵縣李成謀斬關直入立克縣城又破土橋賊壘至舊縣峽內與紅單船合不出旬日轉戰一千餘里克復三城疊破卡壘羣賊望風瓦解附近之泥汊賊築堅城二座紅單船懸賞萬六千金卒不能克楊提督親統各軍直逼偽城李成謀率眾前驅拋擲火彈適中賊之火藥烈燄騰空城石迸裂我軍長驅直入勦戮殆盡得糧米六屋竝船數軍火悉付紅單船為勞軍費曰非爾輩扼要疲賊我軍雖銳成功不如此之速紅單船驟見旂幟正驚愕疑上游水師何以能飛渡也及見破泥汊賊壘咸愧服又饋饌豐叙驚桀感生誓同心協助咸稟籌畫楊提督旋聞江西有賊出竄十月十三日回軍駐彭澤十一月揚州軍克復瓜州

平定粵匪紀略

卷六

三

羣玉齋

逆憑險負嶠遙聯金陵近接鎮江阻官軍進勦之路歷五年矣官軍屢受牽掣一難收德大臣激將勵兵定期大舉適賊援之在南岸者為和大臣懲創有隙可乘遂於十一月十二日派八成兵勇將土城四面圍裹大兵踰城而入逆眾無路脫逃殲斃千餘人踣平賊壘五座其登舟南竄之賊被艇師截擊溺斃無遺即於是日得瓜州城

江南軍同日克復鎮江城

十月二十九日張提督國樑大捷於瓜州之南岸陣斬偽王奪壘十七座遂圍鎮江城副將虎坤元等追勦金陵四次援賊四馬片帆無返者城賊猶死拒十一月十二日張提督會總兵虎嵩林劉季三余萬壽李若珠等四門驟攻潰垣入悉誅羣逆是日亥刻克復郡城有突鋒逸出高資倉頭者同時追勦沿江搜殺約計萬人惟逆首吳知孝潰圍逸至金陵復竄皖北後於九年八月在盱眙為總兵張得勝陣斬

楚軍勦援賊於安徽太湖等處

江西逆渠糾大股二萬數千人由浮梁建德都昌鄱

平定粵匪紀略

卷六

三

羣玉齋

陽竄湖口楊提督已沂江回駐彭澤嚴申戒備而宿松太湖之逆憤九江困圍糾黨齎集於楓香驛仙田舖紫方界水河等處聲勢相依合計不下五六萬官大臣已以湖口任楊提督復書最都將軍極意周防將軍乃於十一月十五日督隊簡員派糧道唐訓方駐陳德圍固蕪州門戶翼長多隆阿副將鮑超領石清吉西林布祿昌鄭陽和等迎勦太湖馬步並進斬四千餘賊唐道亦敗賊於陳德圍級功相埒是時楊提督之師已大獲全勝李布政續實撥陸勇五千遣

平定粵匪紀略 卷六 羣玉齋

布政孟羣所統入皖之兵較單難於兼顧因奏請飭楚北撥兵防勦官大臣前因逆匪勾結各捻近河南之商城固始與湖北羅田麻城毗鄰已遣員帶兵勇設防守隘遂上言鄂居天下之中道途四達密邇賊氛路徑紛歧未敢鬆懈將軍都興阿兵力太寡無可分撥謹再調九江步軍三千名撥暫駐襄陽之馬隊二百兼程馳赴豫皖接壤處相機進勦以固楚疆楚南軍克復江西臨江府餘匪竄楚境擊殲之楚南援軍候選道劉長佑等於八月二十七九月初

平定粵匪紀略 卷六 羣玉齋

候選道李續宜會水師彭道玉麟分三路直搗水陸相資竒正互出戰必有功斃賊七千餘名邀擊殲溺五六千統計盈二萬有奇裹脅之眾羣散隊攜又將萬餘逆勢大挫

六等日破太平墟皋田各賊與副將普承堯等合兵攻臨江府十二月初八日拔之餘匪由瑞州德安瑞昌竄入湖北興國州境在籍給事中陳光亨集團防守浙江布政使李續實派兵一千六百人於十二月二十五日自瑞昌馳援九江兵勇亦先期馳至副將周寬世等率馬步四面兜圍殺賊一千餘人溺斃無數餘賊僅二百餘名覓水逃逸

十二月皖逆陷霍山縣城旋即收復楚北軍分防羅田麻城

江南北既收瓜鎮敗賊竄聚安慶楊提督圍九江得手不便分兵堵禦而潛山太湖之逆又陷霍山縣旋退出欲從羅田麻城圖上犯踞獨山西河口為營李

一第 213 冊 續修四庫全書 第 6 版 正內

平定粵匪紀略卷七

咸豐八年戊午正月楚軍進勦安徽太湖逆勝之

皖逆糾豫捻犯商固旋擾光州六安窺伺隨賚一路
官大臣檄訥總兵欽襄陽道毛鴻賓督鄉團會同副
都統舒保扼要隘察情形為緩急備而太湖渡石牌
等處賊黨連營三十里略計七八萬眾乘我軍度歲
之際竄近蘄州界官大臣等豫度有此詭謀密飭準
備經管帶訓勇之唐糧道訓方連戰擊退正月初七
八等日又竄荆橋好漢坡等處都將軍派巴依爾呼

平定粵匪紀略

卷七

羣玉齋

蘭石清吉等赴宿松協守而飭副都統多隆阿選三
營四超馬步隊迎勦賊眾於仙田舖鏖戰風火山礮
斃多名追抵太湖城賊沿江逃竄生擒長髮逆百餘
獲礮械無算

二月楚軍分道勦逆大捷收復安徽英山縣

都將軍已追勦太湖獲勝遂連營宿太以扼賊衝而
偽燕王秦曰綱遣其黨北趨避實擊虛欲犯蘄州蘄
水時李布政孟羣回固始故六安之賊亦併力上竄
陷英山縣分七路竄羅田署羅田縣知縣崔爾馨會

在籍主事姚敦禮督練勇連日鏖戰二月十八日大

敗賊於樂利河焚燒其壘追勦二十餘里乘勝圍攻
收復英山縣唐糧道訓方亦大捷於黃泥坂守備梁
洪勝生擒偽丞相韋朝綱遊股又由黃花嶺竄楚境
之楓樹坳牛頭冲等處都將軍派參將富森保德明
前往南陽河迎擊唐糧道亦奉官大臣檄會勦賊築
壘北岸依山為壘數十座唐糧道先遣兵勇自下游
渡伏岸北山谷間而親整隊伍列陣南岸賊渡河而
南都司余際昌邀擊之知縣丁銳義守備張養吾為

平定粵匪紀略

卷七

羣玉齋

兩翼左右衝突賊紛紛潰我軍乘勝北渡壘中賊已
陳於山腰潰賊續至而山谷伏兵起賊大驚我軍合
力併擊殲斃無數橫尸滿坑計平賊壘二十九座楚
軍勢振都將軍之宿太諸營始紓後顧憂

江南軍攻克秣陵關

秣陵關為金陵南面外蔽賊守甚堅二月初二日和
大臣派總兵李若珠等移營節節進逼直渡河北將
黃泥庵等處賊壘踣平斬關直入賊匪紛竄豫派副
將劉季三游擊馬德昭等潛伏葛塘寺等處截勦共

殺賊五千餘人遂於十四日夜刻克復秣陵關

三月英山羅田逆竄商城官軍擊走之

逆糾豫捻圍固始正月二十四日官軍大勝解圍遂

擾商城警報頻赴於楚副都統舒保奉檄督馬隊湘

勇防商城及英山羅田之敗賊與商城合勢益張李

布政孟羣派兵援勦賊踞金家寨守備楊光澤知縣

戴鴻經等堵截邀擊掃盡巢穴賊乘霧越嶺遁商城

肅清

江南軍攻金陵城賊於七橋窰等處

平定粵匪紀略

卷七

三

羣玉齋

和大臣率張提督國樞總兵戴文英周天培副將李

若珠等圍攻金陵三月初二日擊賊七橋窰斃賊

數千直抵外濠毀更樓數座李若珠從間道撲賊巢

設伏誘戰逆遣悍賊出西南門張提督督隊與李若

珠合兵圍其二門戴文英亦會攻雨花臺印子山槍

斃黃衣騎馬賊目張提督派王浚蔡起榮分道搜勦

斃賊二千餘逆閉守不敢復出

賊入浙江界連陷江山常山開化諸邑

西安將軍福興奉

命督江西東路軍務駐兵弋陽時撫州逆勢窮蹙紛出竄

擾福將軍派員堵禦益勦益深欲為蓄銳計退守廣

信圖進取逆遂由廣豐竄浙江境疊陷江山及常山

開化諸縣

上以福興遷延貽咎

詔切責之飭浙撫撥兵會勦

逆陷湖北麻城縣楚軍會勦

黃州所屬交安徽界者黃梅廣濟蕪水蘄州羅田等

縣而麻城則兼界河南之商城縣副都統舒保前督

平定粵匪紀略

卷七

四

羣玉齋

兵出境堵守商城駐麻城者僅游擊李曙堂一營數

百人河南軍既平金家寨逆竄踰嶺走了角山一日

夜行百餘里三月十一日入麻城舒保聞警倍道回

援至則城已陷矣擊敗南路之賊力遏其上竄黃陂

孝感之路官大臣急調水師堵截湖路以防偷渡飛

飭副將鮑超將駐宿松二郎河五營候補同知直隸

州何忠駿將新募平江右營千人馳往協勦都將軍

亦抽撥馬隊二起令富森保統帶官大臣又添派喜

昌等馬二起分路馳援各道尅期集麻城

四月楚軍水陸大舉克復江西九江府城首從各逆悉
伏誅

逆首林啓榮竊踞以來植援湖口石鐘山彭澤等處
層柵密壘聲勢相依十易寒暑矣上年克復彭澤湖
口摧其翼角南岸肅清得以專力於九江逆百計死
拒糾皖逆分擾蕪黃翼緩其圍我軍已濬濠環攻更
番休息磨盤洲近大東門城垣外高岡危峙虬蟠虹
帶下可潛開地道乃精選勇壯築牆爲蔽內穴岡河
城而外張旂幟木梯偽陳攻具以疑賊三月二十五
二十九兩日城下地道成轟坍東門十餘丈又坍其
南門逆以火器力禦先登將士多死傷官大臣爲書
勞苦意謂良將者

國家資爲股肱也精兵者良將之爪牙也股肱之力可勞
而不可竭爪牙之用宜惜而不宜傷今逆勢雖衰堅
城尙多未克諸君子已激義憤輕蹈危機後宜蓄養
鋒銳勿輕淬厲馳各營徧慰之將弁兵勇聞溫郵語
感泣愈奮自忘其苦是月初六日迤東而南地道復
竣楊提督會集李布政績賓彭臬司玉麟總統水陸

平定粵匪紀略

卷七

五

羣玉齋

軍十六營四門進攻初七日寅刻舉火地雷驟發磚
石飛騰山岳震撼立塌迤東並南面城垣一百餘丈
兵勇痛兩次傷亡之慘歎歎泣人盡思奮踴躍先
登呼聲動天地衝鋒掩殺約兩時之久斃賊一萬六
七千餘尸積填巷血流成渠賊首偽員天侯林啓榮
偽元戎李興隆據各賊目於亂尸中指出寸磔梟示
以抒積憤從逆者悉數伏誅

楚軍攻勦麻城逆大勝

逆目陳玉成勾結捻首張落刑龔瞎子等匪衆三四
萬詐稱十萬竄踞麻城縣以守險築壘爲固計四門
共壘五十八座溝濠層壘儼若天塹前調之軍已至
城下胡巡撫復抽調九江湘副等四營併鮑超何忠
駿等三千五百人均歸候選道李續宜統帶會勦定
議四面破其壘然後肉薄攻城派營官張文煥等伏
兵附近爲策應其南路則何紹彩西路則黃日勝皆
張旂以出馬隊輔之李道舒副都統親督兩大隊攻
其東壘北壘逆匪出衆迎拒我軍竭力苦戰斬悍賊
百餘賊入壘自保乘勝攻圍闕平東北各壘西路官

平定粵匪紀略

卷七

六

羣玉齋

軍聞東北得手併命惟恐後時西壘亦破賊奔赴南壘城中出數千人協守礮落壘外如雨我軍四面伏兵齊起副將張文煥首先馳入賊營中礮陣亡弁勇憤怒驟進遂平南壘共殺賊五千有奇生擒七百餘兼斃其偽總制將軍指揮二十三名

官大臣胡巡撫籌議水陸東征

九江既克官大臣胡巡撫會籌東征之策江楚各留兵五千防潯陽以得勝之師水陸東征陸師渡江先皖北而後及於江南水師先安慶而後及於金陵請

平定粵匪紀略

卷七

七

羣玉齋

於九江設轉運糧臺由安徽巡撫派員赴都與阿李續實行營支應並陳李續寶忠勇誠篤可獨當大任今越境遠征應否加銜准其專摺奏事以一事權而免牽制得

旨報可李續寶加巡撫銜

江南軍攻雨花臺

逆屢伺官軍之懈悉眾突犯冀一勝以解其圍而雨花臺形勝尤絕勢所必爭和大臣偵知逆情遣總兵李若珠伏兵慈湖銅井二路并飭艇師嚴為防倣親

與張提督更休疊巡是月逆果由雨花臺撲營大敗之斃賊千餘伏兵亦獲勝斬黃衣逆目二名賊艇亦為水師所敗燬奪無數

揚州軍擊敗援逆於石橋

皖逆糾合捻眾竄石橋薛家口築營壘圍窺江浦為金陵聲援德大臣派營總富慶阿等分路進攻先敗賊於大劉莊崔廟集平賊壘三座賊奔石橋復拒戰富慶阿等設伏合圍斃賊六七千生擒長髮千有奇賊之竄歸滁州及旁擾和州者亦悉數殲除

平定粵匪紀略

卷七

八

羣玉齋

皖逆竄陷黃安縣

副都統舒保李道續宜方會勦麻城獲勝而安慶暨英山霍山諸逆由廣濟蕪州邊界繞光山商城趨入黃安陷之官軍分兵馳堵舒副都統率領馬隊往來策應頻戰雖小挫其鋒仍相持未決官大臣檄李布政續寶率五營兵上援是月二十六日抵黃安城外續寶本伍浙江布政使時逆入浙境金衢嚴處各府騷動浙省在京大員合詞奏請飭令李續寶速赴新任藉資捍禦得

旨俞允官大臣以楚皖安危大局所繫不可不剴切陳明
遂上言逆犯麻黃數道戒嚴我軍僅六千當驍賊五
倍之衆所恃者續賓威聲素著爲逆所憚耳浙江兵
力雖單江南大營已派弁往援疆圍可固楚北少有
蹉跌後患至深當今切要之計迅掃黃安全力以復
麻城如能使逆首聚殲於二邑不惟紓楚省邊患卽
江淮皖豫中原腹地亦可節次肅清

上嘉其切中機宜從之

福建軍擊敗政和諸逆黨

平定粵匪紀略

卷七

九

羣玉齋

先是江皖逆竄入福建界陷政和縣邵武府城亦失
守遂踞浦城分擾建甯府閩浙王總督懿德福建慶
巡撫端飭候選知府陳維漢督帶兵勇進攻政和遇
賊於西門斬獲甚多又擊退浦城游賊署延建邵道
趙印川參將顧飛熊救邵武不及糾練丁結營鐵羅
巷連戰獲勝擒賊七十餘名

五月楚軍克復黃安麻城縣追至商城並防勤太湖潛

山英山霍山諸逆黨

皖逆踞麻城分陷黃安圖窺漢陽德安取道北竄官

大臣先飭湖江各師船層布要隘令曰使逆入腹地

者罪無赦師船以死守之一面分撥馬步以勦爲防

接值李布政續賓援兵至軍威益振逆計沮惟負隅

抗拒而已隨定議攻黃安破其四堅壘而進以劈山

礮轟城排礮繼之五月初二日賊開三門擁衆出諸

將弁迎戰正酣忽旌旂捲地槍發如雷則布政之伏

兵起麥田而驟來也賊大潰棄械紛逃陣斬僞丞相

檢點指揮數十人賊尸滿野黃安縣城既復乘勝抵

麻城先是營將蕭積仰駐兵殷家河敗賊由黃赴麻

平定粵匪紀略

卷七

十

羣玉齋

者扼險邀截生逃僅十之一二麻城逆皆膽落閉門
不敢出初四日宵遁我軍窮追數十里殲斃不可億
計越境至豫之商城皖之潛太英霍邊界大申撻伐
楚南軍克復江西諸郡縣湖北分兵援浙

九江既克逆黨無固志而練勇愈奮湖南援軍卽選

道蕭啓江知府今江西巡撫劉坤一進取撫州於正

月二十九及三月初六等日先後收復新淦崇仁縣

四月二十日攻撫州招降城賊黃揚水陸各軍相機

登城殲賊數千人克復郡城餘匪逃至千金陂逼溺

千餘人竝經圍練在流坊等處截殺無數餘匪踞金溪縣參將劉芳貴帶寶勇擊走之其卽選道張運蘭知府王開成一軍由永豐規取建昌二月十五日克復樂安縣三月初四日收復宜黃縣初六日攻破磁甌賊巢乘勝收復南豐縣遂於四月二十四日收復建昌府城各失守之守令帶同團練先後收復新城等縣時同知曾國荃都司張勝祿李祥和等會參將遮克敦布等攻吉安添竈長濠屢敗之白鷺洲天華山逆堅伏不敢出遂劾克吉水萬安二縣於是江西

平定粵匪紀略

卷七

十一

羣玉齋

陷城收復八九矣逆黨畏懼竄入閩浙境警報日亟時議趣李布政續賓赴浙官大臣疏爭之皖北獲安及是見江西漸平兵力彌厚奏請

飭蕭啓江劉騰鶴等酌量抽撥由祁門甯國馳保杭州繞出前路回攻爲捕鹿勢

皖逆復圖犯蕪州楚軍擊敗之

黃安麻城既克皖逆尙未之聞也思下游馬步大半調防他處蕪州必單可逞志遂糾衆二萬餘築壘彌陀寺南陽河分三路齊奔界牌石距蕪僅數十里唐

糧道訓方移勝軍馳勦派同知丁銳義游擊張嵩齡當賊之右路游擊朱恢三率所部當賊之左路自勒兵居中策應而分團勇爲三隊伏林菁深處賊中路先敗陳德團鄉隊突出夾擊敗其右路張嵩齡先以羸兵誘賊至伏所故大勝復偕丁銳義朱恢三直上山岡揮旂截擊左路賊不支紛紛潰三路俱捷燬賊壘無數游擊余際昌又敗賊於白洋堡黃龍庵追至彌陀寺逆聞風遁

福建軍克復光澤縣進攻邵武

平定粵匪紀略

卷七

十二

羣玉齋

江西逆闖入閩境由鐵牛關陷邵武等郡縣按察使保秦移駐建甯杜賊蔓延而是時金陵逆勢亦窮蹙力圖外援騷動皖南北迄浙閩邊界冀官軍分援延旦夕喘

詔起復曾侍郎前往浙江辦理軍務浙屢報捷而逆之人閩境者亦大受懲創參將顧飛熊既擊敗浦城賊會同副將賈開泰都司武明良先於四月十一日克復光澤縣至是會各軍進攻邵武江西軍擊敗常山逆於玉山子午口

時江西兵勇多調援浙境又撥五千守九江以扼皖楚之衝常山逆乘虛竄擾玉山子午口等處候選道李元度奉檄督附近鄉團多方抄擊殺斃黃衣目二名派都司彭定發結營屏風關逆傾巢撲營左營童梅華右營郭世源中營彭舉從水田截出生擒髮賊三十羣斃溺死者無數

江南軍攻復安徽來安縣並平毀金陵城外及沿江各逆壘

時江浦克復皖逆竄踞來安圖為江南北聲勢和大

平定粵匪紀略

卷七

圭

羣玉齋

臣派總兵成明協領博奇等進勦立復縣城金陵逆愈形危蹙急欲潰竄和大臣思先剪其翼密派水師總兵李德麟督都司黃廣泰分勦繁昌縣賊囊土填濠踞堅壘數座土橋以平又派水師總兵吳全美游擊郭定猷守備鄭榮勳攻破襄橋楊家邨魯港等處殲賊二千餘名沿江漸靖城逆憤恚出太平神策門分犯大營副將張玉良馮子材游擊孔朝斌等踴躍陷陣奪其大旗斬驍健數名賊敗退自龍脖子至莫愁湖尸相積如蘘柵遂攻金川門悉毀東北城外之

壘柵收隊

浙江軍克復壽昌縣

逆黨自廣豐陷江山縣金華衢州處州三府所屬邑焚掠屠毒蔓延幾徧總兵李定泰自遂安馳抵楊溪揜賊不備悉燬其沿河營柵進逼壽昌縣之七里亭分路兜擊斃逆目三名斬獲數百名立復縣城遂由壽昌赴衢州會勦

六月揚州軍大捷於全椒

逆竄入全椒城三面築壘滁州九洲洲等處皆所盤

平定粵匪紀略

卷七

圭

羣玉齋

踞聲息相通總兵鞠殿華奉德大臣檄會督帶兵官海全富明阿留攝六合縣溫紹原分途攻全椒旋為九洲洲逆偵知遂出上游龍王廟並約滁州城逆剋期會合意圖襲襲溫紹原富明阿奮兩翼擊之滁逆敗走水陸並進大敗九洲洲之賊獲巨艦二鞠總兵統大隊薄全椒城下蹋平賊壘縱火燒城門城內賊撲救死拒而城外賊紛紛蟻聚海全衝入左右馳驟當者披靡鉛子中其騎卽舍騎步戰刀矛電閃頭顱滾滾如落瓜賊大城逆負隅不敢出

曾侍郎由長沙起程援浙

曾侍郎於七年二月丁父憂得假回籍假滿固請終

制情詞哀切

上鑒允之至是以浙江危急

諭旨敦促起行六月十二日抵長沙由水路至九江登陸

赴河口大營星馳入浙

浙江軍攻克武義永康常山江山開化五縣

總兵周天受督帶各隊攻武義縣六月初八日子刻

克之賊竄永康大路復會和大臣所派副將陳開選

平定粵匪紀略

卷七

五

羣玉齋

一軍追殺是日午刻克復永康縣自衢州解圍以後

總兵李定泰等派知縣丁峻等攻常山副將陶茂森

等攻江山江西巡撫派候選道李元度由屏風關進

兵會攻六月初四日勦賊於曹會關常山之賊乘夜

逃竄初五日克復常山縣江山之賊竄往浦城即於

初六日收復江山其開化之賊亦經總兵秦如虎等

攻克數日之內連復五城

浙軍續克縉雲宣平縣

武義永康餘匪分竄縉雲宣平二縣周天受派副將

陳開選督同游擊吳再升移師縉雲分頭衝擊擒斬

及滾巖落澗死者不可勝計六月初九日克復縉雲

縣周天培督攻宣平四面兜擊斃賊無數亦於初十

日克之

浙軍復克處州府

諸縣城以次攻復衢圍亦解逆眾悉竄處州郡城失

守周天受飭副將陳開選瞿先仲等由陸路溫處道

俞樹風督兵勇由海口約期會勦潛伏敢死士人城

縱火為內應逆堵禦未備大軍猝至環攻城中復火

平定粵匪紀略

卷七

六

羣玉齋

起開門竄往松陽遂於六月十六日克復府城

浙江分軍援福建

閩逆蔓延猖獗所復各城旋失又陷松溪崇安建陽

等縣建甯府亦被圍告急浙江晏巡撫端書以衢處

少安即檄總兵饒廷選副將張騰蛟督兵勇馳援閩

省又出師江山界勦浦城逆巢副將陶茂森游擊韓

廷桂統之咨商幫辦軍務周天受李定泰各挑選勁

旅三千派員管帶取道龍泉赴浦城會勦是時曾侍

郎由河口營到浙復奉

命援閩省方擬自鉛山進軍逆始有懼心諸軍未合又潛圖牽掣之計矣

七月江南軍水陸皆捷

泥汊河居金陵上游前爲楊提督水師攻克後逆復濬濠築壘爲犄角勢和大臣遣總兵李德麟帶艇船集鄉團攻毀之總兵李若珠復督水陸軍巡上下要隘城逆不敢出和大臣與總統諸軍張提督國樑定議在金陵城外建長圍以困賊鑿山越水屹若長城周城百餘里諸營大小相維度圍形之險夷定攻具

平定粵匪紀略

卷七

七

羣玉齋

之厚薄復於開牖口等處連舢板船爲水營城逆益盛增防各門潛築柵壘於壽德州悉衆出撲欲潰我長圍張提督令南北軍分攻太平金川門東西軍各擣雨花臺自七里洲至壽德州則令游擊賴鎮海等駛艇師擊破之張提督策馬率諸軍前進勇氣百倍逆不能當我軍踰溝焚賊壘無數殲斃千計皖逆復竄陷廬州總兵蕭開甲知府武成功死之逆黨踞三河窺伺廬城福巡撫以師老無功召入京候

簡用以勝都統保爲

欽差大臣調揚防之翁侍郎同書巡撫安徽幫辦勝大臣軍務行未至李布政孟羣署巡撫事駐兵店埠逆衆乘虛於七月十五日竄入廬州城總兵蕭開甲知府武成功督勇堵禦衆寡不敵皆血戰陣亡閩逆竄回江西界圍廣豐玉山城官軍擊走之

閩省諸軍重克光澤收復建陽解順昌之圍先後抵浦城逆爲牽掣計遣其黨擾江西廣豐旁趨玉山縣平江營營官守備彭大壽候選知縣夏宏江迎戰於

平定粵匪紀略

卷七

六

羣玉齋

廣豐之五都小挫入城堵禦逆繞東門山之背悉銳來撲三面環攻於小北門南門開挖地道大壽兩次冒險衝賊營均將地道填塞十五日夜復出隊破其五壘賊始越嶺去其擾玉山者李道元度率勇守禦自是月十五至二十二等日出城迎擊殲斃無算城圍亦解逆黨盡棄其輜重竄德興福建軍克復松溪政和甯化三縣浙江收復龍泉縣合境肅清

浦城逆分黨四竄諸郡縣皆已解圍知府陳維漢勦

松溪連戰勝之政和逆黨來援未至攔截山腰擒
斬其酋餘匪潰散我兵整隊反攻於六月二十九日
克復松溪縣游擊袁良政和縣知縣楊國榮督率兵
勇於七月初一日克復政和縣其甯化縣踞逆為代
理知縣劉潤田挑選壯勇假稱援賊賺開南門知府
雷瑞光督隊攻入於七月初六日克復閩因稍紓而
浙江於是月初七日收復龍泉縣已全省肅清矣

浙援軍克復浦城縣閩兵克復崇安縣

逆在福建以浦城為老巢晏巡撫咨商援勦亦以會

平定粵匪紀略

卷七

九

羣玉齋

集浦城為先著總兵周天受周天培督游擊馬承恩
等自龍泉出師節次勦賊所至輒斬其驍目復在龔
邨與賊力戰追奔三十里乘勝由關莊松波橋攻浦
城之東北門毀城外賊壘七座逆匪喪膽奪門而遁
分途截殺槍傷溺斃無數遂於七月二十二日克復
縣城福建甯鎮游擊王興業亦於二十九日由四
渡橋進攻崇安縣緣梯登城克之建甯肅清
廬州逆竄定遠縣境皖軍擊走之
勝大臣之自豫赴皖也沿途勦捕聞鳳陽臨淮捻逆

與粵逆勾結意圖分撲遣游擊唐玉輝攻鳳陽獲捷
臨淮匪黨分擾紅心驛亦經副都統銜薩布等殲
除略盡廬逆聞風懼派匪竄至定遠縣之界牌勝大
臣派副都統穆騰阿副都統銜克蒙額等迎勦遇賊
於藕塘穆騰阿督馬隊兜擊施放連環槍礮轟斃四
五百名燬柵壘七座逆黨繞至池河襲官營亦擒斬
疊勝界牌藕塘賊皆潰奔關山大路竄江浦

八月楚南援軍克復江西吉安府

逆踞吉安最久自瑞臨撫建先後克復江西漸就肅

平定粵匪紀略

卷七

十

羣玉齋

清惟吉安孤城死守先是七年二月知府曾國荃回
湘添募吉中營勇水陸進攻十月焚天華山屢攻未
克八年七月二十一日以後官軍緣城直上斃賊甚
多賊已膽落八月初四日曾國荃會道員趙煥聯參
將遮克敦布游擊成章鑑胡定泰副將劉培元守備
周惠堂等水陸環攻毀賊划於白鷺洲初十日賊以
木簞順流衝營禦之於棧潭灣等處小划小簞擊奪
淨盡並擊散大簞一座斃賊無數賊之踞城者有二
股一為偽先鋒李雅鳳一為偽丞相翟明海屢敗互

相疑忌翟明海為李雅鳳致死其黨於十五日夜乘船忽遁曾國荃等各帶礮船迎擊各路兵勇薄城而登克復府城生擒賊首李雅鳳及偽副將軍吳大法等解省正法其初十日竄出之賊陷崇仁縣知府江忠義馳往攻克二十日竄陷宜黃縣亦經知府元善收復餘匪於克吉安之次日追至茶山嶺等處勦殺殆盡江境肅清

楚軍克復安徽太湖縣

李布政續寶既自為一軍得專達與都將軍由英霍

平定粵匪紀略

卷七

三

羣玉齋

進攻太湖縣溪山險阻逆屢抗未下時閩省騷動慶總督端飛調參將石清吉赴援清吉者入皖之行軍驍將也統飛虎三營屬將軍麾下將軍以情白官大臣疏留之而廬州陷後翁巡撫兵新敗器械亡失告急於布政令繞豫赴廬官大臣又上言太湖方血戰有功若舍之應廬州緩不濟急

上聽其議遂有八月十五日攻克太湖之捷先是賊於東岸及楓香舖小池驛東山頭各築堅壘都將軍李布政飭副將朱希廣趙克彰何紹彩總兵李續燾參將

謝永祐等分段攻城用火箭燃燒火藥賊匪駭散各勇奮呼登城各路搜殺克復縣城並攻毀黃泥港賊壘共計斃賊六七千人各軍進攻潛山石牌

楚軍克復江西安仁縣

曾侍郎奉

旨改道援閩未至而閩逆復分股萬餘人回竄鐵牛關由江西之瀘溪金溪並許灣邵家埠一帶入踞安仁縣曾侍郎親率所部移營弋陽派道員張運蘭自河口鎮拔營與知府王文瑞等軍先絕賊由樂平萬年分

平定粵匪紀略

卷七

三

羣玉齋

竄之路又派主簿吳國一軍與張運蘭等分路進攻安仁令平江營戰船橫截河面使賊不得偷渡張運蘭等行至青山埠即分軍誘賊出城伏兵齊起賊敗入城跟蹤追勦逆閉關抗拒矢石如雨各勇攀堞而登縱火焚燒水師戰船亦自河面轟擊賊不得逃伏尸山積計斃四千餘名其奪路夜奔官軍追殺者約二千餘人水師轟斃溺斃者千數百人生擒一百七十六名立將安仁縣城克復

福建軍克復建陽

逆踞建陽城以水吉邨為險要置重壘相虬結周總兵天受等既敗賊於迴龍塘即進攻建陽分遣副將郭啓舉往老佛庵都司榮升往上瑤襲勦二處皆獲逆三窟也逆果自水吉出黨二三千名分路來援我軍迎擊痛創之賊紛紛斃水逸去遂焚燬二處賊巢合兵攻水吉南北岸賊壘悉破擒斬無算七月初八日己革知府匡開督帶濠墩等鄉聯勇至聯勇首先登城官軍繼進遂復縣城

福建軍克復邵武府

平定粵匪紀略

卷七

三

羣玉齋

自崇安建陽克復後逆眾聚於邵武府八月十六日都司武明良自光澤帶兵前往協同上圩聯丁攻進西北兩門千總吳連升管帶平安軍親兵協聯丁入東門斬馘甚多即日克復府城計江西逆匪擾竄閩疆疊陷郡縣十城經慶總督端出省督勦浙江等軍馳援次第攻克竝有為本處守令率聯丁收復者至是一律肅清

楚軍進克安徽潛山縣及懷甯縣屬之石牌鎮

潛山石牌為皖省南北要道逆厚集黨翼以援應諸

路而抗我東征之師太湖既克都將軍等遣副將趙克彰率精銳抵潛山營北門外之彰法山賊蟻擁來撲殪悍賊數人副將何紹彩等左右包抄馬隊繞至賊後四面掩襲署知縣胡履坦率鄉團助戰殲賊千餘羣賊驚潰入城率城賊宵遁八月二十一日克復縣城追奔三十餘里前後斃賊七八千人遂派翼長多隆阿副將鮑超率馬步於二十五日分二路取石牌一由李家店攻破雷公埠收下石牌一由蠟樹柯收上石牌石牌鎮老巢皆平斬獲與克復潛山縣等

平定粵匪紀略

卷七

三

羣玉齋

官大臣飛章報捷竝以吉林黑龍江馬隊屢建奇功節次傷病九十餘員名請如數選換竝請添撥兩省西丹各一二百名以濟兵力得旨允行西丹者清文餘丁也

九月揚州城復陷大軍退保邵伯萬福橋等處

逆首陳玉成自上游率大股會九洲洲羣逆越江浦猛撲浦口德大臣大營幫辦總兵鞠殿華迎勦賊三路兜截我兵進退爭一橋致大挫和大臣派參將馮子材總兵向奎率兵六千先後來援賊分兵綴之仍

力撲浦口軍心不固八月二十日大營失陷升用知府南河同知孔繼鏐河南知府宣維那儘先副將陳昇等均陣亡賊疊陷江浦天長儀徵等縣竝分賊攻六合大隊徑奔揚州犯西北二門營總富明阿督馬隊出北門與守備詹起綸之勇會合包抄張德彪亦帶勇於西門力拒殊死戰乃賊勢太衆於九月初三日由南門攻破入城初浦口之陷德大臣登江口水師艇船繞赴揚州乃與幫辦等定議守邵伯防北竄竝營萬福橋等處以固東路

平定粵匪紀略

卷七

五

羣玉齋

楚軍克復安徽桐城舒城二縣馬隊會艇師進勦安慶大捷削平城外諸逆壘

大軍之入皖也楊提督率艇師沿江東下遙爲聲勢自太湖潛山復城後都將軍親督馬隊分道勦安慶其由石牌抵桐城者惟李布政一軍副將趙克彰爲前隊擊斃桐城撲營賊一千六七百名生擒逆目劉清桂等蹋賊壘四座後隊肉薄城根九月初七日總兵李續燾督勇先登克復桐城縣李布政獎勵三軍整隊前進舒城逆聞桐城已拔皆無固志續燾攻城

西北賊巢盡破而城東南亦爲副將李存漢趙克彰圍亟十八日逆悉衆棄舒城走入三河偽城死守運同丁銳義率團練搜殺賊尸盈路李布政之師遂追賊至三河時都將軍率馬隊攻安慶破大橋頭賊壘翼長多隆阿自總準副將鮑超自團山趨集賢關賊棄壘而遁楊提督水師亦至立毀北門近城四大壘東西山灣小壘亦掃盪無遺復奪獲賊艇於樅陽洲港悉拔其木椿鐵練之攔截官軍者先後斃賊五千餘安慶逆膽寒氣奪閉城不出

平定粵匪紀略

卷七

六

羣玉齋

皖軍及清江防軍拒賊於三河集獲勝

逆匪踞天長後意圖北竄分股二萬人於九月十二日直撲三河集集在清江浦蔣壩之南濱臨洪澤湖向設仁義禮智信五壩以時啓閉淮揚道郭沛霖以逆勢方熾留三河關口不堵以存天險庚河督長派候補道赫赫訥等督勇駐蔣壩守之賊至欲覓渡赫道等開礮拒之適勝大臣派副都統麟瑞等督兵馳至於商橋遇賊殲斃多名十三日復加痛勦蔣壩防兵亦竭力堵擊賊始奔潰悉數南遁清江以安

江南軍會北軍克復揚州城

逆踞城後屢至西北山焚掠並及黃珏橋圖犯邵伯
警報日達江南營張提督國樑領大軍渡江九月十
四日夜挑選精銳攻東南兩門賊擁眾出撲我軍一
可當百賊即敗退游擊馮觀勝黃靖分路截殺突有
悍賊出北門張提督飛馬迎擊如風掃敗簞賊狂奔
倒斃城不及閉江北軍鞠殿華成明富明阿亦相繼
驟進即於十五日克復府城遂移攻儀徵縣十六日
亦克之

平定粵匪紀略

卷七

毛

羣玉齋

逆陷六合縣補用道溫紹原死之

縣居金陵北以浦口為咽喉形勢鞏固粵逆入鄂之
歲湖北江夏人溫紹原權知六合縣事募鄉勇為守
禦計長江東下重城皆望風瓦解六合以彈丸獨存
大小百戰屢殲賊眾歷六年之久逆以全力始破之
揚州之變陷也德大臣駐邵伯不復能顧六合逆以
大隊圍城紹原激勵諸同志涕泣誓以死守割衫嚙
指草血書告勝大臣乞援不至張提督十五日復揚
州亟引兵救六合十七日至陳板橋遇大股賊接仗

不得驟進賊知張軍且至十八日寅刻穴地道轟城

城塌十餘丈蟻附而上紹原聞變攜妻王氏次子候
選知縣溫輔材長媳陳氏投水以殉從事者多不屈
死紹原以積功擢道員加運使銜充江南大營翼長
仍留防六合代其職者為李守誠江西宜黃舉人選
授六合縣清儉勤幹城陷自縊於堂上有總兵羅玉
斌者自來安奉檄守六合賊入城大呼曰我羅總兵
也手刃數賊而死投効知縣馮明本典史葉林奎都
司王家幹夏定邦守備余承恩城守千總海從龍等

平定粵匪紀略

卷七

天

羣玉齋

皆巷戰陣亡

皖軍擊敗天長縣竄黨進克縣城

勝大臣擊敗三河集之賊抵行營聞馬頭城上竄一
路逆黨久屯聚恣擄脅即派營總薩薩布穆隆阿等
分途捕剿屢有斬擒而天長竄匪復擁踞馬家壩憑
河負險為南北通聲氣乃遣副將張德勝由高橋進
直抵馬家壩賊大潰縱火焚毀其巢穴廬室無存九
月二十四日攻天長先有擒首李昭壽歸誠效順勝
大臣奏請

賞給三品頂戴花翎至是為內應率眾由內殺出前後夾
擊賊勢不支棄城逃竄即將縣城克復搜殺髮逆淨
盡事聞奉

旨李昭壽更名世忠以參將即補並飭嗣後各路軍營遇
有被陷賊中棄邪歸正者果能立功自贖克復城池
亦當一體施恩以昭激勸

楚南軍勦竄匪於江西新城等縣殲之

閩省逆竄回江西新城等縣屢次堵勦而此出彼入
邊境騷然會侍郎耆巡撫齡以補用道劉長佑誠果

平定粵匪紀略

卷七

壬

羣玉齋

善戰添派兵勇專任之劉道偵新城賊尤眾獨督軍
進連戰皆勝斃賊三四千羣匪自熊邨來援遣李明
惠等迎擊於南豐新城邊界之呂公嶺李家山等處
斬首三百級適遇江忠義軍遂合兵追至七都殺賊
一千六七百名復由七都至橫邨生擒五百七十餘
獻馘四五千級劉道督隊至沙坊傳坊戮悍賊百餘
進盪甘家隘老巢偽指揮數十悉伏誅計殲賊逾萬
另股由瀘溪竄安仁經張運蘭等及各屬團勇水師
合勦殲斃七八千名江境之賊約略無餘類矣

十月江南軍克復溧水縣

皖逆援金陵於九月復陷溧水署知縣周觀銘等督
戰陣亡逆遂分眾築壘江藍埠等處為扼要持久計
和大臣遣總兵張玉良由祿口進攻埭賊壘無數夜
渡河追擊盡平江藍埠斬首千餘乘勝合圍溧水城
和大臣等以城池單小必可旦暮克而銅井六郎橋
龍磨山高古山皆要隘援賊所必爭逃賊所必趨不
可不豫為防總兵李若珠飭所部副將劉季三游擊
宋紹科等往來巡徼張總統駐兵高古山以備侵軼

平定粵匪紀略

卷七

辛

羣玉齋

城逆果不支玉良督副將馮子材陳朝宗等裹創力
戰豎雲梯登城殺守陣而入十月初七日克復逆狂
奔西竄伏兵節節兜抄斃賊四五千名無一得脫其
援賊夾攻高古山大營張提督親率數十騎怒馬陷
陣左衝右突萬眾披靡刺斃其黃衣逆目總兵李若
珠亦督部將各處兜截生擒偽銅天侯斬偽國宗洪
姓斃賊五六千名賊尸相望合兵窮追直抵江甯鎮
燬賊卡壘數十座小丹陽以至采石磯老巢悉平
楚軍失利於三河巡撫銜浙江布政使李續賓死之

我軍既克桐舒皖逆待救攻廬州益急惟三河鎮爲水陸衝途欲援廬州非攻拔三河不可馬隊已隨都將軍會勦安慶所克潛太舒桐四縣留兵駐防李布政所統銳卒僅四五百人而已逆設立偽城於三河磚壘九座憑河扼險李布政督隊至結營連戰皆捷殺賊數千我軍亦陣亡參將蕭意文都司胡在位及兵勇千餘而逆首陳玉成李秀成李世賢由和州江浦六合廬江等處分道合援連營數十里我軍較敵不及二十分之一逆屢出挑戰李布政慷慨誓師部

平定粵匪紀略

卷七

三

羣玉齋

下士皆涕泣効死殺賊過當賊四面圍裹愈集愈厚又喪參將彭友勝游擊胡廷槐饒萬福等丁勇盡銳突出歸伍者不滿三千十月初九日親自督戰盪決直前游擊鄒玉堂杜廷光守備趙國棟力竭死七營均陷李布政知勢不可爲焚香九叩首捧

廷寄

硃批奏摺焚之曰不可使

宸翰落賊手次晨復督衆血戰竟日力竭陣亡臨戰時顧諸將曰我義當死戰報

國諸人可自圖生也僚佐謂公不負

國我等豈可負公皆願死戰卽補道孫守信同知曾國華

運同丁銳義何裕何忠駿同知直隸州董咨方知縣

王揆一等數十餘員皆從死其棄壘先逃及不能援

應之總兵李續燾等八員經官大臣胡巡撫奏參逮

問擬以遣戍褫職布政湖南湘鄉人幼讀書端凝沈

毅器識過人咸豐二年奉父命應羅布政澤南倡辦

團練七年之間克復四十餘城身經六百餘戰一時

諸將無與倫比死之日湖南北及江皖四省士民巷

平定粵匪紀略

卷七

三

羣玉齋

哭如失所依舒桐難民猶不遠千里負送忠骸歸葬

官大臣等觀縷上陳得

旨加總督銜照總督陣亡例優卹並奉

硃批詳覽奏牘不覺卽涕惜我良將不克令終尙冀其忠

靈不昧他年生申甫以佐予也

煌煌天語李總督雖死猶生矣

楚軍擊平荆橋諸賊壘

三河之敗爲東征一大蹉跌遠近震動都將軍方攻安慶屢獲勝仗忽聞三河之警勒兵回援已無及矣

三河潰卒入桐城致潛太復爲賊踞將軍恐悍賊抄襲收潰卒由石牌駐兵宿松而唐道訓方李道續宜舒副都統保奉官大臣胡巡撫檄率馬步大軍赴潯陽節次進援將軍喜曰三河恥可雪矣吾當爲諸軍先遂進勦黃泥營賊衆敗之復督副都統多隆阿大戰荆橋逆前隊數萬迎拒十合十勝士憤恨氣盛賊雖衆莫敢當乘勝奮殺賊衆棄壘而逃踰平三十餘座斃賊六千餘生擒五百有奇軍勢復振

浙軍援閩克復諸縣城

平定粵匪紀略

卷七

三

羣玉齋

江西逆擄入閩界肆擾將樂縣並陷浦城永吉建陽順昌各城曾侍郎由杉關入閩勦賊軍士染患時疫者數千人遂駐建昌先檄周總兵天培督將弁赴援所向克捷張道運蘭一軍肅清將樂等處逆分三路復竄回江西遂以次收復浦城順昌諸城是時汀州府甯化長汀等城均陷旋亦收復惟連城尙聚賊萬餘人

十一月皖南各軍先後勦逆獲勝

皖南祁門青陽之賊竄犯崇覺寺及卓邨和大臣派

總兵江長貴分路迎勦自九月初九日至十月初三

日疊敗賊於九鳳嶺苦竹橋焚燬陵陽鎮賊壘其太

平縣等處竄匪亦經官兵擊退又南陵之匪竄擾甯

國爲總兵米興朝等抄賊於赤嶺牧家亭敗之逆從

烏溪渡河水陸並進爲提督鄧紹良等殲斃蕪湖之

賊從鷹邨橋小蒜山五里亭等處來犯亦經鄧提督

等分途迎勦悉有斬擒逆復由小荆山撲孤山壩兵

少卻鄧提督飭諸軍進勦奪賊艇數隻獲其僞丞相

承天侯首級陣斬將軍各賊目乘勢追奔又連捷於

平定粵匪紀略

卷七

三

羣玉齋

黃池黃島坡等處甯國之匪復竄水陽鎮擾至雁翅陡門和大臣所派總兵戴文英副將朱承先等於十一月初八日三路攻擊游擊馮觀勝衝入賊隊殲賊無數立克逆卡二道進薄賊巢壘戰五時之久殺賊千餘名奪獲賊械無算又賊股分陷徽州之婺源縣時前江西巡撫三品京堂張芾奉

旨督辦皖南軍務派副將王夢麟等會同署提督周天受

督軍進勦十月初二及十一月初三十六等日疊獲

勝仗復與白沙關總兵李定泰一軍會合

十二月江西逆匪竄信豐陷南安府城

景德鎮陷後官軍失利於鱸魚山並陷東流縣揚言欲竄湖口九江等處及聞逆回竄由瑞金會昌徑入信豐抵南安界警報日急張道運蘭奉檄調自閩赴建昌曾侍郎謂曰閩事不足慮信豐南安賊亦無害所以調至者圖商景德鎮耳若東犯廣信西踞湖口則九江危矣即日撥帶勁旅倍道馳抵景德鎮與劉道于瀆會勦屢戰皆捷賊鋒少挫入南安城者旋即收復信豐城堅守得完

平定粵匪紀略

卷七

七

羣玉齋

楚軍敗逆於南陽河等處

三河鎮之失桐舒潛太四縣復陷皖楚之交游賊往來無停趾官大臣已調兵赴援都將軍以斬黃羅麻者九江之尾閭而全楚門戶也急派李道續宜督知府唐協和等分駐要隘備不虞又派蔣道凝學一軍趨宿松界飛飭總兵普承堯劉道騰鶴集重兵防潯陽彭澤湖口等處北岸始固而自龍坪黃州以上至漢鎮水師礮船聲勢聯絡則以知府蕭翰慶副將李成謀統之部署嚴密重振軍威荆橋既勝唐道訓方

游擊余際昌阿達春等復有南陽河之捷自後又敗

賊於花京亭楓香驛蓮花塘分茅嶺斬賊一萬二三

千有奇

湖北胡巡撫駐軍黃州

巡撫以七月丁母憂照軍營例回籍穿孝百日固請

終制會三河變起李巡撫死綏

朝旨敦迫乃勉起督師念墨經從戎金革無避之義以兵

事自任十二月初八日渡江駐黃州蒐軍實察夷傷

郵死弔孤汰弱補闕經意規畫兵氣益揚

平定粵匪紀略

卷七

美

羣玉齋

平定粵匪紀略卷八

咸豐九年己未正月江南軍克復浦口城

是時江浦守城逆為薛三元遣其心腹羅華清等謁見張總統願獻城勦賊贖罪和大臣遣參將李世忠詣城受降獻出江浦縣城於正月二十七日進攻浦口出不意陣斬偽懷天福等逆渠數名斃賊千餘遂復浦口當世忠之未往受降也羣逆知三元有變率隊急攻江浦三元已下令皆薙髮歸正協力死拒潛乞師於水師游擊賴鎮海鎮海以兵往援會世忠至

平定粵匪紀略

卷八

一

李王肅

圍遂解三元改名成良後於十年復叛為李提督世忠擒斬以徇

楚南軍大捷於南康勦平新城墟及池江等處逆巢

逆由南康縣窺贛州在新城墟築偽城其首逆則踞池江補用道蕭啓江奉會侍郎援贛之檄正月十七日抵賢女埔偵知賊有七八萬眾當以計取伏兵附近各隘令管帶田勇知縣周慶榕誘賊出擊精兵盡起陵谷中建楚軍旂幟驚以為天外飛來棄營壘遁追斬無數削平偽城進攻池江小溪鳳凰城燬其老

巢賊竄南安

皖軍再復浦口

參將李世忠等既克浦口奉勝大臣檄會擊高旺之賊奮勇衝殺立蹋其柵壘十餘座逃匪復糾合小店諸逆驟撲浦口擊走守城兵擁擁而入世忠引勝兵回勦鏖戰數日賊勢漸挫都司朱光興等三面環擊復克其城殲斃無算擒髮逆百餘浦口肅清

福建軍克復連城縣龍巖州

閩逆戰敗回竄江西閩之汀州甯化等郡縣先後皆

平定粵匪紀略

卷八

二

李王肅

復惟連城逆尚負隅陰圖觀變東南濱海地沃衍物產極豐惟甌閩僻阻獨磽确多貧民逆便於誘煽故雖無所獲不肯去閩督撫密飭延建邵道潘駿章督同紳耆設法散其羽黨陸續投誠者七八千人選其精壯充新勇老弱還鄉里官吏妥為存卹從賊多無聊賴既喜自新有路皆相引舍賊去乃調集總兵豫祺副將王捷元參將袁良等督諸軍於正月初十日一鼓進攻盪平之餘匪由葛溪一帶竄陷龍巖州復派都司賴正修已革汀漳龍道英樸等二十三日夜

進攻城內紳民開城接應逆眾四散奔逃殲擒二百餘名立將州城克復

江南軍克復灣沚黃池

逆踞宣城縣屬之灣沚與黃池相依倚大為徽甯患和大臣先飭提督鄧紹良攻灣沚力戰陣亡總兵鄭魁士繼往派參將鄭朝棟等分路進攻斃匪千餘名於正月二十四日收復灣沚復督副將朱承先攻黃池盡平其壘

二月皖南軍克復婺源縣

婺源於上年八月失守張京堂飭接辦軍務之皖南鎮總兵江長貴攻勦獲勝正月間密派得力將弁斷其接濟二十八九等日疊次大勝二月初一日會同各軍鏖戰七時俘賊無數斬險直入立復縣城

江南軍擊敗皖逆於江浦浦口

江浦浦口次第克復皖北各路悍賊暨黃池灣沚諸潰匪不下七八萬合踞烏衣鎮汜河口等處圖伺擊奪兩城為六合援張總統國樞遣總兵李若珠游擊薛成良於二月初九日由黃山迎勦逆會結連九汛

平定粵匪紀略

卷八

三

羣玉齋

洲之賊直撲浦口張總統躬率大軍分三隊長驅截賊數段李若珠等亦自黃山得勝回前後夾擊殲斃二千餘生擒偽固天福洪方偽立天豫莫興等二十餘名江浦亦為逆所撲並橫截浦口大道總兵周天培游擊賴鎮海出城接戰而大軍亦至賊棄械遁江楚軍克復南安府城信豐解嚴

蕭道啓江已平新城墟及池江賊壘擬由龍迴問道先援信豐徐圖南安屢獲諜訊南安逆勢窮蹙且畏官軍日暮至民一夕數驚因有機可乘遂率所部及

平定粵匪紀略

卷八

四

羣玉齋

管帶田勇之周慶榕由青隴黃隴至三角嶺見城中火突起知己內亂大軍鼓勇攀堞而登東北門已徧立官軍旗幟遂於二月初三日克復府城時信豐告急之函日至初五日冒雨往援初七日會同知府曾國荃總兵遮克敦布進攻初十日分八路痛勦踞賊巢伏尸徧野遮總兵一軍適當逆賊竄路斬馘尤多信豐之圍立解

皖逆逼犯廬州大營前署安徽巡撫事布政使李孟羣死之

孟羣河南進士湖北殉難按察使李卿毅之子以廣西卽用知縣從軍自廣西湖南北安徽轉戰數千里累著戰功洊升安徽布政使自湖北帶兵援皖獨當一面以署安徽巡撫時廬州失陷奉

旨褫職留營自効時駐軍官亭長城一帶以堵廬州西面賊由六安州來撲奮力堵退二月十五日復以大股撲副將鄧清知縣李孟荃兩營相繼失陷復併攻左右兩營自辰至戌賊來愈衆李布政中營力不能禦被賊擁入猶持矛屹立圍牆厲聲罵賊手刃悍賊三

平定粵匪紀略

卷八

五

羣王肅

名力竭死得

旨優卹其忠骸藁葬廬州千總沈國泰深入賊巢覓獲與練總褚國泰護送至壽州翁巡撫派其兄李孟荃送回原籍父子先後殉難遠近哀之

三月皖軍勦逆於八斗嶺克之

先是逆糾安慶黨圍撲護城營四面築堅壘數十座以困我師副將格洪額等射火箭入賊壘悉焚其棚帳賊驚退營圍頓解而渠逆陳玉成憤賊衆屢敗思逞志於我糾合大股齊竄八斗嶺勢極猖獗勝大臣

親統大軍進勦密遣得力將弁選精銳爲後勁防賊抄襲前隊旣捷毀壘四座逆果分萬餘悍賊繞出大營後諸員弁豫爲戒備連環轟擊賊紛紛潰退勝大

八斗嶺

臣復回隊督戰追斬無數遂移駐張橋撥馬隊扼守楚軍水陸援湘逆首石達開自出金陵至安慶久與洪逆隔絕續誘脅擁衆已至十餘萬欲因便踞險自雄乃由江西南安府取道崇義竄入湖南桂陽縣總兵劉培元彭定

平定粵匪紀略

卷八

六

羣王肅

秦率一千二百人防堵爲賊二萬餘人包抄致大挫失桂陽城陷興甯宜章縣亦相繼失守方賊之由湘入鄂而擾豫章也湖南官紳籌勇籌餉百計分援湘力自弱故石逆乘虛而入幸猛將壯士之假歸於家者肩摩載擊駱巡撫與邑紳左京堂今閩浙總督宗棠等星檄諸郡一月內成軍四萬餘人擇隘設守官大臣胡巡撫復飛咨都將軍調撥吉林黑龍江馬隊回鄂馳赴湘南派知府蕭翰慶率水師礮船三十二隻剋期會長沙時逆燄已擾及新田嘉禾沿途裹脅

官大臣恐由衡永竄長沙復增派參將趙福元率南
勇二千數百自黃州往副將陳金鰲自楊提督水營
往副都統舒保選員帶馬隊二百自皖界往皆先入
鄂稟受方略分馳而去其湖北軍務胡巡撫駐黃州
督辦以固守為事姑緩謀戰先增募蕪黃襄鄖勇各
千餘人且守且練以補援湘之虛

皖軍克復六安州

逆黨踞六安分擾英霍以圖旁竄勝大臣督重兵赴

正陽關堵扼賊援調諸練勇勦六安薄城下逆出戰

平定粵匪紀略 卷八

七 羣玉齋

敗退前六安州知州茅念劬霍邱縣練總守備趙春
和開礮轟擊斃賊四百餘名附城卡壘及關廂木柵
數十處蹋毀罄淨官軍晝夜環攻三月十九日填濠
直上茅念劬趙春和首先登城已革副將盧又熊等
繼之逆黨出南門奔舒城霍山追殺三十餘里

楚南軍敗逆於永州城諸州縣解圍

逆陷桂陽興甯宜章等縣復間道撲郴州桂陽州進
窺衡州魏喻義帶勇迎勦斬髮賊千名逆不敢犯改
道由甯遠竄永州府時記名道劉長佑帶兵回援飭

副將余星元等分路擣郴桂諸賊巢均獲捷劉道獨
勦永州焚賊壘二十餘處斃賊六七千生擒五百餘
遂解永州圍其另股竄至祁陽縣下游之觀音灘亦
經兵勇追勦斃賊無算

皖軍克復霍山縣

逆盤踞皖境每藉捻匪為聲勢勝大臣於三月二十
三日受捻首張元龍降投誠眾以萬計鳳陽府縣及
臨淮關三城同日收復聲威益壯自復六安後敗匪
紛竄茅念劬等跟蹤追殺直至霍山北面署知縣王

平定粵匪紀略 卷八

八 羣玉齋

自籍見大隊齊到奮勇進攻將守陣之賊擊退乘勢
登城賊由東門逃竄立復縣城追勦逃匪數百名生
擒百餘名其舒城來援之賊先經我軍在白洋舖截
殺千名大獲全勝

江南軍擊敗九洲洲諸逆

三月十五十八等日張總統派總兵李若珠副將馮
子材進勦九洲洲各率所部直擣中堅斬賊無數逆
於浦口之西南連築營壘張總統周天培選隊攻勦
三戰三捷直趨九洲洲二十五日三路進兵殺賊數

百近處逆壘一律蹋平

五月皖逆陷盱眙城尋克復

盱眙濱臨洪澤湖五月二十六日被逆眾闖入勝大
臣卽派營總烏勒興阿伏高橋左側衝城賊爲數段
逆眾跟蹤敗歸濱湖水師開礮斃賊無數勝大臣復
挑選湖內網船配以檣檝由老子山一路溯流上駛
扼盱眙之背復派副都統富勒德恩布等分路進逼
六月初二日夜陸兵銜枚疾走抵東關馬隊先登步
隊繼進逆眾倉皇潰竄我軍槍箭齊施水師亦鼓勇

平定粵匪紀略

卷八

九

季玉齋

登岸轟擊再接再厲斃賊不計其數立復縣城其潤
溪一帶副都統麟瑞等接仗亦獲全勝

六月楚南軍攻克景德鎮及浮梁縣城
逆初踞景德鎮勢燄薰熾江右要衝之區肆行無阻
及南安既復信豐解圍大爲官軍所創懲張道運蘭
會同王文瑞等圍鎮半載斬獲雖多仍未得手上月
會侍郎添派知府曾國荃帶湘中等營五千八百人
赴鎮協攻六月十三日夜逆出大陣四十餘座輔以
夾岸陸賊圖襲艇師劉道于瀆屯軍西瓜洲燃火彈

拋擊陸師亦排礮助勦燒其大陣並延及賊卡無數
賊眾棄鎮竄浮梁會國荃與張運蘭等水陸進攻十
五日抵浮梁縣悍逆三四千人出浮橋列陣以待我
軍迎擊立斃二百餘名落水死者千人遂將縣城收
復

皖逆犯來安及滁州擊卻之

盱眙城復後陳玉成圖報復六月初六日率死黨攻
來安參將李世忠守城豫伏壯勇於南北兩門外自
督守備董正品衝入賊營所向披靡賊乘虛襲城伏
起攔擊世忠回隊夾攻賊敗走十五日偵陳逆連夜
走滁城四面環攻卽親帶弁勇乘勝由水口焚燒賊
糧斬逆目十一名分三路進勦逆眾又潰

平定粵匪紀略

卷八

十

季玉齋

逆陷定遠縣前淮揚道郭沛霖知縣周佩濂死之

逆之未攻來安也遣其黨糾合捻匪圍定遠縣前淮
揚道郭沛霖畱守與知縣周佩濂激厲勇丁百計自
固並屢出城痛勦賊氣沮解圍去及來安既敗復率
大隊擁至總兵惠成出隊攻勦因賊勢太眾兵饑久
絀不得力遂於六月十八日夜失陷知縣周佩濂督

所親巷戰身受數十創猶挺刃奮殺斃數賊而死自外委周汝諮周炳濂以下從死者十餘人前淮揚道郭沛霖由翰林起家素以志節自勵守揚州時為兵勇挾護出城以不死自恨獲咎後為翁巡撫奏調赴皖以守定遠功蒙賞五品頂戴至是無守土責可趨翁巡撫大營以前咎效死勿去遂及於難

卹贈光祿寺卿

湖南逆大隊圍寶慶府楚軍擊敗之

平定粵匪紀略

卷八

十一

羣玉齋

石逆以祁陽之敗圍衡州不獲乃攻寶慶府襄裔極眾號稱數十萬連營百餘里長圍僅闕北一面時鄂省援師先後至管帶水陸諸將亦皆自長沙進勦副將田興恕軍府城之南卽選道趙煥聯總兵周寬世軍府城之東城西濱資水各艇師扼之官大臣胡巡撫憂寶慶重地不可無良將為總統飛檄荆宜施道李續宜率湘營由上巴河督馬步大隊星馳至寶慶軍心資以鎮定先是逆以五月上旬攻寶慶續宜未至趙煥聯周寬世屢挑戰獲勝諸員弁告奮勇開壁

門出擊斬前鋒驍悍奪其大旗水師亦轟礮助威逆不為動前隊攻城後隊築壘石逆達開踞城南十里之澄水橋賴逆文光踞城西五里之神灘渡傳逆踞城東十二里之泥灣是為三逆首大壘其餘纍纍若貫珠者不可枚舉田興恕驍勇夙著數衝鋒血戰駐營城外最近賊為之少卻劉道長佑部楚勇由武岡州繞道郡城西北巨山總兵劉培元率艇師由益陽溯資水而上與劉道會從北路調集副將余星元楊恒升等紮范山從東路調集候選知府今雲南巡

平定粵匪紀略

卷八

十一

羣玉齋

撫劉嶽昭副將朱品文等紮龍安橋剋期大舉縱橫盪決逆眾雖數敗於勢無損北路逆新壘悉成自是寶慶城四面皆被圍矣官軍之營於洪橋者復受挫潰散守城大恐六月十九日李續宜由安化進駐藍田距府城一百四十里閱伍籍共兵勇三萬有奇悉受節制聽調遣逆首聞援軍大至且畏續宜威挑精悍併力致死喪三日糧罄破寶慶兼分賊四出撲營李道進兵高家冲會劉道商破逆之策劉道言東路逆勢厚且巖壑幽邃不可用武李道乃定計由北路

進攻旋敗半邊街藍江埠襲營諸賊遣劉培元造浮橋於釀溪濟師飭劉嶽昭奈星元等朝暮率游兵突東南二面牽賊勢俾不得防禦西北自督大軍渡資水而西賊衆方撲半邊街官營未之覺大軍直擣匡家嶺逆巢掩旂鼓從山背襲之賊大潰乘勝蹴毀田家渡柵壘東路逆聞亟渡資水以拒李道戒各營勿動密令副將沈俊德胡裕發等出西路爲橫截之兵參將毛有銘出後路爲包抄之兵林密山曲伏兵則派營官于高勝郭鵬程濠內外賊蹤徧滿防兵則派

平定粵匪紀略

卷八

三

李王肅

七月皖軍疊破悍賊來安滁州解圍

陳玉成率死黨攻來安犯滁州副將李世忠擊之逆

少邵尋復糾衆圍來安並分屯於城西北卓家巢等處賊壘徧七月二十日世忠督令李元忠等帶勇出隊偵賊志已驕挑戰僞敗而精銳四伏不動賊笑官軍怯亦退休李世忠又環譟賊營以激其怒賊不爲意惟槍聲斷續作備禦而已夜各壘寂然知賊火藥漸竭乃鳴鼓角驟進踴厲迅發火彈火箭滾滾落賊壘赤光燭天賊猝驚無所措乘勢掩殺破壘二十八座追奔數十里獲米糧器械運轉入城二十二日李世忠帶隊回滁州飭都司朱元興蔣立功等破沙

平定粵匪紀略

卷八

四

李王肅

河集龍停口賊壘四十七座滁州之圍亦解
江南軍擊敗六合天長各賊

德大臣師久無功爲和大臣奏參江北軍務改歸和
大臣統轄派福建陸路提督李若珠渡江攻六合總
兵張玉良攻天長七月二十三四等日接仗各有斬
擒水師總兵吳全美攻魯港鴉山總兵李德麟攻大
通荻港亦於七月初五初八等日獲勝破賊壘多座
生擒僞指揮羅開文等九名

楚南軍勦寶慶竄逆連戰皆捷

石逆受創於寶慶猶聚踞東南路七月十二日諸營分路進勒大戰於賀家坊營總德海等馬步奮擊李道續宜率侯選同知直隸州金國琛等督隊衝殺陣斬偽元帥胡德孝偽統戎陳麗江殲斃數百名其東路襲龍安橋之賊趙道煥聯敗之南路九鞏橋白楊舖之賊田副將與恕敗之陣斬偽佐旂總制黃立英偽檢點陳明官等十餘名生擒五百餘名內有偽將軍蔡光遠周學福王智明偽提審孫子安割髮辮三千二百餘件候選道江忠義一軍亦生擒偽將軍李定發偽通傳許六祥等四十五名七十八等日劉道長佑追賊至白倉大臨橋生擒偽統戎將軍十餘名石逆張黃蓋指揮迎拒副將胡福發督營官羅重世等躍馬直進奮力衝殺賊始潰竄追斬一千有奇二十四五等日復追擊於白茅寺直至東安縣沿途殲戮極衆其竄永明縣之賊擾近道州小坪一帶亦經知縣魏喻義等追至筒車尾痛勦之湘省以次肅清石逆既與洪逆隔絕其偽官名目以意另立之如統戎佐旂提審通傳等偽官皆前所未有云

平定粵匪紀略 卷八

五 羣玉齋

江西信豐餘匪竄廣東惠韶等府討平之
江西信豐之賊二月初十日竄出後關入廣東竄擾惠韶兩郡經兩廣黃總督宗漢飭已革廣西臬司張敬修署惠州府知府海廷琛等督帶兵勇擊賊於順天湖層坑連平坡頭墟等處追至古洋峒山坳各匪爭先渡河我軍分隊勦擊水勢奔溜斃賊五六千名殲斃四五千名餘匪散逸粵東肅清
八月皖軍擊賊於盱眙之清塘高家凹
逆數不得逞志於盱眙糾合捻匪沿淮肆擾伺擊進
平定粵匪紀略 卷八 六 羣玉齋
團勝大臣遣副都統穆騰阿由洪澤湖東南進勦沈燬賊船賊壘無數復泝淮而西督守備余通海檄船往來搜殺逆情漸窘乃於八月二十八日撲我清塘高家凹營盤營官張得勝格洪額併力迎拒偽前軍主將吳如孝素以剽悍稱自鎮江逸出至皖北肆毒張得勝直前衝殺用手槍擊斃割取首級並所服黃馬褂懸馬首死黨爭先奪尸被我軍殲戮殆盡賊衆向南潰走追殺數十里
楚軍攻石牌鎮拔其偽城

石牌鎮隸安徽懷甯與潛山太湖等縣接壤為由楚入皖要衝先於八年八月為多隆阿鮑超攻克後因三河之失陷賊益加堅守造偽城高二丈餘礮眼星列環以深濠椿籤密布阻我入皖之師兼通太湖糧運官大臣以偽城不拔終礙東征嚴飭總兵鮑超謹守太湖營而令福州副都統多隆阿總馬步兵勇攻之是月二十八日銜枚捲甲齊抵城根參將楊朝林雷正瑄游擊趙既發東路進都司周天祥守備李德謙陳天佑北路進參將穆正春南路進多副都統勒

所部馳西路四面會攻安慶潛山逆裔聚來援撥馬隊分二路迎擊之賊敗走我軍遂專力攻城衝冒矢石抉礮眼而入生擒偽霍天燕石廷玉等四十七名擊斃數千名力拔偽城醜類無漏網者

九月石逆全隊犯廣西桂林省擊卻之竄陷慶遠府廣西自洪秀全等全股下竄近十年頗安謐間有廣東土匪竄擾隨時堵勦地方肅清石逆達開在湖南寶慶永明道州屢次懲創知無可竊據旁皇路歧老賊多藉廣西者愆令歸竄遂由新甯城步等處山僻

小路直犯桂林曹巡撫謝鍾督率文武固守並挑選精銳或輕師出襲或左右環攻夜乘大風拋擲火箭噴筒焚燒賊壘使賊無刻安時官大臣駱巡撫已遣將弁馳援劉道長佑蕭道啓江各統湘營部曲由新甯赴省前廣西布政使蔣益澧參將蕭榮芳自柳州聞警趨至九月初四日蕭道啓江一軍由南門文昌門分投進勦破賊壘數座與前布政使蔣益澧水陸兜擊擒殺無數初十日逆眾由南路潰散省城解圍二十日竄陷慶遠府

十月皖軍克復懷遠縣縣濱淮河毗連定遠為廬州犄角自逆踞後官軍屢為阻撓勝大臣計清淮河必自懷遠始十月初四日遣副都統穆騰阿知府秦榮游擊黃開榜等督馬步礮船水陸進攻由臨淮入渦河破賊壘五座直抵文昌閣焚燒沿河賊壘斷浮橋截其糧運三戰三捷城圍遂合奪賊艇三百擊沈無數殲斃近萬人十四日黃開榜獨拔幟先登兵勇繼進逆大潰立復縣城江南軍勦六合失利

李提督攻六合被援逆竄踞紅山窰橫截大營後路
和大臣派總兵馮子材等援勦營於紅山窰之東因
大礮震裂兵勇驚潰致東營復為賊踞六合大營被
圍糧盡援絕統帶忠勇詹啓綸列營南門外密探得
逆壘口號呼嘯而出李提督率眾從之遂突重圍注
揚州西路

皖南軍勦涇縣逆黨獲捷

皖南涇縣之賊由查邨進犯周總統天受派副將石
玉龍游擊申明照等併力擊退周天受親往督勦十

平定粵匪紀略

卷八

九

李王肅

月初七日逆大隊至南山嶺石玉龍力戰逆少卻復
竄章家渡參將周天孚自灣灘馳往逆眾猶隔河死
拒周天受率參將朱景山等各軍接應內外夾攻逆
眾潰走石玉龍申明照均以血戰亡玉龍鎮筆行伍
自廣西轉戰至皖南戰功卓著明照亦屢立戰功於
浙東均奉

旨優卹

江南軍復失利於浦口

和大臣派湖北周提督天培扼浦口連營結壘為江

浦聲援自六合軍潰逆眾益肆糾合諸死黨窺圍浦
口張提督撥兵勇馳往協堵時逆勢鴟張屢戰失利
周提督力竭捐軀營壘皆陷大軍退保江浦
十一月江南軍疊破江浦逆壘

自浦口官軍失利逆匪東伺揚儀西逼江浦南窺溧
水兇燄復熾張總統渡江躬親督勦十一月十一日
平毀北山新卡十四日攻破城南賊巢十五六日逆
於磨盤洲築壘官軍四路蹙之賊眾大挫狂奔北門
外賊營亦同時攻破其陳家集等處之賊竄回天長

平定粵匪紀略

卷八

十

李王肅

南路之賊窺伺溧水亦經防軍擊退二十三日江浦
對岸地道內火藥轟發官軍並未受傷賊匪自斃無
數乘勝擊之復將西北逆壘二十餘座平毀揚州邊
界一律肅清

皖南軍復敗賊於黃池南

既獲捷涇縣逆退踞董家邨十一月十九日撲高級
黃柏嶺官營副將榮升督都司張維坤擊走之又竄
擾河西為參將朱景山等所敗副將吳再升遂乘勝
進勦黃池南岸之牛頭山逆壘北岸逆糾黨來援分

兵迎拒殺斃極多逆壘皆平北岸逆潰走渡河我軍遂收復南岸

池州府內應獻城既克復陷

楊提督彭玉麟水師駐安慶聞池州府為賊守城之韋志俊堅志投誠遂由彭玉麟親率三營赴池剴切開諭受其降令獻城贖罪遂收復池州府韋志俊旋派其部下頭目古隆賢等進攻蕪湖古隆賢等甘心從逆糾眾回撲府城韋志俊等隨同官軍迎勦自十月十四日至是月二十五日屢敗賊於西北門外柳

平定粵匪紀略

卷八

三

韋玉齋

波磯青溪關等處因眾心不一府城復陷

楚軍會籌勦皖敗賊於槎水畝

曾侍郎既解閩浙圍駐軍建昌居中調度江西侍以保障嗣石逆竄湖南蔓延千數百里獲諜稱欲入蜀官大臣胡巡撫以蜀之安危關係中原大局請以曾侍郎率兵入川得

旨允行八月二十五日曾侍郎由湖口抵鄂時石逆屢經懲創川中已有備無患復於九月內會奏暫緩入川會籌勦皖曾侍郎紮營上巴河俟湖南撤回各兵分

攻皖逆先是多隆阿鮑超率馬步九千餘人攻太湖

道員蔣凝學唐訓方率七千人駐荊橋扼安慶石牌之衝以為援應以參將余際昌率二千人攻英山以保蕪黃胡巡撫旋由黃州親往策應及曾侍郎會師軍心益壯賊由天堂王婆坳等處進撲圖解太湖之圍已為我軍勦退是月十九日桐潛大股逆黨三萬餘人陸續圍集將襲我天堂後路余際昌帶昌字全軍會同帶禮桂三營之訓導丁華先商令潛山縣知縣葉兆蘭糾集本地練勇分路設伏二十一日一戰

平定粵匪紀略

卷八

三

韋玉齋

克之陣斬偽漢天侯拱天豫二名斃賊數千名生擒一百餘名獲騾馬旂幟無數餘賊奔潰

十二月湖南建表忠祠求忠書院

湖南自曾侍郎倡率圍練羅李二布政先後募訓練丁悉成勁旅陣亡各大員已蒙

恩許立專祠賂巡撫請再建於長沙省並以提督鄧紹良瞿騰龍等未得專祠者別建表忠祠部曲員弁兵勇一律附祀復建求忠書院令陣亡後嗣入院續書所需經費由官紳倡率捐辦得

旨允行

平定粵匪紀略

卷八

三

羣玉齋

平定粵匪紀略卷九



羣玉齋

咸豐十年庚申正月江南軍攻克沿江逆壘九洲老巢亦平之

張總統國樑既擊敗江浦羣逆聲威復振部勒各軍期大舉正月初九日水陸並進薄浦口沿隄逆壘九洲出悍賊三面赴援總統躬率敢死士直前嬰鋒再接再厲縱橫出入所向皆靡總兵張玉良踵至亦分投痛埽援賊大潰乘銳楚之擣其壘沿江戰艇林立礮聲不絕逆首尾不能相顧副將陶茂森等鼓勇

平定粵匪紀略

卷九

一

羣玉齋

先登眾兵蟻附而上平逆壘八座卡十餘斬首千餘級初十日遂合兵攻九洲老巢洶涌潮進越重濠縱火焚其穴煙燄蔽天賊自相踐藉死者以數千計楚軍痛勦援賊克復太湖潛山二縣

九年十二月偽英王陳玉成以其悍眾竝句結捻首張落刑龔瞎子等由江浦廬州定遠上犯號稱十餘萬時楚軍圖皖破天堂之賊圍攻太湖副都統多隆阿會蔣道凝學總兵鮑超分兵迎敵二十一二等日多隆阿等三軍斃賊六七千名賊趨小池驛二十四

至二十八九等日圍逼靈字營鮑超率兵勇血戰兼旬不卻步官大臣等咨商曾侍郎抽添分派各營駐小池驛新倉並潛山之落溪河等處堵勒十年正月十一日賊眾分四股撲營知府金國琛帶兵紮仰天庵會集諸路軍靜鎮以待賊乘霧登山我軍驟起撲之或橫攻腹背或攔截首尾賊眾紛紛潰敗隊崖落澗者不計其數生擒賊日藍承宜素擾害蘄黃者寸磔之而高橫嶺逆壘同時爲參將余際昌等率昌字禮字九營破之斃賊三千餘生擒四百餘名二十五

六等日各營奮力攻勦縱火燒山各路殺賊約計二萬餘名太湖城內之賊見援賊全敗竊路宵遁卽於二十六日克復太湖縣城餘賊竄入潛山併力抗拒副都統多隆阿等督兵尾追距城數里賊眾悉行出撲兵勇奮力迎擊賊遂大潰因馬隊截其歸路不敢入城狂奔至青草隔被殲無數二十八日卽克復潛山縣

楚南分軍援川

石逆受創於桂林賊勢雖衰擁衆尙十餘萬聲稱取

黔道入蜀四川將軍有鳳權總督事咨調湖南蕭啓江一軍前往蕭道先奉會侍郎檄以皖逆上犯移緩就急率所部赴楚行至常德適有太湖之捷官大臣會侍郎乃飭折回不必來鄂時聞川省叙州土匪滋事令由常德取道入川先勦土匪以保全完善之區如石逆果至四川亦可就近堵勦

皖軍克復鳳陽府縣二城生擒擒首張元龍等淮河上下爲捻匪盤踞與粵逆消息相通互爲援應勝大臣濮城一挫軍威不能復振致廬州定遠久淪賊中奉

旨飭赴河南督辦勦匪事宜皖省軍務特派袁甲三爲

欽差大臣責令速殲醜類袁大臣遂督兵克復臨淮關圍逼鳳陽屢獲大捷府城逆首鄧正明等潛來乞降正月二十三日克復府城擒首張元龍先於勝大臣軍前投誠仍踞縣城首鼠兩端陽降陰叛經袁大臣飭總出張得勝誘出擒縛凌遲處死並獲僞丞相張先等十四人卽時正法二十六日克復縣城

皖軍克白鐘橋

逆踞白鐘橋為定遠聲勢屢撲官營均擊退正月二十四日翁巡撫用投誠圩民李林豐為鄉導攻東北二圩內應獻出首逆二名圩壘悉平二十五日總兵鮑雲翥督馬步兵練進勦白鐘橋生擒髮逆二十餘逆勢漸蹙二十七日總兵慶端由壽州至派副將于昌麟都司哀祚煇韓殿甲副都統薩薩布游擊王懋勳參將馬升平等四路齊進悉平白鐘橋諸壘掩殺略盡進規定遠

平定粵匪紀略

卷九

四

羣玉齋

楚南援皖軍克復建德縣

皖南之建德縣毗連江西在東流縣迤南久為逆匪占踞九年十二月楚南官軍由江西進勦屢勝逆堅伏不出是年正月前廣東南韶連道吳坤修總兵普承堯分路直薄城根斬擒極多二十三日吳道貞賊將遁約諸軍合力驟攻兵勇緣城而上立將縣而克復賊眾竄馬田哨官高得勝等中路邀擊刃悍賊數名並刺斃黃衣賊目餘匪驚潰由九都遁去逆陷安徽涇縣旌德縣

張京堂督辦皖南軍務克復婺源縣後逆眾仍於皖南竄擾屢擊獲勝九年冬竄踞涇縣之黃柏嶺灣灘等處經官軍擊退是月二十五日大隊進撲縣城副將楊名聲知府陳炳元督戰斬逆首偽岡天燕賴汝禾賊黨四面衝至遂陷涇縣二十六日旌德亦相繼失守張京堂力保徽郡飛調江長貴一軍援勦石逆竄擾廣東界

平定粵匪紀略

卷九

五

羣玉齋

鋒范亞副將恒通亦敗賊於三江寨令鄉團沿路邀截生擒老賊五名餘匪回竄湖南是年正月復由湖南藍山桂陽輾轉至廣東樂昌仁化始興等縣皆為兵勇擊敗正月二十三日又擾及南雄州屬之百順司副將哈芬布擊走之殲賊四五百名二月江南軍克復上下關焚逆巢壘金陵上關濱江有壽德洲下關濱江有七里洲久為賊踞官軍既破九洲洲老巢和大臣張總統定議招降以解散賊黨申明大義諭令去逆就順壽德七里

二洲守營賊目秦禮國謝茂廷相率投誠願約期攻
上下兩關爲內應二月初三日張總統會諸路軍進
勦總兵熊天喜由七里洲寶塔橋平毀賊壘乘勢收
下關秦禮國亦從壽德州轟礮內擊總兵劉季三率
官軍長驅直進斬馘無算上關亦復沿河以上諸逆
巢爲官軍痛勦逆連夜棄壘退守江東門是役也克
復重關平賊巢數十計獲大礮百餘戰船六十拔難
民男婦撫定脅從約五千餘人

江南軍擊退江浦逆

平定粵匪紀略

卷九

六

羣玉齋

正月十四日江浦逆勢蹙結連瓜子山匪黨突出衆
數千紛撲官營總兵張玉良分軍爲左右夾擊張總
統聞警卽至從中路衝殺援賊大敗奪路而逃斬馘
無數逆回保江浦

逆陷廣德州入浙江界

自涇縣陷後皖南諸郡縣震動二月初三日廣德州
失守闌入浙江之安吉縣距抗城一百數十里羅巡
撫遵殿乞援於曾侍郎時湘營勁旅悉派攻安慶而
由徽赴浙約程必兩月餘緩不濟急合辭入請

上命欽差大臣和春兼辦浙江軍務提督張玉良總統援
浙諸軍撥兵馳往

擒匪竄陷清江浦

擒匪自咸豐四年十一月爲袁大臣在臨淮關督勦
後旋復四路竄擾以蒙城霍邱宿州壽州爲老巢於
江皖及山東河南四省恣意出沒本年正月已奉

旨以袁大臣勝大臣專勦安徽河南之匪復派都統德楞
額赴山東督辦三等侍衛哈勒洪阿副之以提督傅
振邦兩宿督辦總兵田在田副之俾各有專責時

平定粵匪紀略

卷九

七

羣玉齋

擒匪均在老巢凡欲出擾傳僞令整行具名曰裝旂
臨行以賊馬前驅名曰邊馬邊馬所至大股隨之前
所擾害以未占城邑且與粵匪隔越故未悉紀此次
擾清江浦則爲粵匪所喉也粵匪將犯蘇杭豫結擒
首張落刑龔瞎子等使內擾清淮以分江皖兵力清
江爲河漕聚匪處居室器用踵事華富各擒首垂涎
非朝夕而自咸豐三年春辦理防堵經前楊河督以
增及接任河督庚長講求整飭屢勦擒匪土賊海寇
稱勁旅焉至是聞擒匪有裝旂信庚河督卽撥兵勇

出防於上游三十里之順清河河通南北運道有險
可憑正月二十八日邊馬驟至河標中營都司德興
欺賊少因初春水涸河底不深恃勇率眾颯水迎擊
邊馬疾退須臾大隊擁至德都司等不能敵復颯水
退歸賊馬亂流追襲兵勇潰散二月初一日捻眾由
吳家墩至庚河督退保淮城致清江浦失守運使銜
淮海道吳葆晉陣亡署宿南通判沈鴻鵬賊被害捻
匪踞浦擄掠分股撲淮城庚河督會署漕運總督布
政使聯英率在城文武及邑紳中書丁晏等登陣守

平定粵匪紀略

卷九

八

羣玉齋

禦賊不敢攻邊馬順運河西隄薄竇應而下今安徽
喬巡撫松年時以兩淮運使署江甯布政使總辦江
北糧臺駐邵伯咨撥兵勇扼守運河兩岸防下竄奏
派候補知府署泰州運判杜文瀾馳赴鹽城守天妃
牖以防下河後路署淮揚道朱善張撥礮船由運河
上堵袁大臣派候補道張學醇副都統克蒙額統帶
馬步馳援傅提督派總兵田在田由安東北路繞道
至庚河督亦督江南援軍會勦各路奮勇殺入口徧
衢巷賊眾驚潰由牖口奪路狂奔遂於二月十二日

克復清江田在田克蒙額等躡縱西追十四十五等
日敗賊於桃源縣及倉家集匪竄宿遷睢甯意圖兩
路歸巢均經官軍擊退奔竄邳州復經傅提督等設
伏親勦斃賊三千餘名生擒一百八十餘名其潰散
之賊百十成羣多為各路兵勇所殲

皖軍大捷於滁州克復全椒縣

參將李世忠守滁州逆糾黨萬餘自全椒往襲圍東
西北三門城外築堅壘十三座為久困計二月十七
日李世忠商同知州李元忠乘賊壘未固督敢死士

平定粵匪紀略

卷九

九

羣玉齋

出擊逆伏匪不出統兵官朱元興自三界石壩至協
援副都統銜全福亦領馬隊先一日至商定合兵埽
盪乘夜銜枚疾趨激火箭焚燒賊壘朱元興等踴躍
爭先刀矛齊刺逆眾敗奔追至烏衣巷前後抄勦生
擒殲斃無脫者腰舖小店諸逆壘平毀悉盡二十二
日世忠督諸將攻全椒城約投誠日唐得華為內應
火起我軍奪門而進立復椒縣城

浙江杭州省城失守巡撫羅遵殿等死之

逆匪由廣德州竄安吉道武康直撲杭州援軍未至

守陣兵寥寥二月二十七日逆眾在清波門暗掘地道轟塌城垣三十餘丈滿營官兵接仗眾寡不敵以致省城失陷巡撫羅遵殿署布政使王友端署鹽運使繆梓杭嘉湖道葉堃杭州府知府馬昂霄仁和縣知縣李福謙均殉難在籍辦團兵部右侍郎戴熙城陷後從容盡節官紳殉者極多杭州駐防瑞將軍昌與副都統來存勒兵堅守滿城鏖戰六晝夜得援軍解圍

三月提督張玉良克復杭州省城

平定粵匪紀略

卷九

十

張玉良

張提督玉良總統浙軍馳援三月初二日由湖州抵大關遣從九品徐殿臣改裝進城密約瑞將軍接應初三日大軍至杭州派守備王玉林攻毀武林門錢塘門外各賊壘參將張應祿勦昭慶寺逆黨令守備龔占鼇等伏居艮山門外民房樓上張提督聞城中礮聲大震知端將軍已出營勦賊遂督親軍攻艮山門張應祿由右路游擊蘇如松由中路併力薄城縣丞呂調陽率鄉團肩長梯倚牆而立兵勇緣梯齊登守陣賊拋擲磚石抗拒伏兵從房樓突出支板為梁

躍上城壕斬長髮賊數十大軍破艮山門而入瑞將軍會副都統來存亦自滿城出隊殺退校場悍賊開武林門納師各逆匪亡命巷戰殲斃以數千計復追勦於獅虎橋城隍山餘逆倉皇竄出遂於是日戌刻克復省城初四日復追殺於萬松嶺橫山等處敗匪向餘杭而遁

皖南軍克復績溪縣

績溪踞逆進撲徽州府副將余永椿分路迎勦至佛嶺為另股賊橫截幸參將袁國祥文生江濤守備張

平定粵匪紀略

卷九

十一

張玉良

泰忠等策應振旅而還三月初八日賊復由牌頭撲郡城張京堂芾督總兵江長貴先後進兵逆匪傾巢而至知府劉兆璜催集鄉練助戰馬隊亦繞出山徑會合夾擊賊勢少卻官軍趁勢搶渡浮橋都司江長太奮斬偽企天侯鄧傳意生擒十餘名梟首三十三級賊眾大潰追奔四十里遂於十二日夜密派隊伍進攻績溪縣逆迎拒受創棄城逃竄兵練追出羣嶺收復縣城

皖軍擊賊於舒城桐城接逆敗走

逆首陳玉成由江浦六合援潛山太湖圖撲六安州壽州翁巡撫飭副將盧又熊等迎戰擊走之舒城亦屢戰獲捷二月二十日知縣甘文瀾督勇丁薄賊頭營賊拒守不出勇丁繞營後突起躍濠斃賊數十縱火焚次營燒賊房多間餘賊潰遁同時北路官軍及桐城東鄉練勇擊賊於破岡烏金渡等處燬其營壘斬獲極多三月初八日桐城在籍知州毓長庚齊集練勇會水師駛往大龍潭俟賊半渡出擊之覆逆艇無數生擒八十餘名已渡河賊眾亦為外委裴人傑

平定粵匪紀略

卷九

主

譚玉齋

擊敗斃賊二百餘名斬逆目洪球琳楊國宗

江南援浙軍克復長興縣

浙逆竄出省垣屢為官軍追敗羣賊氣沮杭州屬之臨安縣湖州屬之孝豐縣於初八十四等日克復逆大股踞長興縣三月十五日和大臣所派總兵熊天喜會秉忠分水陸路共規復長興熊天喜督步隊與參將劉熙賢由湖州至立毀虹星橋兩逆壘而進知縣徐之鑑領民團萬餘助官軍與賊相持會秉忠已帶長龍船由太湖夾浦駛入包洋河合陸兵夾攻長

龍船從山泰門水關攻入民團追賊尾入即於是日克復長興縣餘匪紛潰

閩三月江浙軍克復廣德州金壇解圍

官軍防守建平東壩已閱數年三月十八日廣德逆匪進撲建平與官軍晝夜鏖戰旋有浙西回竄之賊益以皖南江北新到諸匪紛至合圍眾寡不敵遂於二十一日失守東壩溧陽縣相繼竄陷圍金壇甚急閏三月初一日欲由厚圩犯常州兩江何總督桂清浙江王巡撫有齡遣總兵馬德昭會秉忠熊天喜副

平定粵匪紀略

卷九

主

譚玉齋

將劉成元等分途迎勦逆悉眾抗拒馬德昭督鄉團張兩翼夾擊截斷賊之首尾殲斃七八百名盡毀陽溧埠逆巢會秉忠自埠後兜圍斬獲無算劉成元亦於閏三月初二日會練勇銜枚趨金壇轉戰皆捷城圍以解其廣德踞逆自進犯建平後守賊無多總兵熊天喜偵知乘其不備驟攻之逆潰走先於三月二十八日克復廣德州

克復建平縣

廣德城既復飭已革總兵米興朝於西北路扼要紮

營以杜回竄復抽撥兵勇進攻建平署廣德州知州邵啓元督率團勇會同已革參將方國淮游擊田宗興先後前進分攻東南門轟塌城垛十餘處緣城而上官軍一擁齊入刃光所過積尸填街方國淮田宗興等追賊出西門復敗之於分水龍王廟追殺二十餘里遂於閏三月初二日克復建平縣

江南大營退駐丹陽

和大臣於上年添募壯勇增築長圍意謂克復金陵在指顧兵將志驕本年二月浙江告警派師出援存

平定粵匪紀略

卷九

西

羣玉齋

營兵力漸薄值軍饑不繼擬每四十五日發一月之糧兵勇私布傳單心漸攜貳城逆糾合各處死黨先由後路竄踞句容縣遙相聯絡自閏三月初七日起紛撲大營總統張提督晝夜拒戰而賊來益眾勢漸不支十四日大雷雨酷寒一夜之間各營紛紛火起乃於十五日與和大臣等均退守丹陽收集潰兵以

圖後舉

楚軍援皖南會克太平旌德石埭三縣

三城接壤逆踞已久首尾相應援湖北派援浙江之

記名道蕭翰慶等督知府蘇式敬夾攻太平縣城中內應舉發哨樓火起我軍乘勢奪門殲斃無數於閏三月十三日克復縣城其總兵江長貴一軍率游擊黃朝升都司黃占超等直薄旌德城亦同日克復二城既拔蕭道遂會合投誠義勇韋志俊等環攻石埭縣十四日城逆夜出東門撲官營韋志俊率所部由西門迎擊蕭道揮諸軍夾攻城中火突起營官唐仁連已率眾登城殲斃不可勝計遂於十五日克復石埭蓋三日間疊復三城云

平定粵匪紀略

卷九

五

羣玉齋

皖南軍克復涇縣

官軍連克旌德等三縣涇縣逆膽已寒猶負隅固守張京堂會同總統周天受進勦令參將文芳等紮三溪副將吳再升等紮琴溪江總兵長貴由茹蔴司溪里進擊毀白華晏公堂一路賊壘直抵城下而副將陳太富與吳再升等先以馬隊攻克赤灘游擊田應科亦涉河擊賊獲勝閏三月二十二日諸軍齊集涇縣城下甯國府知府顏培文帶兵勇踵至江總兵督率進攻轟斃守陣賊目斬關直入逆黨出西南門分

兩路奔竄知縣劉西圖率團掩殺斃賊二百餘名立將涇縣克復其由蘭山嶺等處竄出者亦經知府蘇式敬等截殺無算

江南水師攻克渠磯逆巢

渠磯在蕪湖對岸為逆老巢與蕪湖之賊聯絡拒守江南水師總兵吳全美帶知州毓長庚督率團練水陸齊進先是從九品殷建中文生陳日煊奉檄招撫逆目陳芸桂率眾投誠為前驅是月二十四至二十八日連破逆壘六座斃匪千餘人遂克之

平定粵匪紀略

卷九

六

羣玉齋

金陵逆匪竄陷丹陽幫辦軍務提督張國樞陣亡常州被圍和大臣以陣傷疾發卒於軍

大軍退屯丹陽後溧陽宜興同時失陷逆匪進圍丹陽初猶憚張提督聲威不敢近逼徧築土壘為步步結營計令黠賊潛入大營中伺提督出戰自後狙擊之受創甚猶血戰刃數賊躍馬入丹陽河而死張提督初名嘉祥廣東嘉應州人在粵頗不逞後率所部於南甯鎮投誠時頗有疑之者廣西巡撫周天爵知其忠勇保護甚至繼隨向提督轉戰數省所向無敵

由偏裨擢升提督幫辦江南軍務東南半壁倚如長城及其死丹陽遂陷和大臣突圍而出賊眾進逼常州和大臣聚潰兵迎敵胸前重受槍傷衝圍退至濟墅關火毒內陷嘔血而死營務處湖北提督王浚壽春鎮總兵熊天喜先於丹陽五里亭外分翼迎戰賊乘霧冒官軍旂幟數道竝進王浚中槍墜馬殞命熊天喜馳救持短兵殺賊甚厲亦力竭捐軀

四月逆竄揚州大軍擊邵之

天長六合之逆乘金陵大營退守分三路進犯一由

平定粵匪紀略

卷九

七

羣玉齋

陳家集圍揚城一由東溝窺瓜州一由僧道橋編筏偷渡襲邵伯李提督若珠調上游礮船副將王萬青駛邵伯湖堵勦派參將詹啓綸帶馬隊從三汊河抄擊皆擒斬多名賊不敢進乃築壘僧道橋設木城圍久踞詹啓綸復由黃珏橋中路直搗逆巢右路副都統海全出楊獸壩左路副將劉成元出陳家集疾趨會攻逆出眾五六千人迎戰詹啓綸輕騎陷陣盪決無前毀逆壘兩座將木城焚燒積尸枕藉生擒長髮賊四百餘名逆眾合股退踞陳家集

蘇州省城失守巡撫徐有壬死之

蘇省東南財賦區以常州爲屏蔽歲輸金數百萬充餉咸豐六年四月大營潰向大臣力障常州蘇州得保及是羣逆圍窳常州何總督桂清遽率司道退保蘇州徐巡撫不納乃以照料糧臺爲言退往常熟常州城遂於四月初六日失守蘇州藩籬盡撤守兵不滿四千脆弱不習戰徐巡撫激厲拊循強爲支柱令張提督玉良守高橋扼賊衝三戰皆捷危城少安逆分股間道繞出九龍山壓高橋背師潰玉良率敗卒

平定粵匪紀略

卷九

大

蘇玉齋

入省城逆衆追蹤至號稱數十萬城中大亂敗卒應之遂於十三日失陷徐巡撫遇害妾施氏次子候選郎中徐震翼族弟徐曾庚幕友候選布理問鮑鄂銜家丁楊安等從死署按察使糧道朱鈞投井殉蘇州府教授張鏡澂死之布政使薛煥先由常州派駐上海署布政使蔡映斗長洲縣知縣李瀚文元和縣知縣馮樹勳吳縣知縣沈偉田城陷後逃出均奉旨逮問署蘇州府知府吳雲先期奉巡撫委劄持令赴上海商借援師得免於難

常熟縣知縣周沐潤督練克復江陰縣

逆匪蟻集蘇城恣意擄掠附近民競相團練爲自保計以永昌徐氏爲最常熟縣知縣周沐潤躬親勸諭願聽指揮者遐邇景從江陰與常熟接壤慨然以殺賊自在得沙勇千餘會集各鄉堡練丁既保常熟遂進勦江陰率練首黃元昌嚴康保等屢戰獲捷斃賊逾千生擒守城逆目餘匪潰散於四月十九日克復江陰縣城

江皖援浙軍克復溇安縣逆黨入徽州境

平定粵匪紀略

卷九

九

蘇玉齋

浙省以次克復諸城時皖南江西援軍尙駐界上遂會勦溇安四月二十一日總兵饒廷選知府彭斯舉分城薄城副將王夢麟亦奉檄率所部兵來會逆勢不支出北門由靈溪竄徽州南鄉之山陽坑官軍遂於二十二日收復溇安縣張副都御史飭王夢麟回皖與已革副將羅承勳合軍追捕大敗山陽坑竄黨隨遁入績溪同知羅仲山守備汪勝又敗之於陽溪十里巖等處民團亦響應助勦旌德縣知縣李焜同在籍翰林院侍讀呂錦文亦迎擊於縣屬之白沙敗

之餘匪踰黃華嶺至太平縣境

浙江嘉興府失守

浙師方圖上游克復濟安縣不圖蘇省失守後逆眾陷吳江直往南竄由王江涇水陸竝進四月十六日嘉興府失守張提督玉良於蘇州衝出率潰兵赴杭王巡撫有齡籌備饟需商令整飭舊部馳往嘉興以勦為防藉作省城屏蔽

楚軍水陸敗逆於樅陽平其偽城

逆踞池州以殷家匯為犄角而精銳悉聚於樅陽復

平定粵匪紀略

卷九

三

平定粵匪紀略

築偽城堅甚楊提督彭玉麟遣投誠之都司韋志俊率步騎由青陽進窺殷家匯而自統水營總兵李成謀參將劉德亮駛舢板船進兩道夾攻盪毀逆壘斃賊一千有奇生擒偽承天福逆目等一百三十七名既平殷家匯進攻池州平城外四門賊寨獲逆艇八逆悉眾入城固守不敢出遂飭水陸軍乘夜渡江襲樅陽江蘇候補知州毓長庚帶領桐城練勇來會遂圍偽城城逆偽連天福萬宗勝窮蹙投誠韋志俊入城受其降尋察萬宗勝有異志誅之偽城遂平池州

逆始孤立

廣西軍克復慶遠府

石逆既攻陷慶遠竝擾平樂思恩河池等處餘匪紛竄湖南廣東界蔓延滋甚惟慶遠為逆首踞劉巡撫長佑遣前布政使降補道員蔣益澧擊賊耑眉嶺斃二三千名生擒數百名逆目陳金缸屯聚沙田蔣益澧督參將陳友勝抄截獲捷平樂昭平以次肅清復分途痛勦思恩河池剪除略盡慶遠逆聞風震恐知府榮林率勇練由西路進知縣况逢春由北路進

平定粵匪紀略

卷九

三

平定粵匪紀略

轉戰追逃斬獲無算四月十九日會集慶遠城城逆開南門遁去追殺數十里殲擒多名即於是日收復郡城逆先曾分股攻撲百色廳為右江鎮總兵富順百色廳同知陶兆恩迎擊斬悍目偽國宗石達德等逆眾敗走闖入泗城府境凌雲縣知縣余尊銜等堵勦又竄思恩府經知府徐引督民團力戰卻之廣東軍勦逆清遠縣屢戰皆捷竄逆分擾樂昌南雄等州縣為官軍擊走舊集清遠縣四出恣掠徧擾英德陽山境韶州府知府段詰會

都司方輝鍾南俊督兵勇前勦四月十四日逆眾糾合萬餘人由圓仔墳等處分路抄襲我軍三路迎戰斃賊無數十五十六等日將蛇灣水車岡等處巢穴蹋平逆復由廣甯竄入白芒我軍奮勇追捕所至披靡肅清清遠諸邊界

逆入貴州界連陷廣順永甯州

逆黨由廣西西隆州竄入貴州境分擾興義貞豐歸

化諸州縣廳所在兵勇鄉練竭力堵禦匪黨往來無

停趾徑撲廣順州知州史悠漢帶練丁迎擊逆由間

平定粵匪紀略

卷九

三

粵王肅

道抄官軍後關入州城總兵巴揚阿由廣興鎮進勦

史悠漢亦集鄉團隨同助勢立復州城逆敗走復竄

陷永甯州州附近省垣糾苗匪合撲水田壩官營劉

巡撫源灝檄鎮遠鎮總兵趙德昌馳援連戰皆捷

貴州軍敗逆於甕溪

逆聲勢猖獗所過悉受其塗炭大眾踞石阡府屬之

潮添碼等處出提督興恕遣副將沈宏富由龍潭進

勦四月初三日擊賊六井山毀逆壘二十一座斬偽

先鋒二十八名斃賊一千有奇逆首悉眾撲甕溪官

營初七日宏富會副將劉吉三周學桂設伏桅杆坊誘賊深入四面兜圍學桂冒險衝突刺斃其督戰逆首生擒偽將軍二十七名餘黨瓦解

會侍郎加尙書銜署兩江總督督辦江南軍務

侍郎入川未果督兵江皖是月蘇州失陷何總督桂

清稭職逮問

命新任江帶薛巡撫煥暫權督篆以會侍郎素著聲威不

避艱險

特命署理兩江總督時在江皖因破賊必據上游應以江

平定粵匪紀略

卷九

三

粵王肅

楚爲根本逐節進兵乃商調總兵鮑超霆字營七千

人朱品隆所部三千人竝令左京堂宗棠添募湘勇

四營訓練成軍以資進勦

楚軍援浙道員蕭翰慶至湖州陣亡

鹽運使銜道員蕭翰慶自咸豐三年隨彭侍郎水師

轉戰數省九年由江西調援湖南本年由官大臣胡

巡撫派帶訓字營竝韋志俊之軍六千餘人援浙行

至皖南爲張副都御史芾畱攻太平等縣三月內連

克太平石埭二縣馳援常州行至中途因浙江長興

失守湖州被圍卽馳湖郡四月二十日至距湖州二十里之同心橋遇大股逆匪兜圍蕭翰慶困入城心力戰陣亡都司李斌彪等亦同時受害守備銜千總李楚材等力戰衝出至湖州城下收集三千餘人奮勉殺賊立解重圍

五月江蘇軍克復嘉定縣太倉州城

蘇常陷後餘匪紛踞各城邑薛巡撫煥總統蘇軍督勇行抵南翔聞嘉定太倉失守於五月初五日遣知縣陳籌溫綸等先勦嘉定自西門進攻逆以馬隊衝

平定粵匪紀略

卷九

五

平定粵匪紀略

營爲我軍擊退各民團持械助戰一鼓克復嘉定縣其太倉州城亦同日攻克敗匪竄崑山新陽賊撲滁州皖軍擊走之

逆匪屢圍滁州均經擊退銜憤愈切糾合和州含山諸逆黨驟至總兵李世忠派參將蔣立功等分門出擊殲賊極多五月初三日賊於西南門築壘九座副都統銜全福督兵攻毀又連壘三十座於七里岡我軍更番血戰三晝夜至初十日盪掃悉盡斃賊二千餘名生擒三百餘名餘圍立解逆之分撲全椒者爲

代理知縣陳炳等敗之於赤鎮焚殲無數
貴州軍克復永甯州旋陷歸化廳

上月州城陷總兵趙德昌馳援屢捷劉巡撫源瀨復遣記名道署安順府知府周夔參將全興督兵由關嶺助勦生擒長髮賊四十四名進攻象鼻嶺逆匪敗退大軍薄城下鼓勇登城斬敵無算州城立復另股逆衆於五月十二日分陷歸化廳我軍於收復永甯後進紮距歸化五里之連升關逆衆大股圍裹致周夔全興力戰陣亡

平定粵匪紀略

卷九

五

平定粵匪紀略

湖州團勇敗賊於平望盡毀賊壘

平望巨鎮爲浙江之嘉興湖州江蘇之吳江總匯處賊踞之沿河六里橋梅堰等處徧築堅壘密釘排樁扼險以阻江浙之路湖州在籍道員趙景賢督率團勇修造礮船槍船進勦毀沿河賊壘五月二十二日親統光澤營都司李桂林同知蔣羅莖廩生李調元等分途往一由鶯脰湖一由六里橋逆出四五千衆南路迎拒水陸軍槍礮齊轟賊不能支紛紛潰退斃逆目三名餘匪二百餘名趙景賢復添調楚軍之在

近界者會攻平望其湖州之南潯雙林晟舍等鎮鄉團亦合衆助力悉受調度二十五日夜趙景賢密爲布置由鶯脰湖畫眉橋進兵令李桂材從東路攻賊卡李調元從西路撲賊濠以必破爲期東路先捷羣賊自相踐蹋逆尸橫道西路李調元亦踰濠冒矢石躍而登壘逆衆驚潰遂克復平望會軍於米市湖盡毀逆礮臺巢穴敗黨紛竄進圖嘉興

江蘇軍克復松江府

府城既陷逆遣其黨出巢圖窺上海薛巡撫煥飭候

平定粵匪紀略

卷九

庚

平定粵匪紀略

補道張景渠直隸州州同應寶時督率兵團於五月二十七日乘其不備直搗南門轟斃守陣賊數十名逆衆惶懼應寶時破南門而入斃黃衣賊目十三名長髮賊千餘名奪獲大小船七十餘隻械幟無數當將府城克復餘匪捕戮淨盡自松江至上海沿途團練咸能奮勇立功先出巢者悉爲截殺

楚南援軍克復廣西賀縣

逆目陳金釭聚慶遠府之沙田助石逆聲勢上月爲廣西官軍擊敗退踞賀縣劉道嶽昭奉湖南駱巡

撫檄援廣西約會前布政使蔣益澧合兵勦賀縣用投誠目包禮安爲鄉導攻蓮塘克之渡河勦河東街悍賊殲斬無遺逆衆自東塔來援我軍分兩路夾擊大勝乘夜追逼賊衆從浮橋潰竄進復縣城

六月江南軍敗逆黨於橋頭

時大營潰軍未集鎮場上下皆爲逆蹤往來六月十六日自鎮江西路竄橋頭增設卡壘分擾泥山湯岡等處江甯將軍巴棟阿飭副將馮日坤由中路炭渚進副將陶茂森由南路山梁進副將賴鎮海駕師船扼橋頭險塞水陸軍剋期會攻兼令總兵馮子材督勁旅爲諸軍策應十七日合兵鏖戰自寅至午斬逆目二名擒獲極多橋頭炭渚諸逆壘一律燬平追殺七十餘里

會大臣駐軍祁門

會尙書署兩江總督徵集兵勇部署峻整六月十一日渡江進紮祁門以固吳會人心兼壯徽甯聲勢是月奉

特旨實授兩江總督並

授為

欽差大臣督辦江南軍務時張副都御史芾駐軍徽州久

無成效奉

召入都院南軍務統歸曾大臣督辦周提督天受聽調遣

曾大臣請以浙江溫處道李元度調補安徽甯池太

廣道以重徽防而聯軍勢

浙江軍克復餘杭臨安縣城

逆匪竄踞餘杭臨安直逼杭州省城瑞將軍遣總兵

劉季三督兵前勦復獎勵民團以同仇敵愾相勸勉

平定粵匪紀略

卷九

天

華玉齋

為守望計六月二十二日劉季三等攻餘杭燬賊壘

數座進薄東南門後隊自西路抵城根登梯而上大

軍鼓譟以入逆遂驚走盪餘匪一空乘勝平臨安縣

之青山頭逆壘逆援衆大至我軍奮力衝殺民團亦

齊力助戰聲震山谷逆衆退保臨安二十九日復環

攻縣城克之同時富陽新城昌化於潛諸逆蹤所至

者皆為民團擊敗始不敢恣意肆掠

皖南逆竄陷廣德州

浙江逆衆出擾皖南屢受懲創由孝豐竄犯廣德州

是時皖南軍赴甯國府解圍疊破賊壘三十餘座揮

軍轉戰城南七壘亦盪平正得手間警報忽至未及

回戈而廣德陷矣方逆入廣德州界江提督長貴已

革總兵米興朝登陣督戰手刃多賊以援師未至遂

至失陷江提督衝圍出退保四安鎮

平定粵匪紀略

卷九

天

華玉齋

平定粵匪紀略卷十

咸豐十年七月江南賊圍金壇縣守城力竭失陷知縣李淮參將周天孚等死之

是時金壇被圍已數月矣參將周天孚艾得勝會同知縣李淮激勵紳民協力堅守屢馳書乞援於鎮江巴將軍棟阿派令總兵馮子材等前往解圍為丹陽逆黨所阻兵不能進乃力攻丹陽連奪賊卡三逆壘一逆眾迎戰都司黃才貴怒馬突陣斬黃衣賊目二名馮子材督大軍抄擊乘勝直薄丹陽城下匪黨退

平定粵匪紀略

卷十

羣玉齋

江南上海縣解圍

逆黨自青浦松江窺伺上海七月初四日四面合圍悉力攻撲勢極鴟張時薛巡撫駐上海親統文武兵勇等堵禦蘇松太道吳煦屢擊有功賊勢少卻助逆匪黨復有萬餘自東而西繞越來撲亦經兵勇擊退

賊眾轉趨北門練董候選道楊坊等率甯波義勇迎

頭截擊殺斃無數逆黨復合眾進圍署按察使道員

江清驥憑雉堞開礮斃附城悍賊數名逆始敗退西

奔追斬二百餘生擒七十有奇西門之逆氛盡掃初

五日復分十餘隊犯西南兩門我軍乘勝痛勦匪眾

不支初八日擊眾遁去

江南水師擊敗丹陽逆

七月二十一日丹陽逆糾黨六七千眾由辛豐等處

分途撲我水師意圖北渡竝沿河築壘於土山設礮

平定粵匪紀略

卷十

羣玉齋

轟擊總兵周希濂派營官馬成林等嚴防東西岸飭

水師乘煙霧迷漫中輪隊架礮對擊逆眾應聲倒斃

不計其數遂掩旂遁回丹陽我軍登岸尾追礮擒甚

夥其小河口賊船十餘隻詐稱投遞公文逕撲艇船

亦為我軍擊退

八月徽州府失守

皖南逆陷廣德州後由湖樂鎮竄叢山關直犯徽州

府皖南道李元度甫奉調補率兵勇三千抵徽界聞

警即由績溪馳入府城逆前隊已至八月十九日出

城分兩路迎擊斃賊百餘名時張道運蘭亦敗逆於
楊溪斃賊馬數十匹悍賊千餘二十四日逆大隊齊
逼城下李元度親出督戰奮勇進追斬馘數百伏賊
自嶺後出抄我軍兩翼李元度急收軍入城保守賊
乘夜專攻北門李元度身臥城頭力堵一晝夜二十
五日賊伏民房燃槍飛礮子入城中守陣弁兵不能
立脚城遂失陷

廣西軍敗賊於興安縣鬱林州北流縣

石逆達開自慶遠潰走向擁眾數萬竄往武緣縣六

本定粵匪紀略 卷十

三

羣玉齋

月初糾潯州容縣諸匪黨攻圍鬱林州及北流縣又
遣匪黨撲興安已經知縣榮志督城守弁蔣顯敷擊
走八月初四日復回竄薄城榮志等出城迎敵賊眾
自間道入蔣顯敷裹創力戰而死榮志亦受傷墜馬
適副將鄧世堂督軍至奮力接戰賊敗走乘勝追北
殲擒數千名城池復完而左江道吳德徵亦同時擊
武緣斃賊萬餘鬱林北流為兩粵要地知州鄒德純
督兵勇固守五十餘日博白縣知縣王達材陸川縣
知縣覃遠璉馳援北流圍始解

都將軍由楚帶隊赴揚州督辦江北軍務

督辦江北軍務提督李若珠忽患痺症不能軍奉

旨以荊州將軍都興阿督帶馬步迅赴揚州六合擇要駐

紮督辦江北軍務都將軍帶原撥馬隊四百餘員名

挑選楚軍英字選鋒各營步隊一千一百餘名於八

月十九日自鄂起程取道英霍六壽赴揚旋於九月

內聞京師夷務戒嚴官大臣請以都將軍馬步改道

赴僧王大營以備攻勦並與曾大臣胡巡撫各請提

兵入衛因撫局就緒未果行都將軍仍赴江北

本定粵匪紀略 卷十

四

羣玉齋

九月逆圍壽州皖軍擊走之

陳逆玉成率悍賊二十餘萬圍取壽州由東淝河跨

山越谷盤行抵淮河南岸聯營櫛比餘黨竄入姚家

灣擄船欲水陸會攻翁巡撫同書登城相度形勢豫

為布置派都司彭楚文守備黃慶仁統帶礮船駛飛

漿沿河截擊而自督總兵慶瑞副將黃鳴鐸堵禦策

應彭楚文至姚家灣奪賊船十餘眾賊乘霧泗水入

小港亦為黃慶仁圍殺逆水路既不能逞志遣步騎

撲北關城上疊發大礮賊眾披靡折回兩河口紮筏

坐二千餘人復圖捨渡黃鳴鐸募敢死士數百人直前轟其筏墜水溺斃者無算是夜密令水勇覓登山麓縱火焚燒逆壘多燼逆亦遣眾乘黑夜涉淺水襲城僉斃於檣礮木石逆眾潰退追斬極多生擒偽總制檢點等數十名城圍遂解

皖南逆陷甯國府前提督周天受皖南道福咸等死之賊陷徽州府之前已分股攻甯國府周提督天受偕皖南道福咸誓以死守至七十餘日糧盡援絕遂至失陷周提督福道與巷戰遇害周提督之弟天培上

平定粵匪紀略

卷十

五

羣玉齋

年在河北堵賊死本年七月金壇之陷其弟天孚亦守城亡兄弟三人先後殉節事聞

詔於原籍四川省及本縣建祠祀三人另於甯國府建周提督專祠以道府縣及竹塘營殉節之袁州副將朱景山等從祀焉

浙江嚴州府失陷

浙省經瑞將軍昌王巡撫有齡會籌攻勦軍務漸平九月初六七等日徽州大股逆眾由瀆安下竄窺伺嚴州副將周萬遠知府松海等帶隊出戰逆眾兜裹

突圍出而城陷署副將封九貴手刃逆首一名被賊四面圍困力竭陣亡

通州兵民渡江克復江陰縣

初逆之竄踞蘇城也並時城陷者以數十惟昭文常熟以民團齊心奮力保守並越境克復江陰嗣江陰復陷於賊常昭二縣亦自保不暇矣江陰居大江尾閭狼山對岸逆匪踞之以窺伺江北日有警報人心皇然署通州知州張富年率靖江縣知縣齊在銘都司龔致福等統帶兵勇及沿江民團渡江攻勦先將

平定粵匪紀略

卷十

六

羣玉齋

江陰內河賊船轟燬並奪獲城外礮臺初四日攻東門斬關直入盡殲逆黨立復縣城

十月上海軍敗賊於金山縣等處蘇州之賊分股撲金山縣之楓涇鎮薛署督飭總兵曾秉忠督長龍礮船截擊分遣守備楊貴福會同金山縣知縣周紹濂於十月十五日由陸路併力合勦賊悍賊甚多收復楓涇鎮逆等復糾蘇常大股襲廣富林圍犯松江時副將向奎等率水陸軍守廣富林以眾寡不敵潰散適曾總兵自楓涇鎮收隊回泊龍

王廟聞警馳援初六七日分三路進攻逆黨又敗竄
寶山縣之羅店鎮為都司姜德設伏擊卻之
楚軍水師間道援南陵縣救拔難民數十萬

皖南賊熾自陷甯國金壇與金陵逆勢聯為一氣南
陵縣孤懸賊中總兵陳大富竭力守禦援糧並絕勢
難自全福建水師楊提督載福統舟師於江皖間欲
援無路值連旬秋雨江水急漲小港皆可行舟探得
南陵北門外一港可達魯港水程約百餘里而近城
賊壘極多惟右邊沿港有一線小路非陸兵相輔不

平定粵匪紀略

卷十

七

羣玉齋

得進乃就近調樅陽守兵千總尹昌景韋以琳兩營
隨同前進揚言攻蕪湖十月初二日次魯港派總兵
李成謀紮港口以遏蕪湖上竄之賊於峩橋小河窰
等處步步為營初四日水陸並進港左壘賊出撲丁
副將泗濱等奮力衝突將左壘焚燬尹昌景等沿岸
進擊亦破其港右壘陳大富知援軍已至自內衝出
盡掃東南西三面之壘城圍立解拔出全軍百姓從
者十餘萬同赴上游江邊駐紮
逆犯杭州官軍擊敗之進收餘杭城

先是逆陷富陽縣瑞將軍等遣兵馳勦立復其城逆
復糾集臨安黨眾攻餘杭陷之逕撲杭州省城官軍
出城迎戰副都統傑純協領瑞慶副將吳再升等擊
賊於觀音橋傑純手刃執旂賊目數名逆眾敗退十
月十四日分兩隊來撲副將文瑞派隊迎敵立斃悍
賊西湖水勇及文瑞礮船勇登岸迎抄後隊翻山之
賊殲斃無數署布政使麟趾為諸軍策應亦屢戰有
功十五日文瑞由寶樹塔進襲賊壘逆死拒不退傑
純吳再升等揮戈陷陣斬黃衣賊目二名左右馳驟

平定粵匪紀略

卷十

八

羣玉齋

賊勢披靡尸骸徧野十六日官軍乘勢追殺數十里
直至餘杭逆黨潰走立復縣城
廣東軍越境解江西安遠縣圍
廣東南雄州踞逆於八月十三日竄江西攻安遠縣
連營六十里廣東都司方耀等督兵勇由南雄追勦
駐安遠縣之龍頭墟升任浙江布政使林福祥署總
兵阿隆阿督江西大軍會合粵軍於九月十四十七
二十七等日三次進攻斃賊多名十月初三四等日
各營大隊痛勦焚燬水口塞古田等處賊壘六十餘

座殺賊二千餘名生擒一百三十二名城圍始解
清江防兵敗賊於三河

定遠之逆由盱眙山路北竄集洪澤湖濱之三河
十月初四日由龍岡馬壩一帶直通湖岸意圖搶渡
經王漕督夢齡所派清江兵勇架大礮轟擊於下
游淺水處施放火器堵截斃賊千餘賊不得渡是月
十八日復領眾數萬進撲我軍竭力攻擊斃賊無數
向東南竄去其分股撲犯衡陽黎城等鎮之賊亦爲
我軍擊敗沈擄船偷渡賊五六十名餘匪全遁

平定粵匪紀略

卷十

九

羣玉齋

曾大臣兵勇攻休甯疊勝進復黟縣

曾大臣駐軍祁門飭令霆營總兵鮑超湘營張道運
蘭會攻休甯九月內屢戰獲勝十月初二日鮑總兵
移營西館張道亦移營於迪祥湖距城各止十餘里
初四日賊由榔市撲營張運蘭派隊出擊陣斬偽將
軍汪懷忠徽州逆援休甯聚城東萬安街爲城逆倚
角十七日二營兵會齊出不意夾擊之殺賊千餘燬
城外壘二座偽侍王李侍賢在浙江嚴州派解火礮
大礮入城偽忠王李秀成亦自蕪湖率賊數萬來接

由羊棧嶺竄入黟縣游擊趙廷貴受傷防皆潰二
十日鮑總兵張道遣副將宋國永帶隊迎勦會老湘
營各勇奮力攻擊賊勢敗退追入黟縣立將縣城克
復次日復大戰於柏莊嶺斬偽檢點艾逆偽丞相吳
桂先等李秀成受傷遁

浙江軍克復嚴州府壽昌縣

嚴州府城於上月爲逆竄踞糾合死黨意圖抄我軍
後路經廣西提督張玉良揮兵進勦連戰三晝夜逆
黨大受懲創猶嬰城死拒參將韓廷貴等分攻各門

平定粵匪紀略

卷十

十

羣玉齋

守備陳永椿帶礮船登岸轟擊已革衢州鎮總兵李
定泰首先登城兵勇踴躍隨上逆眾驚惶逃竄我軍
乘勝追勦斃賊千餘奪旗幟無算遂於十月初八日
克復府城其金華府所屬之壽昌縣兩次被賊竄擾
經署金華府知府程兆綸派令兵勇民團進攻斃賊
無數克復縣城

楚南軍克復綏甯東安城步三縣武岡州新甯縣解圍
石逆達開擁眾欲由黔入川未果遣黨分竄湖南疊
陷綏甯城步二縣綏甯縣知縣吳熊與第三子吳鏞

典史馬星恒署城步縣知縣安和均殉難武岡州新甯縣亦被賊攻圍甚急當經官軍擊退仍留悍賊屯踞武岡城外道員江忠義派游擊徐良瑛等山城迎敵自率親兵為策應兵勇爭先衝殺斃賊極多逆黨復乘夜負梯潛謀登城參將黃仁遣暗派兵勇下城奪獲長梯十餘架復經江忠義分道出擊窮追數十里殲斃七八百名生擒四百餘名武岡圍解新甯之賊則經道員江忠濬派營官李承立等會知縣徐白燧力戰解圍賊眾盡趨東安十月十六日陷其城知

平定粵匪紀略 卷十

十一

羣玉齋

縣趙榮祺與長子燕棠幕客胡琅笙吏目周炳勳訓導蕭國煦殉難江忠義即率所部分三路進攻薄城下逆遣眾繞道出營後抄襲督隊官陳希祥截擊之賊大敗城逆由六埠頭逃去其綏甯城步二城踞賊圖犯洪江經署靖州知州張士寬寶慶府同知何鍾秀分路攻勦同於十月初八日克復

貴州軍勦青岩獲勝逆分黨陷長寨廳

石逆敗後遺黨竄踞定番廳撲青岩等處皆為官軍勦退十月二十一日復攻撲赤土長田各營亦經參

將王萬升等擊敗餘匪潛由間道襲長寨廳副將賈連升等追抄失利以致廳城失陷同知劉宗元罵賊而死

楚軍會勦桐城等處捻逆獲捷

楚軍銳志圖皖正月既克太湖潛山胡巡撫駐皖督辦以曾道國荃總統湘勇萬餘人圍安慶省安徽按察使李續宜福州副都統多隆阿等攻桐城逆首陳玉成勾捻首龔瞎子孫葵心等各率悍黨上竄桐城縣之掛車河等處多隆阿於十月十四日列隊扼截

平定粵匪紀略 卷十

十二

羣玉齋

賊匪退往河東二十三日復率眾在望鶴墩增築營壘協領溫德勒克西等衝擊獲勝二十六至二十八等日賊由新安渡圖犯小松圍官營多隆阿會同李續宜所帶湘勇分作八路列陣二十餘里副將王聯芳督兵衝殺立破棠梨山等處賊壘合兵並進圍殺三時之久斃賊八九千名溺水死者二三千名生擒一千三百餘名解散脅從一萬三四千人餘匪竄逃其分股竄霍山之賊胡巡撫飭副將余際昌記名總兵成天吉等火攻夾擊破之賊眾退奔舒城

十一月浙江軍斷富陽浮橋

富陽初陷即為民團收復逆黨潛往江口搭浮橋數
座以便上窺諸暨下竄甯紹兵勇出不意攻之大敗
逆眾縱火將浮橋焚燬擊沈逆船無數江口肅清
會軍勦南贛竄逆獲勝克復德興婺源縣

逆黨自廣東韶州竄南贛圍逼建昌左京堂一軍先
駐樂平聞警移駐景德鎮探聞南贛逆分黨由貴溪
境過安仁有直撲饒景之勢派游擊王開琳等二營
沿途迎勦十月二十一日行抵大田坂逆踞周坊及

平定粵匪紀略

卷十

三

羣玉齋

丁家坊等處夜乘月亟擣之至鶴嶺距周坊僅三里
賊尙不知我軍之亟至也遂分三路翻山進勦適黨
逆紛至我軍奮力齊敗之遂奔高山竄陷德興縣左
京堂復派即選道王開化督三營前往敗賊於楓樹
嶺十一月初一日收復縣城而安徽之婺源縣復陷
初三日我軍趨婺源遇擄糧賊於高沙陣斬悍賊百
餘乘勝力追進克其西北兩門逆眾由東南遁婺源
縣亦復

會軍克復建德縣

待守建德者惟寶勇一軍總兵普承堯統之池州逆

撲犯官軍出戰小挫十一月初四日城陷曾大臣聞
警先派副將沈寶成往援知失守復添派副將唐義
訓統祁門各營與寶成合兵會勦至利涉口賊築壘
河洲列陣以待並以馬隊扼拒各卡我軍分東西兩
路緣山上立破賊卡前軍夾擊河洲賊而後哨從山
上抄賊後賊敗至三里街唐義訓復分軍為三自街
口及街左右進攻城賊及壘中之賊齊出死拒官軍
軍河南賊軍河北相持逾時有金盛騎馬賊中礮墜

平定粵匪紀略

卷十

四

羣玉齋

地賊遂潰敗入城朱聲隆等由南門尾追而入賊出
東門逃逸收復縣城其河洲壘賊搜殺略盡
賊撲湖口水陸各軍擊退克復都昌縣
建德失陷寶勇潰散賊即長驅深入官軍與賊所必
爭者莫如湖口縣曾大臣先派記名道吳坤修帶團
防營千餘人馳守彭道玉麟亦遣前營都司胡友勝
隨同楊提督水師會勦而檄左營副將成發翔後營
都司丁義方迅赴湖口協助十一月十二日賊撲彭
澤縣為水師擊退即率大股上竄馬影橋距湖口縣

僅十五里丁義方等先至湖口截留寶營潰勇選精壯者五百人登陣守禦正慮兵單適吳道率團防營至彭道亦自黃石磯來援同日入城十三日馬影橋之賊直撲各門諸軍並力擊退城南門為水師塌數丈修築未成賊乘之與長梯鼓譟而上我水師登陣助戰砍斃登城賊數百人開城追殺奪長梯三百餘架十四日諜知賊欲乘夜復來攻撲時寒雨連夕陰風怒號江濤湧洞有聲燈影慘澹彭道躬巡城堞戒勉慰勞兵勇雨立城頭一無懈色至天明偵知賊已宵遁竄入都昌縣即調成發翔礮船赴援十五日駛至都昌縣擊退賊收復縣城

賊踞羊棧嶺圖犯祁門曾軍連戰卻之
偽忠王李秀成前自羊棧嶺進犯黟縣竄敗後猶復齎踞羊棧嶺圖伺隙犯祁門曾大臣飭參將楊鎮魁游擊蔣信玉統禮字前後兩營協同參將張應起之百勝軍合紮盧邨十一月十七日逆目古隆賢賴裕新繞道抄盧邨大營後路楊鎮魁等堅壁固守俟張道運蘭援軍至齊出夾擊賊遂敗退十九日嶺外添

平定粵匪紀略

卷十

七

華玉齋

賊萬餘進犯之計益切副將宋國永密受曾大臣方略帶勁旅馳赴黟縣轉由盧邨進攻老湘營二旂張天習等繞出羊棧嶺斷賊歸路禮字等營前後突出賊勢大潰我軍追者反出其前賊墜巖挂樹死者不計其數自此賊膽始寒不敢再窺祁門而休甯城賊因飽超一軍回勦景德鎮由藍田擾及小溪一帶張運蘭擊敗之另股在鄧家橋屯聚者進逼漁亭二十六日霆營將官今直隸提督婁雲慶會合各營出隊兩路抄擊賊眾奪路狂奔殺斃逆首黃世瑚等多名

老賊千餘人申刻後復敗上溪口來犯之賊追過牌嶺至馬金街而還

蘇州賊撲寶山縣拒戰獲捷

寶山縣濱臨大海近接吳淞口為松江府門戶都司姜德統勁勇與原防之川沙營參將李延舉吳淞營參將劉錫温合力堵禦十一月二十四日蘇城逆黨數萬陸路屯寶山城外三里之丁家橋而礮船日劉河海塘直薄城下劉錫温與知縣曹錫肅入城固守姜德營城外深濠堅壘連吳淞口大礮至連次轟擊

平定粵匪紀略

卷十

七

華玉齋

斃賊無數次日賊復進逼把總張振揆奮力衝殺手刃三十餘賊挫其兇鋒姜德往來策應斬首二百餘級賊始敗退張振揆因力竭陣亡海塘之賊亦爲民團擊走二十七日各軍分路追殺復斃賊二千餘名寶山縣賴以完

浙江湖州解圍

浙江之賊因湖州圍防屢殲其黨糾合大股圍攻郡城四十餘日記名道趙景賢督勵民勇屢戰輒勝十一月十五至十七等日逆由杭坊港等處來撲竝分

平定粵匪紀略

卷十

七

羣玉齋

犯青銅門橋及橫溪塘橋各卡均被擊退斃賊多名二十二日復有騎馬賊犯楊家莊又由奚家莊西分撲官營後路竝用礮船直犯西門我軍分投迎勦賊衆受傷落水死者不計其數逆勢少卻二十六日我軍由龍山追殺復斃賊千餘水陸夾擊兼破其屯紮後山賊衆其自仁廣山來犯者亦大敗遂焚燬各路賊壘力解城圍

江西賊陷饒州府及浮梁縣旋即收復

毓巡撫科撫江西其軍務仍由曾大臣會督辦理十

一月內逆匪竄入浮梁縣曾大臣派左京堂督兵截擊十三十四等日先後擒斬多名賊猶列隊抗拒我軍槍礮齊施賊衆披靡陣斬僞指揮三名乘勝追擊斃賊數百名墜水死者不計其數城賊聞風逃去其闖入饒州府之賊爲游擊任星元等督兵轟擊逆不能踞亦遁

十二月廣東軍克復平遠縣

廣東軍越境解江西安遠縣圍賊受創竄回廣東闖入平遠縣者巡撫齡派都司長青方耀等率兵勇會同勞總督崇光所派嘉應州及潮州鎮道兵勇四面圍勦自十月二十七日至十一月二十五日疊次環攻殲斃守城賊無數十二月初四日破城外賊柵毀礮臺三座焚燒賊壘十餘處賊不能支出東門逃竄追殺數十里沿途賊尸枕籍生擒四十餘名斬首三百二十餘級遂復縣城

浙江軍克復江山常山二縣

賊黨竄陷江山常山兩縣城十一月十一日總兵曾玉明派參將林文察等督兵勦江山斬黃衣賊目一

平定粵匪紀略

卷十

六

羣玉齋

名燬逆壘三座並擊敗常山援逆二十五日復攻破
西山一路賊壘十餘座殲賊極衆生擒長髮賊一百
六十餘名江山城當即收復提督張玉良已革總兵
李定泰統水陸師進規常山三十日城逆水陸迎拒
擊沈賊船二隻礮船一隻將後路三里灘賊壘木柵
悉數焚燬乘勝薄城轟斃守城賊目城內火藥局延
燒賊衆突門出竄遂復江山縣

江西賊竄福建陷汀州府
閩境漸次肅清惟武平尙爲賊踞上月汀州鎮總兵

平定粵匪紀略 卷十 五 羣玉齋

袁良督游擊許忠標等進攻殲斃甚多燬逆壘二座
正加痛勦冀剋期殄除而另股粵匪偵汀州府兵單
於十二月初三日由江西界突入陷之

平定粵匪紀略卷十一

咸豐十一年辛酉正月浙江軍克復富陽縣

上年十二月逆匪由桐廬突入富陽意圖東竄副將
貴廷芳等督兵勇水陸夾擊疊次獲勝賊復編竹爲
籬乘間駕駛撲營亦經轟擊敗退本年正月初四日
我軍直薄城下水師亦架礮助攻斃賊千計初七日
慶戰至暮踰毀西門外賊壘多座夜半時守備包文
舉伏東西兩門舉號火兵勇奮力攀梯登城知縣蔣
貴斌率四鄉團丁緣城鼓譟賊猝不及防紛出北門
逃竄我軍追殺數十里立復縣城

平定粵匪紀略 卷十一 一 羣玉齋

江西逆犯景德鎮會營左鮑兩軍敗之於石門洋塘
江西逆屢竄浮梁縣窺景德鎮近鎮之里市渡西瓜
洲羅家橋等處賊蹤時至至必懲創之偽堵王黃文
金忽糾大股匪黨五路進犯正月初九日左京堂會
總兵鮑超分途迎擊鏖戰於石門洋塘斃悍賊千餘
名其下游逃竄之賊及山岡來援各匪亦轟勦獲捷
尸積如山兼斃逆目許茂材林世發二名黃文金踉
蹌宵遁

賊撲祁門曾軍勦殲之

正月初六日石埭逆分撲大赤大紅二嶺江提督長貴擊敗之於大紅而黨衆已由大赤入歷口距祁門大營僅二十餘里曾大臣派副將唐義訓等往堵設伏於石門橋逆黨張白幟自橋外田隴猛撲而來伏兵突出四面包抄殺聲震山谷賊勢大潰我軍窮追三十餘里踰大赤嶺初九日收隊回盡殪羣賊之竄聚歷口程邨者

曾營鮑軍破賊於黃麥舖等處克復建德縣饒州九江

平定粵匪紀略

卷十一

二

羣玉齋

境肅清

石門洋塘之勝總兵鮑超一軍追賊至彭澤縣之下隅坂而青陽銅陵諸援賊與敗黨合復入建德分踞黃麥舖等處鮑總兵督各營前勦逆衆迎拒我軍奮勇力戰乘勝壓之斃賊二千餘人撲港跌巖而斃者以萬計血濺林壑追至建德適水師總兵陳大富亦至遂合兵收復建德縣城生擒逆匪林天福等多名長髮逆賊三百餘名九江饒州府屬一律肅清

一月皖逆勾結捻匪竄擾湖北羅田縣之松子關楚軍

截擊獲勝陣斬擒首龔瞎子

楚軍全力圖皖候選道曾國荃統軍一萬餘人攻安慶新授安徽巡撫李續宜援湘回鄂駐青草隔福州副都統多隆阿駐桐城之挂車河胡巡撫駐太湖縣副將余際昌紮霍山之樂兒嶺副將成大吉駐羅田縣之松子關逆首偽英王陳玉成即四眼狗圖援安慶糾令擒首龔瞎子帶髮擒五萬餘人撲松子關二月初四日賊分兩路左出平頂山右出五斗坳抄我官營之後成大吉所統僅二千五百人賊多二十倍

平定粵匪紀略

卷十一

三

羣玉齋

乃激勵士卒派都司曾昭仕副將張運馥等分投迎擊一可抵百正酣戰間成大吉暗令武後營參將王名治從左側山腰橫截而出擒首龔瞎子騎馬衝陣爲我軍擊斃賊衆驚潰覓路狂奔墜巖墜樹自相踐蹋我軍儘力追殺計三時之久斃賊四千餘人初七日賊黨欲爲龔瞎子復仇挑選先鋒悍賊分五路進撲成大吉等奮力抵敵賊復敗退次日率隊追勦直至距關二十里之觀音塘始收隊擒黨因龔瞎子死散去二三人粵匪亦散數千人餘匪繞道英山與

陳玉成合股

逆首陳玉成竄入蕪水縣陷黃州府及蕪州

楚軍分途圖皖胡巡撫於十年十二月由安徽之英

山縣移駐太湖縣以節制諸路副將余際昌率昌

字四營駐霍山之樂兒嶺分昌禮三營駐三石嶺為

後應戒余際昌如賊至堅守勿戰以待援師陳玉成

探知霍山兵薄既嫉捻首龔瞎子犯松子關自率悍

賊十數萬乘虛於正月二十九日從霍山之黑石渡

直撲昌營余昌食貪功出隊迎勦相持四晝夜力竭

平定粵匪紀略

卷十一

四

陳玉成

而潰昌禮三營孤懸三石嶺外經營務處同知孫振

銓馳往調回紮守天堂賊於二月初四日抵英山初

七日入蕪水縣假官軍旗幟趨襲黃州府初八日陷

之竝於十四日分陷蕪州擾麻城

黃州逆眾上犯武昌省城戒嚴

逆踞黃州後分黨數萬裹脅日眾闖入黃安黃陂孝

感雲夢等縣竝陷德安府隨州勢極猖獗時省城僅

存標兵二千餘人官大臣督率司道唐訓方文輝厲

雲官盛康恩祥等晝夜登陣固守飛咨李巡撫率湘

撫十九營自青草隔回援副都統舒保率馬隊馳回

廣東惠潮嘉道彭玉麟督水師戰船亦至扼守外江

內湖人心以安賊不敢犯

上海軍截勦青浦嘉定之賊獲捷

青浦踞賊紛出滋擾二月初一日巡撲廣富林官營

參將李恒嵩都司王玉林守備何慶福迎戰斃賊多

名乘勢掩殺獲械輜無數敗匪由水路下竄經水師

曾秉忠督率長龍船擊走之另股賊竄撲鎮橋北營

竝在附近縱火李恒嵩等會同參將郭太平分隊截

平定粵匪紀略

卷十一

五

陳玉成

勦陣斬騎馬賊目二名都司張應選越濠砍斃衝鋒

賊目數名賊眾奔竄其嘉定之賊同時由南翔竄至

江橋華槽亦經各路兵圍截擊獲勝

曾營各軍破上溪口逆巢克復休甯縣

逆陷徽州竄踞休甯城築壘於上溪口河邨石田小

當等處層密周匝與休甯屯溪之賊互相犄角曾大

臣以休城不克撤郡難圖祁門亦屬危地於二月初

八日派副將朱品隆唐義訓由祁門赴魚亭會張道

運蘭攻上溪口及河邨諸賊巢而調霆勇安勇更番

山隊以牽制休甯援賊初九日各軍猛進焚燒河邨
上溪口賊壘追至石田復平賊壘六座賊竄小當是
日霍安各勇直抵休甯城下十一日會合環攻踞逆
乘夜遁去收復縣城

曾營各軍進勦婺源樂平逆連戰皆捷

偽侍逆李侍賢糾黨陷婺源屯踞青華街左京堂飭
各軍移營前勦陣斬騎賊二百餘名步賊二千餘名
匪黨猶死拒不退我軍出奇兵大敗之方乘勝薄城
而城逆忽分大股由中雲竄入樂平界內左京堂復
親統數營趨駐樂平之柳家灣扼賊衝二月十二日
接戰大勝賊甫退而援匪漫野至返旆截殺盪決無
前賊復大潰而去

皖南嶺外逆匪分路進撲曾軍擊卻之

二月二十三日皖南逆分由西路樓根嶺北路禾黍
嶺進犯副將沈寶成時駐營歷口當西面堅壁不動
江提督長貴率兵勇出北路拒之曾大臣恐西路兵
單復派記名總兵朱品隆率各營由祁門馳援與寶
成合軍出歷口追勦殲其賊目並將陳田葉各邨餘

平定粵匪紀略

卷十一

六

羣玉齋

匪埽蕩賊越嶺而逃江提督至北路亦敗賊於禾黍
楓樹大洪三嶺賊始退出嶺外

江蘇青浦縣民團擊竄匪獲勝

自常熟昭文以圍練有功諸城邑紳民皆勸修堵禦
逆黨亦畏之二月初六日蘇城逆出擾為守備方聚
與擊敗由南翔竄青浦練紳何長治沈維城許子蘭
會各鄉義民連日轉戰生擒逆目徐太湖賊眾不敢
踞追至嘉定城而城逆出援沈維城獨奮身越濠刃
賊甚眾以力竭戰死青浦所屬之黃渡安亭香花橋
殺賊所保全實多

三月楚軍克復孝感縣收復雲夢應城黃陂黃安等縣
麻城解圍

省城兵勇漸集官大臣商派李巡撫所部會合舒保
馬隊出勦審察賊勢踞聚孝感而以德安雲夢隨州
三處踞逆為長蛇勢意圖窺伺荆襄宜先攻孝感以
扼其吭三月初一日派道員金國琛等率湘勇七千

平定粵匪紀略

卷十一

七

羣玉齋

餘人由楊店進彭玉麟率都司王吉等帶舢板小戰
船入府河陸師拔其木城水師斷其浮橋分門攻入
於初九日克復孝感縣斃賊四千餘衆生擒五百餘
名官大臣復派游擊王元昌等馳勦雲夢應城二縣
兼爲孝感各軍聲援賊卽遁去二城旋即收復黃陂
黃安二縣亦經各縣整齊團練殺賊多名收復城池
麻城之賊知府梁作楫會縣督同民團屢獲勝仗城
得固守

浙江海鹽縣復失兼陷乍浦鎮平湖縣及金華府屬龍

平定粵匪紀略

卷十一

八

羣玉齋

游等縣

二月內浙江嘉興府踞逆分陷海鹽等縣瑞將軍等
飭已革副將張威邦會同署江南提督曾秉忠進勦
二十九日克復海鹽縣已革總兵米興朝沿河截殺
毀賊壘罄盡並擊走鍾埭踞逆乘勝收復平湖縣三
月初八日逆黨乘浙軍已退復竄陷海鹽分撲平湖
縣之乍浦鎮駐防副都統錫齡阿軍潰戰死平湖縣
復於初九日失守浙西各賊復竄入金華府連陷龍
游湯溪長興三縣

江西軍克復新淦縣吉安府

江西逆匪於二月內由樂安竄陷新淦縣知縣李輔
會合民團協力圍攻至三月初二日賊始遁去收復
縣城賊趨吉安甫渡河參將李金陽率隊先退府城
遂於初十日失守知府曾詠廬陵縣知縣丁日昌督
率民團進勦時城中積存火藥甚多日昌募敢死士
親賊裝入藥局密施引線二更時風雨暴作火藥轟
發屋舍皆飛民團鼓譟力攻賊驚惶竄出卽於十三
日收復府城

平定粵匪紀略

卷十一

九

羣玉齋

浙逆陷江山常山二縣旋即克復復陷遂安壽昌蘭溪
武義等縣

偽侍王李侍賢逆黨踞皖南由婺源竄白沙關至華
埠三月二十五日連陷常山江山二縣民團聚集殺
賊於三里灘大溪灘二城立復賊衆乃圍集華埠遣
黨由開化陷遂安入淳安之港口副將余永椿帶隊
迎勦受傷退扼桐關賊不能過遂分兩路竄陷壽昌
蘭溪武義三縣
曾營左軍破賊於樂平

逆黨於二月內由鄱陽故縣偷渡昌江抵范家邨時
左京堂奉

命幫辦曾大臣軍務率兵勇擊敗之毀賊巢五處殺賊三
千餘以景德鎮復陷拔營赴樂平三月初五日賊至
桃嶺塔窺湧山為各營擊退初十日復率大股由龍
珠桃嶺擁至我軍按兵不為動俟其懈奮勇突擊追
奔二十餘里十三日偽侍逆李侍賢挑悍賊進逼樂
平連壘十餘里左京堂督諸軍開城出戰人馬如疾
風怒濤賊駭愕不知為計我軍縱橫盪決斬四五千

平定粵匪紀略

卷十一

十

羣玉齋

級燒賊壘二十餘座賊大潰侍逆易服遁去

楚軍截勦安慶援賊

皖逆竄入楚疆官大臣胡巡撫策賊必有分股回攻
安慶圍師之舉飛飭懷桐水陸各軍嚴密戒備三月
十三日逆首陳玉成果於隨州德安各留悍賊萬餘
以死拒牽制我軍陳玉成自率悍黨由蘄黃回竄宿
松境內窺伺太湖後路見胡巡撫建礮設卡防守甚
嚴不敢犯竄至宿松縣所屬之桃花舖福州副都統
多隆阿時紮桐城之挂車河派記名副都統溫德勒

克西金順各率馬隊馳擊敗之陳逆率眾竄至安慶
於集賢關外築壘抗拒多隆阿派總兵雷正瑄副將

楊朝林趙既發曹克忠王可陞參將穆正春姜玉順
王萬年楊正彪朱希廣余福象等各選隊七成馳往
二十一日紮高路舖二十二日忽報桐城廬江逆首
偽璋王林紹璋偽玕王洪仁玕等率賊二萬餘自新
安渡至練潭一帶連壘三十餘里將由馬蹋石渡河
竄往安慶與陳逆聯合圖解城圍多隆阿察定形勢
撥隊分擊竄令王萬年余福象由橫山後抄至困賊

平定粵匪紀略

卷十一

十一

羣玉齋

核心橫尸徧野逼入菜子湖淹死無數維時新安渡
出援賊萬餘人官軍圍殺殆盡追過天林莊統計斬
賊目五名斃賊一萬餘人二十四五等日逆首偽定
南主將黃文金卽黃老虎復糾合蕪湖逆賊七八千
名竝捻匪二萬餘名至天林莊築壘二十餘座竄
入安慶復經多隆阿設計誘敵殲斃二千餘名統領
安慶全軍卽用道曾國荃固守圍師不少動水師楊
提督率總兵李成謀等梭巡江湖焚奪賊舟斷其接
濟困城逆不使得逞

四月楚軍皖南軍勦退安慶援賊連獲大勝

上月多副都統敗賊於天林莊四月初二日拔營過河攻之陳玉成棄壘而遁屯於集賢關內外適曾大臣於皖南軍中抽調總兵鮑超一軍胡巡撫添撥總兵成大吉一軍同赴安慶協勦分路夾擊五戰五捷先是陳玉成至集賢關騎馬親至圍師後濠窺視次日即於菱湖北岸築壘十三座安慶城內逆首葉芸來率黨出城接應亦於南岸築壘五座城中出賊划置湖中以通來往道員曾國荃請楊提督撥水師礮

平定粵匪紀略

卷十一

三

陳玉成

船數十隻由東岸擡入菱湖往來轟擊斃賊極多曾國荃復派隊於東路橫濠倚水槍築新營水陸嚴防無隙可乘陳玉成知前阻圍師後受鮑超成大吉兩軍攻擊於四月初十日晚由馬踏石鳧水遁去尙於集賢關外赤岡嶺留賊壘四座與關內近濠之十三壘互相死守曾國荃見關外赤岡嶺之壘已有鮑成兩軍圍攻惟十三壘之賊非一時能克遂調各營一萬餘人開挖長濠斷其去路數日濠成壘賊盡歸阱內

楚軍湖南援軍分攻德安隨州

陳玉成於二月內陷德安隨州留悍賊死守初省城戒嚴官大臣奏請飭調湖南駱巡撫入蜀之師移緩就急迅援湖北派道員劉嶽昭率所部勇丁四千六百入於三月初旬由宜昌抵安陸府官大臣飛飭劉嶽昭馳往隨州攻勦兼保荆襄門戶李巡撫續定駐軍漢口派道員金國琛等率各營勇丁會同舒保馬隊攻德安劉嶽昭一軍於四月初三日接仗斃賊數百名值天雨收隊嗣後疊次進攻逆眾堅守不出金國琛一軍於三月二十三二十四等日於德安城外鳳凰山南壇山等處築礮臺四月初七日設伏誘賊斃賊六七百名生擒一百五十餘名十一日賊眾乘霧潛出撲營又斃賊三四百名自此不敢再出我軍開挖地道俟逼近城根設計進取

平定粵匪紀略

卷十一

三

陳玉成

揚鎮各軍擊賊獲勝

江皖各逆合黨撲揚州分二路一出僧道橋敗於己革總兵王萬清一自儀徵進敗於徐州鎮總兵詹啓綸四月十八日敗黨復合競奔揚州西北鄉搶築多

壘二十一日都將軍出隊分途迎勦逆傾巢出拒爲營總杜嘎爾馬隊所衝賊勢少挫游擊刁經明乘勢直搗中堅英字選鋒二營楚勇繼之斃悍賊多名杜嘎爾復派馬隊出戰賊紛紛潰退追殺三十餘里將所捨築新壘及甘泉山等處賊壘三十餘座悉數闕平斃賊數千生擒七百餘名初賊之撲揚州也潛糾匪黨令襲鎮江城巴將軍棟阿派總兵富升蕭知音等夾擊大勝復派總兵朱啓先都司春貴會勦斬擒無數賊亦潰遁

平定粵匪紀略

卷十一

西

羣玉齋

福建軍克復汀州府

上年十二月福建逆陷汀州府於城外築壘柵幾徧圖久踞福甯鎮總兵曾玉明會同記名道張啓暄督兵勇進攻四月初九日敗賊於長坑擒髮逆十二名又接戰於十里舖擒偽師帥鍾觀海等三名匪黨三百餘名進搗郡城逆列陣抗拒斬獲無數十四日乘勝合圍敗馬隊賊於東南北門官軍破東門而入斬守陣悍賊二百餘名逆出西門逃竄追殺十餘里遂復府城

上海軍進勦浙江嘉興逆獲勝

浙江嘉興府逆首偽狼天義等糾西塘鎮逆匪偽印天福率黨撲浙蘇交界之章練塘窺伺洙涇鎮署江南提督曾秉忠派守備林隆祥府經歷胡鈺等督帶戰船練勇進勦攻破白虎頭等處賊壘沈賊船甚多曾提督親統諸軍爲接應越境窮追焚燬西塘鎮及俞匯賊壘斃賊二千餘名生擒數百名二十二日青浦援賊撲北崑山官營亦經參將李恆嵩設伏擊之勦斃無算

平定粵匪紀略

卷十一

五

羣玉齋

五月江西大股逆匪竄犯湖北與國通城等州縣

逆首偽忠王李秀成大股竄踞江西義甯州武甯縣逼近湖南北邊境湖南平江縣有已革皖南道李元度由浙赴湘募勇七營駐縣堵勦湖北與國崇陽通城通山大冶各邑軍戒嚴官大臣酌撥知府唐協和已革副將余際昌都司江得勝三營勇二千三百餘人守與國副將何紹彩游擊王允昌參將唐敏興等三營每營五六百人分守崇通山冶四縣逆匪於義武二處裹脅七八萬人由與國內犯五月初二三日

一由苦竹南樓二嶺犯通城一由蛇箭嶺犯通山因
眾寡不敵均被闖入直抵崇陽之白霓橋其窺伺與
國之賊初四日撲余際昌營與唐協和等均接仗失
利退至大冶初五日賊蹤隨至大冶並擾及連界之
武昌縣經管帶礮船游擊曾紹霖突起轟擊斃賊數
百名賊始退回大冶逆氛距省垣較近官大臣咨商
李巡撫統勇三千餘人渡江回省紮東門外二十里
之魯家巷派署荊州左翼副都統巴揚阿帶王允昌
何紹彩馬步三千餘人紮距省六十里之東湖站紙

平定粵匪紀略

卷十一

去

華玉齋

坊一帶擇要駐守相機進剿

上海軍擊退平湖乍浦諸賊

浙江平湖縣乍浦海塘與江蘇金山衛相接嘉興踞
逆陷平湖卽於境內設卡圍犯金山五月初一日副
將黃金友督民團往勦獲勝於廣陳地方初三日復
勦除太平橋竄匪生擒偽官四名初四五日毀徐家
埭賊壘轉戰象皮橋陸巷港魚潛港等處所向皆捷
初七日逆眾復回撲廣陳黃金友被困中槍殞命賊
竄明珠菴為會提督水師擊退其乍浦逆黨亦分路

來犯為己革總兵米興朝所擊賊敗回巢
楚軍圍攻皖逆赤岡嶺四壘悍賊悉數殲除
鮑超成大吉專攻集賢關外赤岡嶺四壘壘中皆積
久悍賊官軍多傷亡乃環濠修礮臺數十座晝夜輪
攻五月初一日圍兵四合賊已糧盡勢窮鮑超遣守
備吳亮才入壘招降賊眾畏服投順獨第一壘賊目
劉滄林抗拒不服乘夜突圍希圖他竄適河水暴漲
不得渡為我軍所擒老賊四千餘無一漏網者
楚軍圍安慶埽平菱湖南岸賊壘

平定粵匪紀略

卷十一

七

華玉齋

集賢關外之賊既搜擒淨盡而城賊仍敢死守者恃
有關內菱湖南岸賊壘五座北岸賊壘十三座錯綜
分布以我抗師先是道員曾國荃竭萬餘人之力作
長濠圍之五月十五日以後城賊陸續逃出乞降分
別斬釋三十日菱湖北岸壘賊偽主將吳定才率悍
賊撲營為我軍擊退遂會水師力攻北岸十三壘各
營官率勇躍登生擒賊眾五千四百八十三人內有
偽安燕福豫侯及將軍指揮等數十人釋放淺髮者
三百餘人餘悉斬決南岸五壘同日攻克斬賊一千

餘人共平賊壘十八座斬馘九千有奇

江西逆匪竄陷浙江遂昌松陽處州永康義烏各府縣處州府旋即克復

江西逆匪由江山縣竄至湖口邨五月初六等日遂

昌松陽二縣相繼失守復竄處州知府李希郊馳往

堰頭堵勦以眾寡不敵力戰陣亡五月十六日失陷

署溫處道志勳會署總兵特保督兵攻處州十七日

賊撲厦河營截擊獲勝十八日志勳派隊由僻路攀

援登陣特保由大南門進勦麗水縣知縣姚復輝帶

平定粵匪紀略 卷十一 六 羣王齋

團勇夾擊逆眾開北門遁去郡城立復武義之賊由

宣平竄永康縣十八日失守三十日復陷義烏縣

浙江軍克復長興縉雲遂昌松陽宣平等縣

逆黨自竄陷長興築卡南路虹星橋盤踞烏鎮練市

擾龍灣一路圖犯夾浦兵勇疊次痛勦斃賊甚多賊

勢不支入城抗拒五月初九日都司江振聲等水陸

並進拆毀其所搭浮梁斬首數百級直薄小東門一

鼓登城克復長興縣並踰平虹星橋卡柵其盤踞鎮

市者亦皆為民團擊走處州敗匪於五月十九日竄

陷縉雲次日即經知縣馮格督率兵團攻擊賊未踞

勻即復縣城遂昌松陽二縣亦於二十一日收復賊

由遂昌小路竄宣平經宣平縣知縣何仁杰調集鄉

團會游擊黃載清兩路夾擊斃賊甚多賊向武義遁

去處州境內已無賊蹤

蘇州踞逆援青浦另股竄逼上海官軍擊敗之

上海官軍駐青浦圖進勦五月二十三日蘇州踞逆

遣大股往援副將李恒嵩以賊勢猖獗移斡山鳳凰

山二營退紮塘橋整軍迎敵適會提督派水師助勦

平定粵匪紀略 卷十一 九 羣王齋

合力夾攻斃賊多名並擊沈賊船多隻盡遁入青浦

城內另股由嘉定竄出之賊陷大場華漕等處官軍

營盤進逼上海經游擊金文廷等力勦擒髮逆四名

奪回營盤參將梁勝章親燃巨礮轟賊百餘參將王

國安單騎入賊隊手刃賊目一名諸軍努力痛勦斃

賊甚多餘匪亦潰回嘉定

曾軍乘勝收復徽州城

曾大臣由祁門移營東流皖南逆黨度嶺內空虛糾

眾由方干嶺樟嶺衝防軍而入潛陷黟縣築壘於西

武嶺等處圖窺祁門五月初四日江提督長貴率朱
昂隆等攻西武嶺賊即敗退福建按察使張運蘭亦
會同署皖南鎮唐義訓副將婁慶雲等克黟縣嶺外
援賊續至分踞洋棧方干及樟嶺三處均為我軍擊
敗初九日合軍進勦賊併入盧邨十都增新壘五座
竝舊築為七固守抗拒我軍攻克新舊七壘賊悉駢
誅餘匪遁出嶺外初十日跟蹤追勦徽州城踞逆知
失險無所恃望風分竄張運蘭遂督隊入府城駐軍
防堵

平定粵匪紀略

卷十一

三

粵王賈

會營左軍由廣信府回駐景德鎮克復建德縣

太常寺卿左宗棠一軍於四月間追勦侍逆李侍賢
直至廣信府旋因池州逆首劉官方於四月十五日
再陷建德竄入都陽視田街距景德鎮僅六十里乃
冒雨邁返五月初七日抵景德鎮賊聞信宵遁左京
卿出桃樹店橫截之大戰於柵樹嶺擒斬甚多賊走
建德後河我軍追至三里街復有斬獲克復縣城

六月楚軍竄湘南援軍先後攻克武昌通城崇陽三縣
收復興國大冶通山咸甯蒲圻五州縣

逆首偽忠王李秀成竄踞江西瑞州府義甯州武甯
縣糾集大股分三路竄犯楚境連陷南岸之武昌等
七州縣官大臣於省城布置既密即會商安徽李巡
撫調派水陸馬步分路勦辦道員蔣凝學會同廣東
按察使彭玉麟水師先於五月十六日攻復武昌縣
已革皖南道李元度先紮湖南之平江縣咨會率隊
前進遂將馬港乾塘坳麥園何葛墩等處賊壘節節
掃蕩於六月初三日克復通城縣逆眾奔崇陽各營
鼓勇前進初六日復克崇陽縣胡巡撫於六月初三

平定粵匪紀略

卷十一

三

粵王賈

日自太湖拔營進省商派總兵成大吉副將何紹彩
知府毛有銘唐協和等由保安金牛一帶進兵沿途
勦洗殺賊甚多興國大冶通山之賊均竄往義甯初
六七日收復三州縣咸甯縣知縣金東昫蒲圻縣知
縣孫寶田亦督率鄉團並水師礮船於初六日各收
復縣城

湘南軍克復江西義甯州

李元度克復通城崇陽後敗賊逃竄江西義甯州之
官溪李元度率兵圍攻賊敗入城六月十三日分三

路進擣州城十四日黎明各勇攀堞競登殺賊二百餘名生擒十餘名克復義甯州

湖北敗賊竄擾江西瑞昌建昌等縣擊走之

湖北敗賊竄至江西瑞昌縣經知縣楊林盛會同哨官張三元等督水師堵截槍礮齊發適斃逆首賊卽敗退復撲建昌縣守城官檄水師乞援六月二十二日營官楊宏勝督勇應期而至知縣李慶芳亦集練會勦三面攻擊斃賊無數城賴以完

曾大臣分兵移駐婺源破賊於江西德興縣之白沙關

平定粵匪紀略

卷十一

三

羣王正齊

曾大臣克復徽州後以後路尙虛而婺源縣界江皖浙三省之衝尤爲扼要咨商左京卿分兵移駐時左京卿已克建德乃飭王開琳督軍守景德鎮而自率各營於六月初移紮婺源縣適逆首賴裕新糾合福建汀州竄出頭起股匪約二萬餘人由常山晝夜進行六月二十三日抵德興縣之白沙關二十四日分隊踞九都之新建候選道王開化審察地勢分竒正兵燧之二十七日督戰斬首數百級賊衆由新建五里外鳧水渡河追軍馳及攀登高嶺而從下截擊賊

勢大潰墜巖落澗死者無數我軍追至白沙關共計殲斃一千一百餘名生擒八十餘名敗匪仍向浙江之開化華埠竄逸

平定粵匪紀略

卷十一

三

羣王正齊

平定粵匪紀略卷十二

咸豐十一年七月江西克復新昌奉新經瑞州府

偽忠王李秀成自本年三月竄踞瑞州府分陷上高

新昌奉新等縣以瑞州為老巢前皖南道李元度於

六月十四日既克復武甯等縣官大臣由楚籌給餉

需飭令乘勝前行七月初二日進駐新昌交界之棗

橋分屯奉新交界之茅竹山為合取瑞州計初四日

馬隊抵天寶距新昌城七十里賊沿鄉肆掠不虞官

軍驟至螺陂嶺團練亦來助戰賊匪敗退追至曹家

平定粵匪紀略

卷十二

一

羣玉齋

嶺初七日合兵薄城下都司楊在田從西門包抄殺

賊三百餘名斬關直入克復新昌其駐茅竹山之軍

由九仙湯羅坊一路追賊前進初八日克復奉新縣

是日復分兵收復上高縣賊均趨瑞州遂遣游擊

賀接華都司吳得意等據瑞州初九日抵塘溪賊列

隊城外馬步布滿山岡我軍正慮眾寡不敵營官朱

得樹以五營由新昌振旅至殺賊四五百名都司易

咸臨羅寅等首先登城郡城立復後李元度因所報

克復各城有虛飾處獲咎議遣戍

楚軍克復德安府

陳逆玉成率眾退援安慶於孝感德安各圍悍賊以

牽制我兵而圖窺荆襄蓄謀甚毒官大臣等派撥水

陸各軍節次嚴勦既克復孝感縣即添派隊伍飭令

副都統舒保即用道金國琛副將張啓基等進勦迅

籌攻克金國琛等於陸路增設礮臺水師沿河排擊

賊眾尚堅忍死守各弁勇分挖地道轟城屢圯而賊

仍搶堵乃築四面長圍以困之七月十一日派定隊

伍激厲士卒圍大舉部署甫定城賊五六千冒死突

平定粵匪紀略

卷十二

二

羣玉齋

出為諸軍擊潰不得入復出賊五六千圍抄我軍後

以援前賊楊富有關門斷絕歸路敗賊奔河西伏兵

四合架雲梯一鼓緣登斬守陣悍賊數十開門納師

斃城內外老賊三千四百餘名克復府城分兵窮追

沿途斬敵橫尸徧野餘匪無幾竄往河南

楚軍擊退援賊力解太湖之圍桐城安慶圍師連捷

陳逆玉成安慶敗竄後糾偽輔王楊輔清舊集匪黨

號稱十餘萬自無為州竄英山繞宿松徑撲太湖為

救援安慶計官大臣胡巡撫飛檄諸營慎密戒備總

兵胡裕發沈浚德副將巢日升候補道歐陽正藩會同署安慶府知府孫振銓等守太湖登陣捍禦七月初一日賊排隊山岡作長蛇勢復有賊數萬自龍山宮對岸至塔下表延二十餘里分途誘敵我軍穩守不爲動賊不敢逼夜大雨衆賊洶湧潮進城中飛槍礮隨雨落賊受創多斃次晨始退殺賊千餘名奪馬匹輜重無算太湖之圍頓解賊由太湖之黃泥港小池驛竄至清河三橋頭高樓嶺欲結桐城之衆包裹官營以解安慶圍副都統多隆阿派隊赴馬鞍山堵

平定粵匪紀略

卷十二

三

王

勦而偽璋王林逆等自桐城至挂車河蔣家山列陣以待參將譚仁芳副將右清吉等分途迎敵賊衆悉披靡追抵城根城賊出撲多隆阿親督兵勇堵截三門復派員率八營疾趨蔣家山拔木城一燈堅壘五座焚棚帳二百餘處賊向東路逃竄陳玉成楊輔清二逆已率大隊竄至高河舖馬鞍山多隆阿添派馬步分擊令雷正綰王可陞繞攻賊後賊又敗遁桐城之圍復合安慶圍師經會國荃會楊提督分道攻城城外各壘剽平略盡並燬其東門外月城惟北門外

三石壘最固十一日營官程學啟督弁勇從敵眼躍入生擒壘中賊三百七十餘名越日復入乘機猛攻石壘皆破又擒老賊八百三十七名獲偽將軍偽侯及丞相先鋒指揮檢點等數十名北門之路已爲官兵扼絕

楚軍攻黃州獲勝並勦蕪水野掠賊

逆踞黃郡築堅壘城外環浚深濠總兵李續燾游擊王允昌會營總花凌阿等率馬步擇要紮營扼賊上竄時南岸肅清官大臣調派記名總兵成大吉候選

平定粵匪紀略

卷十二

四

王

道蔣凝學知府毛有銘率所部十八營由南岸渡江先勦黃岡蕪水掠野之賊以孤其勢七月十八日李續燾等馬步進紮迴龍山攻七家嶺賊衆三路獲勝斃賊三百餘名生擒四十名十九日水師副將成發翔督參將丁長春等會合陸軍敗賊於玉帶橋焚卡壘數座殪其悍目敗匪悉潰竄入城成大吉等軍亦獲勝蕪水縣無城郭匪黨竄伏鄉邨割禾稻以充饑先經蕪水縣知縣蔣照督練勇截擊屢有擒斬副將何紹彩補用知府唐協和奉檄由興國馳赴與成大

吉合軍至蕪水二十四日偵縣屬李店等處有賊蹤
派游擊唐啓虞參將唐敏興都司何文喜密約蔣照
等出奇夾擊蔣照自蔣家山後進唐協和統率各營
自山前進賊腹背受創紛紛潰散卡壘悉平
會營各軍獲捷於江西樟樹鎮

偽忠逆李秀成等自瑞州竄出由臨江渡河盤踞樟
樹鎮豐城等處綿亘百餘里曾大臣派提督鮑超督
諸軍進剿七月十九日赴豐城二十四日逆黨於樟
樹鎮搭浮橋過河至西北岸列陣山岡與官軍抗拒

平定粵匪紀略

卷十二

五

擊王賈

鮑提督飭總兵陳由立自中路進總兵黃慶攻賊之
左副將易昌煥攻賊之右總兵宋國永勒兵山後鼓
譟迎戰鮑提督傳令四路竝進迅猛踴厲賊不能當
紛紛潰退追殺五十餘里橫尸徧野斬首八千餘級
八月楚軍克復安慶城

時省垣已淪陷九年矣楚軍自攻克九江後節節掃
蕩於上年進兵水陸合圍城內之賊不下三四萬卽
用道曾國荃統領全師銳意圖之陳逆玉成糾南北
路悍賊疊次上竄冀解城圍副都統多隆阿力邊兜

平定粵匪紀略

卷十二

六

擊王賈

鋒援賊皆受創而退楊提督小師往來攻擊絕其糧
道曾國荃復築長濠晝夜穩守逆之圖竄率掣各計
皆無由逞及德安克復逆計更絀而安慶諸圍軍益
得專心致力七月十一日攻破北門石壘二座援逆
敗走旋復蓄集陸續入關焚燒民舍在關口毛嶺十
里舖一帶築壘四十餘座散布山岡晝則旌旂林立
夜則火光燭天城賊亦列隊四門相接應二十日援
賊撲後濠分十餘路疾趨而進我軍俟逼近濠邊以
槍礮轟擊斃賊無數二十二日悍賊入中路第二層
濠修月墻于第一層濠外以避礮子曾國荃縱壯士
數十人出濠外踴燬之竝親率各勇增修新壘置礮
伏精兵於濠之左右以防衝突賊衆傾巢出由鹽河
至十里舖以東直撲新壘我軍奮力夾擊僵尸徧田
壠陳楊二逆首援桴鼓督陣揮刀砍不前者衆賊猛
撲十餘次而新壘已成自夜達旦殲銳賊三千餘賊
鋒大挫乃收隊自二十三日至二十八日賊輪班遞
攻曾國荃督各營官亦輪營應之羣逆既屢戰皆挫
又於菱湖北岸築壘十餘座昇小艇泛湖汊齎糧入

城水師副將蔡國祥駛礮船阻截奪獲是夜城賊運礮赴賊壘亦爲我軍奪得賊計窮無所施三十日我軍地雷已成八月初一日卯刻發火轟塌西北門城垣曾國荃整隊而進分班勦殺臨水一面之賊多出南門投江死其西東北三門之賊皆爲我兵勇截殺從百花亭跳城逸出者水師盡殲之踞城逆賊死亂軍中共斃賊一萬六千有奇四僞王在城外者喪膽竄出集賢關

進克池州府

平定粵匪紀略

卷十一

七

羣玉齋

曾大臣先與楊提督約如安慶克復卽進圖沿江各府縣池州爲要衝八月初二日楊提督派總兵王明山黃翼升率水陸各營攻池州府王明山飭副將趙三元先發而自統水營繼之黃翼升率水師由安慶北岸載周萬倬陸師東下初五日趙三元先至繞城攻擊萬礮雷轟賊不能支又聞諸路軍齊進開西北門遁去王明山黃翼升馳至會同追勦斃賊極多立復郡城

續克桐城宿松黃梅蘄州廣濟各州縣

桐城爲七省要道安慶咽喉城堅而高形勢險阻逆黨志在必踞故死守待援我軍旣克安慶曾道國荃與副都統多隆阿會議以陳逆玉成尙擁衆數萬徘徊於集賢關外不早圖剪滅必與桐城合併勢將復振遂於八月初二日派營官曾貞幹朱洪章等從東路石塘湖相機進勦殪悍賊十餘逆衆敗潰且斬且追關內外壘館悉平計殺賊二千有奇多都統遣記名副都統穆圖善迅往桐城而自率吉林黑龍江各馬隊由間道抄出三橋頭初三日遮擊陳玉成楊輔

平定粵匪紀略

卷十二

八

羣玉齋

清各隊皆大敗越山而逃穆圖善之馳勦桐城也分遣副將譚仁芳朱希廣等率六營由挂車河大路抵北門總兵雷正綰楊朝林等率六營由棋盤嶺抵南門總兵石清吉副將劉寶國等率六營由官板橋抵西門剋期至桐城齊集穆圖善親率馬隊百餘隨後至用草填濠而過架雲梯奮呼登城賊衆出東門逃遁戮其不及出城者一千餘賊克復桐城派副將石清吉統勁兵留守而自引諸軍回挂車河老營初四日陳逆等由三橋頭竄至石牌之蠟樹窠多都統派

記名副都統溫德勒克西協領舒亮督三營總率領
 吉林黑龍江馬隊西丹並飭儘先協領蘇倫保格通
 阿隨同督隊分三路馳抵蠟樹寨四面抄擊逆眾宵
 遁馬隊連夜追出太湖殺賊一千餘敗黨竄宿松之
 桃花舖溫德勒克西等督馬隊三路取勝一抄其前
 一躡其後一橫截突擊復斃賊二千餘名餘匪入宿
 松城馬隊合追抵宿松薄其城初八日賊眾出西門
 竄往黃梅追殺十五里遂復宿松縣多都統既遣馬
 隊度賊敗後必與黃梅踞逆合股派雷正綰率步隊
 往黃梅邀截宿松敗賊未及入黃梅城賊隊已至馬
 隊復追抵東門賊繞城敗潰城賊亦開大西門出竄
 知縣覃瀚元率團勇隨隊入城計馬步沿途追殺約
 三千餘名蘄州知州李瑜亦督練會同水師副將喻
 俊明等水陸攻城與黃梅城同日克復其廣濟縣踞
 逆聞官軍克復桐城所至瓦解亦膽落先逃十一日
 多都統派隊收復並追斬多名

楚軍克復黃州府

黃郡踞逆負隅固守於城外浚濠築壘以抗官軍官

平定粵匪紀略

卷十二

九

畢玉齋

平定粵匪紀略

卷十二

十

畢玉齋

大臣胡巡撫調總兵李續燾即補道蔣凝學等督八
 營兵勇會廣東按察使彭玉麟水師進勦並飭總兵
 成大吉率馬步隊駐紮上巴河助戰是時宿黃廣蘄
 既克復多都統帶全隊紮蘄州曹家河扼堵下游敗
 匪以絕其援蔣凝學令投誠賊目劉維楨仍用賊衣
 黃旗偽為援眾趨三台河對岸徧燒野火與水陸各
 軍虛放槍礮造陳玉成偽文誘城賊出隊接應我軍
 設伏待之城賊墮計於八月二十四日率眾出城欲
 圖襲營我軍伺其離城已遠驟發號礮伏兵四起焚
 燒賊館火光燭天馬步縱橫衝擊積尸如山敗黨竄
 入玉帶橋三台河又為水師攔殺賊多自沈死河水
 為之不流大軍遂乘勝搶城斃賊極多生擒二十餘
 名有免水脫逃者劉維楨花浚阿等跟蹤追勦擒斬
 四千有奇有由小路入山者多都統馬隊搜勦亦斃
 二千餘名漏網無幾

會營鮑軍敗逆眾於湖坊河口克復鉛山縣

忠逆李秀成竄出豐城即踞白馬寨另股圍攻撫州

鮑提督超聞警馳援城圍立解尋奉檄勦安慶援賊

至則安慶省城已克復乃星夜折回八月十四日再抵撫州偵賊已竄湖坊是月二十二日督隊前進賊已整隊於河口迎敵勢甚洶湧我軍分五路會攻塵戰三時賊大敗蹋平七十餘壘乘勝追殺至鉛山城外賊壘七座一鼓平之火箭入城延燒藥桶突烟燄進擊賊開東門遁克復鉛山縣

楚軍克復銅陵縣

水師總兵王明山等既克池州率所部水師之船分載陸軍下勦先派內江親兵於八月十一日赴銅陵

平定粵匪紀略

卷十二

十一

王明山

決東北門外隄埂水師從決口駛入王明山攻東門黃翼升會陸師攻西門相繼登城殺賊千餘卽於是日申刻克復

浙江嚴州府餘杭縣城先後失守

侍逆李侍賢率眾攻圍嚴州幾兩月並於烏石方門二灘連環築壘逼近外濠已革提督張玉良選銳衝鋒皆爲賊阻腹背受敵不能前進賊自南門攻入經副將羅大春殺退守至八月十七日糧盡援絕羅大春身受重傷率領將士突北門而出府城遂陷另股

賊匪由幽嶺關薄餘杭城署知縣吳滄督團勇固守以衆寡不敵迎戰失利同日亦陷

湖北胡巡撫薨

胡巡撫賞罰嚴明知人善任克復武昌後與官大臣曾大臣合德同心會議東征所向克捷在楚整飭吏治籌備餽需農不病而課充法不苛而吏肅釐剔漕弊紀理屢規尤爲善政三月內在太湖營中因積勞咯血力疾治軍務不少輟八月朔克復安慶以首謀功

平定粵匪紀略

卷十二

十二

王明山

加太子太保聞

文宗顯皇帝龍馭止實拊膺大慟病益不可爲二十六日薨事聞蒙

恩追贈總督

賜祭葬如例

加恩予謚入祀賢良祠併於湖北省及湖南原籍建立專祠嗣曾大臣以故撫忠節盡瘁勲績最多上陳

詔宣付史館

九月浙江逆分黨連陷蕭山諸暨縣紹興府城亦失守

逆陷嚴州府句通八槩礮船由臨浦攻陷蕭山及諸
暨等縣復率領羣匪分道犯紹興府時在籍副都御
史王履謙督辦團練會同守城文武堵禦九月二十
九日賊眾架竹梯登城入西郭門賊捍陣兵勇數十
人奪開城門羣賊一擁而入府城遂陷
曾營各軍克復無為州

時廬江舒城皆收復惟無為居皖北形勝控金陵引
蕪湖為賊必爭之路故於附近泥汊口神塘河等處
築石壘以阻我師曾大臣派知府陳湜帶兵勇五千

平定粵匪紀略

卷十二

三

羣王

人由廬江規取而令補用道劉連捷統三千人守廬
江九月初二日記名按察使曾國荃督副將蕭孚泗
彭萬全等坐陸師以礮船同水師總兵王明山黃翼
升順流東下十五日抵泥汊口見賊壘居高難仰攻
令修壘安營槍礮聲徹夜不絕而自率勁旅迅赴楊
家橋鳳凰頸決隄埽斷賊歸路賊果大懼於十六日
夜遁入無為州城十八日進攻神塘河賊壘賊亦遁
歸乃乘勝直抵城下先是曾臬司克安慶時無為州
賊目馬玉棠之妻子居安慶曾臬司生致之不殺密

諭玉棠獻城降既有成議而其機於十九日先洩馬
玉棠為逆首偽頂王朱逆幽閉馬玉棠之黨舉兵攻
朱逆我軍因之逆眾大潰由北門出竄水陸軍圍勦
斬悍賊二千餘名王明山分隊入城復殺賊五六百
斃偽豫侯丞相等州城立復

楚軍攻拔運漕鎮及東關

無為含山界有運漕鎮者外瀕大江內通巢湖賊糧
皆屯於此上濟安慶廬州下輸金陵為南北鎖鑰偽
巨王洪逆率賊五六千人並礮船數十號以守之與

平定粵匪紀略

卷十二

四

羣王

東關相援應九月二十三日記名按察使曾國荃遣
總兵王明山撥水師三營泊黃維河遏巢湖出路而
自率親兵與總兵黃翼升水師進取運漕鎮逆眾以
礮船迎敵我水師飛檣而前奪賊船十餘焚者倍之
賊眾斃水遁去岸賊亦不戰自退各營躍登追逐殺
賊約三千名二十九日黃翼升與知府陳湜領水陸
各軍徑攻東關槍礮甫施賊已驚潰不敢歸壘遂併
力抄擊奪石壘守之
浙逆陷處州府

浙江松陽逆自縣城克復後竄逼處州九月十七日由碧湖水陸竝進直撲郡城處州鎮總兵特保等督隊迎勦開礮擊沈賊船二斃賊目數名後隊大衆擁而至官軍太單不能禦城遂陷特保退守石帆收集潰卒整隊伍修礮船十八日分攻各門水陸夾擊賊賊甚多擒髮逆五名賊踞城固守二十日乘竹箬撲我厦河營我軍俟半渡轟之賊大敗落水死者無數城南等處擄糧賊亦爲官軍所敗慶總督端復派游擊黃載清馳往助之

平定粵匪紀略

卷十二

五

羣玉齋

十月楚軍克復隨州

湖北自黃州德安攻克後髮逆盡殲惟隨州尙有遺孽以毗連豫境捻黨擾及襄陽因之以爲援應憑堅死守屢抗我軍前派副都統舒保率馬步紮城外會同卽補道劉嶽昭環攻賊屢受創擒斬多名而層濠疊壘未能卽拔官大臣旣派員弁勦退豫捻乃調己保都司之投誠義勇劉維楨赴隨投以機宜令用前取黃州舊計劉維楨遂於九月二十九日馳抵隨州假用英逆陳玉成僞文誘令出城交劉嶽昭派親信

勇丁陳勝清於三十日傳遞入城是夜未返劉嶽昭度已中計乃分撥隊伍四路設伏十月初一日逆衆果由西南兩門齊出遂由東北殺入初一日戌刻克復州城竄出之賊合力痛勦前後擊斃萬餘名生擒一千五百餘名逆首馬清太斃於亂軍中兩江總督曾大臣兼轄浙江全省軍務時浙江逆勢猖獗全省糜爛逆氛進逼省垣故有是命自巡撫提鎮以下均受節制

上海官紳遣使如皖營乞師

平定粵匪紀略

卷十二

六

羣玉齋

上海自蘇城不守避難者四集賊氛日惡薛巡撫煥龐大臣鍾璐招集潰兵添募壯勇署布政使吳煦勸諭互市英法各國會剿雖有斬擒終不能支適湖北鹽法道顧文彬自楚歸以曾大臣軍已克安慶擬將逾江東略軍威甚盛因倡乞援之議並議立會防局預備輪船濟師吳署布政使願任餉事薛巡撫龐大臣從之遂遣戶部主事錢鼎銘候補知縣厲學潮候選訓導張瑛如皖乞師會

上厯念東南博求將帥曾大臣疏舉福建延邵建遺缺道

李鴻章率師進拔

十一月逆攻陷杭州將軍瑞昌巡撫王有齡等死之

各省攻勦劇嚴重城疊克金陵唾手可得首逆洪秀

全懼甚乃令偽忠王李秀成偽侍王李侍賢分途竄

擾以分我兵力李秀成竄浙江疊陷各郡邑直至餘

杭縣杭州省垣戒嚴九月二十四日陷蕭山縣二十

五日從塘路直抵杭州撲武林門外賣魚橋踞我營

卡二十六七等日布政使林福祥饒提督廷選先後

引軍還省賊隊大至運糧道阻十月初五日張提督

平定粵匪紀略

卷十二

七

王良

王良由上游來援列營城外王巡撫有齡在城百計

嚴防賊技無所施乃自海潮寺至鳳凰山環以木柵

實土其中為堅壁使城外官兵隔絕競以槍礮轟城

十九日張提督督隊攻木柵中礮陣亡內外兵勇愈

怯城久乏糧人多餓死蕭山陷後諸暨繼失復被乘

虛竄陷紹興另股由奉化攻撲甯波郡城亦失致杭

州援兵路絕堅守兩月餘至十一月二十七日失陷

王巡撫自經於署越四日駐防滿城亦陷瑞將軍殉

難先後死節者學政張鋤庚浙江提督饒廷選處州

鎮總兵文瑞浙江鹽運使莊煥文署福建漳州鎮總

兵副將繼興等

楊州軍敗逆於丹徒鎮進攻天長

蘇常逆圍撲鎮江時都將軍方會勦皖北擒匪恐鎮

江有警飭令總統水師總兵黃彬等率師船沿途迎

敵行抵丹徒鎮遇賊開礮轟擊賊亦鉅險抵拒塵戰

逾時賊眾始潰遂踴平其壘殲斃無數追奔數十里

尸橫遍野守備劉連升進攻圖山關爭先砍殺賊奪

路狂奔燬沿邊賊卡數處而天長踞城逆猶抗踞北

平定粵匪紀略

卷十二

六

王良

岸為敗匪聲援都將軍親督兵勇乘勝抵天長城城

外賊壘甚多守禦亦嚴適見大軍至出壘迎拒副將

劉成元等陷陣力擊敗之平毀賊壘斬擒略盡逆被

圍迫密遣使投誠冀暫抒急困都將軍知其詐不許

十二月逆圍徽州府大軍獲捷解圍

逆初圍杭州權官軍進援乃為先發制人計於十一

月十四日分黨由清安開化竄入皖南境二十二日

至徽州屬之街口二十六日抵深渡偽輔王楊輔清

率甯國大股圍攻徽州休甯兩城二十七日偽成天

安桂逆竄休甯之屯溪總兵唐義訓擊退之二十八日又竄篁墩十二月初二日進圍徽州府總兵張運桂督湘營兵勇堅守待援乘間出擊破賊壘多座殲斃甚衆逆復竄踞屯溪巖市街漕口一帶以絕徽軍糧道自初八日至二十六日文報均阻曾大臣調總兵朱品隆出嶺之師入援初八日進嶺十三日馳赴休甯與唐義訓商援徽之策十七日兩軍齊赴屯溪先破街口賊卡旋攻毀河邊四壘十九日將石橋港口賊巢埽盪二十二日派三營護糧赴徽賊由萬安

平定粵匪紀略

卷十二

九

華玉齋

街分股包抄我軍奮勇力擊賊不敢退張運桂以巖市街爲賊踞糧道終不通密檄總兵黃萬友出隊間道馳赴休甯會商兜勦巖市二十六日諸軍合攻燬賊壘十餘座楊輔清受傷暫退值大雪平地深數尺馬步難行故不能窮追逆黨亦因擄掠無所得於除夕全股遁去城圍頓解

皖軍克復六合天長二縣

江南李提督世忠隸袁大臣臨淮軍勇銳激發力圖肅清江北知六合天長有隙可乘於十二月二十一

日督兵勇克復六合縣乘勝直擣天長二十五日薄城下誘開城門記名總兵王茂元李昭宸等奮勇衝入李提督督隊繼進投誠之陳士成率衆內應將踞城逆首龔長春等擒斬殆盡降衆數千三日內克復兩城奉

旨優獎

上海官紳議結夷兵勦賊

浦東廳縣復陷上海縣知縣劉郁膏率師往援失利官紳集議請立會防局在籍刑部郎中潘曾璋航海

平定粵匪紀略

卷十二

十

華玉齋

入都謁

議政王軍機大臣議准與夷兵會勦

平定粵匪紀略卷十三

同治元年壬戌正月江北克復江浦浦口

李提督世忠攻克天長後乘勢進攻江浦浦口約守壘之賊劉元成單玉功等為內應正月初四日揮隊直前賊眾驚潰劉元成等率眾倒戈殺斃偽報王秦逆偽王宗操天福等七十餘名餘匪搜殺殆盡立復江浦縣城次日至浦口城下九洲洲援賊衝至李提督激勵將弁痛殲之復得其城餘匪竄江邊追殺落水者無算

平定粵匪紀略

卷十三

一

羣玉齋

浙軍解衢州圍克復常山平陽二縣

逆酋李秀成自陷常山與龍游踞匪同撲衢州府城慶總督端飭總兵李定泰援勦屢有斬獲逆以大隊衝撲官軍內外夾擊將賊壘悉數蹋平賊退銅錢嶺又破之遂克常山城賊向東北竄去是月平陽縣踞逆亦為總兵秦如虎勦逐收復縣城

逆匪窺伺上海英法各外國助勦

逆竄奉賢後直撲吳淞口進擾上海縣之東西擺渡適法國輪船在彼開礮相助斃賊無算賊退分踞天

馬山陳坊橋參將李恒嵩破其壘敗匪退入青浦城中其浦東大股踞高橋欲斷我要隘美國人華爾約同英國水師提督何伯法國水師提督卜羅德各帶中外槍礮隊伍礮船排列海濱華爾與美國人白齊文撲進賊巢立將賊壘掃蕩各外國自天津就撫紛集上海貿易極散和好立會防局後薛巡撫等撫綏駕馭諭以同仇至是竟得協助之力華爾白齊文感慕華風願更服色為中國臣民薛巡撫以聞得旨嘉獎並賞給四品頂戴花翎以示鼓勵薛巡撫即飭於

平定粵匪紀略

卷十三

二

羣玉齋

松江教兵勇習洋槍協同勦賊稱洋槍隊為常勝軍浙軍由徽入浙疊獲大勝開化肅清

逆酋偽輔王楊輔清糾合大股分路竄擾蔓延浙江開化之張邨等處窺伺衢州左京卿宗棠率練兵由徽州之婺源入浙連破賊巢陣斬大小賊目六十餘名生擒二百五十餘名斃賊二千餘名獲偽印五十餘顆是月十八日復大破賊於馬金陣斬逆首藍以道計斃長髮悍賊五千餘名生擒二百餘名奪獲大小偽印九十餘顆開化一律肅清

二月上海軍勦除蕭塘賊壘

自攻破高橋後進搆蕭塘賊壘二月初一日華爾與副領隊白齊文率常勝軍猛撲各受重傷仍不少卻破壘五座官軍亦分路兜勦斬擒極多

楚軍進勦安徽廬州毀賊壘卡

副都統多隆阿率楚軍由舒城進勦廬郡漸次逼城逆乘我築營未堅出賊六七千人分股來撲我以馬隊包抄之分路直前斃賊五六百名二月初一日總兵雷正綰率隊渡河焚其礮船及買賣街初二初四等日復飭雷正綰與記名總兵石清吉等攻破其賊卡四處木城四道西門得勝門賊壘四座連日斃賊三千餘名

安徽潁州解圍

逆匪糾合捻股圍困潁州挖掘重濠密排鹿角以阻官軍進攻之路布政使賈臻被困力保危城正月初賊用地雷轟闕東北關營壻率眾上撲游擊范文英李安邦等裹創力堵適起狂風煙燄回撲賊陣我軍將關口堵合時勝大臣由太和縣督兵馳援初三日

平定粵匪紀略

卷十三

三

羣玉齋

砍砦衝入賊壘斃賊千餘名賈布政在城巡瞭見勝軍得手亦整隊出城夾擊破北面賊巢十三座賊往東竄我軍乘勢掃蕩闕毀東西南三面賊壘三十七座城圍立解

皖軍克復店埠要隘

店埠在廬州東北三十里爲定遠赴廬要隘前和提督福巡撫攻勦時屯重兵於此逆築石城極堅皖軍亟攻之逆首偽英王陳玉成由廬城添派賊首卜姓協守總兵張得勝乘夜前往直抵石城一擁而入立

平定粵匪紀略

卷十三

四

羣玉齋

將卜賊砍倒賊衆驚潰追殺十餘里遂克店埠

三月福建延邵建遺缺道李鴻章統領湘淮諸軍東下先是曾中堂議以曾布政使國荃由陸路先攻和州巢含各州縣李道統領諸軍乘勝東下會馮提督子材軍由鎮江進勦而上海賊氛日逼勢甚危吳署布政使籌借餉銀二十餘萬兩由會防局僱備輪船仍遣厲學潮錢鼎銘先後赴安慶迎師中堂遂令李道率程學啓等軍十一營於三月初七日乘輪船東下初十日抵上海營城南淮揚鎮黃翼升統領水軍相

繼來會

三月揚州軍勦退渡江逆眾

逆匪由金陵下擾糾合蘇州之眾計十餘萬人渡江撲揚州都將軍興阿知賊眾且銳嚴約各營勿輕出戰俟賊至近登壁擊之賊傷亡甚多退而赴鄉掠食三月十三日我軍至徐家集等處誘賊出卡殺斃四百餘名十六日賊由法海寺起至虹橋七里甸等處排列長陣都將軍督隊出擊直趨虹橋翼長徐州鎮總兵詹啓綸副將左起龍由三汊河率隊抄擊各斃

平定粵匪紀略

卷十三

五

軍玉齋

賊四五百名十七日逆等選洋槍隊衝至西門外列於河西此隊為張提督玉良舊部在蘇州從逆者極跳浪廣西平樂協副將刁經明等鬼水往攻賊以大隊壓下我軍驟退儘先都司廖長明率驍騎勇五百人奮勇衝過十餘回合賊始漸退各軍轉身再戰大敗之追殺十餘里始歸後數日復派隊分路攻擊賊退往儀徵

皖軍奪取駐馬邨要隘

金陵逆渡江為李提督世忠擊走竄踞安徽和州之

駐馬邨依險築壘以通由南竄北之路李提督飭總兵王茂元等由林浦等處分道進攻衝為兩截賊棄壘狂奔我兵沿江趕殺所有賊壘一律蹋毀立將駐馬邨要隘奪回

鮑軍克復青陽縣

曾大臣派浙江提督鮑超於上年十二月進攻青陽疊破投賊本年二月十五日飭副將劉順隆等先平西北門山背賊壘濬治長濠為四面合圍計城賊勢盛潛糾浙江死黨三萬餘眾進撲銅陵冀分我軍之

平定粵匪紀略

卷十三

六

軍玉齋

勢以解青陽之圍三月初六日鮑提督由青陽分軍親率赴援初七日遇賊於橫塘飭三路進攻又令左右抄擊賊恃眾悍迎拒兩時副將王衍慶等大呼陷陣副將顏紹榮等潛取小徑繞襲賊後知府伍華瀚等分領馬步四出盪決遂將橫塘等處百餘卡二十六壘一律剷除先是偽奉王古隆賢偵知鮑提督分兵而北陰統涇太悍賊在青陽南門外豬婆店增築九壘將欲阻我之師以通糧路適鮑提督已振旅而還遂於十五日督飭將士拔開鹿角躍過濠溝不逾

時而九壘悉毀自是軍心愈壯賊膽愈寒鮑提督知青陽利在速攻乃於十六日秣馬尊食銜枚疾進諸將弁裹創血戰志在必得劉順隆等攀堞先登衆軍乘之登時將縣城克復

會營水陸各軍擊敗竄匪舊縣荻港等處肅清

蕪湖首逆偽堵王黃文金等糾黨二萬突入荻港三

月初四日復分股竄陷繁昌之舊縣勢將下伺三山

峽初五日水師營官李朝斌等在營房背擊賊獲勝

遂率所部駛上舊縣會合營官萬化林等登陸襲賊

平定粵匪紀略

卷十三

七

羣玉齋

排礮環轟賊負創潰走初六日亦多斬獲逆不敢踞卡專事野掠潛約荻港一股勾結繁昌蕪湖魯港之賊別圖窺竄時同知曾貞幹陸師進駐三山峽距舊縣三十里密諭各營堅壁以待十三十四等日賊果分道來犯曾貞幹即率各營及螃蟹磯水師循江岸而進一敗賊於洋夾河再敗賊於三華山賊始悉衆遠遁荻港等處一律肅清

河南南陽府戒嚴

楚軍攻安徽廬州甚急僞英王陳玉成密令僞扶王

陳得才率黨三萬餘人勾合捻匪孫光危陳大溘兩股約二萬餘人由河陽唐縣直逼河南南陽府城以圖分我兵力河南鄭巡撫元善駐師許州派兵勇馳援湖北官大臣等亦派總兵何紹彩領新訓八營由宜昌移營赴隨棗襄樊探蹤會勦並咨陝西瑛巡撫黎迅撥重兵以防商維

賊撲江南三山峽官軍併力擊退乘勝克復繁昌縣

僞匡王賴文鴻竄入繁昌縣糾約彼處踞匪撲我三

山峽官營同知曾貞幹升高瞭望見旌旂掩映山谷

平定粵匪紀略

卷十三

八

羣玉齋

間往來如織乘逆未逼營督率各軍分道馳勦賊隊更番迎撲我軍槍礮齊施乘風縱火羣賊大亂殪其魁吳大猷敗匪退踞繁昌城內不敢復出曾貞幹以有隙可乘定計潛帥襲之三月二十日夜掩旂息鼓進薄城下束薪爲炬列礮環攻賊衆奔潰薄城將士從西北關處猱升而上衆軍一齊擁入遂於二十一日克復繁昌縣城

水陸各軍克復巢縣含山縣和州三城攻奪銅城牯雍家鎮裕溪口西梁山四要隘

江蘇布政使曾國荃回湘募勇於二月中抵皖與水營總兵李成謀成發翔等熟商賊之糧道在巢湖欲制賊命必先從巢縣進兵欲攻巢縣必先從銅城插下手三月十五日曾布政親率十二營由林頭過河以過巢縣東北一路候補道劉連捷等督飭各營赴望城岡以扼巢縣正南一路逆分股來撲均爲我軍奮力擊退曾布政卽派隊會水師攻銅城插十八日會於渡口以水師攻插東石壘以陸師攻插西土壘總兵成發翔等帶隊登岸抽刃環刺逆黨棄壘竄散

平定粵匪紀略

卷十三

九

羣玉齋

石壘既破土壘亦平立將銅城插攻奪復乘勝攻取雍家鎮時曾布政親率陸師渡河已在巢縣旂山等處紮營副將王東華鄧永林等水師亦先後進駛併力奮攻二十日收復巢縣是日分三路窮追直抵含山城外逆衆聞風喪膽相率狂奔各軍遂克含山縣城二十二日進襲和州乘賊譁亂之後追至江口之鍼魚背合軍痛勦江流爲赤二十三日攻克裕溪口賊之據金陵也以全力扼東西梁山東爲古之博望西爲天門俗以東西梁山呼之兩山對峙大江至此

一束水急流洄較小孤山尤爲形險曾布政以此弱金陵鎖鑰統全勝之師循江復上逼西梁山賊壘而陳二十四日賊向江州一路衝走水陸各軍爭起搏擊逆衆潰亂引頸受誅遂克西梁山自是金陵重關我軍已得其半

鮑軍連破賊壘克復石埭太平涇三縣

浙江提督鮑超在青陽息兵三日策逆黨立腳未定利在速攻應先取石埭太平以固徽州之防繼取涇縣以達甯國之路二十日徧諭諸將裹飯傳餐捲旂

平定粵匪紀略

卷十三

十

羣玉齋

疾走次軍龍口二十一日由龍口直抵石埭縣城城壘各賊閉關死守我軍分五路環攻填濠而進將附城十四壘一律削平城上矢石交下猝不可近總兵婁雲慶等率領將士直薄城根從西北二門斬關而入立復城池石埭既克賊愈惶懼糾合援賊數萬人圍集甘棠鎮以阻我師二十二日各營分三路進擊復分兵由山後整隊衝出賊不能軍盡棄甘棠十七壘而遁我軍悉力追逐進撲太平縣西門奪賊高山四壘俯瞰城中賊遂驚潰棄城逃遁縣城亦收復二

十八日我軍馳至灣灘分路夾擊破其卡壘尾追至涇縣城下毀其西門水卡及東南土壘一擁入城又將涇縣克復

會軍會克魯港要隘進復南陵縣

繁昌既拔蕪湖賊援潛在魯港屯踞以圖抗拒同知曾貞幹會同水師總兵李成謀分撥水陸各營合力併擊二十七日曾貞幹等引軍分攻南北兩岸李成謀督率各營在江面專擊水路之賊奪其船百餘隻撲水死者甚眾陸師見水賊已挫急攻石壘石卡水

平定粵匪紀略

卷十三

十一 羣玉齋

師登岸助勦賊即潰退立將三壘十餘卡掃盡曾港餘匪悉向蕪湖竄走二十九日曾貞幹飛調分守曾港各軍於四更時各挾火具馳抵南陵城下薄城而營萬炬齊燃賊眾倉皇無措曾貞幹揮令施放火礮轟坍城墻數丈各勇攀躋而入遂復南陵縣

浙軍回援衢州江山兩城圍解

偽侍王李侍賢率巨股圍撲衢州府城總兵李定泰嬰城固守左巡撫宗棠肅清開化後馳抵常山攻克招賢關逆眾棄狂城竄追殺二百數十名衢城糧路

遂通其撲犯江山之賊屯踞大溪灘毛邨一帶已革臬司李元度親率十營進勦毛邨獲勝左巡撫復飭知府劉典率所部會合進攻石門花園港賊巢毀壘十四座殺賊數百名賊勢不支乘夜向台州潛遁

四月徽州防軍收復旌德縣

鮑軍克復青石太涇四縣旌德與甯國府賊勢中斷駐徽之福建臬司張運蘭恐踞旌德之賊鋌走徽境遂於三月三十日率所部進勦親督戰士懸軍深入排礮仰攻轟坍城垣十餘處總兵張運桂冒火攀援

平定粵匪紀略

卷十三

十二 羣玉齋

而上將士受傷甚多張運蘭恐有挫失暫令收軍四月初二日方圖決戰賊已宵遁遂復旌德縣揚州軍續獲勝仗全境肅清

賊退儀徵後仍分踞各路時出擄糧四月十一日總兵詹啓綸帶隊出勦於儀徵北門十二里岔等處斃賊數百名獲騾馬二十餘匹大小洋槍百餘桿其竄擾沙漫洲等處逆匪亦經江南水師浙江黃巖鎮總兵黃彬等分路截勦過儀徵三十餘里逆黨計窮遠宣揚境肅清

曾營水陸各軍克復太平府蕪湖縣攻奪金柱關東梁山各要隘

逆匪竄踞金陵固以東西梁山為鎖鑰亦以蕪湖為屏障而尤以金柱關為關鍵兵部右侍郎彭玉麟與江蘇布政使曾國荃定計水陸并攻將上游水師悉調赴裕溪口曾布政馬步十五營近逼金柱關下彭侍郎派總兵李朝斌等從上下游攻擊曾布政復潛率各哨疾抵太平府北門揮軍突進逆眾不及閉關相率狂奔我兵擁進北關遂於四月二十日將府城

平定粵匪紀略

卷十三

三

羣玉齋

克復彭侍郎親率各軍瞭見曾布政已繞出三汊河遂分水師為三隊以二隊分扼江汊要隘以一隊攻金柱關礮箭環擊逆眾於烈燄中衝突而出我軍躍上隄埭短兵擊刺積骸滿渠即時攻克金柱關將三汊河上駟渡數十壘平毀奪獲大礮三百七十餘尊旂械萬餘件其時分撥總兵黃翼升等軍往襲東梁山亦已一戰而下移軍進次蕪湖先是同知曾貞幹有招降蕪湖之約至是金柱關等相繼攻拔正司乘其自疑而圖之二十二日曾貞幹率各營循江而進

適與黃翼升等水師會合萬礮同轟羣賊內亂立將蕪湖克復提督王明山等復攻破烈山石壘二座上各城要隘悉為我有矣

皖楚軍會克廬州府勝大臣購擒首逆陳玉成

偽英王四眼狗陳玉成與偽忠王李秀成皆賊中驍健洪逆倚為左右手李秀成竄擾蘇常陳玉成則盤踞皖楚交界之處自我軍攻克安慶陳玉成率黨由石牌而上調宿松黃梅之賊同至野雞河欲赴湖北德安襄陽一帶招集醜類以各賊首不從乘夜由六

平定粵匪紀略

卷十三

四

羣玉齋

安竄廬州眾志漸紛洪逆督責復切遂欲效死於廬久踞不退楚軍荊州將軍多隆阿節節攻打四面合圍至是月初十日密約皖軍總兵張得勝帶隊至北門設伏誘戰逆果出城迎敵塵戰逾時我軍佯退引賊追過小岡見我軍旂旛密布驚潰回奔多將軍揮兵掩殺斃賊甚多賊不敢復出張得勝等紮營緊逼城垣逆已路窮率悍賊分出東北兩門攻撲皖軍挑選精銳出營力戰楚軍已於東門獲勝馳至北門從賊後包抄斷其歸路賊遂大潰兩軍合力衝殺乘勢

一第 513 册 續修四庫全書 2 反文句

搶越城濠逆眾回城無路遂向西北奔竄斃殺斃
及落水死者不計其數副都統克蒙額等各帶兵勇
會合夾擊多將軍等分隊進城搜殺餘匪淨盡卽於
十五日克復府城統計殺賊九千餘名生擒老賊八
百四十七名內有偽官二百十三名訊明正法多將
軍派隊追勦陳玉成率餘黨三四千人於十七日竄
至壽州城外中津渡先經勝大臣密飭已革川北道
苗沛霖與已革副將苗景開設計開城誘之玉成帶
悍賊二三千人入城苗景開卽將吊橋撤去會同署

平定粵匪紀略

卷十三

五

羣玉齋

游擊朱佩棻齊集兵練將玉成縛獲並擒偽導王陳
仕榮偽從王陳德偽統天義陳聚成偽天軍主將向
士才偽虔天義陳安成偽禱天義梁顯新及親隨偽
官二十餘人捻逆張落刑聞知糾合大股捻逆七八
萬人於二十六日突至江口集北岸屯紮意欲半途
劫奪各營與苗練併力攻勦立將前隊悍賊擊潰捻
逆紛紛逃竄追殺二十餘里將賊壘百餘座悉數掃
除殺賊二三千名餘衆奔潰解陳玉成等至勝大臣
營訊供奏奉

諭旨卽將陳玉成在軍前凌遲處死傳首皖楚以伸
國法而快人心陳仕榮一併正法苗沛霖前此作亂壽州
獲譴極重至是免其治罪後仍謀叛於同治二年冬
伏誅

陝西各軍殺賊於尹家衛等處

粵逆偽扶王等得才等勾結捻匪由河南竄入陝西
武關復由孝義廳竄出山口至尹家衛直逼省城游
擊孟柏林帶兵堵戰陝西瑛巡撫榮添派參將阿揚
阿帶兵會同紳團進勦四月初九日賊分兩路竄擁

平定粵匪紀略

卷十三

六

羣玉齋

而至阿揚阿列隊抵禦斃賊數百人阿揚阿身受重
傷猶復奮勇殺賊官兵無一退卻提督孔廣順調兵
應援賊不敢進另股從韋曲入犯亦爲兵勇民團截
勦斬獲長髮老賊首級九顆殺賊六十餘名向藍田
宵遁其圍雒南之賊經署知縣張國均力戰解圍此
外零股復經地方文武帶領兵勇民團追勦殆盡商
雒已無賊蹤

上海軍克復青浦縣

四月初三日參將李恒嵩等率松滬官軍與副將銜

華爾之常勝軍攻克嘉定縣進規青浦十四日英法將士環攻南西二門華爾攻東門李恒嵩等督飭各隊並青浦縣知縣廖秩璋帶團會攻北門其小西門水道亦經已革提督會秉忠派游擊曾毓行等統帶礮船堵截賊匪負固抗拒西兵施放炸彈火器並以礮轟塌西南城墻十餘丈卽由西門登城華爾督勇繼進羣賊惶亂我軍一擁而上殺賊甚多餘匪奪門衝出痛加截殺進退無路投水死者不計其數陣斬悍賊千餘名生擒三千餘名當將青浦縣城克復

平定粵匪紀略 卷十三

七 羣玉齋

英國提督何伯法國提督卜羅德奉

詔嘉獎華爾授副將

皖軍追勦援賊江北肅清

揚防肅清後賊尙齎聚江邊各邨莊李提督世忠親督馬隊奮勇直入兵勇均奮不顧身短兵相接賊勢不支適副將李顯發等各隊馳至逆膽已喪李提督立投誠免死其被脅之衆棄械乞命者三千餘名賊衆驚惶南遁我軍併力追殺殲斃二千餘名生擒九百餘名並先期設伏江浦東岸擒斬無算賊衆爭船

搶渡撲河落水者極衆江北一律肅清
楚軍追勦竄逆直抵壽州大獲勝仗

陳玉成竄出廬州時率黨三四千人已盡殲於壽州矣其大股餘逆由吳山廟瓦埠余家埠基橋逃竄多將軍派溫德勒克西等帶隊窮追疊次抄攔截殺計斃賊一萬七八千名內有黃衣賊目五十餘名生擒一千三四百名訊明正法廬城悍賊至此殲除殆盡賊擾陝西渭南等處與川匪藍大順藍二順相通粵逆偽扶王陳德才偽端王藍成春偽增王賴文光

平定粵匪紀略 卷十三

大 羣玉齋

偽啓王梁成富偽主將馬融和等均爲偽英王陳玉成羽翼前由河南邊界竄逼陝西省城官軍擊敗東竄渭南經知縣曹士鶴登陣守禦因賊衆兵單縣城於四月二十四日失守曹士鶴手刃數賊力竭捐軀其妻萬氏罵賊殉難縣丞銜陳茂軍功張龍驤於黃家屯戰歿陳德才等因陳玉成在廬州被圍甚急南向往援由陝境竄河南南陽一帶其時有川匪藍大順藍二順李短搭搭等先於咸豐九年在雲南昭通府倡亂蹂躪全川戕官據城經川省痛勦李短搭搭

就擒藍大順與藍二順弟兄分股竄入陝西藍大順
一股踞洋縣竝陷佛平廳藍二順一股踞商州山陽
縣至是與粵逆陳得才等相通互為援應

上海軍攻克南匯奉賢交界處之南橋鎮賊壘隨收復
柘林奉賢二城法國提督於南橋陣亡

四月初十日李道奉

自署理江蘇巡撫接統諸軍四月十五日受事即令參將
程學啟滕嗣武都司銜今直隸提督劉銘傳同知潘
鼎新通判韓正國以四千人進南匯縣周浦鎮為北

平定粵匪紀略

卷十三

五

羣玉齋

路英法兵自松江進金山衛為南路兩軍相距百數
十里以嘉定青浦新復飭常勝軍守之十九日會攻
南橋鎮逆恃三道土城更番施放槍礮子密如雨法
國提督卜羅德勇往直前撲近城濠揮軍冒烟衝入
賊寨驚潰當克南橋鎮賊壘二十日進攻柘林賊方
負固英兵及常勝軍營西南金山賊來援擊走之二
十二日遂克柘林二十三日奉賢縣知縣陳化鯤率
民團收復奉賢縣程學啟等屯周浦亦於二十二日
燬毀杭頭新場賊壘追賊至南匯卜羅德於南橋督

戰時中槍陣亡李巡撫馳奏

上以遠涉重洋協同中國兵將勦賊臨陣捐軀無忝使命
勇烈可嘉令李巡撫派員

賜祭竝賞庫貂彩絨給其家

知府李慶琛覆軍太倉致嘉定縣城失守

時西兵方議直趨金山衛知府李慶琛以五千人攻
太倉蘇賊李秀成自率眾來援李巡撫檄慶琛相機
撤圍城之兵慶琛未即應命四月十九日賊大至全
軍皆陷慶琛及同知周士濂死之嘉定青浦寶山同

平定粵匪紀略

卷十三

三

羣玉齋

時大震李巡撫檄英法二國全軍回援而移周浦之
軍屯南橋以扼浦東要隘二十日賊至寶山參將姜
德劉錫溫悉力固守二十八日賊別隊由婁塘攻陷
嘉定縣城英法二提督護其兵及我軍突圍走上海
李巡撫令副將熊兆周知縣李克勤駐法鎮扼滬西
賊遂踰青浦徑逼松江

陝西賊攻撲潼關官軍勦擊獲勝立解城圍竝收復山
陽縣

逆匪由陝西之華陰竄至潼關經漢中鎮哈連升

潼商道蔣徵陶督率兵勇固守逆眾直撲西門勢甚猖獗官軍開礮轟擊斃賊多名其竄撲東門外之賊亦殲斃四五百名逆眾環攻三晝夜遂往東移動官軍追殺一千餘名生擒百餘名逆眾由小路竄向河南閿鄉一帶城圍立解其山陽踞匪因潼關之賊敗竄勢即窮蹙副將張維義等督率兵團勦逐之當將山陳縣城收復

浙軍克復台州等一府六縣

逆匪竄踞台州並溫處各屬慶總督端札飭紳團會

平定粵匪紀略

卷十三

三

羣玉齋

同官弁分路攻勦署仙居縣知縣費希濂督帶民團圍攻田市賊卡殺賊四百餘名進攻仙居縣城復斃賊數百名賊退入城四月初三日民團設伏誘賊出城殺賊數千並擒獲逆首延天義李元徠梟示當將仙居縣城克復即補道蘇鏡蓉等於初九日分帶兵團攻復台州郡城殺賊甚眾並擒斬逆首偽王李洪藻李遇茂二名各兵團直搗黃巖分路截殺陣斬偽主將李尙揚偽佐將鄧積士初十日克復黃巖縣其太平甯海二縣亦經地方官獎率義民攻殺克復至

分踞縉雲樂清二縣逆匪屢經夾擊已革縉雲縣知縣周士英督民團於四月二十日復縉雲縣總兵秦如虎等派撥師船於四月二十九日復樂清縣餘匪竄遁計二十六日之間克復台州一郡仙居黃巖太平甯海縉雲樂清等六縣藉民團之力為多士氣為之一振

浙軍克復甯波府鎮海縣青田縣

浙江前甯紹台道張景渠招集廣艇借助英國兵屢

克甯波府鎮海縣城英國提督何伯請江蘇李巡撫

平定粵匪紀略

卷十三

三

羣玉齋

分常勝軍前往助守時有大股賊竄踞青田縣慶總督與總兵秦如虎各派兵練及長龍礮船往勦環攻三晝夜四月十二日黎明青田縣知縣吳兆祥等率勇由東門架梯直上手刃執旗賊目二名兵勇一擁而登逆眾不能抵禦由西門竄去立將縣城克復五月上海軍招撫賊目收復南匯縣並克復川沙廳偽什天安吳建瀛等統眾踞南匯與偽沐天福劉玉林屢為李秀成養子所凌自官軍踞毀杭頭新場賊壘後吳建瀛等屢次乞降五月初一日都司銜劉銘

傳等分帶勇團直抵城下城內降衆全行薙髮並將
偽印兵器呈繳官軍整隊入城秀成養子方踞金山
衛聞吳建瀛投降令偽將吉慶元率賊萬餘犯南匯
射手書偽示入城吳建瀛隨同署知縣鄧賢芬帶勇
擊却之初四日復合川沙賊來犯劉銘傳吳建瀛登
城固守並派隊出城夾擊賊衆敗潰官軍直逼川沙
賊隊由海塘竄出沿途截殺甚衆遂於初五日收復
川沙廳城進規松江

浙江湖州陷在籍總辦團防布政使銜福建糧儲道趙

平定粵匪紀略

卷十三

三

羣玉齋

景賢被執不屈

景賢前刑部趙侍郎炳言第三子由舉人議叙知府
幼有奇氣以千古自命善撫循士卒人樂爲用自咸
豐二年總司湖州團防每戰必捷洊升道員加布政
使銜

簡授福建糧儲道屬杭州再陷逆衆於十一年十二月以
全力困之戰守數月糧援並絕五月初三日千總熊
得勝開門延賊城遂陷景賢冠帶罵賊不屈被執至
蘇州拘繫之後至二年三月我兵克復太倉潰賊回

蘇播言景賢通官兵將襲蘇逆首偽慕王譚紹洸詰
之曰汝通官兵耶曰我本官兵何得謂通曰汝獻蘇
州耶曰蘇州本

大清土地何得謂獻曰汝今死期至矣景賢大笑曰求之
一年而不得者遂肆謾罵逆舉洋槍一發中胸而殞

事聞奉

旨照巡撫例賜卹予諡立傳

會營水陸並進疊復秣陵關江心洲等六要隘圍逼江
甯府駐軍雨花臺

平定粵匪紀略

卷十三

三

羣玉齋

江蘇布政使曾國荃於四月二十八日率所部各營
乘勝前進破周邨一卡遂駐江甯鎮之板橋熟察形
勢必從大勝關三汊河下手陸師乃有運糧之路水
師乃有立營之所然橫距三十里外尚有秣陵一關
環水嶺峙亦天然雄鎮也賊備未嚴可以襲取五月
朔曾布政引軍馳抵關下守關賊首汪伍等舉衆獻
關初二日奪取大勝關三汊河二壘平之彭侍郎
曾布政懸軍深入急約提督王明山率水師策應初
三日拔頭關過此以往則爲江心洲堅大石壘倚洲

雙鋒彭侍郎會同王明山親督將弁直驅舟次各勇
挾火具登岸延燒蘆草一片火光我軍振臂齊呼躍
入賊牆燒雜羣醜竝奪取蒲包洲遂泊金陵之護城
河口會布政由陸路倚護水師驅軍逼紮雨花臺距
金陵南門五里許

鮑軍進攻甯國府勦平寒亭等處逆壘

偽輔王楊輔清糾眾十餘萬竄甯國府城復分股
屯聚團山寒亭等處阻我進兵之路浙江提督鮑超
飭將士進薄寒亭逆眾出巢猛鬪羣賊響應數逾四

平定粵匪紀略

卷十三

五

羣玉齋

萬鮑提督直擣中堅縱橫盪決總兵朱國永等橫躍
入陣衝賊數段山後伏兵齊起扼賊歸路賊始驚潰
追殺二十餘里將寒亭管家橋柵家甸獅子山賊館
數十處賊壘三十五座一律蹋平殺賊六千餘人偽
衛王楊雄清糾合零匪遁回甯郡

河南軍勦賊於澠池等處

逆匪由陝西潼關小路竄撲河南閿鄉縣因城垣圯
塌被賊闖入知縣王其昌巷戰被戕陝州知州王詒
督兵馳援立即克復逆匪回竄由新安澠池一帶向

宜陽大路疊撲嵩縣伊陽葉縣均經地方文武及帶
兵將領堵勦竝於澠池縣之滑甸宜陽縣之大辛甸
汝州之古堆邨縣之長阜等處疊有新擒逆蹤漸戢
仍游弋於邊界

上海軍連獲大捷松江解圍滬防解嚴

逆匪圍逼松江府城李巡撫以松江扼浦東西之中
為尤要地不可失自赴新橋令參將程學啓等時出
兵綴賊屬華爾撤歸甯波防軍與知府賈益謙及李
恒嵩等嚴令固守伺隙出擊賊初營西門妙嚴寺土

平定粵匪紀略

卷十三

美

羣玉齋

山逼城近華爾以礮毀之竝奪其大張涇營以通上
海初八日賊復攪據之增築礮台環攻四門我軍乃
盡括城中大礮數十洋槍千餘環列城堞擊賊兩晝
夜不絕賊頗創初十日常勝軍三百人自甯波歸與
賊戰於寶福浜毀其礮臺城內各軍乘夜分門出擊
殺斃無算賊向西北分股竄遁次日華爾思往青浦
而賊騎仍逼城且青浦圍裏數重不可守乃議棄青
浦十三日夜分簡常勝軍之銳猝破天馬山賊營由
礮路突入青浦城盡焚米糧輜重軍船率隊伍死戰

出併力守松江其分紮廣富林及泗涇大股賊匪經李巡撫督兵往勦十一日前隊近逼泗涇斃賊多名生擒十餘名立將賊卡攻毀餘賊遁入營斷橋以拒李巡撫令參將張遇春等復誘賊出巢轟斃賊數百名二十一日逆首偽聽王陳炳文等糾集悍賊五六萬直撲官軍新橋營盤蔓及徐家匯九里橋包過營後直逼滬城勢極兇猛其圍攻開字營賊匪填濠拔椿洋槍大礮併力死撲參將程學啓督兵抵禦槍礮磚石同時並施賊匪尸與濠平隨斃隨上勢將躡登程學啓手燃巨礮乘勢開門衝殺賊衆卻而復進自辰至申凡八九次另股分圍林字等官軍各營亦經通判韓正國等督兵殺斃悍賊數百名賊匪更番疊上四五次不退李巡撫督隊分三路進援參將張遇春等遇賊於徐家匯之九里橋分路併攻張遇春馬傷落地復奮砍賊目奪馬躍上都司張志邦斬取賊目首級擲入賊陣逆衆萬餘聞然駭退官軍追至營邊逆匪數萬復合抵死鏖戰各營官兵齊開壘門內外夾擊賊盡棄械狂奔自相踐蹋而死共計殺賊三

千餘名落水淹斃及解散脅從各數千名生擒四百餘名奪獲槍礮馬匹旂幟數千件槍傷偽聽王陳炳文其偽納王邵永寬亦負傷竄遁二十三日官軍復乘勝進攻泗涇逆衆喘息未定不戰自走當將賊壘數十座全行闢毀並焚燒賊棚三千餘座其附近廣富林等處踞賊亦聞風全數逃走松江圍解滬防亦解嚴

四川逆匪竄入貴州正安等州縣境內兵勇擊卻之由黔西邊界仍竄川境

粵逆偽翼王石達開竄擾四川分股入貴州正安等州縣境內經貴州韓巡撫督飭兵練擊敗後備聚鴨溪總兵吳安康與候選知縣羅燦奎帶練會勦四月二十八日夜挑選練勇暗入鴨溪施放火箭火彈逆衆驚亂紛紛潰遁我軍追殺數十里餘匪從黔西州邊界仍竄入川韓巡撫等督飭文武跟蹤追勦並會合四川官軍兜擊之

川軍攻勦石逆立解綦江縣城圍進攻長甯縣石逆竄涪州爲官軍擊敗尙擁衆數萬圍攻綦江縣

城知縣楊銘率眾固守知府唐炯率黔勇由石佛岡
攻進焚燒賊巢城中練勇殺出前後夾攻賊眾披靡
城圍立解道員曾傳理先駐合江扼賊上竄臬司劉
嶽昭總兵唐友耕會同唐炯率隊緊追沿途截殺逆
又圍攻永甯復經兵勇擊敗向興文奔竄其另股賊
匪張逆圍攻江安因官軍由藍田壩急進聞風解圍
先遁遂勾結石逆攻陷長甯縣劉嶽昭等派隊追擊
賊遂分竄珙縣及高縣之巡檢寺等處復經曾傳理
馳勦將賊壘焚燬賊遁回長甯各路兵勇會攻之

平定粵匪紀略

卷十三

五

羣玉齋

陝西山陽縣踞賊藍二順通粵匪竄陷湖北鄖西縣官
軍克復之

藍二順踞商州之山陽縣於四月內與粵匪陳德才
等通五月初九日竄陷湖北鄖西縣官大臣會湖北
嚴巡撫樹森先飭調赴隨棗之總兵何紹彩率新訓
四營往勦復派安襄郎荆道金國琛等帶軍馳往逆
眾聞風喪膽分股由馬安次溝香口等處潛竄官軍
整隊馳擊於二十六日將縣城克復

六月鮑軍克復甯國府旋收甯國縣城降其酋洪咨海

偽輔王楊輔清竄踞甯國聞寒亭戰敗即糾約逆黨
繞城結壘延亘三十餘里力拒官軍五月初十日浙
江提督鮑超引兵進紮烏沙鋪相度形勢十五日先
令總兵婁雲慶等設伏於望城岡仍令總兵宋國永
等誘賊賊果輕我兵寡直壓山岡而下鮑超復令總
兵黃慶等張兩翼抄來賊已卻走瞥見旂幟掩映山
谷間以為賊眾來接回鞭轉鬪伏軍突起騰蹕而前
衝賊數段參將章志俊等截斷賊後宋國永揮軍進
擊遇者輒殪逸出之賊又為副都統明興騎隊追及

平定粵匪紀略

卷十三

三

羣玉齋

斃賊約八千人遂破望城岡並將抱龍岡一帶十數
邨逆壘悉平逆首復陰結另股列隊城根築壘堅拒
六月初八日鮑超率各軍逼壘下寨逆黨日出巢迎
敵屢為我敗十四日各偽王出大隊於南北兩門以
冀夾攻鮑超督飭將弁向各門分進搏戰逾時賊旂
漸亂潰奔浮橋我軍焚橋截殺幾無脫者南路之賊
既敗北路遂遁適西路之捷亦至削平附城賊壘會
集於小東門外十五日楊逆復收合餘燼以圖再戰
鮑超率各軍驟進勢如風雨逆已敗至洪林橋忽聞

陣返撲鮑超令作圍陣圍之環加勦洗楊逆單騎脫
去城賊見首逆不返議降議守紛紜未定我軍已自
洪林橋直入東門斬雜無遺立將府城克復鮑超追
勦敗匪隨收復甯國縣城有偽保王洪容海驍勇善
戰本爲石達開死黨咸豐十一年轉隸偽忠王李秀
成隊下賊黨援甯郡洪容海在其中屯衆數萬於孫
家埠未開一仗卽遣人乞降稱與羣賊有隙願取郡
城縛輔逆以獻鮑超與之期約許以自新適郡城克
復洪容海徑走廣德於二十日襲取州城又申言率

平定粵匪紀略

卷十三

三

李秀成

衆六萬就撫曾大臣察其誠乃許來歸酌留三千人
編爲六營餘部一律遣散

金陵陸師屢卻撲營悍賊

江蘇布政使曾國荃督軍在雨花臺秣陵關等處屢
次擊賊獲勝六月初六初十等日偽王宗李逆糾集
悍黨自蘇州來援火器對轟互有損傷十六日城中
出賊四五萬人分撲各營我軍憑濠穩擊斃賊極多
候補道劉連捷等見黃衣騎馬賊指揮督陣猛鷲無
匹潛燃巨礮一發而殞卽乘羣賊靡亂之際併力掩

擊立解重圍各將弁亦拔卡而出馳斬賊酋與劉連
捷所派之隊合軍追勦殲賊近二千人二十四日甯
國餘匪復句合城賊襲營知州易良虎等令各勇穴
牆施礮伺賊稍懈出擊之逆衆返奔不及半就誅戮
東路之賊亦經劉連捷引軍擊走俘敵無算

陝西粵逆陳德才等竄河南

陳德才等自渭南竄出欲至安徽廬州援狗逆陳玉
成經西安將軍托明阿等督飭兵團沿途截勦斃匪
數百餘名逆衆竄至河南聞陳玉成已爲我軍擒戮

平定粵匪紀略

卷十三

三

李秀成

因在浙川內鄉一帶掠鄉攻城均爲各地方官擊敗
復乘雨圍攻新野縣城竄入唐縣境內唐縣知縣高
天寵督勇截勦殲賊三百餘名生擒十餘名河南鄭
巡撫元善飭調各路官軍馳往兜勦

上海軍攻克奉賢縣進克金山衛城

初奉賢縣既克未設守仍爲賊踞五月十一日知府
潘鼎新都司劉銘傳令降酋吳建瀛劉玉林攻復之
玉林率所部由柘林進攻漕涇鎮賊營又破之時賊
踞金山衛城地界江浙爲浦東門戶李巡撫議規取

金山檄鼎新等屯軍漕涇由海塘進東北檄華爾由張堰進西南會攻之十四日官軍至南沙十七日軍功潘鼎琛把總徐道奎攻毀海塘賊壘直薄城下逆衆於南門突出二千名搏戰銘傳燃洋槍斃其魁賊始却十八日參將覃聯陞帶隊馳至而華爾及李恒嵩軍亦至進紮城根屢敗逆衆遂於二十一日將衛城克復浦東一律肅清李巡撫令鼎新銘傳聯陞三軍分駐要隘扼守之

江南提督黃翼升統水師至上海

平定粵匪紀略

卷十三

三

羣玉齋

翼升奉

旨統水師東征於五月間下駛以二營駐浦口四營分駐揚州下之三江營六月初八日自統四營至上海會大臣奏請以翼升署江南提督

平定粵匪紀略卷十四

同治元年七月楚軍援豫解南陽府圍

粵逆陳德才等竄入河南境會合五月內竄宜陽汝州之賊同竄南陽府鄭巡撫元善札飭候選道何元普督馬步兵勇往援由唐河至白河力戰十餘日並會南陽鎮總兵圖塔訥兵勇進紮河口逆復糾合賴辜捻首陳大澹一股共衆十餘萬將我軍包抄分黨攻府城在白河兩岸築壘綿亘百餘里勢極披猖鄭巡撫添派撫標副將盧得勝由汝州裕州前往湖北官大臣等札飭安襄鄖荆道金國琛候補道梁作楫督馬步十餘營越境馳援內外夾擊並經民團助戰殺賊二千有奇生擒正法一千餘名於七月十六日解圍賊由鎮平內鄉竄逸

平定粵匪紀略

卷十四

一

羣玉齋

川省石逆達開股匪竄陷湖北鄖陽府屬竹谿竹山二縣旋即收復

石逆達開股匪由四川之大甯竄至陝西平利縣擾及楚邊七月十九二十六兩日闌入竹谿竹山二縣經兩縣團勇擊卻之城均收復賊仍竄陝西平利關

垣子松杉河等處

河南逆匪竄擾湖北光化屬之老河口

豫省逆匪自陳玉成伏誅後窮無所歸前竄南陽爲楚軍擊退復由浙川廳馬蹬雙河鎮厚坡李官橋一帶竄擾河南兵力單薄無制勝之師致被沿途裹脅竝糾合捻匪復有衆四五萬是月竄湖北光化縣所屬之老河口官大臣嚴巡撫飛飭道員梁作楫統率凱字五營輔以馬隊馳往督同在防水陸各營合力勦辦

平定粵匪紀略

卷十四

二

羣王齋

湖州逆弁熊德勝正法

前浙江湖州府被圍糧盡援絕戰守極苦千總熊德勝率領兵勇捨米變賣圖利復藉搜米爲名闖入民家弔打勒索迫無可搜括遂開門延賊以致湖城淪陷熊德勝受檢點僞職忽於七月內由賊中潛至上海洋涇浜經李巡撫訪獲卽於軍前正法梟示

天網恢恢疏而不漏足伸

國憲而快人心也

上海軍復克青浦縣城又會同浙軍攻克餘姚縣

李巡撫謀復青浦令副將程學啓等進屯北幹山劉

士標郭松林屯塘橋巡撫弟知縣李鶴章率親兵營

往督之華爾李恒嵩又自松江來會分圍各門十四

日夜學啓敗賊於東北門十五日以大礮裂城垣十

數丈諸軍鼓勇畢登賊奪路逃遁李鶴章於西北門

設伏截殺之窮追至白鶴江黃渡遂將青浦縣城克

復李巡撫令學啓軍與提督黃翼升水師駐守青浦

時分往甯波之常勝軍亦會浙江道員張景渠軍攻

克餘姚縣城

平定粵匪紀略

卷十四

三

羣王齋

八月浙軍攻克處州府城竝收復縉雲縣

逆匪踞處州牽制援師屢攻不克慶總督端派總兵秦如虎林文察力戰殺賊攻拔郡城賊復分竄縉雲縣各營躡蹤追殺敗匪聞風而遁收復縣城楚軍赴陝攻克荆紫關連獲大勝

統帶楚軍多將軍隆阿自克復廬州後奉

命督辦陝西全省軍務已抵商南奉

旨勦辦髮逆豫捻時粵逆糾合豫捻已由浙川後路暗襲

荆紫關路之多將軍自商南督軍回勦八月二十一

日夜由陡溝出隊偽扶王陳得才與偽啓王梁成富
偽主將馬融和等率黨萬餘列隊迎拒副都統穆圖
善總兵趙既發姜玉順王萬年等分軍為四前後環
攻逆勢不支紛紛敗潰我軍追至荆紫關縱火攻之
擊死賊目三名生擒七十二名斃賊三千四百名
焚溺死者無數餘匪由浙川大路而遁踰關追殺二
十餘里天始黎明遂奪荆紫關

楚軍擊退光化縣老河口各逆

南陽逆匪於上月竄老河口梁道援兵未至之前於

平定粵匪紀略

卷四

四

羣王齋

八月十七日圍撲光化縣及老河口市鎮蔓延三四
十里勢甚披猖經駐防總兵成得升等會督水陸兵
勇迎頭痛擊斃七八百名賊眾退踞馬窟山雲臺山
十八日黎明復出大隊擁擁而來我軍連開大礮轟
斃數百名賊復紮解從上流潛渡亦經水師焚斃溺
斃無數城圍立解成得升等復率所部進勦老河口
賊壘乘兩夜月黑出其不意各路齊進焚其棚壘賊
眾奪路狂奔追殺二十餘里賊由襄樊竄去
上海軍克復浙江慈溪縣副將華爾陣亡

浙江逆眾規伺甯波值廣艇與法國兵構擊引賊攻
陷慈溪縣甯波鎮海餘姚皆警華爾率軍越境攻之
華爾自上年正月在滬呈請願隸中國版圖屢以戰
功由四品頂翎洊升副將聞甯波告警管帶常勝軍
於八月二十六日直抵慈溪指揮兵勇登城立將慈
溪克復賊從城上放槍適中華爾胸腕子從背出回
甯波後次日殞命得

旨於甯波松江兩府建立專祠仍從優議卹

偽慕王譚紹洸率賊黨攻青浦縣城官軍擊走之並解

平定粵匪紀略

卷四

五

羣王齋

北新涇之圍

偽慕王譚紹洸方踞湖州李秀成遣援金陵紹洸聞
青浦已失恐官軍躡其後乃合嘉湖蘇崑之賊犯松
滬西北上月二十日逼青浦官軍敗賊於北韓山賊
不得逞遂以北新涇大營新涇為上海西路之蔽李
巡撫先遣已革總兵况文榜熊兆周副將梁安邦等
統兵守其地力戰扼之賊稍退二十八日官軍小圍
賊圍北新涇分據法華鎮以西距上海僅十餘里八
月初一日張遇春敗賊於法華鎮而北新涇之圍益

急時上海之軍只三千人餘皆分防百里外李巡撫
飛檄劉銘傳等軍由金山衛常勝軍由松江兼程赴
援密飭李鶴章會程學啓防守青浦諸軍以五成留
守以五成趨泗涇七竇出賊後初七日學啓等軍間
道至七竇而賊已先據七竇紹洸率悍黨三萬圍襄
官軍學啓督諸軍苦戰逾時賊乃大潰追殺十餘里
而北新涇之圍仍未解李巡撫督軍至虹橋賊方憑
河據壘伏左右以待李巡撫策騎疾馳過之與程學
啓軍合令上海軍分道擊賊軍中見李巡撫旗幟爭

平定粵匪紀略

卷十四

六

羣王齋

歡呼夾擊盡毀賊營賊遁吳淞江北黃翼升率水師
敗之毀賊北岸七營初四日賊伺我軍歸防又圖回
竄值劉銘傳軍由浦東至敗之於野雞墩初五日追
至南翔賊遁嘉定

閏八月粵逆陳得才等糾合各股捻逆竄入楚境分兵
擊之

逆首偽扶王陳得才等於南陽糾合捻首陳大溘一
股於浙川糾合捻首張總愚一股並句結盧氏縣張
落刑一股聚匪已眾上月襲荆紫關竄光化老河口

皆其分黨經多將軍奪獲荆紫關總兵成得升擊退

老河口之後各股髮逆豫捻全竄襄陽爲安襄鄖荆

道金國琛迎擊逆衆於閏八月初七日竄陷隨州分

爲兩股一至京山之宋河一至應山邊境京山一股

十五日陷縣城援及天門縣之皂市十八日陷應城

縣應山一股十九日竄至廣水驛擾德安府迤北一

帶官大臣嚴巡撫飛調總兵穆正春帶毅字桓字營

馬步會合護軍統領舒保營總花清阿馬隊由雲夢

馳赴應城向西進勦飭道員梁作楫帶凱字營由襄

平定粵匪紀略

卷十四

七

羣王齋

樊馳赴安陸會合又調道員歐陽正肅一軍由河南
之邢集回防德安府城以遏應山股賊下竄之路飭
令水師總兵張啓基等督率礮船分赴襄漢各河上
下策應復將進攻陡溝之副將周鳳山一軍調赴廣
水截擊應山股匪並以逆勢過重奏調多將軍回駐
襄陽居中調度以固楚疆

浙軍勦辦龍游等處並攻克壽昌縣

左巡撫一軍先敗踞逆於蘭溪逆首李侍賢率悍賊

五六萬分路來撲我營鏖戰兩時之久逆賊奪路狂

奔聞八月初五日攻克壽昌縣接奪要隘多處築長濠移營進逼龍游其湯溪踞逆亦分兵圍攻之

楚軍攻克應城縣城應山股匪闖入孝感縣立時擊退髮逆豫捻踞應城一股經總兵穆正春於閏八月二十三日由黃江口搭橋過河擊賊獲勝賊向西逃收復縣城率隊追勦斃賊極眾其應山一股由廣水下竄孝感縣之小河司護軍統領舒保等會知縣韓體震登陣守禦閏八月二十六日賊撲縣城舒保帶隊開門出擊賊勢已卻突有後股馬步數千人由北城

平定粵匪紀略

卷十四

八

羣王齋

關口闖入記名副都統德克登額知縣韓體震巷戰受傷陣亡舒保飛馳入城參將曾紹霖亦督水師礮勇登岸殺入傷斃悍賊多名賊即奔潰出城追殺三十餘里賊竄小河

楚軍克復京山縣並解安陸府之圍

穆正春一軍攻克應城縣後即帶駟鐵營騎兵並營總花陵阿馬隊於閏八月二十六日馳抵京山踞逆聞風竄走收復縣城逆首偽扶王等復糾大股直撲安陸府城穆正春帶隊馳至與總兵彭炳武夾攻殺

賊二千餘名生擒二百餘名城圍立解賊竄襄樊九月上海軍克復嘉定縣城

自賊陷嘉定屢犯滬防英國提督何伯時將受代歸乃請李巡撫會攻嘉定新任提督固伯又率英法兩國兵助戰李巡撫派調白齊文李恒嵩率常勝軍及礮勇分隊往知縣李鶴章督四營繼進中途疊毀賊卡九月初一日抵嘉定城下初二日何伯令西兵燃炸礮轟坍城牆數十丈分布雲梯一擁而上即於初二日克復嘉定縣城並敗太倉援賊令况文榜等駐守之塘橋虹橋軍進屯南翔程學啓屯黃渡黃翼升水師二營扼崑山大河以為守偽慕王譚紹洸等率眾再犯青浦南翔官軍破賊於四江口擊走之

平定粵匪紀略

卷十四

九

羣王齋

嘉定既克偽慕王譚紹洸偽聽王陳炳文復糾蘇杭嘉興賊十餘萬分道自太倉崑山來犯北由蟠龍鎮至四江口圍踞黃渡以當青浦南由安亭至方泰鎮圍入南翔九月十二日賊逼南翔官軍迎戰卻之賊乃於三江口四江口立五大營設浮橋潛渡水師皆

爲所因而青浦西北之洋新涇趙屯橋白鶴江賊益蔓延擾及重固鎮張堰距青浦十餘里十六日提督黃翼升率水師自青浦出衝賊舟八九里而過賊扼白鶴江不獲進別隊賊犯黃渡十七日知縣李鶴章由江橋至黃渡會總兵程學啓進擊賊陣南岸官軍循北岸進疊敗之李巡撫以四江口營久被圍督諸軍親至黃渡二十一日學啓及劉銘傳副將郭松林之軍分三路擊之自辰至未屢衝不動李巡撫督戰益急諸軍拔籤逾濠進逼賊營斃數賊首陣少動乃

平定粵匪紀略

卷十四

十

羣玉齋

冒煙直入各毀其前二營右隊賊回救礮傷學啓胸復裹創疾戰賊由南岸潰而北鎮守四江營之參將劉士奇游擊鄭國魁皆衝圍而出循河殺賊賊退崑山常勝軍由杜郵破白鶴江之賊營黃翼升由趙屯橋截擊潰賊追至三江口毀其浮橋石卡殆盡生擒及殺斃者數萬餘人落水死者以數千計剷平賊壘二百餘座防肅清賊自是不敢再窺松滬

楚軍痛勦西北路髮捻各逆

多將軍自克復浙川之荆紫關復准官大臣等咨於

九月初十日馳抵樊城十三日開仗殺賊三千餘名追黃龍墻一股至李家橋十四日豐樂河之賊援大至多將軍戒勿輕動以避其銳至三更後率隊襲擊令我軍袒右臂爲記乘微月直抵賊巢賊恃衆不築壘不設備露睡正酣一聲號起槍械並發賊於昏夢中奪命狂竄自相踐蹋斃賊無數直追至隨州界入鴉雀冲山內山路欹崎不能深入賊已膽落竄往豫境其安陸府之賊在龔家集伐木紮簾偷渡穆正春由陸路兜勦安陸府知府周有全等率礮船乘風縱

平定粵匪紀略

卷十四

十一

羣玉齋

火水陸斃賊甚多餘匪亦遁赴河南
江南水師力保蕪湖金柱關城隘

閏八月間僞護王陳坤書糾衆四五萬圖犯金柱關龔橫格甯國金陵兵氣彭侍郎玉麟督禦於花津五戰皆捷賊退踞薛鎮十八日諜報賊艦數百從東壩拖壩而出彭侍郎親駕飛划迎擊楊提督岳斌聞警赴援先在姚老圩毀賊浮橋獲勝仗賊乃不敢渡河九月初五至十二等日大股悍賊結筏偷渡屢逼金柱關各營奮力馳擊盡焚隔河賊壘賊遁魚壩十八

日水陸大舉遇賊於花山總兵周萬俾一騎當先所向辟易各將士橫戈躍殺賊退向上駟渡適水師已將彼處浮橋砍斷賊回戈轉鬪眾軍合力圍殺棄尸駢積河水不流聚賊萬餘無一得脫者其鬪頭等處之賊尙延袤百餘里我軍合隊環攻焚其壘花津青山象山采石磯各處賊巢自二十至二十九日悉數平毀奪賊船無數自是蕪湖金柱關六十里之間賊蹤以絕

鎮江軍敗賊於湯岡

平定粵匪紀略

卷十四

三

羣王齋

逆匪由句容進薄鎮江紮壘於湯岡經鎮營廣西馮提督子材京口魁都統玉策屬諸軍更番攻擊設伏誘擊斬其梟渠逆已自相驚擾九月十二日飭令總兵龍文德陶茂林等督隊填濠而進將湯岡九壘踞平賊歸青山老巢乘勝拔之賊復大潰竄回句容十月逆匪復犯楚邊陷房縣由竹山竹谿二縣竄入陝西境

九月內髮逆偽扶王陳得才偽啓王梁成富等由湖北分竄河南十月初九日復由河南之新野鄧州繞

至浙川廳所屬之李家橋闖入湖北鄖陽撲府城十六日經鄖陽鎮總兵訥欽署鄖陽府知府艾浚美會同知府周有全水師內外夾攻賊眾敗退從安陽口偷渡河西由均州之白浪黃龍灘等處竄擾房縣二十一日入縣城次日經知縣慶明激勵兵團乘賊不備一鼓登城斃賊數百名卽將房縣克復敗匪由九道梁田家壩竄擾竹山竹谿境內頭隊陳得才先竄至陝西平利縣後隊梁成富等在竹谿之水坪草鞋壩等處橫亘二百餘里官大臣等派道員梁作楫往

平定粵匪紀略

卷十四

三

羣王齋

勦並飭安襄鄖荆道歐陽正塘統領四營會同勦辦逆等於十一月內全股入秦調金國琛回駐襄樊改派候選郎中李雲麟統帶毅健五營馳赴鄖西之上津堡駐紮以扼回竄

江甯陸師堅守四十六日力戰解圍

偽忠王李秀成親率十三偽王號稱六十萬圍聚金陵東自方山西至板橋鎮旂幟如林層層排列於閏八月二十日直逼我軍營壘尤趨重於東西兩隅同知曾貞幹等縱軍兜擊追賊於小河邊斬級頗多二

十一日城賊拔賊同時竝進江蘇布政使曾國荃飭各營俟賊逼近突以排礮擊之賊乃踣伏在地礮聲絕而殺聲又起日夜不息二十二日賊由東西兩路進攻分黨徑趨洲上抄出猛字等營之後我軍分路擊敗之乘夜於上洲修築十數壘駐兵扼守二十三日甫將攻撲猛字各營及東路營壘湖橋營卡之賊勦退賊之圍逼西路者已歷六晝夜各營料賊疲乏越濠擊之突破四壘二十六至二十八等日夜賊乃悉向東路逼營而陣洋槍洋礮驟若飛蝗潛通地道百計環攻各將士負墻露立拋擲火毬殲賊無算二十九日賊負板蛇行而進烽燧蔽天填濠欲上我軍用矛擊刺賊匪拽尸復進抵死不退曾布政督軍策應飛子傷頰血流交頤仍裹創上濠守禦九月初一日偽侍王復自浙東來援急攻吉後營礮臺曾布政引軍馳救力破賊衆初一至初四等日賊來愈衆用箱篋實土排砌濠邊暗鑿地道我軍先以火箭攢射繼出銳卒擊之賊鋒少挫初五日分三路出擊燬西路賊壘十二座初六日以後東路之賊環逼不懈十

二日嘉字吉後兩營地道轟發石飛天半擁入塌口者各有千餘賊我軍俟煙開土落分路衝出忍死決戰將塌口以內之賊誅戮無遺濠外賊渠復舉旂督戰各營同出抄殺賊之精銳摧折無算其同時迸裂者有副後營亦經擊退被圍者尙有信字等七營復經我軍內外夾擊賊衆敗走是役殺賊近萬逆賊雖受大創尙圖再逞於東路別開地道於西路夾長江之水淹絕糧道曾貞幹在高埂增修小營令水師駐泊雙插共護饋運之路曾布政與諸將共議制敵之策莫若審賊所向隧而迎焉自十三日以至十月初二日凡破賊七壘四穴掘穿地道五處均聚而殲之無一生者賊技益形窮蹙曾布政遂於初三日乘賊摺伏進拔十數卡初四日夜分道齊出破東路四壘悉就誅夷西南諸壘望風驚潰初五日共追賊至南路牛首山一帶埽平賊壘數十座搜勦至方山之西雨花臺守賊句結城賊絕我軍歸路各營左右盪擊賊衆分路悉遁重圍遂解中外官軍克復浙江上虞縣城竝乘勝進兵攻克嵗縣

新昌縣

浙江逆匪自華爾克復慈溪後竄踞泗門鎮已革甯
 紹台道張景渠馳赴餘姚會商英國兵勇嚴守慈溪
 調總兵勒伯勒東及稅務司日意格帶兵會籌直抵
 上虞縣城節節進勦破賊卡十四座揮兵逼卡連放
 炸礮斃賊千餘人蹋毀通明堰賊卡二座中外官軍
 直伯城下勒伯勒東運到車輪大礮轟坍土城即於
 十月初一日將上虞縣克復其泗門等處賊匪亦經
 中外官軍合力埽盪其另股竄踞嵊縣新昌縣者均
 先後為官軍攻克左巡撫李巡撫會同馳奏得

平定粵匪紀略

卷十四

七

羣玉齋

旨嘉獎

上又念左巡撫督兵進圍湯溪等城指日即可埽盪而下
 已革道員張景渠會同法國武官令充中國總兵勒
 伯勒東稅務司法國人日意格等奮勇立功進攻紹
 興浙東軍務漸有起色官軍進勦之際甯波海口緊
 要不可無武職大員統帶飭署浙江提督秦如虎馳
 往鎮守後勒伯勒東進勦紹興親點大礮以藥重炸
 傷頭頂殞命得

旨嘉憫優卹之

上海軍進取蘇州

十月二十六日提督黃翼升督水師勦賊於蘆墟鎮
 尤家莊汾湖三官塘盡毀其卡進距蘇州三十里二
 十七日復回軍勦賊於下田廟上田廟洪家灘進至
 審街距嘉善數里
 皖南防軍解旌德涇縣之圍徽浙各軍克復績溪祁門
 兩縣

平定粵匪紀略

卷十四

七

羣玉齋

入旌德縣之六都總兵朱品隆禦於楊邨一戰卻之
 十二日賊乃分股來撲朱品隆飭將弁悉力抵禦親
 自出營突陣賊始退奔是夜賊又擁眾進攻越兩日
 夜無一刻息朱品隆恐賊營一定糧路不通啓城出
 擊破賊四壘七十八等日賊復大聚攻城朱品隆
 親率老營部卒向大北門往來督戰我軍縱橫盪擊
 賊紛紛潰敗十九日分路出擊毀平賊壘二十餘座
 賊向楊邨轉遁解圍以去其環攻涇縣之賊亦於十
 月初四日被援軍擊退先是昌化踞賊率黨數萬竄

入績溪城冀絕旌德防軍糧路總兵唐義訓會合浙江左巡撫派援之卽選道王文瑞分路進攻賊已轟擁猝至我軍從山梁壓下賊衆披靡尸駢林谷賊遂棄績溪遁去唐義訓等追勦之時旌德之賊已於十月初三日突陷祁門乃回軍會攻賊見大兵驟至闔城鼎沸遂返竄石埭太平一路縣城卽於初十日克復

十一月晚軍在九洲等處堵勦獲勝

九洲洲在金陵下關對江賊踞爲老巢堅築石壘列

平定粵匪紀略

卷十四

六

羣玉齋

巨礮三層與下關賊營相犄角以扼沂江進擊之路咸豐間屢經六合團勇及江北各營攻奪以孤軍難守復爲賊有江南提督李世忠列營下游浦口以堵之十月間僞忠王李秀成等糾衆渡至九洲洲圍撲官營李提督親赴前敵力籌防勦十七等日逆分兩枝突至浦口遣悍賊數千人繞過前營負土填濠勢甚兇猛李提督出營突陣馳逐礮火之中馬傷立蹶復步戰搏賊斬首百餘級賊始遁連日賊之分撲各營者均擊退二十一等日又攻南岸石埠橋營並結

後冒雪渡江復由九洲洲分股竄至江浦以北希圖牽制各營我軍出隊夾擊賊向和州一帶竄逸李提督親駐江浦督飭各軍分路抄擊斃賊二千名賊船乘夜渡江突過小甸分隊出撲李提督督軍回勦賊衆大潰十一月初六等日我軍毀平石埠橋各壘賊仍環逼略無退志李提督飭各隊夾攻截賊隊爲數段賊多不及歸壘我軍斬卡直入立將東西南三面賊壘一律剷平其北岸分撲浦口各營賊匪經我軍戰守兼施賊悉撤圍遁竄

平定粵匪紀略

卷十四

七

羣玉齋

浙軍攻克嚴州府

逆踞浙江之嚴州疊次出擾均擊退十一月十二日知府魏喻義偵知賊欲傾巢出犯先令官軍設伏以待是晚逆前隊竄至鍾嶺脚伏兵齊起四面圍殺悍賊五百餘人無一脫者後隊驚竄入城十三日夜半魏喻義督諸軍潛抵郡城於西北兩門豎立雲梯一擁齊上立克府城殺賊萬餘焚溺無數燒賊船二百餘隻獲僞印二百九十三顆馬匹旂械無算殘匪無路可遁棄械投誠

鮑軍破賊於馬頭鎮楊柳舖

先是西河踞賊分擾小淮審浙江提督鮑超誘賊過河一擊敗之旋報花旂廣匪六萬餘由甯國縣竄至歇高橋楊柳舖馬頭鎮一帶滿布賊館鮑超以老營空虛即由黃麻渡捲旂息鼓振旅還援先令總兵宋國承守定高祖山老營十一月二十七日從抱龍岡進兵賊恃衆來拒旂旛亂展鼓音若雷密布長圍傷我營哨數人鮑超分大隊自山岡後抄入截賊數段賊隊大亂諸軍合力薄之遂將歇建廟至楊柳舖十

平定粵匪紀略

卷十四

三

羣玉齋

數郵落中賊壘賊卡一律平毀追進六十里殲斃約八千人自有此捷高嶺等處賊股伏匿不出者經月上海軍收復常熟昭文縣城進克福山旋陷官軍困守常熟昭文

常熟昭文二縣同城久為賊踞而福山距城十八里為江南重鎮與江北之狼山鎮對峙乃由江入海之鎖鑰賊并踞之以窺伺江北常熟守賊錢桂仁駱國忠董正勤與太倉賊酋錢壽仁密通款於我軍知州李鶴章督軍攻城賊約期內應十一月二十八日國

忠夜飲桂仁黨就座斫殺憑天安錢嘉仁逮天福姚得時並誘殺桂仁之衆舉城雜髮降國忠方令其下余拔羣等招福山守賊胡輓經元等降而福山已固守十二月初一日國忠率其衆攻拔福山濟白徐六涇諸海口竟日皆下我軍方進規太倉風雪阻師不得進而蘇州內應事泄譚永沈悉衆爭常熟招江陰無錫賊六七萬來會又令楊舍之賊乘隙陷福山官軍困守常熟昭文

十二月曾營分攻運漕鎮銅城廂

平定粵匪紀略

卷十四

三

羣玉齋

偽對王一股由九洲洲渡江竄陷巢縣舍山和州三城遂踞運漕鎮銅城廂東關各隘知無為州米足兵單於十一月二十四日徑撲州城會大臣調記名提督蕭慶衍記名道毛有銘兩軍先後馳至議以毛有銘嚴備東關巢縣之賊蕭慶衍專攻運漕鎮銅城廂之賊十二月初九日蕭慶衍陸師過河結營彭侍郎派水師護陸師向運漕自上攻下親督各水營向三汊河自下攻上先將彼處三石卡一大壘焚毀引軍西上與護陸師之水師相遇乃知大馬橋二壘亦就

毀平蕭慶衍督率各營四面縱火斬隘直入立復
漕鎮二十一日蕭慶衍連破陶家菁等處賊壘水師
亦毀沿堤數卡立焚岷山岡二壘繞出銅城橋後二
十二日賊分三路來犯蕭慶衍縱兵抄擊橋口之賊
衝圍而出岡東一股聞風竄逃橋西一股亦經水師
擊走之

川軍攻克橫江等處賊巢連獲大捷

偽翼王石達開久擾四川屢勦未退旋踞叙州之橫
江雙龍場等處集衆數萬負嵎固守十二月十二日

平定粵匪紀略

卷十四

三

羣玉齋

蕭慶高何勝必分道而進直抵橫江以火彈拋入賊
營登時延燒我軍奮勇前進連破賊二十餘卡提督
胡中和由山後小徑破卡而入賊衆驚竄兩面合擊
立將橫江兩岸賊巢焚燬並將唐家坡及張窩等處
賊壘削平統計前後斃賊二萬餘人生擒二千七百
餘名內有偽官二百餘名墜河及乘間逃散者約計
數萬是日臬司劉嶽昭進攻雙龍場賊巢察得降賊
郭集益等內應官軍疾趨破賊營二十餘座賊勢不
支棄巢狂奔官軍乘勢追殺斃賊一萬五千餘名陣

斬偽都督等四十餘名內應之郭集益等率衆三千
餘人詣營乞降其敗竄之賊復於會儀溪等處殲斃
數千名十三日石逆率黨向燕子灘渡橫河官軍乘
其半渡擊之復斃千餘名餘匪逃入雲南境

平定粵匪紀略

卷十四

三

羣玉齋

平定粵匪紀略卷十五

同治二年癸亥正月曾營鮑軍進援涇縣解圍

正月初一日偽匡王偽奉王偽襄王等率眾六七萬

竝糾合偽躡王藍逆等花旗廣匪進逼涇縣連壘二

十餘座於初四日架梯蒙紮悉銳撲城守將易開俊

等以木石下擊賊始斂退時浙江提督鮑超在高祖

山老營聞警簡隊疾往初五日入城初六日出戰羣

賊擁擁來撲戰逾兩時我軍佯退誘賊入伏兩面夾

擊賊始大敗正欲歸壘見壘中火起已為我軍所破

平定粵匪紀略

卷十五

一

羣王齋

各兵勇乘勢併進立解城圍長驅三十餘里又平黃

邨賊壘十餘處初七日自涇縣回軍適西河之賊撲

進老營將圖一逞南望旂幟蔽空軍容甚盛乃相顧

錯愕曰鮑超來矣一閱而散

浙軍攻克湯溪龍游蘭溪三縣及金華府城

金華踞逆恃湯溪龍游蘭溪三城為犄角官軍圍攻

湯溪疊敗賊援勢漸窮登正月初十日藩司蔣益澧

密約降賊彭禹蘭內應將偽忠裨天將李尙揚等賊

目八名誘擒旋啓西門官軍衝入斃賊九千餘名當

將湯溪縣城克復援賊向金華狂奔總兵高連升等

率軍追殺龍游之賊聞風而遁收復縣城其蘭溪之

賊為臬司劉典於十二日攻克是日金華府城踞逆

劉政宏等見官軍進紮白龍橋遂率黨由東門逃竄

高連升乘勢奪門而入殺賊二千餘名遂復府城

浙軍續克永康武義縣城收復浦江諸暨二縣

自湯溪等城攻拔後逆之險要已失永康踞賊亦經

都司馬雲標率勇擊退於正月十三日克復縣城總

兵林文察同日攻克武義縣其東陽義烏之賊聞風

平定粵匪紀略

卷十五

二

羣王齋

向諸暨一帶潰竄臬司劉典於十八日收復浦江進

逼諸暨奮力圍攻城賊乞降亦於二十三日收復

陝西軍收復興安府新舊二城

髮逆豫捻陳得才等於上年十月內由湖北之房竹

二縣竄入陝西旋於十二月二十等日陷興安府新

舊二縣意圖久踞經團總監生邱振家招集團勇於

正月十四日隨同知縣方傳理督率水路各勇乘夜

薄城逆等猝不及防放火奔逃官軍立將舊城收復

縣丞周錫齡等乘勢趨新城賊亦棄城奔竄有入川

者有竄紫陽縣者

浙軍克復紹興府桐廬縣浙東肅清

浙軍攻克浦江諸暨逆何文濤率黨由紹興竄撲諸暨經高連升等率眾迎抵賊眾敗遁而東陽永康等處敗匪復紛紛竄至官軍合隊繼擊殺賊甚多臬司劉典乘勢規取紹興署提督葉炳忠已於正月二十八日督甯波諸軍將紹興府城收復敗匪萬餘與桐廬踞賊沿江築石壘抗拒我軍水陸合攻遂將桐廬縣城克復蕭山踞賊亦渡江紛竄浙東肅清

平定粵匪紀略

卷十五

三

羣王齋

二月僧王追抄竄捻連獲大勝生擒捻首張落刑等

捻逆各自為股各有逆首以蒙亳之張落刑為巨擘受粵逆偽封擾害楚豫江皖荼毒生靈較各捻首尤為稔惡

欽差大臣科爾沁博多爾噶台親王僧王自盪平北犯逆眾後總統東三盟及馬步各隊專勦捻匪大小數百戰逐漸剷除時在蒙亳一帶勦辦適張落刑等齧聚尹家溝意圖竄突二月初一日僧王派翼長舒通額蘇克金等帶領各起馬隊馳往圍攻逆眾拚死出撲

截殺多名向東南竄遁侍郎國瑞帶托倫布等馬步逕攻雒河集張落刑老巢張逆聞風逃竄遂將雒河集尹家溝兩處賊巢全行平毀初二至初七日舒通額等疊獲捻首正法擒首李勤邦等赴宿州知州今安徽巡撫英翰行營投誠領計將張落刑並其子張溥義子王碗兒誘獲解送僧王大營奉旨張落刑極刑處死張溥王碗兒一併正法傳首被擾各處天下快之

鮑軍攻破賊巢悉復西河小淮甯紅楊樹麒麟山等四

平定粵匪紀略

卷十五

四

羣王齋

處要隘

先是偽輔王楊輔清糾合各偽王嘯聚西河紅楊樹麒麟山一帶不下十萬餘人以一大股抄出高祖山之前以一小股繞過高祖山之背揚言上犯涇縣實欲圖鮑超靈字老營鮑提督令總兵宋國永堅壁穩守親率數隊伏於太子廟山坳以伺其變二月初一日賊分三四萬眾迤邐而來將高祖山八營層層圍裹鮑提督急帶太子廟伏軍向小徑疾趨離營二里許聞老營業已接戰乃令各將弁分三路進仍令總

兵梁美材等潛伏茯苓山之旁以斷賊後鼓角一聲
三軍突出宋國永乘勢夾擊賊隊譁亂奪路竄走將
近茯苓山梁美材大呼斷路賊駭懼無措眾軍合力
蹙之追襲四十餘里遂平高嶺周家橋諸壘直抵西
河結筏爭渡立毀堅巢其馬家園小淮審賊壘亦經
總兵王可升襲破維時賊之由西河遁入灣沚者寔
營礮划隨同江外水師日夜轟擊賊乃於初三等日
歸併梅嶺麒麟山一帶賊壘初四日鮑提督引軍渡
河進次紅楊樹賊匿不出軍士踰濠直進盡毀羣壘

平定粵匪紀略

卷十五

五

羣王

初五日鮑提督遣書甯國守將劉松山令率師來會
傳令宋國永等專攻麒麟山總兵婁雲慶等專攻梅
嶺而以劉松山為斷後賊糾眾來迎宋國永縱兵掩
擊積尸若阜麒麟山賊壘悉平是日劉松山亦破廟
埠之壘婁雲慶破梅嶺之壘並收復仰賢圩各處餘
匪分道竄逸

川軍截勦髮逆獲勝殲斃中旂首逆賴裕新

偽翼王石達開竄入四川以逆會賴裕新即賴劍皮
為前鋒名為中旂疊擾甯遠高巖等處經總兵朱桂

秋等攻勦竄入越嶲廳城署同知周歧源等連日力
戰將賴裕新擊斃逆眾既無統率拚命狂奔闌入榮
經天全各城知縣孫怡祿知州丁雲章等於二月二
十一二等日督帶兵團晝夜力戰克復城池賊竄邛
州之高家場邛州團練橫擊賊敗退由大邑竄至蠶
江等處

鎮江軍截勦西路竄逆直抵丹陽

偽懷王周逆等糾眾竄至句容城外會合丹陽逆首
偽效天義陳逆圖由九洲洲北渡馮提督子材派總

平定粵匪紀略

卷十五

六

羣王

兵張文德等扼橋據險分路進攻二月初五日直趨
牧馬口沿邨十餘里賊卡林立官軍馳突屹不少動
游擊湛恩榮飛騎衝敵手殪賊目數名賊陣稍卻守
備李耀光從槍子中躍馬先登陣斬執旂逆首直搗
中堅官軍無不以一當百立將牧馬口賊卡全行焚
毀東湖伏賊聞聲齊起張文德派隊抄截賊眾大潰
追過句容縣境之薛邨斃賊三千餘名內有偽來天
安偽檢點二名張文德等於初六日夜銜枚馳抵南
路柏林邨老巢總兵田宗揚等率所部進紮豐樂山

扼險憑高逶爲聲勢初七日卯刻張文德等乘大霧
四塞揮軍疾攻精騎如墻而進逆衆不測多寡出巢
迎敵副將楊青山首先突陣殲斃黃衣賊多名都司
古龍光躍馬入陣斬陳逆於馬下卽四眼狗陳玉成
之叔也餘賊駭奔向西南敗竄官軍乘勢奪毀柏林
邨逆壘直追至丹陽西門

上海軍解常熟昭文縣圍

正月賊圍攻常昭甚急譚永洸又益以礮船二百艘
穴地攻城降將駱國忠悉力扼守李巡撫以福山背

平定粵匪紀略

卷十五

七

羣玉齋

水而軍兵單賊衆不可無援急檄常勝軍往二月初
四日李恒嵩以千人至因移營逼賊壘初五日城賊
來援劉銘傳督隊擊敗之是時賊之攻常昭者雲梯
地道皆具屢拒屢進勢益危李巡撫議先福山以解
城圍十五日戈登又以常勝軍至專攻賊壘而令各
軍分擊援賊常勝軍設西洋大小礮於福山舊城上
以利轟擊各營勇伏於舊城下連放開花炸彈擊倒
港東賊壘由牆闕擁進悉數殲殪港西賊營亦卽攻
克時謝家橋等處之賊同時來援黃提督翼升分路

搏戰賊爲披靡遂復福山石城是夜各營潛襲大義
橋謝家橋賊壘逆衆棄壘狂奔沿途追殺先是圍城
之賊知福山警皆赴援止留數千賊攻城駱國忠等
派兵由西門殺出連日鏖戰生擒逆首孝天義朱衣
點殲匪極衆遂於十九日解常昭城圍計常昭一城
孤懸賊中與松滬各軍聲勢阻隔凡血戰苦守七十
餘日殲賊不知凡幾

陝西軍收復紫陽縣

髮捻各逆自興安分股竄陷紫陽縣旋爲地方官環

平定粵匪紀略

卷十五

八

羣玉齋

攻收復逆衆復撲漢陰廳石泉縣十餘日之久在事
官紳以少擊衆力解城圍

江北之浦口江浦兩城復陷並失橋林要隘李提督引
咎自請革職

江北李提督世忠督兵分營於浦口以圖九洲洲被
逆二萬餘衆圍攻斷我糧道各將弁堵禦兩晝夜軍
火不繼勢難再振遂撤回江浦城內逆衆繞城密困
水泄不通城中糧藥均罄各將弁冒死潰圍而出其
橋林營盤復被賊衆六七萬攻陷李提督具呈自請

革職撤去勇號由曾大臣代

奏奉

旨失守各營實因糧盡援絕衆寡不敵尙非有心貽誤上年攻克六合等城頗著戰功加恩撤去幫辦軍務免其革職以示薄懲

江南水陸各軍在蕪湖金柱關累月苦戰克復要隘

上年十一月以後偽侍王李侍賢自金陵敗遁糾悍賊數萬屢犯金柱關累月不息凡拒賊於花津上駟渡三汊河薛鎮新圩角梅塘背等處我軍皆獲全勝

平定粵匪紀略

卷十五

九

華王齋

復攻破涂家渡萬頃湖賊黨卡壘蕪湖防軍亦勦賊於南新圩三不管等處平毀四壘二月初四日灣沚踞賊將犯我清水河水師營官萬化林等乘夜潛往適浙江提督鮑超新破西河之賊派舢板船從清弋江而下合力猛攻於濃霧中分水勇爲旱隊在街口積薪焚之羣賊猝不及防出巢分竄我軍遂復灣沚一隘三月初十日三里埂之賊退併黃池萬化林等飛駕舢板直逼黃池石壘之下逆衆自恃岸峻壘堅列礮以待萬化林奮力仰攻復帶數哨登岸與水面

戰船摩壘夾擊各賊驚潰立克黃池剗平石壘總兵朱南桂等陸軍約會水師亦於是日盡破伏龍橋護駕墩花津賊巢羣賊遁往金寶圩溧水丹陽一帶

三月上海軍攻克太倉州生擒首逆

上海軍攻克福山常昭解圍後太倉踞逆偽會王蔡元滙畏懼聲威遞稟乞降李巡撫許之命統領李鶴章與總兵程學啓率師往賊期於三月初九日駐隊四門迎師我軍嚴陣以待鶴章軍已渡河將入城東南門各出賊數千裹白巾乍變伏賊盡起我軍急退

平定粵匪紀略

卷十五

十

華王齋

鶴章傷足幾及於難時學啓方扼西門猝見賊舟八十餘隻賊數千名自崑山來城賊與語甚矍疑而爲備賊果以千人出犯學啓督軍奮擊始退十一日賊復犯婁塘前敵營擊走之李巡撫得報檄戈登李恒嵩統常勝軍赴攻十二日常勝軍毀南門賊卡十四日賊際天福李文熙率礮船截河口程學啓以洋槍隊襲其後而自督水陸迎之賊皆殲焉竝敗城中援賊戈登以大礮毀二石壘十五日鶴章軍南門防竄賊列礮轟裂城垣十餘丈各軍越濠而進賊走南門

不得出將城內賊匪萬餘名悉數圍殺即日克復州城李巡撫督飭各軍乘勢進攻崑山

逆匪疊撲石澗埠及廬江舒城桐城會營各軍力卻之偽忠王李秀成於三月初二日犯石澗埠近逼我營守將毛有銘劉連捷等密飭士卒穩守營寨以觀其變初三等日賊衆數萬撲近濠邊我軍槍礮環擊殪其前鋒賊曾晝夜猛攻相持不下初七日毛有銘潛出銳卒焚其積草劉連捷復於初七日派隊毀其攻具賊於前營復增壘盈百層層合圍時江蘇布政使

平定粵匪紀略

卷十五

十一

羣玉齋

曾國荃升授浙江巡撫爾辦金陵軍務聞警即派記名道彭毓楠率隊倍道而至彭侍郎亦派隊渡江來援遂與提督蕭慶衍會於黃淮河十六日彭侍郎親督水師至海子口遣死士約期會戰是夜彭毓楠攻皇圖寺蕭慶衍攻迎珠塔號礮一發毛有銘即衝出重圍會合夾擊盡洗羣壘忠逆向小嶺開成橋而遁賊之大股先於十二等日逼犯廬江十九日忠逆大股自石澗埠而來圍撲城池曾大臣飛檄浙江提督鮑超以援江之師轉援廬江而賊已於二十日經廬

江守將擊敗西竄二十一日突攻舒城安肅道蔣凝學設伏大敗之維時髮逆馬融和等由豫間道至犯皖境馳至銅城湖南提督周寬世出戰三里街賊大懼遁往孔城鎮與忠逆合而爲一

浙江江西官軍會克安徽黟縣城

逆匪竄聚皖南之黟縣祁門圍竄江西王文瑞等擊賊於七里橋小路口千佛橋等處斃賊七八千名生擒八百餘名陣斬偽佑王李遠繼其黟縣踞賊經江西沈巡撫葆楨派同知直隸州王沐督軍與升授閩

平定粵匪紀略

卷十五

十二

羣玉齋

浙左總督宗棠所派援皖之師分路進勦三月十四日江西官軍於柘木嶺左右斃賊百餘名賊向雙流溪而遁又敗之於李坑口茅蓬店高嶺脚賊歸黟縣四五都老巢十七日浙江臬司劉典會軍分攻賊傾巢而出官軍左右夾擊賊勢不支紛紛潰敗當將黟縣城池克復王沐等督軍進紮黟縣迭擊撲營悍賊陣斬偽綯天義古文祐追至羊機嶺敗賊向嶺外逃竄共蹋平賊壘二十餘座斃賊近二千名嶺內一律肅清

江西軍復破賊於祁門

三月十五日偽堵王黃文金合許家山等處踞匪率悍賊十餘萬由祁門進逼與參將韓進春對河而陣韓進春飛調兩路馬隊及左右營助戰槍礮環施殲其前鋒甚多賊仍屹立不動將士奮力死戰賊始披靡血戰四時殺賊千餘名並將陣斃之偽孝王胡鼎文梟首示眾

四月李秀成大股進圍六安州官軍固守鮑軍往援追克東關銅城插兩隘

平定粵匪紀略

卷十五

三

李王齋

偽忠王李秀成前隊衝至六安州之十里舖候補道曾廣翼署知州何家驄與副將王臨祥袁秀林力籌守禦三月二十四日賊以大股繼至自東南迤北而西面面結壘二十五日賊分三路來攻將抵城下城垣久為風雨所損猝傾六七丈羣賊大呼擁入王臨祥麾兵攢刺擲尸城下曾廣翼袁秀林飛騎馳至悉戮進口之賊槍築木城二道二十七日賊眾傾巢出犯我軍復擊退之二十八日曾廣翼等令勇士縋城馳擊斃賊數名三十日又縋士出襲擄糧之賊斬偽

平定粵匪紀略

卷十五

四

李王齋

富天豫張承德等適會大臣派援之浙江提督鮑超將至舒城賊遂於四月初二日解圍遁去鮑超追擊從柘臯進兵以攻巢縣之北記名按察使劉連捷提督蕭慶衍等從迎珠塔進兵以攻巢縣之東彭侍郎謂欲圖巢縣必先力取東關銅城插派水師會合劉連捷等專攻東關初六日夜劉連捷令師船由蟹子口潛渡陸師緣隄而進設伏九峰山下另遣勇士數十人從東關近處暗渡毀棚越濠肉薄登壘各軍奮力繼進賊惶懼而遁復經伏軍衝殺立破石壘遂於五更克復東關黎明七陳邨等處之賊來援我軍分路搏鬪盡焚各賊卡館而還其攻銅城插之蕭慶衍等各軍於初六日過八角廟下寨奮攻一日夜賊黨伏匿不出乃留隊扼守八角廟率師移勒百旺市五顯集一帶先清銅城插之後酣戰數時將兩處卡壘一律平毀振旅而還水師乘勢猛攻陸軍亦萬槍齊放踴毀南街土壘遂攻破銅城插一隘駢尸塞道無一得脫而林頭鎮另服亦為水師擊走

上海軍攻克崑山新陽縣城竄賊擒斬殆盡

逆首偽大將夏天義等率悍賊數萬久踞崑山新陽縣城李巡撫自克太倉卽令戈登統帶常勝軍與總兵程學啓等各軍分路進剿直逼賊巢偽慕王譚以沈由蘇城糾合大股來援爲水陸各軍擊退斬首百餘級慕逆復於北門一帶紮營環逼參將周良才等督兵奮擊戈登放炸礮助之連破賊營二十四座殺賊逾萬程學啓察看地勢知正義鎮爲蘇賊援崑必由之路因於四月十二日與戈登駕坐火輪船繞赴

平定粵匪紀略

卷十五

五

羣王齋

正義鎮率同總兵郭松林等分頭攻勦破石壘兩座慕逆見歸路已斷出賊三四萬人奪路狂奔伏兵截殺水師礮船連環轟擊賊不能支紛紛回竄我軍分路直抵城下各駕雲梯蟻附而上遂於十四日克復縣城前後生擒悍賊七千餘人轟斃二三萬人落水死者無算

會營水陸各軍會克巢縣含山和州三城

我軍自克復東關銅城橋後大戰於笄箕山逼紮望城岡四月二十二日水陸兩軍進攻巢縣賊踞城壘

矢石交下相持竟日二更後水師環隄猛擊悉焚湖

中賊划毀其浮橋記名按察使劉連捷自河南飛騎馳至共破沿河六壘羣賊競向東門回城我軍卽躡蹤從東門而入別隊由南門攻入適浙江提督鮑超亦派數營從廬州西來遂於二十二日夜克復巢縣二十四日劉連捷等及提督蕭慶衍一軍與鮑提督會師於含山賊已宵遁鮑提督以賊去未遠星夜往襲和州比入州境水師已駛入和州港內城賊逃遁不及半聚壘中大怖乞降盡釋脅從斬其頭目以徇

平定粵匪紀略

卷十五

六

羣王齋

於是各整部伍入城休息
上海軍克復楊舍汎城

我軍克復福山其沿江上海爲江陰縣縣屬之楊舍汎爲江邊著名險要距常熟江陰各五六十里賊匪糾衆死守以蔽江陰總兵劉銘傳等督帶兵勇進紮鹿苑步步近逼黃提督翼升親督水師沿江兜擊賊衆分黨來援自四月十六至二十一等日先後擊退二十二日官軍分路猛攻大呼登城守城悍賊二千餘名殲戮殆盡擒斬首逆趙尙林等多名立將楊舍

汛城克復

浙軍截抄富陽新城援賊

浙東肅清後左總督統軍攻富陽以進規杭首偽聽王陳炳文等率匪黨由餘杭趨臨安圖竄新城以襲官軍後路經道員魏喻義等督兵進抄殲賊千餘賊復乘霧分道來犯攻撲新城官軍俟其近城礮石交下斃賊不計其數提督高連升等又督兵往援賊眾拋棄攻具向臨安路鼠竄而去

江甯陸師攻破雨花臺偽城及聚寶門外諸石壘

平定粵匪紀略

卷十五

七

羣玉齋

偽忠王李秀成自六安戰敗率眾東竄紛傳將回救蘇州李巡撫致書曾巡撫囑其力攻上游以分賊勢毋令忠逆得以全力援蘇曾巡撫以忠逆回救蘇州固可慮尤虞其直犯揚州計莫如急爭金陵老巢使無暇他顧乃於四月二十七日令各軍多備攻具乘夜出隊以總兵李成典等專攻雨花臺石城副將趙清河等攻聚寶門外南卡石壘總兵晏澧邁等攻西卡石壘副將何玉貴等攻東卡石壘二更時潛抵石城石壘東草填濠架梯欲上賊眾驚覺燃礮外擊勇

隊少卻李成典率旂直前諸軍分擲火毬火箭悉入石城天漸燭明副將趙三元等分督各隊肉薄齊登敵樓火發逆勢不支當將偽城攻拔其聚寶門外九石壘亦經趙清河等奮力平毀餘賊竄逃我軍追過長干橋逼入水者無數城內之賊潛出大股接戰復經各軍截勦敗竄回城

雲貴勞總督由川入黔中途擊敗髮逆

勞總督崇光赴雲貴任由四川彭水入黔甫抵綏陽適偽翼王石達開餘黨萬人竄至勞總督馳抵旺草

平定粵匪紀略

卷十五

六

羣玉齋

汎民寨猝然號召鄉團分投部勒連日轉戰斃賊數百人竝飛調總兵沈宏富馳至會勦四月初八日軍練分道竝進殺賊千人生擒一百餘名賊匪由山迺小路遁竄各團四路兜截復殺賊數百名適沈宏富等渡河追至匹馬衝鋒各勇齊心奮擊追殺二十餘里斃賊三四千人生擒五百餘名賊由合面山遁回五南坪

川軍勦滅巨股生擒逆首石達開

偽翼王石達開與偽北王韋昌輝分爭後率其死黨

四竄屢犯浙江福建湖北湖南廣西廣東等省邊境
竝擾及滇黔蓄意入川以圖竊據疊經官軍堵截復
分股旁竄牽綴大兵而自率大隊由雲南之米糧壩
渡金江經駱總督派總兵唐友耕知府蔡步鐘等調
集漢土各兵分紮沿河要隘四面兜勦三月二十七
至四月初四等日屢次搶渡均被我軍槍礮轟擊無
一生還遂撲松林小河以冀直趨天全土千戶王應
元等扼河力戰斃賊數千人十二三等日都司慶吉
土司嶺承恩等率兵夜劫賊壘斃賊無數遂將馬鞍

平定粵匪紀略

卷十五

九

羣王齋

山占住絕賊糧道蔡步鐘亦派兵過河殺斃數百名
石逆自知陷入絕地傾巢而出圍撲大小兩河唐友
耕等督兵迎勦擊沈登筏賊多名二十三日石逆親
擁大眾水陸分撲官軍沿河用火彈火箭拋射竝以
槍礮轟擊都司謝國太參將楊應剛等由松林小河
馬鞍山兩路齊進直撲紫打地方將賊巢一律焚毀
斃賊數千名其逃竄之賊復經漢土兵練兩面夾擊
賊眾墜巖落水浮尸蔽流而下者以萬餘計石逆率
餘黨七八千人奔至老鴉旋復爲土兵截殺石逆等

進退無路倉皇失據爲楊應剛等擒獲解省訊明極
刑處死竝於起解石逆之夜將餘黨三千餘人以火
箭爲號同時圍殺淨盡溯自洪秀全粵西倡亂僞王
五名僞南王馮雲山僞西王蕭朝貴均先在湖南擊
斃僞東王楊秀清僞北王韋昌輝自相殘殺族滅惟
僞翼王石達開素蓄大志假仁義以籠絡其下賊爭
附之藉與韋逆分顏獨樹一幟幾不可制至是爲川
軍擒戮五僞王全滅天下快之

五月會營水陸各軍會克江浦浦口二縣草鞋夾燕子

平定粵匪紀略

卷十五

三

羣王齋

磯等數隘進破九洲洲賊營江面一律肅清
我軍自攻克巢舍和三城及雨花臺石城後羣賊大
駭兼以上海各軍既克崑崙新將圖蘇郡逆眾倉皇失
措紛紛南渡天長六合來安等處次第解圍浦口之
賊棄城遁走江浦之賊獻書詣營乞降浙江提督鮑
超記名按察使劉連捷察知其詐於五月初九日引
軍疾進提督蕭慶衍亦引軍來會進次江浦賊已聞
風宵遁遂將江浦浦口一併收復沿途追勦抄過賊
前賊正竄九洲洲賊不納被我舟師截江圍勦死

者駢積以數萬計初十日我軍將有事於九洲洲會
 巡撫乘夜至新江口與彭侍郎福建水師楊提督岳
 斌會勘該洲在驚流急湍之中高峙偽城難於猝取
 計莫如先攻南岸諸隘以撤其藩籬十二日派總兵
 丁泗濱等為頭隊從下關進總兵喻俊明等為第二
 隊從草鞋夾進調派既定各將弁循南岸飛駛而下
 將遠賊巢賊眾萬礮齊轟猝不得近我軍豫以枯荻
 灌油縱火江上焚賊舟數百眾勇乘勢薄壘從煙火
 中捨險而入立平下關草鞋夾八賊壘十四日分兵

平定粵匪紀略

卷十五

三

羣王肅

襲破燕子磯殺賊毀壘而還先是楊提督詢知北岸
 叢莽中有堤埂一道可達九洲洲賊濠之外至是商
 令劉連捷等陸師數隊由堤埂闕處馳水進十五日
 會合水師大舉進攻人殊死戰槍礮對轟片刻不息
 至日晡城防少懈乃於初更時移船潛近賊壘乘西
 南風縱火立焚賊船數隻風烈火猛延及洲上卡房
 各軍大呼升岸躍過重濠肉薄齊登前鋒既殪後者
 更進二更後越牆撲入聚殲羣賊無一脫者遂奪九
 洲洲偽城長江一律肅清

上海軍會勦江陰無錫援賊攻克南北涇各郵鎮

自克楊舍汛後李巡撫令統領李鶴章會督各軍進
 紮常熟縣之王莊與黃提督劉銘傳等力禦援賊章
 護普潮侍五偽王率黨八九萬圍援江陰窺竄常熟
 自江陰界之顧山至無錫城外連亘數十里賊營密
 布其江陰另股於五月十四五日圍撲楊舍經劉銘
 傳痛勦擒斬逆匪千餘人偽忠王復渡江回援將合
 五逆之眾分路內犯李巡撫與黃提督等定議滾營
 前進以銘傳七營之眾進北涇攻其左總兵郭松林

平定粵匪紀略

卷十五

三

羣王肅

吳建瀛副將黃中元所部八營進南涇攻其右總兵
 勝嗣武張樹聲周盛波所部八營進麥市橋為中路
 三路各增三營以厚兵力黃提督水師各營分助之
 鶴章自率馬隊列陣顧山以督戰別遣將周壽昌黃
 金志進張涇備無錫援賊二十一日分路殺賊均有
 斬擒二十二日銘傳嗣武軍焚賊船於麥市橋時賊
 勢甚熾而無錫賊由張涇至鶴章望見之恐壽昌軍
 單急遣馬隊助勦敗之於嚴家橋賊退屯長涇鶴章
 因令中右軍大隊伏河岸偽欲潛渡而水師急進南

濶焚賊船松林乘間越南濶趨長涇賊大駭愕我軍
 衝陣血戰賊大潰追之至祝塘而北濶賊援長涇欲
 斷我軍歸路建瀛中元之軍敗之時酷暑將士飢渴
 乃罷戰其夜李鶴章傳令諸將乘月上潛劫賊營並
 令大隊伏要口四更後各路火器齊發檣礮如雨逆
 衆紛紛奔潰水陸官軍鼓譟而進劉銘傳攻破北濶
 賊營二十七座滕嗣武攻破麥市賊營二十三座郭
 松林等攻破南濶賊營三十五座擒斬逆衆六十七
 名戰至天明江陰無錫援賊由跨塘橋長涇等處分
 路來援與敗賊合隊迎拒各軍以小隊衝進以大隊
 圍襲之戰不數合賊反奔追至八字尖竹塘等處沿
 途殺斃溺斃八九千人踴毀賊營賊卡一百餘座計
 二日一夜生擒偽王宗偽朝將偽主將及義安福燕
 豫五等之逆百餘名悍賊五千餘名毒斃斬斃萬餘
 名溺死者無算焚燒賊船七十餘隻奪獲賊船三十
 餘隻馬五百餘匹偽印二百餘顆檣械數千件顧山
 以西縱橫七八十里一律肅清銘傳仍駐楊舍黃提
 督水師駐大河六月初旬賊疊撲楊舍別股又擾長

涇以綴大河援楊舍之軍均擊走之

江西浙江兩軍會攻饒州府屬之陶家渡賊壘

逆匪竄擾江西饒州府屬盤踞陶家渡五月二十四
 日浙江臬司劉典親督各軍分路進攻逆衆蛇伏牆
 內環放洋槍守備楊旬德等首先衝入以火箭噴筒
 焚毀更樓木椿各軍從烈燄中奮勇而進斃賊甚多
 次日參將韓進春等復督隊進攻逆匪大股乘夜從
 僻徑潛遁仍留死黨數千踞壘抗拒二十六日各營
 分路追勦截殺無算旋即衝入賊壘風迅火發餘逆

潰敗棄巢而遁

六月上海軍攻克花涇港同里鎮賊壘收復吳江震澤
 二縣

蘇州踞逆以吳江震澤二縣同城當江浙之衝為嘉
 湖援賊必由之路添聚賊黨分紮花涇港同里鎮等
 處李巡撫將圍蘇州乃令程學啓以水陸十三營與
 戈登李恒嵩常勝軍乘船至九里湖距花涇港同里
 鎮均十餘里留三營扼湖口而自督各軍會戈登取
 花涇港十二日學啓督副將歐陽利見敗賊於夾浦

破其石壘十三日官軍水陸並進張光太等將湖北賊壘踴毀生擒五百餘名潰賊鬼水遁官軍以槍礮排擊斃賊數千蘇州賊酋突率二萬人礮船一百餘隻由尹山橋圍攻花涇港石壘程學啓親督水陸各軍往援分抄賊後經副將劉士奇奮勇夾擊賊即潰遁將同里賊營攻克李恆嵩知官軍攻勦同里之際城賊必不為備先將北門外賊卡踰毀並將回竄之賊擒斬淨盡十四日程學啓督軍進逼城根合力攻勦守賊自知不敵開門出降吳江震澤縣城即於辰

平定粵匪紀略

卷十五

五

羣玉齋

刻收復程學啓督四營籌城守十六日嘉興援賊數萬至南門程學啓率眾掩擊敗走之而分路設防以備嘉興蘇州援賊時賊連犯夾浦由平望窺同里鎮後路又直犯同里均擊退李巡撫乃謀取江陰嘉善以分賊勢

平定粵匪紀略卷十六

境肅清

同治二年七月曾營湖口各軍攻毀文橋賊壘江西全境肅清先是偽堵王黃文金糾合諸賊酋於二月由皖入江分擾鄱陽浮梁祁門都昌境內屢為浙江援軍與江西防軍所扼不得深入乃折而西竄趨湖口分為三路上路由文橋中路由梧桐嶺下路由太平關而文橋賊勢最重堵逆親踞其中浙江鹽運使李榕統帶鈞字營自彭澤項家山一捷後聞湖口告警於五月

平定粵匪紀略

卷十六

一

羣玉齋

十四日至湖口之三里街提督江忠義亦自九江東渡來會紮堅山以逼之六月十七日賊自文橋撲犯堅山營盤江提督令各營直前迎敵適李榕亦率隊會勦賊始卻退十九日賊以大股匿於酬山以小股誘戰江提督戒堅壁不動賊始計沮悉眾來攻我軍但以槍礮外擊忽有一酋指麾眾賊賊無反顧者江忠義詢之降卒知為堵逆聚槍一發應聲而仆賊眾爭昇以行相率奔竄堅踞文橋不復出戰二十八日敗賊於陳兵馬地方二十九日復在花尖山毛家店

鏖戰會浙江援軍按察使劉典及席寶田顧雲彩屈蟠各軍擊賊於南路青山橋斬賊二千有餘屈蟠復敗之於段家洲賊始有退志七月初三日夜江提督在堅山營中俯瞰文橋七壘火光熒熒若隱若現度賊將遁遂約李榕出隊會勦賊不虞我軍猝至惶懼無措各勇踰濠蟻附而升立將文橋七壘平毀日夜追勦直出建德所屬之羅家畝積尸塞道時僑祐王率援賊數萬抄出官軍之後都司夏基鴻等斂衆血戰短兵相接以一當百賊始大潰向建德遁去各營

平定粵匪紀略

卷十六

二

華玉齋

裹糧窮追殲斃無數江西境內一律肅清

上海軍攻毀太湖賊營直逼蘇城並進攻江陰蹋平附

城賊壘

上海官軍自攻毀沿湖賊卡後程學啓至吳江與太湖水師會夾浦口督師船槍隊嚴陣而前盡下沿湖賊卡湖濱有大關口逆衆憑湖設立兩營一卡堅守死拒爲蘇嘉賊之津渡七月初七日學啓率親軍礮隊當中路太湖水師四營分攻其東西歐陽利見截賊後先敗東山援賊學啓謂賊營如鳥翼當先攻北

岸遣敗死士五百越水夜襲之開礮環擊轟斃悍賊無數左有才等督軍奮勇先登歐陽利見等截扼飛虹橋口並斬斷浮橋賊不得遁悉數殄滅斃賊首徐尙友一名其南岸賊營望風奔潰官軍乘勢追殺並將洞庭東山打館之賊全行誅戮計斃二千餘人落水死者不計其數程學啓等遂督軍圍逼蘇州進屯跨塘鳳凰頸唐家濱水師進金雞湖獨池湖大牛橋陽城後湖與婁門葑門相距數里而太湖水師亦泊南舍鎮時總兵劉銘傳將攻江陰統領李鶴章先遣

平定粵匪紀略

卷十六

三

華玉齋

七營至楊舍助之初七日敗賊於黃山及東門外斬首數百級生擒百餘名獲偽安福等數名逆衆於城外四門分營踞守劉銘傳於十一日蹋毀北門賊壘十二日各營會攻東門將石營三座次第攻克並將逆衆歸路截斷四面兜殺生擒偽天將及偽燕侯等十餘名斃賊千餘名擒斬賊首二十餘名各軍已滾營進紮逼城而陳

克復楓涇鎮並浙江嘉善縣之西塘鎮
逆匪大股拒守楓涇鎮李巡撫派令編修劉秉璋等

各營進紮官塘七月十二日賊衆撲拒道員潘鼎新帶隊迎擊斃賊多名賊敗回巢濠牆甫就賊復來撲勢甚兇猛潘鼎新令洋槍隊排擊燃礮猛轟各營分路包抄逆衆驚潰擒斬百餘名奪獲槍礮旂幟無數十三日劉秉璋等三路並進賊匪不出各營連放炸礮轟倒石壘數處忽浙江嘉善縣援賊大至楓涇逆匪突出數股迎拒游擊蔡渭川等開礮猛攻自辰至午木椿盡拔遂分隊繞過賊營之西將援賊擊退副將楊鼎勳等帶各營由浮橋渡河繞至賊營東北逆

平定粵匪紀略

卷十六

四

羣玉齋

衆憑河抗拒官軍直撲東柵兩石壘逆衆施放槍礮子落如雨楊鼎勳督勦愈急兵勇緣牆而上噴筒火箭齊施賊營登時火起悍賊均被焚死左旁壘賊奪門出竄斬賊數十名餘悉就擒街中踞逆膽落驚走各軍趁勢追殺復奪石壘一座賊卡七處計焚溺殺死賊三四千人生擒五百餘名我勇傷亡百數十人是日都司曾守忠督礮船由楓涇西路亦將茜涇塘賊壘一座攻克自楓涇克復後嘉興平湖乍浦各賊來援嘉善者約三四萬人分踞於千窰西塘等處綿

平定粵匪紀略

卷十六

五

羣玉齋

亘二十餘里十八九日各營水陸齊集秉璋等由楓涇進西塘太湖水師二營來會淮揚水師張元龍由蘆魁塘攻西柵楊寶勝朱開泰由楊匯攻北柵援賊分路迎拒另股由千窰出撲經水師擊退烏涇塘大路之賊擁擁而來鎮賊亦由南柵衝出楊鼎勳飭勇排放洋槍斃賊無數賊潛分兩翼從東西街口撲出楊鼎勳膝受槍傷裹創力戰官軍勇氣百倍賊隊稍稍搖動參將江福山先由馬鳴庵橫河衝入烏塘斷千窰之道副將熊殿元銜尾連進環施排礮復出隊登岸斷賊往來之路逆衆首尾不能相顧英國人馬格里以開花礮轟擊大隊悍賊斃十餘人楊鼎勳等督勇四面兜殺逆隊紛紛墜河生擒七百餘人內有洋匪七名爲賊領隊立時傷斃副將張元龍等分攻北柵西柵各斬賊數百人生擒數十人當將逆壘攻克西塘鎮一律肅清餘賊竄併千窰一路二十一日復派游擊劉起帶隊進勦甫至中界賊衆出拒劉起首先衝入殺騎馬賊目一名各勇奮呼直前賊遂驚潰蹋破石壘一座土壘兩座計斃賊二三百名生擒

五十餘名餘賊遁入嘉善城統計擒斬溺斃悍賊四
五千人獲逆首偽王宗廖姓偽鑼天安施得桂偽敬
天福汪敬之偽鏗天侯曹盛勇訊明正法我軍傷亡
不及百人

八月上海軍克復江陰縣

江陰踞逆日久百嶠李巡撫督飭總兵劉銘傳等帶
兵進攻屢獲奇捷賊勢漸蹙七月十三日逆首陳坤
書及潮逆武逆齊逆區逆五大股糾衆十餘萬人由
常州等處分道來援綿亘數十里統領知州李鶴章

平定粵匪紀略

卷十六

六

華玉齋

由常熟至以洋槍隊敗之因賊衆我寡久恐難支立
調副將張樹珊等由常熟福山馳往救援並調總兵
郭松林等八營橫衝賊後勒破祝塘璜塘賊巢乃出
周莊與樹珊會且戰且進沿途擒斬四五千入直逼
城邊李鶴章劉銘傳周覽縣城四圍賊勢西自江邊
東至山口沿途紮木城十餘座其中石營土壘木卡
大小百餘座守禦極堅因合水陸各營分路進攻豫
爲部署七月二十九日五鼓郭松林督樹珊等七營
馬隊埋伏山後劉銘傳由中路進副將周盛波周盛

傳循城出其右先擊東南大隊援賊又以四營出城
西綴無錫援賊而黃翼升水師扼江干會勦誘賊出
敵自辰至巳逆衆隊伍林立層層抵拒郭松林忽自
山後翻上逆衆拚命血戰郭松林大呼殺入橫衝直
突逆衆尾隊撤動頭隊遂亂劉銘傳張樹珊揮衆直
搗中堅賊遂大潰各軍追殺人馬自相踐踴死者山
積其附城踞守各賊營見援賊敗走惶惑不定我軍
乘勢促之將沿河木城石營土壘木卡百餘座一律
掃蕩添調洋槍隊並帶炸礮乘勝轟擊先將石營一

平定粵匪紀略

卷十六

七

華玉齋

座轟塌各勇越濠踰牆逆遂棄營而走其餘各營之
賊悉被殲擒提督黃翼升又將極西山邊賊營攻破
於是城外各股援賊勦逐淨盡李鶴章飭各營將該
城四面圍困七月三十八月初一等日官軍分投攻
打破力所及賊塚望樓大半塌毀賊有內應者是夜
三鼓兵勇緣梯而登隊伍相繼呼聲大震守賊下城
巷戰我軍槍礮密如雨集賊衆披靡偽廣王李愷順
墮水死間有小路衝出之賊又被官軍擊回無得脫
者當將江陰縣城克復

上海軍攻克蘇州寶帶橋賊壘

總兵程學啟進規蘇州營於外跨塘距婁門七里時附城賊壘十九礮遠不能及八月初四日學啟至永安橋賊由婁葑齊三門出學啟以水陸三路當之賊援賊遂營於永安橋壘有擒斬城東南寶帶橋為太湖鎖鑰賊立石營一土營三悉力拒守學啟與戈登謀先取之時官軍雖屢捷而賊壘堅固猝不得前因先期令陳東友成俞聊統礮船下黃天蕩李朝斌水師入寶帶橋與陸師會十一日偽忠王李秀成自金陵返蘇州圖解圍十六日水陸皆至宋有勝張行科襲其右陳忠德朱定元襲其左李朝斌督水師八營入尹山橋為中路洋將戈登龐發乘輪船繼之先攻土營賊棄壘奔石營亦旋潰追至盤門沿途截殺平燬賊卡十餘座李秀成親率悍逆來援學啟督飭諸軍擊卻之分扼水陸要道屬戈登龐發駐守寶帶橋李巡撫又檄張遇春等四營往助

平定粵匪紀略 卷十六

八

李王肅

浙軍克復富陽縣

逆匪竄併富陽負隅抗拒左總督派令藩司蔣益澧

平定粵匪紀略 卷十六

九

李王肅

督軍圍攻八月初七日益澧令游擊徐文秀進攻雞籠山賊壘副將楊政漢等攻倚城賊壘自率親兵奮戰逆眾見官軍大至齊出猛鬪徐文秀等督隊奮擊攻破頭層賊壘逆眾拚死回拒槍礮如雨官軍鼓譟大進游擊余朝貴繼之槍入二層賊壘賊勢不支余朝貴等復奮力衝殺斃賊百餘名將大小賊壘賊卡盡行攻破新橋出賊千餘來援亦經徐文秀等擊退益澧令徐文秀等因賊舊壘背水結營其原泊江中拖罟廣艇及對岸大小礮船連放炸礮向城轟擊城賊大震楊政漢等會同洋槍隊攻倚城大壘城賊出墜來迎益澧令副將劉清望等助戰徹夜轟擊城賊壘賊中傷者不計其數初八日黎明益澧親督參將李運榮等馳往助勦官軍倍加奮迅首先攻破賊壘一座賊勢靡亂不敢入城向新橋一路逃竄總兵王月亮等率所部截殺又斃賊數百名徐文秀等由雞籠山繞出新橋併力追殺遂將富陽縣城克復其新橋各營踞逆經高連升等督率各營亦於是日分道進攻該逆出悍黨萬餘迎敵諸軍奮力痛擊立破賊

壘六座殺賊數百名劉清亮等亦踞平賊壘五座
賊七百餘名徐文秀等督兵追至合兵長驅大進共
破賊壘三十餘座沿途斃賊無數內有賊目多名生
擒七百餘名奪獲旂幟千餘面輜重器械馬匹偽印
無算富陽一城爲杭城鎖鑰逆賊久踞堅守與新橋
賊壘相爲犄角此次各軍晝夜環攻將賊壘悉數殲
除足以振軍威而寒逆膽

江甯陸軍毀上方橋江東橋諸賊壘

自逆賊占踞金陵逆酋楊秀清布置最密城外如九

平定粵匪紀略

卷十六

十

華玉齋

洲洲七里洲中關下關雨花臺紫金山秣陵關江東
橋上方橋等處類皆築壘如城掘濠如江爲堅不可
拔之基經曾巡撫攻克數處聲威已震七月初復攻
克印子山賊巢當以江東橋爲西南要隘飭候補道
陳湜圖之上方橋爲東南糧道飭提督蕭慶衍圖之
七月二十日蕭慶衍出印子山之東逼壘下寨二十
二日曾巡撫復派數隊滾營而進更紮蕭慶衍新壘
之前昇巨礮晝夜環轟賊衆堅壁不出曾巡撫於二
十九日潛遣總兵熊登武等繞出上方橋槍築大小

營以截賊後賊糾衆來撲復敗之蕭慶衍知壘賊計

窮傳令各營於夜半擁至濠邊大呼猛進比賊驚覺

軍士已半入壘中抽刃環刺悉就誅戮立將上方橋

堅壘攻毀其江東橋石壘既堅且高外隔水二道賊

有險可倚負固拒守攻逾月未下八月十一日夜風

霾蔽月咫尺莫辨陳湜選銳卒數百涉流而渡特製

絕大噴筒向壘飛擲賊方驚眩不已我軍已衝過浮

橋陳湜督大隊繼進有緣梯而上者有向礮眼中蛇

行而入者遂拔石壘並將衆壘一鼓下之城出援

平定粵匪紀略

卷十六

十一

華玉齋

之賊適遇總兵蕭孚泗自賽洪橋突出搏鬪移時亦
受創而遁

青陽防軍固守三十八日援師大捷立解城圍

偽堵王黃文金等七悍酋擁十數萬衆在都昌湖口

彭澤一帶戰敗而東遂略池州直薄青陽城外不數

日間近城半里環築六十六壘又數里築七十餘壘

八月初旬以後無日不戰戰或小勝而守將朱品隆

病甚勢漸不支浙江鹽運使李榕於八月初十日率

隊至洪山口攻破袁橋賊卡城中亦出隊應之十八

日會大臣所訓之總兵喻吉三陸師及彭侍郎所派之總兵喻俊明水師進紮徐家邨提督江忠義記名道席寶田亦先後踵至衆心稍安二十一日喻吉三等有袁橋之捷二十四日席寶田由五溪橋踰嶺攻破賊卡賊匪驚潰軍勢至此一振適彭侍郎來自池州周歷形勢於二十七日商令江提督等軍出董家邨山後包抄派各軍分路接應五更專食江提督親督所部行近董家邨解衣覺水渡河從山後榛莽中緣巖而上盡殺巖腰之賊驟攻賊壘賊黨糾合大股

平定粵匪紀略

卷十六

三

畢玉齋

冀抄我軍後路江提督揮隊直前縱橫盪決喻吉三亦麾軍助戰賊隊敗若湧潮中路堅壘既下左路二壘悉平適李榕由獅子山繞至邨口賊衆駭奔遙望西北附郭一帶烟燄蔽天知守城之軍自內擊出一鼓猛進悉平一百三十餘壘殲逾萬人餘賊遁歸石埭一路青陽之圍立解計防軍若守三十八日米盡食馬馬盡掘麻根以充腹麻根漸盡而援兵至矣逆匪自江西各路所擄米穀不下三四萬石全爲我有上海軍進攻無錫擊敗水陸援賊

李巡撫議進取無錫八月十一日派郭松林督隊至緱山十二日破賊營於新塘橋並敗援賊二十日統領李鶴章令張樹聲滕嗣武列隊芙蓉山立營以禦賊突有逆衆七八千人出惠山西北塘頭嚴埭來撲各軍迎前擊退追入嚴埭王東華水師從大圩駛入夾擊連奪賊卡乘勝追至城根立將西北兩門各賊壘一律平毀李鶴章復飭各隊分路進攻均有斬擒並焚燒舢板賊船十餘號二十六日偽侍王李侍賢等合股內犯由無錫南門至坊前梅邨三十餘里逆

平定粵匪紀略

卷十六

三

畢玉齋

氛甚熾高橋大股亦分衆七八千人擾至西高山出芙蓉山後城賊出北門犯塘頭東亭二十八日官軍分路迎勦郭松林督帶馬隊衝出東路設伏誘擊賊隊大亂悉自梅邨坊前敗走張樹珊滕嗣武等軍由東王橋包抄夾擊擒斬千餘人逆衆復出礮船數十號抄襲張樹聲由東亭迎勦揮隊截擊並飭礮船助勦將陸路之賊殲戮殆盡並奪獲賊船五六十號民船四五百號生擒賊目三十餘名西路高橋大股及北門出竄之賊亦經周盛波等奮力擊退偽忠逆復

糾合水陸賊匪十餘萬由蘇州竄出帶火輪船開花
礮船多隻直犯大橋角營李鶴章督軍飛援周壽昌
率親兵數十人向輪船施放火箭箭入藥舵轟燃火
發並燒毀長龍炸礮船兩隻舢板船六隻焚斃逆匪
二三百名對河悍逆復由浮橋偷渡圍逼官軍營盤
由西面填濠拔樁越入吳勝清督率各軍施放火彈
槍礮堵擊賊尸狼藉適援軍大集勇氣百倍張樹珊
領洋槍隊衝擊斃賊百餘賊猶死拒各軍分隊抄擊
連拋火彈延燒逆眾藥簍張士芳從烟燄中揮軍直

平定粵匪紀略

卷十六

西

羣玉齋

入往來馳突四面環攻逆眾奪路奔竄復被蕭鳳高
等率劈山礮隊扼橋截擊斃賊數百名餘匪落河溺
斃者無算南面之賊並經黃提督等率隊用洋槍橫
擊轟沈賊船多隻生擒逆匪二百餘名大橋角營之
圍立解其退踞黃埭及長窰猴山等處之賊均爲官
軍連日擊退擒斬甚多並燒毀火輪船礮船多隻訊
據擒獲賊供僞祥王黃隆芸僞忠王之子均被官軍
蹙勒落水淹斃

陝西漢中府城固縣先後失守

髮捻各逆自正月內由興安分竄二月陷紫陽旋退
出撲漢陰廳石泉縣均得固守是月合竄漢中府殤
擾城固縣藩司毛震壽疊次截擊以賊勢太眾漢中
府於八月二十日城固縣於二十七日各失守
九月甯國涇縣防軍疊獲勝仗

七月下旬太平逆酋古隆賢石埭逆酋賴文鴻等乘
青陽被圍官軍不暇兼顧之時各糾大股蓄意犯涇
以古逆一股踞茂林潘邨等處以賴逆一股踞丁家
渡張家渡等處甯國守將劉松山督隊於八月初八

平定粵匪紀略

卷十六

左

羣玉齋

日馳抵涇縣與守涇之總兵易開俊會商勦辦初九
日先將張家渡賊館洗盡十六日馳擊茂林至則鳳
邨李邨之賊聞風悉遁乃環攻茂林賊壘擊傷古逆
立燔巨壘二座其潘邨三壘亦爲別隊所破於是合
軍追逐又蹋平二壘於潘邨之後餘黨向太平老巢
而遁甯國北路之賊一聞劉松山赴涇卽謀襲郡城
十四日劉松山引軍馳回設伏敬亭山以待十八日
賊數千人轟擁而至號鼓一發爭拔鹿角踰濠競進
劉松山突啓北門鼓譟而出賊不及備倉皇欲遁適

西門各隊追賊而來遂橫斷歸路賊乃東趨廟埠又為劉松山所蹙相率循河下竄維時涇之水南都尙有踞匪二十四日易開俊破之於丁塘田坊四頁邨等處九月初三日追至平垣賊踰崖而逸初七日晏公塘等股匪退併風坑易開俊即於初九日出隊琴溪橋下設伏敗之賊遂往甯國縣一路

上海軍攻克蘇州五龍橋賊壘分勦嘉湖援賊

我軍既克寶帶橋而橋西五里有五龍橋賊尙據之以通浙省八月十九日李秀成率黨來攻寶帶橋營

平定粵匪紀略

卷十六

六

華玉齋

程學啓戈登水陸合禦竟日始却二十六等日城賊分出閭齊葑等門來犯又犯大橋角七星橋皆擊走之學啓與戈登謀先攻五龍橋賊壘以絕盤門出太湖之道九月十一日學啓自率水陸七營出寶帶橋戈登乘輪船與周正林水師會鮎魚口為左右路李朝斌水師進澹臺湖為中路先後破賊六營截殺營賊幾盡立將五龍橋賊壘攻克張遇春又敗盤門援賊時嘉湖賊犯平望十四日學啓屬戈登守五龍橋自率水陸於十五日分道進勦途中賊卡均下會軍

於八坂擒偽貴王陳得勝斃賊三千人毀賊營三十餘座獲賊船數百隻追賊至平望斷其橋蘇州賊益奪氣

江甯陸師疊收東南沿河要隘再克秣陵關

我軍攻克江東橋上方橋後尙有城東數隘未下近城者曰中和橋曰雙橋門曰七堯橋稍遠者曰方山土山曰上方門高橋門迤南則為秣陵關以至於博望鎮皆金陵之外輔也會巡撫以東路未平不能制賊死命遂令提督蕭慶衍等東渡立營詎賊已先築

平定粵匪紀略

卷十六

七

華玉齋

數壘以拒我九月二十日蕭慶衍等揮軍從上下游過河破五土壘俄而城壘各賊來爭經我軍擊退將東岸營壘築成二十二日賊又諸道竄出各營奮力競進賊黨靡然返竄遂克上方門高橋門橋雙門諸石壘而右路方山土山之賊亦各棄壘而奔於是七堯橋踞賊惶遽欲遁正謀一鼓併下忽城中出大股來援總兵蕭孚泗等急督各軍合力卻之仍復逼壘環攻二十四日夜間遣死士潛往縱火賊眾冒烟突出乃將七堯橋賊壘攻克其博望一鎮總兵朱南桂

己於先五日襲取之會巡撫以博望鎮既得則秣陵關之勢孤七壘橋既得則中和橋之勢孤二十五日派總兵伍維壽等南略秣陵關候補道陳湜等出七壘橋之西與總兵熊登武等會師於中和橋一戰克之秣陵關之賊見我馬步馳至即棄釜奔潰追及河干斬二百餘人而還自是紫金山西南無一賊巢矣古隆賢率眾投誠重復石埭太平旌德三縣

石埭太平旌德失陷後爲僞匡王賴文鴻僞奉王古隆賢分踞及賴文鴻爲涇軍所敗遁入甯國縣而三

平定粵匪紀略 卷十六 六 華玉齋

縣遂爲古隆賢獨踞八月間青陽之捷賊黨震懼古隆賢遣人於總兵朱品隆處通款願與眾獻城乞貸一死朱品隆察其窮餓歸誠爲請於曾大臣許其降九月二十八日親赴石埭宣諭降眾竝調踞守太平之江老三歸併石埭給資遣發遂於二十九日前往太平收復城池初江老三方以太平來獻而僞天將江會義率黨叛往廣德二十七日涇縣守將易開俊橫出擊之斬馘頗眾乃引軍進次旌德賊已聞風先遁餘黨盧旺有等聚城歸降於是三城悉復

十月上海軍攻蘇州壘克賊壘

我軍自大橋角之戰賊勢漸蹙李秀成仍糾無錫溧陽宜興之賊八九萬船千餘隻泊運河口而自率悍賊踞金匱縣之后宅連營互進統領李鶴章謂賊方倚河爲固步步爲營我軍不宜浪戰亦當結營制之九月初八日自督隊至后宅而令滕嗣武張樹珊赴大橋角立四營初九日疊敗坊前梅邨安鎮鴻山之賊李巡撫以賊之巨股全集西路志在保無錫以援蘇州檄鶴章等堅立營壘固後路乘間翻營擊賊

平定粵匪紀略 卷十六 五 華玉齋

而令程學啓戈登由蘇州橫出賊後時潘郎中曾璋進攻蠡口黃埭之策學啓從之十九日會同戈登等乘夜督帶輪船洋槍隊進攻蘇州齊門外之蠡口賊營戈登連開炸礮傷賊多名程學啓督水陸各軍環攻兩時之久賊勢不支官軍礮隊分路踰牆襲入立將蠡口賊營攻毀礮斃悍賊千餘名城內之賊糾眾來援亦經我軍擊敗十月初一日程學啓督飭各軍進攻黃埭賊壘逆首萬國鎮糾眾突圍程學啓戈登等督放開花礮子落如雨乘勢越濠直入黃提督

復令水師登岸夾擊賊眾紛竄當將黃埭等處賊壘
 四座攻毀擒斬二千餘名生擒偽天將萬國鎮一名
 其蘇州無錫交界及無錫西北惠山一帶復有偽忠
 逆李秀成糾股分踞圖抗官軍經李鶴章督率各營
 分布夾擊連日疊有斬擒九月十六等日李秀成見
 東路備嚴乃西犯大橋角黃中元帶隊擊卻躡蹤追
 勦擒斬五六百人踣毀後宅南塘等處賊營十一座
 二十七日秀成悉出其黨列隊以拒李鶴章復約諸
 軍滾營前進分攻坊前梅邨茅塘橋賊壘逆眾扼與

平定粵匪紀略

卷十六

三

羣玉齋

隆橋拒守周盛波督各軍擊走沿途追躡斬獲甚多
 逆眾分竄安鎮猴山等處郭松林等分股抄擊餘賊
 退往嵩山官軍乘勝進攻梅邨西倉賊巢郭松林大
 呼陷陣用洋槍連環排擊賊眾大潰立將梅邨賊壘
 十餘座蹋平燒燬賊船多隻生擒偽護國軍師李生
 香及賊目數十名擊斃偽航王唐政才一名擒獲及
 淹斃殺斃賊眾六七千人竝攻毀西倉茅塘橋等處
 賊壘多座秀成等始分道遁遣
 會營會水陸各軍疊復水陽新河莊東壩各隘高瀆浦

甯國太平水四縣

甯國太平以東久為賊藪九月間彭侍郎率總兵喻
 俊明等約記名道吳坤修等陸師將有事於水陽楊
 提督岳斌亦親率戰船來會師次密灣見有大石壘
 能越水陽等壘遙擊我軍至二十六日風雨蔽天喻
 俊明等乘夜運礮環轟比曉石壘半圯遂鼓譟而前
 吳坤修等亦駕小划入亮陡門平圩埂數壘併攻水
 陽破之其南路則有水師總兵成發翔等會合總兵
 王可升陸師力攻新河莊又破之水陽迤北曰滄溪

平定粵匪紀略

卷十六

三

羣玉齋

距滄溪十餘里曰唐溝為直達高瀆之要路二十九
 日彭侍郎令吳坤修等取滄溪而自襲取唐溝進援
 高瀆湖口之兩壘至長樂鎮上有石城我軍直入湖
 心忽梗一橋洋槍集發各將弁悉力衝擊斫橋舉火
 併石城燔之適吳坤修等亦自滄溪戰勝而還方議
 合攻高瀆而賊目楊友清涕泣乞撫乃受其降十月
 初二日入城安撫是夜略取固城鎮初三日守涇之
 總兵易開俊敗賊於東安鎮與甯郡守將劉松山會
 復甯國縣降卒萬餘酋五百人餘悉資遣之自是東

壩守賊黎立新等上書請為內應建平守賊張勝祿
上書請獻城池時浙江提督鮑超已克東夏四壘與
彭侍郎合趨東壩繞壘圍攻偽輔王楊輔清從亂軍
中逸出守將立獻偽城遂於初七日將東壩攻克東
壩復而建平捷書亦至自總兵馮標入境宣諭張勝
祿等感激思奮卽於是日斬偽跟王藍得仁舉城以
降而踞溧水之楊英清亦願繳軍械各散回籍乃於
十二日將溧水一併收復

上海軍攻克許關虎邱等處

平定粵匪紀略

卷十六

三

蘇州官軍自攻克蠡口黃埭等處賊營後由許關一

帶進勦十月初九日各軍分路繞進許關逆已連營
數十座堅守抵禦鏖戰三時戈登帶槍隊奮勇直撲
立破王瓜涇口賊營六座程學啓亦將觀音廟賊營
四座攻克各軍直抵關口施放洋槍火箭共斃悍賊
無算遂將許關賊營五座全行攻破程學啓復會同
克根本督帶輪船進逼十里亭賊營先破其左營餘
營四座亦即敗遁虎邱賊營相繼潰走賊卡十餘座
一律掃平擒斬悍賊不計其數官軍直追至閶門街

沿途賊尸枕籍其由五龍橋進攻盤門之軍亦將
賊營六座踣毀

楚軍於陝西會勦川匪藍二順收復山陽縣

藍二順與兄藍大順由雲南昭通府倡亂擾四川同
治元年四月入陝西與粵逆通藍大順踞洋縣等處
藍二順踞商州之山陽縣本年十月西安多將軍隆
阿督楚軍勦王閣邨等處回匪派總兵藍斯明分勦
髮捻各逆是月二十二日藍總兵會漢中李京堂雲
麟一軍攻山陽飭知縣匡久安督民團扼守要隘正
欲進攻藍二順聞信先於四更時東竄遂收復山陽
縣率眾追及東岡痛擊之賊竄富水關沿途截擊竄
至商州所屬之二郎廟等處紛紛潰散

克復蘇州省城

蘇州省城被逆匪占踞四年之久自我軍疊克要隘
而賊仍於胥葑婁等門憑河築壘數十座悉精銳以
守之婁門外石壘尤堅時程學啓軍於河東十月十
二日李巡撫由上海至學啓軍營益下令破賊十九
日我軍進攻婁門石壘學啓緣南岸戈登緣北岸而

平定粵匪紀略

卷十六

三

蘇州官軍

進李巡撫親督之我軍以炸礮傾壘牆十數處賊勢披靡李秀成譚紹洸率萬人突出婁門拒戰學啓分隊應之賊少卻常勝軍肉薄以登立破石壘援賊遁入城中而陳東友水師復由黃天蕩擊賊會攻婁葑門外賊壘二十餘營皆下二十日黃翼升况文榜破齊門賊壘楊鼎勳李朝斌張遇春破盤門賊壘於是

平定粵匪紀略

卷十六

五

李王肅

我軍三面水陸薄城賊黨膽寒乞為內應十月二十日偽忠王李秀成見官軍攻逼日繁城賊散亂帶死黨萬餘宵遁專交老賊偽慕王譚紹洸拚死固守二十三四等日程學啓李朝斌黃翼升等親督水陸各軍由各門分路進攻晝夜不撤愈逼愈緊戈登亦親抵城根開礮轟擊二十四日偽慕王譚紹洸上城抵拒正在對眾指揮偽納王邵永寬等商令偽天將汪有為出其不意將譚紹洸乘隙刺殺並殺斃譚逆死黨千餘開門迎降署其眾二十營仍屯閩骨盤齊四門部逆並不難髮程學啓恐不可制白李巡撫必誅之二十六日出城請謁察其狀誠叵測乃將邵永寬及偽比王伍貴文偽康王汪安均偽甯王周文佳偽

天將范啓發張大洲汪懷武汪有為駢戮之程學啓等統帶隊伍入城彈壓並殺斃餘黨悍賊數千名李朝斌等復由盤門等處截殺斃賊多名解散數千人立將蘇州省城克復捷

聞奉

旨曾大臣從優議叙李巡撫加太子少保銜並

賞穿黃馬褂提督黃翼升等給賞有差權授江蘇省總兵

戈登賞給頭等功牌並銀一萬兩以示嘉獎

十一月蘇州軍攻克無錫金匱縣城生擒首逆

平定粵匪紀略

卷十六

五

李王肅

官軍進攻蘇州時統領李鶴章方督軍進取無錫蘇賊分黨來援鶴章等滾營搏戰凡十晝夜賊始卻十月十六等日攻克三里街萬壽橋等處賊壘時無錫之賊北聚於高橋南聚於望亭二十一日克高橋二十六日克新安望亭等處賊壘後分路進攻四面合圍逆首偽潮王黃子澄父子率黨六七萬人負隅死守李鶴章督軍環攻晝夜不息並分兵堵截宜興常州援賊十一月初一日周盛波郭松林等燒燬賊船百餘隻攻破惠山石卡二道擒斬悍賊二千餘名是

夜李鶴章令丁日昌手燃三眼開花礮焚燒賊屋數處乘賊慌亂督率張樹聲等攻破亭子橋口頭營一座殺賊數百名初二日官軍連破東北南三門賊營十餘座奪獲賊船甚多又破其西南二營李鶴章見城上賊漸移動令郭松林吳建瀛黃翼升分飭水陸各軍奮勇齊進一擁登城賊衆下城巷戰黃逆自率老賊五六千人逃出北門經周盛波擊斬二千餘級逆衆轉由西門而遁周壽昌督隊截殺斷其去路逆衆衝突十餘次周壽昌縱馬手擒黃逆餘賊追斬殆盡潮逆之子亦經郭松林擒獲共計生擒大小賊目五百餘人擒斬溺斃二萬餘人救出難民三萬餘人當將無錫金匱縣城克復

平定粵匪紀略

卷十六

三

華玉齋

蘇州軍攻克常州城外賊壘並敗句容援賊

劉銘傳進攻常州由城北陳渡橋羊頭橋間道進剿越過圩塘賊壘十月初九日進紮西施橋孫村等處時周盛波張樹聲已出東路攻奪白家橋賊卡十三日統領知府李鶴章由無錫至令各軍滾營前進十四日先破圩塘賊壘賊勢披靡二十日句容偽章王

合衆五六萬水援鶴章仍下令分攻各門以綴賊而自率九營禦之鏖戰竟日援賊方退我軍又別出奇兵繞至其外攻城之師進破南門賊營四座逼紮城根賊勢益蹙

鎮江軍陣殲丹陽句容首逆

十一月二十四日偽忠逆之子勾結句容悍賊偽岡天義黃逆率賊匪二三萬衆分道撲犯鎮江甘棠橋官軍營壘勢甚兇悍馮提督子材等督飭諸軍分投設伏迎勦逆衆數十騎誘敵官軍屹不少動逆首岡

平定粵匪紀略

卷十六

三

華玉齋

天義率洋槍隊直撲陣前副將楊青山整隊以待見賊逼近開放排槍連環轟擊勢密如雨逆勢不支紛紛倒地岡天義黃逆中槍墜馬經馬步軍衝入陣中割取首級餘匪奔潰官軍分路抄擊斃賊無算逆衆遁回丹句各城

蘇州軍收復浙江之平湖縣仁浦汎海鹽縣澈浦鎮並攻克平望鎮等處賊壘收復浙江嘉善縣

浙江嘉善縣與江蘇婁縣接壤而城東張涇匯尤當其衝我軍既克蘇州劉秉璋潘鼎新督兵越境會勦

十一月初四日克張涇匯以為圖浙根本先是平蕩賊首乞降請為內應鼎新等分道進兵而別屯兵於鍾埭以拒嘉興援賊十月初八日水師逼城下賊反戈自攻開門迎師陣斬洗天安等巨酋而同時乍浦等處亦乞降初五日鼎新督師疾至乍浦攻克東門外牛橋賊壘十二日收復乍浦汎城十三日收復海鹽縣城十四日收復澉浦鎮孟河汎二城均分兵駐守李巡撫因其地去蘇州太遠而賊眾仍舊聚於江浙之交平望等處乃令鼎新等自為應援而檄程學啓速攻平望以制賊二十二日程學啓率李朝斌督率諸軍進攻分其軍為三道水師由汾湖兜勦而別遣軍屯梅堰橋防湖州之賊時平望南北岸賊有石城土壘二道我軍方悉力猛攻逆眾突出二三千人抗拒陸軍併力擊退復於次日分路進攻忽嘉興突來援賊萬餘李朝斌等分兵進勦併力夾擊程學啓督兵連開炸礮轟斃悍賊多名立破賊匪左壘李朝斌督率將士由河南附堞而登副將龔生揚等由河北蛇行而前各破石壘一座總兵王永勝等率勇填濠

平定粵匪紀略

卷十六

天

華玉齋

拔樁一擁而上復將賊壘二座攻破其竄逸者悉為槍船截殺尸骸山積共計擒斬賊目二十餘人悍黨四五百人燒燬賊船五百餘隻奪獲大礮六十餘尊火藥五千餘觔礮船民船百餘隻旂幟器械無算追殺數十里復擒斬數百名淹斃尤眾黎里之賊望風狂奔復破賊營三座二十四日一鼓下之時嘉善守賊聞平望已克懼而乞命李巡撫令程學啓往圍之二十七日收復嘉善縣城我軍之進攻平望也賊尙疊犯海鹽平湖取道沈蕩新豐鎮潘鼎新等軍力禦之殲賊殆盡

浙軍攻勦杭州餘杭陣殲首逆

杭州餘杭之賊屢為官軍痛勦復於長橋女兒橋等處糾添悍賊屢次來犯均經官軍擊退其杭城踞賊乘霧直撲官軍營壘水陸各軍分投勦擊鏖戰兩時賊大潰左總督於馳抵富陽後分飭各軍進勦餘杭逆匪悉眾來撲擊斃數百名逼水淹斃者無算城賊拚死抗拒蔣益澧等軍三面蹙之賊尸枕籍偽歸王鄧光明被礮轟穿左脇立斃計陣斬黃衣等悍賊五

平定粵匪紀略

卷十六

无

華玉齋

百餘名轟斃約千數百杭城逆匪聞風恐懼蔣益澧派令記名提督高連升洋將德克碑等會同水陸各營進攻鳳山門外破賊九壘逐北直抵城隍山腳斃賊二千有奇

十二月蘇州軍擊退援賊奔牛解圍

上月我軍疊克常州賊壘奔牛鎮等處守賊乞降十三日常州賊出圍降衆各營孟河賊亦西至道員馮席珍擊退之十四日進克孟河汎城時唐殿魁黃桂蘭屯奔牛以扼丹陽之賊十二月初逆首偽章王等

平定粵匪紀略

卷十六

三

華玉齋

糾集悍黨並用忠逆所購洋人飛而復來輪船圍我奔牛鎮營盤日以炸礮轟我營又增築堅壘數十勢甚迫時奔牛旁境如孟河汎石橋灣羅池涇皆陷十二月初二日劉銘傳抽攻城之軍二千人欲突圍入援賊出隊迎拒以無援未得達殿魁遞帛書告急初七日銘傳與郭松林自將三營馳往途中皆賊壘且戰且行李鶴章又調槍隊兩營繼進爲應而李秀成李侍賢陳坤書復由金壇溧水等處添賊數萬四面環紮賊壘期逼奔牛以解常州城圍十二月十三等

日李巡撫派令李鶴章分撥將弁三路並進繞赴李士橋與銘傳軍會十四日到銘傳督率董鳳高畢乃爾等以小炸礮轟陷李士橋頭營郭松林由上游攻賊東南黃中元滕嗣武由下游攻賊西南犄角而進密飭奔牛守營之唐殿魁等衝出夾攻賊衆拚死迎拒我軍鼓勇猛進槍礮齊發先破東南賊營聚斃其衆西面賊營亦皆驚亂滕嗣武乘勢縱擊賊衆奪門狂奔官軍由後路追擊砍斃無數對河各大股逆賊亦經滕嗣武等擊退開礮燒死賊匪多名將飛而復來輪船焚燬劉銘傳督隊向奔牛猛衝賊又分股數萬繞後圍撲郭松林等折回復戰賊衆驚潰各鳥獸散不及歸巢向丹陽一路遁去我軍分路阻殺追擊十餘里連破賊壘三十餘座斬賊萬餘擒獲賊匪數十名奪獲旂幟器械無算奔牛之圍立解

平定粵匪紀略

卷十六

三

華玉齋

平定粵匪紀略卷十七



同治三年甲子正月陝西軍克復漢中府城並截勦中橋賊匪

髮捻各逆陳得才等上年八月踞漢中府因金陵圍急洪逆遣謀約令回援於十二月間傳偽令率在陝各路逆黨東下陝西劉巡撫蓉偵知派令記名提督何勝必蕭慶高等督兵急攻正月初十日破法慈院賊巢斃賊四五千名十一日會堯曾克勝等由牟家壩進擊油房街賊壘斬賊二千餘名各軍直薄漢中

平定粵匪紀略

卷十七

一

羣玉齋

府城逆首聞大兵雲集即圖出竄官軍乘其慌亂斬關直入四路掩殺搜斬一千餘人當將府城克復逆眾向東北奔逸其中橋逆匪竄往城固一帶與踞逆合股亦經官軍連日在牟家壩木家壩等處節節進勒復殲斃數千名逆眾復竄撲甯陝廳又經參將謝正球等擊退

逆首李侍賢陷安徽績溪縣旋經官軍克復

偽侍王李侍賢句結偽堵王黃文金及廣德餘黨於正月初二日由甯國上竄初六日陷績溪縣進踞雄

路孔靈等處意圖直撲徽州初八日總兵唐義訓率師自徽州出紮吳山舖俄有紅衣賊酋帶隊擁至我軍列陣迎戰斬執旗賊數人唐義訓乘賊稍卻催軍逼勦盡毀雄路賊館賊眾退走回顧各山逆旂展動恃援轉關各營奮力猛擊斬賊無數適閩浙左總督自屯溪馳至唐義訓與之會師進攻初九日王開琳自臨溪驅賊至七里牌直抵城南賊遽返走入城唐義訓麾兵夾擊斜入城西賊由東西兩門遁出立將績溪城克復馳剪尾股而還

平定粵匪紀略

卷十七

二

羣玉齋

浙軍收復紹興府城克復諸暨蕭山兩縣紹興被陷後道員張景渠統兵會同英國總兵咕樂德及權授江蘇副將達耳第福之軍進攻達耳第福以銳進陣亡正月十九二十等日景渠等與賊戰於下方橋安昌塘均獲勝逆眾節節敗退江蘇李巡撫以洋將德克統達耳第福之軍會同景渠等四面攻圍屢戰屢捷東路賊卡悉下並斷蕭山援賊城賊楊應柯約期內應二十五日三更城中火光四起逆首周姓潛逃次晨應柯開門迎降我軍一擁而進立將

紹興府城收復先是諸暨縣民團趙春林等探知城中踞逆僅五六千名因率同投誠之方蒂桂等分路環攻遂於二十二日將諸暨縣城克復殺賊無數逆黨何文慶率眾回撲官兵民團合力擊走之時景渠既復紹興立調各軍追勦由安昌塘柯橋進攻二月初二日抵蕭山城下賊猶閉門困守我軍奮力攻擊盡斃守城之賊緣梯而上立將蕭山縣城克復

浙軍收復桐鄉縣

平定粵匪紀略

卷十七

三

羣玉齋

飭令蔡元吉乘夜潛師進攻復令李邦達等各率所部分紮桐鄉東北兩門偽朝將何培章見官軍雲集勢已窮蹙潛通欵於都司張其光於初六日隻身赴張景渠營中乞降呈繳軍械偽印景渠許之即於初八日收復縣城

陝西軍大破上元觀賊壘連克城固洋縣二城

陝軍既克漢中逆眾分路竄逸各軍乘勝躡直抵上元觀賊壘正月十六日何勝必等分隊設伏誘賊出巢縱兵兜擊截殺逆匪千餘人乘勝拋擲火彈將

逆壘一律焚燬餘賊向城固縣逃竄何勝必復會同劉岳曙等軍渡河追勦直抵城下先將附城賊壘燒燬蕭慶高等率隊奮力進攻梯城躍入賊眾驚潰粉向東南奔竄官軍斬敵甚多當將城固縣城克復蕭慶高等復乘勝進逼洋縣分路環攻並潛遣精銳入城設伏乘夜舉火為號各軍奮勇登城呼聲動地逆眾驚亂自相踐蹋官軍四面圍勦賊尸山積餘賊突出東門向華陽一路竄走復將洋縣城池克復

蘇州軍攻克宜興荆溪縣城

平定粵匪紀略

卷十七

四

羣玉齋

逆匪占踞宜興荆溪縣城李巡撫派令郭松林等各營會同戈登李恒嵩進勦統領李鶴章又令楊鼎勳率隊合擊正月十九日戈登派洋將美叙羅殿至宜興城外察看地勢郭松林等帶隊直抵城下揮隊痛勦將近城各賊卡先行燒燬逆眾開城出拒官軍分路合勦擒斬多名郭松林被槍子擊穿右肘膝嗣武右骸亦傷弁勇間有傷亡二十一日常勝軍進河東松林等陸軍進河西水師溯流而上二十二日各軍屯三里橋常勝軍攻東門郭松林等裹創再戰敗

賊於上湖橋正得手間偽代王黃精忠由張渚達西
沈率黨來援拚死相撲我軍屹立不動但以洋槍排
擊逆眾死傷相繼尙無退志吳勝清等三路包抄逆
眾四面受敵勢漸不支各軍勇氣倍增殪賊甚眾賊
始奪路狂奔追殺四十餘里毀賊船千餘隻旂幟器
械無數援賊既敗城賊之勢愈孤戈登督礮隊攻東
門滕嗣武等分攻北西南三門四面攻打愈逼愈緊
水師入東西沈截竄賊窮賊開西門而逃戈登與郭
松林等併力追殺竄逸無多餘眾泣涕求降於正月

平定粵匪紀略

卷十七

五

羣玉齋

二十四日將宜興荆溪縣城克復

蘇州軍壘克嘉興城外賊壘並敗湖州援賊

程學啓進規嘉興築壘北門壘有斬獲劉秉璋潘鼎

新營盤分紮朝陽橋等處時東北門賊壘尤多正月

二十四日學啓議分兵五路進攻城賊出援學啓率

親兵由小西門繞城河以截賊之後隊賊驚駭卻顧

我軍乃攻破小西門北門賊營七座擒偽天將劉得

福慕天義賈慕仁斃悍賊千餘奪大礮五十尊而分

攻旁路之軍壘克秋涇橋吳涇橋合歡橋等處賊壘

東北門之賊殲除殆盡時湖州賊屢竄南木壩壘
亭子新陸思犯盛澤平望以圖嘉興經淮揚太湖水
師敗之學啓乃督各營逼城與築礮臺二十八日學
啓督飭諸軍猛攻礮裂城垣十數丈城賊拚死抵拒
燃傾火藥下擊總兵何安泰等中槍陣亡未能得手
湖州賊又犯盛澤圍王江涇後路營盤學啓派兵堵
截敗之

江甯陸師攻克鍾山天保偽城扼斷太平神策二門遂
合城圍

平定粵匪紀略

卷十七

六

羣玉齋

金陵一城延亘百餘里自浙江曾巡撫國荃駐師雨

花臺以來奪取附城諸要隘東西南三面悉爲我有

惟東北鍾山賊壘未克城北兩門未合圍終不能制

賊之命曾巡撫商之福建水師楊提督岳斌飭派師

船絕江面之接濟又派總兵朱洪章等繞過鍾山之

後分夜輪轟扼陸路之接濟復調駐守金柱關之總

兵朱南桂助圍金陵正月二十日夜截殺句容護糧

之賊甚多二十一日曾巡撫親督各軍至洪山北固

山神策太平等門外詳勘形勢適忠逆李秀成先糾

大股猛撲嘉字營濠牆朱洪章等見賊抵死來犯率
隊出濠夾擊賊乃返走上山鍾山之巔有大石壘偽
名曰天保城各將弁攀巖直上火毬火箭從壘後直
入賊多冒火突出遂將偽天保城克復二十四日我
軍在太平門外新築二營派湘後左右營守之維時
總兵梁美材所部紮洪山朱南桂所部紮北固山堵
住神策門大路自此援賊不得入城守賊不得出而
金陵城北之圍始合

粵匪勾結皖豫各捻同擾楚邊楚軍分勦被圍於霸山
平定粵匪紀略 卷十七 七 羣玉齋

旋獲大捷

陳德才等欲援金陵豫結皖豫各捻令同竄楚邊議
於河南南陽湖北襄陽會齊台股下竄皖捻王庭幹
一股及苗沛霖餘黨苗添盤等先於上年十一月由
信陽州竄湖北隨州之小林店天河口等處官大臣
等飭派總兵趙克彰等擊退於十二月初三日竄桐
柏之平市鎮初九日豫捻陳大溥一股由盤古山擁
衆南趨與王庭幹會合約衆十餘萬竄入棗陽縣境
本年正月二十四日總兵趙克彰王桐柏營總保升

烏勒喜布統率馬步在棗陽縣之霸山會勦被賊圍
困提督成大吉由德安先帶馬隊往援衝入營中亦
被圍裹維時賊壘賊館如櫛如壙我兵劈鞍以炊殺
馬以食而軍氣堅忍不衰當經總兵楊朝林由棗陽
縣之草店馳往成大吉趙克彰王桐柏各密調在外
分防各步隊腹背夾攻斃賊三四千名焚賊壘館一
百餘處於二十九日解圍其藍二順一股由山陽竄
入湖北鄖陽之上津堡道員梁作楫知府唐協和等
會勦於正月二十一日收復上津賊分二股竄泗峪

平定粵匪紀略

卷十七

八

羣玉齋

河大壩口等處

二月蘇州軍攻克浙江嘉興府城

程學啓之軍進逼嘉興賊之城守甚固官軍多傷亡
又遇雨不能進攻時沿江竄賊方警學啓思亟復嘉
興抽兵西援乃繕攻具修礮台以圖猛進十五六日
分門攻擊賊拚死抗拒乃督勇丁縛草膝行增築月
牆以護礮環攻不息十七日學啓督所部用洋人備
雷巨礮轟塌城垣百餘丈擊毀礮台二十餘座賊爭
負土填城闕學啓揮旂督衆詭欲登城俟賊益衆乃

燃礮發輒斃賊數百連夜督親兵成浮橋二道以濟
師十八日湖州賊自新厓來援學啓別遣兵擊走之
學啓乃會同李朝斌等奮力攻打督隊乘城城頭矢
石如雨程學啓奮不顧身親率勇士大呼殺入眾隊
繼進城上逆尸枕籍猶有悍賊二三千人排槍抗拒
程學啓肉薄以登致受槍子傷部將劉士奇等見主
將受傷各捨命率隊登城縱橫擊刺賊眾紛紛潰散
各軍整隊而入將守城悍逆圍殺淨盡遂將嘉興府
城克復學啓傷重歸蘇州旋卒學啓安徽懷甯縣人

平定粵匪紀略

卷十七

九

羣玉齋

曾巡撫圍皖時投誠疊著偉績曾大臣派隨李巡撫
至上海所向有功及卒李巡撫哭之慟奏請照提督
陣亡例優卹

予謚忠烈原籍及死事地方立專祠

收復溧陽並解江陰常熟之圍

自克復宜興後進圖溧陽郭松林等沿途獲勝埽蕩
而前直抵溧陽縣境聲威大振逆眾膽寒賊目吳人
杰等率眾投誠當將縣城收復郭松林拔隊攻金壇
將城外賊壘賊卡一律埽平是時常州賊陳坤書方

合丹陽句容之賊十餘萬由西路繞出常州城北日
犯我軍統領李鶴章督劉銘傳况文榜等軍擊敗之
賊覘圍城之師無隙可乘乃圖竄擾腹裏二月初五
日賊循江岸犯江陰之南插初十日犯常熟縣城十
一日犯福山於是江陰無錫三城皆警蘇州以西大
震李巡撫飭常州諸軍堅守勿戰飛檄郭松林等倍
道援常熟增調蘇州嘉興各軍助守令李鶴章守無
錫而分兵至江陰截賊歸路時賊以常熟守固乃趨
無錫鶴章登陣督守力戰卻之而分犯江陰之賊又

平定粵匪紀略

卷十七

十

羣玉齋

為守將駱國忠等所敗賊乃竝犯常熟北自楊舍福
山南自顏山王莊數十里皆賊提督黃翼升方返自
江北十四日自督三營由白茅口馳入常熟會同鄭
國魁李昭慶等軍於十六日竝出東北門擊賊郭松
林援軍復至夾擊之賊出不意大驚怖我軍乘勝疊
克王莊顧山陳市賊壘追殺二十餘里賊仍由大河
回撲常熟水師截擊之賊首尾不能相顧掩殺無算
十七日我軍追賊至劉家橋福山常熟圍乃解
江西軍克復金溪縣

髮逆分股竄江西疊經官軍沿途截勦賊匪敗竄關入金溪縣城道員席寶田由安仁帶兵馳援分路攻擊乘勝掃蕩前進直逼城根悍賊萬餘出城抗拒官軍奮勇衝突賊勢不支另股由城東繞出欲抄我軍後路均經擊退遁入城中席寶田督飭全隊併力攻城賊衆膽落奪門逃遁官軍四面截擊斬馘無算立將縣城克復

浙軍克復杭州省城並餘杭縣

杭州餘杭兩城踞逆經官軍於二月二十一日攻勦

平定粵匪紀略

卷十七

十一

羣玉齋

獲大勝洋將德克碑在饒頭山開放大礮轟塌鳳山門城壕三丈餘賊勢極爲窮蹙蔣益澧復親督水陸各軍於二十三日乘勝奮攻慶春艮山等門晝夜不息賊膽愈寒是夜五更急啓武林門向德清一路竄走蔣益澧督隊四面梯攻入城殺賊數千名卽於二十四日卯刻將杭州省城克復餘杭之賊同日由東門逃竄經左總督豫飭各營整隊以待是日見城中火起各營分路躡蹤追勦餘匪敗竄瓶窰鎮當將縣城收復

西安將軍多隆阿克復整屋縣受傷旋斃

上月陝軍攻克洋縣其踞逆爲藍大順同治元年四月與粵逆通上年十月初九日竄陷整屋縣留黨逆分守洋縣多將軍隆阿蕩平全省回匪卽於十月十三日親至整屋縣督攻藍大順百計守禦未得迅克本年二月二十三日開挖地道毒閉月城丈餘將軍率副都統穆圖善總兵姜玉順等一擁而登詎城內尙築堅卡五道正力攻間將軍頭目受槍子傷甚重忍創回營諸將官欲趨視將軍傳令此城速克傷重

平定粵匪紀略

卷十七

十二

羣玉齋

亦可痊如不乘城雖輕亦不欲復活諸將聞令益奮努力再戰是夜露立雉堞不復收隊二十四日環攻竟日至三更時穆圖善傳令三面緊攻於黑暗中向東面填濠拔梯繩先入四路齊進克復縣城首逆藍大順率數十人乘亂竄出至新口峪復裹脅二三百人欲竄甯陝經佛平團練截勦殺斃二百餘人有死黨十餘人昇之翻山狂奔至漢陰界爲在籍主事管滂帶練殺斃生擒逆黨李登福王老么等送往漢陰廳驗明藍大順首級餘匪均正法按藍大順自

咸豐九年在雲南昭通府倡亂與李短搭搭等蹂躪全川為駱總督埽蕩據生擒之李短搭搭供指藍大順已死於亂軍中後竄洋縣者為逆首曹姓多將軍疊次疏報均指為藍大順蓋母論藍與曹至此已殲厥渠魁矣將軍傷重至三月二十三日薨於營中將軍由黑龍江馬隊從征皖楚身經千百戰所向有功料敵之神罕與倫比同治元年秋銜

命入秦閩八月初一日以親兵七十餘人解商南之圍初二日至初七日調四營勁旅破另股賴毫捻匪姜台

平定粵匪紀略

卷十七

三

羣玉齋

凌等五六萬之眾伏尸四十里山前巨壑竊不見底人馬層積填與路平

恩諭云以少勝多可云奇捷平時愛士卒如骨肉而威令嚴明凡所指揮湯火不敢避薨之日三軍雨泣天下識與不識皆痛惜之方受傷時

上發內府珍藥敷治並

命黑龍江將軍傳知其子雙全馳驛往視而多將軍無家其子依居親申身無完衣黑龍江將軍憐駭資以行裝始得馳往已不及見其公而忘家如此遺疏有云

云不使家有長物身有餘財非虛語也

三月浙軍克復武康德清石門三縣

浙省官軍克復杭州餘杭後餘匪分竄武康德清等處左總督派令楊昌濬蔣益澧等分路進攻羅大春先將黃桐橋浮橋折毀密飭各營分伏武康賊壘之外火器轟擊逆匪大震三月初四日羅大春等各率所部薄壘環攻逆首吳海勝憑卡抵拒降人楊芸桂等開門迎納官軍吳海勝逃至二橋埠地方復率援賊回關官軍排礮轟擊斃賊無數當將武康縣克復

平定粵匪紀略

卷十七

四

羣玉齋

德清一城經高連升等併力猛攻自辰至未鏖戰四時之久賊勒不支棄城而遁官軍分路追殺擒斬悍賊數百名奪獲船數十隻器械無算德清縣城亦即收復蔣益澧復飭知州李邦達等進逼石門踞逆鄒光明出城就撫遂於初五日收復石門縣城道員李耀南等並將圖竄孝豐匪股迎頭截擊斃賊無算救出難民數千名

鮑軍攻句容生擒偽王項大英等勦平寶堰賊壘

浙江提督鮑超東壩之師久無戰事會大臣檄令進

取句容丹陽一帶踞句容者爲僞守王方海宗聞我軍將至卽在金壇寶堰等處糾結僞翰王項大英僞列王方成宗兩大股同守句容城希圖抗拒三月初五日鮑提督各軍冒雨疾馳攻破三岔山之賊於初六日次句容所屬之塔岡結寨未成賊已突出四五萬人悉銳來撲卽分三路迎敵搏戰數時參將黃海清等各率騎隊越過田隴直抄賊後總兵婁雲慶更以步隊佐之賊見歸路將斷大譁欲遁我軍直逼城下殲賊數千附城四壘亦卽一開散去鮑提督令各營徹夜環攻漏至四下忽見城東一角火光燭天知內亂已作急引軍東向而賊已啓南門出衝各將士乘勢勦殺並縛二酋以獻俄有徐本邦等內應七人叩馬通報指所擒二酋曰此僞翰王項大英僞列王方成宗也遂卽正法於初七日克復句容縣城距城四十五里日寶堰南通金壇北達丹陽逆首方海宗遁至彼處與壘賊僞顯王袁得厚合謀阻進兵之路初九日鮑提督率隊進攻賊堅閉不出我軍負草填壕爭先躍入一壘既破衆壘盡靡殲戮無算方逆袁

逆往金壇丹陽遁去

蘇州軍兜勦楊舍一帶竄匪沿江腹地肅清

前蘇常等處竄匪撲犯江陰縣城已經官軍力戰解圍餘賊大股屯踞楊舍周莊華市等處夾山爲營蔓延甚廣李巡撫親赴江陰長涇察賊勢督戰甚亟飭道員張樹聲等軍四面環紮分路進兵先攻華市賊壘三月初六日劉士奇等督軍抄入賊後槍礮環施賊陣稍卻各軍拔檣踰濠一擁而進逆衆潰亂狂奔官軍追殺四十餘里賊尸枕籍自華市至樹山賊壘

百餘處一律掃平其奔逸之賊復經江陰北路之軍截勦李巡撫馳赴青陽親督各軍兜勦楊舍踞逆逆衆惶懼南奔與華市周莊賊併歸雲亭一路先是初四日賊聞東路官軍至分賊萬餘馳赴三河口設浮橋營壘以爲竄賊援應至是賊至雲亭欲由三河口浮橋回竄初七日我軍列陣南關進勦別隊由花山繞出賊前賊衆棄壘渡河我軍斷其浮橋四道溺斃賊中人馬甚衆並將賊壘截爲數段擒斬無算旋又將三河口賊營攻拔其未過河之賊陷入圩中棄

械乞降數以萬計其已過河之賊經各軍前後夾擊痛加斬馘賊因歸路先斷子藥俱盡大半徒手受縛所擄百姓米糧衣物概行拋棄我軍取得仍以散給窮民統計各軍俘獲近二萬人解散約有萬人餘匪二三千人分向常州丹陽竄逸沿江腹地一律肅清蘇州軍壘克常州城外賊壘

李巡撫既克嘉興移軍進規常州時常州城西賊連營二十里以通丹陽金壇之路三月十四日我軍於城東南出隊殺賊劉銘傳攻西北六營盡破之十五

平定粵匪紀略

卷十七

七

羣王

日李巡撫令郭松林等移紮城西南別遣王東華率水師進太湖十七日松林等攻陳渡橋賊壘賊槍傷楊鼎勳胷猶揮將士格鬪松林繞擊賊後乃破其營餘十營竝潰鄭國魁方營新橋設浮橋濟劉銘傳之軍王東華水師由三河口會勦兩面夾擊復蹋毀河干賊營二十餘座於是賊西竄之路遂絕十八日各軍分道破小南門西門賊壘賊紛紛入城城賊恐我軍躡其後閉門拒不納殲戮無遺二十二日我軍合圍破裂城垣數十丈勇士梯而登賊黨拚死力拒

搶堵壞城火藥與磚石竝下未能得手天復雨乃罷攻是時鎮江之軍進丹陽沿江孟河圩塘魏邨螺螄灣方家橋等處之賊萬餘先後繳偽印雜髮降悉遣散之

鮑軍收復金壇縣

鮑提督既取句容遂平寶堰五壘彼處東北有丹陽東南有金壇賊方分踞以與常州相倚角丹陽一路有鎮江揚州兩處防軍攻之鮑提督遂督所部攻金壇三月十二日渡河競進將欲壁於城下俄得鎮營

平定粵匪紀略

卷十七

大

羣王

廣西馮提督來函以丹陽賊勢甚重商令移師助勦鮑提督即派總兵婁雲慶留金壇城外而自回句容旋奉曾大臣飭令力保東壩之檄十九日飛馬傳知金壇各營盡行撤回甫經傳令轉念撤營之時恐城賊追躡我後或致疏失遂親率全隊偃旂息鼓於二十日折回金壇之西洋邨設伏於茅山一帶備擊出巢之賊金壇逆聞官軍撤隊果糾城賊二萬餘悉力窮追鮑提督飭各軍伏於山後屏息不動俟賊追過茅山催動號鼓伏兵齊起旌旂滿山賊不虞遇伏倉

皇急退各軍追殺五十餘里逼至金壇西門賊不敢進城而城賊亦啓南門遁走我軍躡蹤追勦復敗丹陽小路竄出之賊卽於二十日收復金壇縣城蘇州軍截勦金壇竄逆獲勝

鮑軍收復金壇縣賊約二三千人屯踞南渡東北小山大股則自山下行走意圖肆擾經李巡撫所派道員吳毓芬等於三月二十日設伏誘賊斃賊數千逆衆退入南渡西南之小蜀山等處二十五日爲直王林得英約會常州西路孟河呂城各賊欲由金

平定粵匪紀略

卷十七

九

羣玉齋

壇歸併廣德同至南渡占踞吳毓芬吳毓蘭督兵由山腹出招仙橋令羅義勝礮船扼南渡而自率陳占榜余嘉鰲陸軍銜枚疾出正道分隊圍賊卡時方二鼓賊睡正酣悉斬之營賊乘黑出竄四山鼓角亂鳴賊衆驚愕我軍槍礮疊舉應聲而斃逸賊至招仙橋遇毓蘭軍迎頭截擊復斃無算吳毓芬會同吳毓蘭羅義盛各軍分三路進攻槍礮齊發應聲而斃餘匪紛逃二十六日追至丁上橋等處四面兜裏逆衆棄械受誅伏尸數十里斬僞直王林得英及林天安黃

有才等於陣餘匪殄滅殆盡解散難民三四千人奪獲衣糧馬匹槍械無數

江西軍攻克新城縣合兵圍南豐

逆匪竄江西疊陷南豐新城兩縣提督黃仁翼等督兵進取新城於大漢嶺殲匪前鋒二三百名賊隊奮集猛撲營壘官軍從左右兩路抄出賊後縱橫夾擊羣賊披靡斃賊四千餘人生擒七十餘人各營進逼賊壘至東北兩門由城闕處奮勇衝入城賊壘賊一時俱潰殺賊二千餘人生擒八百餘人當將新城縣

平定粵匪紀略

卷十七

三

羣玉齋

克復追賊於樟邨枯林橋等處疊有斬馘餘匪由邱家隘竄入福建建甯縣境其竄踞南豐之賊經席寶田韓進春等軍分路併進擊賊八都圩后竹等處掃蕩而前斬其僞倍天侯張在朋一名橋皆太坪嶺之賊向水南楓嶺與僞天將林正揚合力抗拒我軍併力合擊羣賊棄壘狂奔哨長蔣懷清以洋槍擊林逆墜馬殲其步賊數百城賊悉銳出撲官軍分左右包抄賊陣大亂殺斃無數追至城下四面合圍湖北敗捻復竄襄樊與漢南粵匪合股

霸山解圍後捻眾復竄襄樊安襄鄖荆道歐陽正璠
 水師副將龍藻琦接戰小挫經總兵梁洪勝與成大
 吉等率隊馳援痛勦獲勝襄樊賴以保全敗捻分竄
 河南浙川應所屬之李官橋鄧州所屬之厚坡適漢
 南粵匪由浙川內鄉鄧州各邊界下竄於三月十九
 日在李官橋合股令捻匪前驅前隊至棗陽縣西之
 隆興寺尾隊尙在內鄉鄧州等處賊眾數十萬蔓延
 數百里官大臣於四月初三日由省督師咨調多將
 軍帶往陝西之總兵姜玉順藍斯明等軍回楚以厚

平定粵匪紀略

卷十七

三

姜玉順

兵力

四月蘇州軍攻克常州府城生擒首逆
 江蘇常州踞逆偽護王陳坤書等擁眾死守賊取舊
 棺敗船堵城闕我軍進攻則發槍礮以拒李巡撫令
 軍士築長牆百餘丈以爲障蔽掘溝於其下伏兵二
 千人夜中乘賊不覺搶造浮橋初四日成浮橋六道
 時久雨不霽李巡撫默禱於神初五日雨稍止洋將
 戈登以礮隊攻南門常勝軍多傷亡不克登乃改令
 提督郭松林總兵楊鼎勳督軍攻西南而常勝軍應

平定粵匪紀略

卷十七

三

姜玉順

之提督劉士奇王永勝攻東南而張樹聲軍應之劉
 銘傳之軍獨攻北門初六日日方中天大霽水陸礮
 聲如雷舊擊之城復傾數十丈賊仍悉力抵禦李巡
 撫親督各軍四面環擊屋瓦皆飛斃賊甚多各軍同
 時奮勇登城逆眾率悍黨數千拚死抗拒劉銘傳等
 揮軍直進將陳逆大股逼入街心節節追勦賊尸沿
 衢塞巷追至護逆任處猶紮石卡以槍礮對擊官軍
 圍之數重殺傷無算龔生陽突入擒偽護王陳坤書
 周盛波擒偽列王費天將縋而逸者數百仍截殺之
 棄械跪降者數萬人其潛伏城內悍賊悉數殲戮無
 得脫者初常州城於咸豐十年四月初六日未刻失
 守越四年同日克之併時刻亦符捷聞
 優詔給賞有差

僧王督師入楚在隨州會擊髮捻各逆獲勝
 官大臣由省督師水陸合擊於棗陽及京山所屬之
 宋河鍾祥所屬之板登岡壘獲勝仗僧王勦辦張總
 愚捻股由河南之鄧州新野入棗陽縣境四月初四
 日至隨州帶同楚軍總兵楊朝林攻勦僧王親率馬

隊由隨州東西兩門包抄楊朝林督率八營由北而南一鼓齊進鏖戰四時之久衝突二十餘次賊始向東敗退追逐二十餘里殺賊一千餘名正值河水泛漲溺斃者一二千名總兵梁洪勝擊安陸府屬之賊於舊口獲捷殺賊數千名時河南張巡撫之萬於信陽州等處會截髮捻亦獲勝仗

鎮江揚州官軍會克丹陽縣城

廣西馮提督子材督軍圍攻丹陽揚州富將軍明阿派記名提督徐州鎮總兵詹啓綸助之逆衆屢次傾

平定粵匪紀略

卷十七

三

粵王齊

巢出撲詹啓綸等以開花礮斃賊五百餘名陣斬偽法天安鼎天安賊首二名四月初八日官軍斬關而入逆首陳玉成之叔偽烈王陳時永等率衆拚死巷戰官軍奮力迎擊斃賊六七千人陣斬各偽王及偽義安福燕豫等逆目並生擒洪秀全妻弟偽來王賴桂芳等遂將丹陽縣城克復

東壩防軍擊賊獲勝

自丹陽克復後偽顯王偽甘王等巨酋糾敗賊三四萬衆由天皇寺進竄大山頭一帶以圖犯我東壩並

分股由漆橋進竄塘溝以圖犯我高淳四月十三日水師營官柳壽田進擊於固城湖敗之遂約高淳守將蕭信集追擊於楊邨又敗之賊大懼遁回漆橋復歸併大山頭一股合竄東壩十四日總兵譚勝達等專食出隊師次安興遠見賊旂林立迎面撲至諸將士燃槍環擊賊無懼志猛鬪十餘次勢甚剽悍譚勝達卽於敵騎衝突之際橫躍入陣立梟數首賊氣爲奪其左路之賊亦爲我軍所敗乘勢追過右路而右路聚賊尤衆擁護一酋營官鄧訓誥策馬突出斬之

平定粵匪紀略

卷十七

三

粵王齊

各路譁亂欲遁各營併力長驅勢不可遏甘逆顯逆正在高岡督戰我軍一擁而上亂鋒交下賊乃大潰逐出三十里共斃賊七千人中有偽王十七人餘賊向廣德竄去

江西軍解玉山撫州之圍浙江援軍敗賊於弋陽逆匪先圍玉山縣經副將劉明珍等陣斬珊天安等斃賊三千有奇香河林屯一帶逆壘亦經河內水師及樂平練勇擊退四月十五日侍逆悍股越金溪犯許關繼犯撫州之河東灣猛攻東門均爲按察使

劉于溥督飭各軍擊退逆衆復敢輪番誘戰營官黃名揚等據橋守卡發礮斃賊無數護南贛鎮總兵普承忠撫州府知府吳祖昌等於城上連轟巨礮逆衆計窮而遁十八日復突起攻橋環呼城中內應冀亂我軍劉于溥飭列陣以待俟逆撲近槍礮並發斃賊甚多餘匪遁向金溪而去撫州城圍立解僞列王林彩新由浙江竄至江西弋陽縣境浙軍道員王德榜督隊追抵湖西揮軍抄擊斃賊無算敗竄黃沙港對岸楊家坡王德榜督飭各營約會江西水師分路齊

平定粵匪紀略

卷十七

五

羣玉齋

進奮力環攻逆黨從上游渡賊千餘來援各軍沿河截擊將浮橋折毀並擊沈賊船多隻賊殊死鬪官軍鏖戰逾時逆勢始蹙落水斃者甚衆其南岸援賊亦殲除淨盡共計殺賊千餘名生擒二百餘名救出難民數千人奪獲騾馬槍礮多件

逆匪續犯徽州官軍截勦屢勝餘衆潰敗

僞侍王李侍賢等先後由浙犯徽由徽入江嗣報徽州南路復有賊至詢其首目爲僞列王林逆僞鱗王朱逆及僞爵潘忠義等究其來路蓋江陰楊舍之敗

賊常州城外之壘賊由丹陽湖州而上竄者也從昌化進老竹嶺闌入歙境大埠等處距徽州三四十里總兵唐義訓馳函告知前安襄郎荆道金國琛降補知府毛有銘各以所部來會是夜唐義訓伏兵鍾塘嶺後四月十一日以五營進遇賊接戰伏軍並發殲其前鋒是時金國琛毛有銘會帶各營行抵富塢隔河而屯賊遽以大股衝列山岡上下我軍部勒既定姑不出戰俟賊涉水將半突出奮擊更以騎卒沿隄包抄適唐義訓尾賊而至兩面夾攻賊卽不支緣山

平定粵匪紀略

卷十七

五

羣玉齋

亂竄俘斬千餘人解散無算逸賊遁向黃山小路復於十一日爲唐義訓所敗十三日我軍向漁亭併進唐義訓爲前茅毛有銘繼之金國琛又繼之馳抵五弓橋賊已揚旂怒馬而來唐義訓先與交鋒金國琛毛有銘分路會擊大呼衝入斬尸塞流收軍少息忽齊雲山之麓衝出一股我軍再起破之是夜月色正明唐義訓派隊赴南渡循河直上處處埋伏比曉金國琛毛有銘亦率各營自五弓橋銜枚疾進賊正渡河我軍鼓角齊鳴各山伏兵突出羣賊驚亂不復成

伍未渡者衆軍蹙之入水已渡者爲伏軍所截生擒
林逆等十酋陣斬潘忠義等十四酋死者散者二萬
餘衆輜重器械拋棄略盡

平定粵匪紀略卷十八

同治三年五月蘇州軍擊退湖州廣德援賊克復浙江
長興縣

長興縣在湖州西毗連宜興溧陽及廣德州時湖州
賊方竄湖濱楊漣大錢口潘鼎新分軍屯南潯震澤
以扼其衝而賊猶恃長興爲聲援李巡撫因浙省函
商助勦乃令郭松林等率三十營由宜興進攻別遣
李朝斌等率水師入夾浦口又別遣水陸五營接應
鼎新軍五月初八等日官軍沿途屢獲勝仗鼎新軍

由南潯進紮吳淞水師乘風入夾浦代蘆葦填河破
賊石壘十一日松林之軍進抵長興毀城東上萃橋
跨塘橋賊壘逆衆以千餘人出城迎拒經官軍衝擊
殲斃多名湖州逆首陳逆及廣德四安賊首江逆各
率數萬人分路來援依山築壘綿亘林谷郭松林楊
鼎勳由五里橋擊湖州援賊王永勝自新塘口馳至
兩面夾擊槍斃斬獲數千人遂將鴻橋跨塘橋沿河
傍山賊壘一律闢毀劉士奇由磨盤山直逼廣德四
安援賊各壘相持正力李朝斌太湖水師登陸繞出

賊背自山梁疾趨而下火器直燒賊營烟蔽蔽天各軍分路勦殺殲斃溺斃者萬人將西北山沿山逆壘概行平毀官軍正擬乘勢攻城湖州廣德添撥大股折回意圖再逞郭松林等與淮揚水師劉士奇等與太湖水師分路馳擊乘逆眾喘息未定合力痛勦斃賊各數千人追殺二十餘里乃踉蹌遁遁官軍於西北兩門乘夜搭造浮橋城賊槍礮並發哨官王備與中槍殞命張正全槍傷左臂仍復裹創督攻游擊劉玉龍在城北安設炸礮靠城轟打各軍分門逼攻縱

平定粵匪紀略

卷十八

二

畢玉齋

橫進擊五月二十四日轟塌城垣十餘丈楊鼎勳督隊渡河鼓譟而登賊以槍礮排聚關口拚命死拒總兵高正魁等均被槍傷仍各裹創力戰李朝斌郭松林劉士奇王勝勇各率所部三面緣梯直上賊不稍卻郭松林率總兵宋德鴻首先衝入千總劉興隆繼之各軍一擁齊登將城中悍賊次第擒斬其由西門衝出之賊復經我軍殲斃無數遂將長興縣城克復江西軍掃清貴溪賊壘

江西貴溪盛源洞等處之賊分踞小港一帶築壘修

卡經記名總兵孫昌國等督飭礮船駛赴黃土墩乘夜開放槍礮逆眾倉皇敗竄暗中自相踐蹋水陸各軍乘勝由黃土墩撲卡而入擒斬甚多逆大潰竄丁家橋鷹潭等處復經王德榜等各軍分路追勦斬殺數百人其退竄羅田岡上及鄧家埠等處之賊各路官軍分投截勦共斃五百餘人逆眾搭造浮橋陸續奔竄復經官軍追殺淹斃無數未渡之賊均經水師轟斃解散賊匪尤多貴溪賊壘一律肅清

平定粵匪紀略

卷十八

三

畢玉齋

髮捻各逆自隨州及舊口等處擊敗分擾京山天門應城各縣境並踞皂市等鎮官大臣督諸將各路截勦屢獲勝仗賊始南竄至孝感雲夢一帶護軍統領舒保力戰陣亡賊復圍撲總兵石清吉楊店軍營經石清吉二次衝圍力禦殺賊二百餘名遂竄往黃陂縣之木蘭山一帶復擾及喬家店黃花澇等處距漢口鎮僅十餘里經水陸各軍堵截前股既退後股復至楚軍防勦兼施賊不能逞乃先後竄往下游浙軍進規湖州攻克孝豐縣城

五月初十一等日湖州踞逆由東南分撲長生橋官軍營盤復潛軍偷犯各寨經蔡元吉等設伏迎擊斃賊數百名生擒賊目三十餘名蔣益澧高連升復派水陸各營助勦自十四日至三十日屢次獲捷焚賊船十餘號將袁家匯賊壘一律毀平其南路賊匪於五月初九日由太湖塘楊樓圖撲犯林圩何培英乘其半渡擊斃多名劉樹元馳至夾擊逆眾敗竄我軍乘勝追勦將太湖塘楊樓賊壘掃蕩淨盡其西路竄踞孝豐之賊分犯百丈裏爲羅大春等擊退六月

初三日周廷瑞等潛師抵城劉端冕躍濠直入劉墩督隊繼之城賊紛紛逃竄初四日遂將孝豐縣城收復生擒偽咸王陳榮斃賊千餘陣擒長髮老賊二百餘名救出難民五六百名

匪藍二順撲陝西省城將軍穆圖善留兵會勦

髮西安多將軍薨於整屋軍中

授西安副都統穆圖善爲荊州將軍接統楚軍奉

旨旋楚防勦所統三十營已飭總兵藍斯明姜玉順等率

二十一營先歸存九營未發初踞山陽縣川匪藍二

順於上年十月爲楚軍總兵藍斯明攻克藍二順竄商州之二郎廟旋游弋於豫楚邊界復擾鄖西各處本年二月多將軍克復整屋其踞逆藍大順爲二順之兄託名復仇於五月五日率黨疾撲西安省城劉巡撫蓉撥兵迎勦小挫賊已竄至子午谷距西安城僅十五里多將軍文案委員湖北候補道王開福白穆將軍謂雖未奉

旨勦陝賊而逆黨突至未可分畛城請以所存九營兵勇協勦將軍然之遂會劉巡撫及西安將軍德興阿出隊堵擊屢獲全勝至九月將全股撲滅穆將軍復奉調赴甘肅會固原提督雷正瑋辦理西口軍務六月金陵各軍克復江甯省城生擒偽忠王李秀成等全股悍賊盡數殲滅捷上七月初一日奉

上諭本日官文會國藩由六百里加緊紅旂奏捷克復江甯省城逆首自焚賊黨悉數殄滅並生擒李秀成洪仁達等一摺覽奏之餘實與天下臣民同深慶悅髮逆洪秀全自道光三十年倡亂以來由廣西竄兩湖三江並分擾及直隸山東等省逆迹幾徧天下咸豐三年占踞

江甯省城潛稱偽號東南百姓遭其荼毒慘不忍言罪惡貫盈神人共憤我

皇考文宗顯皇帝赫然震怒恭行天討

特命兩湖總督官文為欽差大臣與前湖北巡撫胡林翼

肅清湖北上游胡林翼駐紮宿松一帶籌辦東征事務

特授曾國藩為兩江總督並

命為欽差大臣東征江皖號令既專功績日著十一年七

月我

皇考龍馭上賓其時江浙郡縣半就淪陷

平定粵匪紀略

卷十八

六

羣玉齋

遺紹三條諳切以未能迅殄逆氛為恨朕以冲幼寅紹丕

基祇承先烈恭奉兩宮

皇太后垂簾聽政

指示機宜授曾國藩協辦大學士節制四省軍務以一事

權該大臣自受任以來即建議由上游分路勦辦飭彭

玉麟楊岳斌曾國荃等水陸並進屢克沿江城隘百餘

處斬馘外援逆匪十數萬人合圍江甯斷其接濟本年

六月十六日曾國荃率諸將士克復江甯外城殺賊數

萬逆首洪秀全率其悍黨仍踞內城抵死抗拒茲復據

曾國藩奏官軍自得偽天保城後賊眾防守益密五月

三十日李祥和等率隊攻克占取龍膊子山六月初一

等日各營輪流苦攻李成典率吳宗國等從礮極密之

處重開地道蕭孚泗等修築礮臺肉薄相逼十六日黎

明曾國荃將四路隊伍調齊地道火發揭開城垣二十

餘丈李成典武明良等身先士卒直衝倒口而入各弁

勇蟻附齊進左路城頭之賊以火藥傾盆燒我士卒死

者甚多大隊稍卻彭毓橘蕭孚泗手刃數人由是弁勇

無一退者武明良率隊登龍廣山與右路太平門之賊

平定粵匪紀略

卷十八

七

羣玉齋

排列轟擊賊始卻退李祥和等從太平門月城攻入王

道和等進擊中路攻偽天王府之北劉連捷亦率隊由

神策門地道之旁梯攻而入相與會合齊進鏖戰至獅

子山奪取儀鳳朝陽等門羅逢元從聚寶門之西由地

道關口仰攻而入李金洲等從通濟門月城緣梯而上

陳湜等猛攻旱西水西兩門月城偽忠王李秀成率死

黨狂奔將向水旱兩門奪路而逃為陳湜大隊所阻遏

仍轉回清涼山黃翼升等水師各營攻奪中關攔江礮

石壘乘勝猛攻濱江之賊與陳湜易良虎等奪取水西

早西兩門由是全城各門皆破三更時分偽天王府及各偽王府同時火起烟燄蔽空洪逆率悍黨千餘人衝出偽殿前南門竄至民房袁大升等率隊腰截斬七百餘名奪獲洪酋僭用偽玉璽二方金印一方四更後賊股千餘人假裝官軍號衣向太平門地道關口衝突經岷字湘後等營截擊曾國荃又加派馬隊追至純化鎮生擒偽烈王李萬材復追至湖熟鎮將逃賊全數斬刈無遺據曾國荃親訊李萬材供稱城破後偽天王之兄巨王幼西王幼南王定王崇王璋王乘夜衝出被官軍平定粵匪紀略 卷十八 八 羣王齋

吳蒼眷佑

馬隊追擊將各頭目全行殺斃又據城內各賊供稱首逆洪秀全實於本年五月服毒而死瘞於宮院內偽幼王洪福瑱重襲偽號城破後洪福瑱積薪自焚李秀成一犯城破受傷匿於山內民房經蕭孚泗等親自搜出並搜擒偽王次兄洪仁達其餘兩湖兩廣等處多年悍賊經各將士於十七八日搜殺淨盡三日之間斃賊共十餘萬人偽王偽天將主將及大小首目約三千餘名無一得脫者此皆仰賴

列聖垂麻兩宮

皇太后孜孜求治識拔人材用能中外一心將士用命成此

大功上慰

皇考在天之靈下浮薄海臣民之望自維藐躬涼德何以堪

此追思

先皇未竟之志不克親見成功悲愴之懷何能自己此次洪

逆倡亂粵西於今十有五年竊據江甯亦十二年蹂躪

十數省淪陷數百城卒能次第蕩平殄除元惡該領兵

大臣等櫛風沐雨艱苦備嘗允宜特沛殊恩用酬勞勩

平定粵匪紀略 卷十八

九 羣王齋

欽差大臣協辦大學士兩江總督曾國藩自咸豐三年

在湖南省首倡團練創立舟師與塔齊布羅澤南等屢

建殊功保全湘南郡縣克復武漢等城肅清江面全境

東征以來由宿松克潛山太湖進駐祁門疊復徽州郡

縣遂拔安慶省城以為根本分檄水陸將士規復下游

州郡茲幸大功告成逆首誅戮實由該大臣等籌策無

遺謀勇兼備知人善任調度得宜曾國藩著加恩賞加

太子太保銜錫封一等侯爵世襲罔替並賞戴雙眼花

翎浙江巡撫曾國荃以諸生從戎隨同曾國藩勦賊數

省功績頗著咸豐十年由湘募勇克復安慶省城同治二年連克巢縣含山和州等處率水陸軍各進逼金陵駐紮雨花臺攻拔偽城賊眾圍營苦守數月奮力擊退本年正月克復鍾山石壘遂合江甯之圍督率諸將士鏖戰開挖地道躬冒矢石半月之久未經撤隊克復金陵殄除首惡實屬堅忍耐勞公忠體國會國荃著賞加太子少保銜錫封一等伯爵並賞戴雙眼花翎記名提督李成典於槍礮叢中搶挖地道誓死滅賊從倒口首先衝入眾軍隨之因而得手實屬謀勇過人著加恩錫

平定粵匪紀略 卷十八

十一 羣玉齋

封一等子爵並賞穿黃馬褂賞戴雙眼花翎蕭孚泗督辦礮臺首先奪門而入並搜獲李秀成洪仁達巨逆實屬勲勞卓著著加恩錫封一等男爵並賞戴雙眼花翎等因欽此捷報中在事出力各文武給賞有差

七月普行賞賚

七月初一日

皇上修告成之禮各廟拈香

天地社稷壇盛京

三陵

東陵

西陵

太廟遣官告祭軍興以來各路統帥疆臣公忠體國共濟時艱同心勦賊調度有方

特加異數

欽差大臣科爾沁博多勒噶台親王僧格林沁再賞一貝勒令其子受封並封

欽差大臣大學士兩湖總督官文一等伯爵世襲罔替江蘇巡撫李鴻章一等伯爵並

平定粵匪紀略 卷十八

十二 羣玉齋

賞雙眼花翎陝甘總督楊岳斌兵部右侍郎彭玉麟均加太子少保銜一等輕車都尉世職四川總督駱秉章一等輕車都尉世職雙眼花翎浙江提督鮑超一等輕車都尉世職西安將軍都興阿江甯將軍富明阿廣西提督馮子材均騎都尉世職京口副都統魁玉雲騎尉世職漕運總督吳棠頭品頂戴仍交部從優議叙從前有功死事之臣分別

賜祭獎卹王大臣軍機章京閣部司官並優加獎勵

逆首洪秀全剝尸焚燬生擒偽王洪仁達李秀成凌遲

處死

曾大臣由安慶馳抵金陵先有偽宮婢為湖南道州黃姓女子指出逆首洪秀全埋尸處所於六月二十七日在偽宮內掘出逆尸遵尙邪教不用棺木以繡龍黃緞包裹袴腳亦用龍緞頭禿無髮鬚尙全存已斑白左股右膀肉猶未脫驗畢戮尸舉烈火焚之時方苦旱燔尸後大雨如注逆首雖逃顯戮於生前仍搜極刑於身後洵足大快人心其所擒偽忠李秀成偽王兄洪仁達二犯奏奉

平定粵匪紀略

卷十八

三

羣玉齋

上諭跳梁小醜無所用其獻俘且恐沿途派兵遞送騷擾驛傳重累吾民著於江甯省城交遲處死並傳首髮逆所到各省以伸天討而儆克頑等因欽此

湖北髮捻各逆竄擾麻城縣踞白果

五月以後逆眾大隊漸集分擾新洲辛家冲柳林舊街馬鞍山會龍山等處官大臣派提督成大吉督率各軍層節掃蕩疊克賊巢捻逆復竄聚於麻城縣境髮逆陳勝才等屯白果等處麻城縣防守極密各軍奮力圍剿僧王復派隊會攻總兵姜玉順等自陝帶

隊馳至兵力漸厚疊有斬擒七月十一日於麻城之木牌樓將偽天將蔣開揚等擊斃

鮑軍掃蕩許灣賊壘並克復崇仁宜黃東鄉金谿南豐五縣城

江西之賊分踞金溪東鄉宜黃崇仁南豐五縣城欲成長圍以困撫建而崇東踞賊恃許灣為老巢由雙鳳嶺至洋洲徧築堅壘時江忠朝席寶田之軍方破崇仁賊壘並敗東鄉之賊鮑超因議先取許灣於七月初一日移營七里岡初四日督飭各軍四面環攻

平定粵匪紀略

卷十八

三

羣玉齋

逆眾拚死拒戰相持時許我軍愈戰愈奮用草填濠極力猛撲先將雙鳳嶺琉璃岡九子嶺邨神嶺等壘攻毀並分隊敗赤橋許坊援賊各軍夾擊衝賊數段隨將苦竹中州洋洲許灣賊壘一律削平敗賊掩殺殆盡進追十餘里時崇仁賊勢已蹙初六日我軍六路壓城賊尙傾巢出抗各營合力兜剿斃賊千餘初十日進紮城根城賊侍逆閉門出遁宜黃我軍收復崇仁縣躡蹤追勦於十三日將宜黃縣城收復東鄉之賊自為我軍所敗後仍依城立三壘以圖死拒六

月二十四日我軍進紮梅花觜逼城而陣城賊出拒敗之七月初八九等日又屢敗之賊勢已蹙初十日開東南門向金谿一路奔逃鮑超督率所部尾追於四鼓馳抵金谿賊於楓山舖立壘十五座據山為險鮑超令各軍三路包抄鏖戰二時之久逆眾大敗立將賊壘蕩平乘勝督隊由北門東門攻入即於是日克復金谿縣城計斃賊數千名陣斬偽成天豫吳自成等賊酋九十八名奪獲器械無算時南豐踞賊尙固守經楊總督派參將韓進春駐守建昌分勦上塘

平定粵匪紀略

卷十八

四

羣玉齋

新豐賊卡斃賊千餘南豐縣城亦收復

蘇州軍克浙江湖州之晟舍賊壘

晟舍居湖州之東憑河數道極為險固逆眾守禦甚堅李巡撫派道員潘鼎新會同提督李朝斌進勦六月二十四日官軍分路環攻將賊營盡行轟倒乘勝過河痛勦賊於河內用木椿鐵簽抗拒各軍更番猛撲未能前進潘鼎新與李朝斌議定對面頭濠外築營壘便於轟擊二十七日水陸各軍分路齊進水師營官江福山帶隊登岸大呼躍濠各軍繼之錦山

熾里兩面逆援大至江福山摧鋒直前槍子洞胸陣亡我軍愈奮斃賊甚多賊始敗退七月初一日仍分路進攻賊添悍黨三四千人拚死拒守十一日潘鼎新令潘國揚等在北路廣搭浮橋一面晝夜輪攻牽制賊勢十三日潘鼎新親率潘鼎立等從北路進兵道員丁壽昌等田中路進兵副將夏金標等由南路進兵水師曾泗美臨河轟擊並令浙軍道員張景果出隊協勦自辰至午賊營盡塌北路潘鼎立等先奪利濟寺卡繼破總管堂賊營中路丁壽昌等填河拔

平定粵匪紀略

卷十八

五

羣玉齋

樁攻破兩壘南路夏金標等與水師聯絡攻破靠塘大石壘賊眾驚潰狂奔官軍合力窮追截殺過半計踰毀賊壘八九座斃賊無數賊險既去湖州已在掌握中

續克湖州府城

堵逆黃文金等固守湖州希圖另召賊黨抗拒李巡撫派令郭松林等分路進攻逆眾於尹隆橋南岸堅築壘卡掘濠釘椿防守甚嚴密郭松林等調齊開花礮隊十五十六十七等日奮力轟擊黃文金復挑悍

黨數千繞呂山後路八字橋欲阻官軍糧道十九日郭松林抽派李長樂等三營馳往李家倉搶築營壘賊眾奮勇來撲官軍迎戰兩時斃賊甚多賊眾潰退二十日湖賊大隊自尹隆橋接連八字橋等處延袤二十餘里傾巢來爭郭松林飭易用剛分路迎敵山上羣逆衝下郭松林率李長樂等捲旂突入縱橫盪

平定粵匪紀略

卷十八

六

羣王齋

隆橋猝難得手乃議避擊其虛二十六日別遣兵分道攻尹隆橋八字橋以綴賊而自督軍疾趨大橋後渡河圍攻賊營賊不意官軍猝至大駭愕立破其壘竝蹋毀旁壘十餘座二十七日黃文金率悍黨數萬來爭郭松林約東路之軍疾攻城而分兵三路拒戰黃文金衝力狂突我軍血戰力挫兇鋒賊乃潰退李長樂復破八字橋截賊當文金出犯之時昇山首逆棄壘先遁潘鼎新會合浙軍帶隊追勦至八里店水陸各軍併力夾擊賊眾大敗三里橋賊壘望風奔潰

李朝斌劉秉璋張樹聲等各進大錢口攻毀賊營竝至湖州城下沿途殺斃溺斃無數賊擠擁入城閉門不及潘鼎新等率勇先登由東門攻入斬馘甚眾立將湖州府城克復敗賊分道奔安吉松林追勦戮殆盡時長興守將知府吳毓芬聞信冒雨督兵克復四安鎮竝破梅谿竄賊

蘇州軍收復廣德州城

當官軍圍攻湖州時聞偽昭王黃文英方挾偽幼主洪福瑱據廣德李巡撫檄劉銘傳由建平馳赴廣德

平定粵匪紀略

卷十八

七

羣王齋

七月二十九日前隊周盛波等進至橫山頭文英已挾福瑱出走甯國山中城賊猶迎拒敗之官軍槍礮齊發戰不逾時賊遽反奔追至廣德西門溧陽守將周盛傳之軍已至賊由南門逃竄截殺數百人立將廣德州城收復盛波追賊至甯國境盛傳追賊至安吉境皆有斬獲浙軍亦收復安吉縣城僧王由豫入楚會勦髮捻各逆擒戮殆盡髮捻各逆先屯湖北麻城縣之白杲官軍攻急先後竄擾蘄水蘄州廣濟等處僧王親王上巴河與官大

臣會商合勦前後殺賊數千名斃擒首賊目亦衆大股復竄皖境安徽喬巡撫松年督臬司英翰及郭寶昌張得勝何紹彩等軍分扼英山霍山六安州等處初敗賊於楊柳灣再敗賊於土門河紅花界羣逆知金陵克復無巢可歸我兵三省會勦極嚴無路再竄頭目汪世第張啓才李宏楊陳錦鳳等率二萬餘衆投張得勝何紹彩軍前乞撫稟商喬巡撫派總兵徐鶴馳往受其降偽天將馬融和旋投誠於英翰郭寶昌軍中偽端王藍成春亦赴僧王翼長成保處乞降

平定粵匪紀略

卷十八

六

羣王肅

偽朝將魏康福范立川陳漢泰周添順等赴道員蔣凝學等各軍前請撫先後遣散者不下十餘萬人賊勢益孤偽扶王陳得才服毒身死蔣凝學飭令參將劉維楨帶同偽將高啓成於長嶺菴山前掘獲尸身解交僧王大營驗明劉戮所遺髮逆無多由僻路潛散擒匪竄回河南

八月浙軍截勦竄賊大獲勝仗

浙江湖州敗賊由廣德分竄八月初三等日堵逆黃文金一股竄至昌化縣白牛橋地方經分水守禦劉

光明等率隊迎勦擒斬甚多復經總兵羅大春等前後夾擊斃賊不計其數餘匪向昱嶺關逃竄其偕逆譚體元等一股於初八日竄近淳安縣蜀口地方經黃少春督軍分路進擊立斃悍賊數千名追至洪橋頭逆衆憑橋死拒官軍分隊從後抄擊中路乘勢衝殺追斬譚體元及偽樂王之子莫桂先等大小賊目一百五十餘名殺斃轟斃及自相踐踴死者約六七千人生擒悍賊千餘名救出難民萬餘人初九等日昭逆黃文英大股復由蜀口四嶺竄擁撲營黃少春

平定粵匪紀略

卷十八

七

羣王肅

督軍疊攻猛擊賊勢不支紛紛敗北復追殺數千名江西軍敗賊於廣信江西東路賊匪竄擾玉山等處經林珠等督帶兵勇擊賊獲勝賊衆敗竄廣豐顧雲彩會同林珠追勦斬殺甚多張岳齡李佑厚等復於玉山縣東擊敗賊股盡將竄匪殲除時王德榜統軍由浙江馳入江西節節掃蕩分隊勦疊在玉山廣豐上饒鉛山界內大獲全捷陣斬逆首洪元珍金信等多名會同黃少春在鉛山界內勦撫兼施生擒偽譽逆李瑞生餘賊追

殺無算廣信府屬一律肅清

追勦湖州逆眾擒捕偽王

湖州逆匪洪仁玕等由新城敗遁記名按察使席寶田督軍晝夜緊追及之於廣昌白水嶺等處殲斃多名逆眾遁踞古嶺憑險堅拒官軍斬關而入自相踐蹋四散逃竄席寶田令各營分隊搜勦自率輕騎疾進生擒洪秀全之弟偽干王洪仁玕等逆酋多名及老廣賊七八百名羣賊千餘名殺斃三千餘名解散數千名奪獲騾馬洋槍不計其數各營復陸續搜獲

平定粵匪紀略

卷十八

三

羣玉齋

偽傳御列王百數十名及洪秀全之兄偽卹王洪仁政黃文金之弟偽昭王黃文英

九月鮑軍飛援甯都州力戰解圍

汪海洋逆股自許灣敗後率悍賊數萬攻撲甯都署知州郭毓龍等登陣固守斃賊千餘鮑超率所部由池埠進援九月十一日逆分三路出逼官軍營壘賊陣林立山岡彌望無間鮑超指揮諸將布置甯定逆眾拚死衝突洋槍洋礮如雨官軍五路齊進敗其前隊譚勝達唐仁廉等軍盡力衝勦左右兩路之賊

登時潰退周有勝等直搗中堅馬隊各軍橫截直衝十盪十決賊勢不支官軍追至山下圍殺方酣另股從山嶺壓下拚命搏鬪適譚勝達等馳至斷其歸路賊遂大潰官軍追殺四十餘里將吳口渡張連湖坑山港烏林壩等處賊巢悉數蹋平積尸徧地十二日辰刻直抵甯都州埭平城外數十壘立解城圍共計斃賊萬數千名生擒二千餘名內有偽朝將王金瑞等賊目一百二十餘名立於軍前正法

江西軍生擒偽幼主洪福瑱粵匪平

平定粵匪紀略

卷十八

三

羣玉齋

偽幼主洪福瑱一犯前於江甯攻克時據擒賊供稱已積薪自焚嗣聞浙左總督探明洪福瑱實已潛蹤逃竄奏奉

諭旨飭令跟蹤兜拿逆眾被官軍追勦屢次敗衄由安徽廣

德逃往浙江復出竄安徽甯國績溪自浙江遂安一帶遁入江西廣豐瀘溪官軍沿途躡追及於廣昌石城地方將各逆首斬馘殆盡幼逆尙未就擒席寶田一軍移紮石城派員帶隊搜拿九月二十五日游擊周家良於石城荒谷中將洪幼逆拿獲粵匪遂平

捷上奉

旨該犯係洪秀全之子么麼小醜漏網餘生不值檻送京師著在江西省城凌遲處死以快人心等因欽此江西巡撫沈葆楨

賞一等輕車都尉世職頭品頂戴署浙江提督鮑超封一等子爵記名按察使席寶田

賞雲騎尉世職

賞穿黃馬褂閩浙總督左宗棠

錫封一等伯爵浙江布政使蔣益澧

平定粵匪紀略

卷十八

三

羣玉齋

賞騎都尉世職蓋自道光三十年廣西創亂以來至此凡十有五年蹂躪幾徧天下翳古小醜跳梁從無如是之日久地廣者仰賴

文宗顯皇帝

兩宮皇太后我

皇上廟謨廣運指示機宜各將帥黽勉圖功大彰

天討不惜帑金以養戰士不吝爵賞以旌有勞卒至醜類

帶殲大功底定自偽幼主授首後逆氛已全數盪平

遺孽併入擒匪之中間有未淨竊計魂游釜底殘喘

稍延泰階之平指日可待爰記始亂及勘定大概以備

方略館采輯而垂鑒於我

大清萬萬世云

平定粵匪紀略

卷十五

三

羣玉齋

平定粵匪紀略附記一



羣玉齋

春秋之義盜不書名漢史詳記意傲貫盈茲從班
例明著典刑寒那慝膽正天地經作賊名記第一

首逆洪秀全原籍廣東花縣生於嘉慶十七年壬申身
癡肥略識字父國游與母均早死秀全飲博無賴以演
命賣卜為生先是廣東奸民朱九濤倡上帝會秀全及
同邑之馮雲山踵師之後以秀全為教主道光十六年
偕雲山游廣西住桂平武宣二縣接壤之鵬化山中傳
其教恐無術不足惑眾乃託名為西洋天主教捏造天

平定粵匪紀略

附記一

一

羣玉齋

父天兄名目造各妖書肆為煽惑遠近不逞徒附之三
十年六月自桂平縣之金田邨倡亂所過輒焚房舍絕
安土望故脅從益眾初踞永安州僭偽號為太平天國
稱天王逼桂林撲長沙脅眾呼萬歲咸豐二年陷武昌
順流下長江擄民船萬餘艘民男婦約五十萬人逆燄
張甚自黃州下至安慶城悉陷三年二月初十日陷江
甯城蔓延十六省陷城大小六百餘造宮室輿馬服飾
封諸偽官僭王者制嘗受制於偽東王楊秀清閉令深
藏號令一秀清出秀清死乃自由而兇蠢不能箝其下

同治三年五月二十七日大軍壁江甯城垂克仰藥死
賊平懸重賞購得其尸髮禿鬚尚存皮肉有未潰者舉
烈火焚之

洪福瑱逆秀全長子賊妻賴氏生初名天貴九歲時秀
全好異作三字名呼為天貴福秀全死羣賊擁立之為
重造偽璽名下橫列真王二字人復誤名之為洪福瑱
時年僅十六歲六月十六日

王師拔金陵賊巢福瑱惶急偽忠王李秀成讓善馬使乘以
逃由安徽之廣德往浙江湖州復出竄江西之廣昌匿

平定粵匪紀略

附記一

二

羣玉齋

石坡荒谷中為游擊周家長搜獲疏聞

上以么虜小醜不值檻送京師即在江西省城凌遲處死

洪大全湖南衡州人少應童子試狂悖敢大言亡命粵
西與秀全聯宗誼入其黨偽號天德王性狠毒而外假
仁義擄人時十則留三禁無姦殺頑眾以為賢楊逆秀
清心忌之在永安突圍出為官軍擒而大全囚服繫銀
鐐受縛獻俘京師磔於市或曰秀清囚之而逸出被獲
也或曰賊目敗竄往往着囚服冀倖脫近之

洪仁發仁達皆逆秀全兄與異母倡亂後附之楊逆惡

其手足親不令聞軍事每詭稱天父附體肆謾罵焉仁達嘗失律後至以為大不敬當誅秀全令肉袒請罪不獲已予杖百仁達起欣欣以為得天父憐他愚陋類此楊逆死偽封仁發安王仁達福王並用事惟食粟貪貨而已洪成春洪球琳未知與首逆親疏亦任之重常寇竄三河桐城間為官兵誅死偽干王洪仁玕首逆同祖弟也楊韋諸賊相屠戮秀全懼太橫難制故偽封猶少及仁玕自粵西行乞至喜而王之恐無以服眾乃擇心腹賊悉偽加王號而逆宗靡不王矣其親於秀全者曰

平定粵匪紀略

附記一

三

羣王齋

和元曰利元曰葵元曰春元皆仁發輩子也同治三年四月江甯既合圍賊駭甚有欲通官軍為獻城計者逆黨捕獲之秀全下其事仁發竟受賄銀數千置不問李秀成竄蘇杭時囑城賊各購米穀資口食而仁發輩令於眾非洪氏帖不得使粒米入金陵因以貨帖營利迨官兵合圍城中乏糧秀全團百草以食秀全以其兄為可任而不知其愚至此仁發輩之愚其秀全之悖逆有以取之也克金陵仁發仁達皆就戮仁玕竄江西亦就擒又有偽郵王洪仁政亦為秀全同祖兄與仁玕同誅

自首逆以下至逆宗之有名目者共十三人

次逆首楊秀清原籍廣東嘉應州遷居廣西桂平縣之大黃江世以種山燒炭為業秀清獨無賴游蕩性好譎異恒情初名嗣龍秀全約為兄弟改今名偽號正軍師東王一切軍事取決焉當攻永安時官軍勢盛賊窮蹙有散志獨秀清堅忍籠絡羣醜熾而復熾且恃詐力能鈴制其下秀全託名天主教捏造天父天兄名目秀清證其說自作巫謂天父下凡附其身屢託巫語叱令秀全前跪受杖使嚴憚之秀全踞江甯居督署閉令深藏

平定粵匪紀略

附記一

四

羣王齋

羣賊莫觀其面者數年秀清出則陳儀衛張旂幟鹵簿擬法駕而雜以傀儡戲室中琳瑯錦繡煥若天宮供頤指者狡童豔女以百千計貪慾無度損一目臥病以曾私洪逆妹為蕭朝貴妻朝貴死蓄偽宮具章請治疾以善抑搔故洪逆勉從之其畏憚至此咸豐六年七月向大臣以疾薨城賊舉酒相慶秀清陰有自立意令其下呼萬歲賊黨有不從者密助洪逆召偽北王偽翼王歸賀韋昌輝先至詣秀清止而觴之酒酣抽刃以刺洞胸遂割烹以享其眾盡誅秀清族黨

逆魁蕭朝貴洪逆妹婿也廣西武宣人從洪楊二逆亡命以兇惡猛悍稱每率賊與官兵苦戰屢陷城屠戮極慘偽號又正軍師西王偽副軍師南王馮雲山廣東化縣人素與首逆習上帝會偕游廣西為桂平令緝獲逆黨黃玉崑設計行賄脫方獄急時玉崑斂錢充用費相識者咸以燒炭為業因按炭取資謂之科炭及偕據猶叙科炭功加偽職焉咸豐二年破全州將順流犯長沙官軍於下游襲衣渡伐木作堰力扼之鏖戰兩晝夜雲山斃於礮迨至長沙朝貴亦擊死賊均葬以偽王禮

平定粵匪紀略

附記一

五

羣王齋

為我軍掘得磔其尸逆黨諱其死仍存偽西王南王號雲山無子朝貴子有和襲偽西王死亂兵中韋昌輝原名正桂平縣人石達開原籍廣東和平縣住廣西貴縣家均富饒洪逆倡亂懼搜括莫保身家獻賈助賊故得偽號昌輝北王達開翼王二逆小有才為洪秀全所親幸然均下秀清一等秀清啓事稱弟稱立二逆則稱臣稱跪陷江甯句當壹是羣賊先白昌輝達開謂之稟報二逆揣可行而轉達秀清則為稟奏二逆諂事秀清實陰圖之及秀清欲呼萬歲昌輝自皖省回手

刃之達開後至賈其殲東黨太酷昌輝欲併圖之達開覺緹城夜遁昌輝悉誅其母妻子女洪逆怒令眾攻偽北王府昌輝渡江遁途遇東逆黨縛送族誅而達開遂孑然上竄分黨騷動川黔地同治二年四月為川兵生擒凌遲死洪逆負嵎十餘年偽封諸賊王號以千百計而尊寵惟次首逆楊秀清一人逆魁四人

秦曰綱一名曰昌貴縣人曾充壯丁後黜革入上帝會與蕭朝貴均為洪逆驍將朝貴死曰綱獨當一面楚以北尤著驍怒焉旋擾九江安慶諸屬邑官軍克復武漢

平定粵匪紀略

附記一

六

羣王齋

守賊石鳳魁退竄田家鎮將有他志曰綱馳救而密令楊逆收鳳魁之權尤為洪逆心腹後逆魁相屠曰綱死亂刃中罪與蕭馮韋石埒雖比肩胡以眈而以眈視之不及也胡以眈桂平人家素封就童子試不售好放言眩愚頑及見洪逆等妖書深相結羣逆常聚會其家入江甯偽號豫王報其為煽亂時東道主也與諸逆竄擾江北踞廬州後亦走死

陳承銘逆倡亂時渠惡也為秀全偽朝內官拜興國侯

改偽佐天侯楊韋逆倚任之惟出掠不如其同黨黃玉
崑能黃玉崑者桂平人素以健訟魚肉鄉里道光末逆
魁馮雲山以傳上帝會逮囹圄玉崑左右庇出之有美
女石逆取妻焉犯長沙為前隊官兵避其鋒咸豐三年
二月江甯陷玉崑矯偽詔安民甚信於楊逆自偽侯以
下無與抗禮者偶失逆首意予杖羞忿投水而羅苾芬
遣救之羅苾芬者亦從亂渠惡也偽封地官又正丞相
為韋逆司會計韋逆行事能以意會常留江甯城韋逆
死苾芬坐同黨被誅

平定粵匪紀略

附記一

七

羣玉齋

林鳳祥老賊也咸豐三年二月犯江甯鳳祥先登儀鳳
門封偽侯與李開芳會立昌分陷鎮江揚州城又率賊
渡河北擾山東直隸界五年正月官兵克連鎮鳳祥薙
髮匿身地洞汗泥中搜獲檻送京師凌遲處死偽地官
正丞相李開芳亦於是年四月擒於馮官屯伏誅會立
昌踞揚州時為偽指揮後北竄偽封丞相為官兵驅溺
曹縣黃河中

羅大綱廣東籍為海盜以兇狡凌侮其儕輩見嫉於眾
遂亡命潯梧間聞洪秀全亂走歸之其陷鎮江揚州從

林李逆往標悍機警肆毒為二逆冠數攻田家鎮焚劫
罄盡備諸慘惡偽拜冬官正丞相才出諸偽王上無封
號自恨非粵西賊比後為水師礮擊沈尸於江
吉文元亦廣西老賊北竄伏誅又有羅亞旺范連德者
倡亂時與胡以晄同封偽官後無聞疑已於永安時殲
除矣

偽丞相何震川象州人為諸生不獲倚恃才傲物憤激
故甘從賊者賊中偽詔誥文檄出震川手而盧賢拔依
倚附和之賢拔偽封掌朝儀同將軍凡賊中之天條三

平定粵匪紀略

附記一

八

羣玉齋

字經偽書及官職制度皆賢拔草創上洪逆而令震川
潤色之悖逆尤甚後無聞官軍勦賊營所獲文案率鄙
俚可噴飯二賊不屠戮必嬰斧誅矣盧何二逆外有曾
水源曾釗揚俱粵西賊訓蒙童於胡以晄家入江甯以
撰偽書受職未嘗與軍事又皆二逆之卑視齷齪者
朱錫琨在金田時偽封右軍長與偽前一軍拯危急將
軍黃益芸少相善皆勇敢抗官軍殊死鬪咸豐三年四
月賊眾北犯錫琨益芸行抵六合敗歸是年十月復與
許宗揚竄山東為林鳳祥應援宗揚亦狡健善戰在曹

縣時爲官軍擊逐三賊與同行之曾立昌均策馬赴黃河死

蒙得恩者性狡叵測善會人意逆踞江甯搜良家女充偽嬪嬙得恩輒密計誘獻之拜爲春官正丞相總理女營事各營僞女官及女巡查日三至聽令焉自逆魁相屠後洪逆最信任得恩僞封正掌率雖逆眷房闈所需物亦關白而行厭膏梁叢羅綺耳倦聲目眩色窮極奢愆逾十年後病厲以伏冥誅聞

林紹璋從逆首破岳州僞封監軍春官又副丞相咸豐

平定粵匪紀略

附記一

九

羣王肅

四年二月犯湘潭賊衆覆歿紹璋跳免伏湖口數年以僞忠王李秀成薦與李春發掌管賊朝事號僞章王出踞桐城爲安慶聲援官軍清皖省衆潰而死

曾天養貌兇惡趨捷善騎射賊中呼爲飛將軍屢陷城邑爲僞左檢點咸豐四年二月泝流犯湘潭破岳州回陷武昌與其族名錦兼名鳳傳者俱倡亂賊洪楊逆信任之授僞軍帥然二賊殘忍相上下鳳傳粗鄙畏縮不爲賊衆稱敗竄死而天養突鋒刃所過輒靡七月官兵大戰城陵磯擒天養梟其首重十餘斤其軀幹雄偉可

想又有會天誥者天養弟兇威亞於兄羣呼曾七哥投僞殿前左二十七指揮天養伏誅於城陵磯天誥竄田家鎮守磨盤山遁去

陳桂堂亦倡亂賊守江甯朝陽門性譎詭頗洞事機會欲通官軍爲內應其黨有張瞎子者名子朋勇猛喜殺咸豐三年二月乘船犯湖北至廣州撻健兒多賊衆怒有投誠意桂堂駛達楊逆改遣唐正財資金帛犒賚撫慰賊歡如故杖子朋一千正財籍粵西幼習篙楫爲販商在岳州遇賊令司水營事甘心從逆與桂堂均僞職

平定粵匪紀略

附記一

十

羣王肅

丞相子朋坐閉錮數年亦僞號丞相韋賊復踞武漢僞檢點黃再興副僞國宗石鳳魁守之知鳳魁驕蹇不服衆乃潛竄田家鎮爲犄角勢密啓楊逆令桂堂代鳳魁桂堂將至而官軍收武漢克田家鎮楊逆以再興報遲積素憾殺之臨死尙嘆曰如桂堂早十日來武漢無虞矣唐正財後僞封航王守蘇州同治二年十月官軍克蘇州擊斃

吳如孝少爲洋商司出納敢死犯不墮富兒輩不知其才也輕之故從亂與羅大綱陷鎮江揚州封僞總制復

自領一軍攻東壩回踞鎮江城最久咸豐七年十一月官兵克鎮江如孝跳身出封偽顧王與偽英王陳玉成合兵由湯頭河進破官軍土橋營八年八月從陳玉成會捻首龔得樹由界牌下犯滁州又分踞桐舒等城九年八月在盱眙為總兵張得勝陣斬之

白暉懷偽殿右十二指揮咸豐三年五月與賴漢英犯江西敗回又攻陷三汊河踞廬州四年二月上犯岳州城陵磯官兵擊走之為楊逆誅賴漢英者洪逆之妻弟呼賴國舅犯江西轟城三次幾圯為官兵堵截退兇猛

平定粵匪紀略

附記一

十一

羣王肅

亞於羅大綱故喜與大綱俱後失楊逆意囚禁之其族子賴文鴻名埒漢英屢從陳玉成往來太湖宿松間與官兵抗壘積經年月大兵屢困江甯城文鴻偕李秀成陷杭州牽制之我軍克蘇州文鴻不知所終林錫保胡海隆張朝爵殘忍好殺用非刑羅織人罪街已聰明而博楊逆歡楊逆誅三賊皆其黨悉被戮周勝坤業質庫與吳可億罄家貲助逆故皆偽封典聖庫凡獲財帛令勝坤可億守藏之而勝坤獨勇力敢戰咸豐四年帶賊目陳宗勝梁立太等犯皖屢抗官軍宗

勝為偽丞相獨犯高瀆東壩敗往廬州援胡以眈遂久踞廬立太為偽殿左二十三檢點甚見賞於石逆每出必偕又為秦逆副擾建德東流颯閃無常從周勝坤輩以皖省為老巢後均殲於皖

涂振興形若猿猴吉志元短小精悍目有兇光性俱喜殺戮志元年幼於振興而從逆最先入江甯授偽北殿僕射犯湘潭回犯黃陂孝感官兵追躡黃剛倉子埠殲誅於半壁山余廷璋亦同時殲斃於小池口性亦暴虐異常情封偽殿四十指揮振興為偽殿左七承宣常援

平定粵匪紀略

附記一

十二

羣王肅

鎮江佐陳玉成抗官軍敗走死羅瓊樹其族兄曰大綱著名逆酋而瓊樹為大綱策應屢陷江楚諸州邑偽授丞相職林啓容魏超成覃炳賢雖皆粵西賊寵任常出瓊樹下啓容初為楊逆健兒入江甯尚未投偽職從賴漢英石祥貞犯江西封偽殿右十二檢點超成嗜殺人不可勝計擾興國武甯義甯諸州縣與偽御林侍衛殿左二十一檢點覃炳賢俱以殘暴冠其羣亦屢犯建德東流宿松太湖界當大綱張磯全楚時以瓊樹從聲勢聯絡我軍屢受其害徽甯至武

漢小兒皆知有羅矮子者自秦曰綱以下惟羅逆兄弟等籍廣東餘皆粵西賊倡亂渠惡罪擢髮不勝數者計四十八人

稽古草竊僭名號者以其逆族爲國宗若僞王侯將相但尊焉寵焉戚里焉已耳舉從逆之子姓而盡國宗之可矜也楊秀清自黨屠伏天誅子姪無聞有楊輔清者竄閩浙騷擾邊界官軍副浦口輔清爲僞中軍主將解江甯圍封僞輔王再寇皖省官軍圍急絕其糧道賊盡斃輔清先遁以免云是秀清弟咸豐四五年間踞蘄州

平定粵匪紀略

附記一

三

羣玉齋

者僞金二副將軍名明來亦其族是爲楊宗蕭朝貴子有和外又有名招生者抑亦其宗歟馮雲山早誅宗無聞其以僞國宗煽惑僞都及外竄踞城池者惟韋昌輝石達開二逆爲衆元玠韋昌輝父尊爲國宗伯逢禮拜日必書名跪請洪楊首逆安僞都大喜慶雖昌輝前亦跪稱千歲謬悖無人倫至此昌輝有兄曰濱早死有弟曰亞孫曰十一咸豐元年八月向大臣破風門劫斃之四年克太平府槍斃韋得玲稱僞國宗不知爲昌輝何人石達開之宗有祥貞鎮嵩鳳魁皆僞名國宗居廣宅

擁婦女飲酒食肉車馬儀從與洪逆宗無別不加職以事隨攝之自鳳魁失武漢與黃再興同誅惟祥貞略有作賊才其遣在亦重陷常德復陷岳州武昌皆祥貞總僞兵務半壁山之捷鎮嵩授首祥貞亦殲於七磯洪又有名達德者亦達開弟兄咸豐十年四月廣西百色廳陣斬之計僞國宗四姓共十三人

古之尙嬖倖久矣女寵之外有男色焉至若厨豎寵養亦賤伎屬也執途人而奉以爲若韓嫣若董賢若續貂之中郎將爛頭侯爛胃尉鮮弗勃然怒罵者蓋稍具廉

平定粵匪紀略

附記一

四

羣玉齋

恥羞比之而况逆黨媒狎哉黃啓芳貌美麗自喜初爲韋逆教讀諸逆皆嬖焉封僞恩賞丞相掌封僞官職頒執照賞福壽有奇思少習審曲工至江甯爲逆構洞房密闈宮觀綿麗極鬼巧亦僞封恩賞丞相凡未專攻掠以技藝進者皆投斯職焉逆之掌機織者鍾芳禮充內監香何潮元李俊良率以便辟巧媚侍諸逆左右供役使其才貌兼優出入簾幕爲閭井害凌侮良家者則李壽暉李壽春侯謙芳侯裕寬四人裕寬貌尤妍若美婦人妻充楊逆婢腰身亦爲掌庖兄侯淑錢亦推恩僞恩

賞丞相謙芳有心計通文墨楊逆機密事必與議權勢
傾韋石壽春亦然偽侯相均造虛與居是又不僅以偽
恩賞丞相著者偽恩賞丞相亦間為尤職候遷擢者暫
領之如記中徒書偽丞相者是茲擇其尤者錄之

奮螳螂之斧者不可當隆車之衝勢有必靡也錄賊之
生擒伏顯戮者倡亂初小醜跳梁無名目可指咸豐二
年冬偽軍帥劉勝芳圍湖南衡州斃於礮三年三月攻
金陵擒偽總制陳轉樹割之五月偽殿右八檢點汪成
林殲於江西偽春官又正丞相曾錫發殲於揚州三汊

平定粵匪紀略

附記一

去

羣玉齋

河四年春焚偽副丞相陳世保於山東冠縣逼溺偽丞
相曾立昌許宗揚於曹縣河中七月楚軍攻天門擒首
逆孔昭文刺死偽丞相汪得勝於湖南岳州之城陵磯
閏七月攻江南克復太平府槍斃偽檢點陳贊元偽將
軍李長有偽總制吳春和八月湘軍克復武漢俘偽殿
前丞相孟文慰於金沙洲戮之崇陽縣擒斬偽丞相金
之亨臨淮軍陣斬逆首吳鳳珠九月安徽廬江縣生擒
偽監軍任大綱十月楚軍水師破田家鎮之半壁山及
江西軍攻武甯義甯殲擒偽殿左四十九指揮梁修仁

偽土八副將軍黃鳳歧偽將軍陳文金偽提督韋以德
偽炎三總制劉紹武偽西貴親陸鍊福湘軍之攻九江
克湖口也擒偽將軍梁國安偽總制熊常易偽司馬許
學受是月揚州軍斬偽秋官又副丞相鍾廷元楚軍攻
崇陽縣與國州殲斃偽總制廖敬順偽育才官胡萬智
偽檢點萬象汾五年四月北軍克馮官屯擒李開芳時
有黃懿端謝金生等八名皆偽官悍黨解京戮之是月
江南水師擒偽先鋒陳長順湖北陸軍擒偽總制伍大
貴偽丞相陳大為十一月金陵斬偽丞相周少魁揚州

平定粵匪紀略

附記一

去

羣玉齋

擒偽參護鄭金桂十二月江南水師擒偽檢點趙元發
偽將軍王化興六年冬江西擒偽將軍羅文元偽司馬
李光發九江焚賊船擒偽檢點古文新楚軍攻黃州戮
偽將軍章成金劉松稠七年二月安徽壽州斬偽將軍
吳守剛先鋒楊得應張定邦九月於巢湖中生擒偽指
揮陳上林八年二月楚軍於羅田縣之黃泥畝擒劇賊
偽丞相韋朝綱四月克九江逆酋偽貞天侯林啓榮偽
元戎李興隆死於亂軍中八月楚南援軍攻江西吉安
府甚急城賊內亂自殺偽丞相翟明海其偽先鋒李雅

鳳偽副將軍吳法爲我軍所擒九年二月江南江浦縣生擒偽固天福洪方偽立天豫莫興是年賊中添偽銜於王侯之下有義安福豫燕五等洪方等是已七月石達開率大股圍攻湖南寶慶府陣斬偽元帥胡德孝偽統戎陳麗江偽佐族總制黃立英生擒偽檢點陳明官偽將軍蔡光遠周學福王智明李定發偽提審孫子安偽通傳許六祥時石逆與洪逆已若合若離故偽官如元帥統戎佐族提審通傳等名與金陵異矣八月楚軍攻安徽石牌越濠縱火生擒偽總制霍天燕石廷玉十

新皆四眼狗陳玉成死黨故陳姓爲多四月浙江軍克復台州府仙居黃巖等縣擒偽延天義李元徠偽王李洪藻李遇茂偽主將李尙揚偽佐將鄧積仕十一月江蘇福山賊目駱國忠投誠誘殺偽憑天義錢加仁二年二月復擒偽孝天義朱衣點是月四川擊斃偽中旂賴裕新卽賴剝皮石逆達開之前鋒也三月江蘇太倉州擒斬偽會王蔡元濼江西斬偽祐王李遠繼偽孝王胡昇文偽綯天義古文義四月安徽六安州斬偽富天豫張承德七月江蘇軍克浙江之西塘鎮戮偽王宗廖姓

天侯張在朋四月蘇州軍攻克常州生擒偽護王陳坤書偽佐王黃和錦是月克丹陽擒偽末王賴桂芳偽烈王陳時永五月擒偽威王陳榮於浙江之孝豐縣七月楚軍擊斃偽天將蔣開揚於黃州蘇州軍斬偽王黃十四八月斬湖州賊偽偕王譚體元並偽樂王之子莫桂先江西軍斬逆首洪元珍金信擒偽書王李瑞生於鉛山偽堵王黃文金即黃老虎於甯國途斃是月生擒偽幼逆洪福瑱同擒偽昭王黃文英等是年分竄陝西股逆下竄湖北生擒偽端王藍成春其最驍健之偽扶王

平定粵匪紀略

附記一

九

羣玉齋

陳得才服毒自盡掘其尸剖戮之計惡賊之伏顯誅可稽者一百三十五人逆魁偽國宗及著名逆黨已詳記中者不與焉我軍每接仗必有斬戮或僅知名姓或僅知偽官皆未之記更有未經查報未見邸抄者不知凡幾所記第十之一二耳

聞大惡者不死於病黨逆之稍誅有待耳或云多竄死豈亦有幸哉偽將軍章志太陷九江甯回江甯城張遂謀偽東殿右十二承宣劉滿偽水五副將軍踞湖口宿松官兵克復未生擒陳仕章以援鎮江襲湯頭河官營

朝廷

力偽授夏官副丞相偽將軍黃金愛童容海俱刺賊李秀成所統轄甘心効鷹犬者金愛常從陳玉成守桐城玉成赴皖金愛護之出返遇官兵伏起夾擊之金愛逃水匿數十刻而遁而容海間道走海上招賊二十萬助秀成犯浙西陷金華紹興諸州縣後見秀成勢淩孤一夕遁去不知處此賊之尤健黠者同治建元泰西就撫朝廷得專力勦賊諸帥展方叔召伯之略麾下將皆効命死戰龍驤虎雉楚南北江左右浙東西以次奏膚功而賊勢益蹙洪逆奪魄恐諸賊渙散乃濫加偽王號為困獸

平定粵匪紀略

附記一

十

羣玉齋

計於是陸順德為偽才王范汝曾為偽首王黃呈忠為偽戴王陳炳文為偽聽王陳德風為偽鬆王莫仕葵為偽補王皆菜傭質不能為逆區畫或於克金陵時投首或於竄江西時被殲皆不可知惟偽侍王李世賢素多詭計常與劇賊陳玉成李秀成等多方解金陵困玉成秀成先後俘獲而世賢竄往江西福建又偽啓王梁成富等先擾陝甘後與捻匪合欲援金陵至湖北蕪水縣境為官軍擊散竄往河南山東計稽誅勁賊者數人耳陳玉成粵西賊渠陳承銘之姪兩目下有黑癍二賊中

呼爲四眼狗性凶狡曾殺自永安至江甯未與戰鬪事以其幼也咸豐四年隨賊會上犯湘潭而玉成志在武漢領一隊入梁子湖達武昌踰城而上遂陷之竝踞漢陽城授僞殿右十八指揮嗣陷田家鎮踞廣濟黃梅連陷九江捨死苦戰趨捷先登僞封爲成天豫與李秀成同事獨久爲賊中魁渠秀成亦籍隸粵西初爲二十指揮僞東北二賊屠戮後始與玉成同用事授僞地官副丞相盤踞皖省援倚玉成安慶之屢陷而艱克者二賊爲之蠹也玉成爲僞朝正掌帥秀成副之戊午春秀成

平定粵匪紀略

附記一

三

羣玉齋

營蕪湖渡江過西梁山至和州破何林舖官營二十座擁衆投全椒是時玉成亦由羅田麻城敗歸相會縱陽竄三河擾皖楚賊勢復振先我軍屢圍江甯玉成設法抗拒而秀成獨領賊目陷杭州以掣肘我軍會江南分軍扼賊要害絕其糧運張提督玉良馳往克復秀成由廣德州回金陵玉成亦自潛山太湖下江浦合攻金陵大營時援浙之軍未歸致蘇常相繼失守賊中相譁爲六解京圍云秀成旋由蘇州竄踞杭州洪逆施鞫糜計封玉成僞英王秀成僞忠王竝以黃綾書萬古忠義賜

秀成秀成愈疑懼又留秀成母於金陵陰以爲質玉成竄江北值安慶爲我軍克復乃死守廬州十一月初四日爲多將軍攻克玉成走壽春苗沛霖誘至昇官軍寸磔之其部賊悉歸秀成同治元年冬官兵悉精銳圍金陵洪逆召秀成回援秀成復竄擾江浦舒桐六安爲圍魏救韓計我軍不爲動乃敗歸固守三年春賊營壘盡失死守孤城五月二十七日洪逆仰藥死六月十六日官兵克復江甯城秀成以善馬投逆子福瑱遁而自乘劣騎突圍出被擒髮逆遂平自倡亂以來十五年逆

平定粵匪紀略

附記一

三

羣玉齋

魁渠相繼屠戮或臨陣誅擒終始助亂盪巢後嬰重誅者惟秀成一人玉成先誅二年餘均劇賊之尤稔惡者秀成初名以文授僞王時洪逆改今名而玉成亦初名丕成

按首逆及逆宗十三人逆魁僞王五人渠惡四十八人僞國宗五姓共十三人嬖倖十八人伏顯誅可稽者一百三十二人稽誅者十餘人劇賊最久後誅者二人統計不過二百餘人耳僞職以千萬數大抵銜虛名張聲勢温飽弗獲况榮貴乎且倡亂

者萬餘至江甯存者僅數千受偽職者百數其餘皆出入鋒刃冒寒暑而死耳夫民即無良貪聲色嗜貨財未有渴飲酖而饑食堇者粵西處蠻瘴之鄉皆慄悍以劫奪為事故輕犯法從逆至此又無循良吏申明令憲以撕警之禁其強暴懲其讒蠱安其生業開其正性俾長享耕鑿為

盛世氓也逆魁之煽惑愚民者動曰富貴自永安以至金陵賊擄金帛必悉入庫男女行異列居異館犯禁者誅夫婦母子不相見親戚眷屬不聞問亦何

平定粵匪紀略

附記一

三

羣玉齋

樂為賊也富貴安在哉而逆首則端居房闈擁美姬豔妾窮極淫慾靡明晦彼從賊能勿痛心疾首乎官兵又目粵西為老賊戮不待時人窮返本其悔入迷途而控愬無門者亦重可傷已茲記獨詳著始禍者顛末俾知槐國之衣冠不長身首已尸於藁街而愚頑無識者庶不為驍桀註誤焉

平定粵匪紀略附記二

詠言之輿圖識爰始若五威符若五斗米誣罔不道註誤未已辭而闕之庶返正軌作邪說記第二嘉慶初白蓮教起始湖北長陽浸淫襄陽巴東諸州縣四川達州賊應之由川入陝而豫而楚賊之最悍者惟齊王氏劉之協教魁也六年後梟賊以次悉伏誅而八卦諸教蔓延山東直隸界大吏嚴捕密緝僅獲渠惡其餘率以教不為匪見原根株蓋猶有存者未幾有林清王倫之變他如紅陽青蓮諸怪誕不經之說及添弟會

平定粵匪紀略

附記二

一

羣玉齋

無為教等名目寫僻多有之我民晏然處昇平之世目不覩弋鋌耳不聞擊鼓風鶴忽警何以全身命於鋒鏑之餘乎洪逆倡亂於道光三十年由粵東狗頭山朱九濤始亦踵襲前匪而狡飾尤出人意料初造邪說則云鑄鐵香爐成可駕以航海秀全既師事九濤陰結羽黨久知其教不足大惑眾而行其志乃至粵西桂平縣與其妹婿蕭朝貴比鄰楊秀清深相結又得廣東花縣人馮雲山倡立上帝會自為教主入其會者歲納香銀五兩聚男女無拘男不論長

幼概曰弟兄女不辨婦姑總曰姊妹

既立上帝會洪秀全自以爲天父第二子降下附會泰西教謂耶穌爲天畏子已乃耶穌弟詭稱天父名火華諱火爲炎華爲花編造讚美經咒以下元轉運紅羊劫數已臨入其會者受享快樂潛圖不軌之舉

逆仿泰西教亦尙禮拜初每食必禮拜羣跪合喙至金陵以七日爲率禮拜必夜半辭云讚美上帝爲天聖父讚美基督爲救世真聖主讚美聖神風爲神靈讚美三位爲合一真神真道豈與世道相同能救人靈享福無

平定粵匪紀略

附記一

二

羣玉齋

窮智者踴躍接之爲福愚者醒悟天堂路通天父鴻恩廣大無邊不惜太子遣降凡間人知悔改魂得升天逆首之禮拜也有疏文仿青詞例實鄙俚不足辱筆墨姑錄其一文云小子某同衆小子外小跪在地下禱天父上主皇上帝老親爺天兄基督親大哥今於某月某日禮拜之期理宜虔設茶菓燈亮頌德歌功酬謝天恩懇求天父時賜聖神風化醒天下萬國臣民早日回心共同讚美天父上帝權能太平一統祝福小子等百戰百勝事事如意有衣有食無災無難永保平安共享榮

光天子萬年託救世真聖主天兄基督贖罪功曹並託承乃師贖病主功曹轉求天父上主皇上帝在天神靈在地如在天焉俯准所求心誠太平天國年月日

偽歷日尤狂謬無稽其書無凶吉宜忌以二十八宿值配之而定歲而閏日而無閏月年以三百六十六日爲額偽進歷表云當今天日平勻圓滿無一些虧缺某等造歷以三百六十六日爲一年單月三十日雙月三十一十立春清明芒種立秋寒露大雪俱十六日餘俱十五日乃是天父上主皇上帝遣我主降凡旨意也從前

平定粵匪紀略

附記二

三

羣玉齋

歷書盡行刪除年月日時皆天父排定年年吉良月月吉良日日時時亦是吉良何用選擇賊中所諱字最多除天父名火華改火爲亮華爲花外如天字上畫寫微長人名則避作添上爲上帝稱餘作尙老作考基督耶穌別稱也亦避之凡文書偽章奏禁勿犯不得已用者基以居督以率秀爲繡全爲泉逆名也無足怪可怪者不用鏡而以鑑代矣不用聖而以勝代矣龍神物耳福吉名耳而諱龍爲隆諱福爲復奚取也有國者無以國爲忌孰不願業之光孰不樂德之明

加水於其旁讞案之書重囚名有龍鳳字也準之以爲例陋且自貶矣國之改爲國一作郭丑爲好卯爲榮亥爲開鬼爲人更不知命意之所在矣

此外又有隱語焉火藥改爲紅粉礮子爲元馬遺矢爲調化溺爲潤泉百姓爲外小呼孩以愚從其鄉之俗稱也以疏附稱文報以升天稱死亡至礮形製巨世所呼爲大將軍者則以爲洋莊心爲草真草好心也反草變心也起程爲裝身斂費爲科炭錄其特異者餘皆劫盜常談耳

平定粵匪紀略 附記一

四 羣玉齋

洪逆踞金陵其下皆呼以萬歲以九千歲呼楊逆蕭逆八千歲馮逆七千歲韋逆六千歲祝詞至五千歲止唯石逆與焉僞燕豫僅呼王千歲而已及楊逆將併誅自以爲功德無二令衆稱萬歲衆稍稍難之自請於洪逆逆親詣之曰弟稱萬歲甚善願何以稱我答曰可尊兄爲萬萬歲

楊逆最狡能惑人暗偵賊營中密事羣小微有不服意或背面反唇詭稱天父降體摘發陰私俯首伏罪相譁爲真天父所教往往杖及洪逆不敢違忤已有不韙亦

伏地令其下杖之以示公

逆每託天父附體喃喃口述旁有執筆者記重複雜沓彙錄分編統名寶誥刊刻頒行今通軍熟讀傳習免犯天令方得天父天兄歡心也欵筆曰高老山山令遵正十字祈祈

賊中輩敬者天父追其所自出云有叔嫂姦而生耶穌火華火華天父名也天父有五子一女長降凡爲耶穌第二子洪逆也惟楊逆得稱爲二兄餘皆不敢也馮逆第三子楊逆第四子韋逆第五子蕭逆非子也乃火華婿

平定粵匪紀略 附記二

五 羣玉齋

女名宣嬌實洪逆妹而云天父女降凡爲朝貴妻楊逆私通之嘗共臥起衆猝至徐整衣坐傳天父令曰宣嬌秀清同胞兄妹臥何嫌我令秀清臥爲天下兄弟贖病也令宣嬌同秀清臥爲天下姊妹贖病也遂自號禾乃師贖病主

據武宣東鄉時賊尙微官兵四圍邀截之賊有懼竄心復託天父下臨諭衆曰衆小認得天父天兄真麼衆齊跪對曰理會真天父真天兄又曰爾衆小認得爾主上真麼對曰理會我主上真乃曰我差爾主作世界主出

一言是天言行一事是天事爾衆小須真心扶爾主聽爾主狐疑不得怠慢不得若不顧爾主爾衆活不成天兄耶穌隨降壇曰戒人者不自在自在者不成人愈苦愈樂愈威風諸放心諸信心任妖一齊飛一齊變總不脫走我天父掌上過

逆每令衆賊宜公不宐私然所諄諄告諭者欲專利於已耳其在永安僞令曰各軍各營總須一條心對緊天父天兄繼自今衆兵將一切殺妖取城得金銀玉帛寶物不得私藏盡歸聖庫又令大小衆兵將千祈遵天令

平定粵匪紀略

附記一

六

羣玉齋

歡喜踴躍堅耐威武同心同力向前頂天父天兄綱常今爾衆知外妖多端誘惑否妖路傾邪否知得天父天兄前言定准否果能立志盡忠報國天父天兄自有光照爾衆小既幸爲天父子女天兄姊妹享福無窮莫惑詭計立整綱常醒醒莫教天光鬼迷也不得再私藏私帶諸珍物漏繳天庫者卽爲大不忠犯天條莫比逆僞造新舊聖書其舊者據拾約翰福音諸洋書所謂新聖書者皆逆頒僞詔共馮逆臆造而成有太平軍目太平禮制太平條規又有書曰三字經幼學詩尤俚俗

不可入目倡亂諸逆所造也其餘諸箴諸論諸門聯則被脅士子不得已而爲之或陰寓譏訕於贊揚之中如天父爲姦生理人作埋人詞意固權譎可喜實於雅化多乖也悉屏之不錄

僞天條十事背者誅無赦其殘忍苛暴歸逆蹟類至可發大矇自相矛盾者縷述之其說不許拜邪神不准殺人害人教人孝順其父母不許姦淫不許竊搶凡欺詐有禁起貪心有禁耳目口鼻俱有箴男女有別夫婦無同宿不許私相往來通閩問脅從人衆令朝夕誦讀贊

平定粵匪紀略

附記一

七

羣玉齋

美鄉愚多不識字遂責識字者口誦之故每館必有通文墨呼爲先生者遊所踞之地必鳴金集衆築壇場張鐙彩鼓吹推老賊一人升高座論說天條名曰講道理然時以講道理爲名者皆有所爲也凡擄衆搜糧必講道理倉猝行軍出令必講道理選女色爲嬪妃必講道理驅蠢丁壯夫爲極苦至難之役必講道理究其道理之必講則稱天父七日造成山海莫大功德天王東王操心勞力安養世人功德巍巍道理應供奉歡喜娛其心志暢其體膚爾衆小安得妄享天父之財祿驕淫怠

情犯天條律但生退悔前勞盡廢

逆所過名城繁鎮梵宮寶刹必毀拆殆盡朱碧紺黃悉薪之金身法相悉火之以為木妖也性不別珍玩概指為妖物三代鼎彝價值兼金者必搥碎而後止大江以南至臨安藏珠玉名圖書墨蹟者縣不下百十家寒素之儒亦必購精室數楹花圖數畦庭儲竹石座列琳琅爐香盃茗娟潔靜雅異尋常皆為賊所忌至則顛撲燬燼無完者並災及架上諸卷軸嫋嫋洞府之篇石渠乙閣之秘無異祖龍再來也甚者蟻以為廁籌匪中傷心

平定粵匪紀略

附記二

八

羣玉齋

人每假祝贊會以咒之曰雷極天王火燒東王賊亦罔識其詞意

賊令尤嚴男女之辨行軍所擄男歸男營軍帥統之婦女則別置後營粵西老蠻女統之至金陵設館鈐束更甚行營間有混迹女館逐日搜查立門牌以館長出名統其下月送冊偽詔書館核數雖粵西老賊亦不敢亂羣肆行強暴閨秀得恃以自貞咸豐五年後分配之令下高格者娶婦至十人卑亦不減三四人顛倒抑勒飲泣含冤不可殫述其潔白自矢者惟墜井投繯而已

逆悖謬人理有不可自解者錄其小節可以知其大凡首禍者隨處淫掠萬眾髮指而偽西王蕭朝貴其父在長沙途中密遣賊招朝貴母同臥眾覺白楊逆轉達洪逆皆出原之而朝貴公訟斬其父母警眾且揚揚語人曰父母違犯天條不足為父母也逆出偽示死不用棺用則為妖香火不設設則為邪死為昇天享受天堂極樂為莫大喜事不許哭其傳教然也而楊逆子死購梓木為棺含殮以珠玉希世寶物錦裹繡裝葬之日眾賊備鹵簿祖道逆淚下如雨目自是失明

平定粵匪紀略

附記一

九

羣玉齋

逆之偽名號必假天以寵之如贊天安侍天福成天豫定天福其勳階也餘如偽侯相鮮不銜以天者有佐天頂天等名目又加牛鬼神字而風師雲師雷師雨師更駭人聽聞焉其偽官無職有虛名者尤不可枚舉約計偽丞相有正副又正副春夏秋冬金木水火土合天地名員數四十四恩賞無額升擢之漸耳偽檢點三十指揮三十六均以殿前左某右某名之偽將軍總制隨事分派之各偽王俱有偽官數十人偽朝官有左右史侍衛統於伸后典諸物有官掌朝儀有官侍臣者主出

入偽詔書詔命章奏數人而已女內官有軍帥檢點巡查百長權傾男官師出有帥帥旅帥卒長兩司馬皆以軍帥爲之主而監軍統之鄉官視所陷之地大小爲多寡職名近萬人實食祿者僅百計

流俗謔曰賊有妖術溜報亦載之獲賊訊詞實無此說然好奇者猶詫談不衰始與官兵戰大黃江囊截下流江水爲之壅塞亦訛以傳訛也反風焚屋之說長老親見其謬火蛋延燒浸及駐館之處挽水撲救雇夫匿笑譁有妖婦胡二媚能呼致風霧騰空指揮所向無敵人

平定粵匪紀略

附記二

十

羣玉齋

自賊營逃歸云賊勢初尙微假術驚妄對壘時槍火競轟煙燄漲目賊縛幼女長竿上豔裝綵服如賽會抬高故事者煙散卽撤去

逆每慶生辰先數日逼令脅從士子投名進貢院考試約如科舉儀試非策非文出題以所刊諸妖妄書如四海之內皆東王真道豈與世道相同論試畢誕期傳臚取鼎甲三人翰林十餘進士百人卽冠以龍鳳冠錦袍游街東北翼亦然然不過壯觀瞻而已未聞授以偽朝事少有知識者多逸去逆黨亦置之不問

逆於洋煙禁最酷酒次之尋常截長竹作管制銅器若斗形相呼煙袋者亦目爲黃煙禁男女吸食而逆首僞宮嬪嬪則玉綴金鑲且脍吐納罔所忌間有薄譴警衆者則以言語不遜逢怒取憎也賊衆遂於密室偷嗜之市中居爲奇貨價與洋煙同

同治三年賊勢日蹙孤城四困外無救援城中賊日一食雜惡草具尙不果腹逆曾李秀成自浦口竄回鳴鐘鼓請逆算備作先事計逆侈然登座云我奉上帝聖旨天父天兄命我下凡作九州萬國獨一真主何懼之有

平定粵匪紀略

附記二

十一

羣玉齋

去留任爾我鐵桶江山爾不扶助有人扶助我之天兵百萬千萬妖兵豈能飛入耶

平定粵匪紀略附記三

陷我名城指不勝數毒我烝黎目不忍睹視民如傷維我

聖主穢厥渠魁六幕安堵作逆蹟記第三

前記逆匪造等等邪說猶託空言也其實犯逆蹟有令人髮指者傳教時僅洪秀全一人蓄髮潛匿窮谷中人罕識其面及金田倡亂則凡所裹脅悉禁薙髮以防背逃故遠近目為長毛亦云長髮賊及陷金陵後分黨四擾擄人益多逃者益衆乃令新擄者刺字於左右頰左

平定粵匪紀略附記三

一 羣王齋

曰太平天國右曰某軍某隊傳以靛華歷久彌顯自拔後以藥潰爛深且及骨更有於腦後用火印烙去其髮亦有盡剪髮辮者

賊中服色尚黃偽王俱衣黃袍繡以龍冠亦如之偽侯以下亦衣黃袍偽指揮以下則衣紅袍其褂及半臂短後衣皆繡龍鳳任意為之無定制男女皆首纏長巾雙拖至髻偽旅帥以上用黃下則紅或綢或布悉聽裹紅者多故江淮間呼賊為紅頭其風帽亦用紅色緣以黃以綠之廣狹為別偽侯之帽緣用三寸二分偽丞相之

帽緣用三寸餘以差等損之次一級即狹二分夏用角帽竹帽均飾以龍鳳獅麟及花卉蟲蝶帽額之中懸一牌繡偽銜於上

賊中旂幟亦有差等偽東王黃旂綠緣方一丈偽西王黃旂白緣方九尺五寸偽南王黃旂紫緣方九尺偽北王黃旂黑緣方八尺五寸偽翼王黃旂藍緣方八尺諸偽王所隸牌刀手衣色及緣均如旂制偽侯偽丞相以下俱用三尖黃旂緣以紅牌刀手俱黃衣紅緣偽將軍以下俱三尖黃旂牌刀手俱紅衣黃緣偽監軍以下亦

平定粵匪紀略附記三

二 羣王齋

用三尖黃旂牌刀手俱紅衣綠緣旂制亦別以廣狹次一級者即狹五

賊至金陵毀總督署為偽宮復占大陽溝一帶民房以擴其址役夫萬餘人興築幾一年窮極侈僭工甫竣火起燔為焦土復築如初克城後逆子積薪以焚存偽大殿及垣墻數處其偽殿雕鏤工巧所盤螭龍以赤金為之為土人挖去楊秀清韋昌輝石達開各建偽府馮雲山蕭朝貴早授首其子亦襲稱偽王建府後凡授偽王者無不建府皆併數家大宅而營造之我軍入金陵時

焚折略盡存者約五六耳

賊設偽官分朝內軍中雜職爲三途偽朝內自王侯以下有豫燕福安義五等各繫以名如承天豫預天燕之類復有掌朝掌率尙書僕射承宣侍衛左史右史疏附等偽名其賊軍中則有監軍軍帥師帥旅帥卒長兩司馬等偽名其雜職司賊之食用者一事一官皆曰典有典糧典油鹽典礮典紅粉典鉛錫典硝典旂典鐵典庫諸偽官又有宣詔書拯危藥材買辦宰夫諸偽衙司賊之勒索者一邨一官皆曰鄉更有職同恩賞等偽職或

平定粵匪紀略

附記三

三

羣玉齋

妄託古制沿其名而悖其意或勦襲稗官踵其誕而循其名封賞不時改革不一曾見有撰偽官表者大率以節令星辰肆意編造一偽職有至三十餘者爛羊都尉竈下中郎猶不足狀其惡態也

傳云齊人賴高渠彌輟謂以車裂人也逆匪無車代以馬凡老賊欲投誠而事洩者以五馬裂其尸壬子十二月賊陷武昌初十日在閱馬廠高設一臺賊目登其上曰講道理鳴鑼於市命闔城人往聽不到者死無赦有漢陽生員馬姓特至臺邊與賊目辯論繼以痛詈賊不

能屈令以五馬縛其肢首驅令分裂馬忽蹶蹶百驅不前而馬生罵不絕口賊不得已刃戕之馬通人性亦忠義之氣有以感之

賊之酷刑極多剝皮炮烙之外更有所謂點天燈者將人自頂至踵纏以棉紙浸以麻油復塗以松脂白蠟倒植而燃之呼號之聲慘不忍聞有至脛卽死者亦有至少腹始死者偽丞相曾立昌伏誅於豐縣偽指揮魯姓逃回江甯楊秀清大怒卽以點天燈刑殺之火已及心呼號猶未絕

平定粵匪紀略

附記三

四

羣玉齋

楊秀清在賊中以能事稱其用兵悉踵稗官小說以惑人爲本如軍中誦讚美畢必齊呼曰殺盡妖魔和聲如雷以顯其衆復多張旂幟盛陳儀衛以迷我軍耳目是以人多畏懼久乃漸諭其詐昔楚兵堵城之敗有逃出者云親見賊中有騰空者致全隊驚潰嗣鞫老賊始知賊衆接仗時在後之賊乘槍礮煙迷之際各脫紅黃短衣向空拋擲兵勇遙見誤以爲能飛也又有術名發猖臨戰時賊首喃喃誦咒殺雞滴血入藥酒各予一杯云飲此卽有天父天兄佑助足避刀劍實則投以猛烈之

藥令人焦躁奮不顧身所謂發猖者發其猖狂耳曾獲一賊臨刑時默誦有詞疑為持咒諦聽之則第云天父看顧小子而已其詐其愚皆類此

賊中號令亦惟鳴金擊鼓吹角搖旂而已有晚令最為詭秘賊軍中自兩司馬至監軍皆有正副每夕副者守館正者聽令兩司馬至卒長館卒長至旅帥衙遞而上之無敢或誤凡所秘計皆於此時密授之

賊之荒誕暴虐亡可跂足待何尙支梧十餘年之久則其軍制有足恃者每軍一萬二千五百人以軍帥統之

平定粵匪紀略

附記三

五

羣玉齋

將軍總制各一轄監軍監軍轄軍帥軍帥轄五師帥各分領二千五百人每師帥轄五旅帥各分領五百人每旅帥轄五卒長各分領百人每卒長轄四兩司馬兩司馬領伍長五人伍卒二十人共二十五人其行陣也有牽纜螃蟹百鳥伏地四名牽纜者自偽兩司馬以至偽軍帥一綫單行也螃蟹者三隊平列中以拒敵左右包抄也百鳥者以二十五人為一小隊分百數十起散布如撒星使我軍無處著手也伏地者用避槍礮及遇險作疑兵也真頑之輩何知兵法大率師心詭造用之有

效則詫為獨得之奇及我軍久與交鋒習其常技無非一行一伍合以制其行分以制其伍則黔驢技盡篋勿克矣

逆氛所過朝發暮休必止一邨一鎮賊目據大宅羣賊亦各據民房謂之打館四出覓食每館各派五賊輪支五更不用鍋帳無所為紮營也一遇官兵近逼或欲久踞之處則必堅壁以守其術遇江河則夾水為營中以船隻作浮橋橫以鐵索而守其兩端遇山嶺則前築土墻山腰山頂分立數壘遇邨市則包屋為營凡土墻之

平定粵匪紀略

附記三

六

羣玉齋

外必浚二濠第一道徧插竹簽第二道作複壁以雜物實之每一營中必設望樓於至高之處拆民房為之晝夜易人瞭望見官軍至則吹角與接仗則擊鼓磨旂我軍知其術先據形勝則必宵遁
賊分金木水火土五營各以類從惟土營用窆煤人夫仿薰翻法專以穴地攻城為事賊中謂之開壠口至為險毒然善守者以堯埋地伏而聽之何處有丁丁聲則尋其聲而對掘一穴或灌水或薰煙或填火藥斃賊極易即轟城成關果能奮力抵禦亦可補繕保守如湖南

江西省城及金陵雨花臺各營壘皆屢著成效

賊偽律凡六十二條稱點天燈五馬分尸者三斬者四

十一商鞅定法尙不至若是之酷欲不速亡得乎

賊嚴搶奪之令必官軍在三十里外始准擄劫若官軍

在前有取民間尺布百錢者殺無赦每戰敗則競棄金

銀首飾於道誘我兵爭拾則乘間逃亡更有伺我氣懈

糾黨復戰者軍無紀律輒受其害

賊之所至先貼偽示令人賞送首重米穀次則銀錢珍

寶名曰進貢給以字條名曰貢單云貼於門首則賊不

平定粵匪紀略

附記三

七

羣玉齋

敢擾人爭趨送單貼門首為護符殊不知後到之賊稱

屬別隊照單復索疊擾不已最後則入室搜劫罄所有

而後已更有專事搜括之賊名曰打先鋒每至一處即

肆意擄掠必招本地無賴為眼目就富家大小以次搜

索有豫為埋藏者亦十不免一蓋賊至傾水於宅週坎

即入從而掘之有溝渠則辱水以求無不得者是以逆

氛所經蓋藏如洗

賊於安慶大星橋立樵關因沙洲基地增築丈餘四圍

甃以石上建崇樓撥礮船十隻環之鐵鑲木筏橫截江

濱以阻民船九江蕪湖均一例創設沿江州縣岔河小
港地當衝要者亦設立偽卡徵收雜稅

行軍恃火器而賊無硝磺每陷城必盡拆舊牆令各館

年老人鎚碎煎燉成硝以配火藥據逃出難民云用與

常硝同惟陰雨時輒滴黃水又曾立昌踞揚州時圍攻

日久賊藥無磺用燒酒煮煙葉以代每見開礮作黑煙

鉛子出城即落不能及遠也

從事於大營者皆言賊不善戰而善守究其守法則惟

酷刑以警眾耳我軍攻城屢斃守陣之賊日以百計從

平定粵匪紀略

附記三

八

羣玉齋

無一避者後擒餘匪鞠之始知守城之賊皆鑲足於堞

口故不得動其惡毒真出人意計之外

偽英王陳玉成人呼為四眼狗兩眼胞下各有大痘癩

如四眼故名玉成亦居之不疑凡狗以子交母則眼上

有白點玉成固其類耳賊中又有名三眼狗者亦驕健

善戰為張提督國棟所戮

賊有偽典金官率眾出城守門者疑之搜其身各懷金

數百乃白偽東王楊秀清閉城大索殺藏金者二百餘

人因搜出男扮女女扮男及孕婦各數十人悉殺之

自金田至金陵別男女甚嚴夫婦同居亦謂犯天條當斬蓋恐賊眾顧家不與力戰而仍設女館挈家同行以繫戀之計甚謫也迨咸豐五年正月偽天官丞相曾水源往蕪湖誤期削職其弟怨悔逸去首逆怒疑水源所使磔之因詢心腹賊何以舊黨亦效新附私逃答以在永安時言至金陵為登天堂許夫婦團聚今仍不准有家恐此後逃者更多首逆乃下偽令許男女配偶設偽媒官司其事凡男女十五歲以上至五十歲者皆報名指配偽丞相許配女十餘人偽國宗配女八他偽官以

平定粵匪紀略

附記三

九

粵王蕭

次遞減無職者亦配民女一人由偽媒官掣簽指婚有老夫得女妻童子獲鳩母者均弗之易貞女節婦自裁者數千餘輩女館遂空東逆楊秀清智計陰鷲方女館之未配也恐間居為不善除工作外時傳偽令以勞苦之時而令每女館各覓井欄一時而索小鼠數枚時而索蠶蟲數對限日送偽府違即治罪愚者詫為神奇猜度其作用實則送至即棄之耳偽丞相鍾芳禮性稍和平司賊衣因廣招機匠庇護之

投充伏匿者幾二萬人又周才太為偽巡查性不好殺請於首逆設牌尾館收養老弱病廢者使守館掃街道佯病入館者七八千人賊封菜園招人種治匿者亦數千人後內應事洩搜三處得大營文憑數紙殺數百人於是廢牌尾館挑機匠及種菜者為賊兵僅存機匠二千人種菜數百人

賊之偽官以數萬計偽王亦分五等東西南北翼及偽干王洪仁玕偽安王洪仁發偽福王洪仁達為一等偽英王陳玉成偽忠王李秀成為侍王李侍賢為二等偽

平定粵匪紀略

附記三

十

粵王蕭

堵王黃文金偽聽王陳炳文偽驛王陳德風等領賊兵者為三等偽卹王洪仁政偽昭王黃文英等或首逆宗人或劇賊兄弟亦連類受偽封為四等其初必有功始獲封後凡粵中老賊無不王者據黃文英供指偽封列王二千七百餘人妄亂古所未有粵禍初起我兵往往怯敵益賊驅新擄者居前退後必誅故非舍身衝鋒無生理我兵則進戰始蹈死機也及樹免死旂後脅從者每戰必來歸賊復變計以擄人居中悍賊前後扶持之故非獲大勝不能救難民

偽丞相賴漢英率眾犯江西時埋地雷一屆期舉發城崩數丈羣賊摩厲將登賴逆誤記有第二雷戒勿動久待不發城口復完羣賊交咎之賴猶未信乃檢視偽土將軍報文始知只一雷乃大悔恨適援軍益健知不可犯遂遁歸

賊令嚴凡戰敗歸者不許入金陵城令別竄一地以圖功故從逆者必死戰死守

逆再竄河南時數賊首各擄一幼童約六七歲被以黃袍昇以綵與欲竄何處輒決之若爲尸者初疑所昇必

平定粵匪紀略

附記三

士

羣王齋

偽幼主後獲訊餘賊始知其無能爲

咸豐四年八月二十三日我兵二次克復武昌省城逆眾於大宅中多置火藥燃香其上入者觸之輒被焚燒是日城內發地雷三次震死官兵數十人

賊陷江甯後脅十六歲以下幼童閹割之送偽東王府以供役使罹其禍者百難存一

楚逆擄幼童以數千計酷刑虐役每戰敗後輒大加殺戮以洩其憤其慘毒如此

各賊偽署皆拆大廟宇樑棟修葺之木植狼藉一床之

費可值千金

賊擄幼童或爲子稱曰公子或爲弟稱曰老弟皆不免以俳優畜之最可恨者遇拒敵必使隨行遇刑人必使劊刃以練其膽雖恂恂子弟入賊中數年無不變爲兇悍者

殺人刳腹實以芻豆和血飼馬是以接仗時賊馬奮迅如欲噬人者蓋踵闖獻之舊惡也

賊遇官兵勢盛輒挑人充先鋒造黃馬褂數千件願前敵者服之人爭效死

平定粵匪紀略

附記三

士

羣王齋

李秀成陷蘇杭後洪逆仁珩與之書云夫長江者古號長蛇湖北爲頭安徽爲脊而江南爲尾今湖北未得倘安徽有失則蛇折其中雖生不久促令攻湖北援安慶幸李秀成憚於遠出不聽我軍遂拔安慶據上游以成戡定功殆天奪其魄也

竄陝西各逆與捻匪合股騎馬賊極衆慣用套馬索縛長竿以拘我馬隊後以籐牌隊斫馬足破之

洪逆陷金陵欲長驅北犯斯時河以北未設防無堅城大局幾不堪設想賴一老舟子倡言北路乏水缺糧不

如建偽都於南京楊逆等為然乃止不知此舟子為我計為賊計要由天誘其衷耳

賊用兵頗詐而膽終怯氣終餒我兵苟能堅忍無弗克敵者

自粵西肇亂以來我兵屢有挫失蓋兵不厭詐賊能用計而大軍惟以正兵擊之鮮克有濟及接戰稍久熟其逆謀惟避實搆虛聲東擊西之一策我軍能戰則設計以給之我軍能守則誘戰以疲之荆楚居天下之中賊爭以全力相持最久知其長技處以逸待以靜遂能破

平定粵匪紀略

附記三

圭

羣玉齋

奸謀而制其死命

賊亦知軍中有鼓角鼓則取之廟宇無角則折竹為號如市井兒以為戲者人持一枚遇官兵即吹之其聲嗚嗚然美其名為聖角云

洪楊二逆蹤跡已詳賊名記中後又聞人云洪逆本姓鄭道光二十五年至廣西入洪德元添香會德元死遂冒其姓代為教首教中口號云三八二十一蓋以洪字析之也楊逆本名嗣龍湖南衡州人其父楊大朋因傳教伏法楊逆流徙廣東遂為嘉應州人

洪逆會習耶蘇教如以佛象為磨鬼每日誦讚美七日一禮拜皆教中事楚南有辟邪寶錄闢之甚詳後洪秀全欲駕而上之復造種種邪說蓋竊耶蘇教之唾餘而踵白蓮教之惡蹟又屬彼教中之罪人矣同治三年四月二十七日官兵攻金陵急乃服毒死猶宗邪教囑勿用棺槨以黃龍緞袂裹尸誠至死不悟也

賊之逆蹟罄竹難書約記四十則不足以盡其罪狀俟續有所聞補登之

平定粵匪紀略

附記三

圭

羣玉齋

平定粵匪紀略附記四

忠節湮沒曠與表揚天人感應孰做凶狂亦有災異迹非荒唐記聞見之所及以昭

萬年有道之長作瑣聞記第四

漢儒有言人事動於下天變應於上兵興後蚩尤旂機槍星屢見至咸豐十一年八月朔日月合璧五星聯珠識者知止戈在邇甫三年重城盡克兵氣全銷

黃巾之虐猶如敬禮康成不犯高密保鄭公鄉他如倉卒遇賊有子願代父死弟願代兄死者賊輒嘉其義兩

平定粵匪紀略

附記四

羣玉齋

釋之史冊所載代不絕書若夫身捍危城力竭効命者草竊之徒亦知起敬蓋天理自在人心狂寇亦有感動也獨粵匪則大不然無論賢不肖悉肆屠殺屢有骨肉相救呼號乞代者輒兩殺之偶陷一城一案必盡戕官吏有自裁者更斲割之暴骨於市我

國家深仁厚澤凡被害文武一經入

告無不立沛

恩綸

優加矜恤或予襲謚或建專祠以一兵一勇之微苟能死綏

罔不彙加

旌賞

闡揚之典具詳

國史矣其忠魂不泯最著靈蹟者有數人焉甲寅二月賊陷江甯上元縣知縣劉同縷朝服坐大堂厲聲罵賊並誠賊勿傷百姓賊眾擁至城北縛樹上攢射之更毀其支體閱三日有夜行後營者見榛莽中白光上騰諦視見一骸猶著鞞光自鞞中出探得一手摺條陳六事結銜上元縣劉某始知為劉令遺骸昇歸覓小木匣裹以布

平定粵匪紀略

附記四

二

羣玉齋

潛埋清涼山麓暗為標誌後其地夜輒有光潛埋者過墓而祝曰光芒萬丈忠魂結而不散也然恐賊人驚異尋掘不如韜晦為佳祀畢其光頓斂又甲寅三月初十日賊陷德安府署安陸縣知縣萬成獨立府署大門外賊至拔刀指罵且斫之羣賊攢刺身無完膚更剖腹實爆竹於中聚火轟焚皮骨燔灼殆盡賊踞一月始他竄民感其德憫其死尋得殘骸零骨泣而瘞之旋示夢於邑生徐鍾溘通身作金色光謂所檢頭骨非是幸棄之次日糾集紳民復為開視諸骨皆金黃色惟髑髏一具

牌骨一片焦黑不類因剔出改葬於漢黃香墓側蓋生時嘗謁香墓歔歔流涕願他日葬遺骸於此猶梁伯鸞之願埋要離塚旁從其志也又賊圍武昌半年精盡援絕六月初二日大東門啓前署按察使李卿毅約候補知縣俞恆清同縊於寓館之後樓從死更有屬官數員僕從二三人賊目踞其室每欲登樓必有異香襲人頃刻頭痛欲裂遂封閉之李臬司長子孟華時爲道員自粵帶勇由湘南勦賊至湖北八月二十三日克復省城先絕而入匍匐以尋父尸至高樓見髑髏白骨紛布樓

平定粵匪紀略

附記四

三

羣玉齋

上獨其父尸面色如生絲毫無損泣血殞之賊氛所至異聞實繁此則共知其見者
偽天德王洪大全之就擒也賽大臣命郎中聯芳主事丁守存等押解入

都時賊由永安突圍出謀奪大全相距僅半程鄒巡撫飛書促其兼程前進七日而抵全州守存知大全衡山人恐道經其地爲會匪劫取因改由水程灘行出祁永八日而抵長沙并傳牌驛站一體預備護送虛張聲勢俾賊不疑初大全登舟守存令人置於內艙塞其窗無少

隙大全不知船行之速每日到衡州須起早兵役偽應之既至長沙給之曰已到衡州矣大全出艙眺望曰此長沙也不料汝等竟能令我至此吾休矣然亦罪所應得此必丁某之計何壽也

洪大全喜作詩詞就擒後於途間曾自題扇云寄身虎口運籌工恨賊徒不識英雄妄將金鎖縶飛鴻幾時生羽翼萬里御長風一事無成人漸老壯懷要問天公六韜三略總成空哥哥行不得淚灑杜鵑紅

賊見書籍恨如仇讎目爲妖書必殘毀而後快甲寅五

平定粵匪紀略

附記四

四

羣玉齋

月二十一日未刻天暗欲雨有一賊於湖北漢口鎮花樓空地遺矢甫畢忽震雷擊斃之羣賊聚視見遺矢處有監本易經數頁上多污穢始知此賊以聖經拭穢故神怒隨之

賊遇大廟宇必焚燬以鄉民團練多假廟宇爲公所故銜之且恐官兵設伏於中也見土木偶目爲死妖必毀其象湖北漢陽門外有觀音閣範銅爲大士象高數丈壬子冬賊至焚閣欲毀象而無策乃以紅巾纏佛頭號於衆曰已拜上矣蓋賊以裔從爲拜上云及甲寅再陷

覓銅匠鋸之欲以鑄礮賊首在旁督視鋸甫及半象忽橫仆壓賊爲齏粉

見賊中僞示云有織營總制吳長崧等句結大兵欲破南京又有朱九妹私藏紅粉欲害楊秀清示諭衆賊勿生異心等語按織營皆機匠所充必爲南京機坊中人癸甲撫談雲朱九妹湖北人年二十歲有姿色楊秀清逼令入僞府暗以砒霜毒楊秀清未遂而死與僞示正合又賊在廣西時有周錫能者結官兵內應爲楊秀清所覺詭言天父下凡指出其事治以點天燈之刑之三

平定粵匪紀略

附記四

五

羣王齋

人者深明大義各據忠忱乃機事不密不能有成並罹酷害惜哉

賊之諸隱語已詳邪說記矣偶見僞軍冊有下註三更者不知所謂嗣聞賊中逃出者云三更乃逃亡耳

洪秀全有婦八十八人第二賊婦賴氏生子初名天貴後加一福字爲天貴福九歲時配以四婦名幼王娘十六歲時秀全服毒死天貴襲僞號刻僞璽於名下橫列眞王二字人誤爲名呼以洪福璽實非福璽也江西擒獲時自供如此

雷侍郎攻揚州於徐凝門對河築礮隄日夜轟擊賊亦於城上開礮相拒一日賊礮裝藥待發甫安封門子我礮先開巨而恰塞礮口而入賊取子不得出僞總制親點門藥欲因以擊我不期礮子塞膛極繁火藥不得出豁然炸裂擊僞總制立斃羣賊驚爲神奇此後不敢復相拒

廣西賊婦廖四妹充僞女百長與悍賊楊起發私竝蓄財物因毒視女伴爲同館人所許楊秀清派僞巡查周姓搜其臥處得男子履數雙藏金寶極夥時楊起發出

平定粵匪紀略

附記四

六

羣王齋

犯揚州傳僞令斬之臬廖四妹首以其髮繫長竿二賊昇之游城示衆至舊館門首女伴出視其首忽口目翕張旋轉如轆轤昇者披其頰遽止死猶爲厲亦取多用宏耶

直隸永平縣石壁口世襲雲騎尉朱廣心糾集義勇扼險禦賊持守頗久因衆寡不敵殉難迨賊距臨洛關記舊仇復往搜殺無一人從賊者又浙江諸暨縣民包立身集本村爲團遠近附之漸成勁旅浙東西江左右無不知包郵團練者又江皖濱江之金寶團民團固結亦

屢遇賊氛均以乏援受害軍興後各省民團竭忠致命者極衆此三團爲尤著云

我兵圍攻金陵賊糧漸盡洪秀全於偽宮尋百草揉作團付諸偽王云天生甜露宮中食此已久令每一家呈送十擔收入倉中有呈送者亦有不從者見李秀成親書供詞

金陵廩生張炳元倡內應咸豐四年正月與大營約賊以正月七日爲元日不設備乘間攻東門暗結守城偽官陳桂堂斬關相應至期陳桂堂於前一日調守七至

平定粵匪紀略

附記四

七

羣玉齋

洲炳元復親至大營謁福將軍與與計引軍功田玉梅等九人潛入城約同志吳蔚堂金麗生宛姓等五十餘人分伏機匠及種菜各館議俟大兵至城下斬守門守礮諸賊開城以迎約期未定炳元往南門欲另說數人爲後路接應途遇陳桂堂之書使張沛澤知前謀執白偽侯黃玉崑酷刑鞠之備極慘毒炳元言沛澤吸食鴉片煙託買未給故挾讎相誣賊搜沛澤館果得煙具遂殺沛澤復提炳元至北逆章昌輝偽府炳元知不免因言身爲江南人非有老賊相誘何敢自通大營詢以何

人相誘故不肯白受一刑輒指一賊皆甘心從逆爲羽翼者羅織而死者數十未及同志一人田玉梅等均陸續遁歸大營炳元旋即遇害

秦淮利涉橋北有妓女王氏爲賊所逼伴作歡笑醉以酒抽刀殺賊而雉經於後樓逆氛所擾有膽識婦女殺賊者必多此一青樓之女能以計斃賊從容就義尤足嘉矣

鎮江失守時賈人周姓自城中逸出遇大隊賊至匿於積尸下馬蹶聲漸遠正欲起視復聞有呵殿而至者伏

平定粵匪紀略

附記四

八

羣玉齋

不敢動俄有人曳其髮起見尊官著古衣冠熟視之曰此應死龍王廟前王三麻子手者釋之而去周知爲神懼甚乘夜急行欲避赴江北循江七八里得一漁舟亟登之有一家五六人先在舟以無川資舟子逐之涕泣哀求卒不允周憐之探懷中有十餘金盡以畀舟子時風浪正狂不得解纜遂臥舟中至次日風逾繁舟子強欲挂帆周素怯不敢渡躍身上岸此舟即乘風而去瞬見遠彼岸復大悔因念死已前定逕趨龍王廟前坐以待死日晡時賊大隊絡繹過皆未顧問尾一騎賊持長

矛直刺其喉周亟呼王三麻子騎馬賊抽矛詰以何處相識乃述神語賊云死妖何能知偏將釋汝周謂欲逃無資不如請死賊取一紙裹擲與之揚鞭逕去解視則黃金二十餘兩乃覓舟至仙女廟緬述始末揚州人皆知之夫賊侮慢神語故欲悖之孰知爲周姓一念之善所致耶

六合縣火神素著靈顯癸丑四月賊由揚州窺六合攻南關一賊試刀劈塑象之鼻以爲笑樂二更後官兵進攻忽賊兵十餘處火起延燒火藥燔死無算最奇者賊尸通體焦爛獨長髮如故似畱此以別爲老賊者署知縣溫紹原稟經督撫具奏奉

御書匾額酬之

賊陷杭州入一大姓宅眷屬藏複壁中正欲搜劫忽空際沙土雨落賊駭退獲免此與宋建炎初倪氏女撒沙退敵事正相類積善家神佑之歟

咸豐四年秋七月金陵諸女館每夜若有神人示夢指途令歸女伴相告所夢悉同訝而誌之及閏七月賊驅婦女出城割稻女伴遵途而前恍如夢境乃悟神人之

平定粵匪紀略

附記四

九

羣玉齋

語相率逃歸

浙江嘉興未失之前十日三更時城中大譁謂賊陷王江涇距城僅二十七里矣男婦扶攜至城下以待啓門出逃而城外寂然登城四瞻亦絕無烽燧約兩時許人始漸定互致詰詢則是時各家皆聞叩戶呼賊至王江涇者次日遂紛然遠徙追賊至城已空矣是夜之事謂賊伏奸細則賊蹤尙遠謂奸民造言則不能逐家叩戶或謂鬼神豫儆以速民遷避理或然歟

平定粵匪紀略

附記四

十

羣玉齋

咸豐三年河南開封解圍後賊在古柏嘴渡口取黃河船二隻滿裝火藥賊目十餘人押護問渡舟子爲兄弟二人私議謂賊勢之熾惟恃火藥乃至中流暗鑿二舟賊目俱溺斃火藥盡沈此二人亦滅頂而死草野之民舍身報

國以不知姓氏未荷

旌揚致足惜也

賊陷安慶時奪沿江船隻以備應用帆檣相屬十餘里有民人某姓言於僞燕王曰吾等之船皆任販運若概行封停則貨源不通皆坐困矣賊不能屈遂撥還之他

船援其說以免者凡數千艘其儲蓄有足稱者

安慶城北集賢關其山多煤有土猾某說賊開鑿以備

鑄鍊軍器之用逼脅居民往役勞瘁莫堪土人某言於

賊曰昔嘉慶間此地曾因事開鑿有善青鳥術者言於

巡撫曰皖城因山設險萬山環抱狀若九龍奔江開鑿

偶誤恐傷地脉故止而不開今若蹈其故轍恐於形勢

不利也賊不聽及掘至山洞見有舊鑿之迹方知土人

之言不誣

浙江湖州孝廉吳熊任湖南綏甯縣咸豐十年庚申九

平定粵匪紀略

附記四

十一

羣玉齋

月殉難少年時曾祈夢於于忠肅祠見小室壁作書

云散絲絡女爪黃金冠獼猴莫恃合著口終防白了頭

初不解嘗為戚友述之及難後始悟首句指綬字次句

指庚申三句謂營弁哈某迎戰敗績末句則賊皆裹白

巾也事之前定如此

鄒巡撫鳴鶴未遇時夢至一衙署有友人自內出云在

署掌冊籍因叩以終身友付八字曰官居四品洪水為

災道光丁丑年守河南開封府中卒決口黃水灌城危

在頃刻因舉前夢告人自恐不免乃竟無恙後擢任廣

西巡撫罷官回籍為兩江陸總督調赴金陵籌防城陷
殉難蒙照道員例

賜卹始知四品之應洪水蓋指洪逆也

同治元年賊陷浙江湖州府之菱湖鎮有烏程縣貢生

沈玉茗年七十餘家居東柵當賊來路獨遮與理論曳

之不退刺刺不休賊厭而戕之夫逆蹤徧天下所戕害

者不可以數計獨沈生邀與言理其愚真不可及已

賊據鎮江時金山有蛇長約數十丈窟其中屢出傷人

一日垂首飲於江其巨如甕尾仍在洞中賊乘其首尾

平定粵匪紀略

附記四

十二

羣玉齋

不能相顧攢擊而屠之分於各館人各得二寸餘

鎮江九華山多狼賊常捕之其法掘地為坎用生鷄半

日不與食置鷄於坎中以厚板蓋其上中穴一洞引狼

至坎側鵝不得食引頸向上狼來食鵝頭入洞中不得

出遂捕之歸

有自賊中逸出者云被番人風琴術詰其物則即西洋

之八音匣蓋賊目未睹寶貴之設專術焉又賊見鐘表

不知作何用疑輪廓絲飾者為真金鑿而藏之其陋劣

至此

楊文軒以字稱逸其名湖北省人家城內以千總充常
巡撫巡捕官省城陷引巡撫至其家從容請盡節代挽
帶縊之中梁俟氣絕掩藏畢再痛哭拜亦自經常巡撫
之殉難固無俟文軒請而文軒以微弁能如此就義可
以風矣

咸豐四年三月江西九江府沿江一帶徹夜火光不絕
隱隱有人馬行走之聲疑為大兵過境巡兵迫而視之
但見燐火居民擊銅鈺喧逐始漸散

同治三年六月初旬浙江會巡撫國荃留辦金陵軍務

平定粵匪紀略

附記四

三

羣玉齋

率兵勇肉薄攻城值酷暑烈日如火城賊屢以藥桶擲
下幾為延燒會巡撫望空踞禱

關聖大帝速降雨澤以伐賊謀十一二日各得大雨一次而
數里外皆晴明十六日地道告成酷熱尤甚會巡撫如
前默禱並許奏請

欽頒金陵及原籍湖南湘鄉縣

關帝廟匾額午時火發之後有陰雲自鍾山覆冒而來涼風
習習擁護兵勇登城得以竟此全功按兵興後各省武
功屢邀

神靈佑助常有異徵此次

聖德感孚

神祇効順誠理有固然者

瑣事應記可記者極多一人見聞不廣僅錄二十
五則俟四方採訪寄示再為續編

平定粵匪紀略

附記四

羣玉齋



淮軍平捻記

淮軍平捻記序

仲尼答弟子行三軍之問曰
臨事而懼好謀而成竊觀伯
相合肥李公之再殄捻寇克
成大功蓋深有得乎此言矣方
國家討賊之初名王驍將以其

淮軍平捻記

序

軀命與賊角逐風發電擊
摧毛雨血歷旬而轉戰千里
出入數行省之地雖古之善
戰者無以逾之而士彈鋒
刃將膏原野賊之流掠未稍
稍損也太傅湘鄉曾公有

憂之始與公謀畫諸河之險
圍地以制賊奔走未幾而夷
門戍守之師潰

朝廷詔公督師又未幾而諸軍再

潰於運河三潰於淮河賊捨
堅臨既如注子鈞以弩以射魯

淮軍平擒記

序

二

縞當是之時天下膏唇拭舌
之士莫不以防河為戲論雅
與聞者謀者亦目瞬口呿不敢
堅主其說國是殆搖朋主興
難公則日夜增埤浚濠以待
賊至蜩蟬沸羹猶充耳焉逮

夫金墉既堅禽個四合賊走死
無地而東捨以平遂移齊東
之師以竟河北之役不改前度
數月告功於是畫河圍地之效
與人譎之史氏書之巖廊以
下畝畝以上一唱而百和四海之大

淮軍平擒記

序

三

歲月之久稱道而色甚彼古堅
歷清野之足以制流寇固人之
之所能言也漢唐宋以來由
之而成不由之而敗已事又具
在也而且昨日之不可即前日之
可者也然而一潰而人心疑再

潰而羣論變三潰而物議囂
成敗甫形於目得生已移於中
豈有他哉智及之而力不足以
守之也故曰謀之匪難而行之
難行之匪難而成之難當大
功者定策勲勞還隆名厚

淮軍平捻記

序

四

實震灼旁沛血氣之倫疇
不企而慕之孰知持論疑謗
之秋不之是非之藪忘身生
死之域決策安危之分事機
相薄間不容髮一釋手而天
下大事從之而去其操心慮

淮軍平捻記

序

患無啻升千仞之高以臨湯
谿後度勇斷四者偶或不
逮不可以俄頃處之者乎讀
公軍中諸疏兩三年中勦吳
畫一而謀國之忠料事之審
未嘗稍自滿低憂心忡忡方寸

淮軍平捻記

序

五

如揭非懼而能謀以應於成
者其言不若是之競也至於
事平首崇軍儲以賑凋瘵
修闕里祠廟示民好惡嗚
呼其規模遠矣夫矣此其心
豈復以戰勝逐北伏尸流血為

二七五

能事者哉烈覩簡籍古今戰
陳之事輒思當時所以制勝
故往不可得以為古人之糟粕
存其迹而遺其真心恒病
周錫世澄早從行間樂於記載
嘗裒輯所見章疏文報及一時

序

六

言論為淮軍平捻記十卷附
載軍制等二卷於捻患以來
成敗之數頗得生要焉夫言
兵聖門之不諱荀卿子在
戰國之世獨明王道言以仁誼
綏民者無敵於天下然則是

書紀第記勘亂之蹟備史氏
採擇而已將亦嘉惠後學
志也夫陽湖趙烈文撰

淮軍平捻記

序

七

淮軍平捻記卷一

同治四年三月捻匪張總愚合粵匪偽遵王賴汝光等
任柱牛老紅復竄海鹽江蘇巡撫一等肅毅伯李公鴻章
奏派馮缺題奏按察使張樹聲督同廣西右江鎮總兵張
樹珊統帶樹字六營赴徐州督剿又檄調直隸提督劉銘
傳會同馮缺題奏提督周盛波等統率所部渡江由六安
前進臨淮徑赴徐宿一帶防剿 先是咸豐三年粵逆陷
安慶踞金陵分黨破鳳陽歸德進圍大梁其時皖豫之交
匪踪蠢起捻首李士林劉疙瘩劉元吉任二皮等聚黨橫

淮軍平捻記

卷一

行而張樂行起於蒙城雉河集尤凶悍狡黠為羣寇冠
朝廷屢遣重臣率兵剿辦累年以來忽聚忽散此滅彼起

穆宗毅皇帝御極之初中州軍事日急毫捻則有張樂行劉大

老淵一老淵蘇添福王懷義孫繼先李家英趙浩然楊興
太蘇立楞眼李大箇子蘇添祥李五孫四瞎子龔耀姜太
林孫四弟周化臨韓老萬張小明程二老砍豫捻則有陳
大喜等賴上一帶又有苗沛霖首鼠兩端東則有長槍會
匪王廣奇大小數十股縱橫數省又值汝南土寇蠢起一
歲數出往來剽疾兵部左侍郎勝保科爾沁親王僧格林

沁均以

欽差大臣督辦直隸軍務各軍皆罷於奔命雖屢挫賊鋒而無
能控制山東河南蒙亳淮徐一帶千里蕭條郡邑殘破捻
逆之別股又與粵逆偽扶王偽啟王偽端王偽遵王等合
股竄泌陽擾宛郡入浙川荆子關進至商南踰秦嶺圍西
安折而東趨西路又因之擾攘楚境則鄖陽房竹等處亦
時有捻踪至同治二年春張樂行伏誅其姪張總愚又與
陳大喜勾結蔓延四出竄擾直東教匪復熾僧邸率軍北
衛畿南苗沛霖隨乘機竊發戕官據城煽蒙毫圍臨淮日

淮軍平捻記

卷一

亟至五月捻首蘇老夢陳福王尿龔耀王廣張安張搭拉
等糾擾永毫境李大箇子相盤等攻永城之丹城集石弓
山銅鉤集陳家樓大肆焚掠程四老砍及大喜子姪等由
六安竄入固始各路俱糜爛

朝廷因命僧邸督軍南下由毫東進討河南團練大臣毛昶熙
又分遣諸將進圖毫匪張總愚遂糾巨捻程二老砍等直
犯豫境至十一月僧邸抵蒙城督總兵陳國瑞等進攻斬
苗逆擒石弓山捻相盤及葛小年鄒喚林龔耀置諸法程
二老砍李大箇子魏羣兒率眾乞降皖北始稍定是年淮

軍平吳會三年六月楚軍復江甯浙江大江以南軍事漸
舒惟餘匪之竄擾江西者又窮竄入閩時大學士一等毅
勇侯曾公國藩督兩江與李公會議以楚軍罷戰十年因
於行陣金陵既復大慈授首東南軍事告竣北擒未平淮
軍舊部在鄉里團練素為擒逆所畏遂屬公暫留淮勇以
備中原剿擒於是淮軍僅裁撤老弱數千其各營勁旅尙
存五萬餘人

朝廷雖未有北征之命而公平擒之志已豫及之矣是時粵逆

之向關中者又折回楚境欲南救江甯既知東南大定不

淮軍平捻記

卷一

三

能歸舊巢遂與擒合擒匪素猖獗然不能如粵逆之狡悍

比粵擒合股其勢日益張於是縱橫楚豫之交自四月以

後此出彼入來去靡常與皖楚諸防軍大小數十戰而東

路軍事猶日警秋八月偽扶王陳得力借端逆藍城春自

麻城竄羅田與馬融和之股合逆賴汶沈與張總愚合

由麻城竄黃安總愚又合辜擒任柱牛老紅等逆氛日熾

僧邱統帶馬步隊逐賊而行亦互有勝負諸路防軍雖密

而賊踪飄忽網羅難盡至九月二十八日僧邱及賊於蕪

州敗之賊分兩股遁張總愚等竄太湖宿松之間陳大喜

等竄英山以東漸近商城會各股粵逆十餘萬衆為僧邱
擊敗次第乞降惟賴汶沈一股仍與張總愚合而折趨豫
境十一月初九日僧邱擊賊於襄陽兩軍未接降賊復叛
僧軍大挫賊遂由鄧州南陽趨魯山僧邱躡敗之賊因竄
尉氏又折向鄆陵南趨時四年正月也至三月擒逆大股
悉入山東曹縣境賊騎疾於風雨數日間曹單定陶城武
荷澤鄆城鉅野金鄉濟甯諸處烽火遍野

詔責僧邱不肯截其北竄之路致令擾及完善之區

諭湖北巡撫吳昌壽帶兵直抵豫省為僧邱接替之軍尋命張之

淮軍平捻記

卷一

四

萬總督東河授吳昌壽為河南巡撫半月間賊遂由曲阜

向東南勝嶧復渡運河折向東北奔蘭山南趨郟城赴贛

榆青口岌岌有南下之勢

朝廷慮擾及襄下河乃

詔公迅飭張樹珊吳毓芬馳赴郟宿防守并令劉銘傳一軍出蕭

碭前進公乃具疏略曰先是漕臣吳棠來咨商調吳毓芬

赴浦策應臣以揚州重鎮關繫緊要吳毓芬兵力本單未

可遠離因檄令現守鎮江之廣西右江鎮總兵張樹珊統

帶樹字六營護軍一營洋鎗隊馳赴清江相機堵剿據報

已於四月初二日自鎮城拔隊渡江又准督臣曾國藩咨商添派遇缺題奏臬司張樹聲前往淮徐臣卽飭令該臬司於三月二十九日起程北去連准吳棠咨函捻逆大股竄至邳州沭陽境內清江萬分喫緊臣又嚴催張樹聲張樹珊等督隊兼程計日內必可抵浦淮揚鎮總兵歐陽利見帶所部礮船四十號計亦早抵清江得此水陸兩軍合之淮徐原防兵勇分布扼剿裏下河門戶當可保固該逆不得逞於海流恐將由徐邳回竄蒙准曾國藩咨會已調直隸提督劉銘傳會同遇缺提奏提督周盛波等統率所部由六安前進臨淮徑赴徐宿一帶防剿臣又迭加咨催該提督等迅速拔營迎頭截堵惟該部各隊所用外洋鎗礮軍火繁重異常以之摧鋒陷陣較可得力第轉運笨遲又無馬隊可利進行北路陸多於水捻逆騎多於步流竄無定飄忽無常誠恐各營爲軍裝步行所累或不能疾馳遠追又甫經調剿地勢賊情均未熟悉亦須慎重布置臣仍隨時諳飭勉赴事機云云奏入報可是時粵匪之餘股竄閩者又復披猖淮軍楊鼎勳字六營黃中元親兵二營及郭松林松字七營曹仁美護衛一營皆奉公奏派

赴閩援剿南北諸軍餉項軍火咸仰給於公朝廷又以捻竄海流慮裏下河完善之區爲賊紛擾於是又有該督撫應否出省前赴江北督剿著酌度辦理迅速馳奏之

諭公乃上疏具陳南北軍情其略曰臣飭劉銘傳張樹聲各軍馳往淮徐援剿並郭松林楊鼎勳兩軍先後起程航海援閩各情業已專摺奏陳嗣據張樹聲張樹珊等稟稱已於初六日統帶樹字等七營行抵清江適捻股回竄邳州沭陽境內清淮空虛該軍暫紮河北鎮定人心並准漕臣吳棠

函稱邳宿運河已經各水師布扼清淮原防陸軍已悉數派赴宿遷堵剿應令張樹聲等暫行扼防裏下河門戶俟劉銘傳等大隊到齊卽可相機並進合力兜擊又據宿遷縣知縣吳元漢馳稟初九日捻逆回竄經官軍擊敗遂向山東鄰城馬頭集西北一帶逃竄等語從前捻竄海州時吳棠商調水陸各營分布扼守嗣回竄邳沭界內距清淮將近二百里黃翼升暨歐陽利見等水師與張樹聲等陸軍先後趕到劉銘傳於初六七日周盛波於十二日自六安分起拔營亦剋期可至聲援已壯賊踪愈遠裏下河斷

可無虞即准徐各郡亦可保守臣身任地方籌兵籌餉兼辦洋務事緒紛煩未便遠離惟隨時會商督臣漕臣妥為調度以期顧全大局至臣所派援閩各軍隨時由海道酌濟餉項軍火南北軍情似應兼籌奏入奉

旨即著照所議辦理

五月初四日奉

詔以公權署督篆而授曾公為

欽差大臣督辦直隸山東河南軍務 淮軍既抵清江浦賊不

得下竄張總愚賴汶沈等遂由泲陽西竄沛境走郟城西

淮軍平捻記

卷一

七

北水套中其地三面阻河僧邸以為賊竄絕地晝夜進擊

窮寇勾結鄆北伏莽數萬四路磨集僧邸遂遇害全軍潰

沒時四月二十四日也

朝廷以曾公為

欽差大臣著即統領所部各軍星夜出省前赴山東督剿兩江

總督

命公暫行署理並

諭兩江任大責重務須悉心經理仍隨時與曾國藩妥商會國藩

軍營調兵集餉各事宜該撫並當妥為籌畫公乃疏謝並

陳情曰竊以臣籍隸安徽該省係總督兼轄例須迴避又兩江政務殷繁所屬蹂躪已久彫瘵萬分善後各事兵餉二端在在棘手誠如

聖諭任大責重微臣才智短絀非所克勝揣分量力必應籲辭固請惟親王僧格林沁陣亡捻氛日熾直東一帶失此長城中外震驚

宵旰憂勞急盼會國藩前往督師需人接替臣何敢拘牽常例引

嫌避位致誤事機擬即料理交卸馳赴金陵暫行接印此

間善後如濬河興學撫卹勸農及常鎮招墾荒田上海通

淮軍平捻記

卷一

八

商洋務均次第辦理已有端緒藩司劉郁膏接護撫篆情

形熟悉地方一切可無貽誤惟蘇境水陸防軍三萬餘人

均已分布各隘又援剿福建之提督郭松林楊鼎勳兩軍

共八千餘人援剿徐州淮揚之提督黃翼升劉銘傳周盛

波臬司張樹聲道員吳毓芬等軍共二萬數千人除黃翼

升李朝斌兩枝水師係會國藩舊部餘皆由臣募練而成

各軍餉項軍火專指蘇滬稅釐歷經奏明在案統計每月

餉需及製造採辦各項雜支額款將近五十萬而蘇滬稅

釐及藩庫地丁牽算所入不足二十萬挪東掩西儘力湊

濟雖前敵各營時時匱乏呼號徒以恩義相維尙不至於
譁潰臣獨心憂之是以迭次奉撥京餉義不敢辭甘餉迄
難定數每月能解一萬已爲勉力臣非忍愆然實迫於不
容已也臣暫署督篆距蘇較近所有調度兵將籌畫餉需
自當引爲己責隨時會商曾國藩照章悉心經理云云時
督師曾公所用多淮軍公以西洋火器精利倍於中國自
同治三年以後淮軍各營皆僱覓洋人教練使用炸礮洋
鎗之法楚軍每營僅用抬鎗小鎗一百二十餘桿淮軍則
每管用洋鎗四百餘桿少亦二百餘桿每開一仗洋藥銅

淮軍平捻記

卷一

九

帽須數萬其軍又有開花礮隊四營專以開花礮彈及洋
鎗爲攻剿之具故火器之利爲諸軍冠而礮具之重大藥
彈之繁冗每出一仗裝載各物須數十巨艦轉運軍火之
繁重亦較難於諸軍其營規嚴整卒耐勞苦師行用古法
日三四十里半日在路半日築營糧藥各隨其身所至可
以戰守勞逸饑飽之間將領節養其力體卹其艱士成鼓
舞樂爲之用故能以整治亂扼賊吭肯不專效前人奔走
逐賊以白疲謀畫素定卒底大功非偶然云

五月初九日公奏派布政使銜常鎮道潘鼎新統所部航

海赴天津防衛畿輔 自僧軍敗沒張總愚等方屯聚漢
范鄆鉅一帶蔓延開東長境內數百里間一片賊氛於黃
河南岸砍伐樹株編造木筏及於蘆葦深處搜搶民船蓄
意渡河北犯直東震動公乃疏陳防剿機宜略言曰今欲
圖制捻之策非令直東豫皖各省居民堅壁清野非令官
督民團去邪扶正認真辦理則賊得就地擄食擄人增黨
爲害竟無底止非令各省整練步隊勁旅扼要紮營伺近
邀擊則賊得任意往來徵調徒增疲乏無裨實用非令各
將帥多練馬隊則無力兜追剿辦殊難痛快東三省騎兵

淮軍平捻記

卷一

十

尤宜趕緊添練以備北方明末流寇嘉慶年間川楚教匪
正與此股捻逆相似辦法亦須參仿曾國藩與臣部各軍
於北方地勢未熟賊情亦異又無馬隊可利馳逐斷不如
僧格林沁之神速應請不責近效而求遠略不驚虛談而
求實濟庶緩急可恃而殘寇可漸滅矣奏入奉

旨以畿輔地廣兵單防堵正關緊要著劉銘傳卽於所部勇丁內
挑選精銳數千名迅速趕赴直隸與劉長佑會商分布直
東交界地方嚴密扼防以固畿輔門戶公以畿疆重地適
有震驚憂患何極而劉銘傳等均在徐境道途遠隔勢不

能運繞赴北東南兵力漸厚誠恐逼賊北趨直東有防不
勝防之勢遂奏派潘鼎新統帶鼎字淮軍十營由海道趕
赴天津登岸進紮景州德州以衛京畿得

旨褒獎謂能視國如家顧全大局並

諭直隸總督劉長佑先派大員在津迎護豫備撥船往大沽接運
再酌僱船隻車輛由天津陸續裝運開花礮隊南下其應
赴何路防剿均由劉長佑與該道酌商辦理每月餉項著
直隸山東督撫按月解濟毋令缺乏時又奉

諭以許彭壽潘祖蔭奏請飭解落地開花礮並揀諸悉製造火器

淮軍平捻記

卷一

十一

之員由輪船北上並著查明戈登所練洋鎗隊尙有若干
酌量派援迅卽由輪船赴津時戈登所存洋鎗隊千人爲
副將余在榜袁九臯分帶而統於潘鼎新公以鼎新所部
已有開花礮隊一營奉

諭後乃又調余在榜一營隨鼎新北援均由蘇松太道丁日昌僱
備輪船四隻夾板船五隻於二十六日放洋北去初戈登
去後余在榜袁九臯兩營駐紮青浦之鳳皇山英領事巴
夏禮原議以此專防上海該營原有兵官哲貝在內教練
此次調令北去公恐巴夏禮阻撓卽密令丁日昌照數另

募一營派候補知府趙宗道管帶仍駐鳳皇山交哲貝幫
同教練由丁日昌節制調遣巴夏禮初聞調兵北去之信
頗欲有言及見勇數仍昔並購開花礮洋火箭洋鎗等件
均如舊巴會始允服余在榜拔營時巴會又欲令洋弁隨
往公慮事後要挾御之

六月初三日淮軍劉銘傳周盛波等率師破任柱張總愚
等股匪於雒河 初僧郎遇害後捻逆大熾盤聚毫東一
帶時安徽布政司英翰統皖軍史念祖等駐防雒河集易
開俊駐紮蒙城爲犄角勢共守要隘而張總愚糾合任柱

淮軍平捻記

卷一

十二

牛老紅賴汝洗等股匪銳意攻撲雒河營易開俊以兵單
未敢馳援英翰因困守無援乃令史念祖等固守自率二
十騎退至西洋集馳稟求援易開俊亦進紮西洋集擬先
攻高爐集以解雒河之圍而易開俊適擢目疾曾公乃調
劉銘傳周盛波等進援雒河六月初二日銘傳盛波等
援軍齊至銘傳督軍攻石弓山城巢盛波分兵進攻渦河
兩岸之賊迭次獲勝初三日黎明盛波乘勝疾進縱橫掃
蕩所向無前張莊王圩之賊同時潰退時北岸賊圩爲任
柱所據盛傳等分路進剿逆首任柱率其死黨抗拒我軍

排礮雷轟呼聲動地賊騎萬餘以死相抵盛傳親率各軍大呼衝陣賊馬始四散奔退張總愚從龍山率數千悍匪來援盛波分兵相敵兩軍方酣戰雒河官軍聞鎗礮聲知援軍至史念祖等率守軍分路衝擊內外夾擊賊之後陣始亂旗幟一時盡偃盛軍乘勢壓入賊大奔於是銘傳亦將石弓山龍山各賊巢踏毀兩軍合而進環逼之賊遂分路逃竄雒河之圍立解捷

聞遇缺題奏提督周盛波交軍機處記名遇有提督缺出儘先題奏並交部優敘總兵周盛傳交軍機處記名遇有提督

淮軍平捻記

卷一

三

缺出請

旨簡放其餘皖軍及出力人員均

賞敘有差是時曾公以捻逆漸成流寇若賊流而兵亦與之俱流則賊之資糧無限而我之兵力有窮乃定議以四省十三府州之地設四鎮重兵安徽以臨淮為老營山東以濟甯為老營河南以周家口為老營江蘇以徐州為老營各駐大兵多儲糧草子藥為四省之重鎮一省有急三省往援其援軍之糧藥即取給於所援之地其運道周家口臨淮兩軍由淮河潁河濟甯徐州兩軍由南運河於清江設轉

運局轉輸江淮之餉以贍各軍於是以前劉銘傳所部兵力最厚使統兵駐防周家口約以賊自扶溝鄆陵回竄即迎頭擊之張樹聲統兵駐防徐州賊若回竄永城蕭碭即自徐州移師迎頭擊之潘鼎新統兵駐防濟甯賊竄曹單自濟甯移師截之湘軍劉松山駐防臨淮賊竄蒙宿自臨淮移師截之此外又派公弟員外郎昭慶訓練馬隊一支為遊擊之師從前各軍剿捻皆以追截為能事自四鎮之設變尾追之局為攔頭之師以有定之兵制無定之寇辦捻之局自此始漸有綱紀

淮軍平捻記

卷一

四

八月提督劉銘傳敗賊股於沈邱阜陽賊竄曹州 自雒河集解圍以後髮捻各逆分股西竄於是張總愚等由柘城太康扶溝洧川徑趨而西任柱賴汝洸李允等由太和竄至沈邱陳州周家口一帶曾公檄調劉銘傳全軍赴周家口防剿時銘傳軍已進紮周口於未奉檄之先派劉盛藻唐殿魁率步隊各營張景春劉盛瑞率新練馬隊二營由周家口馳赴潁州十二日及賊於沈邱回張寨賊伺我營駐紮未定糾馬步萬餘人分路猛撲我軍亦分路迎敵唐殿魁擊其左劉盛藻擊其右張景春劉盛瑞馬隊由兩

邊包抄賊衝我軍不動已惶懼復為四路所包乃大奔我軍追三十餘里至洪河南岸瓦店等處擒斬甚多奪獲器械無算驟馬二百餘匹拔出難民無數攻破賊寨二十餘座賊遂向西南狂竄十四日賊復折回洪河之北洋埠竭兩日夜竄至項城西境之南頓集距周家口五十里劉銘傳督隊由項城間道晨夜馳抵南頓時賊方踞莊擄掠不虞我軍掩至即披靡我軍三路並進賊遽潰退銘傳軍疾追十餘里沿路擊殺及鎗斃者以千計生擒三百餘人奪馬百餘匹器械山積賊乘夜越周家口徑渡沙河而北賊

淮軍平捻記

卷一

五

自雉河潰敗至是復一大創為銘軍挫勦精銳殆盡皖境於是肅清賊之東竄也其股以任柱為主而賴汝洗牛洛洪亦在其中本圖入青石關掠完善地為糧草計既敗於銘軍乃渡潁由西華竄太康銘傳躡追而前賊見銘軍望旗輒遁十九日遂奔睢州二十日銘傳追至賊又先發銘傳乃乘步隊獨督馬隊馳追三十餘里及之賊四散狂奔拋棄輜重器械無數遂北十餘里其馬賊舍死迎敵又經張景春擊退逆股回竄考城曹縣一帶盤踞定陶境內於是曾公恐賊由青石關擾及青萊登三府飛飭劉銘傳仍

駐周家口潘鼎新一軍扼守運河並調周盛波一軍移駐歸德張樹珊步隊馳赴山東協剿

九月十五日奏派馮倬奏提督蘇松鎮總兵楊鼎勳統率勦字洋鎗隊八營赴宿遷並調松字八營桂字三營分赴宿遷徐州聽候調遣 初粵逆自江浙克復後竄擾閩省久踞漳州窺伺廈門本年二月公調郭松林楊鼎勳統率所部由滬航海赴閩援剿於四月二十一日克復漳州漳浦六月凱旋回滬暫紮鎮江休息是時捻股竄擾皖豫之間皖省渦陽蒙城一帶圩堡均為賊擾賴汝洗一股

淮軍平捻記

卷一

六

自睢寧竄至周口旁掠陳許曾公奏請飭河南湖北各督撫於豫之鞏洛宛鄧楚之隨棗麻黃各駐勁旅一枝變尾追之局為攔頭之師派劉銘傳一軍駐周口周盛波一軍駐亳州捻逆被各路兜剿由豫境北竄至山東曹考一帶公因奏派楊鼎勳統所部前赴宿遷遮蔽清淮相機進剿並飭郭松林舊部及親兵桂字三營淮勇前赴徐州聽候曾公調遣以資防剿

十月初八日奏陳籌餉軍火各端 先是九月初六日 上諭因捻匪竄擾南陽豫軍不能得力

諭令李鴻章督帶楊鼎勳等軍馳赴河洛一帶防剿兼顧山陝門戶飭與曾國藩等妥籌商酌不必拘泥諭旨務期事臻善美公因滙陳曰臣自欽遵

諭旨商會國藩原擬俟兵餉大端籌有把握再行縷晰復陳旋准曾國藩咨抄九月十九日覆陳摺片內稱河洛現無可剿之賊淮勇亦無可調之師李鴻章若果入洛豈肯撤東路布置已定之兵挾以西行坐視山東江蘇之糜爛而不顧等語似屬切中事情曾國藩因業經覆奏未另與臣覆信臣再四籌思彼覆疏中已陳之言皆臣所欲言而不敢

淮軍平捻記

卷一

七

違言之隱大局所關臣未便稍有立異但不知

批旨如何定見五中旁皇瞻前顧後仍有不能已於言者綜其大要約有三端一兵勢難遽分也我

朝從前武功專恃兵力此次軍務全資勇力臣初至軍營習聞周天爵福濟琦善向榮和春諸臣之議論皆謂旂綠弁兵馴謹而易調遣各省勇丁桀驁而少紀律其不得已而用勇就地召募隨時遣汰尙無甚流弊若遠調數千里外終必譁潰誤事咸豐初年廣西所募潮勇最多向榮張國樑等帶赴江南沿途騷擾卒至十年三月金陵之變一潰而

遂不可收拾矣自曾國藩江忠源胡林翼李續賓等創練楚勇不用一兵蓋深知綠營廢弛已久習氣太深萬不足以殺敵致果而以楚將練楚勇恩信素孚法制嚴密又由湖南北轉戰江皖一水可通人地相宜是以歷久而能成功然李續賓唐訓方以楚勇剿淮北之捻劉長佑以楚勇剿直隸之騎馬賊均未大著功效則以離鄉太遠南北異宜勇性未能馴服何能得其死力曾國藩有鑒於斯故於金陵克復東南軍事將竣即將所部湘勇全行遣撤但屬臣暫留淮勇以備中原剿捻自係因地制宜夫捻匪係皖

淮軍平捻記

卷一

六

豫東三省無賴糾合而成其隸皖籍者大都蒙亳穎宿人皆在淮北臣籍隸廬州實在淮南所部淮勇則廬州六安安慶揚州人居多皆濱江之處於長江上下防剿最宜軍士戰於其鄉亦較得力其性情風氣與淮北迥殊同治元年臣初由安慶赴滬湘勇以去地太遠均不欲從乃商之曾國藩就臣鄉里團練久戰之士選將束伍逐漸添募如程學啟劉銘傳潘鼎新周盛波等始僅為營官帶數百人耳嗣因打仗可靠各增募至數千人今遂為淮勇最勁之兵究之用於江淮南北必可指揮如意若逐漸調移山東

河南邊境尙可勉強相從若赴河洛山陝並預備剿除京東馬賊甘肅回匪之用水土不習誠恐遷地勿良勇心渙散

朝廷期望於臣欲以西北軍事相屬不過以臣在吳粗立戰功而臣亦惟賴所部將士踴躍用命若令臣去而平素慣用之健將勁兵不得隨行臣復何能爲役曾國藩籌設徐州濟甯周家口等處防軍皆臣部最出力者臣若不調西行則聲勢不能大振若全調他往則東皖無以自立若另圖添募馬步而隨身先無親信可恃之兵勇必致敗軍債事而

淮軍平捻記

卷一

九

無裨於全局此兵勢不能遽分之實情也一餉源難專恃也凡欲滅賊必先治兵欲強兵必先足餉欲籌餉必先得人與地臣自咸豐三年至八年皆在皖北軍中竊見和春鄭魁士之軍戰陣頗勇旋因餉缺而潰袁甲三翁同龢繼之更因餉絕而敗卽十年江南大營之潰十一年浙江之陷皆由於糧餉斷絕官文胡林翼籌鄂餉以供東征曾國藩進圖江皖以江西湖南廣東釐金爲餉源左宗棠以浙餉辦閩浙之賊臣以蘇滬入款辦江浙之賊皆能自我爲政轉輸不匱幸而賊事從古至今言兵事未有不先籌餉

精者也

諭旨慮及皖豫髮捻一日不除盛京甘肅勢難兼顧誠以捻滅而後騰出餉需非徒捻滅而後騰出兵力有餉則到處兵勇皆可用無餉則已成勁旅亦無用也陶茂林雷正綰皆多隆阿部下百戰驍將昔何勇而今何怯其一潰再潰之故可想而知曾國藩夏間奉

命剿捻臣忝署江督卽以後路籌餉引爲己任以安其心數月以來分屯豫東蘇皖千餘里湘淮兵勇四萬餘糧運供支源源協濟又兼籌蘇松揚州留防各陸營長江外海各水師

淮軍平捻記

卷一

十

皖南北江西防剿遣撤各湘軍之餉雖以入抵出不敷尙多竭力勻撥幸無貽誤臣若奉

命西征現在進圖剿捻後路分防各軍之餉尙無專責之人卽臣帶兵遠出餉源當居於何處籌餉當責成何人亦未蒙

聖明指示若無確然可指之款率衆前行必爲雷正綰陶茂林之續若非切實可靠之人維持後路亦無以安曾國藩與臣軍各將士之心臣嘗默籌熟計目今大患在捻與回自須先圖滅捻若以現餉養現兵約計河南可養戰士一萬五千山東可養戰士二萬安徽可養戰士一萬江蘇可養戰

士六七萬湖北可養戰士四五萬各省督撫果皆熟諳
略認其籌餉練兵使一兵得一兵之用通力合作勿存推
諉爭忌之心則兵與餉可漸足一二年間可奏效若

皇上

專派大員而各督撫謂事有專屬或擁兵觀望或玩視軍需
或勝則爭功敗則諉咎遂使客兵出境種種牽掣亦難必
其收功之迅速矣臣若赴豫欲圖兜滅北捻必須多練馬
隊以備衝突廣置車驟以資轉運餉需甚鉅豫中蹂躪已
久力難供應若專指蘇餉日下蘇滬稅釐分供前敵淮軍
已虞饑潰再添練馬步人數益多道路益遠勢必不支臣

淮軍平捻記

卷一

三

一經離任恐亦不能遙制此餉源不能專恃之實情也臣
軍久在江南剿賊習見洋人火器之精利由是盡棄中國
習用之抬鎗鳥鎗而變為洋鎗隊現計出省及留防陸營
五萬餘人約有洋鎗三四萬桿銅帽月需千餘萬顆粗細
洋火藥月需十餘萬觔均按月在上海香港各洋行先期
採買陸續供支臣每親自料理又有開花礮隊四營一為
潘鼎新帶往濟甯一交劉秉璋鎮守蘇州其副將羅榮光
劉玉龍兩營為臣親兵現分守金陵城外之下關江東橋
兩處江口緣洋人最重開花礮日下長江通商番舶來往

淮軍平捻記 卷一

奸人覬覦偵知有此利器可稍奪魄洋礮重者千餘觔輕
亦數百觔其礮具之堅精藥彈之繁冗臣講求數年稍窺
祕要他人多未及見更未與知臣既辛苦練成若出省督
師必須酌量調往藉壯聲勢惟礮隊所用器械子彈盡仿
洋式所需銅鐵木煤各項工料均來自外國故須就近設
局製造蘇州先設有三局嗣因丁日昌在滬購得機器鐵
廠一座將丁日昌韓殿甲兩局移并上海鐵廠曾經

淮軍平捻記

卷一

三

奏明欲再移設金陵為久遠之計臣若遠赴他省則礮局與鐵廠
久必廢弛不但技藝不能漸精且慮工費多有缺乏而臣
軍接濟亦有斷絕之時此軍火恐不能常常接濟之實情
也臣所慮者祇此三端倘蒙

皇上天恩俯憫愚忱熟思審處俾微臣帶兵遠出日後無掣肘之

患臣得效命疆場努力設謀幫同會國藩等為

國家殲此殘孽雖萬死有所不辭奏入適曾公亦有陳奏奉

諭該大臣等均能詳細縷陳使朝廷洞悉此中利害實為有見現

在賊勢趨重禹城張樹珊等攻剿正急而南陽僅止張總

愚一股自不必再為更張即著毋庸置議於是任賴牛李

各逆自九月十五為官兵所敗遂悉數南竄徐州分布豐

二八七

浦劍山境內盤踞湖團會公調張樹珊回軍追剿並調潘鼎新越境夾擊二十三日樹珊及賊於豐魚交界之谷亭將為營而進賊以我軍遠道奔疲乘其營壘未定遽以馬賊來犯樹珊麾軍一面立營一面迎戰敗之二十八日會公又派營務處公弟昭慶帶忠樸等營會同張詩日之步隊烏爾圖那遜之馬隊馳援二十九日忠樸等營及賊於柳新莊賊大隊南來見我軍步伐嚴整不敢拒退至張谷山為馬隊所衝擊賊遂紛潰我軍逐北二十餘里逼入湖中淹斃無算陣斬百餘名拔出難民二百餘人生擒悍酋二十六名奪獲器械甚多賊遂由葉縣西竄初一日至郝家集又為色爾固善之馬隊所敗時賊既由曹而南竄徐州又由徐而西竄蕭楊本欲回顧蒙亳老巢乃疊為我軍所挫逆酋皆意沮奪路而走初二日又折竄豐縣與後股聯合徧布城南十餘里時鼎新留四營駐濟甯其到豐縣者裁六營兵力甚單而賊眾號稱十餘萬以我軍弱不置意方欲攻城初三日鼎新以六營之八成隊赴陳家莊迎擊離莊里許鼎新令各營官皆設伏整陣而待自率零騎逼賊壘致師賊悉眾抗拒我軍漸退賊合馬步數萬人四

淮軍平捻記

卷一

七

面抄擊遇伏不知虛實乃大驚亂鼎新乘其譁也反逼之伏兵又以炸炮測望其叢而擊之一彈炸落所殺傷數百賊大驚潰自相踐踏而死者不計其數獲級千餘器械棄於地者相藉賊乃向西南狂奔竟夜不敢停宿又折竄魚臺初四日適鼎新營道員潘鼎琛帶留濟四營來豐與賊遇於豐北鼎新又追至兩軍夾擊賊又大敗遂西竄單縣於是賊一敗於忠樸營再挫於鼎新不得逞於徐豐乃竄豫

淮軍平捻記

卷一

七

淮軍平捻記卷二

十一月初九日駐歸德提督周盛波敗賊於寧陵十二日
逆酋任柱賴汶洗等與張總愚合股竄扶溝提督劉銘傳
由周家口襲敗之任賴牛李各逆自豐北之敗仍蓄意
圖竄豫東偵知東路防守甚嚴不能偷渡運河復不敢久
駐曹屬遂折而西竄循舊黃河北岸繞赴汴梁欲與張總
愚合股時提督周盛波駐防歸德謀賊北趨卽帶六成隊
裹糧邀之初九日至寧陵之趙村集時捻逆大隊圍攻寧
陵縣城甚急盛傳得信卽將鍋帳存留趙村整隊直逼城

淮軍平捻記

卷二

下時已二更任柱馬隊賴汶洗悍黨俱於離城十五里屯
紮盛波恐賊宵遁卽乘夜進擊其弟記名提督盛傳善詭
襲盛波令與副將衛汝貴董邦傑三營伏於黃河集復派
總兵周壽昌劉啟福由東路進攻游擊楊安典賈起勝由
北路進攻自率副將周盛武楊正國由呂家集中路衝其
堅潛師夜起出賊不意任賴兩逆見我軍分三路掩襲亦
分賊作三路迎拒并揮令賊衆由旁出包抄中路盛波漸
誘至覆中伏起三路兵皆合將各逆衆截分數處賊首尾
不相顧暮夜之間自相驚潰我軍勇氣百倍乘勝壓追四

淮軍平捻記

卷二

十餘里陣斬偽祥天安一名殺悍逆六百餘級拔出難民
千餘解散脅從甚衆奪獲牛洛紅坐馬一匹其餘器械馬
馱不計其數逆酋唐矮我爲我軍所追其坐馬被槍頭撲
將授首矣忽有悍賊數十騎橫出挾之而去於是張逆正
盤旋豫境聞任賴牛李等被創卽由西華扶溝等迎接因
復合股時駐防周家口之提督劉銘傳謀賊回竄初十日
卽帶隊向東迎截十一日營軍於西華之上郭橋時任賴
等正與張逆合勢復張正圍扶溝縣城銘傳卽於十二日
馳抵扶溝之東宏濟橋遇賊邊馬當卽飭令劉盛瑞張長
發帶馬隊兩營爲前鋒自督馬隊一營步隊三營爲後應
復派唐殿魁翼北路劉盛藻掩南路同時并進劉盛瑞將
邊馬擒殺十餘騎追及城西十里許遇賊馬隊大股數萬人
分三路將我軍包抄中軍爲其所襲尤密銘傳令軍士皆
結團陣自固槍向外擊不及賊不發機發必應槍而倒賊
之迭來撲者爲槍殺甚多劉盛藻唐殿魁見中軍被圍派
馮汝霖丁汝昌擊左王得成等擊右我軍皆伏地狙擊兩
翼張而進銘傳令李錫增馮汝霖施放炸炮打入賊陣逆
隊而奔各軍從而掩擊之賊大潰爲我軍陣斬千餘炸炮

所殺者蓋不計數器械山積逐北十餘里扶溝城圍立解
 銘軍之戰士死者僅數十人是夜賊潰走終宵忽止忽驚
 一夜未停趾云當逆之東竄也從未受大懲創自四鎮設
 而汎防有定賊之流走者處處投觸網羅遂不能逞其故
 智加以淮軍之嚴整火器之精銳賊竟無可抗拒且偵知
 曾公在徐已添練馬隊將率以游擊於是羣逆遂聚襄葉
 舞陽合謀竄鄂以掣我軍至來年春夏交而公弟昭慶及
 銘字一軍遂有援鄂之舉初曾公之設四鎮也擬添練馬
 隊勁旅一支為游擊之師即令營務處員外郎公弟昭慶

淮軍平捻記

卷二

三

統帶前進因所採辦鞍馬未齊駐徐州未動而
 朝廷屢以徐州東偏

詔催曾公前駐周家口曾公請令公弟昭慶統帶萬人赴豫再令
 色爾圖善及張樹珊樹字馬步各軍進駐周家口替出銘
 字一軍與昭慶所部為兩枝游擊俟部署定後再進駐周
 家口居中調度徐州銅山沛縣等處忽有湖團奸民遁賊
 之事曾公遂又留徐至明年正月始進駐豫省湖團者咸
 豐四五年間山東曹州一帶黃河汎濫難民唐守忠等遷
 徙銅沛境內佔徼山湖灘因而結團者也湖灘為無主地

又膏腴於是難民愈聚愈眾佔地至百餘里聚眾至萬餘人
 當時在事官吏不能驟逐回藉暫與撫綏因就東民佔地
 設局丈量定為科則使之納糧充餉耕種豐稔漸臻富強
 嗣銅沛居民窺其利也爭之在難民則以為全係湖荒在
 銅沛居民則以為霸佔遂致主客相仇當十月間逆捻竄
 徐皆係湖團所約故任賴牛李等皆住湖團之內沛民
 木與湖團為不解之讐至是更以團民勾捻紛紛構難有
 不能一日與戴天之勢而湖團中如唐守忠父子罵賊殉難
 全圩房屋焚燒殆盡則又忠節昭然曾公謂不早為之所

淮軍平捻記

卷二

四

則沛民與團民械鬪不休而良莠不分必至玉石同燼故
 特奏請稍緩赴豫至明年正月鄂事急銘軍援鄂曾公乃
 進駐周家口

五年春正月捻逆竄湖北蕪黃曾公奏派提督劉銘傳率
 所部進援黃州公亦奏調過缺提督南嶺鎮總兵王
 承勝統兵赴宿松防剿 自去年冬十二月賊由皖豫被
 創入楚賴汶洗牛老紅竄向黃岡黃陂孝感諸境張總愚
 竄向襄陽兩路入鄂又有成大吉濟勇之變蕪黃一帶遍
 地賊氛襄樊黃孝並警劉銘傳一軍方在豫截剿曾公因

恐鄂勢不支遂調銘傳所部由光固麻城繞出賊前迎頭
兜擊豫軍宋慶踵追入鄂是時張總愚竄棗陽欲東與賴
牛合股聞銘軍至楚乃分掠唐縣新野南陽等境新野屬
之呂營陳營吳堂柴堂萬莊岡埠楊營所在皆為賊據設
卡於栗河舖化陂莊江家莊裴齋甚眾我軍奮擊之盡復
諸寨乃竄桐柏泌陽境上將南趨適銘軍在楚界豫軍復
踵追而至賊恐前後受敵竄據明港驛圖由確遂西歸乘
閒北犯其時賴牛股匪蔓延麻羅黃孝間黃州各屬與皖
省太湖宿松處處毘連而皖省空虛無備安慶僅臬司吳

淮軍平捻記

卷二

五

坤修帶兩營防守公乃調王永勝統開字十營淮勇過江
赴宿松二郎河要隘妥籌堵剿以固皖西門戶
二月張逆竄正陽賴汶沈牛老紅竄光州

詔淮軍統領員外郎李昭慶率領馬隊赴豫協剿翰林院侍講學

士劉秉璋所部淮勇親兵十營赴會國藩軍營襄辦軍務
曾公用劉銘傳扼守沙河賈魯河議防守 先是賊之竄
鄂也以鄂省空虛無備圖由蕪黃竄擾皖鄂以掣我軍不
意銘軍繞前兜擊不得逞志乃復分股折回豫境銘軍躡
之而北及逆於正陽之宋店擊斬甚夥賊竄汝陽之馬鄉

聞集楊樓我軍又踵擊之豫軍蔣希夷等亦至賊望風遁
竄上蔡遂平時豫省空虛捻逆疾捲而至與角逐者惟銘
軍及豫軍宋慶所部麇賊於南陽新野諸境而西北兩面
皆無備故有

詔李昭慶赴豫之命時賴汶沈牛老紅由光州竄阜陽復由阜陽
折回豫境以三月初二日擾及沈邱項城鹿邑睢寧太康
諸縣初四日直犯扶溝縣城知縣鄒金生礮斃馬步賊十
餘人賊乃竄西華通許陳留尉氏初六日至朱仙鎮豫省
平原曠野無險可扼賊騎往來倏忽顧屢剿之後無復往

淮軍平捻記

卷二

六

時之悍官軍馬隊窮追賊不得駐足由杞縣睢州蘭儀考
城疾駛竄入東境賴張二逆遂據山東鄆城水套矣

朝廷以蘇防稍緩飭劉秉璋赴會營襄辦軍務秉璋所部十營
益以況文榜常字營移駐宿遷張總愚牛老紅賴汶沈旋
竄出水套連撲運河官軍敗之復竄河南商邱虞城夏邑
劉銘傳軍躡追而至賊突奔江南境銘軍被擊至於陽山
大敗之賊知徐州備嚴乃復由陽山回竄虞城甯陵考城
及商邱之劉家口是時張賴二逆忽分忽合牛老紅在張
總愚股任柱在賴汶沈股任柱尤凶狡善戰出沒江皖楚

豫飄忽靡定

四月捻逆竄擾淮徐公檄調南贛鎮總兵王永勝古州鎮總兵劉士奇統兵馳詣員外郎李昭慶軍合提督周盛傳劉銘傳之師擊賊於豐沛宿遷之間敗之賊分股回竄豫皖先是捻逆張總愚流竄東境任柱牛老紅賴汝洗各股在鄂省敗遁復由皖而豫而東與張逆並股悉聚鄆城鉅野境內旋因直隸提督劉銘傳涼州鎮總兵周盛波等督軍追及臬司潘鼎新員外郎李昭慶所部分頭堵剿賊不得逞乃回竄蘇之豐碭將窺皖之蒙亳公飛調王永勝

淮軍平捻記

卷二

七

統開字十營由宿松馳紮臨淮周盛波周盛傳等由歸德疾趨亳州以遏其衝賊分股折由徐境東趨延擾銅山邳州宿遷睢寧界上游氛一片勢將偪伺清江清淮為裹下河各州縣屏蔽時二麥正熟賊尤覬覦劉秉璋駐軍宿遷總兵楊鼎勳駐軍臺莊韓莊會同淮揚水師力扼運河以固充沂淮海之防然力單清淮頗為震動公乃飛調劉士奇統奇字七營由東壩拔營北渡又商令長江提督黃翼升布置水路是時劉銘傳由曹縣追賊而南四月初五日率隊進解豐縣城圍復躡賊而東周盛波等亦與張總愚

捻股遇於荷澤境迭敗之公令劉銘傳會周盛波等之師從西北進追劉秉璋會劉士奇王永勝等之師從東南兜剿二十日賊之前鋒竄回豐縣次日擾及沛縣二十三日至徐州城西總兵董鳳高李祥和各以兩營分路出隊擒獲數十名賊退是夜李祥和派兵潛襲賊營薄有擒斬奪獲賊馬十餘匹二十五六等日賊竄銅山之雙溝楊家窪一帶二十八日竄宿遷之埠子鎮洋河集逕撲運河二十九日逼近桃源三十日襄辦軍務江蘇臬司劉秉璋督軍馳至洋河集探知賊之大股在圩外五六里屯紮馬步萬

淮軍平捻記

卷二

八

餘四出焚掠劉秉璋令總兵王占魁吳長慶況文榜等各帶五成隊三更徑搗賊巢斬擒七十名五月初一日黎明收隊隨即傳令各營整隊出擊賊知勢不敵且戰且走吳長慶況文榜等由舊河隄內外分路夾擊進倉家集賊陣大亂官軍乘之斃賊甚多另股騎賊六七百步賊千餘由倉家集西北包抄我軍之後直撲營壘守營將士堅持不動槍礮排擊王占魁帶隊回援陣斬悍賊三十餘名槍斃賊目二名始退與倉家集之賊合并西趨是役也我軍腹背受敵若非回環互應幾為賊挫初三日賊由睢寧之歸

仁集回竄適湘軍劉松山由徐州追賊而來行抵離城十八里之王家林遇賊敗之初四五日張逆攻撲皂河及利運開馬家渡一帶均爲水師鄧長里等擊退由是不復圖犯運東乃由利國驛回竄徐州初七日將至時劉銘傳方赴濟甯與曾公會商防河事宜其部將唐殿魁劉盛藻分帶銘軍駐紮徐州以賊氛逼近郡城初八日會董鳳高之師出擊行抵離城十八里之趙莊寨偵知賊前隊盡在荆山橋河左右馬隊張景春保成等渡河直前接戰黃桂蘭劉朝幹等步隊三營渡河接應李錫增畢乃爾兩營隔河

淮軍平捻記

卷二

九

施放炸炮鏖戰逾時馬賊敗入河中上爲步兵兜擊下爲荆山橋所阻我軍俘斬甚衆賊衆悉敗過河東唐殿魁等督軍追殺十餘里奪獲賊馬三百餘匹斃賊約及百名而還張總愚牛老紅等遂由豐縣碭山竄虞城縣豫省復警任柱賴汶洗等大股自四月十三日窺撲泗州城後旋復竄擾宿州二十三日竄至永城縣東胡莊寨正在圍攻之際周盛波馬隊一營先到突衝賊隊擒斬數十名賊衆潰退馬隊營即在胡莊寨駐紮與步軍相離尚十餘里二十四日周盛波率軍前進行甫數里逆衆分三路來撲以馬

隊猛撲中路周盛波督令童邦傑等排列隊伍併力禦之洋槍炸炮迎頭轟擊逆衆抵死不退都司周行發率領馬隊由城西抄入賊後賊始驚潰其前路步賊經周壽昌等擊敗後路步賊亦經周盛傳等擊敗自辰至暮各營終日未餐計斃賊近二百名奪獲騾馬頗多弁勇亡者十餘人二十六日賊遂竄歸德三十日又折回永城夏邑之交初二日二鼓周盛傳出隊掩襲小有俘獲初三日由蕭縣之西竄入銅山擾及東賀村將與荆山橋張逆之股合適原駐徐城之張詩日李祥和等營出隊至土山寺而周盛波

淮軍平捻記

卷二

十

追軍適至會商進擊又擒斬百餘名賊遂退走由松山至宿州竄入懷遠渡渦河而南捻逆兩股自二月北竄以後堅圖渡運前在山東鄆城一帶搶渡後在江南宿遷一帶搶渡徘徊曹徐淮泗者兩月餘迄未得逞遂又分竄豫皖曾公乃檄飭潘鼎新會同周盛波兩軍爲一路劉松山會同張詩日等兩軍爲一路專剿張逆一股劉秉璋會同楊鼎勳爲一路專剿任賴劉銘傳一軍改調在徐州駐紮替出劉秉璋所部爲游兵李昭慶一軍以八營赴防韓莊以十營赴防濟甯駐紮休息替出潘鼎新楊鼎勳兩軍爲游

兵各軍既替換有期攻剿有定勞逸相當兵事漸有起色矣

五月十七日周盛波大敗牛逆於永城二十九日追敗任賴於太和張樹珊追敗張總愚擒股賊衆均渡沙河南竄曾公分飭各軍防守沙河 先是荆山橋之役我軍四路兜擊牛洛紅一股不能與張總愚合併由白龍王廟竄渡渦河周盛波催督各軍連夜追之十七日五鼓及之於渦河逆已渡河周盛波派周盛傳由西路進劉啟福等由東路進周壽昌等由中路進而令陳明昇周行發各帶馬隊

淮軍平捻記

卷二

十一

一營從兩旁衝截兩陣未接賊遙見我軍整隊而前即紛紛散亂我軍進蹙之牛逆知勢不能敵驅悍賊數千人蜂擁回拒我軍馬步各營分路猛擊賊皆殊死鬪周盛傳坐馬被賊矛刺倒盛傳奮躍而起奪賊矛殺刺馬者徒步接戰兵勇初見盛傳馬倒惶懼至是無不奮命士氣百倍呼聲震天地賊乃大敗有步賊一股逃入路旁廢圩周壽昌率師衝入圩內搜殺淨盡無一脫者牛洛紅率餘賊向南狂奔我軍追殺二十餘里周盛波率偏師晨夜逐之十八日至亳州十九日至鹿邑之馬家寨牛逆已竄入陳州境

淮軍平捻記

卷二

十二

官軍困乏將士多病卽在馬家寨休息任柱賴汝洗自五月初與張逆相失由宿州西竄折向南趨渡澮渦兩河入懷遠鳳臺境內之平阿山一帶擄脅日衆時淮河南北伏莽竊發有勾捻過淮之謠淮南腹地空虛居民驚徙皖軍力薄公乃令皖南鎮總兵王可陞分派陞字兩營移守廬州王永勝由臨淮分隊赴懷遠劉秉璋進蒙城與王永勝等會合兜剿二十三日王永勝一軍馳至懷遠二十五日劉秉璋一軍馳至蒙城周盛波亦自馬家寨回援二十六日至潁州東五十餘里之棗莊集賊聞援師四集遂自平阿山全數西竄欲由潁郡之留陵口偷渡沙河竄擾光固適盛軍突至不得逞折向東北竄逸繞至烏江河上游意圖抄襲我軍後路周盛波麾軍三面迎擊洋槍炸炮連環轟發逆勢不支復西奔遺牛騾器械無算解散脅從難民千餘人二十九日賊竄至太和六月初一日竄至港溝劉秉璋與皖軍英翰等次第跟追沿途均有殺傷張總愚一股自五月中旬由虞城西竄潘鼎新與劉松山張詩日三軍追剿二十一日同抵寧陵探知該逆已至睢州城南之河陽集官軍躡之賊不敢留二十一日撲犯陳州旋即退

走二十二日竄近周家口之北寨牛逆亦由苑寨偷渡河南與張逆分而復合駐防周家口之右江鎮總兵張樹珊派副將閃鳳來馬隊迎擊殺賊數十名奪獲騾馬四十餘匹是夕復分隊雕剿逆衆不敢迎拒連夜由逍遙集一帶渡沙澗河遁張逆自鄆城西遁牛逆自商水西遁均奔遂平確山一路欲由信陽竄光固六安沿途伐竹爲矛補製兵器曾公以張牛等逆旣渡沙河以南任賴等逆亦渡淮并趨南路因定議於沙河賈魯河設防乃奏請曰捻逆各股回竄豫皖兩省中原平曠之地四通八達若不擇地設

淮軍平捻記

卷二

三

防終不能大加懲創本年防守運河粗有成效應卽仿照於沙河設防俾賊騎稍有遮攔庶軍事漸有歸宿查沙河上流直至邳縣汝州地界太長幾無止境擬自周家口以下至槐店止扼守沙河自周家口以上至朱仙鎮止扼守賈魯河由臣派兵設防自朱仙鎮以北四十里至汴梁省城又北三十里至黃河南岸無河可扼挖濠守之由李鶴年派兵設防自槐店以下至正陽關以下仍守沙河由喬松年派兵設防自正陽關以下卽係淮河由臣派水師與皖軍會防各分汛地層層布置或者漸逼漸緊遂逆於西

南山多田少之處官軍較易爲力云遂檄劉銘傳自徐州馳赴沙河與潘鼎新張樹珊會防扼守朱仙鎮以下四百里咨請豫撫在朱仙鎮以上七十里設兵又令劉秉璋楊鼎勳王永勝所統之淮軍及張詩日劉松山所統之湘軍分路游擊以資聲援自捻逆之搶攘中原皆馳逐於平曠之地從前各軍與之逐勝以窮追爲能事然賊騎旣多且馬匹糧食皆野掠於民無所靳惜奔竄盡馬力往往日夜行三四百里馬斃掠以易之我軍戰馬皆出採辦喂養有額統帥請之於

淮軍平捻記

卷二

四

朝營官領之於統帥騎兵復領之於營官一兵祇此一騎以之爲性命戰陣間兵惜馬力往往尾追不能及賊前路復無防範任其飄忽來往是以賊雖屢敗終不能制其流竄上年劉銘傳帶兵入豫察看地勢卽創扼守沙河之議曾公以兵力未齊未遽允行至是卒行之論者謂捻逆飄忽披猖甚於明之闖獻及

國朝川楚教匪自公上年請直東豫三省堅壁清野官督民團之議行而賊之勢日窮自扼河防守之策行而賊之踪日蹙嗣是阻要隘築牆堡一致功於河防再致功於運防卒

以之合圍殄寇其機實由於是云

六月二十七日山東臬司潘鼎新敗賊於太康任賴股匪竄過賈魯河西各軍仍理河防 先自議定扼守沙河賈魯河之策六月中旬已調銘軍盛軍鼎軍分防沙河乃夏雨過多水勢盛漲南陽微山等湖與運河連成一片各路所修隄牆自韓莊以下八閘兩岸較高沙土質鬆大雨之後盡皆坍塌自黃林莊以下二百餘里兩岸較低堤身全被水淹大水爲數十年所未有積潦盈途深過馬腹軍中米糧子藥車載夫運寸步難行文報往來亦多阻隔遲誤

淮軍平捻記

卷二

五

而秋稼被淹民廬漂沒饑殍盈野捻勢因之益橫時任賴捻股因張市朱仙鎮等處河水所阻不能西渡盤踞於太康之崔橋杞縣之五岔口通許之底閣等處逆氛盤結六月二十日山東臬司潘鼎新率師行至西華縣爲大水所阻各營晁水而進二十五日逕趨崔橋賊大股先退二十六日官軍分兩營留紮崔橋以馬步十一營裹糧疾進遇馬賊數百於石頭岡賊騎迎頭而來各勇爭先奮擊獲馬三十餘匹賊敗走追至油坊岡之大林賊幟密布偵知有伏潘鼎新分各營爲三路令潘鼎立率三營爲中路戴春

淮軍平捻記

卷二

六

林率三營爲左路吳從發率三營爲右路又令唐宏成率一營於林叢中或隱或伏爲誘賊之計逆衆果出林搏擊我軍連營齊進斬擒悍賊數十名追至林後油坊岡賊寨潘鼎立揮衆攻其南寨門時賊衆抵死抗守槍炮子如雨下潘鼎立一躍而登衆皆擁上遂破其寨賊皆翻牆而遁我軍追殺四五百名立將大寨奪回潘鼎新留兩營守之仍前追剿甫行三里任逆率悍黨衝至馬德順帶馬隊鏖戰擊殺賊目多名其時附近寨賊俱蟻屯十里外潘鼎新親督各營整陣以待未幾步賊從中路大至馬賊左右分抄各營如牆而進連環轟擊逆勢不支紛紛敗北追至武岡沙窩一帶各路寨賊俱遁官軍亦收隊二十七日乘勝追剿至高陽集任賴兩股不敢停趾竄過賈魯河以西張牛等亦竄至裕州葉縣時防河之策因大水毀牆未能遽行會公擬改令銘鼎盛三軍移赴睢州曹考一帶專辦沙河東北之賊鮑超之靈軍及劉秉璋楊鼎勳王永勝之淮軍劉松山張詩目之湘軍仍辦沙河南之賊至是捻逆爲鼎軍迎頭截擊復渡竄賈魯河西於是復理防守賈魯河沙河之議於前段防守銘鼎樹三軍外又檄添周盛波

一軍分守各軍於盛夏深淖中沾體塗足修復堤防毫無怨色紳民之効力者亦因之鼓舞云

淮軍平捻記卷三

同治五年八月十六日捻股衝破汴南衛河堤牆悉眾東竄

詔公以兩江總督帶印出省進駐徐州防剿 自夏秋之交河水漲盛防河之策未定逆氛擾及曹考一帶至七月初間太康睢杞通許等處皆為捻蹤所至我軍跟剿雖屢獲小勝而賊勢仍復蔓延所在饑民裹脅日眾是月杪捻眾擾及長葛洧川圖竄東境劉銘傳潘鼎新等軍分防沙河賈魯河各汛修築堤牆於八月初告成賊計頗沮十三日張牛

淮軍平捻記

任賴併股屬聚於許禹一帶劉銘傳潘鼎新因汴軍朱仙鎮至汴梁省城黃河汛地長牆工未成先一二日馳至汴梁助修省北濠堤一段十四日劉銘傳回至尉氏潘鼎新回至樊寨十五日逆眾由汴梁左右東竄十六日二鼓大隊直犯豫軍長牆潮擁而至夷塹填濠豫省守軍撫標三營不能敵牆破賊遂東逸時銘軍駐紮朱仙鎮遙望火光漸進西北知豫軍汛地有警即令烏爾圖那遜等馬隊向東唐殿魁一軍向北截剿比至而賊已全股渡河烏爾圖那遜馬隊晷渡蹤追至杞縣境內頗有擒獲唐殿魁追至

汴梁城南遇牛逆後股橫擊之截殺馬步賊千餘人餘賊向南逃竄是時捻眾大勢東趨不旬日間蔓延荷澤曹縣鄆城鉅野一帶乘虛疾走欲渡運河於是曾公檄令劉銘傳潘鼎新兩軍追擊曹單濟甯一路江蘇臬司劉秉璋蘇松鎮總兵楊鼎勳右江鎮總兵張樹珊等三軍回顧徐州韓莊一路時沿運上游開河靳口以北有東軍分防韓莊八剛有公弟昭慶軍分防兵力皆單捻賊四大股合併為一飄急湍悍運防甚為喫緊而曾公以積勞致病請假

淮軍平捻記 卷三 二 朝命公攜帶關防馳赴徐州調度湘淮各軍防衛淮徐以東並

與山東巡撫閻公敬銘商辦山東軍務互相策應公乃飛檄南贛鎮總兵王永勝統開字十營由六安渡淮馳赴泗州屯駐並飭道員吳毓芬附帶華字四營前赴清江暫駐又抽調鄭國榜等魁字兩營總兵吳殿元親兵一營徑赴徐州防堵公於九月初九日由省赴徐是時銘鼎兩軍躡賊至於鄆北梁山鼎軍與賊接戰大勝賊由鄆北折回西竄初四日追抵曹州賊悉其黨抗拒烏合雖眾氣蘊多敗擒斬解散數不可紀兩軍遂由考城分進一至杞縣一至睢州初八日銘軍抵睢是日五鼓賊即由睢州西南逸

九月十二日賊首張總愚任柱賴汝洸分道各竄遂為東西二股世號東捻西捻東捻復回犯運防 先是賊以窺運河不得逞乃圖決黃河斷流徒涉是日薄河掘堤二十餘丈我軍急擊之賊大潰不得合張總愚率股自中牟竄許陝經靈闖入秦是為西捻而任柱賴汝洸一股復由豫回竄東境是為東捻二股自此遂分二十一日東捻股首任柱賴汝洸率賊回撲運防勢甚慄悍沿運各軍皆嚴守屹然不可壞二十七日銘軍敗賊尾隊於曹州二十八日鼎軍敗賊於嘉祥縣奪獲賊騎數十匹生擒賊目宋金庸

淮軍平捻記 卷三 三 時山東肥城縣黃崖山土匪起事東撫調鼎軍往剿二十

九日賊在鉅野銘軍與賊於葛店馬隊進抄賊館擒賊數十人奪馬數百匹賊敗南竄十月初一日銘軍及之於馬鞍山口縱橫奮擊生擒二百餘人尾賊悉棄輜重回奔為各團寨民搜殺殆盡賊前隊排紮不動銘傳分兵三路薄之使劉盛藻當西路唐殿魁當中路而親率黃桂蘭當北路分隊齊進賊亦分股相拒我軍勢盛賊卻追至十餘里賊陣猶聯綴不失次出履安丁汝昌當先率勇衝入賊陣各軍三路兜擊張景春馬隊由後包抄賊眾前卻不得各

鳥獸散自相踐踏死者無數追抵金鄉縣東北又殺賊千餘降馬賊二十三名賊復窺淮徐一帶運河十月初三日公軍抵徐是日賊之大股南趨亦離徐百里公檄調王永勝統開字十一營進紮皖徐交界之雙溝劉士奇統奇字七營進紮運河西岸之舊邳州又添調水師分扼運河上下徐防益密銘鼎軍又躡追而至張樹珊率樹字八營亦奉公命與鼎銘軍會合進逼賊由金鄉竄抵豐縣之蕭堰初四日我軍截擊斬獲數十人奪騾馬三十餘匹賊折回魚臺初五日銘軍追至魚臺李家溝初六日又追至金鄉

淮軍平捻記

卷三

四

之羅屯賊先排隊待戰以馬隊抄我輜重張景春吉爾洪額等擊敗之擒斬十餘名初七日乘霧復回竄豐沛初八日銘軍亦折回迫及於魚臺賊轉向東北我軍擒斬尾賊百餘名賊首劉光遠朱道等率眾降初九初十日賊由羅屯羊山一帶南竄劉銘傳追至金鄉此時賊在城西方築壘不虞我軍之遽集也十一日五鼓銘傳分兵三路令劉盛藻由城南黃桂蘭劉朝幹由城西分撲賊巢唐殿魁在後接應馬隊由旁抄擊賊出不意大潰擒斬三百餘名獲騾馬輜重無算復追至單縣之雞黍集是日張樹珊由礪

山進軍至豐縣十里外之趙家集薄暮遇賊合閃鳳來馬隊擊之賊騎遁走僅獲三人十二日追至豐縣西關外甯家莊探知大股將至紮營甫定馬賊由西北紛來直逼我營樹珊先令閃鳳來在前誘敵午刻令各營分路迎剿自率開花礮隊接應賊卻走追至距豐十八里之橫堤賊整隊回撲爲開花礮轟斃無數賊勢不支竄縣寨東北其前股繞出我軍後遇堤折竄東南官軍返旆躡之馬隊馳擊賊始潰遁夜三鼓張樹珊令各營襲賊於豐縣東南十餘里之張武樓賊馬步大股麇聚我軍三路齊進賊倉卒奔

淮軍平捻記

卷三

五

逃賴逆僅以身免各營猛追二十餘里收隊時已四鼓計共斃賊千餘人奪騾馬三百餘匹生擒悍賊二百餘人拔出難民無算是時任賴二逆爲我軍截斷任向北竄賴向東南十三日銘軍追至豐縣北四十五里之渠家寨賊薊攻寨見我軍至奔入沛縣湖團湖團四面近水公之遣樹字營也卽密授機宜令各軍逼賊入湖團就地勢殲之各軍進逼賊窘突入之公飛檄各軍斷其出路賊狡甚知入死地乘兵勢未厚十五日由新團邊界捨死衝突遂竄回金鄉銘軍遇之於姜家樓整隊迎擊賊從旁路狂奔馬隊

追及之於魚臺舊城小有斬獲十六日賊由程莊南竄銘軍又追及之賊乃分股回繞我後劉銘傳令唐殿魁等西擊任逆劉盛藻等東擊賴逆其馬賊先爲張景春等所敗劉盛藻與賊甫開鎗礮賊遽潰奔我軍奮追斬步賊百餘斃擒首程小貓任逆疾走唐殿魁等跟蹤猛追又鎗斃賊馬二百餘匹斬擒首高尚義並馬賊十餘人賊分兩路南趨十七日銘軍追抵豐縣之龔橋賊由豐北回竄適鼎軍自東而南至翟家莊與賊大股相遇賊方避銘軍之跟追不虞鼎軍之旁出大駭欲走而將士數日始得一當勇氣

淮軍平捻記

卷三

六

百倍衝賊陣爲數處追殺十餘里至張家集任逆在頭隊迎拒賴逆帶花旗步隊在中總兵方有道視花旗所在策馬刺賴汶沈於萬衆之中墮馬徑前擒之餘賊攢矛反刺有道中傷十餘處陣亡賴逆脫走仍由金鄉邊界竄回魚臺東北十八日我軍追及魚臺城北二十餘里賊向西南反奔敗之於羅官屯賊走湖邊清河沿相里集十九日由孫家橋一路進追賊將由唐堽集犯濟甯我軍攔剿賊橫列馬步十餘里乘勢猛撲我軍以曠野無可扼紮乃分各營爲三大陣包輜重其中悉力進戰馬賊分路環包步賊

繼之中我鎗礮三撲三敗自辰至午賊人馬斃者狼籍遍野我軍開花礮八尊礮架已震裂其五且戰且追至徐家店賊步隊漸敗遁馬賊尙踞大莊不動我軍以四營繞後直抄其背賊呼嘯迎敵排鎗擊斃悍賊甚多前後夾攻之乃闕潰由西南奪路狂竄二十二日張樹珊與劉銘傳合軍追至鉅野賊東竄鄆城之武安集二十三日走曹州境之郭明口二十四日我軍追及之賊隊正向北竄驟見兵到復折而南先有馬賊數百竄至濮州境爲官兵橫截擒斬百餘名餘衆悉爲民寨所殲二十五日賊正股由曹州

淮軍平捻記

卷三

七

竄定陶城東之土店劉銘傳與張樹珊等會議以兵落賊後不能力挫其鋒必疾馳百里出不意攻之方可奪賊之氣遂一日馳抵定陶時夜已二鼓劉盛藻唐殿魁即由東進擊劉銘傳張樹珊山西策應四更後直襲賊館賊知我軍至遁不敢抗邊館之賊悉爲我軍殲除賊衆乘暗狂奔我軍力追二十六日黎明劉盛藻唐殿魁及之於曹縣孫老寨值任牛二逆整隊喘息我軍猛進復乘輜重南走張樹珊迫至曹縣遇賴逆繞城南走即令劉克仁張樹屏等率隊進擊劉銘傳亦使黃蘭桂畢乃爾迎頭截之殲斃不

可勝計生擒偽天將朝將燕義等賊會十餘名長髮悍賊數百名獲騾馬器械偽印旗幟無算餘賊復爲民寨截殺逆首賴汶洗僅率數十騎向南遁去餘黨數百名俱棄械乞降劉克仁閃鳳來復追至土岡集擒獲賊首楊大阜餘賊狂竄豫境歸德西南一帶事聞得

旨出力員弁查明彙保陣亡之提督銜記名總兵方有道守備袁正泰千總侯鳳德記保把總劉日清均優卹如例賊自九月二十日以後復犯東境屢撲運河由梁山南竄金魚豐沛欲犯清淮經我軍往來緊躡每戰必挫計不得逞又盤

淮軍平捻記

卷三

八

旋曹濟前後將及一月始潰逃入豫其所據皆東徐交界之處地勢最爲平曠無險可扼故賊雖窮蹙往往奔走得脫我軍忍饑寒忘勞苦緊躡之日無停趾一月之中先後敗賊二十次使賊衆無可喘息所過民寨咸不及攻黨衆折損其半而運河分守各軍亦堅持不動捻股回竄歸德南至羅山復爲盛軍所敗再竄皖鄂之交自此銘盛各軍遂有入鄂之役

十一月初一日公受

欽差大臣專辦剿匪事宜曾公回兩江總督本任 時曾公以

積勞致病屢請另簡

欽差大臣接辦軍務並開各缺十月二十日奉

上諭曾國藩著賞假一個月在營調理

欽差大臣關防着李鴻章署理公得

旨卽疏陳曰前奉

旨飭令進駐徐州本係總督管轄之地曩更應辦之防清淮以東宿蒙以南如兵力能及臣皆責無旁貸故不敢稍有推諉茲復奉

命接署

淮軍平捻記

卷三

九

欽差大臣則凡髮捻所到之區衆人束手之際皆將責望於微臣以臣智術短淺才力薄弱實難勝此艱鉅非敢沽謙抑之虛名拘辭讓之末節揆時揣分戰慄驚怖誠有不能自已於衷者惟恭繹

聖諭因曾國藩積勞致疾重煩

屢念令臣暫時署理爲一時權宜之計若再三堅辭往返耽延既

無以仰體

宵旰之憂且令曾國藩病軀候代情誼亦覺歉然展轉焦思惟有

仰懇

聖明從容籌議知兵大員督辦剿擒軍務或候會國藩調理就痊仍舊辦理俾臣稍安愚拙獲免大戾感戴

高厚曷有既極但就目前有必須豫為籌度者有不敢豫為限制者謹為

聖主一一陳之上年九月奉

旨令臣帶兵馳赴河洛臣即恐一離本任則糧餉軍火均無所出當將可慮三大端據實詳細覆陳會國藩本年八月二十三日附片奏稱將帥帶兵剿賊非督撫手有理財之權者軍餉必不應手係閱歷真切之語年餘以來會國藩在前

淮軍平捻記

卷三

十

督師臣在後籌餉患難與其休戚相關雖士馬未盡飽騰而臣之心力實已交瘁怨謗亦所不辭臣來徐甯踰一月後路糧餉轉運相隔漸遠每恐呼應不靈若再逐賊出境遠駐豫省軍務大局未必遂能有濟而各軍餉需本任公事必多貽誤即蒙派員接署督篆各有責任各有作為何能與前敵痛癢相連始終如一若強爭則徒失和衷若隱忍則必分畛域軍需稍有掣肘斯功效全無潰敗立見臣去年摺內固已言之詳且盡矣且臣自問本心於一切榮利素知恬澹若從此脫卸地方事件專意辦賊事機可赴神

智不紛猶可勉力報效若因餉缺而潰亦非

朝廷所以用臣督師望臣成功之意臣從軍十數年稔知軍情利鈍之由其樞紐不在賊之難辦而在樹餉軍火之接濟會國藩老病侵尋自萌退志臣每語切懇勸謂若不耐軍事之勞頓即請回任籌餉坐鎮要區彼總以精力衰憊相謝然亦以剿擒全軍專恃兩江之餉若經理不得其人全局或有震撼與臣再四密商迄無嘉謨可以入告是以不得不賴

朝廷之善為區處矣今

淮軍平捻記

卷三

七

諭旨並未令人接辦江督與通商要件而詢及應否駐紮豫境臣若至豫省邊界離江寧千餘里離蘇滬千數百里軍儲之調發屬吏之稟承文牘往還動踰匝月未有不遲誤者後路根本重地皆新復之區又多通商口岸設有蠢動更難兼顧臣反覆推究事理務求一是綱領全在得人

皇上若仍令臣兵餉兼籌須以駐紮徐州而止應仍如會國藩前奏東路稍鬆當回金陵或駐清江力籌餉運乃足以固軍心而維大局捻逆在東則督飭各軍就近兜剿擒若趨豫則體察諸軍之勞逸東路之防務更番酌調跟追前往與

鮑超曾國藩等軍會合夾擊劉銘傳等忠勇奮發臨敵應變均尚可靠臣隨事商籌調度似不致遽有失機若

皇上專責臣以討賊在本境可兼管地方駐別省即不能兼管地方如不兼管地方軍需當責之何人缺乏當如何處置非一二空言能有實濟此必須豫為籌度者也至捻逆久成流寇臣軍打仗雖尚得力而馬隊太少不及賊馬之多且悍曾國藩固屢言之臣到徐後審察軍情可以勝賊而尚不足以滅賊蓋賊敗後馬隊急走日百餘里我軍步隊至連日七八十里賊隨地擄糧我軍須齎糧而行現各軍略

淮軍平捻記

卷三

三

置車駝齎糧不過旬日旬日之外就地采辦而賊過處人煙荒涼城鄉窮苦往往停留三四日購不出一日之食且餉銀遠道解送亦不應手軍士忍饑趕路催逼太緊恐生潰變我停一日賊走已數百里此剿捻追賊之苦前親王僧格林沁所統馬隊尚多而仍屢蹶不振者職是之由曾國藩接手後有鑒於此故始為設立四鎮旋議扼守運河沙河使地勢收窄賊勢較蹙較易兜剿目下運防水深坭密尚可扼住冬春淺涸尤須加意其賈魯河沙河地段太長人力難濟終辦不成為今之計自應用謀設間徐圖制

賊或蹙之於山深水複之處棄地以誘其入然後各省之軍合力三四面圍困之或陰扼其饑疲衰矜之衆使其內亂殘殺否則投降免死給資遣回以解散其窮蹙致死之心而披離其黨羽或另有設守致困之法容臣與湘淮各將帥及各省督撫相勢妥籌但能同心協力冀有殲賊之時軍事隨時隨地變幻無常此不敢豫為限制者也疏入故有是命

十一月二十一日張樹珊追擊賊於德安境軍不利死之劉銘傳收賊於下沙港任賴捻股窺渡運河不得逞劉

淮軍平捻記

卷三

三

銘傳追逼尤緊逆股東竄無地遂於十月二十三日由鉅野西北奔逃十一月初間銘軍及之於羅山又大敗之賊因竄越固始十四五等日又經皖軍扼剿遂折向西南由商城竄光山繞山而逸周盛波督軍由光州四十里鋪越山追之十六日至白雀園該逆猛竄已過界嶺向湖北麻城逸去周盛波因行糧缺乏暫駐待餉時湖北巡撫曾公國荃駐德安之武勝關安徽巡撫英公翰總兵張得勝等軍分紮六安之流波確霍山之漫水河黑石渡等處公以捻勢窮蹙湖北黃州各屬毗連皖西潛太英宿一帶皆有險

可扼賊騎不得施展欲令各軍分路併進會合鄂師設法兜截或趁地勢以圖聚殲乃檄直隸提督劉銘傳江蘇臬司劉秉璋自周家口拔隊進固始商城與周盛波張樹珊分道入鄂由東北兜剿兼屏蔽皖省門戶又應鄂皖之交圍寨最少積糧較多賊匪到處可以掠食但能蹙之以兵力而不能困之以饑餓而鄂豫交界山徑紛歧此截彼竄尤在意中將來賊之出不經隨棗向南陽卽由光羅回汝信是豫省南路必須扼紮重兵以備回竄夾擊之用復調全軍營務處李昭慶統率南贛鎮總兵王永勝開字十一

淮軍平捻記

卷三

四

營徐州鎮總兵董鳳高馬步七營由陳州周口直進汝寧信陽擇要屯駐以防之任賴之由湖陽竄豫也本意自鄂浙西趨出荆子關循商洛入秦與張逆合股變爲諸軍所挫始折而皖而鄂旬日間奔突千有餘里至是見大軍雲集遂由孝感應山雲夢京山踞擾鍾祥之白口一帶賊衆以數萬計綿亙數百十里於襄河淤淺處竄越前股擾及荆門之石排驛後股向踞安陸境內張樹珊周盛波由應山折赴應城與鄂軍統領郭松林等會剿十一月初一日大破賊於安陸之楊家峰賊遂折趨京山天門漢川雲

夢諸處二十一日全股竄近德安距城僅三十里周盛波由雲夢中途折回向德安前進行抵兩河口見隔河胡家店一帶賊衆自北而南周盛波揮軍涉河迎擊是日劉秉璋軍亦至與盛軍左右聯絡進剿馬賊大股衝突我陣經大小炸炮連環轟擊逆皆死拒馬賊稍卻步賊繼進我軍屹立如牆鎗礮抵擊自未至戌聲戰四時連開炸礮百餘發賊無數逆衆始潰全股折奔西北是時張樹珊與盛軍東西分進相隔約二十餘里午後至德安之王家灣適任賴牛李大股麇至張樹珊以遊擊日久今得一當乃帶隊

淮軍平捻記

卷三

五

急迫至新家關見賊屯紮楊家河東岸衆甚盛遂分所部六營爲左右甄夾進自督副隊居中馬隊游護其外援桴鼓之過河躡賊殺傷無算賊敗潰樹珊督隊窮迫賊知我戰勝有輕之之意且恃其衆遂分大股抄官軍後路爲圍獸之反搏我軍力單久戰無繼援前後隊爲賊衝斷陷圍中軍勢旣分賊騎愈驕張各營衝突不得出勢迫遂分軍築營壘而親督前敵鏖戰夜三鼓猶未解樹珊所督副隊及親兵數百人傷亡殆盡樹珊大呼赴敵殺傷略當力盡墮馬賊遂害之樹珊自咸豐四年隨公在皖北帶勇血性忠

篤治軍精強嗣隨剿江浙歷克名都大郡以功洵保至遇
缺提奏提督右江鎮總兵所統樹字六營與其兄今江蘇
巡撫張公樹聲會統樹聲以謀勝而樹珊以勇勝故相輔
而行所向有功至四年春樹聲赴徐海道任樹珊遂專領
其眾曾公又為添募步勇兩營馬隊一營轉戰東豫各省
屢獲大捷所部在淮軍中人數最少然臨敵勇敢馭下有
恩軍士皆樂為用故常能以少擊眾公常申戒之謂勇不
可恃敵不可輕恃勇輕敵敗之幾也然樹珊自以兄弟受
國家厚恩奮欲圖報常以不得一當為憾此次援鄂公慮其輕

淮軍平捻記

卷三

七

進迭檄令與盛軍合進乃倉卒遇敵卒以身殉各軍莫不
槍擗事聞奉

古照提督陣亡例從優議卹

加恩子諡並於廬州府本籍及立功地方建立專祠其隨同陣亡
之副將劉登朝郭有容都司馬壽文知縣李輝麟守備黃
瀚均照原銜優卹並祀祀焉是時銘軍亦進抵德安會合
盛軍跟蹤進躡銘軍於本月二十三日由宋河追賊過山
賊棄輜重西走京山二十四日劉銘傳親督軍至正值大
股賊匪繞撲縣城乃派馬隊劉盛瑞等先行引戰步隊繼

進黃桂蘭李錫增等抄出賊旁賊方分股回拒適唐殿魁
劉盛藻率隊猛擊擒斬三百餘名救出脅從難民千餘賊
乃遠遁二十七日追至白口賊踞下沙港二十八日任道
率馬賊埋伏河邊賴逆步隊排列岡下牛李二道率眾向
西佯走欲俟我軍渡河入伏出而包抄銘傳諭知賊情詭
譎分飭劉朝幹等由河邊迎擊馬賊劉盛瑞等逐賴逆親
率唐殿魁等三路搗賊中堅任逆見我軍先攻其伏知策
不成即率馬賊狂奔賴牛各逆亦相率逃去僅斬其尾股
數十人

淮軍平捻記

卷三

七

同治六年正月十五日劉銘傳與霆軍約攻賊於尹澧河
失期兵敗銘傳屢戰復振 五年冬賴牛諸逆之敗於下
沙港也由宜城之流水溝循襄河上竄銘傳料賊以霆軍
駐樊城必不敢正走當斜出東竄襄陽正月初一日即督
隊趨行抄賊之前賊果由冠山口出銘傳派黃桂蘭等六
營進擊唐殿魁四營接應劉盛藻繞趨山口斷賊後路賊
未及防驟見我軍齊進牛逆一股已過山口向西狂奔任
逆又折回河邊輒亂旂靡望風奔潰我軍逆擊之擒逆曾
郭包子王信等俘斬千餘人解散脅從無慮數千奪馬匹

器械無算任賴被各軍剿急不敢北竄樊城東竄襄陽復由河西折竄安陸十四日銘軍仍由宜城北路馳抵下洋港謀知賊聚安陸府屬之尹澧河銘傳與鮑超函約次日分道前進靈軍由西而東銘軍由北而南期兩面夾擊十五日辰刻銘軍先至尹澧河望見賊隊均紮對岸遂將輜重約退留王德成龔元友兩營護守銘傳親督隊伍過河進剿賊見我兵過渡卽分馬步兩路馬賊千餘向北包抄步賊繼進欲薄我軍於河陳振邦保成等馬隊及賊陣未合遽迎擊之賊不戰而遁我軍分追五六里賊忽以奇兵

淮軍平捻記

卷三

六

躡我後軍中不知虛實驚報銘傳恐後路力單失輜重乃分前敵步隊三營馬隊三營回顧後路賊見我軍抽隊過河前股亦悉衆回撲我軍未得渡馬隊又驚銘傳乃以十二營分三路迎敵任逆率衆先犯左軍牛逆犯右軍賴李二逆抵拒中軍中右兩軍將戰而任逆驅大股已將左軍全隊包裹劉盛藻鏖戰良久河岸地窄人多不能逞勢將不支銘傳恐左軍有失令黃桂蘭張士元李錫增三營會賴李兩逆往救左軍行不數武左軍已退過河李錫增見賊追左軍奮往救深入賊中爲鎗子所中歿於陣賊乘勢

進圍中軍任賴牛李併力而至銘傳親督中軍且戰且退右軍亦被圍奮擊不得出唐殿魁及營官田履安吳維章咸死之軍士歿者六百餘人賊追我軍過河銘傳督王德成龔元友等後路之師突起迎擊適靈軍亦至兩軍齊奮始獲勝殺賊千數任賴捻股乃向安陸西路竄去事聞奉旨劉銘傳於尹澧河之敗進退失機其自請參處本屬咎有應得惟誤由鮑超未照約會分路進剿致令劉銘傳駭退挫敗鮑超更不得辭咎姑念劉銘傳果敢有素鮑超屢獲大勝過不掩功均加恩免其議處道員劉盛藻督隊不力卽著

淮軍平捻記

卷三

七

拔去花翎撤銷勇號仍責令帶隊剿賊以觀後效總兵唐殿魁治軍嚴整每戰必先此次力竭捐軀深堪痛惜着照提督陣亡例從優賜卹記名總兵田履安總兵銜儘先副將李錫增副將胡衡章劉朝煦吳維章候選知縣舉人陳元孚均著交部照原銜從優議卹時軍興甚乏張總愚猖獗秦省會公派總兵劉松山編修張錫鏗等軍入關援剿各軍接濟皆仰給於公而秦地鮮產稻米麥價亦昂貴且有錢無市和籩不行雖經會公派委丁憂在籍之江蘇候補道薛書常商請山西巡撫撥款就地購糧接濟並在陝

州設立糧臺靈寶縣設局采買米麵然山西撥款無多而金陵糧臺支兩軍餉項道遠運多阻而剿賊豫東鄂皖之湘淮兩軍糧餉軍火皆專恃兩江公任江督時以湘勇來路遠人數較少每發全餉淮勇則一年僅發九關恆欠三月糧比增秦餉力益匱公甚憂之乃奏請仿照同治元年浙江米捐減成章程就地勸捐

詔悉如公請秦中各軍米麵始無缺而湘淮前敵餉亦少紓

淮軍平捻記

卷三

字

淮軍平捻記卷四

同治六年正月公補授湖廣總督在營督辦剿匪親督古州鎮總兵劉士奇前駐周家口檄調山東臬司潘鼎新駐尉氏扶溝公弟昭慶等堵光商賊由鄂竄豫不得出公旋奏請鮑超仍留靈營護諸軍及劾樹字各營不救主帥之罪皆得

旨行 自去年十一月二十三日公接任

欽差大臣後曾公屢疏以衰病懇辭回兩江本任公以大義相勸勉又奉

淮軍平捻記

卷四

溫旨勉留曾公乃力疾任事於正月初六日自周家口啟程十五日抵徐公始得於十九日交卸兩江督篆旋奉

上諭湖廣總督著李鴻章補授李瀚章調補江蘇巡撫李鴻章仍著在營督辦剿匪事宜未到任以前湖廣總督著李瀚章署理公疏謝後即於二月初三日親督古州鎮總兵劉士奇所部奇字馬步八營自徐州起行由歸德至周家口駐紮又檄調山東臬司潘鼎新由濟甯率所部赴豫之尉氏扶溝擇要暫駐時任賴股捻自入鄂後擄脅益眾往來剽忽不常各軍跟追未得扼制痛剿是以賊勢愈熾其初由

京山安陸圖渡襄河欲循商浴入秦為各軍所扼始復竄鄂仍思假道襄樊與秦賊勾合乃淮軍既四面猝集棗陽宜城一帶而霆軍又扼之樊城逆計不得過故於尹澧河一戰後更道由安陸竄擾桐柏及信陽北之長台關雙井店一帶東犯羅山正月二十八日竄至光山之陳家棚旋折竄潑波河是時山西布政司劉秉璋涼州鎮總兵周盛波等進軍京山公又令弟昭慶率王永勝董鳳高等由光商進兵楊鼎勳由周口馳往光州會剿扼堵北竄捻逆見各軍漸逼折由白雀園竄麻城於是鄂皖之境復騷動二

淮軍平捻記

卷四

二

月十四日由廣濟黃梅竄近皖邊適劉秉璋周盛波等統軍由羅田英山馳至太湖迎頭攔擊賊於十六七日由蘄州蘄水回竄十八日鄂軍記名藩司彭毓楨與葛承霖等在蘄水六神港迎剿彭毓楨與葛承霖等陣亡鄂省西北告警公又檄飭劉秉璋周盛波周盛傳等由宿太眼追入鄂兼蔽皖省門戶公弟昭慶已抵六安仍由商固折回入鄂楊鼎勳已抵光州亦由光山入麻城相機攔擊於是捻勢西趨蔓延黃陂黃岡腹地有回竄德安之意鄂省地勢山嶺叢雜賊騎非所便第為我軍所逼挺而走險且計鄂

省震動淮軍當馳援而彼得乘虛復出豫省西勾秦捻比再衝突淮軍預為之防兜擊未嘗暫緩賊既不得逞志仍竄皖鄂而犯豫之狡謀卒弗衰云初

朝廷以西捻入秦

諭令督率霆軍追剿公以秦地瘠苦多山有劉松山一軍緊躡張逆當不致令蔓延而豫中四達之區無一支游擊之師緊躡任賴一股恐兩股復合勢更難圖乃與曾公商定疏請暫留霆軍凡賊在開封以西及至汝州河陝等處均與之縱橫追逐俟任賴一股肅清再行赴陝是時奉

淮軍平捻記

卷四

三

旨以恪靖伯左公宗棠補陝甘總督並督辦陝甘軍務遂從公議至三月中捻股由黃郡西趨公即檄催霆軍由樊城迎剿適鮑超傷病沉重奏請開缺回籍調養公六次咨催五次函勸其力疾援鄂而超病勢頓急欲離營調治霆軍共三十餘營戰素得力公乃與曾公等商派宋國永唐仁廉等統營進紮慰令超在營臥護諸將並為奏請得

旨允行去歲張樹珊在德安楊家河接仗陣亡其所部僅隨身樹字副營弁勇傷亡百數十人餘均尚完整公因奏劾樹前營記名提督劉克仁與各營官救護不力請將劉克仁革

職發往軍臺記名總兵董大義張勛宋立新吳宏洛王得勝均以參將降補副將董明禮閃鳳來均以游擊降補仍責令留營帶隊分別參劾以肅軍紀又分撥樹字六營交劉銘傳節制調遣其餘三營飭張樹珊之弟張樹屏統帶駐紮周口訓練護衛

旨並如所請行

四月初五日賊自鄂北竄周盛波等敗賊於信陽州邊境賊仍返鄂境任賴股匪由黃州西犯復廣聚鍾祥之曰口京山之尹澧河一帶將由鍾祥回竄隨州時淮軍之援

淮軍平捻記

卷四

四

鄂者公弟昭慶於三月二十一日已抵德安卽帶王永勝董鳳高等進扼京山之宋河周盛波劉秉璋亦由太湖宿松進斬黃與楊鼎勛會於麻城之宋埠二十六日進抵雲夢劉銘傳亦由信陽馳入鄂境之應山隨州賊於二十七日由尹澧河郢東驛洋梓一帶上竄二十五日過安陸府璣及流水溝豐樂河等處二十七日至賈陽之宋家集孫家集一帶將由襄棗之間復窺豫境淮軍開鳳等營馳紮隨州雙河以扼其北竄之路銘軍與善慶馬隊亦卽改向桐柏一路探剿四月初一日劉銘傳督軍至游河店時賊

竄厲山一帶邊馬繞至桐柏境之四十里冲初二日賊又折竄黃土關大廟販邊馬擾及譚家河西雙河等處距信陽州東南四五十里初四日銘軍遂回防信陽初五日進紮西雙河迎頭截擊適周盛波周盛傳等帶隊由應城趨應山初四日自廣水驛出信陽武勝關賊銳欲東竄但防前敵有兵不虞盛軍之躡其後也時任逆大股在台子販談家河並踞民寨牛賴二逆在西山河李允踞平靖關初五日黎明周盛波率三營由台子販山左進周盛傳率三營由山右進周壽昌劉啟福由中路進吶喊突前聲震巖

淮軍平捻記

卷四

五

谷賊衆倉皇糾拒我軍槍擊殺數十百人層巒疊嶂中賊騎不能馳驟大半奔騎徒步四竄我軍分路追殺直至談家河任逆越山南竄輜重悉存所佔民寨留悍賊守護官軍攻破之牛賴各股自西山河率衆來援周盛波揮軍迎擊援賊又潰追斬千餘人餘竄入山谷遂令周壽昌劉啟福入南山搜殺買起勝楊正國入北山搜殺潰賊均向西南狂竄周盛傳率部追至平靖關李允一股橫出迎拒令衛汝貴楊安典等擊卻之盛軍追剿至麻油店始收隊劉啟福正窮追時見黃鞍賊騎越澗飛逃知係逆首賴汶洸

遂策馬緊追冀生擒之為賴逆從騎回矛刺傷額角啟福負創仍策騎直前踰十餘高嶺至蠟梅山幾及賴逆叢林伏賊暗放洋槍擊中啟福腰腹落馬歿於陣事聞照提督例

賜卹是日斬賊匪二千餘名奪獲騾馬千餘匹陣擒汪老魁陳大狗祝老伏等大小賊酋十八名解散難民甚眾並奪回耕牛二百餘匹分給附近農民初六日劉銘傳追入平靖關逆股經此大創又折南竄入鄂公料捻賊計東豫麥熟欲出掠食雖官軍扼剿而其勢飄忽仍恐由隨棗繞竄桐泌

淮軍平捻記

卷四

六

或由黃麻出皖西因飭令劉銘傳周盛波等由信陽分路入鄂劉秉璋楊鼎勛王永勝等由德安分起北趨應山相機進剿任賴自信陽敗遁卽於是日竄過應山縣城東北適公弟昭慶所遣南贛鎮總兵王永勝徐州鎮總兵董鳳高帶開鳳各營由隨州赴應山探剿與之遇董鳳高率吳鳳柱馬隊迎剿城北斃賊數名生擒一名奪馬三匹賊大隊踵至我軍因壘卽守王永勝等帶馬隊抄擊又斃賊數十名生擒捻首范守由及從賊五名奪馬十餘匹賊敗退九十里外初六日黎明王永勝董鳳高派六成隊進剿賊

卽全股向東南奔竄我軍奮追四十里申刻至李店賊分股迎敵我軍嚴陣以待鎗礮齊施副將陳福先衝敵而入刃悍賊數十人中槍陣亡我軍戰益力馬步大隊至如潮湧賊大潰竄去追十餘里斃賊百數十人奪獲騾馬十餘匹時已昏暮收隊回駐李家集賊敗後夜竄孝感之小河溪適山西布政使劉秉璋蘇松鎮總兵楊鼎勛帶隊由應山之廣水驛向東搜剿初七日賊眾自小河溪奔竄黃安之河口鎮劉秉璋與楊鼎勛追抵小河溪公弟昭慶由德安亦至飛調王永勝董鳳高改由南路赴花園兜剿時捻

淮軍平捻記

卷四

七

股屯踞河口上下長山寨一帶劉秉璋等率隊直前初九日至黃家橋賊已整隊迎敵助營副將李占彪匹馬陷陣楊鼎勛督正副兩營馳之賊紛紛敗退劉秉璋飭左路各營進擊賊卽越山而逃是晚賊首胡連發率二十餘騎來降初十日我軍進至長山寨賊馬步大股迎拒各營鎗礮連環轟擊自辰至午相持數時副將高森茂先登弁勇齊進賊陣潰亂擒斬甚多奪馬騾四百餘匹賊復退踞河口是夜遁去十一日劉秉璋等拔隊緊追楊鼎勛帶所部八營先行已刻至王家田忽山內伏賊馬步七八千人觀我

軍頭隊已過突出邀截總兵張遵道力戰死之楊鼎勛飭各營結方陣包裹輜重短兵相接弁勇頗有傷亡劉秉璋聞報馳遣吳長慶況文榜往援各殊死戰賊敗竄向宋埠四月十二日劉銘傳率各營逆擊擒賊於黃安大敗之賊犯皖之計不成仍折回安陸境是月公以餉匱奏催山東協濟徐州糧台之款銘軍自初七日抵應山知賊竄河口恐其乘虛由黃州下竄安慶則瀕江腹地俱危即於初十日馳至黃陂十二日自紫潼河向北攔截行五十餘里至黃安紫屏舖遇賊整隊待之賊馬步大股正向東走忽遇

淮軍平捻記

卷四

八

官軍隔河排紮馬賊千餘竟過河繞我軍之後銘傳派道員丁壽昌分隊護守輜重令劉盛藻一軍由左路擊賊步隊副都統善慶馬隊助之滕學義四營並樹軍三營由右路抄賊後陳振邦馬隊助之劉銘傳自率親兵及黃桂蘭五營由中路迎擊賊見我分路出剿亦分路來撲馬賊先經劉朝幹擊敗退過河西劉盛藻督隊過河賴逆率眾迎拒馮汝霖丁汝昌擊敗之任逆見賴股西潰即率馬步悍賊數千直犯滕學義及樹軍隊伍指派牛逆一股迎撲左路賴逆復回拒中路另出馬賊數百繞撲我後馬隊營官

陳鳳樓王保勝率部搏戰四五合戈矛相及彼此不分步賊繼進董大義等率隊猛衝我軍鎗礮如雨斃賊滿地賊猶持矛死鬪滕學義等抄出賊旁賊始大敗各軍乘勝進追敗逆皆踰山越嶺相率狂奔我軍分路擒殺數千奪獲騾馬千餘匹沿途解散難民萬餘人追三十餘里至陡山收隊昭慶正帶隊進分水嶺忽賊大股自東回竄行走甚疾昭慶督鳳字武毅十二營迎頭鏖戰賊整隊抵拒王有明以炸礮擊潰賊馬副都統溫德勒克西等帶馬隊迎擊步隊各營排進轟擊賊乃奔潰擒殺數百奪獲槍械馬匹

淮軍平捻記

卷四

九

無數王永勝帶開字十營在後路遇賊倉猝迎敵賊以全力抄撲王永勝督廖德旺楊正清等直衝賊陣傷悍賊多名弁勇亦有傷亡各營併力齊進斃賊數百賊眾奪路向西逃竄復擒七十餘人奪馬六十餘匹救出難民千餘人生獲賊首潘石頭蔡大義等時擒逆畏兵遠避仍折回安陸曰口一帶初任賴捻股在鄂中屢勝之後勢甚猖獗此次由黃安東趨即欲由黃州廣濟下竄皖後經各軍分路截擊劉銘傳擱頭痛剿始折而西竄曰口天門等處捷聞得

青銘軍營官降補參將董大義吳宏洛著以副將儘先補用降補
游擊董明禮閃鳳來均著以參將儘先補用並加副將銜
已革提督劉克仁著暫緩發遣軍臺留營協剿以觀後效
其陣亡之勛字營記名總兵張遵道副將李占彪高森茂
開字營副將銜陳福先副將銜儘先參將李洪貴儘先參
將謝元勛游擊孫雲標升用知縣龔汝弼提舉銜候選縣
丞廖得琦都司趙貴生千總蕭東江范顯慶外委吳永年
均優卹如例先是淮軍各營餉項向有山東月協餉銀五
萬兩內給山東布政使潘鼎新所部鼎字營餉銀三萬二

淮軍平捻記

卷四

十

千兩徐州糧臺銀一萬八千兩徐州糧臺者自咸豐三年
軍興以來兩江總督以江甯淪陷徐州相距較遠派徐州
道設立以支前敵者也其收支各款向歸徐州道專案造
報由南河總督覆核請銷同治三年江甯克復軍務稍鬆
經濟臣奏改為善後局仍由徐道收支造報別為一家事
多浮冒同治四年曾公奉

命督師駐徐後設立徐州行營糧臺支放湘淮軍餉及儲運米糧
軍械等項亦派徐州道經理王公督辦軍務裁汰徐防馬
步兵勇仿湘淮各軍營制另募設立交徐州鎮總兵董鳳

高統帶并為奏添豫東晉三省協餉以濟兵食嗣以徐防
兵勇既與湘淮各軍合則餉項不應分析徐州既另設糧
臺則善後局不應管餉遂於本年正月內奏明將徐防軍
餉歸併徐州行營糧臺由善後局支放所有地漕釐捐湖
租及各省協餉統歸徐道提解糧臺照章收支此徐州糧
臺山東協款之所由來也自後除扣給鼎字營月餉三萬
二千兩外徐州餉銀每遲至數月始行報解公以是時淮
勇各軍轉戰豫東皖鄂等省窮年累月遠道奔波而留守
東境運河尚有淮軍水陸四千餘人即協款如期報解轉

淮軍平捻記

卷四

十一

運向復需時若任意逾期緩不濟急昔年僧耶督師時各
省兵餉皆奉

旨隨便調用山東除月供巨款外一切麩麩草料軍需捐項均取
給之此外則晉豫亦多協助曾公於四年四月奉

命北征亦經戶部奏明向協借營之款諭令按月撥解及至此時
僅每月解一萬八千兩尚且愈宕愈遲且晉豫正捻股覲
覲之地各有為難若東省則財賦完善既不能出兵助剿
又不肯出餉助兵而淮軍每於東省戒嚴常以全力赴援
東省更無畛域之理各情形據實奏陳報可

五月十二日擒賊東竄至山東濟甯之戴廟東師潰運防不守 擒賊自四月十二日之敗日夜圖出鄂境十四日擾孝感銘軍緊追而至賊竄雲夢應城白口天門等處時天久不雨湖河盡涸各軍人馬轉戰疲憊無水不足以限賊公慮挺鹿之走卽急檄靈軍至鄂分屯要隘以防西竄并令銘軍踵躡其後十五日陳振邦派降將任永清哨官鄧長安馬金敘先率馬勇百餘名追賊雲夢乘夜進擊生擒賊首陳大貴一名斃賊數十奪騾馬三十餘匹賊不得喘息走阜市十七至十九日折回京山由鄂東洋梓上竄

淮軍平捻記

卷四

三

沿途饑散甚多靈軍營務處宋國永等由隨州回軍西向十九日抵棗陽之吳家店賊由宋家集竄平林店團山一帶相距二三十里二十日宋國永商令記名提督唐仁廉率隊夜襲團山賊館斬擒賊先鋒悍逆數百名奪獲騾馬二百餘匹二十二三等日賊由宋家集竄至新野東南之朱集水臺南陽西南之清華穰東等處邊馬擾及鎮平鄧州境內公以豫境平曠四達賊情剽譎異常目下既至南陽郡境不東走葉裕卽西趨內浙秦豫皆不可不防乃檄劉銘傳由棗陽緊追出鄂周盛波由信陽馳扼泌陽皆令

視賊所向相機兜剿又令潘鼎新劉士奇兩軍會合迎截以蔽東路時豫東新麥登場動賊窺伺二十五六七等日賊由南陽西竄鄧州鎮平內鄉各境破民寨細戰場麥沿途擄糧駸駸有由浙川荆子關入陝之勢適豫軍由南陽進擊而銘軍山棗陽襄陽緊躡其後二十八日亦追抵鄧州二十九日四鼓銘傳督隊馳四五十里賊時踞趙家集等處聞風卽棄館向東北疾走副都統善慶副將陳振邦馬隊追及之於白龍廟任逆分路回撲我軍擊敗之擒斬賊首李紅山朱五等並騎賊數十名奪獲騾馬百餘匹步

淮軍平捻記

卷四

三

隊相繼而進賊遂狂奔我軍追二十餘里至鎮平縣之馬莊賊復繞向東南竄去五月初一日賊至唐裕之交周盛波周盛傳由泌陽進剿及於唐縣又敗之賊折而北竄初二三日肆擾舞葉臨潁之交初四日過許州西北豫軍張曜攔截之初五六日竄洧川尉氏中牟一帶鼎軍適駐尉氏之張市出隊邀截賊折而北趨初七日由朱仙鎮畧及陳留蘭考初八日卽入山東曹縣境內日夜馳數百里勢如飈發初九初十等日定陶城武徧地賊氛十一日犯鉅野時淮軍全師赴鄂追賊之出各營皆落後銘軍尙能與

賊馳逐而東自應山黃陂西出安陸襄棗間又由南陽跟
剿至鄭汴數月以來幾於無日不追奔逐北賊雖望風奔
逃而軍士冒暑力馳亦疲不可用賊勢遂熾初曾公督師
剿捻因湘淮軍中素少騎隊而步卒笨重不能制賊衝突
乃議於東省之運河東岸豫省之賈魯河沙河西岸沿堤
興築長牆圍賊豫省長牆已於五年八月間為賊竄破而
運隄則屹然巨防賊屢攻未陷東省賴以完固其分汛則
濟甯以北東軍守之台莊以南湘淮各軍守之其濟甯台
莊之間則以湘軍水師淮軍陸師補其闕白曾公創制迨

淮軍平捻記

卷四

四

公接任督師畫一不攷任賴等股遠竄鄂中距運防已遠
戍卒多懈東軍所主自黃河以南申家口戴廟至濟甯石
佛寺趙村不及二百里以守則若有餘會天旱水涸運河
往往成乾溝人馬可行公以南陽湖一帶雖有水師徐道
奎一營而河乾無水力不得扼慮運防有失乃飛檄潘鼎
新緊躡賊後策應連防又調昭通鎮總兵沈宏富統奇字
八營由虞城移紮豐縣聯絡聲勢並咨商山東巡撫布置
防扼十二日任逆以鄆城梁山寨有上匪勾引裝旗起事
即於是日由梁山襲脅烏合直犯戴廟午刻東師不守賊

馬衝過運河東岸長牆毀搶東軍統領總兵王心安等營
軍械咸盡並擄船以濟全隊東省水師總兵趙三元亦不
能抗是日潘鼎新劉銘傳馳抵單縣相距僅一日程云

淮軍平捻記

卷四

三

淮軍平捻記卷五

六月公率親軍移歸德再移濟甯調淮軍全營赴東省防堵運堤及膠萊河 自五月十二日賊渡運河東省紛紛告警公因賊勢趨東即奏請由周口移駐歸德就近調度於十八日夜督帶親軍馬步隊冒雨啟行二十二日馳抵歸德時賊已竄擾泰安潘鼎新由單縣兩晝夜馳抵濟甯添備糧藥即由滋陽曲阜向泰安追剿銘軍於十七日亦由單縣堤上馳赴濟甯於是運防東軍盡為東省撤回腹地與賊角逐公恐賊乘虛回竄飛檄周盛波周盛傳等由

淮軍平捻記

卷五

曹縣拔往濟甯之長溝擇要扼堵又恐賊由泰安折竄沂海則清江裏下河門戶可虞復調王永勝開字營沈宏富奇字營赴宿遷駐紮董鳳高鳳字營孔昭右華字營併扼韓庄要隘以備南路劉秉璋及公弟昭慶山鄂馳回令秉璋赴濟甯休士待戰昭慶赴徐州宿遷防剿時賊分兩股一竄甯陽一竄萊蕪青石關等處其勢漸向青州一路欲趨登萊劉銘傳潘鼎新因建倒守運防進扼膠萊蹙之海圍制賊奔竄之議公謹之六月初一日飭銘傳一軍由濟甯向泰安萊蕪徑趨青州為中路潘鼎新一軍由濰縣昌

邑赴萊州為北路又派徐州鎮董鳳高昭通鎮沈宏富馬步十五營由郟城蘭山進莒州為南路三路兜截而前以期逼入登萊會合東軍相機扼堵旋具疏陳略言賊竄登萊我軍即於膠萊咽喉設法兜逼使北不至竄入 畿疆南不得蔓延淮海局勢自較緊湊奏入

俞允嗣奉

旨命公移駐東境公乃由歸德啟程抵濟甯於時運河之防則有河南巡撫派張曜宋慶兩軍分紮東平以上靳口至黃河沈家口百餘里周盛波分紮開河至靳口一帶劉秉璋分

淮軍平捻記

卷五

紮濟甯至開河一帶楊鼎勛分紮趙村石佛寺至南陽湖一帶安徽巡撫英公翰派黃秉鈞統英字一軍赴宿遷向上海扼紮張得勝凱字一軍赴貓兒窩灘上向下游扼紮程文炳強字一軍居中策應並調水師三營入運巡護公又令昭慶督所部由濰上黃林莊接守至韓莊八閘一帶各軍皆先後到防興築堤牆炎風烈日之中弁勇晝夜工作士氣甚為奮發又奉

諭以防剿機宜間不容髮令即星夜馳赴前敵就近調度以期呼

應靈通公即疏陳曰自來流賊最難追剿而流賊之速尤

莫如今日之捻逆中原平曠萬騎衝突無可限制日輒百
數十里或二百里無論我軍步隊笨滯力不相及即使及
賊見仗而此截彼竄橫行側出賊路不窮我力必有時而
窮迨日久追逐疲憊為賊所乘往往一蹶不振自剿捻以
來十數年如一轍雖追賊神速如僧格林沁尚且不能成
功臣等自問萬不能及故欲滅此賊計惟有兜圍之一法
臣曾屢奏及之曾國藩始思變計初議四鎮之設繼議沙
河賈魯河之守本年春間左宗棠曾國荃又擬為日口之
圍皆欲偏之不流蹙之漸緊也自臣受事抵豫賊已入鄂

淮軍平捻記

卷五

三

各軍與賊轉戰鄂豫數月迄無機勢可乘惟有嚴檄諸軍
往來躡擊追賊由豫竄東臣思東省運防屢經賊撲向稱
可恃遂急注意布扼曹單豐碭舊河堤欲困之黃運之間
以為得地乃不數日而賊已渡運臣由歸德馳赴濟甯與
劉銘傳等面商不得已復為蹙賊登萊之計先借各省兵
力協守運河西堤以圖圍制而退回竄續奉六月初五日
寄

諭抄發劉長佑英翰等原摺皆言之甚切與臣所部署均屬相符
是目前辦賊捨此更無良策臣更衡量利害之輕重與其

馳逐終年流毒江皖東豫楚各省不如棄一隅以誘之與
其往復運東濟泰兗沂青及蘇之徐淮海各屬均受其害
不如專棄登萊以扼之膠萊河之守不密則登萊無可扼
運河之守不密則膠萊仍不足恃賊踪已向膠東事勢至
此機會可圖但求萬全不爭一日故臣立意必運堤與膠
萊河兩防均已布定乃可抽兵進剿庶打一仗是一仗滅
一賊少一賊賊智自困而兵力不疲明知此計至愚至拙
亦至難然不若此更不足以制賊疊經緘商丁寶楨屬其
勿遽窮追反驅出境即兵力未集而迫之過緊使之窺破

淮軍平捻記

卷五

四

機關轉虞脫逸並告以蹙之一字宜求實濟勿尚虛功恭
讀六月初四日寄

諭令丁寶楨宜妥籌兼顧杜賊回竄不可專事尾追致賊蔓延尤
服

聖謨之洞照臣惟日夜圖維先固守局而後進兵此臣籌辦之大
致也東蘇兩境運堤袤長千里苟非各督撫關顧大局通
力合作臣軍斷不敷用皖豫派到各軍與淮軍分守宿遷
以上地段臣前奏明現今於兩岸排築長牆分哨過運東
就舊牆修繕礮臺倚角護守方在漏夜興工非月餘不能

一第... 冊... 卷... 頁...

牢固而宿遷以下至清江堤幾二百里尙無守兵漕臣張之萬兵力止能自保蘇省防軍無可再調臣僅調前金門鎮王鍾華提督李洪達水師三營分布宿遷亨濟闡下至鹽河籍口壩一帶但苦無陸師依護復經函商浙江撫臣馬新貽請其速派五千人北上協守宿遷桃源運堤以補其隙尙未接復疊准李瀚章曾國荃咨稱已派提督譚仁芳總兵劉維楨率萬二千人劉長佑咨稱已派臬司張樹聲帥總兵余承恩等四五千人前來助守均尙未得啟程日期故運防尙未布滿卽暫無兵替入膠萊至膠萊河距

淮軍平捻記

卷五

五

南北海口潘鼎新兩稱二百七十里丁寶楨則云約三百里以每營三里計之須百營布守至少亦須八十營劉銘傳等三路之師日內先後已到然步隊止四十六營臣復擬調豫軍宋慶十二營淮軍王永勝開字十營出運河續行抽往必合之丁寶楨所部東軍三十一營始可密布丁寶楨止允以十一營相助而臣添調運防之宋王兩軍又須牆工稍整乃可拔隊若丁寶楨盡以東軍協守目前略可敷用未知果否准行連日據報賊蹤盤旋萊陽掖縣仍向東北馭竄臣飭劉銘傳等如賊外向當設法堵入並

淮軍平捻記

卷五

商請丁寶楨移營分扼若膠萊之守未成卽不能銳意擊賊若賊或竄出膠萊諸將必能跟踪急追臣雖庸庸前剿辦江蘇粵逆凡遇堅城要地每多親往督攻蓋剿守賊與辦流賊情事本自不同況此時運防各軍已到築牆紮營既須就近督飭布置而直隸湖北浙江之未到者尙有二萬餘人沿途催趲照應及將來調派抽替皆臣所當主持皆須在濟甯居中籌辦若遷舍之前進則五省客兵何所稟承運防門戶未屬膠萊咽喉未斷臣卽親往尙無裨益而於大局轉有妨碍兵事百變臣誠不敢謂運防旣成滅

淮軍平捻記

卷五

六

賊必有把握然立意已定則經營尤須盡善此臣暫難卽赴前敵之實情也伏讀初五日寄

諭

應否揀派威望素著大員統領前敵諸軍以一進止之處著該大臣酌量辦理臣部湘淮各將久其戰陣素相輯睦號令尙無不齊此次派兵入東臣因直隸提督劉銘傳深達機要與潘鼎新同建倒守運河進扼膠萊之議曾令該提督就近察酌前敵情形妥籌調派隨時會商丁寶楨協同東軍籌辦膠萊一帶扼剿事宜但使諸將力所能勉臣固曠交催當不致誤一俟各省調兵到齊運河膠萊兩防部署

略定臣再抽選勁旅移營前往督飭進擊以期聚殲總之
此時大局先圖兜困此賊不求一時戰功臣若令劉銘傳
潘鼎新等追進登萊計亦可獲小勝驅之使出惟念捻逆
流竄多年數省生靈塗炭實貽

聖主宵旰之憂及今地力人力幸有可辦之機惟辦理須有次第
臣何敢避迂緩之名而不竭力經營顧彼失此貽誤全局
疏入報可時銘軍於十三日已抵平度州之瓦廟口鼎軍
於十二日移駐掖縣之新河口而任賴股逆於初九初十
日由萊陽北趨招遠黃縣境內賊股全趨海濼設守膠萊

淮軍平捻記

卷五

七

河之議乃益堅膠萊河者元至元十九年所開之新河通
運漕以避海道成山之險者也其水橫亘南北首尾皆有
口通海南口曰麻灣北口曰海倉海倉以南即曰新河延
袤二百八十餘里形勢足可防守惟萊州海倉口以外有
沙灘七八十里沙水沮洳不能築牆而水淺人馬皆能運
渡由新河迤西三十里許有濰河其入海處水勢較深潘
鼎新擬捨膠萊河海倉口外之數十里不守而從新河西
平地築牆橫紮至濰河東岸復就濰河築牆以瀕於海公
乃與山東巡撫丁公寶楨議定自新河南紮至大成寺一

百一十里令劉銘傳全軍守之自大成寺至吳家閘一帶
約六十里令董鳳高沈宏富兩軍守之自吳家閘至麻灣
口約八十里東軍守之俱於西岸增修長牆自新河至濰
河東岸潘鼎新守之其濰河西自夏店至海口水深泥淖
亦屬東軍分守以補其隙又調豫軍宋慶帶毅字十二營
王永勝帶開字十營由運防馳赴膠萊河會同劉銘傳相
機策應其東平宿遷兩防暫令豫軍張曜淮軍李昭慶勻
紮替守以固運防公於二十二日即親歷東境運河上下
銘鼎奇鳳四軍與東軍所修膠萊河牆亦於六月下旬冒

淮軍平捻記

卷五

八

暑雨趕築就竣七月初三日豫軍宋慶到防填紮新河至
楊家園初八日淮軍王永勝亦到防填紮吳家口一帶惟
濰河西辛安莊北至海尚空五六十里潘鼎新劉銘傳暫
派馬隊六營沿河巡哨擬使王永勝回顧運防騰出王成
謙一軍至膠萊扼紮又檄提督傅振邦率所部千二百人
馳赴濰西勸集團練協力堵剿是時賊已深入海曲故膠
萊守禦得漸就緒而自新河南至塔埠口二百六十里其
中淤淺處頗多自新河橫出濰河北至下營又五十餘里
加之南北海口沙灘在在須籌布置完固防守必須兵五

萬餘人分路進戰又須三四萬人而各路之師尙不足五萬人公於此時之經營亦心力交瘁矣

七月二十日捻逆全股由海神廟撲度濰河膠萊防潰賊又南趨 初捻股於六月十一二日仍游奕福山甯海一帶聞我軍扼紮膠萊河卽疾馳回竄七月初一日由卽墨撲麻灣一帶東軍汎地丁公寶楨督東軍進擊敗之遂折竄平度卽墨交界距淮軍汎地三四十里往來窺伺銘軍過河巡徼賊不敢近初七日又犯鼎軍所防新河一帶初八九日竄萊州附近時王永勝一軍已紮防運隄東軍王

淮軍平捻記

卷五

九

成謙所部於十三日到防卽紮守濰河西岸接潘鼎新守地北至下營三十六里下營以北沙灘最淺者尙有魚里舖至海神廟十餘里王成謙商派原紮辛安莊之東軍已革總兵王心安平字四營往守王旣到防銘軍巡哨馬隊遂撤是時賊知我軍將蹙之海濰以圖聚斂乃爲困獸之鬪十六日五鼓賊馬步大隊猛撲豫軍宋慶所守新河地段捨死衝突游擊蔣尙鈞千總程允和抽守牆勇四百人繞賊後夾擊斃賊甚多生擒毫捻老賊三十餘人奪獲驟馬四五百匹追奔二十餘里賊旋向萊州西北竄走任賴

諸逆知膠萊河二百餘里牆堅濠深守禦嚴密無懈可乘於是有圖渡濰河之舉又濰河西岸本爲鼎軍二營東軍

王心安四營分守嗣東軍王成謙常武十營到防王成謙利王心安已成營牆卽商令王心安移紮下營以北至海口一段自以八營填紮王心安四營原防地段故下營至築賊謀知情實乃於二十日辰刻全股由海神廟以北十數里外海灘撲渡濰河王心安營潰營官胡祖勝哨弁七八員勇丁六七百名同時陣亡王心安獨跳身遁王成謙

淮軍平捻記

卷五

十

亦不敢救賊遂一擁過河鼎軍距失事汎地四十餘里聞信卽督隊邀擊斃賊數百時賊已漏網急向西南奔竄二十一二日銘字鼎字各營及董鳳高王永勝沈宏富先後得信均拔全隊緊躡而西追至濰縣賊竄昌樂東南二十三日分股由安邱臨胸南竄侵有南犯沂莒海流清口之意於是膠萊之防又潰事聞奉

旨道員王成謙革職留營自效自曾公與公督師剿捻始變窮追之師爲堵截之計咸屢疏欲蹙之山深水複之區棄地以圖聚斂皆主明孫傳庭之論謂須驅之於必困之途取之

於垂死之日識者以為平捻之策莫善於是而置吏各以全境保民為功往往諉剿賊為督師之責初不便之比圍合則客主之軍號令不一是以一潰賈魯河沙河再潰運防三潰膠萊轉輸半天下士卒傷夷塗地於是權奇壯俊之士莫不扼腕太息而志未堅識未定者幾思還計而改為蓋成敗之局岌岌不可終日矣天祐

靈祚挺

生偉人誠貫金石百挫不改終輯寇盜以綏我民非始知之難而終守之難嗚呼樂矣

七月二十六日公由濟甯至濟南得膠萊敗狀疾馳赴臺

淮軍平捻記

卷五

十一

莊回顧運防是日董鳳高追敗賊於莒州 當膠萊河事之初興也公慮兵力不齊賊蹤飄忽膠萊防局難成必先嚴運河之守杜捻賊回竄之路故雖進軍膠萊而一面仍督飭扼守運堤各軍皆輪替進剿七月十九日鄂軍譚仁芳劉維楨等始到運防公令接替靳口至亨濟開防務抽調劉秉璋周盛波兩軍東向膠萊公親於二十二日由濟甯州督隊進發二十六日馳抵濟南而膠萊失守之報至於時運防自韓莊以下公弟昭慶以十九營守之汎地長一百七十里宿遷仰化集下至桃源僅有水師往來梭織

視全防兵力為最單公既聞警立飭劉秉璋周盛波分兵由濟南改道逕赴泰安沂州攔剿又檄董鳳高王永勝各帶所部由沂州馳回臺莊灘上一帶協防劉銘傳統率大隊緊躡賊後宋慶一軍折回運堤原防地段仍酌派精銳以備游擊汶上東平等處公又慮南路空虛飛調周盛波周盛傳部下由郟城邳州躡蹤進剿潘鼎新由嶧縣臺莊並進邳宿一帶而親督劉秉璋沈宏富溫德勒克西馬德順等馬步隊進駐東省與江蘇交界沿運之臺莊居中調度咨商東撫派王成謙王正起等軍扼紮莒沂要隘之十

淮軍平捻記

卷五

十二

字路丁公亦自帶楊飛熊軍十營駐沂堵賊犯運時賊兩竄董鳳高率馬步七營追之二十六日及於莒州即帶隊抄前時稭黍正盛一望蔽野鳳高伏馬隊於稭叢中步隊列陣以待未幾賊騎蜂擁來犯我軍俟近開槍擊之賊墜馬者甚眾步賊猶繼進我軍偽遁誘入稭叢馬隊伏起裹賊賊不得相顧自相踐踏死者不可勝數其悍賊奮力竄出向西遁我軍追殺十餘里擒斬百餘名始收隊回莒次日黎明分路進躡甫過莒州南門有馬賊百餘騎西來我軍分隊迎擊步賊候四面至總兵魏興慶開放劈山砲斃

賊數十槍礮隊環轟而進營官董學友孫文科王芝生等奮戰呼聲動天地軍士無不一當百吳鳳柱又帶馬隊橫擊賊腰董鳳高親督血戰前卻數十歷兩時之久賊散而復聚有騎馬賊首數十督陣不退手大旗揮賊進拒故賊尸枕藉仍抵死不退王芝生乃突入其陣斫三賊咸仆之奪其大旗餘首驚遁賊遂奔潰我軍追殺二十餘里又斃賊數百生擒一百三十餘名奪馬三百餘匹槍礮牛驢無慮數百我軍陣亡弁勇二十八名受傷四十餘名事聞陣亡之儘先都司駱得彪守備宋朝喜千總黃正科外委孫

淮軍平捻記

卷五

三

元均奉

旨優恤如例

八月十一日公督隊抵台莊布置運防朝議疑膠萊既潰運防亦不可守寄

諭詢問公覆疏堅持之又陳採辦軍食情形皆得

俞旨

董鳳高敗賊莒州後遵檄回赴運防八月初六日抵汎接守貓兒窩至灘上三十里公弟昭慶移守韓莊至黃林莊以下王永勝亦至邳州之官河夾護運防上下游擊十一日公抵臺莊以宿遷仰化集下至清河尚無陸軍駐扼遂

派襄辦軍務山西布政司劉秉璋率所部及沈宏富奇宇七營由臺莊渡河馳赴桃源會合浙軍聯紮至清河以上時膠萊防潰

朝廷甚慮運防難以堵截

諭旨詢問公覆陳曰從前議守運河原恐膠萊之防倉猝難成書遠圍以扼歸路所集皖豫鄂各軍皆以守本境者移守外戶能守固有裨大局卽不可守尅日回援計固兩便而臣軍全係步隊迎剿數省奔逐數年功效毫無精力實甚疲憊無論賊竄何處責望悉歸於微臣軍士必苦相驅迫勞

淮軍平捻記

卷五

十四

怨不支勢且潰決臣日夜憂之諸將稍懷忠義者皆力勸就地圍賊使其竄地較狹追剿較近我得藉屯守以更番休息賊或限方隅而漸有窮期以是曾國藩創守賈魯沙河與運東臣又議守膠萊河與運西皆萬不得已相機勢而爲之非謂遂有把握也自去歲豫軍疎於汴南今則齊軍一疎於戴廟再疎於濰西人力不齊前功盡棄膠萊河防三百餘里尚不可靠沿運千里調兵數省敢自謂可恃乎然反覆籌思賊正急欲出運萬一力堵不住亦勝負之偶然若先撤運防是示賊以弱也守運各軍早夜修防尚

無疲倦較窮年追逐者勞逸飢飽略殊忽令守忽又令下
 守軍心能無惶惑運河東南北三面賊氛來往竄擾官軍
 分路兜逐地方必受蹂躪然不過數府州之地驅過運西
 則數省流毒無窮同是疆土同是赤子亦未便歧視也今
 使罷運防而另有制賊之法臣必速罷若更無可制賊似
 不若得守且守能戰卽戰盡人力以待事機如因地段寬
 遠疎漏致賊逸出或冬令水涸冰凍慮生他變再行相機
 變通辦理賊無常勢兵無定形以臣才力兵力竭蹶之狀
 辦此流賊尤不敢懸擬成局容隨時察度賊情會商曾國

淮軍平捻記

卷五

五

藩暨各督撫妥慎籌奪奏

聞報可初曾公以淮軍向食大米於創設四鎮時卽飭每處皆就
 河道辦運以濟軍食嗣游擊東豫無米之處皆就地採辦
 麵穀充飢由各統領行文地方官代向民戶照時價採買
 應用往往追賊緊急因繞赴城鎮辦糧致落賊後然特遲
 緩一二日猶不致缺誤今夏賊過運河各營驚追公憂糧
 食不繼飭經過州縣預購由營照市給價取用又慮行營
 攜銀不足令軍中具收到糧食印領交地方官申送糧臺
 領銀仍扣本軍之餉乃銘鼎兩軍前赴膠萊沿途州縣卽

有閉城不應者比膠萊軍南下各城鎮皆過糶銘軍至郟
 城營中斷糧至三日之久勇丁日逐賊隊而行值秋雨連
 綿道路泥濘饑疲交踵偃仆相望公深以爲憂咨商東省
 當事令各地方官預提公欸若干購存麥麩小米各若干
 石以便追軍過境給價採用復具奏陳之奉

旨地方官於客軍過境倘延不付給糧米許卽查參於是軍行始
 漸免枵腹之患

八月初八等日銘軍逐賊郟城流陽間勝之十五日後賊
 犯宿遷運防不得逞由邳州北竄是月公覆陳馬隊情形

淮軍平捻記

卷五

六

賊自莒州被創後乃間道逾流河由古墩山竄及日照
 贛榆境內循海而南將窺海流適銘軍尾追而至八月初
 八日我軍馳抵贛榆之沙河鎮又行二十餘里遇賊大股
 沿佳穀南來善慶陳振邦馬隊抄前擊之擒斬數十名賊
 抱隊且拒且走善慶陳振邦追至顏家莊賊抵死回拒善
 慶等戰稍卻唐定奎黃桂蘭步隊繼進步賊亦分隊相抗
 馬賊復橫截我後丁壽昌率礮隊至視賊所向連放炸礮
 火箭斃賊多人賊始不敢南竄折向西遁西卽郟城境也
 時賊騎見銘軍旗幟每避走初十日銘軍追抵郟城賊南

奔紅花埠十二日竄流陽城西新河一帶我軍皆躡之而前十三日甫過般坪見賊騎縱橫於道般坪前有黃泥河水勢陡漲河上僅一橋通往來賊隊先已過橋任道獨率步賊千餘殿見我軍追至親堵橋口銘傳飛調礮隊前擊斃賊百餘人棄橋潰劉朝幹等五營追過橋截擊賊之輜重獲之賊渡沙河南奔是夜各營皆搭造浮橋次日黎明銘傳率馬步過河行十餘里見賊騎紛走遂令陳振邦衝擊善慶接應賊不敢回顧棄老弱而奔善慶等乘勢擊斬俘獲甚多緊追不舍任道乃率眾回拒意欲死鬪銘傳令

淮軍平捻記

卷五

七

黃桂蘭唐定奎由西岸進自統劉盛藻親軍繼入善慶等為騎賊所裹步賊又叢擁來犯戰酣未決適銘傳率大隊至乃揮令步隊槍礮環轟而進賊猶抵死不退黃桂蘭督劉克仁吳宏洛張士元等執長矛衝入悍賊皆以短兵迎戰格鬪兩時許唐定奎又率滕學義等大呼陷陣賊之最悍者為礮傷矛刺略盡始紛紛潰敗時賊之大股犯沈陽縣城攻撲甚急銘軍既破賊馳抵沈陽城南城圍立解是役也我軍僅傷亡數十人擒領白旗左隊逆首蔡有城一名俘獲三百餘名槍斃及落水死者無慮千數奪獲器

淮軍平捻記

卷五

械騾馬甚多十五日以後賊遂西走宿遷對岸圍撲運防及六塘河經皖軍及漕督防兵分堵皆未得逞二十日賊據宿遷之程寨劉銘傳與潘鼎新周盛波各軍冒雨進躡抄擊賊館數處擒斬數十人捻眾因由窑灣邳州北遁時陰雨連旬路途流潦縱橫軍士皆裹糧轉戰於泥淖中或糧盡待購即不能不少阻而賊輒亡命無所顧以是追及輒相失二十二日奉寄

諭曾國藩李鴻章歷次奏請採買戰馬不下八千餘匹駝隻幾及

千匹現在存營究有若干曾格林沁所部馬隊除裁撤外

淮軍平捻記

卷五

六

現在存營馬隊官兵並馬匹數目若干將領出色者若干員均著李鴻章查明迅速覆奏公即具疏略陳日查曾國藩與臣歷次派員出口採辦戰馬隨時陸續發交各營募練馬勇惟鮑超劉銘傳兩軍馬隊較多鮑超馬隊十二營經曾國藩奏明裁撤令提督唐仁廉挑選壯馬八百匹帶赴臣營項已編立仁字三營交其訓練協剿劉銘傳所部吉林黑龍江馬隊官兵共七百十五名並馬勇二營係副都統善慶統帶又馬勇五營係副將陳振邦統帶此外劉秉璋潘鼎新周盛波等各有馬勇二三營不等李昭慶

所統馬勇四營現隨臣行營操練臣逐細察度剿辦必要馬隊得力而捻極狡悍動以萬騎夾數萬步團拚死包裹彼既馬步並進我亦須馬步相依立脚才穩專用步隊則馳驅不速專用馬隊則出入太大逆首任化邦即任柱馬賊死黨最多僧格林沁初專以馬隊剿捻極利晚年騎將不甚得力而賊鋒過銳亦賴步隊相依蓋十餘年慣戰之賊不比新起股匪也臣等以南人練馬隊本非素習又少騎將經營兩年愧無成效現維劉銘傳騎卒較多尙可與賊搏逐然亦難操必勝其餘步隊出剿須有馬隊探護躡

淮軍李捻記

卷五

五

追昨方緘商曾國藩廣籌餉源再議添調或俟運防得罷酌裁守軍騰出添練馬隊之餉至馬匹到南隨營游擊疾症易生麩料難購動輒倒斃仍須隨時購補各營駝隻運解輜重自冬徂夏奔馳楚豫東各省亦多病斃俟飭查現存數目再行具陳至僧格林沁所部馬隊除迭次遣撤外現止吉林黑龍江黃旗馬隊三百二十員名又已革漢軍正黃旗副都統溫德勒克西所帶察哈爾頭二起馬隊係僧格林沁殉難後始行調到現止三百九十餘員名隨臣差遣馬匹不足亦待新購口馬到時酌補再令出剿此外

僧格林沁所部並無餘存亦無另有將領出色之員云云
疏入報聞

淮軍李捻記

卷五

五

淮軍平捻記卷六

九月初四日鼎軍大破賊於海州阿湖鎮賊北竄 自賊竄寄灣邳州北道運河之防解嚴八月二十一日鼎盛兩軍分路進剿而賊見兵即避我進一步賊退一步二十三日邀擊於沂河東岸生擒賊首周毛兒賊不敢戰而遁二十四日我軍出官湖島渡至邳州城賊馬迭來撲犯擊退之追至邳北溝上鼎軍擒賊目黃得宜一名賊敗循沂河北走二十九日我軍追抵邳城賊又東竄海州鼎盛兩軍合進三十日抵海屬之雙石鋪時賊全股踞房山一帶九月初一日我軍發石榴寨突遇賊馬斬殺十餘騎賊馬步結數十團陣來突我軍以炸礮擊之且轟且進鼎軍由南路兒上槍礮齊作賊大潰連夜竄走西南初二日盛軍仍由石榴寨向南抄擊鼎軍由房山東追賊以馬隊拒我軍列礮於前賊騎驚四散步隊乘勢掩殺步賊亦回拒戰兩時許賊之鋒銳殆盡始潰追至安峰山解散難民千餘人初三日賊游騎突犯宿遷之邵店盛軍循安峰山緊躡賊後逆眾貫行如蟻旗幟相望於道我軍迫之賊以馬隊綴我師而抱隊急走午刻追至沐陽之高家寨盛軍出隊奮

淮軍平捻記

卷六

十一

擊營官董邦傑匹騎突入賊陣長矛所刺當者盡糜往來數十合裏血而歸親放炸礮轟破馬賊十餘陣賊復回拒各營槍礮更番進自午至申賊死傷無算時鼎軍亦至併力齊進奪賊百餘騎賊潰走是夜盛傳潛襲賊館破其三寨獲四十餘騎擒賊百十名餘賊皆走初四日我軍追抵海州之阿湖鎮辰刻鼎軍先至鼎新先分其軍爲三路左路以張棟材爲頭隊張景春二隊潘國揚三隊萬國順四隊右路以潘國英爲頭隊潘鼎立二隊寶汝田三隊趙孟昆四隊鼎新自率潘錦等小隊爲中路時賊先匿老弱於十里外留馬步悍衆萬餘於阿湖鎮據高岡以待鼎新督各營嚴陣不動賊騎不敢近步賊以長矛數十團陣夾馬向下沖突我軍列槍礮擊之賊三進三卻爲槍礮所斃者屍相藉也賊悍者又結隊再進冒煙衝入以短兵相搏兵賊不分渾戰未解適盛軍由南進逆騎猶潮捲而至時步賊結五團陣每團約數千人提督周壽昌率五哨敵賊五陣礮居前刀矛相夾而進壽昌采入爲賊器所中傷壽昌不顧負創陷陣破其三團孫顯寅率後營繼進殺傷相當任逆見勢不支率內五營悍賊接戰總兵衛汝貴迎擊

淮軍平捻記

卷六

十二

之各營乘勢齊進董邦傑親然炸礮絡繹轟擊賊勢忽分
轟然而敗所棄矛械填溝渠皆滿斃賊目不可屈指計有
趙添幅者逆首任柱親兵死黨當鏖戰時添幅手大旗居
前以進退羣賊忽開花礮彈炸落其顛其羽翼七人一時
俱斃賊因闕潰羣賊奪添幅屍歸於後任逆頻來請歸其
元鼎軍軍士戲以羣賊之首聚網中示之以為嬉笑是役
也我軍亦多傷亡而賊屍枕藉於道五六里賊出膠萊之
後為甚敗焉鼎軍遂由東路兜剿賊向北竄是時賊盤旋
海沭郊宿之交欲多方誤我亟肆疲我以圖乘隙竄撲逆

淮軍平捻記

卷六

三

河公測其奸嚴飭運防各軍晝夜備之時銘鼎軍逐賊而
行凡賊所到城寨緊閉購糧甚艱軍士皆忍饑荷戈疲勞
至甚公令銘軍就運河灘上一帶休息一面檄催買糧以
恤兵饑其迭次陣亡之吉林委驍騎校防禦富春黑龍江
防禦農吉布都司衛守備張登瀛都司擬保游擊汪百昌
王德富把總衛汝倫山東補用未入流陳禮元均請
優卹如例時值福建陸路提督郭松林病愈來營公以選用臬
將之時卽以前松字各營改為武毅軍並抽撥運防馬步
湊集二十營交令統帶並為奏請

詔如公議

九月初六日奉寄

諭以膠萊潰防等事詰責公具疏辯 是時山東皖省巡撫以河

防失事均咎淮軍初六日奉

諭詰責初八日又奉

諭昨據英翰奏皖軍在順河集擊退捻匪劉銘傳潘鼎新等何以
並未緊追互相夾擊其為意存忌刻縱賊誤事已可概見
云云公上疏復陳曰查八月十四日劉銘傳在沭陽擊賊
獲勝賊卽於十五六日竄由宿遷縣對岸圖撲運河臣於

淮軍平捻記

卷六

四

八月二十二日附片略陳陰雨河漲宿遷長牆森布似可
無虞並令劉銘傳等緊躡兜擊但恐阻雨阻水師行多滯
等語並宿沭之交河道紛歧一雨便漲人馬難渡十六日
以後晝夜大雨臣料劉銘傳等追軍斷不得速劉秉璋督
軍赴桃源運防十六日過宿遷適賊騎在對岸游奕經礮
船擊退函稱宿防尚無大股撲犯皖軍尚可自支臣逐日
派兵赴河干探視亦稱各營守禦尚嚴皖將並無告急求
援之文臣又料宿防必可無虞十八九日以後賊漸上移
聲稱撲犯窑灣皖軍張得勝汎地臣派郭松林馳往督令

各軍嚴守二十一二等日忽報賊衆全股北走臣知係追軍趕上旋接到劉銘傳潘鼎新函稱報在沭阻雨數日十九日從泥渾中見河進躡二十日抵宿遷之程寨略一抄擊賊卽驚遁我進一步賊退一步未敢拒戰而宿遷運防以鬆臣於九月初九日彙摺補陳在案大概軍營習氣賊甫至則羣事張皇賊一退則鋪敘戰績臣向所痛惡每誠諸將稟報賊情戰事勿得一語虛飾以便據實上陳自忝任軍事以來臣疏具在可覆按也英翰遠在穎郡繫念運防又力顧大局派程文炳等出境助剿臣與該撫交好有

淮軍平捻記

卷六

五

年公義私情均深敬佩何至稍存忌刻縱賊觀望爲此悖義昧良之舉膠萊潰防以後

朝廷責備日嚴他人處此或打一仗報一仗甚且未戰報勝以期少寬咎戾臣自念庸懦無能謬負重肩捻勢方張殄滅無術日夜憂懼卽諸將追賊小勝何足蓋愆賴各省協力合謀奚須猜忌區區懇誠伏乞

鑒管至丁寶楨以濰河前事謂臣徇私諉咎倒置是非仰蒙

聖明詳切訓誡臣敢不凜遵臣與丁寶楨本無嫌怨自夏間賊入

東後彼卽欲逐賊出境固身任地方之常情臣初謀困賊

膠萊繼圖扼賊運防丁寶楨皆不甚謂然惟臣專辦剿捻

必思所以制賊之方扼膠萊爲上策其次則感之運河以

東竄地較狹迫剿較易無論能否辦到勢固不得不辦卽

如賊出濰河將近兩月若非運防有備賊飈疾如風必已

竄過兩省官兵步隊尾追何及劉銘傳追賊甚速每稱往

年追至千餘里行至一兩月方得見仗轉瞬則又失之今

賊在運東不過數日數程便可躡擊一交冬令野無所掠

賊或漸窮出運不能則必求戰臣現整集各軍擬出三大

枝爲合力兜剿之計但捻逆人馬衆多我軍須加整練不

淮軍平捻記

卷六

六

能不稍待時日臣斷不因丁寶楨妄生誚議致涉遷延惟

臣所慮實有二端東軍約兩萬餘人兵將多不得力劉銘

傳周盛波各營降賊擒賊皆供賊知東軍不足畏官紳士

民亦皆知之丁寶楨拒諫飾非終不省悟此可慮者一也

客軍入境呼應不靈全賴地方官扶助照料既捻賊到處

流竄賊至兵隨城寨俱閉惟地方官偵知是兵辦運糧草

給價購買則賊常饑而兵可飽而賊亦不難滅臣前已奏

奉

諭旨一再嚴飭並分派員紳赴東省各郡預商購儲尙未據報購

存若干銘鼎盛各軍昨過郟城仍辦糧不出目下各軍不
憂賊之難打獨恐軍之常饑從古不能責饑軍以用命此
可慮者二也臣受

恩至重默籌大局絕不敢稍私見亦未便引嫌緘默云云公以
督師客東境相關事多意見不能悉合濰河之潰在東軍
汎地於是是非搆會轉以紛紜至遂形之奏牘

朝廷責公甚嚴公平情處之念帥臣不和非國家福首致書丁
公講好了公固亦賢者服公之度彼此釋然迄於成功無
間言讖者尤以為難云

淮軍平捻記

卷六

七

九月二十九日公自臺莊復移駐濟甯令徐州鎮總兵董
鳳高帶小隊移駐臺莊北岸涼州鎮總兵周盛波督盛字
全軍移紮韓莊八開 初鼎盛兩軍克賊阿湖鎮之時劉
銘傳即帶八成行隊由邳州灘上迎擊馳抵郟城是時賊
為鼎盛兩軍新敗竄距石榴寨以東並牛山一帶初八日
銘軍東向迎截行三十餘里至王堰地方值各賊踞館休
息銘傳派善慶陳振邦馬隊從兩旁抄襲黃桂蘭唐定奎
步隊隨後接應自率親兵兩營中軍五營繼進善慶等衝
至王堰賊館王堰左右三十餘里賊所踞民房為館舍者

烟火相接也大兵四集賊未及防屢創之餘驟當鋒刃因
大驚潰銘傳親督馬步乘勝踵追二十餘里擒斬三百餘
名奪獲騾馬四百餘匹解散難民千餘人我軍逼牛山而
營賊聚房山一帶陳振邦知賊驚魂未定計乘夜掩襲派
降酋鄧長安馬金敘等率馬勇三百名潛伏賊館後漏夜
三鼓驟起襲之賊果無備奪賊館十餘處殺賊百餘任賴
各酋驚竄北趨贛榆是時各軍皆裹糧逐賊糧盡薪芻皆
絕銘軍送回邳州盛軍回臺莊鼎軍回郟城就糧賊因得
乘隙由邳郟境內晝夜馳走西北向十一日鼎軍遇賊於

淮軍平捻記

卷六

八

郟城之馬頭集派隊截擊小有擒斬銘軍亦由邳州出行
隊尾追十二日陳振邦馬隊及賊於邳州蘭山縣交界之
梁垓山叻鹿山一帶晝躡賊隊夜擊賊館賊日夜不得停
息生擒任柱左營領旗逆首王成章一名及陣斬悍賊百
餘名獲騾馬七百餘匹賊望風而逸十三日竄紅山蘭陵
十四日入嶧縣山中值公所派馬隊溫德勒克西馬德順
等循山南兜剿賊不得過奔滕縣一路初賊盤踞郟宿海
沐本圖撲蘇境運河經各軍固守緊追計不得逞因離江
境入東省又由嶧滕西向窺伺濟甯其志未嘗一日忘渡

運也公嚴檄東境防河之淮軍楊鼎勳鄂軍譚仁芳劉維
植豫軍張曜宋慶等密切扼守又因豫軍汎地較短力量
較厚飭宋慶酌抽行隊在東平汶上就近游擊時黃水大
漲沈口戴廟南北岸平地水深數尺汪洋如湖隄牆大半
坍塌戴廟一段爲豫軍汎地防軍避水已移靳口東岸公
因戴廟爲賊竄熟徑又長精坍塌無從設守恐賊趨之復
飭張曜督隊巡徼東汶附近如賊竄近卽行攔截自率親
軍移扼要地於二十五日由臺莊啟節二十九日駐軍濟
甯是時賊又爲鼎軍所敗山新泰蒙陰南走初軍於十

六日抵滕縣之臨城驛適賊出嶧境出竄潘鼎新親督隊
伍且戰且走至柴戶店賊大股來犯鼎新派總兵張景春
吳從發等分路迎擊賊退回東路山下十八日賊騎數千
復來偷襲鼎新先令槍隊設伏於葦薄中設屏兵誘之賊
果欺弱來迫伏發擊斃馬隊賊首陳金福楊添燕二名餘
衆潰走十九日各營分進兜剿賊亦分兩路迎拒我軍槍
礮環擊愈戰愈酣騎賊先敗步賊從之而潰直出滕縣大
路北趨是晚犯濟甯南陽湖邊經鼎軍水師徐道奎分頭
扼堵鼎新亦馳至濟甯策應運防二十一日賊遂由兗州

竄甯陽邊馬向濟甯迤北奔竄二十二日又爲豫軍所敗
二十三日東走泰安折向東南大路狂竄於是賊知運防
之密不敢窺伺二十四五等日卽由新泰蒙陰南走意將
回竄沂莒於是公飭徐州總兵董鳳高帶小隊移駐臺莊
北岸涼州鎮總兵周盛波督所部移駐韓莊八閘又飭劉
銘傳將疲病受傷弁勇留守邳州灘上老營休息酌帶精
銳隊伍逐賊截剿並因古州鎮總兵劉士奇患病未痊所
部奇字馬步八營與南贛鎮總兵王永勝開字馬步十一
營兵力過單未足獨當一面飭將奇字營併歸郭松林統

領開字營併歸楊鼎勳潘鼎新分統以厚其力鼎軍十九
日之戰有都司楊占魁候選從九品白璧陣亡爲奏請
優卹如例
十月初六日賊犯章邱齊東等縣欲偷渡黃河爲水師所
敗折趨青州 捻逆自甯陽南竄沂莒知運防已密無可
窺伺卽欲偷渡黃河遂於九月二十九十月初一等日折
山沂水越嶺東趨初三四日竄及青州淄川長山初六日
突犯章邱旋於齊東縣馬莊等處河套伺搶民船欲渡爲
守河礮船轟斃數名不得過初九初十兩日悉數向青州

回走時劉銘傳奉檄由邳州灘上拔隊迎剿抵沂州知賊在東路即由沂水穆陵關向青州進發潘鼎新本奉公檄以濟南戒嚴率部由濟甯逕趨省城十四日行抵肥城聞賊又東竄亦折由泰安東躡公以鼎軍馬隊過少又添派霆軍記名提督唐仁廉統仁字三營並親兵馬隊馳往泰安與鼎軍合兵進剿並飭福建提督郭松林統帶武毅奇字各營馳赴濟甯與湖南提督楊鼎勳所部助開各營會合續進時公之所部淮軍為游擊之師者三枝劉銘傳與潘鼎新各為一枝郭松林楊鼎勳併為一枝每枝均及萬

淮軍平捻記

卷六

十一

人皆能視賊所向躡踪追剿其運隄防守者則各有地段自濟甯南至石佛一帶楊鼎勳留營分守者也韓莊八閘一帶周盛波周盛傳分守者也大泛口至灘上一帶鄭國魁張桂芳孔昭右等分守者也灘上至貓兒窩一帶銘軍於游擊師中留各營二成隊分守者也公弟昭慶及劉秉璋本接守宿遷仰化集下至清江之楊莊嗣以漕督張公之萬商移六塘河與漕督所部及浙皖之師聯紮昭慶以四營仍駐運西原段以四營斜紮六塘河十餘里至詹莊劉秉璋所部則全移六塘河張老爺廟至白草溝與各軍

分守計各軍防扼東蘇運河及六塘河地段約共三百五十餘里河道寬遠兵力初未能厚而角逐之師尤不可少措置綦難然自八月以來賊上下流竄卒未能闖過運隄一步發狂馳走以至於殄滅運防之功漸昭著焉

十月十七日銘軍大敗賊於濰縣之松樹山 捻逆在齊東被礮船擊退後大股即東竄青州連擾樂安壽光境內飢寒交迫志在擄掠為禦冬之計因濰縣有糧即竄踞飽掠時銘軍方由沂水繞出穆陵關十月十六日行抵邳郡地方聞賊尙踞安邱濰縣一帶銘傳派參將陳鳳樓率馬勇

淮軍平捻記

卷六

十一

百名前往偵探行至臨河寨見有賊館陳鳳樓因潛襲之生擒任逆外五營賊目潘債一名并其黨十餘人訊供謂賊據糧後即欲颺走銘傳恐賊股聞風遠遁計惟攻其不備庶可痛剿乃督軍於四鼓拔隊十七日黎明至臨河寨見賊踞松樹山下一帶馬步重疊綿亘數十餘里銘傳分軍三路以劉克仁左軍六營同善慶馬隊五營為一路唐定奎右軍六營同陳振邦馬勇五營為一路銘傳自率劉盛林滕學義等中軍六營并親兵兩營為一路令陳鳳樓徐邦道率馬勇兩營先致師比及賊營徐邦道陳鳳樓大

呼衝入銳不可當賊不虞我軍之驟至也倉皇整隊捨死拒戰我軍以中軍攻其中堅右軍軍其左左軍軍其右分道抄擊賊巢分截三處不能會合各逆堅抗移時我軍三路并進將松樹山以西賊館十餘處賊衆二千餘人全數撲滅生擒藍旗賊首張斯潘德楊三注等三名陣斬賊目王雙如等十餘名奪獲騾馬一千六百餘匹維時任逆率馬步二千餘由東路來援賴逆亦率馬步三千餘由南路趨擁齊至銘傳自督中左各營東拒任逆分派陳振邦唐定奎南擊賴逆我軍乘大捷之後餘勇可賈無不一當百

淮軍平捻記

卷六

三

賴逆見我軍勢盛不敢抗卽率黨回竄任逆踞牟山頂下窺善慶陳鳳樓等營擊十餘次賊不少却劉克仁劉盛璋率步隊繼進叠放排槍賊始不支潰向牟山東走我軍合兵踵追數里任逆復同牛逆自旗步賊數千併力回拒劉克仁滕學義徐邦道率軍追至合擊適陳振邦唐定奎逐退賴逆亦由東路進戰任牛兩酋見我軍益衆料不敵遂趨過汶河向安邱城北竄走銘傳卽督令各軍由汶河南岸跟追當任賴兩逆之兩路猛撲也我兵分路禦之賴逆不戰先潰竄往牟山之南爲大軍所隔任牛二逆由安邱

城西潛行欲與賴逆合銘傳在山頂督軍憑高見之卽令步隊疾趨斷任逆之路又派陳振邦善慶溫德勒克西徐邦道陳鳳樓等帶馬隊合擊賴逆追至東嶺賴逆所部逃者半僅存步賊千餘馬隊四路抄擊擄斬殆盡生擒僞天將張大有僞恭天福邱等數名並賊眷十餘人任牛各逆勢窘亦繞向安邱東北由高密諸城一路南竄是役也一日三捷精悍老賊斬戮殆盡賊氛遂由此益衰未逾旬日而有贛榆之捷時鼎軍自肥城改道泰安由博山臨胸出穆陵關來會郭松林武毅全軍整練已齊亦奉檄與

淮軍平捻記

卷六

四

楊鼎勛所部助開各營取道沂郊兜剿公蓋慮賊竄諸營趨海贛南路之逆防喫緊故又添此勁旅也十月二十四日劉銘傳敗賊於贛榆降人潘貴升殺僞魯王任柱僞王宗賴賜福率三十餘騎來降牟山之捷賊勢漸解敗殘之衆潰向諸城南趨劉銘傳督率馬步各軍奮力兜躡二十二日追至日照地方先鋒馬勇與賊接戰槍傷僞魯王任柱右耳際傷不甚重任逆逕奔江蘇贛榆縣境二十四日銘傳同善慶踵追及之任逆裏創決戰預選馬步悍賊數萬設伏城東民村林後以待欲乘我軍遠

道奔疲以圖一逞是日未刻銘傳率眾抵城探知賊誘伏
情狀乃派善慶溫德勒克西由城東進陳振邦徐邦道陳
鳳樓等由城西進陳振邦等甫過西關正遇牛賴兩股馬
步賊數千蜂擁而來陳鳳樓等率馬勇迎擊戰合未幾騎
賊稍却步賊復持矛相夾而進唐定奎步隊揮戈出迎銘
傳又派劉盛休等接應圍未決任逆率悍眾橫衝而來銘
傳乃親督隊伍敵牛賴股而令善慶抵任逆任逆殊死鬥
其黨皆髮捻百戰之餘窮獸之搏猛鷲異常善慶恐馬隊
為其衝動令各旗弁兵下馬結陣拒戰而以洋鎗排擊賊

淮軍平捻記

卷六

事

死亡相藉猶蟻附而進忽黃霧四塞昏不見人銘傳派劉
克仁步隊六營及丁壽昌滕學義等乘霧由城北繞出賊
後以分賊勢時牛逆一股已為唐定奎陳振邦等擊走賴
逆亦敗遁我軍皆萃於任逆賊眾分股相拒無却意俄頃
劉克仁丁壽昌等已襲其後賊陣始擾銘傳善慶督馬步
大呼因勢衝殺槍礮如雨煙霧之中忽聞大聲呼曰任柱
中鎗斃矣賊眾大驚譟遂大奔銘傳善慶揮軍乘勢追擊
二十餘里擒斬千餘名奪馬騾器械無算降其藍旗馬賊
二十餘名初任柱之敗於安邱也羣賊心已不固有偽內

五營頭目潘貴升者素為賊中推服諗知時勢屢欲納款
而未得便安邱之役密信乞降旋投入陳鳳樓馬隊營內
請殺任逆為進身階是日接仗悍黨數萬知罪大無生理
咸舍死與官軍抗戰久不決潘貴升密言於哨官鄧長安
於煙霧之際效賊旗幟入賊陣中乘任逆不虞施槍洞其
腰脊飛馬回陣大呼報功賊黨回顧見之遂同時奔潰大
股悍逆斬蕪無復子遺任柱原名化邦亳州人為捻賊各
股總頭目桀黠稱最其將騎得法飄忽善戰十餘年來剿
掠數省荼毒生靈不可勝算一旦授首人心莫不大快二

淮軍平捻記

卷六

事

十五日偽王宗賴賜福率三十餘騎來降任柱既死餘股
推賴汶沈為首而逆勢已不支矣捷聞奉

旨直隸提督劉銘傳忠勇耐勞追賊迅疾著加恩賞給白玉柄小
刀一把火鏢一个大荷包一對小荷包一對副都統善慶著加
恩賞穿黃馬褂已革副都統溫德勒克西著開復原官仍交軍
機處記名遇有副都統缺出請旨儘先簡放降人潘貴升自拔
來歸計殲首逆實屬深明大義著以千總補用並賞加游擊銜
賞戴花翎並著賞銀二萬兩即補參領吉爾洪額加副都統銜
佐領興祿賞給音德本巴圖魯已革副都統布特哈總管哈奇

祥賞給阿格洪額雙巴圖魯薩尼布布特哈正黃旗佐領葉普
春均開復原官吉林蒙古鑲白旗佐領薩連開復頂戴巴革
騎校委營總綱楚克開復原官以防禦補用驍騎校委營總那
木吉勒色楞以防禦用加佐領銜道員丁壽昌遇有江蘇道員
缺出請旨簡放加布政使銜總兵陳振邦以提督記名簡放總
兵劉盛休劉盛璋馮如霖加提督銜副將唐定奎王德成徐邦
道丁達林王 揚均以總兵記名簡放並賞唐定奎勉勇巴圖
魯副將梁善明勵勇巴圖魯李常悍勇巴圖魯趙懷素雄勇巴
圖魯聶士成力勇巴圖魯參將滕學義武勇巴圖魯陳鳳樓克
勇巴圖魯吳宏洛利勇巴圖魯游擊丁汝昌以參將補用參將
董明禮姚天霖唐思純蘇得勝以副將儘先補用加總兵銜趙
長發邱尊謙閃鳳來游擊張光來均以副將儘先補用都司王
保勝張佩芝謝大魁談燮和守備吉玉成均擢游擊儘先補用
王保勝張佩芝並加副將銜守備王鳳新擢都司儘先補用加
游擊銜千總任之書馬加銀獅長安任永清馬金敘擢守備並
賞戴花翎鄧長安並加都司銜暫免發遣巴革提督劉克仁免
其發遣以副將補用同知閻克顯以知府補用

淮軍平捻記

卷六

七

淮軍平捻記卷七

十月二十八日潘鼎新敗賴汶洸於海州上莊鎮 任桂
既斃賊中推賴汶洸為首賴逆苦勸眾賊為任逆復仇決
一死戰會潘鼎新躡追及賊於海州之上莊鎮鼎新派提
督戴春林馬步隊設伏叢薄中以潘國揚等六營迎戰吳
從發兩營當左路張景春兩營當右路潘鼎立兩營與聶
桂榮等四營擁護後隊為聲援賊先以馬隊致師而潛分
兩翼橫襲我軍張景春等奮擊敗之賊馬步大隊負嵎窮
蹙奮不顧死吳從發嚴陣不為動鎗礮子如雨下賊斃相

淮軍平捻記

卷七

十

枕藉而至者猶如風捲潘國揚等為賊所衝幾不支鼎新
自統親軍馬隊大進各營乘勢呼譟奮入殺賊過半始大
潰我軍追三里餘方收軍馬賊又裹創回擊前隊為賊猛
撲稍卻潘國揚立斬先退者揮軍更闖賊復奔戴春林伏
軍發於樹林中前後夾擊斬步隊賊酋任柱之族任金保
獲賊級二千器械馬匹無算是晚偽內五營頭目李宗詩
率馬賊五百餘名來降是時銘軍由贛榆進唐仁廉馬隊
由沂州進楊鼎助郭松林大隊亦會師郟城
十一月初十日劉銘傳督軍大破賊於濰縣壽光間十二

日郭松林楊鼎勳復邀擊破之杞城鎮賊不得志於運防時窺青濟黃河之瀕

朝議憂之公奏抽防運軍協直東之師守黃河 賴逆上莊

鎮敗後走贛榆之沙河鎮北知郟贛一帶官兵雲集即於

十月二十九日沿海北趨日照之濤維夾倉各口十一月

初一日鼎軍踵追至初二日賊竄諸城初四日鼎軍追及

諸城之兩城集遇賊騎游奕我軍進逐將至兩城集步賊

伏於集後深林中馬賊平地誘戰鼎新飭各營步隊列陣

以待親督馬隊分東西路迎擊伏賊驟起從岡嶺三路壓

淮軍平捻記 卷七

二

下風捲濤湧而至鼎軍屹不少動以馬步分迎之賊敗奔

俘斬甚眾是時銘軍由沐陽高溜集進武毅軍勛軍由諸

莒進賊東北竄盤旋於壽光昌邑濰縣之交初五日折回

諸城膠州境是日午後鼎軍遇諸船益傷賊望風遁初六

日鼎軍過留武關賊竄高密初七日鼎軍至油溝賊竄昌

邑初八九日鼎軍至北蒙賊又折向濰縣先是劉銘傳兼

程赴濰初七日行抵諸城東十餘里遇賊北竄銘傳派善

慶等馬步各隊進擊賊即折向東走我軍追北四十餘里

步隊至巴山馬隊至注溝賊騎千餘回鬪為陳鳳樓徐邦

道等所敗斬紅旂賊酋鄭馬糊生擒藍旂賊目張定柱並

斃馬賊二百餘名奪獲戰馬二百餘匹賊向東北狂竄其

已過濰之馬賊數百步賊千餘悉為我軍衝散是晚乞降

時賴牛各逆圖竄海邊沿湖沿黃據糧一則避兵二則或

冀海灘防疏可以竄渡銘傳恐賊竄青濟黃防喫重立即

拔隊連夜由安邱間道馳抵濰縣攔勦初十日賊竄至濰

縣東北安坳地方不虞銘軍之先至也突見旂幟大驚銘

軍乘其不虞壓賊陣而軍會安義鎮總兵唐仁廉督所部

仁字三營及親兵營馬隊咸至濰會戰時已薄暮逆眾不

淮軍平捻記 卷七

三

戰而散赴各村潛匿任逆舊部藍旂股賊向安坳東北牛

李各股向西北壽光一帶銘傳即派陳振邦先鋒馬勇與

丁壽昌步隊由東路兜擊藍旂賊股親督劉克仁唐定奎

滕學義劉盛休等步隊並徐邦道陳鳳樓馬隊由正北進

善慶溫德勒克西由西北進復商令唐仁廉由正西繞向

東擊約五鼓在安坳鎮東北會兵其藍旂賊股館較近初

鼓時即為先鋒馬勇襲破十餘處大股始驚覺倉皇整隊

迎拒陳振邦率勇搏戰正相持間善慶等馬隊滕學義劉

盛休步隊亦至逆眾倚所佔民莊為巢穴劉克仁唐定奎

兩軍衝入賊中擊散數館唐仁廉亦於正西奮擊他賊館
數十里間鎗火相接軍威大振各賊館人聲鼎沸全股潰
散時新月初升我軍乘月沿村搜殺餘賊圍結向東北逃
走另股爲兵衝斷者四散狂奔銘傳督中軍親兵沿河跟
追三鼓後西抵稻田已四十餘里月落夜黑各軍分投追
捕惟聞鎗聲喊聲停而復起銘傳從火光中復急行二十
餘里至壽光境之仇家莊遇唐定奎一軍攻牛逆踞館破
之牛逆潛逃天將明各軍俱集唐仁廉督馬隊追賴牛二
逆賊股至海濱方收隊回俘斬尤眾我軍陣亡把總孫永

淮軍平捻記

卷七

四

勝黑龍江鑲藍旂披甲藍翎蒙庫吉爾嘎二名傷亡勇丁
百餘名生擒捻匪二千餘名奪獲驟馬三千餘匹次日卯
刻賊復由西北回竄善慶徐邦道等迎擊之但見賊騎零
星分潛各村意欲奪路而走我軍四處搜殺辰刻眾逆合
股復由東北而來仍向西走銘傳急督各營攔擊劉克仁
當白旂牛逆黑旂李逆兩股唐定奎當藍旂任錠任三厭
劉三貓兩股滕學義迎擊馬賊銘傳親督劉盛休五營接
應吳宏洛大呼衝殺白旗賊股先敗各軍乘勢齊進賊眾
全潰唐仁廉陳鳳樓率馬隊抄攔賊前賊息水回遁伏屍

徧野拋棄長矛千餘件戰馬數百匹我軍追至禹王臺賊
向東南敗奔時日已過午各軍兩晝夜未息遂收軍是日
擒斬賊三千餘級收降白旂賊酋盧金輝鈕洪章尹己端
黃文隆四股共二千餘人奪獲旂幟輜重驟馬無算時郭
松林楊鼎勛兩軍亦由諸城等處進勦十二日至濰縣東
南七十里之杞城瞥見塵沙大起賊股狂奔而過轍亂旗
靡隊伍不整松林揮軍要截鼎勛居右松林居左犄角進
逐馬隊當前步隊繼之戰於流黃鎮吳鳳柱張朝山易用
剛率騎兵衝進賊陣吳鳳柱胡連發等躍馬手刃賊目多

淮軍平捻記

卷七

五

人賊後爲銘軍尾追前復與松林等軍遇旁限濰河汶河
勢成死地不得不力戰求生步賊居中騎賊分兩翼翁張
兇焰煽灼松林等親督李長樂宋德鴻張正全陳飛熊王
萬釗張海龍唐宏成高占彪等各率所部併力奮擊鎗聲
聲動天地賊一隅每排鎗發即開一血路賊自相踐踏
屍橫狼籍後路賊有息水遁者前賊顧見一時奔散皆渡
河東走我軍亦息渡進擊追奔至余家寨始收隊共擒斬
大小賊目數十名悍賊四千餘級溺死無算任柱之弟僞
王宗任三厭亦受重傷救出難民三千餘人奪獲驟馬二

千餘匹時已三鼓統領以下露宿待旦捻逆在海州境負
創北走本欲避兵急竄不料我軍諸路並進一時齊集遂
於濰縣昌壽之交來往亂走初十以後幾於無路非兵無
戰不捷擒斬解散約以萬計其所漏網者無不驚魂喪膽
情勢已極窮蹙敗竄汶濰而東遂由高安南趨各軍仍銜
尾分路緊躡迭次之戰以銘軍之仁字營為最捷

聞記名提督徐連陞給一品封典記名總兵龍太勝遇總兵缺
出儘先提奏加提督銜游擊周有才都司尹呂景擢參將
加副將銜並

淮軍平捻記 卷七

六

賞給周有才勝勇巴圖魯同知直隸州曹南英擢知府從九品朱
滋澤擢縣丞加提舉銜陣亡將士各

優卹如例時淮軍游擊之師已全趨東路而賊屢出沒昌濰壽
光之交運防不能稍疏

朝廷深恐黃河防軍有失屢

詔飭籌協防於是淮軍盡出公親兵至無一營東軍二萬餘人本
與直隸分任河防而直隸防河有兵八千人東軍僅撥二
千人協守值直境梟匪蜂起直督告急於公公以黃河為
畿京天塹關係甚重然當此兵力支絀之時祇能擇要扼守

因奏言黃河之可慮者惟張秋至利津海口八百餘里然
水深淵寬人馬何能飛渡但得地方大吏認真嚴飭各津
渡口將所有船隻泊近北岸稍有警報即勤梭巡賊亦不
能潛渡矧直東河防上下水陸已有直軍八千東軍二千
足敷駐守禁防之用惟恐節屆隆冬嚴寒凍泐賊或可履
冰而渡然歷年河之易冰者亦僅自張秋至東阿魚山六
十里其地皆在東境既東軍不能力扼自當於運防中竭
力抽撥協防茲酌調記名總兵張樹屏所帶樹字三營及
淮勇洋鎗隊於本月初七日由運防拔隊北行即認守張

淮軍平捻記 卷七

七

秋一段此防向歸直隸臬司張樹聲與唐訓方分守因飭
此軍到防即歸張臬司調遣又以直省梟匪未靖兵饑難
籌所有樹字三營月餉仍由蘇州一體籌濟奏入報可
十一月二十日郭松林楊鼎勛潘鼎新敗賊於膠州小南
溝陣斃偽奏王賴世就暨任柱親兄任定二十九日會劉
銘傳之師蹙賊於壽光南北洋河巨瀾河間斬偽首王范
汝增等西捻張總遇犯晉省公抽運防宋慶等軍助守河
北 濰縣壽光杞城大勝後十三日諸軍乘勝向東南跟
蹤追勦行抵夏灣賊正奔竄望旗潰散收降任逆外五營

陳懷忠馬賊千餘人十四日追一百三十里十五日及賊於膠州之鄭家寨沿途小有斬獲十七日黎明大霧賊知追軍四集乘昏暗時繞出兩城集山中擬欲潛竄鼎勛松林率隊梭巡遇之四軍截追賊由東北沿海潰走十八日潘鼎新唐仁廉會兵追抵諸膠交界之劉午關賊竄唐仁廉鞭馬窮追賊遂折由山內急走潘鼎新督軍追至丁家村是夜賊日王占鰲率馬賊二百餘人來降十九日潘鼎新繞出賊前二十日黎明遇賊於膠州之小南溝乘其未備縱橫衝擊賊恇怯搶攘不敢迎拒拋棄牲畜器械沿路

淮軍平捻記

卷七

八

不絕潘鼎新唐仁廉嚴飭各營不准離隊攜取盡力掩殺斃賊甚多所餘僅髮捻老賊且戰且走追二十餘里又殺悍賊五六百奪馬二百餘匹時天忽大霧咫尺不辨賴牛等逆乘霧併力回犯唐仁廉督同龍太勝徐連陞等橫衝賊隊適鼎軍亦至首尾夾擊陣斬粵逆偽奏王賴世就及悍賊多名獲賴逆偽印一顆驟馬器械以千計是晚賊目張向春趙林高率馬賊六百餘步賊千餘來降餘賊日夜狂竄由高密濰縣昌樂臨淄北趨二十四日劉銘傳郭松林楊鼎勛潘鼎新會集於安邱途次商定分路兜逐二十

淮軍平捻記 卷七

五日潘鼎新由濰昌繞往長山攔截西竄濟南之路劉銘傳郭松林等逕赴青州會勦二十六七日各軍行抵青郡賊已西走因會議各營暫棄輜重裹糧並日夜追之二十八日賊竄新城縣境見我軍緊追遂折竄壽光縣界二十九日我軍自南而北逼賊於海濱南北洋河巨瀾河之間時我軍大集洋瀾河水又深逆既迫險背水死戰於是松林鼎勛軍其東銘傳軍其西逆首牛遂子親持長矛率領步賊四五百人任定率藍旗步賊三千餘賴汶沈李允皆驅兇親抗馬賊分兩路來撲任三厭迎抵易用剛張朝山

淮軍平捻記

卷七

九

陳鳳樓徐邦道諸軍白旗馬賊迎抵善慶陳振邦兩軍相持不下西路唐定奎劉克仁選鋒衝入牛逆股匪中牛逆先敗任逆藍旗股為郭松林楊鼎勛及劉銘傳中軍所壓馬隊抄其後賊各不相顧遂大潰奔先棄步賊後棄輜重再棄馬匹以綴我軍我軍皆不顧由洋河追至瀾河僅餘馬賊數百名乘亂而走是日之戰陣殲粵逆餘黨偽首王范汝增偽列王徐昌先二名獲其偽印逆徒生擒一萬餘人殺斃不可勝計屍填溢水為不流時已昏黑賊零星遍野有為民寨殺者有在荒村古樹自經者鄉團文生

三三七

楊錫齡等亦率領壯丁截抄會天大寒行糧已斷各軍挑野菜充食士皆忍凍饑進戰比收隊歸無不血溢襟袖凱歌聲震四野賊不成隊伍匿跡南奔時西捻股酋張總愚由秦省搶渡黃河犯山西吉州

詔宋慶程文炳張曜三軍分道入晉援防河北張曜宋慶率豫軍原防戴廟至靳口運糧而東捻雖窮蹙顧未蕩掃逆首猶有存者其圖竄出運防以自活未嘗一日忘追勦之師半饑疲殆無人色雖屢勝而戰守之局未能萬全公念晉省毗連畿輔不可以不先所急即派記名提督吳雲集添募

淮軍平捻記

卷七

十

小隊並帶仁字兩營馬隊赴戴廟替防檄飭宋慶張曜兩軍剋日馳赴河北防勦

十二月十一日捻賊突過六塘河竄至揚州統帶華字營淮勇即選道吳毓蘭生擒偽遵王賴汶沈東捻蕩平公疏善後事宜及部將勞苦乞歸情形得

百報聞

壽光大捷賊騎零星四散已不能整隊潛由昌樂諸城

日照贛榆南奔沿路為鄉團截殺窮蹙亡命初六日距宿遷數十里圖撲運河皖軍統帶馬隊總兵牛師韓整隊迎擊收降曹清孜王了頭劉娃等千餘人徐登善收降高春

等數百人知府方長華收降王鳳等數百人初八日劉銘傳督帶馬隊追抵宿遷聞賊折竄流陽遂派陳振邦會同牛師韓馳往追勦皖軍程文炳於泰安途次聞賊南趨亦折回海流會勦詎先一日賊已搶渡六塘河南去初賊竄運堤為皖軍擊敗即東竄初七夜突犯沐陽縣城南六塘河浙軍汎地時已二鼓統帶浙軍道員李耀南派隊堵禦賊亡命之徒冒槍礮不顧分其眾半以相抗半由興河頭張家灣搶渡浙軍防牆礮身熱不受藥一處聲稍停逆鋒數百名乘勢一擁進後賊不得過者為浙軍擊退分防

淮軍平捻記

卷七

十一

六塘下游山西布政使劉秉璋飛飭馬隊過河追擊收降賊首信有恒等百餘人獻莊壩上亦有賊騎亂竄弁勇過河截追亦降數十人公檄公弟昭慶及劉秉璋各帶行隊會同長江水師提督黃翼升馳赴兜勦又檄劉銘傳郭松林楊鼎勛窮搜六塘河北岸餘賊仍飭分馬隊赴清淮協勦其未經過河之賊於初九日竄丁家嘴朱林渡一帶總兵王有明副將王芝生各挑隊過河截殺直衝賊館賊眾紛紛潰散我軍追至包家河頭賊竄無路環跪乞降計收撫一千數百人薙髮安置銘傳亦派陳振邦會同皖軍程

一第... 2 反Eg

文炳牛師韓追往沐陽搜勦途遇賊首任根柱等百餘人乞降又收撫之運東六塘河以北遂無餘匪其過河之賊初八日撲渡鹽河欲由板閘圖竄運西直漕督所派張從龍姚廣武等軍堵截初九日由清江竄過淮安時候選道李昭慶山西布政使劉秉璋長江水師提督黃翼升劉銘傳郭松林楊鼎勛皆追賊南進先後馳至清江會勦賊過淮安時爲漕軍擒斬數百人賊沿運下竄劉秉璋所部總兵者貴葉志超楊岐珍馬隊三營於初十日黎明及之於淮城之張橋地方賊正掠食葉志超從北路衝入逆眾回

淮軍平捻記

卷七

七

撲志超腰受矛傷裹創力戰者貴從南路進楊岐珍從中路進賊大潰擒斬五六百人賊遂向寶應而奔公弟昭慶會同黃翼升率師亦於未刻馳抵淮城下之平橋直賊由彼處渡運縱兵擊之秉璋與漕軍姚廣武均至賊仍南循河堤銘傳松林鼎勛昭慶帶陸師及新編降騎由陸路驚追翼升率礮船由水路驚追賊急乃分股散逸一股由邵伯下竄一股循運西走其由邵伯下竄者於十一日戌刻至揚州之東北灣頭統帶華字營淮勇卽選道吳毓蘭奉公檄防揚州聞賊突至立出隊迎擊賊之賊四散潰遁毓

蘭分兵四路追截親督游擊梅宏騰吳輔仁參將杜長生由運河東岸追殺遇賊於瓦窰舖天大風兩昏黑莫辨逆騎死拒殫戰至五鼓時賊見我軍兜圍無路可竄越乃縱火焚屋翼乘之以逸我軍冒火而進毓蘭於火光中見一騎馬老賊手黃旗指揮知爲逆首連發數槍中賊馬倒擒之詢知爲逆首偽遵王賴汶沈餘逆不復能戰紛紛投河淹斃生擒逆眾三十餘人次日黎明有零星馬賊被兵衝散三五成羣均爲我兵搜斬而霧雨迷離咫尺莫辨餘匪有漏網者乘霧向天長竄去公弟昭慶派道員余思樞總

淮軍平捻記

卷七

七

兵葉志超楊岐珍率領馬步窮追十五日抵天長探知賊賊十餘人竄天邑之汊河被鄉團擒殺淨盡另股二百餘人由來安之自來村竄盱眙之津泥鎮余思樞等晨夜赴剿十六日黎明及之殺賊十餘人奪馬數十匹山東布政使潘鼎新追至清江亦派提督戴春林領馬隊赴盱眙搜捕賊勢窮促計無復之偽魏王李九暨逆首牛遂子任三厥皆向前提督李世忠乞降凡賊黨二百餘名驟馬二百餘匹竄揚之股淨盡其沿運西之股爲副將吳育仁等追殺於十一日三鼓時追之槐子橋賊正放火我軍槍礮一

擁而前殺賊百餘名生擒二十餘名餘逆向西南奔竄復
爲淮揚水師營官繆福賓吳家榜鹽捕營都司曾德麟合
力兜殺擒斬無餘東捻各股一律蕩平自粵捻兩逆糾合
騷擾中原十餘載其始股分極多至五年秋間始分爲二
西捻僞小閩王張總愚竄陝西其眾皆係捻匪無粵逆餘
黨東捻僞魯王任柱與粵酋僞遵王賴汶等蹂躪豫省
出沒楚疆突毀運防猖獗齊地兩賊中任柱爲最善戰賴
汶爲最善謀狼狽相倚勢如燎原之火公繼會公任督
師正任賴二逆竄鄂飽掠之餘裹脅數省眾不下十餘萬

淮軍平捻記

卷七

七

公既以勦賊自任而以後路籌餉屬會公協力同心共濟
艱鉅六年夏賊竄運東公建論倒守運西進紮膠萊就地
圍剿之計乃與皖撫英公翰豫撫李公鶴年鄂撫曾公國
荃及楚督公兄瀚章直督劉公長佑浙撫馬公新貽通力
合作各以重兵越境聯紮防守不意經營數月蟻漏潰堤
處網之魚一縱卽逝當此之時逆焰騰煽於外異議雲興
於內公以客帥寓閩他境籌兵籌食有如孤掌強而有弱
之機勝而有敗之責甚且釀成謀破全局使非見之至明
操之上固鮮不委靡折北以從悠悠之口天下事不可問

矣乃堅定不搖持初議如一日先制賊使不流復選兵爲
游徼自銘軍安邱之戰賊氣始熾迫任逆伏誅然黨羽猶
未盡摧也潘鼎新海州上莊一戰殺悍賊無算於是銘軍
窮兵於安垵郭松林等禽獲於杞城而壽光濰河之役俘
斬幾三萬人賊之精銳器械馬匹輜重一戰而盡蓋自軍
興以來罕有之奇捷也軍威如此之極而賴汶沈甫出瀾
河之溺仍圖宿遷之竄耽耽運防至死不變蓋官軍制賊
之命在此目論之士不能知而賊熟於兵事未嘗不明且
審也大軍窮追逼陷淮陽沮汝澤國而華字一軍張網以

淮軍平捻記

卷七

十五

待若操左券雖曰天功不可謂非人謀之盡善矣故曰人
事極者天將應之豈不然哉豈不然哉捷書既聞斬賴汶
沈於揚州傳首以徇以李允牛遂子任三厭三犯罪大惡
極勢窮乞降非其本意亦置於法

詔錄公功加一騎都尉世職直隸提督劉銘傳三等輕車都尉世
職福建提督郭松林湖南提督楊鼎勛副都統善慶騎都
尉世職山東布政司潘鼎新頭品頂戴江南提督黃翼升
山西布政使劉秉璋

賞白玉翎管各一事大荷包小荷包各一對火鏢各一事白玉柄

小刀各一柄候選道吳毓蘭以道員記名

簡放李昭慶擢鹽運司提督周盛波唐仁廉遇提督缺出請

旨簡放記名提督陳振邦易用剛宋德鴻唐宏成記名總兵李長

樂南陽鎮總兵宋慶均

賞穿黃馬褂記名總兵劉克仁免繳臺費並以提督記名

簡放唐定奎陳飛熊王平西張海龍張曜王萬釗均以提督記

名副將張王全以總兵記名

簡放叅將朱大珍擢副將降補叅將王得勝開復原官以總兵

記名

淮軍平捻記

卷七

未

簡放千總胡連發擢守備加都司銜

賞戴花翎道員劉盛藻

賞還勇號花翎同知直隸州包國挺留湖北儘先補用通判張國

運擢同知補缺後以知府用總兵繆福賓者貴以提督

簡放提督吳家榜遇提督缺儘先提奏總兵葉志超楊岐珍以

總兵遇缺儘先提奏並

賞朱大珍壯勇巴圖魯包國挺健勇巴圖魯

賞換繆福賓西林巴圖魯者貴剛安巴圖魯葉志超額圖渾巴圖

魯楊岐珍裴凌阿巴圖魯復

特詔褒諸疆臣大學士兩江總督一等毅勇侯曾國藩加一雲騎

尉世職安徽巡撫英翰三等輕車都尉世職漕運總督張

之萬頭品頂戴花翎河南巡撫李鶴年浙江巡撫李瀚章

頭品頂戴前任直隸總督劉長佑二品頂戴山東巡撫丁

寶楨開復勦防不力處分並頭品頂戴前湖北巡撫曾國

荃開復頂戴時淮軍各營皆疲憊之餘東捻蕩平後諸統

將皆乞假歸道

詔籌搜捕餘匪安插降眾善後各事公具疏言目前緊要之事實

有數端東捻人數本眾自十月間任賴伏誅即徧張示諭

淮軍平捻記

卷七

七

播散賊中准令投誠免死嗣是以來紛紛乞降壽光之捷

全股瓦解棄械環跪者不絕於道諸將因追勦緊急送回

運防老營自濟甯下至大塘河降眾與兵勇開稞即前敵

馬步隨隊協助者亦當不少亟須清理安插其有田里可

歸應分別資遣遞解回藉飭地方官妥為照料若無業游

惰而又精悍能戰者暫留營伍嚴為約束漸化其桀驁之

氣再謀分遣此安插降眾應急辦而難遽就緒之實情也

東南及中原數省用兵年久物力凋瘵民氣浮囂游勇會

匪到處糾劫外憂內患潛伏根苗各省綠營頹廢素為宵

小所輕尚須藉威鎮攝臣所部各軍自同治元年逐漸募
 練初係淮南農民居多迨克復蘇浙各城開收粵匪降眾
 四年後全調勦捻隨地募補馬步水陸營數過多需餉愈
 鉅數年以來竭兩江之財力供億此軍羅掘淨盡而各營
 每年必欠放三個月積逋如山曾國藩與籌餉司道屢請
 裁軍節餉臣以運防游擊多一營得一營之助未敢遽議
 今東捻既平必應陸續裁撤每裁一營應酌補欠項若干
 糧臺無絲毫存項又須設法籌此距款且此等慣戰弁勇
 在營食餉尚可守法一經遣散其無業可歸者最易滋事
 以餉需時勢衡之皆須逐漸辦理此裁撤營勇應急辦而
 難遽就緒之實情也昔周公東征零雨缺折播諸風詩久
 役思歸固人情之常臣軍各統領營官從征年久東南肅
 清後卽求假歸比因中原多故未便遽允旋調勦捻馳逐
 數省轉戰終年日行百里忍飢耐寒憂讒畏譏多人生未
 歷之苦境與各省兵將賊來則追敗去則息者勞逸迥異
 臣去冬至徐州劉銘傳諳稱疲憊已甚欲速了此賊以求
 開缺歸農今春以來周盛波劉秉璋潘鼎新皆迭請開缺
 臣以此捻未滅義無可辭鄂松林八月來營卽約以賊平

淮軍平捻記

卷七

末

恩准將

歸農楊鼎勛體弱多病更難久支今倖獲成功將士勞苦
 極矣用馬不竭馬之力用人不竭人之力量似應留其有餘
 仍備異日驅馳卽臣自咸豐三年正月從軍今已十五年
 矣無歲不親戎馬苦身焦思時懼隕越年未五十精力就
 衰實難久忝重任俟遣撤稍有端緒應再懇

欽差大臣關防專員賞京堂銷諸將請假酌量准行或所部裁撤
 後酌飭赴任如堅請開缺果其情事不可強留當爲據實
 奏懇此又體察軍情宜稍休養而難遽責遠役之情也疏

淮軍平捻記

卷七

九

入報聞

淮軍平捻記卷八

七年正月西捻張總愚突竄畿南

詔公督部入直援剿二十四日鼎軍敗賊於饒陽公復建就地團

制之議自五年九月十一日張逆與任賴分股張總愚

自中牟南竄許州為江蘇臬司劉秉璋所敗即西竄襄郟

由山路犯汝州自洛河南岸折竄龍門白沙掠宜陽永甯

曾公命湘軍劉松山一軍躡之而西賊不能停足由韓城

鎮竄陝州未能渡河因自靈寶闕鄉馳入陝此西捻之所

防也至十月中張逆大擾渭南尹家衛等處遂入南山犯

淮軍平捻記 卷八

藍田窺漢中十二月犯臨潼縣之交口兩金鎮渡渭屯踞

關山鎮豫讓橋一帶將圖渡同朝時晉省有臬司陳澹督

軍防剿秦省有劉松山張錫鏞李祥和等軍尾追前扼後

攻賊不得逞適猶逆犯順秦中擾亂而陝西巡撫劉公蓉

所部戰敗張總愚因乘機直趨西安省城戒嚴六年正月

劉松山張錫鏞等率兵趨援與賊塵戰累日編修張錫鏞

陣亡劉松山力戰獲勝賊遂少退由鄠縣西竄墊屋因度

渭至扶岐劉松山躡追而西無戰不捷迭克銀渠金渠臨

平等鎮賊寨並大小堡寨百餘處三月十五日捻洞悉由

武功東竄劉松山會同黃鼎安住等軍折由大北溝赴興

平截剿自十七日至四月初二日各軍進逼併力追戰賊

死傷甚眾又奪回村堡十餘處賊遂由蒲城飛竄同朝一

帶時陳澹督軍嚴守禹門以上閩鄉一帶又有豫軍馬德

昭駐紮老河口河水正漲賊無可飛渡而黃鼎安住郭寶

昌劉松山等軍轉戰相逼賊既不能休息東西奔竄賊勢

之不能久踞關內者以此是時

欽差大臣陝甘總督一等恪靖伯左公宗棠奉

命入關剿賊各軍聲勢更壯至四月二十四日劉松山復敗之於

淮軍平捻記 卷八

元其寨殺祿莊追至省城南山門口斃賊三千餘名生擒

頭目及悍逆八百餘人奪獲騾馬一千五百餘匹五月初

一日又敗之鄠縣少義防遂由墊屋橫出郭公祠竄渡渭

北桑家莊一帶奔竄渭河南北往來鄠杜之交窺晉不遂

回豫未能賊之狡謀漸輯矣夏秋間河南巡撫李公鶴年

自許州移軍杞縣左公宗棠由潼關進剿甘肅臬司劉典

取道商雒入秦湖北巡撫曾公國荃檄提督姜玉順以所

部扼紮荆子關張逆由尹家衛一帶復擾近華州李公鶴

年徵馬德昭段廣瀛分駐閩鄉與姜玉順聯絡聲勢賊遂

急趨北向竄陷綏德分擾米脂以十一月二十二日由龍
王廟乘河冰凍合呼嘯過河犯山西之吉州鄉甯諸處平
蒲並警豫撫檄馬德昭一軍渡河援守運城急調張曜宋
慶兩軍回豫而賊已由絳州曲沃垣曲山僻小路竄近豫
疆十二月初九日過邵原關竄濟源縣及河內武陟温孟
獲嘉輝縣新鄉原武各境浸有內犯

畿輔之勢時自秦追躡之師則有廣東陸路提督劉松山安
徽壽春鎮總兵郭寶昌自陝西移繞直境進剿之師則有
陝甘總督左公宗棠親督各軍直隸備禦之師則有大學

淮軍平捻記

卷八

三

士署直隸總督官文公親督各軍及都統春壽頭等侍衛
陳國瑞天津備禦之師則有三口通商大臣崇厚公所派
洋槍隊及天津練勇

詔促公內援並飭催劉銘傳善慶温德勒克西馬步各營迅赴河
北進剿銘傳值傷疾驟發不能乘騎請三月假未滿温德
勒克西善慶各有馬隊千餘員名然皆出征十餘年疲病
思歸久無鬥志公愷切獎勵勉以大義又以其所部太單
無步隊依護不能專當一面乃倣調總兵周盛波周盛傳
等馬步十一營並添鼎新之鼎字全軍與善慶温德勒克

西馬隊由東阿進發並督催楊鼎勛郭松林繼進公擇要
布置後路各事刻日親行而賊騎蹙疾一日夜奔馳二三
百里正月遂由磁州廣平直犯順德雞澤平鄉鉅鹿隆平
各處

畿南震擾公疏陳辦流寇以堅壁清野為上策嘉慶初年川
楚教匪辦理十數年卒賴此以收功即任賴捻股流竄中
原數省畏圩寨甚於畏兵豫東淮北民風强悍被害已久
遂漸添築圩寨深溝高壘到處與城池相等是以捻逆一
過即走不能久停肆擾近年惟湖北陝西被擾最甚以素

淮軍平捻記

卷八

四

無圩寨籌辦不及賊得盤旋飽掠其勢愈張直晉向無捻
患民氣尤為樸懦未能築寨自守張總愚木極狡猾又係
窮寇南有黃河之阻必致縱橫馳突無處不流百姓驚徒
蹂躪詎有已時徒深浩歎且

畿疆河北平原曠野古稱四戰之地無險可守辦流賊與辦
守城踞寨之賊情形迥異流賊專于避兵守此則竄彼迎
左則趨右交臂旋失情勢使然非盡兵將之不力也聞該
逆自竄陝西北山後渡黃入晉沿途擄騾馬愈眾步賊
多改為騎我軍騎少步多即騎兵每人不過一馬追逐病

斃卽已無馬視賊匪每人可二三騎隨地擄添情形則又迥異自古辨賊必以彼此強弱饑飽爲定衡賊未必強於官軍但彼馬多而我馬少自有不相及之勢彼可隨地擄糧我須隨地購糧賊常飽而兵常饑又有不能及之理今欲絕賊糧斷賊馬惟有苦勸嚴諭直隸山西河北紳民趕緊堅築圩寨一有警信收糧草牲畜老弱丁壯於內既自固其身家兼以制賊死命及今爲之亡羊補牢尙未甚晚若待深受荼毒再議補築經費更難措籌如果十里一寨賊至無所掠食其技漸窮或可剋期撲滅伏乞

淮軍平捻記

卷八

五

皇上特頒訓諭諄飭地方官紳妥爲籌辦實力奉行於軍務大局裨益匪淺奉

旨嘉納又以行軍須急籌糧淮軍北援恐直隸地瘠民貧米珠薪桂不能籌給兵食奏請撥借津倉粳米二三萬石儲存河間大名保定等處以濟客軍並請

勅下直督嚴飭地方官豫提公款購存糧草粃料儲備各營給價

取用

詔并行之時直境戒嚴淮軍皆疲乏不堪而

中旨以赴援不力屢見詰責公乃上疏畧陳曰查臣軍自入東剿

捻以來任賴等股約十萬眾肆擾東境凶焰熾張臣每念

此賊不平則中原之禍靡有已時卽西北之憂亦未有艾

而滅賊大計要必於冬春之交乘其饑困併力殄除故於

運黃兩防布置穩固後卽選將併兵與之角逐嚴督諸將

剋日圖功諸軍耐凍忍饑日馳百數十里始棄輜重後并

鍋帳而棄之各裹乾糧日夜奔逐用能仰託

威福倖立寸功自壽光大捷以後餘賊全趨海贛下走淮揚東

境已無賊蹤東軍亦早回防休息而臣軍仍乘勝南下直

追至揚州分至安徽之盱眙五河等處生擒巨賊殄平餘

淮軍平捻記

卷八

六

孽年底始克蕺事劉銘傳善慶溫德勒克西於十二月十五六等日分起馳回邳州灘上老營潘鼎新郭松林楊鼎勛諸軍於十二月二十九三十正月初二三等日先後回至濟甯老營解甲暫息臣親加拊視各士卒皆手胼足胝衣履不全疲憊不堪馬匹倒斃大半迭經奏明有案仰荷聖慈准暫予休息合營感戴

皇仁皆歡呼雷動劉銘傳三年轉戰勞苦尤甚積受寒濕手足麻木瘡痂徧體不能乘騎臣因該提督素資得力矚其始終奮勉毋得偷安目擊其狼狽情形策勵之餘實深矜憫臣

以剿辦東捻為已責初不料西捻張總愚一股由山右直趨河朔又肆蔓延慮事之疏咎無可辭先奉

諭旨准劉銘傳將所部稍為休養整頓正月初旬迭奉

諭旨催令劉銘傳善慶等赴河北進剿臣即嚴飭各營趕緊汰去

病弱添補缺額製辦衣履整備鞍馬不准刻延向來游擊

之師疲勞已甚須休養整練兩三月然後可用今尚未及

兩旬也各營向以火器制勝子藥槍礮軍裝均須配帶自

去冬輕騎逐賊鍋帳輜重沿途拋棄寄頓今奉調遠征必

應逐漸收集并令添補又糧台分設徐州清江領給餉銀

淮軍平捻記

卷八

七

往來千里動需時日軍中事件繁瑣有一不給難以遠行

若倉猝登程徒有赴援之名必難責赴援之效臣深悉兵

艱催令起程亦不能不畧待齊備將領各知大義既入援

畿輔斷不敢有意逗留茲奉

諭旨知賊勢深入

畿疆臣聞信之餘五中欲裂恨不能奮飛馳援稍紓

君父之急一切籌備各項亦無暇逐細經營除劉銘傳患病屬實

已乞

恩稍予養息暫難成行外潘鼎新鼎宇全軍並善慶溫德勒克

西馬隊已於正月十六日拔營飭令兼程由東阿德景進

發唐仁廉馬勇於十八日跟蹤北上郭松林楊鼎勛武毅

勛字等營陸續進發臣俟周盛波所部由徐州調到擬於

二十日親督啟行由東入直查剿捻非馬步大隊不能得

力直境地勢平曠尤須用眾臣軍強弩之末遷地弗良事

機所值敢稍推諉但冀沿途地方官能為預備勿糧俾無

缺乏必當視賊所向繞由東北向西南擱剿聯絡諸軍或

犄或角共維大局疏入報聞時各軍分起援直潘鼎新督

率所部於正月十九日由東阿渡黃善慶溫德勒克西於

淮軍平捻記

卷八

八

二十日渡黃唐仁廉馬勇於二十一日渡黃相繼北發潘

鼎新於二十日馳抵德州探聞賊由保定南竄饒陽恐其

久踞肆擾或東竄河間天津大局攸關因督隊倍道進征

二十一日過直隸景州二十二日抵阜城即改由獻縣西

境徑趨饒陽公慮鼎軍兵力單弱飛飭善慶溫德勒克西

唐仁廉等馬隊速進會合鼎軍兜擊並一面飭催楊鼎勛

郭松林等軍陸續北渡公亦即督隊啟程時東軍王心安

在饒陽為賊所挫賊旋陷祁州饒陽獻縣勢張甚適鼎軍

追及二十四日敗賊於饒陽城東賊遂竄深州一帶公因

淮軍平捻記

卷八

九

建言逆氛正熾各軍須穩慎進戰前截後剿此擊彼應先得一二勝仗再厚集其勢與之角逐即可就地殲除若以無制之師單弱之眾輕為嘗試挫敗既易賊氣立張故兵家慎言戰以戰而必不勝不如不戰之養威重矣又以直境地勢平曠無險可阻我軍既雲集東北賊勢將南趨若循舊路回窺彰衛或乘虛東擾臨清東昌即可就懷慶衛輝之閒北阻太行南逼黃河設法圍制倘令晉陝各嚴扼澤潞山路各軍再由東北節節兜剿或分紮漳衛各河或進扼沁河促之一隅或冀收聚殲之效事雖未果行而防

河之議即由此起

二月公督盛軍進駐德州潘鼎新善慶駐守保定郭松林楊鼎勳率師進剿公之自濟甯北渡也本欲俟周盛波一軍北來取齊而行乃至正月二十日盛軍猶不至公乃自帶小隊先行由東阿渡黃時各軍造次進援糧臺猶遠在徐州清江各軍後路糧餉軍火轉輸頗難公乃議張秋設立轉運局以通南北餉道行過張秋順道至運河口察看形勢飭員籌挑黃運交滙淤阻之處以通舟楫適周盛波先令其弟盛傳率部踵至公遂督之以行二十日抵東

淮軍平捻記

卷八

十

昌時雨雪載途泥淖甚深而捻賊由高陽東窺河間陷臨獻縣邊馬擾及交河富莊驛一帶景德均戒嚴公乃於二月初七日自東昌督隊趨行初十日至德州郭松林楊鼎勳皆率軍來會謀報賊被官軍由北兜擊初六七日即窺擾衡水縣境遇滹沱水漲不得渡初八日北窺深州王家井等處公以德州距深州僅二百餘里捻極飄猾趨向無定德景為

京津要路而德州濱運河轉輸差便遂飭楊鼎勳郭松林整隊由景阜進而自統盛軍駐焉潘鼎新善慶等軍於正月二十九日追賊至保定直督奏派在北路堵遏遂駐守保定西之大汲店於是公部北援者郭松林楊鼎勳為一大枝潘鼎新善慶為一枝自鼎軍及善慶馬隊扼紮保定而武毅助字兩軍進剿前敵隨公駐防德州者僅盛軍馬步十一營矣東撫丁公親統王心安七營駐防河間楊飛熊八營駐防任邱莫組紳十營出剿而

朝廷猶以賊勢將逼津南并詔公進防天津河間一帶公以河間一帶既有東軍大枝扼紮賊勢現趨西南河間情形較鬆似不須兩軍並紮致多糜費

且賊蹤飄忽瞬息百變祇當揀派大枝勁旅敢戰宿將與之隨地兜逐相勢剿辦不能取決於數百里之外致誤機宜前在山東辦任賴等股只籌選將練兵不管臨敵調度故諸將皆無所牽掣得以放手剿辦致底成功且捻賊無攻城奪寨伎倆故城寨易防而平原難防凡城池失陷必其城已倒坍或無壯丁可守也平原四達只能守城寨城寨之外不能禁大股之不衝突馬賊之不游駛惟大山大水可以扼之直境四望寬平除滹沱滏陽衛運各河西淀東淀一帶可以設守但兵少亦不足濟事此外則有剿

淮軍平捻記

卷八

十一

法無堵法其言防言堵者皆有虛聲而無實濟者也必令進防河間天津應即調回郭松林楊鼎勳等勿庸進剿帶赴東北妥籌布扼東軍亦可即回本境分防德州臨清等處云云

詔仍督公率郭松林等軍迅速前進並着催周盛波等軍北上以厚兵力時捻蹤麇集

特旨左公宗棠總統各軍剿賊復

命恭親王節制各路統兵大臣及各督撫

二月十六日郭松林楊鼎勳破賊安平城下公進屯景州

時賊盤旋深州衡水之交郭松林楊鼎勳率隊由景州武邑西進兜剿兩軍整頓隊伍輜重於十四日會同前敵營務處段帶隊進駐景州之龍華鎮謀知賊又由省南下竄安平十五日由武強小範鎮渡河十六日行九十餘里將抵安平城下忽見塵沙蔽天賊騎皆從西北迎捲而來松林等派馬隊迎擊急調後路步隊策應易用剛吳鳳柱胡連發等進戰賊眾屢卻屢前小有擒斬步賊復從後突至我軍馬隊不利松林鼎勳亟令李長樂宋德鴻高占彪唐宏成吳雲集等各督步隊馳援槍矛相夾塵戰三時

淮軍平捻記

卷八

十二

之久人馬蹴塵土周三十里我軍勢合猛擊縱橫盪決賊甚眾賊初死拒鼎勳等又派馬隊抄出賊後張逆腹背受敵遂大潰敗我軍追殺至三鼓始收隊是役也陣斃悍賊千餘名生擒五百餘名奪獲騾馬器械無數我軍陣亡總兵銜副將尹昌景副將龔興祖均議卹是夜賊乘我軍疲困欲繞道竄逸松林等預防之先派隊四路游徼夜四鼓大霧於迷濛中見賊掩旗潛向南遁松林等急督隊追之賊騎四散至饒陽之楊家村賊見追急乃復回拒我軍環而攻之撲尸載道賊首張志清劉琅夏以仁領數百騎

乞降餘眾紛紛向東南敗走又躡追二十餘里劉松山郭
寶昌張曜宋慶程文炳等各以師來會松林鼎助與約各
選精銳四路跟蹤兜截又以輜重累墜令軍士裹糧輜重
帳篷鑼鍋另派騎運送皆資輕裝追擊賊見我軍之銳進
且四路兜集也遂於十八日折竄饒陽武毅軍又迎擊之
賊望風而遁仍繞回東南由獻縣武邑復踞深州交界之
留楚鎮公諜知賊為各軍追急而武衡一帶虛無一兵慮
敗匪東竄由武衡犯滄青則津郡又警乃令盛傳挑帶八
成行隊進紮武強之小範口鎮為郭松林等援應並遮蔽

淮軍平捻記

卷八

三

東竄之路而自移屯景州調度諸軍又以湖北宜昌鎮總
兵黃中元帶湘勇兩營兵力極單即并歸楊鼎助統帶而
飭黃中元赴任士默特官兵有參領烏圖納遜等二十四
員名在營隨剿公以其從征年久且東捻已剿辦賊事遂
為奏撤回旗焉

二月二十三日郭松林等與豫軍秦軍剿賊饒陽境襲斬
偽懷王邱德才偽幼沃王張五孩等賊大敗二十八日出
鉅鹿磁州境內逃走安平之捷賊既東竄又為劉松山
郭寶昌喜昌程文炳與豫軍張曜宋慶等軍四面兜殺走

逸無路十九日郭松林楊鼎助整隊要之於深州時賊為
豫軍所敗向南奔竄復橫折而北將及深州之東北李家
村與我軍遇騎賊團結為十餘陣紛紛抵拒鼎助等以馬
隊衝陣馳突而以步軍為援應賊陣為馬隊所衝稍卻松
林親督李長樂宋德鴻蔡國祥高占彪唐宏成吳雲集等
步隊又從旁要擊之賊陣皆散我軍馬步齊進槍擊矛
刺無虛發者斃賊千餘生擒數百奪獲騾馬無數張逆率
步賊先遁而以騎賊殿猶相支梧我軍乘勝排壓追十數
里賊之有騎者皆縱馬狂奔其步賊彌薙殆盡張曜宋慶

淮軍平捻記

卷八

四

追軍亦至賊遂東南竄欲由武邑之圈頭過河適公先派
小隊紮堵圈頭橋聯絡民團協守賊偵有備二十日以後
復由深州西竄晉州界二十一日郭松林等馬隊遇賊於
范家村又獲一捷收降鄧新樂等一百餘騎張曜宋慶馳
至晉州西北攔剿賊復折竄東南二十二日近武強之小
範河口欲渡公先派盛軍督本地團勇折毀河橋賊不能
越二十三日折由饒陽逕奔肅甯松林鼎助及張曜宋慶
皆急馳百餘里抄出賊前諜知是夜賊踞饒陽東北元城
一帶遂知會劉松山郭寶昌等各軍齊進乘夜兜襲二鼓

後行近賊巢直前猛撲村旁零星散賊已先為我軍駢戮其大股屯踞村莊數日奔馳疲敝皆相倚臥刁斗不鳴我軍乘利而入立將偽懷王邱得才偽幼沃王張五孩所踞兩大莊同時攻燬斬斃無算邱逆一股斬除殆盡張總愚另踞一莊糾黨迎拒我軍四路齊進草薙禽戮伏屍遍地賊始亡命狂奔其下馬拒戰之賊皆不及騎而走生擒悍匪二百餘名賊目張立堂蘇付恩陳小奎與焉奪獲騾馬二千餘匹旗幟器械無數賊勢由此而衰矣二十四日敗逆由安平竄深澤二十五日竄晉州二十七日辰刻在晉

淮軍平捻記

卷八

十五

州藁城交界之樓上村隄師溝等處偷渡滹沱河松林鼎助與劉松山張曜宋慶各軍先後追至賊惶迫而渡多淹斃者其未渡之賊為官軍盡數截殺已渡者猶存馬賊數千人向南竄逸松林鼎助派馬隊追之午刻及賊賊偵我軍之疲於奔馳也乃蓄勢衝突我軍吳鳳柱胡連發等率洋槍隊擊賊皆亡命屢卻屢進相持兩時許松林鼎助復令胡良作湯得上尹長林陸懷邦夏青雲合力兜圍短兵接刀矛盪決賊乃大潰我軍乘勝追殺二十餘里調集步隊蟬聯繼進復追三十餘里直抵趙州境沿途共斬獲

千餘級奪獲騾馬無數二十八日賊由鉅鹿縣屬之官亭五陳等村向西南磁州一帶逸去

三月初十日公由冀州進駐大名十二日郭松林等截剿捻賊於滑縣之大伾山破之賊回延津 公之駐景州也本以賊蹤盤旋深衡之交恐其竄擾景德乃賊股屢為我軍挫衄知公親駐東路不敢迂視乘隙西走潛渡滹沱向南疾逸公遂於三月初二日督隊自景州向冀州前進初四日行次冀州賊竄入豫省之臨漳渡漳水由衛輝新鄉一帶西竄獲嘉修武為豫軍扼剿復折而東趨原武陽武

淮軍平捻記

卷八

十六

公以賊已入豫境大名與濮范滑濬昆連可以居中控制藉固畿疆門戶乃於初十日移駐大名又以賊警在南公所部兵力甚單即奏請飭催潘鼎新善慶等各隊倍道南下俾資調派

詔如公請賊之南走本以直境官軍四集此截彼迫不得喘息恃其騎疾於渡滹沱河後即悉力竄擾豫境

朝廷急圖剪滅督促諸統帥蹙之豫境為一鼓殲擒之計乃賊偵我軍已追逐出直即復回竄於初十日掠延津而北漸

近直東公知賊謀之狡恐其乘虛復窺

畿輔乃飛飭松林鼎勛自彰德赴滑縣攔剿公親督師由大名前進乃賊騎颯疾如風不一日已由滑縣向東北奔竄擾及直隸開州邊境公時抵南樂卽由清豐馳赴開州整軍待之松林等軍於十二日先抵滑縣城西劉松山郭寶昌張曜宋慶均尾賊後松林等慮賊追急入直是夜三鼓後唧枚疾走折由濬縣境繞出東北橫截之行四十餘里次大伾山天甫將曙有賊馬千百連綴而行由東南向北不虞我軍之繞截其前也忽見旂幟悉驚松林親率胡良

淮軍平捻記

卷八

七

作馬隊飛騎衝入易用剛吳鳳柱分督各營排列馳進賊亦整隊迎鬪槍矛相接衝突逾時兩軍猶交綏吳鳳柱易用剛乃躍馬陷陣周麾而呼弁勇無不踴躍當者輒靡賊陣始動蔡國祥宋德鴻李長樂陳飛熊等亦各帶步隊乘勝盪擊賊眾大奔踐踏及槍矛傷者撲道相望忽有悍酋執大旗揮扎刀率眾返鬪前軍頗有傷失乃列槍隊攢刺之其眾亦潰鼎勛督隊山大伾山左突出橫截賊且奔且戰胡連發徐邦道合力邀擊高占彪吳雲集督隊策應賊眾遁山而陣皆下馬搏戰是時鎗礮無可施皆以刀矛相

擊撥刺有聲約兩時許我軍中有習大札刀者當酣戰時

奮呼直前一悍酋中刀立斃各兵譁譟賊乃驚逸鼎勛復督步隊排放連環鎗礮斃賊甚眾賊鳥獸散不復成伍松林鼎勛兩軍併力猛追四十餘里生擒悍酋常虎兒張裕寬朱元青李玉名等十餘人并老賊數百名陣斬無算級獲騾馬千餘匹是日公甫抵開州派隊向西南搜捕策應賊遂回竄延津封邱一帶此次賊竄延津本欲乘虛由開州走大名東昌以圖北擾不料淮軍追截受創南還公知賊情極狡其北犯之心必不卽止乃計由豫入直爲東西

淮軍平捻記

卷八

六

兩路西則出淇縣湯陰赴彰德東則出延津滑濬赴開州時左公由彰德進正當西公乃自請暫駐開州以當東路報可大伾山之戰我軍陣亡記名總兵胡家讓副將銜翁將夏得勝游擊周得意羅清瑞四員并請

優卹如例

三月二十日賊由延津東北竄我軍扼之滑縣不利陳振邦受矛傷旋歿賊東竄莘縣東昌山東昌渡運 賊渡運沈之時僅數千騎自竄豫後沿途擄脅脅黨羽復眾摩盪衛輝延津間實欲乘隙北犯郭松林楊鼎勛仍赴滑縣迎剿

潘鼎新善慶溫德勒克西亦由內黃至滑乃會議以自滑至長垣地勢平曠騎賊眾且悍此擊彼竄無可攔制建議就衛河以東黃河以西連營排紮先扼竄路再圖進剿請公緘商左統帥及豫撫正籌布置間賊已突至十九日從封邱北趨長垣鼎新率隊攔遏賊乃乘夜折竄滑境二十日黎明賊全股來犯鼎新派徐邦道胡連發以馬隊迎擊擒斬數十名賊忽退數里其時賊未受創遽退鼎新知有異乃嚴陣以待不逾時賊果率大股回犯步賊皆持矛結數十團陣滾隊而前馬賊翼抄我軍後胡連發奮勇直前

淮軍平捻記

卷八

二十九

牙傷左臂血溢襟袖猶裹創力戰鼎新復率高占彪吳雲集唐宏成分路策應槍礮周擊鏖戰兩時許賊眾且却且前吳雲集大呼陷陣手刃悍酋數名賊急奪路向東北疾走郭松林分紮長滑之交是日辰刻得報知賊由滑南竄立率所部馳往策應公從開州派唐仁廉陳振邦馬隊赴滑協剿亦至遇賊於大河村唐仁廉首先衝陣斃賊多名賊騎從兩邊抄下陳振邦繼進復斬悍賊二十餘名賊伴退却未幾全股回撲陳振邦鼓勇進戰奪馬三十餘匹賊以悍騎四面包裹陳振邦深入賊中為賊槍刺咽喉傷甚

正危急間松林督隊馳至飭宋德鴻陳飛熊李長樂等步隊縱橫擊刺賊墜馬甚眾易用剛吳鳳柱各縱騎從兩旁抄殺賊乃解圍東北竄鼎新善慶等旋自長垣追至與松林鼎新會合痛追是日同抵濬縣賊由濬縣內黃交界圖渡衛河二十一日鼎新善慶等擊走之公復飭周盛傳吳長慶等由開州帶隊襲剿二十二日我軍行抵內黃之七級見賊由西南向東北馳走即率所部攔擊賊騎猛撲我軍步隊一擁而進炸礮火箭連環轟擊賊敗馬隊乘勢抄擊賊仍向東路竄去生擒賊目許善王坤杜秋等十數名

淮軍平捻記

卷八

三十

賊沿河竄向內黃鼎新善慶溫德勒克西追過城北二十餘里是役也記名提督陳振邦身受重傷旋歿狀聞奉旨照提督陣亡例從優議卹於立功地方建立專祠其同日陣亡之仁營馬隊總兵銜副將劉正同游擊銜都司魯朝斌銘營馬隊守備高峻嶺均優卹如例是時賊循衛河北竄而善慶溫德勒克西馬隊緊躡於後乃於內黃之五龍口試淺偷渡馬隊進遏之賊見我步軍向遠遂揮馬賊數十團散響齊上悉力迎拒並分股繞出陣後層密包裹愈戰愈緊善慶等各率部分拒頗有

斬獲鼎新松林督馬隊馳援而令武毅勳鼎各步隊接應
善慶溫德勒克西知有援軍從圍中突出城腹背受敵大
敗降其偽天將熊大海騎賊百餘人賊舍我軍復趨東北
二十三日犯南樂清豐之交周盛傳吳長慶督隊追及陶
保村外擊斃馬賊數十名奪騾馬百餘匹生擒賊目徐老
滑等數十名追二十餘里至南樂縣東遇賊大隊回撲周
盛傳率馬隊迎剿賊騎萬餘併力冲壓周盛傳將馬隊撤
依步隊進戰賊見我軍馬步齊至悍賊數千下馬持矛蜂
擁死鬪營官賈起勝衛汝貴汪炳炎葉志超楊岐珍馬朝

淮軍平捻記

卷八

三

選奮勇迎擊賊勢稍却馬朝選受矛傷數處喋血而戰朱
冠軍復帶開花劈山礮連環轟擊自未至申慶戰兩時之
久賊潰走我軍乘勝掩殺屍橫溝渠皆滿計斃悍賊千餘
名當接仗正酣時賊分二千餘騎抄吳長慶各營後黃仕
林者貴分擊走之又斃賊日張丑等數十名賊星夜奔山
東莘縣境內鼎新松林鼎助會商賊若得喘息即恐乘隙
渡衛遂循河窮追二十五日賊奔東昌時滄州下窪高家
口梟匪高岩糾集鹽馬賊數千人投賊入夥即引賊之前
股由東昌城南李海務渡運東趨我軍於午後追及之郭

松林善慶溫德勒克西等縱騎疾擊賊率悍黨逆戰易用
剛吳鳳柱排隊進壓賊用結團滾隊法冲我陣我軍聯紫
排隊不為動徐邦道吳連發吉玉成各率馬隊潛從旁截
之賊之團陣漸散我軍步隊排盪而入陣擒悍酋何士嘉
周久等數名斃老捻數百賊復奔潰是時賊雖屢敗而掠
馬甚眾步賊悉改爲騎日馳百數十里我軍躡追常苦不
及苟及矣偶一排隊賊即奔避使我軍欲戰不得每接戰
其悍賊皆下馬確鬥我軍非馬步並進不能制勝而步隊
笨滯不能與騎軍並集又各軍既以爭逐爲事輜重皆委

淮軍平捻記

卷八

三

棄之甚至輜輳帳篷一切奇頓以利馳逐乃往往十餘日
兼程馳剿所贏之糧有限制所逐之賊無定向後路非無
轉運每苦不及兼之兵賊出入之地無糧可繼是以軍中
時時斷炊至有數十日以瓜豆野菜充腹者步騎皆疲乏
不堪直東交界平曠千里賊任意盤旋我軍無險可扼騎
賊馳疾如風一瞬即失公初意擬蹙之懷衛之間繼欲扼
之衛黃之交皆未及謀定而賊已竄逸軍情朝夕遷改移
步換形而

中朝責望嚴切公於此時動心忍性可知矣初賊竄豫時

朝廷命公總統各軍至是賊回竄直境又詔疾赴景德一帶防剿更以追軍落賊後望吏議焉

淮軍平捻記卷九

四月初六日公自開州至於東昌建防守黃運蹙賊海東之議十二日進駐德州郭松林楊鼎勳潘鼎新邀擊賊於吳橋東光南皮滄州靜海天津皆破之賊不得西渡運河河防始固先是賊渡運東竄公飛飭郭松林楊鼎勳潘鼎新等倍道急馳繞由北路沿運河南向兜截以蔽津沽衝要公亦由開州赴東四月初六日公至東昌秦督左公率劉松山張曜宋慶程文炳之師由德州進景州公慮各軍追急賊折回南擾致我軍奔命不遑轉瞬復落賊後乃

淮軍平捻記卷九

緘商皖撫英公請督皖軍進駐清豫籌防扼旋奉

諭旨以定安等兵力單薄飭公迅督諸軍赴吳橋一帶扼要駐紮以爲前敵諸軍調度公因疏陳曰目下賊勢駸駸北走臣雖派大枝勁旅尅期前驅心繫

京畿憂惶莫釋惟有遵

旨進行不遑顧及後路拜摺後卽督同周盛波吳長慶等營由東昌起程馳赴德州吳橋等處扼紮就近相機調度冀補萬一臣察捻逆久成流寇張總愚尤極狡猾頻年竄擾北地擄馬最多平原曠野瞬息百里我軍步隊與爲躡追實苦

不及近來軍行日至百餘里為用兵十數年來之變格然
 軍士如此奮勉猶不能迅圖殄滅非力不能敵蓋勢不足
 制之也窮年累月飢走疲憊徒勞我師誠恐一旦潰蹶難
 支轉生意外之變臣不得已屢為就地困制之請迭商左
 宗棠等擬設長圍以困之無如黃河以北平坦千里網羅
 難施由於地勢使然懷慶形勢最險賊竟不肯深入張逆
 鑿於任賴等股之覆轍一聞圍紮立即死力衝突亦不容
 我閒暇次第施工議者謂就運河一線設防蹙之海東一
 隅較得地勢惟運河自天津至張秋黃河口計一千二百

淮軍平捻記

卷九

二

里內張秋至臨清二百四十里年年黃水倒灌淤成平陸
 尤費兵力約須十餘萬人方可分布現計直東豫主客各
 軍僅及十萬臣慮其有守無戰潰決為患左宗棠慮局勢
 疏廓難於有成皆係實情或又謂待賊回竄豫境分守漳
 衛河及張秋臨清運堤以蹙之費兵亦近十萬又恐偪賊
 入晉總之圍局不得猝成賊騎難禁紛竄即嚴督諸軍日
 以追勦為事能勝賊而未足以滅賊久且有疲師覆軍之
 憂可勝揣揣疏入

詔仍從公迅赴北路并令皖豫各軍統歸調度公冒雨督隊而進

十二日公至德州時郭松林楊鼎勳潘鼎新善慶諸軍之
 追賊者由東境轉戰入直前月二十八日諜報賊由茌平
 西北竄騎賊數十團隱伏樹林間松林先督王平西蔡國
 祥宋德鴻李長樂等步隊進擊賊馬即退列林外鼎新督
 戴春林吳從發潘國揚各營鼎勳督高占彪吳雲集唐宏
 成各營從兩旁合抄松林復調馬隊與善慶溫德勒克西
 繼步隊接戰時步軍已挫賊鋒馬軍銳氣益奮往來馳擊
 賊陣動旋避我軍馬步力追三十餘里至高唐州之雲家
 村生擒賊目賈記張有得二名老捻數十名陣斬悍黨頗

淮軍平捻記

卷九

三

衆賊倉皇北竄我軍復及之徒駭河邊奪馬尤夥二十九
 日追過平原賊急趨陵縣吳橋是夜四鼓各軍冒雨進追
 行未三十里與賊值善慶溫德勒克西唐仁廉及武毅鼎
 勳各馬隊奮而前騎賊挺長矛回鬪都司邱得功陷陣死
 之步軍各營急前策應塵戰逾時賊棄陣而北時賊欲循
 吳橋就安陵連鎮兩處竄渡運河松林等會商以運防未
 定惟有繞出賊前攔擊庶可禁其搶渡乃各率所部夤夜
 驚抵吳橋賊聞我軍踵至迤東逸走四月初一日大雨如
 注諜知賊仍欲由東光偷渡運河各軍循河急追午後及

之賊復折回余家莊初二日賊從東光境內突犯運濱我軍攔擊賊敗竄南皮是夜賊酋鄧保正率二百餘騎來降初三日鼎新與各軍議以賊銳意北竄非繞前截擊不能過之使南雖霖雨載塗軍士怨苦有不暇恤遂循運河東岸徑指滄州適賊已至阻兩城南東軍王心安落後遇賊求救我軍乃迎賊設陣分四起合擊鼎新鼎勳兩軍先從左右兩路進松林督所部與為應援善慶溫德勒克西唐仁廉直搗中堅賊騎縱橫數十圍整陣相拒松林令馬隊且前且卻誘之使近賊果率眾來撲我軍伺其逼也環鎗

淮軍本摺記

卷九

四

排擊之煙火迷離之中步隊執長矛諫而進賊出不意為鎗矛所傷墜馬者紛紛如撒豆賊退復陣鼎勳兩軍乘勝壓之乃大潰奪路東走夜竄由東而北我軍復躡擊之次於滄州之花園襲奪賊館數處收降張懷慶胡志等數百人初四日賊竄靜海追軍由唐官呂官兩屯以至陳官屯鼎勳乘夜襲擊賊目何祿誠等率七百餘騎來降初五日賊竄近天津松林等疾馳數十里抄前攔截傍晚抵天津分紮城外探知賊在楊柳青伐木結籬鼎新即令張景春戴春林會同善慶溫德勒克西馳擊之賊又敗退初賊以

天津為

畿省富區窺伺甚久自淮軍北來日夕爭逐未得乘勢肆其吞噬於是竄豫以掣淮軍南下然後疾捲回犯津沽冀淮軍不及援而後可以得志詎知淮軍於霖雨中忍饑與之並趨而北抗鬪又不勝逆謀不遂而逆勢亦沮公於德州上戰狀並為武毅軍力戰陣亡之總兵銜副將郭文武例貢生縣主簿郭士琳副將姚長庚會文益都司邛得功請邛均得

百如例

淮軍本摺記

卷九

五

是月公具疏力主防運之議潘鼎新郭松林建守減河以為滄青靜海屏蔽十九日防運分汛議成自黃河銅瓦廂之決由直隸東明長垣境內直趨大清河吐嘴嘴入海其午貫運河之地則曰張秋鎮所謂黃運交匯也前東捻在黃河之南扼之河北運西以蹙之於海卒底大功今西捻在河北非嚴扼張秋不能合圍而張秋至臨清運河計二百四十餘里年年為黃水倒灌積漸淤成平陸非引黃入運則運河無水公之北渡也於張秋鎮設立後路轉運局飭淮軍水師統帶提督徐道奎樹字營統帶張樹屏轉

運局委員知府萬年清挑濟淤沙引黃入運至是捻賊皆竄運東公遂力主防運之議以爲直東交界之地縱橫七八百里賊騎飄忽無從圍制欲趁東海南河形勢聚賊殲辦必須先扼西北運河聯築長牆方可絕其出路尤以東至津沽西至東昌張秋爲兩路鎖鑰而未至伏秋大汛黃水僅高尺餘未便啓壩既不能以水爲險則設防全恃兵力公隨身僅盛軍數營既欲扼勦陸路又欲兼顧河防力終未逮於是公乃馳檄各統將相度地勢妥籌萬全之法時賊自天津爲我軍扼截不得逞十一日由鹽山慶雲東

淮軍平捻記

卷九

六

南鎮海豐一帶十二日至武定十三日至商河十五日由禹城荏平回窰高唐境潘鼎新郭松林自天津追賊南下過滄州滄州南有捷地壩者在運河東岸當減河口以時啓閉蓄泄濟運者也減河自捷地壩至海濱牧猪港計道百餘里橫互東西水漲足限賊騎竄津之路是時漳衛上游山水暴發運河陡長至一丈五六尺鼎新松林見運水盛漲卽督軍士開捷地壩導運入減鼎新並飭地方官就河北集練築牆以爲滄青靜海屏蔽公卽檄鼎新鼎勛駐減河防守而令松林馳由德州赴東昌相機扼公又慮

重兵均在前路恐賊乘虛回擾乃奏請飛

飭豫撫嚴防內黃滑濬一帶及下直督轉飭大順廣道將衛河南岸船隻提歸北岸

詔從之未幾潘鼎新楊鼎勳築減河長牆八十餘里告成減河水深丈餘鼎新等兩軍扼守甚嚴自是天津無犬吠之警於是東皖淮軍議分運防汛地十九日議定自東昌城南至張秋河口淮軍郭松林吳長慶兩軍守之自東昌以北至臨清東皖各營分守之均尅期築牆扼紮直隸境內運防則直軍等各任其責時徐道奎等挑潛張秋運河功適竣

淮軍平捻記

卷九

七

而黃水大至道奎等開壩引黃入運公又調楚軍丁長春水師由張秋臨清駛入德州運河圍制之策於是乎成初劉銘傳之以病乞假也請期三月是時假期已滿

詔公飭催迅赴北路勦賊公因覆奏曰劉銘傳與臣生同鄉里少負不羈之材血性忠勇智略明達近時武將中實所罕見蘇省肅清非臣之功劉銘傳與程學啟之功爲多任賴捻股蔓延數省幸而殄滅亦非臣之功劉銘傳一人之功也迨逐三年疲億實甚迨東捻全股撲滅劉銘傳乞退更切其時通西捻出窰將及河朔迭奉

諭旨令該提督統兵協勤該提督久勞致病骸腫不能乘騎係屬
實情臣不敢違為代請開缺但請假三月俾得靜以調養
並將所部銘軍委該軍營務處道員丁壽昌暫行代理駐
防邳州認真操練以待劉銘傳假滿視師三月間臣因捻
勢日猖已兩次手書諄催來營襄助現聞督臣曾國藩亦
為懇切函催茲迭奉

恩諭又經恭錄檄行惟恐驛遞梗阻該提督或藉病遷延致誤師
期現在營中生擒賊黨皆供稱張逆惟恐劉銘傳復出時
時探問微臣文弱辦賊之才自愧弗如可否仰蒙

淮軍平捻記 卷九

八

恩旨令劉銘傳總統前敵馬步各軍飛飭兩江督臣曾國藩署安
徽撫臣吳坤修就近催令迅速統軍北上與臣等共籌滅
賊之方該提督通習書史素明大義諒無不急難赴公自
于清議也

詔旨如公請

閏四月初八日賊竄東光下口搶渡運河水師丁長春擊
退之又竄連鎮知有備退嶺陵縣周盛波盛傳擊破之
楊鼎勳等守減河公慮賊股回撲親率周盛波行隊於二
十四日由德州沿運東北行察勘形勢賊果撲減河牆二

十一日戌刻突至河南岸盤踞民村三鼓時直犯河牆善
慶溫德勒克西暨吉玉成徐邦道等率兵嚴堵橋口潘鼎
新飛飭張景春潘國揚等馳往援應鼎勳亦派隊由白兔
過河兜擊相拒一晝夜次日黎明賊見防兵嚴整不可動
去之而鼠秦督左公率湘軍劉松山豫軍張曜宋慶蹤至
邀擊敗之賊由鹽山遁走時減河上游水勢尚旺而下游
自呂橋東至海口數十里河身淤塞一片漫灘由鹽山小
徑即可繞入公於二十六日馳抵滄州督鼎勳新鼎勳等派
勇逐節挑潰直抵海濱減河之防無瑕可圖自比捻股竄

淮軍平捻記 卷九

九

津無路出運不能盤旋高唐禹城臨邑之間不百日而全
股殄滅防守之策得也閏月初一日公回德州飭周盛波
帶銘營先鋒馬隊周盛傳帶盛軍步隊由德州赴陵縣截
勦初三日兩軍至陵縣東夜見賊火遂催兵東進行二十
里至鳳凰店遇賊馬往來游駛其大股尚在五里以外我
軍馬步結陣齊進直搗中堅賊眾突見官軍不戰而潰我
軍馬隊躡之斬賊百餘名獲馬六十餘匹奪回賊踞村莊
二十餘處追至何家莊張逆突驅騎賊大股結十餘團陣
回撲我軍迎擊時賊勢實已窮蹙不敢戰復向東路絕剝

而奔零騎分路折竄又遇劉松山張曜宋慶程文炳各軍紛紛散走由東北趨正東軍中謀言張逆知圍已合力不支黨衆離散欲死中求生引官軍至海隅疾竄西北撲運搶渡盛波盛傳知其語信乃改由宣津向吳橋西南截擊兼爲德州屏蔽初六日賊過海豐東北四十餘里果折而西行沿途逆黨紛紛出降初七日賊酋高老步韓錦生率四百餘人降劉松山周老鳳率七十餘人降張曜張逆下令諸賊各帶門板繩索向東光下口一帶槍撲運河道公先派楚軍水師總兵丁長春赴下游巡防是日帶礮船駛抵下口日方午陸軍亦躡追而至賊正運木板赴河焚筏水陸各軍分路奮擊賊狂奔繞東光城而走有騎賊數十竄至馬頭河邊水師復擊散之向南奔竄又於連鎮一帶窺伺公調提督徐道奎水師由德州亦至連鎮賊知有備初九日繞由吳橋德州界內南走陵縣盛波盛傳驚追之申刻及賊尾隊於陵縣西二十里之土橋賊以精騎二千回拒盛波督馬隊與搏戰適步隊亦至合力併擊賊大奔潰擒殺百餘人奪獲馬數百匹賊竄平原桂平高唐境內盛波等乘勝逐勦是時賊中無一步隊人倅馬三四隻

淮軍平捻記

卷九

十

忽易騎疾走速於烟電與官軍遇絕不戀戰我軍馬隊不如騎賊之多追亦往往難及

五月十三潘鼎新破賊於臨邑公令諸軍進扼馬頰河賊使不得騁運河滅河之守賊騎已有限制然運東地勢平曠縱橫七百里我軍步隊躡追不能速進馬隊又少於賊騎雖於閏月中屢爲各軍挫敗而乘暑追逐軍中疲病繁興五月初四五日公乃飭郭松林潘鼎新等暫駐陵縣臨邑一帶居中防扼於是賊由武定陽信海豐等處北竄劉松山郭運昌喜昌由鹽山迎勦張曜宋慶春壽山樂陵截擊迭敗之復西南竄公又飛飭吳長慶赴吳橋攔截郭松林由陵縣要擊賊馳走無路於十三日晚至臨邑城東北十餘里各村踞宿鼎新駐兵於此聞報乃乘夜掩襲之賊連日夜狂奔疲乏皆入村酣臥夜二鼓我軍潛搗其巢遂將下家廟各村踞賊張逆心腹悍酋張宗先一股駢戮淨盡奪獲騾馬六百餘匹生擒數十百名公以運東平曠扼守各河雖能制賊不流而難得其死命且久晴之後運河日涸西岸民團協守未可深恃疑而走險防不勝防議欲趁黃水盛漲縮地圍紮以運防爲外圍而就恩縣夏

淮軍平捻記

卷九

十一

津高唐之馬頰河截長補短劃為裏圍備賊之計乃商請東撫檄飭恩夏清平各屬官紳號召民團就馬頰西北岸聯紮長牆又飭郭松林潘鼎新周盛波等督率弁勇由臨邑陵縣築牆挑濠與馬頰河民牆相接時張逆以追軍四集無路求生欲糾死黨由臨清以北故城以南乘虛窺運公商調新到皖軍張得勝漕軍張從龍等兩枝就近赴馬頰河南岸清平高唐一帶扼紮遮護西北運防於是賊窺之地日益蹙

五月二十五日郭松林敗賊於海豐二十七日賊窺吳橋

淮軍平捻記 卷九

三

犯周盛波盛傳之軍盛波等設伏狙擊大破之又掩之於場丁莊斬張逆姪張三彪 公之令松林等進紮馬頰河也由臨邑陵縣聯紮牆至恩縣德州境內與馬頰河民牆相接而留臨邑南至濟陽黃河濱將及百里誘賊回窺西南一隅再行就地圍紮賊狡數多揣知有異甫窺濟陽十五日即由濟陽折趨東北賊情飄忽前敵諸軍不能扼公慮賊窺出長牆時候補鴻臚寺少卿袁保恆奉

旨交公差遣公檄充馬步全軍翼長令馳赴前敵相機籌辦鼎新盛波等所紮牆壞工已葺酌留隊伍於長牆適中處立老

營坐守而選精銳馬步進剿盛波盛傳並帶八成行隊進駐吳橋寧津交界以備賊回撲運河二十四日賊由海豐南窺濱州為張曜軍所敗由陽信復回海豐郭松林帶隊行抵樂陵副都統春壽亦率馬隊來會相約進師二十五日辰刻及賊於海豐之郝家寨春壽先以騎兵營之賊四面圍裏春壽軍不能敵松林聞報飛飭馬步隊馳援分兵為三路唐仁廉宋德鴻由右進胡良作李長樂蔡國祥由左進松林自率親兵與楊西平步隊由中路進賊見淮軍四集勢已沮我軍三路並進截賊數處不得合春壽亦破

淮軍平捻記 卷九

三

圍出賊腹背受敵紛紛敗逃各軍分隊追擊忽雷雨大作收軍駐慶雲之余家店是日之役春壽馬隊頗有傷亡顧亦擒悍賊數百名松林一軍生擒著名賊酋周老廣兄弟及大小賊目數十名賊黨八百餘名陣斬千餘級奪獲騾馬二千餘匹旂幟矛械無算二十六日松林督軍急進約馳四十里許遇賊憩村落中見兵至驚走殺不及騎者二十餘名逐北三十里賊急反戈列陣以待松林整隊碾壓兩軍未交賊復自驚潰遁我軍乘勢掩殺斃老捻六十餘名生擒五十餘名獲騾馬百餘匹賊大創乃奪路急奔二

十七日由樂陵繞出寧津吳橋開折向西南急馳百五十里於申酉之交由吳橋之范屯鈞店突犯盛軍駐營之毛家莊一帶盛波偵賊至即令步隊伏密箐中以馬隊分三路箕張誘賊盛波所率步隊亦分數起伏馬隊左右賊初避勦奔路急奔不虞反入我腹地賊騎猶兩萬餘知陷危殆咸奮關勢甚張盛波歛軍避其銳揮馬隊少退以示弱賊果猛進我軍馬隊皆下騎鏖戰步隊伏軍四起槍礮雷發斃人馬不可以數賊潰四散縱橫十餘里凡賊可窺之路皆我軍先已扼紮固而躡之伏屍遍野得級數千驟馬

淮軍平捻記

卷九

西

二千餘匹擒及降者三百人二鼓後敗賊散不能合一股向東回竄一股繞山陵德交界之劉家莊向西南竄踞離德州七十里之楊丁莊孫世官莊方家莊一帶盛傳窮追不捨夜三鼓逕進襲之盛波率馬隊爲援應馳二十餘里逕抵賊巢盛傳親帶小隊潛赴各莊偵察時賊困乏甚露宿林下楊丁莊賊尤多乃密令各營分四面進圍合然後鳴槍礮呼譟賊夢中驚起昏者亂竄爲刀斫矛刺及自相蹂踐死者十殲五六陣斬張逆之姪張三彪生擒股首李老懷及大小賊目賊婦幼孩數百名餘匿田隴秫苗中間

得脫其附近各莊盛傳派隊搜勦艾推之餘零黨惶懼四散前後獲驟馬三千餘匹賊徒得脫者沿路或爲民案截殺或爲巡兵獲禽自此賊勢益不支捷聞提督楊正國

賞換達春巴圖魯總兵汪炳炎

賞給利勇巴圖魯副將宋冠軍固勇巴圖魯參將周行發揚勇巴

圖魯游擊吳永紹勇巴圖魯副將衛汝誠以總兵記名

簡放其餘出力員弁

詔准彙案保獎陣亡之五品銜江蘇候補 縣黃振楚副將劉斌

游擊萬得勝都司龍得福均照例議卹

淮軍平捻記

卷九

五

六月初七日鄭松林潘鼎新敗賊於沙河擒首張德恩受重傷而遁 張逆因以臨添築長壘窺地日蹙盤旋海豐慶雲之交爲各軍所追日夕無停趾五月二十八日折竄總平潘鼎新合善慶溫德勒克西馬隊躡追而至抄前攔擊日加午賊從西北來初勢甚銳我軍馬步分迎之賊被鎗傷者甚衆俄敗走解家店奎合一帶我軍追殺數十里而止二十九日賊窺商河之李家坊松林一軍追及之時賊屢挫勢衰蹙然所餘盡張逆死黨兇悍老賊無不善騎習戰松林深知其狀乃豫伏兵於林叢中以親兵馬隊誘

致其師賊果回騎搥撲伏起截殺百餘級餘衆狂奔惠民一帶會薄暮松林令軍士飽餐乘夜追襲行三十里許賊踞村莊眠怠松林令李長樂蔡國祥襲其左宋德鴻率右後兩營襲其右松林自督楊平西及唐仁廉胡良作馬隊為後路援應三鼓賊困臥無警備各軍挺刃而前遇賊即斫賊整隊不及四散潰走立奪所踞村莊十餘處武定濱湖地窪擒斬及落水陷泥者不可勝計衝賊為二一竄正北一竄東北松林於晨炊後即督仁毅軍向正北追勦七八十里抵樂陵之劉村沿途截殺生擒悍賊千餘名奪騾

淮軍平捻記

卷九

七

馬三千餘匹收幼孩及解散脅從甚夥李長樂生擒張德愚之姪張七張正江之弟張得華叩於陣前正法其竄東北一股直張曜宋慶督隊由樂陵東進又肆彌羅松林仍督隊追進六月初三日追至楊信之清豐鎮賊收散亡甫合股屯集駐足未定聞我軍至奔而南初四日由武定之杜家橋竄過龍駭河松林過河躡追賊竄濱州之李子鎮時各鄉村鎮均奉公諭設立堡寨守望相助然第能守無敢擊賊者賊過李子鎮鎮民以其衰也遽放炮擊之賊怒攻寨俄頃松林率兵追至賊遙見旗幟皇遠棄寨走追斬

獲數百名賊竄西北我軍追至夏家橋潘鼎新亦由陽信追至初五日合軍進勦已刻及賊於馬店迤南賊窘迫回拒鼎軍馬隊滕副武率三營迎擊步隊吳從發潘國揚張景春繼之松林督唐仁廉胡良作馬隊從左路抄賊後李長樂宋德鴻蔡國祥步隊繼之首尾夾奮賊初聯數十騎為一團陣人背倚馬尾接其數十百團陣與我軍相抗我軍深入破其數十團餘駭散因大奔潰拋棄騾馬婦女器械以綴我軍松林鼎新嚴戒軍士不得回顧疾追四十里至商河東北之于家圩盛暑烈日炎蒸人馬困乏暫就樹

淮軍平捻記

卷九

七

林憩息賊趁我疲乘間回撲胡良作馬隊大呼奮起擊之生擒悍逆百餘名各軍乘勢合進又斃賊千餘天晚收隊賊黨見我軍之整知不可敵賊目陳信元乘夜率騎來降鼎新撫之初六日大雨竟日駐軍房家寨賊踞沙河左近初七日黎明雨尚未止松林與鼎新議乘雨潛師襲賊不備鼓軍士列陣而進行十餘里過沙河賊方起隊欲走行列未定見我軍突至驚松林截其前鼎新襲其後泥淖載塗賊騎不能勝為我軍所乘亡命死拒我軍馬步連環迭進無不一以當百鎗丸如雨而下呼聲雷動賊大駭我軍

乘勢壓迫直抵商河城下自沙河至商河三十里沿途伏屍顛趾相接當戰時張逆總帥率黑旗隊衝陣中鎗落馬數十騎翼之而逃張賊因之紛潰是役也陣斃約二三千人生擒千餘人竄匿樹叢及林間為餘兵搜殺者又不知凡幾其大股脫逃者尙五千餘騎翼長袁保恒奉公命至臨邑督率各軍亦派馬哨於沿途擊擒數十人張逆之表姪張三老鳳陣斃馬我軍松林所部馬隊統領記名提督胡良作鼎新所部步隊統領記名提督潘國揚均受重傷賊離襍敗遁濟陽東北黃河之鄒家渡龍王廟一帶

淮軍平捻記

卷九

本

捷

聞胡良作唐仁廉照一等軍功從優議叙提督潘國揚總兵李長樂吳從發張景春交軍機處另行存記遇有提督總兵缺出儘先

簡放時大雨連旬六月初一日以後黃河伏汛陡長江水師提督黃翼升淮陽總兵歐陽利見漕標記名提督姚廣武等各督所部炮船由張秋乘漲進口初十一等日駛入德州運河北路運防得此水師勁兵防務益固而徒駭等河水勢日盛濟陽一帶大水漫溢成片平地水深二三尺

賊擇地形稍高者踞之公嚴檄諸軍乘水進攻翼長袁保恒與郭松林潘鼎新吳長慶商定會合豫東皖各軍由徒駭河北岸覓渡而前蹙之水濱為一鼓聚殲之計於是劉銘傳自皖籍來德州公檄今統帶原部銘軍馬步隊馳赴前敵相機督戰當

詔催銘傳之赴軍前也銘傳正患腿瘡大發寸步難移嗣調治稍痊於五月十六日自皖力疾就道六月初八日行抵東昌老營聞我軍屢獲大捷賊勢窮蹙旋謁公德州力辭出勦不敢取巧攘功公宣

淮軍平捻記

卷九

九

朝旨慰勉檄令迅赴前敵會合各軍以作士氣檄行復奏陳焉

淮軍平捻記卷一

六月十二日潘鼎新逼賊於老海窪及玉林鎮隆福寺擒斬悍賊偽天將何光俊等十五日張逆突至德州之高家渡鳧水搶渡運河水師徐道奎等奮擊不得渡回竄德平張逆自商河之敗遁踞濟陽以北三十里之鄆家渡曲里集一帶其地處黃河徒駭河間時河水漲發潘鼎新與豫軍合傍賊之西繞赴東北迎擊之十一日行抵郭橋柳橋時夜二鼓忽賈橋徒駭河西烟火大作賊正由東北蔓延而西我軍即過河迎勦賊踞民莊肆掠見兵至即弃而

淮軍平捻記

卷十

走我軍從而截之斬其尾賊二百餘級獲騾馬稱是賊連夜北奔十二日黎明擾及崔寨馬莊一帶我軍要之於是平地水皆過膝騎賊無可施遂復擒斬悍党三百人生獲賊酋鄭文起一名得馬三百餘匹賊折向南遁竄入黃河沿之老海窪鳧水向正東狂走我軍亦鳧水進追鼎新親督馬步隊伍從窪西進分兵一從窪南進一從王盤向東進張逆竄過老海窪即循河向東北走值王盤路兵賊望影疾走我軍衷賊無可避乃下馬捨死鬪陣酣戰半時許賊忽自驚亂我軍乘勢壓之賊慌急逕投玉林鎮鴻福寺

淮軍平捻記

卷十

二

其地在黃河彎曲處四面皆水坑賊入絕地乃負莊奮抵鼎新率隊伍背鎗子而前擠賊眾墜水坑者一時坑溝皆滿張逆知事急率死黨數十人踐屍渡水逸是役生擒偽天將何光俊一名擊斬花旂著名賊首楊恩楊熙悍酋偽平頭王張元偽帶隊頭日程二老坎程三老坎張錦泗周六等其餘大小賊目死者甚眾約計擒斬淹斃數千人獲騾馬萬餘匹矛械輜重復藉數十里賊之精悍盡矣於是賊收合殘敗仍沿途擄脅又數千人循徒駭河西南竄適郭松林帶隊與東軍皖軍合勢由多石橋進五鼓我軍馬隊先與賊遇賊敗竄之際見兵即避松林軍向東北截賊向西逸截擒尾賊二百餘名我軍躡賊而西至十四日辰刻過多石橋西二十里許賊復折而北由王莊搶渡徒駭我軍壓追至河濱截其馬賊數十名賊奔臨邑東南時周盛傳吳長慶兩軍奉公檄由德州吳橋南下暫駐臨邑十五口盛傳長慶偵賊北來即冒雨出隊橫抵德平交界之美鎮賊正憩民村造飯長慶設覆於林而以輕騎致師賊欺其弱也全股來撲既進遇覆乃狂奔葉志超楊岐珍橫要之斃賊數十奪馬二百餘匹生擒賊目張正土石光鑾

二名餘黨及幼孩百餘名賊連夜越走德平甯津之交竄繞吳橋至德州之桑園吳長慶有二成隊駐桑園防守運河偵賊將至桑園六七里長慶留防之兵猛出攔截賊不知我軍虛實折向北圖竄運河張逆率騎賊二十餘名至高家渡口宵充官兵喚渡爲西岸守牆民團及水師統帶提督徐道奎所部戈船勇丁識破開炮轟擊賊大隊踵至不顧鎗炮撲水鳧渡時運河水陡長一丈五六尺戈船得旋轉施逞民團亦轟擊不絕斃賊眾及馬均百餘奪馬二百餘匹賊不得渡長慶隊伍踵至賊遂往德州北五十餘

淮軍平捻記

卷十

三

里之第二屯老君堂一帶搶渡亦爲炮船民團擊潰而賊渡運之計未已也於河東上下數十里內盤旋偵伺公在德州聞報飛派總兵歐陽利見鄧萬林各率炮船下駛援應並檄直隸臬司張樹聲道員李逢春飛調景州民團全隊上牆堵擊又飭親兵小隊道員周世臣總兵張樹屏由德州馳勦劉銘傳帶銘軍馬隊乘夜進師周盛傳軍躡追亦至奪賊所踞村莊數處於是賊知大軍環集而運防民團炮船嚴扼不可犯逆黨危迫益思變計是夕賊酋張九臨率數百人降盛傳一軍僞頭目著名悍逆張正邦張正位

張可師尹湯成等六百餘人降周世臣逆西邱麻子舊夥二百餘人降於銘軍李老懷舊夥賊八百餘人降於盛波張逆死黨渙散幾二千人十六日張逆以黨羽殆盡所存僅宗族張正江張宗道張宗先等舊部人馬雖盡親屬然當撲運之時張逆首先策馬下河而一爲民團水師鎗礮轟擊皆畏沮不從知大勢已去人心已離於是日下馬投水爲張宗道救出張逆仰天痛哭羣賊恐我軍合圍無所可命遂挾張逆乘天色未明狼狽向德平一帶竄去初賊在運東竄擾將及四月其始民無圩寨徧地擄糧各軍布

淮軍平捻記

卷十

四

置防務未及窮追痛勦賊優游暇豫不以窺運爲急其譎智亦恐渡河不成反携眾志也自馬頰河及陵臨橫牆築成鄉民多結寨自保又值伏汛盛漲雨水泛濫武定東昌以南平地皆水竄路漸蹙擄糧日難公統前敵嚴飭各軍觸冒暑雨晝夜進躡屢獲大捷賊之悍黨如程二老坎邱麻子皆積年老捻兇悍無匹一時皆斃於陣是以情急見水數重日馳百數十里搶撲運河不意水深溜急民團舟師又盛迫軍漸集進旣不得退逝無所至今日而張逆之計無所復施矣直境被賊之初公首倡堅壁清野之議奉

詔行之直隸臬司今江蘇巡撫張公樹聲放出公部統領樹軍者也躬身勸督各鄉設團築寨為守望計張公故習兵事且天性慈和愛人遇鄉愚之不樂從者諄諄開導不憚煩數直民無智愚皆為感動修築堡寨一律完固遇警咸持械晝夜登埤凡官令修牆浚濠之事得張公一檄婦子皆荷畚鍤恐後當時民為之諺曰黃龍千里楊柳一色我有牆堡無虞羣賊誰其使之張公臬蓋以長牆為黃龍列幟如楊柳云未幾公上守運功狀並為景州紳團請獎焉是時總統勳字軍防守滅河湖南提督楊鼎勳病歿防所鼎

淮軍平捻記

卷十

五

勳四川成都人初從提督鮑超積功保游擊同治元年公東下鼎勳奉檄入營統勳字營淮勇迭克名都大邑收常州郡城時鼎勳肉薄而登鎗子洞脅入不顧軍士感奮遂克其壘而鼎勳傷重死而復蘇公延西洋醫士調治始痊然以此遂成痼疾四年援閩五年援東豫六年平任賴檢股皆有功本年張總愚犯畿疆鼎勳力疾從公暑雨馳逐病益深留駐滅防五六月間增劇嘔血升餘竟歿公奏聞詔優恤予諡於江蘇福建山東等省立功地方建立專祠事蹟宣

付史館

六月二十八日諸軍敗賊於荏平逆首張總愚溺水死西捻全股蕩平張逆自十五日撲運未成乃由德平陵縣境內逃竄沿路為周盛波吳長慶郭松林袁保恒各軍追敗於韋家寨林古莊德平之義渡口先後降其賊目王有志羅志安張小辮子及騎兵七八百人斬千餘人於是張逆所部頭目大半降僅存張宗先張宗道兄弟數人率敗殘千餘人相隨時黃水盛漲灌入運河德州東光南皮境內東岸冲塌缺口三處漣水分由平地漫溢入海賊踞高岡

淮軍平捻記

卷十

六

騎不得逞四圍皆水竄走之地日狹張逆知事急願竄走一日即可苟活一日乃於十九日趨商河樂陵之交二十日擾及鹽山之保和寨均為湘軍截殺二十一日折由德平南竄郭松林潘鼎新等軍追至是夜松林之馬隊夏青雲潛襲其踞館斬獲老捻數十奪騾馬五十餘匹賊急遁松林督軍窮追二十二日黎明抵盧寨及之擒斬數十人又追三十餘里逆首羅六率三百餘騎來降松林納之仍進追過德平西南十五里賊疲極折走東南踞民莊屯息松林與善慶溫德勒克西馬隊分東西兩路要擊留鼎軍

步隊設伏待之馬隊衝入賊亦整隊分兩路出拒我軍奮甚賊將退走鼎軍步隊由秫叢中陡起擊之賊首尾不相顧生擒陣斬合數百人餘孽向商河狂逸二十三日由商河西南竄二十四日過平原犯高唐二十五日潘鼎新冒雨馳百二十里追至高唐偵賊已向博平清平一帶撲犯運防時東昌臨清張秋間河水深及丈餘馬頰河爲黃水灌入亦盈堤拍岸賊不得越公乃檄劉銘傳帶馬步生力軍於二十二日馳勦與松林之師會於陵縣二十六日再會於高唐於是賊偵知劉銘傳已帶隊出其老營防守李

淮軍平捻記

卷十

七

海務一帶力必單是夜初鼓率大股驟犯李海務周家店等處河牆道員丁壽昌趙宗道提督劉克仁總兵劉朝幹等守埧不動俟賊衝至外濠鎗礮齊舉開花礮彈擊入賊鼓賊大創退踞河東村莊壽昌復派提督劉盛瑞總兵丁達材帶隊夜襲賊館擒斬甚夥賊見備嚴改趨西南四鼓後猛撲七級以北河牆見水競渡劉克仁督軍轟擊斃渡水賊數百人趙宗道率隊策應賊復敗遁二十七日鼎新率師由東昌迎擊黎明過陳家口十餘里降賊酋李志照等二百餘人賊竄運不遂聞淮軍大集欲趨東北爲避兵

淮軍平捻記 卷一〇

之計午後鼎新及之於沙河賊回拒我軍壓追之逆股敗退至荏平境之廣平鎮諸軍恐賊東竄得延喘息遂會議圍賊於徒駭黃運之間銘傳步隊由桃橋守至南鎮松林步隊由桃橋守至博平袁保恒往博平約張曜宋慶之師由博平守至東昌圍既合各發馬隊於圍中交午逐之二十八日早賊東向回竄鼎軍與豫軍由荏平西南兜逐張逆率死黨稀突首遇銘傳督馬步大隊截殺賊繞避疾走復值松林東來之師屹然當道而河汶紛歧水溜泥陷賊奔走無路銘傳松林兩軍馬隊合五六千人縱橫擊逐遂

淮軍平捻記

卷十

八

將大股賊黨悉數誅賊生擒張逆愛子張葵兒其兄宗道弟宗先姪正江偽帶隊頭目程四老坎馬老三樊大皆於陣前擒斬張逆於亂軍中率數十騎潛逃官軍追急皆迸散從之者惟有八騎東北走至徒駭河濱下馬與八人訣自稱罪重不可以追悲呼涕泣投水死追至六人皆死矛刃下擒其二人王雙仔王給巴西擒蕩平公乃由驛六百里馳上捷狀

詔先開復公前降革各處分並

賞還雙眼花翎黃馬褂騎都尉世職左公宗棠李公鶴年丁公寶

三六七

積疎防降革各處分并悉免議飭各軍搜捕餘匪俟一律肅清再行懋賞公得

旨分遣各軍馬步四出搜勦附近州縣村莊山林藪澤無僻不窮無隱不發直隸山東境內穢跡如洗其先後降賊旋奉

密諭察香屢次反覆桀驁不馴者分派弁兵隔別正法裹脅之眾給護照川費交地方官遞解回籍安撫公分別具疏馳覆

七月初十日內閣奉

上諭本日據李鴻章由六百里加緊馳奏勦辦捻匪全股蕩平地方一律肅清並查明逆捻渠首張總恩投水淹斃一摺覽奏之

淮軍平捻記

卷十

九

餘實深嘉悅捻逆自倡亂以來東南竄擾十有餘年蹂躪數省生民受其荼毒不可勝計神人共憤罪惡貫盈上年特派李鴻章為欽差大臣剿除捻首任杜賴汶洸等股匪詐料本年夏月間逆首張總恩復糾合匪眾肆擾山西河南直隸等省窺伺近畿經官文英翰丁寶楨李鶴年督兵防勦並經左宗棠統軍追擊朝廷復調李鴻章赴直隸一帶督勦以收眾志成城之效現經李鴻章會同各軍督率各將領蕩平捻逆並將餘匪搜捕淨盡具見該大臣督撫等協力同心膚功克奏前已賞還李鴻章雙眼花翎騎都尉世職黃馬褂並開復處分及左宗棠等降革

處分均予開復自應分別再沛恩施以昭懋賞李鴻章著賞加

太子太保銜並以湖廣總督協辦大學士左宗棠著賞加太子

太保銜丁寶楨英翰均賞加太子少保銜李鶴年著賞戴花翎

並皆照一等軍功議敘崇厚當捻逆攻撲天津時督率兵勇紳

團力保郡城並籌濟各營糧餉源源不絕實屬著有勞績崇厚

著賞加太子少保銜頭品頂戴並賞戴雙眼花翎曾國藩籌辦

淮軍後路糧餉軍火俾李鴻章克竟全功著交部從優議敘署

直隸總督大學士官文前在湖廣總督任內暨本年捻匪竄直

時均因會勦不力疊經降旨懲處此次捻逆蕩平著加恩開復

淮軍平捻記

卷十

十

太子太保銜暨勦捻不力革職留任處分並賞還雙眼花翎以

示錫爵庸庸用彰慶賞至意復

詔敘諸將平賊功提督劉銘傳由三等輕車都尉晉一等男郭松

林山騎都尉晉一等輕車都尉布政使潘鼎新給雲騎尉

世職總兵周盛傳吳長慶駱國忠劉克仁楊西平滕嗣武

吳從發張景春潘國揚徐道奎均

賞穿黃馬褂並

賞潘鼎新瑚松額巴圖魯提督唐定奎呼敦巴圖魯劉盛休法克

精巴圖魯馮汝霖騎車博巴圖魯劉盛瑞斐凌阿巴圖魯

徐邦道總領額巴圖魯周志本額巴圖魯魏興發阿
克敦巴圖魯總兵周盛波法福齡阿巴圖魯李長樂博奇
巴圖魯朱德鴻瑚武巴圖魯蔡國祥西林巴圖魯王平西
剛安巴圖魯戴春林達春巴圖魯張賢貴哈西巴巴圖魯
馬作霖愛星阿巴圖魯梁永福額騰依巴圖魯蔡家旺額
爾德木巴圖魯陳本榮霍欽巴圖魯朱大珍吉勒通阿巴
圖魯張樹屏額騰額巴圖魯副將周瑞龍達桑阿巴圖魯
總兵許保清冠勇巴圖魯魏林起利勇巴圖魯李得成饒
勇巴圖魯肅良貴幹勇巴圖魯蔣傳盛果勇巴圖魯殷錫

淮軍平捻記

卷十

七

茂達勇巴圖魯吳尙霖堅勇巴圖魯寶如山強勇巴圖魯
趙延訓墊勇巴圖魯趙孟坤蘇勇巴圖魯朱先民綽勇巴
圖魯馬朝選鋒勇巴圖魯毛明詩資勇巴圖魯倪祥福銳
勇巴圖魯洪福勝備勇巴圖魯姚靖戎侃勇巴圖魯潘永
勝拔勇巴圖魯知府萬國順勤勇巴圖魯吳秉權績勇巴
圖魯知州鄒增翰揆勇巴圖魯同知鮑灼畧勇巴圖魯副
將張兆海壯勇巴圖魯潘國英盛勇巴圖魯楊春發維勇
巴圖魯梅東益著勇巴圖魯吉玉成尙勇巴圖魯謝宗福
勉勇巴圖魯參將王春亭協勇巴圖魯談燮和勁勇巴圖

魯李大倉綬勇巴圖魯羅建山豪勇巴圖魯錢永林卓勇
巴圖魯游擊王鳳彩勳勇巴圖魯鄧宗仁勝勇巴圖魯守
備鄧長安糾勇巴圖魯胡達發鼓勇巴圖魯千總夏青雲
烈勇巴圖魯馮汝霖徐邦道周志本丁達材劉朝幹梁善
明吳鳳柱均給正一品

封典王保勝張佩芝湯得上給一品

封典張樹屏丁達材劉朝幹梁善明吳鳳柱並擢提督梁永福

蔡家旺陳本榮張士元丁汝昌張發祥楊玉書劉世幹並

加提督銜總兵蘭禮升給二品

淮軍平捻記

卷十

三

封典許保清並以總兵提奏副將呂嘉加總兵銜道員丁壽昌

劉盛藻以按察使遇缺提奏楊宗濂遇湖北道員缺出請

旨簡放趙宗道加布政使銜甘肅升用道知府余思樞擢道員加

按察使銜參將吳世泰談燮和李大倉羅建山錢永林蘇

彬均擢副將游擊陸懷邦加副將銜王鳳彩鄧宗仁擢參

將同知直隸州知州梁承祖加鹽運使銜守備鄧長安胡

達發擢游擊蕭萬有千總夏青雲擢都司加游擊銜敘論

郭道清擢知縣其餘將士及在專員弁各獎敘有差

七月公具疏奏陳河神效順請頒

御書匾額以答神庥又奏勦擒以來存歿諸臣忘身殉國各事蹟請加恩以作士氣又遵

旨覆陳善後遺撤各事宜是月淮軍分起凱撤南歸 公之設運防也以張秋鎮黃運交匯之處淤成平陸自河口八里廟至張秋南馬頭挑濬雖深而黃水過低未能入運自張秋至臨清二百餘里河乾可涉專恃塘壕不足以限賊騎心甚憂之四月二十二日黃水陡長數尺灌入運河炮船鼓棹如飛直通德景軍中已異其事閏四月河神

敕封金龍四大王見於長江水師提督黃翼升舟中有野夫識

淮軍平捻記

卷十

三

之頃刻各營傳遍士氣百倍神至之日黃水復暴漲自運河以泊馬頰諸河無不盈隄拍岸橫溢四出流潦縱橫於是運河一綫遂為金城巨防而四面沮洳賊雖健馬如雲不得不束手歸死識者以為公之至誠格於神明方之耿恭拜泉其效亦若是之彰彰矣賊既平公不自以為功乃具疏奏聞請加封號並頒

御書匾額以答神庥又以擒逆猖亂十有餘年雖未多據城池其攻守亦不及粵逆而剽悍善戰實過之從前督辦軍務諸臣如僧忠親王袁公甲三等皆登次掃穴擒渠戰功卓越

雖未克悉數邊平其滅賊之心皆能久而愈奮曾公國藩接辦軍務一年有餘謀定後戰成效偶稽而長牆圍制之策已得平賊要領嗣乃能變通盡利以竟全功其端實自曾公開之此時中原底定歸功諸臣請分別存歿

加恩獎卹並密疏保候補鴻臚寺少卿袁保恒聯絡淮豫皖東各軍同心滅事各勞績得

旨河神金龍四大王頒發匾額遣官敬謹懸挂科爾沁博託勒噶台親王僧格林沁

賜祭一壇遣盛京工部侍郎奕慶前往奠醑袁保恒冒暑督隊能

淮軍平捻記

卷十

四

承伊父袁甲三從前勦擒之志著開復前次降調處分仍以翰林院侍講學士補用並加三品銜時各省大吏均以善後各事宜上之於

朝侍郎毛公和熙院撫英公翰均奏請劉銘傳之師在

畿南及大順廣等處扼守

上悉下公議公乃上疏畧陳曰竊奉寄

諭以崇厚英翰所陳善後各條令臣等妥速議奏查崇厚前奏體恤將領擇養驍健選拔西征三事業奉六月初七日

諭旨飭准照辦當經傳知所部將弁兵勇無不踴躍歡呼用能剋

期滅賊嗣奉七月初五日寄

諭抄示英翰所奏各條內稱裁撤直隸練軍留勇扼紮一節接准

官文函稱宣化練軍地居獨石張家等邊口遵化軍則

東陵重地且近邊塞保定軍則省會要區屏蔽近

畿擬於此三處汰弱留強未敢悉議裁撤至南勇久戰之餘

誠爲勁旅但慮直民愚蠢或未能耕鑿相安等語係老成

慎重之見臣愚以爲兵丁之不得力非獨直省爲然軍興

幾二十年其初調兵多而募勇少而賊勢日猖獗後去兵

用勇規制一新粵匪擒匪次第削平功效大著蓋由綠營

淮軍平捻記

卷十

五

習氣太甚分布太散兵丁大半驕惰將弁又不一心勇則

募自田野多樸拙習苦之人統領營哨各官自行挑選一

氣呼應易於效命惟有事之時募勇以揀急應變無事之

時練兵以緝盜安民是皆不可偏廢欲化弱兵爲強兵立

法與用人二者不可不大加變通目下軍事大定勇丁逐

漸裁撤各省綠營漸復舊規必須及時整頓

畿輔拱衛關係尤重若專用本省兵勇人地自較熟習防勦

亦可經久惟須將領得人認真簡練耳欽奉初九日

廷寄將各省征軍撤回大河以南責令在防京兵及本省官兵搜

捕餘匪毋庸借援客軍致多擾累似可無須留勇扼紮矣

臣所部淮軍均係南人轉戰六七年去家數千里久役思

歸本是人情若留駐北方開革告假往返不易米糧藥械

接濟難常卽嚴爲約束而兵與民素不相習久亦未必相

安臣不敢不鯁鯁過慮也至皖省應留重兵並免查究前

案一節英翰在皖年久熟諳民情所請於皖軍內挑選一

萬二千人分爲四枝選派將領分駐要地聯給彈壓並請

明諭宣示凡捻逆未平以前所有爲匪之人已經投誠遣散一律

准予自新不准該處紳團再行尋仇控殺地方官吏亦不

淮軍平捻記

卷十

六

得藉端苛求此後再有作好犯科責成地方官嚴辦以安

反側而遏亂萌實係因時制宜之策應請

勅下兩江督臣安徽撫臣遵照察度妥辦臣復查安徽之穎毫宿

蒙江蘇之徐海山東之曹沂河南之歸汝各屬地界毘連

風氣犷悍中原禍亂大率萌孽於此捻匪起於蒙亳煽聚

句結徧及東豫擾攘數省今幸而撲滅散勇降眾惟皖徐

豫東交界之人爲最多卽使設法安插而民貧地瘠生計

艱難勢不能人人得所目下兵威鎮懾斷不可少尤須地

方大吏慎選嚴明廉惠之牧令加意教養認真緝捕安徽

撫臣宜常駐穎壽一帶就近督察控制並懇

飭下江皖東陝各督撫曉諭交界各州縣圩寨團練照舊整理以期化莠為良卽有滋事散勇零股馬賊亦不得逞患矣公又議南勇與直境民情恐不相習運餉購糧亦多不便銘軍前在東昌堵守運河該處紳民甚與浹洽應令暫紮張秋迤北其地西距大名僅一百八十里北距河間屬境亦不甚遠尙可就近兼顧

畿南兼之張秋一水下達清江采辦亦較容易又以德州上

下一帶居民復業恐有游勇散匪滋擾飭令提督吳長慶

推軍本拾記

卷十

七

統親兵數營暫駐鎮撫奉

旨悉如公議乃下令諸軍凱旋長江提督黃翼升統帶水師由運

河分起回南劉銘傳郭松林等統帶陸師由張秋渡河遵

旨於張秋濟甯徐州周家口等處暫扎鎮扼俟籌補欠餉酌量裁

併惟善慶溫德勒克西馬隊奉調回

京暫扎

南苑王萬劍接統之勦軍爲侍郎崇厚公奏留天津其餘水

陸大軍均於七月十六日後陸續啟行公旋入都

陸見謝

恩繳回

欽差大臣關防 月 日請訓出都行過張秋濟甯徐州宿

遷一路與諸統將酌議將弁勇之入役思歸者補給欠餉陸續遣散計銘軍裁遣馬隊一營鼎軍裁遣馬隊三營步隊八營武毅軍裁遣馬隊七營步隊十營盛軍裁遣馬隊二營唐仁廉所部仁軍裁遣馬隊三營樹軍裁遣馬隊三營勦軍時亦南還裁遣馬隊三營步隊十營合共遣撤馬步隊五十營勇夫踰三萬人公乃與大學士新任直隸總督曾公國藩新任兩江總督馬公新貽等通籌大局會奏

推軍本拾記

卷十

六

曰中原及東南各省粵捻各逆擾攘幾二十年費無數人力財力艱苦經營始克奏功臣等身在局中極知挽回不易現在用兵甫靖省分降眾散勇無業可歸會匪游民到處勾結徒以備於軍威不敢妄動亂機之來往往起於微而乘於忽若不稍留勁旅以資鎮壓一有警變召募遠調均非易易至不可收拾而後補苴之惜目下之小費忘日後之巨患臣等何敢出此茲公同酌定銘軍馬步人數較多紀律素嚴暫令臬司劉盛藻統帶駐紮河北東昌張秋一帶臣國藩以直隸練軍尙未定議北路不宜太空俟履

任有期當再察酌調遣濟甯居南北要衝潘鼎新所部僅留七營兩哨駐防該司到任後隨事稟商山東撫臣相機酌辦江蘇徐州昆連東皖豫邊界土匪出沒無常最爲重鎮弁兵分汛巡防並馬步勇四營仍嫌單薄暫留提督吳長慶步勇八營馬隊三營擇要駐扼會同徐州鎮道協力妥辦又蘇境沿江千餘里伏莽殊多空虛尤甚擬令道員段喆俟撤遣就緒帶勅字五營擇要移駐與長江水師聯絡巡緝稍壯聲威金陵爲東南關鍵城大兵單現經臣國藩留湘勇星豫三營駐防城內臣鴻章擬留總兵劉玉龍

淮軍平捻記

卷十

九

開花隊一營仍紮下關江口均交臣新貽等酌量調遣臣鴻章將赴湖廣本任該省居上游四戰之地游匪肆行防勇尙未盡撤非帶親軍前往難以鈐制擬將提督郭松林裁贖步隊五營總兵周盛傳裁贖九營馬隊三營並親兵鎗炮隊二營調令隨去以便汰弱留強備豫征調以上留防各軍臣等再三籌議按時度勢因地制宜誠屬必不可少餉需漸已節省除潘鼎新所部月餉由山東解濟現以本省藩司裁贖之軍留防本境應請

旨仍飭東省酌減籌濟其餘各營本食蘇餉應由蘇省分別籌解

接濟仍由臣等隨時會商妥酌俟各路游勇斂迹邊患漸紓地方可臻奠固再行次第裁撤會公又奏豫籌撤勇經費奉

旨令李瀚章劉坤一於浙江江西各借撥銀二十萬兩郭柏蔭何璟於湖北借撥銀十萬兩以便遣撤各軍於是淮軍散伍歸農之士補餉給足歡呼樂凱數萬之眾百戰之強朝撤夕行若順子之聽父母自來用兵善後莫能及此

月公出軍餉餘米大賑山東之民奏免被賊州縣同治六年以前民欠漕賦丁銀又以弭亂之道宜先倡明正學請興修曲阜

淮軍平捻記

卷十

三

文廟示民趨嚮咸得

旨行 北援之時公以淮軍向食大米函商三口通商大臣侍郎崇厚公籌撥漕糧及閩省船政大臣沈公葆楨購運米石源源接濟各軍凱撤後計尙餘二萬七千九百七十四石有奇公以運河以東武定濟南各屬縣被兵最苦東省餉需繁鉅未能議恤適東撫丁公委濟南府知府龔易圖來德查災公乃盡出餘米概交易圖察酌被擾地方情形分別輕重均勻給散民氣頗爲少慰公又以安徽之鳳潁泗

江蘇之徐海山東之曹濟青沂河南之開歸陳許文光湖北之黃德各屬州縣為捻賊流竄被害最深小民饑餓轉徙而死及被擄殺者不知凡幾傷心慘目殆不忍聞其紳民築寨自守者官兵之至或購備軍糧或嚮導徑路至賊黨敗潰猶能執梃橫矛所向截殺今全股蕩平而本年各處業已開徵雖現在餉需鉅迫自未便議緩新賦致有窒礙然自同治六年以前固無歲不徵亦無歲不欠實由捻氛未平民力不逮即使逐年常徵徒供吏胥需索無裨帑項實濟請將同治六年以前積欠錢糧概行豁免又以弭亂之道以倡明正學為先東民居近聖里被澤尤深年來兩次平捻均在東境凡築牆濬濠借用民力之處諭以大義無不樂從各處紳團捐助糧草協助竄賊亦甚踴躍以此知民心可恃聖教之推暨至廣也曲阜

孔廟為我

朔道崇儒報本之地而檳梅剝落丹漆黯然尼山書院已鞠為茂草自應及時修葺俾壯觀瞻願全廟工程浩繁目前財力不逮而

大成殿九間檐宇脫折久之必有傾塌之虞因奏請

飭下兩江湖廣於該省撤軍就緒後各速籌銀二萬兩彙解山東

並由東撫籌銀二萬兩遴員鳩工庀材擇要興修以副

聖朝偃武修文之至意

詔並行之

淮軍平捻記

卷十

主

卷十

淮軍平捻記卷十一

增紀一 軍制 軍餉



淮軍之始也於同治元年其營制一准楚勇規模皆以五百人為一營設營官一員每營分立前後左右四哨每哨設哨官一員營官有親兵有什長其親兵分六隊每隊設什長一名率親兵十名伙勇一名計六隊其七十二人哨官有哨長一名有護勇五名其外有什長有正勇有伙勇其正勇一哨分八隊每隊什長一名伙勇一名其抬鎗隊正勇十二名合什長伙勇為十四名其刀矛小鎗隊正勇十名合什長伙勇為

淮軍平捻記

卷十一

十二名每哨合哨官哨長護勇為一百八人四哨共四百三十二人合之營官親兵為五百四名營官在外其聯伍之制親兵六隊則一隊劈山砲二隊刀矛三隊劈山砲四隊刀矛五隊小鎗六隊刀矛每哨八隊則抬鎗為第一隊刀矛為第二隊小鎗為第三隊刀矛為第四隊抬鎗為第五隊刀矛為第六隊小鎗為第七隊刀矛為第八隊總計一營劈山砲兩隊抬鎗八隊小鎗九隊刀矛十九隊其為三十八隊其搬運一切猶有長夫每營營官及幫辦人員共用長夫四十八名搬運子藥火繩及一切軍裝等項共用長夫三十名營官親

兵隊每劈山砲隊用長夫三名刀矛小鎗隊用長夫二名計六隊用長夫十四名如拔營遠行營官另撥公夫幫辦劈山砲哨官哨長及護勇五人共用長夫四名四哨共夫十六名其哨隊每抬鎗隊用長夫三名每刀矛小鎗隊用長夫二名計四哨抬鎗八隊用長夫二十四名刀矛小鎗隊用長夫二十四名其長夫四十八名總計一營用長夫一百八十名大率百人用夫三十六名台之營哨官員各勇人等共六百八十五人是為正額或十營設統領一員或數十營設統領一員或數營設一統領無定制至同治四年北征捻逆於是又

淮軍平捻記

卷十一

添練馬隊營其制則每營營官一員幫辦一員字識一名一營立前後左右中五哨其前後左右四哨各設正哨官一員副哨官一員中哨即以營官為正哨官外立副哨官二員每哨馬勇五十名又散勇五棚每十人為一棚每棚什長一名散勇九名一營共營官一員正哨官四員副哨官六員馬勇二百五十名什長二十五名散勇二百二十五名營官及副哨幫辦字識等共用火夫二名四哨之正副哨官共用伙夫四名每棚用火夫一名共二十五棚為二十五人又一營長夫五十名通計用夫八十一名合之營哨官員幫辦字識各

勇人等共五百九十二人其馬數則營官四匹幫辦一匹字識一匹正副哨各二匹什長及馬勇各一匹共為馬二百七十六匹搬運鍋帳子藥則每哨願用大車一輛共車五輛其每營百馬之內每營准報倒斃三十六匹如數換領以資彌補此其大較也至公創設鐵廠機器局一切軍械皆仿西洋製造遂改劈山砲隊為開花砲隊拾鎗小鎗隊為洋鎗隊從此火器之勝甲於諸軍以此戰勝攻取所向無敵云

公之平吳也凡湘淮各軍水陸共七萬餘人至三年秋冬間淮勇僅裁撤數千人除郭松林等為湘軍不計外尚存銘軍二

淮軍平捻記

卷十一

三

十四營為劉銘傳周盛波總統公弟昭慶統領忠樸四營親兵桂字三營潘鼎新鼎字十營水師一營劉秉璋所部水陸十二營又開花砲隊一營王永勝開字十營楊鼎勳勳字六營黃中元親兵二營張樹珊樹字六營護軍一營吳毓芬華字六營王可陞陞字兩營張紹棠陸軍六營鄭國榜等魁字兩營曹仁美護衛一營羅榮光劉玉龍砲隊兩營余在榜袁九皋砲隊各一營劉士奇奇字七營淮軍共一百零四營人數五萬餘四年春銘盛兩軍二十四營即進紮三河尖防勦捻股時閩省粵匪猖獗左公宗棠求援公即令郭松林松字

楚軍及提督楊鼎勳勳字淮勇六營由海道撥閩並以曹仁美所帶淮勇護衛一營并歸郭松林統領黃中元所帶淮勇親兵二營并歸楊鼎勳統領於是援閩之師為十六營至三月間楊防富明阿凱撤按察使銜江蘇補用道吳毓芬帶淮勇四營進駐揚州籌防廣西右江鎮總兵張樹珊統帶樹字七營進駐清江防勦公又奏派樹珊之兄題奏臬司樹聲前往督勦五月間捻股北犯

畿南告警

詔公於所部各軍內商撥勁旅數枝速派得力鎮將統帶由海道北

淮軍平捻記

卷十一

四

援公即檄調布政使銜潘鼎新所部鼎字十營並以余在榜洋鎗隊一營并歸統領由上海乘坐輪船至天津進紮防衛畿輔仍照數另募洋鎗隊一營委候補知府趙宗道管帶仍與袁九皋駐紮上海之鳳凰山於是會公受任督師公接署兩江總督遂派翰林院侍讀學士劉秉璋統領所部水陸十二營及鼎字水師一營留防蘇州調副將張紹棠陸軍六營暨羅榮光劉玉龍兩營砲隊赴江甯接防改派南贛鎮總兵王永勝所統開字十營移紮東垣建平一帶以防粵逆竄匪公弟昭慶即統忠樸四營隨會公至徐州駐紮及至閩省肅清

郭松林楊鼎勳兩軍凱旋回蘇公因令暫紮鎮江候調郭松林請假回籍守制其所部之松子楚軍八營卽併歸楊鼎勳統領及八月間捻匪由豫北竄奉

諭調派蘇省大枝勁旅赴北路扼守公卽檄飭提督蘇松鎮總兵楊鼎勳統領所部勳字等洋鎗隊八營暨松字等八營及現駐江甯之親兵桂字等三營淮勇均赴徐州聽候調遣至冬間捻匪兩路入鄂又有成大吉潰勇之變湖北蕪黃一帶徧地賊氛皖省兵力極單於十二月間公卽調南贛鎮總兵王永勝統領開字十營由東壩馳赴宿松扼紮令古州鎮總兵

淮軍平捻記

卷十一

五

劉士奇七營進東壩定埠接替防守後王永勝又添募爲開字十一營至五年正月侍讀學士劉秉璋奉

旨襄辦軍務時秉璋所部淮勇親兵十營及水師兩營駐防蘇松一帶公卽調總兵况文榜常字一營併歸秉璋統帶於秉璋原部水師內撥出一營歸江南提督李朝斌調遣卽以蘇防令李朝斌接替秉璋於二月初二日先派總兵吳長慶統帶六營啟行自督守松江兩營游擊關榮字兩營及開花砲小隊由蘇取道鎮揚北渡勦捻時况文榜一營尙在高滄秉璋卽飭令從高滄赴清江會合大隊同駐宿遷其親兵水師一

營與鼎字水師一營並隨同北上四月間捻股又回竄徐州淮甯一帶公又調古州鎮總兵劉士奇七營由東壩拔營北渡五月中張總愚捻股竄入懷遠鳳台境皖撫喬松年求援因令駐防蕪湖署皖南鎮總兵王可陞分派陞字兩營移守廬州及八月中捻股由汴南竄渡運河曾公咨商請公親赴徐州就近調度公卽飭楊防道員吳毓芬帶華字四營進駐清江華軍北來後卽歸孔昭右統帶又在江甯省防抽調副將鄭國榜等魁字兩營吳殿元親兵一營徑赴徐州聽調公卽帶印赴徐州防紮於是淮軍之不北渡者僅紀名提督張

淮軍平捻記

卷十一

六

紹棠所統親兵鎗砲五營矣後各營北征均添馬隊營或添一二營或添二三營不等十一月間捻股犯鄂淮軍各營入鄂公弟昭慶奉檄屯駐汝甯信陽於是王永勝開字馬步十營加以徐州鎮總兵董鳳高鳳字馬步七營并歸統率鳳字營者尙爲徐州防兵自公奏撤徐臺卽以徐防馬步兵勇從新整頓改名鳳字營交董鳳高統帶者也後昭慶隨募添練合之前忠撲營爲十二營名曰武毅軍後又添至十九營於是淮軍又添鳳字七營武毅一軍至六年正月右江鎮總兵張樹珊於湖北德安之新家開陣亡其所部本七營續添

馬隊兩營當分撥六營交劉銘傳節制其餘三營仍交樹珊弟總兵張樹屏統帶至三月中公又以銘軍馬隊尙單與豫撫商撥杭州副都統善慶所部吉林黑龍江騎兵并歸劉銘傳調度至五月劉士奇因假回籍其奇字馬步入營即歸昭通鎮總兵沈宏富代統九月中福建陸路提督郭松林回營銷假公即以武毅軍咨令接統並抽撥運防湊集二十營交令整練至十月中並以劉士奇病久不痊所部奇字馬步入營併歸郭松林統帶又將王永勝開字馬步十一營併歸楊鼎勳潘鼎新分統於是公弟昭慶有馬步入營而淮軍之勁

淮軍本誌記

卷十一

七

旅於銘盛兩軍之外又有松林之武毅軍及鼎字全軍爲大枝云時公遂派定盛軍及公弟昭慶劉秉璋所部專守運河外牆又定遊擊之師三枝劉銘傳潘鼎新各爲一枝郭松林楊鼎勳合爲一枝每枝均及萬人於是躡賊所向有守有戰不百日而東捻以平先是二月間鮑超以病請假霆軍楚勇共三十餘營由鄂撫派令宋國永唐仁廉分統至是賊走肥城霆軍記名提督唐仁廉以所部仁字三營來東協勦公以鼎軍馬隊過少即以所部飭與鼎軍合進至東捻肅清銘軍馳逐數年各營疲弊不堪銘傳又適患病請假三月歸里七

月春西捻北犯奉

旨令公飭調各軍進援時張樹屏樹字三營已在河北公即督率周盛波周盛傳馬步十一營北征並派潘鼎新鼎字全軍善慶溫德勒克西馬隊北援又派唐仁廉馬勇郭松林楊鼎勳武毅勳字各軍共四十營跟蹤北上銘軍全部即委銘軍營務處丁壽昌代統駐防邳州又先調銘軍馬隊十餘營提督陳振邦統率協進助勦三月中公又以盛字全軍派周盛傳吳長慶分統帶隊協勦是年六月銘傳病愈回營銷假仍統所部進勦至湖南提督楊鼎勳在滅河防所病故其勳字全

淮軍平捻記

卷十一

八

軍步隊十五營馬隊三營向係三營一分統共統領六員當即委派統帶勳前軍記名提督王萬釗代統焉至西捻平定各軍凱撤善慶溫德勒克西馬隊奉

旨回京十一月公與會公商定遣撤留防乃裁遣淮勇銘軍馬隊

一營鼎軍馬隊二營仁軍馬隊三營樹字三營全撤勳軍由滄州減防撤回即飭營務處段詰會同王萬釗等裁撤馬隊三營步隊十營共遣撤馬隊步隊五十營勇夫踰三萬人於是銘軍全營令臬司劉盛藻統帶駐紮河北東昌一帶鼎軍留七

營兩哨駐防山東以徐州毗連東皖豫三省邊界最為重鎮
令董鳳高以鳳字四營并慶軍之統帶提督吳長慶步軍八
營馬隊三營會同駐防蘇境沿江千餘里伏莽甚多令道員
段喆帶勳字五營移駐金陵為東南關鍵雖有湘軍駐守公
又留劉玉龍開花砲隊一營駐守下關江口公即帶提督郭
松林裁剩步隊五營總兵周盛傳裁剩步隊九營馬隊三營
並親兵砲隊二營赴湖北省城駐紮於是淮軍留防各軍猶
八十餘營勇人猶幾五萬人云

淮軍向在江南勦賊本無馬隊自曾公調師北征始行添練四
淮軍平捻記 卷十一 九

年三月劉銘傳派參將崔萬榮同馬勇王春德等赴古北口
張家口一帶挑買戰馬五百匹五年五月楊鼎勳派副將楊
大章遊擊顏有貴都司劉玉龍等赴古北口張家口一帶挑
買戰馬五百匹至十一月公又
奏請於察哈爾商都太僕寺牧羣及各札薩克蒙古捐輸馬飭
撥一千五百匹解營奉

旨命允此項馬匹並於六年正月到營至六年三月又派參領烏
爾圖訥遜副將德興赴綏遠城採辦馬匹山東臬司潘鼎新
派員赴張家口喇嘛廟一帶購辦駱駝三百匹馬一百匹五

月中統帶馬隊浙江等處州鎮總兵馬德順派遊擊張顯揚
御前侍衛吳德水赴古北口張家口採買戰馬一千六百匹
於是鮑超有馬隊十二營後經裁撤令仁廉挑選壯馬八百
匹赴公營助勦當即編立仁字馬隊三營劉銘傳所部吉林
黑龍江馬隊官兵共七百十五員名並馬勇二營係副都統
善慶管帶又馬勇五營係副將陳振邦管帶銘軍馬隊十三
營劉秉璋潘鼎新周盛波各有馬勇二三營公弟昭慶統馬
勇四營共計淮軍馬隊二十八營每營以馬二百五十匹
計之尚不足七千匹嗣武毅軍又添練馬隊七營遂以告成

淮軍平捻記 卷十一 十

大武後捻逆蕩平銘軍裁遣馬隊一營鼎軍裁遣馬隊三營
武毅軍裁遣馬隊七營盛軍裁遣馬隊二營仁軍裁遣馬隊
三營勳軍裁遣馬隊三營善慶所帶吉林黑龍江官兵全數
回京淮軍之所留防馬隊營僅公之親兵三營及銘軍四營
而已

淮軍薪水口糧之制凡步隊營官每月給薪水銀五十兩又只
給辦公經費銀一百五十兩均不扣建凡營內幫辦及管賬
目軍裝書記醫生工匠薪糧並製辦旗幟衣各費在內哨
官以次均以日記哨官每員日給銀三錢哨長每名日給銀

二錢什長每名日給銀一錢六分親兵及護勇每名日給銀一錢五分正勇每名日給銀一錢四分伙勇每名日給銀一錢一分長夫每名日給銀一錢一營計營官一員每月支銀二百兩哨官每員大建月支銀九兩小建月支銀八兩七錢一營四員計大建月支銀三十六兩小建月支銀三十四兩八錢哨長每名大建月支銀六兩小建月支銀五兩八錢一營四名計大建月支銀二十四兩小建月支銀二十三兩二錢什長每名大建月支銀四兩八錢小建月支銀四兩六錢四分一營三十八名計大建月支銀一百八十二兩四錢

淮軍本抄記 卷十一 十一

小建月支銀一百七十六兩三錢二分營官親兵計六十八人哨官護勇每哨五人四哨合二十人每名大建月支銀四兩五錢小建月支銀四兩三錢五分一營共計親兵護勇八十八人大建月支銀三百六十兩小建月支銀三百四十八兩正勇每哨計八十四名每名大建月支銀四兩二錢小建月支銀四兩六分合營共四哨計三百三十六名大建月支銀一千四百一十一兩二錢小建月支銀一千三百六十四兩一錢六分伙勇每名大建月支銀三兩三錢小建月支銀三兩一錢九分一營親兵隊伙勇六名每哨伙勇九名計共四十二

名通計大建月支銀一百三十八兩六錢小建月支銀一百三十三兩九錢八分長夫每名大建月支銀三兩小建月支銀二兩九錢一營統計一百八十名大建月支銀五百四十四兩小建月支銀五百二十二兩以上每營統計大建月支銀二千八百九十二兩二錢小建月支銀二千八百零二兩四錢六分其統領之制則除統領自帶一營本營薪水公費夫價照支外又議另酌加凡統至三千人以上者每月加公費銀一百兩加夫十名統至五千人以上者每月加公費銀二百兩加夫二十名統至萬人以上者每月加公費銀三百兩加夫三十名凡帶千人者每月支銀不准過五千八百兩凡帶萬人者不准過五萬八千兩凡帶百人用長夫不准過三十六名凡帶千人者用長夫不准過三百六十名於是軍中無浪費此外凡新立營頭及奉札招勇未經大營點名其勇夫勇丁均有小口糧至大營上憲委員點名後再行起支大口糧其小口糧之制則勇丁勇夫一例每名日給制錢一百文其勦賊有陣亡者受傷者又有卹賞之制其陣亡者每名卹銀五十兩其受傷頭等者每名賞銀十五兩二等者賞銀十兩三等者賞銀五兩成廢者另加其馬隊立營章程凡

淮軍本抄記 卷十一 十一

營官月給薪水並馬乾銀五十兩公費銀一百兩幫薪月給銀十六兩字識銀九兩一營營官一員幫辦一員字識一員共支銀一百七十五兩正哨官每員月給銀十八兩一營計四員共支銀七十二兩副哨官每月月給銀十五兩一營計副哨官六員共支銀九十兩以上均不扣建什長每名日給銀二錢六分大建月支銀七兩八錢小建月支銀七兩五錢四分一營什長共二十五名大建月支銀一百九十五兩小建月支銀一百八十八兩五錢馬勇每名日給銀二錢四分大建月支銀七兩二錢小建月支銀六兩九錢六分一營共五哨每哨馬勇五十名統一營計二百五十名大建月支銀一千八百兩小建月支銀一千七百二十五兩散勇如步隊正勇每名日給銀一錢四分大建月支銀四兩二錢小建月支銀四兩六分一營共散勇二百五十名大建月共支銀一千零五十兩小建月共支銀一千零十五兩火夫如伙勇每名日給銀一錢一分大建月支銀三兩三錢小建月支銀三兩一錢九分一營共用火夫三十一名大建月共支銀一百零二兩三錢小建月支銀一百零五兩二錢七分又每營長夫五十名每名月給銀三兩不扣建每月共支銀一百五十

淮軍平捻記

卷十一

三

兩又每營油燭月給銀二十五兩至遊擊各處爨煮一切需用柴草每營月給銀八十兩不准兵勇下鄉砍取樹木此上三項銀均不扣建共計馬隊一營大建月支銀三千七百二十九兩三錢小建月支銀三千六百二十五兩二錢七分此外獸醫鐵匠添換旗幟及大小掃把鐵括竹槽出自營官公費若修補鞍上坐褥布履後鞦轡頭肚帶及拴肚帶寬皮條拴鐙窄皮條哨官兵勇自辦其更換鞍橋油皮驢皮札鐵嚼全副馬鎗弓箭札草刀草料口袋由軍械所辦給若搬運一切車價或買大車及採辦駱駝等項均由糧臺發價至所給

淮軍平捻記

卷十一

南

至凱撤始清理云

淮軍平吳之役其餉以上海江海關稅及蘇省釐捐所入為大宗自江浙肅清後稅入口繼而京餉每年二十萬之外又有陝甘總督楊岳斌募勇赴陝勦辦逆經費三萬兩於三年十月間撥解嗣又奉

諭飭派每月協撥甘餉二萬兩此外又有皖省協餉及外國教練洋鎗口糧并攤還西洋軍火價銀各款以致本省調征留防各軍七萬餘人皆有積欠至四年正月勦松兩軍援閩由滬航海至廈門登岸所雇火輪夾板等船所費已近十萬兩兩

淮軍平捻記

卷十一

五

軍又以援閩道遠鄂松林楊鼎勳等又求給兩月口糧其所費又十餘萬兩時又奉

諭閩省餉源早竭飭即派兵籌畫軍裝口糧並於到省後源源接濟公又令海關道丁日昌在滬籌解並派已革廣東候補道段喆隨隊前往照料並於滬廈兩處設局時援軍四出而蘇省關稅釐捐均形減色於是有收捐餉票之舉至四年四月戶部議駁兵勇多以領票為苦自上年十月開辦以來僅發過餉票五十萬指生亦多觀望公即委請停止時蘇省克復之初公事事與民更新凡善後之事一律舉辦如濬河興學

撫卹勸農及常鎮招撫荒田與上海通商洋務均次第興辦加以防勦各軍餉需及製造採辦各項雜支額款每月所支將近五十萬而蘇滬稅釐及蕪庫地丁率算每月所入不足三十萬皆挪東掩西竭力維持公以京餉義不可緩而甘餉月解一萬已為勉力因於五月間奏請之時又奉

諭派兵北援公因令鼎軍航海赴天津防衛
畿輔所需輪船僱價及五千人月餉入九萬兩竟不能奏此鉅款公因奏請本年夏李奉撥京餉五萬兩暫行截用作為北援餉需嗣再設法籌解奉

淮軍平捻記

卷十一

六

旨俞允及曾公奉

命督師勦捻匪公署任兩江督篆凡前敵各營及江南通省水陸留防兵勇餉需並江南全省善後各事宜均責望在公時軍餉出入共有四臺曰山內糧臺曰江外糧臺曰金陵糧臺曰行營糧臺其山內糧臺設在安徽祁州所入之款一日饒州景德鎮半厘江西全省釐金已奏明歸還本省惟饒州景德鎮二卡釐金仍留應分之半解濟祁臺查核每月收數衰旺率計約月入二萬餘中制錢一日皖茶引捐自三年設局至年底衰旺時有不同率計月入約銀二萬餘兩一日皖南分局牙釐約計月入一日皖南地丁錢糧約計每八其江外糧臺設在安慶所入之款

釐以實京餉公乃於五年三月間具奏請加釐加課其略曰
臣前接分釐部文與曾國藩熟商惟有減釐加課於部餉可
增於商本無損於軍餉亦不致大絀上年兩淮祇解部餉銀
十萬兩本年若照臣等前奏辦法非特部撥三十萬及內務
府三萬兩可以籌解足數若軍情無變銷路無阻鹽課得有
盈餘亦必全供軍餉乃部中於外間情形未能深悉即如覆
奏內稱四年鹽釐單內有解安徽餉款共八十餘萬兩皖省
早經肅清該撫營內本有月餉用款未經核實等語查前次
報清單惟錢款項下列解皖營軍需錢四萬六百餘千文係

淮軍平捻記

卷十一

九

分濟安徽撫臣喬松年之餉其安慶牙釐局安慶糧臺則皆
係曾國藩所設前單所解臺局鹽釐尚係金陵未克以前經
曾國藩撥於湘楚各軍緊餉絲毫皆歸實用並非批解安撫
營內又覆奏內稱運庫經費一錢八分與原奏不符查咸豐
七年經前督臣奏明每鹽百兩令完銀一錢五分以一錢二
分作為報撥正稅三分作為外銷經費經部議准在案每引
六百兩應收經費一錢八分係照奏案辦理並非與原案不
合至曾國藩遣撤各軍欠餉繁疊皆須陸續籌補其隨征留
防楚軍尚有三十餘營上年出省時曾經添募新營現復加

練馬隊購買駝駝戰馬製造營帳及洋鎗炸炮軍火費用日
增而舊有之廣東江西湖南釐金早已歸還本省新撥之山
東山西河南協餉又均報解無期臣部淮軍自東南肅清後
全調皖豫東徐各路並未裁撤一營路遠供繁蘇餉短絀
亦不能不稍分接濟以統年淮南鹽釐所入約計尚不敷用
上年將各岸應完之釐酌量預提並將淮北課釐勉奏支放
始克敷衍分釐解部之議目前勢有未能至加完鹽課前奏
內聲明定於三月初一日起已通飭各局一律遵辦現催兩
淮運使丁日昌趕籌課銀十萬兩儘三月內滙解進京以應

淮軍平捻記

卷十一

十

戶部急需餘俟鹽課收有成數再行接續解部云云奏入報
可至十一月公受任督師
朝命曾公回兩江本任辦理餉需軍火於是轉運籌餉之責均
以曾公為倚重云

淮軍平捻記卷十二

附紀二 軍儲

淮軍之精於礮火也以公之僱募英法弁兵教練洋鎗隊始然
夷情巨測要挾多端尤非公之御之有法寬猛相濟亦無以
推廣盡利當同治元年秋九月

論

中國員弁學習洋人製造各項火器之法務須得其密傳能利
改剿以爲自強之計時公初至上海江蘇一片賊氛公即在
上海僱募英法弁兵通習軍器者仿照製辦並令參將韓殿
甲督率中國工匠盡心學習因即開局製辦造開花礮彈自

淮軍平捻記

卷十二

一

來火等件又以江西候補知縣丁日昌留心西人秘巧至二
年八月即奏調來滬督匠遺造於是公設炸彈三局一爲西
洋機器局派英人馬格里僱洋匠數名照料鐵爐機器又派
直隸州知州劉佐禹選募中國各色工匠幫同造作一爲韓
殿甲之局一爲丁日昌之局韓丁二局皆不僱用洋人但選
中國工匠仿照外洋做法並皆實事求是精益求精而各營
勇弁練習期年皆能開放如法是以蘇省名都大邑皆不旋
踵而復而淮軍之精習外洋火器中外交推至三年五月間
總理各國事務衙門奏稱練兵之要制器爲先洋人所製炸

礮炸彈等項尤爲行軍利器現在李鴻章軍營製造此項火
器已有成效擬請飭火器營於曾經學製軍火弁兵內揀派
武弁八名兵丁四十名發往江蘇一體學習即奉

旨

令火器營派弁兵赴蘇學習即交公差委專令學習炸炮炸
彈及各種軍火機器至六月二十日護軍參領薩勒哈春等
官兵四十八員到滬公當即酌令儘先參領薩勒哈春候補
副參領崇喜並護軍校英玉慶等四員帶京營兵二十名赴
洋人馬格里等礮局又令儘先副參領色布什新並護軍校
達隴阿等二員帶京營兵十員赴韓殿甲礮局又令額外空

淮軍平捻記

卷十二

二

花翎德俊並護軍校常慶等二員帶京營兵十名赴丁日昌
所設礮局分配學習又酌定參領薩勒哈春副參領崇喜色
布什新空花翎德俊等四員每員月給薪水庫平銀三十六
兩其幫帶之護軍校常英玉慶達隴阿常慶等四員每員月
給薪水庫平銀二十四兩兵丁四十名每月支支庫平銀八
兩跟役十二名每名月支庫平銀三兩書識紙張雜費每月
共支銀十兩共月支庫平銀六百零六兩山海關道給發至
九月間以英國兵官馬格里所製開花礮彈無遠不中無堅
不摧得以克復蘇州等城奏請

賞給優獎未

旨給予三品頂戴馬格里者本為英國兵官由常勝軍改赴淮軍投效公即令其教練西洋鎗礮隨隊攻剿於三月間公即先行給予四品頂戴旋即設局仿造西洋各火器馬格里皆能悉心講究故公為之奏獎焉至五年八月又為奏請賞給道員虛銜云是時公部淮軍各營山礮隊皆用開花礮其抬鎗小鎗隊皆改用洋鎗隊故所部陸軍五萬餘人約有洋鎗三四萬桿銅帽月需千餘萬顆粗細洋火藥月需十餘萬觔又有開花礮隊四營一為潘鼎新所帶一為劉秉璋統帶其二

淮軍平捻記

卷十二

三

為副將羅榮光劉玉龍兩營其洋礮之重者千餘觔輕亦數百觔其礮具之堅精藥彈之製度盡仿洋式其始猶購自外洋其繼皆出自三局云四年五月奉

寄諭

許彭壽潘祖蔭奏請飭江蘇巡撫解落地開花礮並據請悉製造火器之員山輪船北上並著查明洋鎗隊向有若干迅即酌量派撥出輪船赴津其帶隊洋人應否酌派數員隨同向北將弁管帶并即派委委員帶領熟諳製造火器之匠役數人趕緊前來等因即覆奏其略言先奉五月初一日

寄諭飭派得力鎮將統帶勁旋北援當即籌派常鎮道潘鼎新統

領所部淮勇十營內有開花礮隊一營由滬航海赴津與許彭壽等請飭解開花礮之奏不謀而合其戈登所存洋鎗隊千人現以余在榜袁九皋兩副將分統而統於潘鼎新其接手之洋官質貝只予以教練虛名俾約束各兵頭不准干預公事鼎新所部開花礮隊一營向募有洋人隨營教習由該道節制毋庸另派管帶其餘在榜所帶洋鎗隊五百餘人袁九皋所帶三百餘人連餘丁共一千餘人原議以此專防上海若再抽調恐不足贖外人之望臣已飛飭丁日昌體察情形一面募補一面妥商巴夏禮等將余在榜一營交潘鼎新

淮軍平捻記

卷十二

四

帶令北去該營弁勇皆熟諳洋人鎗礮火箭用法亦毋須洋弁管帶前往潘鼎新此行約帶大小開花礮子一萬餘顆蘇滬各局存儲尚多仍隨後運濟臣常與洋弁討論火器論知巨礮攻城越營最利而用子最多至於平原曠野行陣自隨止須十二磅及九磅六磅長礮及田雞礮最為輕靈又苦不能及遠臣仍飭潘鼎新到直東後察酌情形如應設局製造即妥議章程由臣飭商丁日昌酌派該局諸練之員帶領匠役赴津開局鑄造炸彈以資應用云云此天津設機局之所昉也於是公所設三局凡軍火中之短炸礮與各種炸彈均

能製造然未得外國全副機器不能推行盡利公時設法購求適是時上海虹口地方有洋人機器鐵廠一座出賣又值海關通事唐國華因案革究贖罪願集資購成此座鐵廠以贖前愆時丁公日昌爲蘇松大海關道當爲具詳請示公當卽會同曾公具奏日竊自同治初元臣軍到滬以來隨時購置外洋鎗礮設局鑄造開花礮彈以資攻剿甚爲得力上年春間蒙總理各國事務衙門函詢學製各種火器成效何如當卽請細具覆以短炸礮與各種炸彈均能製造其炸礮及洋火藥非得外國全副機器不能如法試造現亦設法購求

淮軍平捻記

卷十二

五

以期一體學製至於各國運用之妙與洋人之貴重此器暨日本視中國之強弱以爲向背各情形亦推闡陳明經總理衙門抄函恭呈

御覽

並以臣函中所言慮患防微與該衙門所籌適相符合宜趁南省軍威大振洋人樂於見長之時將外洋各種機器實力講求期得盡窺其中之妙有事可以禦侮無事可以示威等語於同治三年四月二十八日奏蒙

諭旨

飭由火器營派撥護軍參領薩勒哈春等官兵四十八員名到蘇經臣酌派在丁日昌韓殿甲及洋人馬格里等三局分

習製造專摺覆奏在案查製造船礮軍火各種機器有通用者有專用者若買製齊全須數十萬金僱覓中外匠工採購外洋銅鐵木炭等料亦需費不貲臣處所設西洋礮局其機器僅值萬餘金不全之器尙多祇可量力陸續添購以求進益前因曾國藩派人赴英美各國採訪該處船礮機器實價臣並議及此物若託洋商回國代購路遠價重既無把握若請派弁兵徑赴外國機器廠講求學習其功效遲速與利弊輕重尤非一言可決不若就近海口訪有洋人出售鐵礮機器確實查核議價定買可以立時興造進退之權既得自

淮軍平捻記

卷十二

六

操尺寸之功均獲實濟擬飭海關丁日昌在滬訪購如製器之器已可購得若干仍應添補若干或宜另擇妥口試辦容通盤籌議略有端倪方可入

告以上各情均經節次函商總理衙門一面飭訪購辦此臣處前

議辦鐵礮機器之原委也又去年十二月初九日欽奉

寄諭昨據御史陳廷經奏綠營水師廢弛請飭整頓營伍製造軍

火一摺着曾國藩李鴻章會同水師奏明辦理原摺抄給閱看等因欽此遵查原奏所議軍火一節大意以夷情叵測恃有戰艦機器之精利逞其貪縱然彼機巧之器非不可以購

求學習以成中國之長技請於廣東等處海口設局行取西
洋工匠置造船廠以期有備無患等語雖語焉未詳未得要
領而大致與總理衙門暨臣等所籌議不謀而合會國藩平
時亦持此論自應遵

旨商酌辦理茲據丁日昌稟稱上海虹口地方有洋人機器鐵廠
一座能修造大小輪船及開花礮洋鎗各件實爲洋涇浜外
國廠中機器之最大者前曾問價該洋商索值在十萬洋以
外是以未經議妥茲有海關通事唐國華歷遊外國多年熟
習洋匠本年因案革究贖罪情急與同案已革之并手張燦

淮軍平捻記

卷十二

七

秦吉等願其集資四萬購成此座鐵廠以贖前愆廠內一切
機器俱精所有匠日照舊發價任憑遷移調度其餘廠中必
需之物如銅鐵木料等件另值銀二萬兩由該關道籌借款
項給發採買以資興造先行請示前來當查唐國華一案既
情有可原報效軍需贖罪亦有成案可援此項外國鐵廠機
器覓購甚難機會尤不可失批飭速行定議稟候分別具奏
並飭該廠一經收買卽改爲江南製造總局正名辦理以絕
洋人覬覦其丁日昌及韓殿甲舊有兩局卽併總局一切事
宜責成該關道丁日昌督察籌畫會同總兵韓殿甲暨素習

算造之分發補用同知馮峻光候選知縣王德均熟諳洋軍
火之候選直隸州知州沈保靖一同到局經理所有出入用
款收發器具稽查工匠分派委員數人各司其事分飭遵照
去後旋據丁日昌等查造該廠機器物料件數清冊擬具開
辦章程約有數端一核計局用房租薪水及中外匠工等有
定之款月需銀四千五百兩其添購物料多寡不能預定
大約每月總在一萬兩以上一查原廠所用之洋匠計留八
人其匠日料而一名技藝甚屬精利所有輪船鎗礮機器俱
能如法製造現擬於華匠中留心物色督令操習如有技藝

淮軍平捻記

卷十二

九

與洋人等者卽給以洋人工食再能精通則拔爲匠目以示
鼓勵一現造洋鎗器具尙未全備已令匠日趕製全副約大
小四十餘件數月可以成功如式仿製卽省功力惟已製洋
鎗則必需銅帽又必需洋藥皆係相因而至之物不容徧廢
但開製藥機器工料尤爲繁重容再設法購求俾可推行並
利一查鐵廠尙以修造大小輪船爲長技此事體大物博毫
釐千里未易絮長較短目前尙未輕議興辦如有餘力試造
一二以考驗工匠之技藝其繕全織布挖河犁田諸器雖可
仿製但其法式同中有異觸類引伸尙須考究尤當權其輕

重緩急庶不致凌亂無序一前奉議飭以天津拱衛

京畿宜就廠中機器仿造一分以備運津俾京營員弁就近學習以固根本現擬督飭匠目隨時仿製一面由外購求添補但器物繁重非窮年累月不能成就尙須寬以時日庶免潦草塞責一查本廠現在虹口每年房租價銀六七千兩實爲過費兼之洋涇浜習俗紛華遊藝者易於失志廠中工匠繁多時有與洋人口角生事均不相宜應請擇地移局其他所議如機器宜擇人指授工匠不令隨意去留費用宜實報實銷賞罰宜明定章程以上各條均屬切實臣查此項鐵廠所

淮軍平捻記

卷十二

九

有係製器之器無論何種機器逐漸依法仿製卽用以製造何種之物生生不窮事事可通目前未能兼及仍以鑄造鉛礮籍充軍用爲主月需經費臣隨時於軍需項下通融籌撥如將來各種軍器仿照洋式造成取攜甚便卽可省購買洋軍火之費上海虹口地方設局於久遠之計殊不相宜稍緩當籌款另建房屋移至金陵沿江偏僻處所以便就近督察曾國藩採辦西洋機器俟到滬後應歸併臣處措置至前次派在丁日昌韓殿甲兩局之護軍校達喇阿等四員京營兵二十名已飭入廠學習其儘先參領薩勒哈春副參領崇喜

等所帶弁兵本在蘇州西洋砲局該局機器與上海鐵廠亦自同源仍可互相觀摩惟此事形下不能形上與規矩不能與巧將來各弁兵所得之淺深恐難以一例繩也機器製造一事爲今日禦侮之資自強之本總理衙門原奏言之甚詳已在

聖明洞鑒之中抑臣又有所陳者洋機器與耕織刷印陶植諸器皆能製造有裨民生日用原不專爲軍火而設妙在借水火之力以省人物之勞費仍不外乎機括之牽引輪齒之相推相歷一動而全體俱動其形象固顯然可見其理與法亦確

淮軍平捻記

卷十二

十

然可解惟其先華洋隔絕雖中土機巧之士莫由鑿空而談逮其久風氣漸開凡人心智慧之同且將自發其覆臣料數十年後中國富農大賈必有仿照洋機器製作以自求利益者官法無從爲之區處不過銅鐵火器之類仍照向例設禁其善造鎗砲在官人役當隨時設法羈縻耳天下至奇至異之事究必本於平常之理如或不然則推之必不能遠行之亦不能久陳廷經原奏以中國修造鐘表推之於機器雖有精粗大小之別可謂談言微中中國文物製度迥異外洋獠狃之俗所以郵治保邦固丕基於勿壞者固自有在必謂轉

危爲安轉弱爲強之道全由於仿習機器臣亦不存此方隅之見顧經國之略有全體有偏端有本有末如病方亟不得不治標非謂培補修養之方卽在是也如水大至不得不繕防非謂濬川澮經田疇之策可可講也事無鉅細樂成固難而圖始尤不易自來建一議興一利勞臣志士纏綿而經營之及乎習之既久相安於無事或幾不察其所自來而追溯創議之初於此中難易得失之數幾經審慎曷敢函芥而一試哉臣於軍火機器注意數年督飭丁日昌留心訪求又數月今辦成此座鐵廠當盡其心力所能及者而爲之日省月

淮軍平捻記

卷十二

十

試不決效於旦夕增高繼長尤有望於方來庶幾取外人之長技以成中國之長技不致見絀於相形斯可有備而無患此則臣區區愚誠之所覬幸者也於是又得上海東門外空地一區嗣卽將鐵廠移設彼處及公督兩江卽撥馬格里一局移設江甯南門外雨花臺側後天津又添設製造然製造精備以上海鐵廠爲最於後又開設製造輪船福建亦

奏請興辦前任江西巡撫沈葆楨奉

命爲船政大臣於是天下興造輪船之處僅上海福建兩處而福

建興工之始其工匠亦間由上海鐵廠選派云

湘軍志 十卷

光緒二十一年歲次
丙戌春三月開雕
於成都石印書局

湘軍志總目

湖南防守篇第一

曾軍篇第二

湖北篇第三

江西篇第四

曾軍後篇第五

水師篇第六

浙江篇第七

江西後篇第八

臨淮篇第九

援江西篇第十

援廣西篇第十一

援貴州篇第十二

援川陝篇第十三

平捻篇第十四

營制篇第十五

籌餉篇第十六

上海南京路
中國書局藏

目錄終

湖南防守篇第一

湘軍志一

自古言軍勢者多侈言形勝要害積疆弱之故然其實非也項羽繆言柳為天下上游湖南自郡縣以來曾未嘗先天下 國朝移行省於長沙復漢國制控扼十六大城以苗防故鎮守頗有精兵出征四方至其財賦全盛時才敵蘇松一大縣院司之選在直省下等咸豐初元巨寇洪秀全自全州出永柳圍省城掠舟洞庭遂連破名省天下莫能當 文宗憂之詔湖南治團練善後以鄉人副巡撫湘軍始萌芽矣方圍城時官吏倉皇治軍劣愈於武昌安慶其後湘軍日彊巡撫亦日發舒體

湘軍志一

日益尊至庭見提鎮易置兩司兵餉皆自專湘軍則南至交趾北及承德東循潮汀乃渡海開臺彎西極天山玉門大理永昌遂度烏孫水屬長江五千里擊標聞於海自書契以來湖南兵威之盛未有過此者也無他故專滅洪寇之功耳然而洪寇之盛則亦由湖南始始合圍而縱之後起偏師追而殲之豈天數耶一二人謀力之所致也道光三十年五月庚戌廣西亂始上聞其時慶遠平樂潯州在在劫掠而名者陳亞貴廣東英德盜掠浹光戕守備走懷集湖南始戒嚴駱秉章為巡撫九月詔徵鎮守兵二千詣梧州從兩廣總督進征起李

星沅於長沙授欽差大臣專赴廣西又 命秉章出境防勦秉章奏省城居中宜鎮定且飭邊吏屯戍十二月陳亞貴平乃討金田金田村者潯州倚郭桂平縣地前史所稱大藤峽也其西則武宣貴縣土客民自來襟居相讎姦民楊秀清利容豪資說令求土民女為妾又自至土家激撓之因勸豪劫女使相攻燒眾無所歸秀清則悉劫之以叛有眾數千惡自倡亂乃投金田合於洪秀全自明末西夷人以數算新法詫中國因得布其祆教愚民傳奉世代秘守婦女尤惑之秀全亦假以招誘懼官吏訛索遂拒險屯結秀清至自言通天語秀全當

湘軍志一

二

為天兄咸豐元年僭號天王出掠秀縣廣西巡撫周天爵提督向榮將萬人并前發諸軍四千餘人圍之大黃江星沅天爵不相下奏請統帥大學士塞尚阿帥二都統將四千五百人駐湖南為聲援四月 詔塞尚阿代星沅星沅薨寇自武宣潰圍東北走象州秉章奏言湖南防兵四千餘前 詔提督余萬清出境會攻力不足命總督程裔采行邊六月寇還武宣八月潰圍大破巴清德軍東走藤北犯永安陷之余萬清母喪解官留營九月鮑起豹為提督屯江華二年二月永安寇潰圍直北趨陽朔四總兵敗死遂圍廣西省城余萬清將千

人往援屯北門三月郴盜劫餉銀殺知州胡禮箴四月
寇解廣西省城圍東北陷興安全州撤七千人追之以
和春將壬寅寇入湖南境將趨永州阻水退走道州余
萬清先還守道州城總督駐衡州聞寇遠乘舟北走萬
清亦棄城不守乙巳道州陷巡撫委事總督總督聞永
州寇退復還衡州六月庚辰朔塞尚阿移駐永州合兵
二萬餘人圍寇道州檄鮑起豹還長沙丁亥寇分陷江
華殺知縣劉興桓壬辰陷永明丁未陷嘉禾戊申陷藍
山七月己酉朔陷桂陽州知州李啓詔走死庚戌陷郴
州殺知州孫恩保詔罷駱秉章逮治余萬清以羅繞

湘軍志一

三

典治軍長沙料兵唯二千餘人練勇三千餘人巡撫張
亮基未至總督程裔承託衛防不來秉章繞典方議築
土城禁謠言未能謀兵事也寇既陷郴疑所往己未走
永興殺知縣溫德宣分黨踞之大軍悉移永興蕭朝貴
者以膽諷自奮謂羣寇遲悞獨率千餘黨謀襲長沙繞
山道東北行百九十里掠安仁兩寅陷之北犯攸丁卯
陷之遂過醴陵丙子至省城南十里止城中料寇當從
耒衡正道來民走報寇至怒其無公文執將斬之石馬
鋪屯將尹培立以潼關副將率陝西軍千人倉卒拒戰
陝軍不慣稻食所屯地無麪皆買之城軍未朝食相

持一時許皆潰散培立死之於是潰軍或走城中巡撫
方巡城乃遠還塞南門然猶不知何軍潰敗城外居民
亦不知寇已至蕭朝貴設幕城南有楊生者誤以為達
官上謁獻策朝貴領之俄而寇將至怪問何人朝貴曰
此楊先生條程事者生覺蒲伏幕後踰山走而寇望城
東南隅高樓以為城樓趨之則非門返而南門塞城中
乘城分守矣寇據郭外民居不知所以攻但發礮擊城
礮丸及城中街有賣漿者方食而碎其盤城中大震或
議發城上大礮擊之或曰無礮臺必驚岫城垣不可輕
也寇至之日城中兵勇八千餘統將數百名隸巡撫巡

湘軍志一

四

撫不敢言節度諸生及舉貢各自請領百人或二十人
佐巡塚口多詣羅繞典言事布政使恆福內召潘鐸代
之未至署司道周頌張其仁等莫敢與兵餉大議惟善
化知縣王葆生頗好言兵諸大吏將帥亦莫之問也鮑
起豹居城南樓迎城隍神大像與對坐張亮基已至甯
鄉界聞警還屯常德集兵八月壬午鄧紹良將英雄兵
九百人屯南城始發礮擊外寇潘鐸至步巡城中令居
民商賈各安業無恐城中被圍七日亦稍自定詔奪
塞尚阿程裔采官以徐廣縉并代之促向榮赴援向榮
自四月初稱疾居桂林塞尚阿深劾之罪至遣戍榮終

不起聞塞尚阿罷乃疾行癸巳至丁酉張亮基至己亥
駱秉章解任留居城中庚子柳冠悉趨長沙益募礦夫
穴城根九月丙辰塞尚阿至諸援師大集近五萬矣向
榮不樂居城中以寇渡湘亦率所部渡湘為屯時獨搏
戰不利諸軍相視莫往城南戰事主於和春屯白沙井
自以扞遏為功而江忠源以偏師與合屯或以為忠源
之謀然寇與官軍均踰伏屯內屯外一里行人來往自
如入城者唯避南門其餘六門皆可繼以出入衢巷間
婦女娛遊酒食過從盛於平時忘其為圍城焉丙子南
城地雷轟發城岫四丈鄧紹良部軍方集天妃祠攤錢

湘軍志一

五

博戲紹良獨拔刀當城缺斫先登一人者顛部軍聞之
皆棄錢奔城缺寇不敢上練丁輦木石塞缺口城守復
定十月己卯地雷再發不及城垣甲午地雷發城岫八
丈瞿騰龍拒缺口寇復退走於是徐廣縉方止湘潭議
者以為合兵腹背擊寇可殲也而巡撫羣官以為塞尚
阿在城中廣縉不宜來逼之其前軍將福興寔來乙未
夜半寇渡湘西走丙申城上詢寇屯疑空虛有呼者曰
賊去矣將帥聞報皆愕且懼無敢言賀而僚吏士民相
慶論功不復問寇所往張亮基奏請防湘潭徐廣縉以
為寇走甯鄉遣兵南防湘鄉故寇收罷眾從容以去或

曰和春軍士賣縱之或曰非也寇不畏官軍安有賄之
戊戌寇破益陽掠船出資口十一月己酉破岳州岳州
之防以土人領漁船五百柵土星港逼諸商賈民船萬
數寇至漁船散走悉掠兩岸人船寇勢自此盛矣諸將
唯向榮遣兵尾追陣亡副將紀冠軍湖北提督博勒恭
武道員王東槐將八百人防岳州寇至與府縣官俱走
文宗悔用徐廣縉嚴詔切責廣縉知事必敗遂益逗
留與人書自言屏息以待雷霆湖北巡撫常大瀆奏留
江南提督雙福助守悉斂兵入城寇以故水陸長驅十
二月己卯湖北省城陷辛丑逮治徐廣縉以張亮基署

湘軍志一

六

總督潘鐸署巡撫羅繞典以雲貴總督防荆襄曾國藩
以在籍侍郎幫辦團練丁亥遣江忠源討瀏陽土寇方
省城之被圍也瀏陽廩生王應麟得周國虞通寇書國
虞懼殺應麟言官發其事下巡撫張亮基猶豫未敢
發周國虞者忠義堂盜魁也忠義堂自承平時有之劫
掠私鬥陰署徒黨歷年不能治亮基畏其眾初作奏以
為不足煩兵已而跋足臥且思躍起曰決矣乃遣忠源
忠源初至國虞以為兵少易與遽襲其營官軍出眾駭
退遂逼其巢下令良民投營領牌者貸死其夜解散數
千國虞走江西斬其黨眾十餘人湖南討土寇自此起

三年正月丁未寇棄武昌東下壬戌陷安慶張亮基至湖北治軍奏以江忠源自隨是時曾國藩始至省城議練軍城中守兵四千將領多者統五百人少或百人以游擊色欽額總營務練勇成軍者有南勇瀏勇楚勇寶勇湘勇率以文員領之而同知王葆生官最大餘悉用生監新田張榮組以知州在籍頗被擢用有事輒令將以往道員張其仁為總巡而夏廷樾裕麟為委員號幹練得與謀議二月寇連陷江甯揚州益趨東北潘鐸奏撤兵二千餘人留沅州兵千七百防省四月鐸病免駱秉章自湖北移撫湖南江西上猶土寇犯桂東廣東陽

湘軍志一
七

山土寇犯宜章臨武永興土寇起掠安仁並遣夏廷樾率張榮組往討之軍至寇解散國藩奏重懲內姦因以便宜捕斬姦民胥隸甚眾以劉長佑王珍將練勇州縣上言積盜拒捕者輒以兵往衡山新田劫盜起皆討禽之又令在城官兵月六會操以署參將塔齊布訓練勤特奏遷一階令兼領練軍五月廣西興安恭城寇起犯永明江華藍山臨武零陵永桂官兵拒討之鄰縣衡山姦民復相扇動張榮組羅澤南往捕之江甯寇分黨掠江西圍省城別遣寇黨浙江陷安慶江忠源自湖北率所部軍入南昌助守請援於湖南東章國藩以楚勇最

有名檄寶慶知府魁聯募二千人益以湘勇千人鎮算辰沅兵六百人遣夏廷樾朱孫詒名統之而羅澤南寶主其軍純用其弟子領營哨別用忠源弟忠淑率楚勇先進期會於瑞州忠淑軍於道潰散廷樾等至南昌一戰不利諸生死者七人收眾入城忠源以新軍不可用令往吉安擊土寇七月廣東樂昌寇犯興甯王珍拒走之八月南昌圍解援軍還江西太和寇陷茶陵王葆生塔齊布王珍合討之寇進陷安仁殺訓導吳崇尋退走鮑起豹以南昌圍故入城治防惡塔齊布之為曾國藩用也長沙協清德因而間之縱提標兵圍國藩行轅國

湘軍志一
八

藩走免遂移駐衡州語在曾軍篇九月湖北防江軍潰於田鎮張亮基免吳文鎔為總督廣東英德寇犯宜章周鳳山儲玟躬拒走之十月常甯土寇闖入治城殺典史吳世昌把總許得祿遂走嘉禾殺把總邵定太圍攻藍山圍總孫紀良鍾良欽等拒戰死儲玟躬張榮組破走之十二月江忠源死於廬州始議大集兵援湖北四年正月乙卯總督吳文鎔敗死黃州以台涌為總督寇自武昌犯岳州巴陵知縣朱元變死之二月乙亥寇陷湘陰西從陸道犯甯鄉曾國藩自衡州率水陸大軍浮湘東下間寇至遣儲玟躬往援甯鄉壬午甯鄉陷玟

躬聞警馳赴之眾議以寇盛宜止屯攻躬曰賊不取正道而旁出必人少也自吾領軍皆擊土賊今遇大賊不進何以率眾及至寇方縱掠攻躬軍見寇少遂驅之寇驚走出遇掠者還相擠致躬軍屯城外獨率十餘人卒與寇遇戰死南門羣寇傳相告官軍當來即夜引去湘陰岳州寇聞官軍大至亦俱北還駱秉章遣朱孫詒王珍率三千人出通城攻蒲圻聞寇復至收眾保岳州三月丁未寇大上圍岳州國藩軍亦至屯南津戊申岳州軍潰退寇從而上軍還省城寇踞靖港再陷甯鄉敗湘軍三營甲子陷湘潭省城上下皆寇屯巡撫提督委戰

湘軍志一

九

事於曾軍四月庚午國藩自攻靖港寇不利布政使徐有壬按察使陶恩培會詳巡撫請奏劾侍郎曾國藩且先罷遣其軍巡撫不可城中亦不復設備辛未塔齊布大破寇於湘潭丙子湘潭靖港寇俱退走踞岳州巡撫提督上功而曾國藩請罪有 詔詰責提督鮑起豹以專閫大員不聞出戰惟會銜奏報即日免官以塔齊布署提督塔齊布以都司署守備僅二年超擢大帥新從湘潭立功歸受印之日文武民士聚觀相歎詫雖起豹謙從亦驚喜以為 皇上知人能任使軍氣始振焉是時依故事提督列銜在巡撫前曾國藩以事降黜銜名

又在巡撫後而塔齊布謹事國藩自比於列將徐有壬等皆詣國藩賀且謝罪 詔令國藩擇司道大員隨營主餉有壬等惴惴恐在選中國藩笑謝之謂所親曰此輩怯懦徒敗吾事雖請同行吾固當止之況不欲乎乃修船選士合謀渡湖五月岳州寇陷常德分陷龍陽澧州援軍將周鳳山胡林翼李輔朝等自龍陽退保益陽水軍方艤船不能救常德知府景星副將富勒敦同知李春暄武陵知縣朱元增死之寇留屯十五日六月戊辰朔棄城北走時武昌圍久湖北巡撫青磨以請援就餉為名南走長沙已巳武昌陷湖南間飢民避寇從青

湘軍志一

十

磨來者萬數人心皇怖秉章運米往迎之則潰兵數百飢悴無人色青磨至長沙留數日西保荊州 詔斬以徇台涌免楊需為總督庚辰提督塔齊布從曾國藩出師進攻岳州署寶慶知府魁聯以習兵事 特補岳州知府與胡林翼各將兵勇繼進署提督多順還屯常德遣江忠淑趙后玉等自平江出攻通城七月乙卯塔齊布大破寇於岳州禽寇將曾天養梟之目三日猶視武昌羣寇間之為齋醮三日閏月戊辰朔克岳州甲戌江忠淑等收通城廣西土寇侵郴桂永州邊以王珍周雲耀防江華王葆生李輔朝防郴桂恭城寇犯全州增遣

陳立紀江忠濟防零陵東安八月己未曾國藩水陸軍克武昌漢陽湘軍自此名顯連州寇犯臨武參將趙永年拒走之仁化寇犯桂陽乳源寇犯宜章灌陽寇犯道州江華甯遠嘉禾王珍周雲耀及游擊駱元泰等先後合擊寇散走出境十一月駱秉章奏劾署提督多順庸劣湛酒罷之自此軍事奏報專於巡撫

湘軍志一

土

五年正月總督楊需黃州師潰曾國藩分水軍還援武昌餉道阻絕水陸軍將胡林翼李孟羣彭玉麟等皆仰資湖南大發船礮火藥銀錢拯之仁化寇陷桂陽趙后玉拒戰寇棄城還遯富川寇屯聚縣城王珍周雲耀出境攻討不利二月庚戌王葆生等攻廣東連州寇破之收其城湖北省城復陷三月富川寇入犯永明王珍等自江華馳擊破之貴州寇起鎮遠沅晃戒嚴是時諸軍專備廣東邊廣西防以委永州知府黃文琛岳州防以委魁聯辰沅防以委永順知府翟誥惟以不請兵餉者為能事魁聯驚直好爭議秉章弗善也會 詔補魁聯按察使不令還省受印魁聯自以奉 特簡徑還省城秉章因劾以委軍仍降知府幕客左宗棠雅善衡水道文恪文格時擢廣西按察不欲往因奏以文格署按察使翟誥權辰沅道但張戰功且募資助軍不以煩院司

故尤重翟誥奏補實授論薦甚力長沙知府倉景恬以失察盜鑄為巡撫所持奉令最謹巡撫專聽左宗棠宗棠以此權重司道州縣承風如不及矣守令能者朱孫詒知寶慶陸傳應知衡州及東安賴史直湘潭孫坦澧州胡鏞湘鄉唐逢辰邵陽邵綬名雖清濁有別皆敢於為政省城大政則鹽道裕麟委員王加敏得與操縱之柄自餘司道拱手而已於後論軍政吏治者推湖南而誦議亦自此起四月總督楊需免以官文為總督趙后玉出境攻樂昌至平石南遇寇敗死寇犯宜章王葆生軍潰富川寇犯零陵陷東安執知縣賴史直五月宜章

湘軍志一

土

寇掠臨武嘉禾增黨襲郴州陷據之王葆生等軍保永興衡陽土寇起文格遣軍合湘鄉團丁捕討寇黨破散六月通城寇入岳州邊殺臨湘知縣姚榮卿湘陰長樂團丁出新牆逼之寇退通城郴寇分陷桂陽州州民結團自衛湖南民團平江湘陰桂陽州列縣無與為比魁聯既罷以知府張承實領其軍承實辭復劾免之悉以軍隸江忠濟七月攻寇蒲圻之羊樓敗退岳州以劉長佑募千人助王珍攻東安東安陷寇已三月王珍初以八百人至寇空城出走珍屯城北江忠淑屯其東軍中無故自驚寇更還攻圍珍營戰不利俱東退四十里屯

井頭墟寇復入城踞守長佑至與珍合進八月辛卯朔寇分走新甯全州長佑援新甯珍追餘寇寇復東北走祁陽于道破散癸巳榔寇分掠興甯安仁邊癸卯陷永興甲辰陷茶陵永興寇分黨劫掠官軍悉屯茶陵省城戒嚴九月羅澤南自江西還軍援武昌江忠濟出軍會之收通城茶陵寇走江西永新分掠鄱縣王葆生等收茶陵王珍攻桂陽州陳士杰率團丁助之收州城移軍攻榔十月灌陽寇犯永明周雲耀入城城守十一月癸亥城陷雲耀自剄死甲子桂陽餘寇犯甯遠趙永年拒之下灌墟力戰死之永年雲耀皆起行伍領營兵號有

湘軍志一

智略至是俱死營將中無復知名者始專用練勇矣乙酉榔寇西走永明王珍劉長佑等分軍追破之珍收永明寇陷江華長佑還師衡州十二月壬辰貴州苗寇陷晃州圍沅州遂陷麻陽官軍躡之俱退走六年正月戊辰江華寇棄城走王珍要擊破之茶陵寇陷吉安江西列城盡為寇踞曾國藩居南昌軍報阻絕詔湖南出軍援應以劉長佑蕭啟江出醴陵瀏陽己亥克萍鄉四月江忠濟攻寇通城遇伏軍潰忠濟敗死湖北巡撫胡林翼遣軍援江西道崇陽聞敗進屯蒲圻要寇破之軍進至瑞州寇復入掠平江湘陰前隊及長

沙北界掠醴陵攸縣茶陵走江西遣王珍屯岳州丙子援江西軍克萬載九月辰沅軍出境援銅仁十月丁酉王珍軍出境收通城乙亥援江西軍克分宜十一月壬午朔克袁州癸卯胡林翼帥湘軍克武昌漢陽王珍軍還屯岳州十二月己未援江西軍克新喻遣趙煥聯等自茶陵收江西永甯余星元等自鄱收江西永新蓮花廳劉拔元等自桂東收江西崇義上猶七年正月廣西寇起興安靈川二月陷柳州遣永州防軍二千二百人隸蔣益澧別募千五百人援廣西曾國藩以父喪還湘鄉增遣王珍軍助劉長佑攻臨江四月

湘軍志一

援貴州軍收錦屏五月劉拔元等軍收龍泉六月王珍軍收樂安援貴州軍收永從七月湖北湘軍將劉騰鴻攻瑞州中破死復瑞州蔣益澧克興安八月壬子王珍卒於樂安十一月乙酉援廣西軍將黃輔鼎彭玉山攻平樂中破死蔣益澧克平樂十二月乙卯劉長佑蕭啟江克臨江是年援軍四出境內無警秉章以軍餉不給始清釐漕糧浮折減納價數官吏中飽裁監司例取省費億計計漕折最重者湘潭恆廿五千而納一石今乃三千八百而納一石若市價米石二千則以一千充軍餉以八百供縣用民減賦而國用增其後湖北江西皆

仿而行焉知縣黃瀆熙方在告兼章躬造其館起之下
檄令知湘鄉不由藩司文格大驚愾然無可奈何賴史
直失城當議罪而更奏薦後竟補岳州知府於是文法
拘格悉破矣又案揚州例推商貨貨釐設釐金局自為
收支以裕餉總之藩司列銜畫行莫能問其數局庫之
諸倍於藩庫兼章亦自以廉儉率下文格亦無所求取
故威行於府縣貪靡之風幾革

八年正月丙午援江西軍克新淦劉長佑以疾歸三月
庚辰援江西軍收宜黃崇仁四月壬子湖北湘軍將李
續賓克九江乙丑援江西軍克撫州己巳克建昌蕭啟

湘軍志一
五

江以疾歸五月戊子援廣西軍克柳州時江西寇悉走
浙江寇帥石大開號能合眾六年與章昌輝謀殺楊秀
清末發秀清遣之出江西昌輝敗獨還江甯殺秀清及
其黨三萬大開聞變還昌輝並欲殺大開大開走因殺
其母妻洪秀全又殺昌輝而名大開大開不敢還遂為
流寇貪連大衆不能剽疾避官軍而行黨眾恆數十萬
故不能久屯踞援軍既進江西無寇兼章念兵合不易
當遂入浙以滅寇為期兼章啟江先後歸恐遂不樂軍
事因奏請起復曾國藩奏下而 詔至 促國藩援浙兩
湖供餉兼章議以劉蕭軍屬之及王珍 舊部張運蘭軍

俱留在江西吳國佐者左宗棠所拔用方屯省城外為
中營六月丙辰遣從國藩發長沙八月胡林翼以母喪
還益陽戊午援江西軍將趙煥聯等與曾國荃克吉安
石寇復自福建犯江西陷瀘溪金谿安仁崇仁宜黃劉
長佑至撫州拒防九月破之新城寇還走福建長佑軍
以疾疫還十月壬戌李續賓敗死三河援貴州軍解黎
平圍進攻古州 詔起復胡林翼仍為湖北巡撫曾國
藩改援安徽石寇復出江西蕭啟江至軍遣拒之贛州
吳國佐罷還以曾國荃吉安軍及張運蘭軍從國藩屯
宿松

湘軍志一
六

九年正月石寇自南安陷桂陽縣蕭啟江躡之二月寇
陷宜章與寧郴州桂陽州所過人馬連行六日夜湖南
震恐寇將窺衡州自桂陽州取間道出花園堡陳士杰
軍數百扼七孔橋殊不知其大至卒相遇遂憑橋發礮
寇亦不知有軍於此愕而止未退而魏喻義將一軍本
屯驛道當寇衝懼孤屯將移善地自山後建旗吹角而
出寇見大驚遂返奔趣新田甯遠團永州別陷嘉禾臨
武悉徵諸軍將劉長佑江忠義田興恕余星元楊恆升
李輔朝張榮組吳國佐李金陽段瑩器何紹彩王勳黃
三清劉吉三赴急而令劉培元彭定太崔大光曹榮快

集潰卒蕭啟江還湖南劉坤一趙煥聯周寬世等領舊部王明山蕭翰慶陳金鼇鄒漢章自湖北來領水師黃滔熙新領軍屯省城亦出助攻長佑至永州寇解圍走祁陽掠道州攻東安圍七日城陷知縣李右文死之犯新甯四月乙巳長佑自東安要寇新甯軍潰木山輜重盡喪收眾保新甯寇犯寶慶分圍武岡江忠義援武岡先寇五日至寇圍攻五日解去田興恕劉吉三自沅州援寶慶辛亥寇至上屯黃塘道州寇復趨新甯長佑合劉坤一江忠濟李明惠軍拒之石大開自攻祁陽防軍將王勛余星元等不能禦增遣周寬世朱品文陳湜往

湘軍志一

七

祁陽趙煥聯魏喻義陳士杰防衡陽驛道屯熊羆領寇前隊至領煥聯等退走寇不復進煥聯等還據領於是寇聚圍寶慶官軍亦皆聚屯寶慶復增遣劉嶽昭楊安臣助軍英德寇勢北趨遣蕭啟江大軍及李輔朝陳士杰魏喻義等防郴五月陽山寇犯臨武圍藍山攻甯遠陷永明賀縣寇敗江華營兵陷城縱掠而還胡林翼遣李續宜將五千餘人渡湖自安化援寶慶寇大合圍并圍田興恕趙煥聯諸軍興恕等倚城東煥聯倚城西夾資為屯寇築壘塞其間兩軍不相聞劉長佑方從武岡西南來不敢循驛道更繞而北余星元等屯洪橋在興

怒東有眾七千留二千人守洪橋進屯柳橋以援興恕寇攻洪橋屯破之眾軍恒懼長佑從麻溪渡資亦西屯李續宜自藍田來移書問進兵路黃滔熙席寶田報書言當直而援洪橋趙煥聯知續宜欲西自圍中與書言當自北攻續宜乃西渡浪溪當是時圍內外水陸軍四萬悉統於續宜然湖南名宿將皆在非續宜所能統寇連營百餘里號三十萬日食米數千石圍及兩月野無所掠城中倚外軍悉出穀春資興恕等軍深壕相持寇間新軍至欲急破之以潰諸軍反舍東而攻西六月丁卯續宜至長佑軍中寇方先攻長佑營續宜悉軍助守

湘軍志一

六

寇敗走續宜軍乘之破寇壘七以通煥聯屯官軍大歡其夜寇吹角滿山野集眾西渡明日前隊出攻官軍其後隊引而南走田興恕開壁出戰亦渡資合大軍城中呼譟相慶寇既引去諸軍各相讓莫有言追截者七月餘寇復陷東安續宜長佑分道赴援大開已踞廣西興安續宜還湖北長佑軍疲亦罷田興恕趣靖州防黔邊黃滔熙攻賀縣寇於江華唯蕭啟江追寇出境增調張運蘭軍防郴永八月連州寇入宜章胡國安拒走之黃滔熙襲江華寇於領東破走之以寇圍桂林復遣劉長佑募新軍與蕭啟江繼進乙丑啟江至桂林長佑至全

一第子一子 冊 續修四庫全書 第 6 頁 54

州石寇自義甯欲合柳州土寇土寇閉城拒之遂走慶
遠趨南丹啟江還湖南長佑遂留廣西授按察使九月
張運蘭出境攻寇連州黃瀆熙陳士杰等拒寇藍山皆
平之援貴州軍將北琛周洪印等收鎮遠十二月石寇
黨奔潰四出以黃瀆熙劉嶽昭屯防永桂張運蘭屯道
州

十年正月田興恕授貴州提督將二萬軍出銅仁以江
忠義募二千人屯綏靖蕭啟江自常德赴援四川四月
永州總兵樊燮以驕倨為巡撫所劾罷因構于總督指
目左宗棠布政使文格亦忌宗棠陰助變總督疏聞召

湘軍志一

九

宗棠對簿武昌秉章再疏爭之奉 嚴旨命考官錢寶
青即訊事連黃文琛王葆生等文琛固以抗直為宗棠
所抑至是保明宗棠胡林翼復力解之得不逮坐文琛
等微罪奪官宗棠游軍中謁林翼及曾國藩請以偏將
自效國藩等慰遣之令還湖南石寇走貴州蕭啟江卒
於成都雲南寇犯四川啟江部將何勝必破之并研江
甯大營潰退蘇州陷授曾國藩兩江總督乃徵張運蘭
軍赴祁門因微甯保江西五月己未劉嶽昭陳品南等
出境克賀縣石寇復走武緣以四川寇亟 詔駱秉章
往督軍而文格署巡撫時裕麟授廣東運使已一年奏

留治餉至是授湖北按察使留湖南 按察使翟誥署布
政使左宗棠將六千人從曾國藩赴 江南前吉安知府
黃冕議供支曾軍軍餉與裕麟合請 國藩加推商貨釐
語杜籌餉篇八月石寇遣出義甯靈川恭城戊辰犯永
明 詔授翟誥為巡撫九月己酉受印以劉嶽昭黃瀆
熙兩軍從秉章行未發石寇陷綏甯殺知縣吳熊陷城
步殺知縣安和攻武岡以江忠義為大將拒之城守三
日寇走新甯奏留援蜀軍助攻守十月丙子寇陷東安
殺知縣趙榮祺掠道州永明江華而東自藍山趨桂陽
縣宜章屯將胡國安戰死寇遂仍犯南安

湘軍志一

二

十一年二月庚申駱秉章軍行於道奏翟誥浮侈罷之
仍以文格署巡撫石寇後隊復自藍山走桂陽縣三月
貴州寇入靖州五月 詔文格還本官以毛鴻賓為巡
撫九月石寇部黨復犯綏甯其前杜貴州者復自來鳳
入龍山四川軍將易佩紳募兵長沙道永順馳擊之敗
績劉嶽昭軍前留湖北攻隨州間警遣援來鳳 詔以
江忠義為貴州巡撫鴻賓以西南防急奏留領軍其詞
言貴州巡撫需員云云湖南巡撫始自尊矣是秋胡林
翼薨病革時密奏劾裕麟鴻賓聞之陽奏遣裕麟赴湖
北因解其任裕麟久專利權兼攝兩司開敏無過狀官

吏民士用舍杜其指顧一旦罷去鴻賓意益得慶遠知府陸增祥憚之官從鴻賓來用黔捐例改道員以代裕麟文格以喪歸召岳常澧道憚世臨署布政使超用李逢春解長沙縣印即知本府又專以趙煥聯居省城領防軍總營務兵餉吏治皆有私寄異於駱秉章時云十月甲戌石寇黨陷會同十一月鴻賓奏劾周鳳山募軍冗濫因頗短湘勇不可盡用欲他省命將權悉歸湖南奏入 報聞石寇攻黔陽陷瀘溪劾江忠義委軍歸葬罷其貴州巡撫 招改提督石寇至永明與來鳳寇合走四川

湘軍志一 圭

同治元年正月席寶田等軍攻來鳳寇破之復其城劉嶽昭屯施南聞捷先上功於湖北以合擊論功布政使憚世臨始稽鉤軍需收支計足陌錢百萬當贏萬四千千扣水錢百萬當贏萬六千悉拘製造工匠欲坐局員侵牟先奏奪王加敏官覈訊無所得貴州苗教寇起援軍出銅仁 詔授田興恕欽差大臣專治貴州軍興恕督餉湖南鴻賓怒奏停其協餉未幾興恕罷是時湖南無寇唯月報廣西貴州邊防以為戰功西洋通商法郎西請天主教堂故地衡州湘潭皆令官清丈還之聽自修建於是士民引 聖諭端焚毀教堂兼攻從

教人法郎西公使愬之 詔官修復衡水道黃文琛上言事已定彼教主自建官修失體而湘潭已興工巡撫恐生事募官償修者乃罷文琛以知府張士寬攝兵備主其事以釐稅收數不符奏劾辰沅道陸傳應傳應至復漫謝之通判椿齡怨鴻賓劾罷已官因撫事愬總督且及其 大喪取妾事文格時還湖南本官道武昌為解於總督湖南軍需局以三千金償椿齡寢其事十二月奏以長沙知府丁寶楨率湘將至山東討捻寇寶楨時擢陝西按察使 詔改山東

湘軍志一 圭

廣東憚世臨為布政使五月毛鴻賓遷兩廣總督世臨代為巡撫鴻賓以文格挾前事因劾罷之率湘軍將張運蘭揚安臣劉德謙以行世臨既得位當奏署布政使越次用糧儲道李明墀按察使倉景恬不能堪請病去八月石寇部黨李復猷犯永綏時大開已於四川破散被禽斬餘黨依復猷欲還廣東出酉陽窺辰沅大集諸軍防之湖南名將已盡世臨不習軍張文報而已復猷遂入會同殺知縣鄧爾昌陷綏甯分走道州陳士杰拒戰寇潰散走江華出廣西別部掠連道敗靖州防軍十月廣東軍禽斬復猷於連州湖南以捷聞世臨本依鴻

賓以起至是鴻賓大怒世臨又追前事奏徵陸傳應自
貴州至長沙會計釐稅收數鉤考其事不能竟也稍修
小怨以飲博事羅致道府十餘人又好以訪聞案事皆
示意令自引退石贊清為布政使守例奉行吏治不能
廉物議譴諱矣然世臨謹事巨室陽示同好惡士大夫
喜事者翕然稱之

三年五月江浙逸寇犯江西大增防軍踰二萬分屯諸
府自釐貨鹽茶稅興公私饒裕冗軍益多皆坐營無戰
事比於額兵而滑情詭巧之將亦由此進咸豐以前諱
言寇入自毛鴻賓以後每奏事必言東西同警羣寇迭

湘軍志一

重

至以希大舉焉六月江甯克洪寇平防軍仍屯戍備寇
四年二月惲世臨罷以李瀚章為巡撫世臨為政多倖
門高下任意又刻覈自以習例案明銓格於補官屢詰
難吏部而時議追咎毛鴻賓專擅威福皆自世臨發之
欲竝去此兩人然其牽引多重發難乃假例事付吏議
鴻賓世臨皆自以為無恐及奏上竟降調世臨出不意
湘軍將以其治軍疏又力主推稅濟東征乃率釀銀五
萬以資其歸瀚章本起湖南州縣久從曾軍無所不諳
練特喜靜鎮抑英銳頗收權歸之官舉錯又異矣三月
洪寇餘黨汪海洋等屯踞福建廣東邊議四省合擊復

增軍遣陳士杰自桂陽出仁化王永章自宜章出樂昌
張義貴屯郴州四月鮑超軍自江西援陝超假歸四川
遣總兵馮標等將前軍出漢陽待餉湖北餉不時發又
不令其軍至省城久屯金口軍士怨望馮標等短於撫
馭起軍號震營多收降寇不樂西征乃謀而叛直掠而
南欲合福建餘寇震營剽悍有名諸軍畏之過於大寇
遂自袁吉入攸殘安仁而南湖南屯軍至眾當突而過
先敗趙煥聯所部軍劉德謙要之不及委所掠東走德
謙軍收趙部軍械無算叛軍至桂陽縣乃遇陳士杰拒
戰大破之餘千餘人逸去八月復遣羅營彭炳武等助

湘軍志一

重

郴防悉汰并援貴州軍為二十營以周洪印領之十二
月汪海洋及叛軍皆平東南休息乃議援黔
五年以李元度為大將出沅州攻銅仁石阡寇以周洪
印等出靖州攻天柱清江苗
六年夏李瀚章遷總督劉崐為巡撫奏罷洪印及貴州
布政使兆琛軍以席寶田募新軍討苗始大用兵矣
朝議令四川湖南俱出軍兼供其餉以平黔為期湖南
鹽茶貨釐稅自海口通江浙定絀於前十之六所加東
師餉稅復停因議捐輸李榕為布政使倡言當先令巨
室助資以率齊民實不能行而士民怨恨抵他事令言

官劾榕所委用者而張自牧久領黔捐局故指攻自牧
劉岷奏辨悉直之其冬增遣黃潤昌率軍出晃州克鎮
遠

八年春潤昌自施秉謀取黃平中伏死軍覆言者以陰
事復劾李榕總督李鴻章雪其事而微言榕不恤名罷
之王文韶為布政使

九年秋湘潭姦民以縣丞於朱亭捕人賄贖夜集百餘
人劫之縣丞逃走傷死以變聞因謫言哥老會哥老會
者本起四川游民相結為兄弟約緩急必相助軍興而
鮑超營中多四川人相效為之湘軍亦多有初不為姦

湘軍志

五

利及寇平軍罷散歸無業者假以報復劫掠因又招誘
所杜有之各不相屬又人猥褻井不能助緩急而官吏
諱劫盜憚緝捕儒生喜防未然往往推之哥老以張大
其勢奏報頻頻上聞 廷議以為固有之雖詔防察終
以為不能絕寇起既久督撫亦不復議疏防罪一聞哥
會輒上變發兵於是巡撫以湘潭至近大發省城屯軍
及附近軍合擊軍至六千以柳萬春于高勝為將往來
潭醴間莫測寇勢稍取民間衣物所至民亦恫喝之用
兵數月卒無所得虛張首虜而還
十年春龍陽姦民復離殺杜籍同知陳景滄父子益陽

姦民亦劫縣獄荆州聞之以為寇大起總督郭柏蔭以
聞 朝廷未得湖南奏詰問巡撫而亂民已散去言哥
老會者不已因 命總督李瀚章渡湖案之罷劉岷以
王文韶代之奏設保甲局而還
十一年春席寶田盡平貴州苗軍事告畢四境無所防
而水陸軍如故省城城守縣火擊標若備寇至哥老會
時有聞者軍往輒散文韶亦頗知諸軍無事坐食然不
能罷貨稅捐輸益厭不復效湖南蓋貧弱矣

湖南防守篇第一

湘軍志

未

曾軍篇第二

湘軍志二

軍興而養兵之利害盡著諸帥臣則稍稍召募而江忠源以楚勇顯然兵妒勇益甚所屯則私鬥戰敗固不較反陷之咸豐二年冬湖北大營患潮勇橫恣罷遣之歸乃益道掠公奸良民婦衢市所至焚殺愚民以為官兵不如寇則姦人倡偽議謀通賊及結盟拜會相挺起矣曾國藩既奉命幫辦巡撫團練是時湘鄉先立練局請主其事辭毋憂不出且自言行軍用兵不素習已而武昌陷湖南大震始至長沙與巡撫張亮基治守禦且上奏曰團練之難難於捐貲湖南行伍空虛以練兵為

湘軍志二

要務自軍興以來二年有餘糜餉不為不多調集大兵不為不眾而往往見賊逃潰未聞有饒戰者所用兵器皆大礮鳥槍遠遠轟擊未聞有短兵交鋒者其故何哉由兵未練習無膽無藝故也今欲改弔更張於省城立一大團擇鄉民壯健樸實者招募來省練一人收一人之益練一月有一月之效又曰湖南會匪自粵逆入楚大半附之而去然猶有串子紅黑邊錢香會成羣嘯聚如東南衡永郴桂西南寶慶靖州萬山叢薄為卵育之區有司亦深知其不可遏特不欲其禍自我而發相與掩飾彌縫苟且一日之安積數十年應殺不殺之人而

任其橫行今鄉里無賴之民囂然而不靖彼見夫命盜首犯常消搖於法外也見夫粵匪倡獞而莫制也遂以為法律不足馮官長不足畏若非嚴刑峻法無以折其不逞之志臣欲純用重典以鋤強暴即良民有安生之日臣身雖得殘忍嚴酷之名所不敢辭今之急務杜使通省無不破之案而盡除大小各會匪則滌瑕蕩穢可期也有曾經搶掠拜會結盟者請即用巡撫令旗恭請王命立行正法內姦既清外寇雖至無能為己於是立三等之法重者斬次杖斃小鞭責釋之而已不以煩府縣獄又手書告勸鄉人士耆老雖幼賤身自下之必

湘軍志二

二

與鈞禮有所布告皆通啟自名每牒府縣招致賢俊牧令雖怙舊習然親見大人尊官與鄉民諸生為等夷亦稍稍悟悔官民否隔頗詢地方利病山野材智之士感其誠雖或不往見人人皆以曾公可與言事湖南欣欣鄉治矣國藩以十二月壬辰治軍事三年正月丙午朔丁未寇棄武昌下犯安徽江甯湖南不受兵乃益招募教練兼令營兵防城者月六日合操撫標中軍參將塔齊布日閱所部軍訓練有法諸州縣亦時稟承國藩言所與除有上言胥隸貪恣輒捕治斬之其行館即訊者經三月殺五十餘人文法吏大譁張

亮基移督湖廣未幾移撫山東署湖南巡撫潘鐸引疾去駱秉章復來以國藩所行異於羅繞典及諸團練大臣心誹之然見其所奏輒得 褒荅受 主知未有以難也二月常甯土寇起以劉長佑將楚勇五百人湘勇三百人往未至其縣團丁討定之陽山寇窺宜章大庾寇入桂東殺汎官以張榮組將七百人往衡山土寇起三月劉長佑破平之永興安仁茶陵時有寇發輒聞而兵隨至姦軌破散五月洪寇分黨圍南昌江忠源往援因乞師湖南以羅澤南將湘勇千二百六月辛卯起行道醴陵忠源弟忠淑將楚勇千壬辰起行道瀏陽署鹽

湘軍志二

三

道夏廷樾將營兵六百人湘勇七百丁酉起行道醴陵援軍之行也國藩念營將藉敵不可用純用書生為營官率皆生員文童以忠誠相期獎然未經行陳故以楚勇百戰者偕楚勇尚剽銳營制疏略乃命千總張登科領湘勇二十人為前哨戒忠淑登科曰哨探必百里至瑞州待湘軍而行忠淑徂其家軍稱勁旅心芙蓉公怯驅而前中途謠言寇至譁而潰走姦民譟驚之棄軍械餉銀退保義甯留十餘日乃進七月壬申湘軍至南昌則戰城下書生爭奮搏寇寇陽退鈔其後軍敗營官附生謝邦翰童生羅鎮南易良幹羅信泉戰死澤南收眾

入城於是國藩聞之以為湘勇果可用雖敗敢深入官兵不如也江忠源初至九江奏請增兵國藩與書曰今日之極可傷恨者杜兵敗不相救而已蓋調發之初徵兵一千而抽選數營或數十營卒與卒已不相習統領之將又非平日本管之官遂乖然不能以相入至於兵與勇遇尤相嫌恨桂東之役三廳兵尋殺湘勇於市江西之行鎮筆兵殺湘勇於三江口傷重者十餘人以今日營伍之習氣與調遣之成法雖聖者不能使之一心足下前奏調雲貴湖廣兵六千募勇三千合為一萬自成一軍夫六千之兵必有一二鎮將統之其勢不能相

湘軍志二

四

下而將弁中又多卑庸無足與語者鄙意欲練鄉勇萬人概求吾黨質直曉軍事之君子將之以忠義之氣而輔之以訓練之勤相激相劇而後可以言戰也忠源未及用而江西楚勇以索賞復潰健銳者皆棄去江軍遂弱九月敗於田家鎮是時湘營制營三百六十人中營羅澤南將之左營王珍將之右營鄒壽璋將之塔齊布將兵勇二營周鳳山儲玘各將二營曾國棟將一營國藩仍欲充廣至六千人合忠源所將成一萬為義師而已居湖南有寇乃佐巡撫治兵故多與軍民政事長沙協副將清德自以為將官不統於文吏雖巡撫例

不問營操而塔齊布諂曾國藩壞營制提督鮑起豹者昏庸自喜聞清德言則揚言盛夏操兵虐軍士且提督見駐省城我不傳撫敵再妄為者軍棍從事塔齊布沮懼不敢出司道羣官皆竊喜以謂可懲多事矣提標兵固輕侮練勇倚提督益驕適湘勇試火槍傷營兵長夫因發怒吹角執旗列隊攻湘勇城上軍皆踰堞出城中驚譁國藩為鞭試槍者以謝乃已俄而辰勇與永順兵私鬥辰勇者塔齊布所教練也提標兵益傲怒復吹角列隊討辰勇於是國藩念內鬥無已時且不治軍即吏民益輕朝使無以治姦軌移牒提督名捕主者提督

湘軍志二

五

亦怒謾曰今如命縛詣轅門標兵洵洵滿街國藩欲斬所縛者以徇慮變猶豫未有所決營兵既日夜游聚城中文武官閉門不肖誰何乃冒狂公圍國藩公館門公館者巡撫射圍也巡撫以為不與已公事國藩度營兵不敢決入方治事力矛競入刺欽差隨丁幾傷國藩乃叩巡撫垣門巡撫陽驚反謝遣所縛者縱諸亂兵不問司道以下公言曾公過操切以此變國藩客皆憤怒以為當上聞國藩歎曰時事方亟臣子既不能弭大亂何敢以己事瀆君父吾甯避之耳即日移屯衡州已而湖北事亟總督吳文鎔故國藩坐主專倚援湖南奏調

湘軍有 詔令曾國藩赴援駱秉章供支其軍巡撫亦以寇棘故手書謝國藩且召之同守省城王珍時將湘勇聞援鄂自請增募合三千人先往十月武昌寇去江忠源擢安徽巡撫兵少不能進侍郎宋晉請發湘軍援安徽時新募壯勇分擊土寇未嘗休息合會軍餉乏絀器械旗服樸陋又方議水軍造戰筏守湘初無意勤遠而鄂皖羽檄日至月三四奉 詔促出師乃議遣王珍珍既得請餉省城不復啟國藩後又罷行國藩議合併湘勇為十營汰珍軍珍大怨望國藩初本倚珍為大將既以軍新集技器粗脆遠出遇寇憂必敗而珍頗易言

湘軍志二

六

兵度其才氣終不能為下乃聽珍別將十二月江忠源死廬州

四年正月總督吳文鎔敗死黃州國藩知時事愈危勢不得出十全於是改營制以五百人為一營其非湘鄉人各領鄉軍者隨所統為小營凡陸軍五千餘人為十三營水師五千人為十營戰船二百四十坐船二百三十器用工匠米炭襍具及員弁丁夫水陸萬七千人建旗東下留羅澤南屯衡州鎮土寇 文宗以國藩一人兼統水陸軍心憂之特詔貴州提督佈克慎自黃州還赴其水營詔總督台涌會其師時寇已圍武昌台涌方

居德安而寇黨分犯通城崇陽入湘陰趣甯鄉巡撫先遣王珍會曾軍俱下寇沿洞庭者皆退走陸路游奔自如二月庚辰遣諸玟躬拒寇甯鄉雨雪步進欲與寇爭城壬午未至縣十許里縣故無城垣寇已據治所官走免眾議止待後軍玟躬奮曰自軍興寇破城百數皆待其休息或飽掠棄去耳今舍營兵起義勇奈何聞警咨起即部分其五百人分三道鄉甯鄉寇方散掠遂乘攻之市中寇各求門出走玟躬止營郊外休士會食而躬率十餘人行衢巷撫難民寇先出者不知官軍至方還縣見街中橫尸大驚復出東門乃反遇玟躬相擠塞門

湘軍志二

七

玟躬遽前搏寇寇前後刺之玟躬及十八人盡死寇不知主將死奔相告此來者以數百人敗數千眾今止營待後軍不可當也即夜引去合蒲圻寇眾俱去湖南境內解嚴省城湘潭初間寇破甯鄉大懼及聞寇去知由玟躬一戰道路交頌儲石友云甯鄉人見其戰者尤感念即日為立祠蓋自此湘軍重赴援人稍知榮戰死矣國藩前軍至岳州王珍先屯岳州城見寇退議進兵崇通寇大上三月寇先由蒲圻犯岳州乙巳敗王珍於羊樓丙午塔齊布復通城其日王珍退守岳州鄒壽璋屯城中謂珍曰城空無食不可守也珍不聽戊申寇至

壽璋率所部退保南津會水師而別將還保城城空軍士一日不得食王珍繼城走眾亂國藩遣礮船迎師免者千餘人潰死大半俱走保長沙寇眾乘之遂據靖港距省城六十里再犯甯鄉敗湘勇三營營官伍宏鑑戰死塔齊布自崇陽還奉檄援甯鄉會寒雨行三日未至甲子寇陷湘潭是日國藩下檄塔齊布改援湘潭使者以為軍在甯鄉行半日遇之乃杜中途距湘潭反近塔齊布亦未知湘潭已破喜於憑城保大縣以自固四月己巳朔軍長驅趨湘潭將入城乃知寇先杜勢不得退寇間有官軍至亦即發兵拒戰迫相遇塔齊布不得退

湘軍志二

八

則馳陷陳軍士皆出薄戰寇自起與官軍未嘗短兵接相顧愕欲退其後隊望四山多負仗者以為官軍大至則先走因相蹂官軍譟呼觀者皆譟呼遂大破之追至城乃還立營其日長沙惴惴居賊中人自以為必敗國藩集謀攻守皆曰入城坐困宜親督戰或議先靖港奪寇屯或曰靖港敗還城下死地矣宜悉兵攻湘潭不利保衡州即省城陷可再振也水師十營官皆至推彭玉慶決所鄉定鄉湘潭五營先發約明日國藩帥五營繼之夜半長沙鄉團來請師曰靖港寇屯中數百人不虞我可驅而走也團丁特欲藉旗鼓以威賊已作浮橋濟

師機不可失聞者皆踊躍國藩亦憂湘潭久踞思牽之改令攻靖港庚午平旦至水急風利礮船徑逼寇屯寇礮發船退不得上纜而行寇出小隊所纜者水師遂大亂陸軍至者合圍丁攻寇寇出圍丁遠反奔官軍亦退爭浮橋橋以門扉牀版人多橋壞死者百餘人國藩親仗劍督退者立令旗岸上曰過旗者斬士皆繞從旗旁過遂大奔國藩憤自投水中章壽麟負之還船日午還至城下而湘潭大捷報至先所遣水師距湘潭十里聞陸軍戰勝鳴角發礮直上塔齊布軍三日三勝壬申寇散走水師盡燒所掠船寇大敗走靖港遂俱走還岳州

湘軍志三

九

湘潭既復國藩以軍不精練悉汰所部留五千餘人因留長沙造船增調羅澤南李孟羣陳輝龍將水陸軍圖再舉上奏自劾而駱秉章及提督鮑起豹自上其功文宗詰責提督即日奪官 詔塔齊布以副將署湖南提督方事之急也布政使徐有壬遠室走達旦明日與按察使會詳巡撫請罷遣曾軍語倨安甚巡撫語有壬且待之及克湘潭國藩猶待罪俄而得 溫詔且超用塔齊布文武官大慙沮有壬詣國藩頓首謝城中防兵聞代大將皆驚服以為 天子明見萬里塔齊布受提督印則徧賞堤標兵得軍功六品牌者三千人使人人

知新提督無修怨之心標兵大譴平寇功由此起五月甲寅岳州屯寇陷常德六月己巳寇陷湖北省城時方治水軍未能救也塔齊布屯湘陰新牆待水軍庚辰俱進攻岳州甲申水軍渡湖丙戌焚寇舟七月戊戌朔寇空岳州城東北屯城陵磯倚江水陸相倚角癸卯國藩舟發長沙壬子至岳州癸丑水師三營敗績語社水軍篇乙卯塔齊布挑戰禽斬寇帥曾天養戊午寇攻羅澤南營出戰大破之澤南初合軍未嘗出攻寇寇以為怯塔齊布數激挑澤南澤南愈益閉壘至是開壁大戰遂以勇略著聞名亞塔齊布及今並稱焉閏月戊辰朔城

湘軍志二

十

陵磯寇遞走荆州將軍官文等遣軍將會水師於螺山塔齊布羅澤南泉攻崇陽己丑陸軍破寇屯於羊樓洞八月己亥復崇陽己酉國藩進屯金口辛亥澤南等進屯紙坊癸丑會於金口澤南請沿江東岸攻花園寇屯至大破之塔齊布伏兵洪山要寇路水師順流燒寇舟於鹽關漢關鮎魚養丁巳皆破之戊午燒寇舟於漢口盡破之己未寇棄武昌漢陽遞走署總督楊需方屯德安一日而聞捷六日捷上聞九月辛未國藩奏至京師文宗大詔詔國藩署湖北巡撫戊寅又 詔國藩督軍解署任以前已奪官 加賞兵部侍郎銜且以下長

江克金陵為寇勉當是時湘軍銳甚而武漢空虛楊需度不可居又貪因人功自請合兵分三道已當北岸攻斬廣濟塔齊布等率湘鄂陸軍趣南岸攻大冶羅澤南率湘軍攻興國所至寇破散國藩督水軍舍斬不攻順流直進期會於田家鎮 詔戒以孤軍深入南北軍強弱不相當寇將併於江北又 詔江西巡撫以黃州寇必據九江湖口相蟻聚當先設防楊需陳啟邁不能奉行國藩急於破寇帥軍自進田鎮者張亮基江忠源敗地也鎮當江北諸山峻峙江南大山曰半壁三面斗絕山下富池口江水南趨繞山折而東故舟行依田鎮以

湘軍志二 主

避滿三年官軍失半壁山而敗至是寇踞山作五屯引湖溝之北自田鎮至蕪四十里沿岸築城鐵索纜江自半壁山屬之田鎮以遏舟師眾號十萬十月己亥塔齊布東攻富池口羅澤南西攻半壁山方作浮橋通兩軍寇出千餘阻谿我不得橋寇以舟渡數千人列南岸山左舟中寇數千人登陸列南岸山上五屯盡出眾可二萬我軍懼有逃者三人李續賓馳追斬以徇澤南戒眾分四隊令曰待令而後戰先動者斬寇三進三退澤南鼓之突將斬寇大旗將二人眾奔乘之寇反走阮於山自顛死者無算北岸來寇奔舟舟亂相推排覆溺

十餘舟我軍登舟寇輒自投江操舟者股栗不知有維楫於是擲火盡燔之遂奪半壁山絕崖斷鐵纜六寇既失山因作大筏傍岸以固鐵纜江中橫大筏三盡鉤小船節節相牢連斷其一節明日復合用彭玉麟計分四隊椎燒其大瑣寇遂崩潰語杜水軍篇田鎮既破蕪城寇亦退走廣濟塔齊布等渡江辛酉寇逆戰破之復東攻黃梅寇連敗大懼悉驍悍謀死拒分屯小池口大河埔孔壠驛及黃梅城北相首尾每屯分四五營十一月丙寅朔攻大河埔及城北屯皆破之復黃梅癸未寇自孔壠來逆戰破走之於濯港己丑進攻孔壠燒其屯水

湘軍志二 主

師乘勝薄九江軍城下與寇聲相聞寇併力踞湖口城與九江相犄角我軍屢勝貪戰冒礮丸犯鋒刃以相誇塔齊布以大將頻獨身陷陳受石傷水軍恆度寇壘間礮丸墮倉中可埽莫有退志塔齊布既屯九江南門曰仰攻士死傷相繼羅澤南攻湖口苦戰不能克夜夜自戒備至不能寐聞者為之寒心 文宗尤以為憂屢詔楊需陳啟邁飭臬司都統副將領軍者及安徽諸軍併歸調遣湖北江西兵既不足用安徽軍亦無由會合湘軍已深入方日謀所以勝十二月丙午水軍三營越湖口攻姑塘寇出小舟燒其坐營遂陷鄱湖不能還湖

口寇反渡江復踞小池口周鳳山往爭敗績已未寇出小舟燒國藩坐船水師遂潰

五年正月丙寅朔己巳楊需軍退漢口於是安徽九江沿邊寇盡上分三道東陷黃梅廣濟追楊需至漢口中道自小池口沿江陷黃蘄復分黨從富池渡江西陷興國通城崇陽咸甯通山且掠江西武甯率遣數百人或千人所至脅眾至漢口者後楊需二日至黃州者後需四日故需不敢入省城走保德安湖北巡撫陶恩培故湖南按察使嘗閉衡州城拒程商采又請奪曾國藩軍者也至是恃總督杜外不議守備城中兵才二千人徵

湘軍志二

三

兵半途聞警皆潰去相驚以寇至湖北江西方千里旬日騷然矣始寇之起所行無留難其踞省府宵取民財穀而已行道掠人夫不用則遣還未嘗增眾及屢敗乃結土寇屯城鎮頗收拔悍擊者而石大開陳玉成用事寇乃盛於此時矣湘軍萬餘人水陸分為四李孟羣等水師回援武昌塔齊布留攻九江羅澤南入江西國藩收蕭捷三等水師三營屯南康澤南奔命往來復弋陽克廣信收景德攻義甯雖戰勝攻取非東南所以安危之大故不具載塔齊布以五千人留屯議者以為頓兵無所用武而廷議多言不可解圍光祿卿王茂蔭奏

尤切 詔亦命留攻相持半年九江湖口兩城寇懼伏終不敢犯大營七月乙酉塔齊布薨於軍周鳳山代將十一月寇陷臨江瑞州移師去未幾而敗語杜江西篇塔齊布之為將禱用兵勇皆得其死力雖號姦猾者隸其部下勇毅恆先人每出戰部曲從者度非驍勁敵十人已上輒鞭之使還嘗獨拒追寇全軍還營而已一騎陷寇地投宿民舍老嫗涕泣上食為匿馬稻秸中明日按轡徐還軍中服其神勇老師堅城卒以憤死鳳山以資級領眾自是所部弱矣湖北三陷死三巡撫故胡林翼傾身以結士倡勇敢務權略而鄂軍興

湘軍志二

四

曾軍篇第二

湖北篇第三

湘軍志三

寇興四年而湖北軍五潰楊需之敗也實未見寇亂民一呼而萬眾瓦解省城初才二千兵及城陷時城內外防守軍萬二千見黃旗則爭縋城走外兵亦走水師固不任城守事省城潰自保而已寇至城下用縋城繩引而上城中唯巡撫陶恩培署按察使武昌知府多山及僕從五六人恩培先赴水死多山焚城上大礮擊來寇礮不發拜祝之再然火煙出而無聲發憤自剄死布政使胡林翼按察使李孟羣皆將兵赴援屯城外副將王國才方馳入城城閉亦用縋城繩以上至藩署羣盜方

湘軍志三

十

會飲重門開列火以為燎國才乃悟業已入因率親兵入暴斫之羣寇驚走且呼街巷間有出者輒為官軍所斫俄傾而定城中居民固未復業至是早盡逃國才惘惘不知所為則登城招水陸軍不見一人明日出城合林翼屯語激昂林翼心忤俄而寇大至知其事者交訟國才奇功遂傳言國才於道獲寇謀得口號呼門而入為讒嫉者所蔽惟及見國才者知其實焉咸豐五年三月乙丑 詔胡林翼署湖北巡撫林翼前知鎮遠黎平治盜嚴三年冬以御史王發桂薦奉 詔赴湖北未至總督吳文鎔敗死留湖南將黔勇三百人碌碌未有

以自見曾國藩征寇奏以自隨湖南巡撫駱秉章方倚幕客左宗棠以決事宗棠故善林翼奏留防岳州捕誅崇通姦民斬刈過當已而曾軍克田鎮合兵圍九江林翼以湖北按察使領千人從攻湖口比於湘軍為最弱及寇上陷漢陽率千八百人還援守便宜不入省城于時布政使夏廷樾為總督所劾免 詔補林翼布政使及巡撫殉城死而林翼遂署巡撫當是時江漢上下兩岸寇充斥巡撫號令不出三十里屯金口倚水師自保增募二千六百人合王國才等軍號六千而國才屯沌口皆恃荆湘餉給軍軍無見糧寇亦易之不攻也楊需

湘軍志三

十

者以結交得朝貴懼假防北犯名屯德安號萬人糜餉自如四月楊需退走德安西安將軍扎拉芬來援戰死平林市西 詔奪需官以荊州將軍官文為總督五月壬戌朔授都統西凌阿欽差大臣攻德安官文泝漢至襄陽復乘礮船下漢居潛江天門間號北岸軍西凌阿久從僧格林沁軍無統御材力不能援武漢惟水師屢克蔡店漢口及漢陽寇屯軍去旋陷林翼念相持無已時八月壬辰自將四千人渡江思合水師取漢陽不能進屯麥山戊戌寇至林翼督軍出士卒要餉出怨言強之戰未交緩謀而大奔林翼憤甚索馬欲赴敵死圍人

見巡撫意色惡反旋馬四五轉向空野乃鞭之馬馳不能止臨江乃遇鮑超船諸營官聞巡撫杜集潰卒調王國才合屯大軍山辛丑荆州運餉銀三萬至乃嚴汰疲羸奏調羅澤南軍令更增二千人還攻武漢於時水軍大將彭玉麟赴江西李孟羣改陸軍置副將楊載福為水軍總統屯嘉魚蒲圻間益選精銳倡勇敢其所用皆以披衿當礮石為樂巡撫禮下走卒偵事早還開營門自迎之羅澤南之杜江西也日轉戰其巡撫恭倨不恆急則倚之緩則厭之曾國藩亦自以客寄莫能為之主塔齊布薨江西事益疲澤南建議曰武漢者東南之樞

湘軍志三

三

紐也形勢百倍於潯陽今兩城久為賊踞而崇通羣盜出沒江西湖南緣邊驛驛欲制九江之命必由武漢而下欲解武昌之圍必由崇通而入乃率所部及塔齊布部將彭三元等道義甯取通城義甯崇通間寇雖號數萬眾皆烏合脅附見湘軍輒敗走九月乙丑復通城甲戌復崇陽林翼聞援軍深入躬往迎導眾議兵少不宜先進林翼曰以難事讓客兵非也且廉恥安社勝當戰敗亦當戰已卯遣六營三千人鄉蒲圻而援寇自武昌鄉義甯眾數萬適遇官軍軍敗寇復進敗湖南防軍於羊樓澤南分兵爭羊樓而躬屯崇陽崇陽敗寇恃援復

還屯壕頭欲襲澤南軍澤南遣彭三元李杏春往攻之癸未援寇自咸甯大至三元等軍少營陷乙酉德安寇棄城南趨 詔奪西凌阿官官文兼代之官文先聞麥山敗自沔陽還鍾祥至是移屯德安 詔詰責官文遷延澤南失利令籌援兵會林翼等三面攻寇丙戌澤南合軍拒寇於羊樓大破之十月癸巳蒲圻寇至又破之癸卯林翼自嘉魚來勞師合澤南七營軍共十三營西攻蒲圻寇聚三萬眾分五屯四柵作浮橋據白羊水以通咸甯林翼用蒲圻舉人賀需若計出間道由公安畝據城西北鐵山寇出不意盡失其險辛亥澤南精兵攻

湘軍志三

四

城東林翼軍攻城西北且循水防遏以牽寇援寇踞城壘堅不出士卒仰攻多傷澤南令軍士積芻薪將燒其柵寇反以火器禦之火發寇驚奔破其五壘其夜官軍馮山鳴鼓角以驚城寇城寇逃走蒲圻復十一月庚申朔林翼澤南合兵東攻咸甯庚午咸甯復辛未水師克金口甲戌林翼等會水師於金口其日王國才進屯沌口乙酉澤南五營進屯洪山林翼將四營屯省城南五里墩城寇從高冠山望澤南築壘不出戰城外寇大壘八小壘二環四門見林翼軍至出拒戰澤南襲之破大壘一小壘二李孟羣軍亦薄攻漢陽水師往來江漢南

北每戰必捷而官文前軍攻漢陽者與南岸軍相聲援
都與阿將馬隊護水師水師夜燒寇船未還都與阿露
立達巨羣帥和輯戰士始奮矣

六年春正月江西寇患愈亟陷七府城議者交章請調
羅軍浙江湖南巡撫皆以為言文宗以武漢功可期
持不許言者益眾詔官文等通籌利害澤南念曾國
藩艱危義與同死生而垂成功不可棄日夜憂憤督戰
益急自正月至二月大勝數十小戰百數寇嬰城待援
士卒多傷官軍每戰輒薄城下寇陰穴城為突門三月
己未寇開城迎九江援黨澤南率師要之寇奔城追之
湘軍志三

五

突門開直衝澤南軍軍不能退澤南躬拒之三退三進
軍幾潰火槍鐵子中澤南左額血霑衣猶踞坐指揮乃
得收軍還乙丑創發卒於軍軍中哀泣江西湖南聞之
皆歎息失氣詔以巡撫例贈卹而李續賓領其眾續
賓初建議分屯窯灣絕寇糧壘成自守之與洪山屯相
倚角既代澤南仍屯洪山以游兵巡窯灣塘角間寇守
益固而江西請師日數至義甯寇復犯崇通九江寇合
興國大治土寇自武昌縣進至葛店謀襲巡撫大營林
翼以江西待援分軍四千一百人以劉騰鴻劉連捷等
將之曾國華總其事國華潘弟也四月丁酉援軍遇

寇蒲圻乙卯戰於羊樓丙寅再戰皆破之劉騰鴻功最
騰鴻自此名顯五月詔責官文林翼遷延老師林翼
上奏言臣頓兵城下五月有餘日驅血肉之軀與破石
為敵傷亡水陸軍三千餘人羅澤南及都司周得魁等
將弁百餘人李續賓乘馬中礮墮地者數矣夫兵易募
而將難求四月以後乃禁約仰攻分兵咸蒲以取義甯
四戰皆捷分水師以清下游直達九江臣自率五千人
扼武昌南路李續賓領六千三百人扼城東路分剿北
路水師六營下駐沙口水陸之賊援絕路窮下游九江
興國陸賊萬餘分道來援莫可夾擊臣即豫撥三千餘
湘軍志三

六

人戰於百里之外且臣歷觀前史李左車之告韓信尚
以頓兵城下情見勢絀為戒戰易攻難自昔已然矣臣
之才力何足言兵惟材有限而志無窮萬一變生他路
禍出意外臣亦不敢退怯苟且自取羞辱詔報曰歷
述艱辛於事何益國體具杜亦應慎重於其中蓋自
是文宗知林翼之為帥果有異於廬揚江南諸將而
林翼亦益感激發舒始有志於天下非僅規營湖北而
已五月唐訓方等敗九江援寇於葛店六月寇自樊口
增召戰船復犯葛店以蔣益澧總六營往逆戰破之追
奔至樊口合水師燒其船入武昌縣城遂渡江攻黃州

十日不能克益澧聞援寇踵至議回軍丁銳義爭之曰夫兵勢宜遠料敵有方援賊之能已可見矣我屯黃州則百里義民有所歸心賊之上犯有所牽制後路大營相為聲援且能戰不杜近能守不杜遠今若旋師賊必踵我踵我必戰戰此可乎諸將皆以縣軍為憂銳義乃獨上書陳兵勢巡撫壯其議終以衆論檄軍還詔果以撤軍為非云益澧與續賓皆澤南弟子續賓名望曰重嘗論事澤南前字益澧曰香泉欲何從益澧愠亦字續賓曰迪安乃欲相統耶及續賓代將益澧屯魯港寇大攻之請援中軍續賓報曰力不能相救守走唯公意

湘軍志三

七

益澧大沮即升瞭樓撤其梯唯置旗鼓下令軍中曰賊勢盛吾死此矣諸軍欲走者自去衆驚愕相顧馮壘死守寇攻一日引去益澧於是告歸不待報而行七月官文遷舒興阿舒保等將馬隊四百人渡江援寇既上於青山魯港間增十三壘相持十六日水陸合擊破之馬隊追奔至葛店寇懼於馬乃大奔自是水陸馬步相輔軍勢日盛十月襄陽土寇起鎮道發兵討捕敗績以唐訓方舒保等往隨州土寇起以鮑超文明往軍至寇避湖北湘軍鋒銳甚乃益募陸軍五千水師十營增長圍困武昌十一月丙子寇開城逃走其日漢陽寇亦東走

丁丑李續賓等分三道追寇武昌縣水師馬隊追寇黃州江夏鄉民亦爭起要寇戊寅復武昌己卯復黃州庚辰復興國水師復蘄州民兵復蘄水十二月乙酉復廣濟壬辰李續賓率湘軍及巡撫軍九千五百人陳師九江城下都興阿楊載福合鮑超陸軍六千人屯北岸小池口自塔齊布羅澤南去後正二年而圍復合胡林翼知平寇之要不杜攻戰既克省城則奏蠲江夏等四十六州縣田糧以蘇民困復身帖開鹽釐以裕軍儲又上奏曰自古用武之地荆襄為南北關鍵而武漢其咽喉也武漢有警則鄰疆震驚南服均阻控制無術昔周室

湘軍志三

八

征淮師出江漢晉武平吳久謀荆襄據扼長江惟鄂為要四年之中武昌三陷漢陽四陷夫善鬥者必扼其吭善兵者必審其勢今於武漢設立重鎮則水陸東征之師恃武漢為根本大營有據險之勢軍士無反顧之虞軍火米糧委輸不絕傷夷疾病休養得所是則平吳之策必先杜保鄂明矣湖北之失杜漢陽無備下游小挫賊遂長驅且東征之師孤軍下剿善戰者必傷久役者必疲傷病之人留於軍中不但誤戰亦且誤餉若以武漢之防兵更番迭代彌縫其闕則士氣常新軍行必利請於省城設陸師八千人水師二千人日夜訓練本境

亂民隨時征討則我常處其安而不處其危矣湖北牧令多不得人其已被擾者卅餘州縣元氣傷殘而良莠不分其未被擾者卅餘州縣官離民而民且離官夫吏治之不修兵禍之所由起也士氣之不振民心之所由變也凡下與上交接之事諉之幕友官與民交接之事諉之門丁夫州縣之所謂小事即百姓之大事也今日之所謂小賊即異日之大賊也五年大熟州縣乃或報災經臣駁斥杜案六年大饑州縣轉不報災經臣駁斥杜案以豐為歉是病國計以歉為豐是害民生臣恐湖北之民揭竿而起者不必學寇之再至而將盜弄於漢

九

池也地方吏治撫臣專責今欲嚴禁陋習與羣吏更始請 皇上敕下部臣暫勿拘臣以文法資格行之數年或可改觀今或疑武漢兩城公私凋敝城周廿里設守為難臣以為蚡冒藍縷以啟山林衛文作都訓農通商是杜行之以儉而訓之以勤耳苟此而不能守去之他而何益或又以為武漢收復軍行貴速督撫將兵攻取為急則前者收復已二次矣况今江西七府俱淪於賊四年之冬僅失九江翁軼橫出可憂方大都與阿楊載福李續賓均已東下臣宜留鎮省城與督臣通籌全局整飭吏治 文宗嘉納焉方南北岸之分軍也督撫未

相見將吏各有所統頗構同異官文以將軍受任拘於滿漢論者復為林翼陳楊需崇倫故事林翼歎曰師克杜和此何時哉既渡江見總督下令僚屬曰督撫相見前事冰釋敢再言北岸將吏長短者以造言論罪官文聞之大譴林翼又以鹽釐月三千金充督府公費兩人約為兄弟故軍政吏治皆林翼主臺官文畫行有言巡撫權重者一無所聽而巡撫亦謹事總督推美受過湖北富彊基於此

十

軍討捕二月曾國藩以父喪歸委軍事於福興文俊等詔遣按察使李孟羣援廬州安徽羣寇窺羅田蘄州黃梅廣濟蕪水謀絕九江官軍孟羣將二千五百人道羅田擊英六霍山寇敗之遂克英山王國才屯黃梅進攻宿松移鮑超防黃梅四月李景湖等敗於羅田景湖戰死餘眾退保蘄小池口寇眾出攻官軍屯多隆阿大破之燒寇壘二十一五月襄陽寇平李續賓作長壕三十里塹九江城東南寇爭壕擊走之增募親軍千四百人閏五月羅田寇深入犯廣濟十里鋪南及武穴鮑超多隆阿等於十里鋪作大壘羣寇於蘄東北望天畝作

屯各相持伺隙斬東北官軍將領邢高魁等凡十營堅勇不及超等林翼自出督師未至寇出斬水官軍敗退屯巴河林翼至黃州汰衰羸選精銳圖再舉六月李孟羣之師潰於霍山廣濟寇出大白湖背攻官軍王國才移營失火被燒死李續賓渡江合攻湖寇屯破之多隆阿鮑超等攻寇於黃梅西破其壘四十八七月庚寅舒保等攻寇黃岡東敗之丁酉再戰於上巴河何紹彩李續宜唐訓方等分三隊寇先攻左軍紹彩力戰續宜草山卷旗鈔寇中紹彩軍不利將退顧見林翼立馬陳後軍士皆驚喜踊躍赴戰訓方等亦鼓譟乘寇大破之平

湘軍志三

十一

壘四十四進軍斬水遂追寇及廣濟西寇走宿松太湖八月癸亥遂克小池口林翼進至九江九月己卯朔還武昌丙戌李續賓北渡江揚言攻宿松其夜更南渡伏兵湖口北山是時外江內湖水師阻于一江楊載福彭玉麟密期會攻梅家洲寇方依岫發礮拒水師聞山後鼓角旌旗蔽山下則大潰續賓夜半射火城中寇大亂空城走洲上寇亦走要擊盡斬之內申進攻彭澤庚子寇避走復其城水師克小孤寇屯於是林翼以統帥難其人懼軍出境而為福濟和春勝保所牽絀奏起復曾國藩詔林翼出境林翼奏以清釐漕糧為湖北大政

湘軍志 卷三

請留整理語杜壽鈞篇

八年三月六安寇陷麻城舒保等將防兵屯商城聞麻城防兵敗退還增調鮑超何忠駿唐訓方等四月壬子李續賓地道攻九江城克之城寇被圍久以數千人嬰城種麥以為食其守愈暇頻傷攻城軍林翼駐武昌增募新軍更迭代歸將士千里如家庭援寇別道內犯其屯防皆良將能自立不牽綴圍軍圍軍反時往附近助攻凡圍九江十五日寇壞散出城者水師扼之俘斬無遺論功李續賓第一續賓遂以能軍名天下戊午寇從光山犯陷黃安麻城官軍分應之丁卯續賓自將援黃

湘軍志三

十二

安五月丙子黃安復戊寅夜麻城寇避走壬戌斬防將唐訓方丁銳義等破走太湖寇於界牌詔以安徽寇事亟將合捻寇袁甲三勝保均號大帥兵力不足命續賓助勝保唐訓方助甲三俄而閩浙寇並起議者至請移和春往督師以續賓前授浙江布政使欲令赴本任倚以平寇七月廬州陷李孟羣敗潰乃定議以續賓全軍援廬州都興阿攻安慶起復曾國藩率江西湘軍援聞八月林翼以母喪歸都興阿李續賓合攻太湖丁巳克之進攻潛山癸酉克之乃分軍都興阿圍安慶續賓攻桐城九月己卯克之戊子進攻舒城寇避走續賓進

兵三十二日深入四五百里寇城望風潰破軍無留
行而都與阿率鮑超等軍礙安慶不能進羣寇又新破
江北大將德興阿陷六合殺翼長溫紹原渡江陷溧水
張國梁奔命勝保屯定遠日夕待援 朝廷憂皇專恃
續賓軍或議曰今久行軍疲屢勝則驕克城留屯不足
以為聲援不留軍則後路空虛且阻塞必敗之道也宜
還桐城合都軍攻安慶則水陸馬步相輔名將精卒咸
萃於百里之內功必可成績賓以受 恩深名重恥退
且念攻城非旬日期欲出奇壁廬州蹈寇瑕遂不用其
計而發書湖北請益師續賓弟續宜將四千餘人屯黃
湘軍志三

三

固唐訓方將三千人道英山援淮北未行林翼已持喪
還葬官文得書笑曰李九所鄉無前今軍威已振何攻
之不克豈少我哉徧示司道皆以續賓用兵如神無所
用援續賓雖請援亦不肖留軍示怯悞則進三河三河
距廬州五十里寇築大城環以九壘十月甲辰續賓悉
兵十三營先攻九壘大戰皆破平之俘斬七千官軍傷
亡過千人衆懼乃增調後軍未至寇帥陳玉成連江浦
六合廬江衆又乞援捻寇招賴壽光州羣盜合十餘萬
人日夜奔赴聲勢旬旬續賓遣輕兵迎擊於樊渡不利
寇益進軍半潰辛亥合圍圍官軍三十重連營數十里

將士狂勝聞敗先自亂續賓自搏戰不能進還營閉壘
門七營已先陷 寇來如牆續賓歎曰今敗矣令軍中曰
見月照地而走 皆束載而待月出續賓終恥於潰圍
謀復固守軍已 勁遂大奔續賓馳督戰軍不復成列遂
陷陳死曾國華 何忠駿從之皆死國華從瑞州軍罷將
赴部選官聞續 賓能留學戰未半載而及於難續賓既
死餘衆猶堅守 丁銳義初領義中營營潰銳義突陳入
續賓大營集餘 衆誓同死寇環攻三日夜水火俱盡營
破銳義死軍士 死者數百人自餘營官皆走免五千人
盡潰潰者衝寇 出與寇相擠行數里寇殊不覺連大衆
湘軍志三

四

易亂而難整如此云潰軍至桐城桐城防軍俱奔寇乘
之前留防四城 軍皆潰不旬日四城復陷都與阿等撤
圍退屯宿松起 復胡林翼仍巡撫湖北十一月鮑超多
隆阿拒寇宿松 東北大破之軍始振十二月壬寅胡林
翼受印武昌已 西出駐黃州壬子奏卹三河桐城死事
道員孫守信等 及副將李存漢以下三百二十人劾營
官敗軍者總兵 以下八人其失律戴罪者懲責以差以
糧臺餉軍遲深 自責請戶部主事閻敬銘來主之戊申
鮑超拒寇太湖 北二郎河寇自此沮
九年二月都與阿請疾以多隆阿當前敵將馬步軍五

千立將疑學為大將合鮑超唐訓方軍萬五千李續宜屯黃州軍六千依林翼大營寇帥陳玉成還江浦捨寇散掠河南留太湖寇數萬相持不進是月李孟羣師潰廬州西孟羣陷寇中自盡死孟羣初起有名略既獨將頗貪多兵不問餉所出雖將萬人勢益孤弱軍中喜用方術士有族女號仙姑辟五兵後戰死湖北人頗神之及陷寇悲歌誓死尤為江淮所哀思三月寇帥石大開自江西犯湖南南界眾三十餘萬五月大發水陸軍援湖南凡萬二千人齎糧千里不煩湘餉六月援湘大將李續宜破寇寶慶解其城圍寇遂南走援軍還八月多

湘軍志三

五

隆阿破寇石牌石牌當安慶西南寇作大城與太湖相倚官軍攻城潛山安慶寇分道來援馬隊要擊敗之冬十月大舉攻寇太湖增余際昌等九營助戰守奪潛山之天堂奏移曾國藩屯宿松林翼移駐蕪南視師太湖十二月移駐英山安徽寇知官軍名將銳意東下則大懼安慶寇帥自出城乞援陳玉成合捻寇號十餘萬勢張甚都興阿養疾荆州多隆阿新貴重諸將不樂出其下李續宜稱母疾留湘鄉曾國藩弟國荃新克景德至黃州留之領軍不可亦南歸鮑超復求去而多隆阿稱疾唐訓方等陳說軍事各殊異林翼憂之廢寢食內計

湘軍志 卷三

諸將獨多隆阿沈毅權宜出於一欲下檄令圍攻軍悉受其節制曾國藩懼軍事遂決裂力言其不可或又言天堂軍孤懸宜移屯林翼國藩一日一書相謀議久之不決與書多隆阿多隆阿輒不報林翼曰兵事喜一而惡二三屈我以申人今日是也天堂拊潛太背天險不可棄今地利已得破賊必矣徑上奏以所統軍悉統於多隆阿李續宜未至亦名隸之以風示鮑超諸軍大驚曾國藩得其咨文憂疑屢日多隆阿既為統帥遂撤太湖圍撤鮑超屯小池當前敵移將疑學軍為超後援已屯新倉更杜南國藩林翼危之業已聽多隆阿乃遂增

湘軍志三

六

兵寇循潛山西太湖東傍山三十里連營百數丙辰遂攻鮑超營丁巳多隆阿率疑學攻寇營以救超大戰傷亡七百餘人破寇壘十三已未寇分番攻超裨將蘇文彪段福壁守營破凡中林几至傍壁食以避礮凡六日夜國藩盡發宿松屯兵九千人以圍太湖撤太湖圍軍唐訓方三千人援小池林翼益調麻城防兵以千人益新倉以二千五百人合圍太湖國藩林翼又合兵二千入防羅谿埠官軍後甲子多隆阿自督軍護鮑超運道乙丑晦多隆阿以己軍入鮑超左軍屯令蘇廷彪軍出休諸軍裹創扶傷勇氣百倍

四一九

十年春正月辛未多隆阿令唐訓方移屯鮑將兩軍間以己右軍屯鮑超左軍營而令蘇廷彪還屯列隊拒寇且曰急作壘右軍壘立成訓方軍築壘甫四尺寇已至訓方苦戰多隆阿堅壁不救半日訓方軍敗退屯新倉林翼先遣金國琛將五千五百人合余際昌軍為九千人出天堂謀夾擊所謂山內之軍也自除夕入山險冒冰雪行十日乙亥至高橫領望官軍寇屯皆杜目中寇來攻敗去丁丑多隆阿益千人屯小池已卯復益五百人國藩益三千五百人屯新倉兩三日山內軍鳴角發礮山外軍亦鳴角發礮應之寇乘霧移屯近太湖辛

湘軍志三

七

卯多隆阿將五千人鮑超三千人唐訓方二千五百人蔣凝學四千人朱品隆三千五百人列陳攻寇小勝壬辰平旦分三道東攻小池西攻羅山中攻東堰東堰者寇屯也而陳玉成精兵據羅山既合戰多隆阿併西中軍自將攻山間寇亦大出眾當之馬軍突而前寇少卻小池寇分四道鈔官軍鮑超唐訓方合擊先敗之遂合軍燒寇營東南風大急燎及山霄寇棄屯走二十里軍械委積燒屯館柵壘數百俘寇三百人斬賊以萬數其夜太湖寇遞走甲午潛山寇遞走於是論功休士林翼曰潛山知縣葉兆蘭結民兵立五營為官軍轉運使天

堂屯軍得自固功第一免論失守罪并超擢兩階奏獎安徽宿松等四縣民團二月分蕭翰慶等六千人援浙江未至杭州陷閏三月江南大軍潰退四月蘇州陷詔曾國藩署兩江總督分鮑超等兵萬人屯祁門起都興阿將江北軍分兵千人李續宜曾國荃既至軍乃復進國荃領萬人圍安慶多隆阿領萬人攻桐城續宜領萬人屯青草壩游擊應援七月戊申多隆阿攻桐城西北不克寇倚桐城牽安慶又知官軍精銳杜桐城設守其固城西北求雨領勢臨城寇作石壘環以二丈石壕與甌壘水堡相輔已酉多隆阿躬率三千人出領後陽

湘軍志三

六

列騎兵攻城夜半領後軍聞登寇馮壘自以官軍不能近雖據領上無益未之備也多隆阿令二千人合築礮臺三比曉臺成瞰寇城壘杜目中寇驚以為神功辛亥列隊移礮置三臺於是石壘及城寇俱伏匿知困矣十月甲戌寇援桐城號十萬多隆阿先屯掛車待之寇師陳玉成增壘不戰多隆阿曰賊始至而閉壁此欲老我師也然以援城為名而不能戰寇眾心不能知其機而形勢已餒矣宜悉眾合擊之破其一屯餘眾自走癸未建旗鼓率十八營分三隊薄攻之寇出戰敗還屯多隆阿喜曰賊將走矣飛書告李續宜約夾擊時寇勢猶盛

癸未之戰斬八十人且續宜軍屯新安渡寇又不山丙戌突攻續宜多隆阿親往援之寇復自退丁亥多隆阿謂續宜曰賊易與昨戰可知也請與共殲之戊子分軍自挂車掠寇屯而北續宜自新安渡掠屯而南寇不能守則出戰兩軍奮擊之俘千三百人拔出難民萬四千平壘館百四十追奔二十餘里王成走廬江李續宜回援未至乙丑寇陷蘄水丙寅陷黃州分圍麻城掠黃安孝感黃陂武昌大震李續宜舒保等渡江拒之寇上掠雲夢德安隨三月寇分踞漢南悉精銳趨蘄廣濟還宿松辛丑寇至太湖多隆阿遣軍嘗之戰不利衆曰急發

湘軍志三

九

大軍拒之多隆阿曰賊新勝氣銳其來不攻我而亟戰以怒之敗矣令皆還保大營寇亦疾趨入安慶丙午多隆阿移軍集賢關壬子謀言拔寇復至挂車還屯高河甲寅寇自挂車列隊耀兵而退多隆阿曰此示假道不欲戰也然彼畏我甚宜示弱以誘之設伏兩山隘戒之曰賊敗必過東東起大呼西起應之過西東亦如之勿遮道勿留行令突騎數百躡賊曰聞呼聲而進追不得過十里乙卯親率羸軍誘寇寇進則走寇分二隊以大衆攻大營以少半追敗者至新安渡伏發斷寇後退者還擊之寇潰而東東山伏鼓而呼西山應之東西呼聲

動天地追騎馳至寇大敗爭走攻大營者亦收衆退皆走廬江胡林翼以李續宜軍弱奏增調駱秉章援蜀軍自安陸屯隨續宜屯灑口進攻德安四月陳玉成窺青草塢空虛以為桐城軍不能遠戰復分三道來侵多隆阿分五隊拒破之詔多隆阿以副都統幫辦官文軍務曾國藩自徽州移屯東流五月江西寇犯崇通西南邊屯軍潰遂陷興國林翼時疾病歐血強起還省城李續宜亦移屯城外於是江南咸甯蒲圻崇陽通城大冶武昌皆陷湖南軍北援寇還江西六月丙戌晦寇自蘄出太湖七月庚寅東犯潛山連屯五十里以逼桐城多

湘軍志三

十

隆阿曰安慶寇危急今不急救而致死於我此所謂聲東擊西者也我能勝之則安慶自破何為而使賊必戰即稱疾三日不出寇來攻出擊者輒敗還丁酉寇乃引衆攻大營多隆阿自起擊之寇頻與多隆阿戰識其旗及戰鋒銳甚後者悔其輕進稍稍引退衆乃大奔猶屯高河相持安慶之圍也林翼計曰用兵之道全軍為上得地次之今日戰功破賊為大復城鎮為下古之圍者必四面無敵又兵法十則圍之若我兵困於一隅賊必以弱者居守而勇軼橫擾乘我於不及之地此危道也然不圍城則無以致賊而求戰故分三軍一軍圍兩軍

戰寇知不可敗則間道上犯李績宜信用失人偵候不
明反張虛詞以惑績宜南北馳驅不見一寇寇既得德
安則以為圍攻二軍搖乃南還哨馬繞太湖城以撼大
營林翼居城中不動或諫曰湖北巡撫何為而入鄰縣
林翼曰帥府所杜即官守也此潛山太湖二城百戰得
之吾居守一二年猶不患寇寇亦竟不至林翼既還鎮
陳玉成復自英山繞宿松攻太湖屯軍登城設守三日
而寇退丁酉舒保等克德安八月丁巳朔曾國荃克安
慶語杜曾軍後篇胡林翼病益甚奏以李績宜自代戊
辰 詔報可辛巳 詔曰安慶陷九載楚軍合圍胡林
湘軍志三

三

翼畫策督剿攻克堅城厥功甚偉加太子太保銜給騎
都尉世職其日林翼薨多隆阿聞安慶克策桐城寇必
走留軍收城自要寇宿松先一日至寇方從潛山西趨
遇官軍驚走黃梅馬步追奔四百餘里廣濟蕪黃次第
盡復聞林翼之薨回屯桂車湖北平

湖北篇第三

江西篇第四

水軍興而寇不得志於江漢則北出潛太南掠皖南以
窺江西寇徒多南人樂南侵故江西尤受其禍曾國藩
自九江移屯南康思整軍出江謀進取非為江西戰守
也然寇已由都昌攻饒州別由東流建德窺樂平屯景
德鎮東犯柘門休甯咸豐五年二月國藩奏言以湖北
安徽江西三省論之攻寇之道水路一而陸路四自漢
黃蘄灕江至望江為外一路自蕪水達宿松為內一路
自九江上興國崇通武甯為西一路自湖口下至徽甯
為東一路四路當四軍而臣祇一軍分則立弱欲不分
湘軍志四

十

則事勢迫之今東路已告急矣塔齊布留五千人圍九
江羅澤南以三千人攻饒州臣獨與內湖水軍相依寇
衆我軍所憂方大三月寇陷弋陽羅澤南攻克之寇還
破興安踞廣信澤南至一戰大捷三日城復寇走玉山
江西軍因收饒州五月崇通寇犯義甯知州葉濟英城
守江西軍往援敗沒糧儲道鄧仁堃議江西民多畏寇
不肯治圍守奸人反因寇為利潛相導引所至輒陷唯
義甯倡義扞寇官民同心功節彌厲且葉牧嘗振湘軍
達援省城為西屏蔽宜悉力赴援以風示列城今省軍
無可遣唯羅軍可用巡撫以澤南客軍當還攻九江又

與曾不相能不冝言用客軍固請乃許然中止者數濟英守十九日城陷死之士民殉者千數省城震動乃遣澤南七月軍至梁口遇寇敗之寇悉眾踞杭口澤南取間道據鰲頭連營城西北諸山寇分兩翼仰攻敗走明日登山望城中謀攻取城寇懼官軍得形便遽出爭山官軍馳下擊之寇大敗遂棄城走丙子義甯復戊寅塔齊布薨於九江澤南還南康八月攻湖口不能破上書請率所部西援武昌國藩念攻堅老我師且塔齊布杜時九江猶不下今獨一澤南宜置之用武之地因聽其計更遣塔齊布舊將彭三元等從行合五千人彭三元

湘軍志四

二

者敢戰名一軍塔齊布薨軍中皆以三元當代將而周鳳山起行伍治軍號為有條理三元徒勇故鳳山得統大眾竟債軍事三元從羅軍亦敗死崇陽語杜湖北篇澤南既去水師無陸軍相輔以幙客李元度募平江人三千屯湖口十月澤南軍復蒲圻鼓而北行寇乘虛復入義甯敗江西官軍遂陷新昌瑞州廣東土寇出湖南入安福陷臨江合瑞州寇陷袁州江西湖南阻絕軍勢不能振江西水陸軍徒名具耳十一月周鳳山解九江圍援臨江寇分黨圍吉安知府周玉衡以先禦土寇功擢按察使未上留治城守與署知府陳宗元同登陴屢

敗寇鄧仁堃言於巡撫曰義甯可鑒也請先援吉安議者以寇蔓延宜先防省城扼章樹鎮國藩恐縣軍深入不利而巡撫貪倚湘軍則亦推以曾公意不欲不取言調遣仁堃用司道公文露移鳳山揚言移軍往援吉安聊以固城守心而與書鳳山令自請遂不果行竟屯章樹焉

六年正月吉安守經七十日寇勢愈盛甲申城破周玉衡及文武繁吏死者四十一人自寇破諸名城唯湖北省官皆死其位吉安一府城堅守久於武昌府縣學汛屬官委員殉城尤烈士民從義者比於義甯聞者莫不

湘軍志四

三

痛惜頗咎周鳳山湘軍奪氣矣二月章樹軍潰寇以數十人追鳳山大奔不能止走南昌寇進陷進賢東鄉安仁破撫州於是論者言周鳳山非將才援吉安亦敗或曰鳳山早入吉安馮城守得周玉衡左右之可皆不敗及敗湘軍無大將乃令李元度自湖口移屯撫州別遣鄧仁堃子輔綸及前平江令林源恩募新軍皆用平江人號元度所將為楚軍輔綸等所將為江軍是時仁堃方專省局欲倚以致餉而林源恩習平江防戰曾有功雅善李元度故委權此三人未幾建昌南康相繼陷國藩移駐省城以戰船為行臺彭玉麟將內湖水軍屯吳

城三月羅澤南卒於武昌湖南援軍將劉長佑收萍鄉蕭啟江復萬載胡林翼分軍四千遣劉騰鴻將之以國藩弟國華主其軍道義甯收新昌上高五月畢金科將千人防饒州黃虎臣將三千五百人攻建昌六月饒州陷畢金科還南昌益師攻克之黃虎臣攻建昌輕出遇寇戰死所部軍移屯撫州七月劉騰鴻軍至瑞州國藩遣親兵四千人往會師寇避援軍攻新軍新軍敗騰鴻馳救寇退走是時江西列縣陷寇者四十餘城 朝命廣東閩浙合援而江西司道亦各私立軍赴急學政廉兆綸居河口得專饒信軍事頗警巡撫文俊禱用將領

湘軍志四

四

營軍名號多而雅善布政使者齡以耆齡忌鄧仁堃因言臬司子不宜將 詔下其章於曾國藩文俊因罷鄧輔綸悉以軍屬林源恩合李元度軍持寇撫州廣東和平土寇犯定安安遠信豐長甯上猶崇義寧都省城不能救軍報數月不相聞八月甯都土寇襲陷建昌遂陷鉛山貴溪圍廣信知府沈葆楨從學政督餉河口聞警還城居民蚤散走葆楨嬰空城與省軍阻絕飛書玉山告急於浙將浙將饒廷選故葆楨舅林則徐部軍有兵二千人以則徐舊恩倍道赴之廷選軍無部伍唯裨將畢定邦賴高翔頗敢戰其行軍不齎糧止不為屯故

於赴急易至廣信之明日寇亦至以城有備圍五日而去江西恃饒信通磁貨為餉原聞廣信能守則以為奇功湘軍久無功則益絀九月國藩躬視師瑞州李元度以撫州不克餉益乏乃分軍略弋縣欲募糧饋且分寇勢戊午收宜黃癸亥收崇仁是日城寇出攻江軍營官耿光宣中礮死援寇偵官軍勢弱日夜從流坊增眾襲江軍屯因縱火燒民居延及營帳林源恩杖劍叱奔者不能止軍潰源恩死元度突圍免圍撫州軍俱潰移元度屯貴溪十月寇復陷宜黃崇仁分陷金谿福建援軍將張從龍圍建昌軍潰副將陳上國戰死時 特詔起

湘軍志四

五

用黃冕知吉安府冕請率軍往以國藩弟國荃為軍主湖南巡撫別用周鳳山領一軍軍餉悉自募合六千人又別遣援軍水陸二千一百人自長沙向吉安而贛州南安知府汪報閏周汝筠等率自募土丁禦寇計敵徵稅號曰田勇亦頗有廣東援軍田勇多至數萬皆不能戰當是時江西分為四院司羣官居南昌一城以軍事聽諸將巡撫唯主其奏報馬袁州吉安瑞州則皆湘軍而瑞州軍最強李元度屯貴溪防廣信畢金科屯饒州金科兵最少戰最力曾國藩居水軍中江西諸軍偏伍彌縫不能有大損益 蔡劉于瀆以水軍起純用江西丁

勇段起鍾世楨樊俊等以湘人禱用江湘軍亦頗有名
劉長佑屯袁州踰八月十一月甲申朔寇將李能通啟
西門納官軍袁州復江西諸軍稍振矣丁卯曾國荃收
安福丙子湖北軍克武昌漢陽水軍乘勝至九江十二
月國藩至九江勞軍丙戌段起收建昌縣已丑湖北軍
進收瑞昌德安辛卯劉長佑進收新喻丙午湖南援軍
將劉拔元胡兼善收永甯永新蓮花廳崇義上猶
七年正月丙午瑞州圍軍將普承堯吳坤修別攻奉新
克之曾國藩至瑞州勞軍因督攻城乙卯畢金科攻寇
景德鎮丁巳遇伏死之金科臨沅人本從王國才以勇

湘軍志四

六

見知於塔齊布將千人久屯饒州列將多忌其能讒妒
之餉不時得金利益不與諸文吏相結納獨倚曾國藩
而國藩不主諸軍餉歲暮益困先是西安將軍福興將
江南大營軍千人至饒信督軍與湘將尤阻格金科軍
乏食問計府縣或謬謂金科能克景德餉可得也金科
輕軍遽往寇屯市後金科率十人間行突入寇屯寇驚
起圍之殺七人三人者傷金科所當輒顛仆踐血出走
寇死者數十憤且恥聚火器環燒之死金科之戰也負
槍腰弓挾五十矢二卒前持丈二矛八尺刀怒馬突陳
寇莫敢拒亦以輕敵故每獨勝輒無功陵侮諸將不月

與他軍合省城委以東防漫不為之繼及其死饒防諸
軍皆潰寇掠弋陽陷鉛山饒信駭然矣二月曾國藩父
喪委軍徑還湘鄉聞者以其不俟命懼嚴譴文宗
先得湖南奏則給假令歸治喪比國藩奏上朝命已
下於是天下知天子使臣以禮莫不感奮焉國藩既
去福興至瑞州視師諸將汎以客帥遇待之福興還南
昌因上奏請徵兵頗言勇丁不可用三月撫建寇東窺
福建陷光澤邵武張從龍等敗退詔奪官治罪並罷
文俊以耆齡代之胡林翼遣李續宜來瑞州代曾國華
劉長佑攻臨江不利退屯新喻袁州三縣民以長佑師

湘軍志四

七

不擾爭率丁壯助軍軍復振四月湖南軍自桂東進攻
龍泉劉拔元戰死胡兼善兼領其軍以袁州敗益遣王
珍將三千人助長佑長佑已大破寇進圍臨江珍移軍
吉安破援寇於水東閏五月胡兼善獲逃寇林預信誘
降龍泉偽官復其城周鳳山屯吉安謬上為己功詔
下駱秉章秉章因劾鳳山事下耆齡未幾鳳山軍潰事
罷不問六月胡林翼以寇犯蘄水檄李續宜還黃州起
曾國荃復領吉安軍甯都寇援吉安王珍逆戰破之追
奔至廣昌分軍收樂安丙寅吉安寇攻周鳳山屯軍士
揚言餉匱不戰而走趙煥聯等軍從之皆潰退屯安福

曾國荃收眾並退以乏軍奪黃冕官冕言鳳山軍餉不由己且餉多於諸軍二月福興檄鳳山還南昌調浙將李定太合攻進賢黃冕請疾歸國荃專吉安軍事劉騰鴻之圍瑞州也頻破援寇嘗以三百人敗萬眾作長壕以困城中圍攻一年所役作壕壘如數萬人之功城寇知死乃突圍力戰七月庚辰朔騰鴻攻城中礮傷明日更戰軍士知騰鴻志必克爭致死盡破臺壘礮凡雨下中騰鴻脅仆弟騰鶴扶之強視語曰城不下無斂我軍中皆泣冒礮登城斬殺強寇大半除道開門迎騰鴻尸入治喪間見者莫不悲壯其志以為騰鴻能用眾也騰

湘軍志四

鴻於諸將位最卑名最重求所為戰略無以異人至於攻城以力求必克非將帥之道然臨死一言而使士卒忘身殉己若報私忿以成其志雖塔齊布多隆阿莫能逮騰鴻死而所部稱精兵至今聞其名凡曾從騰鴻戰者皆服其勇杜湖南諸將中名欲過李續賓矣乙酉江西軍將鍾世楨敗於進賢丁亥寇自撫州犯崇仁趨樂安王珍拒破之壬辰李定太收進賢撫州寇分犯徽州畢大鈺戰死婺源八月王珍卒於樂安以張運蘭王開化分領其軍珍之將善以少擊眾專已自喜故初起所至齟齬獨左宗棠奇之恆留湖南擊土寇曾國藩歸乃

遣援江西羣寇蛾聚聞珍至輒走諸軍將與珍合屯者皆推其能然珍部下無名將張運蘭等克為深毅於湘軍為別派差近李續宜異乎羅澤南劉騰鴻云臨江援寇敗普承堯於峽江湖南援軍將楊虎臣屯新喻張運蘭等屯分宜未進援寇趨太平墟窺圍軍城寇皆填壕伺夾擊劉長佑留軍守壕自拒援寇江忠義蕭啟江等突陳大破寇燒其屯四十七九月丙戌李續賓合水軍克湖口彭玉麟出江克小孤景德寇合安仁金谿瀘溪土寇犯貴溪李元度拒戰不利還城固守十四日寇退趨東鄉李定太周鳳山禦之壘未成寇襲破鳳山屯殺

湘軍志四

九

虎營軍主帥遠燁遠燁名家子早入翰林祖父承瀛為浙江巡撫還葬時殯供甚盛及寇亂黃梅姦人發其墓遠燁發憤思復讎走謁曾國藩國藩以憂歸遂游軍中時湘軍樸魯凡京朝官從軍者皆帕首腰刀習勞苦無敢鮮衣美食而遠燁雍容文儒輿服都麗雖強自刻厲趨踰言論燁如也見者傾慕皆歎曰衣冠中自有人且勸遠燁官居幕府遠燁奮欲自將又以前上封事歷詆軍機封疆大臣大臣切齒非立奇功不足自表異乃募千人自效倚鳳山老將與合屯及寇至鳳山先走新軍見前屯破則大潰遠燁一出而軍覆身死鳳山三僨軍

三奪官江西終莫能罷其軍寇遂犯進賢復自崇仁出豐城鄱陽寇出彭澤謀牽臨江九江軍兩城圍已合寇不能進十二月乙卯克臨江劉長佑以疾歸劉坤一代領其軍蕭啟江自率所部為統將仍與坤一會攻撫州豐城寇南趨吉水張運蘭等拒之寇還峽江八年二月臨江餘寇合撫州東趨廣豐福興自河口退駐廣信建昌寇分黨入邵武建甯胡林翼奏劾福興請以李元度防浙邊詔遣李定太而仍留李元度屯貴溪湖南增軍助圍吉安三月壬午蕭啟江劉坤一王開化合軍收崇仁甲午啟江進軍上頓渡戊戌建昌寇

湘軍志四

十

援撫州坤一迎戰破之四月壬子李續賓克九江甲寅南豐寇棄城走王開化分軍屯南豐寇復還合廣昌土寇來攻城王文瑞拒走之壬戌啟江合江軍水師將劉于瀆設間謀約內應丁卯復撫州丁卯建昌城寇出走王開化張運蘭合軍要之寇走新城已巳復建昌撫建寇多烏合土寇散處鄉野官軍進輒鈔擊然無精勁故諸軍大集輒遜悉由廣豐犯衢州進陷處州福興屯衢閩浙軍近三萬莫能拒守詔遣運蘭等援浙五月起曾國藩督浙江軍六月召福興還京師留劉長佑軍屯防江西以張運蘭蕭啟江軍從援浙閩國藩之歸也中

外交章言宜起復國藩奏謝因言督師權輕於督撫州縣慢不奉令餽餉不繼而軍將為人侮辱安徽浙江巡撫乃故詰問所刻關防或先謬題欽差大臣乃移文正其名以相窘謔故久居江西無所補益及去江西而八府城次第皆復以湖南援師軍餉自巡撫一人出故也軍興欲避敗莫若將一軍欲成事則必兼督撫湖南北效可睹矣然始勅義師由國藩軍將視為轉移福興等徵調置不訾省得國藩一紙千里赴急胡林翼初從國藩及其得位行意欲倚國藩定兩江頻奏訴其屈文宗重奪情未遽強起之也浙事亟乃詔遣督軍而兩

湘軍志四

十一

湖江西爭願供其軍餉時國藩久謝事無舊軍諸名將後出率皆起羅王部曲獨水軍猶隸彭楊而楊載福已提督官品高於國藩由是負沈滯重望亦鬱鬱不自得更欲以和輯收眾心頗悔前者所為是時駱秉章委事左宗棠湖南諸將同宗棠喜怒為輕重胡林翼治湖北軍餉最稱富強者齡嘗嚴事國藩又以其當往浙閩無偏處嫌視文俊陳啟邁時禮敬有加三省一家號為大和七月胡林翼以母喪歸劉長佑移屯建昌八月國藩自湖北入九江至湖口徵軍萬二千其將名者張運蘭蕭啟江朱品隆吳國佐時浙江已解嚴寇屯崇安連營

及建甯邵武分黨還攻廣豐玉山李元度守玉山分軍
援廣豐寇走德興元度獨將一營從國藩而悉以平江
軍隸沈葆楨邵武寇復出瀘溪劉長佑戰不利遂陷金
谿安仁張運蘭尾之收安仁吳國佐新出銳欲攻寇與
運蘭期合戰先入被襲軍敗劉本傑陷寇死本傑久佐
王珍軍負時名以不能騎為追寇所殺運蘭失期故不
敗寇亦略新城東走而劉長佑北攻金谿寇大破之寇
悉走福建邊國藩移屯建昌吉安寇東犯宜黃將悉趨
邵武曾國荃等乃作浮橋水陸合圍寇結大筏衝橋屢
斷輒續之寇懼頗有降者方寇之起以輕軍剽駭為利

湘軍志四

主

及石大開出始脅大眾所至踞守茲愚民多從之大開
怯戰而寇黨新附不自固見圍則又悔懼思反正袁臨
既以誘撫克定吉安民亦潛通官軍寇將亦奉大開令
期會福建乘贛水駕小舟繫大筏順流遞走餘眾潰散
戊午夜收吉安江西列城皆復十月劉長佑軍疾疫移
屯撫州疫甚還湖南散遣羸病因留募新軍張運蘭進
軍邵武寇復還江西南掠信豐北犯景德李續賓覆軍
廬州官文急奏國藩自助十一月寇自信豐犯南安國
藩奏言今臣當援皖而江西寇東南斜距千餘里勢不
能合并分遣蕭啟江援贛南以張運蘭吳國佐攻景德

吉安軍將朱品隆等為親軍從屯建昌寇踞景德牽大
軍議者言宜急擊吳國佐者左宗棠所拔用以童生領
軍奏敘主簿張運蘭積功至道員湘軍法管官不相統
者無階級皆平等統將雖九品官其管哨官至一二品
階聽命唯謹運蘭號為大人國佐部曲亦號國佐為大
人以敵之國佐喜言兵運蘭拙訥然自命宿將積不相
能又用金谿失期事相怨望而國藩欲其互相濟固命
同往十二月庚申合攻景德王文瑞吳國佐當中路張
運蘭分左右繼進文瑞等接戰寇退走運蘭復失期寇
見無繼還鈔官軍國佐禦之寇遂直前攻文瑞復分鈔

湘軍志四

主

其右文瑞國佐戰且退死者百五十四人於是國佐上
書求退文瑞亦不直運蘭已巳運蘭獨攻寇寇伏無聲
久之白旗數十騎臨水欲渡促擊之皆還走竟不出戰
日暮運蘭收眾寇吹角出大眾乘之運蘭反棹渡水文
瑞揮眾繼進寇敗去保景德罷國佐軍還湖南運蘭自
此專景德戰事其後朱品隆唐義訓李榕諸軍皆以持
重不戰全軍為上及李續宜諸部將成大吉毛有銘等
專求自全湘軍鋒銳始頓矣劉騰鶴等自吉安移屯九
江以應湖北
九年正月蕭啟江至贛州寇屯新城墟眾號數萬已丑

啟江遣田勇三千誘之寇爭出赴利啟江揮軍推鋒直進大敗之明日寇出彊眾數千啟江分軍迭戰又敗之毀其屯辛卯寇設伏誘田勇田勇貪鹵獲倚湘軍無所畏集者四萬啟江曰眾而不整必敗禁之不可遇伏果敗蹂湘軍人相間廁湘軍敗胡中和等力戰斷後死者二百六十四人癸巳啟江復獨挑戰寇不出辛丑官軍遂至城下南安故有二城夾水寇分屯相倚軍至皆棄而走啟江約軍屯城外作壘自固令曰入城者斬二月壬寅朔寇果還南城癸卯攻之寇敗走啟江喜曰寇狡而弱吾直驅之耳遂入城城寇亦走乘勝攻信豐辛亥

湘軍志四

四

寇悉走趨郴桂閩浙餘寇皆趨郴桂所謂石大開三十萬眾後圍寶慶者也安徽寇自婺源走建德窺彭澤劉騰鶴拒戰辛酉敗之玉虹橋已已進攻建德寇礮中火藥軍驚潰騰鶴死之國藩移屯撫州增遣撫州屯將屈蟠戍湖口益募三千五百人裨朱品隆更以張岳齡凌蔭廷為營官調玉山防軍助攻景德而檄蕭啟江自吉安還援湖南五月曾國荃至軍率朱品隆等軍五千八百人助張運蘭景德軍相持七月寇久益懈水陸二萬人莫肯先進國荃至乃令移屯敗援寇於浮梁南六月大雨水軍將任星元合劉于瀆乘水進燒寇屯寇走浮

梁國荃等追之癸丑復浮梁寇走建德北去江西少定乃遣張運蘭還湖南援寶慶國藩帥諸軍出九江八月至黃州九月議合湖北軍攻安慶寇併力於湖北軍而石大開潰於寶慶狂走廣西益西去明年寇陷蘇杭國藩督兩江以江西為根本其彊弱輕重與初敗九江時絕殊語杜後篇

江西篇第四

湘軍志四

五

曾軍後篇第五

湘軍志五

咸豐九年秋江西湖南寇漸平湖北巡撫胡林翼方治軍儲餉以平寇為己任而寇帥石大開由貴州窺四川湖北餉倚川鹽四川又饒富獨未被兵議者皆以防蜀為言且以曾國藩久治軍無疆寄為未竟其用林翼頻說官文合奏請 詔國藩援蜀冀 朝命授以總督詔唯令督軍無後命林翼又議客軍孤懸愈非計安徽寇合捻寇蔓廬壽將為楚患乃改議留國藩合謀皖分三道各萬人都興阿楊載福循江攻安慶國藩出太湖取桐城林翼自英山鄉舒六袁甲三時屯臨淮間之以

湘軍志五

一

為今楚軍大舉而安徽兵弱將驅寇北犯宜由光山北遠蒙城具奏以聞 詔官文國藩林翼計萬全謀定而後動國藩上議曰竊號之賊與流賊異今之洪秀全踞金陵陳玉成踞安慶私立正朔偽稱侯王竊號之賊也石大開由浙而閩而江西湖南廣西貴州流賊類也龔張諸捻分合無定亦流賊也流賊當豫防以待其至堅守以挫其銳竊號者當剪除枝葉攻所必救自洪楊內亂凶燄久衰徒以陳玉成往來江北句結羣捻故皖北糜爛日廣江南賊糧不絕臣等以為廓清諸路必先攻金陵攻金陵必先屯滁和取滁和必先圍安慶誠能圍

安慶攻廬州略取甬縣使其備多力分何敢北竄哉且不特不敢北而已並不敢東顧江浦六合蓋竊號之賊未有不竭死力以護其本根者也中原腹地莫要於皖固不敢謂石大開必無入蜀之虞而就大局論緩急臣自宜回軍援皖以速蘇民困十一月國藩移屯宿松是時蕭啟江援四川張運蘭還湖南獨朱品隆唐義訓易開俊張岳齡等從而湖北大將都興阿養疾荊州李續宜告歸湘鄉多隆阿鮑超新貴重皆樂為林翼用憚國藩嚴國藩亦不樂二將皆推林翼節度悉湖北軍圍攻太湖十二月多隆阿又撤太湖圍屯小池拒援寇援寇

湘軍志五

二

號十萬潛山太湖寇踞城者號數萬軍事危險多隆阿意氣自如國藩憂之乃悉發已親軍圍太湖語杜湖北十年正月壬辰湖北軍大破寇遂克太湖潛山二月寇陷杭州三月杭州寇退李續宜至宿松定議分三道圍安慶乃遣朱品隆等進屯集賢關多隆阿進規桐城而續宜為後援以助二軍閏三月曾國荃來領安慶軍江南大營軍潰四月蘇州陷 詔加國藩兵部尚書銜署兩江總督胡林翼喜國藩得大用與書曰兵事當布遠勢忌近謀公言南岸分兵一由池州取蕪湖一由祁

篇

出徽甯一專守廣信防江西此皆內軍也取餉江西而惟議釐捐以錢漕歸巡撫愚又以為隘矣以湖南北為兵之本以江西為籌餉之本待三省協防而後謀吳非一年不能夫吳越人之毀譽怨望雖不必問而吾等悲閔之懷與吳越人仰望之苦最難為情也吳督之任以包擊把持恢廓宏遠為用鹽漕得人何事不濟不患貧也蘇常失守以後督撫監司或死或未死或已補或未補進賢退不肖此其時矣今宜起兩軍一出杭州一出揚淮先調屯守之平江軍五千馳入杭州拯其急而取其財而令次青募五千人繼進拘守廣信無當也杭州

湘軍志五

三

失駐衢州杭州存進湖州此平吳之先著已霞仙李高當各募六千人為皖南揚州之用或為江西之用為隨征之用少泉可治淮上之師合水陸萬五六千人而以多都將馬隊幼丹宜奏為西藩二李或甯藩蘇藩則兵餉一家矣大局安危視公放膽否目近者葉督兩廣而不知廣西為何人所轄何督兩江而割皖南割皖北并割江北矣福為皖撫而割南岸棄以予浙江又割淮北棄以予袁公其日蹙百里宜也徽甯猶完布置粗定當鼓行而前與懷桐之師會於當塗然後湖州軍出於蘇常揚州之馬飲於江浦林翼雖孱弱不覺其言之汗漫

也急脈緩受大題小作則恐或不濟國藩得書壯之然其再出也行兵持重必無後顧而後動謹官守和衆心以懲補前失不能用其議將進甯國猶惡其險乃移駐祁門乞鮑超全軍以行而自將朱品隆張運蘭合萬一千人五月戊申渡江六月癸酉至祁門檄李元度募軍三千左宗棠已奉 詔襄辦則令領五千人鮑超方還變而張運蘭杜柳俱期八月會兵丙戌 詔國藩補兩江總督授為欽差大臣時曾國荃留圍安慶與多隆阿李續宜皆為湖北軍袁甲三屯淮上自為一軍巴棟阿為鎮江軍李若珠為揚州水軍王夢齡署漕督為清淮

湘軍志五

四

軍薛煥署總督為上海軍張玉良收潰軍退杭州猶稱江南大營軍周天受屯甯國張希屯徽州為二軍江長貴將杭州軍米興朝防廣德皆王有齡主之為浙江軍皆各專奏不相咨稟寇踞蘇州則東犯松江西陷金壇南破嘉興杭軍退敗而高澆寇復南出廣德池州寇東掠旌德涇蘇杭人皆謂國藩宜援杭湖論者或以為輕騎至淮揚則不制於寇而業已至祁門則又以為宜急據甯國當前敵遣左宗棠等攻廣德指南陵合陳大富軍與揚載福水軍相連待安慶克而合師國藩歎曰夫言之甚易行之甚難今進無所往勝無所益何為而輕

舉乎八月 召張芾還以國藩兼督皖南軍令周天受
聽調遣戊辰宿國陷天受死壬申以李元度為皖南道
將三千人屯徽州張芾軍萬人分防諸隘實不任戰守
軍餉久乏倉卒遣散以索餉襍居城中國藩先議守徽
使朱品隆覘地形品隆言非精兵二萬不能守而元度
前守貴溪有功自許能守之國藩又以元度新軍不能
野戰故浙江請援不赴俾馮城以自固元度至三日土
寇散軍結連甯國寇而旌德寇遠績溪闌入叢山關元
度急請援大營時鮑超假歸無統將張運蘭方攻旌德
前後為寇所絀乃以散軍四營往至則寇已大至四營

湘軍志五

五

潰還走休甯徽州城中軍皆大奔元度遂南走開化癸
未徽州陷前皖南道福成死之國藩急檄運蘭還而促
鮑超赴軍自太平南還屯漁亭寇益西趨陷休甯將攻
祁門大營軍中大震凡前言祁門可屯者皆更請國藩
亟去國藩度寇必東南窺空虛乃咨左宗棠率新軍屯
樂平寇果分陷瀉安嚴州九月庚申鮑超張運蘭合攻
休甯寇敗之十月己卯南陵寇破黟鎮防軍陷黟縣城
庚辰運蘭分軍拒戰不利鮑超遣宋國永往攻寇寇棄
城屯盧村辛巳增軍大戰破走之十月廣東西新寇俱
出江西前後趨建昌河口陷德興婺源池州寇攻建德

敗屯將普承堯十一月連陷彭澤都昌鄱陽浮梁以左
軍屯景德唐義訓自祁門救建德水軍守湖口鮑超還
助左軍寇復敗徽防嶺內軍入黟分黨掠玉山休甯寇
出攻漁亭環祁門無安土屯軍皆斂兵自守
十一年正月左鮑軍合拒寇於鄱建界敗之遂收建德
左軍獨攻寇婺源前軍陷伏中戰不利乘夜引還鮑超
渡江援安慶圍軍二月移建德屯將陳大富軍合左軍
屯景德寇從鄱陽東侵左宗棠禦之金魚橋未戰寇襲
景德破之大富赴水死大富前孤屯南陵有重名自拔
出頗移屯未嘗令當敵至景德十日而死皖浙諸軍將

湘軍志五

六

如大富者已號能戰然其戰守猶不及張運蘭等故寇
恆避湘軍祁門介寇中寇去大營二十里輒引去豈盡
虛聲哉習戰不習戰之異也國藩之駐軍祁門本倚江
西糧臺景德鎮轉運水軍駁船護餉以為萬全至是前
計盡虛左軍退樂平國藩親屯軍合三萬人糧運三十
日不至眾乃爭言取徽州可自立又言可取餉浙江先
是休甯寇無故而宵遁張運蘭久屯休甯城寇亦不復
來故疑徽州寇弱易攻三月庚寅國藩自將祁門軍進
至休甯徵黟防軍會師癸巳進攻徽州大雨軍械多散
失甲午還休甯戊戌復進庚子寇夜出驚我軍軍八營

潰辛丑遣軍各還所屯國藩留休甯誓死守時左軍破寇樂平寇益遣黥黨往尋戰癸卯寇悉眾攻樂平城左宗棠亦悉眾出城擊之無部分唯視來寇隊分軍短兵接寇大敗遂走廣信趨浙江去甲申國藩留軍屯祁門自將親軍五百人出駐東流於是婁雲慶唐義訓防漁亭張運蘭守休甯朱品隆杜祁門左軍往來廣饒鮑超軍專赴急禦巨寇截自救不復論進取而寇每縱橫馳突動行千里北則自英山出破蕪黃遂北踞德安南則攻建昌撫州陷吉安瑞州西出義甯擾崇通東則越衢州陷龍游湯溪踞金華掠遂昌至義烏破處州卒莫

湘軍志五

七

知其所為議者以為謀解安慶圍或以寇無略持乘虛縱掠以為戲要宜急破安慶攻金陵如國藩初議五月戊子鮑超至安慶攻赤岡寇屯力戰破之禽寇將劉瑋林礫城下以示城寇瑋林陷蘇常為前鋒自恃其勇欲以孤壘逼官軍既伏誅曾國荃軍勢自倍鮑超移攻宿松因援瑞州是日徽州寇襲陷黟縣梗漁亭休甯軍壬辰朱品隆等合攻黟寇退走丁酉追寇嶺外庚子徽州寇棄城走得寇聚米供二月軍食左宗棠移屯婺源甫至汀州寇出德興迎戰敗之七月丙申多隆阿桐城國軍大破援寇於挂车多隆阿與鮑超皆湘軍大將寇

與戰必悍黨多隆阿亦自持威重不喜人節度不求人自助亦不輕助人故寇大上江西湖北一月陷二十餘城鮑超疲奔命則以李續宜軍游擊李續宜者名尤重於多隆阿鮑超及行軍忽南忽北殊不遇寇更奏調援蜀將劉嶽昭自助而浙江亦奏起孚元度將軍援浙由平江出崇通寇乃東南走於是寇帥陳玉成合羣寇屯挂车謀覆多隆阿軍多隆阿擊走之寇退屯石牌絕其運道議者復請徵鮑軍多隆阿笑曰吾運道不易絕比吾軍糧未盡賊已走矣庚戌鮑超追瑞州寇至豐城壬子寇走撫州八月丁巳朔曾國荃克安慶當石牌之被

湘軍志五

八

寇也寇分黨襲國荃屯後攻戰六晝夜屯堅不可入程學啓復攻城外寇破三石壘國荃弟貞幹作屯菱湖合水軍絕寇糧陳玉成屢敗不得進乃相率逃走安慶既復文宗朔胡林翼薨穆宗立以彭玉麟為安徽巡撫移前巡撫李續宜撫湖北皆辭詔還續宜安徽已未多隆阿克桐城庚申鮑超至撫州寇走貴溪辛酉超奉檄救江北遂還軍是日水軍克池州丙寅鮑超至南昌聞安慶復還撫州寇復得廣東新寇合大眾將西丙子鮑軍至貴溪寇東走追奔六十里平寇壘七十進復鉛山多隆阿移桐城軍驅寇宿松黃梅廣濟斬李續

宜收黃州劉嶽昭收隨嶽昭軍遂西九月曾國荃進攻無為克之戊申克運漕鎮甲寅爭東關克之國藩移駐安慶多隆阿將二萬人收舒城廬江進攻廬州李續宜部將蔣凝學等將萬人屯六安霍山左軍屯婺源張運蘭等屯徽州李元度新軍出廣信寇悉赴浙江而皖北寇聚保廬州國藩軍分守安慶樅陽廬江無為及運漕鎮東關不足乃令曾國荃益募軍六千謀進取而左宗棠議大舉援浙鮑超朱品隆等合軍進攻甯國凡五道並進軍勢沛然矣天子新即位羣臣爭上書言事多推湘楚軍功以為偏裨皆可督撫因益重國藩頗訾論

湘軍志五 九

江西浙江江蘇巡撫 詔國藩兼制浙江巡撫提督以下統江浙四省唯都興阿袁甲三不隸部中國藩皇恐三奏辭不聽始議援浙以江西湘軍將屈蟠王德榜段起及水軍孫昌國徽防將張運蘭悉統於左宗棠而以廣信漕糧奏令宗棠徵收餉軍又分河口景德婺源三局釐稅益之於是苗沛霖攻破壽州脅巡撫以要權遂踞霍邱懷遠以窺鳳潁十一月杭州陷寇分犯徽州張運蘭先以疾歸其弟運桂領軍城守朱品隆唐義訓還軍赴援品隆義訓常屯不相能及俱出軍隙益甚品隆至城下寇來戰軍將不支義訓案兵不相救國藩聞

之大怒遣讓義訓曰湘軍之所以無敵者彼此相顧也湘軍將雖有讎臨陳未嘗不相援故有晨參商而夕赴救者私怨情也公事義也爾獨不聞知乎朱鎮危急三促出軍而不肯應是亂湘軍之制而湘軍由此敗壞也不急改者將誰容汝吾行軍十年視將士如子弟至於執軍法以誅敗類必有餘矣又下檄品隆問狀義訓品隆慚懼相悔謝同上書謝請自今輯睦於是一月七捷徽州圍解國藩以軍勢已振朝廷鄉用專而浙江全省地被寇江蘇士大夫朝夕請師乃奏薦左宗棠李鴻章蔣益澧李桓各授巡撫布政使又請命大臣督己

湘軍志五 十

軍餉 朝命副都御史晏端書專開稅局於廣州沈葆楨前屢召不出至是超擢江西巡撫乃起視事而湖南巡撫毛鴻賓亦國藩舊交故吏及湖北嚴樹森貴州韓超皆胡林翼所薦用駱秉章督四川劉蓉以諸生徑用為布政使李續宜劉長佑則本起湘軍於是西至四川東至海皆用湘軍將帥則皆倚國藩為重略如胡林翼書所言包擊把持者東南爭驚於功名矣同治元年二月曾國荃新軍至安慶左宗棠軍入浙收開化三月上海具輪船至安慶來迎師以李鴻章率湘軍將及新募舒桐軍往應之鮑超克青陽國荃克巢縣

含山和州鮑超克石埭太平寇衆反正者萬人攻涇縣克之曾貞幹克繁昌南陵張運蘭克旌德國荃合水軍進攻沿江諸寇屯丁卯多隆阿前軍將雷正綰等攻廬州城東南門石清吉等攻西門寇將陳玉成將援寇屯城東多隆阿攻其旁壘以致師玉成恃勇悍率衆三千來鈔官軍正綰迎擊交綏寇退據城北浮橋城寇先聞多隆阿至皆兇懼惟倚援寇自壯及戰開北門出大眾謀合擊東門軍方出城玉成退則驚以為敗亦北走玉成遽斷浮橋逼城寇使阻水及拒城寇愈驚相蹂躪城散走石清吉等梯西南以登城內外寇爭走於是合感

湘軍志五

十一

之斬賊數千計俘八百四十七拔民男女七千餘人廬州復陳玉成走壽州將乞援苗沛霖沛霖聞玉成敗恐襲奪已衆又畏多隆阿之乘已也反欲取陳玉成自效玉成至屯軍肥水南苗沛霖陽稱疾遣其黨伏謁入城具牛酒搞三千人者玉成入導至館而閉城阻其從者玉成初不疑既登堂見几上陳桔鏢乃悟怒罵曰苗生反復我死行及爾乃自速誅邪沛霖遂囚玉成及從者二十人獻於潁州勝保營而招誘餘寇寇或降或散去當是時多隆阿之名懾懾羣寇壽潁弭伏江南間風相驚動國藩飛書約會兵多隆阿素以文官不可親且

已不識漢文而亦惡儒吏即報國藩言軍事權宜專一以微示不與曾國荃同處國藩具言如先約一聽公指撫官文瑞多隆阿終不欲東而四川德安諸餘寇俱入陝西先巴奏遣雷正綰赴援遂再奏令多隆阿自往陝撫及京朝官亦日言關中帝王都天下最要朝命屬多隆阿命下官文益自喜當上意決意遣之合軍江甯之謀不復聽矣國藩獨歎曰多公威名太盛寇知不敵則必入南山老林此所謂驕驥捕鼠者也與書官文言江南財賦比秦中何止十倍賊數衆多何止百倍曩者楚軍有大謀惟以書問往復不先恃奏取朝旨

湘軍志五

十二

以相壓故國藩不奏爭而上議於左右宜且止西行以圖江南官文業建議不肯止多隆阿留五千人屯廬州而身將萬五千人入陝西詔授為欽差大臣後頻破寇竟死盤屋馬壬申曾國荃克宣城癸酉合水軍克金柱關甲戌收蕪湖五月甲申進屯雨花臺自向榮和春以兵七萬屯守八年卒潰退國荃軍合水軍不滿二萬國藩以為孤懸無益未可進國荃議曰諸軍士自應募起義人人以攻金陵為志今不乘勢薄城下而還軍待寇則曠日持久非利也若舍金陵別攻甯國廣德或取潁壽則將士見謂置於閒地浪戰而意怠雖鮑張亦益

厥攻戰將去公而歸耳這城而屯亦足以致寇軍勢雖危顧不可求萬全國藩許之會左宗棠亦言宜薄城圍攻之勢乃定乙酉上海軍禦寇新橋大破之李鴻章之赴上海也其大將曰程學啟學啟先陷寇中安慶圍合歸誠曾貞幹約以內應為效未及期夜率千餘眾叩貞幹壁門呼曰今事發與寇戰突圍至此追者即至矣吾所將皆精兵當入營助守不能釋兵公相信者開門納我不信急發礮擊我無兩敗也軍中大驚疑報貞幹貞幹履履出視下令開門納其眾追寇俄而至亦遂還去學啟由此願效死貞幹卒則從鴻章是時上海結英法

湘軍志五

三

二國軍復青浦嘉定攻松江號南路軍學啟劉銘傳潘鼎新郭松林將湘淮人攻南匯號北路軍寇悉眾攻敗外國軍再陷嘉定則併南路窺上海學啟將千五百人屯新橋寇夜圍之數十重礮擊寇尸平壕踐而登學啟乃開壁突擊寇駭卻鴻章自將來救前後合勢寇大奔外國軍見其戰自以為不如自此上海湘淮軍始振六月甯國援寇分三屯與城寇各踞一門鮑超先攻城西城西者城寇屯也城寇倚援輕進超設伏鈔其後寇誤以為援至則反鬥官軍合擊大敗之追至城下寇退死守云云援寇發南北屯眾攻官軍城寇出結陳與相應

超分四軍擊之宋國永攻南屯陷陳深入燒二壘寇退而北屯寇棄壘遠奔城外寇盡奔城寇收眾入丙寅城寇復出東門犯官軍未戰引退鮑超自追之寇不入遂東走超亦東追數十里寇乃返鬥超引軍作圓陳包寇寇將單馬突圍走餘下馬步從遜去得馬千匹俘寇裨將三百死者千計乃還軍攻城城寇皆長跪莫敢拒戰遂復甯國而甯國縣寇將獻城贖其死遂先驅克廣德既復三城或諫超曰甯國城未破而公自追賊至六十里城寇若攻公營進有疆寇退失所據此危道也超笑曰吾但知兵勢不知兵書蓋超之戰專剽銳其持重堅

湘軍志五

四

忍不如多隆阿而終未嘗敗沒其軍杜湘軍為無紀律然亦能相維繫乃竟以功名終云七月袁甲三請疾詔李續宜代其事續宜以母喪歸語具臨淮篇徽甯大疫雨花臺圍軍亦多疾病鮑超等不能軍國藩憂懼以為軍行攻取方利而天灾咎重由己德薄任過恐致傾覆請出朝臣督軍以分己責詔慰勉且以疾疫流行寇不能獨彊為寬譬而疆將賢吏相繼物故軍中至無炊煙乙未程學啟克青浦李鴻章遣軍浮海克餘姚八月丙子克慈谿自上海軍出浙江江浙兵氣皆振閏八月蘇常寇來攻曾國荃軍多發西夷火器相燒擊復穴

地襲屯壘連十晝夜不休九月浙江寇復來助攻國藩
急徵援兵皆牽制不得赴國藩以三萬人居圍中城寇
與援寇相環伺士卒傷死勞敝然單搏戰率恃礮聲相
震駭蓋寇將驕佚亦自重其死又烏合大眾不知選將
比於初起時衰矣十月寇解去由九洲洲北渡敗李世
忠防軍陷和含山巢其南走者合廣德寇西南掠績溪
祁門徽甯安廬俱阻絕唯江上下恃水軍得相聯絡乃
謀增陸軍徵貴州提督江忠義自廣西出江西視寇勢
為戰守以鮑超部將鄭陽和等隸李榕立為新軍留李
鴻章軍將張樹聲三千人助廬桐戰守召還李續宜遺

湘軍志五

五

軍將成大吉蕭慶衍等攻巢和又益募五千人埤曾國
荃圍屯自此統眾過十萬而左李各將數萬合湖北江
西湘軍幾三十萬自餘援軍分布黔桂秦齊者又數萬
連兵不得罷國藩日夜憂危以進攻江甯為非計乃自
行圍察視焉

二年正月國藩自安慶出巡諸軍屯是時曾國荃屯江
甯城西南江北則楊岳斌將水軍屯烏江皆當前敵其
南則羅逢元守太平屯金柱周萬倬吳坤修守蕪湖而
彭玉麟將水軍屯濡須杜江北溧水高淳寇時來窺太
平蕪湖運漕東關寇反出濡須上與和含山巢寇相響

應劉連捷毛有銘等屯石澗埠逼寇西南韋志俊守無
為城以通水軍其西廬江梁美材屯馬廬江北廬州石
清吉守之舒城杜廬州西南廬江西北蔣凝學守之舒
城南桐城周寬世守之以南通安慶舒城西北六安凝
學分軍守之北防苗沛霖南通霍山為湖北邊防蕪湖
南則鮑超守甯國屯高阻山而劉松山屯城中易開俊
守涇杜超軍西南吳廷華守南陵杜超軍西稍北杜涇
西北朱品隆先守旌德以救青陽故移守青陽杜南陵
西南又西則池州以瀕江近安慶無屯軍寇踞建平廣
德甯國縣者西出陷旌德太平石埭南破績溪斷徽甯

湘軍志五

六

官軍徽州守將唐義訓恃左宗棠大軍為聲援戊申朔
寇圍涇壬子鮑超救涇入城屯軍癸丑出擊寇大破之
追奔二十里甲寅超還屯二月國藩還安慶以曾國荃
圍軍堅定水陸輯睦始罷退軍之議丁丑朔王可陞攻
甯國寇燒其小淮窩屯鮑超分攻梅領廟埠屯皆破之
寇犯休甯分掠建德西侵彭澤鄱陽東繞池州圍青陽
和巢寇攻石澗官軍自己卯至癸未圍益急捻寇復南
犯蘄水辛卯寇攻太平屯將朱洪章洪章戰敗南北岸
同告急均檄鮑超赴援超疑所往乃先石澗未至寇解
去掠無為舒桐廬江六安而還上海軍浮海攻福山寇

屯破之遂解常執圍三月進克太倉左軍將劉典江西
軍將王沐攻寇夥復其城四月劉連捷蕭慶衍等合鮑
超軍收巢舍山和曾國荃攻破江甯城南西寇壘九程
學啟克崑山五月鮑超等進攻浦口寇棄屯逃走遂收
江浦合水軍攻九洑洲四日破三隘奪洲屯語杜水軍
篇蕭慶衍留屯江浦上海軍攻江陰劉銘傳破寇屯二
十七郭松林破寇屯三十五滕嗣武破寇屯十三六月
程學啟克吳江苗沛霖陷壽州奏劾軍將蔣凝學及逗
留成大吉等降責有差國藩以餉乏辭總督 詔慰勉
國藩李鴻章合奏請減蘇松太倉浮糧 詔酌中定額

湘軍志五

七

除故明積弊李鴻章分軍三道程學啟由崑山進攻蘇
州李鶴章等由江陰進無錫淮揚水軍輔之太湖水軍
將李朝斌由吳江進太湖潘鼎新等分屯松江上海常
勝軍屯崑山為前軍援徽池寇自二月出江西中踞建
德鄱陽間左窺景德右出東流湖口江忠義未至席寶
田先出撫州趨饒州劉典自徽州來總諸軍諸軍將段
起王德榜王沐韓進春及寶田攻陶渡寇屯大破之丙
子進春輕出遇伏敗退寇復張趨攻湖口國藩先遣李
榕屯湖口及江忠義至壁堅山李榕新軍拒寇不利寇
攻堅山忠義出擊之傷寇帥壬辰浙軍將王文瑞復夥

縣庚子遣甯國防軍將何紹彩及水軍礮船援臨淮蔣
凝學等防潁川霍邱七月丁未湖口寇退走都昌建德
彭澤鄱陽寇俱東北走圍青陽銅陵甯國涇皆被寇屯
將拒戰各相持八月乙亥朔劉銘傳攻江陰寇內應官
軍夜登城燒門樓餘寇突門走復其城丙戌李榕援青
陽敗潰江甯圍軍攻城南東西寇屯頻破之乃遣鮑超
還援而水軍將喻俊明及國藩護軍將喻吉三合江
義席寶田軍先後至青陽刻期攻寇寇解圍走石埭迨
軍至南陵遂東攻建平庚寅程學啟攻蘇州破東西寇
屯四無錫寇貨輪船自助周壽昌燒其輪船石埭太平

湘軍志五

六

寇頻犯甯國涇敗去乃詣朱品隆請獻二城及旌德以
自贖九月壬子收三城散遣歸誠人四萬彭玉麟督水
陸軍攻太平沿江諸寇屯進高瀆高瀆寇將請歸誠十
月乙亥收高瀆鮑超楊岳斌俱會師東壩寇震恐丙子
易開俊自涇劉松山自甯國合軍收甯國縣東壩寇開
屯迎官軍辛巳收東壩壬午連下建平溧水東壩既克
皖南金陵蘇浙軍勢相連鮑超全軍屯守之王可陞守
溧水李榕守建平歸誠人洪容海守高瀆青陽石埭太
平旌德涇及甯國府皆分軍屯守戊戌李鴻章復蘇州
蘇州之合圍也程學啟軍所至輒破寇壘城寇諸將權

不相下相猜貳因謀反正斬異議者開門納軍然不交
兵猶擁衆號十萬已亥出城者八寇將謁鴻章受二品
冠服乃謁學啟學啟先已置人於坐數其罪悉引出斬
之報鴻章鴻章大驚懼學啟入城諭衆衆皆聽命或頗
散走而先與寇將誓約者曰副將鄭國魁恨負約涕泣
不食臥三日鴻章亦頗答學啟輕發且曰為已甚君亦
降人也學啟大怒還營將引軍去其營員奔告鴻章鴻
章復過學啟陽論他事笑語甚歡事乃解庚子安徽巡
撫唐訓方收懷遠辛丑苗沛霖突蒙城圍被斫死十一
月李鶴章等復無錫進攻常州以應江甯圍軍程學啟

湘軍志五

九

出太湖圖嘉興以應浙軍潘鼎新等軍先入浙收平湖
海鹽寇爭應官軍所至輒下遂收嘉善曾國荃益募新
軍增圍師圍城官軍遂至五萬人援寇還江甯城者皆
不敢出左宗棠議以為當分軍攻廣德國藩以寇勢猶
盛而江忠義新出懼軼蹂江西持不許李鴻章諸軍銳
進深入宗棠復奏言嘉興常州可緩攻朝廷俱下其
議三帥卒各主已說守其便宜焉

三年正月戊申甯國寇西南掠績溪遣江北將毛有銘
將六千人援徽州浙軍將王開琳先還赴急寇疾走舍
徽州不攻北犯湖口南趨景德別黨由浙入玉山由閩

入建昌均期會撫州徽州守將唐義訓不能禦毛有銘
未至以戰事委江西語杜江西後篇戊午曾國荃攻鍾
山寇屯克之時東壩屯重兵太平防輕移金柱屯軍助
圍師及江浦廬江守將皆先率軍會城下新募軍亦俱
集乃謀合圍寇之設守也環城多為石壘尤重於北既
於鍾山作大城號曰天保又於山脊入城處作大城號
地保官軍攻城西南不甚懼至進屯明陵則出衆力爭
之向榮和春皆以此敗二年夏鮑超已作壘明陵前會
當移軍自平壘而退國荃圍攻幾二年破寇壘以百數
終未及城北及破鍾山壘移軍屯守更增築壘屯軍五

湘軍志五

十

六千逼北道餘元武湖阻水為圍城寇糧運絕矣丙寅
郭松林等克宜興二月癸酉溧陽反正寇走江陰圍常
熟攻無錫李鶴章還守無錫郭松林援常熟寇皆敗散
程學啟急攻嘉興寇請降學啟瞰城中知其詐攻益力
陳公勇將何安泰學啟親搏戰薄城先登槍子傷額遂
克之學啟養傷蘇州創已合一日獨坐深念有所忿誤
發創口血溢竟死自學啟之歸誠經百戰每戰料勝敗
無所失或知當敗則戒諸將曰公等皆不善敗吾當自
餌賊某時敗某時期某所來援賊可退矣諸將素憚服
其能謹如約則如所言至其突陳陷圍見者以為神兵

夷將戈登尤敬之及其死以所建旗歸訛海國推為名將焉江蘇之戰始上海終嘉興功成而學啟死其名位亞於多隆阿矣辛巳廣德州寇棄城走湖州自蘇杭江甯軍並進論者皆以廣德為要害以官軍力不足不敢攻惴惴恆恐寇迸出及寇棄去乃知其無能為始議鮑超進攻句容其時李世忠已獻還五河天長全椒來安六合滁州而鎮江軍將馮子材等亦頗出兵助攻句容丹陽江甯寇頻驅老弱女口出城以節食更於城中種麥刈草為糧庚寅左宗棠克杭州三月壬寅鮑超克句容甲辰進攻金壇馮子材飛書請先攻丹陽乙卯解金

湘軍志五

主

壇圍伏兵茅山待追寇寇果出中伏返走追奔五十里寇不入城城寇反出走丙辰克金壇乃還軍援江西是時浙江寇走徽州號二十萬徽防將毛有銘出戰輒敗寇深入江西前隊至宜黃崇仁南昌戒嚴四月庚午李鴻章克常州壬申馮子材復丹陽 特詔楊岳斌督軍江西尋授陝甘總督又 詔李鴻章移師合攻江甯檢寇自河南犯麻城議遣王可陞屯無為李榕屯桐城未行寇復踞廣德趨徽州者日夜相繼楊岳斌鮑超皆西援乃以江蘇軍將劉銘傳屯句容鄭魁武屯東壩五月壬戌郭松林克長興於是江甯圍軍以城破可計日而

李鴻章當來會師恥借力鴻章鴻章亦讓功託言盛夏不利火器延不至 朝命促會師數急曾國荃憂憤日約將士穴地隧城期必破而龍膊寇屯所謂地保城者不得則形勢終不便乃日夜發礮攻之己已奪其壘遂作礮臺其上穴其下又環城列隊十餘道並攻積溼蘆沙草高等城以疑寇使多備六月甲申地道成乙酉曾國荃令圍軍百營皆嚴備別縣賞募敢死將士待城破先入於是李臣典等誓先登者九將日午地道火發城崩二十餘丈寇反然火藥下燒我軍朱洪章等乘城缺登張詩日等循城據北門彭毓楠據東門朱南桂羅逢

湘軍志五

主

元等皆梯而登寇散走或出城或還保子城夜半縱火燒城中因突圍出走黃潤昌等露立龍廣山袁大升等循城南遇逃寇要擊誅斬數百張定魁等追寇及之湖熟復俘斬數百人城寇多自焚或投池井洪秀全已前一月死其子洪福年十八九餘寇挾之走廣德洪福刻印姓名列真王二文軍吏謀合二文為瑱奏 詔言洪福瑱者以此江甯既復羣寇出掠者皆瓦解國藩奏上諸將功以所俘寇將李秀成言洪福已死於是浙江江西諸軍方欲張寇勢洪福又實不死李秀成者寇所倚渠首初議生致關及後見俘寇皆跪拜秀成慮生變

輒斬之羣言益譴爭指目曾國荃國荃自悲艱苦負時
謗諸宿將如多隆阿楊岳斌彭玉麟鮑超等欲告去人
輒疑與國荃不和且言江甯鐵貨盡入軍中左宗棠沈
葆楨每上奏多譏譏江南軍會病疥因請疾歸鄉里散
遣所部軍二萬五千人而克城功最受封爵者李臣典
病卒蕭孚泗以喪歸大功雖成然軍氣憤鬱慘沮矣國
藩本以憂懼治軍自幸平洪寇克江甯如初起兵時所
望力言湘軍暮氣不可復用主用淮軍後以平捻寇然
席寶田左宗棠仍募湘軍征苗回竟定塞外校威天山
烏覩所謂暮氣者邪自國藩始勅用鄉農代額軍招之
湘軍志五

三

則來麾之則去見湘軍者乃知軍利敵胡林翼左宗棠
李鴻章皆由此起故各係其用兵之地而獨以國藩本
指為曾軍前後篇

曾軍後篇第五

水師篇第六

湘軍志六

咸豐二年冬湖北巡撫常大澂奏言寇水陸攻武昌船
礮充斥間湖南大軍有廣西礮船江南水師有廣艇礮
船及中小號礮船請調集江上下游乃可制遏賊勢斷
其糧運 詔徐廣縉等飭行時武備弛徒存水師名無
船也徐廣縉奏有盧應翔以礮船戰於長沙長沙人未
之間及 詔問乃知云陸建瀛防江有大小三板八槳
船向榮奏遣張國樑率湖南礮船所謂湖南礮船者以
民船載礮 詔徵登州水師船亦募商舟及寇破武昌
東下連舟數千皆商舟也 祥厚奏言江甯留船十以分
湘軍志六

防蕪湖梁山已足矣其不知水戰如此三年春九江陷
向榮奏調外海戰船快蟹大巴百餘取海道至江南又
調上海道吳健彰領拖罟戰船溫州總兵領頭養等船
備水戰而麟桂以練習船礮名及李德麟吳全美之徒
稍有聞矣五月寇既北渡淮河南圍南昌御史黃經上
書言兵勢始請吳楚蜀疆臣各造船練士乘流攻寇乃
指名及湖南其時道路阻塞朝報不時至 詔飭駱秉
章秉章以力所不及又凡言官論列例不行未甚省也
曾國藩聞湖北戰船敗於田鎮謀守湘乃試連木筏載
礮橫湘水十月 詔國藩督練勇援武昌漢陽始命率

船駛赴下游而國藩亦先於衡州治水軍訪船制皆不知其狀筏成不可用羽檄徵軍日數至人人以逗留為疑乃歎曰今寇往來陽邏湖南北所費殆二十萬彼縱橫江湖非舟楫無與爭利害且成師以出當為東征不歸之計九江以上千里如洗奈何以倉卒召募之眾執蠶脆之器徒步三千里以當虎狼百萬之彊寇乎水師守備成名標者頗能言船駛事國藩亦自以意用商船改造為長脣寬舢試發駛果不震而資費無所出乃奏截留大營粵餉銀八萬興水軍四千船二百其大白五百石及千餘石駛自二百斤至三千斤又推五日競渡

湘軍志六

二

船意為短橈長槳如蛇足以人力勝風水奏徵右江道張敬修率戰船不果來而同知褚汝航奉檄代敬修造長龍戰船於湘潭先成名標於衡州造者曰快蟹三板閩越船制略備矣然非有法直以意消息屢改乃成其軍亦募操舟人為之增設駛手其統將國藩自主之其裨將亦號營哨官純用儒生農氓或陸營弁丁其經營尺寸輕重之度數皆自慮度之而總督吳文鎔頗與同心時相商定焉四年二月船成凡大小二百四十輜重駛船百二十輜重民船百水軍五千分十營設糧臺舟中器物食用工匠畢備合陸軍五千發衡州浮湘東下

軍容甚壯當是時吳文鎔以促戰先出敗死湖北水軍盡散而寇入洞庭步上犯甯鄉及遇水軍下寇遽退湘陰岳州皆復三月寇復上岳州防軍潰賴駛船以免丙午大風壞船漂損大半戊申以陸軍敗還長沙整軍寇遂上犯屯靖港及湘潭城腹我軍當是時寇若從湘潭上游乘春水攻省城及從靖港乘北風來攻皆不過行二十刻勢危急我軍聞吹角及火光皆自驚寇竟不來四月己巳朔塔齊布援湘潭戰勝報未至軍中議曰陸軍敗皆潰死矣宜及軍士心未散率水軍進攻水陸交爭冀一當於是議所鄉用水師營官彭玉麟定計全軍

湘軍志六

三

上攻湘潭四營夜發約明日國藩帥四營繼之比至湘潭十里止偵者還言塔齊布已大勝乃約水陸循城進攻盡收所掠商船百貨闌委彭玉麟計軍士貪虜獲必懈乃悉縱火燒船貨火延岸上光燭數十里寇先本杜舟中者倉卒不得走雖亦發駛相拒不能水戰傷溺者千計城寇失計棄城走燒寇船之日國藩帥四營下攻寇靖港敗還城中大震得湘潭水陸捷書乃大定五月寇陷常德水軍船方艤巡哨小船莫能救然寇益不敢入湘六月山東登州總兵陳輝龍自廣州來會師廣東游擊沙鎮邦從廣西道員李孟羣自桂林來亦將水軍

水軍益盛庚辰發長沙甲午渡湖前隊營官褚汝航夏
鑾彭玉麟楊載福鄉道官何南青將二千人遇寇湖中
遂屯萬石湖丙申分五隊蘇勝將先鋒船趨南津夏鑾
繼之彭玉麟伏船君山楊載福伏船雷公湖何南青建
旗吹角列陳於後寇掠商舟載礮陳南津持不進三版
小船趨港中寇爭出三版陽卻誘之寇舟連檣上玉麟
等鈔之商舟旋轉不利戰退則相撞礙燒沈百餘舟奪
舟三十四礮十三其夜南津及城寇潛避七月己亥屯
南津庚子寇復上巨艚乘北風以壓三版三版斜進擲
火燒寇火藥煙蔽江寇斫其舟工舟工愈亂遂敗去追
湘軍志六

四

奔七十五里奪寇大舟七十六自是寇不復上壬寅攻
之雷鼓臺寇依岸自保進攻多傷會暮軍懼楊載福曰
今退我船不滿百寇十倍我敗矣非冒死出奇不得免
躬乘三板衝寇屯直下彭玉麟中礮傷竟燒寇後舟寇
爭還救乃大亂載福自此以勇略名與玉麟皆為水軍
名將而陸軍有塔齊布羅澤南塔羅彭楊軍中無與為
比壬子陳輝龍將後隊至南津間彭楊等戰勝則以為
寇不足破癸丑自將攻城陵磯湘軍頗疑南風下水難
退輝龍曰吾習水戰三十年諸君無以為憂平旦發礮
遂行廣東軍旌鮮明刀矛如霜雪洋裝銅礮震山浦

諸軍皆自失以為不及褚汝航夏鑾請同行楊載福亦
乘小船往觀戰沙鎮邦先進寇舟拒戰敗退輝龍乘托
罟大船至中流舟膠寇伏舟齊出鎮邦船已逼寇屯不
得還諸小船來救輝龍水急風利返吹俱下寇依岸逼
我軍欲登陸則逼寇發礮恐傷前船寇爭來奪船汝航
鑾鎮邦赴水死輝龍陷寇軍覆船礮盡喪寇乘托罟還
城陵磯托罟者關廣水師大艦也國藩初造船無之輝
龍至乃造二托罟其一以獻國藩其一自乘之既敗水
軍損失大半然自此益知水戰利害閏七月戊辰朔李
孟羣再攻城陵磯小利而陸軍大捷己巳楊載福等知
湘軍志六

五

寇將遜出要其舟寇皆乘小舟下走而鑿所得托罟船
沈之江中辛未悉平寇兩岸礮臺按螺山倒口六谿口
入黃蓋湖還收嘉魚復蒲圻遂會湖北軍甲午進屯金
口八月己亥王明山下窺鹽關寇水陸圍之三版六拒
寇舟數十突圍出傷兩人耳甲辰楊載福巡沌口丙午
湖北陸軍攻漢陽關未戰軍潰李孟羣橫岸擊寇陸軍
得不敗己酉國藩來視師遂登小軍山望武昌漢陽寇
屯寇來襲敗去丁巳燒鹽關寇船二百沿江寇壘九戊
午楊載福等衝寇屯攻塘角遂至青山寇擊之三版
人皆露立權船徐進有俯首避鉛丸者眾目共之以為

大恥水軍之初立也謀避敵百方皆弗良至是諸言避
敵者盡絀寇從城上望見相顧失色繼而逃者日殺百
數不能止明日武昌寇棄城走漢口漢陽寇皆乘夜具
舟遜武漢之復不勞力由劫水軍使寇震怖無策故千
里無留行焉下江屯寇聞之兇懼以水軍不可與爭鋒
則據江險悉眾屯田鎮九月丙子前軍攻蘄州寇馮城
不敢出陸軍後屯漳源十月丙申朔會陸軍於田鎮寇
壘連四十里夾江為五屯據半壁山鐵索纜江連舟承
其下上作大筏列敵橫中流守以敵艦其下游寇舟五
六千率掠過商民船以供運載自江甯陷後通江諸城

湘軍志六

六

鎮無甯日以此也己亥羅澤南等攻山大破之繼崖下
斫江瑣明日瑣復續國藩令曰水軍牽於蘄城蘄寇舟
城相倚角形勢不便宜分船衝下游得至半壁山合陸
軍而屯破賊必矣癸卯彭玉麟楊載福順流移屯蘄寇
戰艦不能追唯發礮與岸上礮迭擊哨官蕭世祥中礮
死軍士多傷竟下下十五里止乙巳斬舟寇乘西風走
保田鎮丁未進屯見峰岨癸卯屯十六里田鎮九里玉
麟載福間行入塔齊布軍謀合攻還分船為四隊戒曰
各有司誤者斬待令而後動備鑪鑊推斧炭薪於頭隊
船劉國斌孫昌凱領之昌凱故鐵工習冶鍛令專斷鐵

瑣戊申水陸軍大出玉麟戒昌凱曰毋發礮毋仰視直
趨鐵纜下彼筏上礮一發船乘流已下矣吾親為公拒
寇舟遂將二隊出戰楊載福將三隊待瑣開留四隊守
屯以防寇鈔寇恃礮以為船不能近纜及國斌等直下
玉麟繼進寇舟未及移環擊之燒二舟國斌推鎖下鉗
鉗落筏空昌凱鼓鑼治瑣瑣斷纜開筏上寇潰走溺水
被斫死者無算楊載福候纜開衝下游舟中寇愕不
知何軍乃從篷上望之或有覺走者舟連數十里走輒
絀而止載福直進至武穴乃回船擲火燒而上玉麟燒
而下於是東風起載福乘風玉麟乘流天明合軍俱還

湘軍志六

七

寇舟燼岸上寇已夜走蘄寇亦由陸遜走廣濟甲寅前
軍至九江田鎮已破湘軍水師名天下 文宗采其戰
法手詔宣示江南北諸水軍江南北水軍師艇船不諳
戰績徵紅單挖雷船皆待風乃行所至淹留而江西亦
造戰船頗用湖南船制以無將領輒敗退湖南杜籍官
丁善慶陳本欽唐際盛李際等始捐貲設船局而黃冕
等製礮以應征軍言船礮者莫能及湖南焉然太鋒銳
深入要利卒以至敗寇距九江城於湖口梅家洲作堅
屯二與城相鼎峙北屯小池拒陸軍辛酉李孟羣等攻
城城北洲壘木設礮旁維大舟小艇環衛之孟羣先攻

其大舟戰不利蘇勝鄭沐中破死李金梁船沈溺於江
寇既見官軍水戰法亦并力於水戰多造小艇依大舟
以出方冬風壯江水涌起戰船苦震簸寇又循岸射火
燒船軍日夜危苦思番休而陸軍以克城杜旦暮方日
日言戰十一月戊寅塔齊布破孔龍寇屯已卯小池寇
遜北岸既得遂圍九江寇悉眾保湖口彭玉麟等扼江
與相持丁亥寇載火夜燒江外船卒孟羣列隊待之火
舟至鉤放溜中終不得近十二月辛丑彭玉麟等攻湖
口寇筏破之士死傷相積寇亦殊死鬥其筏上作木樓
馮樓發礮樓傾或飛投江中洄而走其堅悍若此丙午
湘軍志六

蕭捷三等以寇屯湖口梅洲堅實慮其掠鄱湖內犯通
資糧率輕船闖姑塘諸勇銳爭從之既入乃不見一寇
會暮止屯寇瞰大船勢孤出小舟二十攻坐營都司史
久立戰死寇小舟循官軍大船間拋火焚快艦九長龍
七諸軍三版大半入姑塘無鬥志乃夜還九江大營時
楊載福養病武穴聞敗還爭湖口不利寇復北渡踞小
池已未湖口陸軍亦退保九江其夜小池九江寇負小
舟數十直犯國藩柁器大船國藩懂而免水軍遂大亂
入姑塘者方益進至南康間坐營潰退還望湖口寇已
作兩浮橋通岸往來捷三等乃遂取食吳城因襲都昌

寇舟破之然無統將且輜重阻絕漂泊章鄱間有船百
二十人三千為客兵而外江內湖水師分實始於此外
江自己未夜潰俄而寇從廣濟追楊需至漢口五年正
月丙寅李孟羣以船五十還救武漢戊辰大風損船四
十餘船不能軍乃令彭玉麟等泝江名援武昌而修船
新隄國藩自是入陸軍未幾移屯南康就蕭捷三等取
船江西立內湖水營而江西糧道鄧仁堃主製造二月
寇陷武昌自是寇專力陸道故城陷不能救三月湖南
益發新船百餘至金口彭玉麟募軍實之合舊水軍為
三千人與湖北巡撫胡林翼陸軍相輔四月王國才進
湘軍志六

攻漢陽將築屯寇前後鈔之玉麟望陸軍已被圍舍船
登岸反鈔寇多斬獲寇乃散走六月楊載福自岳州增
募船軍合先屯為十營內湖蕭捷三等增軍屯南康為
八營楊載福既至金口則議攻寇武昌以李孟羣所部
弱留孟羣將陸軍守金口而林翼及玉麟先入漢攻蔡
店玉麟以小船入沌掠赤野湖東而北絕漢至漢口順
流東還北破宗關石壘南攻漢陽寇舟岸發礮不得近
遂北攻漢口寇舟乃出泝流上欲鈔我夾擊之奪其舟
九出漢口攻寇浮橋燒寇舟三百凡三日寇不出楊載
福自外江來會師同出江屯沙口沙口者武昌下游三

十里至沌口六十里還沌口當從武昌漢陽城下過載福之出也寇無備而玉麟從漢口渡江距兩城遠故寇較不甚相及既空屯沙口不能助攻戰乃議還眾議由漢入沌雖迂遠其避敵宜易載福愜之曰丈夫行何所避浮江下沂江上乃為快耳玉麟恥後之張帆先行寇先已密備覘我還路棧舟傍中流及城上縣敵并發諸軍但冒進不知誰生死敵丸飛鳴船倉羣子以斗計擊沈四船中破死者三百人破擊玉麟桅折不能進望見載福自呼之載福船瞬息已去成發翔三返過玉麟躍入得免知其事者皆不直載福而玉麟曰風急水溜呼

湘軍志六

十

固宜不間載福先已不樂玉麟林翼親拜兩人和解之內湖水師既成而寇亦於九江造戰船悉仿官軍制四月自姑塘上犯敗官軍五月復戰敗之奪柁罟以歸柁罟者即陳輝龍所造九江所失者也六月進攻湖口不利七月合陸軍攻湖口寇馮岸發破蕭捷三中破死八月乘流攻湖口南風急船駛陷寇壘下喪船二十一奏奪五營營官秦國祿等官而急召玉麟於是陸軍大將羅澤南援武昌而玉麟還領內湖軍李孟羣改統陸軍而楊載福領外江軍載福議以孟羣舊部多不可用汰羸怯十之五十一月外江軍合陸軍逼圍武昌時玉麟

當之南康江路絕則道湖南趣陸行阻袁瑞寇四五百里行旅相戒惟通寇者乃得達玉麟敝衣徒步往從者數人行二三日皆懼不進欲上取贛則吉安亦陷非從廣東閩浙不可至南昌玉麟謝去從者偽為游學乞食經寇關丰數十寇無覺者至南昌城門訶禁之問其實報院司皆大驚怪軍中間其至氣自倍自十二月至六年二月外江軍數苦戰寇舟亦日益四月移屯沙口楊載福念寇舟來則依岸而其上下皆乘風船破制法同官軍與我共長江恒避戰終不可勝宜深入襲燒之則募軍士尤勇者駕千石大船實消黃蘆葑施火綫約曰

湘軍志六

十一

待近賊而發發則登三版以自救且急歸應募者三百人其夜載福設酒具五俎之食饗三百人躬自行酒勉之曰成功歸者人犒百金有官者超兩階白丁拔六品實職無負我既出人相語曰觀此往必死也有悔者或潛去或又自奮曰壯士死一言耳權帆遂行逼寇舟南岸皆屯火發皆自躍登三版或遲傷火及墮水者死哨官一傷勇丁四十餘皆鼓權還載福親迎勞頒賞自是寇舟能戰者二百餘皆燼火藥衝寇空中墮江水及岸相積而前軍游擊乃直至黃州寇不復上旬日巡哨船掠巴河浙州揚兵九江城下寇震駭援絕武昌漢陽坐

困矣十一月林翼復大治戰船增軍至七千人合二十四營立船局沌口以時修脩其月武昌漢陽同日復乃移船局漢口載福遂同復武昌縣及黃蘄燒武穴龍坪小池諸寇舟奪大小戰船五十八十二月水陸軍圍九江內湖軍往來吉袁臨瑞建昌南康饒廣間日有戰事以陸軍屢敗不得志然所杜扼寇亦不能長驅江西亦自立水軍以劉于瀆領之常屯樟樹為省城西防七年二月國藩遭父喪奏言臣軍事以水師為大楊載福所統十營彭玉麟所統八營合大小戰船五百艘二千請以署湖北提督楊載福為總統惠潮嘉道彭玉麟為

湘軍志六

三

協理 詔從所請五月湖口寇舟上犯外江軍出擊之乘風追過百里及還寇尾之別從扁擔夾出小舟要之軍敗哨官易景照等死者二十一人勇丁死者百四十八人喪船十八蓋水戰風水俱順則行急駛無準俱逆則膠滯不得進數以此敗非善戰者莫能操其機則順水取逆風逆水取順風將勇者勝焉閏五月寇從陸道上窺蘄黃分船守蘭溪巴河樊口陽邏沙口而大營屯官牌夾以攻小池八月小池拔九月始復攻湖口先是玉麟軍杜江西歲餘無所得餉借領火藥亦斬之時內湖軍屢攻石鐘梅洲寇屯不下聞外江軍至剋期遣謀

告九江圍軍合攻丁亥平且玉麟率全軍分三隊出湖載福臨江口發礮應之寇併力拒湖內軍城洲兩岸礮凡如雨玉麟令三板先出大船繼之寇度船所經直石鐘山下有石崖高下與三板相當即輦巨礮崖口一發中前船都司羅勝發礮玉麟令回船後者進有死者復回船後者迭進傷死相繼莫敢退或諫曰今驅士卒與飛火爭命非兵法也玉麟曰自水陸用兵于此五年精銳忠勇之士斃命于此千數矣湖北江西以此被屠戮者數十萬每一念之煎心且久困若不破此險無生理今日固死日也義不令士卒獨死亦不令怯者獨生矣

湘軍志六

三

鼓而進之寇崖下礮發火多銅焦礮者震死船銜尾直下出江與外江合軍歡聲動江水於是沿江寇舟失勢所杜擲火燒之舟盡燔而官軍船為鐵網牽絙篙檝不利岸上寇復聚火槍擊水軍適會李續賓伏陸軍潛上湖口城背山揚旗鳴角下岸寇驚愕大潰三軍合屯其夜城寇破走洲上寇亦逃獲軍火子藥數十萬礮船八十餘悉解江西辛卯乘勝奪據小孤山乙未載福攻彭澤庚子克之前軍至望江望江寇逃壬寅復東流癸卯過安慶舍城不攻攻樅陽壘破之甲辰破大通壘丙午復銅陵下至峽口見官船旌旗偵者言此紅單船定海

總兵李德麟所將也丁未載福往見李德麟紅單船人皆聚觀以為此軍將從賊中來疑不可信李德麟因言方攻泥汊縣賞萬六千金攻七月堅不下明日載福令李成謀攻之權而進逼屯擲火屯中寇久懈殊不意有軍至皆長跪乞命獲礮百舟五米六屋及所俘寇盡以與紅單船回船而還是月初和春方奏言泥汊戰勝狀至是湘軍攻克而江南大營不復言泥汊蓋諱之云十月戊寅朔載福還師丙戌至湖口內湖軍先增二營為十營分八營屯章贛留二營湖口丙申江西寇自鄱陽窺湖口援九江為陸軍所敗還走池州前所復望江東

湘軍志六

西

流銅陵三城復陷八年四月壬子水陸軍攻克九江外江內湖軍要逃寇盡殲之 詔楊載福專征外江軍移屯華陽鎮分防三營屯黃州彭玉麟駐湖口五月乙未起國藩督陸師援浙載福復克東流進屯黃石磯六月撫定建德寇復其城八月戊辰國藩載福奏記陳匪將士三千餘人於石鐘山內湖軍合陸師克吉安江西始平九月辛巳合陸軍攻安慶十月辛亥三河軍潰寇大上我軍分屯自九江至武昌十二黃石屯軍如故九年寇別部犯湖南圍寶慶湖南北大震分遣蕭翰慶王明山等四營入資水曾紹霖等二營防沅水左光培一營

防澧水五月師行七月還江防九月寇將韋志俊以池州反正玉麟船率內湖軍移駐黃石與楊載福合屯十月李成謀往撫池州寇眾叛攻韋志俊力戰擊走之收其眾萬人十一月徽甯寇來攻由陸登城池州陷拔餘眾還張谿十年三月浙江請援遣蕭翰慶改將陸師三千合領歸誠人三千援杭州道甯國副都御史張芾奏止韋志俊軍杭州已陷新任巡撫王有齡以寇退復奏止翰慶等仍隨張芾收旌德石埭太平廣德已而浙事亟飛檄召翰慶而韋志俊遂率所部依水軍四月外江營官陳金鼇合江南水軍攻梟磯寇屯破之五月蕭翰

湘軍志六

五

慶遇寇湖州道戰死之餘眾入城助守江南大營潰蘇州陷以國藩署兩江總督國藩自宿松移駐祁門議立三路水師一淮揚一甯國一太湖林翼則議立衢杭水軍而無甯國然皆不果行其後乃立淮陽太湖軍遂復江蘇列縣云韋志俊從水軍復攻池州不克還攻樅陽收之六月載福奏遣江南水軍將李德麟吳全美還守鎮江分軍屯大通於時徽甯繼陷陸軍自顧不暇安慶雖合圍而寇窺蕪黃國藩受命節制皖南軍而總兵周天受死甯國甯國餘民保南陵總兵陳大富血書求援不能救乃令水軍赴其急謀拔出城中軍民棄城不守

載福念孤軍深入必俱危九月秋雨江漲躬率四營揚
言攻蕪湖時寇方於南陵作壘斷北港以因城中蕪湖
久無備偵水軍出度南陵不通舟即夜俱下赴蕪湖載
福宿魯港半夜令曰視吾船所鄉而進先者斬旦令兩
營屯港口已登三版令舵師曰往救南陵諸軍皆驚疑
以統將先則繼進港左右寇小屯三四處選出不意走
保城下大壘壘寇大半赴蕪湖我擲火則皆出走載福
叩城門呼大富曰今奉令拔城中居民可急裝入船令
戰船軍皆步循隄退出民老弱先壯者後戰船軍後載
福殿半日悉發逃寇走報蕪湖蕪湖眾還已暮矣寇呼
湘軍志六

未

謀來追載福獨持矛立隄上眾不敢逼比出港而蕪湖
寇將舟至方與留防軍楊占鰲等相持見大隊船浮港
下亦退走軍民萬餘人分載諸船還黃石大營給棚帳
留二十五日十一月寇陷東流建德彭澤圍湖口分陷
鄱陽都昌載福玉麟躬出戰守玉麟入湖口登陴雨立
數日夜寇去遂分復五縣遷南陵軍民於東流浙江議
立水軍奏調管官劉培元培元先歸湖南領水軍杜衡
永防寇不果往自是東南七省皆自有水師戰船多用
湘軍將及製造皆仿湘軍焉十一年春寇復犯蘄黃遂
及德安頗窺彭澤大通開瀕江地以防密輒退走玉麟

自率軍至武漢因巡江防會陸軍克孝感三月國藩
駐東流安慶圍已三年曾國荃將萬人潛前後壕引
江水浮戰船互相倚寇帥陳玉成尤患之乃於菱湖北
作屯以通集賢關且作浮橋通城載福率師攻擾之陸
軍將曾貞幹築壘湖口以遏寇寇來爭戰且築寇亦更
築阻遏水軍船從兩壘開出土多傷四月王明山等入
石門湖合陸軍攻赤岡下游屯軍李朝斌等頻攻魯港
以牽寇援陳代友等入練潭與桐城陸軍相應五月蔡
國祥破菱湖寇屯李成謀攻無為青陽寇皆馮城不出
七月玉麟會陸軍克孝感天門應城黃州德安載福假

湘軍志六

七

歸八月丁巳朔安慶復寇先越湖遯走故水師先登辛
酉趙三元克池州上游斬黃次弟平林翼斃 詔玉麟
為安徽巡撫九月丁巳王明山克銅陵無為黃翼升新
立淮揚軍輔李鴻章陸軍援蘇常道絕未得進仍合諸
軍防江十一月丁未攻運漕鎮癸丑攻東關皆破之以
陸軍少留屯不進玉麟奏言臣起自諸生居戰艦十年
與水勇柁工馳逐風浪封疆大吏進退百僚深懼弗克
勝任 詔敦促赴官再辭改水師提督明日又 詔曰
彭玉麟有節制之任武職不足資統率著候補兵部侍
郎載福避 御名改名岳斌以母病再請假 詔促令

到防同治元年三月李成謀等合陸軍攻巢戰於銅城
開雍家鎮皆捷遂復巢城陸軍乘勝攻含山和克之蔡
東祥別攻濡須克之李成謀成發翔蔡東祥等三軍遂
合陸軍攻西梁山燒其鐵鎖寇不戰而走渡江攻魯港
克之陸軍復南陵玉麟進駐銅陵四月壬申玉麟將外
江內湖淮揚三軍十八營盛兵攻金柱關陸軍因襲太
平復其城夜攻金柱克之癸酉分遣王明山攻烏江李
成謀成發翔取蕪湖黃翼升襲東梁山皆克之玉麟悉
調上游水軍集濡須五月癸未玉麟督彭楚漢王吉喻
俊明成發翔王明山從溧洲會陸軍攻江甯城西頭關

湘軍志六

六

破之寇倚洲作二壘玉麟分遣八營逼壘寇破落船中
乃遣軍持火登岸伏葦下入夜火起宿葦枯根延燒新
莖燎一洲寇走出因襲燒其壘奪礮數百斬寇無算玉
麟自乘三板至下關諸軍方收隊見小船紅旗直上訝
之時昧旦初辨色王明山未起哨官廖德茂迎候言明
山連夜戰初還坐船玉麟領之已而陸軍將來問克壘
破關狀見玉麟杜則怖懼不知所言廖德茂往報王明
山明山間捷喜又謾罵曰諸蠢奴欲急滅長毛歸餓死
耶德茂言統帥夜已至下關乃驚起往謁玉麟紅旗小
去久矣故凡戰載福玉麟在或前或後水陸將士

皆惴惴莫不盡其力初陸軍之進雨花臺也寇鈔後斷
運道梗軍報不通軍中譁擾至是頭關破以水軍護糧
由江路進陸軍心始定自和春潰後至此官軍始再至
城下卒以合圍其先無水師故也癸巳黃翼升領淮揚
軍越寇屯赴上海因奏翼升署江南提督長江五千餘
里外江內湖軍分戍孫昌國等長屯江西猶隸於玉麟
七月李鴻章奏言紅單船不足用淮揚軍皆長龍三板
分船四十防三江口其餘入松江泖澱諸湖然於海面
風沙性不諳蓋始有意於輪船矣八月淮揚軍拒吳淞
寇敗之平七壘又攻澱湖北岸石壘破之奪舟二十徽

湘軍志六

九

甯寇負舟越東壩謀爭金柱舟蛾集固城南漪湖玉麟
躬入湖拒之寇遠出花津岳斌往拒之九月乙卯戰關
下郭明鼈中礮死戊辰七營合陸軍攻花山彭楚漢等
先據上駟渡絕浮橋玉麟令曾泗美舍船助陸軍俱進
金柱守將羅逢元自後乘寇大戰破之寇敗趨橋遇楚
漢列船則大潰辛未破花津寇屯戊寅成發翔等戰石
白湖奪寇舟四十旋克灣汴下游寇乃乘間自浦口北
渡陷含山巢和是時廬州新復多隆阿不欲隸曾軍因
詔書援陝則北去故廬桐空虛玉麟屯濡須而寇復
踞運漕鎮杜其上游岳斌防蕪湖日奪東壩寇來舟十

月淮揚軍出青浦破寇舟於白鶴江更立太湖軍十營李朝斌為統將黃翼升攻寇福山大破之初寇將駱國忠以常熟反正寇起大眾圍常熟官軍往援隔太倉不得進故合陸軍從福山入與寇相持十二月王麟克運漕鎮旋收含山巢和二年二月淮揚軍進攻福山七十餘日擊破來寇解常熟城圍三月分遣歐陽利見王東華合陸軍克太倉崑山吳江五月王麟岳斌合陸軍大陳兵攻九洲洲過江浦寇望風奔潰收其城遂破浦口屯屯寇奔洲洲寇閉不納多投江及餓死者九洲洲為江甯對岸重鎮寇築堅城以逼長江集戰艦環巨礮數

湘軍志六

三

十護之自寇據城向榮和春師至洲寇必全力走江北及甯國以誤我及曾國荃欲合圍而都興阿馮子才日言九狀危險朝議憂疑含山之再陷也降人李世忠負敵戰名以三萬眾扼九狀不勝故洲上寇壘愈高堅劊列數十屯列舟緣洲亦自以為牢固於是王麟陳船上流分二隊南從秦淮向下關北遶永安洲向草韃夾更列軍為南北後應而岳斌自督戰以枯荻灌油燒屯舟因燒芻壘八襲燕子磯破之胡俊友中礮死洲寇不出明日岳斌遣陸軍伏叢莽中掘洲埂分船夾洲上下更列軍鄉城中關拒援寇乃散遣三板遶洲伺隙則登寇

分三隊發火槍傷死者數百人至夜王麟令曰洲破乃還師不者傳餐而戰喻俊明成發翔王吉任星元更番夜攻或有乘暗得登洲者眾謀而登皆冒礮爭上踐尸而進人忘其死九洲洲竟破萬餘寇無一脫死者獲馬三百餘匹悉送陸軍中捷未上江北爭飛書相慶詔問狀且誦其速克焉七月安徽巡撫唐訓方有事苗練以臨淮無水軍遣丁泗濱將船八十護糧運奏調淮揚軍詔令岳斌自往國藩以長江事重大留岳斌李鴻章言蘇松之戰水師功為多亦不能遣淮揚軍八月福建寇入江西窺湖口彭澤旋敗走遂掠池州圍青陽喻

湘軍志六

三

俊明往援又急檄江忠義陸軍出江西來援王麟來視師圍解甯太寇連屯高涇溧水謀襲蕪湖陸軍并攻新河莊王麟躬攻水陽岳斌來會師克滄溪鎮逼高涇降寇守將遂收固城鎮克東壩降建平溧水寇將解散萬計三年春詔頻問國藩以楊岳斌彭玉麟宜分上下游或內外江以鎮撫湖北江西四月奏遣玉麟駐九江以上控湖北浙江巡撫左宗棠以岳斌為未盡其用且密陳其才堪督撫癸巳詔岳斌督師江西兼防皖南未幾授陝甘總督岳斌之貴先玉麟及玉麟改提督詔有統率文岳斌自恨非文官常見於詞色還江一奏

事被 詔令由國藩轉上當時論者皆以岳斌功高勝
玉麟遠甚歎息於文武積習諸文人又自恥持常談亦
交訟岳斌稱其才德至是被顯命督師專征眾皆欣欣
焉五月黃翼升還統外江軍內湖軍將孫昌國克貴溪
岳斌至南昌陸軍大將鮑超已破江西寇無所為則奏
劾江西統將席寶田以違節度奪三階六月乙酉江甯
平戊戌 詔論國藩功以勅立舟師為首八月進長江
圖岳斌督陸軍赴陝西黃翼升為水師提督 詔玉麟
駐安慶國藩奏今議立長江水師當周歷區畫五年正
月甲子國藩玉麟奏言瀕江五省戰事大定前募水勇

湘軍志六

圭

請改為經制水兵我朝綠營兵丁五十餘萬乾隆四十
六年議增缺額大學士阿桂上疏力爭之臣國藩於咸
豐元年亦疏請裁兵五萬自洪楊倡亂挽回繼變皆倚
勇丁以集事國家養兵歲費二千萬今直省勇丁合計
三十萬以外而經制之兵仍未能減非長策也大江水
師船至一千餘號礮位二三千利器不宜浪拋勁旅不
宜裁撤奉薪口糧修補船礮經費於長江酌留釐稅量
入為出計提督一員總兵五員營官副參游二十四哨
官都守千把外委七百七十四兵數萬二千兵餉雜費
月五萬有奇自荆岳二州至崇明五千餘里立六標分

汎計船七百七十四營二十四副將營戰船四十三參
將營三十三游擊營二十三自提督至外委各給坐船
長龍設大礮六三版大小礮各二設火藥局於安徽湖
北二省城設子彈局湖南省城設船局漢陽吳城草鞵
夾因奏事宜三十營制二十四六月軍機大臣會奏依
行編章程六卷入方略垂示後世頒之天下水師既立
而國藩移督直隸玉麟告歸黃翼升為提督七年長江
盜劫多有軍士不習篙楫時議疑本奏裁兵而更增兵
兵歲不用則罷惰與舊時水師營等兵不可久長江水
師亦宜罷其年國藩薨 詔徵玉麟召見補兵部左侍

湘軍志六

圭

郎詢長江事宜復具疏三辭侍郎 詔每歲一巡長江
於是黃翼升請病去而李成謀為提督玉麟所至則江
湖肅然改觀作長江水師別獎百條上之著於令岳斌
先已罷陝督亦被徵 命巡江恒多引疾事專於玉麟
歲有劾罰然舊部宿將皆衰老新補兵稀復知戰言輪
船礮利者益多矣

水師篇第六

浙江篇第七

湘軍志七

自寇踞江甯江南大營恒為浙輕重傾浙財賦供餉歲銀幾百萬湘軍乏於資則羨覲之然浙江故無事於湘軍湘帥浙撫每不相能咸豐十年羅遵殿自湖北來撫浙寇犯安吉長興始徵湘軍將蕭翰慶等未至省城陷駐防將軍瑞昌保子城江南軍赴救者自外乘之寇棄城走頃之大營潰散蘇常破援浙將張玉良自以新有功於浙收潰軍屯杭嘉間巡撫王有齡綜覈善理財由丞判為何桂清所舉不十年至大位故習江南諸將初至杭州則奏止湘軍事亟更奏調李元度劉培元等胡

湘軍志七

一

林翼與書元度戒以擇所事培元亦不至而甯防將周天受敗死督皖南軍張芾罷皆浙所供支倚以屏蔽衢嚴者也有齡知當受兵則通使祁門請援曾國藩語不及軍餉國藩以軍未集辭十一年杭州被圍 穆宗新立銳意定天下 詔國藩兼制浙江起用左宗棠督軍杭州時浙江屯援軍猶過四萬有齡復奏用李元度募八千人入浙免論徽州罪且擢為按察使至龍游阻遏不得進杭州城獨張玉良屯外未敢戰寇稍逼之王良中飛礮死諸軍不任戰反剽竊而坐索餉 詔左宗棠代有齡 命下城陷有齡死之李元度謀退屯前安吉

令陳鍾英上書言今議者欲還軍常山或走衢州衢州自有防軍而江西不供餉無事保常山也聞為浙餉源江山一城為入閩咽喉固不如屯江山顧餉道與衢城相應賊必不敢略江山而攻衢亦不敢略衢城攻江山即常山不守自全策之上者也元度從之時宗棠未入浙境未能節度也浙江全省地唯湖州衢州城為國有而湖州孤居羣寇中旦夕不自保州人趙景賢以功節見重 朝廷惜其死即授福建糧道促令赴官冀其脫免故論者以湖州已不可保唯固衢防曾國藩與宗棠議以保徽州固饒廣為根本奏以三府屬縣丁糧銀米

湘軍志七

二

供軍設婺源景德河口三稅局裨之三府防軍悉隸宗棠通吳越為一家以保江西宗棠佐湖南軍事十年勇將健卒多歸心其名者黃少春崔大光張聲恒又雅善王珍諸王多從之以初領軍亦益謹事國藩當補太常卿有陳謝猶不敢自上奏凡有軍謀咨而後行自比於列將及授巡撫竟因以起 同治元年正月癸卯宗棠領見軍九千人自婺源攻開化破寇馬金自駐之遣王開來屯開化城是時王開化已前病死將士皆偏裨戰守差自保蔣益澧者嘗為羅澤南偏將不見重於曾胡歸將偏師入廣西連有功以

軍疲弱缺額降官俄復為大將浙江事亟國藩復奏薦之即授浙江布政使令將所部增募新軍未至唯劉典王文瑞號有戰略頗令率諸將當一路諸軍援浙者總督慶端遣將防龍泉松陽政和別將秦如虎屯溫州江蘇軍渡海收定海甯波仙居民團起義復台州列縣甯波寇走紹興台州寇走處州溫州寇入金華與嚴州寇合窺衢州守將李定太江山屯將李元度不能相救宗棠恐 朝旨促入衢則自陷因上奏曰行軍之法必避長圍防後路先為自全之計臣軍入衢則徽婺疏虞又成糧盡援絕之勢今由婺攻開化分軍扼華埠收遂安

湘軍志七

三

使饒廣相託以安然後可以制賊而不為賊制然欲依徽郡取道嚴州食米轉運殊多勞費又衢州李定太一軍八千餘人江山李元度一軍八千餘人人數皆與臣軍相等而常迫切呼援惴惴不能自保臣軍力固不能及亦不願其浪戰求勝致損軍威此兵事餉事之難未可驟期恢復之效者也二月遂昌松陽黃巖摩寇掠雲和景甯樂清青田寇陷瑞安溫州南北被寇總督進駐浦城壬戌王開來劉典劉璈李耀南攻遂安破寇城下其夜寇棄城走以王文瑞守遂安寇再來攻卻之金嚴寇圍衢州急宗棠自往救至常江山復請師未定所

鄉三月丁亥寇破峽口福建軍宗棠度勢注江山乃西援與李元度合攻寇花園不克衢州寇亦西宗棠還常山溫州羣寇還處州悉屯松陽遂昌江山寇亦東南攻遂昌援軍福建將林文察破之石練四月甯紹台道張景渠自定海招海盜商船西渡克鎮海進甯波合英法軍攻城民團至者過十萬遂克甯波列縣進餘姚徽州寇窺遂安走昌化遂昌寇復東還樂清瑞安攻溫州福建軍將張啟煊戰敗慶端益增兵寇再圍溫州攻瑞安縉雲青田樂清三城空虛民團因收集入保并攻松陽五月寇復還景甯雲和福建軍屯龍泉拒之湯溪寇南

湘軍志七

四

援松陽瑞安寇犯平陽民團因收泰順雲和甲辰張啟煊感寇平陽殲之遂合白瑛秦如虎進攻處州宗棠軍進衢州寇復攻遂安分軍破走之魏喻義劉培元各募新軍至衢州乃分部防守六月衢州屯將廖士彥進遂昌助林文察攻松陽民團因收宣平辛未克松陽七月己亥復處州宗棠始進軍攻龍游蘭谿寇來援連屯數十相持蔣益澧至衢州以高連陞熊建益為左右軍將李元度坐徽州前事免散其軍甯波軍復餘姚八月以史致諤代張景渠為甯紹台道寇復陷慈谿奉化總督慶端改將軍耆齡代為總督丁丑上海軍克慈谿英人

華爾中礮死閏八月丙戌高連陞進軍收壽昌遂會熊建益攻湯溪戊辰甯波軍克奉化宗棠自攻龍游去城五里止屯魏喻義移屯淳安與遂安王文瑞軍相倚九月徽州急文瑞移攻績溪淳安軍孤危寇以龍游湯溪官軍盛輕喻義不來攻屯既久覺寇無能為稍稍移軍十里二十里輒止月餘至銅關去嚴州六十里嚴州城隔水西山奇險臨漸江山中饒良田民居寇至結屯相保其魁曰林三頻拒戰寇讎之因自結於官軍謀報相望王女者江山船船總也江山船例以婦人應官役雖嫁生子猶自名為女王女主嚴州水絲寇至亦役之其

湘軍志七

五

船往來無譏禁苦寇徵求又知其虛枵欲引官軍因至銅關求見喻義喻義令他將見之既久具知城中寇動靜亦頗因以通林三是月處州寇悉北趨東陽福建軍分屯不復進十月有詔聽法國人領兵攻甯波用內地軍制十一月嚴州寇攻西山庚申王女遣報銅關軍言寇怒林三奪其米舟期明夜襲西山城空可破請具舟濟師林三亦請援官軍士爭奮願往乃報如約辛巳日晡迎官軍船至者數十喻義選千人自將以往午夜薄嚴州城上柝聲斷續不設燎火殊無戰備軍士勇者梯西門以登殺柝者而代之遂斬門鑰納軍軍入而

謹寇驚出搏戰餘守城者皆下短兵相斫然倉皇無門志頃之潰走其攻西山者以有備不能克將還城望城中火光有異疾趨城下聞報官軍已入闕然大奔壬午復嚴州捷書聞諸將皆驚愕焉方與寇相持求勝之極難乃無意收一大城以此頗得寇虛實益其戰守亦無以大異官軍云甯波軍克上虞台州民團收新昌嵯劉典解蘭谿圍援祁門未至王文瑞已復收祁門績溪典屯羅埠甯波軍進攻紹興寇自金華援湯溪自蘭谿援龍游熊建益劉培元等拒戰屢敗之

湘軍志七

六

樹元伏壕中突起禽四人湯溪西門開復其城高連陞進攻金華己未寇遜收其城江西援軍將王德榜偏龍游城南作三壘寇出西門攻官軍敗之載所掠走湯溪湯溪已反正遂皆北走蘭谿寇亦棄城走福建軍收武義永康於是東陽義烏浦江寇皆遜將益澧自義烏劉典自浦江合攻諸暨民團起應官軍寇懼獻其城己巳復諸暨甯波軍攻紹興破城外寇屯城中民謀反正約官軍甲戌夜舉火為內應火發軍至寇逃走乙亥復紹興乙亥龍游官軍水陸並進收桐廬杭州寇震懼悉力拒富陽宗棠懼江南寇鈔衢嚴乃分軍遣劉典西防徽

將益澧進攻富陽二月戊寅甯波軍躡寇蕭山復之壬午富陽水軍燒寇舟因屯南岸將益澧渡江屯新橋庚子寇列陣拒戰熊建益陷陣先入寇分黨攻中軍高連陞出追被鈔張志公王宗元等馳救之宗元中槍死志公被數創連陞乃得收眾還辛丑援徽軍將劉典合徽防將唐義訓拒寇徽州城東遣黃少春奪巖寺寇屯追破之於潛口進屯漁亭寇以故西犯江西王德榜還軍浮梁三月甯國池寇合夥寇逼祁門阻浙徽軍黃少春合王沐擊散之復黟遂躡寇浮梁四月杭嘉寇出餘杭臨安圍攻新城守將魏喻義不能拒宗棠發嚴州軍合

湘軍志七

七

將益澧高連陞軍援新城留熊建益屯新橋寇乘軍少來攻建益擊走之乘勝追寇薄其壘中槍死益澧連陞俱還屯益徵甯波艇船助水軍燒錢塘寇舟因平杭州西門外寇屯富陽援寇退走五月劉典軍合江西大軍攻寇鄱陽陶溪破之寇北走彭澤湖口 詔以總督者齡所將軍浮允移者齡福州將軍令還閩授宗棠總督仍兼浙江巡撫軍中疾疫宗棠病瘧困殆富陽久圍不下增募外國軍助攻六月江忠義將新軍出江西攻湖口江南江西軍勢盛寇東北走圍青陽劉典還屯徽州江蘇軍自松江進攻嘉善嘉興寇皆北救相持於張涇

八月庚辰水陸大舉攻富陽奪城北雞籠山發礮攻城寇棄城走壬午高連陞破新橋寇壘二十分兵屯富陽新橋始合軍攻杭州將益澧杜城北屯留下高連陞在城南屯六和塔康國器魏喻義等攻餘杭杭州寇築壘連四十里西通餘杭九月庚戌城寇來攻六和屯破走之壬子進屯天馬南屏諸山十月增四壘自天水橋以西為餘杭聲援江南寇多歸誠連復高淳甯國建平溧水屯軍東壩江蘇軍克蘇州十一月丁未江蘇軍破寇張涇匯平湖寇迎官軍庚戌復其城癸丑乍浦反正乙卯復海鹽澉浦反正江蘇軍分攻嘉善嘉興宗棠進駐

湘軍志七

八

富陽移富陽屯軍助攻餘杭調援皖軍將黃少春自分水出新城抗餘杭西南丁卯將益澧楊昌濬黃少春合兵萬三千攻餘杭城西北戰一日所殺傷相當其夜寇益作長壕增壘依城以抗官軍益澧還留下庚午江蘇軍復嘉善十二月癸酉朔高連陞攻杭州城破寇壘十甲戌遂偏城西北圍其四門江蘇軍合四道攻嘉興黃少春等懼無功又恐寇避蘇軍悉西南走潰圍乃急攻餘杭與援寇戰林清堰敗而還湖州寇皆東援嘉興江蘇軍將何安泰戰死程學啟等急攻城城屢破復完士卒多傷海甯寇將蔡元隆懼嘉杭軍逼而患杭寇之徵

其眾歸誠官軍將益澧請以廖安之知海甯往撫之丙申安之至海甯蔡元隆遂巡未即出元隆前踞太倉亦以詐降欺官軍陷我軍四百人至是從者皆懼安之入州堂徐遣告元隆曰頭目畢集乃來見元隆從兵眾往見之安之大言曰若等皆朝廷赤子今居大軍中旦夕俱死故吾知若等歸誠非偽也如欲用太倉故智者可斷吾首元隆情得頓首曰方以太倉事自疑今以死從公即從渡江還除兵改服迎官軍己亥收海甯易元隆名曰元吉汰其眾留精卒四千以元吉將之隨大軍自效以劉樹元張景渠等屯守海甯

湘軍志七

九

三年正月遣蔡元吉襲桐鄉甲辰元吉突至桐鄉城下梯而登守寇覺拒堞傷我軍百餘人乃屯城西南增遣李邦達合張景渠軍屯城東北戊申寇歸誠庚戌收桐鄉以歸誠人何培章將其眾三千屯烏鎮斷杭嘉道絕寇運蔡元吉屯桐鄉劉樹元進攻嘉興蘇浙軍始合矣嘉興寇將乞援湖州悉眾東援礙烏鎮且憾何培章築屯圍攻之培章請援杭州蔣益澧不能往遺書劉樹元激厲之戊辰樹元還軍烏鎮視地形渡水增二壘庚午寇大合眾攻新壘歸誠人兇懼反先潰樹元日暮突圍出前渡舟已失所往半夜潛行還復入空壘堅壁相持

培章元吉益資之糧寇不得進二月戊寅寇略雙橋攻桐鄉元吉出戰敗之丙戌追寇蘆頭元吉突陳被槍斃掌麾眾直進平寇壘十丁亥寇來攻復敗之己丑進烏鎮江蘇軍攻嘉興城薄四門水軍入南湖程學啟破壞城三面凡百丈麾軍乘之寇死拒學啟中槍子顛諸軍繼登擲火燒城中寇大亂斃斬數千計誅其兩帥克嘉興庚寅烏鎮寇奔湖州甲午蔣益澧攻杭州陳兵五門別遣軍攻城北長街城寇出援大戰自日中至暮多所殺傷各還屯其夜寇啓北門走乙未省城復餘杭寇亦東走與杭寇合奔德清宗棠發親軍遣楊昌濬將之攻

湘軍志七

十

武康高連陞攻德清蔡元吉攻石門三月壬寅宗棠移駐省城申虜獲之禁婦女財物各從其主有敢言取自賊中者罪之禁軍士無入民居招商開市奏停杭關稅立清賦局減杭嘉湖稅則三之一蔣益澧為布政使亦輕財致士杭州善後事一時翕然稱之初盛時城內外居民男女口八十一萬及復城才七八萬宗棠長於治簿書故州縣盡心焉甲辰武康反正乙巳收德清石門反正寇奔孝豐西南走昌化諸軍進圖湖州江蘇軍二萬人攻長興廣德寇皆東援湖州寇逆拒官軍於石門德清復分拒江蘇軍於太湖五月江蘇軍水陸屯夾浦

湖州寇東窺南潯水軍東援寇復西赴長興與廣德寇合勢分軍擊敗之師進寇復還拒又敗之門於西北門作浮橋渡軍癸亥合圍寇馮城擲火燒攻具士皆冒火攀堞上死者數百人將領畢登寇突西門走遂克長興湖州寇知必死則分黨綴江蘇別軍於南潯而悉眾拒蔡元吉於荻港廣德援寇屯四安楊昌濬自武康西攻孝豐六月壬申軍薄城其夜寇逃癸酉收孝豐北攻安吉蔣益澧合諸軍進屯陵湖江蘇軍南進四安西攻晟舍南潯屯軍亦西進織里乙酉曾軍克江甯寇悉由廣德奔湖州作屯尹隆橋通道往來江蘇軍先攻橋屯多

湘軍志七

十一

傷戊子合軍攻晟舍不利自辛卯至乙未蔣益澧頻進戰寇增壘思溪與相持丙申英國將發礮攻寇屯不能克寇圍蔡元吉東埠屯益澧進軍作壘增調礮船輪舟又結浮橋渡思溪援東埠不能達英國將遇寇戰輒敗退七月蔣益澧議先攻荻港甲辰進軍丙午破寇三屯寇水軍將率其戰船歸誠水軍乃出太湖鈔寇背而蔡元吉乘隙潰圍出喪其軍四之三皆飢羸無人色其被圍二十餘日矣煮桑皮為糧且六七日以大軍赴救力戰雖不能達感義忍死終無逃叛丁未江蘇軍及甯波將合攻晟舍克之寇初以全力圍東埠而蔡元吉突走

晟舍又破乙酉乃西趨江蘇軍進屯大錢口劉樹元進屯昇山癸丑甲寅湖州城寇來歸誠者相繼高連陞復攻袁匯寇奔城城寇開西門分走廣德孝豐乙卯收湖州丙辰楊昌濬克安吉追寇孝豐遇湖州來寇與孝豐守將合擊之寇合走甯國與廣德寇俱走昌化分黨出溇安餘悉西趨績溪黃少春等復自嚴州拒溇安寇寇亦北走徽州婺源屯軍東還抗開化寇散走或逸出掠江山常山皆遇官軍不復能噉息奔江西廣豐語杜江西後篇浙江既定十月宗棠奏以蔣益澧護巡撫已之總督任而寇先自江西犯福建按察使張運蘭著提督

湘軍志七

十二

林文察皆名將連敗死乃以全軍入閩追寇至廣東竟收成功焉寇之自杭湖廣德西走浙軍將報言眾數千江西軍將言精悍者過十萬督撫各據以告左宗棠前以洪福未死譏切江南大軍及自浙逸出諸帥皆言洪福由浙縱之江西諸將既不悅於曾國荃左宗棠故戰最力寇既連敗因走廣東同治三年九月張運蘭自江西瑞金入汀州廣昌諸寇復直南趨大埔折西北略武平欲攻運蘭軍以合贛寇運蘭屯軍下壩未戰大埔寇還北襲永定陷之自西北間鈔運蘭軍運蘭方食寇已入屯後起

索馬遇寇營門擁至永定城與裨將總兵賀國琛以下二十人皆死龍巖南靖漳州俱陷閩中大震運蘭王珍舊部也獨將十餘年為曾國藩所倚重倉卒敗虜江西軍亦奪氣宗棠急檄黃少春等四千五百人自衢州趣延平劉典將新軍八千人自建昌趣汀州高連陞將四千五百人自甯波汎海至福州期會泉州雖張遠勢距寇遼闊福建提督林文察攻漳州又敗死宗棠躬駐延平增調王德榜軍二千五百人自贛入汀繼劉典因奏以德榜署按察使十二月寇北圍漳平劉典自連城東援新軍輕進大敗棄屯還走保連城當是時寇屯漳州

湘軍志七

三

北踞龍巖南取雲霄西略上杭以北窺汀州眾號二十餘萬官軍遙與相持四年二月寇西還永定江蘇軍將郭松林來會師圍漳州鮑超前軍將婁雲慶自瑞金入武平四月寇棄漳州出大埔劉典等收南靖江蘇軍南收漳浦以西及雲霄詔安五月劉典進攻永定高連陞等進武平寇南破粵軍於鎮平八月西犯平遠遂走龍南宗棠以為湖南邊無備寇且日西未可驟滅也而江浙軍勢盛宜無戰事因遂進駐大埔高連陞等逐寇六日夜中伏大敗寇反南趨連平東掠和平興甯十月陷嘉應連陞等還軍救之後不相及劉典屯丙村在寇道

北偏宗棠親軍少弱勢危甚急召王德榜扼三河壩三河者大小靖溪及雁石溪所匯也按地圖為潮州要衝德榜往察地形皆山道絕澗度寇必不往且大埔帥屯孤懸寇直犯軍必不能支乃自請當中路陳兵步步設守而後進劉典屯既偏遠聞德榜軍進懼以避寇為罪則分軍疾出其前猝與寇遇寇行疾勢銳典軍未陳而敗掠德榜屯東潰寇長驅追典軍德榜軍眾皆懼或曰兵法趣利者蹶此成禽也寇不西走贛桂而欺侮閩廣諸軍必汪海洋之謀宜選火槍視寇帥龍旂擊之餘皆馮壘自固可以不敗乃徐視其所為及戰寇前隊直進

湘軍志七

四

火槍環擊之寇不得前引而返走諸軍喜曰賊易與耳今敗矣乘之果大奔其夜歸誠人踰四萬言寇帥中破死矣軍皆大喜推鋒西進鮑超軍亦至嘉應寇出拒又大敗之於是閩浙江粵軍合圍嘉應諸將夜升山岡望官軍火如龍蛇城寇勢杜掌中皆度寇必乘夜潰圍抗城南黃沙嶂以待之十二月癸丑夜寇潰走礙諸屯不得避官軍登山呼曰棄械者免死羣寇跪道旁求免者六萬餘人俘寇將七百三十四皆斬之拔良民男女萬餘人陳斬羣寇可計數者萬六千自寇起至破滅未嘗見斬刈如此之易諸將知必勝智勇亦益發舒於是洪

寇餘黨悉平五年正月甲申宗棠師還諸軍皆凱還而廣東軍將猶不知兵適會寇平亦全師而還

浙江篇第七

湘軍志七

十五

江西後篇第八

湘軍志八

江浙淪陷寇聚於東及曾左用師皖南多隆阿曾國荃揚兵安廬寇無所騁則汎溢西出而領外羣寇陰受號召聚黨千數百人出掠芟縣旬日數萬亦皆由江西達皖浙故江西為羣寇孔道自咸豐十年至同治三年江甯復之先寇凡三大至至輒蹂千里皆賴鮑超軍奮擊以免而士民被害深鉅矣軍興以來直省督撫能將將者存不知兵者存存之由入其境可知也江西之無兵與蘇杭同然卒不且與湖北比功何哉四戰之地良將勁卒往來輻湊或赴援力戰或假道自達因而用

湘軍志八

之留而使之將不必自選軍不必素練客軍游擊亦足以奏功蓋代人受禍者亦因人以收績天道地利使然也江西巡撫自陳啟邁文俊者齡暉光宸毓科皆守承平制委權司道 穆宗即位則超用沈葆楨葆楨習於湘人始自養軍重用湘將湘將名者不可致唯王德榜段起以偏師積閱闕為大將同治二年江甯事亟曾國藩奏徵江忠義軍自江西出湖口轉戰青陽忠義病死葆楨悉留所部始有悍擊猛銳之軍與王段相輔矣左宗棠奏以劉典屯防江皖及蘇杭並復 朝廷銳意平寇尤憂江西頻 詔問曾國藩以彭玉麟楊岳斌宜分

一人鎮撫國藩以江西寇數來去遣師輒破走之未重
注意也宗棠獨重岳斌以為不展其材乃特奏言湖常
廣德寇趨江西西安危係東南請專 詔岳斌當一
面與 廷議相符三年四月 特命岳斌督江西軍且
曰曾國藩頗奏請大臣分任軍事今得其人矣是時浙
寇逸出浙軍將報言殘眾數千人而席寶田上言強寇
過十萬國藩稜楨據以上聞且飛檄湖南廣東防大敵
寇入江西者曰李世賢汪海洋海洋踞貴溪金谿瀘溪
南及新城界而廣昌寇北陷南豐與相應世賢屯崇仁
北踞東鄉東併宜黃諸軍分部攻守江忠朝席寶田攻

湘軍志八

二

崇仁劉典王文瑞自樂安北進鮑超自豐城南下期會
兵崇仁城下王沐自撫州攻金谿至許營遇伏敗績寇
圍撫州王德榜王開琳等屯安仁東逼貴谿西圖東鄉
周寬世屯進賢衛省城水軍將孫昌國屯弋陽劉于濤
屯盱水自江西用兵以來設備之盛未嘗有也岳斌至
則議增兵八千以餉乏未果行六月周寬世合王德榜
等軍圍東鄉南豐寇援崇仁劉典席寶田合擊敗之寇
勢西趨移王沐撫州軍屯豐城東界檄王文瑞退西屯
永豐丙戌鮑超進軍遇南豐援寇於豐城東敗之庚寅
東鄉圍軍進距城十里遂止屯七月鮑超議攻許營或

曰寇虜聚撫建蓄勢思逞未有所決兵法窮寇勿蹙歸
師勿遏不可輕戰也或曰汪李二寇當敗亡之際猶不
相下有地而棄之又不能卷甲蹈利逃死巖險而貪連
大眾久屯腹地此其愚不可殲吾軍遙與相持示之以
怯一路潰解則諸軍瓦解諸公但知貪賊自重不知敗
死之可憂耳公行兵利速戰請一鼓而破之壬寅鳴角
直進屯後羣寇方瞭望前鋒已逼壘門寇四散迎門斫
擊之因燒其屯羣寇大奔既克許營遂進攻金谿捷聞
曾國藩與書沈葆楨曰鮑公以偏師破賊數萬出人意
外然超不知文字其戰狀眾莫之知也已酉東鄉寇走

湘軍志八

三

金谿金谿寇走瀘溪崇仁寇走宜黃超進兵追之東鄉
寇將率眾六萬詣軍門歸誠超悉納之收洋槍精兵七
千人以隸己軍復瀘溪餘寇走新城壬子宜黃寇走南
豐超進屯建昌乙卯裨將唐仁廉進兵收新城寇望風
東走丁巳南豐寇走廣昌南甯甯都知州郭毓龍城守
寇走甯都王文瑞軍乘之寇西南走信豐犯南安不得
入悉黨踞瑞金超休兵南昌岳斌進駐甯都悉徵水陸
軍會師席寶田以浙防空虛疑不進曰今浙寇未盡殄
而聚兵一隅如何哉岳斌本以寶田首訾浙縱寇侵左
宗棠心銜之至是因奏以違節制奪按察使降補知府

奏甫上浙寇大至巡撫急召寶田而岳斌亦奉 詔補
陝甘總督促赴鎮於是王開琳先還屯開化王德榜劉
典還婺源江忠朝追寇在南贛八月寇出開化犯玉山
擁洪福西行浙軍將黃少春先扼廣信劉典出屯貴溪
寇走鉛山將循建邵邊合瑞金寇屯將張岳霖合王德
榜軍邀之寇疾走瀘溪斜趣山谷間晝夜行諸軍將皆
甘心洪福爭百里而趨利鮑超自出南豐席寶田出瀘
溪王開琳及劉明珍魏喻義等皆至江西追寇瑞金寇
亦東北趨石城道謀迎洪福九月席寶田邀寇新城不
及遂率輕兵裹糧行三日夜及之廣昌寇馮領殊死鬥

湘軍志八

四

官軍踊躍赴擊大破之寇三千人殘千餘脫而走軍疲
欲休寶田曰洪福杜此今縱之與瑞金來寇合不可得
矣度寇一日未食必止餐令軍士傳餐夜進己酉平旦
及石城見炊煙令繞旁山先設伏乃陳寇見官軍遽走
入伏中俘斬過半於是生得諸洪及洪福未昏妻而洪
福走免寇悉潰散無可追迹乃止屯癸丑鮑超兵至瑞
金瑞金寇南奔武平辛酉寶田軍所俘小兒牧馬者語
其曹曰小天王過此矣即訊之洪福乃反從數小兒北
走就禽之諸俘者皆曰是也洪福之未獲羣帥爭以為
重至是以聞 詔曰么膺漏網不直檻送京師磔之南

昌市而汪海洋等入福建復連陷汀州列縣李世賢距
漳州 詔鮑超分軍遣婁雲慶與劉典王德榜軍俱入
閩王文瑞先授贛南道泣本任王開琳兼將其軍屯贛
州周寬世自信豐東進長甯張岳霖自龍泉屯會昌固
南贛韓進春屯瑞金劉勝祥屯廣昌與席寶田石城軍
俱防撫建寇往來福建廣東界頻破張運蘭林文察高
連陞劉典及廣東李福泰軍左宗棠至浦城督師復徵
江蘇軍助戰鮑超假還奉節前軍當援甘肅者憚西征
且多新降寇樂攻剽至金口以餉乏為名叛而南走四
年四月庚寅叛軍掠袁州袁州城守不得入江西西界

湘軍志八

五

復震王開琳屯永定防汪海洋者亦為海洋眾所圍屯
破沈葆楨既以母疾假歸遭母喪署巡撫孫長絨亟奏
起復葆楨葆楨辭劉坤一代為巡撫坤一前將湘軍久
杜江西諸軍將無不相習聞其至皆喜五月叛卒走廣
東合汪李羣寇江西諸軍並防南安曾國藩以坤一猶
未上遣江南軍將劉連捷等屯臨瑞兼捍湖南邊叛軍
趨信豐東南犯興甯與寇會龍川不容容復分犯平遠
鎮平八月席寶田自平遠進攻寇逆戰寶田先令精兵
繞攻其後乃列陳大戰汪海洋之戰也務猛進其所將
皆羣寇養子年二十以下居兵間十餘年惜不知畏死

故寶田堅陳不戰俄而我軍斫寇屯直出其壘門裨將
榮維善望見海洋大旗急前搏之刃其背於是寇大敗
走自拔來歸者七千餘人浙軍遂收鎮平寇西掠長甯
定南龍南寶田周寬世移屯信豐婁雲慶王開琳進自
定南左宗棠以為寇終不復東犯則遣王德榜還汀州
而躬率親兵八百人駐漳州丙午高連陞之師敗於長
甯己未席寶田大破寇於信豐寇復南走和平圍連平
鮑超復至江西招叛軍婁雲慶仍以軍屬超劉典自南
康縣進南雄寇陷嘉應坤一受巡撫事將出行邊江西
南界復定鮑超進軍會昌因奏請左宗棠入粵督師語
湘軍志八

六

在浙江篇十二月嘉應復羣寇悉平仍 詔超軍入關
寶田軍援黔諸軍將當赴官者多乞歸壯丁還農東南
休息

江西後篇第八

臨淮篇第九

湘軍志九

當安慶江甯之陷民士流亡棲集無所而皖豫楚邊地
曠俗悍不甘於坐弊梟鷙姦滑者皆得扇誘徒眾挾以
自彊則李兆受苗沛霖恣其傾危復倚官勢介於江淮
肘掖之間亦若足以為患言兵者深憂之故 朝廷恆
特命一重臣專治淮北軍官軍皆苦乏餉而李兆受擁
軍以致巨富言團練者苦不相聯絡而苗練以橫疆見
重於寇因以抗官軍二人之見羈縻皆由勝保咸豐八
年五月勝保袁甲三奏言年來南軍屢捷逆賊就衰而
金陵未即克皖北未肅清者皆由李兆受糾黨二三萬

湘軍志九

一

橫截官軍以助賊勢句結北捻以樹賊援今臣軍適當
下蔡寇捻之交李兆受請進兵舒城願為內應宿州以
南羣盜經苗沛霖勦撫有效臣袁甲三即可南下扼淮
合力攻賊於是勝保躬至清流關兆受率其弟及頭目
十餘人迎見更兆受名世忠 詔授勝保欽差大臣專
督安徽軍袁甲三專討三省捻寇沛霖亦受節度平懷
遠諸圩是時李續賓方克九江進兵舒桐廬州羣寇震
懼九月世忠以天長歸誠留其眾號稱萬七千人列為
豫勝營不請餉令捆鹽自賣以給軍沛霖連營澮水十
二月捻寇圍攻之旋解去九年正月捻寇薛之元以江

浦反正與世忠共攻浦口寇城克之勝保劾罷甲三咎以專防徐宿 詔總兵傅振邦代領甲三軍振邦因與浦霖共攻擒寇於鳳陽北多所禽斬四月張元龍以鳳陽府縣城歸誠因收臨淮關浦霖復從振邦攻下肥水南叛圩積功記名道員加運使銜其時自江至淮號為王土世忠亦以保滁州守來安收全椒功授參將六月勝保悉兵拒寇盱眙安徽巡撫翁同書居定遠危懼出走壽州擒寇遂陷定遠八月 詔起袁甲三以漕督屯防將壩勝保移營五河其時江浦六合天長盱眙復為寇陷而擒寇復踞鳳陽臨淮勝保以母喪歸袁甲三代

湘軍志九

二

之十二月浦霖從官軍復臨淮十年正月世忠復進兵滁西以應定遠官軍收鳳陽浦霖以功補川北道然不冠服令其下稱之先生所平圩輒置長收其田入之半緣道設關隘籠斷公私渦澮潁之間苗練為豪矣世忠則授江南提督自滁以西北屬五河皆其關鎮然勢弱浦霖視之蔑如也勝保改督河南軍而甲三屯懷遠患翁同書之懦奏以湘軍將李續宜用按察使補安徽巡撫復奏用習浦霖者賈臻張學醇為藩臬以為假湘軍威臻等游說可駕馭浦霖 文宗悉從之續宜不能來臻至遂署巡撫八月英吉利兵船犯大沽天津師潰

詔勝保總勤王師徵及苗練於是浦霖大喜設高臺聚大眾號哭言夷變事陰欲其下推戴眾相視默然而罷俄而和議成安徽寇復蹂淮北地苗李軍頻敗亦稍通寇相首尾十月浦霖遣徵壽州練總集下蔡領旂後者斬壽州練局因按城中苗練總七人殺之翁同書居城中為孫家泰徐立壯所劫因奏浦霖跋扈狀會蒙城宿州亦告官誅苗黨浦霖忿聚眾誓先取壽州甲三兵弱不能問懼大亂之不可弭也頗咎同書因言立壯及家泰十一年正月浦霖攻壽州立壯等亦自聚眾禦之欽撫臣言苗事者前後百疏卒持兩端不敢公言討日夜

湘軍志九

三

促湘軍赴援湘軍實無意及之因奏言勝保可制浦霖而勝保杜山東陽引浦霖自重實亦不敢至也淮南北亂已十年是時洪寇盛夷事亟行在宵旰憂勤而同書等曰張苗勢議論交訐浦霖益恣同書知援絕糧且盡又惡徐立壯招寇自助因案誅之執孫家泰繫獄中浦霖遣練總從張學醇至正陽關因奪關絕糧道學醇走壽州將檻送家泰家泰自殺城中人兇懼復議死守守百日食絕斗米至十萬錢九月城中姦人開門迎浦霖浦霖入謁同書請同書奏已不叛狀 穆宗即位尤注意倚湘軍安慶既克 命彭玉麟為巡撫玉麟固辭

復授李績宜而沛霖以其間略地脅眾徒淫肆無遠志也同治元年正月湘軍將成大吉等出固始援潁州多隆阿進攻廬州二月曾國荃前鋒至無為巢水軍下濡須朝議以金陵可乘詔世忠會師世忠乃愬已軍乏請月給萬二千人餉且請增調戰船江甯寇攻世忠沿江三屯陷之遂陷江浦分黨攻六合世忠部將城守三月成大吉等軍進潁州寇解潁州圍南走沛霖見官軍勢盛請命於勝保以討擒自贖勝保以聞且奏上湘軍四月多隆阿大破陳玉成遂克廬州玉成前結沛霖通捻寇以合據潁壽因走壽州沛霖恐多隆阿兵遂進

湘軍志九

四

因誘禽玉成送勝保潁州軍中語具曾軍後篇勝保既妒湘軍功且欲養沛霖固兵柄陰右之沛霖又收潁上城以為功李績宜既惡賈臻勝保復奏臻功語侵袁甲三績宜因以和衷為詞置潁州度外甲三亦請疾去李績宜代為欽差大臣雅不欲居臨淮而安徽事大定所部萬餘人當戍淮南北又先大言必討苗練慮發難以不勝為笑假母喪固辭多隆阿亦奉詔赴陝西江北空虛詔從績宜請以唐訓方為巡撫當是時中外達官相詛誓者皆以撫安徽為斬甲三間績宜去遂亦稱病篤待唐訓方至而行閏八月沛霖空壽州及正陽關

將疑學分軍屯守蕭慶衍屯霍邱成大吉毛有銘屯潁州營於三河尖又分軍屯固始王載駟屯六安皆績宜部將也袁甲三部軍水陸馬步二萬餘人分屯五河靈璧鳳陽定遠懷遠蒙城以張得勝王才秀朱淮森徐鵠宋慶等為大將又頗樸用練丁率不任戰守仍倚李世忠為助訓方雖起軍中舊部已散倉卒召募復遣防廬州安徽四戰地農商逃亾租稅無所出故至臨淮者輒貧弱為沛霖世忠所輕世忠所據地瀕江猶時與寇爭沛霖自依勝保益收潁南北丁糧陰結捻寇無外患勝保移陝西騰章詆楚師為沛霖請隸於僧格林沁僧格

湘軍志九

五

林沁駐軍山東初亦惡沛霖沛霖偵知外藩王子驕貴寄耳目於左右又自負忠勇以湘軍為邀功因間之果奏調苗沛霖倚以平捻沛霖復憚行陽言當赴陝助勝保道路藉藉以為苗練反苗練實不能反而勝保遂以此得罪逮問沛霖乃自結於僧王矣十月穎壽圩丁並殺湘軍樵采者以挑釁沛霖因懇請撤楚師僧格林沁犒苗練軍萬金徵之從征曾國藩知湘軍力未足自固因託以和巢舍舒空虛撤壽州正陽屯軍退守霍邱舒城廷議大駭僧格林沁慙沮更奏辯然沛霖猶未敢起是月江甯寇北渡者十數萬掠江浦浦口西陷含山

和巢言者疑李世忠與句通世忠自陳戰功且請餉曾國藩與銀二萬五千米二千石二年正月世忠沛霖爭鹽戰於洪澤湖世忠遂盡錮西壩棧鹽塞高良湖以遏運舟湘淮軍衝澗以通運唐訓方恐生變因奏其狀世忠既結怨沛霖亦防官軍率所部北屯五河二月寇悉陷世忠沿江屯世忠留五河不能歸奏納已官以贖勝保罪 詔奪官留軍又以江浦不守請罷奏以朱元興統其軍 詔仍留任令堅守滁州六合其時捻首張洛行已就俘斬沛霖率眾至蒙城失所恃因謁巡撫請散練歸農訓方示諭諸團圩沛霖因潛斷渦水絕臨淮蒙

湘軍志九

六

城糧道訓方自宿馳還營格林沁已移山東猶以恐生變為言請示羈縻沛霖揚言僧王殺已降不足為盡力即襲懷遠距之攻壽州掠潁上陷鳳臺圍按察使馬新貽於蒙城練黨號百萬然皆烏合屯聚相持無他技壽州知州毛維翼者李續宜所委用將五百人自衛本起奔走小使無文武材沛霖故輕之四月將擬學援壽州輕敵深入致敗擬學意阻止屯九里溝不敢進毛有銘繼之亦遂合屯潁州知府英翰遙為聲援而已捻寇自六安合犯定遠歐陽勝美自廬州來援寇退南走周寬世移屯六安成大吉進潁州巢和含山寇南渡天長

六合來安皆解嚴五月江南水陸軍克九洲蕭慶衍屯江浦臨淮餉匱絕訓方自食半菽與士卒均糧 詔袁甲三於陳州募米甲三遣募之亳州太和民團得千石以濟軍徵淮揚水軍自洪澤湖入淮李鴻章以太和戰事亟奏留水軍僧格林沁攻淄川寇久不下 朝旨以討沛霖責之乃先遣馬隊至宿州六月戊寅下蔡盜夜開壽州城毛維翼死之將帥自曾國藩以下罰降有差沛霖西窺霍邱七月水軍將丁泗濱王吉率三板船百人入淮清江軍將黃開榜率百船繼至李世忠亦遣千人出鳳陽西南訓方檄馬新貽還臨淮移英翰守蒙城

湘軍志九

七

沛霖增壘夾淮以斷淮水戰船不得行運道復斷於是水陸軍皆焚船燒屯退保臨淮沛霖以為官軍破亾可翹足而待八月江北大將都興阿自揚州遣軍二千以王萬清等將之又遣富明阿將馬步二千為統將以援臨淮僧格林沁遣陳國瑞將三千人援蒙城國瑞驍銳自喜至則頻戰破蒙城北五圩沛霖先為外壕自固憑壘發礮多傷官軍九月乙卯國瑞乘雨越壕身督戰斬退者軍冒礮石死傷相積卒不能入城凡傷死八百餘人乃止不進富明阿將所部循淮北岸李世忠增遣萬人循南岸同進時蒙城守軍五千人援軍三倍之餘防

戌軍近二萬諸民圩見官勢盛爭反正壽州鄉民田端書等燒沛霖糧臺圍其下蔡屯眾至二萬十月李世忠平壽州東二十六圩克夏若乙未僧格林沁前軍至蒙城富明阿陳國瑞英翰軍始合富明阿言英翰前屯小澗而蒙城外無軍屯以此劾巡撫唐訓方丙申訓方遣軍規懷遠先攻蚌埠諸圩皆斂眾以過軍蚌埠寇知勢孤遂歸誠請獻懷遠贖死庚子夜官軍薄懷遠城東門開遂收懷遠其夜官軍圍蒙城者方攻外壕沛霖自巡壕跳而顛從沛霖者斫殺之斬其頭送王萬清屯外萬清秘之以巡壕斫死上功或曰殺沛霖者陳玉成舊黨

湘軍志九

也萬清殺之以滅口云沛霖死餘眾聞之瓦解富明阿等遂入蒙城壬寅收下蔡悉捕諸苗及沛霖妻子十一月甲辰朔陳國瑞裨將宋慶挾苗景開至壽州壽州反正李世忠亦遣將入壽州爭門相殺殺朱元興杜宜魁乙巳蔣凝學收潁上丁未毛有銘收正陽關己酉凝學軍至不相聞各隔水發礮相擊其後有銘知之乃解僧格林沁奏以為湘軍爭功及 詔訊得其實世忠亦自領眾還滁州諸客軍皆罷訓方循撫諸圩收其兵械奏移鳳臺治下蔡於雒河集增立渦陽縣城將大有所治未幾用富明阿前奏降官去喬松年代為巡撫淮甸無

事無所用湘軍矣三年正月癸卯朔李世忠移文總督以所守六城請官軍接防遣散水軍以船礮入官其豫勝營宜罷或調令隨征唯命先是僧格林沁奏請以世忠軍攻寇江南事下曾國藩國藩言提督李世忠為眾惡所歸咎有二端一則心跡難測一則專利擾民臣於元年接統其軍猶慮其反覆叵測倒行逆施厥後搜獲寇中文書中言力攻二浦始知李世忠實無通賊之事及其身探甲冑馳檄討苗若自知不為斯世所容而借此以求表白者壽州下蔡其部將被執殺者三人李世忠詞氣遜順無往年倔强之態亦若自知禍謫將至委

湘軍志九

九

婉以求苟全者今既新有助順之功誠不宜追究既往之事至於調勦以資其力臣愚竊以為不可夫降將驕兵力有餘則必跋扈而不可制力不足則徒壞法紀而反為我累故借助於人者行軍之大忌也淮上之往事惟以官軍見輕而權勢下移今李世忠之部曲實弱於臣軍奈何欲倚之乎且僧格林沁嘗調苗練矣迄不應命反激其變非計之得也臣當遵 旨諭令李世忠遣散部眾交還城沙退出釐丰停給餉鹽將其放還田里保全末路以宣 朝廷之威德奏上而世忠已有此請三月世忠悉發已贖及餘鹽給其軍三萬餘人人各數

萬錢多者數十萬又官欠餉鹽五十萬包及修渦陽新城助錢萬萬修滁州學助錢五十萬滁州屯田牛種資本銀七萬助總督軍餉銀二十五萬九千呈請回籍葬親有 詔褒許江北悉定六月江甯復羣捻皆北趨不復至淮南矣自苗沛霖之未平潁毫有盜輒以苗黨為名及其死諸城指顧而定所謂一夫作亂者邪世忠為捻巨魁手殺何桂珍比於狼子及其後度勢善變終享富貴一門至一品者五人貨產號百萬曾國藩桂珍執友也力足以報讎而不能罪反引公義保全之世忠其可謂知悔者江甯平後八年世忠游揚州遇陳國瑞追

湘軍志九

十

銜壽州爭門事誘執國瑞置舟中國瑞從子呼救兩湖商船以鄉情應之者萬數世忠大懼舍舟走免曾國藩索其事以國瑞彊梁世忠陰很奏奪世忠官國瑞故總兵降為都司江淮之間復流言世忠謀叛 詔國藩訪察乃遣人至固始探世忠所居則堂上設義塾竹攤董垣與鄉農襍居羣疑乃釋焉

臨淮篇第九

援江西篇第十

湘軍志十

直省分疆同於一統而其私財力也甚於列國利害不相及故也自張芾蔣文慶委禍江南而寇難踵至或死或困智者鑒之則曾國藩治水陸軍以應江忠源胡林翼竭湖北以事九江安慶肫肫乎其忠乎燁燁乎其威也不求功名功名固成然自是以外無間焉者何哉故曰非常者非常人之所為也所貴乎豪傑者為其能開拓心志轉移俗人之風尚也然而陳不占習勇而蹈義曹參畫一而作歌前事之師成功一也湖南壤地褊小無爭衡上國之志咸同以來天下莫強焉朝夕應人之

湘軍志十

十一

求而已日富強巡撫布政使雖自他省至者素有成見見湖南省例不如彼則亦治兵籌餉以待四方之急豈非駱秉章倡之耶秉章前撫湖南境內之不能防其後縱橫四出無功之不立鑿覆轍知改弦故也江西與湖南唇齒自曾軍出時謀者已言當出軍瀏醴乃能自立秉章委事左宗棠宗棠聽其言以力不足故罷未一歲湖北江西并淪陷湖南力愈不足乃始汲汲治援軍尤傾國以事江西殆所謂收之桑榆者耶鄉使秉章不聽宗棠宗棠久持力不足之說則湖南之亾可待也湖南亾而曾胡湘軍亦終困躓漂散無以自固然則洪寇之

滅湖南之盛援江西之力也而論者曰此非願所及會有天幸乘國運稟廟算耳則江浙何以傾覆閩廣何以不振秉章之功焉可誣哉咸豐三年江忠源守南昌羅澤南往援將兵勇幾四千雖無大功而湘軍習戰自此起五年臨江瑞袁吉安陷沒湖南東界盡鄰寇廣東土寇復出柳韓間欲合大眾劉長佑王珍等軍轉戰鄰柳江西巡撫頻奏調劉長佑十一月柳寇平長佑回軍屯醴陵十二月詔秉章募二千人具器械餉糧助江西秉章奏言湖南自桂東北至平江千餘里壤地毗連江西臨江瑞袁民氣積弱遇賊輒靡多迎導納貢民賊

湘軍志十

二

合為一官驛不通然袁州地居總要距臨瑞吉安道里適均郵旅通行之路也楚軍赴援當先規袁州然後東北可以援瑞臨東南可以援吉安劉長佑所部千五百人增五百則為二千人二千易辦然未足以戰守也臣今悉徵南北勁軍分隸劉長佑期會醴陵瀏陽兩道並出以厚其力則江西得援兵之效而於湖南窮蹙之局勢亦翩然舒展進退自如乃增調蕭啟江軍與長佑合五千人長佑進萍鄉啟江進萬載未發而袁州寇輕騎略萍鄉醴陵屯將毛英勃躬率所部二百人約田與怨軍四百人往爭城與怨後英勃赴急先往遇寇城下

直奔之寇退遂入城助守寇屯蘆谿不進英勃計曰我兵少待其至而合圍勢必不利不如先攻之破其前鋒則寇不敢輕來待大軍至而進彼氣奪矣萍鄉民見援軍三百人敢前攻皆以為神兵寇散居民村塗出禦之英勃搏戰猛銳當者輒靡然見其軍少又輕進相與笑之乃設伏山坡英勃三百人分四隊以百二十人結陳居後左右各六十人鈔菊山目率六十人前將踰坡其弟英俊諫曰前數百里皆寇屯也吾深入勝無所往宜收兵且退英勃怒曰誤軍事者此等言也夫勝敗社一決以數十人敗萬眾者多矣若敗賊因收撫難民土地

湘軍志十

三

人眾皆吾有何為而無所往今以持重為名實怯懦豈兵法乎遂進英俊馳從之果遇伏四鄉圍前鋒菊山寇皆乘高壓之左右後軍因退走英勃身搏寇被二十八創英俊被三十創所將六十人者死二十六人英勃兄弟既力戰死觀者皆感激曰彼援軍忠勇如此吾等何為不自謀而任賊至此且鄉者之戰使後有繼未渠敗也前笑英勃者更敬服英勃至今道旁民猶喜言毛軍戰事而田與怨軍始進屯醴陵界上寇遂陷踞萍鄉六年正月吉安陷江西西界州縣望風瓦解愚民多獻糧冊輸財物寇設偽吏置津邏而守曾國藩大軍孤居南

昌南康間為羣寇所絀人人寒心謀者皆注意通湖南
 廷諭指地圖欲鑿漣牽以通水軍其憂危如此二月
 壬辰長佑進攻萍鄉甲午游騎至城下寇隨出千餘人
 來攻屯逆擊敗之復追寇至城下寇告急袁州袁州寇
 曰來軍雖弱然嘗經陳未可輕也以勁黨千人夜赴之
 甲辰平旦分三隊來攻寇將黃衣騎馬扼峽口以督退
 者長佑躬將百人繞其後背攻之左右方進戰寇陽退
 長佑突從後衝峽口寇將反棄馬奔走於是失勢官軍
 爭追寇將寇將保村屋則擲火燒之寇亦擲火拒外軍
 火盛反自燒左右寇隊來救寇將已自投火死遂大奔

湘軍志十

四

其夜城寇自避萍鄉復是日蕭啟江亦進攻萬載破寇
 珠樹漳袁州寇始懼秉章聞萬載寇強移田興恕軍往
 助之興恕突將敢戰自負其勇以長佑文儒雖隸之不
 肯下也遇長佑營官怒其不下馬徑鞭之且自往責長
 佑長佑笑謝既至萬載啟江折節下之興恕喜為盡力
 萬載僻小寇援不繼土寇頻迎拒皆破潰裨將楊恆升
 稍誘城寇得虛實乙卯寇將南走袁州楊恆升入城盡
 收所遺財物乃告啟江屯軍城中恆升祖父嘗為萬載
 令謹樸為士民所安坐受前任虧空免官縣人醵以償
 謝弗取客居縣中以困累死至是恆升竟收萬載贖縣

人異之瑞臨寇聞之忿怒糾黨分三道各數千人期必
 取萬載五月甲子攻興恕屯復分鈔官軍迎戰者啟江
 率眾擊之皆敗去辛未長佑軍進袁州甲戌寇合崇通
 新來眾謀襲瀏陽醴陵斷兩軍後長佑遣要擊破之乙
 亥萬載寇攻官軍屯興恕力戰反燒寇屯六月援寇增
 黨拒啟江湖北援軍將劉騰鴻等亦自瀏陽進萬載援
 寇聞之止瑞州騰鴻進新昌啟江趣合長佑軍攻袁州
 城留興恕屯萬載癸卯騰鴻收新昌甲辰啟江攻袁州
 城西橋不克乙巳長佑啟江合攻南門寇不出庚戌騰
 鴻攻上高甲寅進至瑞州於是自長沙東至南昌南昌

湘軍志十

五

北至九江千里通道如綫八月分宜寇侵上高遂攻萬
 載田興恕拒走之吉安寇水運餽餉袁州啟江等伏燒
 其舟十一九月臨江吉安寇合六千自分宜運鹽袁州
 長佑分三軍要之沈其鹽奪餘貨數百車城寇出救敗
 之十月分宜寇復來攻益調田興恕及醴陵屯將余星
 元進擊之遂襲分宜戊申取之袁州城寇疑廣東新至
 寇戰不力新寇怒謀殺寇將反正辛亥軍攻西門有李
 能通者陳前歸誠寇益相疑十一月丙辰胡棄城走李
 能通部黨啟西門納軍遂復袁州得斬二千拔脅從者
 二千六百人是時周鳳山曾國荃將六千人攻吉安劉

拔元等二千七百人攻取上猶五縣復分遣啟江部將
劉培元等將千二百人助攻吉安莫通贛水以西啟江
惠上高礮軍與田興恕往攻之長佑進新喻期會臨江
留黃三清將五百人守袁州十二月壬辰收新喻移袁
州屯軍戍之丙申啟江收上高臨江寇屯羅坊聯新淦
峽江土寇南通吉水長佑進軍太平墟欲先攻臨江城
以走羅坊之援啟江屯嬰哥領與瑞州軍相援應二月
己亥吉安寇浮贛沂牽合陸寇鈔太平墟列陳二十餘
里長佑前後被攻屯潰營員左右倉卒不及走多死者
軍奔不可止長佑下馬坐因臥以誓死寇前後至者皆

湘軍志十

六

杜數十步內親軍數騎還擁之潰圍出卓旗收軍士皆
感愧自相呼止新喻軍亦出列陳水勇寇以故不追得
保新喻軍存者十之一輜重軍實盡喪分宜三縣民士
聞敗以為楚將仗公義深入誓死吾等當赴其急傳集
丁壯輦運兵米不期而至者七八千人潰軍還走者見
民團奮義皆各恥咎俱從長佑於新喻三日軍復抵羅
坊寇來攻者不陳而引去劉騰鴻聞敗恐寇併力啟江
抽圍軍二千自將救嬰哥領乙巳合屯丙午寇至分四
隊渡水大戰田興恕恃勇突陳深入遇伏所乘馬中槍
死左手被創騰鴻馳救與俱還亦多所殺傷長佑軍將

劉坤一亦攻寇羅坊斬賊二百寇悉移屯太平墟丁未
啟江進攻援寇寇逆拒力戰破之騰鴻還瑞州留千七
百人助啟江戰守長佑亦資田興恕衣糧三軍和輯士
氣自倍秉章增遣江忠義將千人往助長佑檄王珍將
二千人自岳州出義甯南規寇勢為游擊之師江西亦
遣水軍將劉于濤帥戰船至臨江會湘軍湘軍援江西
者吉安瑞臨軍三萬有餘供億餉費皆取之湖南北王
珍既至臨江蕭劉與合軍攻城不利珍以久留師老又
得吉安請援書即引師南渡贛進吉水攻寇水東一戰
破之燒其五屯萬安援寇繞西攻樂安珍移軍往南唐

湘軍志十一

七

甯都土寇援吉安閏五月庚寅與珍軍遇沙溪寇恃眾
攻珍營分伏山林間待軍出而夾擊我珍閉壘踰四時
寇終不敢近所伏眾飢皆出將退珍出六百人列橫陳
令精兵三百人先馳衝寇寇爭擊之眾亂珍鳴鼓督軍
俱進寇已失次則還走山隘相擠珍麾而前江西民新
脅附者怯戰不耐敗往往伏地待刃或自刎寇奪氣狂
走追奔四十里壬辰寇約萬安寇合攻珍萬安寇失期
不敢進先至者亦退走珍追之拔民口六百餘眾走樂
安崇仁宜黃啟江移屯太平墟拒破峽江援寇長佑作
長壕自圍與臨江城寇相持甯都寇猶眾王珍進軍約

峰寇屯溪洲及兩岸連十餘里然莫敢戰逼攻之則爭走礙於水多自投擠尸相藉官軍踐之以渡斬寇大將鹵獲不可勝計於是江西南邊土寇頗復解散其驅民餽官軍者不戰先敗反自蹂害殺之不能止土民脅於軍威亦多避匿不復以從寇為樂而王珍名遂大振號為虎云六月珍進軍廣昌東章益增新軍千人及胡兼善軍五百助平撫建丙寅吉安圍軍潰退珍改趣永豐屯藤田七月庚辰朔劉騰鴻攻瑞州城力戰克之騰鴻被創死餘寇奔臨江遇於劉長佑軍已丑崇仁宜黃寇分三道趣樂安撫州寇繼進屯林頭相首尾王珍分軍

湘軍志十

屯樂安城敗其前鋒躬率輕兵要寇太平市辛卯道戰破之寇保林頭日夜築壘自固珍休兵一日癸巳進攻林頭寇棄壘南走珍還屯崇仁宜黃間以觸暑轉戰病瘡未進吉水寇乘虛疾東行陷樂安殺知縣靳丹書珍還救寇遂去珍病益甚八月壬戌卒於樂安城吉水寇遂北掠峽江謀西趨袁州斷臨江圍軍後且撓湖南邊以致湘軍時連喪名將劉騰鴻及珍軍皆無主者撫建吉寇勢復張瑞州軍奉檄助攻臨江普承堯為大將承堯故從塔齊布及後從騰鴻皆有功然性矜驕不能獨將前軍至峽江遇寇而潰退羅坊承堯繼至壘未成寇

奄至軍遽北走長佑所遣應普軍者三營從而皆潰承堯北走屯嬰哥嶺三營還臨江圍是時王珍舊部分為二軍留六百人屯安福張運蘭王開化等北出分宜湖南防將楊虎臣東進至新喻以保袁州蕭軍杜劉軍西以通新喻屯防軍而遣裨將劉嶽昭助楊虎臣拒羅坊臨江城寇見三營敗歸則大喜日夜填壕待援至而來擊官軍蕭軍屯秧田當前敵長佑餘二千五百人守圍壕朝夕不自保寇勢五倍將士危懼張運蘭等新拔用固不肖救人以自累且未能自立要視劉蕭為進退癸亥長佑獲寇諜言援寇數萬屯太平墟刻期約城寇同

湘軍志十

九

攻圍軍城寇皆拔鹿角束兵以待長佑念己軍且腹背受敵諸團丁居民見寇勢威皆懼不復相保其勢坐困其夜雞鳴令圍軍率十人留三人守壕餘皆裹糧持槍分三隊躬率以進而先約啟江興恕盡發秧田軍來會甲子平旦合軍寇負眾速出迎戰旌旗連十里軍有懼色長佑約眾嚴陳植立度寇火槍及我而後鼓之李明惠江忠蕙並馳斫寇寇遽走或曰此偽也宜止勿追明惠等已先陷陳眾遂逐之至寇屯寇將立旗吹角收眾拒戰盧秀峰繞屯後攻寇寇大潰燒其屯四十七俘三百二十人收營帳八百九十張運蘭聞戰亦自新喻

進攻羅坊寇退保富田運蘭抗之峽江西長佑啟江還
圍臨江九月丙戌湖北援軍克湖口軍勢益振十一月
富田寇圍吉水張運蘭赴之解去援臨江寇屢不得志
城寇乃議歸誠結約未定土寇懼誅持不下食盡掘草
根為糧乃謀突走十二月乙卯夜西門開眾議斷長圍
蹙之長佑曰吾從軍有年凡潰圍出走未有能逼者也
任之必自潰若力拒之彼致死以敗我則勢復張矣且
多傷士卒以要無益之功非仁者所為乃缺圍分兩翼
自後驚之寇西走瑞州於道果逃散十不得三四八年
正月長佑以勞疾歸劉坤一代領其軍啟江自領所部

湘軍志十

十

為特將合攻撫州張運蘭王開化等繼進俱不相屬自
是援軍分為四矣復增軍助攻吉安柵江作壕期必克
蕭啟江既專將則率田興恕等以銳疾深入為能江忠
義等效之精捷軍諸將自此起撫州寇謀出章樹復取
臨江興恕馳輕騎破之傷亡三百七十餘人二月渡贛
收崇仁王開化進樂安辛酉收樂安三月庚辰收宜黃
壬午崇仁寇遁啟江等進軍撫州甲午止屯上頓渡乙
未城寇逆戰敗之建昌寇見援軍益東遂西出官軍南
謀襲崇仁劉坤一要擊破之王開化亦拒之資寇不
得西崇仁團長汪波率鄉軍助遏寇羣寇屯四鄉者皆

疑懼新寇貪守撫建而石大開憚敗名令入浙以此相
猜啟江因進薄撫州城四月辛亥王開化等南攻南豐
癸丑寇遁丁卯撫州寇棄城東走諸寇皆走已建昌
寇南走新城王開化等入屯建昌援軍深入江西自東
境至西境橫軍千名克四名城李續賓克九江李元度
守廣饒水軍防南昌往來彭蠡曾國荃圍吉安所杜皆
湘將皆半資湖南北餉當是時胡林翼駱秉章名為知
兵督撫莫能與為比亦益以平寇自任合奏起復曾國
藩以啟江張運蘭王開化三軍屬之以援浙閩兩湖分
供其軍餉會 文宗已詔國藩入浙八月吉安克江西

湘軍志十

十一

巡撫奏留劉長佑軍為江西軍屯撫州未幾軍疾疫死
者大半仍歸湖南蕭啟江未及行而閩浙寇已掠江西
廣東邊窺永州陷郴桂圍寶慶秉章悉留軍屯防啟江
追寇入廣西國藩獨率運蘭至景德待吉安軍同出九
江改治安徽軍語各杜其篇自五年十月迄八年八月
湖南援江西者水陸勇丁萬九千軍餉二百九十三萬
前後攻克府縣城曰萍鄉萬載分宜袁州新喻臨江撫
州新昌上高瑞州樂安崇仁宜黃南豐建昌府峽江吉
水上猶龍泉崇義永新蓮花廳吉安其非湖南供餉者
猶不杜此數

援江西篇第十

湘軍志十

十三

援廣西篇第十一

湘軍志十一

寇起廣西連十五年乃平廣西財力固乏又仍被兵寇公私如洗民無所安居聞江南羣寇強盛多受誘惑及見脅虜所杜成聚伺隙而出則必闖湖南湖南之援廣西非遠略也與其出而拒之不若入而蹙之之易也援鄰省者入竟或有所取糧至廣西行軍坐營悉資湖南不則軍立潰故其為累也曠遠無已時而其收功也不足以表裸於天下非至忠者莫能為此謀也然其後卒賴援將東下攻浙合勢以平巨寇糜餉於廣西取償於廣東若有天道不斲而報烏乎成敗之數有可察也必

湘軍志十一

一

有可勸也咸豐三年五月興安恭城寇復陷其縣城犯永明零陵江華藍山臨武其時湘軍初興軍政猶因仍舊例奏遣衛永鎮道防邊會所遣援江西上猶軍張榮組等攻寇桂東破之廣西寇不復出而永明等縣亦頗治守備要禽逸寇四年曾軍東下王珍以軍留湖南專屯防南界而周雲耀趙永年為永桂營將最為知兵灌賀土寇滋蔓如故然終不北掠廣東紅巾寇自韶連通廣州勢張甚固不謀度領矣五年廣東官軍稍集紅巾益北趨郴桂芻及永州掠地至耒陽而桂陽鄉軍起及永州知府黃文琛明偵候據險要有以待寇王珍軍往

來游擊寇卒破散語在防守篇七年王珍援江西庚申
餘寇復結廣西叛將黃金亮合興安靈川土寇分五營
攻陷柳州桂林土寇遂起省城戒嚴餘寇且北掠全州
知州蘇鳳文告急湖南湖南宿將盡出征則以蔣益澧
將千五百八十人南援益澧初從王珍後隨曾國藩皆
見謂羸穢不得意以廣西遠且貧無願往者因自請行
五月至全州寇易湘軍遠迎戰益澧所部有從征湖北
者亦易土寇以為不耐戰直前薄之三戰三捷寇奔走
還聚保興安遂圍之秉章先遣段瑩器將祁勇千人從
益澧遣江忠濬將千餘人自新甯來會師寇增召靈川

湘軍志十一

二

寇合拒官軍七月益澧等合攻援寇大破之城寇懼棄
城南走丙申復興安興安靈川餘寇合平樂寇據府城
死守秉章增遣黃輔鼎蕭榮芳將八百人出恭城九月
會師自恭城進平樂寇用戰艇依水通糧築屯平樂北
二塘墟沙子街阻險自固益澧盛兵攻沙子而躬率精
兵踰山出楓林石峽衷寇二屯間背擊之因燒寇艇遂
破沙子屯與忠濬等分軍已繞二塘攻城南忠濬緣水
進屯城北寇既失險皆還保城桂林東南北寇連敗勢
衰羣盜分屯柳潯梧慶遠各自為部不相援應益澧等
軍薄平樂城為屯寇馮城唯恃礮以守黃輔鼎彭玉山

率眾攻之手大旗先登中敵死軍乘之十一月壬戌克
平樂當是時湘軍鋒銳甚蔣益澧遂為名將巡撫勞崇
光奏留督軍而秉章奏助益澧軍餉銀月二萬於是議
增造戰船募水師自長沙造船六十餘火藥七萬餘斤
以益其軍八年益澧軍入屯桂林勞崇光因奏益澧署
按察使時寇起已十年東南軍事日棘竭兵餉於吳楚
未遑問廣西事提鎮備員而已權歸巡撫無所得兵食
率假招撫以愚羣盜羣盜亦利假官令以智愚懦故官
軍亡寇相蹂橫行省地吏不能詰院司寄坐城中守城
將皆盜魁人人寒心益澧至乘湘軍威悉案誅諸桀黠

湘軍志十一

三

者易置守軍然後巡撫以下坦然安枕故甘委權於益
澧益澧自五品階官躋兩司不滿歲年未三十志氣輕
傲以英毅自喜既專兵柄以次討定潯梧慶遠盜府縣
官始治民事徵租稅如平時而柳州盜屯踞蟠固自以
水師不能至四出游奔連結洞若益澧計戰船當由灘
浮鬱泮潭水回復千餘里象柳間岸陝湍急不利水戰
然不絕水斷渡則城不可取也乃具舟修仁令軍士舁
負三版小船陸行九十里置洛青水中載礮建旗鳴鼓
下薄州城南門扼其津渡城寇山盜不復相應遂克柳
州黃金亮走古州八月連州寇復起據賀縣益澧遣裨

將潘家馥將榮華往攻之寇攻家馥屯軍潰退平樂榮華屯阻寇不敢還遂北走永明因至永州時論大怪之益澧自將攻賀軍疲復敗寇遂圍益澧鄉民劉鴻生等集團丁力戰拔官軍益澧因得潰圍賀縣陷未幾寇出湖南而黃金亮復走懷融益澧仍還柳州九年春石大開入湖南所過緣邊姦民皆相扇動益澧猶屯柳州捕討旁縣盜大開前隊掠全州崇光檄令回援因分軍留柳猶將二千餘人防北界大開徘徊永寶間遂圍寶慶益澧還省城勞崇光遷督兩廣曹澍鍾為巡撫益澧代為布政使七月石大開自東安掠全州而永明土寇出

湘軍志十一

四

恭城益澧出扼平樂寇已大至偵城守設備北走灌陽合全州來寇掠興安直攻省城初至者三千餘人三日眾至數萬省城久不虞寇至是大駭急召益澧全軍益澧軍雖號五千以餉闕頗短其數又留防柳及敗潰失伍者過半才將千餘人皆疲乏無軍容學政李載熙居城中亟詣益澧問方略益澧大言無所詘載熙因上奏劾益澧侵餉玩寇曹澍鍾亦請援湖南 文宗詔促湖南赴援降益澧道員而劉長佑蕭啟江復有事於援桂林矣寇之南犯也諸軍將皆策其必窺黔蜀不注意廣西及澍鍾載熙等為危詞請援且侵湖南而劉長佑軍

至東安士卒病不能進故以蕭啟江先行八月至興安石大開已西過義甯灌陽寇亦連屯靈川欲俱西走聞援軍至列陳大榕江東西以遏追師啟江進擊之寇交綏因退走益澧裨將蕭榮芳亦自柳州赴援與啟江軍會省城下寇解圍俱趣義甯於是曹澍鍾母喪解官祥奎為巡撫未上澍鍾因奏留蕭啟江防西北而令益澧南出荔浦以防柳州時援皖軍亟奏調啟江 詔授劉長佑為廣西按察使督湘軍長佑將八千人自永福西進寇柵柳城西連羅城天河南引慶遠分趨柳州復東犯藤昭平蕭啟江已北還長沙長佑乃南攻柳州十年

湘軍志十一

五

正月克柳州民團因收柳城 詔擢長佑布政使增募益澧軍至五千屯陽朔以東規平樂廣東援軍進梧州寇悉西趨而賀縣寇踞經二歲官軍不遑問復奏調湘軍將劉嶽昭自江華進攻之三月湘軍將陳品南進富川戊子復其城嶽昭自富川西禦昭平援寇於春頭源寇悉保賀縣四月蔣益澧自平樂來會師寇多詣湘軍歸誠五月軍至賀夾水為屯賀城東隔水有大市曰東街居屢盛於縣城寇據為柵戊午王月亮李金賜分攻東街破二柵因燒其壘寇半走水西謀保城益澧軍先梯而上已未克之援軍還曹澍鍾奪情已踰年復奉

命督四川軍胡林翼論罷之 詔授劉長佑廣西巡撫
仍擢用蔣益澧為布政使駱秉章將湖南軍援四川未
幾補四川總督於是湖南方謀東征增稅募軍以應皖
鄂石大開餘黨雖往來融灌間率疾過無攻戰之事廣
西姦民亦頗盡靜長佑稍以文治能自固不假鄰援矣
及浙江事急左宗棠亟奏請蔣益澧自助 詔改補浙
江布政使將所部八千人以往益澧自至廣東請餉於
總督勞崇光念其舊功資給數十萬其度領軍勢甚盛
亦懲前事更折節惜名譽遂平杭湖竟躋節鎮焉然廣
西民尤感益澧首功所至為祠祀之山谷間往往而有

湘軍志十一

六

故夫湘軍推鋒之功效矣

援廣西篇第十一

援貴州篇第十二

湘軍志十二

自武陵屬貴東於秦時為一郡之地前代別置巡撫然
蠻寇之為患舊矣貴州之政令行官吏具則以天下之
財力供給一隅而湖南亦勞於轉輸及於軍興東南困
敝貴州苗民乘亂而起則湖南專受其禍雖欲苟息不
可得也咸豐四年冬興義安順普安土寇紛起陷普安
及安南城貴州巡撫將霽遠督軍遵義討之奏徵湖南
兵駱秉章奏薦韓超徐河清以為貴州不能用其材而
徵調煩費無益其時永順姦民亦掠府城屯聚拒官會
辰沅軍至乃各解散五年十月銅仁舉人徐廷杰以苗

湘軍志十二

一

教橫恣假征糧浮勒名扇黨陷城殺知府葛景萊洞寇
和脅者萬人十一月出陷松桃遂攻鎮遠城鎮道城守
乃縱掠而去然麻陽晃州糜爛矣湖南官兵以黔寇烏
合易襲因尾之果散走松桃銅仁復定留兵代戍之六
年將霽遠以同知王敬烈知銅仁因亂株連良懦皆悔
其不反於是五洞團丁起應逆五月攻貴州江口官軍
破之湖南戍兵多傷復增軍往貴州吏無有官銅仁者
乃以知縣彭瀾攝知府以知府楊書魁護貴東道書魁
將三百人以來於道被劫三百人先潰囚書魁彭瀾懼
出走亦獲之鎮遠總兵文安屯界上與銅仁戍軍為聲

援七月寇犯晃州九月松桃石峴苗窺永綏而永從苗先犯通道黎平六洞苗入靖州復合土寇陷古州廳城古州額兵四千火器儲積為貴州冠靖州自此無安枕緣邊屯砦焚毀略盡湖南西防南北皆急秉章以銅仁寇乘沅水數日可越辰州尤注意銅仁寇攻銅仁城為戍軍所卻因趨鎮筸以嚴備不得入戍軍將吉隆阿等襲其屯破之銅仁解圍十月進攻銅仁縣三元屯屯倚石壁設層堡用土民計繞沱水坪取山徑襲上堡約良民舉火中堡田宗蕃等攻下堡比至上堡已破寇皇怖奔散遂克之進攻壩盤裹糧盡掘山薯以食三日援軍

湘軍志十二

二

至寇退保三角莊軍從之苗寇離解自潰去拊楊書魁於寇中悉捕斬諸酋首捷聞將壽遠慚愠仍檄王敬烈知銅仁以齟齬楚軍戍軍乃歸十二月出軍靖州西北界討永從苗七年三月攻金山砦四月克之苗繞犯靖州不得入援軍進黎平增軍攻永從六月收其城饒貴州將韓超軍銀三萬駐軍黎平招撫六洞苗八年三月廣西懷遠盜合古州苗扇脅都勻石阡清江諸苗糜聚黎平遣田興恕助拒之俘斬甚眾時鎮遠復陷而思南教民倡亂分三部思南為白號銅仁為紅號思州為黃號皆持天主教以惑眾分犯銅仁晃州苗教屯聚至數

十萬援軍枝柱思州清谿玉屏邛水間頗以捷聞九年石大開犯湖南悉兵防永寶檄古州援軍還八月大開走黔邊思州苗紛起響應乃復議攻思州九月破風崖等五屯進收鎮遠苗聞官軍至輒棄屯走收其空城蓬蒿沒人又分軍進黎平偵大開所至為防以田興恕為特將十年寇自甕安犯遵義土寇陷平越延及龍里貴定省城危急興恕改道出銅仁石阡徑赴貴陽三月軍行鎮遠苗復攻邛水天柱援軍退還黔陽是月詔擢田興恕以副將署貴州提督增軍滿二萬悉由湖南轉餉六月辰水道罹誅以習邊事由按察使署巡撫命

湘軍志十三

三

駱秉章督軍四川既受代而秉章察諳浮情奏劾罷官於是議者稍稍疑援黔軍未盡可用而周洪印戈鑑之徒適有平茶之敗退屯靖州十一年三月黎平苗出圍靖州掠通道綏甯石大開餘黨從之復走義甯靈川諸軍皆南防五月苗圍攻銅仁朝議慮石大開脅苗寇大出為楚蜀患尤重貴州授田興恕欽差大臣以湘軍將江忠義為貴州巡撫興恕忠義皆年少英銳以為功杜指顧湖南巡撫毛鴻賓奏留忠義防西南邊猶以部將待之又以興恕起勇目佩欽臣關防陰奏劾此兩人自駱秉章後湖南巡撫權重會興恕捕斬天主教主法

琅西愬之奪官更以江忠義為提督韓超為巡撫忠義將軍自廣西赴安徽俄病卒興愬後出四川吏議當遣戍貴州自此不振十一月石大開連陷會同黔陽辰沅大震同治元年正月寇西走援軍始復進麻陽三月石阡銅仁苗寇攻貴州鎮道軍屯悉破之遂攻邛水戍軍援軍進據銅仁寇南掠松桃北攻天柱鎮軍總兵分部防守邛水戍軍潰退增兵防晃州 詔責韓超田興恕專恃援師負疆寄五月復徵水軍抗沅水自石阡至思南苗寇勢最盛諸援軍率以數百人為一營多至數十營不相統制以斬級焚若報捷者日有聞其地形兵勢

湘軍志十二

四

雖土人莫能明也七月軍進天柱邛水寇散走收其城八月攻漢岩漢岩者寇魁姜映芳所踞十餘年官兵不能至至是乘勝招撫翁若故深入無阻既逼若擲火燒之若寇無火器惟恃刀石火起皆踰若逸去保清江援軍憚瘴毒皆還晃州分偏師援銅仁二年正月思南石阡苗教合踞荆竹園攻陷印江與銅仁寇結連分犯清谿玉屏三月清江苗陷古州攻黎平芷江黔陽姦民潛受誘惑浸淫及於內地矣八月石大開餘黨自酉陽入永綏掠會同綏甯走廣西軍皆還救十月復出援黎平三年貴西苗寇陷開州修文貴陽戒嚴時張亮基巡撫

貴州益以貴東委湖南二月援軍收古州益西攻都江而台拱清江苗眾屯聚深固莫敢直進乃益繞越深入以為功苗以此并輕湘軍當入寇輒叩壘門呼曰吾當往攻汝湖南矣既掠歸復謝曰多擾汝湖南巡撫譚世臨起曹司躋大官唯倚趙煥聯以言兵諸援將深相結幸苗寇無遠略以故援黔軍比之援江粵者殊絕而勞費尤久五月天柱玉屏復陷七月犯沅州掠沅靖五縣十二月官軍復收玉屏大徵諸軍屯沅晃始有意於整軍已奏用趙煥聯矣四年二月憚世臨罷李瀚章為巡撫 朝議以洪寇平將合四川湖南財力經營雲貴會

湘軍志十二

五

有叛軍逸寇之防重戍東南邊五年春乃議援黔黔大將兆琛周洪印為最諳習自黔事起領軍幾二十年琛以知縣至湖南按察使貴州布政使洪印以千總至總兵專其任日益無效靖州受苗寇沅州受苗教兩寇而石阡荆竹園勢盛沅防尤急乃仍用琛備苗而別起用李元度募新軍率洪印先攻荆竹園貴東之用兵也皆步步值寇巢丰彼各自為戰官軍大至則皆走少則不敢進精兵無所施勇疲卒則為所乘元度銳意攻若寇踞險自保時乘雨夜盜掠軍卒或方寢而失其頭及行陳林箐中暗傷斃者往往而有其合戰未嘗不勝荆

竹園驟不易下也前將失職者乃流言以為琛等無過苗寇往來自如邊縣仍失仍復不可勝紀六年夏劉岷為巡撫九月上奏曰兆琛等兵勇三萬歲糜餉二百萬名為大舉援黔而境內之患更甚於前沅晃鎮守黔麻靖會幾千里無安居軍法不立故也援師例受賞而不議罪失城若咎歸貴州復則上功是故貴州之蹂躪皆援軍之勳績也兆琛身任黔藩鎮遠失守不審機宜周洪印駐軍沅州賊至移屯托口賊退托口復回沅州取巧避兵曾不知恥請免兆琛官議洪印罪遣散所部酌留三營屯防布政使銜李元度久攻荆竹園曠日無功

湘軍志十二 六

奏先奪一階而更薦席寶田募萬人援攻貴東 詔皆報可於是人始知法十月寶田軍至沅州將合攻荆竹園十一月天柱苗出攻會同寶田裨將席啟庚方攻天柱間警曰此苗寇故智也彼狃於軍出不還救悉所部三千人追之分六道要遮前後苗窮相聚保谷中啟庚獨領五百人入擊之道陝中伏戰死壘繼昌自會同出苗乘勝引去苗酋張秀眉語羣苗曰苗疆危矣往日官軍敗則走今深入尋戰此癡軍也汝曹謹備之李元度聞寶田至則急攻荆竹園破券砦二十五水軍將許寶坤破券砦七益作屯逼之十二月辛卯寶田進軍石阡

與元度察地形當據北岡園砦乃可破元度進作二屯寶田列陳待戰寇爭岡攻李屯席軍遽退元度新壘不能固遂棄屯敗退明日寶田率軍因李屯而屯寇復來攻拒走之既得北岡寇無復固志七年正月元度寶田分攻園砦東北手薄門爭柵元度裨將黃元果先登遂克荆竹園白號黃號教及石大開餘黨悍者俘斬略盡捷聞言黔事者皆驚喜以為奇功元度進屯偏刀寶田進轎頂破三十六砦撫定者百有十收民口二萬八千奏言所定府縣隨營委賢能人員攝守令且奏薦葉兆蘭署貴東道事下貴州巡撫曾璧光璧光奏如劉岷所

湘軍志十二 七

言二月張秀眉犯晃州三月犯沅州麻陽寶田還軍銅仁元度留石阡平餘寇榮維善南趨鎮遠道還東要道于沅州寶田要苗麻陽皆先斷其歸路乃力戰皆大破之苗前以深入疾還疲我援軍恐其擾善地不敢遏故屢得志至是大創終不復東犯矣黎平永從苗乃謀襲通道戈鑑龔繼昌擊走之寶田至沅州會軍四月癸巳泝沅水西行壬寅克頗洞癸卯克德明甲辰克台笠乙巳克砦頭駐軍為大屯以攻台拱初兆琛之援黔也久屯八弓八弓去砦頭二十里而近然游騎不敢望砦頭寶田既作屯羣苗大恐十二酋長分部作屯相保黎平

又告急遣龔繼昌往守之李元度師會四川援軍於偏
刀降七十八砦閏四月辛亥克偏刀元度告歸汰其軍
留三千人悉隸席寶田寶田以繼母喪歸仍起督軍以
榮維善暫領其軍事黃平麻哈清平苗援台拱合攻砦
頭大營別襲德明分拒破之維善率數百人夜攻石隴
苗駭潰苗之來也黨雖眾其戰地險阨即敗不能多死
傷官軍恆聚攻之故散佚為害一日數十警一地數十
敵非精軍莫能散戰而維善尤善出奇用少苗以是大
困五月江口苗繞攻清谿六月攻荆竹園七月攻上河
皆為屯軍所拒破寶田議曰台拱苗最彊破台拱則羣

湘軍志十二

苗披落矣右鎮遠而左清江台拱之兩翼也不取兩城
不能規台拱不通砦頭左右不斷賊援不能克兩城不
悉平砦頭前路不能通道然專注砦頭苗乃從他道內
侵文法吏反得持長短眾論喧譁軍餉不繼則事敗矣
宜增兵處處為防而後可以言戰乃上書劉峴請益萬
人議者皆以糜餉甚鉅而平苗無益又軍例將五百人
者將雖廉平猶歲入三千金凡議增兵皆利其所入疑
寶田欲專大利然無以難之乃出省城防兵附以沅北
戍軍不隸寶田者為萬人以黃潤昌為大將鄧子垣副
之出晃州北路而令寶田專南路寶田語榮維善曰言

苗事者必曰勦此勇夫名將之事也夫勦者縣軍
深入飢因敵糧夜宿敵壘行不持營帳居不依城砦軍
不時出出不時反乃可以入穴得虎而申其威力然其
敗莫救徒有策無能行之者此岳鍾琪張廣泗之所以
擅能惟君可以繼之維善奮請行率所部轉戰山谷間
自大營南取清江廳百餘里縣軍五日苗偵者率莫測
所鄉時越大砦攻小砦或已過復還驟至清江北岸城
苗望之以為其部眾叛鬥已知官軍乃大驚嚴備將渡
沅官軍已去時十一月大雪軍中亦不知維善軍所杜
俄而還營薄功屠七砦撫四砦砦頭南路平乃謀北通

湘軍志十二

鎮遠攻抱金破七砦西通松柏洞苗合圍其屯方戰維
善已先率唐本有等伏屯外卷旗單山行反圍圍軍所
殲仆相望十二月襲稿繞稿繞兩山險絕無路眾曰此
絕地也維善曰苗處絕地獨我絕耶此所謂兩鼠鬥穴
者也遣蘇克金先據右山唐本有自下攻而上維善橫
貫其陳苗大潰顛自死者無數砦頭北至鎮遠八十里
苗皆悉空黃潤昌聞之馳至思州遂攻鎮遠城鎮遠城
分府衛然久圯苗長於守若其踞城者無固志潤昌方
平江甯遠部軍氣盛直薄城梯攀而登江忠珀先上苗
擊之殪軍繼入者不可止立克鎮遠劉峴知苗事將定

九

復奏請 詔廣西合兵移戈鑑軍助清江八年二月維善軍進渡沅清江苗有二大砦自古負固雍正中總督鄂爾泰督大軍二萬圍攻公鵞屯董教屯數月公鵞破董教卒不能下以停軍久無以報 朝命招撫之而還羣苗恆以自詫曰吾輩不知何者為反以兵來則戰以好來則撫飢則掠怒則殺耳吾不擾官官乃擾吾唯有疆者勝耳維善至乃先越山攻董教一鼓破之還攻公鵞又破之諸苗砦百七十八望風俱下清江廳城苗先出走入撫居民皆以為重見天日施秉苗震怖乘勝襲其旁砦收施秉西北破餘慶四川援軍已至黃平官軍

湘軍志十二

十

阻苗才六十里 詔湘軍亟進疏通驛路於是黃潤昌鄧子垣促維善會師維善乃還大營悉集所部六千人合李元度舊部二千五百人與潤昌子垣所領萬人合攻苗自施秉進三十里曰白洗又三十里曰甕谷隴皆大砦所至悉下維善私謂潤昌曰吾軍不立營幕利杜用少今連軍大進維善六千人精銳久疲且宜休士賜糧乃可進也潤昌雅重榮提督因止壘不進軍中以為功杜指顧疑維善欲專功以激潤昌潤昌先出時受劉崐戒及布政使李榕言專主防邊於道得寶田書盛推之大喜乃進戰戰又連勝寶田反與書戒勿輕敵其意

頗愠至是入眾言則變計令援營維善亦愠且笑曰以我不能進耶反先發甲午度苗驅山徑斗隘行者頂趾相接苗憑山拋石擊官軍維善疾行先出險潤昌軍初見擊石仰望兩旁山盡苗眾以為陷伏即駭退爭道相擠苗徐繞下截出呼譟軍遂大奔人踐人而下潤昌再失馬與子垣俱死維善遣蘇元春往援亦潰退維善久待乃聞潤昌等敗死乃大憤怒袒衣持刀入求其尸獨親兵二百餘人從入遇已潰軍行亂苗益至聚者幾千數前後道斷維善苟保一山苗圍之久乃急起潰圍出反攻山間苗砦破之得其飯及飲復出縱擊三圍三潰

湘軍志十三

十一

終不得脫苗列炬夜守之凡三晝夜維善與二百餘人盡戰死其餘軍先走者乃皆無恙鎮遠敗聞湖南大震而苗方幸休息終不入犯寶田論潰軍罪於坐叱下蘇元春縛欲斬之眾愬元春戰狀乃釋與徐啟瑞等皆令從戰立功以贖死四月乙卯寶田夜攻稿米閣行五十里徐啟瑞戰不力立斬之軍懼即攻破其砦遣軍分守鎮遠及施秉寶田仍還砦頭 廷議憂苗疆乃更命李鴻章以平捻師移討貴東鴻章奏以轉餉運轍遠阻為難仍議以席寶田當前敵而開幕府於沅州會有天津事不果來援軍易將又二年所進道皆兆琛等所至攘

辟無百里入夏則避嶂氣休兵待白露軍士猶多物故
寶田軍伍例鈔額軍萬人不及七千言者藉藉爭欲罷
寶田減援師雖藩司亦怨巡撫而劉崐持之益堅復奏
言苗巢深險度兵勢必分三道一從清江徑指台拱一
從岩頭進故施秉城取施洞一從施秉渡沅簡羸弱罪
奔潰更增兵萬人立援黔營務處以張自牧領之專司
轉餉五月黎平苗攻屯軍龔繼昌黃元果合拒之六月
戊申進破廖洞辛亥破冰洞七月刈其禾九月克勝秉
城始達施洞十月苗犯鎮遠鄧善燮自清谿赴之苗引
去龔繼昌等攻抱巖九若克之思州苗出攻州城蘇元

湘軍志十二

主

春曰思州城非苗所利此必見官軍益西而欲襲天柱
也潛師北還果遇之高浪拒破之九年三月大合軍攻
施洞分四道皆力戰苗逼洞口發礮礮然自炸乃走九
股河宿平敏又追之走白土是時苗地日蹙苦攻鎮遠
以求招撫黃仁遺力戰城下施洞既破南北軍哨旗相
望乃進施秉苗踞涼爽城復緣水作七屯堅逼兩軍四
月戊戌悉克諸苗屯白洗苗急來援庚子敗去甲辰復
至寶田率大軍躬破之苗奔班鳩倚食版苗遣三軍並
進苗不能相救皆破之四川援軍進至黃飄白洗峯谷
苗始中絕約四川軍將唐炯會師岩門唐炯者貴州名

家子以守城知兵自知縣至道員負氣直言蜀事既定
督藩稍裁之議援軍可還專濟餉使貴州自戰炯聞之
遽騰牒抽軍寶田惜其功垂成飛書留之且上書劉崐
請奏飭四川毋得輕退奏未上炯軍已還故白洗苗復
聚清平重安皆陷八月龔繼昌定施洞北岸諸若寶田
請先攻台拱專注力南進貴州之亂也撫藩諸官困於
孤城數十里外為政令所不及上奏唯乞援請餉援軍
交進而協餉罕至以故得地不喜失城無罪則亦不憂
四川知其情則請月致餉五萬罷援軍俾貴州自募師
討捕文武官貪得其權欣然許之四川援軍遂罷湖南

湘軍志十二

主

專任苗事矣台拱若百計革夷最大十月丙午先攻革
夷旁三若夜薄之皆潰苗酋方杜革夷聞敗奔歸丁未
革夷破分略左右諸若交農最堅寶田自攻拔之丁巳
至台拱廳城苗不守而走己未進軍九股河九股黑苗
者自楊應龍以來頻拒大軍皆以深阻約降而退官軍
未嘗入其境寶田銳意滅之論者多主撫乃分別招討
十二月雞講苗請歸化專討丹江用兵三月平苗若二
百一十丹江諸苗固馴弱十年三月庚子丹江平四月
軍進凱里凱里者疆於台拱苗台拱昔所倚為援者也
見台拱破收餘衆使居全洞辛酉官軍屯方索坡望全

洞凱里險固薪絕而官軍經百戰所破砦千數殊以為易與寶田以用兵久湖南倦於餉軍欲必破凱里而罷兵悉召諸將勉之期明日破苗而會食壬戌旦雨軍皆出苗恃險坐甲而守寶田親鼓之諸裨將皆先進以率士苗拋石下擊多傷者莫肯先退乃直薄砦下苗用長矛挑刺而官軍火槍仰擊死傷相接攻久之不下乃令諸軍更食迭戰唐本有者寶田里人也其名望杜蘇元春襲繼昌左於席軍為下中方食聞其部將死輟食袒而起遂馳至砦垣孫攀而升諸軍方小卻苗意怠愕出不意本有既登諸軍謀從之苗驚潰踰砦跳走顛死踐

湘軍志十二

丙

仆無數既克凱里全洞從而潰并克之得官印以百計遂乘兵威悉脅收二百餘砦還軍施洞沅水南北岸乾隆中所設六廳城皆復進麻哈定黃平苗事略定寶田卒感瘴病風痺劉崐藉其名以統諸將未之易也苗酋張秀眉遜保雷公山甲申進軍逼之丙戌克其前砦丁亥克山下砦戊子秀眉遜燒其屯五月攻苗砦十二分兵徇劬砦皆下之軍益西進八月苗糾殘眾謀襲雷公山要擊走之苗悉眾保黃茅十月進攻之破其要隘十三砦直攻黃茅苗守一日夜潰走得屯糧以供軍張秀眉益不振而劉崐坐公事 朝命總督察之意不樂

議寶田者益藉藉十一年布政使王文韶為巡撫議汰席軍以負軍餉數十萬無以償之猶豫未忍決張秀眉致書八砦苗將扇亂以自救八砦苗官拒其使二月襲繼昌攻巖洞降其酋義志使偵秀眉隨所至而攻之破八砦秀眉獨將數十人匿烏鴉坡生俘之斬以徇苗砦孑者十之二皆良苗其能劫掠精壯者殆盡貴東盡平捷聞乃罷兵用陳寶箴計使諸營官自請半餉所當領銀三十六萬悉輸之 朝南方軍事告竣猶留防軍屯沅西凡四將五千人苗時小有反覆不復能為亂矣

湘軍志十二

五

援貴州篇第十二

川陝篇卷之三

湘軍志十三

湘軍興而其餉最絀恆仰羨於越蜀咸豐中蜀尤完富雖頗設防不至大調發自承平以來賦輕民懦官吏大小求取輒厭其望西北故寒瘠東南兵興言仕宦者至四川則听然自湘軍起文武名者頗或遙授蜀監司以款勸之胡林翼治軍江漢仰磁貨於上流恆欲通川督以自裨助同時資望材德獨曾國藩可重任而又久屈無尺寸之地故林翼私策冀國藩督四川持未有開未有以發也九年藍李寇寢聞藍李者藍大順李短答居雲南昭通大關邊以運護鴉片為私販魁其徒黨無慮

湘軍志十三

數十部率三五人或數十人為一隊往來敘州射利作姦然自託商販頗重身家無反心會老鴉灘私販有訟爭沉官詐賊之不滿意因宜賓典史別陷以事捕二人置獄竟請府縣殺之販黨憤懣初謀劫獄既聚眾百許人道路兇兇邊縣震恐輔國公有鳳著總督遣提督按察使將千人往討不敢進筠連姦民導寇闖入縣城知縣先以病去府檄州判署令事間變輒走敘州始聞寇俄報寇至高縣亦潰亂慶符令武來雨朝服縊堂上寇實未至姦民縱掠藍大順等約徒黨分三道長驅官軍遙屯府城西鄉民頗相約聚遇寇左右部部各百餘人

見軍至皆散走其千餘人自橫江渡金沙遂攻敘州城中民間寇至皆閉門多欲自殺者及夜寇不入城明日登陴會有鳳別遣營將明耀光先馳入城守後寇二日至城中人亦大定寇屯城外亦稍益附脅至數千人事間詔陝撫曾望顏為四川總督徵兵湖廣於時湖南巡撫方秦與曾國藩進軍安徽以蕭啟江諸軍屬之未發被命遣啟江率所部援蜀胡林翼乃奏薦國藩因言蜀財賦險固宜以時鎮撫繫天下根本十一月寇自敘州分犯一沿江西走捷為一北走自流官軍屯防者望見寇四五里外輒跪呼乞命寇頗先收軍實而驅殺

湘軍志十三

之又假義舉禁淫掠附者益眾既至自流虜鹽井丁夫數萬十年春合走嘉定不攻城屯五通橋號十餘萬於是榮眉井研青神資陽皆騷動成都知府結有鳳以傾望顏朝命駐藏大臣崇實代有鳳為將軍案其事趣國藩入蜀而別授東純為總督國藩林翼皆憚以空名將客軍復疏言江南寇勢盛宜先所急啟江帥營四千人徑至成都於道啟江病不能軍比至望顏議授以按察使啟江不肯未幾遂死軍無統帥一戰井研大破寇解其城圍蜀南西沸亂寇散布不勝其討捕啟江部將分三統則亦觀望或縱掠無復湘軍規制望顏聞被

刻則屏鹵簿單轎出入其中軍副將及布政使交侮之
總督出逢副將傳呵辟人鞭其昇夫望顏不能堪東純
至襄陽道卒 詔廣西巡撫曹澍鍾代國藩援蜀澍鍾
不以知兵聞特習四川以此命大喜將行遭母喪自
奮奪情林翼劾罷之奏薦劉長佑 文宗意重廣西而
念蜀寇無能為七月 詔曰湖南巡撫駱秉章素習湘
軍將士可督辦四川軍更增率湘軍以行九月駱秉章
治軍將行募客左宗棠奉 詔別募軍援浙秉章初不
自治事乃請湘鄉劉蓉佐其軍湘軍將士名者多附胡
曾左唯黃漳熙善劉蓉劉嶽昭故久在湖南從秉章行

湘軍志十三

三

未發石大開自廣西還出沅靖邊將入蜀兩湖相驚以
巨寇各治邊防奏留秉章新軍於時崇實代望顏增募
軍至三萬游弁驕將坐食而行掠寇所略圍邛州雅州
峩眉潼川所破青神丹棱名山天全榮經洪雅隆昌榮
昌江油長甯興文一魁一部分掠四出各有所結虜無
慮百萬而雲南邊寇出筠連者凡三四十至所過無留
難浸及川東湘軍將蕭慶高何勝必胡中和蜀將唐友
耕奔命往來莫能大創之而石大開復自廣西還沿湖
南貴州四川湖北界上崎嶇闖行五省屯軍憚其名蜀
尤震動湖廣督撫復奏留秉章防施南秉章自為巡撫

時稔知軍餉不肖應客軍故觀望未敢直進黃漳熙議
以本指援蜀今逾年逗留非法又雅輕劉嶽昭不欲與
並將因說秉章分軍留嶽昭軍助湖南北防剿秉章率
漳熙軍分水陸沂峽上期會夔涪崇實見蜀事日棘度
已材不足濟虛心待秉章頻上奏欲假 朝命促之且
自言旦夕竭蹶恐誤國事當是時封疆大臣雖見危敗
知死莫肯言已短曾國藩所至見齟齬秉章親邁之至
欲資餉地主則撓詘百方唯獨崇實懇懇推賢能常若
不及秉章杜道頓奏訴餉匱初不意四川能供其軍比
至未入境總督公文手書殷勤通誠遣官候問冠蓋相

湘軍志十三

四

望悉發夔關稅銀資軍湘軍喜過所望時黃漳熙將所
部先發漳熙將兵務推鋒尤恥言持重聞寇方圍攻順
慶則從萬縣出山道赴之五月戊子朔至府城寇先南
走定遠乙未漳熙率軍趨定遠己亥遇寇姚店寇聚屯
城西南連十餘里官軍逼壘前寇遽奔湘軍新從榔桂
追石大開習寇勢見寇若摧枯朽士氣奮踔推鋒直前
寇無敢迎拒或憑壘持刀矛稍發小槍官軍益笑之拋
火寇屯寇大亂爭奔走數萬衆一戰而潰蹂死者千數
捷聞鄉民及羣寇轉相告語以為神兵庚子寇北走潼
川至二郎場遇援寇合屯 將渡涪涪漲未渡辛丑漳熙

軍至自軍事之起也將帥每至一城輒留止號為休息
審勢而後進湘軍行雖速未嘗宵連日行戰潭熙新從
大將李續宜援寶慶見其行恆憤恥故其行軍晝夜赴
利同時唯僧格林沁多隆阿恆數百里馳逐然僧格林
沁多屋追而多隆阿應變無方非他將所能測皆與潭
熙不同而三人者後皆暴尸被創死以快持重者之意
語曰千鈞之弩不為鼯鼠發潭熙其尤可悲者已潭熙
遣卒三輩偵寇所鄉土人喜勝張軍勢皆報曰去遠矣
不可及矣最後始知尚屯場中還報已甲夜潭熙先恐
失寇今軍中葶食五鼓行後令遲明持矛扣槍戒備以

湘軍志十三

五

待寇傳令後者先至先者反後軍士失指前隊輕行突
前潭熙領親兵三哨繼之寇前隊聞軍至亦夜出各行
七八里遇於燕子窩交綏寇退潭熙比至場見寇分從
兩旁登山以待官軍知中伏業已相見即分所部為三
左右撥寇伏中軍直進於是四山寇盡出而前軍驚潰
潭熙所分三部失勢亦驚潭熙驟馬率退者馬陷田泥
棄馬步進眾潰不可止潭熙坐地上拔佩刀瞋目直視
寇或刺之或斫之解其頭臂後軍聞敗引退其後隊遂
不發結屯自固惴惴終夜所俘馬多夜嘶恐寇聞悉屠
之而寇懼湘軍威乘勝急渡涪北去潭熙猝至而猝亾

勝非勝敗非敗然四川寇自此破散其後湘軍滿百營
終無覆亾者知蜀寇無能故也駱秉章自萬縣之順慶
寇悉趨涪州其時湘軍無統將拔用曾傳理以附生領
軍先湘軍將蕭胡何號三統川軍將唐友耕秉章護軍
營將劉德謙涪州知州唐炯所募黔勇將顏佐才合兵
萬九千人會師涪州城下藍大順圍涪州其黨分屯涪
竹什邡羅江安彭李短塔圍眉州其黨分屯彭山丹棱
青神夾省城南北百里內皆寇地八月秉章授總督移
屯潼川崇實還將軍任仍署印居省城秉章初至夔逢
曾望顏訴布政使副將狀而泣亦頗言將軍短楊重雅

湘軍志十三

六

以署成都府事致累望顏身亦被訪忌出知順慶罷官
傾心奉秉章秉章初不知崇實公忠推賢但知其吏治
軍事叢睦既受命則劾布政使及督標中軍副將罷之
何勝必等故劉蓉鄉里又聞新軍敢戰頗亦自奮四川
文武間秉章嚴靜洒然易心矣是月丁巳朔曾傳理等
攻寇涪州西北門戰小利以違節制劾唐友耕奪官仍
領軍自效寇收屯相保官軍作五浮橋於涪庚午蕭慶
高率軍循左山趨寇後約傳理德謙等分中右進而夾
擊黔軍先進未及寇遽發槍礮驚之寇乘之佐才退德
謙傳理繼進相持慶高等自山後破寇二屯傳理復分

軍鈔寇芻寇乃大奔解圍南走羣寇蟻附無固志則皆南走遶省城西南掠郛邛邈丹棱川北號為肅清乃休軍論功而湘黔軍門蘇州州堂秉章復奏劾唐炯罷之炯之守城借財募軍有拒寇之勞四川州縣論知兵以炯為首既超擢夔州知府復負其能又其父雅善秉章慷慨自喜無所推讓湘軍制營各有長夫運糧械雖過郡縣不煩官中一芻粟方其初起所過官吏亦困撓之至不得入城無所謂供支四川獨守盛時軍興法州縣具食米供軍按人給舁馬檐夫諸軍因為利折取夫錢湘軍初至得錢大喜已習為例則稍稍苛索脅取既

湘軍志十三

七

解蘇州圍尤負其功所索夥奢唐炯以蘇州圍半年資力困乏所應不滿其意又先與管官言管官漫應之自謂已辦則置酒宴他客諉其事家丁湘軍人來索夫語不遜家丁怙黔軍勢亦不遜相爭而開黔軍無紀律炯自謂有紀律詆訶湘軍先已不相能傳理年少輕慢初統軍不能束其眾黔軍將銜之伏百人州宅內待鬥湘軍哨官去復來闖州堂益驚炯親將告曰湘軍持刀登公堂請禽治之炯諾未已其親將遽出斫先入者一人來者皆怒譟於是伏兵起欲盡縛湘軍來者奔逃殺傷各自戒嚴湘軍將皆大怒訴秉章且索軍不行以要必

勝秉章持劾罷炯炯亦訴狀秉章謾罵之湘軍自此多與蜀軍分行蜀軍益絀而唐友耕以謹畏能戰更見賞愛奏復其官九月秉章受印成都十月丙辰胡中和等自崇慶曾傳理等自彭山進攻眉州寇聚兵州西松江口諸將合兵深入攻之丙寅寇奔青神超擢劉蓉署四川布政使蓉以附生敘五品銜從入蜀秉章以知府奏薦 特有此命自軍興以來無有與比湘軍移攻丹棱以唐友耕屯眉州南綴青神李寇部黨掠銅梁璧山永川大足定遠南充岳池廣安增募川軍以張由庚將之合黔勇分討川東北更募湘軍以易佩紳將之道永

湘軍志十三

八

順期入酉陽徵劉嶽昭軍會師夔州十一月增軍丹棱作長壕木城蹙圍之乙未寇焚城走蒲江略崇慶雙流界入彭縣壬寅分兩部一東北直趨蘇州走江油平武折北走石泉彭明一東略什邡漢州中江遂甯折南走安岳內江隆昌富順所過逃散民團營兵往往狙擊斬虜藍大順遜去所部遂微蕭慶高等圍李寇黨於青神胡中和等圍李寇於犍為之鐵山川東寇黨自廣安分略營山渠縣東鄉新甯同治元年正月癸巳殺新甯知縣國澍典史耿鳳翔把總何玉春是時石大開方屯來鳳窺涪夔川東寇別部踞涪州南鶴游坪二月戊午新

甯寇南走合墊江寇東南走鄧都石寇陷石柱三寇相
去各百里然不能相響應也丑劉嶽昭軍四千五百人
自夔泝江會唐炯等於涪石寇游騎西至涪巴南岸不
得渡鶴游坪寇伏不出鄧都寇復東北略忠萬走雲陽
聚軍重慶專防石寇三月甲申鐵山寇走宜賓遣別黨
北援青神己丑蕭慶高擊走之庚寅城寇循江南東走
宜賓分兩部一走天洋一屯八角若官軍收青神四月
石寇掠南川出境趣貴州桐梓過綦江留攻城一日西
走貴州仁懷南入敘永西北走興文珙慶符高東還陷
長甯知縣周于堃死之天洋寇西走合於八角若雲陽

湘軍志十三

九

寇直西北走戊申陷太平出境走陝西定遠易佩紳尾
之與俱入陝劉嶽昭唐炯曾傳理唐友耕皆持寇長甯
鶴游坪寇分略梁山墊江大竹鄰水七月復分黨出梁
山墊江掠達陷開從城出口出陝境陷平利漢南羣盜相
挺起八月癸巳李寇棄八角若走捷為屯龍孔場胡中
和等移軍圍守閏月丙寅劉蓉出督軍丙子寇突走禽
李永和及其黨魁卯得興永和短搭正名也藍李亂四
年而平鶴游坪寇亦棄屯走太平分遣周達武曾傳理
等追討之九月禽周紹勇於大竹東鶴游屯寇惟前後
入陝二部合陝豫羣盜掠洋鳳文階邊還入廣元遣周

達武拒之石寇復陷筠連至宜賓胡中和等屯橫江十
月庚辰朔寇入高縣知縣丁良俊走免丁未寇復至良
俊死之十一月庚申胡中和何勝必等捷於橫江寇分
黨出甯遠辛酉周達武遇寇儀隴破之辛巳禽寇帥郭
刀刀曾傳理等以內寇盡平請罷軍及劉德謙等先後
歸唯胡中和劉嶽昭周達武分部屯防石寇亦出境走
雲南東川陳玉成餘黨自湖北走漢南合川陝盜縱橫
興安漢中陝西布政使毛震壽師久無功 詔秉章舉大
將分軍往討奏薦李雲麟嚴樹森二年三月石寇復分
犯建昌綦江以劉嶽昭屯綦南何勝必蕭慶高屯敘南

湘軍志十三

十

胡中和屯嘉定朱桂秋張由庚合五千人援漢中增周
達武軍至四千人游擊往來石大開擁衆間行經七年
崎嶇山界飢乏崩散不復能令衆三月將出甯遠行間
道誤入土司界中土司所部以劫掠為生計無論官賊
見衆至則聚掠與鬥則散走寇絕食又牽綴不得行於
是潰散與所分部兩黨相阻絕癸酉大開獨至紫打地
欲渡大渡會秉章先遣唐友耕防江未至寇前隊結筏
已濟大開恐日暮衆不整復令還西岸期翌日晷渡是
夜大雨水長四五丈明日防軍至大開遂窮困山谷殺
馬煮桑葉為糧至四月壬寅土司領承恩等生縛獻大

開及其黨魁五人劉蓉復親往受俘其餘寇先由貴州界北走酉陽後還湖南於桂陽破滅語杜湖南防守篇秉章督四川三年平羣寇禽大酋遂以知兵聞於天下

穆宗初立朝廷銳意求治廷寄咨問或日三四至是時欽差大臣將軍多隆阿討陝叛回以病留河南未進李雲麟以母喪歸官文奏薦劉蓉六月癸卯詔秉章遣軍從蓉援漢南七月丙午復授蓉陝西巡撫並將前後援陝軍朱桂秋何勝必蕭慶高等萬三千人先解漢中圍漢中餘富大郡自川寇合陳玉成黨部連結二寇環城作屯城中守備完具毛震壽懌事唯以軍餉難

湘軍志十三

十一

繼解援軍皆武人不知機宜觀望養寇川寇初據洋縣既引湖北來寇數十萬徑進漢中震壽屯城固漢中府道先後病死城中唯都司護總兵及南鄭令又不相能令收召游軍至萬人日食米百石諸避寇者相繼入保城食益絀疾疫起死者日或至千人川湖寇中悔相猜忌洋縣寇疑來寇欲併之故不肯合勢城中頗出戰援軍不能進攻唯待統帥八月丙戌劉蓉發成都戊子何勝必等議曰漢中寇雖多心志參差可一戰走也劉公度吾等功將成輒先至收其名宜及其未來破賊立功約朱桂秋張由庚等俱進甫至油房桂秋等失期先退

勝必等亦收軍還屯己丑庚寅雨連日圍寇懼援軍乘之具馬馱將避城中糧竭見援軍自退益旬懼開北門出走寇疑不入久之乃縱掠援漢中八軍間風潰走寇擠之皆走背水溺斬無數城民走者亦皆虜死敗書聞劉蓉止巴州增調劉嶽昭軍洋縣寇見漢中寇盛益恐則分黨北收佛平藍屋設偽吏禁淫掠欲以自固漢中寇亦東取城固連西鄉石泉通於興安多隆阿自河南入解同州之圍克臨潼高陵三原涇陽李雲麟進軍山陽取鎮安西攻石泉十月劉蓉移屯廣元久之蜀軍不出朝議重西安促多隆阿先攻藍屋藍大順之避也

湘軍志十三

十二

其黨先後入陝或屯或流其流者又合石寇中旗馳突寇沔隴秦界中其屯者則踞洋縣招湖北來寇陷漢中已而猜鬥常以千餘眾拒漢中寇數萬因略藍屋各自為戰守故寇得漢中不能自安又會江南寇急來徵援同治三年正月留壩襄城沔縣寇俱入漢中府城城寇先循漢水東下又分黨陸趣鎮安山陽商南步騎駱驛連十許日漢中興安諸屬縣寇皆退去洋縣寇亦悉北保藍屋增柵壕堅守其餘黨或從佛坪東窺甯陝劉蓉至漢中則入府城見尸骨縱橫輒慟哭命悉棺斂官瘞之奏免丁糧卹忠烈借給牛種以收人心留何勝必等

分屯漢中興安羅歸劉嶽昭所部四千五百人仍還防
綦江且言遣軍助攻蓋屋多隆阿大愠以蓋屋功杜指
顧檄還其軍蓋屋城小寇少無所用武論者皆言不足
煩大將且宜徹圍待其走而殲之廷議不知多隆阿之
戰狀依常法督責多隆阿憤懣作望樓躬視城中中槍
子傷目督攻益急寇作地道出走二月丙申遂克蓋屋
而多隆阿自創甚不能興養創西安三月劉蓉至省城
往問疾多隆阿方臥向外聞巡撫至強扶起回面向內
目不視亦不言月餘傷發薨聞者莫不傷痛陝西處處
祠之雖所未至皆歎息謳思焉蓋屋敗寇走興安餘十

湘軍志十三

三

許人為民團擊殺之猶自稱藍大順自三順至九順皆
傳首漢中西安甯陝寇捕斬略盡唯秦州寇復東趨留
壩佛平留防軍不能禦商南殘寇西與合黨貴州寇侵
南川增募湘軍二千人以曾志友成耀星等領之埤秀
山綦江防劉嶽昭授雲南按察使唐友耕授雲南提督
均留四川屯守四月廷議多言劉蓉無實不可用詔
詢秉章秉章言隨器授任無可棄之士五月佛平寇卒
至杜曲陝西省城大震是時叛回悉遊甘肅多隆阿部
軍分散金順彭基品將馬步軍擊之於灃寇還攻鄠藍
屋己未蓉出城督軍大徵諸軍將鍾玉勝曹克忠孟宗

福何勝必蕭慶高黃鼎等新舊襟置七月甲辰蓉會西
安將軍穆圖善攻寇於郿壬子寇踰秦領西走略陽入
甘肅陷階州陝軍罷四川軍將周達武等九千人出屯
防蕭慶高等防漢中詔以洪冠平論功加駱秉章世
爵一等輕車都尉十月周達武進攻階州十一月徵蕭
慶高等會師何勝必疾病留廣元胡中和以四川提督
自敘南屯所出廣元領何軍攻階州四年正月劉蓉言
宜令中和總統諸將專奏報以一事權秉章言達武慶
高皆中和等夷雖主簿以下但為營官即與司道提鎮
頗頡勢不相統中和亦固辭事乃不行自胡林翼驟拔

湘軍志十三

四

多隆阿節制李續宜鮑超等大捷潛山諸帥無能效之
者湘軍制以意氣相救恥言爵位多不肖屬人故李續
宜統援寶慶軍幾奔潰而劉蓉後以蕭德揚名統陝軍
覆師霸橋置將不慎故也蕭何等部久轉戰喪亡更代
士氣益弱而崇慶人黃鼎新出寇中號敢戰有名雖亦
將湘軍然襟用滇蜀別為一隊亦奉蓉檄會攻階州劉
嶽昭擢雲南布政使四月出境攻貴州正安以援遵義
五月丁酉收正安丁未胡中和等克階州李寇餘黨盡
平蕭慶高還鎮漢中周達武進軍松潘討叛番番據險
鈔掠所部八千人驚幾潰九月略地置臺站如承平時

授達武貴州提督始議援黔劉蓉罷以四川按察使趙長齡巡撫陝西蓉之驟進也中外指目前年順天府尹蔣琦齡陳時事反復議蓉蓉請罷而秉章請留蓉是年三月編修蔡壽祺言事復警蓉夤緣 詔蓉自陳蓉言薦舉本末且論奏曰凡夤緣者必其平日縈情於寵利不勝其歆羨戀慕思一得之以快其意然後喪其本心捐棄廉恥為乞憐昏夜驕人白晝之行故凡小廉曲謹之士靡不自愛即有所不屑為不必過人之識量而後能之也臣雖愚陋其於希榮慕祿降志辱身之事往往不待禁戒而自絕於心蓋其自治尚有精於此者而此

湘軍志十三

五

特其粗節乃蔡壽祺以其不肖之心肆情造謗唯所欲言直欲厚誣天下謂無復有稍知廉恥之人之事則何其情之悖也又訐奏壽祺挾嫌構陷疏上朝論益謹御史陳廷經復疏攻之事下秉章案蓉及壽祺所陳他事皆不讎部議奪蓉一級而趙長齡亦為秉章先所薦故令代蓉庚辰長齡至西安十月辛丑蓉被 詔復任十一月壬戌朔受印治軍蓉為政察吏愛民然恆訴餉匱欲取資四川時雲南貴州巡撫亦交章取 朝旨索餉秉章一切奏罷之因請疾崇實兼總督唯軍事仍倚辦秉章五年二月劉嶽昭克綏陽擢雲南巡撫將所部轉

戰以往四川陝西內寇略定猶養軍如故凡四川出境軍二萬六千人留防萬七千五百人屯省城二千五百人胡中和猶將五千人唐友耕三千五百人陝西湘軍七千人於是蜀財竭矣十一月壬申秉章薨省城士民如喪私親為巷哭罷市其喪歸號泣瞻慕者所杜千萬數自胡林翼曾國藩莫能及也其年劉蓉罷免以捻寇奔馳陝境復 詔蓉領軍助巡撫喬松年禦之十一月甲戌蓉軍方屯 霸橋捻寇卒至湘軍無統將又聞其帥與新撫齟齬固無戰心寇分兩隊鈔之其日大雪軍士凍僵莫肯拒鬥於是盡潰而蕭何舊部遂盡唯川軍黃

湘軍志十三

六

鼎潰圍出寇既勝亦遂西走蓉遂告歸終於家其後左宗棠督陝甘出塞討叛回大募湘軍至五六萬川陝湘軍名存者多隨地募補蓋無復真湘人矣

援川陝篇第十三

平擒篇第十四

湘軍志十四

擒之為寇蓋始於山東游民相聚有拜幅有拜擒蓋始於康熙時其後擒日益多淮徐之間因以一聚為一擒或曰其黨明火劫人擒紙然脂因謂之擒莫知其本所由也咸豐元年唐西寇既開朝廷尤重除盜夏邑民士訴擒劫御史張澧翰因發南陽盜劫事有詔詰責河南巡撫因並飭兩江湖廣督撫搜緝而壽州盜亦上聞二年李德巡撫山東蘭山幅盜拒殺把總其魁黨杜徐邱嶧費間其時山東擒掠海州安徽擒犯鹿邑甯陵而豐沛曹單亦騷然矣三年安徽江南省城陷宿蒙毫

湘軍志十四

十

壽擒滋甚始命提督善祿屯永城備盜周天爵駐徐宿鎮羣擒工部左侍郎呂賢基出治安徽團練桐城盜有馬踰千匹開歸擒分二十餘部汝甯信陽擒攻正陽復掠永城殺桐柏知縣潘樹霖圍攻夏邑沈邱河南巡撫陸應穀自汝甯走保省城周天爵薨袁甲三代之治軍穎毫復命舒興阿以陝甘總督領軍駐陳州舒興阿移皖北牛鑑代之統於河南巡撫英桂五年袁甲三以違例委調宿州牧得罪去提督武隆額將兵屯亳州總江蘇河南安徽三省戰守事而擒首張樂行李兆受之名亦稍有聞清淮防復急矣張樂行起蒙毫犯歸德

以英桂代統武隆額軍自是擒眾分五旗率馳突徐宿曹歸防軍不能制六年增調江南軍將鄭魁士援宿州仍以袁甲三助英桂大徵西北兵八月甲三自永城進軍亳州攻樂行於雒河集擒趨穎州皖豫官軍夾屯莫之禦也十一月擒復東走徐州皆大掠而還七年春命勝保助英桂擒圍固始邱郊盜復起毫擒與袁甲三相持南延霍邱壽州西北掠舞陽葉內鄉擒復犯宜陽嵩英桂赴禹密河南遂火相望洪寇部黨亦結擒合勢分掠廬巢勝保袁甲三會師正陽關始議招撫李兆受苗沛霖以滅擒患而勝保北屯穎州逼歸德陝西軍防

湘軍志十四

二

武關擒入商南殺知縣施作霖安徽擒陷霍山犯和滁東西幾二千里皆蹂於擒其冬直隸開州東明亦有擒游騎滑林濬淇被其患八年春寇擒合攻固始六安擒久踞城分黨出掠僂出僂入軍疲於應其夏收六安擒皆東趨南攻全椒來安滁北及徐宿英桂病還瑛察代為巡撫勝保援臨淮苗沛霖始用事袁甲三進宿州李兆受歸誠迎勝保於清流關淮南北事解嚴於是仍授勝保欽差大臣整軍廬州秋擒入山東圍單攻金鄉以總兵田杜田提督史榮椿防曹兗增設歸德鎮總兵官又遣總兵邱聯恩屯鹿邑朱連泰出屯亳州益河南尤

弊於征戍云商水北周家口者瀕小瀝潁口商驛通道
檢大掠而去其勢益張九年春勝保奏劾袁甲三持重
失機 詔以總兵傅振邦代之統於勝保副以都統伊
興額二月檢自西華趨舞陽破官軍於北舞邱聯恩戰
死伊興額悉軍西援振邦等劾以齟齬罷之以協領關
保督河南軍抽天津海防軍遣協領德楞額將屯曹州
夏勝保移防盱眙檢攻定遠安徽巡撫翁同書退走壽
州冬勝保以母喪歸復 命袁甲三代之檢出歸德自
關儀渡河犯定陶東明還潁州於時諸將帥皆以回巢
為幸騰章告捷以內地為盜賊巢自此始其後直省皆

湘軍志十四

三

引例馬甲三至軍克臨淮十年春改 命勝保以都統
督軍河南關保副之傅振邦督軍徐宿田杜田副之德
楞額督軍山東侍衛哈勒洪阿副之袁甲三以欽差大
臣專安徽翁同書及副都統穆騰阿副之正月檢陷清
江殺淮海道吳葆晉副將舒祥漕督河督等方置酒奏
伎倉卒走保淮安言江蘇形便者以裏下河為膏腴以
王家營為亢咽至是人情大駭 詔奪聯英庚長官檢
復還走而河南檢趨鞏洛山西陝西均備邊罷勝保以
府丞毛昶熙還河南為團練大臣南汝光道員鄭元善
副之兵事總於巡撫屬於關保各省團練始重秋海防

罷畿南盜賊遂起檢犯濟甯乃 命科爾沁郡王僧格
林沁督軍捕討檢縱橫河濟間山東大亂德楞額軍敗
於嶧冬專遣道員聯捷防河得專奏事僧格林沁至濟
甯奏言檢眾餘多其出掠伺空虛避官兵以焚掠脅俘
良民黨眾日增馬步數萬列隊百里兵少賊多眾寡懸
殊如欲攻其巢則相距一二百里外井堙地赤裹糧攜
水不能持久退為所躡往往失利十年以來未有能進
軍接仗者也臣軍萬二千人請合傅振邦德楞額二軍
直攻老巢蕩平醜類 文宗手詔以無後勁為戒十一
月檢屯鉅野乘雪進攻之大敗還關保以昏庸罷河南

湘軍志十四

四

軍事專於毛昶熙徐州民士三奏請用伊興額 詔從
所請僧格林沁令諸州縣各築長圍以扞檢馬步傳振
邦病免田杜田代之十一年正月僧格林沁遣軍援荷
澤復敗還 詔責以勇往輕進穆騰阿病免總兵成明
代之檢自曹州趨鄆城渡汶掠泰安南北伊興額及總
兵滕家勝俱戰死僧格林沁移屯汶上檢遂圍青州其
時河南檢縱掠連二十餘縣西自南陽南自汝甯東界
淮南界河莫能定所鄉巡撫嚴樹森以豫軍冗弱思以
湘軍法齊之與毛昶熙不相中山東民團亦相聚距殺
官軍檢西及浙川張芾領陝西團練勝保復出屯景州

將兵萬人華范羣盜北侵大名滕嶧檢西掠僧格林沁
斂兵保鄒山東巡撫譚廷襄出屯莊平檢陷曲周掠威
東陷清河殺知縣陳大烈苗沛霖陷壽州宿州檢勢威
徐宿阻絕僧格林沁遣詹啟綸募軍防清淮秋檢分黨
北趨山東河南省城皆乘城守望德楞額免袁甲三極
論檢事頗咎僧格林沁驕愎懈軍檢掠登萊諸縣山東
最富庶地也僧格林沁方南下沂邳奏功進爵親王悉
奏罷諸團練及防河大臣委權督撫以副都統遮克敦
布代聯捷巡河大順廣道王榕吉副之勝保屯防京師
其冬河北及鄒縣教黨次第撫定 命勝保移軍援頴

湘軍志十四

五

僧格林沁屯單湘軍揚言進攻頴亳於是羣檢頗多合
洪寇部黨游奔襄洛不復專剽劫僧格林沁遂連破毫
北諸莊圩同治元年春頴州解圍夏檢陷寧陽殺知縣
謝仁溥西陷永甯別自內鄉入商州陷鎮安孝義固原
提督孔廣順禦之藍田寇檢合陷渭南殺知縣曹士鶴
東陷華州直走澠池還敗河南軍時廬州克安徽事定
將軍多隆阿將廬州軍勝保將頴州軍俱入關僧格林
沁督山東河南軍防直隸山西四省督撫提鎮將兵大
員均受節制湖北出軍助河南攻檢屯多隆阿進兵荊
子關羣盜迸散進滅商南檢檢還奔北走廬氏南趨棗

陽陷隨州京山應山湖北大震復奏請多隆阿還軍袁
甲三請病李續宜代之續宜母喪臨淮欽差大臣遂罷
冬逮治勝保多隆阿兼統其軍降檢宋景詩懼誅請隸
雷正綰至邵陽叛渡河走山西直隸而張錫珠亦先以
降檢叛於華冠渡漳犯大名大順廣道秦聚奎戰死宋
景詩者故堂邑劇盜欲還與張錫珠合以八百人行腹
地幾二千里所過無留行山東巡撫譚廷襄直隸總督
文煜免以聞敬銘劉長佑代之遮克敦布免副都統成
保代之山東教幅棍諸姦民連結起於兗東二年正月
僧格林沁攻檢雒河集克之禽斬張樂行姜台凌等二

湘軍志十四

六

月冠華檢復渡漳犯大名署提督寶山成保皆以畏葸
免僧格林沁移軍攻檢淄川分馬隊遣恆齡助防大名
漕督吳棠遣軍攻檢沂兗毫汝檢並南趨麻城斬黃三
月苗沛霖復叛羣檢益張夏淄川克移攻鄒教黨於白
蓮池七月破平之奏劾劉長佑誤軍機致宋景詩不獲
景詩張錫珠自去年冬陷武邑還南自臨漳北走邯鄲
東掠廣平曲周北趨平鄉鉅鹿隆平新河斜東至武邑
東光乃直南奔從張秋渡河官軍追者皆若狂長佑以
總督重臣將兵躬追之曾不能相及或卒相遇輒為所
衝突 穆宗初即位朝議但嚴責諸軍捕討以一窮寇

疲敵畿輔馬隊自此羸困馬僧格林沁移軍蒙城討苗
沛霖十月沛霖死臨淮平捻首張總愚等西掠南陽襄
陽三年僧格林沁自歸德西追捻南至隨州應山湖廣
總督官文出督軍會於京山以護軍統領舒保為前鋒
遇捻德安西搏戰大破之追奔入山谷間騎步不續捻
回擊之力戰死舒保與多隆阿皆湖北名將多隆阿堅
毅舒保純實湖北有事則驅之出無事奪其軍舒保口
未嘗言功及其死諸軍奪氣戰事倚於僧軍而僧王左
右橫恣求見者先納百金至四百金視領軍多少以為
差民有訴軍淫掠者王感額曰若等離家來久且宜從

相軍志十四

七

民避之湖北民大失望六月江甯克洪寇平其餘黨合
於捻九月攻黃安麻城至蕪水陳山大將石清吉圍成
大吉於蕪北僧格林沁軍麻城官文出黃州 詔兩江
總督曾國藩援湖北國藩奏言大帥三人屯駐四百里
內恐羣盜輕 朝廷請發軍從官文自駐安慶捻掠廣
濟而還馬隊將常星阿再敗僧格林沁退光山再退鄧
州僧軍名望頓盡蓋其初轉戰追逐皆未嘗與洪寇合
戰故恆以為捻畏我至是捻勢異矣湘軍將劉連捷淮
軍將劉銘傳名將也 詔令徵其軍僧格林沁以為皆
不能戰奏止之又曰皖軍為上豫軍次之楚軍為下毛

祀熙聞之大喜所謂皖軍者蓋臨淮諸軍也捻犯南台
魯山恆齡戰死捻西北走尉氏四年春僧格林沁追捻
至尉氏捻西南走臨潁東掠郟城南走西平西南走遂
平東南走汝甯南走正陽信陽折北直還扶溝東走睢
渡故黃河北走曹東北走城武金鄉濟甯汶上東平東
走甯陽南掠兗州東走曲阜南走鄒滕嶧東走郟城贛
榆阻海還南走海州沭陽西走邳嶧北趨滕鄒還濟甯
西北走鄆城渡河走濮北至范南屯曹州凡捻所至數
日而僧格林沁至或一日再接戰輒有斬殺然莫能大
創之 朝議亦憂危 命曾國藩北征四月丁亥 詔

相軍志十四

八

下戊子僧格林沁親攻捻屯軍士疲怨以王用法嚴益
懼且恨捻拒戰諸軍潰退中軍被圍保荒莊至夜無所
得食僧格林沁率百餘騎潰圍捻依林外設伏待之短
兵接馬被矛傷驚逸僧格林沁墮被八創死之 朝廷
震悼輟朝三日京師驚疑以為捻且北犯急召曾國藩
赴難羽書追督相望山東河南巡撫以陷王皆獲嚴譴
五月國藩奏言流寇剽忽宜以有定制無定僧格林沁
能以數月歷五省臣則不能也非獨不能速援且不能
顧畿輔故直隸宜有專防之軍而臣軍以徐州為老營
以經營淮徐海兗沂曹濟歸陳廬鳳潁泗十三府州此

十三府州者縱橫千里擒匪出沒之區也金陵楚軍裁撤殆盡李鴻章所部稍習北方今惟劉銘傳周盛波兩軍尚須增募徐方之士采買戰馬加之訓練抗賊黃河又宜水師為謀迂緩駭人間聽且臣之行軍略師古法逐日築壘行必裹糧日行率三四十里此其萬難迅速者也李鴻章聞之以為人心惶駭宜先安定乃奏遣潘鼎新軍由海道至天津比至捻已休息南還張總愚自城武趨永城宿州西攻新渦陽圍英翰大營渦陽者故雉河集張樂行舊屯也總愚樂行族子自羣捻破滅遂為盜魁合陳玉成餘黨賴文光謀復踞淮北英翰輕騎

湘軍志十四

九

出走大徵諸軍劉銘傳周盛波及河南將宋慶安徽將張得勝等赴援史念祖自圍中應之十月捻解圍分走西犯陳州扶溝其一北自通許睢考城定陶曹州至東明山東軍十六營夾定陶南北而屯國藩增調楊鼎勳軍且檄潘鼎新軍移濟甯其一南還新蔡西踞唐鄧間攻南陽九月東明捻復自曹州東走城武單豐國藩奏以劉銘傳屯周口張樹聲屯徐州劉松山屯臨淮潘鼎新屯濟甯兼飭河南軍屯鞏洛湖北屯隨索以靜制動唐鄧捻掠寶豐魯山還長葛豐捻還自虞城圍睢扶溝官軍至解去國藩以攻捻皆尾追今始得迎擊更以張

樹珊屯周口使劉銘傳游擊龍遣吉林馬隊以休其勞捻自扶溝分犯襄城臨潁十一月東西背馳東黨南趨汝甯西黨南走唐新野十二月汝甯捻犯光州東掠固始西掠信陽成大吉屯麻城西南部卒餉乏燒營北應羣捻大吉跳而免捻遂入黃安南至黃陂黃州西至孝感所屯踞五百餘里武昌戒嚴劉銘傳赴援五年正月湖北軍將提督梁洪勝攻捻黃州戰死劉銘傳至黃陂捻逃走收其城山東河南民士習見僧王戰者皆怪曾國藩以督師大臣安居徐州謗議盈路二月國藩移濟甯新野捻復自舞陽禹州至中牟北犯曹州東掠鉅

湘軍志十四

十

野黃陂捻自光州北至沈邱周口屯軍出擊之捻東鄉潁州鉅野捻北侵鄆城三月劉銘傳大破潁州捻移軍赴定陶起曾國荃為湖北巡撫汰湖北冗軍增湘軍六千鉅野捻南還城武至睢甯潁北侵亳以待講學士劉秉璋將軍助屯徐州劉銘傳休軍濟甯改秉璋及潘鼎新楊鼎勳軍為游兵與直隸山東畫地分防四月睢甯捻仍屯曹徐界亳州捻屯淮泗間五月捻聚於徐西分前後部自虞城太和俱掠陳州攻周口屯軍北至太康皆西南走裕州後部自上蔡西平南走汝甯七月裕州捻攻南陽新野北掠南召魯山至汝州增調鮑超軍趣

浙川防陝邊郭松林自隨州出桐柏屯唐曾國藩自濟甯舟行泗淮中沂渦至臺案淮南北民圩曉以順逆凡閉若拒擒者奏獎有差建議自開封至潁州依汴渠濇水挑濬為守河南巡撫迂之未措意也八月擒合趨中牟破河南防壕屯軍復犯曹州劉銘傳潘鼎新軍要之鉅野北大破之九月擒南走杞東犯曹縣西犯許州自此有東擒西擒名者賴文光西擒名者張總愚國藩請疾 命李鴻章出駐徐州十月西擒自汝走宜陽永甯入陝西商州犯華陰東擒走豐沛西還太康十一月 詔曾國藩還本任李鴻章代之督軍國藩慚懼三

湘軍志十四

十一

辭東擒窺湖北邊往來光固入麻城趨孝感陷應城雲夢遂攻德安郭松林拒走之劉銘傳至麻城周盛波等至隨鮑超還軍棗陽十二月郭松林追擒白口深入中伏擒生得之以傷足委於道逢舊部俘者負逃以免其弟芳鈔戰死擒進攻安陸西擒敗陝西湘軍於霸橋蕭德揚死之諸軍皆潰遂圍省城張樹珊援德安敗績死之六年正月 命陝甘總督左宗棠督軍討西擒是時湖廣總督官文坐事罷其欽差大臣關防存武昌宗棠自福建道漢口因以授之李鴻章奏言漕督總清淮防軍號令歧出請悉聽欽臣調度劉銘傳鮑超合擊東擒

於京山北超失期銘傳戰而敗超背攻擒銘傳收軍還應擒退走超追奔大破之超久為名將而銘傳新貴與之儕超固不樂至是銘傳各超李鴻章頗右銘傳超既大捷遂請疾解兵 朝旨五六慰勉曾國藩李鴻章函牘相繼超稱病篤所部三十營分別留散自此無霆軍焉二月劉松山破西擒於西安擒走渭北東擒犯麻城廣濟黃梅劉秉璋等自英山至太湖擒西走蘄水湖北新軍將彭毓橘者方平江甯有大功聞擒至自黃州進擊輕騎規寇裨將提督羅朝雲鄧泰福王仕益陳致祥總兵彭光友羅興祥皆從或有諫毓橘宜持重不聽至

湘軍志十四

十二

溪潭度前岡擒大至遂前搏戰擒鈔攻之大軍初不知其遇擒又營官半出無繼陷圍中與別將道員葛承霖均戰死曾國荃所用大將唯毓橘與郭松林松林前敗創發告歸及毓橘死新軍盡燬國荃初奏言宜引擒入腹地蹴而殲之其言不讎鬱鬱復病三月劉松山攻西擒於郢破之左宗棠以湖北事亟留屯德安東擒復屯白口東北出應山周盛波等自北攻之擒返走總兵劉啟福見一騎被黃鞍越湖追之擒步從者矛中啟福額負創馳逐益急踰山七重中槍死俘者言黃鞍者賴文光也擒南走孝感劉秉璋楊鼎勳連戰不利劉銘傳出

黃安黃陂捻還河口北走棗陽新野五月癸丑朔犯唐縣壬戌遂及鉅野李鴻章諸軍皆往南山東屯軍倉卒潰走捻自戴廟渡河殺東阿知縣周毓南踴運隄燒防軍屯收其軍實自曾國藩督師以來運防未嘗潰時議大喧西捻西犯與平東自富平合回黨北犯蒲城東捻分掠甯陽萊蕪劉銘傳議感捻海隅悉徵諸軍會青萊莒驅捻入登萊捻避山東軍直東趨平度萊陽招遠鴻章乃議守膠萊河膠萊河者元末海運時所開海渠也首尾通海幾三百里用守兵五萬人戰兵四萬人徵直隸軍五千浙江軍五千湖北軍萬二千替運防鴻章以

湘軍志十四

主

膠萊渠北口沙善喇謀築牆屬之濰水欲盡發山東軍萬六千人分屯巡撫丁寶楨不可重違鴻章意以七千人與之六月隄成捻方掠福山甯海西捻趣三原涇陽官軍至返走蒲城七月東捻返平度循膠萊而北突濰口防軍潰捻掠濰至昌樂乃東南走安邱鴻章之防渠也排羣議方朝命尤與寶楨意異山東軍本防南頭潘鼎新疆移之北及敗鼎新委罪王心安詔斬以徇寶楨爭之騰章相詆詔和解之而切責鴻章捻分犯沂水莒州鴻章復議運河防八月捻自莒犯日照贛榆沭陽西北走邳城劉銘傳潘鼎新要破之返走海州及

破之捻東走宿遷北侵邳潛督張之萬訟言皖軍將牛師韓姚廣武邳城宿遷戰功請增募馬步五千人西捻渡涇攻咸陽游騎及醴泉乾州左宗棠駐西安督軍李鴻章合見軍萬人以郭松林為統將劉銘傳休軍於邳九月東捻犯鄒丁寶楨自沂州繞曲阜進擊之捻東北走新泰遇潘鼎新軍南走蒙陰西捻東趨富平蒲城白水北犯中部洛川迤及郿州西增遣提督高連陞屯三水劉厚基屯延安劉松山郭寶昌躡捻北進十月捻圍甘泉劉厚基戰不利別部捻回攻耀州劉典自宜君進同官敗退東捻自蒙陰北犯章邱齊東阻河東南趨青

湘軍志十四

西

州東掠濰及安邱劉銘傳襲之捻走高密諸城日照贛榆銘傳購捻黨狙擊其魁首任柱殺之捻遂大奔西捻出延安陷安塞延川綏德十一月東捻返走諸城北至壽光郭松林方自莒鄉濰卒相遇捻出不意大敗走膠州遂自高密直西走臨淄新城避官軍返走壽光郭松林自安邱出青州復遇之捻自起亂未嘗頻戰又新喪任柱黨眾潰解束手歸命者近萬人餘千餘騎南奔沭陽悉為安徽防運軍所俘西捻南返宜川踰山至壺口乘冰渡河山西巡撫趙長齡委河防於按察使陳湜湜聞捻杜綏德注意防葭州又自以為無患乃東至省城

離防所數百里聞報愕眙已陷吉州及鄉甯湜馳至趙城墮馬不能進陝西巡撫喬松年劾湜專河防三年糜餉巨萬敢於要挾及所部淫掠狀山西士民亦愬長齡俱得罪免十二月東捻首賴文光率殘黨突渡六塘循淮安寶應高郵南走諸軍至者如風雨文光知死下檄揚州防將吳毓蘭歷詆官軍將而以毓蘭為愈使得已以為功乘夜投毓蘭營軍中傳誦其偽檄言至深痛羣帥嚴禁秘其事使毓蘭謬上捷言雨中陣俘之云於是李鴻章自以大功成請散軍韜兵示將士不復行陣而西捻已南走絳州曲沃垣曲殺垣曲知縣王國寶東

湘軍志十四

五

趣濟源循河至原武七年正月捻直北犯自新鄉趨順德至定州京畿大駭河南軍將張曜等方至湯陰陝西軍將劉松山等先至清苑李鴻章軍猶杜徐 詔切責鴻章李鶴年左宗棠及直隸總督官文均奪職丁寶楨率軍先至河間有 詔嘉獎京師五城團防神機營發兵屯涿易 命恭親王巡防捻至保定知有備西掠滿城易州禁軍誤以官軍為捻騎始議設偵探馬安徽巡撫英翰請率師入援捻已南陷祁州殺知州胡源東陷饒陽山東軍將王心安軍至捻走安平以捷聞李鴻章軍將潘鼎新言於獻縣見山東敗軍 詔以左宗棠總

前敵戰事遣陳國瑞別募一軍為特將 命恭親王節制左李及諸督撫二月李鴻章至德州捻游奔獻深官軍遙圍之捻突郭寶昌軍敗之因西走正定未至復掠深澤安平饒陽東至獻又西至晉東北至肅甯均礙於官軍乃自趙趨鉅鹿官軍既集頗多掠商民居市直隸民患之相約格殺日有復鬥戎服乘馬者十餘人猶不敢經行枉殺者不可勝計於是李鴻章復議驅寇太行黃河間而李鶴年自奮請專任攻戰三月捻至濬滑西犯新鄉循河至延津破陝西軍於封邱郭寶昌被兩創提督周盈瑞戰死捻北趨滑敗李鴻章軍提督陳振邦

湘軍志十四

六

中牙死捻自內黃走莘趣東昌荏平德州吳橋東光四月至天津 詔英翰急赴東昌恭親王奏飭諸帥限一月平捻捻東走鹽山慶雲海豐潘鼎新復議守運時漳衛盛漲引之減河使捻不北窺乃循運屬之河通水師戰船至德州與諸軍畫地而守鴻臚少卿朱學勤奏召劉銘傳銘傳平東捻後假歸坐逗留奪官因稱疾鴻章招之不至故假 朝命強起之捻南西走樂陵德平臨邑禹城還走滄州復南掠平原齊河左宗棠至鹽山以屯軍防可恃西還吳橋閏四月增 命都興阿為欽差大臣列名在左李上侍郎崇厚副之統張曜等軍陳國

瑞奉 詔防陝 西不俟 命徑領軍東行請討捻自效
有兵萬二千亦隸於都興阿捻犯陵縣吳橋復南走恩
遂至荏平英翰奏皖軍不必合湘軍左宗棠令劉松山
休軍東光捻還海豐復西走樂陵德平率一人挾數馬
避兵疾行折東至武定陽信李鴻章復建議自臨邑築
牆屬之馬頰河六月捻走商河濟陽西犯臨邑清平博
平值大雨徒駭河盛漲官軍圍蹙之捻不得復渡部黨
解散歸死者數千人張總愚赴水死西捻平七月辛酉
捷聞賞諸將帥而劉銘傳新至收成功封一等男以龍
神見於水師船中增水助順加封號焉

湘軍志十四

七

平捻篇第十四

營制篇第十五

湘軍志十五
軍興調發而將帥莫知營制被調者輒令綠營將官營
出數十人多者二百人共成千人三千人之軍將士各
不相習依例領軍械鍋帳鈹斧槍矛皆窳鈍不足用州
縣發夫馱運載軍將拱手乘車馬入於公館其士卒或
步槍一矛倚民家及旅店門居人惶怖唯恨其不去及
遇寇作屯壘壁不及肩負販往來營門隘襍譁囂十軍
而九有能者因宜約束自為風氣諸將雖欲畫一率非
所統無所行其禁令唯滿蒙軍稍整齊而驕橫貴倨言
語不相曉其死也輒當奏報又各有貴將督撫莫能統

湘軍志十五

十

尤不輕調發所發者多綠營額軍其弊如此民間徒知
其擾累莫肯憐其送死故征役者益怨恨讎掠於寇所
不至之地而愚民避官迎賊之議起矣楚軍起於江忠
源其時以三百人從烏蘭泰不能成營制後忠源官尊
師衆第從先廓之而法制不改曾國藩既請練軍長沙
奮然以召募易行伍盡廢官兵使儒生領農民各自成
營按攷規制今古章式無可放效獨戚繼光書號為切
時用多因所言變通行之未幾湘軍大效而王珍羅澤
南胡林翼各撰其軍營制為書珍自序甚矜謂所作謂
不可使賊得然所言世俗之所知也琦善者不以能軍

名與雷以誠俱也揚州城下雷營終夜擊柝燎火治守備琦善營寂然聞靜無火光人聲他日以誠過營琦善微諷之曰公營中甚旺盛以誠不悟徐曰凡夜守設火賊得窺我吾擊刁斗則不聞外聲此危道也李元度之戰士呼譟甚勇席寶田誦孟子書譏之曰先生之號則不可軍中以呼殺為號子故寶田云云由此觀之良史兵書所言雷李行之而不免訾於琦善席寶田軍事變化焉可言乎自湘軍眾威人人知兵新募軍規制一日立就領軍者不必頒條教所謂楚鄂湘軍章程至今將帥皆無其書而淮軍本放湘軍以興未一年盡改舊制

湘軍志十五

十一

更放夷軍後之湘軍又更效之水軍之立尤困於思慮船一柴一版位置失宜輒絀礙不可行及後成功率取木輕料薄為先寇平後無行陣之事乃更改大船制務於閱厚是故今之湘軍非昔也況其將帥昔愚而今驕昔懼而今侈昔慙拙而今論柔雖復用儒生將農人則所謂儒者不儒而農者不農曾國藩之所為咨嗟於暮氣者耶軍興名將推塔齊布劉騰鴻李續賓多隆阿而郭嵩燾服羅澤南左宗棠推王珍澤南弟子也澤南以有續賓及珍珍死則張運蘭尤聞沈默卒以敗死然則澤南殆可謂名帥非但名將要其言戰杜續賓下逮

甚而續賓諸人存則勃馬死則忽馬舊部名將無豪髮之效又況讀其書觀其迹者乎本湘軍所以起為救額兵之敵也曾國藩首建義旗終成大功未嘗自以為知兵其所自負獨杜教練至今湘軍尊上而知禮畏法而愛民猶可用也觀將能否但於列隊時號三吹軍士肅肅蠶綴而出則勝負可見矣是故兵法不可言而營制不可誣也

湘軍志十五

三

哨長哨百七人置哨官領之四哨為營親兵六隊隊長斯養如哨之制隊十二人六隊之械一三主礮二四六皆刀矛五為小槍凡七十二人不置哨長合四哨四百二十八人皆統於營官故曰營五百人而哨營官不數其書記醫匠或有或無營官主之其費於公費取之營之用器哨隊備之其軍器立營時給之壞敝營官修之於公費取之唯鉛彈樂繩帳棚得以時領營官給十帳八夾二單哨官三帳一夾二單親兵隊二帳一夾一單哨隊二帳皆單凡營帳單者八十夾者十八輜重軍裝行糧長夫運之率百人而卅六夫營夫無過百八十

亦無得闕不足行而索夫軍有司誅之其當行令三百
五十人各備戰器百五十人督長夫護用器前有探馬
後有押幫各從其營無有或錯其行率日三四十里黎
明而發未晡而息行所至為壘營官相其地準之以繩
從而為壕壕丈五尺復壕土為牆厚一丈其崇八尺牆
壕容二丈遠其餘土隊為一棚棚有竈廁廁有外內外
廁四之內廁一之火樂有窖以堇塗之塗皆孔之其軍
市設於繩牆壘外其壘近市則嚴其門禁午夜籍之出
入無驗譏而誅之夜號之字營官授之守夜之卒營五
十人寇近則百人以更為班班十人若二十人哨長察

湘軍志十五

四

之五更咸與朝暮練操以警警之故行不可速止不可
懈行速則病止懈則散軍雖彊久頓必荒甯驅市人勿
將舊軍屯兵待戰是謂自亂作壕之法外內重設外壕
廣六尺深八尺內壕半之環而溝之必有橫涂相距二
丈壘牆既成去其外涂留其內涂作牆如城其高七尺
子牆半之牆厚六尺左右二門其作築之見敵則併力
無事則長夫之役也步行率八刻而行十五里寒日短
而行易暑日長其行難以晝四十六刻率之行十六刻
而三十里其十六刻以築營壘餘十二刻而後昏暮則
神暇形壯可以待敵故百里而趣利者躡此軍家之大

忌也

初欲立水師湘中不知戰船形制依古法作筏載礮將
以戡流又欲為艨艟大艦皆不能旋運曾國藩令倣競
渡舟設短橈長槳如蚊之足又得廣東舩式作快蟹長
龍三版三等船未幾水師總兵自登州至主作柁罟大
船一戰而敗語杜水軍篇其後水軍益利所至克捷雖
被礮傷死船餘一二人猶足勝寇然後知水軍萬全過
陸軍而用法益得嚴初議避礮依近代兵書法張魚網
溼絮牛皮藤牌鉛凡輒洞中之又編竹如細鱗施絮革
人髮密覆之鉛凡來勢益猛及戰而揚載福彭玉麟等

湘軍志十五

五

倡勇敢悉屏盾蓋當礮衝而進於是礮失勢而士氣益
勇故凡言畏礮者怯將也不待接戰敗軍而廢之矣曾
國藩以懼教士以慎行軍用將則勝自將則敗揚岳斌
鮑超以無懼為勇以戒慎為怯自將則勝用將則敗論
語曰臨事而懼帥之言也記曰我戰則克將之言也為
將者功名成富貴得則知懼矣知懼必敗水師為甚彼
不勝其懼故也接流爭先小舟為彊船有三等無三版
不行船置一哨官制其進退百船雖退一船可進其輜
重則有公船暴風掀波三版必摧則保於大舟大舟不
可戰也快蟹長龍以備指揮敗則棄之而以三版歸此

江湖水師之恒也戰於海中島夷之利耳中國無故而與爭於海非所聞也水軍雖亦有刀盾槍矛無所用精槳舵礮手指臂相使凡三板槳十人舵一人頭篙一人礮手二人礮置船首尾旋而發之礮一發舟一頓則進愈疾矣亦或置腰礮為觀美臨敵無所用之長龍槳十人榜四人餘如三板之數快蟹槳二十八人榜八人船長一人頭舵各一人礮手六人凡快蟹長龍船各一三板船八而為一營營官領之蓋三百八十八人而成營其船人或稍增要本茲制作營之法相距欲疏小船依洲大舟橫流要避暴風無令相撞軍皆守船尤禁登

湘軍志十五

木

岸其後長江水師章程編於方略大略準此其帆桅篙船槳礮隨時修制不可一限三板露載無篷版各施夾帳覆船軍士又私造長龍編為公船以食以居故軍容唯水師為壯而應對便辟多逸少勞亦始於水師云湘軍成馬隊至湖北乃有之恒用北將東以湘營制而多隆阿以此顯初以三百七十八人為營四人為棚六棚為哨後討捻寇更改以三百二十二人為營營五哨人各給一馬唯馬夫火棚夫無之又步隊十人立什長別為一棚以供襍役營官長夫八公長夫四十營官一員幫辦一員先鋒官五員哨官十員給藍夾帳十四

白單帳三每棚白單帳一馬棚帳一凡白單帳六十六藍夾帳十三馬棚七十二長夫八棚白單帳八其馬初從口外買之官價匹銀八兩多病道斃後或隨所至而買補馬歲百馬病斃更易無過卅六餘各令乘者補之又別儲朋馬銀月可百餘兩以備買價其銀出於襍費營官掌之

凡營官一員月給銀二百兩不計官位異軍特起亦不相統或令受他將節制輒不相能非其所置莫能屬也一營則哨官四員日給銀三錢月支銀卅六兩哨長四員日給銀二錢月支二十四兩什長卅二人日給銀一

湘軍志十五

七

錢六分月支百五十三兩六錢親兵七十二人護勇二十人日給銀一錢五分月支四百十四兩正勇三百卅六人日給銀一錢四分月支千四百一十一兩二錢火勇卅二人日給銀一錢一分月支百卅八兩六錢長夫百八十人日給銀一錢月支五百卅兩凡一營月支口糧公費銀二千九百十七兩四錢小盡之月日給扣建月給不扣水師之制依此為準頭篙舵工依哨長船長依什長唯無長夫而哨官倍之故水軍一營月支千九百一十一兩二錢馬隊依前制營官一員月給銀八十兩哨官月給銀十

兩八錢先鋒官月給銀六兩親兵馬兵月給銀四兩八錢步兵什長如親兵之餉步兵月給銀四兩五錢火棚長夫如步軍之制凡馬月支麥豆銀二兩每營馬二百六十八匹凡一營月共支銀二千六百六十三兩八錢凡統將得專置營官營各獻助公費月或百金或二百金至二千人又公加公費銀百兩夫價銀卅兩統五千者倍之統萬人者三之萬人則廿營營助百金并之則月三千金此湘將之廉者也楚軍之制於所統營各置司籍一人則軍闕未補者或竟闕者或除名者餉皆入於其將軍械修補之費不與焉故將五百人則歲入三

湘軍志十五

千統萬人歲入六萬金猶廉將也唯多隆阿統萬人而身無珍裘靡葛之奉家無屋子無衣履其天人乎勤所事誠有所不暇也劉長佑軍士輒取足額席寶田爭之以為徒自弱必不能戰所謂廉將者非穀於用之足貴也然從湘軍之制則上下相維將卒親睦各護其長其將死其軍散其將存其軍完豈所謂以利為義者耶而昧者徒取戰勝不用文儒則冒死之將汨廉捐恥日趨於亂

營制篇第十五

籌餉篇第十六

馮唐有言趙將李牧之居邊也軍市之租皆自用饗士選車千三百乘穀騎萬三千百金之士十萬古之用兵其費至鉅也然以趙國區區李牧備郡仰給市租不聞匱乏未有行軍而乏興擁眾而憂饗者也明代則不然平時征賦半以養兵四海之富歲入裁二千餘萬十年之通餘不過一年之入郡縣府庫例不存儲大農春秋二撥或往往告匱至於軍興田穀不播獲關稅無登而振卹供給鉅費相踵勸捐輸議假貸欲以一二貴戚大臣之私財澹天下之用計絀情絀始議加賦吏威不行

湘軍志十六

漏卮不塞俗儒迂生紛咎其上聖清鑿其敝二百餘載堅持不加賦之義兆民曉然湛恩汪濊利原沮閉咸懷仁義然值有兵革非常之災連年索歲之繇傾帑不足以供費則計臣束手矣洪寇之興始由部籌餉撥軍者六百餘萬其後困竭則以空文指撥久之空無可指諸將帥亦知其無益乃各自為計其計有二捐輸釐金是也二者皆起於戰國秦漢之時而捐輸為最拙又流敝滋大害於風俗胡林翼之言曰今之言兵者喜團練言餉者急捐輸及大錢鈔票樂其不費而取利也上苟持一無本取利之心則政事陸敗

令甫下而民窺之矣捐輸之所行必避富貴權勢之家曾國藩初治湘軍慨然欲抑豪強推并兼令故總督陶澍家倡輸萬金以率先鄉人澍子愬於巡撫籍其田產文券送藩司官士大譁遂以得免其後湖南布政使李榕倡言米捐當先大戶是時曾國全號有百頃田於法當上戶榕不能問也而京朝流言卒以敗榕故凡捐輸徒以虐良善肥不肖行之愈久愈不效乃通計天下歲得不出二十萬金

朝廷毅然知其害政於是遂罷然自咸豐元年以來盛衰相參所輸銀亦以千萬數捐輸得官者猶少於軍功

湘軍志十六

三

保薦十分之三而其材智吏事或愈於正途牧令太守故夫以捐輸為害政是也或以為清樸吏治亦未必然也刑部侍郎雷以誠治軍揚州用錢江謀奏推商稅關稅正則本千而取三十權之糜肆則入千而取十謂之釐金言金取一釐也釐金雖始於揚州然無所得曾國藩克武昌下九江乃令胡大任何王茶孫謀於漢口行之姦民訴之總督下檄名捕大任等大任者禮部主事故國藩亦移咨楊需爭之需不得已委過藩司未幾武昌漢口復陷而湖南釐局興矣郭嵩燾尤喜言釐金始倡用土人使其弟佐總局而府縣釐局皆舉貢生童商

民便之院司雖或委員總成列銜而已其後羣官稍資以給食又其後而陸增祥總省局始委權官員諸舉貢生童亦皆以保薦得官彬彬乎衣冠簿書有上下等威而釐稅益絀布政使吳元炳涂宗瀛盡革浮費鑿油茶葉各令自辦歲亦省千餘金然湖南釐稅初年歲百卅萬至增祥元炳時歲裁卅萬江西貨饒地廣初倚以供軍而數當兵衝不能遠逾湖南軍實之所由充始自湖北開於上海皆取給於釐稅所謂軍市之租者耶湖北釐稅川鹽為大始承平時准引正課不逾三十萬猶日訴引滯通稅歲積寇據江南鹽運阻塞川鹽方舟並下

湘軍志十六

三

乃設局沙市試推其稅因資羨餘以充官用歲益銀至百餘萬時湖南亦食粵私院司欲準湖北例籠之不能效也然亦歲推銀三四十萬咸豐七年駱秉章用左宗棠議首減湘漕浮折漕糧定軍需公費先私取十五者率改為公取一藩司以下大謹時湖南阻亂事專於巡撫秉章決行之遂通改漕章歲增銀二十餘萬民乃得減賦數百萬武昌既復林翼復效行之及曾國藩杜江西亦效行之湖北江西賦倍徒湖南故增銀亦多然民未甚得其惠其後秉章督四川設夫馬局津帖捐輸乃更為敝治非獨務本難也逐末競利猶待人而興然以

此益知軍興不之財而將士愈饒樂爭求從軍每破寇所函獲金幣珍貨不可勝計復蘇州時主將所斥賣廢錫器至二十萬斤他率以萬萬數能戰之軍未有待餉者也湘軍初起時水師大將從南海新來當設宴議用錢二萬猶咨嗟以為巨費其時江南糧臺委員自蘇至甯公館八所帷帳姬妾不從而具徒以坐潰而湘軍起貧苦同飢餓轉戰五千里餉皆自釐金給之雖復頻奏徵餉四川廣東率為其督撫所持所望十不償一二獨劉蓉將益澧本起蜀桂監司得總督協濟及其後蓉杜陝西蜀餉不復應益澧入浙頻勝餉源自陞至平捻時

湘軍志十六

四

京朝官至湘淮軍中各以私情餽遺動釀萬金孔子曰國不患貧寡富哉言乎觀帥能否於籌餉知之矣五口通商中國歲入銀七百萬加以貨釐鹽稅又率千萬而軍籍官用度支省減藩庫扣停者亦千萬故國富莫若今日計者不綜大端徇胥吏之虛詞輒曰財支詘用浩無益之費盡糜所入未為知籌也湘軍於餉艱難其後人人足於財十萬以上貨殆百數當須未發之餉輒公輸縣官計銀動數十萬金前茲過計拙謀故述其略為籌餉篇而其所取發奏咨之文皆不論裁方釐金之興

也雖津滙訶索固不敢問達官朝使舟然諸貴官家人姻戚僕從多被譏留不能公漏私言事者輒以病商害民為詞交章請罷征曾國藩初授江督軍餉無出黃冕始建議增湖南釐稅十之三號為東餉專供曾軍議初上駱秉章援蜀去文格代為巡撫雅不善曾胡國藩恐已力不足令之手書冕牘後曰徒結怨於新撫事定不行而黃冕裕麟等業建議即不待報設局增稅會文格翟誥相繼罷免毛鴻賓為巡撫揮世臨繼之皆新進倚國藩自重而冕等所用推稅者亦堅悍無所顧畏或姦人聚眾毀局毆主者輒以礮船及營兵往助復設之牧

湘軍志十六

五

令爭佐捕治商賈納稅恐後竟以濟師同治二年國藩徵餉江西九江關道蔡錦青分稅課以應乃報巡撫沈葆楨大怒謾詞詆錦青國藩不能堪二人騰章相詆俱自効求罷朝廷為發上海稅銀三十萬供曾軍以和解之明年克江甯首疏奏免湖南東餉諸釐局亦頻奉詔裁減然論者不已於後左宗棠治西師有意加稅徵東餉巡撫直不應其事亦罷然各省釐稅贍軍坐甲不用稅亦日而相承莫肯罷與初推時意異矣

籌餉篇第十六

湘軍志終

湘軍記

光緒己丑仲秋
江南書局刊板

湘軍記敘

昔周道中興宣王修政攘夷六月車攻之篇詩人詠之五
霸迭盛尊王室誅僭偽齊桓晉文之事春秋載之大抵詩
書之作其人皆諳掌故能文章揚挖盛烈以昭示來世垂
王迹於無窮非苟為纂述已也厥後百家之說益興虞卿
呂不韋陸賈劉向之徒亦著春秋國語而國策世本漢紀
晉陽秋之類號為別史不掌於史官然其網羅舊聞備當
時之事成一家之言不可廢也我

朝武功烜赫

湘軍記敘

開國以來平定中外皆有方略專書藏之石渠頌之勛貴偉
矣盛矣自廣西寇發湖南首當其衝吾鄉士人提挈子弟
轉戰粵湘聞其後援鄂援江西始稍稍出征於外會有
詔行團練於東南諸省吾伯兄 太傅文正公始以墨經治軍長
沙用諸生討訓山農號曰湘軍湘軍之名自此始當是時
戎馬環生閭閻騷動強寇伺於外奸民煽於內居人倉皇
為避不遑甯居乃相率習技擊捍身家以為苟免寇難斯
已耳豈敢妄希澄清之績闕閱之榮儋爵析圭立功絕幕
哉夫運之隆替時也兵之利鈍勢也時苟未至則英雄無

所用其武勢無可乘則智士捲舌而不能畫一謀今湘人
士戰績遍天下仰仗

國家威靈

廟謨高深不責以近效不惜其勞費而諸將士涵濡

皇仁發奮蹈厲成思圖尺寸之功以赴

君父之急愚兄弟以菲材膺兵柄躬逢其盛因得與觀成功蓋

值剝極而復之時乘轉敗為功之勢

聖主憂勤於上疆臣協恭於下而

祖宗養士二百餘年

湘軍記

敘

二

膏澤及於民者至深且久儲材承平之日收效糜爛之際用能滌

蕩區夏復於光明斯乃

列聖貽澤之長非區區一二臣工所能為謀也今海內又安湘中

宿將存者什二三懼其戰蹟之軼也議為一書與

方略相表裏而執筆者傳聞異詞乃勾東湖王鼎丞觀察定

安更為之鼎丞久從愚兄弟遊諳湘軍戰事其所述者非

其所目睹則其所習聞書既成復與湘陰郭筠仙侍郎嵩

燾暨下走商訂得失漏者補之疑者闕之不為苟同亦不

立異蓋其慎也至其敘事簡贍論斷精嚴則仰瞻龍門俯

瞰蘭臺伯仲於陳志歐史之間可謂體大思精事實而言
文者矣鼎丞少負異才不諧於俗由州縣歷監司所至樹
立卓卓及承

召問攝藩條世且希其大用謂勳名可翹足待而顧齟齬於時

偃蹇湖山行且以著述老人多惜之然鼎丞不窮其著書

必不能工且贍信今傳後如此觥觥也鼎丞昔為詩文喜

為瑰偉悲壯之辭今迺益詣於和平雅澹蓋彬彬然幾於

道矣夫名位烜赫一時而文章則千載事也韓愈氏所謂

不以所得易所失者其斯之謂乎吾既悲鼎丞之遇復為

湘軍記

敘

三

快語壯之

光緒十五年歲在己丑十月 太子太保一等威毅伯兩

江總督湘鄉曾國荃撰

自敘

客有問於子王子曰古者天子諸侯皆有史官左史記言右史記事為春秋言為尚書其載籍世官守之非儒生所得言也

聖清受命二百餘載

武功之隆邁越前古自粵捻肇亂回鶻繼虐羣寇之興替將帥之得失備諸

方略散見於

國史今吾子述三十餘年之戰蹟遵

湘軍記

自敘

一

國史

方略則為贅言採之輿論則一人耳目難周慮美惡是非之失實也私心惑焉子王子曰蒙生楚西鄙少值寇難崎嶇烽火間於郵傳之往來謀候之真贖雖未悉其詳固已略識梗概矣及壯佐湘鄉曾文正公戎幕從今宮太保威毅伯遊者二十餘年湘中魁人巨公什識八九其它偏裨建勛伐者不可勝數東南兵事既聞而熟睹之久矣其後宦遊天津稍習淮軍將帥而湘陰左文襄公暨今陝甘總督茶陵譚公新疆巡撫湘鄉劉公鈔錄西北戰事累百數十

聖主之憂勤生靈之塗炭將帥之功罪廟謨之深遠上稽

方略下採疆臣奏疏粲然備具而故老之流傳將裨幕僚之

塵譚苟得其實必錄焉其或傳聞異辭疑信參半者甯從闕疑非真知灼見不敢誣也班固氏有言小說家者流蓋

出於稗官街譚巷議道聽塗說之所造然亦弗滅也閭里

小知者之所及亦使綴而不忘如或一言可採此亦芻蕘

湘軍記

自敘

二

狂夫之議也今蒙之記湘軍蓋自託於稗官野史自為一

家言所謂不賢者識其小者與如欲參訂同異信今傳後

則

方略

國史彪炳萬古固學者所宜傳習而遵守也客唯而退於是

乃述廣西初亂訖新疆設郡縣起

宣宗道光三十年庚戌歲至

今上光緒十三年丁亥歲凡三十有八載以湘軍為綱而它軍

戰略附焉敘曰

皇矣

聖清包乾孕坤東南際海西暨崑崙响赫濡甘罔敢不庭蠢茲

妖徒伏灘之濱蘊其蠱毒蠱飛域騰八桂既燿爰突湘沅

帥臣不武相貽逡巡航航忠烈俠劍儒巾提挈子弟始張

楚軍楚軍之興湘軍之萌蓑衣喋血蔡墳扼陞嶽蹶滿沸

安堵不驚寇愕而走危隍以甯作粵湘戰守篇第一

九疑宛蟬鬱為衡宗竺生曾相大邦維墉義旂初建鏟姦

鋤兇騰特就殄復於昭融爰規水嬉肇造艤艫彭楊奮武

以倡羣雄遂浮洞庭建旆而東糾糾虎旅百出無窮千屢

湘軍記

自敘

三

輪篋萬舸傳烽蕩滌區夏還之大同始於得士成於和衷

眾志鞏固以奏膚公作湖南防禦篇第二

武昌形勝虎踞上游委之飼賊自絕其喉曾侯建義焱舉

湘陬誰其佐之塔勇羅謀雄關既下妖氛黯收東指建業

躑躅江州賊狙我隙鄂渚重蹂乃檄胡公返旂援枹拮其

堅城獸檻禽囚桓桓胡公氣吞九洲擊楫東征楚尾吳頭

李搏鮑噬如鷹脫鞬獵犬之獲發蹤之由作規復湖北篇

第三

楚師初興眾才三旅討其耕氓領以鬢序投筆提戈章江

之渚死綬赴敵沛然莫禦江作先聲曾繼其武陷舟鄱湖
頓兵袁撫李公百戰迺拔溢浦威毅急難鴿原禦侮吉安
既克百城安堵作援守江西上篇第四

左侯巍巍發軔樂平景德之戰功以智成鮑不血刃千里

橫行捲旂疾驚聞名膽驚金陵餘孽逃死山城俘而磔之

寰宇澄清作援守江西下篇第五

瞻彼皖公前江後淮瀉瀉菱湖蛟鱷所畏憑恃嶮咀以卵

以胎威毅燁燁批吭掘莠迺整迺垣迺鑿其坏英酋遠踔

呼黨引媒奮其角距如獠如豺鮑旅先驅多軍後截威毅

湘軍記

自敘

四

罕之歸闕於穴集賢蹈尸赤岡喋血遂搯雄都成此偉烈

捷書上騰

龍毒已昇告成

先廟天眷是憑作規復安徽篇第六

長淮南北任俠之窟姦雄竊據育其醜族兆受桀驚迺馴

迺服獻關納土糜以厚祿沛霖恣睢羊質虎皮反側拒命

迺戮厥尸作綏輯淮甸篇第七

金陵輿區虎躍龍驤疇壞其墟以穴貙狼向帥幡幡張公

煌煌朝蹴邗水暮踔皖疆賊蹈我瑕迺走丹陽維彼張公

號萬人敵軍鋒所至霆摧電激還戰建康復我故壁繚而
溝之功在旦夕賊逞狡謀南侵武林我師於邁戎旂駸駸
師老則殫旅分斯單燒營夜譁卒蹶於丹作圍攻金陵上
篇第八

向張旣殞朱維淪胥

帝曰汝藩作督三吳汝荃統師布政於蘇迺整其旅電掃風驅北

斯濡須南攔蕪湖遂捐秣陵連壁南都洪酋恒讐乃召其
徒其徒百萬封豕訓狐威毅笞之如割如屠忠仆侍顛棄
戈而噓迺張九罟周其四法兩徂寒暑迺焚厥居

湘軍記

自敘

五

帝嘉乃績

錫之券書兄侯弟伯析圭剖符

紫閣圖形載之典謨作圍攻金陵下篇第九

蘇松財賦甲於東南羣盜潛焉虎視眈眈迺薦肅毅秣厲
戎驂其才恢恢其量侯侯提挈健兒復我腴土淮軍之勳
湘軍之輔連類書之用彰

皇武作謀蘇篇第十

左相未遇自擬葛侯異軍特起開府南陬翩翩巾扇秩秩
帶裘其佐伊何左楊右劉烈烈蔣公百戰彌道載捶衢嚴

遂批龍游張宜富陽嘖鋒杭州覆巢擣穴遂平百甌錢唐
飲馬吳山放牛果敏之勳文襄之謀作謀浙篇第十一
五嶺瘴壤八閩蠻區民情獷獷趨如狡狙洪楊發難金田
是廬李汪餘燄殄於七墟桂林之戰忠烈濫觴嘉應咸功
成於文襄作援廣閩篇第十二

藍李之禍發自川滇石寇乘之我蹕嶓顛駱相休休讓善
推賢渠魁授首兵連渭汧多帥智勇韓白比肩秦隴垂靖
星殞八川劉公撫陝愛民是先戰功未竟憂心拳拳作援
川陝篇第十三

湘軍記

自敘

六

貴州僻陋漢苗雜處羣醜呶譁獲騰磨聚楚師躡之深入
巖戶劉席策勳迺復疆土作平黔篇第十四

雲南萬里夷獠所蟄外有甌脫職方弗及杜酋竊踞連城
數十煽其種人戈旄戢戢岑公岬興羯羶是習劉帥督師
崎嶇巖邑剗平大理蒙段就繫野番造贊英夷淪盟

帝命武慎節度百城驕將解柄黠虜銷兵獨除煩賦百蠻以平

作平滇篇第十五

捻徒夥掠伏患百年乘隙蠶起寇騎聯翩僧王蹇蹇日屬
囊鞬百勝一踰頽嶽填淵

帝曰欽哉咨藩暨荃汝司北伐汝鎮翼躔迺築長壙千里連蜷包淮羅濟揜寇於川大功未卒屬之後賢守其遺蹟收功齊燕作平捻篇第十六

回入中夏自隋而唐訖於有元種益熾昌而士而農而工而商而登顯仕頌容廟廊如何械殺肆其虎狼而陝而甘悉焚悉戕仇讐初起纖塵涓流奸宄乘便搖撼山邱多帥死綏雷陶譁潰赫赫楊公亦訖於內嗟我楚軍忍飢赴塞百金石粟十金孟菜救死不贍遑云敵愾天降喪亂以待仁人謂予不信請視隴秦作平回上篇第十七

湘軍記

自敘

七

左侯西征誓期五年二劉贊之蕩滌腥羶羣回幢擾聽命化隆金積之戰電掣雷轟忠壯烈烈歿為鬼雄京卿翩翩卒蕺厥功沙幕策勳衛霍媿隆作平回下篇第十八迢迢西域漢唐所庭其北烏孫遙接丁零烏垣雄鎮歿於妥明帕夏亡虜竊我八城或議棄之息民休兵昂昂左相執簡而爭載攻古牧遂取車師劉軍南邁後我後期俄人虎視市地居奇耄齡出塞規取伊犁充國非老班生非穉封侯萬里以酬夙志作戡定西域篇第十九兵家神用匪可迹求魏不沿漢秦非襲周湘軍之制固壘

深溝取捷短衣制勝礮舟首重樸滅次日同仇戰死是榮巧避為羞官卑權重分隔誼周備書規模以紀前等因時制變後賢是求作水陸營制篇第二十

子王子曰蒙以不才廢棄居夔陵山中湘中諸君子書問相勉而為此作自光緒十三年三月訖四月成第一至第五卷又自十月訖臘月成第六至第十一卷明年五月放櫂南游客新甯劉氏湘人士敦促自八月訖九月成第十二至第十五卷而余有江南燕齊之行過長沙與郭筠仙侍郎商榷得失攜其橐呈威毅伯曾公又明年三月余歸

湘軍記

自敘

八

東湖六月至金陵盛暑移居鷄鳴寺梁之同泰寺也湖光山色日在目中意興蕭疏超然有物外之想因念人世悠悠不可無所作以自遣其傳後與否有幸不幸耳非吾所能主持也迺續成五卷自七月訖九月畢事閱時幾三載歷遊五省中間人事牽牽忽作忽輟其執筆為文凡九閱月耳書成既為敘例復志其頭末如此

湘軍記目錄



卷一

粵湘戰守篇

卷二

湖南防禦篇

卷三

規復湖北篇

卷四

援守江西上篇

湘軍記 目錄

卷五

援守江西下篇

卷六

規復安徽篇

卷七

綏輯淮甸篇

卷八

圍攻金陵上篇

卷九

圍攻金陵下篇

卷十

謀蘇篇

卷十一

謀浙篇

卷十二

援廣閩篇

卷十三

援川陝篇

湘軍記 目錄

卷十四

平黔篇

卷十五

平滇篇

卷十六

平捻篇

卷十七

平回上篇

卷十八

平回下篇

卷十九

勘定西域篇

卷二十

水陸營制篇

共二十卷

湘軍記

目錄

三

湘軍記目錄

東湖黃學濂校字
武昌范德培

湘軍記卷一

粵湘戰守篇

東湖王定安撰

湖南隸古荊州其鎮衡山其澤雲夢雲夢洞庭也三代時
棄在蠻夷及楚之強拓地五千里與中國爭衡其國都自
丹陽而郢而陳而壽春距洞庭日遼遠沅湘汨羅號卑溼
以處遷謫秦取百粵為郡縣湖南始屬內地長沙亦瀟湘
之閒一都會也南入嶺西接黔中苗獠獠種族錯居山
谷閒與編氓伍其謠俗習織約耐勤劬有若敖蚡冒之遺

湘軍記

卷一

一

風然剽疾易發怒羞懦而矜節不畏強梁士則矜矜自表
異模騷範雅喜為璋異絕麗之詞迨宋周敦頤闡明聖道
講學濂溪海內嚮風景從理學興矣

本朝嘉道閒學者著書稍稍談經濟究韜略明習國家掌
故於是魁材傑士接踵驥起自廣西寇發海內騷動新甯
江忠烈公忠源實倡義旅而王壯武公鑫羅忠節公澤南
以諸生起其後李忠武公續賓胡文忠公林翼左文襄公
宗棠劉武愼公長佑蔣敏果公益澧暨今總督曾公國荃
尙書彭公玉麐總督楊公岳斌巡撫劉公錦棠征伐四出

用兵遍十八行省。一時湘人由戰功任封圻者。總督則有劉公岳昭。劉公坤一。楊公昌濬。巡撫則有李勇毅。公續宜。劉果敏。公典。劉公蓉。唐公訓方。陳公士杰。其以提鎮權巡撫者。則有田公興恕。江誠恪。公忠義。而勞文毅。公崇光。侍郎郭公嵩壽。總督譚公鍾麟。巡撫黎文肅。公培敬。雖起家翰林。亦皆涉歷兵事。其他專閫監司。以勳伐昭著於時者。不可勝數。遂克僞都。虜名王。粵匪捻回。旣誅。餘威震殊俗。北懾烏桓。南渡臺澎。越裳西北。涉流沙。達烏孫。西南暨于閩。葱嶺。武功之隆。近古罕覩。然而總其成者。湘鄉曾文正。

湘軍記

卷一

二

公國藩也。原湘軍創立之始。由二三儒生被服論道。以忠誠爲天下倡。生徒子弟。日觀月摩。漸而化之。於是畊氓市井。皆知重廉恥。急王事。以畏難苟活爲羞。克敵戰死爲榮。是豈有所劫而爲之耶。賢人君子。倡率於上。風氣之所趨。不責而自赴也。善乎。荀卿之論兵也。曰。好士者強。不好士者弱。百將一心。如子弟之事父兄。手臂之捍頭目。而覆胸腹也。夫兵者。凶器。挈萬人以爭旦夕之命。必耳目專而號令一。然後惟所指揮。無不如志。古者大事必乘其產。況士卒乎。故廉頗趙將。仕楚無功。思用趙人。項羽勇略蓋世。而

用江東子弟八千。漢晉大將有家兵。唐之藩鎮。重牙將。其後有義兒軍。明之劉鋹。用川兵。戚繼光用浙兵。此尤其彰彰著明者也。夫江東兩浙之人。文弱選懦。非如朔方之士。諳弓馬。耐寒暑。然而用之有功者。非以其素習然耶。當秦漢魏晉時。燕代秦隴。士馬精強。甲天下。其尤著者。五郡良家。其俗唯捍習戰鬪。唐則河南北方。鎮跋扈。將驕卒悍。五代之亂。聞太原兵下。則中原震恐。故曰。關西出將。由來久矣。今其山河未改也。人民猶昔也。然而值大亂之興。綠營之兵。皆皆虛偷生。聞殺聲則跳。而湘軍椎魯剽。舍糗糈。

湘軍記

卷一

三

而啖麥菽。委舟船而逐駝馬。短衣跣足。馳騁萬里。屢踰而不挫者。豈不以忠義奮發。禍敗相救。一德而一心乎。若夫將與帥不相能。兵與將不相知。是賃市傭而戰之。其不攜貳離潰者鮮矣。先是道光中葉。楚粵邊郡。妖徒結黨羽。唾血盟。號添弟會。椎擊攻剽。官吏莫誰何。會英夷事起。師船翔海上。粵中募健兒防夷。款成散伍。輒嘯聚爲盜。姦宄橫行。所在萌孽矣。江忠源者。新甯舉人。豁朗有大志。夙與湘鄉曾國藩友善。居京師。嘗從容語國藩。教匪招誘良民。天下洶洶。亂將作矣。旣歸。而雷再浩煽變。忠源密繕兵仗。一

戰焚其巢。諷賊黨縛再浩礫之用功。擢知縣。湘人以書生殺賊。自忠源始。忠源曰。亂雖定。大吏不肯痛誅餘黨。禍猶未已。未幾。而李沅發戕官據城。巡撫馮德馨遣戍。又未幾。而廣西羣盜蠡起。洪秀全楊秀清之徒出。大亂興矣。洪秀全者。廣東花縣人。少飲博無賴。敢為大言。粗知書。賣卜為活。聞妖人朱九濤倡上帝會。與同邑馮雲山往師之。以其術遊廣西。居鵬化山。時人未之許也。桂平曾玉珩私引重。延為塾師。武宣蕭朝貴。秀全妹婿也。與貴縣石達開。秦日綱。皆客桂平。陰相比附。師事秀全。秀全嘗詐死七日。復甦。

湘軍志

卷一

四

謬眾云。上帝召我。有大劫。拜天則免。遂託泰西人所稱耶蘇教者。造真言寶誥。謂天曰。耶火華。耶蘇為長子。秀全次子。其咒辭贊美上帝云云。咒尤誕誕其言曰。讚美上帝。為主讚美風神。風為神靈。讚美三位為合一。真神。天父。洪聖恩。廣大無邊。不惜太子。遣降人間。人知悔改。魂得升天。以誑眾斂錢。男婦多信。爭事之。楊秀清者。廣東花縣人。居桂平之平隘山。尤桀黠。自言通天語。秀全為天兄。嘗託天父降其身。令秀全跪受杖。已有過。亦令人杖。謂人陰私。摘發多奇中。以此詫於眾。眾盡駭。謂秀全果天所授也。是時廣西歲游饑。羣盜蠡起。慶遠則有張家幅。鍾亞春。柳州則有

陳亞潰。陳東。愚山。豬羊。武宣則有劉官方。梁亞九。象州則有區振組。潯州則有謝江殿。而陳亞潰尤悍。且眾。其他南甯。思恩。太平等屬。賊氛遍地。其黨分廣。馬土馬。大股數千人。小股數百人。大府隱忍不上聞。盜益肆無忌。廣西紳民航海訴於京都。察院以聞。時鄭祖琛為巡撫。閔正鳳為提督。詔詰其縱賊。命兩廣總督徐廣縉赴梧州討之。以廣東詔連有匪。弗能至。

湘軍記

卷一

五

文宗益促鄭祖琛出省督師。道光三十年六月。祖琛移駐平樂府。而洪秀全始倡亂。金田村。金田村者。桂平縣地。西則武宣貴縣。客民夙與土民雜處。相仇。村人韋昌輝。原名正。饒於貲。與秀全等句結。號四十兄弟。時顧元愷守潯州。有訴昌輝罪狀於郡者。檄桂平令倪濤緝治。下昌輝獄。已而釋之。副將李殿元謂令受金。率兵追昌輝。及於韋家祠。倪濤亦至。笞責昌輝。其夜昌輝糾眾放火。殿元等跳刺殺。巡檢張鏞。於是楊秀清石達開秦日綱皆會金田。欲置首。無適用。相與謀曰。洪秀全天兄。宜為王。遣人至花洲山迎。

之遂踞金田爲巢穴分赴旁邑招納諸亡命拜上帝會者
貴縣林鳳祥揭陽羅大綱衡山洪大全等率黨從之有眾
萬人鄭祖琛度力不能殲賊疏請命大將會剿

詔移固原提督向榮爲廣西提督閔正鳳爲固原提督旋
以正鳳參寇褫職遣戍九月向榮至桂林時慶遠思恩南
甯土匪蔓延勢尤猖獗而秀全等異軍特起猶未指名十
月向榮擊賊慶遠破之索潭墟賊走忻城復敗之而陳亞
漬爲知縣李孟羣所擒秀全等用是乘閒徇略眾日益熾
詔前雲貴總督林則徐爲欽差大臣鄭祖琛罷職遣戍以

湘軍記

卷一

六

則徐攝巡撫薨於途起前兩江總督李星沅爲欽差大臣
布政使勞崇光署巡撫十一月丁巳副將伊克坦布攻金
田敗歿十二月

詔前漕運總督周天爵爲廣西巡撫加總督銜辦理軍務
向榮山橫州移師金田

咸豐元年正月乙巳向榮軍失利洪秀全進屯大黃江分
掠桂平武宣貴平南等縣前鋒及象州三月副都統烏蘭
泰幫辦軍務與向榮疊有斬獲時李星沅周天爵不相能
疏請統帥四月

詔大學士賽尙阿赴粵視師
賞邊必隆刀帥都統巴清德副都統達洪阿將四千五百
人道湖南趨廣西星沅卒武宣軍

詔投賽尙阿欽差大臣未至以周天爵權之賊自武宣潰
圍東北走象州周天爵劾提督向榮總兵秦定三不遵節
制

文宗以將帥不和罷周天爵督師褫總督銜榮定三均奪
花翎鄒鳴鶴爲廣西巡撫五月烏蘭泰向榮敗賊象州湖
南巡撫駱秉章疏言湖南防兵僅四千永寶靖郴毘連粵

湘軍記

卷一

七

境恐土匪內應提督余萬清前奉
詔出境擬駐楚粵之交防堵

詔湖廣總督程番采行邊六月賽尙阿至桂林增募潮勇
奏調江忠源赴大營忠源官秀水知縣遭父喪歸聞命募
鄉勇五百以從號曰楚軍賽尙阿屬之烏蘭泰湘人出境
討賊自此始壬午烏蘭泰秦定三擊賊新墟敗之七月向
榮烏蘭泰達洪阿等攻賊紫荊山克豬子峽雙髻山向榮
乘勝欲擣花雷茶地巴清德以五不可止之八月賊自大
黃墟分水陸趨大黎犯永安向榮由桂平追之烏蘭泰秦

定三由鵬化山追之。烏軍阻山內。向軍遇雨致挫。閏八月甲申。陷永安。始僭偽號。曰太平天國。洪秀全自稱天王。楊秀清爲東王。蕭朝貴西王。馮雲山南王。韋昌輝北王。石達開翼王。洪大全天德王。秦日綱胡以晄等稱丞相軍師。時粵匪二十餘股。多爲勞崇光所殄。惟秀全等獨存。然已凶肆不可制。烏蘭泰聞永安已破。自花祿山行三百里。舍馬徒步。軍士皆疲。至佛子村。留江忠源防守。賊二千人來抄。忠源奮擊破之。斬馘八百。九月。賽尙阿移屯陽朔。鮑起豹爲湖南提督。屯江華。十月。烏蘭泰敗賊莫村。十一月。賽尙

湘軍記

卷一

八

阿合軍圍永安。官軍數十營。向榮統北路。烏蘭泰統南路。或言兵法圍城當缺一隅。榮信之。時江忠源贊烏蘭泰軍。幕頗被賓敬。知榮有違言。以書曉譬。禮下之。已甚。冀感動榮。卒不得復代。爲一書抵榮。力諫圍師缺隅之非。請合圍聚殲。又不能得。因引疾歸。

二年二月戊戌。賊自永安潰圍。北趨陽朔。己亥。烏蘭泰邀擊山岡。斬二百人。擒洪大全。會大雨。士餒甚。烏蘭泰率親兵入山。向榮繼之。賊合隊復戰。山徑犖确。爲賊乘。總兵長瑞長壽董光甲鄒鶴齡敗死。榮故隸果勇侯楊遇春部。諸

軍事。度賊必趨桂林。疾引所部。開道馳救。烏蘭泰忿失寇。率死士追至六塘墟。距桂林僅六十里。賊懼。城兵夾攻。奮力反擊。烏蘭泰受礮傷。薨。三月。洪秀全圍桂林。向榮介馬疾馳。先一時入省城。與鄒鳴鶴設守禦。余萬清將千人往援。屯北門。賊圍攻甚急。江忠源聞警。發家財募勇千二百人往援。劉長佑與之偕。劉長佑者。曾領鄉兵。擊破土匪李沅發者也。既至桂林。壁城東鷓鴣洲。再破賊於大花橋。楚軍名始顯。踰月。賊解圍。北走靈川。丁守存等檻送洪大全京師。磔於市。四月甲申。賊陷興安。丙申。陷全州。賽尙阿遣

湘軍記

卷一

九

和春將七千人追之。壬寅。賊入湖南境。江忠源躡賊全州。慮賊乘湘水漲。劫船東趨長沙。急扼蓑衣渡。狹夾岸多林木。伐木爲堰。張旗幟爲疑兵。部署甫定。賊果劫民舟蔽江下。忠源扼擊之。鏖戰兩晝夜。斃賊千計。焚賊舟幾盡。僞南王馮雲山中礮死。賊棄輜重登陸。竄永州。阻水東走道州。是時湘水漲。省防尙無備。方圻治城垣。徵忠源堵擊。賊船三四日。卽抵省。言者謂蓑衣渡一戰。爲保全湖南首功。云。余萬清時防道州。棄城不守。總督程番采駐衡州。聞寇遽登舟北行。乙巳。道州陷。程番采還衡州。六月庚辰朔。賽

尙阿移駐永州。合兵二萬餘人圍道州。檄鮑起豹還長沙。賊分犯江華。永明。嘉禾。藍山。陷之。七月己酉朔。陷桂陽。庚戌。陷郴。踞之。長沙戒嚴。

詔罷駱秉章。以張亮基代之。建治。余萬清。以雲貴總督羅繞典赴任。道長沙。留會辦防堵。繞典與秉章議防守。多不協。惟禁詔言示鎮靜。緣營兵才三千餘。募勇三千助守。偽西王蕭朝貴者。自矜雄智。誦長沙守兵單。冀可襲而取也。時賊大股由郴移踞永興。徘徊未敢進。朝貴獨率死黨千餘。繞山道東北行。丙寅。陷安仁。丁卯。陷攸。遂由醴陵趨長

湘軍記

卷一

十

沙。初省城得江忠源書。議者料賊當從未衡來。偵卒報賊已過醴陵。或疑醴陵令無公牘。在籍知府黃冕曰。賊至。令不死。卽走。奚暇曠也。宜急爲備。丙子。賊犯石馬鋪。守將福誠。尹培立以陝軍拒戰。力竭死之。潰軍走省城。羅繞典方巡城南。遽還塞其門。居民倉卒見寇幟。始大譁。賊逼社壇嶺。城上發礮擊。微卻。遂踞南門小西門。築壘於妙高峰。格山廟。示持久。時城中兵勇八千餘。隸巡撫。舉貢生員。或請領百人數十人。佐巡堞口。輒詣羅繞典言事。善化知縣王葆生與黃冕頗解談兵。戰守具倚以辦。湘楚信巫好鬼。夙

崇信長沙城隍神。禳禱者日塞路。提督鮑起豹昇城隍大像。寘南城樓。布政使潘鐸步巡衢市。諭居民無恐。八月壬午。副將鄧紹良將九百人入屯南城。總兵和春常祿李瑞德亮與江忠源偕道赴援。抵長沙。忠源察省城形勢。以南城天心閣地勢高。與城外蔡公墳犄角。可以屏蔽。東北二面與賊相持。卽馳踞蔡公墳。蕭朝貴率眾來爭。忠源且戰且築壘。和春比附而營。自是賊祇踞南城一面。不能旁擾。自廣西解嚴。向榮稱疾桂林。遷延不出。鄒鳴鶴復以留防省城爲請。

湘軍記

卷一

十一

文宗怒。禱鳴鶴職。以勞崇光爲巡撫。於時賽尙阿吳文鎔張亮基徐廣縉交疏劾榮。詔褫職。遣成榮乃起。率師援湖南。癸巳。榮追師至西岸營。嶽麓山。丁酉。巡撫張亮基新自雲南來。絕城入。延湘陰左宗棠入幕。贊軍事。宗棠旋薦郭崑燾襄理文檄。蕭朝貴攻南門。官軍擊之。殪。時洪秀全楊秀清尙踞郴。聞朝貴死。悉黨突至。庚子。攻城。江忠源秦定三迎擊小勝。忠源中矛墮。馬退。賊分屯西岸。蔓延至水鷺洲。我軍自天心閣迤邐至。新開鋪。皆築堅壘。軍聲頗壯。張亮基潘鐸喜附循。日齋酒。

肉餅粥犒守陣士約出城殺賊者級五十金城中人人自奮少壯持矛老弱傳餐夜張燈坐門備姦謀每賊薄城守陣者呼市民皆大呼聲動湘水九月丙辰賽尙阿至諸援軍大集近五萬皆遙壁數里外相顧莫肯進賊忿朝貴之死以榔桂礦夫穴地攻城九月丙子南城魁星橋地雷發城裂四丈參將張協中拒戰死鄧紹良拔刀當城缺其部卒方攤錢博戲聞警皆奔集賊一人執黃旗先登紹良手刃之弁兵齊下斃數百人黃冕呼練丁掘街石塞缺口城守復完十月己卯金雞橋地雷再發和春江忠源堵之甲

湘軍記

卷一

三

午魁星橋地雷又發城崩八丈副將瞿騰龍率死士拒缺口迎擊賊敗走官軍環城鑿外濠防穴地賊鎗礮環擊鑿者多死乃縛竹爲牌斜倚濠蒙以溼絮丸至輒墮濠始成先是

朝廷以長沙被圍奪賽尙阿程喬采官命徐廣縉代之廣縉駐湘潭遣福興駐靳家河不進省城外惟向榮時與賊搏戰榮欲奪水鷺洲古所稱橋洲也四面環水或以險絕諫榮易之甫渡賊繞洲尾襲其後部卒三千皆潰榮乘善馬揭水而免城上望之奪氣賊圍攻久地道屢無功洪秀

全懼眾攜貳偽造玉璽稱天授脅眾呼萬歲乙未夜半從浮橋渡湘西走道龍回潭趨甯鄉故分小股南行丙申城軍瞭賊壘無人走闕閫相告將帥愕視不知所往巡撫謂賊犯湘潭乃傳令南嚮徐廣縉偵賊走甯鄉遣兵防湘鄉而賊按隊徐行途中無遮遏者徐廣縉聞賊退始至長沙戊戌益陽陷賊掠船數千出臨澧口臨澧河新豎木椿塞石截行舟賊分軍趨湘陰阻水不得渡悉軍拔臨澧河木柵出洞庭犯岳州提督博勒恭武道員王東槐先數日棄城走守令皆跳十一月己酉陷之時湖北爲防江計塞土

湘軍記

卷一

三

星港距賊數月遮留估舟五千餘賊盡劫之東朦艘萬艘帆幟蔽江所過城鎮望風披靡乙卯犯漢陽戊午陷之焚漢口鎮十二月己卯陷湖北省城

詔逮治徐廣縉以張亮基署湖廣總督潘鐸署湖南巡撫駱秉章署湖北巡撫羅繞典防荆襄起復侍郎曾國藩幫辦團練初國藩官京秩以理學文章著立朝譽謬有大臣之言中外相望丁母憂回湘鄉自以奉諱歸不宜與軍事張亮基謀報武昌陷庶吉士郭嵩燾復勸之出是時各省治團練率名應無實效國藩至長沙與巡撫策守禦疏言

湖南標兵調赴大營行伍空虛因於省城立一大團擇鄉民壯健樸實者招募來省練一人收一人之益軍興二年糜餉不爲不多調兵不爲不眾往往見賊逃潰從後尾追皆以大礮烏鎗遠遠轟擊未聞有短兵相接者今欲改弦更張宜以練兵爲要務臣參仿前明戚繼光近人傅鼐成法但求其精不求其多於是檄羅澤南募湘勇三營日訓練之湘軍之興自此始矣

王定安曰自古姦雄竊據必有悍厲跋扈之姿攻城掠野躬親百戰而後僅乃得之洪秀全一猥庸鄙夫耳未嘗親

湘軍記

卷一

十四

行陣其才智不過下中託名西洋外教語尤怪迂不經非至愚極闇之人不能眩然而乘世亂一呼妖徒響應爲之效死者十餘年秀全坐擁僞號不出堂閫流毒及十六行省豈天降喪亂長養凶族俾吾民丁其厄耶毋抑初縱之而後遂不可制耶語云滔滔不絕將成江河諒哉

湘軍記卷一

東湖黃學濂校字

湘軍記卷二

湖南防禦篇

東湖王定安撰

咸豐二年十一月洪秀全竄湖北諸將帥援軍隨之東長沙守兵才四千江忠源所部楚勇最驍勁巡撫張亮基聞湘鄉羅澤南王鑫以諸生辦團練有名檄令各募一營備攻剿會侍郎曾國藩奉

命治團練駐長沙於是各軍皆隸國藩頒發營制稍用戚

繼光兵法訓練當長沙被圍瀏陽姦民周國恩藉徵義堂

湘軍記

卷二

一

名蓄養死士陰與賊通廩生王應蘋發其書被殺有

詔按問十二月巡撫張亮基命江忠源討之瀏陽知縣懼

禍意主羈縻力辨其無反徵在署吏胥多爲徵義堂黨羽

知縣聞已發兵惶急至爲血書上巡撫保徵義堂不爲亂

巡撫心動左宗棠郭崑燾力持之密飭忠源急進兵至馮

家嶺國愚率其黨蔽山而至猛撲官軍忠源迎擊破之追

至雙江口斬馘數百國愚走江西徵義堂伏莽數十年一

戰除之人心稱快忠源移軍剿益陽土匪盡捕獲平之

三年正月張亮基赴督湖北挈江忠源從楚勇畱長沙者

以江忠濟劉長佑統之曾國藩奉

命治團練以承平久吏治因循官民閼塞不通姦民枉法者益眾乃飭省城編查保甲手書告各郡邑官紳遇匪徒竊發密函達省用巡撫令旗誅之或杖斃不以煩獄吏考求民間利病興革刑賞一以自任其書辭引岳忠武不要錢不怕死二語自誓遠近喁喁企望國藩專務以忠誠感召人心每鄉里士來謁溫語禮下之有所陳務畢其說言可用則斟酌施行卽不可用亦不加詰責有異等者雖卑賤與之抗禮人人爭被濯翼自效權其材智長短器使之

湘軍記

卷二

二

聰俊愿慤各盡其用人無棄材二月洪秀全陷金陵向榮駐師孝陵衛號江南大營

詔授江忠源湖北按察使赴江南幫辦軍務江忠濟劉長佑等悉軍以從署巡撫潘鐸以賊去湖南遠奏撤兵二千餘畱沅州兵千七百防省城時永桂以上會匪充斥乘粵賊之變聚眾稱兵曾國藩重弭內難州縣寇發聞信發兵數百卽日啟行命左右料簡軍裝無稍稽畱所至弭定奸胥蠹吏亦時以便宜誅之牧令皆悚息常甯土匪何六吳歛聚白沙堡擾及嘉禾國藩遣王鑫將湘勇劉長佑李輔

朝將楚勇往討未至匪先潰三月衡山土匪劉積厚作亂劉長佑羅澤南王鑫討平之餘黨竄至攸適安仁奸民劫獄燒官署劉長佑張榮組會剿平之國藩疏言湖南會匪之多人所共知去年粵逆入楚凡入添弟會者大半附之去然尙有餘孽未盡此外又有串子紅黑半邊錢一股香等會往往成羣結黨歛聚山谷如東南之衡永郴桂西南之寶慶靖州萬山叢薄尤爲匪徒卵育之區近年有司亦知會匪之不可遏特不欲其禍自我發積數十年應辦不辦之案任其延宕數十年應殺不殺之人任其橫行遂以

湘軍記

卷二

三

釀成目今之巨寇今鄉里無賴之徒造作謠言白日搶劫非痛加誅戮無以銷逆亂之萌臣欲純用重典但願良民安生卽身得殘忍嚴酷之名亦不敢辭

詔允之四月潘鐸病免駱秉章仍移湖南巡撫安化串子會煽變以湘鄉知縣朱孫貽往剿大庾匪入桂東以張榮組往剿夏廷樾率湘勇七百繼之陽山匪犯宜章臨武永興匪掠安仁並遣夏廷樾等討之兵至輒解散五月廣西興安恭城匪犯永明江華藍山臨武零陵永桂官兵拒討之鄱衡山姦民復煽動張榮組羅澤南往捕之五月曾國

葆募湘勇至長沙。國葆國藩弟也。江忠源援江西，乞師湖南。國藩遣夏廷樾、朱孫貽、江忠淑、羅澤南等率三千六百入赴之。湘軍援鄰省自此始。六月，國藩疏薦參將塔齊布可大用。

詔賞副將銜塔齊布。初以守備見國藩，偉其才，每操軍執旗指揮，雖甚雨，轟立無惰容。遂深爲國藩所倚，令縮辰勇。七月，王鑫擊廣東匪於興甯，敗之。長沙協副將清德逮問。初國藩訓練所部湘勇，令在城官兵與湘勇五日一會操。塔齊布時署左營守備，日操皆至，清德弗善也。愬之提督

湘軍記

卷二

四

鮑起豹。詆塔齊布附國藩。起豹檄各營停操。於是兵與勇齟齬不相能。會湘勇試鎗，誤傷標兵長夫，因吹角搖旗攻湘勇。城內官民洶惶。國藩鞭一人以謝。八月，永順兵與辰勇械鬪，提標復吹角列隊攻辰勇。俄而圍塔齊布參將署。文武官坐視置不問。標兵益猖狂。公固國藩行館，矛傷從者。巡撫諭解之乃已。是時江忠源援江西，解南昌圍。奏稱賊據長江之險，宜飭湖南湖北四川置造長龍戰船。奉旨允行。國藩移駐衡州，以造船自任。湖南水師所由始也。曾國葆率湘勇從至衡州。塔齊布率辰勇駐醴陵。鄒壽璋

率湘勇駐瀏陽。儲玟躬率湘勇駐郴州。會江西土匪陷太和安福。羅澤南攻克之。餘黨竄茶陵安仁。塔齊布討平之。九月，江西匪犯興甯。廣東匪犯宜章。儲玟躬周鳳山擊走之。時國藩在衡州募練水師。衡陽廩生彭玉慶故有名。國藩一見器之。乾州楊載福任湘陰外委，調至營。並令佐國葆。國葆力薦二人之才。當獨領一軍。乃檄各募水勇一營。彭楊治水師自此始。張亮基師潰田家鎮。江忠源馳援，戰不利。總督吳文鎔入守武昌，疏請援師。

湘軍記 卷二 五

常甯土匪起，陷縣城。十一月壬寅朔，曾國葆周鳳山禦於洋泉，斬二百人。乙卯，匪陷嘉禾。庚申，圍藍山。乙丑，儲玟躬擊匪古城，斬七百人。己巳，竄道州四庵橋。張榮組儲玟躬等擊走之。十二月乙酉，郴州匪犯永興。羅澤南討平之。四年正月乙卯，吳文鎔戰歿黃州。台湧爲湖廣總督。曾國藩始大舉東征。水陸萬七千人。集湘潭。賊首石祥貞自湖北犯湖南。二月庚午朔，陷岳州。乙亥，陷湘陰。壬午，陷甯鄉。曾國藩師次長沙。聞粵賊大至，遣儲玟躬曾國葆趙煥聯等分道迎剿。玟躬破賊甯鄉，乘勝率十餘人逐北陣亡。他

軍連敗賊於靖港新康褚汝航等水師至湘陰賊聞風潰走岳州復時貴州道員胡林翼應吳文鎔之調率黔勇六百至金口聞文鎔歿無所屬國藩檄剿崇陽通城土匪塔齊布往助之三月辛丑國藩至岳州林源恩敗賊平江乙巳胡林翼敗賊上塔市丙午塔齊布敗賊江南橋是日北風大作岳州師船多壞丁未王鑫禦賊羊樓司敗績退守岳州鄒壽璋謂城空無食不可守鑫不聽戊申賊攻城急壽璋率所部至南津眾大亂國藩調師船迎救鑫縋城出退保長沙賊乘勢竄靖港陷甯鄉丙寅陷湘潭豎木城湘

湘軍記

卷二

六

水上以阻我師塔齊布自崇陽回援丁卯抵湘潭出賊不意與搏戰士皆一當十賊自起官軍率先遁未嘗當強敵塔齊布先士卒陷陣賊驚視反相蹂再戰再焚其木城國藩聞陸軍捷會水師議所往或言攻靖港彭玉麐主援湘潭乃飭褚汝航等進師四月乙巳朔賊船方順流下褚汝航等令水勇據上風放火焚獲甚眾時陸路賊憤連日敗北糾悍黨分三路來擊塔齊布指揮眾軍奮力衝突賊披靡乘勝拋火焚賊館賊遁入城塔齊布以連日血戰令暫息夜四鼓賊縱火船數隻以小船載油燈無數隨其後冀

驚擾我軍我以小艇撐拒不得近竟無損庚午褚汝航以水師擊賊手大鼓督戰彭玉麐楊載福乘三板往來礮雷鳴湘波為之鼎沸燬賊舟三百餘延燒街市百里外皆見火光餘黨駛至窰灣欲乘風上竄辛未楊載福彭玉麐追至下攝司北風勁令軍士射火自卯至未燒船七百餘紅巾黃巾隨波上下殘賊逃入城癸酉賊自西門乘梯下江忠淑伏兵奪之以登遂克湘潭是役也八日內獲勝者十斬馘萬人凶渠偽目多斃於水火解散以萬計羣賊互疑貳自相屠戮者復數百人為湘軍初興第一奇捷當擊賊

湘軍記

卷二

七

湘潭也長沙鄉團詣國藩乞師攻靖港國藩親率戰艇四十陸勇八百水急風駛須臾迫賊壘戰不利水師驟返為賊乘陸軍與團丁亦潰奪浮橋走國藩不能止發憤投水左右負之出乃回省城整兵布政使徐有壬按察使陶恩培會揭國藩敗狀請巡撫劾罷其軍駱秉章持不可而湘潭捷書疊至賊退走岳州國藩既列勝狀復自請罪文宗寬其罰姑褫職自效而嚴旨責提督鮑起豹株守不戰奪其官超用塔齊布署提督徐有壬等反詣國藩賀且謝罪故事降黜人員不得上

疏。

諭旨由大帥傳知國藩既黜名請單銜奏事。

詔曰可然有

廷寄仍由巡撫提督傳諭塔齊布事國藩謹自居部曲不主奏報國藩自專兵柄雅不為文武官所悅然每有陳乞文宗輒優畲故雖銜之而卒無以難也湘潭既復賊畏湘軍棄岳州遁五月石祥貞復自湖北糾大股陷華容踞岳州分黨擾西湖辛亥陷龍陽甲寅陷常德而另股由宜昌枝江松滋入虎渡口與西湖賊合犯澧州安鄉國藩遣胡

湘軍記

卷二

八

林翼周鳳山李輔朝援常德值湖水漲退保益陽時寇氛遍湖南北國藩方整軍船謀再舉汰舊勇為五千人增募數千檄羅澤南李續賓自衡州回長沙調知府李孟羣於廣西統水勇千人總兵陳輝龍於廣東統水師四百人礮百尊疏請署提督塔齊布從征六月己巳賊陷武昌湖北巡撫青磨久困圍城食罄援絕欲自縊眾擁之出南走長沙留數日率飢卒至荊州

詔斬以徇罷台湧總督以楊需代之曾國藩分三路進兵塔齊布褚汝航為中路趨岳州胡林翼為西路趨常德江

忠淑林源恩為東路趨崇通賊聞官軍大出棄常德澧州

走岳州己丑塔齊布敗賊新牆甲午褚汝航等渡洞庭丙

申楊載福彭玉慶夏鑾破賊君山雷公湖焚賊船百餘賊

多溺死七月戊朔官軍抵岳州賊先期宵遁庚子褚汝

航等敗賊城陵磯癸卯褚汝航彭玉慶敗賊道林磯辛亥

塔齊布會水師復敗賊城陵磯湖南肅清壬午曾國藩至

岳州遂督師援湖北湘中良將健卒強半東征湖南岌岌

憂戰守駱秉章委軍事於左宗棠宗棠剛明有智略幼讀

書究心輿地夙以諸葛亮自負秉章資其贊畫內綏土寇

湘軍記

卷二

九

外協鄰軍東征兵源餉源倚之為根本湖南屹然為強國

矣閏七月廣西土匪侵邊以王鑫周雲耀防江華王葆生

李輔朝防郴桂恭城匪犯全州遣陳立紀江忠濟分防零

陵東安八月廣東連州匪犯臨武參將趙永年拒走之仁

化匪犯桂陽乳源匪犯宜章廣西灌陽匪犯道州江華甯

遠嘉禾王鑫周雲耀及游擊駱元泰先後合擊走之曾國

藩克武昌漢陽十一月駱秉章劾罷署提督多順自是巡

撫專軍事指揮提鎮若部弁然

五年正月仁化匪犯桂陽趙啟玉擊走之匪遁入富川王

鑫周雲耀追討失利。二月賊復陷武昌。三月富川匪犯永明。王鑫等自江華馳擊破之。時黔匪大起。湖南邊境戒嚴。諸軍方專備廣東。難兼顧。於是以前廣西防委永州知府黃文琛。鄂防委岳州知府魁聯。黔防委永順知府翟誥。魁聯本以知兵補岳州。

詔擢湖南按察使。駱秉章未令之任。魁聯自以奉

特簡。徑入省城。秉章劾其委軍。仍降知府。以文格署按察使。翟誥權辰沅道。魁聯既罷。其軍隸江忠濟。駱秉章專聽左宗棠。吏事軍事。諮而後行。宗棠毅然任勞怨。謫議頗起。

湘軍記

卷一

十

然未嘗稍自卸。秉章自度才智不逮。信之彌專。時論以宗棠善謀。秉章善任。兩賢之。四月總督楊霽免。以官文代之。趙啟玉攻廣東匪於樂昌。敗死。匪陷宜章。王葆生軍潰。富川匪犯零陵。陷東安。五月廣東匪自宜章犯臨武。嘉禾。莫陷郴州。踞之。王葆生退保永興。衡陽土匪起。文格遣軍捕之。六月廣東匪踞郴者。分陷桂陽州。以劉長佑助王鑫攻東安。八月辛卯朔。匪棄東安。走新甯。全州。長佑援新甯。鑫追餘匪。匪走祁陽。於道破散。癸巳。郴匪分掠興甯。安仁。邊。癸卯。陷永興。甲辰。陷茶陵。復分黨旁掠。官軍悉屯茶陵。省

城戒嚴。九月匪自茶陵走江西。永新分掠。鄒王葆生等收茶陵。王鑫陳士杰收桂陽州。移軍攻郴。十月灌陽匪犯永明。十一月癸亥。陷之。守將周雲耀自剄死。甲子。桂陽餘匪犯甯遠。趙永年禦之下。灌城戰歿。永年雲耀皆起行伍。領營兵。至是營弁中無知名者。益專用練勇矣。乙酉。廣東匪自郴西走永明。王鑫劉長佑分軍追破之。鑫收永明。匪陷江華。長佑還師衡州。十二月貴州苗匪陷晃州。圍沅州。遂陷麻陽。官軍擊走之。

六年正月戊辰。廣東匪棄江華。遁。王鑫要擊破之。時江西

湘軍記

卷二

十一

郡縣多陷於賊。曾國藩駐南昌。

詔湖南出師援應。以劉長佑蕭啟江率師赴之。賊復由湖北入。掠平江湘陰。前隊及長沙北界。掠醴陵。攸。茶陵。走江西。遣王鑫屯岳州。十月丁酉。王鑫軍出境。收通城。十一月癸卯。胡林翼克武昌。十二月遣防邊諸軍收江西州縣。趙煥聯自茶陵收永甯。余星元自鄱收永新。蓮花廳。劉拔元自桂東收崇義。上猶。

七年廣西土匪起。興安靈川。二月遣蔣益澧率三千七百。人援廣西。曾國藩以父喪回籍。遣王鑫赴江西。助劉長佑。

攻臨江是年援軍四出境內無警

八年五月

朝旨以江西撫建均復惟餘吉安一府有曾國荃等軍數剿辦而浙事糜爛提督周天受資淺慮難統眾起復曾國藩援浙湘軍在江西者皆隸之八月曾國荃克吉安江西肅清胡林翼以母喪還益陽十月起復林翼署湖北巡撫國藩改援安徽

九年正月偽翼王石達開由江西竄湖南達開自六年韋楊構衅旁竄安徽江西福建有眾數十萬不隸於洪秀全

湘軍記

卷二

三

圖竊據自雄聞四川雄富欲道楚入蜀乃由南安崇義入桂陽縣總兵劉培元彭定泰防軍敗績二月陷宜章興甯郴州桂陽州人馬行六晝夜不絕湖南大震賊自桂陽窺衡州間道出花園堡陳士杰軍數百扼七孔橋猝相遇憑橋發礮賊愕而止魏喻義方移營見賊至自山後吹角而出賊不測多少返奔趨新田甯遠圍永州別陷嘉禾臨武時湖南兵餉皆竭於遠征腹地空虛駱秉章以戰守事委左宗棠宗棠听夕草檄告州郡徵召劉長佑江忠義田興恕等赴急而令劉培元等集潰卒蕭啟江還湖南劉坤一

趙煥聯周寬世等領舊部總督官文鄂撫胡林翼復遣蕭

翰慶等率水師回長沙陳金鼐舒保爲後援一月內成軍四萬人湘防賴以固劉長佑軍至永州賊解圍走祁陽道州連陷東安新甯四月乙巳賊犯寶慶分圍武岡江忠義先期至武岡守禦圍五日解去石達開自攻祁陽遣周寬世朱品隆陳湜往祁陽助守陳士杰趙煥聯魏喻義防衡陽驛道遇賊熊羆嶺卻之賊聚圍寶慶增遣劉嶽昭等助軍英德匪北趨遣蕭啟江陳士杰等防郴五月陽山匪犯臨武藍山甯遠陷永明江華賀縣胡林翼遣李續宜將五

湘軍記

卷二

三

千人渡湖援寶慶賊大合圍連營百里號三十萬當是時田興恕壁城東趙煥聯壁城西余星元屯洪橋在興恕東劉長佑從麻溪渡濱亦屯城西李續宜渡浪溪而營水陸軍四萬皆隸續宜然湖南名宿將多在非續宜所能統賊聞新軍至欲急破之以潰諸軍六月丁卯續宜在長佑軍中賊方來攻續宜悉軍助守賊卻走續宜麾軍乘之破賊壘七其夜賊吹角滿山野集眾西渡明晨佯以前隊攻我軍其後隊引而南走田興恕開壁出戰眾軍呼噪追逐賊悉眾引去石達開遂竄廣西蕭啟江躡之出境李續宜還

湖北田興恕趨靖州防黔邊八月廣東連州匪入宜章胡國安拒走之黃澹熙敗賊江華石達開圍桂林遣劉長佑募新軍與蕭啟江赴援長佑遂留廣西授按察使九月陳士杰黃澹熙擊匪藍山平之十二月石達開分黨四出以黃澹熙劉嶽昭防永桂張運蘭防道州

十年閏三月江南大營潰四月蘇州陷曾國藩權兩江總督左宗棠以四品京堂幫辦軍務自是湖南軍事一以四品卿郭崑燾任之崑燾固與宗棠襄贊軍務歷年久知人善任略與宗棠等歷官不達其名未大顯云五月劉嶽昭

湘軍記

卷二

古

等出境克賀縣駱秉章奉

命督師入蜀文格署巡撫八月石達開遣黨犯永明九月陷綏甯城步攻武岡以江忠義為大將拒之城守三日賊走新甯十月賊陷東安掠道州永明江華而東自藍山趨桂陽縣宜章守將胡國安戰死賊竄南安

十一年二月石逆後隊自藍山走桂陽縣三月貴州匪入靖州五月

詔文格還布政使任以毛鴻賓為巡撫九月石逆黨復犯綏甯其前在貴州者自來鳳入龍山知縣先走典史朱克

敬率民兵守之易佩紳道永順馳擊之賊解圍去佩紳再戰失利以趙煥聯領省城防軍十月石逆黨陷會同十一月石逆至永明與來鳳賊合走四川

同治元年正月貴州苗教匪起援軍出銅仁

詔授田興恕欽差大臣專治貴州軍時湖南無寇惟月報廣西貴州邊防二年三月以席寶田江忠義軍出江西援安徽五月毛鴻賓遷督兩廣惲世臨為巡撫八月石逆部黨李復猷犯永綏時達開已於四川伏誅餘眾欲還廣東出酉陽窺辰沅湖南名將皆遠出郭崑燾繼左宗棠經營

湘軍記

卷二

古

征繕指揮諸將裨前後各帥皆倚之李復猷入會同綏甯犯道州陳士杰拒戰賊走江華竄廣西別部掠通道敗靖州防軍十月廣東軍誅李復猷於連州三年五月江浙逸賊犯江西大增防軍分屯諸郡六月曾國荃克金陵洪逆平四年三月惲世臨罷李瀚章為巡撫三月洪逆餘黨汪海洋等屯踞閩廣邊議四省合擊復增軍遣陳士杰自桂陽出仁化王永章自宜章出樂昌張義貴屯郴州四月鮑超軍譁於金口大掠而南入攸殘安仁陳士杰邀擊於桂陽大破之餘千人逸去十二月汪海洋及叛軍皆平五年

以李元度爲大將。出沅州。周洪印領二十營出靖州。援貴州。六年夏。李瀚章遷總督。劉琨爲巡撫。罷周洪印軍。以席寶田募新軍討苗。十一年春。席寶田盡平貴州苗軍。竣四境無事。而水陸軍如故。省城夜懸火擊柝。若備寇至。如是者數年。

王定安曰。湖南居楚偏隅。襟山帶水。其民飯稻羹魚。自給無秦晉商賈巨萬之家。賦稅儉薄。纔敵江浙一大郡。自粵寇起。兵餉大源由之出。初援捐輸例。量贖入官助軍。已乃算緡錢。權百貨而稅之。謂之釐金。釐金始揚州。浸淫及湖南。北歲入數倍課稅。縮以局員。藩司署紙尾。不能問其出入。東南各省仿行之。饋餉不責之大農。遂以內緩外伐。嗚呼。富強之術。豈不由人哉。

湘軍記

卷二

六

湘軍記卷二

武昌范德培校字

湘軍記卷三

規復湖北篇

東湖王定安撰

湖北居天下之衝。西連秦蜀。東控吳會。南入湘粵。北達中原。四戰之國也。自昔南北紛爭。則扼襄漢。楚蜀相攻。則守荆彝。江左偏安。則重武昌。武昌據上游。謀金陵者。率取建瓴之勢。風利浹旬。可二千里。故楚旗東指。則三吳震駭。由形便勢順也。洪楊初起。其眾烏合。才數千。斬木揭竿。望屋而食。咸豐二年三月。大舉犯桂林。不克。八月。圍攻長沙。幾

湘軍記

卷三

一

陷者數矣。卒困堅守。弗得逞。舍之去。十月。掠舟渡洞庭。浮大江。順流而東。賊船號萬艘。長驅莫遏。凶燄自此盛矣。時總督程喬采駐湘潭。聞湖南解嚴。始入長沙。議軍事。提督博勒恭武棄岳州先遁。獨向榮率師躡之。十二月乙卯。賊薄漢陽。漢陽與武昌隔一江。巡撫常大澗疏請江南提督雙福入武昌助防。已聞賊舟蔽江下。令軍士火城外廬舍。乘城而守。承平久。官民惶懼。罔所措。而漢口爲商賈輻湊地。繁富甲天下。戊午。賊陷漢陽。知府董振鐸巷戰死。遂燒漢口。延綿十五里。火聲隆隆。五晝夜不絕。鄂中財富盡矣。

武漢江面廣闊。值北風起。則斷渡。冬令水涸。江中漲巨洲。賊自漢陽以鐵索繫船為浮橋。絡繹達武昌。往來渡兵。風濤竟不作。益自詡為神助。傍省城四圍築壘。日夜環攻之。當是時。向榮援軍萬人駐洪山。號勁旅。隔賊壘不能進。遣謀入城約巡撫夾擊。大溜度人心未固。啟城則眾志搖。未許。十二月丁丑。向榮自洪山進攻。破賊壘數十。賊驚亂。榮蹙之沙河。尸骸枕藉。河水為不流。勝兵距城才三里。使人呼城軍。城守兵單薄不任戰。大溜主持重。仍不許。會天寒。雨甚。火藥濕。榮始收軍。賊瞰文昌門濱江。穴地丈餘。守陣者以管理地潛聽。隱隱有聲。請內穴注水灌賊。大溜又不從。己卯。地雷發。省城陷。賊旗猶未登。城內外援守軍望而走。皆匿旁邑。無一人抵禦者。異於長沙城守時矣。大溜湖南人以遲回致敗。城亡身死。眾皆歸咎。至今談者有遺憾焉。是時布政使梁星垣按察使瑞元道員王壽同王東槐林恩熙武昌府知府明善同知周祖銜等皆殉難。江夏縣知縣繡麟持矛巷戰。死尤烈。紳民婦女懸梁投水者數十萬人。死喪之慘。二百年所未有。事聞。文宗震怒。徐廣縉逮問。以張亮基署湖廣總督。駱秉章署

湘軍記

卷三

二

湖北巡撫向榮為欽差大臣。又授前大學士琦善欽差大臣。偕直隸提督陳金綬內閣學士勝保自河南進剿。遏賊北竄。時兩江總督陸建瀛督兵防江皖。前軍駐黃州。老鼠峽。洪秀全既陷武昌。有眾五十萬。掠民船數萬。與楊秀清等議所嚮。或言據武昌為偽都。遣兵道襄樊。北犯中原。或言金陵天府。饒財富。宜踞為根本。徐圖進取。楊秀清主之。遂決意東。三年正月丁未。洪秀全棄武昌。悉眾東下。輜重婦稚置舟中。帆檣蔽江。陸軍夾兩岸行。所過武昌黃州蘄水蘄州皆殘掠。江南軍禦之。老鼠峽敗績。陸建瀛退走金陵。向榮收復湖北省城。招集官民籌善後。榮率師追賊。署總督張亮甚至自湖南。江忠源率楚勇從之。壬戌。賊陷安慶省城。二月乙酉。陷金陵。建偽都。向榮追師駐孝陵衛。詔授江忠源湖北按察使。飭赴向榮大營。時曾國藩治團練長沙。始創湘軍。崇陽通城土匪大起。眾數千人。毘連湖南國藩遣江忠源劉長佑率楚勇往討。三月。江忠源回軍會勦平之。自粵賊入鄂。姦民乘機煽變。濱江則沔陽監利石首通城蒲圻崇陽等邑。濱漢則襄陽安陸德安等郡。盜

湘軍記

卷三

三

賊時時竊發。張亮基檄州縣行團練法。遴紳耆董其事。募
質練丁相保衛。盜風稍戢。四月。駱秉章移撫湖南。崇綸爲
湖北巡撫。江忠源自鄂東下。師次九江。聞賊趨江西。移軍
援南昌。八月。南昌解嚴。賊出湖口。上犯湖北。張亮基調撫
山東。吳文鎔爲湖廣總督。未至。亮基遣同知勞光泰率礮
船扼守田家鎮。道員徐豐玉張汝瀛任防堵。橫江編巨筏
遏賊舟。九月。賊踞半壁山。乙卯。江忠源自江西馳至。望賊
營歎曰。此天險也。軍情地利兩失之。謀以次日營羊角山。
而賊船乘風上駛。急赴水營拒敵。賊自半壁山以礮下擊。

湘軍記

卷三

四

防軍跳。勞光泰所部潮勇潰走。忠源率鶴麗鎮兵搏戰。失
利。北屯廣濟。徐豐玉張汝瀛等陣歿。賊水陸大進。陷黃州。
按察使唐樹義由廣濟屯黃陂。知府金雲門死之。遂陷漢
陽。知府俞舜卿抱印投水死。省城戒嚴。吳文鎔行次長沙。
聞敗狀。馳入武昌守之。文鎔曾國藩座師也。專倚湖南援
疏調湘軍。

詔曾國藩赴湖北。援勦駱秉章任餉事。責吳文鎔等堅守。
荊州將軍台湧撥兵往助。國藩方議造水師。未遑遠略。與
秉章謀。檄知府張承實同知王鑫率湘勇三千赴鄂。賊旣

踞漢陽。分股北陷孝感麻城。擾及德安。學政青麐檄知縣
張開籌募練丁二千防守。張亮基前調鄖陽兵五百至。應
城唐樹義楊昌泗紮楊店。賊阻防兵退漢陽。同知伍惺連
擊敗之。十月丙子。賊悉眾竄黃州。武昌解嚴。王鑫湘軍亦
未果行。江忠源回軍漢陽。

詔授爲安徽巡撫。十一月。侍郎宋晉疏請飭曾國藩會江
忠源援皖。

詔促其行。國藩因建三省會防之議。且言黃州有賊。援兵
不能遽達皖境。論目前緊報。則廬州爲燃眉之急。論天下

湘軍記

卷三

五

大局。則武昌爲必爭之地。能保武昌。則扼金陵上游。固荆
襄門戶。通兩廣四川餉道。目今之計。宜合兩湖兵力。水陸
並進。以勦爲堵。不使賊舟回竄武昌。爲決不可易之策。因
移書吳文鎔。謂南北兩省。以堅守省會爲主。俟水師成。乃
言勦。十二月。廬州陷。江忠源死之。巡撫崇綸劾督臣閉門
株守。

嚴旨責文鎔。文鎔初議堅守省城。以待援。移書國藩。戒以
無輕赴敵。必俟成軍。乃行。時賊方擾江北諸城。未渡江。文
鎔駐宿漢陽門。籌戰守。與士卒均甘苦。從容布署。人心恃

以爲固。至是赴黃州督師。屯堵城。仍以書報國藩曰。君所練水陸各軍。必稍有把握。而後可應敵。不可以吾故。率爾東下。東南大局。恃君一人。恐此後無有繼者。吾所處與君固不同也。

四年正月庚戌。吳文鎔攻賊黃州。乘逆黨張燈高會。出不意。馳突之。斬賊數百。連日大雪。軍士多凍死。賊分黨繞大營。後設伏山岡。乙卯。賊大出撲我師。伏起火發。十三營皆陷。弁兵棄大帥走。文鎔死亂軍。賊進陷漢陽。唐樹義水師亦敗於賊。落水死。

湘軍記

卷三

六

詔台湧署總督。仍促曾國藩赴援。時楊秀清遣石祥貞率大股越武昌而上。二月庚午朔。陷岳州。漢黃之賊溯襄河。進陷德安。隨州。棗陽。學政青麐自德安入省城。與崇綸收集潰兵。籌防守。崇綸以憂解職。青麐代爲巡撫。標兵才千餘。不敷雉堞。增募湖南四川勇乘城。涼州高州總兵駐城外。諸郡縣多殘破。外援絕。守軍益孤。於是曾國藩始率湘軍建旗東征。定營制。以五百人爲一營。其非湘鄉人各領鄉勇者爲小營。凡陸營五千餘人。爲十三營。前後左右中旗幟色用其方。以塔齊布周鳳山儲玟躬林源恩鄒世琦

鄒壽璋楊名聲曾國葆領之。而塔齊布爲諸軍先鋒。水軍五千人爲十營。五爲正。五爲副。衡州募者六營。以成名標諸殿元楊載福彭玉麐鄒漢章龍獻琛領之。湘潭募者四營。以褚汝航夏鑾胡嘉坦胡作霖領之。而褚汝航爲水軍總統。戰艦二百四十。坐船二百三十。員弁丁夫萬七千人。軍容於斯爲盛。時貴州道員胡林翼帶黔勇六百至金口。國藩檄調回湘。疏薦林翼之才。堪倚辦賊。未幾拜貴東道。林翼之經營湖北。主持東征大計。由國藩啟之也。三月。林翼等敗賊平江。塔齊布敗賊白港。丁未。復通城。襄河之賊。

湘軍記

卷三

七

糾黨上犯。丁卯。陷安陸。四月甲戌。陷荊門州。窺荊州。將軍官文遣副將王國才禦賊龍背橋。擊走之。戊子。陷宜昌。總兵訥欽知府吳開陽先期遁。初。東湖知縣張軒鵬約其鄉人李光榮募三峽劇盜五百人。保川鹽運道。川勇喜騷擾。劫掠市廛。民大譁。聚萬人。縛其酋楊五。誅之。軒鵬不自安。乞解任。以巴東知縣鄭奎齡代之。甫三日。而城陷。四鄉土匪起。川盜數百人。踞石牌峽。劫行旅。殺人投之江。凶殘尤甚於賊。賊踞十日。棄城去。鄭奎齡誅土匪。川盜數十人。居民稍復。是時賊酋石祥貞兩陷岳州。曾軍輒擊走之。塔齊

布等大捷於湘潭。賊悉眾竄湖北。語在湖南防禦篇。丙申。官文遣李光榮復監利。五月庚子。李光榮復石首。賊自宜昌南竄者。由宜都枝江松滋道虎渡口入湖南。與西湖賊合。戊申。青麐遣楊昌泗書紳魁玉擊賊磯窩。敗之。賊舟自漢口橫竄塘角鮎魚套。侯鳳岐等擊走之。時省城守兵益飢疲。居民遷徙殆盡。魁玉楊昌泗屯城外。僅能自守。青麐素寬大得眾。餉匱數月。兵不忍舍去。乃以衣裘金玉充犒。賞食盡。與士卒啖糠覈。六月己巳。奸細竊發。省城陷。布政使岳興阿按察使曹懋堅糧道李卿毅等死之。青麐見賊旗入。欲自縊。眾擁之出。魁玉楊昌泗率所部隨護走長沙。中途逃者大半。其存者纔數百。羸悴無人色。駱秉章資之米。青麐西保荊州。

湘軍記

卷三

八

龍笑曰。治水師三十年。何懼也。至是戰沒。三營水師皆陷於賊。一軍奪氣。明日。楊載福至。急請出戰。且曰。戰者勇氣也。吾視諸軍氣餒甚。昨日之敗。不急消除之。將不復能自立。復出陷陣。陵突賊船。大破之。奪回所失礮船三十餘。塔齊布亦破城陵磯。賊壘禽偽。秋官丞相曾天養梟之。天養廣東人。貌狎猛。驍悍善戰。賊中自楊秀清外。推天養為最能軍。伏誅後。羣賊為茹齋。六日己未。諸殿元劉士元戰歿。癸亥。羅澤南破賊九塘嶺。澤南初合軍。未嘗出陷陣。賊以為怯。至是賊犯營。開壁大戰。遂以勇略聞。名亞塔齊布。賊分股竄鳳凰山。塔齊布擊破之。乙丑。塔齊布羅澤南破賊高橋。丙寅。李孟羣水師追賊至荆河腦。是月。荊州軍林天植克沔陽。復仙桃鎮。副將劉富成克安陸府。總兵雙保克天門。知縣李殿華克孝感麻城。於是黃州漢陽屬邑。以次收復。閏七月戊辰朔。塔齊布偵高橋賊營。燈火往來如織。度賊將他遁。己巳。羅澤南李續賓李原治麾軍摩壘。壘中但張旗幟。守者寥寥。縱火燔之。塔齊布率諸軍攻城。陵磯賊二萬人來迎。值大風雨。湘軍大呼陷陣。燬其壘十三次。日。李孟羣率師自擂鼓台順荆河窮追二百里。至嘉魚境。

湘軍記

卷三

九

羣賊遁回武昌。國藩進駐螺山。官文遣魁玉、楊昌泗來會。復嘉魚、蒲圻。李孟羣、楊載福水師抵金口。塔齊布破賊羊樓峒。八月己亥，鄂軍復斬水廣濟羅田。庚子，塔齊布復崇陽。破賊咸甯。賊自岳州屢勦，人懷離志。國藩擇津路分張。告諭投木牌江中，解散脅從，索路票回籍者四千餘人。武漢踞賊僅二萬。楊霽諸軍扼北路。官文所部楊昌泗、魁玉扼西岸。曾軍中江而下。丁未，國藩至金口，乘小舟至沌口。登小軍山，以望武昌。賊營歷歷在目，定分路進兵之策。一由金口達花園，一由紙坊達洪山。初水陸各軍破賊城陵

湘軍記

卷三

十

磯。國藩會集諸將，令陸軍收復崇通各城，以赴金口。再會水軍議進止。至是復議各軍所向。羅澤南袖圖進曰：賊精銳盡聚花園，環城賊壘九座，長濠巨障，延袤數里，扼水陸爲守。破花園賊壘，武昌可不攻而下。宜遣重兵擊花園賊壘，而以一軍駐洪山爲犄角，防賊繞竄。是時塔齊布軍八千，澤南軍三千，澤南意以花園屬塔齊布，塔齊布專任戰事。行軍進止，取決周鳳山。鳳山以爲難，澤南奮袂起曰：吾軍少，不足當大敵，必無人任此。澤南請當之。國藩益以李光榮、川勇千人，普承堯、彭三元、寶勇千人，歸澤南部署。赴

花園。塔齊布趨洪山。國藩自率李孟羣等水師兩班序進。前班乘中流駛過鸚鵡洲，出賊後，賊回船下救。我軍張兩翼抄繞而上，後班從上夾擊，盡斃於水。國藩令奪五綵篷者賞百緡，須臾獲其六艘。楊載福徇鹽關，火其舟。羅澤南、李光榮、李續賓攻花園，分湖邊江邊中路而進。賊方憑木城守，澤南令於眾曰：鼓而進，手鎗持滿，伏地蛇行，及壘而起，眾皆諾。賊自木壘礮擊如雨，三伏三進，逼賊巢。續賓、光榮踰溝入，火其營。魁玉、楊昌泗攻蝦蟆磯，衝入土城，縱火燔原兩岸之火，與江中火燄合，天爲之赤。楊昌泗追至鸚

湘軍記

卷三

十一

鵝洲。與水師夾擊，日已暝。李孟羣猶麾軍前進，率楊載福等毀沿江木柵，進攻鮎魚套。礮中賊火藥船，羣舟與賊尸飛墮空中。戊午，國藩仍令三路進攻。李孟羣攻漢陽朝宗門土城，楊載福等攻塘角。何越珽攻漢口，載福追賊至青山。北風勁，挂帆西歸。隨李孟羣入漢口內河，焚賊船，尸蔽江。孟羣回攻漢陽，魁玉、楊昌泗亦自上游轉戰而下，悉燬大別山晴川閣木壘。於是城外賊船賊壘皆盡。夜四鼓，賊酋石鳳魁、黃再興開東北門走，留悍賊數百，搖旗放礮，佯作堅守狀。我軍向漢陽門望山門轟擊，壯士從僻處攀堞

而登。餘賊狂奔。截殺百餘。李孟羣入保安門。逕奔其父李卿穀。殉難之所。痛哭收骨。軍士爲之感泣。是時漢陽之賊。方與水師對擊。楊昌泗自南門梯繩入。魁玉伏西門。月湖隄。截殺逃者。午未之間。兩城同克。塔齊布聞花園克捷。讓周鳳山曰。羅君書生。以少兵當大敵。我乃避居此。豈不爲笑。俄城賊逃出。塔齊布邀擊洪山。蹙之沙湖塘角灣。溺斃無算。賊踐尸。逃。行至中流。亦沒。拔出幼孩二百餘。降者七百餘。捷聞。

文宗手詔答曰。覽奏感慰實深。獲此大勝。殊非意料所及。

湘軍記

卷三

十三

朕惟兢兢自持。叩天速救民劫也。旋以國藩署湖北巡撫。

中外噴噴。稱湘軍爲勁旅。益以澄清大局。屬望國藩。

朝廷諭國藩規金陵。責楊需任防守。國藩以母喪未除。辭巡撫。

詔賞兵部侍郎銜。以陶恩培代之。調四川按察使胡林翼爲湖北按察使。楊需自德安入省城。國藩遣魁玉楊昌泗勦襄河餘匪。楊載福水師入漢江。搜賊船。盡燬之。時黃州武昌縣皆復。而南岸悍賊集興國。北岸悍賊集蘄州廣濟。皆以舟楫爲巢穴。國藩疏陳進兵方略。以塔齊布攻興國。

大冶提督桂明領鄂軍攻蘄州廣濟。自率水師趨黃州。

詔慮桂明難任。飭文武官歸國藩節制。九月乙酉。楊載福

彭玉慶破賊蘄州。丁亥。塔齊布克大冶。羅澤南克興國。

詔授澤南浙江甯紹台道。十月壬申朔。羅澤南拒賊半壁

山。敗之。半壁山者。孤峰拔起。前瞰大江。異時鄂軍失利。江

忠源稱爲天險者也。賊據山作五壘。引湖溝之北。自田鎮

至蘄四十里。沿岸築城。鐵索纜江。自半壁山屬之。田鎮以

遏舟師。乙亥。僞燕王秦日綱率眾自田鎮渡江。澤南營逼

半壁山。塔齊布營逼富池口。中隔水。方作浮橋通兩軍。賊

湘軍記

卷三

十三

出千餘阻谿。我不得橋。時南北兩岸賊屬集山左右。約二

萬眾。澤南兵才二千六百。士恒懼。李續賓手刃逃勇三人。

眾稍定。澤南與續賓分踞高阜。誠諸軍堅忍弗動。別將列

江岸以待。賊三進三退。澤南鼓之。斬其大將二。回奔半壁

山。澤南麾擣捷者躍而登。賊迫峭壁。墜崖死者數千。北岸

賊奪舟逃。舟相擠。輒覆沒。追軍至。賊多投江。操舟者股栗

不知所爲。遂奪半壁山。澤南呼壯士絕崖斷鐵鎖六。竹纜

四。丙子。賊復自田鎮渡江。奪浮橋。澤南擊卻之。賊既失山。

因作大筏傍岸。以固鐵纜。江中橫大筏三。盡鉤小船。節節

相牢連斷其一節明日復合彭玉磨建議分船為四隊以
 其一守營而備鑪樵椎斧炭薪於頭隊船趨鐵纜下玉磨
 率二隊繼進燒二舟劉國斌椎鎖下鉗孫昌凱鼓鑪冶鎖
 鎖盡斷筏上賊潰走溺水楊載福率三隊衝下至鄔穴回
 船擲火燒而上玉磨燒而下賊舟盡田鎮賊跳斬州亦復
 水師直達九江癸亥塔齊布羅澤南克廣濟十一月己巳
 克黃梅曾國藩進駐九江楊需駐廣濟桂明駐黃州自是
 湖北軍事專於總督上游則荊州將軍主之十二月安徽
 九江諸賊以曾軍攻九江急謀擾官軍後路分股竄湖北

湘軍記

卷三

古

時楊需所部新舊兵勇二萬餘常疏列戰功實浮滑不足
 任見賊輒敗衄賊竄黃梅趨廣濟眾約四五千撲需營方
 歲除置酒高會未交鋒營中火起部弁李士林倉皇扶需
 突圍走蕪水而另股由小池口竄鄔穴龍坪聲言犯武漢
 湖北復大擾

五年正月乙丑朔偽燕王秦日綱檢點陳玉成丞相羅大
 綱會於蕪州己巳楊需走漢口賊躡之需不敢回省以堵
 賊北犯為名率六千人趨德安留河南勇千五百守蔡店
 楚勇三千駐楊店辛未賊陷漢口聞需已北行遂踞漢陽

沿江設壘遣黨入襄河犯漢川天門沔陽癸酉賊自蕪州
 竄黃州另股由富池口南渡至興國擄數千人陷通山崇
 陽通城咸甯擾江西武甯境曾國藩遣李孟羣援武昌師
 船泊黃鵠磯彭玉磨所部泊鮎魚套巡撫陶恩培主守事
 疏陳防禦情形

詔恩培不得專保武昌置漢陽漢口於不顧又以曾國藩
 圍攻九江楚北賊熾後顧甚可慮飭國藩派陸軍赴援免
 腹背受敵胡林翼自以湖北臬司有守土責詣國藩請行
 國藩遣林翼率兵二千五百王國才兵三千石清吉兵千

湘軍記

卷三

五

回援武漢荊州軍林天植攻仙桃鎮戰歿副將劉富成克
 漢川二月胡林翼擢湖北布政使庚戌湖北省城陷省城
 兵初僅二千是時內外防軍萬餘總督在德安陶恩培任
 事甫三月胡林翼李孟羣新自江西來援恩培與武昌知
 府多山嬰城守賊懼水師不敢渡由興國通山道青山至
 塘角林翼孟羣方攻賊城外忽見省城火起鮎魚套水師
 被焚急馳救而守陴士見賊黃旗爭縋城走外兵亦逃賊
 繩引而上恩培赴水死多山然城上大礮再發不鳴自剄
 死王國才自九江馳至已三鼓不知城已失見城閉呼門

入賊初不辨其官兵。及蛇山前兵與賊始相愕。殺聲互起。國才業已入。率親兵巷戰。登城招水陸軍皆不見。明日退出。駐城外。胡林翼潛夜結筏渡江。駐湏口。集潰卒。三月。

詔胡林翼署湖北巡撫。當是時。長江漢河寇氛充斥。巡撫號令不出三十里。退屯金口。倚水師自保。增募二千六百。人合之。國才軍號六千。而國才屯沌口。與水師兵餉皆仰湖南。用兵久。庫儲益罄。欠餉輒逾數月。楊需屯德安。猶虞不自保。疏請巡撫駐漢川。截賊北竄。林翼上言。荆襄據東南形勝。江漢又荆襄咽喉。急攻武漢。一城獲而兩城必復。湘軍記 卷三 六

乃能內固荆襄。外遏上竄之路。詔允之。四月。楊需退屯隨州。劉富成擊賊長林港。失利。賊由平林市犯隨州。西安將軍札拉芬來援。戰死。楊需退走棗陽。

詔奪需官。以官文為總督。常恩署布政使。曾國藩憤武昌屢失。疏言鄂中兩府一鎮。繁華甲天下。督撫標兵淫侈偷惰。不可用。自咸豐二年粵匪至鄂。迄今不滿三載。大潰者五次。小潰小敗不可勝數。臣愚以為宜變易前轍。掃除更張。凡標兵之求歸行伍者不收。練勇之曾經潰敗者不用。

大抵山僻之民多獷悍。水鄉之民多浮滑。善用兵者好用山鄉之卒。不好城市近水之人。欲募湖北額兵。宜在襄鄖等處深山窮谷之中。招選寒苦力作之民。擇其英鷲者。假以時日而訓練之。然後可得一旅勁兵。古之謀大事者。克一二名城。不以為喜。得一二良將。數千精卒。則以為大喜。失一二名城。不以為憂。失一二良將。損傷數十壯士。則以為大憂。即素稱精勁之師。或師勞而疲。或餉匱而散。或不和而驕蹇。則愈引以為憂。故湖北急務。惟募額兵新勇。目前之收復鄂垣在此。異日之保守楚疆亦在此。五月。楊

湘軍記 卷三 七

需退走襄陽。授西凌阿欽差大臣。攻德安。官文屯潛江。天門開。胡林翼進屯紙坊。楊載福自湖南率水師來會。林翼以武昌城周二十里。門有九。圍攻力不足。建議先攻漢陽。重兵扼湏口。蔡店。截其竄襄之路。潛江隄。水師腹背攻之。則漢陽孤而城可破。後竟如所策。六月庚戌。官文遣軍復雲夢。辛亥。復應城。以孔廣順劉富成攻德安。楊昌泗常恩分三路。徇阜市。京山。沙洋。為聲援。荆襄之防始固。七月。胡林翼遣彭玉磨攻蔡店。庚午。克之。燬襄河鐵索浮橋。連破賊於塘角。大別山。平其壘。乙亥。官文遣李光榮等克漢川。

八月壬辰。胡林翼自將攻漢陽。阻賊不能進。屯麥山。戊戌。賊撲營。軍士要餉不肯戰。林翼強之出。譟而奔。林翼發憤。索馬將死敵。圍人反鞭之。馬驚逸弗止。遇鮑超船載之去。諸裨弁聞巡撫在。潰卒稍集。屯大軍山。汰疲羸。增選精銳。調王國才駐大軍山。移營新隄。改李孟羣為陸軍大將。楊載福為水師總統。駐嘉魚蒲圻間。部弁以披襟當礮石為樂。林翼禮下走卒。人人自奮厲。軍勢復振。羅澤南在江西。上書曾國藩言。東南關鍵在武昌。株守江西。如坐甕中。日與賊搏戰無益。今賊據武昌。關鍵已失。崇通羣盜如毛。江

湘軍記

卷三

六

西湖南邊邑均不得安枕。欲制九江之命。必由武漢而下。欲解武昌之圍。必由崇通而入。為今之計。宜令南康水師。潯陽陸師合力攻湖口。橫踞大江。截寇船上下。請率所部。徑出崇通。據上游以圖武昌。取建瓴之勢。武昌復。東南大局始有轉機。國藩偉其言。時塔齊布新喪。湘軍所恃惟澤南。幕客劉蓉力言。羅軍赴鄂。江西兵力益單。恐不能自守。國藩曰。吾固知此軍去。勢益孤。然規武昌以維東南大局。宜如此。豈能為吾一身計。蓉曰。如此。吾亦從赴鄂。冀稍自效。於是遣澤南率五千人以行。澤南析其軍為三。自領中

軍。以劉蓉將左軍。李續賓將右軍。道義甯取通城。九月乙丑。澤南克通城。甲戌。克崇陽。林翼聞援軍深入。躬逐之。己卯。遣三千人。鶴蒲圻。適援賊數萬。自義甯來。我軍敗績。復擊敗湖南防軍於羊樓峒。守將江忠濟死之。澤南遣兵爭羊樓。而自屯崇陽。石達開率黨至濠頭。欲襲澤南軍。澤南遣彭三元。李杏春往攻之。為所乘。三元等兵少戰歿。澤南馳援不及。橫出羊樓。與林翼合軍大破之。西凌阿與荊州將軍綿洵攻德安。久不克。

詔奪西凌阿官。以官文為欽差大臣。孔廣順逮問。官文先

湘軍記

卷三

六

聞麥山敗。自沔陽還鍾祥。至是移屯德安。詔責官文遷延。德安賊僅數千。官文遣副將顏朝斌誘降賊目陸長年等為內應。安陸人鄭蘭芳蔡業廣入城受約。賊棄城遁。德安復。癸巳。羅澤南破賊羊樓峒。癸卯。胡林翼自嘉魚至澤南營。勞師合兵西攻蒲圻。賊眾三萬。據白羊水以通咸甯。林翼用蒲圻舉人賀霽若計。出閒道。據城西。北鐵山。賊出不意。盡失其險。澤南令軍士積薪燒其柵。賊驚奔。破其壘五。營將劉萱陣亡。萱。劉蓉弟也。沈毅能兵。以先登中礮死。我軍乘夜憑山吹角。城賊盡走。蒲圻復。甲辰。

官文軍復漢川十一月庚午林翼澤南合軍攻咸甯辛未楊載福自六溪口東下遣都司鮑超循南岸游擊李成謀循北岸克金口遂移駐金口先是長江爲賊有揚帆擄掠莫能制自國藩創立水師所紮營處無敢飛越者武昌陷賊數年而新隄商賈雲集徵釐轉餉遂爲重鎮水師之力也林翼屢疏陳國藩創立水師爲保全東南第一功云甲戌林翼等會師金口王國才由沌口出新灘會鮑超等攻賊破之水師駐大軍山乙酉澤南將五營屯洪山林翼將四營屯省城南五里墩城外賊見林翼軍至出拒戰澤南

湘軍記

卷三

三

襲之破大壘一小壘二李孟羣軍薄攻漢陽官文前軍攻漢陽者與南岸軍相聲援都興阿將馬隊護水師水陸聲氣相通羣帥和輯戰士人人自奮湖北軍士異於往昔矣十二月庚寅朔官文至三眼橋督李孟羣攻漢陽西門擊龜山月湖援賊破之水師至五顯廟破其水卡二十西門外賊壘皆盡辛卯澤南作浮橋於鮎魚套燬賊礮台北至塘角燬漢陽門外船廠林翼攻望山門二壘平之賊自是不敢出

六年正月羅澤南敗賊於小龜山大東門沙湖隄屯二軍

寨灣截賊餉道時石達開韋昌輝並擾江西陷七郡議者交章請調羅軍

文宗以武漢功可期持不許澤南上書曾國藩言武昌垂克南北岸皆爲我有陸軍扼寨灣水師扼樊口賊糧斷不能持久大功倖成當與麾下會薄城然澤南念國藩艱危戰益急自正月至二月大勝數十小戰百數官軍每戰輒薄城下仰攻多傷死三月戊午朔大霧己未城賊出焚小龜山民廬澤南陳大東門伺其歸要擊之賊開三門出萬眾拒戰澤南分軍三面應之幾不支而所部皆鄉里子弟

湘軍記

卷三

三

素負氣誼恥相棄澤南左額中鎗子血霑衣猶踞坐指揮竟全軍還乙丑創發卒於軍澤南家素貧居鄉里時與諸生講性理著西銘講義一卷人極衍義一卷小學韻語一卷姚江學辨二卷讀孟子劄記二卷周易本義衍言皇輿要覽各若干卷詩文集八卷自賊犯長沙澤南倡生徒行團練法率其鄉人子弟轉戰兩湖江西大小二百餘戰克名城二十一時如王鑫李續賓李續宜蔣益澧楊昌濬皆其高弟瀕危林翼來省視執手哭澤南曰危急時站得定方算有用之學死何足惜事未了耳遂卒軍士哀泣江西

湖南聞之皆嗟惋失氣。

詔以巡撫例贈卹。林翼令李續賓統其眾仍屯洪山。時江西乞師益急。義甯賊復犯崇通。九江賊合與國大冷土匪進至葛店。謀襲巡撫大營。林翼分軍四千以劉騰鴻劉連捷將之。曾國華總其事。赴援江西。國華藩弟也。四月乙卯丙辰。援軍連破賊於羊樓。九江賊犯麻城。官文遣多隆阿敗之。柳子港賊棄新州遁。甲寅。楊載福水師大捷於漢陽。五月。載福由鄂東下。搜沿江賊船。耀兵九江城外。而還。十日內往返千里。眾驚為神。

湘軍記

卷三

三

詔責官文林翼老師。林翼疏言。臣頓兵城下。五月有餘。傷亡水陸軍士三千餘人。將弁百餘人。李續賓中礮墮地者數矣。夫兵易募而將難求。四月以後。乃禁仰攻。臣自率五千人扼武昌南路。李續賓領六千三百人扼城東路。水師六營下駐沙口。水陸之賊。援絕勢窮。臣歷觀前史。李左車之告韓信。尚以頓兵城外。情見勢絀為戒。戰易攻難。自昔已然矣。臣之才力。何足言兵。惟材有限而志無窮。萬一變生他路。臣亦不敢退怯。於是

文宗知林翼之志。非僅規畫湖北已也。唐訓方收九江援

賊於葛店。六月。賊復犯葛店。蔣益澧迎擊破之。追奔至樊口。會水師火其船。渡江攻黃州。十日不克。還。七月。石達開憤樊口之敗。率悍黨萬餘。由廣濟蕪黃趨漢口。官文遣都興阿率馬步嚮黃州。至堵城。賊大至。多隆阿以馬隊設伏。合許廣藻團勇擊走之。十月。襄陽土匪起。以唐訓方舒保往討。隨州土匪起。以李光榮往討。兵至輒遁。官軍圍武昌。久自青山嘴塘角掘長濠。由大江通南岸嘴。以拒援寇。城賊日憊。林翼增募陸軍五千。水師十營。增長圍困之。十一月丙子。林翼復武昌。官文復漢陽。初。林翼偵賊窮蹙。與李

湘軍記

卷三

三

續賓楊載福議水陸合攻。是日辰刻。大風揚沙。波濤洶湧。水師分上下環擊。外援絕。城賊益飢疲。思逃。已刻分七隊突門出。我軍分路躡之。賊狂奔。林翼入城安撫。生擒偽檢點古又新等。楊昌泗王國才李孟羣相繼入漢陽。丁丑。李續賓分三道追賊武昌縣。水師馬隊追賊黃州江夏鄉。民亦爭起要賊。戊寅。復武昌縣。己卯。復黃州。庚辰。復興國水師復蘄州。民兵復蘄水。十二月乙酉。復廣濟。湖北肅清。李續賓陳師九江城下。都興阿楊載福鮑超屯北岸小池口。林翼疏陳湖北軍政吏治大端。謂古之治兵者。先求將而

後選兵今之言兵者先招兵而並不擇將譬之振衣者不提其領結網者不挈其綱是勞之也將自斃矣武漢形勢自古用兵之地荆襄為南北關鍵武漢為荆襄咽喉武漢有警則鄰疆震驚南服均阻控制無術四年之中武昌三陷漢陽四陷

國帑因而虛糜民生因而凋敝昔周室征淮師出江漢晉代平吳久謀荆襄王濬造船循江而下陶侃之勛鎮守武昌宋臣岳飛李綱之謀畫岳鄂均以此為高屋建瓴之勢控制長江惟鄂為要固東南一大都會矣夫善鬪者必扼

湘軍記

卷三

五

其吭善兵者必審其勢今於武漢設立重鎮則水陸東征之師軍火米糧委輸不絕傷痍疾病休養得所是知平吳之策必先保鄂明矣請於武漢設陸師八千人水師二千人日夜訓練本境亂民隨時征討固可銷除隱患東征之師久役者必疲善戰者必傷若以武漢防兵更番替代則士氣常新軍行必利湖北牧令多不得人吏治不修兵禍之所由起也士氣不振民心之所由變也未有不養士而能致民亦未有不察吏而能安民者即如五年大熟州縣乃或報災經臣駁斥在案六年大飢州縣轉不報災又經

臣駁斥在案以豐為歉是病國計以歉為豐是害民生而終必害於國計凡下與上交接之事諉之幕友而官不問官與民交接之事諉之門丁而官不問夫州縣之所謂小事即百姓之大事今日之所謂小賊即異日之大賊深思利弊之原劾貪非難求才為難前者劾去後者踵事而巧避其名則其弊有不可勝言者矣地方吏治是臣專責今欲嚴禁陋習與羣吏更始暫勿拘臣文法資格行之數年或可改觀

文宗嘉納焉方官文之駐軍北岸也將吏頗構同異武漢

湘軍記

卷三

五

既克林翼渡江見總督甚懼約為兄弟軍政吏治林翼主稿官文畫諾讒閒無由入論者謂林翼忠君濟難官文服善讓賢為均不可及云

七年正月襄陽土匪陷房竹山保康興山由歇馬河趨宜昌時李光榮率川勇三千回蜀荆宜施道莊受祺白官文留勦匪紳民詣光榮議扼茶庵鎮境山東山寺防郡城受祺與總兵景輝促光榮進軍霧渡河與匪左戊申匪由小路撲城知府阮福與景輝率兵四百扼馬難坡至夜明瀝全軍殲焉己酉昧爽宜昌陷先是阮福告急荆州請宜昌

鹽稅數萬緡給軍事定紳民任償之受祺不許期五日往
援又不至光榮所部川勇人給千錢故不用命辛亥光榮
回營南門部卒夜謀變被害餘卒潰至董市匪留十日竄
遠安荆門回至襄陽巴揚阿唐訓方勦平之二月皖賊由
小池口犯黃梅知縣單瀚元白都興阿請空城誘賊俄騎
賊由二郎河撲城入都興阿先遣多隆阿伏城南鮑超伏
城西王國才駐桂家畝拒其後孔廣順營大河鋪為旁翼
自麾馬隊連環抄擊賊馬驚而跳矛刺其足騎賊多墜相
踐踏無一生還者三月辛酉多隆阿鮑超克段審丁酉多

湘軍記

卷三

三

隆阿王國才連克楓樹坳獨山鎮李孟羣率師援皖道羅
田擊霍六英山賊敗之四月賊酋陳玉成自桐城分犯湖
北號十萬黃梅廣濟蕪水蘄州羅田諸邊皆大擾以李續
賓駐小池口鮑超防黃梅調福寶武三營援蘄州羅田多
隆阿等燒賊壘二十一閏五月乙巳蘄州防軍挫胡林翼
赴黃州督師親巡營壘授方略武漢粗安六月皖賊復大
舉入鄂邊以石清吉屯黃梅停前驛孔廣順王國才巴揚
阿屯廣濟大河鋪賊分聚蘄州張家塆蘄水劉公河以邢
高魁舒保唐訓方等禦之大小五十餘戰賊勢猶未衰楊

載福遣師船入廣濟內湖多隆阿鮑超擊賊億生寺破其
壘十九水師焚浮橋蔣凝學敗賊童司牌王國才移營失
火被轟死七月庚辰朔多隆阿鮑超擊賊黃梅黃臘山破
其壘四十八斬馘五千庚寅舒保攻賊黃岡東敗之丁酉
再戰於上巴河何紹彩李續賓唐訓方等分三隊紹彩軍
不利將退顧胡林翼立馬陣後軍士皆踴躍赴敵訓方等
鼓譟乘之賊大敗平其壘四十四進軍蘄水追賊至廣濟
西賊遁太湖宿松八月胡林翼至九江會都興阿楊載福
攻小池口小池口與潯城隔江對峙為江皖入楚咽喉賊

湘軍記

卷三

三

壘石為城浚濠衛之林翼令唐訓方等由蘄水達黃梅多
隆阿鮑超破黃梅後山楊載福水師自陸家嘴進晝夜環
攻偵賊炊煙數日不起令軍士擔草囊沙癸亥大風雨蔣
凝學等分攻三門徑填其濠都興阿縱馬隊施火箭燔賊
棚克偽城九月己卯朔胡林翼還武昌
八年正月六安賊窺隨州棗陽以舒保拒之太湖賊竄蘄
州界以唐訓方拒走之多隆阿敗賊仙田鋪追至太湖城
二月英山賊犯羅田知縣桂蘭馨擊走之唐訓方敗賊黃
泥畝三月李孟羣敗賊金家寨賊由了角山一日夜行百

里丁亥陷麻城舒保屯兵商城聞警回援賊眾三四萬環四門築壘爲負嶠計胡林翼遣李續宜鮑超何紹彩等往勦四月李續宜舒保大破賊於麻城平其壘五十八戊午賊自光山陷黃安舒保分軍禦之官文調李續賓回援黃安時續賓新克九江威名甚著

詔授浙江布政使論者請以續賓赴浙任軍事胡林翼疏爭之乃留楚皖之交當劇寇五月丙子續賓克黃安戊寅麻城賊夜遁續賓追至商城壬戌斬防將唐訓方等破皖賊於界牌時閩浙寇亟起復曾國藩帥江西湘軍援浙國湘軍記

卷三

三

潘丁父憂逾一年矣聞命卽行七月至南昌胡林翼以母憂解任

詔官文並署巡撫十月壬子李續賓戰歿三河湖北大震起復林翼仍署巡撫十二月林翼至黃州督師

九年湖北境內無事胡林翼壹意謀皖以多隆阿當前敵將馬步軍五千立蔣凝學爲大將合鮑超唐訓方軍萬五千李續宜屯黃州軍六千依林翼大營二月李孟羣戰死廬州三月偽翼王石達開犯湖南眾三十萬五月官文胡林翼大發水陸兵援之六月援湘大將李續宜破賊寶慶

援軍還鄂十二月胡林翼駐太湖督師

十年二月以蕭翰慶等六千人援浙未至杭州陷三月江南大營潰曾國荃率萬人圍安慶語在規復安徽篇

十一年正月壬戌陳玉成糾捻黨犯羅田成大吉敗之松子岡斬捻酋龔瞎子乙丑賊陷蘄水丙寅陷黃州分掠麻城黃安孝感黃陂時湖北各軍集皖疆省城空虛僅存標兵二千鄂中大震官民逃避一空宦橐商貨多被遊兵擄掠胡林翼尙在太湖官文率唐訓方晝夜登陴李續宜自青草塢回援舒保馬隊繼之彭玉慶水師馳至省防始固

湘軍記

卷三

三

賊上犯雲夢陷德安隨州三月丁酉彭玉慶金國琛克孝感賊棄雲夢應城遁黃陂黃安亦復麻城解圍陳玉成回竄宿松四月劉嶽昭援蜀軍自宜昌回攻隨州辛酉擊賊城外敗之李續宜駐軍澠口乙丑己巳舒保金國琛攻圍德安獲勝偽忠王李秀成由江西犯鄂邊以唐協和等守興國何紹彩等分守崇陽通城通山大冶賊眾七八萬犯興國唐協和等失利退屯大冶壬辰賊隨至前擾武昌縣水師曾紹霖擊卻之官文以賊氛近省城移李續宜回軍城外巴揚阿何紹彩分屯東湖站紙坊癸卯彭玉慶蔣凝

學會復武昌縣。六月庚寅，李元度自平江復通城。癸巳，復崇陽。胡林翼時病嘔血，強起還省城，遣成大吉等分擊賊。於是興國、大冶、咸甯、蒲圻皆復。賊走江西。七月丁酉，舒保、金國琛等克德安。庚戌，唐協和等克蘄水。八月丁巳，曾國荃克安徽省城。

詔胡林翼加太子少保銜。時林翼篤病，薦李續宜自代。庚辰，蔣凝學等攻黃州，遣將劉維楨誘賊出，殲之。黃州復。壬午，胡林翼薨。

詔贈總督。湖南湖北建祠，以李續宜為湖北巡撫。曾國藩

湘軍記 卷三 三

疏言：胡林翼起家翰林，由貴州道員，不半載擢署巡撫。是時州縣大半淪沒，坐困金口、洪山一帶，無兵無餉，一錢一粟皆親作書函求貸，至發其私家之穀以濟軍。迨攻克武漢，論者以為可稍息肩矣。林翼悉師越境，圍攻九江，分救瑞州，督撫之以全力，援勦鄰省，自湖北始也。九江圍勦年餘，中間石達開自江西窺鄂，陳玉成自皖北犯鄂者三次，終不肯撤九江之圍，回救本省之急。或親統一軍，肅清蘄黃，或分遣諸將，驅歸皖豫，潯功甫蒞，復以全鄂之力辦皖北之賊。迨李續賓覆軍三河，林翼母喪歸籍，急起痛哭視

師進駐黃州，論者又以良將新逝，但可姑保吾圍，不宜並顧鄰境。林翼驚魂甫定，即派重兵越三千里，解寶慶之圍，援湘之師未返，又議大舉圖皖。十年春，開大戰於潛山、太湖，相繼克之。親駐太湖督勦。本年五月，回援鄂省，病中屢寄臣書，勿撤皖圍，故安慶之克，臣推林翼為首功。近世將材，湖北最多，如塔齊布、羅澤南、李續賓、都興、阿多隆、阿李、續宜、楊載福、彭玉麟、鮑超，林翼均以國士相待，人人有布衣昆弟之權。書問餽遺，不絕於道。每遇捷報，推官文與臣主稿，偶一出奏，則盛稱諸將之功，其心兢兢以推讓僚友。

湘軍記 卷三 三

扶植忠良為務，外省盛稱楚軍協和，而於林翼之苦心調護，或不盡知。湖北三次失守，乙卯丙辰之際，窮窘極矣。權鹽抽釐，稍足自存。林翼綜覈之材，冠絕一時。七年春，開創議減漕，每年民間省錢一百四十餘萬串，帑項增銀四十萬兩，節省提成銀三十一萬兩。州縣征收正課，不能浮取毫釐，亦不準借催科政拙之名，為滑吏肥私之地。故湖北瘠區，養兵六萬，月費至四十餘萬之多，而商民不疲，吏治日懋，斯又精心默運，非操切之術所得與也。咸豐四年，臣曾奏林翼之才勝臣十倍，近年來尤服其進德之猛，不

敢阿好溢美亦不敢沒其忠勤疏入

詔宣付史館九月劉嶽昭攻隨州遣劉維楨持偽文誘賊出十月丙辰克之湖北平其後兵事附平捻篇

王定安曰曾文正胡文忠皆命世之英胡公氣局恢張有囊括四海之志若天假之年俾蕺厥功其勛名豈出唐郭子儀宋韓琦下哉然其初以黔軍六百徘徊金口進退無所屬曾公奇其才上疏力薦至謂出已上挈之江西猶碌碌無所表見及援武昌擢疆帥感激發舒事業烜赫矣胡公所任大將惟多隆阿鮑超是所拔擢其他羅澤南李續

湘軍記

卷三

三

賓李續宜楊載福彭玉磨均曾公舊部撫而有之遂成偉烈盛矣哉曾公窮窮畏抑日思以人事君所論薦如胡公者往往有之胡公亦號愛士後竟無聞焉由斯言之曾公過人遠矣

湘軍記卷三

東湖黃學濂校字

湘軍記卷四



東湖王定安撰

援守江西上篇

自洪楊竊據金陵論者率以楚皖形勝所在宜從上游擊楫東下成席捲之勢江右偏一隅非所必爭

朝廷固亦未嘗深措意然江忠源之赴江南中道改轍南昌曾國藩之克武漢

文宗卽獎以取金陵國藩毅然居之不疑比攻九江不克水師陷內湖崎嶇章穎間幾困憊不自振卒從羅澤南議

湘軍記

卷四

一

分軍出武昌與賊爭中流而後大局有轉圜甚矣湘軍之不能卽克金陵者由江西誤之也要其危亡相救開關險阻戰績亦惟江西爲多曾國荃左宗棠勦伐烜赫一時而援皖之師起吉安謀浙之兵起廣信其大功皆自江西始也當蘇杭淪陷國藩總制兩江所轄糜爛無完土專責餉江右巡撫時與牴牾不相下至盛氣相揭參故江西者亦湘軍得失之林也初江忠源以楚勇轉戰粵湘最知名咸豐三年二月

詔忠源佐向榮軍事疏請練軍三千助剿四月師發湖北

次九江阻賊弗能進巡撫張芾聞忠源至則飛機召援省城時偽丞相賴漢英石祥貞犯九江湖口偽豫王胡以晁陷安慶為聲援忠源倍道赴南昌張芾奏以軍事屬之忠源策賊自東北來德勝章江二門當其衝以楚軍分守而令九江鎮兵與新募鄉勇駐永和門外扼城西南相犄角縱火燎城外民廬未燼而賊至反相撲救賊在湖南頗畏江家軍比見楚軍旗幟皆大驚忠源與巡撫設守禦既具復毀附郭女牆賊不能隱匿稍遠引依文孝廟築三壘三面繚牆而虛其後以翼蔽賊舟江西初被寇兵勇不習戰

湘軍記

卷四

二

事忠源所部楚勇千三百人每四五堞以一楚勇督數守卒有縫城逃者輒斬以徇於是軍律稍整城守始固賊潛以礮夫穴地忠源屢掘所為隧道壘石為月城以備六月賊由他道穴德勝門地雷發城坍六丈忠源弟忠濟率死士數百當缺處以布囊盛土築之俄而城大崩築者盡陷忠濟躍免而壘土益急城復完越數日賊復埋地雷轟城羣賊呼而登忠源督兵堵殺登者盡殲乃鑿濠護城引水注之賊隧道盡廢始大阻先是忠源以書走湖南乞師曾國藩國藩方治軍長沙念湘勇新立營哨皆諸生未經行

陣楚勇夙驍健能戰忠源弟忠淑習江家營制令為先導乃與巡撫駱秉章謀檄寶慶知府魁聯增募楚勇二千以忠淑領之由瀏陽進羅澤南所練湘勇千二百以朱孫貽領之郭嵩燾與之偕由醴陵進道員夏廷樾將營兵六百為總統七月廷樾等至南昌諸生見賊爭搏戰死者七人國藩雖聞敗頗悅以為諸生果可任非綠營巧懦者比也適吉安土匪起陷安福泰和忠源白巡撫請令楚軍三千往眾不可忠源堅持之以夏廷樾駐章樹劉長佑攻泰和羅澤南攻安福悉破平之於是湘勇漸習戰陣與楚勇埒

湘軍記

卷四

三

矣是時賊船以萬計往來饒瑞飄忽擄掠長江及內湖江路皆為賊踞而官兵無一船郭嵩燾從忠源守章江門訊據賊供所至皆舟居所築賊壘皆以護船官兵至始列隊以守因言之忠源東南皆水鄉賊踞有江路而我以陸師擊之其勢常不相及必與賊爭長江之險而後可以制勝非造戰船無可言戰忠源大懼之即令嵩燾具疏請飭湖南湖北四川各造長龍快礮船二十艘即令廣東購大礮千尊配給各船即日馳奏奉旨允行水師之興自此始嵩燾以江西被圍久造船工程

非刻日可期。當造巨筏，可容數百人，列礮其上，與陸軍夾岸衝擊賊船。應倉卒之急，筏成而賊解圍遁。其後用以塞湖口者，卽此筏也。八月，賊揚帆北走，南昌解圍，眾歸功忠源。湘楚軍名始大顯。會其部曲索餉大譁，健者多亡去。賊出湖口，復上犯忠源，亦自九江回援湖北，戰於田家鎮，失利。賊陷黃州、漢陽、沂江、漢上，犯全楚，皆震。十月，羅澤南等軍還湖南，防守未幾，忠源爲安徽巡撫，殉難。廬州湘軍始議東征。

四年正月。

湘軍記

卷四

四

詔促曾國藩援鄂，率萬七千人以行。六月，武昌陷。七月，湘軍發岳州。八月，克武昌、漢陽。

詔曰：楚省大局已定，亟應分路進剿。由九江、安慶直抵金陵，沿江剿賊，事責之曾國藩；楚省防務，責之楊霽。於是國藩乘勝東徇黃州，諸屬邑耀兵九江。九江者，北枕大江，南負匡廬，西通楚，東接皖，吳爲江西門戶，湖口又鄱湖之門戶也。僞翼王石達開在安慶，與九江湖口聲勢相聯。我軍水師介處賊營中，與陸軍隔絕，礮艇往來賊壘，丸彈落船倉，纍纍可掃。晝夜戒備，終莫肯退。十月，江西水師禦賊姑

塘，敗績，失戰艘四十餘。十一月，塔齊布、彭玉麟敗賊小池口，燬其龍開河木城。水師進屯湖口，國藩疏言：逆賊屢以民船致敗，近在安徽，仿我船式，造戰艦三十餘，益以江西搶去之船，其氛益熾。若使梗塞鞋山孤塘，開我軍與江西咫尺不能相通，可慮者一；賊黨分踞南北岸，臣等陸軍單薄，在南不能顧北，渡北不能顧南，若往來頻渡，疲於奔命，銳氣銷磨，可慮者二。必待楊霽師至，北路足資堵禦，然後全師渡江，以圖潯郡，疏入。

文宗憂之，飭湖北、江西派兵會剿。丁丑，塔齊布、彭玉麟破

湘軍記

卷四

五

賊孔壠驛。己卯，李孟羣、彭玉麟破賊小池口，燬洲上賊壘及船筏幾盡。癸未，李孟羣敗賊湖口。丙戌，羅澤南由白水南渡，追賊九華山，燬其壘。十二月乙未朔，國藩親督軍攻九江，不克。參將童添雲攀堞登中礮，而殞，軍士傷亡二百餘。庚子，羅澤南、胡林翼敗賊梅花洲。彭玉麟敗賊湖口。甲辰，澤南、林翼復攻梅花洲，敗績。玉麟水師至，焚賊船三百餘。丙午，蕭捷三等水師三營越湖口，攻姑塘，賊出小舟，燒其坐營，遂陷鄱湖，不能還。是爲內湖水師。乙卯，湖口賊北渡，復踞小池口。己未，賊以小艇夜襲營，奪國藩座船，國

藩自投水左右救之掉小舟入羅澤南營因上疏自劾
詔免議癸亥塔齊布李續賓蔣益澧自九江北渡攻小池
口敗績

五年正月戊辰東北風大發損師船四十餘石達開以潯
城被圍遣偽貞天侯林啟容助守啟容懼官軍匿不出偽
丞相羅大綱踞北岸促之戰庚午啟容率悍黨千餘犯王
國才營大綱從小池口渡江助之國才偕畢金科開壁奮
擊追之鎖江樓塔齊布方鑿地道與賊戰併力蹶其後賊
爭北渡多斃於水羅大綱遁入潯城時楚事棘曾國藩以

湘軍記

卷四

六

圍潯之師分道赴援胡林翼王國才石清吉率六千人陸
行趨武昌李孟羣彭玉麐水師百三十艘溯江西上畱塔
齊布五千人圍九江羅澤南三千人攻廣饒庚辰國藩至
南昌與巡撫陳啟邁籌增船礮令江西別置水師三營以
道員劉于濬矯捷可任為將令統之江西水師自此始賊
由都昌攻饒州別股由東流建德窺樂平屯景德鎮東犯
祁門休甯羅澤南自南昌繞湖東迎剿內湖水師進駐康
山二月武昌陷

詔國藩分陸軍赴援國藩疏言臣軍現分為四陸路兩支

塔齊布駐紮九江羅澤南分剿廣饒相去已在六百里外
水路兩支臣整理內湖水師駐紮鄱湖李孟羣回援武漢
屯紮金口相去更在八百里外論天下大勢則武昌據金
陵上游為古來必爭之地論行軍常道則上下皆賊臣軍
坐困中段決非萬全之策臣一聞武昌失陷即思回剿之
計顧亦有難言者潯陽據長江腰膂宜有重兵駐守一經
撤退則九江南北之賊肆然無忌內犯江西上竄岳鄂均
不可知其難一賊陷武漢自金口以下江面皆為賊有內
湖水師不能株守鄱湖若乘春漲出江一軍孤懸上不能

湘軍記

卷四

七

合金口之水軍下不能剿安慶之賊艇其難二湖南用兵
已久庫款空虛現在金口一軍口糧不繼臣再率六七千
人前往江西既難供支湖南無可籌撥兵勇積習久住不
戰口糧尚可展緩若行役戰陣則不可一日無餉其難三
與其千里馳逐以餉匱致變不如堅守中段保全此軍畱
備驅策

詔答以策萬全不為遙制三月賊陷弋陽羅澤南攻克之
賊還破興安陷廣信澤南至三日復其城賊竄玉山江西
軍收復饒州四月乙巳國藩移駐南康癸丑蕭捷三水師

敗賊馬家堰。追之都昌。焚賊舟百餘。五月。崇通賊陷義甯。以羅澤南往援。己巳。蕭捷三搜賊都昌。甲戌。追賊至鞋山。辛卯。大捷於青山。奪獲賊船甚夥。國藩前失座舟在焉。時巡撫陳啟邁與國藩齟齬。營餉軍火。輒靳不予。國藩疏劾之。

詔褫陳啟邁職。以文俊爲江西巡撫。六月甲辰。塔齊布敗賊新壩。七月。羅澤南至義甯。連破賊於梁口。乾坑。鼇頭。雞鳴山。斬馘六千。丙子。蕭捷三敗賊鞋山。丁丑。李元度敗賊段家鋪。戊寅。羅澤南克義甯。庚辰。塔齊布卒於九江軍。塔

湘軍記

卷四

八

齊布初以微弁爲國藩所賞。薦擢提督。左臂涅忠。心報國。四字。每戰負鎗挾弓矢。令二卒樹長矛。執曳馬繩。竿以從。躍馬疾馳。瞋人追從。從輒反鞭之。或單騎偵地勢。值賊狙伺。追逼從容反戰。賊皆卻。屢瀕奇險。率有天幸。賊中驚以爲神。性恬退。未嘗自伐其能。所得祿賜。盡以犒賞士卒。或深夜呼兵。勇絮語家事。親如父子。所過秋毫無犯。民尤感之。及死。軍民皆哭。國藩自南康馳至九江。以周鳳山領其軍。壬午。李元度敗賊蘇官渡。甲申。蕭捷三攻湖口。歿於陣。國藩率四百人馳赴青山。撫其眾。八月。羅澤南在義甯上。

書國藩。謂東南大勢在武昌。得武昌乃可控制江皖。因單騎詣南康。請援武昌。國藩令塔齊布舊將彭三元從行。合五千人。十月。澤南軍克蒲圻。鼓而北行。賊乘虛復入義甯。陷新昌。十一月己巳。陷瑞州。庚午。陷臨江。廣東土匪由湖南陷安福。分宜。萬載。與瑞州賊合。陷袁州。國藩檄周鳳山解九江圍。全軍回南昌。時彭玉麐乞假在衡州。聞江西急。聞關徒步行七百里。抵南康。國藩令領水師援臨江。十二月癸巳。周鳳山克樟樹鎮。己亥。克新淦。賊分黨圍吉安。知府周玉衡以禦土匪功。新擢按察使。未上。與署知府陳宗

湘軍記

卷四

九

元同登陴守。屢擊賊敗之。臬司鄧仁堃白巡撫。請以周鳳山援吉安。文俊未許。仁堃用司道公文露移鳳山往援。以固城守心。鳳山終不果行。文宗以江西危迫。詔湖南巡撫駱秉章募二千人助之。秉章遣劉長佑。蕭啟江率五千人往。長佑進萍鄉。啟江進萬載。未發。而袁州賊輕騎略萍鄉醴陵。守將毛英勃率三百人赴援。力戰死之。萍鄉陷。

六年正月庚申。賊犯樟樹。劉于濬水師擊卻之。辛酉。周鳳

山自新淦回援樟樹。遇賊五山。敗之。丁卯。彭玉慶攻臨江賊壘。敗之。甲申。賊陷吉安。周玉衡及寮吏死者四十一人。吉安守逾七十日。及城破。論者頗咎周鳳山。湘軍奪氣矣。二月丙午。周鳳山師潰。樟樹賊以數十人追鳳山。大奔不能止。走南昌。國藩回駐省城。鳳山敗。湘軍無大將。乃令李元度自湖口移屯饒州。別遣鄧輔綸與林源恩募平江人。號元度所將為楚軍。輔綸所將為江軍。時湖南援軍將劉長佑進攻萍鄉。賊告急袁州。以悍黨千人來赴。賊將黃衣騎馬扼峽口。長佑率百人繞其後。賊棄馬旁走入村屋。擲

湘軍記

卷四

十

火燎之。黃衣賊目自投火。餘眾奔。遂克萍鄉。蕭啟江攻萬載。敗賊珠樹潭。田興恕移軍往助之。庚戌。賊陷撫州。旁擾餘千萬年。時江西八府五十餘縣皆陷。存者惟南昌。廣信。饒州。贛州。南安。五郡。愚氓多獻糧冊。輸錢米。賊設偽官治之。國藩孤居南昌。為羣賊所絀。與湖南隔絕。諸軍募死士。蠟丸隱語。閒行相問答。往往為賊邏獲。其不達者十之四五焉。三月辛酉。彭玉慶移駐吳城。乙酉。羅澤南卒於武昌。軍湖北。巡撫胡林翼遣劉騰鴻將四千人援江西。以國藩弟國華主軍事。由義甯進。己巳。鄧輔綸林源恩克進。賢丁

丑。李元度克東鄉。撫州賊來爭。元度輔綸擊走之。庚辰。彭玉慶黃虎臣克建昌。甲申。李元度等攻撫州。破賊壘。五月戊子。李元度鄧輔綸敗賊千金坡。丙午。劉于濬克豐城。劉長佑進軍袁州。蕭啟江克萬載。五月己巳。賊犯吳城。彭玉慶擊卻之。辛未。畢金科敗賊油墩。乙亥。賊援撫州。李元度擊卻之。六月丁亥。黃虎臣攻建昌。輕出遇賊。戰死。所部軍移屯撫州。庚寅。饒州陷。畢金科還南昌。益師攻克之。甲辰。彭玉慶復南康。劉騰鴻會國華克新昌。上高。甲寅。抵瑞州。國藩遣彭山吧李新華等率四千人往。於是自長沙

湘軍記

卷四

十一

東至南昌。轉北至九江。千里通道如綫。七月戊午。偽北王韋昌輝自臨江援瑞州。瑞州故有二城。劉騰鴻分兩軍攻之。比韋酋至。我軍已拔南城。即出南城迎擊。賊儀從赫奕。排刀隊。尤凶悍。騰鴻堅持不動。俟其懈乘之。殲五百人。昌輝夜遁入城。甲子。賊乘雨撲我營。吳坤修擊卻之。庚午。彭山吧等軍抵瑞州。江楚軍屢破賊城外。兵勢稍振。而吉安。建昌等郡。邊錢會匪假粵賊名號。獻聚千人。陷永豐。南豐。新城。竄瀘溪。廣東土匪犯定安。安遠。信豐。長甯。上猶。崇義。雲都。省城不能救。軍報數月不相聞。

朝命廣東閩浙派兵合援八月丁亥邊錢會匪陷貴溪辛卯犯河口鎮甲午陷沿山乙未圍廣信知府沈葆楨方督餉河口遑還城則居民皆散走葆楨飛書玉山告急於浙將饒廷選廷選率二千人先一日至賊見有備圍五日去江西州郡見賊至輒委棄聞廣信能守則以為奇功葆楨由是知名湖南援軍將田興恕屯萬載賊自分宜侵上高遂攻萬載興恕拒走之蕭啟江攻袁州截吉安賊糧焚其舟十一時

特詔起用黃冕為吉安知府國藩弟國荃在長沙冕就商湘軍記

卷四

三

防剿策延國荃為軍主國荃素負奇略念國藩急慨然曰方吾兄戰利吾從未至營相視今坐困一隅義當往赴君但能治餉吾當自立一軍赴

國家急冕請於巡撫駱秉章檄國荃募三千人別遣周鳳山領一軍合六千人以其始攻吉安號其軍曰吉字營九月丁巳國藩至瑞州勞師李元度以撫州圍久餉益乏或言崇仁有積穀宜黃可募民貲數萬金乃分軍徇略戊午復宜黃癸亥復崇仁撫州賊覘我軍他出撲江軍營官耿光宣中礮死益日夜發眾來襲縱火焚民居延及營帳林

源恩仗劍叱奔者不能止軍潰死之元度回軍往援已無及聚軍裝焚之突圍出圍撫州軍俱潰元度移屯貴溪賊復陷崇仁宜黃劉長佑擊援賊於袁州要其鹽舟沈之奪餘貨數百車城賊出救敗之十月戊子曾國華克上高旋敗賊瑞州劉騰鴻毀瑞州南城築新壘二以五千人守之賊援絕乙巳劉于潯復新淦戊申田興恕復分宜己酉福建援軍潰於建昌副將陳上國戰死十一月甲寅朔劉長佑蕭啟江克袁州袁州圍逾八月賊自相猜貳有李能通者詣劉坤一陣前歸誠其黨啟西門納軍俘斬二千拔出

湘軍記

卷四

三

齊從二千六百餘人乙丑曾國荃攻安福賊分兩支迎戰以蕭孚泗陳光孚左右拒之國荃當中路陣斬三百餘人丙寅克其城庚午曾國荃敗賊大汾河壬申敗賊千金坡遂進攻吉安時胡林翼克武昌水師進至九江十二月丙戌段起復建昌己丑湖北軍進收瑞昌德安辛卯劉長佑復新喻移袁州屯軍戌之癸巳趙煥聯復永甯辛丑國藩至九江勞師疏言臣由江西省河赴吳城與彭玉麐商酌水師追剿事據謀報十一月底武漢蕪黃次第克復楊載福水師抵九江焚奪賊船殆盡李續賓陸師於初九日進

攻九江府城查外江水師上年正月經臣奏明援剿湖北是時戰船或入內湖或為風損僅存一百四十餘號駛至武昌今重來九江續添至四百餘號李續賓陸師係上年八月派赴湖北援剿是時羅澤南李續賓所帶湘寶各勇僅五千人今添至八千餘人而都興阿馬隊亦由北岸至小池口臣至九江迎勞諸軍見其軍威嚴肅士氣樸誠諸將聯絡契合愛敬交至雖積勞之後屢勝之餘猶復日夜兢兢衣不解帶不特東三省馬隊忠勇可風卽湘勇與水師亦實不可多得之勁旅惟欠餉積至一百三十餘日請

湘軍記

卷四

四

飭山西陝西迅將月餉三萬兩解至九江專備此軍之用至江西各府分駐兵勇五萬餘人舊欠無從補給新歲尤難支持再懇飭兩廣月撥四萬兩能多發一日之餉則多一日勁卒之用能早克一處之城則早收一處錢糧之用詔報可甲辰湖南援軍將劉拔元胡兼善收永甯永新蓮花廳上猶辛亥國藩回南昌癸丑李續賓大捷於九江七年正月西安將軍福興率浙兵千人至南昌丁巳畢金科攻景德鎮死之自楚軍興塔齊布始以勇名天下楚人剽悍者率低首而亦豔稱金科材武金科之戰也負鎗腰

五十矢二卒手蛇矛持八尺刀以從怒馬陷陣當者披靡常為他部牽率不得錄其功列將多譏忌之領千人防饒州餉不時至歲暮飢困有司者責金科破景德鎮軍食可得也乃以乙卯出師入市不見一賊別擊十人至市後賊蜂起從卒亡七人傷三人金科縱橫擊刺踐血而出越兩日賊以噴筒攻於王家洲隕焉戊午吳坤修普承堯克奉新湖北援軍將鮑超敗賊小池口庚午國藩勞師瑞州自五年冬瑞臨袁州失陷西路州縣多淪於賊六年秋援軍來瑞州兩湖之路始通袁州既復鄂師抵九江者二萬人

湘軍記

卷四

五

西路以次恢復南昌袁州所屬均無賊南康四屬邑復其三臨江瑞州吉安九江亦各克數邑江西軍務駸駸有起色矣二月國藩遭父憂逕還湘鄉國華國荃均委軍回籍胡林翼遣李續宜來瑞州代國華國荃吉安之軍令文翼代統國藩奏以楊載福彭玉麟統水師責湖北江西供其軍福興至瑞州上疏請徵兵頗嘗勇營不可用劉長佑由袁州進軍太平墟以規臨江蕭啟江屯鸚鵡嶺與瑞州軍援應賊自吉安大舉襲太平墟列陣二十餘里官軍駭而奔長佑阻之不得下馬臥誓必死親兵數騎擁之出卓旗

收軍眾稍集。退屯新喻。袁州三縣民素感長佑。聞敗。爭率丁壯輦兵米。至者七八千人。潰軍慚奮來歸。軍復振。劉騰鴻慮賊侵。啟江營。抽瑞州圍師二千。自將救。鸚哥嶺田興。恕恃勇深入。坐馬中錦。騰鴻馳救。所殺傷過當。乃畱千七百人。助啟江。騰鴻還瑞州。三月辛酉。湖北軍將多隆阿克。投窳賊壘。丁卯。王國才多隆阿克。楓樹坳獨山鎮九江附近。惟小池口賊壘獨存。撫建賊竄福建。

詔罷文俊。以耆齡代爲巡撫。四月。駱秉章遣江忠義將千人。王鑫將二千人。趨臨江。與劉長佑蕭啟江合軍攻城。不利。黃冕致書鑫。乞援吉安。卽引軍南渡。進吉水。破賊水東。焚其壘五。初。吉安圍師隸於曾國荃。已而劉培元等率千人。至自袁州。趙煥聯率千五百人。至自茶陵。國荃負地望。諸將推服。雖不相鈐束。而進止咸取決之。國荃去。諸將不相下。巡撫耆齡奏起國荃。仍統吉安軍。五月。李續賓連敗賊九江。自官牌夾至白水湖。掘濠三十里。深二丈。廣三丈。餘賊患之。安慶賊以二萬來援。水師擊走之。閏五月。甯都賊援吉安。與王鑫軍遇於沙溪。賊恃眾攻鑫營。分伏山林。聞鑫閉壘。故不與戰。賊飢將退。鑫出六百人橫陳馳之。則

湘軍記

卷四

六

爭走山隘。相擠脅從者伏地待刃。賊奪氣狂奔。復約萬安。賊合攻鑫。失期不敢進。鑫追破之。餘眾走樂安。崇仁宜黃。時蕭啟江移屯太平墟。劉長佑圍臨江。作長濠自固。而甯都賊猶眾。鑫進軍釣峯。賊屯溪州。連營十餘里。然莫敢戰。逼攻之。則爭走。擠之水中。尸相藉。官軍踐之以渡。鹵獲不可勝計。於是土匪與被脅者頗解散。鑫名大振。賊相稱爲虎云。時湖南援軍胡兼善誘降賊目。復龍泉。周鳳山列爲己功。鳳山驕矜。弗戢其下。戰輒亂行。六月丙寅。吉安城賊襲鳳山營。軍士揚言餉乏。皆走。趙煥聯等軍從之。文翼全

湘軍記

卷四

七

軍退屯安福。以誤餉奪黃冕官。福興檄鳳山還南昌。曾國荃自湖南來。遂專吉安軍事。整兵復進。李續賓攻九江城。垂克。賊酋陳玉成率大股來援。踞童司牌。圍都興阿營。蔣凝學擊破之。七月。劉騰鴻克瑞州。傷重死之。騰鴻之圍瑞州也。嘗以三百人敗萬眾。作長濠困賊。賊冒死突圍力戰。庚寅。騰鴻中礮傷。明日力疾更戰。誓必克。礮丸中其脅。仆地。弟騰鶴掖之起。激眾曰。城不下。毋斂我軍士。皆泣。癸巳。礮中賊火藥。城內火起。將士攀堞登。開門迎騰鴻尸入城。治喪聞者咸悲其志。謂騰鴻雖死。猶能用眾也。多隆阿鮑

超敗賊黃蠟山。毀其壘四十八。八月。王鑫卒於樂安軍。以張運蘭王開化分領其眾。鑫初以諸生從曾國藩。與羅澤南創立湘軍。然矜才尙氣。不能屈事人。治軍嚴肅。所至雖信宿必築壘浚濠。每戰先期集諸將。遞說帖相詰難。既定計。則傳示各軍。期如約。違者雖勝必罰。所部號老湘營。其後提督劉松山以老湘營平捻匪回匪。皆守鑫成法。京卿劉錦棠率師出關。勘定回疆。立功絕幕。老湘營歷二十餘年。戰績著中外。鑫之規模宏遠矣。昔承堯擊臨江。援賊於峽江。敗績。賊日夜填濠。夾擊圍軍。劉長佑念賊眾五倍我。

湘軍記

卷四

六

腹背受敵。其勢坐困。令圍軍留三成守濠。餘皆裹糧持鎗而進。約蕭啟江田興恕會戰。軍士望寇旗連十里。皆懼。長佑誠火鎗及我。而後鼓之。江忠義李明惠先陷陣。遂至賊營。賊吹角拒戰。盧秀峰繞其後。賊大潰。燒其壘四十七。長佑啟江還圍臨江。胡林翼親督軍攻小池口。克其偽城。九江北岸肅清。九月丙戌。李續賓合水軍克湖口。彭玉磨出江克小孤。楊載福克彭澤。景德賊合土匪犯貴溪。遂趨東鄉。襲破周鳳山營。殺其軍主帥遠燁。遠燁黃梅人。早入翰林。祖承瀛為浙江巡撫。姦人發其墓。遠燁發憤思復仇。走

謁曾國藩。國藩憂去。遂留軍中。以前上封事。歷詆政府。疆帥非立奇功。不足自表異。乃募千人自効。謂鳳山宿將可倚。與合營。比寇至。鳳山先走。新軍隨之潰。遠燁一出而軍覆身死。論者惜之。鳳山三僨軍。三奪官。賊遂趨進。賢復自崇仁出豐城。十月。胡林翼奏起曾國藩督師江西。欲倚以謀金陵。

詔未許。十一月。石達開由撫饒趨吉安。眾號數十萬。曾國藩迎擊於吉水三曲灘。大破之。城圍遂合。十二月乙卯。劉長佑克臨江。楚軍圍臨江久。賊飢困。謀突出。或議長圍截。

湘軍記

卷四

九

之。長佑曰。凡潰圍者。其鋒不可遏。縱之必自潰。乃缺圍分兩翼。自後驚之。賊西走瑞州。途中多散亡。明年。長佑病歸。所部以劉坤一領之。蕭啟江自為一軍。合攻撫州。張運蘭克建昌。於時江西西路。惟吉安九江未復。八年正月。蕭啟江劉坤一克新淦。石達開踞河口鎮。率黨二萬窺浙江。福興退守廣信。胡林翼劾福興。請以李元度防浙邊。詔遣李定泰。二月庚戌。石達開陷廣豐。饒廷選攻克之。賊退踞洋口。辛酉。張運蘭王開化克樂安。三月庚辰。張運蘭

王開化收宜黃壬午收南豐蕭啟江劉坤一收崇仁甲午
啟江進軍上頓渡戊戌建昌賊援撫州劉坤一擊破之曾
國華至九江贊李續賓軍事四月壬子李續賓克九江九
江圍凡十五日賊酋林啟榮號堅忍能軍食罄則嬰城種
麥以自給續賓潛於磨盤洲鑿地道張幟築牆伴陳攻城
具以疑賊三月末東南兩門地雷發城塌啟榮輒堵合之
續賓益令軍士日夜穴地迤東而南卒轟崩其城賊奔出
者楊載福彭玉麐水師截於北門俘斬無遺啟榮死亂軍
中尋出寸磔之於是續賓威名聞天下朝士以續賓前授

湘軍記

卷四

三

浙江布政使爭請赴本任專治浙江軍事胡林翼疏論東
征大局先皖北次皖南請以陸路軍事屬之續賓

詔賞續賓巡撫銜以圖皖乙丑蕭啟江劉坤一克撫州丁
卯建昌賊出走王開化張運蘭要擊敗之賊走新城曾國
荃克吉水萬安時撫建之賊由廣豐犯衢州直陷處州福
興統閩浙軍近三萬莫能拒守五月

詔起曾國藩督浙江軍六月召福興還京師劉長佑留防
江西屯建昌七月曾國藩由武昌歷九江以達南昌援浙
諸軍俱集於河口鎮八月浙江賊由福建邵武出瀘溪劉

長佑迎戰不利遂陷金谿安仁張運蘭躡之收安仁賊略
新城東走長佑北擊賊金谿大破之賊悉竄福建邊時吉
安圍守經年賊酋李雅鳳翟明海將悉眾趨邵武曾國荃
乃作浮橋水陸合攻賊結木牌順流衝橋屢斷屢續之盡
毀其牌筏賊懼益相猜李雅鳳殺翟明海其黨夜出城乘
舟遁國荃率水師追擊丁巳克吉安生擒李雅鳳於是江
西列城皆復閩賊回竄新城劉長佑擊走之九月曾國藩
至建昌國荃率師從之十月劉長佑屯撫州軍疾疫死者
大半乃遣還湖南張運蘭進軍邵武賊復還江西南掠信

湘軍記

卷四

三

豐北犯景德李續賓覆軍三河湖廣總督官文奏國藩移
師援皖十一月賊自信豐犯南安窺贛州國藩遣蕭啟江
援贛南張運蘭吳國佐攻景德時國荃回湘以其部將朱
品隆為親軍隨國藩十二月庚申吳國佐約張運蘭會擊
運蘭失期戰不利國佐故與運蘭不相下上書求退罷其
軍戊辰運蘭擊賊景德敗之劉騰鶴自吉安移屯九江以
應湖北

九年正月己丑蕭啟江攻南安新城墟賊壘克之乙未連
克池江小溪鳳凰城長江墟賊壘丙申克崇義庚子張運

蘭攻景德鎮收績二月甲辰蕭啟江克南安南安故有二城夾水賊分屯相倚軍至皆棄而走啟江約軍屯城外作壘自固不許入城已而偵賊勢弱遂攻南城賊敗退啟江直驅之城賊跳乘勝攻信豐賊悉眾趨湖南郴桂所謂石達開三十萬眾圍寶慶者也安徽賊自婺源竄建德窺彭澤劉騰鶴敗之玉虹橋已已進攻建德礮中火藥騰鶴死之國藩移駐撫州增遣撫州屯將屈蟠戍湖口以張岳齡凌蔭廷為營官募三千五百人隸朱品隆調玉山防軍助攻景德而檄蕭啟江還援湖南三月癸未張運蘭敗賊景

湘軍記

卷四

三

德鎮四月丁卯曾國荃至撫州軍五月國荃率朱品隆等軍五千八百人助運蘭攻景德時諸軍與賊相持七月水陸二萬人莫肯先進國荃至乃令移營敗援賊於浮梁南三戰皆捷賊糧垂盡六月大雨水漲劉于濬等水師逼西瓜洲壬子國荃進中路運蘭居左王文瑞居右火延燒市房賊乘夜潛遁浮梁遂克景德鎮國荃等追之癸丑克浮梁賊竄建德祁門江西肅清乃遣張運蘭援寶慶國藩帥諸軍出九江八月至黃州九月議合湖北軍攻安慶十月國荃率吉字營至巴河

王定安曰曾文正以客軍羈江西外逼石達開韋昌輝諸劇寇內與地方官相牴牾其艱危窘辱殆非人所堪部將官至三四品者每為州縣扑責嘗檄舉人彭壽頤領一軍巡撫怒收繫之獄其餉精不時至募民捐貲給軍所給印收州縣輒指為偽拘訊捐戶詬厲之已甚故事欽差大臣頒關防其他督辦軍務雖號欽差無銅符但自刊木印以為信諸疆帥故詰公所刊關防或謬題欽差大臣乃移文正其名以相譴然公包羞忍詢卒蕲大功者恃

聖主特達之知有以彈猜忌者之微耳公之言曰今日局

湘軍記

卷四

三

勢非位任督撫有察吏之權者不能治軍籌餉其後朝廷命將必畀以封疆數年間成效昭著羣賊以次蕩平其議自公倡之也嗟乎六合一家而疆臣私其財力不相恤如列國然為將帥者處客寄虛懸之位而欲有所成就豈不難哉

湘軍記卷四

武昌范德培校字

湘軍記卷五

東湖王定安撰

援守江西下篇

咸豐十年春和春金陵師潰蘇浙大擾賊悉眾東趨江西稍息肩曾國藩總制兩江有

詔詢左宗棠能否治兵因力薦之擢宗棠四品京堂襄辦軍務五月國藩進軍祁門徇皖南以圍攻安慶之師屬弟

國荃議令宗棠駐江皖之交防廣饒以規浙九月宗棠募湘勇五千次樂平十月駐景德鎮聞貴溪有賊馳擊敗之

湘軍記 卷五

一

廣東匪犯信豐南豐建昌連陷河口興安德興婺源十一月庚寅朔宗棠克德興壬辰克婺源匪併入徽州宗棠雖躋京卿軍事皆秉國藩指揮比於列將國藩以左軍新造慮未任戰遇急則令鮑超為之援宗棠佐湖南軍幕十年諳韜略或疑行陣非所習而超領霆軍有聲慄急素為賊所畏宗棠初起亦假超威名以為輔時安慶圍亟羣賊欲牽我兵勢則遣黨出江西翼分皖軍以赴之偽堵王黃文金者梟悍耐戰賊中所稱黃老虎者也自建德率大股犯饒州己亥陷彭澤辛丑陷浮梁壬寅陷都昌鄱陽江西大

震宗棠在婺源規取徽州聞急回軍景德而賊已偪我軍營於馬鞍山宗棠擊之里市渡敗之賊越山遁遂復浮梁甲寅黃文金自將悍黨二萬由湖口鄱陽犯景德宗棠會鮑超軍擊走之賊退踞石門洋塘左鮑軍躡至值雨雪相持未能戰十二月楊載福水師克彭澤都昌鄱陽而賊之圍湖口者彭玉麐吳坤修水陸固守得無恙

十一年正月左宗棠進屯梅源橋鮑超軍扼洋塘賊築壘延二十里乘雨雪潛渡謝家灘夜結浮橋三襲超軍宗棠遣羅近秋護其營戊戌超率所部出擊陳由立等攻中路

湘軍記 卷五

二

黃慶等攻左陳得勝等攻右而以馬伍承彌縫賊自雞公坡渡河撲超營羅近秋擊卻之超麾軍扼謝家灘拒戰直薄浮橋賊潰奪橋走溺斃無算斬級四千盡毀其壘黃文金負創宵遁己亥超躡之彭澤下嶠坂宗棠軍躡之黃麥鋪賊復率青陽銅陵援賊踞建德聲言回犯景德鎮癸丑超遣陳大富徇建德綴賊軍自率大隊攻黃麥鋪賊乘我未成列漫山分布呼聲振林壑超覘陣動乘勢壓之賊大奔追至建德適陳大富會水師克其城賊走安慶饒九解嚴而偽忠王李秀成自玉山犯廣信不克圍建昌穴地攻

城兵不滿千。劉于潯援師敗績。走撫州。賊躡至撫州圍。攻復不克。乃竄吉水。永豐。二月。偽侍王李世賢由婺源犯樂平。宗棠戰於甲路。不利。賊踞湧山沿溝。宗棠擊敗之。遂全師回景德。曾國藩以羣賊注江西。延綿近二百里。遣陳大富移防景德。宗棠率軍趨鄱陽。戊子。景德陷。大富死之。宗棠駐金魚橋。賊三面環集。後路斷。三月己卯朔。移駐樂平。李世賢偵知。留黨守景德。自將趨樂平。癸巳。至桃嶺。甲午。宗棠遇於馬家橋。縱擊敗之。丙申。復敗之。桃嶺。戊戌。追至龍珠羅。近秋陣歿。宗棠度賊必薄樂平。城久圯廢。乃

湘軍記

卷五

三

傍城東南掘外濠十餘里。引水塞堰。以陷賊騎。令鄉團入城守。為疑兵。辛丑。賊逼城而陣。縱橫十餘里。旌旗蔽山谷。宗棠軍益暇。悉濠植立無譁。待其偪擊之。發輒中。相持至夜。賊益疲。壬寅。賊大舉犯西城。宗棠率劉典趨中路。王開化出南門趨西路。王開琳趨右路。將士躍濠大呼。賊駭而奔。追至高橋小溪。人馬相蹈藉。李世賢易裝遁。左軍由是知名。

詔擢宗棠三品京堂。改幫辦軍務。李秀成陷吉安。江西軍復之。乃陷踞瑞州。四月。秀成遣黨分擾武甯。義甯。奉新。靖

安。入湖北邊。李世賢犯廣信。宗棠追擊破之。世賢走浙江。陷金華。慈谿。時安慶援賊踞集賢關。國藩檄鮑超渡江。赴援江西。惟存左軍七千。池州賊陷建德。踞鄱陽。規田街。宗棠在廣信。聞警。冒雨遄返。五月甲午。至景德鎮。賊夜遁。左軍追及於桃嶺。敗之。己酉。克建德。而浙撫王有齡等奏請宗棠援浙。

文宗垂問。國藩覆言。皖南事急。宜保徽州。固廣饒為根本。宗棠兵少難兼顧。

詔可之。癸丑。宗棠敗賊白沙關。六月。李秀成遣黨分擾德

湘軍記

卷五

四

安。建昌。前鋒及生米鎮。萬壽宮。南昌戒嚴。閩賊與花旗廣匪先後竄廣信。蔓延雙港河口。湖坊。鉛山間。國藩念江西急。遣鮑超赴援。七月己丑。超抵九江。賊素懾霆軍威。德安。建昌。賊皆不戰而走。超反以不及。賊為憾。李秀成在瑞州。聞超至。則令奉新。靖安。安義諸賊。悉由臨江渡河。分踞樟樹。沙湖。豐城。己酉。超馳至豐城。隔水而軍。賊於樟樹結浮橋。渡師拒我。次日。賊大股列山岡。搖旗迎戰。超麾軍分四路乘之。羣賊見鮑超旗。則膽落。交鋒即潰。追及於白馬寨。小塘墟。復破之。賊另股圍撫州。八月庚申。超至撫州。圍解。

走許灣。國藩聞軍捷。江西事緩。檄超回援安慶。比至南
昌。武陽渡。曾國荃已克安慶。超復折而南。庚午。至瑞州。賊
早竄貴溪。雙港湖坊河口。與花旗廣匪合。號二十萬。辛未。
超自瑞州冒雨。逆行。丙子。抵貴溪。賊遁。戊寅。進軍雙港。始
與李秀成遇。賊潮湧而至。超分軍應之。鏖戰三時。賊終不
支。越山跳。輒墜巖澗。死者萬人。毀雙港九思巖。同田河田
湖坊賊壘七十餘。次日。進攻鉛山。復大破之。克其城。追至
廣信。賊解圍遁。

文宗以超盛暑鏖戰。頒珍物優異之。李秀成既入浙。李世
湘軍記 卷五 五

賢與之合。浙事益糜爛。杭州危急。朝士交疏論以曾國藩
兼督浙軍。國藩薦左宗棠專浙江兵事。奏以饒州廣信徽
州三府屬邑丁糧銀米給宗棠饟。設婺源景德河口三稅
局裨之。三府防軍悉隸宗棠。於是江西又為浙餉根本所
系矣。十二月。杭州陷。
詔授宗棠浙江巡撫。自廣信移駐徽州。鮑超移勦甯國以
援浙。

同治元年正月。

召毓科回京。沈葆楨為江西巡撫。葆楨前守廣信有名。授

吉南頓臨道。不悅於長官。告養歸闕。曾國藩屢疏薦其才。
穆宗新即位。尤嚮用國藩。所論薦輒大任。故超擢葆楨撫
江西。軍興來。道員巡躋巡撫者。李鴻章。曾璧光。與葆楨而
三。葆楨勛績不逮鴻章遠甚。而負清望。為世所推許。亦一
時之良也。江西巡撫自陳啟邁。文俊者。齡輝。光宸。毓科。皆
守承平制。委權司道。其禦大寇。皆倚客軍。葆楨素習湘人。
始自養兵。重用湘將。道員王德榜。段起。以偏師積闕。閱為
大將。葆楨倚任之。其後江忠義。席寶田。留防江西。始稱勁
旅。而寶田名尤重於他將。葆楨之初至也。率千人赴廣信。

湘軍記 卷五 六

閱邊防。國藩飛書止之。且以吏事餉事相屬。葆楨已遄發。
遽返南昌。頗愆懣。國藩方恃江西為餉源。月撥漕折五萬。
給徽甯防軍。關稅三萬。償通餉。而釐金歲輸百餘萬。皆給
東征。九月。葆楨以本省防軍需餉。截留漕折月四萬兩。時
江南疾疫大作。李秀成率數十萬眾。援金陵。軍勢岌危。通
欠日積。國藩以是頗怨葆楨矣。

二年二月。黃文金自皖南犯江西。分擾鄱陽。浮梁。都昌。左
軍及江西防軍拒卻之。乃西趨湖口。踞文橋。梧桐嶺。太平
關。五月。李榕自彭澤移屯湖口三里街。江忠義自九江東

渡屯堅山以逼之六月賊自文橋犯堅山營江忠義迎擊走之黃文金中鎗傷閉壘不出甲辰忠義會浙江援軍劉典席寶田顧雲彩屈蟠敗賊青山斬馘二千屈蟠復敗賊段家洲七月丁未夜忠義自堅山俯瞰文橋七壘火熒熒相續知賊將遁約李榕平旦要擊賊不虞我軍至皆潰奔毀其壘三追至建德援賊大至復擊走之時金陵事亟國藩奏徵忠義軍出湖口轉戰青陽忠義病歿葆楨悉留所部屯江西奏以九江洋稅專供江席兩軍會國藩徵餉九江關道蔡錦青分稅銀萬五千以應乃報巡撫葆楨大怒

湘軍記

卷五

七

謾詞詆錦青移文詰問國藩國藩遜詞謝之然已積不相能矣十月李鴻章克蘇州李秀成先期遁回金陵曾國荃圍師益眾賊糧垂罄秀成涕泣說洪酋棄城走江西就食不從十二月秀成偵溧陽至饒景數百里頗乏食乃留防守而陰嗾李世賢持二十日糧道長興廣德甯國以犯江西先據旆區待秀成於是世賢遣黨西竄行甚慄疾國藩檄毛有銘渡江屯休甯葆楨以席寶田等萬人屯婺源韓進春五千人屯玉山拒之

三年正月辛亥席寶田攻賊金谿甲寅復其城賊由盩溪

趨建昌江西防軍敗之萬年橋庚申賊犯建昌席寶田韓進春迎擊敗之王戌寶田敗賊婺源之楓橋乙丑進春敗賊玉山之洋口二月左宗棠軍克杭州偽聽王陳炳文偽康王汪海洋自浙逸走分道犯徽州三月毛有銘唐義訓迎戰於楊村敗績於是嶺內遍地皆賊率由龍灣婺源竄江西絡繹望於道章貢間騷然矣葆楨以江西軍事方殷奏留茶稅牙釐專供本省軍部議允之國藩所部月餉需五十萬兩度支裕時歲給兵才六成至是金陵圍師益增餉入益絀歲給才四成欠餉至十六七月軍士缺望國藩

湘軍記

卷五

八

因抗疏曰臣初任江督兼辦皖南軍務其時江南六府糜爛皖南僅存祁門一縣於是奏辦江西釐金以充東征諸軍之餉月撥漕折五萬洋稅三萬先後奉旨允准沈葆楨到任後歷停漕折洋稅臣均未具疏爭辯今臣軍發餉四成江西各軍發餉八成以上臣軍欠餉十六七月江西軍欠餉不及五月以民困而論皖南甯國各屬市人肉相食或數十里野無畊種村無炊煙江西亦尚不至此臣於三省皆係轄境非敢厚於皖吳而薄於江西無論何人處臣之地勢不得不出於此也今蘇浙之省會

已克金陵之長圍已成論者輒謂大功可成元惡可斃以臣觀之洪酋與忠逆堅悍異常克復之遲速尙難預計昔庚申之春和春張國樑功敗垂成彼時圍師多二萬人餉項存營者尙數十萬今則餉需奇絀朝不謀夕安得不爭江西之釐以慰軍士之心臣嘗細繹會典事例大抵吏事應由撫臣主政兵事應由督臣主政就江西餉項論之丁漕應歸沈葆楨主政以其與吏事相附麗也釐金應歸臣處主政以其與兵事相附麗也釐金之起始於咸豐三年雷以誠倡辦於揚州初非

湘軍記

卷五

九

國家經制之款臣本督兩江又縮兵符凡江西土地所出之財卽丁漕洋稅三者一一提用亦不爲過何況釐金奏定之款尤爲分內應籌之餉不得目爲協餉亦不得稱爲隔省代謀如江西以臣爲代謀之客則何處是臣籌餉之地謂安徽應籌耶則喬松年亦得執本省隔省之說以相拒謂江南蘇松各屬應籌耶則李鴻章兵數之多亞於臣處除月解四萬外勢難再行提用謂江北淮揚各屬應籌耶則襄下河蕞爾之區臣與吳棠富明阿馮子材四人爭剝競取其何能給臣聞同僚交際之道曰分曰情巡撫應

歸總督節制見諸會典載諸坐名

敕書沈葆楨不得而違分也軍事危急之際同寅患難相卹有無相濟情也沈葆楨於前年漕折上年洋稅今年釐金三事中豈無一事可以先商後奏者人恒苦不自知或明於責沈葆楨而闇於自責臣例可節制江西或因此而生挾權之咎臣曾保奏沈葆楨數次或因此而生市德之咎幾微不慎動成仇隙然臣閱世已深素以挾權市德爲可羞頗能虛心檢點卽如漕折一案臣曾函商一次咨商一次洋稅一案臣接撫臣峻詞詰問之名曾經密函婉復

湘軍記

卷五

十

沈葆楨專尙客氣不顧情理實有令人難堪者臣亦不復能隱忍不言矣應請

諭飭江西釐金仍全歸臣處經收以竟將蒞之功俟金陵克復分成勻濟其金陵未克以前除彭玉慶劉于濤孫昌國三軍需餉五萬有奇循舊仍由江西釐金供支外其江席兩軍萬人臣亦必分撥特不可遽改局面搖動軍心致生功虧一簣之變於時葆楨上疏求罷

詔和解之乃分釐金之半撥金陵皖南大營餘供本省餉而另提輪船經費銀五十萬給金陵軍四月李鴻章克常

州餘賊亦道徽州走江西時汪海洋等踞貴溪金谿瀘溪而廣昌賊北犯南豐與相應李世賢屯崇仁北踞東鄉東併宜黃

朝廷益憂江西

詔詢國藩於彭玉麐楊岳斌中擇一人鎮撫岳斌載福易名也國藩以江西數被寇遣軍則破走之未嘗注意左宗棠夙重岳斌特疏請令當一面

詔岳斌督江西皖南軍先是浙中報賊逸出者殘眾數千人而席寶田上言強寇八九萬國藩葆楨據以上聞岳斌

湘軍記

卷五

十一

以寶田語侵宗棠滋不悅當是時諸軍分部攻守江忠朝席寶田攻崇仁王文瑞自樂安北進鮑超自豐城南下期會兵崇仁城下王沐自撫州攻金谿至許灣遇伏敗績賊圍撫州王德榜王開琳等屯安仁以規東鄉周寬世屯進賢衛省城水師孫昌國屯弋陽劉于濬屯盱水自江西用兵以來設備之盛未嘗有也岳斌至則議增兵八千以餉乏未果行六月周寬世王德榜會師圍東鄉賊自南豐援崇仁劉典席寶田合擊敗之賊勢西趨王沐移屯豐城東界王文瑞移永豐丙戌鮑超遇南豐援賊於豐城東敗之是

月曾國荃克金陵偽幼王洪福瑱越城缺走廣德七月己亥朔鮑超營七里岡以規許灣壬寅鳴角直進羣賊拒戰不及前鋒逼壘門軍士以草填濠悉奪雙鳳嶺琉璃岡九子嶺村神嶺賊壘毀平之賊自赤橋許坊來援復大破之環許灣賊壘皆盡斬馘近四萬遂進攻金谿己酉克之東鄉賊將率六萬眾詣超降選洋鎗精兵七千隸其軍庚戌江忠朝席寶田克崇仁辛亥克宜黃壬子宜黃賊走南豐超進屯建昌乙卯超軍收新城丁巳收南豐賊走廣昌南圍甯都知州郭毓龍城守賊走雩都王文瑞軍乘之賊走甯都悉徵水陸軍會勦席寶田慮浙防空虛疑不進岳斌奏以違節制奪按察使降知府尋有

湘軍記

卷五

十一

詔岳斌總督陝甘促赴鎮江西軍事專於巡撫八月賊酋黃文金等挾洪福瑱走浙江左軍部將劉光明黃少春禦之淳安昌化境屢破之黃文金譚體元皆殲偽裕王李繼達挾福瑱走徽歙邊道建口趨績溪其眾多降乃由遂安走開化入廣信黃少春先扼廣信劉典屯貴溪賊走鉛山將循建邵邊合瑞金踞賊丁太陽丁太陽亦東北趨石城

道謀迎福瑱。張岳霖、王德榜等軍邀之。賊疾走瀘溪。斜趨山谷間。晝夜行。諸將聞福瑱在偵所。嚮爭躡之。九月。席寶田邀賊新田。不及。遂率輕兵裹糧行。三日夜。及之。廣昌賊約三千人。憑嶺殊死鬪。官軍踴躍赴擊。大破之。殘賊才千餘。擁福瑱南走。寶田度賊一日未食。必止餐。令軍士蓐食追之。已酉平旦。及石城。見炊煙。令繞旁山先設伏。乃陣賊見官軍。遽走入伏中。俘斬過半。於是生得洪仁珩、洪仁政、黃文英及福瑱未昏妻。而福瑱走免。賊悉散。無可蹤跡。癸丑。鮑超兵至瑞金。丁太陽南奔武平。辛酉。寶田部將周家

湘軍記

卷五

七

良聞所俘小兒牧馬者。語其曹曰。小天王過此矣。即跡之。福瑱乃反從。數小兒北走荒谷中。擒而訊之。諸俘者皆曰。是矣。並獲李秀成子其祥。事聞。詔洪福瑱、么魔小醜。不直檻送京師。磔之。南昌市。李其祥俟及歲時。照例治之。餘黨汪海洋等入福建。諸軍移援閩。論功。左宗棠封一等伯。沈葆楨賞一等輕車都尉。鮑超封一等子。浙江布政使蔣益澧賞騎都尉。記名按察使席寶田賞雲騎尉。部裨給獎。有差。明年。霆軍援甘肅。超假還蜀。其部憚西征。行次湖北金口。大譁。四月。還掠袁州。五月。叛。

卒走廣東。合江海洋侵犯江西邊。席寶田擊破之。超復自蜀來招叛軍入粵。江西平。

王定安曰。曾文正沈文肅世皆號爲君子。曾公尤恢廓。有容。常以忍辱包羞。誨其門人子弟。然爭餉一疏。語稍傷於激矣。其必有憂危迫切。發於不得已者乎。沈公權勢遠出曾公下。舍江西則無可籌之餉。其畫疆而守。聊固吾圉。世多諒之。然悻悻負氣。亦過矣。嗟乎。位敵則相猜。權均則相逼。賢者不免。況其下焉者乎。

湘軍記

卷五

七

湘軍記卷五

東湖黃學濂校字

湘軍記卷六



東湖王定安撰

規復安徽篇

嗚呼軍興以來東南之亂極矣然未有甚於安徽受禍之烈者也其南則池州太平毘連金陵偏於賊巢而徽甯二郡錯處江西浙江間賊往來皆蹂躪之北則和滁與金陵隔江而峙鳳陽廬泗潁亳壽諸州介乎徐豫之交民俗勁悍好鬪樂禍李兆受苗沛霖之倫乘機號召結圩寨竊名城自為君長雄據一方而安慶扼長江腰膂俯仰吳楚為

湘軍記

卷六

一

兵家所必爭賊既陷州郡設偽官責糧賦於民民之擄殺流亡死喪以百萬計隴畝荒穢百里不聞雞犬其僅存者築垣自守幾望官軍不至聞餽遺賊冀苟免於旦夕甚至仇讐相圖弱肉強食自相誅夷殘滅者不可勝數也迨湘軍起曾國藩胡林翼經營東征尤急急以謀皖為事賊苦圍攻久則旁掠湖北江西以疲我我軍崎嶇角戰屢瀕於危自曾國荃克安慶悍酋陳玉成就戮羣賊奪氣而淮南北奸宄反側之徒始爭輸誠言款事矣初咸豐三年正月洪秀全棄武昌東下總督陸建瀛師潰鄖穴按察使張熙

字水軍屯小孤山聞警亦走壬戌安慶陷巡撫蔣文慶死之布政使李本仁走舒城

詔逮治熙字本仁賊眾號五十萬棄安慶不守水陸趨金陵二月乙酉江甯陷洪秀全與楊秀清定議踞之遣林鳳祥等陷鎮江揚州四月胡以晄犯桐城再陷安慶林鳳祥略滁州徇臨淮乙未陷鳳陽五月楊秀清復遣吉文光自浦口西北犯亳州與鳳祥合犯河南歸德中原騷然矣賊既踞安慶偽翼王石達開頗事要結張榜安民擇村里桀黠者為鄉官迫民獻糧冊按畝輸錢米立權關於大星橋

湘軍記

卷六

二

以鐵鎖巨筏橫截江面阻行舟徵其稅時院司皆僑寄廬州眾議建為省治十月楊秀清以秦日綱代達開日綱尤凶狡乙酉乘雨撲集賢關進攻桐城陷之庚子陷舒城團練大臣呂賢基等死之總兵恆興走廬州詔斬以徇授江忠源安徽巡撫忠源新自江西援湖北力疾趨廬州奏以曾國藩練軍六千人助勦十一月朱晉復言國藩負時望人樂為用應令順流東與忠源水陸夾擊詔國藩率舟師出洞庭入大江規復安慶國藩因建四省合防之議

文宗手詔答曰。安省待援甚急。若必偏執已見。則太覺遲緩。觀汝奏。直以數省軍務。一身克當。試問汝之才力。能乎否乎。汝能自擔重任。迥非畏葸者比。言既出。諸汝口。必須盡如所言。辦與朕看。時黃州以下皆賊。援師不能達皖境。而湖南前遣劉長佑。江忠濬。湘滇兵已三千餘。江忠源自鄂率千人。饋兩行。將率多道病。忠源亦病。至六安。憊甚。六安吏民遮留。不許以鶴麗鎮總兵音德布守六安。昇疾達廬州。所部才數百人。忠源既入城。胡以眺率悍黨十餘萬。踵至。圍之數匝。忠源策水西門當賊衝。自率親軍駐之。廬

湘軍記

卷六

三

民登陴環守者萬人。賊穴東門爲隧道。忠源募死士自穴出迎擊。斬其酋。賊驚躁。我軍自城上擲火彈擊之。皆反奔。賊復穴水西門。火發。城崩數丈。忠源手大旗綠陴上。堵合之。當是時。援軍壁廬州者。總兵王山率滁兵駐拱宸門。陝甘總督舒興阿率萬五千人駐岡子集。總兵音德布率滇兵駐棗林。江忠濬劉長佑自湖南至。駐西平門五里墩。玉山戰死。舒興阿音德布屢戰皆挫。廬州益飢困。長佑忠濬遣卒挾白鏹油燭。夜半縋城入。以濟軍。鄂將戴文蘭以五十八人閒行至廬。懷鏹入城。而賊步騎十倍我。援師中隔

不能進。圍月餘。益穴地理。火藥爲地雷。十二月丙戌夜。水西門城坍。賊緣牆上。忠源揮兵搏戰。天且明。霧蔽蔽如雨。左右血刃擁巡撫行。忠源手劍自刎。不殊。有健兒負之走。嚙其項。脫身投古塘死。同時殉者。布政使劉裕鈔。李本仁。池州知府陳源充等。事聞。贈忠源總督。湖南江西廬州皆建祠。忠源字岷樵。少以俠聞。嘗赴禮部試。其師鄧某死京邸。友人鄒生曾生卧病。朝夕在視。及卒。忠源謀歸三喪。走萬里。反葬其閭。人皆義之。與湘陰郭嵩燾友善。在京時。嘗偕詣曾國藩。談諧縱談。國藩大奇之。既出國藩。目送之曰。

湘軍記

卷六

四

岷樵天下奇才。他日必立勛名。然當以節義死。時承平久。聞者或駭怪。至是竟如其言。忠源既薨。

詔提督和春漕運總督福濟規廬州。旋授福濟安徽巡撫。駐軍店埠。

四年正月。

詔曾國藩出九江謀安慶。與和春福濟南北會師。戊辰。國藩水師發衡州。而賊已大舉趨湖北。前鋒及岳州。

文宗促國藩兼程援鄂。語在規復湖北篇。二月。賊將孫寅三越太平陷祁門。復南陷太平。踞之。學政孫銘恩自剄死。

曾立昌率皖賊犯豐工。渡河竄山東。是爲臨清股匪。福濟和春駐廬數月。久不得要領。五月庚戌。冒雨攻城。斬千餘級。辛亥。再戰再勝之。城卒弗克。總兵全玉貴中礮死。軍心益懈。巡撫建議以重兵扼東北路。別遣將督團練巡郡邑。以爲聲援。於是民間多築堡練兵。圩寨自此興矣。七月。江南軍張國樑克太平。閏七月。知州李元善克英山。八月。湘軍克武昌。羣賊還走皖境。九月。福濟軍復廬江。十一月。曾國藩督師九江。石達開在安慶。遣黨分屯孔壠驛小池口。以援九江。塔齊布羅澤南連敗之。十二月。福濟軍克含山。

湘軍記

卷六

五

五年正月。楊需師潰廣濟。皖賊由富池口道。斬黃逕犯武漢。曾國藩自九江遣軍援鄂。南岸之賊自東流建德犯江西。饒州復東掠祁門休甯。攻徽州。陷之。是時石達開羅大綱踞九江湖口。與安慶首尾相救。自湖口下。東流建德暨徽州甯國。賊往來規犯江西浙江者。相望於道。而廬州陷賊已二年。和春福濟駐軍三里岡。曾國藩崎嶇江西。未遑攻皖。二月。國藩上議曰。以湖北安徽江西三省論之。陸路須有勁兵四枝。水路須有勁兵兩枝。自蕪黃以達太湖宿松。爲內一路。自漢口濱江而下。田鎮鄔穴以達小池口望

江縣爲外一路。南岸自九江以上。與國武甯崇通。皆土匪句結粵賊之淵藪。爲西一路。自湖口下。饒池徽甯。皆逆匪覬覦浙江之要途。爲東一路。北岸之黃梅太湖。前臨大江。後枕潛岳。一山綿亘數縣。屏蔽舒廬。爲該逆必爭之地。南岸池州雖瘠區。而大通鎮殷家匯水陸交衝。南窺徽嚴。東障蕪湖。亦爲該逆必爭之地。故南岸以東一路爲最要。而西路次之。北岸以內一路爲最要。而濱江一路次之。水師自武昌以達湖口。爲上一枝。自小孤山逾東西梁山以達太平采石。爲下一枝。乃與紅單船相接。兩枝各自成軍。庶

湘軍記

卷六

六

免首尾不顧。腹背受敵之患。論中原之大勢。則江北重於江南。論此賊力爭長江。堅守廬州之情。縱不能籌備兩軍。亦必須梅太舒桐。有一枝堅強可恃之兵。然後內可克廬。郡外可清江面。副都御史袁甲三現駐臨淮。由壽州光固以達麻城黃州。程途不過十日。若令招壽州光固之勇。練成五千勁旅。由麻城出黃州之背。出其不意。邀而擊之。則蕪黃各屬可復。皖鄂之氣可通。疏入。未果行。三月。浙江巡撫何桂清遣軍復徽州及歙縣休甯。賊由黟縣入婺源。向榮遣鄧紹良自浙赴援。克之。賊復走黟縣石埭。鄧紹良追

擊敗之。五月鄧紹良克石埭。六月張國樑復太平。七月鄧紹良復蕪湖。十月辛卯朔福濟和春克廬州。十二月安慶賊合無爲蕪湖諸寇東解鎮江圍。江南水師李德麟吳全美逆擊於神塘河。大敗之。而裕溪口援賊由范羅山連亘陶陽浦。亦爲向榮軍所殲。斬其酋數十。

六年正月和春復舒城。鄭魁士敗賊三河。三月賊由太平涇縣犯甯國。陷之。向榮遣軍援甯國。五月江南大營陷。七月向榮薨。和春爲欽差大臣。自廬州移師金陵。八月金陵賊酋相殺。石達開奔甯國。還入安慶。九月知府李元華克

湘軍記

卷六

七

無爲。福濟軍復巢縣。秦定三敗賊桐城。十一月胡林翼克武昌。十二月楚師圍九江。軍鋒所至羣酋股栗。皖邊皆震懾矣。

七年二月賊圍壽州。金光節擊走之。浙軍周天受復婺源。鄭魁士師潰桐城。

詔湖北撥兵援皖。官文遣李孟羣率二千五百人以行。三月楚軍大捷於小池口。四月李孟羣復英山。賊酋陳玉成自桐城率三萬眾犯鄂邊。楚軍李續賓駐小池口。鮑超屯黃梅以禦之。時官文胡林翼專力攻九江。議者輒欲分兵

援皖。林翼等奏。昔吳臣紀陟言長江五千七百餘里。疆界

雖遙。而險要必爭之地。不過數四。所謂險要者。荆襄武漢

九江湖口耳。今上游悉定。必盡力攻克九江。而後江西之

門戶以固。江南之全局可圖。後卒如所策。閏五月皖賊大

舉犯湖北。胡林翼至黃州督師。七月李續宜擊賊斬黃大

破之。八月楚軍克小池口。賊全股回皖。合捻犯廬州。九月

福濟遣軍逆擊敗之。時楚軍楊載福水師克湖口。彭澤乘

勝東下。破馬當峽。焚華陽鎮。辛丑克望江。癸卯克東流。遂

趨安慶。燬西門外賊壘三。甲辰克樅陽。乙巳破大通鎮。丁

未克銅陵。浹旬之內。轉戰千里。遂與江南水師李德麟相

接。先是德麟率紅單船屯繁昌之舊縣峽口。阻賊艇弗得

上。已七閱月。至是驟見楚軍。皆驚爲神。載福進攻泥汊

賊壘。克之。乃罄所獲糧米船礮餉紅單船。曰微公等扼吭

吾不能飛渡也。德麟軍士皆歡呼。十月載福回軍彭澤。十

一月江西賊大舉犯湖口。援九江。皖賊亦自江北岸應之。

湘軍記

卷六

八

水師三路擣之皆大捷斃賊二萬餘賊走霍山踞獨山西河口將犯羅田麻城官文分九江步軍三千禦之

八年正月楚軍石清吉等助防宿松多隆阿敗賊太湖二月羅田知縣崔蘭馨復英山唐訓方敗賊黃泥阪四月李

續賓克九江皖賊由英霍繞商城陷黃安五月丙子李續賓攻克之戊寅復麻城乘勝追至商城暨皖之潛太英霍

屢敗之江南軍克江浦皖賊踞來安冀為金陵聲援和春遣軍復之揚州軍復全椒七月三河賊陷廬州先是

文宗以福濟師老無功召罷回京翁同書為安徽巡撫勝湘軍記 卷六 九

保為欽差大臣同書向在揚防李孟羣攝巡撫事駐兵店埠廬城駐守者惟總兵蕭開甲知府武成功戊子賊乘虛

攻城陷之賊偵勝保且至遣黨至定遠迎戰穆騰阿克蒙額等擊走之巡撫兵新敗器械失告急於李續賓約繞豫

赴廬續賓方血戰太湖未能分軍丁巳續賓克太湖癸亥克潛山丁卯多隆阿鮑超克石牌九月李續賓自石牌徇

桐城趙克彰為前鋒賊出城撲我營迎擊破之毀其壘四已卯李續燾肉薄先登遂克桐城續賓移兵舒城賊聞桐

城拔無固志庚寅棄舒城走三河三河距廬州五十里賊

屯糧械以濟廬州金陵者也築大城環以九壘賊守甚嚴續賓入皖才一月軍行迅厲城壘望風瓦解已克四邑皆

留兵守之是時都興阿馬隊攻安慶多隆阿鮑超陸師趨集賢關楊載福水師擣北門皆絳賊不能進而羣寇新破

江北德興阿軍陷六合殺翼長溫紹原勝保屯定遠日夕待援

朝廷憂皇專恃續賓軍勝保屢劾續賓赴援稽緩密詔促之凡十日七奉

旨續賓益自奮諸將爭言安慶未復軍行無後繼腹背受敵此危道也宜還桐城合都軍攻安慶則水陸馬步名將

精卒萃於百里之內功必可成續賓以奉詔催不敢他顧遂力進而發書湖北請益師續賓弟續宜

將四千餘人屯黃岡唐訓方將三千人道英山援淮北未行胡林翼已持喪歸官文告司道續賓用兵如神無所用

援續賓雖乞師終不肯留兵示弱則進攻三河十月令丁銳義等攻河南黃勝日等出東北李續燾等攻西續賓居

中策應甲辰九壘皆克俘斬七千官軍傷亡千餘眾懼乃增調後軍未至三河守城已飛書乞援偽英王陳玉成自

湘軍記 卷六 十

江浦廬江西上。僑侍王李世賢糾捻酋張洛刑自廬郡至。金牛鎮連營數十里。抄我軍後路。辛亥。續賓遣金國琛。毛有銘等乘夜趨金牛。黎明。次樊家渡王家祠。遇賊至。戰不利。天忽霧。迷漫不見人。我軍左路先潰。中右兩路被襲。諸將多陣歿。士卒傷亡過半。歸路阻絕。續賓領親軍縱橫盪。決殺賊近二千。而七營已先陷。賊踞壘斷河隄以截我圍。官軍數十重。續賓還營歎曰。今敗矣。取。

詔書北而再拜焚之。令於軍曰。見月而走。月出。縱軍出營。四馳。續賓躍馬入賊陣。死之。曾國華等亦與難。道員孫守。湘軍記 卷六 十一

信與諸將堅守營壘三日而敗。死之。又六日。桐城守兵亦敗。前後死者殆六千人。無苟活者。續賓號迪庵。湘鄉人。少從羅澤南學。爲人含宏淵默。稠人廣坐。終日不發一言。其選士。以知恥近勇。樸誠敢戰爲尙。遇賊。則以人當其腕。而已當其堅。糧仗。則予人以善者。而已取其贏者。所屯軍地。百姓畊種不輟。萬幕無譁。秋毫無犯。他軍之將士。逃難之流民。皆歸之如父兄。大小六百餘戰。克四十餘城。口不言功。世尤多之。及其歿。遠近痛哭。舒桐難民負骸骨出事。聞。文宗震悼。

手詔曰。覽奏不覺隕涕。惜我良將。不克令終。尙冀忠靈不昧。他日生申甫以佐予也。

追贈總督。子諡忠武。湖北安徽江西湖南皆建祠。續賓死後。四城皆陷。都興阿等撤安慶圍。退屯宿松。

詔起復胡林翼赴湖北視師。十一月。多隆阿鮑超大破賊於宿松。楚軍復振。和春遣將徇皖南。所部江長貴敗賊祁門。青陽。鄧紹良敗賊蕪湖。戴文英敗賊甯國。甯國賊陷。婺源。

湘軍記 卷六 十二

詔張芾督皖南軍。官文駱秉章疏請曾國藩援皖。時國藩率師援閩。駐江西建昌。閩浙總督王懿德請緩移師。

文宗諭國藩酌緩急行。十二月。胡林翼至黃州。鮑超敗賊宿松北。二郎河。賊氣稍阻。

九年二月。都興阿請疾。胡林翼以多隆阿領其軍。馬步五千當前敵。立蔣凝學爲大將。合鮑超唐訓方軍萬五千。陳玉成還江浦。留太湖賊數萬與我相持。時李孟羣壁廬州。西賊自六安犯宮亭長城營。丙辰。李孟羣鄧清兩營皆陷。遂摩孟羣壘。孟羣戰不利。猶手刃三人。力竭死之。孟羣卿穀子。以廣西知縣從戎。戰略爲時所稱。在軍雅歌賦詩。闕。

達自喜。領兵既多，餉益不繼。皖北赤地千里，遂困憊不能振。父子死王事，淮楚人皆哀之。皖南軍復婺源。三月，勝保駐軍正陽關。茅念劬克六安霍山。五月，陳玉成陷盱眙。勝保軍復之。六月，賊分黨犯定遠。前淮揚道郭沛霖知縣周佩濂死之。八月，勝保軍敗賊盱眙東。多隆阿鮑超克石牌。石牌當安慶西南，賊作大城，與太湖相倚。我軍攻城，安慶潛山賊分道來援。馬隊要擊敗之。十月，楚軍大舉攻太湖。增余際昌等九營助戰守。奪潛山之天堂。先是曾國藩奉命援蜀，還駐黃州。官文胡林翼言皖事急，兵不宜西。漕督

湘軍記

卷六

三

袁甲三則議令國藩由河南光固遏賊北竄。

詔國藩籌論全局。國藩奏中原腹地莫重於皖，生民苦厄莫甚於皖。臣自應先其所急，詳考入皖形勢，須分四路。南則循江而下，一由宿松石牌以規安慶，一由太湖潛山以取桐城。北則循山而進，一由英山霍山以取舒城，一由商城六安以規廬州。南軍駐石牌，則可與楊載福黃石磯之師聯為一氣。北軍至六安，則可與翁同書壽州之師聯為一氣。自洪楊內亂，金陵逆首凶愆久衰，徒以陳玉成往來江北，句結捻匪，遂令皖北之糜爛日廣。江南之賊糧不絕。

竊以為欲廓清諸路，必先攻破金陵。欲破金陵，必先圍安慶。以破洪逆之老巢，兼搗廬州以攻陳逆之所必救。文宗深韙其言。十一月，國藩移駐宿松。彭玉慶復池州。偽國宗韋志俊降。其黨古隆賢復攻陷之。十二月，胡林翼移駐英山。時多隆阿新貴，諸將不樂出其下。於是鮑超求去而多隆阿亦請疾。林翼憂之，計諸將惟曾國荃才地洽眾望，欲令總諸軍。國荃謝曰：多將軍忠勇絕倫，常疑吾輩輕武職。國荃請為之下，則眾將自輯睦。林翼大喜曰：公能如此。

湘軍記

卷六

四

國之福也。乃奏以多隆阿總統各軍。多隆阿既為諸軍長，則撤太湖圍，檄鮑超屯小池驛當前敵。移蔣凝學軍為超後援。而自將居新倉與賊偪。賊循潛山西太湖東連營百數。丙辰，攻超營。丁巳，多隆阿率凝學攻賊營以救超。破其壘十三。我軍傷亡七百人。賊攻超益亟。番休迭進。歷六晝夜。國藩盡發宿松屯兵九千人圍太湖。而移太湖圍師唐訓方三千人援小池。林翼益調麻城防兵以千人益新倉。二千五百人助攻太湖。又合兵二千防官軍後。多隆阿分親軍入超營助守。將士死亡相救如手足之捍其身云。

十年正月辛未。唐訓方移屯小池。築壘未就。賊大至。戰不利。退屯新倉。林翼先遣金國琛。余際昌將九千人出天堂。謀夾擊。所謂山內之軍也。自除夕入山。冒雨行十日。至高橫嶺。望官軍寇壘皆在目中。乙亥。賊來攻。際昌破之。國琛屯仰天庵。賊乘霧登山。我軍突起躡之。磔其酋。多隆阿增千五百人屯小池。國藩益三千五百人屯新倉。時大雨連朝。山內軍與山外軍鳴角發礮聲相應。賊稍懼。暗移軍近太湖。辛卯。多隆阿自將五千合鮑超。唐訓方。蔣凝學。朱品隆萬四千人。會攻賊。連敗之。壬辰。平旦。分三道東攻小池。湘軍記 卷六 五

人援浙未至。杭州陷。三月。議以國藩所部萬人圍安慶。多隆阿領萬人圍桐城。李續宜領萬人屯青草塢為援。皖南軍復績溪。閏三月。江南大營陷。胡林翼與國藩議。以曾國荃領安慶軍屯集賢關。是為規復安徽之始。蕭翰慶克太平。江長貴克旌德。石埭。四月。蘇州陷。詔國藩署兩江總督。國藩行兵務持重。議將進甯國。猶恐其險。乃移屯祁門。乞林翼假鮑超全軍。而自將朱品隆。張運蘭合萬一。千人以行。楊載福。彭玉麐水師敗賊。樅陽。五月。國藩自宿松至安慶。視水師。議建淮陽甯國太湖水師。湘軍記 卷六 六

之周天受戰死。李世賢率四萬眾出廣德。犯徽州。曾國藩欲自將守徽。使朱品隆覘地形。品隆言非精兵二萬不可。前督師張芾軍萬人。分防諸隘。實不任戰守。軍餉久乏。倉卒遣散。以索餉雜居城中。國藩以李元度前守貴溪有功。令權皖南道。元度亦自許能守之。至徽三日。土匪散軍結連甯國賊。而旌德賊繞績溪關入叢山關。元度乞援國藩。時鮑超假還。張運蘭攻旌德。為賊所絀。乃以散軍四營往。則賊已大至。四營潰。還走休甯。徽州城中軍大奔。元度遂南度開化。癸未。徽州陷。前皖南道福咸死之。國藩急檄運

湘軍記

卷六

七

大營。國荃曰。賊正欲牽我軍耳。奈何為所誤。攻益力。陳玉成見圍師終不退。乃率十萬眾援安慶。國荃屢擊屢破之。玉成則走桐城。增壘不戰。多隆阿屯挂车。約李續宜夾擊。弗能克。戊子。多隆阿自挂车掠賊壘而北。續宜自新安渡掠壘而南。賊不能守。則出戰。兩軍奮擊。大破之。玉成走廬江。十一月癸巳。池州賊陷建德。守將普承堯師潰。國藩遣唐義訓統祁門各軍往援。禦賊利涉口。破其壘。追至三里街。賊棄城逸。李秀成踞羊棧嶺。窺祁門。尤迫近。國藩遣楊鎮魁等屯盧村。拒之。丙午。賊襲盧村。張運蘭援擊卻之。戊

湘軍記

卷六

六

蘭還。而促鮑超赴軍。自太平南還屯漁亭。賊益西趨。陷休甯。將攻祁門。軍中大震。從吏皆請國藩亟去。國藩策賊必嚮東南。窺空虛。乃咨左宗棠率新軍屯樂平。賊果分陷清安嚴州。九月。鮑超張運蘭合攻休甯賊。敗之。十月壬戌。楊載福水師援南陵。拔難民十餘萬人。賊徧祁門。國藩移鮑超屯西館。張運蘭屯迪祥湖。距休甯城十餘里。甲子。賊出榔市來犯。運蘭逆戰。敗之。丁丑。復敗之。萬安街。李秀成自將數萬眾出羊棧嶺。陷黟縣。庚辰。超運蘭攻克之。是時環祁門無安土。屯軍皆斂兵自守。或勸曾國荃輟安慶圍救。

申。賊益添嶺外軍。國藩密遣宋國永繞黟縣由盧村進。張天習繞嶺外斷賊歸路。比交鋒。前後突出。賊潰走。追者反出其前。輒墜巖挂樹死。十一年正月乙未。石埭賊犯祁門。江長貴敗之大洪嶺。黃惠清禦賊大赤嶺。失利。丁酉。唐義訓敗賊石門橋。賊踰大赤嶺。逸乙卯。左鮑軍復建德。左軍獨攻婺源。中伏。引還鄱陽。鮑超渡江。助攻安慶。二月。池州賊踰嶺趨祁門。國藩遣朱品隆江長貴拒走之。國藩初屯祁門。倚糧江西。至是糧運三十日不至。眾爭言取徽州可自立。兼資餉於浙。三月

庚寅國藩自將祁門軍至休甯。徵夥防軍會師。癸巳督攻徽州。大雨不克。甲午還休甯。戊戌復進。庚子賊夜出驚我軍。八營皆潰。辛丑遣各軍還營。國藩誓死守。留休甯諸將皆諫弗聽。其弟國荃自安慶餉米數千石。且謂株守偏陬無益。宜出大江規全局。國藩喟然從之。時楚軍全力謀皖。曾國荃頓兵安慶。日夜與賊搏戰。胡林翼駐太湖策應。陳玉成乃北出英山。破蕪黃。遂北踞德安。南則另股攻江西郡縣。出義甯。擾崇通。東由衢州至於處州。欲多方誤我。為解圍之計。玉成留黨守德安。而自領精銳回安慶。辛丑至湘軍記 卷六 九

太湖多隆阿遣軍嘗之。戰不利。眾請增軍。多隆阿令皆還保大營。賊疾趨安慶。丙午入集賢關。守賊葉芸來先已往。淮北約捻黨二十餘萬人渡淮。會玉成攻國荃軍於菱湖北岸。築壘十三。南岸築壘五。參差相聯。賊燒關內廬舍。火光燭天。賊更番出襲。南北岸羣賊分起。應之多。置小舟於湖中。通往來。庚戌國荃屬楊載福昇礮船數十入湖。以其弟曾貞幹。蕭孚泗出濠衛之。賊捲甲疾趨。聞孚泗軍貞幹救之出。蔡國祥水師已入菱湖。奪賊船。載福增遣唐學發舢板助戰。擊傷益眾。玉成日增礮壘。偏我營。國荃與眾

湘軍記 卷六

謀曰。賊壘縱橫。宜據東路湖邊。泊水師。築壘護之。乃可制賊命。甲寅遣貞幹等出東路。橫濠倚水。修壘。玉成死力來爭。我軍且築且拒戰。一晝夜壘成。賊氣始阻。時林紹璋洪仁玕黃文金亦率悍黨援安慶。多隆阿邀擊於新安渡。大破之。四月乙未朔。國藩率五百人移屯東流。留朱品隆守祁門。張運蘭守休甯。江長貴守柏溪。唐義訓守漁亭。沈寶成守歷口。楊占魁守羊棧嶺。國藩既出。江益規畫取安慶。陳玉成屢挫於多隆阿。還屯集賢關。適曾國荃輕騎至關。外偵地勢。與賊遇。賊大股分路躡之。國荃所部不滿二百。湘軍記 卷六 三

據險列陣以待。賊疑有伏。愕而止。國荃縱騎還擊。大破之。玉成自馬踏石鼻水夜遁。留悍黨守赤崗嶺四壘。與關內十三壘相聯。國荃增掘長濠。包菱湖羣壘。俱在圍內。賊計始困。當玉成之遁。多隆阿遣軍尾追。己巳玉成糾林紹璋洪仁玕黃文金暨捻酋孫葵心馬步三萬眾。自挂車河。嶗峒尖斜迤棋盤嶺。延綿二十里。分三路橫我軍。次日黎明。多隆阿分軍設伏。自率勁旅迎戰。至河邊。與羣酋還戰。方酣。伏起。賊後軍忽亂。玉成遮敗寇回戰。而項家河賊營為伏軍焚。賊驚潰。傍山奔桐城。於是新立八壘皆克。五月曾

國荃合鮑超攻赤崗嶺七晝夜下之盡殲其眾超移援江西湘軍威聲益盛守賊多墜城詣國荃降六月戊午朔國荃攻菱湖北岸十三壘南岸五壘悉破平之七月陳玉成復約楊輔清率十餘萬人自無為趨英山繞宿松逕襲太湖分軍出高樓嶺攻桐城軍而悉眾趨安慶國荃偵知之先率精兵伏要路賊至突擊裏賊而戰殺傷數千人胡林翼擊破太湖賊多隆阿復敗桐城賊於挂车玉成退屯石牌仍分黨援安慶時城外賊壘破壞略盡國荃攻東門月城燬之惟北門餘石壘三皆死黨踞之堅不可拔國荃召

湘軍記

卷六

三

驍將程學啟親爵之曰必克三壘學啟選勇士數百人緣礮穴而入戰於壘中斬千餘人擒三百七十人三壘皆下陳玉成既屢敗復收餘眾增約捻黨屯集賢關內分四十餘壘丙午攻國荃軍襲其後國荃不為動賊踰濠逼壘則開壁大戰斬寇帥數人賊踰濠而遁國荃軍蹙之仆於濠者不可勝數戊申賊復以死黨度濠國荃選壯士持短兵迎斫之戰良久血肉相藉賊稍卻國荃親督軍益新壘環濠左右伏精兵葉芸來傾巢出由鹽河至十里鋪東撲新壘玉成自城外應之親援桴鼓督陣殺不前者國荃揮眾

禦賊而板築如故自夜達旦新壘成殲悍賊三千尸骸積田壠羣賊既屢挫糧不給復築壘菱湖北岸昇小艇泛湖汎齋糧入城國荃遣貞幹亦作壘菱湖合水師蔡國祥絕賊糧而暗令軍士鑿穴埋地雷八月丁巳朔火發北城圯國荃揮軍登堞斬萬六千級俘數千人其自南門逸者後軍追擊之多擠於江遂克安慶陳玉成楊輔清洪仁玕遠望膽落皆遁走是時

文宗方狩熱河洋兵屯天津未退中外疑懼苗沛霖反側淮上與金陵賊相結而江蘇浙江列郡皆陷皖南賊環逼

湘軍記

卷六

三

祁門國藩日夜憂惶胡林翼屯太湖議者亦多勸其退兵安慶捷聞南北軍皆相賀林翼病甚強起草奏而文宗已崩林翼亦薨

穆宗立獎國藩林翼太子少保國荃由道員賞布政使銜以按察使記名彭玉慶為安徽巡撫移前巡撫李續宜撫湖北皆辭

詔還續宜安徽是時楊載福水師克池州銅陵多隆阿克桐城舒城宿松黃梅湘軍所向皆捷國藩移駐安慶是為肅清東南之始九月丙戌曾國荃率師東征辛丑克泥汊

續修四庫全書 史部 紀事本末類 五七六

口甲辰克神塘河乙巳薄無爲州先是賊酋馬玉堂妻子在安慶國荃執不殺諭降玉堂寇帥陰覺之擊玉堂其黨大譁互相攻殺聲達城外國荃乘亂擊之賊開北門逸無爲復進攻運漕鎮運漕鎮者外瀕江內通巢湖賊運糧道也國荃遣王明山水師扼黃淮河過巢湖行船自將攻運漕戊申克之甲寅遣黃翼升陳湜克東關於是安慶百里閒無賊壘國荃分軍守安慶無爲及運漕東關不足十月丙辰朔國荃還安慶詣國藩議增兵當是時多隆阿將二萬人攻廬州李續宜部將蔣凝學等將萬人屯六安霍山

湘軍記

卷六

三

左宗棠軍屯婺源張運蘭等屯徽州李元度新軍出廣信防浙而皖北賊聚保廬州諸將爭謀進取國荃勝兵八千防新克城隘乃令國荃回湘增募六千人規金陵而左宗棠將大舉援浙鮑超朱品隆等合軍攻甯國凡五道並進湘軍威名聞天下中外交論其功疆帥爭疏請援朝廷益倚重國藩

詔節制江浙四省國藩屢讓不拜薦左宗棠專浙事分徵防諸將隸之十一月杭州陷賊分犯徽州守將朱品隆戰不利唐義訓因隙弗相救國藩切責之義訓品隆上書悔

懼七戰皆捷十二月鮑超敗賊青陽朱品隆敗賊徽州賊解圍遁

同治元年正月授曾國藩協辦大學士曾國荃浙江按察使

朝廷以杭州陷松滬危急議令國荃率師出上海規蘇常

而後蘇杭可圖願任其難者國藩壯其謀因以金陵屬國

湘軍記

卷六

四

荃而薦道員李鴻章習兵事堪疆寄乃擇湘軍長將增募廬淝健兒乘輪船東下淮軍興矣二月國荃新軍自安慶東下三月克巢縣含山和州至裕溪口其弟貞幹克繁昌至南陵鮑超克青陽石埭太平至涇彭玉慶水師中江而下至金柱關當是時國藩建節安慶指麾眾軍曾國荃徇江北曾貞幹鮑超徇江南彭玉慶左右應之是爲進取金陵之師李鴻章率湘淮陸勇佐以黃翼升水軍出上海是爲謀取蘇州之師左宗棠山徽州進嚴衢是爲規取全浙之師皖北則多隆阿攻廬之師李續宜援潁之師皆秉承

節度其他袁甲三及李世忠淮上之師都興阿揚州之師
馮子材魁玉鎮江之師奉

旨兼顧廣輪數千里呼吸相通

朝廷擇將帥往往

溫旨垂詢所論薦皆一時才雋或偶獎一士即越資超擢
疑為異材海內英俊風驅爭驚於功名矣四月甲寅張運
蘭克旌德丁卯多隆阿克廬州自安慶之捷陳玉成狼狽
西奔將趨湖北德安招其黨羣酋不從乘夜由六安走廬
州眾漸攜貳洪酋切責之玉成懼屯廬州城東弗敢去多

湘軍記

卷六

五

隆阿遣雷正綰攻東南門石清吉攻西門別約皖軍張德
勝設伏北門誘敵玉成恃驍悍率三千人抄我軍正綰迎
擊勝之玉成退據城北浮橋城賊開北門出大眾謀合擊
正綰軍方出城見玉成退則驚以為大敗玉成遽斷浮橋
過賊賊使阻水反拒城賊愈驚自相蹂石清吉等梯西南
以登羣賊皆狂奔斬數千級俘八百餘人拔難民七千餘
人玉成走壽州以苗沛霖陰受偽封往乞援沛霖懼楚軍
威又慮玉成襲奪已眾陽稱疾遣苗景開迎謁於中津渡
於城具三千人食玉成餘黨猶二千既入館眾皆走城外

登堂見楛鎖始大罵沛霖縛而囚之及從者二十餘人將
獻潁州勝保營擒首張洛刑調知糾黨至江口集謀劫奪
沛霖擊走之既至潁勝保檻送京師至延津有

詔凌遲處死傳首皖豫玉成囚很亞楊秀清而戰略過之
軍中號四眼狗自韋楊相殺石酋遠竄洪秀全所恃者李
秀成在蘇州玉成在安慶玉成既誅楚皖之間稍稍息肩
矣壬申曾國荃引軍南渡克太平甲戌克蕪湖勝兵出皖
境五月國荃進駐雨花台圍金陵語在金陵下篇六月丙
寅鮑超克甯國超初破寒亭管家橋賊壘進攻抱龍關遂

湘軍記

卷六

五

圍甯國城賊與援賊分三屯各踞一門超先攻城西屯敗
之南北屯各出眾攻官軍超分四軍擊之宋國永攻南屯
燒二壘北屯賊棄壘遽奔城賊收眾入越日賊復出東門
犯官軍未交鋒遽東走超自追之數十里賊反鬪超引軍
作圓陣包賊賊舍騎步逃獲馬千匹乃還軍攻城城賊皆
長跪莫敢拒戰遂復甯國而甯國縣賊將洪容海以城降
超令先驅克廣德七月袁甲三以病免
詔李續宜為欽差大臣八月續宜遭母喪歸薦唐訓方自
代

詔權安徽巡撫駐臨淮閏八月黃文金犯甯國鮑超自入
賊守之時瘟疫大作超不能軍宋國永遣軍禦賊新河莊
敗績九月陳坤書犯金柱關十月蘇浙賊援金陵戰不利
解圍去由九洲洲北渡陷含山巢縣和州遂踞連漕銅城
開東關犯無爲其南走者合廣德賊西南掠績溪祁門徽
甯安廬俱阻絕惟沿江上下恃水軍得相聯乃謀增陸師
立李榕爲新軍留李鴻章部將張樹聲助廬桐戰守調還
李續宜部將成大吉蕭慶衍等攻巢和又募五千人增圍
荃金陵圍師十一月庚戌唐義訓王文瑞復績溪戊午復
湘軍記 卷六 三

小淮密壘鮑超劉松山分攻梅嶺廟埠賊壘皆破之皖南
賊犯休甯分掠建德西侵江西邊東繞池州圍青陽江北
賊攻石澗毛有銘劉連捷營三月國荃遣彭毓橘援石澗
彭玉鷹水師繼之賊敗遁乙丑犯廬江吳長慶擊走之丁
卯犯舒城蔣凝學擊走之己巳圍六安國藩檄鮑超自廬
江往援劉連捷彭毓橘毛有銘自無爲往援超將至舒城
賊解圍走四月癸未劉連捷會水師會泗美克東關丙戌
蕭慶衍彭毓橘克銅城閏甲午易開俊敗賊於涇之章家
渡朱品隆敗賊青陽戊戌劉連捷蕭慶衍合鮑超軍復巢
湘軍記 卷六 三

趙楊岳斌俱會師東壩易開俊白涇劉松山白甯國合軍收甯國縣東壩賊開壘迎官軍於是皖南與金陵軍勢息息相通洪酋已成檻獸矣

王定安曰曾文正初紹兩江所隸無完土渡江守祁門羣賊環而攻之欲死者數矣幕寮皆勸公去公弗聽其弟國荃方圍安慶流涕上書公感悟挈五百人移駐東流頃之安慶克東南大局因之轉圜假使曾公守祁門弗出賊環攻無已時城破身殉大事去矣余嘗聞曾公言吾初起兵遇敗危則有死心自吾去祁門而後乃知徒死無益而苟

湘軍記

卷六

完

生之可以圖後功也曾公國荃頓兵堅城幾兩載陳玉成百戰悍寇遠攻鄰省冀解圍不得則歸而鬪穴中曾軍堅屹不可撼則縱橫出旁邑多隆阿鮑超併力擊之賊進退無所據遂至誅滅嗚呼在祁門則如彼居安慶則事機之順如此存亡之機開不容髮可不審諸

湘軍記卷六

武昌范德培校字

湘軍記卷七

東湖王定安撰

綏輯淮甸篇

安徽襟江帶淮江以南士喜儒術異懦不好武民則懋遷服賈於外無雄桀梟猛之姿故畏禍亂少姦宄獨濱淮郡邑當南北之交風氣慄急其俗好俠輕死挾刃報仇承平時已然自洪酋陷金陵皖北伏莽滋益多其最著者李兆受苗沛霖跨州連縣徵糧權稅料民伍田疇儼然割據矣朝廷以粵寇亟聽將帥策一意羈縻之兆受沛霖假官爵

湘軍記

卷七

一

號召徒黨名益順驕恣橫行所在莫誰何民尤患苦之然烏合無紀律名為桀驁其實孱冗不任戰二人之降皆由勝保是時豫皖捻患熾常

簡威望大臣諳兵事者駐淮上治軍北屏中原南禦粵捻亦陰以控馭苗李焉李兆受者河南固始人咸豐三年始為捻於霍邱眾纔數百出沒光州光山商城固始間四年河南巡撫英桂遣兵六百圍捕不獲兆受益句結皖匪有眾二千六月圍商城邑紳周祖頤擊之英桂以捷聞五年九月兆受竄霍山之攢板沖為練勇鄢立功所敗遁回麻

準縣丞張曜率師躡之戰於流波曠斬李兆慶等百數十人時徽甯池太廣兵備道何桂珍屯霍山十月擊兆受破其眾擒黨洵懼兆受與馬超江相繼降桂珍提飢軍三千人轉戰楚皖又益以新降之眾無所得食始什人賦麵一斤繼而削減半之既又半之而賊來益盛兆受感桂珍忠勤不忍遽背然絕糧久怪桂珍無以活之意望甚會馬超江爲匪徒所殺兆受怒官不能捕誅以抵罪也議爲超江復仇設位受弔擒黨畢集於是安徽河南諸帥皆以兆受復叛入告而縣令亦懸賞購兆受頭千金兆受益不自安

湘軍記

卷七

二

匍伏詣桂珍自陳無他桂珍撫慰稍稍緩定矣會皖帥有密書抵桂珍囑以圖剪叛賊毋後人發書爲兆受得十一月壬戌兆受伴置酒高會而伏兵戕桂珍於英山一小南門同時遇難者四十七人遂招集亡命侵掠圩寨眾號數萬七年二月兆受導粵賊陷六安霍邱圍壽州時都統勝保援固始戰屢捷副都御史袁甲三督師亳州兆受合粵賊陷正陽關圍潁上甚急聲言將趨潁州犯歸德陳州他股由霍邱擾烏龍集自皖之六霍豫之光固息商所在皆賊三月勝保擊擒酋張樂刑於柳溝敗之四月潁上解圍

五月勝保大捷於三河尖張樂刑赴霍邱依兆受將乞援粵賊聞五月勝保攻正陽關兆受踞葉家集出擾光固勝保遣軍進駐黎家集擒聞大軍且至皆走六霍之交七月己丑勝保克霍邱攻正陽益力八月兆受率眾五六千由枸杞圍劉帝城聲言與正陽賊合竄懷遠鳳陽勝保遣邱聯恩等躡擊敗之甲辰克正陽八年五月勝保袁甲三奏言年來南軍屢捷逆燄就衰而金陵未及克皖北未肅清者皆由李兆受糾黨二三萬橫截官軍以助賊勢句結北捻以樹賊援今臣軍適當下蔡寇擒之交李兆受請進兵

湘軍記

卷七

三

舒城願爲內應宿州以南羣盜經苗沛霖勦撫有效臣袁甲三即可南下扼淮合力攻賊旨報可於是勝保躬至清流關受降兆受率其弟及頭目十餘人迎見七月詔授勝保爲欽差大臣專督安徽軍袁甲三駐宿州專討三省擒匪九月勝保攻天長兆受內應獻城遂克之詔改兆受名世忠賞花翎參將勝保裁其眾留萬八千人號豫勝營月給餉鹽自贖以給軍是時苗沛霖亦受節度平懷遠諸圩苗沛霖者安徽鳳台人補縣學生員陰鷺猜

忌少負意氣於儔類無所不凌侮自粵捻興鄉民行團練法築圩自衛率推豪右為練總賊至登陴守望或助官軍擊賊亦時與鄰圩爭雄長相攻伐沛霖居下蔡為練總擊張洛刑有功敘勞獲獎益募兵徇旁圩下之有眾數萬袁甲三勝保皆撫之用為助沛霖既平懷遠諸捻圩連營滄水十二月捻圍攻沛霖擊走之九年正月江浦守賊薛三元款於總統張國樑欽差大臣和春遣世忠受降羣賊訶三元貳急攻之三元已下令雜髮閉城待援水師賴鎮海至圍乃解世忠率三元攻浦口克之沛霖據蒙城叛勝保

湘軍記

卷七

四

遣使諭降沛霖反正時袁甲三罷

詔總兵傅振邦代領其軍振邦與沛霖共攻捻酋張隆鳳於鳳陽北斬擒頗眾四月張元龍以鳳陽府縣城詣勝保降因徇臨淮下之沛霖復與振邦攻肥水南諸叛圩皆破降之以功屢擢至道員加布政使銜沛霖雖膺監司弗冠服見地方官吏燕服談謔倨傲無禮使其下稱之先生示弗臣也六月陳玉成徇來安世忠出誘敵玉成襲城伏起敗之玉成攻滁州世忠自水口焚其糧賊潰七月玉成復圍來安世忠夜襲破之米糧器械運入滁城朱元興等復

破沙河集龍停口賊壘滁州解圍時勝保拒賊盱眙巡撫翁同書由定遠移駐壽州捻陷定遠八月江浦六合天長盱眙相繼陷捻亦復踞鳳陽臨淮八月

詔起袁甲三為漕運總督甲三奏兩淮糜爛請令曾國藩軍由光固前擊

詔楚軍撥援國藩與胡林翼方謀安慶未遑北勝保以母憂罷十二月沛霖從官軍復臨淮十年正月

詔勝保督河南軍袁甲三為欽差大臣專皖事世忠進兵滁西遙應官軍甲三圍鳳陽鄧正明以府城降降捻張元

湘軍記

卷七

五

龍猶距縣城甲三誘出誅之遂復二城二月粵賊自全椒襲來安築壘城外為持久計世忠遣朱元興自三界石壩赴援副都統全福馬隊先至乘夜擊之賊皆走進攻全椒賊日唐得華獻款克之

詔擢世忠總兵三月江南大營陷四月曾國藩為兩江總督五月和州含山賊圍滁州世忠會全福擊走之

詔授世忠江南提督幫辦軍務自滁以西北屬五河皆其關鎮牧令不能治民皆設武夫權鬬稅收民田租稅自為出納賞貨山積掠民女為妾至數十人稍失意輒屠割之

世忠頭童。世呼李禿子。淮南北苦其蹂躪。言李禿子。則人
人憤怒。思啖其肉。時沛霖亦補川北兵備道。嘔強淮。頰渦
澮之閒。所收圩寨。輒置長。秉其號令。弗隸於官。二人者。雄
猜不相下。時相劫奪。吞并旁圩。自肥。自安慶北暨宿毫。南
至和滁。粵捻交乘。苗李居間。反側居民。蕩析失業。田廬荒
穢。鞠爲茂草矣。袁甲三屯懷遠。孤立無援。冀引湘軍自助。
疏薦李續宜。用按察使擢安徽巡撫。又以賈臻。張學醇。習
苗事。薦爲藩臬。藉游說聯沛霖。續宜新自湘來皖。常在桐
城。爲多隆阿後援。不能至淮上。賈臻攝藩司。翁同書仍駐

湘軍記

卷七

六

壽州八月。英吉利犯京師。

詔勝保統勤王軍。勝保請召外援。及苗練。

文宗諭同書徵其兵。沛霖大喜。設台北拜。痛哭言夷變事。

陰欲其下推戴。眾愕視不敢言。未幾。撫議成。止其行。沛霖

見中原多故。縱兵四出。益掠民圩。佔關卡。甲三同書嚴檄

詰責。不能制。常輕騎往來壽州。謁同書。驕慢無狀。同書以

溫言撫慰。或諫曰。沛霖叵測。狙便擊之一武夫力耳。同書

終慮其黨盛。誅之。且激變。沛霖益橫。遣黨徇壽六諸民圩。

塞南道。十月。期壽州城紳練赴下蔡。領旂後至者斬。部郎

孫家泰縮防局。弗應招。沛霖率千人犯北門。聲言索家泰

卽罷兵。副將徐立壯偵苗黨伏城內。搜殺七人。沛霖忿。移

兵擊所居宋家圩。搜徐氏盡斬之。掘其墳墓。立壯亦忿。白

同書。誓以死禦苗逆。同書令立壯會蒙時中扼兩河口。十

一年正月庚寅朔。沛霖水陸兵至兩河口。將襲州城。同書

遣總兵黃鳴鐸水師迎擊。沛霖屯紀家台。相持半月。益增

黨圍北門。張學醇爲之緩頰。說同書曰。沛霖尋仇孫氏。非

叛也。朝撤防兵。暮卽退矣。同書許之。沛霖乘勢由菱角嘴

渡河。焚掠百餘里。通款廬州。陳玉成給偽印稱奏王。都司

湘軍記

卷七

七

王舟等率練赴援。屢挫之。沛霖退孫家祠。盡掘孫氏墓。燬

之。同書遣黃鳴鐸屯五里廟。總兵慶瑞尹善廷攻孫家祠。

四月。同書卸撫篆。李續宜尙在湖北。

詔賈臻暫攝巡撫。慶瑞尹善廷等咸貳於沛霖。要城內米

五千石送苗營。趣徐立壯出戰。立壯本苗營裨將。所部多

粵捻舊黨。喜騷擾。士民憤怒。同書因案誅之。以謝沛霖。沛

霖圍攻如故。時同書部將陳友勝屯正陽關。張學醇率苗

黨潘樹屏等入關。逐友勝。遂奪正陽。截官軍糧道。學醇偕

總兵博崇武率五百人還壽州。殺立壯子姪七人。尹善廷

慶瑞受沛霖計執家泰繫州獄學館將送苗營家泰自殺蒙時中不屈死六月黃鳴鐸罷壽春鎮以博崇武代之博崇武脅城內搜苗所指目者三十家且要給苗眾錢城內洵懼復議死守同書已居城外黃鳴鐸朱景山等迎之入城主守事博崇武縋城遁七月博崇武慶瑞尹善廷等與苗練合攻城同書督士民鏖戰不勝遣吉學盛朱淮森朱淮朋突圍赴壽南檄王舟等夾擊戰屢捷當是時欽撫言苗事者多持兩端卒不敢公聲其罪日夜盼湘軍至湘軍不能分討則言勝保可制沛霖勝保在山東檄才字和招

湘軍記

卷七

八

穎霍各圩萬餘人界方謨勲馳援謨勲名解圍暗助賊掘濠十餘里斷官軍餉道城內人相食斗米至十萬錢

朝旨促甲三會李世忠往討八月會國荃克安慶多隆阿克桐城舒城廬江楚軍聲威甚盛賈臻奏請撥勁旅援壽州或令湘將駐六安三河尖懾苗練九月袁甲三奏催李續宜來皖

穆宗新即位尤嚮用湘軍以續宜署鄂撫未能行

諭多隆阿會國荃分兵往援以彭玉磨為安徽巡撫壬午壽州陷是日風雨晦冥姦人乘夜內應繫苗眾數百人登

南城殺守將朱景山北門守將黃鳴鐸馳至被擒劫令具狀言壽州官紳句捻陷城苗練克之鳴鐸不從因割其耳以火燎鬚送下蔡其老母妻子皆遇害守禦紳民及孫徐蒙諸族咸被戕王舟憤極自殺沛霖素弗冠戴比入城冠綴珊瑚頂孔雀翎拜同書曰滿城皆賊吾來救公耳因脅知州任春和知縣張廷獻公白同書訴已不叛同書伴諾入告而密疏陳沛霖叛逆狀十月會國藩官文遣湘將成大吉率馬步趨霍山六安規壽州沛霖遣黨徇河南分擾光固陳州復上書袁甲三求撫賈臻亦屢言勝保至撫局

湘軍記

卷七

九

可成

詔曰苗沛霖以乞撫為緩兵計賈臻一無展布專待勝保南下為克盡厥職耶會國藩彭玉磨均有地方責玉磨可統楚軍赴穎阜扼北路如苗練萬不可撫即與霍六楚軍進攻約袁甲三李世忠夾擊殲之十二月國藩疏言苗沛霖藉受撫之名行謀叛之實已數年矣

朝廷假爵賞為羈縻彼即竊威權以脅眾帥臣以恩義相勸誘彼即挾詐術以要求今長淮上游霍邱壽州懷遠各城三河尖正陽關各處均被跼踞且欲下窺臨淮上吞穎

州光固逆蹟昭彰。斷無再撫之理。惟沛霖羽翼已成。巢穴已固。南句粵逆。西通捻匪。一經進剿。羣凶之交必固。戰爭之日方長。楚師方勦髮逆。暫難同時並舉。俟攻克廬州。與袁甲三臨淮之軍聯爲一氣。方可併力勦苗。彭玉麐素統水師。舍舟登陸。用違其長。且鄂皖江面太遠。玉麐如離水營。陸路難收夾擊之效。水師實有挫失之虞。於是玉麐固辭皖撫。

詔國藩薦賢代之。國藩薦前雲貴總督張亮基湖北巡撫李續宜。袁甲三亦薦續宜。乃移河南巡撫嚴澍森撫湖北。湘軍記 卷七 十

還續宜安徽。

同治元年正月。李世忠克江浦浦口。進攻橋林烏江賊壘。皆克之。二月。多隆阿進攻廬州。陳玉成乞援金陵。洪酋遣陳坤書黃文金援廬。自九洲洲北渡。三日夜不絕。世忠沿江三壘皆陷。上游上土灣羣賊渡江集和州。曾國荃軍已至巢縣含山。進攻和州克之。朝議以金陵可乘。催世忠取九洲洲。期會楚師。世忠奏江浦浦口。距九洲洲纔數里。必以八千人分守兩城。二千人守橋林。二千人扼小店烏江。請由江北糧台供餉。增調戰

船百數十隻赴浦口。

詔吳棠撥餉。又以楚師距世忠營纔四十里。

命世忠歸會國藩節制。時苗沛霖合粵捻賊犯潁州。冀解廬州圍。賈臻屢疏告急。成大吉蕭慶衍出固始援潁。沛霖懾楚軍威。遣使勝保求款。因釋黃鳴鐸。沛霖與張洛刑有隙。勝保令勦捻自效。且奏止楚軍。博崇武復言沛霖願助官軍援潁。三月。成大吉蔣凝學等軍進潁州。賊解圍南走。沛霖實未會兵。但令其下雜髮白甲三稱矢志殺賊而已。四月。多隆阿克廬州。陳玉成走壽州。沛霖誘獻勝保軍中。湘軍記 卷七 十一

語具規復安徽篇。五月。曾國荃進軍金陵。屯雨花臺。世忠

偵大軍至。渡江扼石埠橋。賊來爭。擊走之。七月。世忠攻九洲洲不克。築壘與相持。袁甲三陳世忠戰守狀。因乞病。詔李續宜爲欽差大臣。續宜因母喪固辭。唐訓方暫署巡撫。甲三仍留督師。

穆宗以世忠驕悍。甲三拊循數載。尙盡力爲我用。飭國藩續宜如甲三故事。國藩奏世忠初降。勝保留萬八千人。實數近三萬。近又招收至五六萬之多。據有城池。自爲風氣。於長淮五河長江新河口多設釐卡。所獲頗厚。又運鹽自

售上侵公家之利下為商民之害殊堪隱憂然相沿已久繩以法律勢有所不能且近來克復天長六合浦口江浦擊退陳坤書於大局不為無功未可沒其勞而遽議其後臣擬姑循其舊釐鹽不加禁遏請求亦不拒絕但不甚資其力亦不輕調其兵若欲收回

國家利權則須另籌月餉足以養彼之眾乃能行吾之法因催廣東釐金

旨報可閏八月沛霖退居下蔡獻壽州及正陽關將疑學分兵駐守蕭慶行屯霍邱成大吉毛有銘屯三河尖及固

湘軍記

卷七

三

始王載駟屯六安皆續宜部將也楚軍在淮西者聲勢相聯沛霖益恐勝保移師援陝上疏督楚軍為沛霖請隸於僧格林沁時僧王追捻至夏邑規圖毫屬捻圩檄沛霖助勦自效沛霖因搆問之僧王詞其姦密陳沛霖狡獪難信暫應駕馭俾楚軍討捻無所撓國藩亦言馭苗之法在赦其罪而不資其力於徵調則吝之於釐卡則寬之與待世忠畧同

穆宗慮南北軍失和兩慰解之九月世忠因病乞罷

詔不許李秀成自蘇李世賢自浙合援金陵圖會國荃營

世忠遣將率萬人渡江助官軍國荃以援賊退止其兵賊北渡攻九洲洲滁軍壘卻之十月僧格林沁犒沛霖軍萬金徵之勦捻沛霖自勝保去益自結於僧王陰嗾其黨殺湘軍採樵者十二人擄七人上書僧王請屏楚師而以壽春鎮李璋守壽州蔣凝學密白國藩國藩因奏言湘軍屯壽州正陽逼近苗練若始終含忍彼將以殺孫家泰蒙時中徐立壯之故技施之楚軍若聲罪致討又恐礙僧格林沁撫局今江北自和合巢廬上至舒桐潛太正苦無兵調防臣即將楚軍移屯由僧格林沁派兵駐壽州疏既發適

湘軍記

卷七

三

金陵賊大舉犯皖自九洲洲北渡眾十餘萬分掠浦口江浦世忠滁營諸將與戰皆不利西陷含山巢和言者頗疑滁軍與賊通世忠方自陳戰功白國藩請獎卹其實滁軍不耐戰國藩為辨其誣給銀米以濟之於是檄蔣凝學撤壽正防兵分守潁州霍邱蕭慶行毛有銘移駐舒城朝議大駭而沛霖揚言將赴陝隨勝保道路藉藉以為苗練反勝保遂以此逮問僧王見楚軍退奏訴無他袁甲三已解督師任猶上疏力爭勿撤壽正防且言沛霖多方挑釁既力詆會國藩豈其心服僧格林沁今日既得志於楚

師之去。他日豈不能逆拒僧軍之來。

詔國藩與唐訓方撥兵屯守。逾兩月。楚軍不至。沛霖亦未敢遽叛。僧王討渦河捻圩。至夏張橋。誅其酋楊興太。羣捻多降。檄沛霖攻谷家圩。沛霖因言粵賊擁出長江。淮防又緊。請示所嚮。僧王責以專力勦捻。鈴束練眾務農業。江淮之防。有督撫在。蓋陰折其覬覦之心。不使藉官號圖站踞也。

二年正月。李世忠以勝保逮京。白國藩奏納已官贖之。

嚴旨切責。其部將楊玉珍盡錮西壩。棧鹽置卡。高良澗。苛

湘軍記

卷七

十四

歛商鹽。軍民皆憤。唐訓方遣其族叔李銜華諭阻。弗聽。上疏論劾。世忠壟斷自如。沛霖之黨與世忠部下爭鹽船。戰於洪澤湖。世忠遣將至高良澗助戰。又慮沛霖侵其關卡。率兵北屯五河。二月。金陵賊北渡。滁營之在九洲。江浦。浦口。橋林者皆陷。世忠留五河不能救。自請褫職。離營。國藩密疏乞

恩。

詔撤幫辦勇號。免奪官。仍令堅守滁州六合。自沛霖就撫。陽稱散練歸農。潛以所部匿渦河南北。蠶食民圩。增葺懷

遠城。添黨守之。巡撫糧艘往來渦河。輒被遮留。僧格林沁

已移師山東。沛霖乘間煽脅諸圩。揚言僧王殺降捻姜太。凌爲不義。從之。且被誅。遂犯壽州。毀正陽關卡。掠民船。襲蚌埠。踞之。圍按察使馬新貽於蒙城。陷潁上。殺知縣濮煒。三月。鳳台知縣蔡鏐至下蔡。說降苗練。害之。棄尸於河。沛霖增黨守正陽。令潘塏踞三河尖。攻六安。於是壽。穎。霍。邱。同時告警。而舒。六。粵。賊充斥。轉相勾結。練黨號百萬。遣說世忠。以正陽懷遠。易五河。世忠申大義絕之。沛霖復合粵。捻由六安犯定遠。鳳陽。僧格林沁方攻淄川。未下。

湘軍記

卷七

十五

朝旨屢促討苗。未卽行。遣兵千人南援。四月。唐訓方令秦榮克蒙額援鳳陽。羣賊併歸定遠。歐陽勝美自廬州來援。賊南走。蔣凝學援壽州。輕進失利。退屯九里溝。攻牛尾岡。破其三壘。國藩遣成大吉移屯三河尖。周寬世移屯六安。爲疑學聲援。潁州知府英翰攻穆張蔡三圩。下之。是時楚軍克巢和含山。粵賊南渡。天長六合皆解嚴。五月。楚軍克浦口。江浦。國藩移蕭慶衍守之。自是二浦不隸於世忠。世忠誓守五河。拒沛霖。沛霖圍蒙城益急。羣捻助之。沿渦南北。皆寇氛。蒙毫聲息絕。臨淮軍食亦匱。唐訓方自食半菽。

與士卒共

詔袁甲三募米陳州吳棠自清淮運糧濟之訓方訓淮南岸諸圩勒糧助賊而官軍飢困弗之顧遣張得勝劉明典擊之復遣克蒙額擊退定遠捻張得勝逼黑窰而軍普承堯等分屯下洪李家嘴以隔諸圩之通苗者適僧軍訥木津率馬隊至宿州訓方檄與英翰巡龍山雉河為聲援國藩解銀二萬甲三於亳州太和募米千石濟軍臨淮賴以不亡六月苗練陷壽州知州毛維翼死之維翼守七十六日練兵纔五百掘城內野菜雜蔬充食蔣凝學以重金啗

湘軍記

卷七

七

人夜掉小舟運米麥入城約堅持數日待成大吉軍至而下蔡外委邱維城夜開城迎賊維翼巷戰歿

詔贈道員優卹將帥自會國藩以下降罰有差沛霖遣黨西窺霍邱楚豫邊防戒嚴國藩乃檄蔣凝學分防潁州霍邱三劉集周寬世分防桐城六安迎河集成大吉屯三河尖毛有銘屯老廟集調何紹彩軍二千由甯國北渡道廬州以達臨淮徵彭楊水師由瓜洲入洪澤湖助勦唐訓方孤軍待援令馬新貽還臨淮以英翰代守蒙城蒙城被圍久軍民日食浮萍樹皮餓死者什二三七月沛霖自將二

萬人出黑窰抄臨淮後訓方益危困而水師將丁泗濱王吉率三板八十入淮吳棠遣黃開榜率百船繼進頗載米麥世忠亦遣千人出鳳陽西南沛霖夾淮增壘塞淮水絕我運道水師阻巨礮傷亡頗多弁將多焚船燒壘退保臨淮賊益張八月將軍都興阿自揚州遣軍二千以王萬清將之富明阿馬步二千繼進合援臨淮李世忠將五千人來會夾淮分屯南至定遠北至固鎮連營相望軍勢頗振沛霖見臨淮難拔併力攻蒙城守城練勇纔千人日夜幾望援軍時僧軍部將陳國瑞率三千人出徐州訓方奏

湘軍記

卷七

七

以蒙城一路專屬陳國瑞淮北岸屬富明阿與蒙軍聯穎壽一路專屬蔣凝學等而淮南岸訓方自任之陳國瑞者驍捷敢戰初隸黃開榜已而入僧軍以勇聞於山東河南直隸官僅總兵軍民呼之陳大帥所部頗騷擾而猛銳為諸軍冠捻苗皆憚之既至蒙城頻破城北五圩並附圩賊壘數十悉毀之每戰輒自呼名懾賊賊即錯愕不敢擊沛霖先為外壕自固聞陳國瑞至匿不出憑壘發礮傷我軍蒙城守將遣人詣陳國瑞訴糧匱久旦夕且不保陳國瑞與英翰約期大舉九月乙卯陳國瑞乘雨越壕身自督戰

一身... 卷七

手刃退者。戰士呼聲動天。穿賊壘入。斬馘甚眾。賊以礮石環擲。我軍冒死弗退。亡三百人。傷五百人。猶未克。陳國瑞乃收軍營城外。庚午。富明阿至蒙城。李世忠增萬人。循淮南岸。規下蔡。唐訓方分軍大小。蚌埠圖懷遠。富明阿以蒙城外無官軍壘。劾訓方。是時僧格林沁已定直東。則返旆南下。諸民圩聞王且至。爭反正。壽州鄉民田端書等聚二萬人。自稱助官殺賊。圍攻下蔡。燒沛霖糧台。獻捷於僧軍。十月。世忠平壽南二十六圩。克下蔡。乙未。陳國瑞大捷於蒙城東南門。且戰且築壘。絕賊糧道。富明阿分扼險地。相

湘軍記 卷七 六

了未。毛有銘收正陽關。康錦文程文炳同入守之。己酉。凝學移軍正陽。未知賊已獻關。守關者亦誤為賊。至隔河發礮相擊。有銘後知之。乃解。僧格林沁奏諸將爭功。械鬪事下國藩。國藩以陳李部將械鬪殺傷相當。世忠已領眾回滁。但誅苗景開。即可完案。正陽之事。由兩軍不相聞。非出有心。請免議。於是諸客軍皆罷。湘軍將分回皖。南湖北羣捻或誅或降。以次底定。

朝廷頗憂皖北民圩多。飭唐訓方籌善後。僧格林沁復請於蒙毫適中地。增設文武。添防兵。訓方奏移鳳台縣治於

湘軍記 卷七 九

犄角。僧軍翼長舒通額亦至。羣圩畏威。爭薙髮歸誠。唐訓方合水陸軍圍蚌埠。其酋張士端求撫。獻蚌埠懷遠。庚子。訓方軍收懷遠。是夜陳國瑞等攻蒙城外壕。沛霖自巡濠。跳而顛。其黨自後擊殺之。割其頭送王萬清營。富明阿入蒙城。捷聞。賞王萬清勇號。獎銀千兩。十一月甲辰朔。陳國瑞部將康錦文宋慶攜苗景開至壽州。羣賊開門降。李世忠亦遣將至。殺守門將士五人。宋慶等因鬪殺朱元興杜宜魁。械繫蔣立功。乘勝收下蔡。毀平苗家老巢。悉捕諸苗。及沛霖妻子。送僧王營誅之。乙巳。蔣凝學成大吉。收頽上。

下蔡。置渦陽縣於雉河集。而言者皆欲乘勢除世忠。僧格林沁請以世忠軍助攻金陵。並責交城池鹽卡。吳棠請據豫勝營精壯數千。分隸會國藩。唐訓方聞之。楚師中觀習營規。國藩上議曰。李世忠為眾惡所歸。蓋有二端。一曰。心跡難測。一曰。專利擾民。臣於元年九月。接統其軍。猶慮其倒行逆施。厥後搜獲偽忠王文書。言力攻二浦。以暢北伐之路。始知李世忠實無通賊之事。至調勦以資其力。臣竊以為不可。蓋該提督尚無叛心。而部眾斷無可用。及其馳檄討苗。慷慨請行。若自知不為斯世所容。借此以求表白。

者卽壽州下蔡迭起爭端。蔣立功見執。朱元興杜宜魁見殺。李世忠仍復詞氣遜順。不似往年倔彊之態。若亦自知禍謫將至。但委婉以求苟全者。惟此次懷壽一帶焚掠甚慘。民怨沸騰。實爲遠近所共聞。竊就前後論之。勝保納降之初。處置誠有未善。收留萬八千人。聽其盤踞數城。養成桀驁之氣。以爲天六滁來本羣賊出沒之區。一任李世忠納稅收釐。又奏令月給餉鹽。自捆自賣。風氣旣成。視爲固然。而不足怪。袁甲三與臣接統以來。亦不能籌發官餉。改絃更張。近則數縣之內。田荒民散。剝無可剝。淮河不通。鹽

湘軍記

卷七

三

利亦減。今歲勦苗。途次無米可買。他人處此。亦難免擾民。況世忠乎。臣愚以爲世忠勦苗甫畢。但可究其騷擾之罪。不必疑有叛離之心。臣當令其遣散部眾。交還城池。退出釐卡。停給餉鹽。放還田里。保全末路。時僧王遣人至五河偵世忠。世忠先有散部伍交城卡之議。羣疑稍釋。

二年正月癸卯朔。世忠狀白國藩。以所守滁州五河來安全椒天長六合等城。請派兵接防。其營勇或撤或調。攻江南。惟總督命水師船礮悉入官。國藩報曰。部眾悉散。大善。卽留用官不得過百。勇不得過二千。三月世忠悉發已財。

及餘鹽積穀。給其軍三萬餘人。人各給鹽包。或緡錢八九。將領白金數十。爲行貲。國藩令留三千人。以陳自明將之。號曰忠樸營。世忠捐修渦陽城錢十萬緡。修滁州學錢五萬緡。屯田牛種貲本銀七萬兩。助總督軍餉銀二十五萬九千兩。又官欠餉鹽五十餘萬包。不求補給。五河釐卡。巡撫委官經收。因乞病回籍葬親。國藩奏言。李世忠當江淮大定之後。潔身引退。深明大義。該提督不萌貳志。臣久已亮之。至其不擁厚貲。力保令名。以詭譎好利之人。忽爲慷慨亡私之舉。則非臣意料所及。我

湘軍記

卷七

三

國家優待降將。張國樑程學啟旣備極恩榮。李世忠亦保全終始。庶足廣

皇仁而招攜貳。

詔嘉許之。六月。曾國荃克金陵。餘寇走閩廣。羣捻北趨。江表大定。世忠常攜姬妾優伶往來吳楚。

十年三月。遊揚州。陳國瑞亦客邗。上世忠銜壽州爭門事。謬與相善。日夜奏伎爲樂。國瑞不爲備。四月。世忠突入國瑞寓。縛執舟中。聲言國瑞前在天津與法郎西有釁。將送上海夷場。國瑞從子呼救。兩湖商船以鄉情應之者數千。

人世忠大懼。乘小舟逃走。倉皇落水。其黨救之。獲免。曾國藩案其事。奏褫世忠職。勒回籍。國瑞故總兵。降都司。吳楚閒多言世忠叛者。京士交章參劾。

詔安徽巡撫英翰。河南巡撫李鶴年。案驗。鶴年奏請誅之。穆宗以世忠貸死已久。不忍追究。既往下曾國藩。國藩遣人至固始。偵世忠所居。則瓦廬草舍。相閒竹籬。環水無異農家。世忠以歲惡。用不給。開棚造紙。志在營利。謗始息。其後十年。世忠在安慶。代人索債。辱毆官幾死。巡撫裕祿案其罪。寘大辟。人人言世忠黨羽。眾將謀反。竟無驗。

湘軍記

卷七

三

王定安曰。自古異人豪傑。多產淮甸。而姦雄草竊。跨方州。拒朝命者。亦往往出淮蔡之間。其地勢使之然耶。唐時方鎮跋扈。中朝不加討。率以恩義聯之。恣其驕倨之性。卵育胎孽。至於凶獗不可馴伏。乃草薶而禽割之。原其始。未嘗不忌憚。後稍猖狂也。嗚呼。爲國家者。不得已而用撫。含詢隱忍。冀圖旦夕之安。豈計之得哉。觀苗李之事。吾於當事者。有遺憾焉。

湘軍記卷七

東湖黃學濂校字

湘軍記卷八

圍攻金陵上篇

東湖王定安撰

嗚呼。自古興亡之運。曷嘗不關乎人事哉。原粵賊之初起。及其所以滅。固前後異軌矣。而官軍軼盛軼衰。不常其勝負。或長圍已成。而功敗於垂成。或遠征赴敵。而軍士內訌致潰。當其盛也。中外喁喁企望。謂大勛可翹足待。諸將恃功自喜。則以爲賊不足憂。賊伺其懈擊之。倉皇散走。全師傾覆。大局亦隳矣。曾國藩之制兩江也。受命於顛沛之際。

湘軍記

卷八

一

覆亡之餘。遂巡審顧。躬躬焉常若不能自保。曾國荃既克安慶。長驅東下。排眾議。逕駐雨花台。勝兵才二萬耳。國藩策城大兵。單止之。而未能也。則欲倚多隆阿。鮑超百戰之師。合水軍助之。而多隆阿有事陝西。鮑超轉戰江西安徽。閒弗能至。賊覬官軍少。則糾蘇浙之眾數十萬。併力圖我。國藩憂惶。騰檄國荃退師。國荃益力持之。賊久攻不得逞。乃罷去。是時楊秀清韋昌輝先死。石達開西走。羣酋互猜貳。洪秀全益委任私人。諸洪因緣用事。植黨納賄。權分而勢愈渙。而國荃圍師增至五萬。聲勢日倍。賊餒日衰。滅矣。

夫以向榮張國樑之忠勇統兵八萬取江浙財賦供軍摧
堅陷險所向輒捷宜若可以無敵而國藩起儒臣持重畏
慎日夜憂前敵挫敗國荃懸軍深入兵未嘗加多糧未嘗
加裕硜硜以樸拙堅忍訓其軍士然而犁穴擒渠遂以廓
清區宇者將帥之能懼不能懼而事權不一之故耳初
咸豐二年十月粵賊渡洞庭北走

文宗以兩江總督陸建瀛為欽差大臣馳防江皖值承平
久文吏不知兵建瀛雖雅負時望未諳軍旅倉卒募勇未
集先遣綠營三千出湖北黃州屯鄔穴自率松江營二千

湘軍記

卷八

二

數百溯江西上十二月武昌陷三年正月丙辰建瀛至龍
坪前軍遇賊潰翼長恩長戰死建瀛率潰師乘船過安慶
不得泊壬戌安慶陷建瀛以江南舳板及廣艇分屯東西
梁山扼賊舟比賊至師船輒望風逃總兵陳勝元中礮死
建瀛退入金陵辛未賊薄城環城築壘二十四其船自新
洲大勝關迤邐至七里洲水陸號百萬晝夜攻城城外民
團伺擊賊幾敗守陴者開礮助之誤中國勇民駭散布政
使祁宿藻忿極嘔血死賊以礮夫穴地理火藥二月乙酉
儀鳳門地雷發城崩賊千人躡登而穴內埋地雷二須臾

又發登者皆斃官軍爭割耳獻功他股已由三山門越城
入外城遂陷提督福珠洪阿戰死總督奔內城將軍祥厚
副都統霍隆武率滿洲駐防男婦守內城守兩日內城亦
陷祥厚陸建瀛霍隆武皆遇害城中官紳與駐防軍民並
及於難當是時賊勢張甚中外洵懼數千里外居民皆撼
搖遷徙多築巖寨避匿京朝官多託病棄官歸偽天王洪
秀全既得金陵則以為天下莫能敵與羣酋謀所都偽東
王楊秀清曰河南居天下中古東京也立都便秀全以為
然議留黨守金陵自將由淮安北犯有年老舟人呼曰河

湘軍記

卷八

三

南水少而無糧敵困不能救金陵有長江之險城高池深
民富食足尚不立都而往河南何也秀清聽之遂改金陵
為偽天京毀總督署為偽宮立偽法十號曰天條凡拜邪
神有禁殺人害人有禁不孝父母有禁姦盜有禁欺詐有
禁起貪心有禁男女有別夫婦不同宿母子不得並言出
城不許擔挑兵入民房者斬所至設高座說天條謂之講
道理遣偽丞相林鳳祥羅大綱李開芳曾立昌等徇鎮江
揚州陷之先是武昌陷兩廣總督徐廣縉逮問
詔提督向榮為欽差大臣內閣學士許乃釗副之榮白湖

北躡賊而東。前鋒張國樑至九江。無舟濟師。索漕艇於南昌。載之行。是月丙申。始達金陵。城陷已逾旬日。乃繞至朝陽門。孝陵衛軍焉。庚子。攻城外土城。克之。壬寅。榮軍營土城。賊四五千來爭壘。弗就。甲辰。榮身自督戰。賊稍卻。我軍始逼城而營。而通濟門賊壘環立。榮分兵擊之。三月庚戌。破其三壘。乙卯。襲破七甕橋。丁巳。乘霧奪鍾山。辛酉夜。榮軍以噴筒火箭射城中。城賊大驚。楊秀清乘城拒守。覘朝陽門外賊隊。駭爲官軍。發礮擊之。殺數百人。羣賊皆夜譁。榮傍城築營十八。賊始懼不敢出。榮所駐號江南大營。

湘軍記

卷八

四

江南大營之名自此始。別將鄧紹良等屯鎮江以蔽蘇常。是時湘軍初起。江忠源最有名。

詔授湖北按察使。赴江南大營幫辦軍務。忠源戰湖北不能至。而都統琦善亦以欽差大臣帥直隸陝西黑龍江馬步諸軍。由河南進至揚州。提督陳金綬內閣學士勝保分營城外。號江北大營。漕運總督楊殿邦由淮安進防邵伯。兵潰遣戍。

詔福濟代之。時江蘇按察使查文經治黃河。駐清江浦。揚言京兵數十萬且至。檄州縣備馬料。賊疑愕不敢進。文經

權漕督。率漕標徐州鎮兵屯茱萸灣。四月。林鳳祥留曾立昌守揚州。括揚城金帛婦女南入金陵。自率大股渡江。犯皖北。曾立昌亦遣黨襲浦口。壬子。犯六合。知縣溫紹原率民團拒之龍池。夜。賊營火。我軍縱擊。燔數千人。餘賊走金陵。五月。福濟至江北。查文經自茱萸灣移屯揚州南。閩浙總督慧成率宣化兵至揚州。城圍遂合。適慧成子學士晉康與副都御史雷以誠巡黃河。自請討賊。以誠募勇屯萬福橋。扼揚州東南。賊覬裏下河殷富。欲道萬福橋犯之。以誠屢擊屢勝。賊卒不得越橋而東。通泰十餘城賴以保全。

湘軍記

卷八

五

未幾。勝保移師河南。

詔授雷以誠刑部侍郎。副琦善軍事。辛未。琦善雷以誠會攻揚州。巨礮所擊處。城輒坍。總兵雙來。越壕先登。賊以火燒附城板道。我軍登者不能驟下。傷亡頗眾。雙來折二齒。城竟不克。六月丙戌。鎮江賊與官軍戰北固山下。賊伏起。縱火燔我營。環城七營皆陷。鄧紹良退守丹陽。都司劉廷鏜率潮勇斷後。賊不敢逼。劉廷鏜起商販。勇而多智。自上海募勇投効。軍鎮城南。善以少擊眾。故賊畏之。戊子。賊大掠丹徒鎮。常州戒嚴。向榮檄總兵和春扼徒陽運河。劉廷

鎮亦自鎮江至。賊不得南。廷鎮復進軍。偪城而壘。辛酉。江北軍造樓船攻揚州。不克。雙來陣亡。壬戌。瓜洲浦口賊合攻三汊河。侍衛都興阿擊走之。時北來新集諸軍皆駐揚州。餽餉不繼。雷以誠軍尤乏。始創釐金法於仙女鎮。釐金者始於商旅。每城鎮通衢。集鄉人設會館。抽百貨之贏。儲之濟公用。率緡錢百分而算取一二。諸行省往往有之。以誠仿其意而增損之。坐賈酌一歲之中。月輸錢若干。曰板釐。行商則設卡榷之。與關稅同。曰活釐。取於民者甚輕。商不病而餉裕。東南將帥爭效法之。日增月益。卡益繁而權

湘軍記

卷八

六

之益重。歲入過於丁漕數倍。及賊平。兵解。釐金遂成常例。數十年來。天下商賈稍困於征斂矣。八月。逮治前署兩江總督楊文定。京口副都統文藝。金陵之陷也。文定為江蘇巡撫。自請守瓜洲。詔兼署總督。及鎮江陷。文藝託言出城調兵。而文定虛張戰功。言率水師乘風進剿。且劾諸將失城罪。文宗初。隱忍未加誅。至是。論罪皆譴戍。以許乃釗為江蘇巡撫。廣匪作亂。攻陷上海。許乃釗自金陵往討。向榮分大營兵以虎嵩林為大將。助之。十一月。向榮遣軍圍鎮江。楊

秀清移皖南。賊進高淳湖。窺東壩。冀解鎮江圍。榮遣提督鄧紹良總兵德安扼東壩。拒之。秀清又以揚州圍急。賴漢英新自江西還。領眾北渡。合儀徵賊援揚州。江北軍卻之。丁卯。賊復由三汊河趨揚城。戰甚力。圍師多潰。城賊曾立昌突圍出。與賴漢英合走瓜洲。揚州復。琦善以縱賊自請奪官留營。諸將斬戍有差。十二月。江南軍分兵援廬州。以和春將之。江北軍復儀徵。

四年二月。江北軍擊賊瓜洲。敗績。總兵瞿騰龍戰死。楊秀清遣黨陷太平。踞之。自郡城結壘屬於江。以達金陵。賊舟

湘軍記

卷八

七

往來如織。皖南郡縣無完土矣。七月。向榮克高淳。先是許乃釗攻上海久不拔。詔奪官。留向榮軍自贖。吉爾杭阿為江蘇巡撫。榮復分江南軍助之。秀清偵大營兵薄。喉蕪湖賊潛襲東壩。榮遣傅振邦福興迎拒水陽。大捷。乘勝徇高淳。復之。賊分股撲七寶橋。參將張國樑以少擊眾。屢卻之。閏七月。楊秀清以前謀未逞。密約鎮江賊出其東。太平賊出其西。與金陵城賊夾攻大營。向榮獲其謀者。先遣提督余萬清等東擊鎮江。賊於北固山甘露寺。斬四百人。而以傅振邦張國樑西攻

太平國樑首陷陣殺四五百人辛巳克太平榮自將據上方橋指擒諸軍壬午至乙酉楊秀清大出賊分犯我壘榮遣明安泰穆大本等逆擊敗之他股由雨花台洪武門犯七甕橋將軍蘇布通阿戰方利穆大本斜刺入賊隊斬其酋一人賊三路皆潰參將張騰蛟等搜城廂匿賊殲之羣賊收入金陵洪酋久困圍師糧不繼則揀婦女老醜者佯令城外刈麥既出而閉之以減軍食其後復令配賊軍不從而死者數萬人是月琦善卒於揚州

詔江甯將軍託明阿爲欽差大臣統其軍未至瓜洲賊撲

湘軍記

卷八

八

我營陳金綬卻之十月江北軍攻浦口向榮分兵渡江與託明阿會師癸卯李德麟等由金湯門外五道並進渡浮橋搗其巢金陵賊飛檄來援戰方酣南軍師船已破浪至衝擊走之於是大營自金陵迤東而南雨花台諸壘盡下官軍偪南門而營賊不敢出通濟門矣

五年正月乙丑朔吉爾杭阿克上海移師圍鎮江二月壬寅鎮江賊分黨踞高資夾江而陣前鋒擾及句容余萬清虎嵩林往來拒戰壬戌向榮遣德安往助擊沈其船獲艘七小艇百餘三月瓜洲賊合鎮江北固金山諸賊西犯

江浦託明阿設伏九洲洲旁江南軍伏七里洲賊至皆被創焚賊舟三百餘託明阿自率師船沿江而西阻三山弗得進三山者濱大江據金陵上游賊以重兵扼守庚寅向榮遣吳全美李德麟率紅單船西攻三山陸師助之焚賊舟甚夥獲拖呂快蟹二十五四月乙巳賊旁走江甯鎮被擊敗退戊申吳全美等揮水師薄岸躍而登隄燒其木壘哨樓乘勝上山燬賊營江面賊牌皆盡於是三山水路始通六月張國樑敗賊蕪湖乘勝克太平留兵戍之七月江南軍克蕪湖吳全美等水師進屯皖南邊賊久踞鎮江瓜

湘軍記

卷八

九

洲爲金陵犄角巡撫吉爾杭阿與余萬清屯鎮江城外余萬清者故湖南提督守道州賊至委去論劾赴大營自贖向榮令率萬人贊巡撫軍事巡撫兵不滿萬頗嫌余軍少紀律不適用而部將虎嵩林周兆熊胡世斌李若珠劉存厚等新攻上海有功願兵少不敷戰守乃增募將士與余萬清各自爲軍萬清屯城東京峴山巡撫屯小華山復於黃鶴山京畿嶺築壘置礮以瞰城十一月我軍掘地道成火發城坍十餘丈官軍爭從穴道登賊抵死拒我城復堵合遂乘閒犯余萬清營力戰卻之時江北軍圍瓜洲已二

年賊壘橫江與鎮郡隔水相望帆檣往來絡繹聲言合股掠揚州北犯中原者屢矣託明阿患之乃募民貲築長圍於瓜洲北是月圍始成賊水陸來爭我軍拒卻之楊秀清聞瓜洲急遣黨往援而以悍寇自龍膊子窺我營向榮遣張國樑自仙鶴門甘家巷進攻遇賊大至國樑從後兜擊黑龍江馬隊抄其外賊返奔斬千數百人而他賊潛由東陽至樓霞街大肆焚掠國樑見火光馳騎救之賊不敢拒戰追之石埠橋至江而止未幾復敗之觀音門斬二千餘人餘賊遁入城知府溫紹原攻九洲洲克之九洲洲者居

湘軍記

卷八

十

金陵北岸賊西窺安廬東掠揚州瓜鎮率由此進時江北州縣多淪陷惟六合獨存知縣溫紹原以孤城懸賊中百戰與相持已擢知府仍留六合權縣篆乃遣部將秦懷揚王家幹乘大霧襲九洲洲越濠深入賊覺而拒戰我兵少秦懷揚慮無後援欲自裁王家幹止之取賊礮置膝上實藥轟之羣賊不知所為皆棄壘跳九洲洲石壘皆克其後因無守兵復為賊奪十二月安慶賊合無為蕪湖賊東援鎮江向榮遣紅單船邀擊敗之神塘河復敗之陶陽浦六年正月瓜洲賊屢犯圍師楊秀清遣黨赴之副都統德

興阿敗之士橋復敗之虹橋尹家橋秀清益招皖賊數萬聚倉頭東援揚鎮余萬清虎嵩林戰不利向榮遣張國樑截之摧其中堅賊不能首尾顧遂敗二月鎮江賊渡江合瓜洲賊犯揚州時總兵周士法領浙艇泊焦山陳國泰領廣艇泊金山弗能禦楊秀清復自金陵撥大隊來助諸防軍皆潰託明阿退保北路三月戊午朔揚州陷知府世焜參將祥林戰死德興阿獨率馬隊衝突賊由萬福橋窺裏下河布政使文煜拒卻之事聞託明阿雷以誠陳金綬皆禡職

湘軍記

卷八

十一

詔德興阿以都統銜充欽差大臣接統北軍少詹事翁同書副之庚午北軍復揚州賊走江浦分股掠浦口總兵武慶退保六合賊復尾攻之向榮遣張國樑北渡屯龍池賊自毛許墩焚掠而至國樑嚴陣以待既近縱擊之賊乃潰追之水家灣適溫紹原自六合來兩軍合攻復大捷賊退入浦口國樑會北軍馬隊敗之葛塘乙亥克浦口庚辰克江浦乙酉皖南賊陷甯國向榮遣軍援之巡撫吉爾杭阿圍鎮江久不得要領以攻堅不如斷糧令知府劉存厚進高資築三壘於煙墩山絕賊運道楊秀清患之遣悍賊數

萬出句容合鎮江賊趨高資圍劉存厚營知縣松壽暨知事張翊國戰死諸將皆閉壁自保巡撫兵才數千或說曰賊爭運道其鋒不可當棄高資則鎮江賊喜得命必不我迫吉爾杭阿憮然曰吾受

國恩厚矣今一戰而勝賊糧絕則巢穴可覆勝於老師多矣遂馳騎入存厚營賊見巡撫至圍之數匝吉爾杭阿登高瞭賊中礮聲劉存厚欲翼其尸出不克血戰死之副都統綳閣已突圍出哭曰吾與吉公俱入何忍獨生投江殉焉向榮聞巡撫之急則遣張國樑馳救五月辛未戰於丁

湘軍記

卷八

三

卯橋勝之又勝之五峰口磨笄山諸將偵國樑至皆倚以爲壯余萬清等自徒陽運河李鴻勳自丹徒鎮福興等馬隊自京峴山與國樑會師國樑四面兜擊賊回走九華山遂乘夜襲破其營羣賊皆棄壘跳大軍躡之游擊張玉良亦捷於東陽甘家港於是援賊皆返金陵楊秀清復遣黨陷溧水向榮復分兵馳擊之當是時榮與國樑負重望中外盛稱江南勁旅聲威出北軍上遠甚諸路告急金陵警報朝聞援師夕發而城外賊壘濱江要隘亦無日不事攻戰賊見我軍遠征者多居守者少營壘空虛炊烟日滅晝

夜謀所以覆之軍士以餽餉乖時忍飢赴敵頗缺望鎮江圍甫解楊秀清乃議夾攻大營密約鎮江賊自東而西趨金陵拊官軍背城賊自西而東與相應溧水金柱關等處之賊橫截旁山而自率悍黨出通濟門會紫金山賊撲七

襄橋向榮張國樑狃常勝終以爲賊不能撼我併力截殺賊稍卻忽大營同時火起守兵皆散戰士倉卒亦潰國樑獨以身翼榮突圍出稍收散卒由醕化鎮退守丹陽諸軍復集賊自後躡至環城外築壘幾徧榮憤懣成疾頗困憊六月國樑與諸將謀曰賊以主帥病篤又新勝必驕我乘

湘軍記

卷八

三

其懈擊之必大克眾皆諾乃遣張玉良虎坤元率馬步先攻五里牌燒其寨棚渡河至黃莊橋攻礮台克之秦如虎自定埠南渡截賊衝虎嵩林明安泰爲伏軍國樑偕福興振大隊撲賊營縱火塵戰大破之遂奪和定橋攻鳳凰岡賊不戰而遁追之黃土橋斬數千人丹陽城外賊壘悉平國樑前已簡漳州鎮總兵至是賞提督銜幫辦大營軍務總統各軍七月榮病大漸或勸退保蘇常榮喟然曰吾病不能進何顏更南走當死於此耳乃以軍事付國樑曰君才足辦賊吾死何憾但負

朝廷恩耳遂薨。榮四川人。道光三十年赴廣西討賊。當時將帥多不知兵。榮以楊遇春舊部。習韜畧。海內仰望。所至倚為長城。賊圍桂林。長沙武昌。榮輒躡至援之。及陷金陵。榮頓兵堅城者四年。日夜與賊鏖戰。常以餘力援上海。援鎮江。援江北皖南諸郡縣。其旁近邑若丹陽溧水溧陽高淳句容。屢克屢陷。往來奔命。及其卒。金陵諸酋舉觴相慶。蘇浙大恐。江左紳民悲思。請祀名宦祠。

文宗深惜之。賜卹賞世職。以江南提督和春為欽差大臣。自廬州移丹陽領其軍。未至。兩江總督怡良兼權之。張國

湘軍記

卷八

酉

樑已擊破丹陽諸寇壘。則復圖進取。羣賊走金壇。遣虎嵩林渡河破之。八月。傅振邦克東壩。遂克高淳。攻溧水。國樑自將克寶堰黃茅莊。進屯句容。賊之踞金陵也。洪秀全深居偽宮。日事淫佚。諸酋罕得見。軍事皆決於楊秀清。文報先白偽東王府。刑賞黜陟由之出。諸偽王如韋昌輝石達開雖同起草澤。比於偏裨。常令遠攻江西湖北。向榮新喪金陵。無圍師。秀清自以為功莫與京。陰欲自立。脅秀全過其宅。令其下呼之萬歲。秀全不能堪。曰。弟稱萬歲。何以處兄。因召昌輝密圖之。昌輝新自江西敗歸。秀清責其無功。

湘軍記

卷八

壬

走安徽不復歸。以偽安王洪仁發偽福王洪仁達柄賊政。皆秀全兄弟也。於是始起諸偽王。畧盡陳玉成李秀成李世賢黃文金楊輔清。皆踵起封王。號為驍悍。內事決之。諸洪秀全益荒淫恣肆。自詡為天命不能亡矣。九月壬戌。張國樑奪近關橋。甲戌。敗賊吉利村。遂薄溧水。踰濠將登賊。隙則堅約江西諸賊固守。勿得東。羣賊譁言。達開糾十萬眾。反趨金陵。攻洪酋。為楊秀清復仇。謀者屢以告。而達開實無東意。曾國藩時在江西瑞州。

文宗慮石逆回江西圖佔踞飭國樑乘其勢渙先擊之且預籌納降地十月國樑奏言石逆久居安慶爲巢穴江西乃其新陷土地又復往來湖北其力可以自圖佔踞今與洪韋內訌如洪韋勝而石逆敗則投誠自在意中若其勝也彼方挾詭詐以馭眾假仁義以要民飛揚自恣豈肯投誠臣曾檄諭九江賊目林啟容歸順又計調瑞州賊目賴裕新赴下游均無成效假令石達開自知大勢之已去翩然歸命則臣當令其立功贖罪獻城爲質能於安慶九江瑞州臨江撫州吉安六城中獻出一二城則可信其真心

湘軍記

卷八

去

歸附

國初之施琅黃梧近日之張國樑成例具在若外稱歸義內懷叵測如阿睦爾撒納先降後叛之案幾至不可收拾臣不敢貪招撫之名弛防勦之責

文宗手詔嘉之十一月江北軍羅玉斌鞠殿華敗賊高旺七年正月張國樑敗賊句容二月江北軍富明阿敗賊瓜洲和春遣軍攻溧水擊援賊於鄔山大破之四月富明阿擊瓜洲賊敗之士橋鞠殿華敗之四里鋪五月江南軍周天培等克溧水閏五月張國樑克句容九月鎮江賊出甘

露寺犯官軍營張國樑赴援鎮江增壘扼高資絕賊糧賊亦扼運糧河北築壘相拒國樑遣將毀其礮台自率親軍渡江虎嵩林李德麟馮子材水陸會攻盛戰六晝夜克其壘二沈戰艦十餘十月國樑連克賊壘十七進圍鎮江而金陵援賊四出虎坤元等擊走之城賊益困十一月己丑國樑分軍驟攻四門潰垣入遂克鎮江賊酋吳如孝突圍遁金陵餘賊走高資倉頭我軍沿江追之禽斬萬計是日德興阿克瓜洲南北岸捷書相望和春張國樑益銳意規金陵矣

湘軍記

卷八

七

八年二月和春令李若珠等渡河出黃泥庵攻秣陵關劉季三馬德昭伏葛塘寺應之庚申克秣陵三月戊寅張國樑進攻七甕橋殲賊數千李若珠閒薄賊壘誘之洪酋開西南門出大隊逆戰國樑若珠合兵截之圍其二門戴文英會兵攻雨花台印子山復大破之諸將始信金陵而軍江南大營復振四月賊出雨花台犯圍師和春張國樑督水陸軍敗之時石達開由江西入浙皖中賊事僞燕王秦日綱僞英王陳玉成迭主之賊糾捻匪掠石橋薛家口窺江浦爲金陵聲援江北軍拒之賊走滁和五月復踞來安

重鎮南北大營迭陷獨六合彈丸猶存積功至監司充北軍翼長猶守六合弗去至是竟與城殉江北士民痛哭野祭其忠烈艱苦世或方之唐張巡守睢陽云勝保遣軍攻天長捻酋李兆受內應克之時皖南賊氛甚熾和春遣江長貴禦之祁門青陽境敗之皖賊陷溧水知縣周觀銘戰死賊屯江藍鎮相犄角和春令張玉良出祿口渡河擊破之遂圍溧水諸將分伏近村防賊逸張國樑屯高古山待之十月己酉張玉良馮子材克溧水賊西奔伏軍殲之援賊攻高古山國樑開壁率數十騎怒馬陷陣羣賊辟易諸

湘軍記

卷八

干

軍繼進追至江甯鎮燬賊壘數十自小丹陽迄采石磯賊巢皆平十一月甯國賊犯水陽鎮至雁翅陡門和春遣戴文英等擊敗之

九年正月江南軍鄧紹良戰歿於宣城之灣沚和春遣鄭魁士繼之乙未復灣沚並復黃池江浦賊薛三元款於張國樑獻城自贖遣降人李世忠受之川其眾克浦口令周天培賴鎮海入守二月灣沚黃池城北渡合皖北賊踞烏衣鎮眾七八萬九洑洲賊助之窺浦口江浦張國樑令李若珠由黃山迎勦自率大軍分三隊驅之截賊數段周天

培賴鎮海出城夾擊賊敗走三月國樑進攻九洑洲賊增壘浦口西北拒我國樑與周天培合攻三戰皆捷附洲諸壘皆毀之是時江北有警率自金陵渡兵往援德興阿師久無功和春疏劾罷之江北不復置帥以江南大帥兼轄七月遣李若珠攻六合張玉良攻天長多所斬禽而南岸水師吳全美攻魯港鴉山李德麟攻大通荻港亦屢勝援軍四出大營汎地益廣矣十月李若珠擊六合援賊敗績賊出紅山窳截其後圍之數重和春遣馮子材自東赴援復大挫若珠糧盡詹啟綸密探賊中隱語大呼而出若珠

湘軍記

卷八

三

從之賊竟弗阻乃收敗眾屯揚州西賊乘勝圍浦口張國樑撥兵援之屢戰失利浦口列營皆陷周天培力戰死之於是賊燄益張東窺揚儀西逼江浦而南岸之賊亦窺溧水諸軍觀望不敢戰十一月張國樑自將渡江援江浦克北山新卡進攻城南北各壘克之復蹙之磨盤洲陳家集賊潛埋火藥於江浦對岸火發自斃官軍乘之連克西北二十餘壘溧水賊亦敗退官軍復振

十年正月張國樑大舉攻浦口沿江賊壘悉破平之遂進攻九洑洲越重濠火其穴賊自相蹂死者數千乙亥克九

洪州國樑旋師金陵與和春定議招降解散賊黨於是壽
德州守賊秦禮國七里洲守賊謝茂廷相繼獻款約內應
二月戊戌國樑遣熊天喜由七里洲攻下關克之秦禮國
從壽德州內擊劉季三應之上關亦克拔出難民五千餘
人沿江諸賊棄壘守江東門江浦賊撲張玉良營國樑馳
救卻之是月皖南賊陷廣德州入浙之安吉杭州戒嚴浙
江巡撫羅遵殿乞援曾國藩時湘軍勁旅圍安慶不能至
詔和春兼督浙江軍提督張玉良總統諸軍援浙未至杭
州陷三月丁卯張玉良克杭州浙西賊還攻建平東壩益

湘軍記

卷八

三

以皖南北之眾其鋒慄急不可當乙酉建平陷東壩溧陽
皆失守賊圍金壇窺常州兩江總督何桂清浙江巡撫王
有齡檄馬德昭曾秉忠熊天喜劉成元分道赴援德昭秉
忠進軍陽溧埠成元解金壇圍天喜偵廣德空虛進軍復
之閏三月丙申米興朝復建平是時援浙兵不能遽返洪
酋覘大營兵薄益促浙皖江北之賊十道並進麤集金陵
我軍自長圍成將士頗驕自謂犁穴擒渠策助有期和春
念餽餉艱難議月餉三分而減一其一俟功竣補給士卒
頗怨傳單相煽誘而存營銀尙數十萬兩眾口藉藉張國

樑憂之而不能為謀賊聞我軍攜貳先踞句容斷我後而
糾黨日夜撲我營國樑拒戰八晝夜賊勢益增軍心益渙
戊申雷雨大作天酷寒至夜各營火起軍士潰散和春倉
卒聞變退走丹陽國樑方意如六年故事亦退丹陽圖再
舉於是溧陽宜興同陷賊踵至丹陽猶憚國樑威稍從遠
處築壘步步進逼已乃令黠賊間入大營國樑出戰自後
狙擊之創甚猶血戰刃數賊躍馬入丹陽河死之國樑廣
東高要人少時聚徒攻劫為豪率已而幡然悔之詣南甯
鎮歸誠向榮在廣西賞其才隸為偏裨每戰輒先陷陣賊

湘軍記

卷八

三

聞名輒走雖洪楊諸酋皆已憚之矣及圍金陵八年大小
千百戰所向無敵其援濱江郡縣至則克之向榮和春皆
倚之如左右手中外皆頌其忠勇軍興以來降將戰績烜
赫國樑為首程學啟次之始雖不逞後皆效節以令名終
嗚呼可謂壯士也已國樑既歿丹陽陷和春突圍保常州
賊躡之和春收潰卒迎戰受傷退許墅毒發嘔血死四月
常州蘇州繼陷巡撫徐有壬死之總督何桂清逮問
詔曾國藩署兩江總督是時國藩弟國荃領萬人圍安慶
駐集賢關乃以皖事付之而自將渡江謀進取因奏言自

古平江南之賊。必踞上游之勢。建瓴而下。自咸豐三年金陵被陷。向榮和春皆由東面進攻。原欲屏蔽蘇浙。而屢進屢挫。迄不能克金陵。而轉失蘇常。非兵力之尙單。實形勢之未得也。今欲復蘇常。南軍須從浙江入。北軍須從金陵入。欲復金陵。北岸須先克安慶和州。南岸須先克池州蕪湖。庶得以上制下之勢。臣所部萬餘人。已薄安慶城下。若一撤動。則各路防兵皆退。軍氣餒而賊氣盛。不但鄂邊難以自保。卽北路袁甲三翁同書各軍亦覺孤立無援。是安慶一軍。目前關係淮南之全局。將來卽爲克復金陵之張

湘軍記

卷八

酉

本臣以爲萬不可撤者也。臣奉

命權制兩江。必須駐紮南岸。以固吳會之人心。而壯徽甯之聲援。擬於江之南岸。分兵三路。一由池州進勦蕪湖。與楊載福彭玉麟之水師相聯。一由祁門至旌太進圖溧陽。與張芾周天受等軍相聯。一分防廣信玉山以至衢州。與張玉良王有齡等軍相聯。臣爾商官文胡林翼先帶萬人起程。一面遣弁回湘募勇。須七月方能到齊。八月方能進勦。從前金陵大營。以蘇常爲根本。餉糈軍械。源源接濟。今自皖南進兵。應以江西爲根本。臣竭五六兩月之力。辦江

楚三省之防。待兵勇漸齊。布置漸定。然後與賊力戰。所以保固江西兩湖者在此。所以規復安徽三吳者亦在此。目今賊燄方張。人心大震。但求立腳之堅定。不論逆氛之增長。

文宗嘉納之。湖北巡撫胡林翼夙欲倚國藩定江南。喜國藩得大用。貽書曰。兵事當布遠勢。忌近謀。公言南岸分兵。一由池州取蕪湖。一由祁門出徽甯。一專守廣信防江西。此皆內軍也。取餉江西。而惟議釐捐。以錢漕歸巡撫。愚又

湘軍記

卷八

壬

以爲隘矣。以湖南北爲兵之根本。以江西爲籌餉之本。待三省協防。而後謀吳。非一年不能。夫吳越人之毀譽怨望。雖不必問。而吾等悲憫之懷。與吳越人仰望之苦。最難爲情也。吳督之任。以包摩把持。恢廓宏遠爲用。鹽漕得人。何事不濟。不患貧也。蘇常失守以後。督撫監司。或死或未死。或已補或未補。進賢退不肖。此其時矣。今宜起兩軍。一出杭州。一出淮揚。此平吳之先著已。大局安危。視公放膽否耳。近者葉督兩廣。而不知廣西爲何人所轄。何督兩江。而割皖南割皖北。並割江北矣。福爲皖撫。而割南岸。棄以予浙江。又割淮北。棄以予袁公。其日蹙百里宜也。徽甯猶完。

布置粗定。當鼓行而前。與懷桐之師會於當塗。然後杭州軍出於蘇常。揚州之馬飲於江浦。林翼雖孱弱。不覺其言之汗漫也。急脈緩受。大題小作。則恐或不濟。國藩壯其言。然其再出也。以持重和眾心為本。有功輒以讓人。於權寵則辭之。包攬把持之說。雖聽之而弗能用也。獨鹽漕二事。採以入告。其言以淮揚裏下河產米多。足供京倉。如蘇常久陷。卽於裏下河辦米解京。鹽場大利所在。改為就場征課。歲增銀百萬以外。或於鹽課中籌銀解京。胡林翼勸臣奏辦水師。以保鹽場。淮揚二郡。古稱澤國。北淮南江。中有

湘軍記

卷八

美

洪澤邵伯寶應高郵諸湖。連鹽串場。人字芒稻諸河。巨浸支流。互相灌注。若造戰船。二三百號。不特可保裏下河之米場。竈之鹽。兼可輔揚州陸軍。使賊不得北犯。輔臨淮陸軍。使川路不至梗塞。此淮揚宜辦水師一矣。賊守金陵。以安慶廬州為犄角。太平蕪湖為護衛。蕪湖之南。有固城南。漪丹陽石臼諸湖。上可通甯國之水。陽江清弋江。下則止於東壩。掘東壩而放之。則可經太湖。歷蘇州。以達於婁江。古之所謂中江者也。蕪湖孤懸水中。賊匪守之。則易。官軍攻之。甚難。臣愚以為欲克金陵。必先取蕪湖。欲取蕪湖。必

於甯國另立水師。徧布固城南漪等湖之中。甯國水師攻其內。大江水師攻其外。庶蕪湖可克。而東西梁山可期。恢復此甯國宜辦水師二矣。賊堅忍善守。官軍圍攻屢年。往往因水路無兵。不能斷其接濟。今蘇州既失。面面皆水。賊若阻河為守。陸軍幾無進攻之路。城外幾無紮營之所。臣愚以為欲攻蘇州。須於太湖另立水師。浙江無事。於杭州造船。有警。宜於安吉孝豐造船。必使太湖盡為我有。而後西可通甯國之氣。東可拊蘇州之背。此太湖宜辦水師三矣。臣於水師閱歷頗久。而三處皆臣管轄之地。鹽漕皆臣

湘軍記

卷八

毛

應辦之事。義無可辭。

詔允行之。六月。國藩移駐祁門。八月。

詔補兩江總督。授為欽差大臣。是時論者皆謂國藩宜直搗金陵。急攻東壩。分蘇州賊勢。或云進規蘇常。或云赴援杭湖。或以為輕騎至淮揚。則不制於寇。而業已至祁門。則又以為宜急據甯國。當前敵。國藩仍堅持前議。力攻安慶。取建瓴之勢。自是金陵無圍師者。二年十一月。八月。曾國荃克安慶。始經營東征。明年五月。國荃始圍金陵。屯雨花台。語在下篇。

王定安曰甚矣常勝之不可以恃也軍興諸將闕茸畏憚聞殺聲則驚走及賊去虛列戰功大帥不加罪又獎擢之者比比皆是獨向公榮張公國樑當賊初起號爲能戰及建節東南感激發舒威聲濯濯雖古韓岳無以過之然恃其善戰分師遠征頓兵堅城幾克而復失之蓋克敵致果之功多好謀能懼之心少由斯言之向張特戰將耳非真知韜略者也曾公國藩敬慎儒緩觀其奏疏徬徨四顧不急目前之效宜若迂遠而闕於事情然其堅定不搖排眾議而孤行已意其成功亦卒以此由學力勝也曾公國荃挈孤軍以當百萬之寇兵力去向張遠甚餉不時至瘟疫盛行其危殆較向張何啻倍蓰徒以忠誠感召敵盛而軍不驚餉匱而士不變此其所以勝也庚申大營之潰世多以訖和春然月餉三分而減一湘淮軍在在有之其致敗豈盡以此哉吾故曰向張之亡由輕舉遠征非戰之罪也故詳述其事與湘軍參觀知其得失之由焉

湘軍記

卷八

天

湘軍記卷八

武昌范德培校字

湘軍記卷九

東湖王定安撰

圍攻金陵下篇

同治元年正月偽忠王李秀成率數十萬眾窺松滬

朝議令浙江按察使曾國荃以新軍六千換防安慶而自

率勝兵八千援上海

寄諭垂詢者屢矣曾國藩已薦李鴻章建旆而東則悉以

規復金陵委之國荃自安慶之克國荃乘機掃盪前軍已

抵無爲濱鎮以兵少募之長沙二月率新軍至安慶與國

湘軍記

卷九

一

藩商進取

詔擢國荃江蘇布政使三月國荃引兵規巢和令劉連捷

屯望城岡自將六千人屯巢縣東北李成謀領水師攻銅

城牯陳湜陸師會之牯東西賊壘皆下乘勝克雍家鎮壬

寅圍巢縣城賊聞銅城牯已破則大恐思逃國荃揮軍躍

登殺守陴數人城內驚擾皆奪門走斬千餘人遂克巢縣

追之至含山張兩翼抄擊大破之含山賊望見不戰而遁

同日復其城甲辰進襲和州克之躡之鍼魚背三城之賊

皆在國荃合水陸圍擊殲焉乙巳克濡須口而天門博望

兩山橫峙大江中賊恃之爲門戶所謂東西梁山者也國
荃已東至和州則令舟師循江西上攻西梁山燒其鐵鎖
已已賊乘山奔國荃分兵守之時乘小舸沿洞江上或單
騎瞭形勝以金柱關爲蕪湖藩衛羣湖所自出乃約彭玉
磨攻之率外江內湖淮揚十八營盛兵趨金柱是時曾貞
幹循南岸克繁昌南陵鮑超克青陽石埭太平涇縣四月
壬申國荃引軍南渡彭玉磨已先至金柱關國荃自將七
千人嚮金柱乘賊不備襲太平府賊不虞我軍至閉關不
及國荃軍已入北門遂克太平乃合水師攻金柱燒關內

湘軍記

卷九

二

外廬舍羣賊冒火奔逸短兵要擊積尸累隄癸酉克金
柱關進平三汊河上馴渡賊壘凡數十獲大礮三百七十
旂刀矛萬計分遣水師王明山攻烏江黃翼升擊東梁山
復下之進軍蕪湖曾貞幹黃翼升陳澁鼓眾先登貞幹先
遣人說賊降至是賊自相驚官軍乘亂急攻甲戌克蕪湖
水師王明山復克烈山石壘彭玉磨調上游水師集濡須
於是沿江諸隘皆官軍壘矣五月國荃進攻秣陵關守賊
舉關降乃遣軍繞三汊河後偏金陵城西大勝關編木作
橋伏精兵橋畔而以後隊捲旗疾趨賊懼爲長圍所困乘

夜縱火乘巢走癸未奪大勝關三汊河兩壘平之時彭玉
磨駐金柱關聞國荃懸軍深入懼爲賊乘乃調水師由烈
山駛入頭關甲申昧爽國荃亦至水師破浪仰擊陸軍乘
之拔頭關玉磨進攻江心洲洲有石壘雙峙屹若堅城水
師飛礮入壘賊亦穴牆還擊戰至日晡水師挾火具登岸
蛇行蘆葦中逼壘縱火我軍躍入賊壘燒雜羣醜撲水死
者無算水師乘勝鼓柁飛行奔蒲包洲遂泊金陵之護城
河口國荃由陸路倚護水師驅軍直偏金陵營於雨花台
玉磨乘輕舸至下關曾貞幹駐三汊河江東橋傍水築壘

湘軍記

卷九

三

保西路糧道是爲楚軍圍攻金陵之始自向榮和春以兵
八九萬屯守八年卒無功曾國藩初議移李續宜多隆阿
兩軍南渡鮑超出西路合曾國荃彭玉磨水陸共圖金陵
多隆阿已授欽差大臣移兵援陝李續宜前令圖淮南北
猶留湖北不至鮑超戰甯國未能遽東國荃軍合水師不
滿二萬孤軍深入諸將帥皆以爲不可國藩亦深憂之手
書令待他軍集而後進國荃報曰諸軍士自應募起義人
人以攻金陵爲志今不乘勢薄城下而還軍待寇則曠日
持久非利也且金陵爲賊根本拔其根本卽枝葉不披而

葵金陵恃江南北各城為屏蔽江南北各城亦恃金陵為
 應援克其一城移軍他往賊又隨踞之徒使我疲於奔命
 而賊旋走旋踞是攻奪無已時也今以一軍直搗金陵蘇
 常各賊聞江甯攻急必更來援彼時遣別將間襲蘇常吾
 因而乘之殄寇犁穴在此舉矣國藩許之圍攻之勢乃定
 洪秀全見官軍已薄城數使使趣李秀成自蘇常赴援而
 選悍黨二萬出城攻雨花台湘軍久勝鋒銳甚比交綏無
 不一當十守賊創見皆大驚乃收入金陵江北大都興
 阿聞楚軍至遣師船自瓜洲鼓柁而西攻觀音門襲燕子
 湘軍記 卷九 四
 磯破之降將李世忠自六合渡江克石埠橋東陽龍潭結
 壘守之皆為楚軍聲援癸卯國荃敗賊六郎橋而賊賊日
 出窺覘輒被創洪秀全益恐促浙酋李世賢蘇酋李秀成
 還金陵是時左宗棠攻衢州與李世賢相拒遂安龍游間
 李鴻章新克松江廳縣李秀成奔命未遑乃先遣其偽國
 宗引兵數萬自蘇州西援六月癸巳與國荃戰雨花台兩
 軍互損傷辛酉復撲大營戰不利還走入城乃謀分兵綴
 我丁卯列二十餘隊隊各趨一壘而以銳卒突雨花台長
 濠濠寬深不得過則以火器環擲國荃憑濠拒守伺賊已

湘軍記 卷九

近令劉連捷拔卡縱擊斬二千人偽對王殛於陣羣賊乃
 大奔時溇暑大雨國荃令軍士冒雨修垣洪酋益調甯國
 賊二萬出雄黃鎮夜襲營丙子國荃遣將要擊甯國賊復
 敗走城賊既屢挫於圍師則閉門專待蘇浙援國荃益增
 壘浚濠以備之七月江南難民就食裏下河城鎮輒數千
 人都興阿以聞

朝旨慮逸賊偷渡令曾國藩撥兵防守時黃翼升署江南
 提督領淮揚水師赴上海國藩議興太湖水師由澱湖達
 蘇州移黃翼升水師防淮揚裏下河八月江南大疫徽甯

湘軍記 卷九 五

尤甚鮑超等病不能軍金陵圍師亦苦痲疾閏八月疫猶
 未已軍士互傳染死者山積曾國藩金陵湘軍陸師昭忠
祠記曰我軍薄雨花台未幾
 疾疫大行兄病而弟染朝笑而夕僵十幕而五不常變一
 夫暴斃數人送葬比其反而半殍於途近縣之藥既罄乃
 巨艦連橋徵藥於皖鄂諸省會
有天幸九帥獨不病國藩憂懼奏言戰事方利而天
 災流行若賊乘危來攻不特不能戰守且不能預逃以待
 再振數年來百戰所得之地由尺寸廣至數百里前功將
 隳臣德薄不能挽厄運請
 簡親信大臣馳赴江南分責任之重大挽氣數之艱難
 穆宗詔曰近日秋氣已深疫病未息甯國金陵徽甯上海

殺八千人。拔賊氣奪。乃益鑿地理火藥。辛酉。兩穴同發。土石飛躍如雨。大營墻坍。賊隊猛進。國荃督軍士露立牆外。環擲火毬。閒以鎗礮。賊前者既殪。後者復登。踰三時。牆缺。復合。殺悍寇數千。羣賊乃謀晝息。宵攻。輪進以疲我。連營。周百里。其近者距官軍才二十丈。仍潛開隧道。乘雨夜轟之。國荃令各軍掘內濠。翼以外牆。破其地洞七。賊計始窘。十月。國荃度賊力疲。可一戰破也。乃誠諸將秣厲以俟。壬午。引軍出濠。克十餘卡。知賊不任戰。軍益大出。癸未。李臣典等出東路。曾貞幹出西路。彭毓橘。蕭孚泗等出南路。甲申。天嚮曙。臣典燒東路四壘。火光燭天。西南諸賊望見。洵懼棄壘逃。貞幹偵三汊河賊宵遁。急引兵趨之。遇逃寇。則縱兵要擊。追之板橋周村。彭毓橘追至牛首山。王可陞搜賊方山西。諸賊在東路者。繞南門逸。其在西南者。走秣陵。關於是。蘇浙賊數十萬皆遁。金陵圍師解嚴。是役也。李秀成率十三僞王赴援。李世賢繼之。楊輔清。黃文金。鮑超。於甯國。陳坤書出太平。窺金柱關。以困水師。悍酋萃一隅。我軍幾殆。憊不振。曾國藩固以進攻金陵為非計。業被圍。則飛檄調蔣益澧。程學啟馳救。益澧在浙。學啟在蘇。皆有

湘軍記

卷九

八

故不得至。國荃孤軍居圍中。戰守四十六日。殺賊五萬。我軍亦傷亡五千。將士皮肉幾盡。軍興來未有如此之苦戰也。

穆宗念楚軍勞敝。

優詔獎國荃。而慮賊再舉。國荃兵不足。令國藩調鮑超出東。勦會剿。國藩乃增募五千人。畀國荃軍。於時李秀成由九洑洲北渡。陷和州。含山。巢縣。其南走者。西掠績溪。陷祁門。唐義訓等隨克之。賊勢益渙。水師之困於蕪湖也。國荃已分兵守東梁山。復遣朱南桂。朱洪章。羅逢元。扼金柱關。

湘軍記

卷九

九

夾河而與之。上下亂流而相攻。水師捷。陸營或挫。一夕數驚。比賊陷巢和。皆湘軍新得之城。國荃急分兵守西梁山。而令劉連捷。彭毓橘等引兵北援。十一月。楊岳斌連破賊於三汊河。合金柱守將羅逢元。攻之。護駕墩。燒賊舟二百餘。劉連捷循江西上。合毛有銘軍。進屯石澗埠。而鮑超亦敗賊甯國。湘軍聲勢復盛。是時曾國荃已擊走蘇浙諸寇。攻守益暇。曾國藩終以孤軍蹈危地為失策。乃議案視沿江諸壘。赴金陵親決進止焉。

二年正月。曾國藩自安慶出巡。南浮池州。達蕪湖。北權至

濡須遂登東西梁山。泛舟金柱關。復北至烏江。與楊岳斌偕之金陵。登大勝關。入雨花台營。見國荃圍軍堅穩。大喜。始罷退師之議。留十日去。二月還安慶。奏陳可喜。可懼。數端。以為徽池甯國等屬。黃茅白骨。或竟月不逢一人。蘇浙之田。多未耕種。羣賊圍竄江西。并窺伺皖浙已復之區。平民無所得食。弱者轉徙溝壑。黠者從賊以偷生。旦夕黨羽無定數。酋長無定謀。誠恐變為流賊。更難收拾。此其可懼者也。粵匪初起。頗能禁止姦淫。聽民耕種。故取江南數郡之糧。出金柱關。江北數郡之糧。出裕溪口。並輸金陵。和春

湘軍記

卷九

十

等合圍城外。賊仍擅長江之利。挹不竭之源。今耕者廢業。煙火斷絕。賊行無民之境。猶魚行無水之地。豈有能久之理。而安慶蕪湖廬州甯國東西梁山金柱關裕溪口暨浙之金華紹興。皆為我有。此皆山川筋絡必爭之地。但能守而不失。終足制賊死命。昔年賊之所至。築壘如城。掘濠如川。近亦日就草率。而官軍修壘濬濠。遠勝於昔。賊中羣酋受封至九十餘王之多。各爭雄長。敗不相救。而官軍和衷共濟。三江兩湖。呼應靈通。此其可喜者也。如金陵蘇杭三處。有一二克復。即當大赦羣酋。廣為招撫。以庶幾赤眉百

萬同日納降之盛軌。

詔嘉許之。三月。授曾國荃浙江巡撫。仍留攻金陵。以閩浙總督左宗棠兼權之。國藩與國荃交疏懇辭。

穆宗優旨慰勉。四月。李秀成西掠至六安。將犯湖北。聞蘇州警。乃大掠而東。李鴻章約國荃自上截之。國荃策賊不南。拔蘇州。則北走裏下河。乃益攻金陵。以綴之。時劉連捷鮑超等已克巢含和州。湘軍勇氣自倍。癸卯夜。國荃分軍六路。李臣典等攻雨花台石城。趙清河等攻聚寶門南卡。晏澧周等攻西卡。何玉貴等攻東卡。陳湜出中路。蕭孚泗

湘軍記

卷九

十一

易良虎等左右應之。夜已半。軍士蛇行薄石城。束草填濠。將登。賊驚覺。礮外擊。踏五人。眾頗逡巡。李臣典斬二卒以徇。拳旗直上。毬箭星落入城。天嚮明。敵樓火發。賊奔救。我軍已乘煙霾而入。遂克雨花台偽城。諸將乘勝猛攻。於是金陵城西南九壘皆下。國荃分二千人守石城。築六新壘輔之。李秀成在江北聞之。益洵懼。又以崑山新克。慮滬軍圍蘇州。乃改圖南渡。天長六合來安皆解圍。五月。楊岳斌彭玉麟水師次江浦。蕭慶衍陸師出烏江。與鮑超劉連捷會師。浦口江浦橋林賊皆不戰而遁。走九洑洲。洲賊拒

不納投江及餓死者無算。曾國荃乘夜至新江，與玉麐、岳斌覘形勢。九洑洲賊築堅城，列巨礮，以戰艦護之。每官軍至洲，賊必全力走江北，或南掠甯國，以誘我翼長溫紹原。總統張國樑雖克之而不能守也。及國荃欲合圍，都興、阿馮子材爭言九洑危險。

朝議憂疑，含山之再陷也。李世忠以三萬眾扼九洑，不勝。賊愈增壘，綠洲列礮艇，自以爲堅不可拔矣。國荃度陸師難飛渡，宜先清南岸諸隘，乃可會師北伐。丁巳遣丁泗濱等南從秦淮，嚮下關。喻俊明等北繞永安洲，向草鞋夾。彭

湘軍記

卷九

七

楚漢等爲後應。玉麐率水師據九洑上游，牽賊勢。岳斌自督戰，以枯荻灌油，燒賊艦數百，緣牆而登。下關草鞋夾八壘皆克，乃移兵嚮中關。水流箭疾，羅俊友中礮死。己未，國荃分兵襲燕子磯，破之。岳斌偵江濱有閒道，達九洑賊濠。乃約國荃令陸師伏叢莽中，從隄埂缺鼻水而進。彭楚漢、張錦芳師船夾洲上下，丁泗濱攻南岸中關。庚申，味爽兩岸戰旗並舉，人人殊死戰。中關賊閉不出，九洑賊伏洋鎗隊於洲，三面伺閒出擊。官軍精銳多傷亡。至夜，玉麐令曰：洲破乃還師，不者傳餐而戰。時月色冥濛，西南風大作，我

軍開移船近賊壘，以火箭射賊舟，風烈火猛，延及洲上。卡棚、喻俊明等麾軍直上，成發翔、彭楚漢從左右呼譟而登。丁泗濱自南岸鼓棹飛渡，將士踐尸以進。九洑洲竟破，萬餘賊無一脫死者。癸亥，國荃攻長干橋賊壘，復大破之。長江肅清，捷未上，都興、阿先以聞。

穆宗喜其速，慮賊逸揚州。

詔國藩預防裏下河，而賊已聚磯洲。中國荃乃檄蕭慶衍自江浦南渡，屯神策門。鮑超繞鍾山屯孝陵衛，論者多言城大兵單，合圍不宜驟。恐援賊乘隙撼全局。國荃曰：今浙

湘軍記

卷九

七

軍攻富陽，滬軍攻蘇州，羣賊奔命。此亦天亡時也。吾乘其急而合圍，彼備多力分，縱不卽克金陵，其收效蘇杭必矣。國藩以爲然，乃令國荃增募萬人。於是金陵圍師近四萬矣。六月，鮑超進軍鍾山，將屯孝陵。因軍士病，駐神策門。洪秀全遣黨出儀鳳門攻鮑超，又出太平門攻劉連捷。我軍擊卻之。七月乙巳朔，犯下關。李成謀力戰卻之。壬子，國荃攻印子山，克之。進攻上方橋，橋在城東南隅，賊運糧道也。甲子，國荃令蕭慶衍出印子山東，偪賊而軍。城賊來爭，蕭孚泗、李臣典、張詩日分禦之。賊堅壁不出。癸巳，熊登武越

上方橋五里築小壘六絕賊糧賊患之糾大眾出戰蕭孚泗伍維壽馬步包抄追之秣陵關破十餘卡悉奪泊河戰艦孚泗度賊已窮令軍士負秫稽乘夜填濠遂克上方橋而江東橋石壘高峙環以木城陳湜圍攻數月不克八月丙戌夜風霾蔽月湜選銳卒數百襲營燒其木城立拔石壘分抄至旱西門眾壘皆下時城東尚有數隘近城者曰中和橋曰雙橋門曰七甕橋稍遠者曰方山土山曰上方門高橋門迤南則為秣陵關以至於博望鎮亦金陵外輔也九月國荃令蕭慶衍等結筏渡水扼東路立營賊已先

湘軍記

卷九

五

據河東拒我蕭慶衍隔河發礮朱吉玉李祥和踞西岸築三壘與賊相持甲子李祥和從上游蕭孚泗從下游渡河破其五壘城賊來援蕭慶衍且戰且築東岸壘已成戊辰賊復諸道並出蕭孚泗彭毓楠陳湜等扼雙橋門以東蕭慶衍進中路戰少卻將士奮臂大呼賊皆反走蕭慶衍縱騎兵斷其歸路遂克上方門高橋門而右路方山土山之賊為熊登武所敗亦棄壘奔於是七甕橋羣賊思遁蕭孚泗彭毓楠扼其東李臣典遮其西城中忽出大隊兩軍相搏互傷死孚泗乘夜縱火賊冒煙突出遂克七甕橋乃由

方山南進秣陵關攻博望鎮賊環鎮築七壘上可應水陽旁可控金柱關金柱守將朱南桂聞鮑超有事於水陽約朱洪章等出小丹陽以襲博望俾不得為水陽援南桂乘夜銜枚疾進味爽抵博望克其二卡賊開壁大戰武明良繞出頭壘襲其營賊反顧七壘已易官軍幟乃錯愕狂走南桂追之長流背溺死強半國荃以博望既克則中和橋之勢孤已已令趙三元率馬步七營南略秣陵至中和橋一戰克之秣陵賊見馬步驟至棄釜逃諸將追至河干阻水不能渡僅殺尾賊二百餘自是紫金山西南無賊壘矣

湘軍記

卷九

五

辛未國荃親至孝陵衛勘地勢將移營合圍賊出朝陽太平門來襲蕭慶衍陳湜分截之蕭孚泗李臣典傍賊鈔入戰方酣有賊目指揮督陳國荃伏鎗擊之殪賊陣乃亂偽章王順王退入城餘賊走涓化鎮時甯太賊進屯高涓涿水謀襲蕪湖彭玉麟率水師躬攻水陽楊岳斌來會遂克窰灣金寶圩水陽新河莊塘溝諸壘十月乙亥克滄溪長樂賊酋楊友清降高涓復丙子易開俊復甯國縣戊寅國荃克涓化解涓隆都湖墅三壘燬賊壘二十餘於是金陵東南剗削略盡庚辰彭玉麟楊岳斌鮑超克東壩復建

平深水解散萬計。戊子國荃遣軍屯孝陵衛。是月李鴻章克蘇州。李秀成先期遁。無錫十一月。曾國荃掘地道成。戊申火發。神策門城圯。我軍肉薄爭登。阻月城橫洞不能克。傷死三百餘。李秀成自蘇州領敗眾數萬。分布丹陽句容間。自率數百騎入太平門。勸洪酋棄城同走。不聽。乃貽書溧陽。約李世賢就食江西。曾國荃益募新軍。增圍師。遂至五萬人。援賊還金陵者皆不敢出。左宗棠議以爲當分軍攻廣德。國藩以賊勢猶盛。懼軼蹂江西。持不許。乃令諸將堅守涇縣旌德太平石埭青陽池州六城。咨左宗棠嚴浙

湘軍記

卷九

六

防沈葆楨預堵江西以備焉。

三年正月戊申。李世賢黃文金陷績溪。曾國藩遣毛有銘自安慶率六千人趨休甯。未至。賊已越徽州犯江西。李秀成日說洪酋出就食。洪酋仍妄稱天命不肯去。秀成不得已留金陵城守。曾國荃度賊糧將匱。約楊岳斌水師巡江。見奸民運米入城。輒奪之。又令朱洪章等繞鍾山後斷陸路運道。調降將韋志俊守金柱關。移朱南桂助圍金陵。南桂冒雪營城北。偵賊酋李士貴赴句容護糧。伏兵要之。賊棄糧走。國荃益銳意合圍。癸亥。周歷洪山北固山神策門

太平門。李秀成自將出鍾山南攻朱洪章營。洪章與武明良出濠夾擊。沈鴻賓等出右路。武文山等出左路。戰良久。殺數百人。賊退上山。羅雨春攀巖而上。中鎗幾墜。沈鴻賓繼至。各挾火毬火箭擲壘中。賊突火逃。遂克鍾山石壘。賊所署爲天保城者也。國荃遣黃潤昌等戍之。令蕭孚泗蕭慶衍出山北列隊太平門。築三壘。以王遠和等守之。維時梁美材屯洪山。朱南桂屯北固山。塞神策門。餘元武湖阻水爲圍。於是金陵城圍始合。賊糧絕矣。二月左宗棠克杭州。李秀成益懼。日放婦孺出城節食。秀成屢以無米告洪

湘軍記

卷九

七

酋洪酋誑眾曰。闔城食甜露可以養生。甜露者草也。眾雖知其誕而無如何。乃於城內種麥。濟飢。三月壬寅。鮑超克句容。丙辰克金壇。其時蘇浙賊道徽州走江西。曾國藩乃令鮑超還軍援江西。

朝旨促國藩赴金陵督師。國藩以徽州警。上游危急。仍留安慶策應。乙丑。國荃攻金陵。月圍破之。月圍者。賊附城築垣以拒我地道者也。金陵城周百里。國荃日令軍士鑿隧。道凡南門一穴。朝陽至鍾阜門三十三穴。篝火而入地。或崖崩窟塞。則縱橫聚葬於其中。賊乃築月圍穿穴拒我時

以毒煙沸湯入穴中軍士多死至是國荃破月圍焚其火藥殲賊無數官軍傷亡亦三千人四月庚午李鴻章克常州壬申馮子材復丹陽敗賊由廣德趨徽州者日夜相繼楊岳斌鮑超皆西援乃以蘇軍劉銘傳屯句容鄭國魁屯東壩周盛波屯溧陽之南渡定埠五月朝廷以金陵垂克而河南捻犯麻城皖賊深入江西恐掣全局

湘軍記

卷九

六

穆宗欲速其功益促鴻章激之國荃亦以此激諸將期必破而龍膊子石壘賊所號地保城者不得則形勢終不便乃日夜發礮攻之己巳李祥和等奪石壘遂築礮台其上俯瞰城中礮擊處城堞皆圯國荃慮師老且生變益督李臣典等當礮密處潛穴其下而積溼蒿覆沙土高與城等聲言將踐登以疑賊六月天久不雨國荃露禱須臾龍見雨大至甲申地道成國荃夜寢若有人促之驚起趨洞口呼守軍李秀成果出襲營遣黨持火蛋燒蘆蒿伍維壽彭毓楠分擊獲免己酉國荃令朱式雲草檄諸軍懸賞募

敢死士待城破先入於是李臣典朱洪章伍維壽武明良譚國泰劉連捷沈鴻賓張詩日羅雨春九人誓先登日午地道火發城崩二十餘丈甄石雨落李臣典等蟻附爭登賊反然火藥下燒我軍眾稍卻彭毓楠蕭孚泗手刃數人弁勇皆奮乘城缺入朱洪章沈鴻賓羅雨春等攻中路在偽天府北劉連捷張詩日譚國泰等攻右路循臺城趨神策門適朱南桂等梯攻而入遂合取儀鳳門左路則彭毓楠由內城至通濟門蕭孚泗等奪朝陽洪武門守陴賊誅殺殆盡而羅逢元等從聚寶門入李金洲從通濟門入

湘軍記

卷九

七

陳湜易良虎由旱西水西門入李秀成方趨旱西門為陳湜軍所阻乃還走清涼山匿民房黃翼升水師攻奪中關乘勝至旱西門與陳湜等合於是金陵九門皆破日已暝矣賊猶保子城夜半賊縱火燒偽王府因突圍走黃潤昌等露立龍廣山袁大升等循城南遇逃賊要擊斬數百人張定魁等追賊及之湖熟俘斬數百人城賊多自焚或投池井洪秀全已前一月死其子洪福瑱年十五六餘黨挾之走廣德秀全子本名天貴福其刻印稱洪福下列真王二文誤合為瑱其稱洪福瑱以此國荃傳令閉城救火獲

偽玉璽二金印一蕭孚泗搜獲偽王兄洪仁達偽忠王李秀成斃賊十餘萬凡偽王主將天將及大小酋目三千皆死亂兵拔難民數十萬捷聞朝野相慶海外轉相驚告先是西洋人屢請助攻又請調印度兵國荃皆不許而外夷桀者頗暗助寇國荃漫擊之與賊同殲於陣金陵既克西洋諸酋皆來賀曾國藩官文合詞奏言臣等伏查洪逆倡亂十有五年竊據金陵亦十二年流毒海內神人共憤我朝武功之盛超越前古屢次削平大難焜耀史編然如嘉慶川楚之役蹂躪僅及四省淪陷不過十餘城康熙三藩之役蹂躪尙止十二省淪陷亦三百餘城今粵匪之變蹂躪竟及十六省淪陷至六百餘城之多而其中凶酋悍黨如李開方守馮官屯林啟容守九江葉芸來守安慶皆堅忍不屈此次金陵城破十餘萬賊無一降者至聚眾自焚而不悔實爲古今罕見之劇寇然卒能次第蕩平勦除元惡臣等深惟其故蓋由我

湘軍記

卷九

三

文宗顯皇帝盛德宏模早裕戡亂之本

宮禁雖極儉嗇而不惜巨餉以募戰士名器雖極慎重而不惜破格以獎有功

廟算雖極精密而不惜屈己以從將帥之謀
皇太后

皇上守此三者悉循舊章而加之去邪彌果求賢彌廣用能誅除僞僭蔚成

中興之業臣等忝竊兵符遭逢際會既痛念我

文宗不及目睹獻馘告成之日又念生民塗炭爲時過久惟當始終慎勉掃盪餘匪以蘇子黎之困而分

宵旰之憂

穆宗詔曰官文曾國藩紅旗奏捷克復江甯省城覽奏之

湘軍記

卷九

三

餘實與天下臣民同深嘉悅洪秀全自道光三十年倡亂由廣西竄兩湖三江並擾及直隸山東百姓遭其荼毒慘不忍言罪惡貫盈神人共憤我

皇考文宗顯皇帝赫然震怒恭行天罰

命兩湖總督官文爲欽差大臣與湖北巡撫胡林翼肅清

楚北上游胡林翼駐紮宿松籌辦東征復

授曾國藩兩江總督欽差大臣號令既專功績日著十一

年七月我

皇考龍馭上賓其時江浙郡縣半就淪陷

遺詔諄切以未能迅殄逆氛為憾朕以冲幼寅紹丕基祇承先烈恭奉

兩宮

皇太后垂簾聽政

指示機宜

授曾國藩協辦大學士節制四省軍務以一事權該大臣自受任以來即建議由上游分路勦辦飭彭玉磨楊岳斌曾國荃等水陸並進疊克沿江城隘百餘斬馘外援逆匪十數萬人合圍江甯斷其接濟六月十六日曾國荃克復

湘軍記

卷九

三

江甯據各賊供稱首逆洪秀全實於本年五月服毒而死偽幼主洪福瑱重襲偽號城破後假裝官軍號衣向太平門缺口衝出曾國荃加派馬隊追至清化鎮生擒偽烈王李萬材據供偽忠王之兄巨王幼西王幼南王定王崇王璋王乘夜衝出被官軍馬隊追及將各頭目全行殺斃其餘兩廣兩湖多年悍賊經各將士於十七八日搜殺淨盡此皆仰賴

昊蒼眷佑

列聖垂庥

兩宮

皇太后孜孜求治識拔人材用能內外一心將士用命成此大功上慰

皇考在天之靈下孚薄海臣民之望自惟藐躬涼德何以堪此追思

先皇未竟之志不克親見成功悲愴之懷何能自己該領兵大臣等櫛風沐雨艱苦備嘗允宜特沛殊恩用酬勞勩欽差大臣協辦大學士兩江總督曾國藩自咸豐三年在湖南首倡團練創立舟師與塔齊布羅澤南等屢建殊功

湘軍記

卷九

三

保全湖南郡縣克復武漢等城肅清江西全境東征以來由宿松克潛山太湖進駐祁門疊復徽州郡縣遂拔安慶省城以為根本檄水陸將士規復下游州郡茲幸大功告成逆首誅鋤實由該大臣籌策無遺謀勇兼備知人善任調度得宜曾國藩著賞加太子太保銜錫封一等侯爵世襲罔替賞戴雙眼花翎浙江巡撫曾國荃以諸生從戎隨同曾國藩勦賊數省功績頗著咸豐十年由湘募勇克復安慶省城同治元二年連克巢縣含山和州率水陸各軍進逼金陵駐紮雨花台攻拔偽城賊眾圍營苦守數月奮

力擊退。本年正月克鍾山石壘。遂合江甯之圍。督率將士
鏖戰。開挖地道。躬冒矢石。半月之久。未經撤隊。實屬堅忍。
耐勞。公忠體國。曾國荃著賞加太子少保銜。錫封一等伯。
爵。賞戴雙眼花翎。記名提督李臣典。於鎗礮叢中。搶挖地
道。誓死滅賊。從倒口首先衝入。眾軍隨之。因而得手。實屬
謀勇過人。著加恩錫封一等子爵。賞黃馬褂。雙眼花翎。蕭
孚泗督辦礮台。首先奪門而入。並搜獲李秀成洪仁達實
屬勤勞卓著。加恩錫封一等男爵。賞雙眼花翎。其餘文武
一百二十餘員。論功進秩有差。

湘軍記

卷九

五

穆宗又以各路統帥疆臣。共濟時艱。特加異數。以昭恩渥。
於是欽差大臣科爾沁親王。僧格林沁。加賞一貝勒。欽差
大臣大學士湖廣總督官文。江蘇巡撫李鴻章。俱錫封一
等伯爵。賞雙眼花翎。陝甘總督楊岳斌。兵部右侍郎彭玉
慶。均賞給一等輕車都尉。太子少保銜。四川總督駱秉章。
賞給一等輕車都尉。雙眼花翎。浙江提督鮑超。賞給一等
輕車都尉。西安將軍都興阿。江甯將軍富明阿。廣西提督
馮子材。均賞給騎都尉。京口副都統魁玉。賞給雲騎尉。漕
運總督吳棠。賞給頭品頂戴。惟閩浙總督左宗棠。杭州將

軍國瑞。江西巡撫沈葆楨。但奉

聖書褒獎。俟浙江江西肅清。再行加恩。曾國藩自安慶至
金陵。掘洪秀全尸於偽宮。戮而焚之。七月。國藩親訊李秀
成。洪仁達。洪仁發等。讞成。駢誅之。李萬材供洪福瑱已死。
而江西浙江諸軍。方欲張賊勢。爭言洪福瑱未死。左宗棠
沈葆楨交疏譏刺。曾國藩奏言。臣抵金陵。接見諸將。均有
憔悴可憐之色。臣宣道

湘軍記

卷九

五

六月杪。始從偽宮內掘出。扛至營次。該逆尸。遵尙邪教。不
用棺木。徧身包裹繡龍黃緞。雖膀腳亦係龍緞。頭禿無髮。
鬚尚全存。已開白矣。左股有膀肉。猶未脫。驗畢。戮尸。舉烈
火而焚之。有偽宮婢者。係道州黃姓女子。即手埋逆尸者
也。臣親加訊問。據供洪秀全經年不見。臣僚四月二十七
日。因官軍攻急。服毒身死。祕不發喪。十餘日始行宣布等
語。偽幼主洪福瑱。繞室積薪。為城破自焚之計。眾供皆合。
連日在偽宮灰燼之中。反復搜尋。茫無實據。觀其金玉二
印。皆在巷戰時所奪取。又似業已逃出偽宮者。李秀成則

稱曾經挾之出城始行分散然此次逃奔之賊僅十六夜從地道缺口逸出數百人曾經騎兵追至湖熟圍殺淨盡自十七日後曾國荃卽將缺口封砌關閉各城搜殺三日洪福瑱以十六歲童駿縱未斃於烈火亦必死於亂軍當無疑義李秀成之被擒也各營之降卒附城之居民人人皆識觀者如堵鞠訊屢日親供多至數萬字敘髮逆之始末述忠酋之戰事甚爲詳悉又力勸官軍不宜專殺兩廣之人恐粵匪愈孤逆黨愈固軍事仍無了日其言頗有可采日來在事文武皆請將李秀成檻送京師卽洋人戈登

湘軍記

卷九

美

威妥瑪來賀者亦以忠酋解京爲快臣竊以爲

聖朝天威滅此小醜除僭號之洪秀全外其餘皆可不必獻俘自來元惡解京必須誘以甘言許以不死李秀成自知萬無可追在途或不食而死或竄奪而逃翻恐逃顯戮而貽巨患又李逆權術要結頗得民心城破後鄉民憐而匿之蕭孚泗生擒李逆之後鄉民竟將親兵王三清殺而投諸水中若代李逆報私忿者李秀成旣入囚籠次日又擒僞松王陳德風一見李逆卽長跪請安臣聞此二端惡其民心之未去黨羽之尙堅卽決計就地正法以絕後患

遂於初六日行刑其洪仁達一犯係洪秀全之胞兄與其長兄洪仁發皆暴戾恣橫多行不義爲李秀成所深憾且如醉如癡口稱天父不絕因其抱病甚重已於初四日先行處死矣秀成旣誅謗者頗以未獻俘爲疑而首功李臣典病卒蕭孚泗以喪歸國荃傷病未愈因請疾還鄉里散遣所部二萬五千人留萬人防金陵萬五千人備皖北游擊國藩素謙退以大功不易居力言湘軍暮氣不可復用主用淮軍其後倚淮軍以平捻然國藩之言以避權勢保令名其後左宗棠劉錦棠平定關內外回寇威稜西域

湘軍記

卷九

毛

席寶田征苗定黔中王德榜與法郎西戰越南皆用湘軍暮氣之說庸足爲定論乎吾故曰國藩之言暮氣謙也若欲淬厲朝氣則在後來之將帥不系乎湘軍淮軍焉

王定安曰曾公國藩言軍之勝敗時也時未可爲聖哲弗能強時可爲則事半而功倍其言允矣愚猶以爲未也夫兵事瞬息千變其安危在呼吸之間而議者時從數千里外懸揣而遙制之朝上一策暮更一令則將帥無所措手足向公張公戰略優矣而起武夫乏遠識左之則左右之則右惟知眾議可畏不暇審量敵情故朝皖暮越疲於奔

命而自忘其頓兵堅城再蹶再興而卒不能振也曾公兄弟以憂懼治軍鯁鯁焉審全局規遠勢不急旦夕之效不爲羣議所搖其有所見臧之而弗動促之而弗行詩云發言盈廷誰敢執其咎如曾公兄弟者可謂善任咎者歟由斯言之得失之機雖曰天命豈非人事哉

湘軍記

卷九

天

湘軍記卷九

東湖黃學濂校字

湘軍記卷十

東湖王定安撰

謀蘇篇

中興以來海內稱勁旅者首推湘軍其次淮軍淮軍之興發軔松滬浸淫至於畿輔然其初起由湘軍故營制餉糈皆同將裨間用楚皖人獨用西洋火器與湘軍異湘軍亦往往仿倣之曾國藩既定江南尤主用淮軍其平粵寇平捻匪常爲湘軍助

湘軍記

卷十

一

泰西陣法鳴角出令皆夷語則湘軍所無要之樸誠敢戰以效命疆場爲榮退縮畏死爲羞募則來遣則去則湘淮軍無二致也咸豐十年閏三月和春師潰金陵張國樑戰死丹陽和春旋以傷病殂兩江總督何桂清防常州聞警走蘇州巡撫徐有壬閉城不納乃奔常熟四月戊辰常州陷蘇州守兵三千餘皆脆弱不任戰有壬以張玉良新援杭州有功移檄請救玉良引兵守高橋賊間道出九龍山拊高橋背玉良師大挫率敗卒走杭州賊趨蘇州眾號數十萬城中驚亂丁丑蘇州陷巡撫徐有壬署按察使糧道

朱鈞死之。布政使薛煥駐上海。署布政使蔡映斗暨守令皆逃。

詔逮治何桂清等。以曾國藩爲兩江總督。薛煥爲江蘇巡撫兼權總督。時僞忠王李秀成主蘇州。蘇常旣陷。松江太倉各城皆淪於賊。所存浦東三縣二廳。將軍巴棟阿提督馮子材守鎮江。巡撫以下皆駐上海。上海者通商五口之一。西人建樓設市。環貨山積。蘇浙紳民避難者。恃西洋火器多徙居之。蘇松大道吳煦負能吏名。權布政使。糧餉軍械皆倚以辦。月獲江海關稅銀三十萬兩。關道素習英法。

湘軍記

卷十

二

諸酋乃以重金募印度兵。用美利堅人華爾領之。已而印度兵罷。募華人練洋鎗。號曰常勝軍。常勝軍初止千人。後增至四千五百。其教練皆西人。勇丁食糧視官軍且倍。轉戰吳越間。所向輒捷。中夏之用西人練軍。自吳煦始。是時巡撫部兵尙數萬。然冗散不可任。侍郎龐鍾澂倡民團守常熟。其他江陰太倉鄉民亦間出逐賊。松江嘉定旣失而復克。然皆以無援而陷。楚軍圍安慶。曾國藩進駐祁門。論者以安慶垂克。宜舉建瓴師攻東壩。賊必回顧金陵。卽以援蘇之兵夾擊。則蘇州可復。龐鍾澂亦奏催國藩南下。

朝廷慮薛煥兵力單。令國藩促左宗棠等軍由皖南進。規蘇常。國藩奏言。臣部李元度張運蘭回湘募勇。鮑超因傷還蜀。左宗棠新軍未到。目下皖南危乎其危。浙江亦防不勝防。臣軍到齊。須一攻廣德。一攻甯郡。勢不能繞越皖境。而逕趨蘇常。前准薛煥咨函。松江上海等處水陸人數無多。欲由張玉良分撥三千人。近因江西多事。文報阻滯。張玉良嘉興一軍與臣信息罕通。臣新膺督師江南之命。本有統轄該軍之責。惟現值皖南阽危。不能舍近圖遠。荊州將軍都興阿奉

湘軍記

卷十

三

命督辦揚州軍務。官文胡林翼百計經營。謀所以資送之法。而三千勁旅。五月口糧難以撥付。以臣愚見。淮徐風氣剛勁。不患無可招之勇。但患無訓練之人。已函商官文都興阿等。酌帶楚師千人。馳往江北。用楚軍之營制。練淮徐之勇丁。嚴其禁約。寬其期限。若得一二名將出乎其間。則兩淮之勁旅。不減三楚之聲威。其後李鴻章創立淮軍。果如國藩所策。七月。賊大舉圍上海。薛煥吳煦會洋兵擊卻之。八月。甯國徽州陷。楚師方戰皖南。李秀成出羊棧嶺攻祁門。與鮑超張運蘭左宗棠相持數月。十月。上海軍敗賊。

金山寶山境十一月蘇州賊犯寶山守將姜德等拒卻之十二月李秀成入江西蘇州賊事偽護王陳坤書偽納王郅雲官主之

十一年二月青浦賊掠廣福林參將李恆嵩會曾秉忠水師卻之自常熟昭文以團練禦賊諸邑紳民皆修備自衛賊亦稍稍畏之青浦練紳何長治沈維城等與賊搏戰屢捷追之至嘉定沈維城戰死於是黃渡安亭香花橋所設賊局悉爲民毀俘其偽官誅之四月上海軍曾秉忠敗賊嘉興之西塘青浦賊襲北簞山營李恆嵩設伏卻之五月

湘軍記

卷十

四

嘉興賊窺金山副將黃金友戰歿於廣陳賊掠明珠菴曾秉忠水師卻之蘇州賊援青浦李恆嵩移簞山鳳凰山營退屯塘橋嘉定賊陷大場華漕諸營進逼上海參將梁勝章然巨礮拒走之八月曾國荃克安慶九月楚師循江北城鎮下之耀兵無爲羣賊股栗湖北鹽道顧文彬自武昌還上海因倡乞師之議巡撫薛煥團練大臣龐鍾澂從其策吳煦任餉事備銀二十萬兩僱外國輪船入長江濟師遣主事錢鼎銘知縣厲學湖訓導張瑛如安慶謁曾國藩涕泣乞援大學士翁心存奏蘇常紳民結團自保盼曾國

藩如慈父母請飭揀知兵大員赴通泰道江陰常熟以規蘇州

詔國藩速遣大將慰民望國藩乃薦福建延建邵道缺道李鴻章堪疆寄令與總兵黃翼升統水陸軍東征十一月李秀成合李世賢陷杭州於是奉賢南匯川沙復失上海知縣劉郇膏往援敗歸滬上震恐論者以夷兵火器精倡設會防局官紳議僉同刑部郎中潘曾瑋航海入都謁議政王白其事奏允行之

湘軍記

卷十

五

同治元年正月偽守王方海宗攻鎮江馮子材戰不利總兵富陞中礮殞都興阿自揚州撥援不勝朝旨催李鴻章援鎮江又以薛煥告急李秀成悉眾東趨垂涎松滬促曾國荃率勝兵八千援上海曾國藩奏言今蘇浙賊數太多佔地太廣須俟都興阿一軍肅清江北後路無牽制之虞然後會合上下游分路規取南岸方不至凌躐無序曾國荃新募到須進攻巢縣和州通下游鎮揚各軍之氣仍固上游無巢一面之防未便遠赴上海顧此失彼至上海餉源所出關係亦重惟有聯絡洋人協力守禦江浙賊勢浩大盡占富庶之區廣收官軍之降卒財

力五倍。人數十倍。若非慎以圖之。不特蘇浙難克。卽皖南江西且有疆土日蹙之虞。過求速效。以至僨事。轉非所以仰慰。

慈厘。

穆宗允之。奉賢賊犯吳淞口。趨上海。法國輪船發礮擊之。賊退踞天馬山陳坊橋。李恆嵩攻破其壘。賊走青浦。而浦東大股踞高橋。扼我要害。華爾約英吉利法郎西兵列陣海濱。而自率美利堅人白齊文戰高橋。盡平賊壘。上海解嚴。華爾白齊文願改服色隸中國。

湘軍記

卷十

六

詔獎四品頂戴花翎。二月華爾攻蕭塘克之。三月庚寅李鴻章率陸師五千五百人發安慶。壬辰至上海營城南。詔鴻章署江蘇巡撫。從曾國藩請也。鴻章初隨侍郎呂賢基在皖團練。頗被謗議。賢基薨。隨巡撫福濟營。鬱鬱不自得。已乃贊國藩戎幕。襄理文牘。未領兵也。會朝廷垂詢蘇撫。國藩薦鴻章可大用。乃令揀湘軍良將程學啟郭松林等領六營。以知府李元華所領皖軍增募。淮勇爲五營。劉銘傳潘鼎新張樹聲韓正國滕嗣武等分領其眾。淮軍之興自此始。其後銘傳鼎新樹聲皆擢將帥。學

啟嗣武至提鎮。正國早亡。皖人存膺督撫者。前後相望。其他提鎮司道不可勝數。與湘中將帥分道比隆矣。淮軍初起時。所部半楚勇。高壘深濠。晨夕操練。吳人以爲創見。滬中兵勇尙奢靡。而楚軍衣幟樸陋。外國人或譏笑之。將弁頗慚。鴻章曰。軍貴能戰。待吾破賊。憎之。是時揚州急。

朝旨促鴻章布置滬防。卽往鎮江與都興阿會師。鴻章以兵數單。不能分援各路。請期歲時資訓練。華爾李恆嵩會英法二國兵。復嘉定青浦。留西兵與常勝軍守之。英提督何伯請鴻章會攻浦東廳縣。鴻章乃以程學啟劉銘傳潘

湘軍記

卷十

七

鼎新郭松林將湘淮人攻南匯。號北路軍。而英法兵自松江進金山衛。號南路軍。辛未常勝軍會英法兵克奉賢。法提督卜羅德中鎗殞。詔賞貂皮綵緞卹其家。壬申克柘林。僞忠王李秀成在蘇州。聞嘉青皆克。自將援太倉。知府李慶琛方攻太倉。兵敗死之。賊悉銳攻青浦嘉定。英法提督怵賊眾遣隊突圍護其軍出嘉定。並強挾各官以走。嘉定復陷。英法兵還上海。不復出。賊益趨青浦松江。泗濱守軍皆潰。遂分趨虹橋。漕河涇距上海二十里。五月甲申。鴻章急檄程學啟等由

浦東還扼虹橋丁亥學啟敗賊漕河涇戊子擊破泗濱援賊進營新橋涇劉銘傳潘鼎新復南漕川沙浦東漸定賊圍松江急華爾李恆嵩分門要擊賊頗創而青浦被困華爾議棄之甲午夜簡常勝軍之銳者猝破天馬山由礮路突入青浦悉焚米糧軍船死戰出城併力守松江壬寅偽聽王陳炳文偽納王郅雲官率數萬眾犯新橋圍程學啟營數十重填濠拔鹿角學啟以鎗礮禦之不及則擲甄石擊賊尸平濠將藉以登學啟然劈山礮開壁突擊賊乃卻而賊之分股已踰新橋十餘里勢且偏上海鴻章自將七

湘軍記

卷十

八

營往援遇賊徐家滙張遇春奮力擊走追之至新橋學啟望見旗幟大呼出壁賊駭奔外國軍見其戰自以爲不如自此上海湘淮軍始振中外人無復敢揶揄者矣是月曾國荃進兵雨花台

詔仍命李鴻章赴鎮江助攻金陵鴻章奏臣接曾國藩書頗以進攻金陵兵單爲虞曾國荃亦言官軍止能圍西南兩面深溝高壘以水師爲根本以江面爲糧路先自固以圖賊非增二萬人不能合圍臣查金陵城大而堅和春張國樑統師八九萬圍攻日久功敗垂成今蘇浙徧地賊區

處處可進援尤與昔年情形迥異所恃楚軍穩慎較勝他軍曾國荃軍數不及二萬不足合圍卽未能制賊死命此次李秀成撲犯松滬負創而遁聞將連合杭州賊眾救援金陵臣急欲馳往鎮江就近援助無如原部陸軍僅數千人分兩處則均不得力專一處則尙可自立軍事重大臣何敢易言之也滬中官民向恃洋人爲安危乃援賊未來之先洋人分兵四出援賊大至之後洋人斂兵不動臣揆度夷情似非暗與賊通坐觀成敗實係懾於賊眾不敢向前是知洋人不可專恃滬防必須自強臣忝任蘇撫旣不

湘軍記

卷十

九

能棄滬中餉源之地又不敢緩鎮江接應之師曾國藩處似亦無統兵大員可派來滬容臣將滬事辦妥移師出江詔緩鎮江之行六月潘鼎新劉銘傳復金山衛賊遁浙江松滬解嚴黃翼升淮揚水師踰九洲浮海至上海

詔翼升署江南提督前提督曾秉忠所部艇船廣勇分防浦東西多剽斂不法秉忠以是奪官翼升師船穿賊壘多被礮傷鴻章乃令曾秉忠嚴束所部扼要隘俟翼升師船修補乃換防且奏論紅單船不可用請裁撤七月乙未程學啟克青浦留軍與淮揚水師守之常勝軍浮海克餘姚

辛丑偽慕王譚紹洸犯青浦西門黃翼升水師敗之丙午犯北簞山滕嗣武韓正國乘賊填橋出擊水師乘之賊乃長驅攻北新涇守將況文榜相持七晝夜賊分股掠法華鎮西距上海十餘里八月辛亥朔水師將王東華乘潮毀賊浮橋賊屯南岸彌望二十里旦夕犯上海人心恟懼鴻章部將惟張遇春軍三千在滬然皆分防百里內乃飛檄劉銘傳由金山衛華爾由松江倍道來援約程學啟青浦諸軍以其半留守而率半隊急趨泗涇七寶出賊後咸聽學啟指搗鴻章自將上海兵約期與學啟會擊北新涇壬

湘軍記

卷十

十

子漏將盡學啟間道裹糧至七寶譚紹洸率三萬眾圍學啟營往來馳突銳甚學啟閉壁伺其懈發礮擊之傷賊甚夥韓正國裹創搏賊滕嗣武郭松林周盛波張樹珊張桂芳等咸奮力苦戰學啟往來督之賊大潰譚紹洸走野雞墩癸丑李鴻章與學啟會師北新涇滕嗣武郭松林已入況文榜營軍中見援軍幟咸譁呼出壁攻破賊壘十餘賊走吳淞江北阻大河列陣黃翼升水師自青浦乘潮入與賊相持夜大風雨發礮如雷斃賊數百毀其北岸營七賊始卻甲寅劉銘傳敗賊野雞墩徐家滙乙卯追之至南

翔賊遁入嘉定滬防復靖丙子淮揚水師華元龍敗賊澱山湖丁丑華爾克浙江慈谿創甚死之以白齊文領常勝軍華爾美國鈕要人咸豐十年應吳煦募積功至副將嘗以五百人破賊十餘萬於松江之迎喜濱天馬山最為奇捷及死從其志以中國章服斂葬松江閏八月李秀成自蘇州援金陵楚軍患疫上海軍亦多病李鴻章增募淮勇五千曾國藩檄李朝斌倡興太湖水師赴松滬會剿九月英提督何伯恥前此嘉定之失以將受代歸詣李鴻章約攻嘉定鴻章遣李恆嵩白齊文率常勝軍千五百人礮勇

湘軍記

卷十

十一

千人與之偕何伯自領英法兵二千五百人進攻辛亥西兵築礮台然炸礮日將午南城傾賊開西門奪路走遂克嘉定敗太倉援賊以況文榜駐之譚紹洸等復糾蘇州嘉興賊十餘萬自崑山太倉趨松滬丙辰犯四江口圍劉士奇鄭國魁營遂犯黃渡盡築卡於橋梁以阻師程學啟時屯黃渡令周盛波郭松林等分左右迎擊截賊為二追之安亭鴻章以四江口被圍久自將至黃渡督戰時譚紹洸部眾屯吳淞江北陳炳文鄧光明踞南岸辛未鴻章令劉銘傳當中路程學啟當右路郭松林當左路自辰至未戰

不克松林銘傳皆偪賊壘拔籤逾濠伏而前斬黃衣酋數人賊少動乃冒煙入毀其壘二右路賊趨救學啟已受礮子傷見賊旂掣退裹創疾前與陳飛熊等以二千人然洋鎗賊由南岸潰而北我軍三路掩殺四江口圍始解賊走崑山常勝軍亦破賊白鶴江黃翼升水師要擊潰賊追之三江口循途燬其浮橋石卡殆盡滬防三次解嚴賊自是不復窺松滬

詔真除李鴻章江蘇巡撫方曾國荃之被圍金陵也鴻章疏請多隆阿南援而以陝事責勝保然其勢已不及曾國

湘軍記

卷十

三

藩檄召程學啟方戰黃渡不能應乃議令吳煦率白齊文常勝軍往十月曾國荃擊退蘇浙援賊馳書止常勝軍然已疏報不可止乃議移攻九洑洲吳煦至鎮江待白齊文不至還上海白齊文方閉松江城索餉毆道員楊坊於上海搜取餉銀四萬兩上海軍事諸國皆受英國指李鴻章乃延英提督士迪佛立領事麥華陀告之故解白齊文兵柄捕治之奏劾吳煦楊坊褫其職責償所費十餘萬兩以常勝軍故創於二人也白齊文既獲弗加誅勒令歸國以李恆嵩奧倫領其眾未幾鴻章與英提督議約以戈登易

奧倫仍令恆嵩同領之裁減冗費留三千人仍號常勝軍乙巳黃翼升督水師規蘇州擊賊於蘆墟尤家莊汾湖三官塘盡破其卡丙午回軍洪家灘至嘉善之窰街丁未抵夏湖西塘援賊大至副將蔡東祥都司曹相主歿於陳十一月常熟賊錢桂仁駱國忠太倉賊錢壽仁款於游擊周興隆李鶴章約期內應適李秀成新自金陵還蘇州錢桂仁內懼託往謁覘之駱國忠恐誘桂仁黨盡誅之舉城降興隆收復常熟國忠復令其下至福山招降福山賊已固守十二月戊寅朔駱國忠攻福山許浦白茆徐六涇諸海

湘軍記

卷十

三

口同日下之李鶴章程學啟攻太倉阻風雪弗能進錢壽仁知事洩率二千人出太倉詣上海歸誠復姓名曰周壽昌而蘇州內應事復洩李秀成召無錫江陰六七萬眾爭常熟官軍分守嘉定青浦不能應鴻章乃檄福山鎮鞠耀乾泊福山徐六涇為常熟聲援而囑周興隆駱國忠堅守鞠耀乾師船初與賊持已而為颶風所擊移北岸福山復陷鴻章復約黃翼升統水師三營出海赴之而令陸師分攻崑太戊戌程學啟進崑山之蟠龍鎮擊賊敗之王寅奧倫李恆嵩率常勝軍攻太倉李鶴章郭松林會之甲辰然

炸礮破賊壘。渡河據之。乙巳。復以炸礮擊太倉城。城裂數丈。常勝軍先登。賊洋鎗落如雨。浮橋猝斷。軍亂爲所乘。常勝軍死數百人。郭松林禦之以退師。軍氣大阻。次日奧倫遽挾其軍還松江。而淮揚水師赴福山者。亦以颶風損船。黃翼升屢覆於水。乃移旋避風。常熟援守益孤矣。

二年正月。李鴻章以常熟急。檄劉銘傳等領三千人乘輪船赴福山。與黃翼升會師。復令常勝軍往助。二月甲午。戈登然炸礮。呂宋兵乘小舟薄賊壘。駕浮橋。伏死士於城牆下。日中。港東西賊壘皆破。遂奪福山石城。周興隆登城。見

湘軍記

卷十

古

賊入西山。而福山火起。知援軍已破。賊乃開四門出戰。福山水陸軍亦至。賊大奔。常熟圍九十餘日。至是始解嚴。李秀成由江浦新河口再犯江北。西掠至六安。皖北大擾。李鶴章程學啟方攻太倉。僞會王蔡元隆乞降。許之。三月乙卯。鶴章學啟嚴陣以待。鶴章渡河將入城。賊忽裹白巾出東南門來犯。軍急退。亡數百人。鶴章傷足。幾及於難。學啟方扼西門。猝見賊舟數十。自崑山來。與賊語甚暱。疑而防之。賊千人果出戰。學啟奮擊卻之。李鴻章聞警。令劉秉璋馳救鶴章。而調常勝軍會攻太倉。戊午。學啟會水師歐

陽利見偏西門。常勝軍毀南門賊卡。庚申。戈登以大礮列學啟營前。毀石壘二。辛酉。益發炸礮攻城。日將晡。城裂。賊走南門不得出。斬捕幾盡。遂克太倉。學啟偕戈登進崑山。攻兩日不下。戈登領常勝軍暫歸松江。學啟屯崑山東門。令劉士奇屯北門。周良才扼周市。四月甲申。周良才敗賊。周市丁亥。學啟令周良才襲賊後。劉士奇分左右翼進。學啟自督親兵繼之。適戈登至自松江。以炸礮助攻。竟日。破賊壘二十四。殺賊近萬。戈登銳意攻城。學啟謀曰。崑山三面阻水。陸路達蘇州。必道正義。我奪而據之。絕其援而斷

湘軍記

卷十

五

其歸路破之必矣。己丑。學啟約郭松林等水陸攻正義。戈登繼至。殺賊三千。以陳有昇等守之。譚紹洸率四萬眾來爭。學啟令郭松林等會水師扼隘口。周良才等屯北門橋。何安泰等扼東門。而自將當正義大道。日已暮。紹洸悉悍黨出小西門。中伏。還走入城。學啟合諸軍攻益力。庚寅。克崑山。譚紹洸由陽澄湖遁。時劉銘傳屯鹿苑。規取楊舍。楊舍隸江陰。居蘇常之交。故有城。賊踞之以蔽江陰。無錫者也。甲午。黃翼升水師由夏橋港破江陰賊。乙未。劉銘傳偪陽舍而軍。劉盛藻營東北隅。戊戌。然炸礮。壞城數丈。劉盛

藻揮軍設雲梯。賊以洋鎗抵城缺。軍士頗傷亡。銘傳趣隊益急。盛藻負板以登。楊舍復。城賊無逸者。自崑山之克。程學啟益規畫取蘇州。五月。由唯亭用直移駐外跨塘。距蘇州日益近。李鴻章奏言。今常熟解圍。太崑迭克。蘇嘉之賊。猶圖死抗。蓋嶮足自固。而利不肯棄。李秀成爲諸賊之冠。據有蘇杭嘉湖四郡之地。最多狡謀。咸豐十年。圖解金陵。長圍。則攻浙江以取遠勢。十一年。圖救安慶。則攻江西湖北以取遠勢。去年迄今。復救金陵。則分竄皖南北。又欲竄揚州。裏下河以取遠勢。今我軍進逼蘇州。仍徘徊金陵上。

湘軍記

卷十

六

下。不卽回顧。我果攻急。或挈眾來援。或別圖竄踞。均在意中。臣軍水陸已踰四萬。曾國藩又令總兵李朝斌率太湖水師十營。尅日下駛。今擬酌分三路以勦爲堵。由崑山進蘇州爲一路。程學啟陸軍當之。由常熟進江陰無錫爲一路。李鶴章劉銘傳陸軍當之。黃翼升督淮揚水師相輔並進。戈登常勝軍移駐崑山。專備各路援應。泖澱湖達吳江。平望太湖爲一路。則李朝斌水師當之。又恐杭嘉湖賊繞竄浦東。窺撲松滬。復令常鎮道潘鼎新八營扼金山衛。編修劉秉璋七營扼涑涇。副將楊鼎勳五營扼張堰。聯爲一

氣以防內竄。

穆宗嘉之時。李秀成在江北。聞湘淮軍且圍蘇州。乃渡江。至無錫。率五偽王眾號數十萬。連營六十里。聲言援江陰。攻常熟。李鶴章令劉銘傳攻其左。郭松林等攻其右。滕嗣武等當中路。黃翼升水師助之。鶴章率馬隊登顧山吹角。趣諸軍戰兩日。銘傳軍破賊壘二十七。松林等軍破賊壘二十五。嗣武等軍破賊壘二十三。顧山以西賊皆盡。六月。偽護王陳坤書大舉犯楊舍。劉銘傳屢擊破之。程學啟進攻夾浦。蘇州賊自寶帶橋來援。敗之。遂克寶帶橋。復敗賊

湘軍記

卷十

七

於九里湖。克同里鎮。戈登李恆嵩乘間趨吳江。賊酋舉城降。學啟遂復吳江。戈登以常勝軍歸崑山。適白齊文投賊。率外國流氓二百入蘇州。流氓猶言無賴也。李鴻章令戈登嚴備之。而移檄各國領事。禁洋人濟賊。嘉興賊犯吳江。程學啟擊走之。賊入平望。學啟留將分守吳江夾浦。自歸唯亭。賊攜外國流氓犯夾浦。發小炸礮擾我軍。學啟軍擊卻之。七月。李朝斌率太湖水師至上海。李鴻章與朝斌出巡湖吳淞而西。以太湖通蘇浙。賊船如織。令學啟與朝斌會師夾浦。朝斌督師船百艘。攻沿湖賊卡下之。賊距東洞

庭山九里築兩壘通蘇嘉往來學啟分水陸攻三日兩壘皆克學啟乃還軍偪葑門而令太湖水師泊南舍鎮以圖蘇州鴻章益促劉銘傳等攻江陰劉秉璋等徇嘉善以分賊勢銘傳圍江陰急陳坤書自常州來援銘傳令周盛傳禦之而賊來益盛李鶴章率洋鎗隊至自常熟與賊久持頗傷亡增召張樹珊等出常熟福山郭松林等出祝塘周莊黃翼升水師駐江干銘傳屢以炸礮燬賊壘八月乙亥朔城賊內應遂克江陰劉秉璋潘鼎新亦克嘉善之楓涇西塘李鴻章親視婁門程學啟營遣張樹聲等援蕩

湘軍記

卷十

六

口破賊謝家橋追之至齊門復敗賊黃埭學啟進屯永安橋賊開婁門葑門齊門分道來犯外國流氓昇炸礮助之學啟三路禦賊外國炸礮多不裂賊驚爲神收入蘇州學啟遂偪城而軍於是婁門賊道始絕譚紹洸黃子澂率七僞王攻學啟不勝李秀成新自金陵引軍至學啟方攻寶帶橋戈登與法將龐發乘輪船會師克其石壘追之至盤門秀成親率悍賊來戰學啟奮臂大呼軍士忍飢還擊日已暮賊乃卻范遇春等陣歿翼生陽鄭國榜皆受創以戈登龐發屯寶帶橋學啟與李朝斌水陸扼要隘於是葑門

道亦絕初白齊文匿上海掠我所租輪船二獻賊李秀成乘之由齊門至西白蕩漕莊口譚紹洸出葑門來襲水師要擊輪船不得出湖紹洸退秀成始改道由虎邱望亭犯大橋角白齊文輪船助之發西洋所號三十二磅炸礮者墮我軍所觸皆糜死者枕籍周壽昌率死士持連珠噴筒膝行伏河干擊之燒其輪船一延及長龍礮艇洋人及船賊殲焉賊舟大亂李鶴章援軍適至賊奔后宅復爲黃翼升水師所敗李秀成痛哭去九月秀成復糾賊八九萬據后宅令諸僞王由望亭后宅屯營互進李鶴章攻之不克

湘軍記

卷十

九

賊益召諸巨酋集西路冀保無錫以援蘇州程學啟戈登方攻蘇州五龍橋五龍橋在寶帶橋西五里賊由澹臺湖鮎魚口達太湖以通浙江者也學啟自率水陸四千人由寶帶橋戈登輪船由鮎魚口攻其左右李朝斌水師進澹臺湖破賊壘六譚紹洸出盤門來援張遇春敗之紹洸約嘉湖賊至同里犯平望爲蘇賊聲援學啟屬戈登守五龍橋自領水陸三路趨平望會軍八坼大破之僞會王榮王僅以身免令陳有昇等駐五龍橋於是盤門出太湖之道亦絕時李秀成踞后宅西倉麻塘橋李世賢則北踞惠山

高橋南及坊前梅村列隊數十里犯緜山李鶴章令周盛波劉銘傳攻坊前張樹聲郭松林攻梅村麻塘自領洋鎗隊援應三路皆大捷而秀成麻塘石營終不克松林傷乃返十月李鶴章益促諸將番進偪東亭攻李世賢劉銘傳毀其營牆數丈劉盛藻率親兵越入賊火鎗如雨仍不克而蘇州軍已奪許墅關賊聞皆驚許墅在蘇州西僞來王陸順得守之程學啟戈登越蘇州進攻黃翼升水師會之戈登已破王瓜涇賊壘六學啟破觀音廟賊壘四遂會攻許墅克之進毀十里亭賊壘虎邱楓橋賊皆遁躡之至閶

湘軍記

卷十

二十

門尸骸填道自太湖水師到防黃翼升水師當赴淮揚會國藩以苗沛霖反淮上檄翼升援臨淮而提督楊岳斌侍郎彭玉磨均以水師替防益促翼升西上李鴻章奏翼升攻蘇州無錫方亟李朝斌僅能顧蘇州以南俟蘇錫克乃遣翼升

旨如議鴻章以程學啟攻蘇州久不下親赴婁門督師賊自盤門迤北東至婁門連營數十皆附牆穴地覆板累土其上以避炸礮而婁門外石壘長城尤堅屹不可拔鴻章度賊眾雖盛外援漸絕益促學啟戈登攻城己丑夜軍士

闔設浮橋銜枚疾進戰已達其壘矣賊伏斷橋下以洋鎗狙擊常勝軍多傷亡不能進李秀成方間道入城助譚紹洸為守壬辰我軍盡出炸礮二十餘轟其壘學啟緣南岸戈登緣北岸鴻章親督之日過午牆頗傾秀成紹洸率萬人出婁門拒戰學啟麾軍大進常勝軍肉薄先登長城石壘皆破秀成紹洸還走入城當是時水師將陳東友自黃天蕩登陸擊賊婁葑兩門克賊壘二十餘黃翼升況文榜擊賊齊門破之李朝斌張遇春亦破盤門六壘我軍三面薄城賊益洶懼譚紹洸夙凶忍猶率黨死守而郅雲官

湘軍記

卷十

二十三

等有貳心密款於副將鄭國魁學啟戈登單舸見雲官等於城北洋澄湖備得其要領命斬秀成紹洸以獻而給雲官等二品武職學啟與為誓戈登證之雲官益不疑而不忍殺秀成許圖紹洸甲午秀成微覺之顧事已無可為涕泣握紹洸手為別乘夜出胥門由雲巖木瀆以逸官軍攻益急丁酉紹洸以事召雲官攜偽天將汪有為往即坐刺殺紹洸並殺其黨千餘人開齊門迎降學啟令鄭國魁領千人入城戊戌獻紹洸首請驗學啟入城撫視降酋列名者八人精壯猶踰十萬羣酋方歃血誓生死乞學啟白鴻

章要總兵副將官署其眾爲二十營仍屯閶胥盤齊四門。雲官且未薙髮。學啟密白鴻章恐不可制必誅之以定眾。鴻章猶豫不忍發而徇學啟請弗能阻。己亥偽納王郜雲官比王伍貴文康王汪安均甯王周文佳偽天將范起發張大洲汪環武汪有爲出城謁鴻章。鴻章先備二品冠服待之。甫參謁。鴻章遽入帳。學啟先已置人帳後。伏起悉斬之。學啟入城諭眾。誅拒命者二千餘人。餘皆聽命。遂克蘇州。庚子。鴻章整部入城。而副將鄭國魁故與郜雲官誓不相殺。憾學啟負約。涕泣不食。卧三日。鴻章亦頗咎學啟。輕

湘軍記

卷十

三

發曰。君亦降人也。何爲已甚。學啟大怒。還營將引軍去。其營弁奔告鴻章。鴻章復過學啟。陽論他事。笑語甚歡。事乃解。鄭國魁終以誑殺雲官怨不已。洋將戈登夙暱學啟。至是以殺降詈之。揚言挾其軍且爲變。覓雲官首攜之哭。並索得其養子送崑山。鴻章乃令國魁爲雲官設佛事七日。親詣祭弔。國魁叩棺大哭。呼曰。殺汝者自有其人。吾不汝詐也。鴻章泣數行下。眾乃輯服。李秀成之棄蘇州西遁也。乘小輪船。毀無錫西門橋以出。繞至萬壽橋。令賊乘霧圍我營。其輪船發炸礮衝高橋水師。劉銘傳率百人伏河壩。以

洋鎗斃外國舵師。賊乃匿駛輪而去。圍營之賊亦走。劉銘傳乘勝進無錫南門。周盛波進北門。張樹聲進東門。黃子澂聞蘇州已殺降。率七萬人死守。十一月甲辰朔。郭松林破惠山亭子橋石卡。乙巳。張樹聲郭松林周盛波破東南北土壘皆盡。望城賊漸移。疾逾河昇梯以登。周壽昌擒偽潮王黃子澂。郭松林擒其子黃德懋。並獲偽酋數百。駢誅之。遂克無錫。李鴻章奏言。偽忠王李秀成自咸豐十年春閒破金陵長圍。壘陷蘇常杭嘉湖。上竄江西湖北。擄脅潰兵遊匪以百萬計。盡得東南財賦之區。取精用宏。日以強

湘軍記

卷十

三

大自去歲屢戰屢敗。及投降各城。精銳散亡。不下二十萬。今年春夏閒竄皖北。經上游官軍截殺解散。又十數萬。其自九洲洲過江。僅存四五萬人。維時偽天王驚惶失措。猶賴李秀成回金陵主持守局。而秀成以蘇州爲分地。事急故須回援。其部眾布滿蘇浙。以踞守蘇州之譚紹洸郜雲官踞守杭州之陳炳文鄧光明踞守無錫之黃子澂爲最悍。且眾。今秀成巢穴已失。黨羽已孤。踉蹌西走。隨行僅兩萬餘人。將赴金陵解圍。曾國荃鮑超等兵勢正盛。攻勦正緊。料其無法解救。則挾偽天王洪秀全及其母妻眷屬由

浙皖交界上竄江西福建以尋回粵之路臣駐蘇州徧察賊中城守規畫布置極有條理深以未得擒殺此酋為憾現曾國藩派兵回防江西左宗棠派兵分截皖南固已豫有戒備但使不再踞城池變為流賊剿滅較易臣今擬令程學啟李朝斌劉秉璋潘鼎新由平望乍浦兜剿浙西之賊冀與左宗棠蔣益澧之軍前後夾擊李鶴章劉銘傳進常州宜興兜剿蘇境之賊冀與曾國荃鮑超之師前後夾擊欲分各路賊勢藉固蘇滬藩籬惟各軍自春徂冬積勞致病須略加休息以待進取

湘軍記

卷十

五

穆宗嘉允之辛亥劉秉璋潘鼎新攻浙之平湖賊酋陳殿選降遂復平湖於是乍浦海鹽澉浦皆反正丁巳劉銘傳進攻常州破東北賊壘數十收降眾萬六千人戊午張樹聲周盛波襲破東門石壘二與銘傳軍相應乃會攻小北門銘傳額中鎗傷盛波追賊過西門破南門石壘己未張樹聲傍城東北築四壘以偏賊庚申攻小北門土城克之是時李秀成攜妻孥乘輪船至溧陽復由溧陽入奔牛運河日夜發炸礮擊我營十二月乙亥劉銘傳抽隊二千援奔牛阻賊不得達乃約郭松林滾營前進李鶴章令董鳳

高等繼之李秀成李世賢陳坤書益召金壇溧陽丹陽常州賊數萬聚奔牛鶴章增調三千人與銘傳會軍丁亥曹仁美以火蛋焚其輪船銘傳松林乘勢大破之羣賊還走丹陽

三年正月丙寅郭松林戈登克宜興松林進攻溧陽擊破李世賢於張渚世賢退溧陽守賊吳人杰不納世賢走湖州二月壬申朔吳人杰迎降癸酉郭松林復溧陽甲戌進軍金壇乙亥敗偽劉王襄王於楊巷追至金壇南門是時常州賊陳坤書方合丹徒句容賊十餘萬繞常州城北築

湘軍記

卷十

五

壘數十日犯我軍劉傳銘屢擊退之值陰雨連旬賊奄至江陰之南閘辛卯犯常熟壬辰犯福山所過焚掠於是江陰無錫常熟皆警蘇州以西大震李鴻章飛檄郭松林棄金壇勿攻倍道歸援令李鶴章守無錫李昭慶鄭國魁由嘉興賈宏材由無錫符信由蘇州助守常熟賊分趨無錫李鶴章拒卻之而江陰賊亦為守將駱國忠所敗賊遂併趨常熟黃翼升水師方還江北乃由白茅口進常熟與王東華水師會郭松林破賊於王莊翼升東華截之賊首尾不相救自相蹂掩殺無算常熟解圍賊走福山陷之守將

鞠耀乾鑄級以郭松林為福山鎮總兵己丑程學啟克嘉興學啟之攻嘉興也偽榮王廖發受乞降學啟知其詐攻益力陣亡勇將何安泰學啟坐礮台三晝夜自發田雞礮斃賊無數偽堵王黃文金自湖州來援遣張家瑜等擊走之學啟益發炸礮壞城促將士先登死者枕藉學啟憤自逾浮橋乘城左腦中鎗子昇歸營潘鼎新劉秉璋李朝斌相率入城學啟養傷蘇州創已合一日獨坐深念有所忿創口復裂竟死學啟桐城人先陷賊中安慶之圍款於曾貞幹約內應未及期夜率千餘人叩壁門呼曰今事發與

湘軍記

卷十

五

賊戰追者即至公相信者開壁門納我不信急發礮擊我無兩敗也軍中大驚疑貞幹開門納其眾俄而追者果至學啟由是願效死貞幹已乃隨曾國荃國荃尤奇其才破安慶多資其力李鴻章之赴滬也請於曾國藩學啟以東所部號開字營勇略冠軍料敵輒奇中其突圍陷陣見者以為神兵洋將戈登素敬服學啟比誅降酋久不見聞其死乃泣下以所建二旗歸詫海國鴻章論其功為吳中第一

第一
詔蘇州嘉興皆建祠庚寅左宗棠克杭州三月李鴻章督

軍圍常州時城西賊營猶二十里環列運河左右乃令劉銘傳破其西北六壘郭松林楊鼎勛攻陳渡橋八壘破之張樹聲周盛波鄭國魁攻河干二十餘壘盡破之於是賊西道皆絕壬戌炸礮壞城數十丈陳坤書以洋鎗隊抵城缺官軍與賊多傷死終不克是時馮子材富明阿由鎮江進丹陽賊壘多降鮑超由句容攻克金壇常州守賊益孤四月李鴻章令軍士傍河築長牆設浮橋期必克顧久雨不霽甲戌禱於關帝之神次日雨稍止乃令劉銘傳攻北門戈登礮隊攻南門郭松林楊鼎勛應之劉士奇王永勝

湘軍記

卷十

五

攻東南隅張樹聲應之丙子天大霽反風水陸礮聲發如雷煙焰撲城頭舊壞城復傾數十丈賊以人塞缺口值炸礮則輒石旗械紛激起天際然旋死旋集終弗退鴻章益揮軍登城郭松林王永勝劉士奇接刃戰城頭久之賊始潰偽護王陳坤書偽列王費天將皆就擒銘傳松林令於城棄械者免跪而降者數萬人官軍亦亡千餘遂克常州戊寅馮子材復丹陽於是蘇常賊悉由徽州入江西曾國藩檄鮑超西援而屬鴻章分兵代防乃以劉銘傳屯句容鄭國魁屯東壩周盛波屯溧陽境馮子材鎮江軍凱撤以

張樹聲駐守鎮江。撤常勝軍三千人。戈登歸國。留礮隊六百人。以副將羅光榮領之。移駐許墅。鎗隊三百人。隨總兵李恒嵩駐崑山。六月。曾國荃克金陵。曾國藩大散湘軍。其後。李恒嵩軍北征。遂用以平捻匪。

王定安曰。李公鴻章。初以優貢客京師。即師事曾公國藩。其後入翰林。出贊呂賢基福濟軍事。崎嶇顛沛。讒謗頗起。福公嘗具疏薦道員。鄭魁士阻之。既

簡延建邵遺缺。擁空名。無官守。遇亦艱矣。曾公督兩江。議興淮揚水師。請補江北司道。未行。復薦兩淮運使。疏至。

湘軍記

卷十

天

文宗北巡不之省。李公亦自以為數奇。不復言祿矣。未幾穆宗即位。詢蘇帥。曾公復薦李公。遂以道員超擢巡撫。數年之間。南定吳會。北平捻匪。剖符封爵。位兼將相。勛業爛然矣。嗟夫。士之未遇也。固有飯牛版築。三北而不羞者矣。及其遭遇聖明。乘時利見。罄其才智。則可以迴乾坤。挽山河。故曰張之則為龍。弛之則為蛇。自古聖賢豪傑。見知於天子。建樹於時者。始未嘗不淹塞。後乃烜赫也。嗚呼。如李公者。可謂無負曾公知人之明者歟。

湘軍記卷十

武昌范德培校字

湘軍記卷十一

東湖王定安撰

謀浙篇

浙江負山跨海。夙號奧區。物產豐饒。亞江蘇。而溫處台紹甯古甌越地。民俗健銳。類閩廣。若募練為兵。足以自保。寇興。湖南北安徽當衝要。賊方以全力戰楚皖。江西聞浙處偏。陬未被寇。軍撫犴故習。亦未嘗討論戎事。遙恃江南大營為屏蔽。歲竭賦稅銀七十萬供軍。及粵人陷上海。月增餉銀四萬。亂定始罷。皖南為賊孔道。賊陷徽甯。撼浙邊。巡

湘軍記

卷十一

一

撫輒發兵扼威坪。昱嶺。千秋關。張虛聲為守。寇入。則乞援金陵。當黃宗漢撫浙時。議者欲割皖南為外捍。其後巡撫何桂清奏設皖南鎮。如臺灣例。皖南道專奏報。將弁餉糈歸浙撫節度。江南軍倚浙餉。遇徽甯警。率遣猛將勁兵往援。以為皖南者浙門戶也。咸豐五年春。賊由祁門犯徽甯。福建道員徐榮率浙軍禦之。漁亭戰歿。徽州休甯婺源歙縣皆陷。何桂清遣知府石景芬率浙兵會民團復之。向榮已遣江南將鄧紹良周天受援皖南。則會浙軍攻婺源休甯。逐賊石埭。六年三月。賊陷甯國府。將由廣德建平入浙。

總兵秦如虎擊卻之。鄧紹良已授浙江提督，統萬人圍甯國。未幾江南大營陷，浙防益岌岌。特紹良過寇氛不得南逾半載，紹良克甯國，因駐軍焉。自江西大擾，廣信屢陷，賊往來常山玉山，於是衢州防務始重。

詔移貴州安義鎮饒廷選鎮衢州。七年二月，江西賊陷婺源，窺浙邊，巡撫晏端書遣周天受禦之。參將師長鏢戰死。八年二月，偽翼王石達開自江西廣豐入浙，掠江山，圍衢州。金衢嚴道繆梓率數百人迎擊城下，大破之。遂與饒廷選登陴，數日守具皆辦。繆梓部將楊國正、瞿先仲皆能戰。

湘軍記

卷十一

二

民倚賴之。賊西陷常山開化，南陷遂昌松陽。三月，陷處州。與温州一江隔，烽火相望。全浙大震。胡林翼奏以李元度率平江勇援浙。元度由河口進兵，欽差大臣和春增遣江南將明安泰、李定太、周天受助徽防。明安泰所部尤騷擾。由金華入縉雲，至桃花嶺下，民團詐呼賊至，軍大潰。戕斃過半。周天受繼至，士卒亦被傷。自是兵民相仇殺，大局日蹙矣。晏端書以客軍不相統，奏令周天受專辦金處。張芾專辦嚴衢。四月，湘軍將李續賓克九江。詔授浙江布政使。續賓威名甚盛，浙人官京師者，連疏請

續賓履任治軍官文。胡林翼以皖事急，留而不遣。五月，李元度敗賊玉山子午口。李定太克壽昌。

文宗慮周天受資淺難統眾。

詔和春督浙江軍，會患病未行，乃起復丁憂侍郎曾國藩由湖南赴江西，率湘軍舊部援浙。六月，國藩發湘鄉己酉。李元度會江南軍復常山。庚戌，復江山。賊圍衢州三閱月，掘地道五不成。繆梓、饒廷選屢擊破之，食盡而遁。衢州解嚴。周天受遣軍躡之。於是武義、永康、縉雲、宣平皆復。己未，溫處道俞樹風等復處州。賊入福建。晏端書遣饒廷選張

湘軍記

卷十一

三

騰蛟率浙兵入閩。周天受遣將赴浦城。七月，曾國藩抵江西。詔以浙事平，改援福建。八月，國藩至河口鎮。湘軍將張運蘭、蕭啟江、吳國佐、朱品隆俱來會師。胡興仁奉命訶浙事。未幾，授浙江巡撫。以皖南各軍糜餉月十萬，議減之。十月，福建賊還走江西。十一月，曾國藩移師援皖。鄧紹良屯甯國，前以灣沚之失奪官。常快快，至是與總兵戴文蘭攻灣沚，黃池力戰死之。和春令提督鄭魁士駐甯國。繼紹良時，張芾方以三品京堂督皖南軍，令周天受、王夢

齡攻婺源不克。九年正月，鄭魁士復灣沚黃池。二月，江長貴復婺源。鄭魁士馭軍嚴，其下多怨。當事者劾之，乃稱疾赴東壩。而江長貴、周天受皆隸徽防，號能戰。張芾素倚之。天受事芾謹，且新有功於浙，乃令將甯國兵爲總統。十月，涇縣賊犯甯國。周天受迎擊，失利。副將石玉龍游擊申明照陣歿。十年正月，張國樑克九洲州，金陵賊益危懼。僞忠王李秀成僞侍王李世賢乃謀擾浙江，以解金陵長圍。連陷涇旌德太平甯國四縣。周天受不能救。二月，戊戌，陷廣德。遂犯浙邊。癸卯，由東亭湖陷安吉。戊申，由泗安陷長興。

湘軍記

卷十一

四

杭州戒嚴。巡撫羅遵殿新自湖北來，徵調蕭翰慶率楚軍六千往救，道遠弗能至。詔和春兼督浙江軍，以提督張玉良爲總統，率江南軍援浙。時杭州僅李定太軍二千餘，赴援泗安安吉皆不及。遇賊梅溪，敗績，退保湖州。庚戌，賊犯湖州。曾秉忠水師至自江蘇，擊走之。壬子夜，賊從山徑陷武康。癸丑夜，焚良渚。甲寅黎明，薄杭州武林門，入十數騎，猶未覺。候選道陳炳元率勇巡城，知其賊，城始閉。賊遂分圍武林錢塘湧金清波諸門。城內兵勇三千餘，按察使段光清自獨松關回援。巡

撫檄甯紹台道仲孫懋入省，助守鹽運使繆梓，故守衢州有功，仍主堅守。段光清主戰。丁巳，賊登玉皇山。段光清繆梓率兵圍出擊，團勇見賊先潰，兵亦不戰而還。庚申，賊於湖上立營，光清親攻之，復大敗。壬戌，清波門地雷發，城坍。繆梓死。城上巡撫羅遵殿布政使王友端、杭嘉湖道葉莖、甯紹台道仲孫懋、杭州知府馬昂霄、仁和知縣李福謙俱死。陳炳元巷戰歿。在籍侍郎戴熙亦殉節。是時滿城猶未破。將軍瑞昌率駐防男婦嚴守。三月乙丑朔，張玉良以輕軍六百乘小舟至大關，知省城已失。丙寅，全軍薄杭州。

湘軍記

卷十一

五

而城外無賊壘。度賊兵少，夜五鼓，由艮山門攀堞上，殺守賊十餘人。軍士大呼，天嚮明，賊見張字旗，以爲張國樑至，潰奔出城，遂克杭州。追之萬松嶺，賊走臨安。孝豐長興還竄，廣德益以新至江北皖南諸寇，勢益張。連陷廣德東壩溧陽，遂銳意解金陵圍。閏三月，江南大營陷。四月，蘇常繼陷。張玉良自蘇州還走杭州。庚寅，賊陷嘉興。浙中大恐。巡撫王有齡令玉良收潰卒萬二千圖嘉興。時楚軍將蕭翰慶已至皖南，張芾留攻太平石埭，克之。分所部韋志俊一軍屯皖南，翰慶聞湖州被圍，在籍道員趙景賢守甚力，乃

引兵赴援至虹星橋距湖州二十里賊大至圍之數重蕭翰慶力戰死之部將李楚材突圍達湖州收集三千餘人擊賊敗之賊解圍去五月趙景賢率團勇合楚師克平望進圍嘉興六月

詔張芾還京以兩江總督曾國藩兼辦皖南軍周天受聽調遣移浙江溫處道李元度為安徽甯池太廣道任徽防總兵劉季三克餘杭臨安七月己酉張玉良力攻嘉興破南門阻水不得入潮勇通賊謀變乙卯大營潰玉良走石門丙辰石門陷於是嘉善平湖桐鄉皆不守八月癸酉甯

湘軍記

卷十一

六

國陷周天受敗死以李元度攝皖南道丁丑元度至徽州丙戌徽州陷賊由淳安竄嚴州副將封九貴死之九月丁酉嚴州陷分股掠富陽劉季三劉芳貴戰死十月張玉良收嘉興潰卒攻嚴州克之遂克壽昌賊由富陽餘杭分犯杭州瑞昌王有齡城守數日遣文瑞等出擊走之遂收餘杭賊大舉圍湖州趙景賢率民團守四十餘日十一月乙卯景賢出擊大破之湖州解嚴林文察復江山張玉良李定太復常山十一年正月蔣貴斌以民團復富陽二月張威邦會上海軍會乘忠復海鹽米興朝復平湖三月賊乘

官軍退還陷海鹽分犯乍浦守將錫齡阿敗死遂陷平湖是時偽忠王李秀成偽侍王李世賢往來皖南江西左宗棠方以四品京堂襄曾國藩軍事駐景德鎮屢破賊於廣饒開至是復破李世賢於樂平世賢易服遁由婺源竄廣信玉山癸卯陷常山糾三偽王入江山境分黨犯處州世賢自率大股拂嚴州而過乙巳陷龍游徇湯溪以犯金華丁未陷之世賢踞焉浙東大震張玉良屯蘭谿與民團相仇殺因引兵去賊遂陷蘭谿巡撫令處州鎮總兵文瑞圖金華屯孝順街五月參將王浮龍戰歿蘭谿浮龍所部號

湘軍記

卷十一

七

奮武軍雖隸張玉良而不擾民間其死皆惜之王有齡增遣米興朝吳再升率二千人赴金華助文瑞未至而文瑞兵潰六月戊子朔賊陷義烏旋棄去米興朝等入守之賊圍文瑞於浦江饒廷選自蘭谿敗歸援之七月楚軍將鮑超擊李秀成於樟樹大破之秀成由湖坊入浙掠常山合龍游賊夾攻衢州兩浙益大擾先是浙商胡光墉結好於李元度請檄募安越軍八千會元度戰湖南江西輾轉數月而浙事已糜爛新任布政使林福祥由弋陽募勇三千同知陳大力募湘勇一千知縣張振新募寶勇二千俱集

衢州或說福祥曰新軍乏餉公宜出資犒軍且收兩軍張左右翼從龍溪以攻蘭谿而衢防出軍攻湯溪則賊勢分而下游禍亦紓若但圖與杭兵合同入囊口且兩敗福祥不能從聽兩軍自行乃赴蘭谿會張玉良饒廷選攻城月餘不克八月甲子衢州解圍李定太復常山癸酉李世賢陷嚴州遂由臨浦犯蕭山諸暨陷之紹興戒嚴九月壬寅賊陷處州總兵特保走石帆自嘉興不守

詔前副都御史王履謙爲團練大臣治軍紹興官紳夙齟齬民團殺水軍殿知府廖宗元幾斃履謙不能禁九月甲

湘軍記

卷十一

八

寅賊犯紹興民團潰城陷廖宗元死之王履謙出走上虞賊躡至陷之履謙浮海入閩當是時浙中郡州惟衢州湖州海甯僅存杭州益孤危巡撫王有齡起丞佐號綜覈初履任則奏止湘軍事亟乃奏調李元度劉培元皆不至復通使祁門乞援曾國藩國藩以軍未集辭湘軍已克安慶威聲震中外而左宗棠新軍戰江皖屢有功有齡復奏請宗棠援浙而以帛書聞關達安慶乞援國藩發其緘僅血書鴿候大援四字國藩深悲憫之繞室達旦不能寐已乃奉

旨命國藩兼制浙江提鎮以下聽太常寺卿左宗棠調遣國藩薦宗棠專浙事奏言近年以來閩粵之賊由撫建北出而入浙皖浙皖之賊由信饒南竄而擾腹地皆以廣信爲必經之路是欲援浙江宜從廣信進兵浙中賊勢浩大非數千人所能救解臣現飭鮑超朱品隆會勦甯國欲以分綴浙中賊勢第恐僞輔王悉眾堅守不能遽拔甯郡之賊卽不能稍解浙江之厄惟左宗棠久駐廣信距賊較近其平日用兵取勢甚遠審幾甚微近日屢與臣書毅然以援浙爲己任應請令左宗棠督率所部進援浙江并將駐

湘軍記

卷十一

九

防徽州之臬司張運蘭駐防廣信之道員屈蟠駐防玉山之道員王德榜參將顧雲彩駐防廣信之道員段起各軍及副將孫昌國內河水師均聽左宗棠就近調度兵力較厚運掉較靈

詔左宗棠督浙江軍專奏報且促其行時援浙軍猶踰四萬王有齡復奏請李元度募八千人入浙免論徽州罪且擢爲按察使元度至龍游阻遏不得進而僞忠王李秀成已薄杭州撲武林門踞我營卡布政使林福祥總兵饒廷選引兵還省城十月丁巳賊由慶春門至清泰門楊金榜

要擊敗之。西湖賊襲破其營。金榜戰死。庚申。張玉良至。自富陽。況文榜踵至。攻羅木營。賊壘破之。兵疲甚。暫憩具食。賊乘夜復成壘。遂合圍杭州十門。自海潮寺至鳳凰山。樹木城以隔。援師甲戌。張玉良中飛礮死。城中益恐。糧道既絕。石米值百金。居民捐緡錢十餘萬。然已無米可買。死者盈路。草根浮萍。蕉葉既盡。乃煮皮籠為食。十一月。浙紳胡光墉。自甯波運米二萬石。泊三廊廟。趙炳麟自上海以輪船運米。阻颶風。皆不能達。是時賊糧亦罄。李秀成欲回蘇州度歲。偽聽王陳炳文持不可。守城軍士已數日不食。癸

湘軍記

卷十一

十

未。賊倚梯以登。守軍散走。城上無阻者。杭州遂陷。巡撫王有齡自經於署。學政張錫庚提督饒廷選。總兵文瑞。署布政使麟趾。按察使甯曾綸。鹽運使莊煥。文糧道。暹福道員。胡元博。彭斯舉。朱琦。署仁和知縣吳保。豐皆死之。越四日。滿城亦陷。將軍瑞昌。縱火自焚。副都統傑純。巷戰死。李秀成以禮斂。巡撫學政及總兵文瑞。縱林福祥。暨巡道劉齊昂。送之上海。發視之。貌皆如生。十二月。詔左宗棠為浙江巡撫。宗棠佐湖南軍事十年。明習戎機。及奉

命襄辦。親歷行陣。所向皆捷。又雅善王鑫。諸王皆從之。杭州之陷也。曾國藩上疏。自劾。奏薦蔣益澧為浙江布政使。因與宗棠議。以保徽州。固饒廣為根本。而以三府屬縣丁糧供軍。設稅局於婺源。景德河口。以助餉。宗棠初膺督師之命。即疏陳方畧。謂浙江軍務之壞。由歷任督撫全不知兵。始則竭本省之餉。以濟金陵。皖南。冀藉其力為藩蔽。而於練兵選將之道。漫不經心。自金陵皖南敗壞。又復廣收潰卒。糜以重餉。冀其復振。卒之兵增餉絀。以守則逃。以戰則敗。遂渙散決裂。而不可支。今臣奉

湘軍記

卷十一

十一

命督師。非嚴汰冗兵。束以營制。不可。非申明賞罰。予以實餉。不可。非另行調募。預為換補。不可。然餉需不繼。勢有所格。雖有能將。無餉何以馭兵。雖有謀臣。無兵何以制賊。請飭部臣查明各省協浙之款。開單咨臣。如藩司撥解遲延。及委員逗留。指名參奏。詔允之。會偽輔王楊輔清犯徽州。宗棠自婺源援之。未及入浙。即授巡撫。詔責宗棠遷延。促令赴衢州。與李元度規金嚴。同治元年正月。曾國藩奏言。杭州既失。左宗棠擬由徽郡

進攻嚴州下以扼杭城之吭上以作衢州之蔽然必須攻克開化遂安等城乃有赴嚴之路必須留守婺源華埠乃無抄後之虞臣前奏須俟蔣益澧一軍到衢分途進攻非過於持重故事遷延也實因賊數太多佔地大廣動以長圍困我若非左宗棠直擣嚴州恐衢州終困長圍之中臣之愚見必俟左宗棠圍攻嚴州鮑超進抵甯國浙事乃有下手之處癸卯左宗棠自婺源攻開化破賊馬金街自駐之遣王開來屯開化城是時諸軍援浙者總督慶端遣將防龍泉松陽政和別將秦如虎屯温州江蘇軍渡海收定

湘軍記

卷十一

三

所創臣軍可無須遠赴徽郡惟浙西皖南一帶山鄉瘠薄產米無多臣軍食米從饒廣採購勞費殊甚臣軍不滿九千徽信防軍雖歸調遣然兩處正在戒嚴未可調以入浙其衢州李定太一軍江山李元度一軍人數與臣相等此

次李世賢入犯李定太僅守衢城李元度分扼江常而皆迫切呼援惴惴不能自保臣亦未能責其遠離城池浪戰求勝致損軍威此兵事餉事之難未可遽期速效者也疏入

朝廷以其與曾國藩論畧同嘉允之賊陷青田犯温州秦

湘軍記

卷十一

三

海甯波仙居民團復台州列縣甯波賊走紹興台州賊走處州温州賊入金華與嚴州賊合窺衢州宗棠慮朝旨促入衢則自陷奏言衢州城堅易守李定太兵勇八千餘李元度安越軍七千餘加以閩省援師暫可無虞辦賊之法必避長圍防後路先為自固之計然後可以制賊而不為賊所制臣若先入衢城墮賊長圍詭謀又成糧盡援絕之勢今由婺源入浙先勦開化之賊以清徽郡後路分軍由白沙關進扼華埠以保廣信而固衢城幸三次大捷開化肅清婺源饒廣兩郡相庇以安而楊逆又屢為徽軍

如虎拒卻之二月民團克遂昌賊由松陽掠雲和景甯而黃巖賊掠樂清青田賊陷瑞州温防益危岌總督慶端移駐浦城左宗棠自馬金進攻遂安遣王開來劉典劉璈分攻城西楊村李耀南列隊北崗以疑賊張聲恆梟水出賊後賊棄城走壬戌克遂安留王文瑞王開來守之賊由淳安環攻遂安王文瑞屢擊破之賊分走嚴州休甯李世賢率金華龍游大股圍衢州李定太嬰城守左宗棠自將往救次常山之水南偵賊踞招賢梗糧運令劉典黃少春等分左右進張聲恆劉璈應之戊寅黎明至招賢賊不及陣

乘械奔衢州糧路始通而李世賢由大洲竄江山署布政使李元度請師宗棠分兩軍赴之三月癸未次大陳賊先夜遁乙酉李元度率十營出戰碗窰賊自小清湖渡河來犯元度回擊卻之丁亥賊破閩軍營於峽口宗棠乃移援江山偵李世賢踞花園港庚寅遣劉典會李元度安越軍攻之不克宗棠自督軍前進丁酉次石笏世賢方率輕騎至小清湖宗棠令玉山守將顧雲彩合劉典黃少春余萃隆等要擊世賢走免而花園港石門賊渡水撲安越軍壘宗棠令朱明亮馳河干堵截劉典率各營大呼陷陣賊乃

湘軍記

卷十一

古

奔庚子劉典劉璈楊昌濬等分三路攻石門破賊卡數重進攻花園軍士拔花籬攀壘登賊穴牆發礮我軍死傷三百餘終弗克甲辰楊昌濬劉典等復三路偏花園火箭燒賊棚忽大雨傾注賊出壘死拒黃少春受三創乃退師丙午偽對王洪春元聞花園急自衢州至雙橋眾號數萬宗棠分軍爲二以其一攻花園其一當援寇戊午賊由上台毛村繞衢南走龍游宗棠還常山李世賢回竄金華時溫州民團擊賊羣寇還處州府集於松陽遂昌閩軍將林文察攻遂安賊自江山來援林文察破之石練四月甯紹台

道張景渠自定海招海盜商船攻克鎮海會英法兵攻甯波民團至者過十萬遂克甯波列縣進餘姚偽輔王楊輔清由威坪犯遂安而甯國賊爲鮑超所敗亦走遂安左宗棠將攻龍游乃還軍開化令劉典攻華埠馬金扼昏口崔大光亦至丁卯輔清宵遁王文瑞劉典躡之清安賊已走開化入甯國處州樂清賊竄溫州秦如虎禦之瞿溪賊由瞿溪犯郡城溫處道支方廉城守秦如虎自外擊卻之賊再圍溫州閩軍將張啟煊戰桐嶺敗績退守瑞安慶端增調曾元福曾玉明等赴援民團復縉雲青田樂清五月賊

湘軍記

卷十一

古

陷湖州知府瑞春死之自浙江被寇郡縣多淪胥邑紳趙景賢堅守湖州以孤城當劇寇血戰兩載朝廷惜其才授福建糧道促令之官以脫死且將大用景賢願遲迴不忍去及城破拘繫之其後賊擁至蘇州李秀成禮敬之甚至景賢益罵賊求死偽慕王譚紹洸不能堪以洋鎗擊之中胸而殞浙人士咸悲悼詔準巡撫例賜卹甲辰張啟煊感賊平陽殲之遂合白瑛秦如虎進攻處州左宗棠進軍衢州擊李世賢於衢州城北大破之東南賊皆棄壘遁總兵劉培元募新軍三千二

百人知府魏喻義募二千人俱集衢州。惟蔣益豐軍未至。宗棠奏言臣先擬衢州江山兵力足資堵擊。當由壽昌淳安直搗嚴州。以規省會。近探杭州守賊無多。賊之大勢趨重金華。白應併力先將龍游壽昌蘭溪湯溪等處次第攻勦。撤其藩籬。犁其巢穴。然後分兵嚴處蹙之。以取破竹之勢。相度形勢似宜先金華而後嚴州。今卽進圖龍游壽昌。節節搜勦。庶於大局有尺寸之補。六月宗棠耀兵龍游。偵地勢賊伏不動。李世賢由嚴州淳安犯遂安。宗棠令浙江按察使劉典由嶺路馳援。魏喻義扼昏口。檄江西將屈蟠

湘軍記

卷十一

六

王德榜自常山出華埠截之。己巳世賢攻遂安急。王文瑞方登陴發巨礮。適江西援師繞僻道至。賊不知多寡。駭而奔。文瑞開城延援師入。具食再戰。劉典引軍南路合擊。大破之。世賢還走金華。當是時曾國荃進軍圍金陵。李鴻章擊破浦東廳縣鮑超克甯國廣德。爲國荃聲援。洪秀全大恐。乃飛召李秀成。李世賢合蘇浙賊西援。世賢懼。宗棠偪杭州遣使報秀全。俟擊退衢州軍乃往。而集悍寇入金華。繕城濬濠。嚴守具。以爲出援之地。辛未林文察克松陽。民團復宣平。七月秦如虎林文察復處州。甯國軍復餘姚。宗

棠進軍攻龍游。以劉培元駐圭塘山。王德榜扼全旺。崔大光屯茶圩。宗棠自駐潭石望。戊戌劉典敗賊東門橋。進攻油埠。敗之。壬寅楊昌濬禦賊蓮塘。復敗之。乙巳劉典破裘家堰賊壘。五李耀南楊昌濬敗賊孟塘。與劉典軍合。賊乃逸。八月賊犯圭塘山。劉培元崔大光屢擊走之。追至龍游西南門。仰攻弗克。斃賊三百餘。李世賢聞龍游急。遣驍賊五六萬由永昌湖鎮分三路來攻。龍游賊出城應之。宗棠增遣劉榮馬德順率親兵馬隊赴援。中路賊方攻劉培元營。援軍從左路抄入。培元空壁出戰。楊昌濬自山下擊。將

湘軍記

卷十一

七

士踴躍大呼。無不以一當百。賊中路先潰。王德榜屈蟠從右路夾擊。三路援賊皆靡。由永昌還走壽昌。時李元度坐徽州前事劾免。安越軍遣散。慶端改將軍。耆齡爲閩浙總督。史致諤代張景渠爲甯紹台道。賊復陷慈谿。奉化。丁丑上海軍克慈谿。閏八月蔣益豐新軍至衢州。益豐嘗爲羅澤南偏將。初不爲曾胡所知。領偏師入廣西。連有功名。始顯浙事。亟宗棠與曾國藩交疏薦之。乃增募赴援。後卒倚以平浙。丙辰宗棠令益豐攻壽昌。其部將曰高連陞。熊建益各領三千人爲左右軍。高連陞出上方嶺。熊建益出梅

嶺益澧自領一軍攻其中賊開城迎戰益澧麾軍驅之呼聲振山谷皆愕走追之城邊城賊奪門逃遂克壽昌已巳進攻裘家堰拔其三壘餘壘不戰而潰龍游北路皆靖宗棠乃令益澧全軍渡河徇南路諸壘盡下之偽王宗李世祥詣益澧降宗棠進駐新涼亭距龍游五里築長濠偪之而留蔣益澧攻湯溪劉典屯油埠禦蘭溪金華援寇九月辛亥益澧攻北門高連陞攻東門熊建益劉典攻西門不克慶端遣知府康國器助攻湯溪乃合圍賊酋譚富猶擁眾數萬宗棠令魏喻義移屯涪安壽昌與遂安王文瑞軍

湘軍記

卷十一

九

相倚未幾王文瑞移攻績溪魏喻義軍才二千以其半守壽昌進駐銅關去嚴州六十里乃與民團聯克嚴州城北三壘西山團首林三者故與賊相仇因自結於官軍謀報相望王女者江山船船總也主嚴州水縣賊至亦役之苦賊徵求欲引官軍因至銅關求謁喻義具道賊中虛枵狀謂可襲而取也喻義令時時密覘之宗棠慮喻義兵單令移壽昌千人併歸銅關遣劉典攻蘭溪分賊勢蘭溪守賊譚星與嚴州賊譚富兄弟也十一月庚申王女遣報譚富怒林三奪其米舟期明夜襲西山城空可破請具舟濟師

林三亦來乞援辛巳王女率舟數十來迎喻義選千人自將以往午夜薄嚴州城城上不設燎火柝聲斷續軍士勇者梯西門以登殺柝者而代之遂斬關鑰納軍入賊驚覺短兵搏戰頃之潰走其攻西山者亦敗還望城中火光有異探聞官軍已入乃大奔壬午克嚴州甯波軍克上虞台州民團收新昌嵯縣王文瑞克績溪祁門先是李世賢合李秀成圍金陵大營曾國荃擊退援賊乃止益澧北行益澧以湯溪助曾國荃曾國荃擊退援賊乃止益澧北行益澧以湯溪垂克攻愈力偽戴王黃呈忠首王范汝增梯王練業坤自

湘軍記

卷十一

九

金華城西酤坊開化村白龍橋連營數十里以援湯溪而新昌諸暨浦江嵯縣諸賊與蘭溪賊合以援龍游庚午湯溪賊知援且至出城攻我營熊建益擊敗之蘭溪賊亦渡河來犯蔣益澧要擊走之次日益澧會劉典軍破譚星於羅埠壬戌攻酤坊援賊敗之而魏喻義自嚴州潛搗蘭溪焚賊壘七十餘十二月丁亥劉琰攻賊蘭溪西失利都司李錦榮等陣歿辛卯蔣益澧劉典擊開化村援賊遊擊彭永壽陣歿戊戌賊目張成功詣蔣益澧降丁未龍游賊乘除夕犯東門營劉培元卻之

同治二年正月丙辰湯溪賊彭禹蘭乞降蔣益澧受之誘其酋李尙陽等出城濠劉樹元徐文秀出不意禽四人彭禹蘭開西門納官軍戊午克湯溪益澧遣高連陞熊建益乘勝攻酤坊開化村白龍橋諸壘悉毀之三偽王皆遁己未金華蘭溪賊亦棄城遁蔣益澧收金華劉典等收蘭溪王德榜偪龍游城南築三壘賊來攻劉明燈等破之城內夜譁宗棠知賊將逸密飭諸軍截之賊乘月色啟東門走湯溪遂復龍游劉培元楊昌濬等躡之湯溪蔣益澧出城夾擊賊知湯溪已克皆狂走三偽王入諸暨譚星入浦江

湘軍記

卷十一

三

以規杭州富陽背山面水西接七里瀧東屬錢塘江自桐廬之克杭州賊懼悉力拒富陽二月壬午水師將楊政謨自桐廬下擊燒賊舟數百魏喻義陸師繼之與蔣益澧俱會富陽水師屯南岸益澧屯新橋據田壠與賊隔水而軍庚子賊出大隊拒戰熊建益馳馬陷陣賊中伏引退高連陞躡之被抄頗卻張志公王宗元躍馬入援宗元中鎗死志公被數創連陞戰良久始收軍王文瑞敗賊祁門劉典會江西軍復黟縣甯波軍復蕭山三月偽聽王陳炳文率蘇常賊偽歸王鄧光明率杭嘉賊出臨安攻新城冀襲富陽官軍後守將魏喻義迎戰不利遂圍新城宗棠發嚴州軍合蔣益澧軍援之四月益澧率高連陞駐新城南熊建益還守新橋賊乘閒攻新橋熊建益擊敗之追薄賊壘中鎗死之楊政謨度賊集新城杭城空虛率水師燒寇舟直搗望江門賊壘平之杭州賊大驚陳炳文等乃撤援富陽諸賊還杭城五月劉典合江西軍敗賊鄱陽詔移耆齡福州將軍以左宗棠爲閩浙總督曾國荃爲浙江巡撫國荃攻金陵未能至宗棠兼權巡撫時宗棠所部水陸馬步二萬餘人劉典王文瑞以萬人屯皖南蔣益澧

湘軍記

卷十一

三

以萬人圍杭州而衢嚴金華諸郡邑留兵設守力益分福
建甯波兩軍頗冗雜煩費乃議汰遣節餉六月江蘇軍自
松江進攻嘉善嘉興賊北援相持於張涇七月劉典自江
西還欵宗棠以富陽久圍不克增調康國器粵勇蔣益澧
亦請徵法國總兵德克碑率洋鎗隊會富陽八月庚辰蔣
益澧大舉攻富陽辛巳徐文秀渡江奪城北雞籠山新橋
賊來爭卻之徐文秀據舊壘背水列營師船護之發炸礮
攻城德克碑率花勇自嶺而下楊政謨師船來會自夜達
旦礮聲不絕壬午克富陽益澧以劉清亮屯新橋王月亮

湘軍記

卷十一

三

屯富陽自領諸軍薄杭州偪清波鳳山門而軍宗棠令康
國器魏喻義攻餘杭偽康王汪海洋自杭州出援國器要
擊敗之自倉前長橋縱至武林門北新關橫至古蕩賊營
延四十里西達餘杭益澧屯留下令高連陞屯六和塔萬
松嶺據高阜俯瞰杭城九月城賊萬餘由雷峯塔犯新營
高連陞等擊走之追至饅頭山壬子進屯天馬南屏諸山
而魏喻義亦據青山康國器據寶塔山以偪餘杭國器破
城南長沙堰卡遂圍攻南門喻義敗賊石門橋賊復於餘
杭東門迤邐至杭州女兒橋增集悍黨欲繞何母橋襲餘

杭官軍後十月蔣益澧令劉樹元等列隊何母橋遂於天
水護國方家太平諸橋增築四壘以扼賊嘉興賊大舉援
杭州乘霧潛度萬松嶺劉志公憑濠拒之高連陞馳至洋
將德克碑以淺水輪船夾擊楊政謨率水師登岸攻之賊
大奔十一月庚戌江蘇軍復平湖癸丑乍浦反正乙卯復
海鹽澈浦反正左宗棠自嚴州移駐富陽輕騎至餘杭督
戰移富陽朱明亮等五營分水張聲恆四營助攻餘杭而
以劉明珍率嚴州兩營清安四營屯分水援皖軍黃少春
自分水出新城扼餘杭西南丁卯蔣益澧楊昌濬黃少春

湘軍記

卷十一

三

合兵萬三千戰餘杭城西北所殺傷相當其夜賊益濬長
濠築三壘以拒軍楊昌濬駐青山蔣益澧還留下庚午江
蘇軍復嘉善十二月癸酉朔益澧令高連陞德克碑攻鳳
山門自督馬步列錢塘門外秦亭山棲霞嶺以阻寇援連
陞等數道並進破賊壘十追之城隍山楊政謨水師亦破
江邊石壘甲戌益澧令諸軍分屯錢塘湧金鳳山清波四
門據饅頭山雷峯塔秦亭山為營圍賊中央乙亥楊昌濬
等進攻北門賊出拒戰黃少春魏喻義劉明燈等三路乘
之賊乃卻劉瑛等攻杭城西北隅賊來抄為朱明亮所敗

城賊始困時雨雪連旬賊堅伏未動丁酉雪霽楊昌濬等
攻餘杭破五卡次日攻林清堰堰在餘杭北十里汪海洋
老巢也余佩玉等深入後軍隨之不能止昌濬覘賊壘阻
水慮日暮爲所乘乃令徐徐收隊賊果伏橫港截我朱明
亮劉璈等血戰出險余佩玉中礮死將士傷死三百餘時
江蘇大將程學啟攻嘉興急海甯賊蔡元隆大懼乞款蔣
益澧請以廖安之知海甯往撫之蔡元隆前踞太倉嘗以
詐降陷官軍四百人安之至元隆逡巡未出眾疑之有頃
率兵眾來見安之大言曰今大軍且至若等居賊中旦夕

湘軍記

卷十一

三

俱死吾知若等歸降出至誠故來受之如欲用太倉故智
者可斷吾首元隆惶恐伏地曰願效死於公降眾歡呼已
亥收海甯易元隆名曰元吉汰其眾爲四千人隨官軍自
效以劉樹元張景渠等屯守海甯

三年正月蔣益澧遣蔡元吉襲桐鄉不克增遣李邦達合
張景渠軍圍攻之戊申賊酋何培章降庚戌收桐鄉令何
培章將降眾三千屯烏鎮阻杭嘉道絕賊糧蔡元吉屯桐
鄉劉樹元進攻嘉興與江蘇軍合高連陞德克碑攻克望
江門石壘三二月江蘇將程學啟克嘉興創甚死之庚寅

烏鎮賊奔湖州辛卯左宗棠督軍攻餘杭偽裕王中礮死
倉前賊由橫渡橋抄我軍蔡盛恩古捷芳戰歿林珠康熊
飛內外馳突賊乃潰而餘杭賊已暗移輜重婦女於城外
宗棠知賊將逸令諸軍嚴備以待先是偽聽王陳炳文遣
族兄陳大桂赴蘇州乞款巡撫李鴻章移書宗棠圖之炳
文忽中變殺杭城謀內應者宗棠知賊藉空言緩兵乃令
陳大桂入城責炳文獻城散眾久不報宗棠益促益澧攻
城癸巳黎明高連陞攻觀音堂破三壘陳炳文出萬人來
爭益澧督親兵合馬德順騎隊馳之炳文不能支德克碑

湘軍記

卷十一

三

以炸礮擊鳳山門城墻三丈丁賢發率壯士及洋兵十餘
先登賊以鎗礮死拒我軍傷亡百人高連陞王聯芳俱裹
創再進卒不克甲午益澧益獎勵諸軍陳兵五門令劉清
亮等攻錢塘門高連陞德克碑等攻鳳山門王月亮等攻
清波門劉連陞等水師登岸攻望江清泰門劉清亮等禦
援寇益澧自率親兵至武林門督戰別遣徐文秀攻城北
長街文秀銜枚疾走比近長街始吹角搖旗軍士爭拔木
椿竹籤越濠而入賊伏壘發礮登者輒蹶文秀執小旗冒
礮躍入內濠周廷瑞賀國輝繼之陳炳文率萬人來爭劉

清亮王東林席得元分路截擊賊少卻時長街賊壘垂破城內復出賊數千益澧急令洋鎗隊偪城門迎擊先出者皆斃餘賊退入城惟陳炳文猶戰城外自日中至暮殺賊數千我軍亦傷死四百徐文秀受矛傷其清泰清波諸門亦以堅壘未克始各收軍是夜陳炳文開北門出走益澧聞城柝漸稀頃之人聲鼎沸知賊已逃即整部入城諸軍分門大進乙未克杭州餘杭賊汪海洋亦棄城東走與杭賊合奔德清左宗棠奏報兩城同克

詔獎宗棠太子少保銜益澧雲騎尉世職俱賞黃馬褂提

湘軍記

卷十一

三

督高連陞以下給獎有差三月壬寅宗棠移駐省城遣楊昌濬攻武康高連陞攻德清蔡元吉攻石門當承平時杭州城內外居民男女八十一萬口及復城才七八萬口宗棠申虜獲之禁婦女財物各從其主禁軍士無入民居招商開市奏停杭關稅立清賦局減杭嘉湖稅則三之一布政使蔣益澧亦輕財致士杭州善後事一時翕然稱之甲辰楊昌濬復武康乙巳高連陞復德清偽歸王鄧光明以石門降羣賊奔孝豐勢益渙偽聽王陳炳文議守湖州偽佑王李遠繼欲由安吉竄甯國持不決高連陞偵知乘其

亂擊之破賊湖州境賊乃繞千秋關太陽埠走昌化宗棠以賊西犯檄劉清亮守嚴州唐學發等水陸巡桐廬陳炳文汪海洋見官軍偪湖州分道犯徽州嶺內大擾賊前隊已由龍游婺源入江西後至者絡繹於道於是全浙郡縣以次蕩平惟偽堵王黃文金偽佑王李遠繼偽輔王楊輔清堅踞湖州如故宗棠乃令蔣益澧領諸軍規湖州高連陞王月亮蔡元吉由德清進湖州西南劉樹元何培章由石門進湖州東南劉連陞羅啟勇師船攻菱湖四月偽侍王李世賢等由皖南竄江西曾國藩遣鮑超自句容赴援

湘軍記

卷十一

三

詔楊岳斌督皖南江西軍五月湖州賊犯長生橋營蔡元吉屢擊卻之賊乘虛襲菱湖水軍高連陞遣洋鎗隊助戰楊道洽亦至自餘杭賊見援軍集乃奔蔡元吉攻袁家匯收降眾七百餘人劉培元攻太湖塘楊漵賊壘悉平之賊走泗安梅溪楊昌濬由牌頭進桐嶺扼之令劉璈等攻孝豐江蘇軍將郭松林克長興六月癸酉劉璈克孝豐楊昌濬北攻安吉安吉當皖浙交界萬山中其險倍孝豐而梅溪泗安賊與安吉廣德互相連宗棠貽書李鴻章請江蘇軍屯泗安丁亥楊昌濬自攻安吉不克參將朱賢尊中礮

死乙酉曾國荃克金陵賊悉由廣德奔湖州築壘尹隆橋
通往來江蘇將郭松林王永勝等攻橋壘士多傷戊子蘇
浙軍合攻晟舍不利自辛卯至乙未蔣益澧頻進戰賊增
壘思溪與相持丙申洋將德克碑攻之不克賊圍蔡元吉
於東埠蔣益澧遣軍赴援阻汊港不能達德克碑遇賊戰
輒敗退七月益澧議先攻荻港丙午克其三壘賊目譚世
友等率礮船降己酉益澧乘師船出太湖以花勇屯湖舫
漾楊政謨泊八角亭辛亥政謨會洋將日意格攻袁家匯
益澧率師船夾擊羣賊爭趨袁家匯蔡元吉乘閒自東埠

湘軍記

卷十一

天

潰圍出所部不及千人皆飢羸無人色凡被圍二十餘日
食桑皮且六七日感大軍救援忍死弗敢叛其伏草閒屍
下賊退而歸伍者復四百人是日蘇軍合張景渠克晟舍
於是思溪雙福橋之賊皆遁先是偽幼主洪福瑱自金陵
出走廣德偽堵王黃文金迎入湖州及官軍圍攻急福瑱
懼乃遣其弟偽昭王黃文英偕福瑱還走廣德是時湖州
城賊多歸誠黃文金復屢挫於蘇軍甲寅劉樹元會蘇軍
克昇山蔣益澧益促諸將薄城江蘇將潘鼎新亦至城內
火起賊急啟西門分走廣德孝豐乙卯克湖州丙辰楊昌

潯克安吉追賊孝豐遇湖州敗寇與劉墩等合擊之降者
七八千人輒解散餘賊走甯國縣千秋關黃文金已至廣
德則挾洪福瑱走甯國縣出昌化白牛橋負創死偽僭王
譚體元等出涇安威坪八月劉光明追賊至昱嶺黃少春
復自嚴州至威坪擊賊於蜀口敗之賊走遂安王開琳王
德榜自婺源扼開化之華埠劉明珍由馬金出昏口截之
賊掠開化城劉明珍誘出敗之賊遂掠玉山江山奔江西
洪福瑱隨之西浙江平

湘軍記

卷十一

天

亮白世多譏其妄監利王柏心獨深許不疑往往見諸詩
歌寇初興張亮基居圍城中延爲幕客始贊軍事及駱文
忠再撫湖南始大任用兵餉皆倚以決司道衙參白事駱
公輒曰往見李高先生籌之駱公畫諾而已當是時萬眾
指目謗議橫興訟獄大起
朝廷遣總督接驗簿責甚厲駱公願委蛇不爲置辨文襄
幾危然其名已上聞
文宗召外臣輒垂詢其才比寇事亟曾文正胡文忠交章
論薦朝臣亦多言宗棠大可用

文宗超擢京卿不兩載遂躋疆帥開府閩浙據其所蓄恢
恢而敷布之南定百越北靖中夏西暨天山五十餘國皆
獸獮而子蓄之已登揆席入樞密安南告警耄年出師所
謂鞠躬盡瘁死而後已者耶論文襄德量才智吾不知視
武侯後先如何要其助伐過祁山遠矣嗟呼自古賢人君
子遭世謗顛蹶沈鬱堙滅抱其所學以終者何可勝數如
左公者可不謂厚幸歟

湘軍記

卷十一

三

湘軍記卷十一

東湖黃學濂校字

湘軍記卷十二

東湖王定安撰

援廣閩篇

洪楊之亂起廣西終廣東當其勢盛則由偏陬擾腹地據
吳楚上腴恣其貪饕之性他掠名城宜若可以橫行無忌
及夫勢孤援絕大軍迫其前降眾証其內則又由腹地竄
偏陬躋巖涉澗苟延須臾之命故觀地形之險夷而賊勢
之興衰昭然矣自蘇常金陵相繼告克蘇浙諸酋倉皇挺
走率道皖南入江西追師躡之不能息喙乃相率入福建

湘軍記

卷十二

一

福建者古閩粵地窮山巨海號為瘠區賊避大軍走叢薄
冀憑險阻自固而勢已不能復振遂至於亡故廣閩者粵
賊之所始終而湘軍之興江忠源肇端於桂林越十餘載
左宗棠乃蕝功於嘉應得失倚伏之機其中若有天焉初
道光三十年廣西寇發廣東羣盜亦起湖南以鎮筸兵二
千從兩廣總督討之咸豐三年洪秀全踞金陵兩廣土匪
遙借江南寇勢相煽誘草竊滋益多其年四月廣東陽山
土匪犯湖南宜章五月廣西興安恭城土匪復陷其縣城
犯永明七月廣東樂昌土匪犯興甯是時湘軍初起輒遣

將擊走之四年湘軍出岳州援湖北留王鑫軍防湖南南
界廣西灌陽賀縣土匪充斥廣東紅巾匪自韶連達廣州
勢張甚然不敢度嶺而北五年廣東軍擊紅巾匪敗之匪
北趨郴桂旁及永州知府黃文琛扼險以待寇匪圍富川
知縣濟昌城守既陷朝服坐堂皇罵賊死而桂陽鄉軍起
王鑫往來游擊匪至輒破散七年正月廣西叛將黃金亮
合興安靈川土匪攻柳州二月陷之桂林土匪蠶起北掠
至全州知府蘇鳳文告急湖南巡撫駱秉章始議援廣西
廣西地遠而貧諸將不願往蔣益澧自請行乃檄益澧募
湘軍記 卷十二 二
千五百人以段瑩器千人江忠濬千二百人隸之五月至
全州三戰皆捷匪不虞湘軍能戰相愕還興安益澧圍之
七月克興安餘匪復糾靈川平樂諸盜據府城秉章增遣
黃輔鼎蕭榮芳將八百人出恭城與益澧會師九月自恭
城出平樂匪倚戰艦依水通糧益澧破其城外二壘燒寇
舟與江忠濬南北夾擊匪收入城益澧薄城而軍黃輔鼎
彭玉山恃勇先登中礮死官軍乘之十一月壬戌克平樂
當是時慶遠柳潯梧州諸盜各自爲部不相援應匪勢浸
衰益澧以輕軍克大郡遂以能戰知名巡撫勞崇光奏留

廣西督軍駱秉章月助益澧餉銀二萬增造礮船六十餘
募水師益其軍

八年勞崇光徵江忠濬入屯桂林先是州郡姦民反側官
不能盡捕治則假招撫羈縻之姦民亦假官令脅良懦兵
賊相淆雜崇光尤喜用降人令其酋白彪率悍黨二千屯
省城掠民子女財帛勻分之冤憤無所訴一日降人擁至
巡撫署持兵叫喚崇光出坐堂皇其黨直奔公座矛加巡
撫冠崇光笑而指其吭曰誤矣若欲殺而翁刺此乃可耳
其弁乃翼崇光退當是時院司寄危城中號令聽之盜魁

湘軍記

卷十二

三

崇光乃密召江忠濬入省圖之忠濬以書示蔣益澧益澧
曰彼黨甚眾君去姑慎之待吾至乃發耳比忠濬入省城
謁巡撫巡撫乃託他故召降酋降酋悉至忠濬閉轅門駢
誅之悉案捕諸桀黠者易置守軍然後巡撫號令得下行
官民始安枕崇光奏以蔣益澧署按察使益委任之益澧
以次討平潯梧慶遠盜府縣官始治民事徵租稅如平時
其年三月僞翼王石達開自江西竄浙江四月入福建陷
政和遂陷邵武踞浦城掠建甯閩浙總督王懿德巡撫慶
端遣軍禦之皆不及五月蔣益澧克柳州黃金亮走古州

六月閩賊陷松溪崇安建陽圍建甯浙江巡撫晏端書遣饒廷選張騰蛟移衢處兵往援別將出龍泉援浦城慶端駐軍延平七月

詔侍郎曾國藩以援浙之師援閩未至而閩軍已頻復政和光澤建陽松溪甯化浙軍克浦城崇安八月閩軍克邵武曾國藩至江西河口鎮石達開分黨陷安仁新城劉長佑敗之新城賊還走閩境九月國藩至建昌令諸軍分道入閩張運蘭由杉關進攻順昌將樂蕭啟江由廣昌進攻汀州甯化吳國佐防南豐廣昌石城時賊勢趨重汀州而

湘軍記

卷十二

四

石城千刀會匪踞回龍砦國藩建議先清江西再規汀甯奏言江閩交界中隔大嶺北至仙霞南至武平一嶺懸互殆逾千里大關小隘處處可通現派張運蘭由北度嶺蕭啟江由南度嶺中間泰甯南豐等處尙屬空虛二年以來賊跡往返蹂躪嶺內如建昌各屬嶺外如邵汀各屬井邑蕭條百物蕩盡今歲疾疫盛行居民鮮少閩中田荒米貴油鹽無從購買且無現錢可換臣駐紮建昌一面防中路回竄之賊一面轉運錢米解赴蕭張兩處臣距蕭啟江四百餘里距張運蘭三百餘里而蕭張相距亦在五百里外

俟攻克順昌將樂歸併汀州一路臣亦率隊繼進庶無此勦彼竄之虞十月閩賊還走江西汀州甯化順昌將樂皆復賊由瑞金掠信豐南安窺贛州陷景德鎮國藩乃檄蕭啟江攻信豐南安張運蘭赴景德禦之是月李續寶戰歿三河官文駱秉章奏國藩移師援皖王懿德則請國藩緩發且留張運蘭一軍衛閩境

詔國藩酌緩急行
九年正月閩軍克連城龍巖福建解嚴三月石達開自江西竄湖南圍永州劉長佑擊走之四月達開犯寶慶前隊

湘軍記

卷十二

五

掠全州蔣益澧屯柳州捕旁邑盜巡撫檄令回援省城六月石達開圍寶慶蔣益澧還桂林勞崇光擢兩廣總督曹澍鍾爲廣西巡撫蔣益澧代爲布政使李續宜劉長佑劉嶽昭田興恕合擊賊於寶慶大破之石達開謀竄黔蜀其黨多廣西人思還鄉里七月達開由新甯城步山徑開關趨廣西而永明土匪出恭城應之蔣益澧出屯平樂賊已大至偵城守嚴北走灌陽合石黨掠興安犯桂林初至才三千餘人三日內眾至數萬省城久無寇警至是大駭巡撫急召益澧全軍回守益澧兵雖號五千餉久乏空缺者

未補前在賀縣頗損士卒又分防柳州所部入省者僅千餘人軍少而疲自謂可無恐學政李載熙與論兵事不合以侵餉玩寇劾之

詔降益澧道員曹澍鍾乞援湖南

文宗乃促駱秉章分兵赴急時劉長佑新援寶慶有功曾國藩遣援湖南之蕭啟江已至秉章乃令二人者往長佑軍次東安士多道病八月啟江先行至興安石達開已西過義甯侵黔邊灌陽匪亦連營靈川欲俱西聞援軍至列陣大榕江以遏追師啟江進擊之甫交綏賊即潰益澧部

湘軍記

卷十二

六

將蕭榮芳亦自柳州來與啟江軍俱會省城九月庚午啟江破賊於南門文昌閣益澧水陸會擊復大破之丙子賊併走義甯桂林解圍丙戌陷慶遠踞之分黨由富川掠連山廳廣東軍擊敗之餘賊走湖南

詔授劉長佑廣西按察使督湘軍長佑將八千人自永福西進賊扼柳城西連羅城天河南引慶遠分趨柳州復東犯昭平賀縣蕭啟江初調赴皖復改防蜀已率師北行劉長佑乃攻柳州

十年正月劉長佑克柳州民團復柳城

詔擢長佑布政使賊復自湖南藍山桂陽侵廣東邊掠樂昌仁化南雄輒爲粵軍所敗乃陷清遠入英德陽山於是增蔣益澧軍至五千屯陽朔以東規平樂廣東援軍進梧州賊悉西趨而賀縣淪陷已二載官軍未遑問復奏調湘軍將劉嶽昭自江華進攻三月至富川克其城嶽昭乃由富川西禦昭平援賊於春頭源敗之賊悉保賀縣四月蔣益澧自平樂來會師賊多降益澧攻慶遠擊賊畫眉嶺斬馘二千餘禽數百人平樂昭平皆定進攻思恩河池復大破之己未慶遠賊棄城遁益澧遂復慶遠廣東軍亦敗賊

湘軍記

卷十二

七

清遠石達開分黨入貴州巡撫曹澍鍾母喪奪情督四川軍防達開劉長佑爲廣西巡撫蔣益澧爲按察使當是時土匪陳戊養據太坪陳開黃鼎鳳據潯州范亞音據容縣張高友陳金剛據平樂其他慶太思南泗鎮諸屬大股數千人少或數百人倏兵倏賊不可究詰長佑起儒生稍以吏治整飭州縣遣湖南廣東水勇造戰艦扒船上下遊擊廣西水師自此大備五月蔣益澧擊破陳金剛於平樂進圍賀縣會知府劉嶽昭克之士酋陳保犯雒容長佑遣李明惠擊殺之而石達開踞慶遠賴裕新犯思恩武緣河池

輒為民團所敗乃遣黨分數道窺黔楚其左旗後旗眾猶四五萬七月左旗出靈川犯桂林長佑調鄆世堂回守省城候卒頗言賊黨攜貳思東歸長佑張諭招撫其酋張志功等乞款留三千人界志功自效餘悉資遣之而後旗復為李明惠所破奔義甯長佑遣鄆世堂躡之道州賊喪亡略盡時石賴兩酋猶擁眾數萬據武緣掠遷江南甯左江道吳德徵等擊破之斬馘萬計賊走忻城掠興業陷北流土匪吳凌雲陷太平殺知府劉作肅而陳戊養據太坪塞我南道柳州軍不克進乃以劉坤一總統楚軍擊陳戊養

湘軍記

卷十二

八

於太坪分兵渡河攻忻城九月達開復犯南甯武緣掠賓州上林宣化土匪李青靛犯永淳吳德徵等擊走之忻城遷江賊掠來賓馬平宜山天河融江入永甯劉坤一李明惠躡之賊陷綏甯城步湖南復擾十月劉長佑督軍全州遣將扼賊於武岡新甯開屢破之賊走東安道州零陵長佑還桂林增遣李士恩等助攻太坪以張志功所部赴梧州會廣東軍攻下郢破走之蔣軍復敗之竹洞英洞賊奔潯州十一月劉坤一進攻柳城四十八寨羣盜皆降陳戊養亦乞撫於是柳城皆定石黨竄貴州獨山走融縣入湖

南十二月閩賊陷汀州

十一年正月劉坤一北躡石黨灌陽會湖南軍夾擊破之石黨復自貴州定番還犯慶遠南丹三月艇匪犯象州坤一還擊於馬皮墟三戰皆捷四月閩軍將會玉明克汀州五月蔣益澧攻潯州別將擊破定番賊於灌陽賊首余明善率萬人歸誠於是羣賊剷除略盡石酋崎嶇奔命不復振矣六月官軍克賓州七月克平南石酋益踉蹌西走銳意犯黔蜀於是貴縣橫州宣化土酋皆反正九月石酋聞道趨懷遠劉坤一遮擊於楚邊江忠義自武岡出要之賊

湘軍記

卷十二

九

乃走黔陽道沅州趨浦市而東長佑檄坤一疾行趨沅州會楚黔軍躡擊之十一月蔣益澧破土匪於貴縣藍田賊或降或遁

同治元年正月長佑遣軍復羅白土縣二月復太平府時浙江事亟會國藩左宗棠奏調蔣益澧赴援詔擢益澧浙江布政使將八千人以往劉坤一授廣東按察使促赴任楚軍無宿將長佑乃自將討賊遣副將鄭金華屯潯州右江道蔣澤春水師繼之道員易元泰屯蓮塘四月長佑師次平樂距元泰營百里適天雨霧長佑輕騎

從百人走山徑六七十里窮冥不見人既至元泰等皆驚喜士氣自倍遂破賊馬嶺毀其木城五月長佑進潯州土匪數萬壁城外掘長濠拒我長佑分軍扼鳳凰山洋江橋以水師巡守南北江六月黃鼎鳳自貴縣來援偏師襲鳳凰山後長佑親督諸軍擊走之艇匪入東津水師自官江橫鐵鎖拒之七月戴盛寬等破賊平田嶺燬十餘壘賊分走覃塘龍山我軍進偏貴縣之大墟且勦且撫賊黨多散降益澧之援浙自至廣東請餉於總督勞崇光念其前勞資給數十萬其度嶺軍容甚盛益澧懲前失乃折節下士

湘軍記

卷十二

十

爲時所稱左宗棠竟倚以平兩浙九月劉長佑擢兩廣總督劉坤一爲廣西布政使接統楚軍

二年陳金剛踞高州粵東將卓興久攻不下三月署兩廣總督晏端書咨江忠義赴援忠義前軍已抵桂林曾國藩復檄忠義援皖四月忠義改由衡州赴之八月李復猷自黔入楚眾猶三四萬犯龍勝廳九月折北走城步另股由斗江入懷遠巡撫張凱嵩檄蕭榮芳禦之九月犯富川賀縣前鋒入廣東開建廣東軍聚屯肇慶高州總督毛鴻賓復調湖南軍橫出連山扼賊東逸復猷另黨踞懷集之石

塋坑尾樹柵屯糧爲持久計其地偏廣東陽山鴻賓調張運蘭屯連州備之開建賊折走蒼梧入懷集署懷集知縣况逢春率兵圍躡之復走廣東連山掠陽山况逢春使使招降李復猷遣其弟李復忠來營議款意遲疑未決其黨已多解散况逢春急攻之乃走開泰繞至貴州永從十月張運蘭至連州之寨岡石塋賊畏懼乞撫誅其酋向日鼎等三十餘人收降眾三千餘人遣散之俘李復猷於鐵坑檻送廣州梟誅

三年二月蔣益澧克杭州三月偽聽王陳炳文偽康王汪

湘軍記

卷十二

十一

海洋走江西侵閩邊於是光澤建甯甯化皆大擾五月左宗棠檄康國器趨邵武張運蘭趨汀州以援閩六月曾國荃克金陵偽幼主洪福瑱走廣德其時金陵賊供福瑱已死曾國藩據以入告宗棠上疏頗譏切之七月官軍克湖州偽佑王李遠繼挾福瑱走江西諸帥復言浙江縱賊頗侵宗棠宗棠疏報逸賊僅數千江西則奏逋寇精悍過十萬賊在江西不得逞分走廣東福建九月洪福瑱道瀘溪入雲際關竄光澤魏喻義要擊敗之福瑱走石城而李世賢汪海洋出入江廣邊所部尙眾丁太陽踞瑞金張運蘭

等擊走之。餘賊竄平遠鎮平。掠大埔。折而西北陷武平。張運蘭軍下壩。未戰。賊襲永定。陷之。閒道抄運蘭後。運蘭方食。聞賊至。遽起索馬。遇賊營門。擁至永定城。與總兵賀國琛以下二十人皆遇害。龍巖南靖俱陷。壬子。陷漳州。福建巡撫徐宗幹移泉廈諸軍防興泉。宗棠急檄黃少春。劉明燈率四千五百人。由衢州趨延平。為中路軍。劉典將新軍八千人。自建昌趨汀州。王德榜率二千五百人繼之。為西路軍。高連陞率四千五百人。自甯波泛海趨福州。出興泉。為東路軍。十一月庚子。福建提督林文察攻漳州。敗死。曾

湘軍記

卷十二

三

玉明水師亦多傷亡。其時高連陞已由福州至泉州。劉典黃少春王德榜先後至閩。甲子。宗棠自駐延平督師。十二月。康國器軍規龍巖。丁太陽由永定出漳平之永福里。撲縣城。陳允彩軍潰。遂圍漳平。劉典自連城東援。新軍輕進。大敗。副將盧華勝等皆死。典還保連城。王德榜王開琳自汀州赴援。德榜攻莒溪。劉典攻朋口。俱克之。護浙江巡撫蔣益澧遣劉清亮率三千人屯浦城。聽宗棠調遣。當是時羣賊萃閩中。李世賢踞漳州。偽來王奏王踞龍巖。永定南靖雲霄。汪海洋踞長汀。連城上杭之交。地曰南陽鄉。丁太

陽林正揚則出沒漳龍。眾號二十萬。而粵東之潮嘉閩之泉漳汀龍永春。夙稱盜藪。從亂者日眾。宗棠所部才三萬。與賊相持。頗以餉絀兵單為虞。奏言漳州城外數十里地。勢平行。彌望蔗田。難以進攻。自林文察敗歿後。附近村莊多被賊脅。必先將村莊撫定。乃免內患。現檄高連陞黃少春勿攻城浪戰。相機圖之。如能誘敵撲壘。反客為主。痛剿數次。然後合力蹙之。庶完善之區。得以保全。而兵力亦併一處。臣未敢急目前之效。貽悞大局也。丙戌。賊陷長泰。

湘軍記

卷十二

三

黃少春高連陞會復之。辛卯。復敗賊浦南。壬辰。劉典王德榜敗賊古田。克其二卡。癸巳。王開琳張恆祥敗賊涂坊。是月。兩廣總督毛鴻賓遣何雲章攻雲霄。楊清臣攻平和。方耀攻永定。丙申。方耀會知縣張元楷克永定。四年正月丁巳。李世賢陷漳浦。庚申。康國器克龍巖。辛酉。王德榜破古田賊壘。癸亥。劉典王德榜進攻南陽鄉。汪海洋迎戰於馬洋洞。我軍少卻。退守新泉。賊躡至。劉典分軍禦之。海洋自率黃白號衣悍黨二萬列田壩。我軍兩旁抄襲。典領親兵鏖戰。德榜助之。賊晷水走西岸。多溺死。德榜

迨至下車。汪海洋下馬痛哭。倉卒閒幾爲官軍所獲。其黨擁之越山而逸。黃白號衣者。海洋所養死士。平昔遇之厚。遇危急則磨之前。自號無敵。至是精銳喪失過半矣。劉明珍敗賊於漳平。乙丑。高連陞敗賊於漳州。好景山。丙寅。曾玉明師潰丹洲。高連陞馳救。賊乃走。二月。汪海洋棄南陽。趨永定。劉典追之上杭舊縣。賊走白沙。劉典親擊敗之。乃由坎市竄龜陽。劉明珍趙均會攻漳平。連破坂橋後壩和溪水湖賊壘。賊自石碣窺粵邊。方耀擊破之。悉毀石碣賊巢。而另股由大埔之白垓撲楓朗營。廣東軍復擊卻之。賊

湘軍記

卷十二

四

奔平和。江蘇將郭松林楊鼎勛浮海至閩。先是

穆宗以江蘇平。諭李鴻章分兵援閩。鴻章乃令松林率楚勇七營。鼎勛率淮勇六營。乘輪船出廈門。仍勻蘇餉濟軍。朝廷慮蘇滬距閩遠。

詔閩粵督撫代籌餉事。松林等既至。會圍漳州。鮑超前軍將婁雲慶自瑞金入武平。三月辛丑。賊陷詔安。劉典敗賊於龍巖之奎洋山。壬子。高連陞黃少春會蘇軍擊賊赤嶺。敗之。自賊入詔安。饒平大埔。逼近賊氛。兩廣總督瑞齡廣東巡撫郭嵩燾遣將防邊。追賊至詔安城。殺數千人。李福

泰等分守柏松關。風朗老虎關。粵防稍固。四月。李世賢由漳北間趨安溪。王德榜邀擊敗之。郭松林等擊同安土匪。殲之初。高連陞黃少春等攻漳州。久不克。見烏頭門與東北樓內相犄角。乃議先攻烏頭門。乙酉。黃少春劉清亮攻中路。王德榜攻烏頭門右。高連陞攻烏頭門左。郭松林楊鼎勛率洋鎗隊同出左路。攻兩時。拔花椿木城殆盡。克其壘十四。會風雨大作。蘇軍發洋鎗。民團大呼助勢。殺聲震山谷。東風愈烈。各壘皆被燒。高連陞奪門而入。李世賢巷戰逾時。開西門遁。遂克漳州。丙戌。劉典克南靖。宗棠奏言

湘軍記

卷十二

五

自賊由江粵闖入閩省。連陷龍巖漳州各城。而漳州尤屬腹地。又菁華聚積之區。一經竊據。全局爲之震動。高連陞黃少春等馳抵漳州東北。劉典等復回汀連。節節掃盪。局勢漸臻穩固。侍逆於破城之先十日。致書汪逆。猶思合力突竄龍巖漳平。以覓生路。怪汪逆不急援之。不知汪逆則已爲西路官軍擊敗。先向大埔一路竄逸矣。漳城逆勢已孤。猶恃南靖及烏頭門樓內寨與東關各賊壘。勉相撐格。迨官軍掃盪各壘。始獲克此堅城。諸將士勞烈備臻。實有未可掩抑者。臣前駐延平。深慮主客各軍。統將頗多事權。

未一此次諸將和衷共濟遇事謀定而戰略無參差即西路諸軍遙成犄角亦莫不如期應念而至故事機順利得免延曠之虞實非臣始願所及現在蘇軍由漳州進攻漳浦可由此以達雲霄詔安與粵東黃岡守軍聯絡並可杜其入海之謀湘軍分由南靖漳州追賊以向平和可與粵東饒平守軍聯絡其緊連粵東大埔一帶則總兵王開琳延建邵道康國器及都司關鎮邦各軍扼永定之撫溪及雲霄上杭一帶截之由汀州至潮州一水可通溪溜湍急粵軍若能憑河遏截則侍康兩逆圖竄亦難己丑汪海洋

湘軍記

卷十二

六

犯湖雷康國器擊卻之辛卯郭松林克漳浦雲霄高連陞克平和次日追賊至大溪收降眾數千王德榜追賊至大埔偽天將郭揚維率四千人降五月乙未朔郭松林克詔安丙申康熊飛王開琳擊賊劍灘收降眾千人丁酉劉典軍擊破李世賢於永安張福齊收降眾萬人王開琳收降眾二萬四千人丁未賊酋丁太陽詣劉典降壬子郭松林擊雲霄岳坑匪巢平之甲寅高連陞敗賊武平汪海洋入廣東境福建肅清丙辰汪海洋破粵軍於鎮平閏五月戊辰瑞齡郭嵩燾遣軍攻鎮平敗賊於五星橋方耀敗賊於

平遠癸未汪海洋犯嘉應州康國器敗之於瓦窰賊還走鎮平先是四月間鮑超假還夔州所部霆軍行次湖北金口聞超將移師征隴軍大譁潰卒道江西入湖南復由江西入廣東與汪海洋合於是賊燄復張海洋調江廣邊防嚴欲仍由閩邊走江西遂自鎮平逾分水坳至廣福鄉刈早稻充食高連陞等擊走之自李世賢永定之敗不知所之汪海洋歸咎於偽王宗李元茂元茂世賢死黨也海洋殺之以立威羣賊益攜貳六月偽陪王譚富偽朝將莫恩詣皆歸誠海洋乃增卡稽察以親信守之而令霆營叛卒

湘軍記

卷十二

七

分踞鎮平西南深溝高壘以自固賊勢益孤七月汪海洋殺李世賢於鎮平初世賢自永定河鳧水夜渡從者多溺死世賢割鬚髮潛匿山中晝伏宵行至鎮平使人告海洋海洋郊迎入城其舊黨泣訴海洋猜狠狀世賢以李元茂之死意殊不平海洋不自安乘其卧刺殺之並殺其黨魁五人時賊糧久匱霆營叛卒與賊爭糧相殺叛卒降於粵軍方耀眾猶七千八月壬寅康國器克鎮平汪海洋走平遠江西軍席寶田截之東石黃少春躡之東桃鄉賊折回大柘趨興甯之黃陂墟羅浮司復北走長甯境席寶田婁

雲慶由平遠還長甯王開琳等分扼長甯之篁鄉鷺公墟宗棠進駐大埔賊前後爲官軍所迫乃開道入龍南高連陞等追賊六晝夜中伏大敗九月汪海洋犯定南賊益趨江西同知王大枚擊走之乃還走龍南知縣王家傑復擊退之席寶田先至贛南扼鐵石口與賊戰累日矛傷海洋背幾被擒前後殲賊萬人海洋復由江西走廣東陷平和復棄平和走連平掠長甯大蓆翁源以官軍扼各隘乃由連平越山竄平和興甯過城邑輒繞道疾趨旬日閒走數百里十月壬子突犯嘉應州陷之高連陞等還軍赴救皆

湘軍記

卷十二

六

不及而東江土匪充斥遇楚軍隊伍輜重落後者輒劫殺之高連陞劉清亮軍苦疾疫諸軍皆爲賊隔宗棠急召賴長等扼永定王德榜自汀州進攻黃少春自信豐扼武平促鮑超率軍入閩自率親兵屯瑄溪以扼漳州門戶當是時宗棠所部王德榜屯塔子壩黃少春屯曹塘高連陞屯黃竹洋康國器屯烏泥坪劉典屯葵嶺環嘉應州東南鮑超屯平成鋪當嘉應州西面粵軍李福泰屯藍口曾敏行鄭紹忠屯長沙墟方耀屯益口洋當其西北嘉應州城環水其南曰河南爲賊營又南曰小密曰芹菜洋獨闕其南

一面無一營駐紮汪海洋傾巢出戰官軍失利知縣汪遇元等十一人戰歿宗棠飛檄朱明亮扼三河壩三河者大小靖溪及雁石溪所匯也其地崇山絕澗爲潮州要衝賊見官軍環逼謀於州東佛子高分水鄉曹塘設伏以待癸卯賊悉銳出佛子高黃竹洋旌旌遍野另股由曹塘抄橫徑深坑攻王德榜黃少春營復襲劉典等軍於葵嶺官軍戰少卻賊長驅追之眾皆懼或曰兵法趣利者蹶此成禽也賊不西走贛桂而欺侮閩廣諸軍必汪海洋之謀宜選火鎗視寇帥龍旂擊之餘皆憑壘自固但殛其酋破之

湘軍記

卷十二

六

必矣及賊前隊大進火鎗環集賊不得前引而反走諸軍喜曰賊易與耳今敗矣乘之果大奔汪海洋中礮死自洪福瑱就誅李世賢汪海洋崎嶇閩嶠海洋驍銳殆冠其曹世賢狡悍亞之比於諸賊獨爲後亡然世賢海洋不死賊未可驟滅也海洋旣歿其黨復推僞借王譚體元主賊事是時賊眾猶二十萬踞嘉應州城與官軍相持郭嵩燾屢函商宗棠令劉典由葵嶺移駐小密粵軍鄭紹忠移駐芹菜洋則嘉應州之圍合可聚而殲也諸軍遲延不進曾敏行憤曰吾軍少不足當大敵請進至七墟以待諸軍甫至

紮營未定而賊分軍猛撲搏戰竟夕則已悉眾出小密趨黃沙嶂環城諸軍無知者蓋七墟近距小密賊偵知諸軍之圍將合因以一軍綴之而自河南竄出以圖復振婁雲慶用夜半入城城虛無人諸軍始知賊已逸竄而黃沙嶂萬山叢集賊已膽落不知所向鮑超等軍追至賊皆投械跪請降降者十餘萬人拔良民男女萬餘人於是粵匪悉平自道光三十年洪楊倡亂訖同治四年十二月始滅凡僭亂十有六年

王定安曰廣閩風氣犷悍地險多盜平時帆船往來率載巨礮以行其輕死樂禍習俗使之然耶自來姦人竊據號稱侯王者雖數短運促亦必假仁義設官守治獄納賦塗飾蚩氓耳目未有愚頑凶暴荒誕無紀如洪酋之甚者也

自初起訖於亡所陷郡縣多矣文無守令之司武無上下之等日以焚掠擄殺威劫良懦其梟黠者則率之習戰陣當前敵其後稍稍設鄉官名為治民反魚肉之民之子遺者鮮矣然賊之昏亂如此猶必歷十餘載而後滅者何哉蓋以承平久文吏習於嫫熟容悅畏事諉過以趨利避處分爲高武弁則講威儀畏勤苦勇於私鬪而怯於公戰如

病者然釀毒既久外邪從而侵之遂至深不可拔由斯言之非賊之能後亡母乃有以長養而蘊育之者歟曾胡左曾諸公知其然舉積年鋼弊廓而清之遂以翊贊中興康濟斯世其得失豈不昭然如揭哉昔民謠有曰長髮惡逢僧滅世或以蒙古親王僧格林沁當之其後乃知僧者曾人也嗚呼豈非天哉豈非天哉

湘軍記 卷十二 三

湘軍記卷十二 武昌范德培校字

湘軍記卷十三

援川陝篇

東湖王定安撰

國家建行省十有八。獨四川幅員甲天下。其地沃則產物多。其民眾則選徒易。古稱秦為陸海。然郊野之富。猶云近蜀。則蜀之饒溢可知也。寇興幾十載。四川猶未被兵。帥斯土者。據完富之形。憑上游之勢。苟用蜀財養蜀士。權鹽藥之贏。以為餉。練印。熨之豪。以為兵。伐梁益之木。以造戈船。馴川滇之馬。以突行陣。順流東指。以撻荆楚。平吳會。恢恢乎游刃而有餘矣。豈僅憑川阻峽。設險自守。區區固吾圉之為哉。然承平久。官吏狃宴安。不修武備。幸其地偏。民懦財足。自贍。苟免於寇。斯已矣。而川軍調援他省者。率騷擾失軍律。先後遣歸伍。兵益皆窳。不復振。及藍李禍發。標兵孱弱。不能治。乃乞援湖南。石達開乘之。全蜀糜爛。無甯土矣。

朝廷憂西陲

特命駱秉章建節入蜀。秉章習楚將。量其技能而驅策之。未三載。羣盜芟夷殆盡。其後北逐陝寇。南靖滇亂。兵餉率

湘軍記卷十三

一

湘軍記卷十三

二

自蜀出。然則賢者之有益人國。其效豈不彰彰可睹哉。初黔粟禁開。雲南鴉片尤勝他產。姦民越關漏稅。輒糾數十百人。閒行達闔市。遇兵役則私賂。以免。於是雜職未弁。倚為利藪。藍大順李短搭者。居雲南昭通邊。以梟黠為私販。魁日率其徒為姦利。往來敘州。然孳孳逐什一。罔利自肥。未嘗叛也。咸豐九年。老鴉灘私販有訟事。汛官索賂。已得金矣。猶未饜。思有以中之。因宜賓典史。陷以他事。白府縣捕二人繫之獄。府縣論其罪至死。其黨憤怒。乃聚百人謀劫獄。道路恟恟。皆言私販反矣。敘州屬縣官民皆大恐。署總督有鳳遣提督按察使將千人往討。畏縮不敢前。從亂者日益眾。筠連高縣相驚。以寇至。居民譁走。而筠連令先以病去。署知縣聞變先逃。匪黨闖入縣城。慶符亦訛言賊來。知縣武來雨朝服縊堂上。姦民乘機大掠。藍大順等趨敘州。黨分為三。其左右部掠西鄉。西鄉故駐官軍。民頗結團自保。左右部見兵團則散走。其中部千人。自橫江渡金沙圍敘州城。城中男婦驚啼。多欲自殺。頃之有鳳遣裨將明耀光入城助守。人心始定。數日閒賊增至數千人。詔陝西巡撫曾望顏為四川總督。徵兩湖兵赴援。是時偽

翼王石達開道湖南入廣西。聲言由黔入蜀，崎嶇黔蜀山谷叢阻，弗能達。而湖北巡撫胡林翼以楚居下游，常欲聯川督資蜀餉以自助。因與湖廣總督官文疏薦曾國藩防蜀。且言蜀中財富險固，宜以時鎮撫，繫天下根本。五月，詔國藩率師入夔州。國藩久以客軍懸江西，屢為地方文武吏窘辱及奉

命，援浙撥閩，皆擁空名無餉權。而皖事方棘，蜀道迂遠，難驟至。乃奏言：自本年賊擾湖南，永郴被圍，湘勇在江西者，各懷內顧之憂。近日寶慶危急，距湘鄉不過百里，弁勇瞻

湘軍記 卷十三 三

顧身家，思歸尤切。一旦拔隊征蜀，道經楚境，必且紛紛請假。凡勇之弊，敗挫則不知歸伍，久征則常思還家。今攜湘勇直上夔州，水路三千里，風濤之惡，三峽之險，弁勇未必樂從。且粵賊現在湖南，號稱三十萬，若更竄蜀，裹脅尤多。臣以區區萬人入蜀，勦固不敷，防亦不足。孤軍客寄，傷亡難補，以勢度之，恐無補於大局。若遵

諭旨，據兩湖之上游，則即現在兵力，略加水師，駐紮宜昌等處，即可穩占上游，固湖廣之西門。若必徑趨夔州，則不以兼顧湖廣為重，而以籌防全蜀為重，不特蕭啟江一軍

必須調集同行，且當添集水陸湊齊三萬人，乃可搗以入。峽白軍興以來，陝西最為完善，而蜀中財物雄厚，百物豐饒，尤為逆黨所涎羨。

皇上嗾焉西顧，防患未形，洵屬刻不可緩之至計。惟臣處兵力單弱，不得不縷陳之。

文宗以國藩所論重守湖北，未籌蜀防，仍促國藩入川。於是官文、胡林翼復言：江南賊勢盛，宜先所急。而袁甲三奏兩淮糜爛，請國藩防北路。

湘軍記 卷十三 四

官文維時探聞湘賊大股全竄粵西，前隊已趨義甯，距黔省邊界甚近。或由龍勝懷遠一帶入黔，以遂其竄蜀之謀。亦未可定。惟以道路計之，賊蹤離蜀，尚隔三千餘里。粵黔兩省萬山叢薄，賊多食少，勢難遽達蜀境。查皖北粵捻各匪蔓延日廣，南為金陵蕪湖之援，北為齊豫數省之患。非由楚省派兵馳援，不能牽掣賊勢。官文、胡林翼擬將援湘馬步各軍調回，分路進發，合力圖之。臣自應回軍援皖，自當一路。

文宗允之，乃令蕭啟江率四千人，自常德入蜀，助勦藍李。

十一月藍大順等自敘州分竄一沿金沙江走犍爲一北走自流井官軍防守者望賊旌旗輒投戈乞命賊輒先收其軍械而後驅殺之自賊至自流脅鹽丁竈夫眾至數萬乃申約束禁淫掠附者益夥

十年春藍大順李短搭合走嘉定屯城外五通橋號十餘萬於是榮縣眉州井研青神資陽皆擾蜀中故事總督他移輒以成都將軍權之司道夙事將軍謹衙參與總督同望顏至川有鳳還將軍任成都知府倚有鳳以傾望顏文宗兩罷之命駐藏大臣崇實署總督授東純成都將軍

湘軍記

卷十三

五

望顏聞被劾則屏儀從輿輿出入中軍及布政使交侮之時蕭啟江已率湘軍至成都望顏欲以爲按察使啟江遜謝未幾病卒其部分爲三進攻井研一戰破之賊解圍遁自是湘軍頗輕賊而見蜀政淆亂亦乘閒縱掠地方官不敢問蜀民益困矣先是

上命廣西巡撫曹澍鍾督兵援蜀澍鍾故爲蜀監司新守桂林卻石達開

朝廷以其習蜀事故奪情令治軍澍鍾行至蜀胡林翼劾罷之而奏薦東純入川督師

文宗雖以東純署四川總督終慮難勝任欲以四品京堂

左宗棠任蜀事詢官文林翼國藩議之官文等奏宗棠新練之軍入蜀非宜而薦劉長佑請行陣其舊部李明惠劉坤一江忠義席寶田等皆堪任軍旅國藩亦言宗棠識量闊遠吳蜀事分難易請仍令督勇來皖七月

詔宗棠仍襄國藩軍劉長佑防勦廣西難遠離駱秉章馳赴四川督師且以東純未諳軍旅促秉章速入蜀九月秉章治軍將行延湘鄉劉蓉爲幕僚初胡林翼密薦蓉可大用秉章亦夙重蓉名乃令入幕贊軍謀如左宗棠故事而

湘軍記

卷十三

六

湘軍將劉嶽昭者久隨秉章黃淳熙者夙善劉蓉二人皆爲大將兵未發而石達開已自廣西走綏甯城步十一月署湖南巡撫翟誥奏留秉章新軍防湖南時東純道卒崇實已受總督印增募軍至三萬川兵故畏怯喜騷擾賊勢蔓延號百萬邛州雅州峨眉潼川皆被圍青神丹棱名山天全榮經洪雅隆昌榮昌江油長甯興文先後淪陷而雲南邊匪出筠連者絡繹於道所過無遮遏浸及川東十一年二月秉章軍次宜昌適皖賊犯鄂疆官文奏以秉章軍一屯重慶一援江西一援湖北而檄黃淳熙東行秉

章策所部不滿萬人。難支三路。乃留劉嶽昭四千六百人助湖北防剿。而自率黃滔熙分水陸沔峽西上。期會夔涪。頃之石黨圍畢節。掠川境。崇實遣軍防敘永。貴州提督田興恕擊走之。時蜀中盼援甚亟。崇實屢請。

朝旨催秉章入川。秉章終虞餉絀。恐四川不能供其軍。比將入境。總督遣官迎候。冠蓋望於道。悉發夔關稅銀助餉。湘軍喜過所望。黃滔熙引軍先行。聞順慶被圍。自萬縣赴之。五月戊子朔。至順慶。賊已先遁。南走定遠。滔熙躡之。賊屯定遠西南。連營十餘里。然皆烏合無固志。湘軍新從郴

湘軍記 卷十三 七

桂追石達開。鋒銳甚。見賊怯。益輕侮之。逼壘而進。賊遽奔。或憑壘發小鎗。軍士皆大笑。擲火燒其壘。賊大亂。自相蹂。死者數千。是役賊眾數萬。一戰而潰。蜀人詫為神兵。賊北走潼川。將渡涪。阻涪漲而止。屯二郎場。滔熙遣卒三輩偵賊所嚮。土人皆報曰。去遠矣。已而知其尙屯場中。滔熙懼失寇。令軍士蓐食。五鼓行。賊聞官軍且至。亦夜出行七八里。遇於燕子窩。交綏。賊即退。滔熙追至場。見賊分從兩旁登山以待。知己中伏。然勢不能退。乃分所部為三。以左右軍禦伏寇。自領中軍直進。於是四山賊盡出。角聲滿野。三

部皆驚潰。滔熙驟馬截退者。馬陷泥淖中。乃棄馬步進。而潰卒不能止。滔熙拔佩刀坐地上。竟為賊害。滔熙豪邁。有膽略。治軍貴迅疾。羞言持重。然卒以猛進敗。論者惜之。是日後軍聞滔熙死。結壘自守。而賊終懾湘軍威。乘勝急渡涪北去。秉章拔用曾傳理。以附生領滔熙軍。其蕭啟江舊部。以蕭慶高何勝必胡中和領之。號湘軍三統。秉章自萬縣移駐順慶。期諸軍會緜州。於時藍大順圍緜州。其黨分屯縣竹什那羅江安彭李短搭圍眉州。其黨分屯彭山丹稜青城。環省城南北百里內。賊氛幾徧。官文胡林翼奏川

湘軍記 卷十三 八

匪鳴張。劉嶽昭一軍。擬即由楚赴蜀。駱秉章客軍孤懸。徵兵籌餉。呼應不靈。恐持久難收速效。七月。詔駱秉章為四川總督。專軍務。崇實為成都將軍。任川陝交界防堵。秉章既受命。劾罷布政使及督標中軍。以前總督曾望顏訴其欺侮也。八月丁卯朔。曾傳理等擊賊緜州。敗之。賊收屯相保。官軍作五浮橋於涪。庚午。蕭慶高曾傳理分三路抄賊。大破之。緜州解圍。羣賊繞省城西南。掠郫邛。遁丹稜。川北號為肅清。而湘黔軍圍於緜州。堂。秉章劾知州唐炯罷之。九

月秉章始至成都受印十月以知府劉蓉署布政使胡中和等自崇慶曾傳理等自彭山進攻眉州敗賊松江口賊奔青神湘軍移攻丹稜以川將唐友耕屯眉州南李短塔分黨掠銅梁壁山永川大足定遠南充岳池廣安增募湘軍以知府易佩紳將之道永順期入酉陽時石酋黨由黔西竄江津攻黔江入湖北來鳳達開自將四五萬眾道靖沅趨鎮筵劉嶽昭引軍赴施南援來鳳秉章慮賊出秀西嶽昭兵力單咨署黔撫田興恕撥兵赴松桃銅仁會剿上念川事急促嶽昭迅扼夔萬十一月增軍圍丹稜乙未

湘軍記

卷十三

九

賊焚城走蒲江略崇慶雙流界入彭縣復分兩部一東北趨縣州走江油平武折北走石泉彰明一東略什邡漢州中江遂甯折南走安岳內江隆昌富順所過民團營兵往往狙擊斬虜藍大順遁去其黨遂微而李短塔踞犍爲之鐵山分股踞青神川東賊自廣安分掠營山渠縣東鄉新甯逆燄猶張

同治元年正月石達開由龍山入咸豐宣恩與來鳳賊合窺施南劉嶽昭截之龍橋追殺三里壬寅克來鳳達開前隊入利川夔萬戒嚴徵劉嶽昭易佩紳會師夔州二月達

開由利川僻徑竄石碓至鄂都之羊肚溪渡河官軍截之乃循南岸至涪之小河時藍李別黨踞涪州南鶴游坪新甯墊江賊合走鄂都三寇相距或數十里或百里然不相聯貴州提督田興恕自請赴川剿賊秉章奏允之上慮黔楚軍夾攻逼賊入陝

諭陝西巡撫瑛榮防興安定遠陝甘總督沈兆霖亦遣兵防階文劉嶽昭至夔州前軍二千五百人自萬縣溯江上與唐炯等期會涪州三月達開自小河道朱家觜涉淺偷渡圍涪州城掘地道疾攻之會嶽昭炯軍畢至唐友耕分

湘軍記

卷十三

十

兵城守內外夾擊悉破仰天窩堡子城賊壘禽斬近萬涪州解圍賊走蘭市嶽昭率後隊二千至涪道員張由庚扼李渡溪截賊北渡兼顧鶴游坪嶽昭友耕渡江北趨重慶出賊前炯駐涪防回竄李短塔自鐵山走宜賓遣黨援青神蕭慶高擊走之青神賊併入宜賓分屯天洋八角岩蕭慶高遂收青神酆都賊東北略忠萬走雲陽田興恕遣總兵熊煥章將千五百人援蜀四月石黨掠南川趨貴州桐梓達開領數萬眾圍綦江掘地道裂南城知縣楊銘鑿內濠堵截之唐炯聞警馳援燒賊營楊銘率團勇出城夾擊

賊解圍走於時劉嶽昭屯江津先市場曾傳理屯合江以
蔽瀘州唐友耕自重慶馳至與唐炯合達開乃西走貴州
仁懷繞山徑入敘永廢城西北走興文時川匪圍江安曾
傳理引軍趨江安川匪與石黨合陷長甯劉嶽昭會唐炯
擊破之賊走珙縣雲陽賊西北陷太平遂走陝西定遠易
佩紳尾之與俱入陝先是粵賊陳得才馬融和結捻匪入
武關由孝義出山窺省城遂陷渭南殺知縣曹士鶴西安
戒嚴而川匪藍大順等屢挫於湘軍踉蹌逃死既至陝西
與粵捻合藍大順踞洋縣陷佛平其弟藍二順踞商州山

湘軍記

卷十三

十一

陽於是秦中騷然無甯歲矣五月劉嶽昭破賊沙河驛進
屯花灘曾傳理熊煥章破賊高縣巡檢寺賊遁回長甯六
月劉嶽昭等克長甯石黨還走敘永圍永甯總兵吳安康
擊走之鶴游坪賊分略梁山墊江大竹鄰水七月復分黨
陷開縣從城口出陝境陷平利漢南羣盜蠶起八月李短
搭棄八角砦走犍為胡中和圍之龍孔橋閏八月劉蓉出
督軍丙子李短搭突圍走胡中和生擒之並獲其黨魁卯
得興短搭名永和以其髮短川滇人呼為李短搭搭云藍
李亂蜀四年而平其流毒及於陝西矣初陳得才聞偽英

王陳玉成敗銳意援皖自陝西竄河南陷閩鄉圍南陽藍
二順由山陽入湖北陷鄖西比聞陳玉成已誅乃折而西
合粵捻四五萬由浙川襲荆紫關踞之

詔荆州將軍多隆阿督陝西軍務多隆阿所部皆楚軍自
皖鄂西上攻荆紫關克之陳得才還走湖北多隆阿躡之
樊城十月粵捻竄隨州德安北走河南復西犯鄖陽入平
利而川匪在陝者掠洋鳳階文還入廣元駱秉章遣總兵
周達武拒之石達開復陷筠連略宜賓高縣秉章遣胡中
和等屯敘州之橫江十一月庚申胡中和蕭慶高何勝必

湘軍記

卷十三

十二

大捷於橫江斬馘逾萬劉嶽昭攻雙龍橋約賊內應克其
壘二十餘石黨出甯遠辛酉周達武遇賊儀隴破之曾傳
理以內寇既平請罷軍歸楚惟留胡中和劉嶽昭周達武
防石黨時達開已入雲南東川陳得才擾漢中興安陝軍
久無功
詔駱秉章舉大將分兵往討奏薦李雲麟雲麟隸漢軍旗
以諸生轉戰鄂皖積功至郎中時屯鄖陽故令其入陝
詔江西布政使李桓任陝南軍事

二年二月秉章遣張由庚領五千人援漢中石達開復自

滇入川先喉中旗賴裕新出甯遠李復猷趨黔境自領大隊三四萬由米糧壩渡金沙江裕新爲官軍所殛餘黨竄榮經天全奔至平武入甘肅文縣三月達開將出甯遠誤入邛部土司與所分兩部隔絕達開偵越巂大路有漢夷兵乃從小道至紫打地將過大渡河前隊結筏已濟矣日垂暮達開懼官軍來襲令濟者返西岸期明日畢渡是夜暴雨大渡水溢數丈而唐友耕防軍已至列戍河岸達開糧罄路窮乃射書千戶王應元約讓路略以重利復使人說土司嶺承恩乞緩兵皆不得則盡殺嚮導二百餘人憤

湘軍記

卷十三

三

怒出巢將亂流渡水湍急登筏者輒溺乃止達開久處絕地益困憊無所得食日殺馬煮桑葉爲糧四月王應元嶺承恩偵賊已衰率漢夷兵蹙之達開部黨解散奔老鴉漩眾猶七八千夷兵前阻輜重盡失其妻妾五人抱幼子沈於河諸僞官多自溺死達開知大勢去豎旗乞降嶺承恩縛獻官軍劉蓉親至受俘並其黨魁五人檻送成都梟誅之解散四千餘人其李復猷竄黔境者由酉陽走湖南至廣西破滅復猷殛於廣東連州達開於初起諸僞王中號爲愛人所至假仁義要結附者頗眾自韋楊構殺達開突

走江西自爲一部圖割據自雄粵閩楚黔爲之奔命者七八載達開既誅西南諸行省稍稍息肩矣時粵賊四僞王麴集興安漢中眾至十餘萬陝西布政使毛震壽師久無功李桓行至湖北以病免

詔促李雲麟入陝且責湖廣總督官文湖北巡撫嚴澍森毋以鄰爲壑於是官文等乃令雲麟率鄂軍三千餘人由鄖陽渡漢道員梁作楫屯鄖竹顧楚西門五月

詔李雲麟以四品京堂勦匪陝南川陝諸軍聽節度

命駱秉章增撥勁旅援漢中官文等復薦劉蓉堪疆寄

湘軍記

卷十三

四

詔蓉率湘軍踰劍閣而北與鄂軍合先是

欽差大臣多隆阿討陝西叛回已克馮翊諸壘師次交河口患痢不能軍以穆圖善陶茂林素持重跨渭而營令驍將朱希廣趙希發壁北岸當賊衝誠之曰堅壁勿戰吾自有法破之母輕出也已而多隆阿病劇朱希廣等不能耐果輕赴敵敗死多隆阿力疾臥肩輿中督戰克高陵涇陽而病實猶未瘳也

上念陝事棘瑛棨久不得要領李雲麟母喪假歸乃以劉蓉督陝南軍務七月授爲陝西巡撫未至以按察使張集

聲暫權之時毛震壽屯城固川匪屢自洋縣來犯卻之震壽以漢中圍久領三千人往擣東關冀通糧道易佩紳率師來會東關賊且七八萬我軍戰不利佩紳突圍出至十八里鋪復為賊挫漢中知府張光澍詣川軍乞援張由庚徘徊未進光澍憤與賊戰敗績於是外援益絕自漢中至褒沔賊氛延袤二百餘里駱秉章乃以何勝必蕭慶高朱桂秋萬三千人隨蓉北征糧械供之川省初石達開餘黨所稱中旗者自隴入秦與川粵匪合中旗用偽翼王旗分屯定軍山圓墩子因爭糧相鬪羣酋頗懷猜忌於是偽扶

湘軍記

卷十三

五

王陳得才偽天將馬融和欲東援金陵偽啟王梁成富以傷故誓取漢中偽增王賴汶光屯漢中西北偽端王藍成春屯漢中東南而藍大順聞鄂軍且至結陳得才東陷鎮安八月李雲麟至襄陽以李桓所部千五百人屯興安劉蓉發成都時川軍援陝南者張由庚進雲峰寺易佩紳扼兩河口蕭慶高何勝必進高家嶺以援漢中周達武出大安驛規褒沔己丑蕭慶高率中軍攻油坊街何勝必張由庚出其左易佩紳朱桂秋出其右甫進油坊賊潮至褒沔賊復自新集抄入張由庚先潰諸援軍隨之靡城中糧久

絕兵民望見恟懼甲午開北門出走漢中遂陷辛丑城固亦陷敗書聞劉蓉止巴州增調劉嶽昭軍四千五百人九月遣將回湘募勇川匪見粵捻勢盛頗懼分黨北收佛坪盤屋以自固李雲麟進軍山陽取鎮安西攻石泉十月劉蓉移屯廣元久之蜀軍不出十二月駱秉章奏言漢南賊勢蔓延甚廣湘軍新挫之後難以驟振臣增撥九營由保甯赴巴州聽劉蓉調遣此時劉蓉若徑率各軍出青石關以規漢南賊得以全力抗拒難期得手須俟新募楚勇到齊數路並進則漢中可望肅清川境不至蹂躪

湘軍記

卷十三

六

詔曰劉蓉受命撫陝將及半載九月間奏請派員回湘募勇計時亦應到川著卽星速前進駐紮青石關力圖克復漢中城固會合李雲麟約期進攻以解漢南倒懸之厄毋得任意遲緩會偽天王洪秀全召援金陵陳得才乃謀東走

同治三年正月褒沔留壩賊併入漢中陳得才等率二十萬眾分水陸東行於是漢水賊艦蔽江步騎走鎮安山陽商南絡驛連十許日癸丑官軍收漢中戊午收城固興漢諸屬邑皆復而川匪亦棄洋縣北保盤屋增柵濠堅守蓋

屋城小而固多隆阿將赴甘肅追討叛回懼川匪乘其後乃圍盤屋劉蓉已至漢中則奏免丁糧卹忠烈給牛種糜尸骸以收人心留何勝必等分屯漢中興安罷劉嶽昭軍還蜀且聲言助攻盤屋多隆阿大悲移檄止其軍二月多隆阿攻盤屋月城誠諸將曰吾休番迭擊彼不能安處矣不出兩日賊必走走則必由西門西門近山吾預伏兵藍酋可擒也乃親登礮臺鳴鼓督戰飛礮傷左目鼓聲益急賊果乘夜由西門遁丙申克盤屋其酋中數鎗率十餘人逸至南山爲民團所殺猶自稱藍大順三順至九順皆傳

湘軍記

卷十三

七

首漢中或曰大順死川中據洋縣者曹逆也於是川匪剗除略盡惟秦州賊復東趨留壩佛坪商南殘賊西與之合多隆阿創甚養病西安三月劉蓉至省城四月癸未西安將軍多隆阿薨

優詔賜卹

子諡忠武陝甘等省皆建祠多隆阿齊齊哈爾城人轉戰鄂皖有功爲胡林翼所重所部皆楚軍陳玉成之滅多隆阿功爲多平生不識漢字用兵自與古合其料敵決策人

人吃爲神奇自僧王塔齊布外助績莫與爲比統兵十餘

年所得祿賜分贍將士未嘗私其家每家書至輒手碎之曰勿令擾我慮也及其卒中外惜之

詔穆圖善爲荊州將軍接統楚軍回援湖北以粵捻皆萃鄂境也川匪藍二順自鄂西入陝聲言復仇五月合僞啟王梁成富從開道出大峪西安大震

詔切責劉蓉李雲麟留穆圖善後隊在陝會剿賊由子午鎮灃河陷鄂縣傍山西走金順馬隊邀擊敗之蓉以多部大半赴鄂咨雲麟自興安援省城

詔慮興漢空虛令雲麟屯漢中扼華陽佛坪留壩屏蔽四

湘軍記

卷十三

六

川六月蓉與穆圖善親攻鄂縣曹克忠敗賊黑水峪賊目葉毓廣降七月曹克忠收降賊王克昌等四千餘人鄭永和等五千餘人王克昌者隸僞啟王部鄭永和者僞翼王餘黨所謂中旗者也甲辰劉蓉穆圖善會攻郿縣壬子賊踰秦嶺西走略陽入甘肅陷階州陝西軍罷周達武出屯防蕭慶高等防漢中十月周達武進攻階州十一月徵蕭慶高等會師何勝必以疾留廣元胡中和自敘南防所出廣元代領其眾攻階州令黃鼎自募一軍助之

四年五月胡中和等克階州藍李餘黨盡平蕭慶高還鎮

漢中周達武進軍松潘討叛番番據險抄掠所部八千人驚幾潰九月略地置臺站如承平時

詔授周達武貴州提督始議援黔巡撫劉蓉罷以四川按察使趙長齡代之蓉未遇時懷奇自負不肯隨時俯仰同邑曾國藩雅重其文行其贈詩有四海一劉蓉之語年三十六猶偃蹇不得一衿湘鄉知縣朱孫詒召赴縣試舉為首始補生員國藩在江西蓉隨戎幕浔保知縣同知銜胡林翼謂其才可大用密疏薦之沈淪下僚時人未之奇也駱秉章之援蜀初保知府達奏權藩司

湘軍記

卷十三

九

朝廷因而畀之順天府尹蔣琦齡陳時事頗譏論蓉乞罷而秉章疏請留蓉及擢陝撫編修蔡壽祺上書言事復訾蓉夤緣蓉憤甚抗疏力辨盛自稱許其略曰凡夤緣者必其平日縈情於寵利不勝其歆羨戀慕思一得之以快其意然後喪其本心捐廉棄恥而為之臣雖愚陋其於希榮慕祿降志辱身之事往往不待禁而自絕於心蓋其自治尙有精於此者而此特其粗節乃蔡壽祺以其不肖之心肆情造謗惟所欲言直欲厚誣天下謂無復有稍知廉恥之人之事則何其情之悖也又許奏壽祺前在蜀劣蹟

事下秉章案驗於是御史陳廷經復疏攻蓉部議奪蓉一級蓉在陝承兵燹彫敝之餘專意撫綏不復募帶勇營然賊至用城守兵自將出戰輒擊走之在官潔清自守察吏愛民其傲岸自高亦往往為世所排擊十月趙長齡移撫山西復以蓉為陝撫駱秉章請疾崇實兼四川總督惟軍事仍倚秉章於時川陝內寇略定

五年二月劉嶽昭擢雲南巡撫將所部湘軍轉戰以往十月捻酋張總愚竄商州西至朝邑甘回犯甯州陝中大擾詔催提督鮑超入關十一月劉蓉遣軍擊捻於華陰敗績

湘軍記

卷十三

十

詔罷蓉以喬松年代之蓉仍領軍事是月四川總督駱秉章薨癸酉天大雪捻自臨潼趨省城官軍屯灞橋為騎賊所抄總兵蕭德揚敗死陝軍三十餘營皆潰蕭何舊部遂盡

詔左宗棠督陝甘軍討捻回提督劉松山領老湘營入秦劉蓉歸老於家其後京卿劉錦棠率師出關威稜天山將軍穆圖善金順領鄂軍西征屯車師烏孫楚人戰績遍西北矣

王定安曰略文忠沈毅靜鎮碌碌若無所能而其大用在

任賢不貳。屈己以從人。古之仁賢諸侯。眾矣。其建偉勛。熙鴻號者。必得魁材哲士。師事而友暱之。如管仲趙衰百里奚樂毅之倫。苟其材也。雖舉國以聽可也。自宋以來。世議漸隘。士大夫喜自賢。在上位者。不屑屑授人柄。苟有所倚。任則舉。世駭然。不以爲侵官。卽以爲撓權。若駱公之休休好賢。若已有之。豈非古大臣風度哉。當其在湖南。獨任左文襄籌餉募兵。事專於幕寮。譏叢毀積。而弗之改。於是援師四出。捷音望於道。勛業巍巍。被鄰省矣。文襄旣已大任。乃掣劉公蓉籌蜀事。用諸生不三載。超擢撫。劉公勛望。

湘軍記

卷十三

三

不逮文襄。要其文章志節。固一時之傑也。駱公旣薨。蜀人野祭巷哭。爲之罷市者累日。稱頌功德。則皆曰。蜀中自諸葛武侯以後。一人而已。嗚呼。任賢之效。豈不大且偉歟。

湘軍記卷十三

東湖黃學濂校字

湘軍記卷十四

東湖王定安撰

平黔篇

平黔篇

漢西南君長數十。其大者曰夜郎。曰滇。今之雲南貴州是已。貴州之地。東西距二千里。嶄巖密箐。苗夷交錯。田磽而民瘠。

國家沿明制。設巡撫於貴陽。賦稅所入。歲十餘萬金。纔敵江浙一大縣。雍正乾隆間。大學士鄂爾泰總督張廣泗等。開闢苗疆。地拓而戍益增。兵精官祿。仰給他省。有事則調。

湘軍記

卷十四

一

川楚兩粵兵。竭天下財賦圖之。蓋荒陬險阻。苗情慌忽。經營若斯之難也。自洪楊亂起。東南隩區淪於賊。協黔之餉不至。巡撫奏徵兵餉。

朝廷輒指鄰省助其急。鄰省方自謀。難兼顧。率用空文相餽遺。無實濟。然貴州尤近湖南。踞上游之勢。苗患朝發。則楚邊夕受其敝。故湖南之援黔。所以紓鄰禍。亦所以固吾圉。非好勤遠略之謂也。黔亂之興。首發禍者。安順興義。厥後蔓延日廣。益紛厯不可治。然總其名有六。曰苗匪。教匪。曰黃號。白號。其小者曰槓匪。狎匪。其他濫竽游勇。逆回悍。

夷揭竿踵起者不可枚舉而粵賊石達開往來蹂躪猶不在此數焉苗匪者稱九股黑苗其種族散居八寨麻哈清平黃平鎮遠施秉天柱及黎平銅仁諸屬尚寨深阻人跡罕至而張秀眉高禾為之長張秀眉者統清江台拱邛水施鎮生苗及九股黑苗皆其爪牙其黨魁包大肚潘老冒姜老拉分據要害相犄角而天柱思州民至數百為所脅服輸金納賦供其役使高禾者本革夷種胡林翼在黔破滅革夷高禾與九松等三十餘人逸出為盜旋就撫充苗練從征湖北以騷擾遣歸潛居清台煽羣苗為亂苗之禍

湘軍記

卷十四

二

自高禾發也其踞貴西與川黔軍相拒者其酋數十而金大五陶新春為之長金大五者本名李開元其父曰偽李王與教匪高禾九松倡亂偽李王死襲偽位僭號英明王其黨魁嚴大五踞黔西楊大六踞丹江為之羽翼張秀眉等亦乘承號令弗敢違陶新春者踞畢節之猪拱箐有眾數萬時掠川滇邊地而苗夷土匪散勇游民雜處其中亦貴西巨寇也教匪者其魁數十其徒黨數萬分踞平越開州修文貴定安平定番廣順屢犯貴陽省城而何得勝潘明傑為之長何得勝者踞烏江其巢曰尙大坪於諸賊中

最兇悍所謂何二強盜者也潘明傑者分踞都勻屬地其巢曰罷芒常結何得勝攻貴陽而黃么獐時為何潘之助省城幾陷者數矣號匪者起四川其魁自涪州敗露逃入思南煽民團為變黃號曰濟安團白號曰致和團有眾十餘萬居思恩屬者十之七石阡屬者十之三而劉義順為黃號之長胡黑二為白號之長積匪狎匪者其黨稍微狎匪出沒耶岱鎮甯之間積匪距大定之水城掠平遠然皆借猪拱箐苗酋為聲援此其略可指數者也初咸豐四年冬興義安順匪起陷普安及安南城巡撫蔣蔚遠督軍遵

湘軍記

卷十四

三

義討之奏徵湖南兵赴援其時永順有土寇駱秉章遣辰沅兵往捕未遑西也五年三月苗匪楊隆瀄作亂焚黃平舊城羣苗響應九月教匪自麻哈踵起應之遂與之合每出掠教七苗三戰則倚苗銃為助得上腴地則苗徒家畊焉食匱則苗輸之糧有小挫則苗教大出鉦聲滿山谷十月銅仁舉人徐廷杰以苗教猖獗假苛征聚眾陷城殺知府葛景萊洞苗從之者萬人十一月出陷松桃遂攻鎮筵掠麻陽晃州湖南官兵躡擊之羣匪散走留兵戍松桃銅仁

六年蔣霽遠以同知王敬烈知銅仁因案株連五洞團丁皆叛五月銅仁匪攻江口湖南成兵破之將士多傷復增兵往屯是時貴州吏無敢官銅仁者乃以知縣彭瀾攝知府知府楊書魁護貴東道書魁將三百人於道被匪劫所部先潰囚書魁瀾懼出走亦獲之鎮筸總兵屯界上與銅仁成軍遙相應七月匪犯晃州九月松桃石峴苗窺永綏而永從苗先犯通道黎平六洞苗入靖州復合土寇陷古州廳城沿邊屯砦焚毀略盡於是湖南西防益急而自銅仁達辰州乘沅水數日可至駱秉章尤注意守銅仁以自

湘軍記

卷十四

四

蔽匪攻銅仁湖南成軍擊卻之乃趨鎮筸成軍乘虛襲破其壘銅仁解圍十月成軍攻三元屯破其三堡躡之三角莊羣苗與土寇離潰悉捕諸酋誅之楊書魁始出於賊蔣霽遠聞楚師大捷則大慙愠仍檄王敬烈知銅仁撓之秉章乃檄成軍還湖南十二月楚師出靖州討永從苗七年四月攻克金山砦苗繞犯靖州卻之楚師進黎平增兵攻永從六月克其城檄貴州將韓超駐黎平招撫六洞苗資以餉銀三萬兩韓超秉章所薦拔也是年八月思南號匪始起

八年三月廣西懷遠盜合黔苗犯黎平秉章遣副將田興恕入黔助拒之時鎮遠復陷而思恩銅仁苗教號匪眾數十萬援軍枝柱思州清谿玉屏邛水間頻以提聞九年八月石達開入黔邊聲言假道窺蜀思州苗爭起應之九月楚軍攻思州破風崖等五砦進攻鎮遠苗輒棄壘走我軍守其空城闕市皆墟十月石酋竄南丹窺獨山荔波秉章檄田興恕分軍進黎平視石黨所嚮爲戰守十年三月

湘軍記

卷十四

五

月石黨自廣西西隆渡紅江入黔掠興義貞豐歸化另股擾黔邊興恕部將沈宏富要擊於石阡六井山毀其壘二十一宏富屯甕溪賊悉銳來犯設伏擊走之乃分陷廣順永甯五月陷歸化署安順知府周夔參將全興戰歿遂圍鎮甯分黨掠安順安平苗教號匪聞粵賊至乘機肆出陷修文附省數十里寇氛殆遍而石黨前鋒已至羊昌河省城戒嚴劉源灝飛促興恕赴援興恕奏言黔省上游道路分歧可黔可蜀若賊以一股擾黔一股入蜀道遠兵單斷難兼顧現飭韓超防鎮遠沈宏富趨湄潭劉義方進松桃

臣駐石阡居中調度如石逆上竄卽親會川兵堵剿如其
窺楚卽馳回靖州

上以貴陽危急促興恕間道援省城六月石黨分股下竄
其一由龍里走都勻麻哈至羅斛其一由長寨走歸化與
土寇合而石酋所謂後旗者在永甯其黨離貳殺其偽宰
制余忠扶遂走獨山教匪導從僻徑襲州城七月甲午陷
獨山殺知州侯雲沂乙巳總兵巴揚阿復歸化歸化賊走
長寨陷定番殺通判恩常八月掠青巖十月獨山賊掠平
浪定番賊陷長寨同知劉宗元罵賊死是冬獨山賊還走

湘軍記

卷十四

六

廣西融縣入湖南

十一年正月定番賊還走廣西慶遠二月安順賊合狎匪
渡六圭河圍畢節掠梓潼關署巡撫何冠英提督田興恕
遣楚軍自大定前擊杜其入川三月黎平苗犯靖州掠通
道綏甯石黨從之復走義甯靈川湖南軍皆南防五月畢
節賊陷大定圍營楚軍李有恆等破之歸化橋戊戌有恆
等擊賊畢節西南門破其壘二十六畢節圍解八月石黨
自仁懷竄桐梓楚軍楊巖寶等躡之殛其酋朱洪新別股
李添亡全數殲焉餘賊入四川至涪州白馬鎮先是駱秉

章奉

命督四川軍布政使文格署巡撫未幾

改命按察使翟誥秉章行至半途劾罷之

詔毛鴻賓爲湖南巡撫

朝廷以石酋詭譎其黨徒往來黔粵慮結苗教大出爲楚

蜀害尤倚任楚軍

擢道員江忠義加二品頂戴署貴州巡撫湖南故主貴州

兵餉鴻賓以西南防急奏留忠義領軍比於部將十月石

黨陷會同十一月攻黔陽陷瀘溪鴻賓劾忠義委軍歸葬

湘軍記

卷十四

七

罷其貴州巡撫

詔改提督更以道員韓超加二品頂戴代忠義石酋自靖

州走沅江麻陽趨浦市而東西窺四川其黨先陷湖北來

鳳石酋至永明與之合羣賊西入川道員劉嶽昭圍來鳳

詔嶽昭自東而西田興恕自西而東夾擊之

同治元年正月授興恕欽差大臣專督貴州軍責餉湖南

毛鴻賓怒奏停其協餉未幾興恕罷興恕忠義皆起行伍

有驍勇名所至賊畏之然在湘楚爲偏裨才其期望比於

羅李彭楊瞠乎遠矣自布衣不十年至專閫監司訖持帥

節佩督師印年纔及壯鴻賓陰忌之以爲不厭眾望二人竟以劾免當二人初被

恩命感

聖主殊遇奮發思立功名以報

國及其罷黔事遂不振興恕之兼權巡撫也天主教人與黔民鬪乃捕斬其教酋法郎西公使憇之

朝吏議奪官時川寇亟興恕自請率兵入川聽駱秉章節制

詔許之三月回匪陷興義石阡銅仁苗匪攻鎮道營壘悉

湘軍記

卷十四

八

陷之遂攻印水戍軍潰匪南掠松桃北攻天柱湖南增兵防晃州

詔責韓超專恃援師負疆寄五月復徵湖南水師扼沅水

七月援師進天柱印水匪散走收其城八月攻漢砦擲火

燒之匪驚遁是時秋瘴起援師畏毒癘皆還晃州閏八月

石達開自綦江入黔分三隊隊各三萬餘人一走黔西一

走遵義一走桐梓遣沈宏富李有恆全祖凱等逆擊敗之

賊分掠仁懷綏陽畢節郎岱官軍躡之乃由普安遁入滇

十月復道鎮雄入川陷筠連高縣

詔張亮基督雲南軍

二年正月思南石阡苗教合踞荆竹園攻陷印江結銅仁

匪分犯清谿玉屏以張亮基督貴州巡撫勞崇光署雲貴

總督二月石黨自鎮雄掠畢節猪拱箐苗匪應之陷林口

團營另股由昭通入威甯於是水城郎岱平遠皆擾三月

清江苗陷古州攻黎平楚邊姦民多爲所誘鎮雄粵賊走

大定昭通粵賊走遵義四月遵義賊走黔西桐梓勞崇光

行次綏陽與賊遇入旺草寨召鄉團迎擊飛檄沈宏富樊

希棣等率二千人渡河截之田興恕率千人繼至合擊大

湘軍記

卷十四

九

破之擒斬五千餘崇光以捷聞且言粵賊現屯南坪界連

正安婺川勢將入蜀興恕前奉

旨赴川差遣應令至成都聽駱秉章節制

詔以教案未結罷其行其後竟論戍邊四月石達開殛於

蜀其黨李復猷走婺川七月至酉山秀山開道入松桃同

知劉侶鶴躡之湖南邊八月入永綏掠會同綏甯走廣西

遂訖於滅石寇平十月楚師出援黎平是年毛鴻賓擢督

兩廣憚世臨代爲巡撫檄周洪印戈鑿援黔

三年正月貴西苗匪陷開州修文貴陽戒嚴二月援軍收

古州益西攻都江五月苗匪陷天柱玉屏七月犯沅州掠沅靖五縣十月黔軍復興義回匪遁十二月官軍復收玉屏大徵諸軍屯沅晃奏以趙煥聯整飭諸軍

四年二月惲世臨罷李瀚章爲湖南巡撫

朝廷以洪寇平垂意滇黔下曾國藩李鴻章等等論全局三月國藩奏曰查滇省於天下爲最遠黔省於天下爲最貧當此事局糜爛之餘實有鞭長莫及之勢然

皇上紹承大統雖在新疆萬里之外猶且尺土在所必爭一民在所必救况滇黔尙屬內地豈得不力圖遠略規復

湘軍記

卷十四

十

舊基自古行軍之道不一而進兵必有根本之地籌餉必有責成之人故言江南者必以上游爲本謀西域者必以關內爲本理有固然古今不易臣愚謂謀滇當以蜀爲本卽以籌餉責之四川總督謀黔當以湘爲本卽以籌餉責之湖南巡撫蜀之南多與滇鄰湘之西多與黔鄰進剿卽所以自防勢有不得已者義亦不得而辭惟旣令其專謀一方則不能兼顧他省試就湖南言之近年西剿貴州東防江西本省之兵爲數不少而又有東征一局以巨款解濟皖吳此外又有滇捐之局黔捐之局江西捐局浙江捐

局各處之籌餉愈多則本省之進款愈少斷不能大有作爲上年惲世臨派周洪印戈鑑等進剿貴州連克古州都江上江天柱四城黔民已有來蘇之望當時若能乘勝進取北剿鎮遠南攻都勻卽可與貴陽省城通氣勞崇光亦不至坐困若此因湖南餉項無幾惲世臨不敢募勇添營大舉深入致負黔人之望今

皇上慨然遠慮思出黔民於水火飭臣與李鴻章妥爲區畫新任撫臣李瀚章本在臣營六年之久又係李鴻章胞兄金陵回湘之勇蘇軍得力之員多與李瀚章相知相信

湘軍記

卷十四

十一

若令選將練兵專圖黔事必可次第奏功但東征局旣裁之後只能酌添本省之釐以濟平黔之餉不能多供甘肅更不能分濟雲南謀一則情專餉分則力薄此謀黔之一說也又就四川論之近年肅清本省協濟外省亦已悉索做賦杼柚久空成都去滇省近三千里萬山叢雜兵多則糧運極艱兵少則回匪難制卽竭蜀力以圖雲南尙恐難濟又况川北之保甯龍安須以重兵防甘肅之賊川南之酉陽瀘州須以重兵防貴州之賊其勢不能專事滇境而盡棄他處然滇省孤懸南徼惟四川相距稍近昭通東川

三府康熙以前本隸四川雍正年間始隸雲南

皇上不忍置滇民於化外舍蜀別無下手之方倘使四川督臣能兼督辦滇省軍務之銜或竟赴敘州駐紮半年調度一切每月專解滇餉四五萬撫臣林鴻年進紮昭東庶幾有恃無恐而文武兵勇之相從入滇者去其有往無歸之懼乃可致其立功殺賊之心數月之後果能於昭東立定腳跟修明政事滇民感

天子之不棄遐陬信撫臣之足資保障相率來歸共圖勦回之法然後開銅廠以興鼓鑄造戰船以利轉運或可挽

湘軍記

卷十四

三

回全局此又謀滇之一說也張亮基欲徵兵於蘇皖林鴻年欲分餉於長沙其用心良苦而其成效難期倘蒙俯采臣言以黔事責之湘撫以滇事責之川督則甘肅之餉應責成江蘇江西浙江湖北四省臣等均不敢有所推諉詔允行之是時四川無事

授劉嶽昭雲南布政使駱秉章以其軍援貴州四月進攻正安以援遵義五月克正安嶽昭遂駐軍貴西而湖南之軍方議合四省防粵賊汪海洋安仁攸縣受霆營叛卒之擾八月增兵防郴桂悉汰援黔諸軍爲二十營以周洪印

領之十二月汪海洋及叛卒皆平李瀚章始議援黔

五年春楚軍增至二萬分三路出貴東以兆琛周洪印爲大將出靖州起前按察使李元度募新軍出沅州兆琛以知縣至湖南臬司周洪印以千總至總兵自黔事起領兵幾二十年號爲諳習邊情

朝廷方憂黔亂揀知兵者爲監司遷兆琛貴州布政使席寶田貴州按察使而責江西巡撫劉坤一月供寶田餉四萬其時寶田解兵歸里軍未集也兆琛雖久領黔防沅靖被寇自如元度懲前失銳意攻砦聞石阡荆竹園號匪勢

湘軍記

卷十四

三

盛率周洪印親攻之匪負隅固守官軍勇無所施或時出戰見大軍出則皆走險阻自保時乘雨夜盜掠士卒值其卧輒竊殺之荆竹園久不下苗匪往來如故邊縣不常其得失於是前失職者頗議元度治兵無以異於兆琛湖南月餉十餘萬爲勞費矣回匪陷興義殺漢民萬三千戶遂掠永甯鎮甯及普安廳踞之是時劉嶽昭駐貴西克綏陽匪首吳元彪故練弁嶽昭令帶千二百人自贖進攻同心寨克之擊破黔仁號匪解遵義圍

詔擢嶽昭雲南巡撫令先清黔匪與湖南援軍上下夾擊

嶽昭奏言黔中羣盜如毛飄忽無定此次由黔西大定進兵泐平一處即須拔營前進不能留兵代守倘州縣不得其人兵去賊來勞而無益應由貴州撫臣揀賢員籌善後上可其奏時貴西郡邑陸沈苗砦匪巢蟬聯蝟集延袤千餘里不可爬梳貴陽孤立賊中巡撫號令不能出城外嶽昭乃議先攻仁懷黔西保清鎮以達貴陽且言省城重地文報不通譬如治病者咽喉不能下藥心腹不能運氣而欲起四肢痺痿之症雖良醫亦有所不能

朝廷以為至論八月進攻仁懷復之環仁懷皆號匪巢其

湘軍記

卷十四

古

名者楊閃西踞馬滾坡周大汝踞羊窩譚鄭二酋踞大小聖汪草登楊四妹踞大壩箴箕壩各擁眾數千遙恃黔西巨寇何正舉為聲援正舉烏江何得勝黨也嶽昭遣將截黔西援匪乃引軍深入縋幽懸險轉戰五十餘日悉破平之仁懷肅清留兵代戍十月進黔西克來蘇場擊何正舉大破之斬千餘人遂克平壩聖山正舉遁歸棗竹山棗竹山者高五六里孤峰削立三面嶄絕無路四圍密箐縋以石垣嶽昭先遣人斷其汲道揀敢死士數百乘夜攀藤緣磴上比逼巢列炬鳴鼓匪愕而礮擊士卒仰攻者多傷亡

而山後伏兵火起照耀巖谷羣匪多墜崖死遂克棗竹山是時楚軍聲威大振羣匪爭乞款十一月仁黔苗號二十餘洞歸誠解散萬餘人十二月襲破沙窩黔西解嚴嶽昭遣將護餉入省貴陽運道始通於是駱秉章崇實張亮基嚴澍森爭疏留嶽昭緩赴雲南澍森時以廣西臬司奉命查黔事因陳三路進兵之策以大定為西路劉嶽昭任之貴東各郡為東路李瀚章兆琛等任之遵義為中路席寶田任之且言東路鎮遠思州都勻黎平四府困於苗匪銅仁石阡思南三府困於號匪中路貴陽平越遵義三府

湘軍記

卷十四

五

州則苗教雜處或寨堅巢險一夫當關萬夫莫越或蟻聚蜂屯一人響應萬醜景從湘軍血戰於荆棘之叢效命於虎狼之穴即使尺攘寸收閒有所得而朝取暮失退守無從攻苗匪則號匪梗其中擊號匪則教匪繼其後劉嶽昭兆琛兩軍相距千數百里遠者二千里陸有崇山峻嶺之阻水有重安清水烏江之隔此限於地勢不能違合者也嶽昭部兵才七千以之通仁懷泐黔西清大定攻猪拱箐前有林立之強寇後無可靠之勁旅祇此孤軍奔馳數百里即使事機順手非經年累月不能成功若再令折回遵

義則大定軍事付之何人事機一失嶽昭永無赴滇之日。湘軍終無夾擊之期。此席寶田之所以必出中路者也。詔下其議於李瀚章。且促席寶田募舊部六千道常德以達遵義。

六年二月嶽昭克修文之大聖。朶朶壩解平遠圍。猪拱箐苗酋陶新春見官軍日逼。約號匪魏洪發黃洪順糾苗教萬人自安順安平橫出平遠。平遠牛場花苗與之合。遂入黔西腹地。肆焚掠。騎賊慄疾。一日夜行三百里。至沙窩將襲黔西城。嶽昭遣總兵沈茂勝等扼仁懷要隘。鄒復勝堵

湘軍記

卷十四

六

牛場花苗自督總兵吳安康等迎戰。連敗之。楊店羊場狗場羣匪懾楚軍威。併聚龍安壘。爲石壘拒我。圍三日。破其壘。匪奔三重堰。道員林肇元等伏起。擒魏洪發黃洪順。獲馬三百餘。三月吳安康等乘勝攻蔡板苗。皆克之。擒汪草登等駢戮之。黔西肅清。魏洪發黃洪順自成豐五年倡亂。歷十有三載。僭號王侯。攻掠城堡不可勝數。及其誅。遠近稱快。四月安平匪掠清鎮。遣謝景春擊走之。六月雲南布政使岑毓英攻克猪拱箐。猪拱箐者隸畢節。毘連滇之鎮。雄蜀之敘。永山廣數十里。峭壁千尋。僅一面可通徑。五年

冬其苗犯鎮雄。勞崇光以其毒害三省。遣毓英率大兵討之。毓英圍猪拱箐半載。毀柵壘逾百。遂逼山巔。而壘劉嶽昭策匪巢垂克。乃攻平遠花苗。杜外援。滇軍番休迭擊。苗酋陶新春張黃蓋督萬人。傾巢出戰。圍營多陷。毓英親率楊玉科陷陣。截賊數段。擲火箭燒其柵。會天雨。退軍。越日。束草填濠。毓英揮戈先登。諸將士從之。羣苗驚潰。陣斃及墜巖澗者萬餘。乃使土目呼曰。降者免死。眾皆棄械乞命。遂克猪拱箐。擒僞元帥陶新春。及黨魁四人。賊目三百餘人。悍賊千二百人。皆梟誅。拔難民五千餘。悉給資安插。猪

湘軍記

卷十四

七

拱箐既平。三省邊患始稍紓矣。七月嶽昭軍攻平遠苗。進圍牛場。破其月城。滇軍攻海馬姑苗。大破之。是時勞崇光薨。張凱嵩爲雲貴總督。未至。以臬司宋延春暫權之。而迤西寇急。嶽昭奏令毓英回師曲靖。朝旨亦促嶽昭赴滇。嶽昭益督諸軍攻牛場。九月克之。擊定南關苗於河澗。盡殲其眾。白泥苗反正。於時貴西漸靖。嶽昭率楚師赴滇。曾璧光爲貴州巡撫。貴東援軍三萬歲。糜餉二百萬。久出無功。湖南巡撫劉峴疏劾。兆琛身任黔藩。鎮遠失守。不審機宜。周洪印駐軍沅州。賊至移屯託口。

賊退託口復回沅州取巧避兵曾不知恥請免兆琛官議
洪印罪遣散所部酌留三營屯防布政使銜李元度攻荆
竹園曠日無功先奪一階而更薦席寶田募萬人援貴東
駱秉章亦言兆琛等辦一年無成效薦席寶田王永章
成大吉各募勇五千

詔皆報可又以劉嶽昭赴滇飭川軍出遵義援應貴陽十
月寶田軍至沅州十一月天柱苗出攻會同寶田部將席
啟庚戰死李元度聞寶田至則急攻荆竹園破旁砦二十
五水師破旁砦七益作壘逼之十二月寶田進軍石阡與

湘軍記

卷十四

六

元度察地形寶田曰若據北岡荆竹園可破也元度依其
法作二壘寶田列陣待戰號匪來爭攻元度新壘席軍遽
退新壘潰明日寶田獨率軍屯新壘匪復來攻奮擊走之
既得北岡砦匪無固志矣

七年正月元度寶田圍荆竹園分攻東西卡將士薄門爭
柵元度部將黃元果先登遂克荆竹園黃號白號及石黨
俘斬略盡用兵踰一年而後有此大捷諸將人人自奮苗
教聞風瓦解於是元度進屯偏刀寶田進轎頂破三十六
砦撫定者百有十收民口二萬八千二月苗酋張秀眉犯

晃州三月犯沅州麻陽寶田還軍要擊於麻陽其部將榮
維善要擊於沅州皆大破之苗前以深入疾歸疲我諸援
軍恐其擾善地不敢遏故累得志至是始大創終不復東
犯矣寶田已擊破苗眾麻陽則泝沅水西上四月還至黔
連克苗砦四駐軍砦頭作大壘以攻台拱羣苗大恐十二
酋爭作壘相保四川援軍至偏刀與李元度會師降七十
八砦四月克偏刀元度告歸汰其軍為三千人悉隸席寶
田寶田以繼母喪歸榮維善暫領其軍事未幾仍起督軍
黃平麻哈清平苗援台拱合攻砦頭守軍拒破之五月江

湘軍記

卷十四

九

口苗繞攻清谿六月攻荆竹園七月攻上河皆為守軍所
敗苗之來也其戰恆依險塞官軍勝則孫升免脫慄急不
可捕捉或閉壘自守則散佚四出益焚掠無所忌寶田議
曰今苗之強者無踰台拱右鎮遠而左清江為之兩翼兩
城不克即台拱不可得不通砦頭左右即兩城不能克台
拱克則羣苗解體矣宜增兵處處為防而後可以言戰乃
上書劉峴請益萬人峴從其議以黃潤昌為大將鄧子垣
副之領萬人出晃州北路而令寶田專南路寶田乃誠榮
維善用雕剿法行不持帷帳居不依城砦因敵糧宿敵壘

維善率所部轉戰山谷間。懸軍五日。苗偵者率莫測所嚮。或越大砦攻小砦。或已過復還。時十一月大雪。軍中亦不知維善所在。遂屠七砦。撫四砦。砦頭南路平。乃謀北通鎮遠。攻抱金。破七砦。西通桐柏。油苗破之。十二月。克稿繞。於是砦頭北至鎮遠八十里。苗砦皆空。黃潤昌聞之。馳至思州。攻鎮遠。鎮遠城分府衛然久圯。守城苗無固志。潤昌至。克之。戈鑑軍移駐清江。清江有大苗砦二。曰公鴨。曰董敖。雍正中。鄂爾泰用二萬人圍董敖。不下。撫之而還。羣苗恆以自恃。

湘軍記

卷十四

二十

八年二月。榮維善引軍渡沅。先越山攻董敖。破之。還攻公鴨。又破之。諸苗下者七十八。遂克清江廳城。施秉苗聞風。震懼。乘勝襲其旁砦。收施秉。進克餘慶。四川援軍已至黃坪。兩軍相距才六十里。於是黃潤昌鄧子垣促維善會師。合萬八千餘人。自施秉進攻白洗。養谷皆下之。維善以軍久疲。請休士。裹糧。潤昌意在急戰。維善不得已。率師先發。度黃飄山。行者頂趾相接。苗憑山拋石。維善揮將士疾行。出險。潤昌軍創見。則以爲已陷伏。爭道相擠。苗乘之。軍大潰。自相踐而下。潤昌子垣俱死。維善初遣蘇元春往援。亦

敗退。已聞潤昌等戰歿。乃大憤怒。率親兵二百入求其尸。袒衣持刀。戰良久。苗圍之數匝。乃退保一山。苗來益眾。急起潰圍出。反攻山間苗砦。破之。得其飯。以果腹。復出縱擊。終不得脫。苗列炬夜守之。三晝夜。維善與二百人俱死。其先走者皆無恙。鎮遠敗聞。湖南大震。而苗方幸休息。終不入犯。四月。寶田親攻稿米。夜行五十里。徐啟瑞戰不力。立斬之。軍懼。卽破其砦。遣軍分守鎮遠及施秉。寶田仍還砦頭。時捻匪平。

湘軍記

卷十四

二十三

田軍行皆兆琛所至。易將已二載。師仍無效。爭欲罷其軍。而劉崐獨謂寶田可任。更增兵萬人。以張自牧司轉餉。奏言苗巢深阻。進兵宜分三路。一從清江徑指台拱。一從砦頭進攻施秉城。取施洞。一從施秉渡沅水。上可其奏。五月。黎平苗攻屯營。龔繼昌黃元果合拒之。六月。進攻廖洞冰洞。七月。刈其禾。九月。始達施洞。十月。苗犯鎮遠。鄧善燮自清谿赴之。苗引去。龔繼昌等攻抱巖九砦。克之。思州苗出攻州城。蘇元春敗之高浪。是年。興義回匪犯普安。劉嶽昭遣軍擊走之。

九年三月大合軍攻施洞苗邊洞口礮還自炸乃走九股河追之至白土施洞既克南北軍哨旗相望乃進施秉破其七砦白洗苗來援寶田親督大軍破之會四川檄還援軍月助餉五萬俾貴州自募兵湖南軍將益專任苗事八月龔繼昌定施洞北岸諸砦寶田銳意攻台拱台拱苗砦以百數革夷最大十月寶田先攻革夷旁三砦克之進破革夷薄台拱廳城苗棄城遁遂克台拱進軍九股河九股黑苗者自楊應龍以來頻拒大軍皆以深阻約降而退官軍未嘗入其境寶田初議滅之已乃分別勦撫寶田用兵

湘軍記

卷十四

三

三月平苗砦二百一十雞講丹江苗皆請歸化

十年四月進軍凱里凱里者台拱夙倚爲援者也聞台拱破則收餘眾使居全洞全洞凱里雖嶄絕官軍經百戰破砦以千數殊以爲易取寶田以用兵久湖南疲於供餉欲必破凱里而罷兵悉召諸將勉之期旦日破苗而會食比戰寶田親鼓之官軍火鎗仰攻苗拋石下擊死傷枕藉久不下乃令諸將更食迭戰唐本有者於席軍未知名聞其部將死奮起攀砦垣以登諸軍仰視呼譟從之苗驚潰踰砦跳走顛仆踐死者無數既克凱里全洞從而潰得官印

以百計遂乘兵威悉脅收旁近二百餘砦還軍施洞沅水南北岸乾隆中所設六廳城皆復進麻哈定黃平苗事略定張秀眉逃保雷公山官軍逼之燒其壘跳五月下苗砦十二軍益西進八月苗襲雷公山要擊走之苗悉眾保黃茅十月龔繼昌攻黃茅克之得其糧以供軍張秀眉益不振是時劉峴罷王文韶爲湖南巡撫益促援軍破賊龔繼昌戈鑑徇丹江而北破囊猛三砦旁近砦盡下之進攻報德克其七砦乃進囊德連日雨雪層冰結巖際仰攻甚苦繼昌募死士攀峭壁下蘇元章繞出後嶺苗驚潰墜巖死者無數乘勝下烏溜等二十餘砦悍苗俘斬殆盡

湘軍記

卷十四

三

十一年正月援軍分三路趨開懷二月克之殘苗走息滅阿彌舍糾黨犯我營拒破之張秀眉走烏鴉坡時鄧善燮吳自發等已破清水北苗砦唐本有謝蘭階蘇元春循清水而南三月克香爐山兩盆河燬平茶五大寨於是凱里以北悉定惟烏鴉坡未破耳烏鴉坡者岡巒懸亘二十里鄂爾泰昔由八寨取丹江歎其險要因駐師焉張秀眉知勢已衰糾楊大六潘老冒九大白姜老拉巖大五包大肚金大五等麇集烏鴉坡連砦數十全黔叛苗盡萃其中王

文韶策羣苗鋌聚絕地勢將致死飛檄諸將和衷會戰以圖聚殲於是唐本有謝蘭階由凱里進攻烏鴉坡西北約黔軍駐丹溪扼其西南龔繼昌蘇元春由東南徑攻張秀眉若戈鑑由烏溜前進與龔繼昌相犄角羣酋見長圍已合率死黨拒戰我軍頗傷亡而士氣彌厲唐本有乘夜襲破其卡燒苗棚千計苗亦自焚其棚退踞牙塘唐本有等躡之悉奪牙塘烏遂猴子坳苗若投械乞撫者六萬餘人時龔繼昌蘇元春已破張秀眉若戈鑑已破楊大六若殘苗聚保烏堡冷水溝將北走以春水盛漲不能渡黔軍復

湘軍記

卷十四

五

截之河干繼昌元春揮軍馳之截賊爲兩斬數千人降萬人會天大雨張秀眉九大白乘雨出走繼昌戈鑑追之至挂燈斬九大白揭其首於竿苗見之羅跪乞降者二萬餘人是役自丙申至壬子鏖戰十七日烏鴉坡二十里苗若悉平留蘇元春駐其地撫降眾四月甲寅朔龔繼昌自南刀進雷公坪搜捕餘黨殲嚴大五於陣己未擒姜老拉訶知張秀眉楊大六猶伏烏東山繼昌親搜之苗黨四五百人持短刀殊死戰戰良久張秀眉楊大六仆地就擒復獲金大五於白水洞檻送長沙梟誅其他苗教各酋或俘或

斬無一脫者是月劉嶽昭遣軍擊破興義回匪遂克興義貴州平王文韶繪圖以進奏言苗疆山川阻深其形勢道里雖土人難以悉數苗民躡捷剽悍專以劫殺爲事固其性俗使然亦緣憑恃險阻勢難窮其所往故叛服不常久以化外羈之我

朝雍正年間始開苗疆創建六城曰古州曰台拱曰清江曰都江曰丹江曰八寨謂之新疆分設鎮協營汛及同知通判等官以資控制乾隆二年增建凱里雞講朗洞柳羅各城佈置益密新疆地界跨鎮遠黎平都勻三府之間與

湘軍記

卷十四

五

衍蟠曲苗民孳息其中丁口約五六十萬里寨星羅幾無隙地自咸豐五年倡亂六城所屬之苗先後叛逆新疆全境陷沒蔓延日久黎平鎮遠都勻及所屬各城汛悉遭蹂躪而湖南西陲受害尤極同治五六年各前撫臣奏調席寶田統軍大舉援黔先平荆竹園轎頂山教匪以絕其黨援遂克江口望岩頭苗巢駐師四出雕剿鑿險絕幽復城克寨竭七年之力仰賴

朝廷威德幸告成功所有新疆六城均由楚軍規復苗疆千餘里及蔓延處所均已一律盪平現在所存受撫苗民

丁口不過數萬。自古今以來，苗疆構禍連兵，至斯極矣。歷年楚師所至，深入窮搜，類多漢人足跡所未到。前經飭令統軍各將，就積年鞫辦扼塞要害之處，繪圖呈核，以便隨時調度。規畫既久，苗疆形勢頗可指數。遂就各軍所呈，以鄂爾泰新闢苗疆為斷，合為總圖。凡楚軍所復之地，黏簽註明，其都勻、麻哈、清平、黃平各邊境，為川黔軍所克之處，不能盡悉。年月概未加簽。臣惟經理疆域圖籍，是資形勢險夷，必考前轍，謹繪圖咨呈軍機處，用備考核。於是湖南援黔諸軍皆罷，留防軍五千屯沅西。苗或蠢動，不為害。

湘軍記

卷十四

美

王定安曰：貴州之亂，始咸豐四年。訖同治十一年，歷十有九載。比於東南諸行省，蹂躪最久。貴陽之不亡者，幸矣。巡撫困守孤城，號令不出百里。日以呼籲乞援為盡職。其中苗教號稱回狎之屬，其名不可勝紀。而郡縣旋復旋失，其日月難考。吾就楚軍戰績之所在者，撫而錄之。古稱蠻夷之人，其性慌忽。如黔苗者，所謂先叛後服者耶。然劉嶽昭席寶田之功，與鄂爾泰、張廣泗比隆矣。

湘軍記卷十四

武昌范德培校字

湘軍記卷十五

東湖王定安撰

平滇篇

雲南古滇國，其地外接越南暹羅，南掌緬甸，境內則種族繁多。自宋以前，不隸中夏。元明始入版圖。元之興也，先定西域，故於回部最暱。諸行省必以回回一人參知政事，陝甘遼陽嶺北雲南等省，例設回回掾史、通事，知印若干人。中國回族之盛，自此始。回之為教，崇事祇神，其朝天房、謁教祖墓，往往不辭萬里，躬詣禮拜。天房者，墨克也。在雲南

湘軍記

卷十五

一

西八千里。陸行自維西出前藏，水則自永昌出緬甸，航海道印度，即至其國。漢條支地也。中土回民，其傑者往往潛出雲南，至西域朝天房於墨克，謁祖師墓於默狄那。雲南回族之多，殆由於此。然回人居中國，雖歷世久，猶循其國俗，與漢民異禮。漢民之弊，喜侵侮外人，相愚詐，自詡牧令，狃故習，輒以偏袒漢民為盡職。外人誦無所訴，則發憤叫，怒目操白刃相殘殺，其意以為吾尋仇報復，非反朝廷也。至於焚掠無已，戕官據城，雖欲不為亂民，不可得矣。故苗番羌夷之禍，率如此。而雲南陝甘回亂，其尤深且

鉅者也。當回之叛，滇省姦民揭竿四起，又有土酋野貫儂，猥獲夷，乘機縱掠，而貴州廣西羣盜縱橫，其地多與滇鄰，南徼五千里，靈暄不見天日，當是時。

天子方憂中原，不暇問荒遠，大吏坐困無術，則聽將領料民爲兵，就地徵餉，於是驕將悍弁，習爲跋扈，生殺由己，威福自專，地方文武不敢誰何，疆吏稍裁抑之，輒擁眾爲變，滇事益不可問矣。滇亂之興，肇於咸豐五年，其初臨安悍回與漢民私鬪相殺，各召其黨爲助，遠近莠回聞風響應，於是馬金保藍平貴起姚州，杜文秀起蒙化，提督文祥攻

湘軍記

卷十五

二

姚州不克，杜文秀乘虛陷大理，踞之。杜文秀者，故永昌曩潛匿蒙化之大小園埂，園埂煙戶萬餘，村寨二十有八，其民回多，漢少，承平時，回人恃兇橫行，由來已久，文秀之反也，園埂回首糾萬人助之，自下關襲破大理城，永平雲南賓川回聞大理臨安之變，相率殺漢民，據城堡，賓居回亦四出剽掠，提督褚克昌圍賓居，敗死。六年，馬世德據館驛，館驛在臨安通海之交，故有土城，曲江巡檢駐地也。館驛旣陷，滇兮東溝田心及邱北之曰者鄉，彌勒之竹園，皆殺漢民相應，而馬和馬貴等據澂江，略旁近邑，呈貢甯甯宜

良江川諸城皆陷，迤西南騷然無甯土矣。是時雲貴總督恆春督師貴州，聞亂則引軍還滇，攻迤西諸回，久持不下，七年閏五月，澂江曲江回犯省城，燒城外廬舍殆盡，恆春登陴望見火光，則大憤懣，急率親兵開城赴敵，羣僚諫止之，其夫人博禹特氏責恆春曰：「今賊所燒殺者皆公赤子也，公爲大吏，坐視其死而不救，何以對百姓？」朝廷譴責至矣，恆春憂懼不知所出，與博禹特氏同縊於署，比回退圍解，士民悲悼之。十月，回匪蔡七二陷雲州，知州吳景蘇會副將魁昌攻之，大理蒙化回來援，吳景蘇敗

湘軍記

卷十五

三

死八年，回匪馬標陷威遠廳，田四濫起，他郎緬甯間，據新撫蔡七二陷順甯，馬標田四濫皆杜文秀黨，蔡七二則文秀嫺姬也。於是迤南道梗，九年，回匪陷鎮南，永北鶴慶鄧川，詔授按察使徐之銘爲巡撫，之銘至滇才一年，遽有此摧時，事局日壞，之銘荒淫廢事，滇民頗失望，總督張亮基屢引疾乞罷，十年。

詔劉源灝爲雲貴總督，未至，以徐之銘兼權之，蔡七二陷緬甯，副將魁昌死之，初魁昌因援絕糧匱，乞救於耿馬土

司罕恩澤資之兵餉會恩澤為族人所戕魁昌率飢軍城守自正月至閏三月城裂二十八處皆堵合之而姦民內應城陷負其母投井死並其妻子殉焉緬甯既破蔡七二遂屠永昌陷騰越與杜文秀益相犄角矣十一年布政使鄧爾恆擢陝西巡撫將發革將何有保豔其輜重嗾其黨戴玉堂劫殺之以爭贓貨玉堂復刺殺有保徐之銘不能問物議大譁以為皆之銘所使也時滇事益糜爛劉源灝久不至

詔福濟為總督福濟亦遷延不行乃以潘鐸代之且查陝

湘軍記 卷十五

四

撫被殺事鐸自川入滇奏論鄧爾恆之死實由何有保此外並無主謀請將何有保戴玉堂戮屍其黨史灤劉紹武梟示之銘疏於防範交部議處

詔允之

同治元年八月粵賊石達開自貴州分掠平彝鎮雄潘鐸遣將禦之達開還走川黔

詔張亮基赴雲南督軍兼權提督潘鐸徐之銘合疏促亮基駐東川昭通防石寇

二年正月回弁馬榮率數千人入省城屯五華山五華山

城中最高地也道路洶洶皆言榮反榮夙為總督所信總督終以榮不負己榮亦不忍於總督未敢發壬辰潘鐸詣五華書院開喻之令移屯城外榮已諾矣方登輿榮揖送其黨以矛旁刺鐸榮即起持鐸刺者復至鐸竟薨居民驚亂時岑毓英權布政使聞變持短兵巷戰榮走南門大街招回黨絡繹入城毓英策城大難置守乃塞藩司署門率親兵千人晝夜堵禦回來則憑垣發礮或開門縱擊賊皆靡榮懼外援且至遺書巡撫請和徐之銘微服詣毓英言其狀前臬司花詠春糧道張同壽鹽道宋延春皆至毓英

湘軍記 卷十五

五

語於眾曰今賊雖入城吾當死戰破之如其不勝公等與毓英閣署自焚未晚也於是飲血誓師分兵守東南門用閒離其黨而陰使使召馬如龍入援如龍初聞省城陷以為院司戕矣比知毓英守藩署未失還軍馳入省諸紳民率團兵至二月丁丑朔合軍擊馬榮於城內大破之回眾走城外猶留屯弗去毓英患之召部將李維述計誅馬榮悍將悍將夙暱維述號為兄弟一日天嚮明維述率千人往入其壁悍將方沐問所來維述曰奉上官檄討夷人不識路徑故來問耳悍將指畫示之維述從其背搜刀擊殺

呼於營曰。爲兵者出前門。從賊者出後門。羣回驚散。省城危而復安。事聞。

詔以勞崇光爲總督。徐之銘逮京議罪。賈洪詔爲巡撫之銘聞。

命將行。紳民環而留之。曰。今回情洶沸。新任督撫未能卽來。幸舊帥在。猶可繫人心。號召忠義。若公遽去。則滇民以爲見棄於。

朝廷。禍更不可問矣。之銘乃止。勞崇光前罷兩廣總督。奉詔入黔。及被。

湘軍記 卷十五 六

新命不敢言衰病。毅然赴任。石達開自昭通走威甯。賴裕新走甯遠。四月。崇光行次綏陽。與石黨遇。避入民寨。檄楚軍之在黔者。合鄉團奮擊破之。斬五千餘人。達開已誅於蜀。其黨李復猷欲結銅仁教匪犯楚。

詔崇光與黔撫張亮基備之。當是時。崇光駐黔。賈洪詔駐川。皆阻賊不能進。滇中兵事倚岑毓英一人。

朝廷益嚮用楚軍。

三年二月。授劉嶽昭雲南按察使。嶽昭隨駱秉章轉戰鄂。蜀調援陝西。所向有功。是時留屯四川防守。勞崇光以迤。

西杜酋猖獗。檄岑毓英分守楚雄各隘。防其東逸。毓英進兵迤東。攻曲靖。馬龍。霑益諸城。皆下之。俘斬馬連陞。馬榮。剖榮。尸祭。潘鐸。兵民稱快。於是迤東稍靖。崇光進駐平彝。四年春。擢劉嶽昭雲南布政使。乃議自川援黔。以入滇。五月。嶽昭克貴州。正安。

五年二月。嶽昭克綏陽。收降眾千二百人。隸爲兵。合舊部七千人。先是。賈洪詔以逗留罷。林鴻年代之。仍屯川境。不敢進。乃授劉嶽昭雲南巡撫。率所部轉戰以往。勞崇光進駐省城。奏以署提督馬如龍專迤西軍事。圖杜酋。又以貴。

湘軍記 卷十五 七

州猪拱箐匪巢。貽害三省。奏令岑毓英出境討之。規通餉道。十二月。猪拱箐匪犯鎮雄。毓英自昭通赴援。連破之。新營柳林。

六年正月。滇軍克畢節之茶山。二月。進攻猪拱箐。毀苗教一百餘寨。毓英逼山而壘。嶽昭遣宋華美擊苗匪於蔡板。爲滇軍聲援。是月。雲貴總督勞崇光薨。以張凱嵩繼之。未至。臬司宋延春暫攝其任。

詔促嶽昭先清川黔邊境。率師入滇。先是。上以滇亂久。郡縣多陸沈。命勞崇光繪圖進兵。燹後。文獻。

蕩然崇光依通志晨夕揣摩圖未上而卒嶽昭專疏呈獻是時淪陷府城四曰大理杜文秀踞之曰麗江姚得勝踞之曰永昌楊德明馬國春等踞之曰順甯馬德征踞之州九曰鎮雄曰姚曰趙曰賓川曰鄧川曰雲龍曰鶴慶曰劍川曰雲廳七曰騰越曰蒙化曰永北曰緬甯曰龍陵曰彌度曰普洲縣三曰雲南曰浪穹曰永平而太和順甯麗江保山之附府者不計焉其他村堡市鎮不可勝數其首軼興軼衰無常號六月岑毓英克猪拱箐七月克海馬姑嶽昭推功於勞崇光令毓英回師曲靖初崇光檄馬如龍攻

湘軍記

卷十五

八

姚州鎮南獲勝杜文秀遣死黨奔救如龍部將合國安楊盛宗退守大姚軍中患疫如龍回省養疾嶽昭知如龍毓英不相能故令毓英駐曲靖避之八月迤西回陷定遠大姚祿豐廣通元謀省城戒嚴毓英遣劉重慶等率二千人援省城呂鎮南等二千人援楚雄楊國發等二千人攻廣通分賊勢周之珪等三千人道省城攻祿豐以衛富民羅次柳明泰千人守武定祿勸於是省防稍固嶽昭臚陳四事其略曰滇省營制久廢勦賊用濫練其多少去來無定數強者為練頭或保至協鎮或自帶頂翎文員不敢過問

稍拂其欲則戕官劫署與賊無異即如未議西征以前杜逆伏而不動省會粗安西征未久而逆燄愈張練勇節節退避不戰而潰今欲勦西逆而仍執以回攻回之說誠恐授人以柄操縱隨之此兵事之難也滇省全資外餉軍興十餘年積欠數百萬部撥之款外省以空文了事而省城軍需釐金等局應歸司道經理者回入鎮將濫廁其中盤踞援引支銷冒濫甚至州縣之錢糧井地之課稅亦由回弁往收按戶派捐弊難枚舉臣前飭岑毓英將東路釐稅州縣錢糧照例由該司綜核原欲逐漸轉移尙不滿營員

湘軍記

卷十五

九

之望此餉事之難也滇省漢回猜忌兵連禍結更有可漢可回忽彼忽此者挑釁生非就中取利或居衣冠之列而懷叵測之心跡在疑似之間患伏蕭牆之內官軍千艱萬苦每敗於奸軍之一言此防內患之難也滇省劇寇首在大理順甯年深地險我軍進勦每苦無糧兼之文武不和號令歧出是欲勝人而先有取敗之道欲攘外尙多內變之憂此謀進取之難也現在新陷之區自當相機攻取一俟附省一帶事有把握然後鼓行而西進圖杜逆庶可收得寸得尺之效不致蹈半途而廢之譏十一月辛未迤西

回陷羅次壬申陷楚雄嶽昭調遵義防軍赴援

詔曰張凱嵩前奏暫駐東昭先勦迤西此時情形萬緊該督應先入省城著卽募齊勇丁審機前進岑毓英已撥兵援應應否馳回省垣劉嶽昭宋延春妥商辦理

七年正月迤西回分犯富民安甯昆陽新興呈貢易門皆陷之二月岑毓英自將援省城道宜良七甸進兵破回寨三十餘嶽昭遣李家福屯曲靖三月嶽昭進駐曲靖奏言西逆占踞郡縣已數十處之多官軍初未進攻賊亦伏而不動勞崇光入滇後與馬如龍計議西征旋因糧餉奇窮

湘軍記

卷十五

十

未能得手現在附省州縣多爲賊陷省城被圍岑毓英所部餉需支絀倘仍無力支持大局不堪設想上年張凱嵩請寬籌滇餉奉

旨於浙江等省關月撥銀二十萬倘能如數解滇亦可稍紓眉急無如有撥無解視作具文當茲萬分喫緊惟有籲催各省關協餉並飭部臣再指有著之款二十萬兩庶軍心先可稍安全軍不致立覆

詔如所請張凱嵩病免以嶽昭爲雲貴總督毓英爲雲南巡撫宋延春爲布政使時回勢披猖號三十萬環省城西

南北賊壘延袤十餘里省東之江右館石虎崗亦立卡礮

厚回馬添順踞尋甸城與相應且欲窺東川曲靖嶽昭遣謝景春等進霑益王維金等扼馬龍調臨元騰越兩鎮兵由南路攻晉甯綴賊貸四川軍火濟城內守軍護總督宋延春率兵民晝夜登陴回弁合國安謀內應馬如龍斬以徇毓英屯響水關親攻楊林楚軍將李家福方自馬龍攻尋甸聞滇軍有事楊林移師會之燒其木壘破回寨六礮樓三於是甸尾古城厥口皆下糧路始通毓英與李家福皆受傷養病而參將楊玉科已繞四川會理攻武定元謀

湘軍記

卷十五

十一

大姚祿勸定遠白井易門皆克之圍城人心稍定四月尋甸匪陷功山防營昭通鎮楊盛宗敗走嶽昭令全祖凱赴東川助防奏擢李家福爲昭通總兵李維述岑毓英克回寨三閏四月攻石虎岡古佛寺賣米市盡拔之何秀林等破賊於呈貢杜文秀聞官軍屢捷遣悍黨數萬出賓川北援馬如龍分部兵二千禦之武定附省回久閉壘不戰突出奪大虹山築二壘如龍親擊之破其一壘五月劉嶽昭奏言滇亂一日不平卽川防一日難撤請令提督胡中和率川軍援滇移防爲勦

詔下署川督崇實行之崇實以劉嶽曙將二千八百人往川軍竟不出六月嶽昭增募黔勇五營以副將賀連璧將之大舉規尋甸李家福自馬龍謝景春自霑益全祖凱賀連璧自東川期會尋甸城外李家福攻七里橋燒木城三渡河奪大小尖山楊林匪來援拒破之全祖凱破柳河撫民寨十餘進駐清水溝七月李家福克青籠馬石二壘岑毓英遣軍來會官軍分壁鳳凰文筆山望城坡民寨多降李家福策賊礮林立難力取覘文筆上游有二河可達草海乃傍山築隄亘一百五十丈障水灌城先是尋甸至王

湘軍記

卷十五

三

莊七十里民寨脅於賊皆豎白旗聞官軍至始反正嶽昭以民志未定八月親赴尋甸撫慰增山下隄水溢二丈傍草海賊壘皆沒而州城與他壘固無恙也九月嶽昭還曲靖李家福攻法鼓山旁近寨盡下之尋甸東路剷除略盡己亥進攻果馬克礮卡六庚子城賊來援破之平其壘二十餘十月壬子復擊破張徐灣十餘壘時澂江已克省防益暇馬如龍分兵來助其部將馬青雲等敗賊尖山十一月嶽昭親攻尋甸省防各軍已收富民武定羣賊環聚尋甸連營二十餘里民寨復叛遍山豎白旗迎賊圍師潰嶽

昭退守曲靖上疏自劾諸將降革有差

八年正月尋甸回犯馬龍掠霑益嶽昭遣軍拒走之楊玉科克柯渡可耶乘勝攻果馬規尋甸三月澂江回叛陷府城嶽昭遣柳明德赴宜良全祖凱繼之聽巡撫調遣毓英頻破附省之小偏橋蕭家山神羊寺糧路復通嶽昭乃復攻尋甸五月甲戌劉嶽曙劉嶽駿等分三路進先攻七星橋破礮樓十餘悉取楚軍故所屯文筆山諸隘而列營焉謝景春自三營出賊不意奪章格賊卡吳奇忠駐中河規塘子其酋馬順畏威乞撫嶽昭榜示村堡投誠者貸死民

湘軍記

卷十五

三

寨望風詣降尋甸回大恐乙亥官軍益奮力攻城夜望城內燈火如晝人聲喧嘩其酋馬添順貽書馬廣願獻城自贖丙子克尋甸丁丑劉嶽曙整部入漢回男婦焚香跪道於是果馬羅沖古城羊街橫亘二百餘里村寨一百三十餘皆反正嵩明白鹽井亦復毓英誅降回李芳園晏洪分兵規祿豐易門安甯昆陽六月嶽昭遣李家福等進屯省城南門初貴州普安有苗寇嶽昭撥千人援之尋甸既克增遣張松林等解普安圍還師曲靖以降回馬添順五百人隸馬如龍部增調胡志祺等四營助省防留劉嶽曙守

尋甸八月。毓英如龍分省防軍攻安甯各隘。扼賊歸路。羣回益蹙。回首段成功。蔡廷棟等先獻款。壬子。如龍扶病出城。與毓英李家福嚴兵以待。段成功。蔡廷棟率五千人伏地請罪。收南關外礮樓礮臺六十餘。遣兵攻西壩。克之時。楊玉科已拔大姚廣通。毓英克江右館。益晝夜環攻。生擒悍酋甚夥。如龍親赴賊營。勒回目自相斬獻。而安甯逃匪悉爲何秀林所殛。省城解圍。餘匪併入土堆。毓英如龍分兵規復旁近郡縣。以滇楚軍合攻土堆。馬忠等徇澂江。李維述督張士進等徇楚雄。李維鏞等徇南安。王鍾祥助黃文學攻定遠。楊謙等助攻祿豐。楊林。李長春等助攻昆陽。乙丑。李維鏞克南安。丙寅。張士進克楚雄。九月辛未。黃文學克定遠。時劉嶽昭已入省城。增兵圍土堆。張保和岑毓琦攻昆陽急。回首赴省乞撫。丙戌。馬光明降。其酋楊振鵬懼誅。猶負隅自守。馬如龍親至昆陽。遣人入城招撫。庚寅。克昆陽。俘楊振鵬。馬聯魁等。駢誅之。昆陽距省百二十里。中隔滇池。舟行一夜可達。振鵬久爲肘腋患。同治元年。就撫。其後官至副將。攝總兵。猶踞城抗官軍。及其誅。人尤快之。時祿豐已復。李維述移師鎮南。克沙橋。普湖。鸚鵡。關。辛

湘軍記

卷十五

十四

卯。王鍾祥克彌渡廳。十月。劉興克紅巖。王鍾祥進圍蒙化。破其馬街土城。官軍距大理百里而近。杜首境地日蹙矣。先是四月。閒將軍崇實川督吳棠遣提督唐友畊率六千人援滇。友畊故大關人。軍次昭通。姦民流言。友畊將盡殺回族。復仇。魯甸威甯回大恐。皆據險自保。劉嶽昭飛檄友畊馳援省城以解之。且遣知府吳春然往勸。檄署昭通鎮全祖凱保護漢寨。友畊將行。漢民遮留求一戰。比嶽昭使至。唐軍已與魯甸回接仗。漢回互傷。嶽昭騰書川帥諭止之。崇實吳棠以川滇相距遠。難遙度。援軍進止。聽嶽昭主持。是月。唐軍已擊破魯甸回寨。回眾獻首乞降。嶽昭乃檄唐友畊領援軍回川。川軍入滇。踰九月。幾釀巨患。於是東昭始安。十一月甲戌。陳定邦收賓川。庚寅。張潤收麗江。進攻劍川。十二月丙午。克之。壬子。張家銘。林光耀。克緬甯。是時。劉光瑛。李鳳祥等圍永昌。騰越。許繼衡等圍威遠。楊玉科圍姚州。多所斬獲。惟澂江新興久不下。乃議毓英如龍親攻之。九年正月壬寅。許繼衡等克威遠。馬標田四濫皆殛。二月。澂江回出犯九村中關大啞口營。陷之。竹園館驛回援新

湘軍記

卷十五

十五

興襲圍師營陷之甲辰岑毓英自將攻澂江辛亥馬如龍自將攻新興劉嶽昭親至澂江覘地勢馬忠等前失中關諸壘官軍悉復之嶽昭還省城三月楊玉科攻姚州破其土城玉科受傷益開地道三十餘穴期必克東北城毋回猶築內牆抵禦四月丁酉朔地雷再發北城陷遂克姚州擒馬金保藍平貴檻送省城梟誅斬馘六千餘五月丁卯馬如龍親攻新興克之斬其酋田慶餘如龍患病還省城遣王正坤徇東溝馬永順屯新興圖館驛七月岑毓英督攻澂江克附城賊壘一百五十其西山村西街子賊廬悉

湘軍記

卷十五

六

毀平之從民請也八月壬寅黃世昌等克永北甲寅楊玉科克鶴慶己丑李維述克鎮南嶽昭毓英令維述玉科世昌等駐軍新復之地休養士馬分其半番攻旁邑

上念維述玉科苦戰疲勞

特頒珍物示優異維述性憨直故以驟馬爲業初不知希榮貴及奉

上所賞白玉搬指適與指合乃驚歎

天子聖神益效忠盡無貳志所設肆市悉以巴圖魯號名之其榮幸

朝命如此玉科初頗驕蹇毓英善撫之所至摧陷嘗殺仇持其頭謁毓英意詰責卽爲變毓英笑而釋之故毓英之平滇楊李功爲多馬如龍則倚嶽昭自固師事嶽昭嶽昭亦資其力彈壓回眾世頗多嶽昭毓英善馭驍將云閏十月乙亥張保和楊國發等克竹園竹園隸彌勒毘連開化廣南臨安爲迤南腴區廣西越南入滇道也官軍圍攻踰一年其黨舉火自焚死無一降者亦悍寇矣馬如龍破私財三萬金濟軍嶽昭以聞

優詔嘉獎

湘軍記

卷十五

七

賞翎管搬指如例如龍乃力疾赴敵九月甲戌楊玉科克浪穹乙亥克鄧川進攻鳳羽白米關下之十月庚子克長邑村辛丑克鍊鐵生擒楊占鵬占鵬杜文秀本宗母兄也於是大理北路皆定十二月王祖佑李鳳呈收雲龍

十年正月李家福擊四川蠻匪於昭通大破之二月辛酉朔岑毓英克澂江澂江三面環山其南阻海賊先伐附城樹木斷樵採官軍木柵薪標皆取之百里外圍攻一年城破之日將士憤憾揀回人精壯者悉屠之三月丙申楊玉科克賓居是時官軍已復三十二城其未復者大理永昌

順甯三郡城蒙化騰越二廳雲趙永平雲南四州縣耳七月辛亥楊玉科克永昌八月岑毓英駐軍曲江十月攻館驛城外礮壘盡克之收五山夷寨十二月辛未破其西門遂入館驛與回其城而壘

十一年正月戊戌張保和克田心其酋馬世德自焚死庚戌楊玉科克永平及曲洞漾濞皆下之四月己巳李維述克雲南縣戊寅吳奇忠會黔軍克貴州興義五月丙戌楊玉科李維述楊國發等克趙州戊戌克蒙化趙州之戰杜文秀自率萬人出援踉蹌敗歸於是大理藩籬盡失賊勢

湘軍記

卷十五

六

益不振九月丁酉張保和收獲兮甲辰馬忠擒館驛回首馬敏忠馬國政等駢誅之遷回民於村寨館驛乃定十月貴州提督周達武會滇軍克新城十一月總兵楊玉科克大理杜文秀伏誅大理東臨洱海西倚蒼山自文秀竊踞內築土垣包偽禁城其中楊玉科穴地道蟄場東南城軍士乘缺而入賊據土城死拒復埋地雷破之自辛卯至戊戌陣斬二千餘人玉科屯軍內校場蓮花池增調五千人環攻偽城丁未文秀率死黨出戰玉科親擊之斃賊五六千文秀敗入偽城飲毒死叛回蔡廷棟等昇獻玉科氣息

猶屬卽割其首解送省城蔡廷棟者前圍省被獲復叛走

大理者也毓英軍已次紅崖距大理百二十里十二月甲

寅毓英親至大理部署撫事蔡廷棟楊榮佯稱乞款陰埋

地雷於行館約玉科率二百人往玉科諾之比入偽城玉

科潛至偽府據礮樓大呼兵勇爭血戰賊驚亂出四五千

人圍玉科而毓英伏兵城外度玉科已達乘夜梯登與玉

科合巷戰竟日官軍傷亡千計賊之死者萬人辛酉賊燒

偽府奪門出走大理三城皆克獲文秀幼子三女一其黨

魁楊榮蔡廷棟等百三十人皆就俘於是嶽昭毓英奏言

湘軍記

卷十五

九

杜逆倡亂歷十八載攻陷五十三城西及四川會理東及貴州興義偽造禁城僭規王制直欲追蹤洪逆並駕一時官軍西征四次迄無成功咸豐六年提臣文祥調川軍助勦克紅崖圍賓居而東西各回圍省退兵還援則彌渡雲縣失矣九年提臣褚克昌克鸚鵡關雲南驛而館驛激江回眾攻陷廣通楚雄鎮南以襲其後則褚克昌之全軍覆矣同治二年臣毓英在署藩司任內連拔景東鎮沅永北楚雄廣通定遠進規鎮南而馬連陞馬榮率霑益尋甸之眾佔踞曲靖馬龍平彝撤兵回顧則大理之役遂不果矣

六年提臣馬如龍甫至定遠前軍失利而合國安楊振鵬等內外旬結連失定遠楚雄以次二十城則省圍幾莫解矣推原其故皆由東南黨援未除則迤西寇氛愈熾故先從各路征勦克曲靖而東隅固解省圍而內患清復激江而內地甯平臨安而南徼定由此內顧無憂遠圖易舉臣等所以先事東南而後專事迤西者職是故也捷聞將帥獎擢有差是月李維述楊國發克大圍埂而小圍埂猶負險自守楊玉科會維述等攻克之

十二年二月辛酉楊玉科克錫臘壬申蔡標克猛郎甲戌

湘軍記

卷十五

三

楊玉科克順甯四月庚戌玉科蔡標克雲州戊辰和耀曾克小猛統五月庚辰李維述克騰越雲南平嶽昭奏請入覲

詔曰可岑毓英兼權總督

十三年嶽昭至都

上慰勞之

賜壽禮有加焉頃之

詔還鎮

光緒元年劉嶽昭罷是時滇邊野夷殺洋人瑪加理英吉

利公使訴於

朝語連毓英授劉長佑為雲貴總督潘鼎新署雲南巡撫二年四月長佑行次貴州受印奏曰臣於洋務非所素習然責無可辭不得不預為防慮雲南五金並產洋人覬覦已久特借瑪加理事反覆挑撥以肆要求今若制機器開採則利由自取權不人操夫藩維不固莫禦外侮之侵兵甲不修難為小邦之庇今緬甸接壤於印度越南割地於法人彼自立之未能豈維屏之能寄臣擬簡練精兵扼咽喉之地備戰守之資為外藩近接聲援為中國資其捍衛

湘軍記

卷十五

三

則洋人覬覦之心或當稍斂

上嘉勉之五月長佑至雲南省城而蘇開先叛踞騰越先是永昌李朝反已就撫矣會妖人王道士踞蓋達自言幻術能禦鎗礮愚民多惑之蘇開先者已保參將職藉索餉誘練軍謀亂遂陷騰越王道士與之合逆益張於是順甯雲州土豪悍卒乘機肆起踞城池殺守令永昌降人應之迤西大擾長佑檄署提督楊玉科率師往討道員陳廷珍副之閏五月副將李應舉克雲州賊併入順甯順甯賊聞官軍至亦棄城走躡之雪山箐禽其首高顯而李朝窺

犯永昌爲提督和耀曾所殛。餘黨解散。六月楊玉科等攻騰越克之。蘇開先王道士伏誅。長佑飭諸路搜治逋寇段成虎等百數十人悉戮之。迤西平。長佑以土練反覆難馴。奏令提督胡中和募楚勇千人自川入滇。副將文明迪楚勇五百人自粵西入滇。明迪長佑舊部也。故事雲南額兵挑練軍者十之七。皆給全餉。赴征調。其汰存底營者。月餉緩七發。三文武吏率以不敷防守爲請。長佑乃裁兵就餉。減額兵之半。而以五成兵數餉給之。別留練軍十二營。備調遣。歲增銀僅十餘萬。而全省軍制改觀。無憂飢匱矣。是

湘軍記

卷十五

三

時瑪加理讞成。英人約於雲南設埠通商。

詔下其議。長佑奏言。滇省漢夷雜處。種人犷悍成性。剽掠行旅。其腹地散練首民。燒香拜會。小則攔路劫殺。大則入城焚掠。萬一防護不及。致有同於前案。或更甚於前案。其有害於雲南一隅。猶小。其有撓於中夏全局。甚大。且洋人知前案難辦。有免其既往之議。知後患難防。有保其將來之議。臣恐滇省官民於已往者不以爲倖免。而以爲得計。將來者不引爲前鑒。或敢於效尤。洋人意在圖利。亦斷無不思遠害之理。應俟三五年後。內外安定。遣員商辦。

上善其議。是冬四川巴蠻掠昭通。總兵全祖凱遣兵渡金沙江擊之。盡燒其船。巴蠻遁回巢。時昭通之大關鎮。雄之。伐烏關土匪並起。長佑檄全祖凱悉破平之。迤東皆靖。而廣南那雞寨有積匪數百。踞山崗。肆搶殺。寶甯知縣李賓擊走之。殲其酋王喜。四月騰越逸匪許雙貴擾隴州之崩。竜總兵謝景春擊破之。長佑之初至滇也。諸驕將猶擁重兵。頑梗鴟張。官民含詢隱忍。未敢頌言其非。及楊玉科移廣西右江鎮。胡中和履提督任。長佑用兵部議。武職例應迴避本省者。率以兼轄之貴州量移之。諸武職亦以平昔

湘軍記

卷十五

三

斂怨多懼。仇讎甘心。願他徙避禍。於是豪率並解兵柄。牧令稍得行其法。監司郡守始敢覈吏治矣。

四年春。巴蠻自雷波渡江。掠滇境。昭通鎮李明惠擊破之。生擒百十九人。羣蠻悔罪歸誠。長佑令留其酋馬曲哈爲質。餘皆縱還。迤西道熊昭鏡暨騰越楚雄昭通諸文武吏。緝逋寇許雙貴等數十人。並其黨誅之。騰越徼外土目耿榮高等爭地相殺。結回夷三千。攻陷耿馬。遣參將周慶安討之。耿榮高降。七月。臨安納樓土族普保極爭襲搆兵。阿迷蒙自開化土匪響應。其酋楊阿幅踞田心。謀襲阿迷城。

於是廣南彌勒邱北皆擾長佑遣道員許繼衡率練軍討之九月繼衡薄田心破其壘數十楊阿幅伏誅餘黨走開化官軍復敗之馬塘拔難民數千儂回夷獠皆就撫而他股在廣南者復為兵練所敗彌勒邱北諸匪皆遁匪首普雲沈開科誅殛殆盡普雲者阿迷夷人與蒙自楊阿幅初約起事者也沈開科者儂夷種始與普雲倡亂已就款撫而時服時叛三渠既殲羣盜瓦解矣十二月阿迷逸匪起安平同知潘英章等襲破於涼水井

五年正月進克三光馬毛諸寨擒匪首黃春鄭小安皆普

湘軍記

卷十五

五

雲黨也長佑以臨郡無事檄許繼衡等籌撫輯繼衡自臨安赴納樓促諸頭目上糧納款且散回眾禁燒殺土族普保極等率老弱歸誠羣回聞風乞款繼衡悉資遣之臨安開化廣南皆平自騰越蘇開先之亂其黨劉寶玉逃之野山野山者居滇甸之交為華夷甌脫其夷自為君長不隸於羈屬劉寶玉糾野貫十三種及蓋達擺夷伏羅坤山時出劫掠長佑患其害行旅將捕之適緬甸官詣騰越持圖說上騰越鎮廳約由野山通道列戍鎮廳寢其事劉長佑曰此必英人之所嗾也英人議通商久矣吾雖不為彼用

亦常有以固吾圉乃檄熊昭鏡親赴騰越召諸土司野貫申禁約其屯練田租之已失者復之墩卡弩手之未補者補之因囑誘擒劉寶玉於干崖誅之諸野夷皆解散八月鎮雄匪起把總岑自開擊散之十一月教匪高春起尋甸犯州城長佑調練軍合兵圍破平之高春殛於陣

六年正月永昌夷匪掠保山檄騰越練軍屢擊破之匪首龍保赴怒江死八月長佑出校營伍遍歷三迤十一月事竣自道光末不行此典者三十年矣是冬四川黑蠻掠東川官軍躡之江干蠻多溺死

湘軍記

卷十五

五

七年四月總兵鄧榮升擊廣南匪破之匪首王澤寬遁八月教匪卯招詳犯昭通奸細伏城內肆焚掠殺游擊張宗久等副將涂開科奮擊破之卯招詳殛長佑檄許繼衡勘其事搜餘匪盡誅之時法郎西窺越南東京佯稱捕盜增召兵船將道紅江達雲南通市詔滇粵備邊長佑以為欲援越南宜先復琉球欲制法人宜先討日本乃奏曰自西人通商日本始從諸國之後設公司於滬上遂侵臺灣滅琉球英法諸國相視不發國家既釋倭人而不誅則有以知中國之好安而惡戰既

不問滅琉球之罪則必不問滅越南之罪故法人遂惘然
自肆剪我藩籬今若及東京未破先討日本以復琉球則
時雨之師足以下俘囚之涕九伐之法足以懾逆夷之心
是不戰而存越南也

旨留中十一月

上復問弭釁安邊之策長佑謂法夷自據嘉定六省以來
越南四境皆有商埠教堂取越與否非有甚異其所以處
心積慮者乃在通商雲南與其既吞越境爲守邊之計不
如乘其始動爲弭釁之謀滇粵三省與越接壤東西幾二

湘軍記

卷十五

三

千里叩關造釁莫可端倪要害與共勞費殊甚若自三江
口以至海陽東西僅數百里以中國兵力爲之禦敵東京
兵聚而力省以視防守滇粵之邊勞逸懸殊請以廣西兵
二萬出中路廣東雲南各以萬人相犄角廣東之兵自欽
廉而入雲南之兵出洮江而東別以輪船守廣南順化港
口斷其首尾法人必無自全之理

詔下總署王大臣議之三月法人陷東京越匪紛起廣西
援兵至太原長佑遣道員沈壽榕出關與相聯法人慌
王師大集乃以東京還越官毀其城而去七月沈壽榕屯

宣光之都竟造戰艦扼紅江

朝廷念邊事亟擢四川道員唐炯爲雲南布政使率川軍
千人屯關外滇軍悉聽節度頃之法越和議成法人益謀
入滇劉長佑請入

觀

詔以福建巡撫岑毓英爲雲貴總督駐軍蒙自屢與法人
戰越南其後劃界事定雲南乃罷戍

王定安曰寇興楚軍戰績滿天下其將帥率召鄉人子弟
擊之遠征獨雲南則不然其初勞文毅崎嶇入險子然一

湘軍記

卷十五

三

身寢饋於毒虺封狼之側冀感其心而資其力功雖未就
其志亦足壯已劉公嶽昭提數千久勞之師當百萬方張
之寇餉不時至地非素習其規畫迤東蹙蹙以攻尋甸斷
賊援爲說迨尋甸克而省圍遂解竟如所策所謂好謀能
懼者耶當是時岑公毓英用民練八萬忍飢血戰極人世
之至難非和衷讓善何克成此偉烈哉劉武慎苦心孤鶩
不假聲色驕將悍弁相率解兵符離虎穴可云潛運默移
折衝樽俎者矣其論救越南以伐日本爲先尤中肯綮非
護護小儒所能道昔晉楚爭霸則伐鄭齊楚爭霸則伐陳

蔡齊晉固未能滅楚楚亦未能滅齊晉今中夏之與歐洲固若晉楚然而日本則鄭也故並錄之以俟識時務之君子擇焉

湘軍記

卷十五

天

湘軍記卷十五

東湖黃學濂校字

湘軍記卷十六

東湖王定安撰

平捻篇

捻之患不知其所自始或曰鄉民行儻逐疫裹紙然膏為龍戲謂之捻其後報讎嚇財掠人勒贖浸淫為寇盜或數人為一捻或數十百人為一捻白晝行劫名曰定釘山東之兗沂曹河南之南汝光歸江蘇之徐淮直隸之大名安徽之廬鳳潁壽承平時在在有之嘉慶中河南巡撫始奏定豫捻結夥三人以上比照回民例加等科罪而山東亦

湘軍記

卷十六

一

言結捻結幅之案以人數多寡定罪名重輕其後安徽仿行之然必曳刀會方論斬梟其僅結捻訛搶者擬以斬絞發遣蓋猶未視為叛逆也咸豐元年廣西寇起豫皖之間奸徒竊發南陽壽州皆有捻患三年洪秀全陷安慶踞金陵遣黨徇臨淮鳳陽出歸德以擾河朔於是皖豫捻患益熾其酋曰李士林劉疙瘡劉元吉任二皮龔瞎子而張樂刑尤為羣捻之魁樂刑起蒙城雒河集雒河集者今渦陽縣治是矣當是時

文宗憂中原慮捻粵句結

命周天爵駐徐宿禦盜旋以給事中袁甲三代之駐潁毫前總督牛鑿駐陳州而以軍事責河南巡撫英桂總其成其年李兆受起霍邱掠商固光州與皖捻應四年英桂遣兵捕兆受不得兆受圍商城捻眾益盛其年安徽巡撫福濟久攻廬州不克命民間築圩寨自保寨各置渠率犄角相救助於是寨長圩長出入於兵捻之間悍練漸不可制矣五年袁甲三罷甲三號能軍已擢副都御史以擅委宿州牧落職

文宗益倚任英桂屢促其進師圖皖英桂藉詞防邊徘徊

湘軍記

卷十六

境上不敢進

嚴旨日至弗顧也六年起袁甲三助英桂甲三攻張樂刑於雉河集屢有斬獲七年春復

命勝保助英桂捻圍固始勝保戰屢捷李兆受糾捻粵陷六安霍邱圍壽州陷正陽自光固息商西至商南二千里烽火相望三月勝保破張樂刑於柳溝五月勝保大捷於三河尖樂刑走霍邱依兆受七月勝保克霍邱八月克正陽而英桂以舞葉宜嵩有捻駐禹密防之其年冬捻遊騎至開州東明入直隸境八年英榮爲河南巡撫勝保援臨

淮納降李兆受至清流關撫其眾而練酋苗沛霖亦平濱渦諸捻圩隸於勝保

詔勝保以欽差大臣督安徽軍袁甲三專三省討捻事秋捻掠山東還走河南陷周家口九年二月捻破官軍於舞陽總兵邱聯恩戰死袁甲三劾免以傅振邦代之振邦率苗練攻鳳陽臨淮下之七月捻陷定遠巡撫翁同書退壽州八月捻復踞鳳陽臨淮勝保以母憂歸起袁甲三爲欽差大臣甲三既至克臨淮十年正月捻陷清江淮揚道吳葆晉副將舒祥死之漕督聯英河督庚長皆走淮安

湘軍記

卷十六

三

詔奪官河南捻趨鞏洛秦晉皆警以府丞毛昶熙總河南團練其年秋英夷款成海防無事

命科爾沁郡王僧格林沁移師山東討捻時荷濟之間皆寇氛僧王率萬二千人至濟甯十一月攻捻鉅野不利十一年正月僧王遣軍援荷澤復敗還

詔責其輕進捻自曹州趨鄆城渡汶掠泰安都統伊興額總兵滕家勝戰死遂圍青州而河南捻蹤充斥連二十餘縣西及浙川萃范盜北侵畿輔復

命勝保領萬人出屯景州九月苗沛霖陷壽州皖北捻滋

益甚。僧王遣詹啟綸募軍防清淮。僧軍南下沂邳。論功進爵親王。冬。僧王攻毫北諸捻。圩連破平之。

同治元年二月。苗沛霖合粵捻犯潁州。三月。湘軍解潁州圍。四月。廬州克。安徽粗定。而河南捻入商州。與粵賊合。連陷鎮安。孝義渭南華州。陝西大擾。

詔勝保多隆阿入關。多隆阿率楚軍攻商南。捻破之。捻還走河南。由宛郡趨棗陽。陷隨州。應山京山。七月。袁甲三乞病。李續宜母喪辭欽差大臣。以唐訓方權安徽巡撫。總兵事。臨淮不復置帥。時苗沛霖與湘軍構衅。聲言入陝。隨勝

湘軍記

卷十六

四

帥

穆宗大怒。逮治勝保。降捻宋景詩。本山東劇盜。聞勝保獲罪。叛於邵陽。率黨千人走山西直隸。云赴京為勝保訴冤。官軍不敢遮遏。遂與東匪張錫珠合。錫珠亦降捻也。於是直東教捻蠢起。畿輔頗震。山東巡撫譚廷襄罷。以閩敬銘代之。

詔兩廣總督劉長佑航海入津。討東匪。冬。僧王攻渦河。捻圩。誅其酋楊興太。羣捻多降。

二年正月

授劉長佑直隸總督。僧王攻雒河集。克之。擒斬捻酋張樂刑。姜台凌等。樂刑兇悍。為捻中渠魁。及其誅。遠近稱快。其從子張總愚領餘眾。與陳大喜合。賊中號小閻王。二月。僧王移軍攻淄川。三月。克之。移攻教匪於白蓮池。東匪犯深州。掠廣平。劉長佑自衡水親擊之。匪還走山東。僧王遣蘇克金敗之平原。乃分五旗掠畿南。長佑親敗之曲周。降其酋楊鵬嶺。解散千人。四月。

命長佑兼直東豫三省邊界剿匪事。時東昌匪巢林立。巡撫安坐省城不之問。長佑乃檄直隸臬司王榕吉赴東昌。

湘軍記

卷十六

五

治其黨。五月。捻首蘇老夢相盤等掠永毫。程四坎等侵固始。六月。劉長佑誅張錫珠於陣。責楊鵬嶺等勒降。眾繳械馬歸農。東匪平。七月。長佑討宋景詩於館陶。以堂邑空虛。東撫不設備。奏飭閩敬銘移營東南。期夾擊。而自督軍刈禾。進誘匪入伏。抄擊敗之。宋景詩走開州。僧王破平白蓮池。遣陳國瑞將三千人援臨淮。諸捻圩聞王且至。爭反正。十月。僧軍誅苗沛霖於蒙城。禽捻酋相盤葛小年鄒煥林龔耀駢誅之。程二坎李大個魏羣兒乞降。皖北始稍靖。張總愚等西掠南陽襄陽。其年。劉長佑始議設直隸六軍。諸

行省練軍自此始。

三年春，豫擒犯隨州應山僧王自歸德躡之，官文遣舒保擊擒德安西，大破之，窮追入山谷，為賊乘，力戰死，舒保名亞於多隆阿。每軍所至，百姓焚香鳴爆竹，迓之，惟恐其去。及其歿，士民悲悼。六月，曾國荃克金陵，粵賊餘黨自陝西東援者，皆萃楚境，合於擒。八月，偽扶王陳得才等自麻城犯羅田，偽遵王賴汶光合張總愚犯黃安，而毫擒任柱牛老洪李允等，復與總愚合。九月，擒犯蕪水石清吉，戰歿，圍成大吉於蕪北，官文出黃州，僧王軍麻城。

湘軍記

卷十六

六

詔兩江總督曾國藩督師援鄂，國藩自請駐安慶，且言四百里內，駐欽帥三人，恐羣盜輕。

朝廷是月，僧王敗擒蕪州，張總愚走太湖宿松，閉陳大澗，走英山東，逼近商城，會粵賊為僧王擊敗，數萬眾皆降。惟賴汶光張總愚北趨豫境。十一月，僧王擊擒襄陽，未交綏。降賊復叛，僧軍大挫，羣盜由南陽趨魯山，僧軍躡敗之，因走尉氏入鄆陵。

四年二月，擒掠中牟，侵黃河邊。三月，擒入山東，突騎慄疾，數日間，曹單定陶荷澤鄆城鉅野，逆氛徧野，宋景詩率馬

賊二千趨堂邑，直邊皆警。

詔責僧格林沁縱城北竄。

命湖北巡撫吳昌壽率師赴豫，接替僧軍，旋移河南巡撫。擒已至曲阜，東南走滕嶧，復渡運，東北走蘭山，南走郟城，趨贛榆青口，勢將南下。

朝廷憂衷下河。

詔曾國藩李鴻章備淮揚防。四月，擒復還走山東，自曹州北自濮范，東至鉅野嘉祥，西至東明定陶，蔓延數百里，河北大震。當是時，河南安徽山東諸省，既久罹擒禍，居人築

湘軍記

卷十六

七

寨自衛，寇至無所掠，則大呼圩民餉錢米，違且攻寨，民亦略輸賊，冀免禍。僧王度寇糧匱，令軍士橐餽餌，晝夜窮追，輒數十日不離鞍馬，手疲不能舉，繩索以布帶繫，肩，上馱馬，擒知僧軍疲，益狂奔，或分東西走，誤我軍。

穆宗憐其勞，諭擇平原休養士馬，且誡其勿輕臨敵。曾國藩亦言賢王不可久勞，宜假休息，養銳氣，而王性忠勇，期旦夕滅賊，至是躡擒曹州，擒佯敗，自汶上渡河，走鄆城西，北水套，結土匪聚馬步十數萬以待，王軍追至，伏賊盡出，圍我軍，王奮斬數百人，圍益厚，乃率百餘騎突圍走，擒依

林伺之王騎被矛傷驚逸墮地被八創死之部弁奪遺骸瘞麥田中事聞

上震悼遣侍衛克興阿等偕王世子伯彥諾謨帖赴山東迎樞諸督撫將帥以陷王皆獲嚴譴惟陳國瑞苦戰免議是時中外震驚謂捻且乘勢犯畿輔

詔曾國藩督師北征且促曾國荃銷假入覲募舊部隨同剿賊五月國藩奏言僧格林沁督兵重臣猝爾捐軀震遠近之人心長逆賊之兇燄

朝廷責臣討賊至切且速然有萬難迅速者數端金陵楚

湘軍記

卷十六

八

軍僅三千人作為護衛此外惟調劉松山甯國一軍如楚軍不願北征當酌帶楚軍將弁另募徐州勇丁存楚師之規模開齊兗之風氣約須三四月乃可訓練成軍此其不能迅速者一捻匪戰馬極多馳驟平原其鋒甚銳臣不能強步兵以當騎賊擬派員前赴古北口採買戰馬千匹加以訓練此其不能迅速者二扼賊北竄惟恃黃河天險若與辦黃河水師亦須數月乃能就緒此其不能迅速者三僧格林沁之忠勇絕倫婦孺皆知華夷傳誦其統兵追賊日行七八十里或百餘里不等然步隊不及馬隊駕馬不

及良馬勢必參差不齊聞僧格林沁於三月馳至汶上步隊後七日始到兗州馬隊亦有後三日始到者行走太速勢不能自帶米糧埋鍋造飯行文州縣令其供支麵飯兵燹困苦之餘州縣力難具數千人之食又或倉猝得信家丁逃匿或兩縣交界彼此推諉將士爭先落後飢飽不均有連日不得一餐者其隊伍難整在此其行軍神速亦在此臣處行軍每日支帳埋鍋造飯不向州縣索米供應略師古法日行僅四十里或二三十里李鴻章之淮勇亦仿楚師之法其步步穩安在此其行軍遲鈍亦在此僧格林

湘軍記

卷十六

九

沁一年以來周歷湖北安徽河南江蘇山東五省臣接辦此賊不能處處兼顧如以徐州為老營則山東祇能辦兗沂曹濟四郡河南祇能辦歸陳兩郡江蘇祇能辦徐淮海三郡安徽祇能辦廬鳳潁泗四郡此十三府州者縱橫千里捻匪出沒最熟之區以此責臣督辦而以其餘責成本省督撫則汛地各有專屬軍務漸有歸宿此賊已成流寇宜練有定之兵制無定之賊方今賢帥新隕劇寇方張臣不能速援山東不能兼顧畿輔為謀迂緩駭人聽聞然籌思累日計必出此時李鴻章遣潘鼎新率淮勇五千浮海

入天津比至捻已休息南還

詔曾國藩兼制直隸山東河南旗綠營及文武員弁皆聽節度國藩固辭不拜

優詔慰勉之先是東撫閻敬銘聞黃家圍教匪謀變發兵掩捕屠男婦二千餘人案驗無實其所指教首張某者署陝西巡撫張集馨弟也山東士民冤憤已久及僧王陣亡敬銘洵懼棄東昌急走濟南物議益譁朝士交章論劾僉謂僧王之敗由敬銘不應口糧且於王薨之次日佯爲不知密疏請添幫辦以逞先見該撫回省後潛使家眷扮民

湘軍記

卷十六

十

婦逃匿齊河又臚濫保親戚多款事下曾國藩國藩覆奏閻敬銘請添幫辦之疏實在該親王陣亡後一日所發果若所言心術豈復堪問且賢王已逝而僞奏以詔先見之明此至愚之小人所不忍爲豈閻敬銘而爲之該撫自負清正輒以不肖待人故僚屬怨其刻覈至其親戚李均貪鄙妄爲眾論相符應請褫革

詔允之張總愚趨宿亳皖軍迎擊於龍山總愚陷高爐集賴汶光牛老洪任柱等繼至遂圍雒河集雒河集者總愚老巢也布政使英翰駐軍防守羣捻併力死爭冀復據之

英翰率二十餘騎走西洋集留史念祖死守待援國藩檄

黃翼升水師赴臨淮周盛波援蒙亳劉銘傳自濟甯赴徐州嚮皖北時山東肅清侍衛克興阿等率馬隊四百護僧王樞北行所過士女焚香哭送者數十萬人自山東達京師絡繹千里各處建祠私祭遇忌日設齋醮如祀其祖禰焉閏五月曾國藩出屯臨淮始委員搜查圩寨造良民券民冊擇良者給執照爲圩長其梟黠不法者悉案誅之蒙亳奸宄始知畏法馴懦者亦得重見天日矣六月周盛波敗賊渦河北劉銘傳敗賊龍山石弓山豫軍張曜宋慶攻

湘軍記

卷十六

十一

破陳家圍進兵余樓皖軍張得勝克高爐集官軍環逼雒河捻糧罄潰遁雒河解圍賴汶光李允走歸德陳州張總愚任柱走睢州張曜等軍自鹿邑柘城躡擊敗之乃西趨汝洛劉長佑遣礮船西巡河壩黃河水師自此起七月張總愚等由南召魯山趨荆紫關以窺湖北賴汶光等西走舞陽將與總愚會合南奔八月曾國藩移駐徐州張總愚等東走鄧州復西北走鎮平張曜迎擊於黑龍集大敗之遂走唐縣任柱賴汶光等走沈邱劉銘傳要擊敗之乃走項城越周家口渡沙河而北道西華入太康銘傳躡之至

睢州復大敗之。捻走考城。定陶。窺入青石關。青石關者。登萊青三郡要衝也。張總愚圍新野。弗克。遂犯南陽。張曜等擊走之。九月。

上以總愚游奕宛境。慮闖入秦晉。

命李鴻章馳赴河洛。扼山陝門戶。時任柱陳大禧。賴汶光。牛老洪等。馬步六七萬。眾徧布荷澤曹定開。分黨掠銅山濟甯。勢將渡運而東。曾國藩檄色爾固善張樹珊由濟甯迎戰。潘鼎新自鉅野會之。而留劉銘傳屯周家口。周盛波屯歸德。顧西路。張樹聲屯徐州。劉松山屯臨淮。顧中路。因

湘軍記

卷十六

三

言捻勢東趨。河洛現無可辦之賊。臣所部楚師。除留劉松山。勦捻外。餘擬全撤。今所倚以辦賊者。如劉銘傳。潘鼎新。張樹珊。周盛波。皆淮勇最勁之兵。所駐皆三省最要之地。李鴻章豈能撤臣布置已定之兵。挾以西行。

詔罷前議。潘鼎新。張樹珊合擊。捻魚臺豐縣間。連敗之。捻還走單縣。十月。張總愚犯棗陽新野。鄂軍江長貴。姜玉順等敗之。總愚自裕州折走魯山。窺嵩洛。復折而東。十一月。任柱。賴汶光走虞城。趨睢州。將道舊黃河北。繞汴梁。與張總愚合。周盛波迎擊於睢州。敗之。捻走太康。與總愚併圍

扶溝。劉銘傳自周口援扶溝。復大敗之。國藩更令張樹珊屯周口。劉銘傳率師遊擊。捻走襄葉舞陽。後股奔西平。遂平。復分為二。賴汶光走魯山。張總愚走唐縣。鄂軍劉維楨設伏敗之。斬其弟張總志。十二月。張總愚走新野。賴汶光。牛老洪走光州。分掠商城。固始。犯信陽。湖北大震。成大吉。軍譁宋埠。叛卒句捻大掠黃岡。黃安。黃陂。孝感。皆受荼毒。官文飛書乞援。國藩遣劉銘傳援黃州。

五年正月。張總愚犯樊城。鄂軍江長貴卻之。捻還走新野。賴汶光。牛老洪陷黃陂。鄂軍梁宏勝迎擊於黃岡之衛埠。

湘軍記

卷十六

三

力戰死之。劉銘傳克黃陂。詔曾國荃為湖北巡撫。國荃自克金陵。散伍歸農。養病湘鄉。前已起為山西巡撫。未行。

朝廷以鄂事棘。促募舊部赴鎮。二月。徐州湖團案結。曾國藩移駐濟甯。湖團在銅山沛縣之交。故微山湖灘地。咸豐四五年間。黃河溢曹州。山東難民。唐守忠率眾居之。懇地百餘里。眾數萬人。徐州官吏已升科定賦矣。其地膏腴。歲收數倍。銅沛民豔而爭之。湖團乃結捻自助。讎殺無已。銅沛民訴之。國藩國藩下令驅逐。或謂寇氛方熾。激之且盡。

變爲捻國藩遣劉松山引兵屯團中團民皆攜農器回山東撥銀四萬令原籍牧令撫卹之徐境以安乃設同知治其地張總愚自新野北走舞陽鄆城禹州至中牟窺渡黃河直隸水師擊卻之捻走曹州掠荷定鉅鄆東軍楊飛熊王心安敗績任柱賴汶光自光息正陽走項城沈邱張樹珊率隊出擊捻一日夜南行二百里至江口集嚮蒙亳劉銘傳躡至潁州戰良久其部將黃桂蘭被捻圍抄甚急銘傳發炸礮擊之皖軍來助始大奔三月捻走槐店張樹珊要之苑寨捻復分左右翼包抄幾爲所困樹珊與其弟樹

湘軍記

卷十六

古

屏首尾夾擊捻從周口渡河東走鉅野銘傳緊躡之與捻旌旂相望連擊於烏官屯龍堽集皆大敗之捻南還城武曾國荃汰湖北尤軍增湘軍六千以記名布政使彭毓橘提督郭松林爲大將統之時賊騎數萬東奔西突相去動三千里官軍常失之不及國藩已增調李昭慶劉秉璋楊鼎勛備遊擊又以閩粵新平調鮑超萬二千人北行合之湘淮諸軍所部逾八萬矣四月張總愚等走豐單任柱等走睢甯犯亳州國藩奏言徐州居四鎮之中東北則畿輔爲天下根本東南則江蘇爲臣軍根本東路既重不得不

藉運河衣帶之水爲流寇阻截之界惟河淺汛長千有餘里擬與直隸山東增隄置柵畫地分防乃約閩敬銘同巡運河劉長佑自張秋來會定議自范縣豆腐店以下並張秋東阿隸山東防豆腐店以上至東明長垣隸直隸防蓋張秋爲黃河要津山東向不設守也又於運河築牆濬濠北起安山戴廟至沈家口南訖八閘宿遷至密灣成子河分段設戍是爲守河防運之始劉松山敗張牛於湖團躡至曹縣合李昭慶夾擊走之捻自豐沛犯徐州董鳳高李祥和卻之五月劉松山追捻徐州西屢破之張總愚走虞

湘軍記

卷十六

五

城睢州圍陳州犯周口北寨牛老洪亦由宛寨渡河與之會劉松山張詩日潘鼎新追奔數百里張樹珊分隊雕勦捻渡沙河而南任柱賴汶光自懷遠渡渦踞下蔡王永勝劉秉璋躡之捻自潁州留陵口偷渡沙河遇周盛波軍折走西北國藩以運防已固復建議扼守沙河自周口下至槐店槐店至正陽均守沙河國藩與喬松年任之自周口上至朱仙鎮守賈魯河國藩任之自朱仙北四十里至汴梁又北三十里至黃河無水可扼李鶴年挖濠守之正陽以下皆濱淮水師與皖軍任之於是劉銘傳潘鼎新張樹

珊督軍士築長牆。皖蘇官民助之。蜿蜒七百里。以達於運。防屹然若長城矣。劉松山、朱式雲等擊捻。西華上蔡連敗之。七月，捻圍南陽。尹寨、劉松山會宋慶夾擊之。張牛等走。郟縣、禹州而任。柱、賴、汶、光盤踞葉縣、舞陽。以窺湖北。曾國荃出屯德安。鮑超自棗陽趨浙川。內鄉防。西路郭松林、自桐柏、唐縣橫截而出。防東路。劉維楨、鄒新野為霆軍聲援。捻偵南路備嚴。折而北走。是時曾國藩自濟甯道運河。微山湖入洪澤。浮淮泗至臨淮。患病。以雉河、亳州皆捻巢。迂道渦河。令章合才率親軍五百先導。國藩乘輕舸浮渦。

湘軍記 卷十六 六

而上至毫。登陸。八月，至陳州。周口駐營。上疏乞假。捻合四股。趨中牟。偵沙魯河牆已成。惟汴梁近地未訖功。乘夜東趨。撫標三營皆潰。捻急走山東。劉銘傳遣馬隊追至杞。截其後部。國藩急檄劉銘傳、潘鼎新趨虞。單、劉秉璋、楊鼎勛自徐州、韓莊東援。張樹珊衛護。孔林時論以長牆千數百里。虧於一篑。頗咎李鶴年。於是運防黃防同時皆警。國藩焦憤增疾。頗自陳衰狀。請以李鴻章駐徐州。顧山東。曾國荃駐南陽。顧河南。國藩自駐周家口。扼其中。兼顧皖豫。並請飭直隸、山東礮船巡黃河。屏

被畿輔

旨皆報可。捻合犯鉅野。東軍王成謙、王正起卻之。捻猛攻運牆。三晝夜不克。乃引去。九月，劉銘傳、潘鼎新要擊於梁山。大破之。追至荷澤。曹縣東明連敗之。鼎新至杞。銘傳至睢州。捻悉眾集河南。復分為二。自此稱東捻、西捻。東捻任柱、賴、汶、光徘徊黑岡。掘滎澤壩二十餘丈。冀引黃河灌汴。梁河南礮船會宋慶、陸師擊走之。乃自中牟一晝夜行三百里。至曹縣。夜撲袁口。東南突開河圩牆。皆阻東軍不得過。遂由安山戴廟擾長溝。西捻張總愚走許州。牛老洪死。

湘軍記 卷十六 七

其子牛喜領其眾。捻至襄城。鮑超自裕州迎剿。捻已走汝。郊超至魯山。捻由宜陽永甯乘夜狂奔。超自汝洛緊躡之。捻道闕鄉太峪口。繞潼關入陝。犯商州。於是國藩檄劉銘傳、潘鼎新、張樹珊專剿東捻。鮑超、劉松山、劉秉璋、楊鼎勛專剿西捻。捻亦不再合。以訖於滅。十月，西捻自華陰走朝邑。窺渡黃河。陳湜水師卻之。適涇州勇潰。甘回又犯甯州。陝西大擾。巡撫劉蓉飛書乞援。鮑超奔馳千里未及賊。回軍南陽。劉秉璋、楊鼎勛已至陝州。回軍新鄭。朝廷以陝省危急。促鮑超入關。東捻走豐。劉銘傳橫擊之。

捻分爲兩任柱北走賴汝光東南走銘傳復敗之渠家寨
捻併入沛縣湖團走曹縣至太康銘傳張樹珊周盛波連
敗之是月會國藩乞開缺留營

詔侯病痊來覲以李鴻章暫代督師鴻章謙讓

改命國藩回兩江本任

授鴻章欽差大臣國藩四上疏懇辭

穆宗溫旨慰勉之東捻道光固走信陽會國藩出屯武勝
岡遣軍迎擊捻折走羅山趨光固英翰截之還鄉麻城宋
埠掠黃岡之新州倉子埠國藩遣譚仁芳敗之孝感捻陷

湘軍記

卷十六

六

雲夢應城突攻德安遣郭松林破走之應城雲夢皆克復
敗之皂河楊澤劉銘傳軍次麻城周盛波張樹珊次隨鮑
超次棗陽劉秉璋駐隨棗開宋慶亦率軍赴鄂援師羣萃
湖北西捻至華陰陝軍大挫捻聚灞橋西安戒嚴時鮑超
及淮軍諸將皆不樂西征國藩檄劉松山援陝松山毅然
自任其後削平秦隴討定西域所成大矣十二月郭松林
追捻曰口深入中伏傷脛不能起至夜部弁負之出其弟
郭芳鈇敗死獨沈鴻寶五營苦守獲全彭毓橘譚仁芳等
追捻至沙港敗之捻犯安陸國藩遣劉維楨等擊卻之西

捻自臨潼走新豐陝軍阻於雪捻逕犯西安諸軍躡之灞
橋捻突以馬隊包抄三十餘營皆潰湘軍將蕭德揚戰死
遂圍省城時劉蓉已罷巡撫喬松年飛章告急

詔陝甘總督左宗棠督軍討西捻張樹珊擊東捻於德安
之新家間敗績死之捻復走曰口詐稱難民將渡漢而北
國藩遣水師截擊走之捻復犯安陸劉銘傳追擊敗之

六年正月東捻屯尹潞河鮑超劉銘傳約期會戰超後期
銘傳先至戰不利陣歿六百餘人超已引軍東久之知銘
軍敗隔河而陣寇騎如潮超以劈山礮環擊馬多路相持

湘軍記

卷十六

九

至黃昏捻漸不支超麾眾壓之捻披靡馬步自相蹂死者
萬人超乘勝渡河追十餘里銘傳亦回軍猛戰盡奪所失
騾馬捻由曰口北逸超追殺五晝夜俘斬甚眾捻狼狽走
河南超既大捷銘傳怨超賣己超亦謂李鴻章偏袒互有
違言超乞病
屢詔慰留會國藩李鴻章使問相望卒不應乃罷其軍劉
松山擊捻於西安雨花寨編修張錫嘯率百餘騎遇伏死
之官文坐事罷
授李鴻章湖廣總督以江蘇巡撫李瀚章攝其任初左宗

棠佐湖南軍幕游保部郎坐樊變案下官文鞠訊簿責頗急及其罷宗棠已

授欽差大臣自福建道湖北因以官文關防授之閱時纔九載世尤歎其

殊遇云二月李鴻章自徐州移駐周口東捻犯麻城掠蘄水廣濟黃梅游騎至宿松劉秉璋周盛波至太湖捻還走

鄂境彭毓橘軍次黃州聞捻至急進兵迎擊毓橘本湘軍宿將新平金陵有功自負材勇輕騎覘地勢至蘄水六神

港遇捻大至率其部將羅朝雲等直前搏戰軍中初不知湘軍記

卷十六 干 陷圍久無援至與道員葛承霖均戰死湘軍久勝之餘輕於犯險致為賊誤時論惜之三月劉松山擊西捻於邢大

破之時張總愚與回匪合其餒益熾松山既攻破銀渠金渠復有此捷軍勢頗振左宗棠留屯德安請緩赴陝

詔俟援鄂軍至仍即入關四月東捻掠桐柏信陽周盛波自北迎擊提督劉啟福歿於陣捻南走應山孝感入黃安

劉銘傳敗之紫屏捻還走安陸游弋於雲夢應城白口天門間值天旱湖河盡涸官軍憊甚捻亦飢散宋國承遇於

隨州西襲破賊館斬馘數百捻北走新野南陽游騎至鎮

平鄧州捻苦乏食破民寨網載新麥劉銘傳自襄陽躡之豫軍自南陽進擊捻走唐縣五月捻掠舞萊臨穎遂走許州張曜橫擊之捻北走洧川尉氏中牟時山東梁山土匪使使迎任賴捻晝夜馳數百里五日至鉅野合梁山匪陷戴廟隄牆渡運而東犯泰安登萊青三郡皆震自捻擾鄂中運防士卒久懈天旱水涸竟不能為一日守

嚴旨切責論者以曾國藩創設運防未嘗有失頗咎李鴻章鴻章移駐歸德

朝廷猶嫌其遠乃駐濟甯劉銘傳獻倒守運河之議移運湘軍記

卷十六 主 東長牆於西岸又議防守膠萊河鴻章從之會劉長佑英翰亦言驅賊海隅可收聚殲之效

旨下曾國藩等等辦東捻走青石關由青州趨登萊六月捻自萊陽北趨招遠黃縣全股聚海濰李鴻章丁寶楨會

軍扼膠萊河以蹙之膠萊河者元至正開所開新河以通漕運而避海道之險者也延袤幾三百里其北口水淺沙

淤不能築牆西距三十里有濰河入海道乃議從新河西築牆接濰河東以達於海令淮軍東軍分段守之而調防

運軍赴膠萊他軍替運防是時捻已深入海曲咸謂成功

可指日待獨曾國藩憂其難恃貽書鴻章力主倒守運河七月捻屢撲膠萊河爲淮軍豫軍所卻改道走濰河東軍王心安築壘方成而隄牆未竣捻長驅渡河自安邸臨胸南走將由沂莒窺江淮丁寶楨以聞

穆宗怒鴻章交部議寶楨褫職留任先是東軍守濰河本潘鼎新汛地潘軍方南移而北路遽失守

詔斬王心安丁寶楨上疏爭辨乃宥心安而切責鴻章鴻章仍議防運英翰遣張得勝等率皖軍萬人扼仰化集東迄於海曾國荃遣譚仁芳劉維楨等率鄂軍萬二千人扼

湘軍記

卷十六

三

靳口至亨濟開劉長佑遣唐訓方張樹聲率直軍五千人扼齊河張秋鴻章復徵浙兵五千扼六塘河其運河中段淮軍東軍分守之東捻南趨贛榆青口折北走郟城蘭山劉銘傳牛師韓姚廣武屢擊敗之八月李鴻章移駐臺莊捻撲宿遷運河牛師韓等拒卻之復撲老劉淵姚廣武截擊敗之乃北走邳鄆爲潘鼎新所要還走海州漕督張之萬疏論牛師韓姚廣武功請增軍萬五千人英翰亦言宿遷之戰未見淮軍効鴻章觀望丁寶楨復屢疏相詆詔責鴻章忌刻縱賊鴻章疏辨云英翰遠在穎郡繫念運

防派程文炳等出境助剿臣與該撫交好有年何至稍存忌刻縱賊觀望爲此悖義味良之舉至丁寶楨以濰河前事謂臣徇私諉咎倒置是非仰蒙

聖明詳切訓誡臣敢不悚遵臣與丁寶楨本無嫌怨自夏閒賊入東後彼即欲逐賊出境固身任地方之常情惟臣專辦剿捻必思所以制賊之方扼膠萊爲上策次則蹙之運河以東無論能否辦到勢固不能不辦臣擬出三大支爲合力兜剿之計但捻逆人馬眾多不能不稍待時日於是鴻章憂悴致疾曾國藩貽書慰勉之九月潘鼎新敗捻

湘軍記

卷十六

三

海州劉銘傳復敗之王堰牛山捻自贛橫趨蘭山入嶧縣山中溫德勒克西馬隊兜剿捻奔滕縣趨濟甯將撲運防值黃水盛漲沈口戴廟巨浸汪洋灌入運河捻不能飛渡鴻章回駐濟甯飭諸軍嚴堵下游捻乃走泰安由蒙陰而南時郭松林創愈鴻章昇萬人統之號武毅軍十月曾國荃乞病以郭柏蔭爲湖北巡撫東捻走淄川長山章邱將由齊河渡黃阻水師弗能過東南走濰劉銘傳要擊於松樹山大破之捻繞安邱走高密諸城銘傳追及於日照任柱耳受槍傷急奔贛榆銘傳既屢勝捻黨潘貴升獻款請

殺任柱自效銘傳許獎二萬金比至贛榆銘傳自當牛賴令善慶當任柱擒皆百戰之餘殊死鬪善慶令騎兵下馬結陣以洋槍排擊擒死亡相藉猶進不已天忽大霧銘傳令丁壽昌等乘霧繞擒後牛賴兩酋皆遁我軍萃於任首潘貴升自後狙殺呼曰任柱槍斃矣擒遂大奔柱原名化邦毫人粵逆偽封魯王兇猛善戰張總愚李允皆不及剽掠十餘年荼毒數省及其誅遠近稱快餘黨推賴汶光爲首而擒勢衰不復振矣潘鼎新追擊賴汶光於海州上莊大破之斬擒首任金保降者五百人十一月擒走諸城高

湘軍記

卷十六

五

密潘鼎新躡之擒由昌邑北蒙折走濰劉銘傳先至濰擒大驚散走追至壽光俘降四千餘人郭松林要之杞城復敗之於是銘傳松林盡棄輜重裹乾糧與擒相逐擒將沿海南走阻瀾河不能遁乃踞壽光王胡城誓死戰銘傳松林分左右進馬賊數十團潮至善慶溫德勒克西率馬隊拒之追至鳳凰臺擒步隊猶列十餘里牛喜子率白旗直犯銘傳賴汶光率藍旗分數支犯松林戰良久我軍無不一當十擒大潰壽光民圩皆從壁上觀見官軍勝開圩助殺擒多死於瀾河浮尸二萬餘俘一萬餘人奪獲騾馬二

萬匹偽列王徐昌先偽首王范汝增任柱兄任定皆伏誅賴汶光率千餘騎薨水南奔沐陽十二月擒渡六塘河牛師韓程文炳俘百餘人劉銘傳郭松林由山東疾馳六百里追至清江黃翼升李昭慶追至淮城擒由高寶趨揚州吳毓蘭迎擊瓦密鋪陣俘賴汶光殘黨走六合天長盱眙薙髮而散偽魏王李允逆首牛喜子任三厥詣李世忠降賴汶光本粵賊悍黨偽封遵王洪首誅始變而爲擒與任柱相依柱善戰汶光善謀其兇悍視他賊爲甚自書親供千餘言述粵賊事甚詳

湘軍記

卷十六

五

詔凌遲處死並牛喜子李允任三厥駢誅之東擒平李鴻章疏請休兵籌善後劉銘傳假還諸將爭請解兵歸農而西擒擾畿南京師大震同治七年正月詔李鴻章急赴河北會剿先是六年六月左宗棠率師入潼關西擒張總愚渡渭北往來蒲富高渭閒宗棠遣劉松山郭寶昌黃鼎會擊破之七月擒走臨潼三原咸陽劉效忠擊之走興平八月宗棠移駐臨潼擒自興平渡渭而北復由臨涇渡涇而東大雨阻水官軍不能進九月宗棠遣

劉松山等進富平劉典高連陞等進相橋康橋擒由蒲城入北山十月宗棠遣軍敗之洛川擒固廊州甘泉不克犯宜川劉松山追至洛川遇回匪大至李祥和戰死擒敵大張陷延州綏德十一月劉松山郭寶昌躡至清湖克綏德擒自宜川渡黃河犯山西連陷吉州鄉甯山西河防故隸按察使陳湜湜初聞擒在綏德注意防葭州及擒渡河湜先至省城白事聞報馳至擒已南擾河津逼解州運城穆宗大怒湜與巡撫趙長齡俱得罪

詔張曜宋慶程文炳分道防河北宗棠親率劉松山郭寶昌等軍入晉克吉州鄉甯解稷山圍十二月松山破擒洪洞擒走平陽自垣曲趨濟源循河至原武犯衛輝宗棠令喜昌全福安住率馬軍偕松山寶昌趨彰德嚮直隸是年正月擒自內黃渡漳大股走平鄉雞澤南和邯鄲順德至定州保定戒嚴神機營偵擒已近易州直隸總督官文奏擒在涇陽驛有

詔詰責並促李鴻章馳赴畿輔左宗棠扼保定以北擒犯雄縣張曜等方至湯陰劉松山至保定李鴻章尙在徐詔切責鴻章李鶴年左宗棠官文俱奪職丁寶楨先至河

湘軍記

卷十六

三

閒

溫旨嘉獎擒陷獻縣

詔恭親王會神機營王大臣總京師巡防侍郎李鴻藻請派親王爲大將軍左李爲參贊

詔恭親王節制左李及諸督撫以宗棠總前敵諸軍令侍衛陳國瑞領萬人隸神機營英翰率師入援二月左宗棠師次保定李鴻章至德州劉松山等敗擒獻縣商家林擒走深州博野劉松山郭寶昌躡及敗之擒走安平遇郭松林軍納降數百人擒走深澤劉松山郭寶昌會張曜宋慶

湘軍記

卷十六

三

夾擊破之擒還走饒陽深州郭寶昌誅其首張和尚張五孩擒走肅甯程文炳追及於博野拔難民數千人擒自晉州渡滹沱劉松山張曜郭寶昌等追至河干擒之未渡者殲焉時援師大集晝夜與擒馳逐迄不得要領擒一人挾數馬避兵疾行李鴻章乃議驅之太行黃河閒而李鶴年奮請任攻戰均無效三月擒渡漳走清化伐木爲矛張曜等追之擒走封邱郭寶昌迎戰不利被二創提督周盈瑞敗歿遂走滑破唐仁廉軍提督陳振邦中矛死左宗棠親督喜昌馬德順等擊於滑敗之擒自南樂清豐走莘趨東

昌郭松林要擊於荏平俘數十人。捻自平原走陵縣吳橋。四月乘雨至東光。將渡運河。迫追軍改走南皮。遂至天津。道靜海鹽山。入山東掠陽信海豐。恭親王奏蹙賊海隅。限一月平捻。李鴻章復議防北運河。丁寶楨英翰會東昌議分守汛地。自臨清至魏家灣六十餘里。皖軍駐防自東昌南至張秋九十餘里。淮軍駐防諸軍分段修牆。時漳衛盛漲。導之減河。自運達黃。戰艦通行無阻。

詔徵劉銘傳赴營。捻南掠平原高唐。走清平博平。窺渡運河。值黃水入運。折而東南。淮軍東軍築隄牆成。左宗棠至

湘軍記

卷十六

天

鹽山以防軍足恃。還駐吳橋。閏四月。劉松山張曜追捻至慶雲滄州。其酋高老步等率數百人降。捻自泊頭撲運河。松山與水師丁長春夾擊走之。捻至連鎮吳橋。聞左宗棠駐守。折走平原高唐。荏平陳國瑞連擊破之。

朝廷以平捻限滿。增

命都興阿管神機營。

授為欽差大臣。率春壽馬隊並張曜宋慶陳國瑞等軍。均歸調遣。捻走武定。掠海豐。陳國瑞追擊敗之。五月。左宗棠令劉松山息兵。運東甫數日。捻騎已近海豐。松山喜昌自

鹽山橫出截之。捻不及陣。狂走滄州。張曜自南夾擊。大敗之。捻奔陵縣臨邑。先是李鴻章遣郭松林潘鼎新周盛波王心安等自臨邑築牆。屬之馬頰河。空出西南河濱。餌捻。至是張曜宋慶追至臨邑。捻不肯深入。走濟陽。鴻章知計不售。乃遣諸軍兜剿。張曜宋慶趨武定。郭松林潘鼎新王心安守隄牆。周盛波駐吳橋甯津。捻走海豐。張曜等過於濱州。大敗之。乃走陽信。郭松林王心安進至樂陵。捻自陽信還奔海豐。郭松林唐仁廉春壽追擊敗之。乃出甯津。吳橋間西南馳百五十里。至德州。左宗棠自連鎮親督軍追

湘軍記

卷十六

天

之與郭松林馬步相繼。捻不得喘息。是役諸軍追剿。歷十六晝夜。斬馘無算。捻益不支。六月。郭松林潘鼎新擊捻於沙河。大破之。俘斬四千。張總愚中槍落馬。數十騎翼之。逃時大雨平陸。劉松山等軍為積水所阻。張曜等駐臨邑。捻走甯津西南。松山令軍士避淖而行。追至吳橋。俘斬二千。羣捻多降。初。曾國藩檄黃翼升歐陽利見姚廣武各率所部。礮船自張秋渡黃。龍神見舟中。水忽大漲。乘流進口。入德州。於是運防益固。劉銘傳至德州。謁鴻章。聞各軍大捷。不肯攘功。力辭兵事。鴻章仍令率舊部赴前敵。捻自湘軍

擊敗後走德平。郭松林潘鼎新陳國瑞張得勝等追師集商河。張總愚涉水走西南。至高唐。鼎新追及。乃嚮博平。清平。圖撲運防。時東昌臨清張秋開河水深。馬頰河黃水漫入。各營嚴守。捻不得近。乃由博平向東昌。迤南犯河牆。守軍卻之。銘傳等乃議守徒駭河。銘傳由桃橋守。至南鎮。松林由桃橋守。至博平。袁保恆張曜宋慶由博平守。至東昌。圍捻於黃運。徒駭之間。是時水溜泥濘。捻無所掠食。部黨解散。數萬眾不知所之。松林銘傳馬隊五六千。縱橫要擊。斬數千人。張總愚率數十騎北遁。馬勇及之。乃棄馬入禾。

湘軍記

卷十六

三

叢人之不得脫。總愚赴水死。獲其子張葵兒。其從子張正江走南鎮。銘傳追獲之。俘老捻四千人。餘匪悉爲善慶。溫德勒克西所殲。西捻平。李鴻章協辦大學士。與左宗棠並晉太子太保。劉銘傳封一等男。其餘將帥給獎有差。王定安曰。三代時中夏無騎兵。行軍皆以車戰。至戰國始知用騎。其風蓋昉自北漢。當時諸侯王封域千里。縱敵近世一行省。輒稱鐵騎數十萬。縱橫馳突。或數日即至人國。都於是。三晉燕齊皆築長城自衛。其見於短長策者可攷也。秦并天下。中國無盜警。乃築萬里長城限胡騎。由斯言

之牆塹之足以拒馬。由來久矣。自捻之盛。悍騎何啻五六萬。僧王率蒙古精騎追之。常落其後。曾公國藩奉

命北征。初亦苦無馬。屢使使出口購之。馬之至者無多。而寇日以盛。始變計築長牆守運河。暨沙魯諸河。聞者皆笑其迂。其後李公鴻章踵而行之。更守膠萊北運河。及馬頰。徒駭遂蕨厥功。夫築牆千里。合數省兵力守之。寇至或不能保。亦計之至拙者也。然天下之至巧。非至拙者不能勝。堅守其拙。而巧者靡矣。今西洋之船堅礮利。固無敵。其所謂鐵甲船者。礮火不能傷。風濤不能撼。固天下之至巧者。

湘軍記

卷十六

三

矣。然而遇沙灘則停。觸礁石則漏。夫沙石亦物之至冥頑無知者也。而鐵甲船畏之。則知拙之足以制巧。斷斷然矣。余昔從曾公遊。有

詔詢西夷和戰事。公曰。夷可與戰乎。余對曰。可。公問何恃。對曰。某不知其何恃。然觀公所部七萬人。皆用西洋槍礮。中國利器無出其右者。而屢挫於捻。捻僅用長矛二丈。飛騰入陣。槍礮不得再施。知捻之可以勝官軍。則知西夷之可以戰也。公初疑其辯。已而曰。子之言是也。勝負在人。不在器。然安得二三孟浪不畏死者。爲余前驅哉。

湘軍記卷十七

東湖王定安撰

平回上篇

回之興肇於隋其教曰天方師曰穆罕默德

一日摩訶未

皆譯語大食國人大食在漢曰條支魏曰波斯東西俱距

紅海范書謂條支土地暑溼臨西海三面路絕是矣其先

與西洋天主教同出一源相傳世統起於阿丹所謂始生

人祖者也歷十代而至弩海當中國洪水之世又十代而

至易卜臘欣生二子曰易司馬儀曰易司哈格易司哈格

湘軍記

卷十七

一

傳三十一代而至耶蘇是為天主教祖易司馬儀傳二十

八代而至穆罕默德是為天方教祖耶蘇生漢哀帝時穆

罕默德生梁中大同元年後六百年而世族反出其上外

族紀載慌忽不可考也穆罕默德生而神異見佛像不拜

弱冠從其叔父賈於沙牧以牧駝為業沙牧者耶蘇故里

也一日憩古樹下天主教人詢其姓氏愕曰昔耶蘇遺言

六百年後有聖人坐此今果驗矣穆罕默德私自喜年二

十五娶於赫底徹氏赫底徹者墨克故君之女饒於貲年

已四十矣穆罕默德居室若有光乃棄世事日往侯獵山

湘軍記卷十六

湘軍記

卷十六

三

武昌范德培校字

唐書曰創立新教忽聞途中呼聲大恐趨至洞復聞誦經

聲歸語其妻妻曰是道成之徵也亟散財以贖貧者於是

自謂授天經大旨以萬物非主惟有真主真主命穆罕默

德興教制禮順之者登天堂逆之者墮地獄墨克人皆詆

為誕發兵捕之率其徒十二人奔默狄那默狄那擁立為

王時隋開皇十九年回回歷所稱阿喇必年者也一曰阿

猶言為聖有默言於郊曰天使來西域諸國咸朝貢尊為

別諸拔爾譯言乃哀亡命於怛曷水劫商旅貨貨以自益

墨克人往討敗還遂乘勝滅波斯破拂菻南侵波羅門併

湘軍記 卷十七 二

諸胡國地廣萬里東距突騎斯西南際海勝兵四十萬康

石皆往臣之是時西北諸胡多奉天方教回紇其一也回

紇本匈奴俗而白帽事天奉摩尼為師與天方同中國距

天方遠見白帽者輒以回紇概之回回之名自此起大業

中穆罕默德遣其徒撒哈八即蘇撒阿的即賽幹葛思即

歌入中國建懷聖寺於番州今廣東是為天方教東來之

始唐肅宗時回紇助收兩京留戰兵於沙苑沙苑在同州

馮翊縣南二十里宜六畜回紇騎兵多故令屯此養馬杜

甫留花門詩曰連雲屯左輔百里見積雪樓大防云回紇

之積沙苑臨清渭泉香草豐潔花門既須留原野轉蕭瑟

正詠其事是為回回留陝西之始武宗會昌元年黠戛斯

破回鶻誅可汗殘部入雲朔掠幽州節度使張仲武大破

之降回部三萬眾詔配諸道其後回益衰散居甘州有磧

西諸城懿宗時其酋擊吐番盡取西州輪台地自五代訖

宋甘涼瓜沙皆有回鶻族帳隴西回部於斯眾矣宋徽宗

宣和回鶻因入貢散處陝西諸州為商賈久不歸詔禁

之而不能止其種人漸居秦川為熟戶元太祖先定西域

回部內屬世祖奄有中夏設回回司天監以測星度於是

湘軍記 卷十七 三

考試科第則設回回國子學選用醫藥則設回回藥物院

製造軍礮則設回回軍匠萬戶府而各省參知政事必以

回回一員充之其各道廉訪司各部達嚕噶齊及江南州

郡皆以回回與蒙古漢人參用而內職如中書省宣政院

暨六部皆有回回掾史書寫若干人外則河南江北暨江

浙湖廣四川陝西甘肅遼陽嶺北雲南諸行省皆有回回

掾史通事知印若干人中國回族之盛至此極矣明沿元

制回回居內地者儕之齊民

國初廣州甘肅回弁皆擁明裔梗

王命自居股頰。

大兵旋破平之。乾隆中。戡定回疆。設官分守。西域年班入覲者。相望於道。是時循化廳回馬明心始創新教。其徒蘇四十三。讎殺老教百餘人。老教經皆默誦。新教則朗誦之。於教典無關出入。回族愚獷。至以此相戕。可憫也已。蘇四十三既誅。

詔移西安提督於固原。移固原總兵於河州。以控回民。未幾。廣西巡撫朱椿獲回民海富濶。搜其回經數十卷。疑爲蘇逆餘黨。名捕著書作序及贈書之人。咨兩江湖廣督撫。湘軍記 卷十七 四

高宗諭曰。回民持誦經典。自唐宋以來流傳中國。相沿舊本。在回民家喻戶曉。並無毀謗悖逆之語。各奉其教。與僧道喇麻無異。焉能盡人其人而火其書乎。地方大吏遇有奸民倡立邪教。自當實力究辦。若回教各省皆有。飲食作息與平民等。不過不食狗豕肉耳。如以傳習經典與邪教一例查辦。則安分守法之回民。轉致無所措其手足。卽上年蘇四十三之事。其舊教回民倡義率眾。協同官兵勦捕。經朕節次獎賞。則朕之視回教民人。皆吾赤子。各省督撫

安得歧而二之乎。於是陝西巡撫畢沅奏言。陝屬回民較他省爲多。而西安及所屬之長安渭南臨潼高陵咸陽及同州府屬之大荔華州漢中府屬之南鄭等州縣。回民聚堡而居。戶口更爲稠密。西安省城回民不下數千家。城中禮拜寺七座。其最大者係唐時建立。各寺俱有傳經掌教之人。稱爲阿洪。不相統屬。從前長安回民械鬪案件頗多。究因地方有司管教不善所致。非存心姑息遇事寬縱。卽因其回民有意從嚴。遂至私圖報復。互相讎殺。此後如實有隨同新教。或別立邪教。卽當嚴絕根株。倘不過尋常念

湘軍記

卷十七

五

經禮拜。卽不必另立科條。致滋擾累。疏入。上大嘉賞。諭各省行之。自此內地回族安堵者垂八十年。至同治初元。而後有陝回之變。先是咸豐末。河南巡撫嚴澍森遣募荔渭涇陽回勇六百。赴汴防守。頗資其力。未幾澍森調任湖北。挈回勇還陝。遣撤之。屬團練大臣張芾招練以備寇。元年二月。粵賊陳得才合捻匪入武關。三月。陷鎮安。孝義窺省城。全陝大震。是時標兵多遠征。省防空虛。巡撫瑛榮將軍托明阿飛章乞援。詔官文曾國藩於多隆阿舒保中揀一人援陝。道遠弗能

至巡撫日與張芾勸紳民募團勇自守在籍知府梅錦堂
率十八厥之眾守子午谷訓導趙權中以沙苑之眾守箭
谷四月癸丑朔渭南回目馬世賢馬四元率回勇五百詣
趙權中云奉團練大臣檄募同教人來助趙權中受之頃
之民團陳茂經張龍驤張新緒俱陣亡趙權中懼令馬世
賢等退守渭河渡口回勇聞警皆散歸什伍成羣道經華
州之小張村伐民家竹爲矛主覺率眾噪逐斃其二餘回
逃匿秦家村村固華州回民聚居者以族類被戕欲糾他
村復讎小張村人患之結濱河村堡漢民萬人將先發制

湘軍記

卷十七

六

之華州回大恐悉挈老弱渡渭而北寄居荔渭沙苑閒揚
言三邑漢民傳帖相約期三日內盡滅我羣回半信疑伏
要衢伺之竟縛一人至搜其身果獲傳帖如所言蓋莠回
僞作以堅眾人之信也由是姦宄羣相煽惑人情恟懼一
日數驚而粵捻阻河不得渡連陷渭南華州東走華陰出
潼關趣陝州外寇甫去而回亂已勢若燎原矣回巢最巨
者在大荔日王閣村日羌白鎮日橋店在渭南日禹家莊
日倉頭渡日邸家莊歧於華荔渭界者日也家灘其他環
列村堡以數百計其回目狡戾者日赫明堂日任五日

世賢日洪興日馬龍馬四元日也代榮也代恩日邸元魁
日大瓜蛋日哈哈娃其首難者赫明堂任五也初咸豐五
六年間赫明堂任五在雲南倡亂事敗潛遁至倉渡於禮
拜寺私造器械旗幟羣回畏之惟其命是從王閣村羌白
鎮故與大荔之八女井鄰井民素强悍偵回之將叛也糾
萬人謀屠之富紳李樹德講解且與回和回陽諾之井民
遽散丁丑王閣村回糾眾猝攻井民井民無備聚族戕者
甚夥遂燒八女井防河壯丁聞變歸者逃死殆盡於是大
荔之沙南渭南之河北村鎮多被焚屠己卯燒孝義鎮殺

湘軍記

卷十七

七

趙權中紳民死者五百餘人爲首者即所部河南回勇也
而華陰漢民亦焚秦家村及沿河回堡耀州富平漢民起
應之燒禮拜寺搜殺至同官之韓家原亂聞
詔瑛榮諭解之五月張芾率四委員出省安撫漢紳蔣若
訥回紳馬百齡與之偕瑛榮復檄署臬司劉鴻恩赴河北
張榜解散適漢南川匪陷青石關粵賊另股陷山陽豫鄂
援師久不至瑛榮計無所出則請調還各路陝兵
朝廷以緩不濟急飭官文催雷正綰何紹彩等赴援令提
督成明率京兵二千扼蒲州張芾由新豐渡渭戊子宿臨

潼之油坊街街故繁庶以回變商民他徙知縣繆樹本館
芾於空舍臨潼鄉團聞團練大臣至則率團勇萬人趨油
坊爲之衛芾悉麾之去己丑倉渡回目偕十餘人來謁自
訴無叛狀芾慰之曰汝等皆良回起釁者任五耳只誅渠
魁脅從罔治吾居此但待汝等一紙甘結耳芾不知任五
同來任五聞之大恚乃潛歸倉渡招其黨數千將手刃芾
以洩忿芾弗審也他回以語馬百齡諷芾速去壬辰天嚮
明四委員詣芾請行芾默坐不語馬百齡厲聲曰公等不
速行必欲同死耶四委員乃出鞭馬急走繆樹本復請行

湘軍記

卷十七

八

芾曰姑食而後駕庖人以餅進芾索粥復解裝而炊食粥
已方升車而任五大股已至擁張芾繆樹本蔣若訥馬百
齡至倉渡芾罵賊不絕口回截其耳六月甲午芾與樹本
若訥暨姪孫濤併及於難事聞

詔張芾照侍郎例優卹建祠省城以繆樹本蔣若訥張濤
附祀馬百齡亦賜卹未幾逃歸大荔回圍同州同州民先
屠城內回戶臬司劉鴻恩率守令登陴守九日而圍解時
附省村堡多遭焚殺難民被創入省者萬計甲寅回犯省
城西關遊擊孟柏林擊卻之乙卯犯東關總兵閻丕敏出

擊回繞西關燒金勝寺孟柏林復擊走之另股從西北來
提督馬德昭奮擊敗之斬四百人回初起不任戰故官軍
能以少勝眾然西同十數州縣嘯聚日眾馬礮器械日增
而省城鹽炭闕乏馬德昭以兵運之於河灘回時出要劫
弗獲丁卯回犯北關攻馬德昭營閻丕敏自東關孔廣順
自南路合擊走之次日回悉銳犯西北兩關德昭廣順分
擊卻之

朝廷以回匪攻城戕官萬無撫理

命吳振械由滇赴陝助瑛築以多隆阿督陝西軍復

湘軍記

卷十七

九

命勝保率師入關成明至蒲州屯嚴家莊不敢進有乞援
者輒以軍食艱乏爲解同州官民大失望回以萬人攻長
安之六村堡馬德昭率百騎赴援爲賊圍瑛築遣兵救之
出德昭憤甚越日復引兵血戰協領圖克庚阿訥勒和春
歿於陣回陷六村堡屠數萬人七月雷正綰由商南至西
安穆圖善軍次商州回圍涇陽用地雷轟城埒二丈知縣
莫元虞堵合之是時風翔回殺漢民與西安同州相應甘
肅悍回亦皆蠢動而漢南川匪未靖滇匪郭刀刀復由川
入陝陷平利東路則粵捻由浙川入荆子關多隆阿已抵

商南還軍而東八月勝保連破回於臨潼朝邑遂督師前進灃橋諸回巢聞風逃遁西安解嚴官民大悅

詔勝保專督陝西軍雷正綰副之勝保已平附省諸回巢則規取咸陽之馬家堡蘇家溝以進援涇陽鳳翔而成明挫於同州移屯朝邑回復糾大股攻朝邑哀詞乞援

詔勝保雷正綰夾擊時粵賊掠商南捻匪掠維南陝東大警閏八月多隆阿軍破粵賊於武關外捻亦東走盧氏甲午勝保親赴咸陽戊戌擊回於咸陽城北大破之克其壘四己亥回復糾大股復讎雷正綰親督馬隊擊走之追奔

湘軍記

卷十七

十

三十里九月滇匪掠甯陝之火地嶺勝保遣王佐臣要擊於蓋屋郿縣境連破之匪走寶雞山中咸陽回偵勝軍分隊南勦糾三四萬眾屯馬家堡四出攻掠雷正綰日有斬禽而賊燄未滅勝保檄王佐臣等還咸陽增調馬陞譚玉龍會攻庚申勝保雷正綰親擊破回於畢郢原漢之細柳營也甲子進攻馬家堡下之連克其壘六西路始通丙寅倉頭回踞白起營復破走之涇陽糧盡乞援勝保令成祿等趨三原出賊後烏勒興阿等徑援涇陽馬上馱米麥以濟城軍留雷正綰屯咸陽而自返省城與巡撫籌餉事時

陝中糜爛多隆阿援軍與粵捻戰楚豫閒弗能西勝保所部才萬人不敷援勦乃奏徵苗練入關苗練者苗沛霖也中外大譁回急攻朝邑

詔促勝保親赴同朝十月勝保自臨潼移駐同州以王閻村羌白鎮為回老巢環攻之回亦悉銳屢撲我營我軍入戰皆捷軍威稍振十一月勝保令諸軍自同州西關連紮至楊家河回先以馬賊數人求撫暗約咸陽蘇家溝塔下沙河高陵悍回來援己未羣回磨至戰半日始卻次日回犯城北復卻之當是時多隆阿已擊破粵捻諸寇聲威益盛秦人望若時雨而勝保所部多降卒囂雜無紀律餉匱倚捐於民又以徵苗練故道路洶洶皆言沛霖反沛霖亦言引軍赴陝朝士交章論劾有

湘軍記

卷十七

十一

詔褫職逮問授多隆阿欽差大臣兼統其軍多隆阿已抵潼關知回巢精悍以王閻羌白為最則馳赴同州駐軍城外回見多軍新至悉銳來犯多隆阿今日回自起未嘗大懲創故敢先來嘗我今日之役繫全秦安危吾自臨陣觀戰有不勝者斬之比交綏士皆一當百須與克東西韓村回壘八悉燬平之十二月己卯令穆圖善統九營築壘洛

北陶茂林温德勒克西等騎步護之而自率姜玉順等覘地勢見洛南賊巢蟻列乘夜造浮橋二令陶茂林誘賊離巢回果全力出抗朱希廣暗渡河南擣破其營火光四起奪漢村三自此無日不戰進偪王閣村四里而營回首懼遣哈連升卑辭乞撫多隆阿不納哈連升者潼關副將前陷於回者也降捻宋景詩以勝保去位請隸雷正綰已而叛逃走山西直隸還山東時論皆咎勝保罪益加重焉是月涇陽陷雷正綰旋復之甘回掠隴州知州邵輔戰死陝甘總督熙麟駐潼關奏調馬德昭赴甘多隆阿檄德昭

湘軍記

卷十七

三

援興安省城紳士哀詞乞留德昭駐防瑛榮以聞

詔允之

二年正月回犯西安省城馬德昭屢擊卻之甘回起平涼

陷固原

詔熙麟駐慶陽督師調延綏兵並阿拉善王旗兵援固原川匪掠鹽屋鄂縣省城糧路益梗瑛榮令王夢麟援鳳翔半塗為回截而返二月丁丑朔多隆阿克羌白鎮進攻王閣村下之初多軍患疫未能猛攻覘王閣羌白相距五里中列回營八繚以長濠而羌白堡塞壁立尤號堅巢多隆

阿謂宜攻其所恃先下旁營盡燬之乃嚮羌白與諸將約曰一鼓齊進再鼓畢登三鼓而不克者杖四鼓而不克者斬回以騎賊自西南馳來蘇倫保怒馬陷陣當者披靡諸將乘之樹梯爭登遂克羌白羣回老弱哭聲殷天悉屠之王閣回見羌白已破驚亂相蹂陶茂林伏兵自林中出須臾入其壘殲回以萬計獲輜械牲畜無算藏鏹數萬悉犒軍士日暮唱凱還營遠近兵民聚觀者無不加額稱慶歡聲如雷蓋羌白王閣為回倡亂之地尤羣兇之所萃云多隆阿患瘡不能騎部將王萬年傅開德均受鎗傷以省防

湘軍記

卷十七

三

緊要令曹克忠率烏拉馬隊兼統瑛榮所部楚勇七營駐長安鄂縣之交以通糧路三月癸亥多隆阿肩輿視師見回之長濠自龐谷莊東至沙窩北至雷化西至喬午縣互三十里輔以小溝木城為負嶠計甲子至丙寅移營進偪丁卯我軍薄濠邊回已布隊長濠外鏖戰良久我軍奪據沙梁立四營以轟龐谷戊辰多隆阿親督諸軍攻北濠取雷化次日下之庚午拔木城破東濠以十二營攻喬午自督親兵六營攻龐谷下之遂克喬午孝義鎮天已嚮晚令趙旣發陶茂林移營濠內比壘成已三鼓次日濠內立八

營於是同州回氛大挫而雷正綰亦屢捷於西路多軍所至如摧枯朽矣四月丁丑朔多隆阿進攻倉渡築礮臺轟回壘回亦修月城禦之次日四鼓令軍士蓐食約曰今日不下倉渡毋以士馬歸也諸將人人自奮血戰竟日一躍登陴火其壘追北二十里殘回阻渭水多溺死乃留七營戍倉渡檄潼關道造浮橋濟師期與省垣聲勢相通是月總督熙麟遣軍援平涼中途失利知府和英等敗死

詔責多隆阿兼顧甘防五月壬子陶茂林藍斯明等渡河跨渭而營蘇倫保常興阿馬隊繼之趙既發朱希廣營倉

湘軍記

卷十七

四

渡高陵金順溫德勒克西馬隊護之次日復令金順騎軍渡渭而南丁巳敗回於零口陶茂林移營駐之庚申金順穆圖善追回至零口橋窄人眾遮殺過半多隆阿策回將他遁豫囑陶茂林扼渭水伺之越日回果過戲河我軍躡至回盡燬所過橋梁值大雨水發人馬皆病涉乃派卒與梁以濟軍士冒暑過征疫瘡並作死者十二三多隆阿亦患痢約穆圖善等出南岸朱希廣趙既發屯交口堅壁勿戰以待南岸捷六月丁亥回乘夜覺水渡渭撲我營趙既發開壁出擊躡之過河破回巢十三朱希廣亦率軍渡渭

而北回以萬眾包抄朱希廣趙既發俱戰死多隆阿聞敗憤將士不用命與疾至交口辛卯親督諸軍三面進攻輔以礮船殲回數百人回匿不出七月辛亥克蒲葑窪拜家村乙卯克三府里燬白鴨嘴烏什回巢略盡丙辰拔沙河老巢溺斃悍回數千漆水爲不流於是省東皆靖丙寅多隆阿至西安與將軍巡撫計事瑛榮礮革遣戍擢劉蓉陝西巡撫由四川率師入秦未至按察使張集馨暫權之

穆宗以鳳翔平涼被圍久諭多隆阿撥兵馳援乃令陶茂林三千五百人援鳳翔曹克忠攻鄂穆圖善攻十三村八

湘軍記

卷十七

五

月丙申多隆阿還駐交口庚子進屯普陀原大雨結橋以渡令雷正綰攻永樂塔底馬升扼咸陽壬寅穆圖善攻十三村下之進規高陵留兵戍之雷正綰克永樂塔底戊申回由渭渡涇我軍移屯河北逼之回乘勢來犯多隆阿令馬隊營之回敗走躡之長陀灣辛亥進攻蘇家溝回菁華所聚地也甲寅下之殲回五千俘獲無算進破渭城灣殲萬七千人羣回多走甘肅總督熙麟僻處慶陽護總督恩麟在蘭州寇所至無人遮遏固原平涼井舍皆墟是時陶茂林破川匪於邠進攻槐芽鎮白家門皆下之遂薄鳳翔

壁七里河鳳郡解嚴知府張兆棟由是知名陶茂林擢甘肅提督多隆阿移西安將軍曹克忠授河州鎮總兵克忠渡渭擊白起營馬家埠破之關輔稍靖

詔促多隆阿援甘陶茂林移軍度隴與雷正綰會攻平涼十月庚辰川匪陷蓋屋辛卯曹克忠大捷於白吉原回走固原壬辰雷正綰由永壽趨邠州回解圍遁自是陝西回懼多軍威逐漸西趨而甯夏漢回互鬪兵備道侯登雲練民團備之將軍慶瑞或撫議奏劾侯登雲勒漢團繳軍械丁酉回夜襲甯夏陷之侯登雲遇害漢民屠戮無遺滿城

湘軍記

卷十七

六

隔數里慶瑞佯爲弗聞也次日靈州回起陷州城大掠滿營細載而去事聞

嚴旨責慶瑞促熙麟赴蘭州接印

諭山西巡撫英桂撥楚勇千人屯定邊直隸總督劉長佑揀勁旅二千提督訥欽統之援甯夏甯夏者宋之西夏地沃饒稍東接榆延西達涼州蘭州趙元昊據以抗衡中國者也自元年陝回煽變遣黨四出句結於是靈州之同心城鹽茶廳之預望城伏莽滋起而馬化隆亦據金積堡設礮卡納亡命反側鳴張虎視一隅甯夏既陷其酋赫姓使

使迎馬化隆入城羣回跪道左咸聽命焉是時馬彥龍馬占鼐起和州陷狄道馬桂源馬本源起西甯逐總兵知府桂源自爲西甯守本源自爲西甯鎮辦事大臣玉通不能制其後馬文祿踞肅州自稱兵馬大元帥而岷洮渭源靜遠循化會甯安定等處先後變亂甘肅全境無完土矣自金陵合圍苗沛霖誅殛東南事機日順多隆阿乃請下兩江督撫撥兵赴陝且催石清吉楚軍西行十一月大雪劉蓉軍次褒沔以漢南賊勢猖獗約多隆阿分兵夾擊多軍方圍蓋屋未暇也十二月蓉至甯羌川督路秉章增撥九

湘軍記

卷十七

七

營助之

詔促劉蓉趨青石關與京卿李雲麟規復漢中城固會洪秀全召粵賊援金陵漢南諸酋始各離散陝西稍稍息肩矣

三年正月粵賊棄漢中興安東走多隆阿遣馬隊防西安劉蓉至漢中多隆阿益力攻蓋屋部將多傷亡二月癸酉地雷發城垣僅數尺諸將踐登士卒傷至三千餘卒弗克適陶茂林軍抵汧陽曹克忠擊破麟遊各匪雷正綰復大捷於靈臺援甘諸軍所嚮皆利多隆阿爲川匪所絀督戰

愈急甲午令軍士攻月城自登礮臺親鼓之鎗子傷左目
鼓音不絕次日克蓋屋捷聞

穆宗頒珍藥賜多隆阿遣其子雙全隨侍旋因傷病重請
以穆圖善權欽差大臣

詔允之三月劉蓉至西安甘回竄隴州之神峪河陶茂林
擊敗之雷正綰大捷於平涼之四十里鋪殛回目楊自明
等數千人四月多隆阿卒於軍德興阿真除西安將軍穆
圖善擢荊州將軍與劉蓉會辦陝事固原提督雷正綰仍
偕陶茂林曹克忠會師援甘訥欽罷以將軍都興阿接統

湘軍記

卷十七

六

甯夏軍茂林已平神峪河約正綰攻平涼城城回乞援固
原糾悍黨八千來犯茂林要擊於米家溝大破之回走大
和溝爲正綰所截馬隊乘之追至紙坊川殲焉遂薄平涼
而營克忠連敗賊於長甯驛馬麻鎮李雲麟敗粵賊於仙
河以糧盡還興安羣賊集陝南陝回導至澧河五月戊申
金順與賊戰澧河陣斃七百人賊退踞秦渡彭基品渡河
擊之賊走鄂金順黃鼎追至蓋屋之祖庵雷正綰陶茂林
圍平涼回糧藥俱罄閉門不敢出官軍樹雲梯以登戊午
克平涼回西保瓦亭庚申攻克之先是靖遠回張保隆款

於恩麟計取鹽茶固原兩城臬司楊柄銓總兵穆隆阿受

之固原在瓦亭北北路既靖官軍乃趨張家川時粵賊分

踞樓觀黑水西駝峪連營四十里劉蓉調蕭慶高趨鄂穆

圖善率師助之乙丑劉蓉白率湘果營會穆圖善擊賊店

子頭敗績何萬春中礮死王謨米方多爾濟蘇彰阿俱受

創金順率馬隊突之湘將唐友勝橫出夾擊賊始奔丁卯

曹克忠敗賊郿之西河口戊辰賊棄郿走入蓋屋境六月

丁丑曹克忠敗賊黑水峪羣賊多降七月乙亥劉蓉穆圖

善敗賊於大峪西堡進攻樓觀時偽扶王陳得才由陝入

湘軍記

卷十七

九

鄂穆圖善前派二十八營赴援無統帥劉蓉奏請穆圖善
往湖北而以陝事自任

上令穆圖善移師赴甘秋雨兼旬雷正綰陶茂林屯瓦亭

未能進而自隆德至張家川山澗層壘回於石壁上堅築

兩壘瞰我軍八月己巳朔進攻木城辛未克張家川殲回

六千餘俘二百三十一人殘回走龍山鎮雷陶兩軍躡之

回棄龍山併入蓮花城壬申陝回孫義寶潛率四千人犯

固原赫明堂內應固原陷壬午雷正綰陶茂林克邵堡馬

堡乙酉進攻蓮花城失利正綰受矛傷兵弁死者千餘人

先是都興阿克寶豐駐靈州花馬池而河州紳民訴守將趙必達恇怯

詔曹克忠赴河州本任蓮花城之敗雷正綰奏催曹克忠速來

朝廷乃益促穆圖善曹克忠統兵赴甘而令都興阿花馬之軍與雷陶聲勢相聯授楊岳斌陝甘總督九月丙午粵賊陷階州雷正綰創愈策固原回且襲平涇分平涼戍兵屯涇之合道街令譚玉龍等還守涇已而固原回果犯平涼分黨圍合道劉正高譚玉龍擊卻之回走鎮原頃之曹

湘軍記

卷十七

三

克忠至蓮花城官軍勢益振十月癸酉克蓮花城川督駱秉章遣總兵周達武等會蕭慶高劉厚基黃鼎援階州雷正綰念河州回氛尤熾奏以陶茂林馬步十七營駐蘭州旨報可且以蓮花城毗連秦階令曹克忠屯戍之雷正綰還軍平涼十一月周達武等軍至階州環城而壘城賊出犯頻破之乃扼北山諸隘阻舊城深溝以困賊蕭慶高黃鼎周達武屢與賊戰殺傷相當蕭舉臣姜福元陣歿賊酋亦受創賄遣番民二萬金假道由南坪出走番民以告周達武達武疑而卻之復訴之劉鶴齡劉蓉慮番民難信令

諸將各揀一營前往而留重兵於階十二月戊寅蕭慶高銜枚出隊賊撲我南山營周達武江忠淑兩面夾擊蕭慶高復令諸軍攻附城各壘戰良久弗克而還曹克忠攻高家堡下之復敗回於楊家山回分兩股一趨平涼一趨華亭適雷正綰由瓦亭攻開城聞之乃返旆窮追一晝夜行三百里及之平涼花所鎮曹克忠部將亦追至華亭回迫追師復合為一詐稱官軍闖入靈臺殺知縣祝賓賜雷正綰躡至回奪門走涇州官軍復擊之乃越荔家堡而西余萬明截之於黨原斬俘殆盡雷正綰還軍開城張集馨已

湘軍記

卷十七

三

卸陝撫詔令赴蘭州助恩麟集馨率三營行次隆靜糧匱弗能進雷正綰奏留行營是時回騎慄疾官軍苦乏馬難以制勝而陳得才等在鄂豫歸誠東南事緩乃疏調副都統蘇倫保常星阿溫德勒克西富森保四起馬隊自鄂赴隴皆多隆阿舊部也四年正月雷正綰遣沈懋貴攻彰義堡譚玉龍等攻固原甲寅克彰義堡曹克忠攻蕭何城下其附近回堡五張保隆復降於我率降回助攻固原固原回酋孫義寶糧罄出

戰大敗入城城回約內應二月丁卯朔克固原孫義寶自
殺陝回還相戕騎賊奪北門走張保隆躡而擊之俘斬五
千餘眾入黑城子癸未曹克忠敗回於馬家嘴甲申復敗
之將臺堡進攻隆德堡下之蕭何城回目蘇上達詣張集
馨降集馨率所部由靜甯嚮省城克青家驛道威戎鎮至
洛門掃盪而前通渭甯遠隴西會甯皆無寇未幾鞏昌陷
正綰乃移陶茂林屯安會閒張集馨還駐固原於時諸軍
所嚮皆捷而餽餉不繼正綰奏以林壽圖督糧運

詔允之三月丁未雷正綰張集馨會攻黑城子降回張保

湘軍記

卷十七

三

隆馬永和馬隊助之環攻三日回詭辭乞撫集馨攻益力
庚戌克黑城子次日曹克忠克鹽茶廳城皆甘回堅巢也
餘回併入李旺堡同心城捷聞

上大褒獎時口外獵戶焚掠肅州莠回乘之作亂西甯回
陷大通圍郡城甯夏回掠鹽場花馬池

上慮都興阿兵單飭雷正綰撥兵赴定邊顧後路促楊岳
斌兼程赴甘道員蔣凝學先赴西甯而切責辦事大臣玉
通養寇殃民蓋玉通諱飾已久

朝廷早察其姦矣自回逆煽變甘肅地荒人少畊種廢時

士卒忍飢血戰朝不保夕將帥徵餉不至則以空言撫慰
軍弁怨咨而未有以發也會陶茂林丁憂乞終喪所部七
營同時譁潰四月乙亥掠隴州長甯驛聲言赴陝劉蓉遣
弁遮之寶雞適楊岳斌至西安增遣中軍赴寶雞招撫而
潰卒已入整屋兩當境蓉乃檄標兵要擊之陶茂林奉
旨改署任擊回安定失利部卒復潰所領十七營僅存其
五恩麟調曹克忠趨安定克忠方攻同心城雷正綰攻預
望城

詔烏魯木齊提督成祿援安定五月丁未周達武等克階

湘軍記

卷十七

三

州移蕭慶高等軍還潼關禦捻匪楊岳斌全軍度隴雷正
綰疊克預望城下馬關進攻靈州奏訴餉匱曹克忠亦以
糧盡乞罷

朝廷以靈夏諸軍久不得要領切責都興阿穆圖善而令
駱秉章助兵協餉移陶茂林潰卒之餉濟克忠時甘肅臬
司楊能格駐慶陽督糧運乃飛檄催之雷軍夙倚糧涇州
曹軍倚糧鞏秦亦復資食於回至是轉運不至回糧亦罄
惟力攻賊巢乃可得食曹克忠已下同心城進駐甯安堡
聲言渡河援中衛已乃徑趨金積堡屯強家沙窩雷正綰

由靈州進兵與相聯閏五月己卯庚辰曹克忠連獲大捷斬馘二千其地距金積堡十五里卡壘林立水鹹澀飲者立病軍初至雜糠粃為食已而草根掘盡不得一飽回偵我軍疲率悍黨環攻之克忠驅飢軍與戰六月乙未克其卡三丁酉戊戌克其卡五獲糧仍不能濟軍乃益約雷正綰進攻庚子復克卡五遂薄金積堡回預伏馬賊萬餘自十里外圍抄雷營先挫傷亡二千餘人曹克忠方下高章三堡見敗徐令收隊回勢益猛營官周有貴秦久勝朱有文董逢春等戰死弁勇死者數百人乃退二十里而營正

湘軍記

卷十七

五

綰上疏自劾克忠白總督奏參楊岳斌初至頗陳克忠戰功得旨寬免七月靖遠教匪丁建善等作亂楊岳斌親討平之

八月己亥岳斌還蘭州省城初陶營潰卒為陝兵擊敗降者資送回籍餘黨自隴州走鳳縣劉玉興蕭德揚等連破之歸誠者二千三百餘人分別留遣陶營亂靖而雷營變復起正綰部將雷恆者與回首赫明堂通煽全營謀叛正綰涕泣勸阻不能止憤極自刎不殊諸將救之乃率李啟高步隊四營馬隊二起退回原回襲奪之再退平涼提督

譚玉龍周顯承先督糧涇州潰卒至輒招撫之留慶餉萬八千金濟用遂得四營合舊部為七營九月癸亥朔雷恆赫明堂掠涇之二十里鋪劫餉銀麥麵官軍不能制時涇州防軍僅五營譚玉龍新收潰卒及劉效忠胡大貴之勇旂械多闕楊岳斌悉發涇臺存餉三萬金催陝撫接濟餉械而金積堡回窺延鄜河狄回犯鞏昌圍甯遠馬營監義岡川回窺張家川分掠隴州之馬鹿鎮另股窺慶陽之甯州自蘭州至西安千里烽火相望居民倉皇奔走不知所嚮楊岳斌乃令譚玉龍等移屯慶陽保精臺李助發移屯

湘軍記

卷十七

五

隆德雷軍西潰者聯捷林之望招撫成五營十月甘涼道黎獻討肅州回壬寅遣楊天興馬隊截之大通我軍大挫丁未米拉回陷臨水擄糧臺黎獻軍飢潰於是甘省勁旅叛逃殆盡自楊岳斌楚軍外僅曹克忠一軍與回相持而已十一月岳斌部將李助發敗回於會甯之乾溝劉祥勝敗回於李家莊十二月壬辰朔回掠甘草店營官余華龍中鎗殞金縣守將楊明海擊走之癸卯曹克忠敗回於新市傅先宗追至漳縣復敗之自諸軍潰亂以來回勢益驕由隆靜達蘭州六七百里山川複沓楊岳斌僅恃自統楚

軍通驛路乃奏調湘軍健將自助疏曰臣抵甘後因兵餉兩絀原欲就現有兵力以圖進取自陶茂林軍潰於前而兵不足雷正綰勇變於後而兵愈不足是以不得已而有增兵之請乃周達武因進剿番匪而不克來蕭慶高因防守陝邊而不果來而鮑超則調赴江西矣李鶴章則奏留江南矣蔣凝學則請假回籍矣金國琛則因事留皖一時未能赴任矣鄰省既乏援師而東南各軍之准調赴甘者又復不能應手現在河狄之賊擾於南平固之賊擾於東甯靈之賊擾於北涼肅之賊擾於西幾於剿不勝剿防不勝防臣若株守省城則飢軍終成坐困若出省剿辦則根本時虞動搖外察賊勢內度兵力實屬不敷分撥查記名提督朱蘭桂記名按察使劉連捷勇略兼備素所深知聞現在江西防堵該省兵力有餘請飭該二員卽率所部赴甘以資援剿詔如所請其後劉連捷等竟不至總兵鶴齡率川兵千人抵蘭州

湘軍記

卷十七

美

克忠討之留羅進賢防鞏壬午岳斌至涇彭楚漢連敗回於水阜河棗楚坡丙戌曹克忠軍次李岐山距洮州十里回目馬芳等乞降克忠受之二月洮州同知淡殿臣率漢回繳械馬克忠誅其首丁重選等壬子還鞏昌楊岳斌赴慶陽與陝西藩司林壽圖籌防守三月壬戌蘭州標兵叛初省城糧糶標兵王占鼈約十八人飲血插盟約回兵馬文馬福等句狄河北山回來省將舉城以獻是日標兵集東門外馬文毀城鎖放兵入中軍羅宏裕參將王金楷遊擊李玉安訶斥俱受創搜協署幕客委員悉戕之叛弁席

湘軍記

卷十七

毛

等自鳳翔前擊行次汧陽回已偪縣城庚戌蕭德揚等敗之寺溝邱時成等迫至新興鋪劉蓉因汧隴事急移駐乾州增調蕭德見扼縣頭鎮移潼關防軍劉厚基黃鼎屯鳳翔將軍德興阿遣滿城馬隊二百助之林壽圖率知府方鼎錄自慶陽返西安籌甘肅東路糧運辛亥蕭德揚邱時成進規鳳翔敗回於黃里鋪洛城河次日屯鳳翔回退踞董家河孫家堡蕭德揚等乘夜擊破之迫至靈臺之新集甲寅劉玉興復破之隴州境回多散走於是陝西汧隴皆靖惟北山定邊尙有回蹤楊岳斌乃由涇州道華亭以嚮

湘軍記

卷十七

天

鞏昌譚玉明部卒復譚岳斌誅首亂者五人餘眾以陳德隆統之五月劉蓉還西安楊岳斌還蘭州案誅標兵爲逆者一百二十三人餘皆寬宥以安反側省城大定糧路稍通然每斗猶值二十金窮民鮮有子遺矣回首馬生義等復竄隴州崔三等還踞固關蔓延數十里銳意東走劉蓉遣邱時成黃鼎兼程迎擊會蕭德揚劉玉興等連日與回戰隴州殺傷相當戊辰回分竊寶雞汧陽次日蕭德揚黃鼎復與戰晁家原回小卻分竄鳳翔汧陽我軍復躡敗之適安肅道蔣凝學至涇譚玉龍先以軍譚龍統領凝學勸

其立功贖罪乃招撫花家莊數營赴隴助剿六月庚寅玉龍至赤延鎮其地當華亭上下兩關辛卯擊回於白楊林大破之遂克兩關丙午復敗之暖莊川庚戌雷正綰蔣凝學攻回張家原失利辛亥蕭德揚洪殿元大捷於暖莊川燬回巢幾盡黃鼎進攻杜家嶺追至磨坪川連敗之七月甘回另股竄汧隴蔓延於崇信華亭劉蓉調楊得勝鄔太愚兩軍及西蒙克西克馬隊三路夾擊破神峪河回巢四楊岳斌以東南寇急親督彭楚漢李助發諸軍趨清水張家川丙子次通渭傅先宗王得勝等已敗回於陽坪移駐

湘軍記

卷十七

天

邵家灣彭李兩軍移駐李家堡距張家川三十里八月己丑回乘夜攜眷遁走焦韓店次日竄張麻鎮癸巳回分兩股一併歸華亭一走隆德靜平閒楊岳斌令傅先宗赴通渭截之而飭諸軍環華亭而壘陝軍壁其東甘軍雷正綰張在山蔣凝學壁其北彭楚漢李助發壁其南王得勝壁其西陳德隆壁其西南丙午克華亭丁未追師至馬峽口失利總兵杜連升張得勝陣歿雷正綰援至回始退時蕭德揚黃鼎下尖首山劉厚基譚玉龍敗回於下關雷正綰克隆德汧隴華亭皆靖而狄河回襲陷鞏昌楊岳斌檄傅

先宗自通渭陳德隆自甯遠往援壬子夜傅先宗銜枚至鞏昌適風雨交作不聞馳驟聲傅先宗令諸將聞登天將曙喻正祥劈南門迎軍先宗大隊衝入遂克鞏昌俘斬三千餘人獲騾馬二千八百華亭回分竄慶陽固原九月乙亥楊岳斌自通渭還蘭州

詔移總兵鶴齡赴肅州提督成祿出關赴奇臺會李雲麟辦新疆軍務戊寅沈大興擊回洪河川失利譚玉龍至政平絕糧爲回乘全軍幾覆時小麥一石易銀一百六七十兩他糧稱是甘省窮瘠不能不仰給於陝劉蓉因事罷喬

湘軍記 卷十七

三

松年爲陝西巡撫留蓉助軍務捻偪潼華陝東大震十月丙午洪河回陷平涼雷正綰馳援復之捻犯商州自華陰走朝邑曾國藩檄鮑超劉松山西援鮑超屢奉

嚴旨催促至魯山折還南陽獨劉松山毅然請行是爲老湘營西征之始老湘營者王鑫舊部名也十一月楊岳斌乞養且陳病狀

詔給假一月移閩浙總督左宗棠爲陝甘總督捻自華陰屯瀟橋西安戒嚴十二月固省城陝軍戰瀟橋三十餘營皆挫

嚴旨責劉蓉寬假褫職回籍岳斌請留蓉赴涇

上不許辛亥左宗棠行次武昌

授爲欽差大臣按察使劉典改三品卿幫辦軍務張岳齡爲甘肅按察使提督高連陞由粵東郭寶昌由皖赴陝穆圖善援慶陽庫克吉泰德興阿先討陝捻再赴甘肅曹克忠乞病開缺劉松山軍抵西安屯雨花寨甘回圍雷正綰於泰昌鎮

六年正月甘回自宜君深入掠耀州蒲城富平三原東趨渭南喬松年令劉厚基劉效忠禦之何珍璧邱時成自臨潼援渭南庫克吉泰德興阿軍次朝邑回折而北走甲戌

湘軍記 卷十七

三

雷正綰破回於泰昌回解圍走慶陽分黨掠鄜州庫克吉泰都與阿移師援涇二月乙酉朔劉松山李祥和黃鼎擊捻於澧河大破之西安解嚴劉厚基敗回於耀州劉效忠敗回於乾州羣回還入甘境而西甯回陷貴德廳殺同知承順玉通猶袒庇之靈州回犯鳳翔遊騎至岐山扶風於是北山膚施安塞甘泉皆被回擾回捻僅隔鳳翔一河各路請援喬松年茫無以應奏催左宗棠入關宗棠募勇未集尙在漢口國子監祭酒車順軌布政使林壽圖均瀝請

左宗棠赴陝宗棠乃自漢口西發楊岳斌聞宗棠將至益乞歸里

詔允之三月以穆圖善署陝甘總督豐紳權甯夏將軍劉松山郭寶昌合擊回捻於醴泉乾州大破之四月甲申朔劉松山敗捻於晉成堡次日復敗之姜彥原捻走同州松山偕李祥和黃鼎等躡擊敗之捻連夜走西安松山寶昌還軍援省城戰於城南斃捻數千捻渡渭而北松山等躡之乃復渡渭南走盩鄠戊戌穆圖善至蘭州奏派蔣凝學總統諸軍

湘軍記

卷十七

三

旨報可總兵王仁和黃祖淦破回於肅州提督鄧全忠破回於米拉溝皆楊岳斌舊部也五月劉松山追捻至鄠捻不戰而潰還竄興平六月丙申左軍度函谷關或白宗棠函谷神為李左車必祀而後度宗棠笑曰李左車豈足當吾哉嚮晚軍甫出谷忽雷雹交作山溜暴漲車驟弁勇漂入大河失輜重以數萬計死者百餘人庚子左宗棠抵潼關幫辦軍務劉典新授甘肅提督高連陞並至藍田時岳斌部將梅開泰會鄧全忠攻克米拉溝米拉溝者地屬西甯西路河運要道也承平時回族恃兇剽掠招納亡命為

盜賊逋逃較寇興頻掠西甯涼州阻遏省城糧運及其克羣回畏威乞降於是河洮狄道西甯各回堡多反正而南八營李得昌各部十六萬人乞擇地安插

上慮回情叵測難信諭穆圖善嚴備之穆圖善乃令降回繳軍械張榜安民遣范銘赴洮張瑞珍赴蕭何城王得勝赴靜甯辦撫事自是穆圖善頗敢撫議左宗棠以捻回磨集陝境未能赴甘七月捻走三原劉效忠迎擊失利甘回出華亭入鳳翔掠隴州麟遊汧陽鄉團擊卻之甯州回入三水譚玉龍擊之回走淳化還宜君楊和貴追及回於郿

湘軍記

卷十七

三

陽回遁黃龍山劉厚基大破土匪於甘泉進攻橋扶峪下之八月廿回掠鄜州宜君壬午劉厚基敗之羌村己丑回掠米脂乙未犯榆林竄懷遠乙巳陷宜君殺知縣張杰河州回犯蘭州穆圖善自將禦之城外敗績遂圍省城五日楚軍將彭楚漢等奮擊走之是時左宗棠駐臨潼大雨連旬兵頓不進九月辛酉宗棠親赴涇西分布諸軍劉典高連陞抵高陵劉松山李祥和郭寶昌至三原十月乙未甘回陷正甯雷正綰復之庚子陷寶雞乙巳楊和貴復之劉松山郭寶昌追捻至洛川李祥和突遇回騎戰死以黃金

一書山13 冊 頁數多口車全書第 7 頁之下

友統其軍辛丑捻陷延川丙午陷綏德丁未汧陽回犯鳳翔總兵孫立士戰死是時甘肅土匪董福祥踞花馬池潰卒遊勇互相勾結而陝回之遁入慶陽甯州正甯鎮原清水者絡繹奔赴鳳邠汧隴之間寇氛殆遍而河州東鄉回猶負嵎如故穆圖善乃調梅開泰自碾伯赴河州親督諸軍擊回於洮河大敗之梅開泰遂傍洮河而壘十一月辛亥黃鼎敗回於汧陽乙卯楊和泰敗回於鳳翔黃鼎適至回悉向東北川口入山鼎追至靈臺不及而返己未劉典擊回於宜君部將郭榮經戰死譚玉龍敗回於永樂鎮高湘軍記

卷十七

三

鄉甯劉松山郭寶昌渡河躡之山西大擾其餘捻之未渡者游弋於澄城韓城宜川郃陽時與回合宗棠先遣喜昌安住全福率馬隊渡孟津趨澤潞以援晉令周紹濂赴宜川防黃河截餘捻之未渡者穆宗以山右毘連畿輔召左宗棠親往督師宗棠自率五千人東征奏以劉典代督陝甘軍與將軍庫克吉泰巡撫喬松年聯銜奏事詔允之穆圖善親攻河州回不克還蘭州十二月戊子捻自垣曲入河南北趨衛輝丁酉左宗棠自陝東行咨劉典自金鎖關移駐省城諸將均聽劉典節度是時傅先宗敗回於禮縣彭忠國敗回於安定穆圖善乃令進規渭源辛卯王得勝傅先宗克渭源留兵戍之進攻官堡而西甯守將鄧全忠糧罄軍潰玉通猶犄撫議聽命於回成祿駐肅州屢奉嚴旨出關逗留不敢進黃祖淦勦賊陣亡穆圖善奏以楊占鼇統肅州軍雷正綰迭克土回各堡收降二萬餘人慶陽解圍

卷十七

三

源進規狄道辛酉金雞堡回竄甯條梁掠懷遠總兵文星明與戰失利劉典自耀州出山移駐三原二月喬松年病免劉典權陝西巡撫乙酉張岳齡至鳳翔次日擊回於亢家河敗之辛卯黃鼎擊回於麟游小挫癸巳回陷鄜州分黨掠洛川劉端冕率師往援與戰二十里鋪大敗之劉厚基自英汪鎮來會丙申克鄜州高連陞自宜君進攻何家莊殲回二千餘人擒其酋馬阿渾禹方魁等皆董志原回黨也丁酉回犯秦州兵備道豫師擊走之穆圖善遣知府舒之翰提督黃金山等會攻狄道州州距南北兩山中有湘軍記

卷十七

美

平川寨卡林立癸卯黃金山先破川內諸回傅先宗拔南山梅開泰彭忠國拔北山遂克狄道城於時淪陷五年矣其酋牟弗諦懼官軍威哀詞乞撫穆圖善飭舒之翰等相機圖之次日范銘攻店子川下之獲糧以濟軍時成祿攻肅州久未下所部與王仁和營勇私鬪焚掠河西村堡激變居民事下穆圖善並促楊占鼐赴肅州成祿剋期出關三月辛亥董志原回竄宜君之馬欄鎮分黨掠三水涇化三原甲寅高連陞下馬欄鎮追至劉店回出達臘坪抄我後路高連陞戰半日回始卻劉典遣李大有等出耀州援三原回已走涇化之方里增遣夏奉朝吳國富等攻方里下之三水守將喻兆圭陳集賢亦敗回棗池黃鼎敗回涇河川是役旬日之間破悍回五六萬楚軍聲威益振辛未穆圖善至狄道牟弗諦率男婦三千人歸誠官軍渡洮而西進攻河州河州東南鄉回亦乞撫穆圖善受之甘回陷鎮原慶陽官軍旋復之遂圍涇州四月甲申黃鼎冒雨往援涇州解圍閏四月劉端冕敗回於韓村周紹濂擊回於洛河南北大雨水漲殲二千餘人所棄牛馬驢騾以萬計丁巳劉典移駐咸陽兼顧省防其時慶陽屬境悉爲回有湘軍記

卷十七

美

甯州合水相繼失守駐甯防軍不能制另股由寶雞渡河而南李輝武追至斜坡回見官軍卽遁勢常不及李輝武伏麥地中令二十餘人僞作鄉民刈麥回果大至伏起敗之乃折而東走掠岐山扶風郿縣渭南道員魏光燾先至郿黃鼎吳士邁至扶風岐山回不戰而遁還入甘境劉厚基擊回於延安部將劉文華甘彰輝敗死士卒傷亡過半厚基亦受創五月丁丑朔劉典還駐三原張岳齡敗回於汧陽庚辰李輝武至汧陽會岳麟援馮坊復敗之譚玉龍戰歿於亭口以黃鼎兼統其軍仍屯邠州甲申涇河回犯

長武闔定邦卻之龍德回掠華亭崇信入靈臺吳士邁連
擊敗之獲糧萬石牲畜萬餘頭丙戌涇河回復圍長武庚
寅黃鼎自邠州援長武擊回於水簾洞追至染店回二三
千人方刈麥黃鼎擊散之適雷正縮自政平來長武解嚴
高連陞攻正甯回先走入董志原魏光燾劉厚基進軍宜
川攻雲巖鎮下之俘斬五千餘人獲糧數千石牲畜千餘
頭誅其首張大有等八人於是北山寇巢皆盡六月西捻
平

詔左宗棠入覲所部劉松山郭寶昌喜昌等軍還陝

湘軍記

卷十七

癸

命金順進剿北山隴州回竄火燒寨羅洪德擊卻之吳士
邁敗回於麟遊高連陞周紹濂敗回於宜君辛酉周紹濂
擊回中部失利壬戌涇河回分掠邠州三水黃鼎軍與戰
世店其酋馬正和受傷遁癸亥回攻三水西關劉卓雲喻
兆圭等卻之甲子中部回竄白水魏光燾自宜川凱還要
擊敗之次日回搶渡渭河水師橫出截之回沿洛河東走
戊辰鳧水渡洛值水漲溺死過半渡者四五百人未渡者
魏光燾高連陞追至殲焉壬申回攻邠陽聞魏軍至解圍
走坊鎮入馮原七月丙子朔魏光燾追至馮原回由黃龍

山竄洛川光燾阻洛東弗能過辛巳魏軍畢渡回已踰蒲
城而西癸未及之曹村截回爲三一趨同官一趨涇陽一
趨耀州劉典乃檄高連陞自同官躡之魏光燾遇於耀州
策回必走楊家店高連陞設伏待之丙戌回果至楊店伏
起乃大奔斃二三千人乙未李大有成定康敗回涇化庚
子金順敗回榆林土匪扈彰詣劉厚基乞撫劉典令延安
知府趙維慶等受之扈彰者環縣漢民踞保安安定閒眾
數萬人扈彰既降土匪稽誅者僅董福祥一股耳八月金
順劉馨集擊回於綏德大破之燬回堡十餘殲二千餘人

湘軍記

卷十七

癸

黃鼎敗回於長武回首白彥虎等自正甯竄三水趨職田
余明發李大有敗死乙丑白彥虎率萬人攻職田劉卓雲
禦之回乘夜襲營不克而遁左宗棠自連鎮入
覲
上詢師期宗棠奏五年西事可竣乃率師還陝自孟縣渡
河先遣卓勝軍入關九月雷正縮進軍靈臺回自瓦雲驛
來襲奮擊卻之壬午回襲綏德成定康卻之甲申雷正縮
黃鼎敗回上良十月丙辰左宗棠至西安省城
壬定安曰回之居中國歷千載讀書仕宦耕種商賈視齊

民無異獨循其國俗。諷經事天不祀鬼神。又不奉正朔。每月持齋禮拜。此其難強同者耳。自古外族內徙者眾矣。周穆王遷戎太原。漢光武遷烏桓渠帥於塞內。又徙南庭數萬人居河西。美稷至西晉。劉石迭起。據有中原。然其貴族世胄。至隋唐皆為著姓名臣。將相多出其中。豈復泥守舊俗哉。而回回自隋迄今。遵其教弗稍變。畛域明矣。情亦稍異焉。禮曰車同軌書同文行同倫。假使回回遵聖朝大同之化。循三代周孔之典禮。而以天方教儕諸浮屠老子。偶一涉獵。固亦

湘軍記

卷十七

甲

聖主之所不禁。而儒者之所時有。何礙於宇宙之大乎。其守之也愈篤。斯其溺之也愈深。天方教導人為善。而械鬪戕殺累百餘萬。弗加悔。所謂詩禮發冢者耶。嗚呼。其可憫也已。

湘軍記卷十七

東湖黃學濂校字

湘軍記卷十八

東湖王定安撰

平回下篇

嗚呼。自秦隴變亂。西北生靈塗炭極矣。其初疆吏狃宴安。關茸畏葸。寇至弗能禦。迨內患起。束手坐困。莫敢枝梧。朝廷乃揀知兵大臣率師入關。如多隆阿楊岳斌之倫。戰略優矣。而一殞於盤屋。一阨於蘭州。所謂遷地弗良者耶。其他雷正綰陶茂林曹克忠皆起偏裨。無籌餉之權。應變之方。驅飢軍當強寇。百死一生。深入敵境。糧盡軍譁。淹淹

湘軍記

卷十八

一

不復振。功雖未就。其志亦足悲已。迨左宗棠返旆西征。期五年滅寇。乃竭鄰省之力。供西餉。士飽馬騰。遂以盪平羣醜。數其時剛五年。語云。非常之功。必待非常之人。此其中蓋有數焉。同治七年十月。左宗棠還西安。檄高連陞屯廟莊楊店。周紹濂分屯雙柳樹。魏光燾進王家角。以達慶陽。劉端冕駐鄜州甘泉。扼東西關鍵。吳士邁赴鳳翔。黃鼎駐邠州。張岳齡喻步蓮駐汧隴。李輝武駐寶雞。與鳳翔聲勢相聯。郭寶昌由同州赴宜川。劉松山尙駐洛陽。檄由茅津北渡。入山西。乘冰橋赴陝。左宗棠自率馬步四千屯西安。

城西於是壁壘一新。旌旗煥然改色矣。土匪董福祥犯綏德。窺榆林。金順自榆林迎擊於五龍山。大破之。土匪遁邊外。辛酉。金順率師出邊。壬戌。追至禿尾河。馬隊忍寒裸涉。要擊於金雞灘。敗之。而邊外回窺神木府谷。乃令成定康助攻葭州。金順還榆林。十一月。劉松山全軍渡茅津。抵平陽。宗棠檄屯河西。固晉防。是時土回各匪叢集北山。此勦彼竄。諸軍久不得要領。劉松山新至山西。永甯。即購行糧。渡河擊賊。十二月己酉。軍次綏德。畱三千人扼軍渡。防東岸。松山謂匪巢縱橫二十里。散布大小兩川。聞乃令易德。

湘軍記

卷十八

二

麟章合才攻大理川。自督蕭章開攻小理川。破其巢數十。騎賊不能越山者。追殲殆盡。小理川既下。餘匪西走周家嶮。松山躡擊克之。是時成定康自三皇峯破匪巢十餘。易德麟等悉下大理川。匪巢二十餘。凡官軍所下匪巢以百數。俘斬八千餘人。獲騾馬二千餘。爲老湘營西征第一大捷。癸丑。松山與成定康分兩路夜行。黎明匪見劉軍幟。駭而走。及之南岔。路狹溝深。跌死無算。至晚稍息。仍夜起躡賊。望小里溝火光絡繹如星。延袤數十里。松山誠軍士魚貫沿溝行。蕭章開先導。次晨官軍偪至。匪以悍黨殿後。殊

死戰。章開驅之良久。悍黨皆靡。前途匪越山西逸者尙七八千人。丙辰。松山急行五十里。及之定康。截其去路。匪驚亂。俘斬過半。松山度榆林至靖邊。匪巢林立。若鼓行而西。匪必以全力回顧。河防之嚴自解。而行糧不繼。乃屯安定。殺騾馬充飢。丁巳。至胡家山。與匪酋李雙梁隔一山。乃令馬德麟先行。松山率各營繼進。則匪已與德麟接仗。聞松山至。即駭走。追至小李莊。擒斬千人。戊午。北攻隆腰鎮。匪西北走黑牛川。邱家坪。松山躡擊破之。敗匪併竄鎮靖堡。鎮靖堡者董福祥老巢也。其眷屬則竊踞靖邊。辛酉。松山

湘軍記

卷十八

三

率全軍抵鎮靖。董福祥之父董世有跪地乞降。松山令造名冊繳械馬。其扈彰餘黨未就撫者。亦詣鎮靖造冊歸誠。松山因暫駐軍焉。是時陝回麇集慶陽。北通金積。東走陝疆。往來無阻。穆圖善玉通皆狃撫議。羣回旋服。旋叛肅州。回款於楊占鰲。已報收復。成祿仍逗畱不出關。於是隴西士民望左軍如時雨。

朝廷益倚宗棠爲長城矣。

八年正月。陝西布政使林壽圖乞養。

詔以翰林院侍讀學士袁保恆專辦糧臺。己卯。郭寶昌至

韓城敗回於白馬灘庚戌復擊之石堡回走延長延長回飽掠方歸劉端冕要擊之獲糧二千石騾馬五百匹乙酉魏光燾將赴甘泉遇回於將臺截擊敗之次日回酋胡麻子踵至光燾設伏敗之棄糧械盈塗胡麻子者虎麻子之譌賊中呼虎元帥十八凶渠之一也二月左宗棠移駐乾州益督諸軍西進是時董志原回益飢蹙馬化隆自金積堡以橐駝千餘餽盜糧猶不支則糾十八營之眾傾巢東犯戊申踞正甯村堡以窺秦川黃鼎遣將伏牛堡斬其首虎麻子庚戌晨大風回出萬眾挑戰騎賊森騁鋒銳甚鼎

湘軍記

卷十八

四

堅壁弗為動嚮午鼎度回隊已齊乃麾精騎壓之甫交綏回佯敗棄騾馬餌我鼎令曰妄取者斬躡之白吉原援寇已大至圍我軍數市鼎念軍已深入乃結方陣團擊良久馬隊小卻鼎督步隊短兵血戰倂匪至高里坊阻深溝反撲愈猛副將劉治刺其酋余彥祿落馬回始驚潰余彥祿亦十八營悍魁也於是回酋陳林馮均幅聞敗皆還走董志雷正縮張岳齡要之半塗皆有斬獲左宗棠益檄諸路馬步剋期大舉誓破董志原漸次入隴回聞恟懼議棄董志徙金積堡併力拒我乃合十八營為四營以其半護家

口輜重先行崔偉馬正和率悍黨萬人殿後而以遊騎出泰昌正和擾涇河綴我軍宗棠檄黃鼎自邠州與雷正縮李耀南馬德順會師靈臺備乾餼十日期必破賊甲子回老弱輜重去董志北走雷正縮黃鼎自長武渡涇馬德順李耀南自靈臺繼至會於泰昌其時悍回伏董志以千騎憑溝拒守鼎偵西路空虛分雷軍部將陳義馬軍部將楊世俊取蕭金鎮西達鎮原鼎與正縮德順耀南四路並進乙丑次岷家寨回遊騎數百望見輒遁官軍已偪卡阻溝不得前鼎飭步軍踰溝上平原繞卡後回驚潰比伏出而

湘軍記

卷十八

五

敗賊撓之相率狂奔遂下董志原及焦村石社蕭金鎮回堡悉破平之黃鼎雷正縮李耀南馬德順俱移駐董志陳義楊世俊復鎮原回老弱輜重行甚緩相距僅一日程而殿後悍回一走環縣一趨三汭河期於黑城子會齊以達金積堡於是雷正縮李耀南出蒲河川會陳義等於鎮原進攻三汭河黃鼎馬德順出驛馬關以嚮環縣道遇崔偉馬正和擊敗之丁卯收復慶陽戊辰躡之蔡家廟回越環縣北走次日黃鼎還軍董志雷正縮追回至三汭河要擊其輜重老弱拋棄過半還軍蕭金鎮回由固原分竄蕭何

預望半角等城涇州慶陽所屬肅清是役殲回二萬餘獲
 騾馬萬計拔難民萬餘人甘回聞風股栗左宗棠將移駐
 邠州令諸軍興屯田徐圖進取而高連陞營哥匪謀變連
 陞捕之急叛卒戕連陞及部將黃毓馥賀茂林等十人遂
 圍同官守將桂錫楨及金鎖關守將楊銘濬馳援皆受創
 周紹濂聞變要擊於古泉大敗之殛三百餘人收降五百
 餘人劉典遣丁賢發扼耀州收降四百餘人其百餘人竄
 長武雷正綰悉數禽獲解大營駢誅宗棠以連陞所部令
 魏光燾李輝武丁賢發分統之凡五日而事定是時劉松
 山率四營駐鎮靖安插董福祥降眾十餘萬人其分駐綏
 德十營叛踞州城松山聞變馳還清澗遣部將曹義勝赴
 綏德訶之初各營不知統將所在頗惶惑及聞松山至清
 澗皆大喜乃乘哥匪臥刺百餘人其被脅弁勇皆反正縛
 其首逆謝永青等五人解清澗松山駢誅之並案問叛卒
 百二十七人哨官四人皆寘於法凡旬日而事定自松山
 渡永甯而西設采買局於軍渡分軍屯綏德周家嶮瓦窯
 堡轉糧餉以達鎮靖延袤千里弁勇散處僅章合才往還
 監護故哥匪得乘閒煽誘非松山恩信素孚其不為雷陶

湘軍記 卷十八

六

之續者幾希矣三月
 詔促左宗棠赴涇州受總督印兼顧秦隴以陝事責劉典
 邊外事責金順
 命張曜自古城移軍西進為金順後路四月戊申邊外回
 犯花馬池金軍將富勒琿擊卻之回自烏拉搶渡竄札薩
 旗甲子金順自將出邊回已遁乃率諸軍道札薩郡王蒼
 拉旗由包頭池西渡河而進是時董福祥李雙梁等皆安
 插荒地耕懇為農延綏所屬遊勇潰卒為郭寶昌等所殲
 其叛軍變名漏迹者劉松山等搜斬殆盡北山漸謐魏光
 燾攻老巖寨克之十五寨回巢皆平郭寶昌連破遊匪於
 延長鄜州境周瑞松破匪於野豬窪張維美彭芝蘭破匪
 於紙坊盤龍寨匪首杜占元等八人皆伏誅陝西肅清左
 宗棠進兵甘肅五月檄劉松山北趨定邊花馬池魏光燾
 周紹濂劉端冕出合水甯州正甯嚮環慶雷正綰黃鼎由
 董志原涇州趨鎮原崇信華亭固原李耀南吳士邁由隴
 州寶雞趨秦州臬司張岳齡乞病以李耀南兼統其軍宗
 棠率親兵道永壽邠州長武以赴涇令馬德順等暫駐靈
 臺之上良百里鎮策應南北遂開賑恤集流亡勸民種秋

湘軍記 卷十八

七

糧兵焚遺黎。栩栩有生意矣。河州回竄成。陷兩當。李輝武遣軍擊敗之。回走徽。另股竄清水之唐藏。癸巳。輝武復擊敗之。丁酉。華亭回竄秦州之隴城。李耀南湯聘珍中途截之。回走香泉。己亥。吳士邁破回於隴城。梅開泰破回於伏羌之馬家峴。蘭州運道始通。先是董志原餘孽竄甯夏甯回導之。北擾蒙古旗地。由鄂爾多斯入烏拉特。河東七旗蹂躪殆遍。遂道磴口趨阿拉善牙帳。阿拉善親王遣其台吉長史佐領等率蒙兵擊之。回燒磴口廬帳。掠沙金托海。毀臺站。殺官弁。進圍定遠營。燬其親王園第冢墓。適張曜湘軍記 卷十八 八

吳士邁李耀南湯聘珍等軍抵通渭。南路匪巢肅清。宗棠乃檄黃鼎簡敬臨由固原北進。八月。劉松山軍抵靈州。甘回疑懼。詣營自訴。松山諭曰。官軍此來討陝回之拒命者。已撫甘回皆良民。勿懼也。乃飛札金積回酋馬朝清。告各寨安居無恐。且以甘回十餘人前導。示官軍無他意。松山聞陝回余彥祿馬正和馬長順等踞郭家橋。壬寅。引軍擊之。回吹角出巢。殊死鬪。松山自督諸將陷陣。回始大奔。遂下郭家橋。回堡二十一。悉毀平之。躡至下橋。湯斃無算。餘回竄吳宗堡。方郭家橋之戰。甘回大恐。皆傍堡列隊。放鎗大呼。松山誠軍士置弗問。而甘回來者益眾。我軍搖旗布陣。則回皆反走。乙巳。甘回徑犯官軍營。松山始令軍士開壁擊之。回雖敗弗追也。馬朝清者。故反側難信。屢代陝回乞撫。而暗啖金積悍黨。合敗回踞吳宗堡。決秦渠水以阻官軍。丙午。松山下橋。吳宗堡角聲齊作。回已大出。松山軍益暇。劉錦棠等分三路進。回以騎隊包抄。弗為動。挺矛下馬。我軍短兵相接。戰愈猛。回右路先潰。收入堡。丁未。分軍修秦渠。回出馬步列十餘里。松山調修渠諸軍合擊之。追過吳忠。己酉。遂逼吳忠。而壘庚戌。吳忠回依堡而陳。金

湘軍記

卷十八

九

積回復來助。松山覘回騎少，心異之。登高瞭望，則騎賊已至下橋西。匿樹林廢墟中，冀襲我營。松山令諸軍專攻堡南，自搜樹林廢墟伏賊。鼓聲起，諸軍大呼而前，回屢挫不復戀戰，分收入堡。匿不出，松山乘暇築寨，頓輜重。甲寅，松山夜襲陝回馬正和等，破其巢十餘，追至吳忠堡南。回騎阻濠不得過，於是甘回皆吹角出寨，撓我軍。松山逆擊之，皆敗歸，仍匿不出以待援。而白彥虎馬生彥等果由黑城入金積，松山分路逆戰，俘斬千餘。是時秋禾熟，回時出刈稻，松山屢要擊之。馬化隆益召崔三李經舉等至金積，又

湘軍記

卷十八

十

調靈州回，並河東西悍回來助。丁卯，松山奮擊大破之。於是遠近紛傳吳忠已下，固原回紛紛北徙。白彥虎竄入固原，雷正綰黃鼎合擊復之。而言者乃以劉松山濫殺激變上聞。

朝論頗疑松山難恃。

命左宗棠促郭寶昌移軍榆林，顧北防。穆圖善亦疏言馬化隆宜撫不宜剿，恐激其走險，不可收拾。疏入，值左宗棠捷報至。

上疑稍解。時金順張曜會師沙金托海，方由中灘鼓行而

西而甯夏降回復叛，圍郡城。乃兼程赴援。戊辰，抵甯夏。回已退屯三十里。九月己巳朔，金順張曜擊叛回於甯夏城外，大破之。

上以山西邊防警，詔郭寶昌赴晉助河防。晉撫李宗羲故庸謹不知兵，倚任臬司李慶翱。左宗棠奏慶翱不可恃，

詔促郭寶昌赴山西。辛未，雷正綰等攻黑城子，下之。還軍固原。白彥虎竄踞固原之三營。戊辰，周蘭亭簡敬臨攻三營，下之。誅其僞元帥楊文治。庚辰，攻李旺寨，下之。進克穆家潭，擒其首楊輝雲。自楊文治伏誅，羣回益震懼。馬化隆

湘軍記

卷十八

十一

累為劉松山所敗，乃囑甘回哀詞乞撫。陝回不自安，於是禹得彥、白彥虎、李經舉等棄預望城，由鹽茶廳西竄。崔三馬生彥、馬正和等由甯安四百戶悉數西趨。規由打拉城出會甯安定，南合河州之回。苟延喘息，宗棠乃檄黃鼎、馬德順自黑城子躡之。壬午，兩軍冒雪行。甲申，次鹽茶廳。見炊煙尙然，知回去未遠。馬德順領馬隊急追四十里，及之。西安堡一望平川，回帳布滿，猛見官軍至，婦孺皆號哭。驚走。馬德順殺五六百人。黃鼎暨呼敦馬隊追至，復殺千人。回散，不復成列。馬德順輕騎覘地勢，為伏賊所刺，與哨

官張顯揚歿於陣乙酉黃鼎等克打拉城有
詔褒獎雷正緒黃鼎

賜上方珍玩馬德順等優卹是時河北陝回竄入賀蘭山
張曜敗之福因寺阿拉善王以問

詔金順張曜乘勝兜剿

飭左宗棠遣軍兼顧蒙部已而金順張曜至河北引軍而
南甘回納萬元糾陝回迎戰漢渠金順張曜從東繞擊大
破之回走納中開我軍追至龍王廟南悉拔其東南各壘
金順張曜分屯漢渠東南毀回寨四殲守賊殆盡己丑黃

湘軍記

卷十八

三

鼎攻新堡子下之陳林馬正和還竄長流水雷正緒自同
心城周蘭亭自四百戶冒雪擊之陳林等先以眷屬歸金
積堡乞款於曾傳理馬化隆復代白劉松山於是雷正緒
周蘭亭進黃渠橋簡敬臨張福齊進韋家堡與松山會師
初松山已下顧家寨羣回益恐馬化隆以陝回禹得彥等
稟結呈松山轉白宗棠乞緩師松山令先繳馬械再議撫
馬化隆乃以朽鎗羸馬應之而晝夜修壘浚濠如不及松
山知其詐故令營夫刈草覘其動靜回果大出抄我傍敬
家莊兩堡而陳松山麾馬步夾擊燒其兩堡於是吳忠回

乘夜決秦渠逼水東流冀灌我營松山令諸將分攻壘西
回寨下之乃開溝壩令大溜西趨回多溺死劉錦棠復下
溝東回寨閱數日松山令軍士攜鉏鍤草束至水漫溝撤
土填濠回收入寨松山麾步軍踰溝躡之破其寨三進攻
王莊梁莊皆下之自秦渠水溢松山糧運自河西來者紆
道而行而王家樓張家灘當其衝松山令劉錦棠等悉攻
下之毀其寨七壘二於是馬化隆益震恐嗾金積漢民詣
營求撫松山詰之知漢民被脅具保詢其誠偽則僉云不
知也松山益調花定四營來助雙壽吉林馬隊亦至庚寅

湘軍記

卷十八

三

馬化隆遣漢民詣營獻米糧十萬勛松山諭曰先繳馬械
乃可言撫甘言微利無益也乃進攻金積旁近七寨皆下
之壬辰進攻靈州令馬化隆諭令獻城乙未馬化隆陽乞
展期暗移靈州眷屬於金積引陝回入城助守丁酉松山
令軍士裹糧夜起分五路向靈州見城南野潦縱橫淺者
猶及馬腹劉錦棠蕭章開分左右壘水而進松山直擣中
堅克其外卡回騎出東城抄我軍余虎恩雙壽率馬隊逆
戰董福祥步隊副之良久回走東南劉錦棠蕭章開已薄
城斬卡而入回開東北門出竄遂克靈州并其城南石壘

下之俘斬二千餘人。搜回首馬元生馬致和郭有利等。駢
誅之。獲騾馬千餘匹。拔漢民七百餘人。是夜松山留軍守
靈城。自將趨買家莊。劉錦棠蕭章開趨海子墩。軍至皆下。
旁寨見火光如晝。輒開門逸。次日還靈州。以黃萬友李樹
棠兩營駐之。十月己亥朔。松山自率馬步還下橋。督劉錦
棠等分攻里仁渠等寨。下其寨八莊。二楊世俊連破陝回
於狄道境。回還走河州。黃鼎赴靜甯。收撫張貴降眾。以楊
世俊徐占彪分屯安定。會甯靜甯省城驛路無阻。雷正綰
周蘭亭攻張恩堡。僞先鋒袁希孟降。簡敬臨張福齊亦自
湘軍記 卷十八 古

西遁。下其村寨三十餘。是夜馬化隆復乞撫。次日代繳陝
回戰馬七十七匹。鎗矛一百五十件。松山少之。限三日畢
繳。復獻朽械贏馬各數百。松山固知其非誠也。時陝回馬
正和余彥祿方獻款。而陳林馬長順仍桀驁抗命。馬化隆
懼官軍進討。續納騾馬八百八十二。鎗械一千七十。松山
度回多心雜。久且生他變。以吳忠回皆他徒。堡寨空。乃令
就撫者安插其中。而陳林糾黨阻截。馬正和附之。諸降酋
不能禁。撫局益不足恃矣。癸亥。左宗棠受總督印於涇州。
奏以周開錫總統南路軍。穆圖善仍駐蘭州防守。是月崔
湘軍記 卷十八 圭

韋州來分駐秦渠內外。距金積遠者十餘里。近者七八里。
左宗棠慮號令歧。檄諸軍均聽劉松山進止。松山自遭疑
謗。治軍如故。至是金順奏陳松山捷狀。
詔獎以謀勇兼優。前絳吏議悉除之。松山益自奮厲。思得
當報

三句狄河回出掠。穆圖善遣傅先宗擊敗之。金順張曜擊
回於甯夏。連敗之。以回首楊士恭結陝回。援應納王各寨
也。十一月戊辰朔。左宗棠移駐平涼。庚午。劉松山以回情
叵測。約雷正綰張福齊簡敬臨周蘭亭會剿。適金運昌由
靈州來。羣回覘官軍大集。自金積旁堡紛紛出拒。官軍布
陣益寬。步賊望之皆瑟縮。松山麾馬步夾擊。回大潰不止。
下村寨二十餘。乙亥。松山令軍士築新壘。逼賊。且戰且築。
金積回大恐。夜徙東西各寨避之。傍波浪湖築長牆約三
里。翼自固。丙子。松山約諸軍攻長牆。破之。簡敬臨銳欲與

松山合隊繞波浪湖穿回壘而過大挫陣亡己卯回復築長牆自金積外濠迤東約三里又迤南至波浪湖里許庚辰松山督軍突之回殊血戰提督李就山殞於陣弁兵傷者二百四十六人陣亡三十八人辛巳回復傍湖增修長牆壬午松山會金運昌攻其西北劉錦棠等攻東北毀其長牆甲戌劉錦棠蕭章開攻各莊破臺悉破平之初雷正縮周蘭亭張福齊徐文秀等移攻金積左宗棠以平固涇慶千里空虛檄周紹濂分屯黑城李旺同心各堡桂錫楨馬隊屯四百戶丁賢發自鎮原出固原魏光燾劉端冕由

湘軍記

卷十八

六

慶陽合水前進相犄角回首馬光明自固原東北竄同心城桂錫楨卻之乃夜襲紅德城魏光燾自環縣馳援回解圍遁喉元城回海生春等出白家鄭掠姜家坵魏光燾丁賢發會攻元城下之丁賢發復敗之白家鄭於是海生春畏懼乞降魏光燾受之以其眾八百餘口安置白家鄭楊世俊擊回於固城清水紅土窯屢敗之回首馬正和糧匿喉崔三白彥虎等自狄道襲同心掠糧東竄將拊雷正緒諸軍之背以解金積圍徐占彪楊世俊邀擊於嶠口敗之回分由魯家溪好麥川走西南黃鼎至靜甯出會甯截之

十二月戊戌朔傅先宗敗回於甯遠境黃鼎至郭城驛回已越打拉城而東將偪同心周紹濂所部分護糧運未歸迎戰失利魏光燾丁賢發聞警自固原馳援回走鹽茶掠食莎羅堡鴉兒灣黃鼎屢擊敗之乃分由中灘出打拉城竄靖遠而西徐占彪楊世俊追至甘草店回還入狄道金順張曜攻河北王家疃陝回來援合擊破之殛回數千人斬其酋趙五阿渾進攻馬泰納洪兩寨下之

上以甯夏距金積近飭劉松山與金張兩營聯絡是時劉松山等軍圍攻金積戰無虛日破其旁近寨大半己酉夜

湘軍記

卷十八

七

松山率劉錦棠等撲東西兩門依牆列陣火箭延燒回帳壯士攀牆而上薄其內濠濠內回自斷卡橋以遏我竟弗克松山益備雲梯束草爲攻具而馬趙兩寨賊刃林立松山襲破之回方自韋州掠糧歸踏冰以渡松山縱兵截殺牲畜糧械填委於道於是馬化隆大困頗怨崔三等久不赴援而崔三禹得彥馬生彥白彥虎諸酋屢爲官軍所敗狼狽歸巢馬化隆猶弗知也乃令其黨謝四促崔三急赴金積喉另股擾北山冀斷劉松山金運昌糧道己未夜襲陷定邊宗棠請以郭寶昌三營自綏德馳赴定邊顧松山

等餉道。

上以晉省河防急。郭寶昌仍畱山西。飭左宗棠分兵馳援。河州回竄西安堡。聲言道預望章州。援金積。宗棠檄黃鼎討之。

九年正月庚午。黃鼎自瓦亭進固原。回騎竄黑城同心。繞山路而出。丁賢發敗之石峽口。馬化隆遣其黨馬正剛等出惠安堡。分由甯州正甯入陝西之三水。另股竄甘泉。與延綏土匪合。定邊回復陷安定。進掠甯條梁。於是米脂同官蒲城韓城邵陽中部宜君長武大荔皆警。

湘軍記

卷十八

六

朝旨嚴催左宗棠撥勁旅還顧陝疆。馬化隆自詡爲得計。益引援賊冀解重圍。丙子。陝回自胡家堡竄秦渠。南踞石家莊。就廢堡修三壘。松山峴石家莊距吳忠近。令譚拔萃等攻之。須臾三壘皆下。以易致中朱德開駐之。庚辰。進攻馬五寨。寨大而堅。悍黨踞寨東卡。誓以死拒。松山飭譚拔萃克其外卡。自督軍士舉薪燒寨門。飛礮中左乳。松山落馬。軍士負入破屋中。諸將聞統領受創。皆奔視環泣。松山叱其出戰。諸將憤怒陷陣。焚溺墮死者無算。倖回首馬五。遂克其寨。還報松山。松山曰。吾傷重不得復生。汝等殺賊

報

國吾死不憾。遂薨。時圍攻堡東兩寨之師未撤也。宗棠急檄其從子布政使銜道員劉錦棠統其軍。松山湘鄉人。舊隸王鑫部。其行軍篤守鎗成法。故號老湘營。曾圍藩之討捻也。湘軍皆不樂北征。獨松山與張詩日李祥和朱式雲從其後。捻竄陝西。

朝旨促鮑超入關。超託病乞罷。松山毅然西行。其時部卒才五千。所嚮皆捷。後增至萬餘人。遂屹然爲強軍。捻善以精騎挺矛入陣。他軍遇之輒亂行。松山結方陣。橫行寬數

湘軍記

卷十八

九

里騎賊雖抄入陣。弗爲動。捻尤畏之。左宗棠督師秦隴。所部百數十營。松山功尤最。自入靈州。蕩平堡寨五十。回巢九十餘。皆策馬前行。躬冒鋒鏑。回首之曾犯顏行者。無不聞名。膽落功垂成。而身殞。中外惜之。松山起卒伍。積功至廣東陸路提督。年已三十有七。聚婦未聘者二十餘年。至平捻。西旋。婦家送女。至南陽。逾兩年矣。宗棠勸其完婚。甫半月。率師入秦。以訖於卒。無子。以從子劉肅爲之嗣。事聞。詔優卹。子諡。陝甘等省皆建祠。劉錦棠加三品卿銜。提督黃萬友副軍事。是時馬化隆兇燄復熾。黨四出。截我糧

運莫牽動圍師乃上規峽口下瞰下橋永甯洞將全據秦漢兩渠以自固先是松山約雷正綰築壘峽口扼渠上游正綰僅築三壘而回已至三壘皆陷雷軍糧運遂梗丙戌周蘭亭張福齊以糧盡退屯鳴沙洲回日用大礮擊正綰營正綰忍飢堅守傷亡相繼庚寅黃鼎率周蘭亭韋占彪等馳救戰於峽口韋占彪中礮殞金積回蠶集扼牛頭山阻鼎歸路雷正綰乘閒突圍出峽口遂失劉錦棠策回踞峽口勢且洩渠灌我壘乃與黃萬友急進回騎先敗步賊走東南因議夾河築壘護糧運兩日壘成回來爭錦棠偕

湘軍記

卷十八

三

金運昌卻之陝回自甯條梁入北山出甘泉東犯韓邵走高陵涇陽醴泉乾州扶風永壽出靈臺折竄董志原劉典遣張佑庭等分擊左宗棠復檄李輝武等助之回還走甘境馬化隆復結河狄回竄渭源窺鞏昌湯聘珍遣軍擊走之傅先宗敗回於禮縣回越鹽關掠成徽兩當周開錫遣軍自伏羌截之回走秦川二月戊戌金積回攻板橋董福祥營蕭章開與福祥夾擊卻之是時冰凍解劉錦棠令軍士開溝築隄以防水金運昌營近棗園回憑秦渠設卡壬寅運昌會錦棠越渠擊之回收入堡甲辰金積回傾巢大

出騎賊趨板橋步賊決渠水南趨運昌軍阻於水錦棠分三路梟水與之合黃萬友發開花劈山礮輪轟之至夜回始退乙巳官軍出渠北回來犯伏起敗之而東南胡堡回決山溝淹吳忠斷我赴河西運道錦棠乃環壘修壩引注小渠合流入黃次日胡堡回隔水挑戰錦棠以開花礮測準擊之回即奔於是渠溝通暢回復運甓石築卡於北環以長隄冀引馬連水以困我丁未錦棠運昌令軍士攜鉏鋪平其卡而還馬正和圍預望城周紹濂自同心馳擊走之遂圍李旺寨守將李光賓卻之回走黑城子李長程躡

湘軍記

卷十八

三

擊誅馬正和餘黨竄下馬關徐占彪復截擊之乃走韋州是時秦省肅清蔣志章為陝西巡撫馬化隆復嗾崔三東犯劉錦棠等傍壘築隄北抵黃渠南接金積里許其高丈餘闊三丈濬深溝資堵洩回計大窳乃傍山水溝築三壘錦棠等攻破之分黨犯靈州錦棠襲之於王銀柵復大破之於是馬化隆糧匱以春耕急率其子馬耀邦乞撫錦棠許其耕墾仍勒繳馬械方退兵丁巳楊世俊擊回於安定敗績三月崔三禹得彥犯清水入隴州汧陽分擾寶雞鳳縣李輝武吳士邁連擊敗之張福齊敗回於扶風醴泉開

禹得彥走渭南水師過之遂竄蒲城趨白水入宜君中部
界劉端冕擊之魚鱗川還走甘肅靈州魏光燾截之拜家
河乃趨鎮原固原黃鼎徐占彪復連敗之禹得彥還走鹽
茶崔三亦由秦安至莊浪隆德間馬化隆益失望劉錦棠
金運昌圍金積益急回屢受大創晝則跽伏仍潛夜修濠
我軍益多掘溝道防之四月丁酉朔回決秦渠馬連渠西
北風緊平地水漲數尺錦棠令各營密排木椿用茅包土
置布袋捍禦之閱兩日風止水消回計仍不逞乃以悍黨
數百渡黃河劫廣武中衛糧運黃萬友設伏待之殲殺殆

湘軍記

卷十八

三

盡馬化隆復遣陳林襲陷花馬池大掠而還劉錦棠伏兵
靈州奪其糧畜斬黨魁楊興隆五月傅先宗復渭源甘大
有敗回於合水魏光燾敗回於靈臺回走崇信彭清和截
之半途多散亡是時陳林受鎗傷余彥祿黨眾日減馬化
隆益哀詞乞撫繳騾馬七百匹鎗械五千餘件錦棠未許
六月馬化隆乞耕作靈州回亦乞放渠陰田錦棠漫應之
設伏於下橋永甯洞倖王洪等二百數十人駢誅之丁酉
進攻馬家兩寨下之值新麥熟錦棠令軍士刈麥並糜粟
悉割之回來爭輒擊走遂築壘蔡家橋決水反灌破回壘

三毀李家橋卡十一自是金積與胡家王洪各堡聲息不
通而河西糧路亦斷官軍增壘於東回益窘七月庚午錦
棠下張恩堡斬其酋袁希義金運昌襲秦渠北卡克之丁
亥雷正綰黃鼎奪還峽口破古靈州城於是秦漢馬連三
渠之首皆爲我據八月乙未朔雷正綰黃鼎與回戰古靈
州大破之丁酉下丁家堡繞漢渠築壘斷金積援戊戌破
回堡二十餘己亥金運昌克何家寨劉錦棠春壽督軍士
割麥於胡家堡遂至雷正綰黃鼎營計事辛丑提督黃萬
友卒於軍錦棠約雷黃諸軍攻秦壩關丁未破其堡東新

湘軍記

卷十八

三

壘壬子錦棠與金運昌破東關旁堡搶入東關克寨卡二
十三燒市廬三四千自是環金積東南北三面回寨皆平
錦棠壓東關而壘俯瞰回巢回益恟懼洪樂堡者馬化隆
祖塋俗傳風水有異者也黃鼎雷正綰由老馬堡進攻石
屹塔田家橋皆下之丁卯徐占彪克洪樂外兩寨回死力
相拒部將何玉超等陣歿弁丁傷亡相繼馬玉隆詣黃鼎
營乞撫不報鼎遂薄洪樂而壘劉錦棠自克東關議掘濠
築牆以困賊乃與金運昌分段興工三日而竣分兵守之
九月庚午雷正綰克丁家三堡壬申黃鼎克譚家堡進攻

馬家堡下之甲戌徐文秀徐占彪移營金積西門丙子克秦壩關及下寨回奔漢伯堡劉錦棠截之悍酋余彥祿中鎗殪其餘黨竄同心李旺黑城各堡周紹濂魏光燾悉殲之黃鼎克漢伯堡及旁堡二金積已合圍官軍從外度之其城周九里其奇高四丈厚三丈東自吳忠至靈州堡寨四百五十餘僅存王洪楊明兩堡西自洪樂至峽口堡寨一百二十餘僅存馬家灘四堡馬家灘環水中不能濟賊官軍亦置弗攻也丙子劉錦棠等下楊明堡次日攻王洪堡不克而還馬化隆乃乞援河州回甲申河州回渡洮河

湘軍記

卷十八

五

而東楊世俊要擊於赤沙峴敗之崔三禹得彥自河州出犯平番提督張萬英彭清勝敗死穆圖善自將擊之回走鎮番左宗棠慮回由阿拉善繞甯夏河西援金積飭諸軍嚴備而劉錦棠圍馬家灘未下軍士仰攻多傷死宗棠念勞師久令陝回劉秉信赴金積招撫老弱降者數百人馬清壽亦降回中所呼普洱阿渾者也河州回復出巢渡洮東竄一由大寨渡渭而南一由站灘出好麥川而北十月丙午楊世俊李耀南出巉口截擊敗之王午回走靜甯總兵蕭貴謙迎戰失利劉明燈追至清渭回已越秦州南趨

李耀南截之邵家堡楊世俊截之李家川殺傷相當回入南山左宗棠檄劉明燈等冒雪入山搜捕周開錫遣軍會之閏十月回掠徽縣兩當李輝武設伏敗之回折而北竄庚辰至蘇家河辛巳至唐家河官軍緊躡之前臬司陳湜復截之靜甯合水河回走安國鎮星散不復成列而崔三禹得彥自鎮番遁柳林河其地愈西於是金積外援絕旦夕垂破劉錦棠攻馬家灘僅餘兩堡未下金積回乘夜突圍錦棠預設伏待之回至敗還錦棠增兩壘於東門築礮臺瞰回巢黃鼎偏紮西門堡中糧罄以草藟黍根雜牛皮

湘軍記

卷十八

五

死屍而食陝回陳林知勢已去因劉秉信乞降堡中老弱婦女日跪濠外號呼乞命錦棠飛白左宗棠請進止十一月辛丑陳林率黨魁馬化鳳黑清泉等男婦八千餘人詣黃鼎雷正縮求撫錦棠令繳馬械暫給賑糧候安插馬化隆見陳林等已降乃因陳林白錦棠請撤馬家灘圍錦棠許之責馬家灘繳馬械比入堡則回皆穴地而居以死馬雜旃絮器物塞缺口禦鎗礮其精壯不過數百然皆身無完膚也丙午王洪堡亦降錦棠並令還故居馬化隆度就撫無他虞丁未親詣錦棠營伏地請罪願以身死貸其黨

錦棠開壁納之。使使馳告黃鼎雷正綰金運昌等謀所以處之者。諸將士怒其反側。欲縛而磔之。錦棠弗許。實馬化隆於旁幕。派弁守之。令繳馬械。毀堡垣。並招撫王家疇諸回堡。以自續。自陳林就撫。陝回聞風踵至。收降男婦一萬一千有奇。宗棠檄解平涼。候安插。遣陳提赴金積。與錦棠等籌撫事。奏言西陲之不靖。於今九年。關隴諸回。率視金積爲嚮背。其狡謀兇饒。實異尋常。馬化隆非窮蹙至極。必不輕冒鋒鏑以求生。今旣隻身來投。並非誘致。則操縱在我。因而誅之。不可謂武。臣前於平涼縣大岔溝邢家溝北

湘軍記

卷十八

美

原安插陝回數千。給以賑糧。其餘荒絕地畝。雖多不成片段。又平涼係入甘大道。居關隴之中。北達甯夏。南通秦鳳。東連涇原。邠甯。西趨金城。湟中。形勢最要。不宜多居種人。惟平涼華亭交界之化平川。寬六七里。長三十餘里。窯洞三百餘。兼有破屋。土沃泉甘。人迹斷絕。可安插萬餘丁口。近挑已撫回民稍壯者百餘。裹糧前往。稍加修葺。俟各起回民解到。卽量地居之。給以賑糧。種籽牛驢農器。督其耕種。所有建置經界規制。禁令。容臣隨時陳奏。旨報可。十二月。馬化隆復使使招其黨何生洲等。還金積。

其子馬耀邦。繳車輛大銅礮四。九節礮四。威遠礮二十八。劈山礮二十。鳥鎗一千三十。擡鎗二百九十三。刀矛二千四百十三。洋鎗二百八十。金銀銅錢合銀十九萬兩。有奇。宗棠度回情難信。檄錦棠等徙之他處。搜其所匿鎗礮。時天寒水凝。羣回掘堡不速。派勇丁助之。果於堡內掘得洋鎗一千三百有奇。錦棠以回民驚疑漸釋。乃遷王洪堡。回於靈州。旁近安插。遷馬家灘。回於張家園安插。

十年正月丁酉。遷馬化隆父子及其親屬於廢堡。庚子。劉錦棠提訊馬化隆。詰以北口貿易交通洋人等事。化隆盡

湘軍記

卷十八

毛

誘其子馬耀邦。耀邦復茹刑不吐。父子俱凌遲處死。於是黃鼎雷正綰等。提化隆弟姪馬成隆。馬中邦等十三人。處以極刑。又誅僞官八十餘人。其客民及被脅甘回三千餘人。解平涼安插。金積男婦一萬二千餘人。解固原安插。毀僞王城東府西府。搜違制諸物。悉焚之。馬化隆者。其父曰馬二。與穆三之祖穆大阿渾友善。穆大阿渾傳習新教。臨死。以所服白帽紅衣授之。化隆。囑徒眾歸其管束。穆三與其弟穆四。穆五。均爲新教。阿渾自京師天津及黑龍江吉林之寬城子山西之包頭湖北之漢口。均有新教徒黨潛

匿市肆暗相勾引化隆自託神靈妄言禍福羣回爭信之比就俘回黨見之猶長跪呼之始起既誅回勢遂瓦解詔左宗棠加一騎都尉世職劉錦棠給雲騎尉世職並與黃鼎雷正縮賞穿黃馬褂劉松山

賜祭一壇諸將給獎有差金順張曜攻王家疇下之通貴通昌諸回降於黃鼎崔三禹得彥等聞金積已下自涼州西甯還河州河州回馬占鼇等亦約李德昌赴河州議撫宗棠方安置陳林等眾於化平川增設化平通判都司鎮治之於是平涼以北甯夏以南回土餘黨搜捕殆盡而范

湘軍記

卷十八

天

銘所部黑頭勇竊踞岷州傅先宗屢擊破之潰卒歸誠二月河州回竄通渭分掠秦安清水張仲春要擊於廖家莊敗之楊世俊敗回於任當川另股竄階州署知州洪惟善遣軍躡擊回散亡太半三月左宗棠檄劉明燈進駐馬營監嚮安定徐文秀駐會甯修治蘭州道利轉輸儲軍火於靜甯徐圖進取是時鹽茶固原山內伏莽未淨宗棠檄魏光燾周紹濂遣兵搜緝多所斬禽李輝武復敗回於兩當楊世俊張仲春敗回於禮縣李華敗回於通渭會甯閒餘孽不復成軍

朝旨促左宗棠進規河州宗棠以洮河湍急與黃河等自狄道隴西安定進兵皆須造船架橋勢難立辦且收穫期遠前無可因之糧非穩著也時金順張曜圍攻納家寨破之河西悍黨殲焉其降回安置靈州甯夏肅清

詔以金順為烏里雅蘇台將軍張曜分扼磴口橫城防剿阿拉善竄匪四月洪惟善擊給匪於階州平之五月周開錫病歿檄陳湜先赴靜甯督糧運時浮橋渡船已成芻糧麤備左宗棠乃檄諸將進規河州劉錦棠扶輓南旋以蕭章開暫統其軍七月庚子左宗棠移駐靜甯陝回分掠西

湘軍記

卷十八

天

甯白虎彥陷小南川漢堡據之崔三踞曹家堡禹得彥與為犄角詔宗棠分兵助剿已而肅州降回潰叛東下甘涼戒嚴詔復催宗棠撥勁旅西行乃檄徐占彪率六千人赴肅州八月庚申左宗棠移駐安定先是河州回馬占鼇馬尪大約李德昌至河議撫德昌行至洮河東馬占鼇聞河西用兵頗疑懼得昌亦疑之撫議遂罷宗棠策洮西三甲集洮東康家崖據形勝遣徐文秀趨康家崖劉明燈自柳林溝會之破其旁堡二卡一遂圍康家大堡下之而三甲集為

河州門戶。西接太子寺大東鄉。山高地險。時秋霖河漲。諸軍頓洮東。不能渡。宗棠乃令傅先宗楊世俊造浮橋於狄道。濟師。先宗世俊分屯洮河西。九月。會攻高家集。下之。平其旁壘八。分兵毀新集黨平川吉家山各莊寨。進克紅山馬家集。宗棠增遣王德榜。閒渡狄道浮橋。促傅先宗進攻黑山頭。十月甲子。傅先宗自石鼓攻黑山。回緣岡結壘二十餘。山徑峻削。大路皆掘斷。夜四鼓。軍士銜枚閒行。抵回壘。何建威拔幟先登。彭忠國繼之。破其卡三。黎明。回悉銳出援。敖天印已攀蘿緣磴。自山後下擊。傅先宗親陷陣。回

湘軍記

卷十八

三

潰逃。黑山延袤數十里。大小回壘皆平。先宗留四營駐之。乙丑。自率所部營南山巔。扼三甲集後。丙寅。與王德榜會攻三甲集。下之。並破康家窪堡卡十餘。自三甲集之捷。河回。廣集大東鄉。己丑。王德榜等攻甘坪。下之。傅先宗破大貝坪。劉明燈破鮑家莊。辛未。會攻大東鄉。王德榜傅先宗劉明燈等軍多所斬禽。回詭詞乞撫。獻良馬二十二匹。諸將察其詐。弗應也。十一月。回酋馬占鼇遁牟尼溝。辛丑。傅先宗攻紅莊果園。下之。徐文秀燒八戶掌。王德榜連破朱家坪趙家溝。楊世俊張仲春等攻陳坪馬坪謝坪。皆拔之。

是日諸軍破堡壘五十餘。軍威大振。而董家山綿亙數十里。西接太子寺。北蔽大東鄉。山高堡密。俯瞰我軍。宗棠遣陳湜往勸之。諸將以董家山東峻而西夷。當由西路進。辛亥。至乙卯。傅先宗楊世俊徐文秀血戰而前。遂下董家山。直擣太子寺巨巢。十二月丁巳。傅先宗攻新路坡五卡。克之。馬占鼇自牟尼溝赴太子寺。調循化撒回助守。掘濠自固。王成楊世俊奪其濠。踞北山而壘。次日。陳湜等分攻大紅莊。未克。傅先宗以北山難驟下。乃由南山進攻。丁卯。與回戰南山頂。大破之。斃千餘人。俘悍酋馬哈思。誅之。自是

湘軍記

卷十八

三

官軍戰無虛日。傅先宗悉平黨川回壘。大東鄉重險遂失。十一年正月己丑。回傍新路坡築壘三。以爛泥溝四莊一壘為犄角。庚寅。傅先宗攻三壘。未克。辛卯。復約楊世俊攻之。戰良久。傅先宗手執大旗先進。飛礮中右額。殞於陣。壬辰。陳湜派徐文秀赴援。拔其四莊一壘。傅軍新失統將。各營勢沮。糧路頗梗。楊世俊解圍退軍。徐文秀轉戰至黨川。見太子寺東西圍解。慮回乘虛襲董家山。自率親兵助守。回攻傅部中營。哨弁先潰。徐文秀憤極出戰。力竭死之。同時殉者一百四十餘人。左宗棠聞警。急檄王德榜接統傅

軍沈玉遂接統徐軍德榜等申明紀律士氣復新馬占鼇
訶官軍增壘復進使使詣三甲集行營涕泣乞撫願繳馬
械如前例陳湜遣回目馬壽清覘之還報羣回頂經立誓
永無反覆先後繳馬匹四千有奇鎗矛一萬四千餘件時
西甯回目馬永福等乞降馬桂源以聞馬桂源者因回亂
自署知府者也桂源至蘭州借道員馮邦棟詣安定謁宗
棠面白撫事二月馬占鼇等各遣子弟赴安定大營獻馬
五十匹宗棠縱令歸巢羣回疑畏盡釋宗棠奏言辦撫之
道以遷徙客回安輯土回為要河州全境周五六百里回

湘軍記

卷十八

三

多漢少雜以番眾同治元年變亂以來陝回多避居其中
自陝境肅清金積掃盪固原東西山相繼平定各屬倡亂
之回亦多寄孥其間此客回之應徙者也其本籍漢民有
受河回脅制甘心役使名為隨教者有離隙已深逃至洮
岷狄道充當勇丁而親屬仍留河境者宜分別拔出以杜
釁端其外來漢民有被陝回裹脅而來者有被河回裹脅
認為義子齒諸奴僕者宜勒令交出護送原籍此漢民之
應徙者也於是宗棠檄安定會甯平涼隆德靜甯各牧令
擇荒地便水草者安置降回河州平甘回竄兩當徽縣窺

陝邊護巡撫譚鍾麟遣李耀武屯鳳縣譚仁芳屯龍寶禦
之是時徐占彪已抵肅州陝回馬長順將赴西甯就撫成
祿襲殺降回數十人長順遂與肅回馬四合成祿藉會攻
肅州以緩出關之行左宗棠含忍既久始具疏論劾
詔優容之仍促其出關三月循化撤納歸誠循化應者番
回雜處毗連西甯前史所稱吐谷渾地也四月徐占彪進
屯肅州中和橋五月桂錫楨引軍攻肅州東關克其大卡
一關外纏頭入城助守徐占彪與戰城西南設伏敗之遂攻
塔爾灣破其堡四墩卡十九西甯回馬永福率米拉回詣

湘軍記

卷十八

三

馮邦棟乞撫白彥虎禹得彥猶負固拒命宗棠乃遣何作
霖率八營出屯碾伯龍錫慶兩營繼之時劉錦棠自湘還
隴乃令道平涼蘭州趨西甯六月乙卯徐占彪攻塔爾堡
下之克小堡二十餘於是肅州西南墩堡皆平進屯沙子
壩距肅城才三里己未肅回開南門大出著白衣白巾傅
以黃紙既成列殺一婦一犬於陣前故為厭勝之術徐占
彪閉壁不戰截其半以開花礮擊之桂錫楨率馬隊突陣
回奔入城自是徐占彪無日不戰肅回哀詞乞撫占彪憤
其狡詐弗許庚午進攻姑樹三堡六墩下之甲戌克四壩

十一堡均以官軍團勇填紮。戊寅克朱家堡，追殺無算。於是肅城東西南三面賊壘皆盡。時劉錦棠已至碾伯，西甯土客各回，猶懷觀望。錦棠乃榜諭甘回安堵，專討陝回。率董福祥、李雙梁等趨峽口，與禹得彥、崔三大戰，破之。進擊白彥虎於高家堡，燒其壘而還。七月丁亥，左宗棠進駐蘭州省城。徐占彪攻朱家堡北三墩，下之。進克劉家堡。陝回王萬有以肅回糧絀，率二百餘騎降。徐占彪納之。八月，徐占彪以城大兵少，不能合圍，乃分一營爲二，繞肅城三面而壘。日以開花礮對城轟擊，堞口多坍。卒弗克。左宗棠奏

湘軍記

卷十八

三

調宋慶軍由神木赴甘助剿，以張曜軍屯金積堡，移譚拔萃赴西甯。陶生林、金慶元、戴宏勝、馬步五營赴肅州。適僞署西甯知府馬桂源出城與陝回謀亂，兩日不返。漢民習知其詐，乘機閉城拒之。請西甯道郭襄之主守事。馬桂源果結禹得彥、崔三、白彥虎等圍西甯，撲李雙梁營。劉錦棠率董福祥等連擊敗之。令諸軍依山設伏，築礮臺，置開花車輪大礮以待。回匿不出。九月，龍錫慶追回至沙溝，被圍。錦棠遣軍赴援，破回壘七，悉焚之。錦棠覘回勢盛，抽隊赴平戎驛，造橋渡湟，通威遠堡糧路。日與回戰，湟南北斬禽

無算。十月，郭襄之使使絕城告糧價。馬桂源亦請退兵，就

撫。劉錦棠督攻益急，昇大礮至北山巔，令邵增測準回壘，發礮子六十餘，牆壘皆坍。回跳匿溝內。錦棠麾軍搜躡之，破北山卡壘殆盡。己巳，馬本源、馬桂源乘夜走東川，縱火焚莊寨。由撒拉遁巴燕戎格。西甯解嚴。郭襄之率城內男婦三萬餘人望塵迎拜，歡聲如雷。是役，錦棠以馬步十八營分紮八十餘里，大小五十餘戰，輒立冰雪中，厥功偉矣。十一月，西甯大通諸回堡皆乞撫，繳馬二千數百匹，鎗矛六千餘件。陝首崔三、甘首冶興、福馬、福壽等款營獻良馬

湘軍記

卷十八

三

其西甯城回隨馬本源出竄者，劉錦棠遣馬永福往招之。逃歸復業者三千餘人。後至者絡繹於道。十二月，大通回馬壽爲馬桂源所誘，殺難民數十人，抗拒官兵。劉錦棠破平之。

十二年正月，劉錦棠已克大通，俘馬壽磔於市。漢民鬻割之，誅其黨馬長忠等一百八十餘人。河東西莊堡踵營納款，請盡繳馬械，獻匪黨。錦棠乃遷城回於河東西，以漢堡難民實之。城外回堡亦量與漢民更易。崔偉禹得彥、畢大才望風款附。錦棠挑選精壯立旌善營，惟白彥虎率殘黨

由永安嚮肅州馬桂源猶在巴燕戎格聞大通克竄札巴什城陳湜沈玉遂張仲春馬占鼇等夤夜疾趨巴城馬永福率眾迎降己酉克巴燕戎格二月庚戌朔劉明燈敖天印由米拉來會陳湜寘逆眷於獄時大雪不止馬本源猶未知也劉明燈沈玉遂遣降回至札巴什招諭馬本源惶懼始因馬占鼇乞撫癸丑沈玉遂伏兵東山縛馬本源馬桂源下獄陳湜提其黨馬主麻海乙什等三十餘人駢誅之西甯之役始竣時陶生林等已抵肅州金順馬隊亦至徐占彪屢與回戰北稍南稍東稍三門迭獲大捷奪其禮

湘軍記

卷十八

美

拜寺卒以兵少長圍不能遽合金順奏調張曜赴甘涼助勦成祿猶訴軍糧乏難赴哈密詔褫職逮問以金順接統其軍己未白彥虎竄甘州提督楊占鼇擊走之楊世俊躡至撫彝甲子回走高臺大肆焚掠肅回馬四遣其黨來迓白彥虎與之合踞鎮夷西山寺徐占彪聞警慮後路運道塞遣陶生林等迎擊回折而西趨肅回聞官軍分出乘虛撲壘徐占彪設伏敗之戊辰白彥虎攻毛目城金順陶生林馳救回解圍竄金塔楊世俊要擊敗之三月甲申白彥虎竄塔爾灣距肅城三十里肅

回出城應之徐占彪與金順楊世俊合擊敗之肅回入城丁亥白彥虎乘夜出撲長濠徐占彪徑襲塔爾灣破其壘白彥虎方與官軍戰城外知巢穴失急返奔前肅州鎮王子龍等戰歿徐占彪合金順馬隊截之回始敗於時張曜至鎮番宋慶亦派蔣東才赴東山以期迅蕪肅事而徐占彪圍攻無虛日四月回覲長圍已合日出漢民婦女減食且欲奪禮拜寺道塔爾灣出嘉峪關徐占彪加掘重濠回計益窘議自殺眷屬出走五月宋慶全軍抵肅州壁城東官軍聲威益壯白彥虎遁關外入安敦玉境徐占彪約

湘軍記

卷十八

毛

諸軍築礮臺於城西禮拜寺置後膛巨礮六月戊申朔發一百五十礮輒石坍卸而城身未裂次日復發一百二十礮傾圮雖多回輒砌補之宋慶徐占彪附東關築礮臺金順亦築礮臺與徐軍犄角癸亥疊發百數十礮城身坍六七丈阻濠不得過濠深三四丈冬夏不涸古所謂酒泉也閏六月壬午徐占彪揀壯士越濠攻城徐占彪先登金宋兩軍蟻附而上遂克東關回縱火燒房屋糧料遁入大城日出悍黨與官軍巷戰徐占彪左腿受鎗傷乃約金宋兩軍駐東關自駐濠外養病左宗棠念肅州勞師久統將受

創乃議親赴肅州督軍七月癸亥發蘭州八月戊子至肅州駐城南辛未徐占彪楊世俊填濠登城回死拒不得上壬申金順發地雷東北角城坍遊擊張林先登中礮死癸酉徐占彪楊世俊復於西南城掘地道乙亥地雷同發楊世俊率奇捷營先登甫上城飛礮貫腦死之徐占彪仍督將士猛攻陣亡弁裨五十餘人傷士卒五百餘人左宗棠見仰攻損精銳乃議增修濠壘困之時劉錦棠自西甯至甘州候調遣宗棠檄令率師助剿九月乙卯錦棠領湘軍五營至肅州日令降回馬福壽等馳馬城下呼馬四及諸

湘軍記

卷十八

三

酋告曰死期將至善自爲謀馬四哀懇出城就撫庚申馬四親詣宗棠大營泥首乞命時金順宋慶徐占彪劉錦棠均在坐諭令先繳馬械次造土客各回清冊聽候安插其籍隸甘州者出東門由宋慶點驗籍隸關外沙州者由金順點驗籍隸西甯河州循化陝西者出南門由劉錦棠徐占彪點驗各軍預於廢堡分男女安置丁卯核對冊籍拔出漢民男女一千一百餘人戊辰提逆首馬四卽馬文祿並黨魁八人磔之礮三發金順宋慶徐占彪劉錦棠分屠客回一千五百七十三人至夜諸軍入城縱火屠土回五

千四百餘人拔老弱婦女九百餘人肅州平捷聞

詔左宗棠以總督協辦大學士改騎都尉爲一等輕車都尉世職徐占彪賞雲騎尉世職宋慶張曜賞雙眼花翎諸將給獎有差宗棠以甘肅肅清實賴劉松山直搗金積堡劉錦棠繼之馬化隆伏誅從此迎刃而解請以所得一等輕車都尉追賞劉松山有

湘軍記

卷十八

三

王定安曰甚矣門戶之爲害也以周孔之道流而爲紫陽姚江入主出奴至詆爲洪水猛獸抑思其初聖教豈有二乎西洋奉耶蘇爲基督猶言聖人至今亦分其教爲兩舊教曰天主新教曰耶蘇諸夷爭教怨毒過於私讎或擁兵攻伐連數國不得休是豈上天好生之心哉天方在唐時已有白衣黑衣之分我

朝乾隆閒姦回馬明心自西域歸始詐稱新教其教規約與老教同惟誦經頭搖肩聳脫鞋送葬此其小異者耳馬化隆託名新教妄言禍福蓄逆已久卽無陝回之變亦將

詐其徒黨竊地僭號以遂其不軌之謀陝回雖悍化隆視之特僕隸耳自化隆誅羣回望風瓦解亂遂大定然則金積堡之功豈不關繫西北全局哉

湘軍記

卷十八

罕

湘軍記卷十八

武昌范德培校字

湘軍記卷十九

戡定西域篇

東湖王定安撰

踰嘉峪關西行千五百里曰哈密為古伊州回部親王食其地其北百二十里有天山天山者祁連也旁有蒲類海鄰蒙古喀爾喀部天山以北自巴里坤西北行千三百里而強曰烏魯木齊為古車師後庭今都統提督分治之屬城十有六其西千三百里曰伊犁為古烏孫國今將軍參贊大臣治之屬城九其地沙磧沃土相間皆漢書所謂北

湘軍記

卷十九

一

道也乾隆開分設道府州縣治之自哈密迤西而北避白龍堆行七百里至吐魯番為車師前庭其東柳中漢戍已校尉居之由此以達天山南道其名城八自吐魯番西南行千里而強曰喀喇沙爾為古焉耆國又西南行三百四十里至車爾楚台即漢烏壘為漢都護所治又西三百六十里為漢輪台又西南三百二十里凡千里而強曰庫車為古龜茲國唐安西都護治焉自庫車西行千里而緄曰阿克蘇為古溫宿國又西北行二百四十里曰烏什為古尉頭國此所謂東四城也自阿克蘇西南行千四百里而強曰

葉爾羌爲古莎車國。又迤西而北三百六十里曰英吉沙爾。爲古伊耐國。又北二百里而強曰喀什噶爾。爲古疏勒國。皆漢唐建庭之所。白葉爾羌南行八百里而強曰和闐。爲古于闐國。此所謂西四城也。其俗皆城郭土著耕織商賈。依堡而居。堡以百數。皆漢書所謂南道。今則回疆也。乾隆中設參贊大臣駐喀什噶爾。總制南路。他城設辦事領隊大臣分治之。其各回堡則以伯克理其事。自三品至六品皆隨年班入覲。不得專生殺。自伊犁訖和闐南北三千餘里。東西七千餘里。號新疆。總制於伊犁將軍。凡漢時西域三十餘國皆隸焉。道光中張格爾平西陲無事者三十餘年。至同治初元。陝回倡亂。遣其黨四出招誘。而後新疆回亂大起。先是陝回阿湲安明。一名安得璘假星命遊蕩金積

湘軍記

卷十九

二

河隍間。比寇興竊。三婦人出關。至烏魯木齊。客參將索煥章家。索煥章者前甘肅提督索文子也。素蓄異志。師事安明。安明掌教演經。妄言禍福。愚回多惑之。同治三年春。烏魯木齊都統藉防餉。勒州縣收捐。綏來知縣毛遂。吾奇臺知縣恆顛。皆不應。獨迪化知州孔福允之。都統乃自遣員搜括。州役馬全。馱戶馬八。皆回民。無賴倚勢苛斂。誠比無

虛日。漢民怨憤。陰約木壘。漢民結團練。以抗捐而禦回。馬全亦結回民備之。四月。漢民與馬全戰奇臺市。回敗遁入南山。匿不出。會庫車回叛。提督聶布冲遣兵赴南路討之。標兵故多回人。行至喀喇沙爾。還歸。六月。遂舉烏城反。索煥章手刃提督。戕其家屬。據漢城。推安明爲主。索煥章自爲僞元帥。書吏馬升爲先鋒。進圍滿城。八月。陷之。知州孔福維城跳。都統平某盛服往議和。死亂兵。索煥章脅鎮迪道尹某至其家。將囚之。其母罵曰。爾父官一品。爾官三品。今乃作賊縛職官。罪當族。吾不忍見也。乃舍之。尹某仰藥

湘軍記

卷十九

三

死。其家四十餘口殉焉。其時奇臺捕役馬福等率回眾陷奇臺。分掠綏來。昌吉。阜康。吉木薩。古城。皆陷之。而哈密吐魯番。呼圖壁。庫爾喀。喇烏蘇。先後失守。於是安明益自尊。僭號清真王。降索煥章爲散目。令守吐魯番。以其母屢誡煥章反正也。馬升馬泰馬仲馬明馬官皆爲僞元帥。結纏頭。共取南八城。比城拔。纏頭竟自踞之。當是時。俄羅斯破滅浩罕。其國都塔什干已爲俄據。安集延者浩罕八城之一。古大宛地也。與喀什噶爾鄰。其酋帕夏曰阿古柏。收餘眾。自稱和碩伯克。保安集延。而王。值布魯特。酋思的克等

肇亂喀什噶爾奸回金相印迎帕夏出山圍喀什噶爾破之遂次第攻奪南八城安撫漢回商賈纏頭以其同類頗歸附安夷亦禁劫殺要結之四年安明遣黨分陷山北諸城五年纏頭攻伊犁九城陷之塔爾巴哈台亦不守

詔烏魯木齊提督成祿自肅州赴奇台會李雲麟辦新疆軍務雲麟自罷陝軍

上惜其才以侍衛充布倫托海辦事大臣崎嶇赴漢遙權伊犁將軍築城布倫托海旋為賊襲陷論罪譴戍其後左宗棠奏調赴營薦保副都統所著西陲論略譏切時事其

湘軍記

卷十九

四

言頗有可採云八年索煥章詭詞乞撫哈密幫辦大臣景廉弗納自烏城之亂北路邊氓結團自保寇至則戰寇去則耕其田公種公收立壯士為之長兵事田事皆屬焉於是徐學功起迪化趙興體起綏來劉鄉約起河西馬進福鄧生玉起古城奇台又有張和張興率團數千日與回戰先後歿於陣而徐學功勇略冠一時中外回皆畏之徐學功者少貧賤喜技擊鄉里號無敵年弱冠值寇作乃結健兒數十掠回莊貨貨自贍遇漢民則保護之雖邊外悍回固已憚之矣其後依附者日眾有民兵五千人每戰以馬

隊陷陣驟若風雨賊鎗礮不得施見之輒走安酋帕夏聞其名使使約和九年安明遣馬泰與安集延戰庫車敗績安酋潛句馬仲自吐魯番共攻安明安明乞降帕夏仍令為清真王踞守烏垣以馬仲為阿奇木總回務其後徐學功陣斬馬仲其子馬人得襲阿奇木偽職與安明積不相能復糾安夷來攻於是帕夏約徐學功圍吐魯番安明遣黨三次赴援皆卻之閏八月遂拔吐魯番帕夏揀精壯者縛送南八城與徐學功進攻烏魯木齊距城四十里安明傾巢出戰徐學功馬隊馳擊安夷助之回大奔斃其偽元

湘軍記

卷十九

五

帥馬官安明不敢還烏垣走綏來數日病死昌吉綏來呼圖壁皆下帕夏踞烏垣徵地稅權商貨令漢回薙髮易服效其國俗光頂圓領儼然異域矣初帕夏聞徐學功善戰故與友善冀其柄用薦已為哈密王以南八城歸獻朝廷已而知其驍猛無遠識且百戰不得一階益輕之令學功還南山仍以甘回馬人得為阿奇木綰烏垣回務學功大恚常使馬隊閒出邀安夷商貨安夷患之與回纏合縱拒學功乘中秋襲其營學功僅率二百騎拒戰退走綏來南山帕夏乃縱安夷大掠以夷目守烏垣土回纏頭不

堪其擾還降學功學率大隊至烏垣與安夷鏖戰數月殺傷相當以糧罄還南山土回纏頭見學功去仍投安夷十年五月俄羅斯代收伊犁初康熙中俄夷與我畫界中國常住卡倫外有哈薩克布魯特烏梁海諸部游牧均羈屬於我其外復有甌脫地遠或千里近數百里兩無所屬所謂閑田也咸豐十年俄夷重修條約始以常住卡倫爲界中國方有事東南以其地絕荒遠未暇較而甌脫地延袤五千里及哈布諸部悉爲所侵伊犁塔爾巴哈台遂與俄夷偪處自回纏陷伊犁黨眾時相爭殺索煥章初遣數千人往襲敗還至是俄夷以兵六百入據伊犁且聲言進收烏魯木齊其酋銅線自悉畢爾聞於京

湘軍記

卷十九

六

詔署伊犁將軍榮全赴伊犁收回城池直隸提督劉銘傳道肅州出關規復新疆各城景廉成祿規復烏魯木齊左宗棠穆圖善撥兵顧關外宗棠方擊回河州奏言俄羅斯與我素無釁端其取伊犁名爲收復詞近順而心則狡關外回部向本愚弱不似內地諸回之狡悍而富庶過之所云收復伊犁揆諸弱肉強食之常乘閒抵隙之事亦母足怪惟尙欲收復烏垣則砥糠及米漸近中邊於理不協於

勢尤不可臣現規河湟未能興師遠舉然當此強鄰覬覦未敢拘執已咨商劉銘傳酌定進兵道路飛飭徐占彪馳赴肅州以便成祿拔隊出關會劉銘傳乞病還皖以曹克忠接統其軍未幾克忠亦乞病以臬司劉盛藻統之仍屯乾州成祿亦未果行其時肅州回出掠安西玉門敦煌窺犯新疆哈密大臣文麟烏魯木齊都統景廉以聞

湘軍記

卷十九

七

誅俄夷回纏數十人餘悉縱還盡奪其駝馬羊隻洋貨並俄鈔二萬兩自此俄夷不敢東窺以徐學功爲之障也十一年春景廉率師抵古城使使招學功至綏來之沙山集舊部三千餘人開屯田且戰且耕時文麟亦招團首孔才自哈密赴古城修堡興屯孔才復收學功散勇二千餘人任耕戰於是古田吉木薩屯田大興兵食稍裕其後徐學功孔才皆擢提鎮然事事承將帥風指英氣漸減異於初起血戰時矣十二年三月陝回白彥虎援肅州敗走出關四月竄安敦王金順遣軍躡擊副都統明春辦事大臣文

麟亦遣馬隊追之白彥虎遁入山六月掠阿畢米特署烏里雅蘇台將軍常順奏催金順出關秋白彥虎率悍回數千分掠烏垣綏來徐學功橫出截之殺數百人奪駱駝五百匹貨物無算白彥虎自揣勢孤益結安集延自固帕夏有所誅求悉索以供於是安夷日富士回日貧九月左宗棠克肅州陝甘平

詔曰現在關內肅清急應乘此聲威掃除關外各匪金順迅赴古城會景廉規復烏魯木齊穆圖善久駐涇州置兵無用即赴安敦玉以壯聲援哈密尙未解圍張曜宋慶久

湘軍記

卷十九

八

歷戎行辦事奮勇即馳往哈密會文麟明春勦賊各軍糧餉左宗棠源源接濟勿任缺乏蓋

朝廷稔知宗棠積勞但責餉事未忍令其馳驅沙漠也十三年宗棠汰陝甘防軍改營為旂以節餉時日本犯澎湖李鴻章調銘軍之在陝者赴山東將渡海援臺灣宗棠慮邠乾空虛咨穆圖善撥涇軍五營接乾防秋張曜出屯哈密大興水利墾荒地二萬畝歲獲數千石以濟軍哈密土質善滲其耕墾用土工石工及毛氈包裹工為他處所無張曜躬率所部經營締構功亦勤矣是時關外諸軍皆隸

烏魯木齊都統景廉金順出屯巴里坤頗與景廉不洽有旨垂詢宗棠奏景廉方正有學迴翔臺閣足式羣僚而泥古太過金順寬和服善為眾情所附平時粥粥無能臨陣奮勉臣所目擊既居前敵似宜以戰事責之

光緒元年三月

詔景廉補正白旗漢軍都統與侍郎袁保恆回京供職左宗棠以欽差大臣督辦新疆軍務金順為烏魯木齊都統副之陝西巡撫譚鍾麟督西征餉事布政使裕寬陝安道沈應奎兼綰精臺四月左宗棠奏起前署陝西巡撫劉典

湘軍記

卷十九

九

赴蘭州

詔劉典以三品京堂候補幫辦陝甘軍務五月金順抵古城接統景廉軍汰三十餘營為十九營合金順原部共四十餘營是時宗棠所部汰除四十餘營猶存馬步一百四十一營每歲需餉銀六百十四萬兩有奇金順歲餉銀二百六十四萬兩有奇穆圖善一百八萬兩雷正綰三十萬兩均由西征糧臺收放而駝乾屯費運費不在此數諸省關積欠銀二千六百萬有奇文牘咨催弗應也譚鍾麟奏言自五月陝藩司接管西征糧臺迄於八月僅收各省關

協餉銀八十餘萬兩。督臣左宗棠每月需的餉四十餘萬。近於新疆南北兩路創設採運數道。計程皆四五百里。運費月需銀二十餘萬。而舉辦屯田有費。購買車駝有費。製備軍火器械有費。整頓營伍裁撤勇丁有費。出款日增。入款愈少。數月來得以勉強支持者。特借到洋款三百萬。然隨到隨放。現亦告罄矣。袁保恆前奏每屆年終一關。悉發滿餉。本年各營月餉。固未滿發。轉瞬年關。需餉如命。若不發一月足餉。何以泯缺望之心。而作効忠之氣。今出關諸軍。整理待發。月餉之外。益以糧運。窘乏情形。尤甚往年。

湘軍記

卷十九

十

飭部指提各省關欠餉六十萬。爲年終一月滿餉。並將出關糧運的餉一百四十餘萬兩。限十月內外到陝。轉運前敵。以資支發。西事幸甚。旨如所請。時劉典因病辭幫辦。詔罷陝甘之行。譚鍾麟復言宗棠出關。後路防軍百數十營。遠者距三千里。倉卒有事。無所稟承。劉典與諸軍相習。若令駐蘭州。顧後路。督臣得一意前敵。迅赴戎機。早蒞一日之功。即可省一日之餉。

詔促劉典自湘西行。

二年正月。左宗棠檄劉錦棠等軍自涼州赴肅州。二月庚午。劉典至蘭州。宗棠以善後事界之。癸未。馮旗啓行。時朝議紛紜。多以遠征勞費。欲棄南八城。封帕夏爲外藩。英酋威妥瑪復爲之請。宗棠奏言。烏城之賊。土回居多。白彥虎復挈陝甘悍回。分踞紅廟古牧瑪納斯與相聯。而皆南與安西。帕夏通。自帕夏踞喀什噶爾各城。吐魯番闢展以西。土回皆附之。帕夏能以詐力制其眾。又從印度多購西洋鎗礮。勢益猖獗。土回纏頭皆倚之爲重。然不敢顯與俄夷

湘軍記

卷十九

十一

較俄夷亦頗言其狡悍異諸賊。今官軍出塞。自宜先期北路烏垣等處。而後加兵南路。當北路進兵時。安集延或悉其醜類。與白彥虎合勢死拒。當有數大惡戰。如天之福。事機順利。白逆殲除。安集延悍賊亦多就戮。由此而下兵南路。其勢較易。是致力於北。而收功於南也。若賊情先圖自固。但作守局以老我師。則曠日持久。亦在意中。外間議論或以爲事可緩圖。或以爲功可速就。或主撤兵節餉。或言難得易失。其命意皆因裨益洋務起見。豈真由衷之言哉。臣一介書生。高位顯爵。爲平生夢想所不到。豈思立功邊

域覲望

恩施况年已六十有五。日暮途長。乃不自忖量。妄引邊荒。輟鉅為己任。雖至愚極陋。亦不出此。而事固有萬不容已者。烏魯木齊各城不克。無總要之地。以安兵。今伊犁為俄人所踞。喀什噶爾為安集延所踞。若此時置之不問。後患環生。必有日蹙百里之勢。此區區愚忱。不敢不盡者也。其後攻北路而南路遂平。竟如所策。三月乙巳。宗棠駐軍肅州。肅州至哈密。中隔戈壁。水泉不能供千人。宗棠令諸軍抵安西。後分起遞進。漢中鎮譚上連為前鋒。甯夏鎮譚拔

湘軍記

卷十九

三

萃繼之。陝安鎮余虎恩又繼之。均聽三品卿銜西甯道劉錦棠節度。四月。劉錦棠出嘉峪關。譚上連師次巴里坤。譚拔萃次哈密。余虎恩趨安西。出戈壁西進。烏垣回分掠塔爾巴哈台。劫俄糧。自布倫托海出紅柳峽。金順遣軍躡之。回繞古城走吐魯番。還入烏垣。上以北路空虛。飭左宗棠派兵兼顧。宗棠乃檄領隊大臣錫綸。赴沙山護俄運。桂錫楨馮以和各軍隸之。金順復調參將徐學功馬步四營助錫綸。時譚上連進古城。分兵屯芟芟台。色畢口。大石頭。三箇泉。護運道。金順自吉木薩飛

書乞糧。宗棠撥巴里坤哈密存糧三百六十萬。飭濟之。宗棠僱商駝萬隻。負糧出哈密達古城。比至肅州。復以官民車載糧。道戈壁赴哈密。而歸化包頭甯夏商駝負糧往巴里坤者。絡繹於道。俄人復以糧市我。輓輻轉輸。遠者五千里。近亦三千里。雖儲時稍裕。而費已不訾矣。五月。劉錦棠令軍士取哈密存糧。踰天山遞運巴里坤。復由巴里坤遞運古城。閏五月。錦棠次巴里坤。進駐古城。分兵屯木壘河。偵馬人得踞烏魯木齊。白彥虎踞紅廟子。土回馬明踞古牧地。法當先取古牧。撤烏垣紅廟藩籬。而阜康當賊衝。距

湘軍記

卷十九

三

古牧才百里。宜先據之。六月。錦棠輕騎赴吉木薩。與金順計事。約金順屯阜康城。自屯城東之九營街。圖進取左宗棠。增遣徐占彪。接防巴里坤。而張曜哈密之軍。分屯安西。宗棠令歸併哈密。以厚哈吐之防。白彥虎聞官軍大出。自紅廟移踞古牧。糾土回拒官軍。雍髮易服。竊附安集延。安夷亦遣纏回助戰。錦棠覘阜康城西野潦縱橫。延二十里。可疏廢渠供飲。自此行戈壁五十里。達黑溝驛。始有泉。戊申。令軍士開溝引水。傍廢渠而營。次日。赴戈壁。佯掘井。以懈賊。其夜。錦棠約金順潛襲黃田。破其卡。遙問古牧角

聲四起。錦棠金順先踞山岡。余虎恩黃萬鵬等馬隊自山
馳下。與賊騎戰良久。步賊來助。譚拔萃譚上連董福祥等
步隊出中路。馬軍分左右抄之。賊大敗。守卡者皆跳。官軍
巡抵古牧。錦棠以城堅難驟下。還駐黃田。時古牧回酋馬
明為帕夏。逃赴南路。王治金中萬率土回堅守。王子錦棠
圍古牧。帕夏遣夷目阿托愛率騎賊來援。錦棠令余虎恩
馬隊列山前。嚴陣以待。遣步軍分攻山壘南關。皆下之。阿
托愛棄馬跳。丙辰。錦棠昇開花礮攻城。城堞多圯。丁巳。克
古牧。守賊六千殲焉。錦棠度烏垣賊且他遁。戊午。自將趨

湘軍記

卷十九

志

之抵城。東安夷土回纏頭皆宵逸。遂克烏魯木齊。迪化州
及偽王城。偽王城者。安明所築也。錦棠遣諸將分追三十
里。至鹽池。阻戈壁而返。於是昌吉呼圖壁瑪納斯北城守
賊皆棄城遁。帕夏所遣援賊五千騎。已至達板。距烏垣二
百里。聞敗不敢進。新疆北路略定。惟瑪納斯南城未克。捷
聞。
賞劉錦棠騎都尉世職。譚上連譚拔萃余虎恩等雲騎尉
世職。諸將給獎有差。七月。宗棠以北路既清。咨金順錫綸
分扼各城堡要隘。搜餘匪。檄張曜徐占彪與劉錦棠進規

南路。錦棠下令搜山。陶生林譚和義等趨東山。黃萬鵬譚
上連譚拔萃余虎恩等趨大小二池。東南至柴窩。小有斬
禽。當是時。帕夏踞托克遜。築三城自衛。托克遜者。噶孫營
也。北守板達。拒劉錦棠烏垣之軍。南守吐魯番。拒張曜哈
密之軍。而烏垣敗黨。磨集板達。白彥虎于小虎踞南山。小
東溝。遣黨四出刈禾。備乾糧。圖繞官軍後。戊辰。劉錦棠趨
小東溝。白彥虎先一日走金口峽。次日。錦棠急行九十里。
及之金口峽。老弱婦女數萬。踉蹌驚走。白彥虎于小虎已
併入托克遜。錦棠還軍烏垣。帕夏以白于勢日蹙。待之甚

湘軍記

卷十九

志

倨。勒其眾。雜髮易服。傍三城以居。宗棠檄張曜嵩武軍道
奇克騰木爾圖展。徐占彪蜀軍搜巴古諸山。出木壘河與
張曜夾攻吐魯番。木壘河地寬衍。容萬騎。亦饒水草。雍正
中。岳鍾琪奏稱。以重軍駐此。可保必效者也。時金順攻瑪
納斯南城。久不下。咨湘軍助。八月。劉錦棠派道員羅長
佑與譚拔萃黃萬鵬董福祥等十一營赴之。宗棠以錦棠
兵單。增遣總兵章洪勝方友升桂錫楨等歸調遣。九月。復
奏調金運昌軍五千人。自包頭西行助錦棠。己丑。金順錫
綸會湘軍克瑪納斯南城。掘偽清真王安明尸戮之。俘偽

元帥海玉馬受馬有才等並其悍黨殲焉十月金順移駐
昌吉令提督孔才駐瑪納斯方春發駐呼圖壁副將徐學
功等分屯北路要害湘軍羅長佑等還烏垣自後大雪封
山諸軍不能踰嶺而南帕夏與白彥虎乘暇移達板新城
兩山間以大通哈守之大通哈猶言大總管也吐魯番故
有滿漢兩城帕夏次子海古拉又日役萬夫造偽王府雄
關異常度是冬帕夏令白彥虎馬人得守吐魯番海古拉
守托克遜大通哈守達板自居喀喇沙爾為中權策應之
三年三月冰解劉錦棠自烏垣踰嶺攻達板張曜自哈密

湘軍記

卷十九

六

西進先遣提督孫金彪與徐占彪會師鹽池趨吐魯番已
未劉錦棠抵柴窩留營守之柴窩距達板二十里夜初鼓
錦棠令軍士銜枚疾走期五鼓集達板城下大通哈新引
湖水衛城泥深及馬腹余虎恩陶生林夏辛酉等馬隊掠
過深淖列城左山岡譚上達譚和義戴宏勝等率步隊列
城後山阿降人崔偉等以馬隊承彌縫羣回方臥未覺也
天明霧收城回望見始大驚發西洋鎗礮下擊自卯至午
不絕我軍小傷亡屹立如故劉錦棠策馬周覽城濠坐騎
中鎗易馬而前飭各營築壘掘濠困之辛酉傍城東築礮

臺海古拉遣騎賊番進赴援陶生林等截之隘口分左右
包抄援騎皆返奔城回盼援不至議突圍出走錦棠誡諸
軍嚴備壬戌侯名貴昇開花礮三寔礮臺連環擊之城身
多坍有頃礮中火藥房屋瓦甍石皆飛大風驟起引燒開
花彈子城中人馬碎裂羣回奪門走官軍遮之不得出錦
棠使人呼曰縛異裝者有賞於是大小頭目悉致麾下無
一脫者遂克達板城禽其酋愛伊德爾呼里即安夷所號
大通哈也又獲胖色提六人玉子巴什六人胖色提者華
言營官玉子巴什者華言哨官其餘夷職甚多則華言營

湘軍記

卷十九

七

理執事什長之類於是大通哈暨諸胖色提同聲代帕夏
乞款願縛白彥虎獻南八城贖罪錦棠聽其致書招帕夏
釋安集延南八城纏頭及土爾扈特種人數千勿誅悉給
衣糧縱歸原部夷回大權戊辰錦棠進駐白楊河聞嵩武
軍孫金彪與徐占彪已下奇克騰木進攻闢展及魯克沁
連木沁台勝金台盡破其城壘兩軍會於哈拉和卓距湘
軍僅兩日程錦棠遣羅長佑率五營赴之己巳徐占彪孫
金彪引軍至吐魯番白彥虎先一日遁城東守賊殊死鬪
乃麾馬軍兩旁抄襲賊陣大亂躡至城邊城回傾巢出戰

戰正酣羅長佑領湘軍合力攻之賊西奔馬人得詣嵩武軍降繼回萬餘跪地乞命孫金彪悉宥勿誅遂克吐魯番滿漢兩城分駐之是日劉錦棠急馳百里抵托克遜海古拉亦先遁守賊與官軍戰城外敗潰舉火焚糧藥棄城跳錦棠遣軍士入城滅火繼回二萬餘人跪馬前降錦棠令繳馬械候安插於是托克遜三城皆下自吐魯番告克南八城門戶洞開帕夏日夜憂泣不知所爲白彥虎益掠人畜焚村堡脅纏回同奔纏回皆怨而達板托克遜吐魯番諸降眾官軍皆釋不問夷回無復疑懼轉相告語南入城

湘軍記

卷十九

六

皆延頸盼官軍出水火帕夏夙遇纏回虐怨毒中人深人思報復之四月帕夏在庫爾勒飲藥死其子海古拉淹屍水中三日始出裹香牛皮舁之西行將達庫車伯克胡里使使截之半途殺海古拉安夷所呼小帕夏也帕夏名阿古柏自稱畢調勒特汗有子六人長咬哥卽伯克胡里非所愛也次卽海古拉次引上胡里次邁底胡里其二子無名海古拉既誅伯克胡里保南境而王夷回推白彥虎守庫爾勒彥虎自踞開都河西岸覬入俄羅斯是時侍郎郭嵩焘出使英吉利英人威妥瑪爲安夷緩頰事下左宗

棠宗棠奏言竊維立國有疆古今通義必合時與地通籌之乃能權其輕重而建置始得其宜伊古以來中國邊患西北恆劇於東南蓋東南以大海爲界形格勢禁尙易爲功西北則廣漠無垠專恃兵力爲強弱兵少固啟戎心兵多又耗國用以言防無天險可限戎馬之足以言戰無舟楫可省轉餽之用非若東南之險阻可憑集事較易也周秦至今惟漢唐爲得中策及其衰也舉邊要而捐之國勢遂益以不振我

湘軍記

卷十九

九

前代所謂九邊皆成腹地卽由科布多烏里雅蘇台以達張家口亦皆分屯列戍斥堠遙通而後畿甸宴然蓋祖宗朝削平準部兼定回部開新疆立軍府之所貽也是故重新疆者所以保蒙古保蒙古者所以衛京師若新疆不固則蒙古不安匪特陝甘山西各邊時虞侵軼防不勝防卽直北關山亦將無宴眠之日而况今之與昔事勢攸殊俄人拓境日廣由西而東萬餘里與我北境相連僅中段有蒙部爲之遮闔徙薪宜遠曲突宜先尤不可不豫爲綢繆也方今北路已復烏魯木齊全境祇伊犁尙未收回

南路已復吐魯番全境祇白彥虎率其餘黨偷息開都河喀什噶爾尚有叛弁逃軍終煩兵力此外各城則方去虎口而投慈母之懷自無抗拒顏行者新秋採運足供餘糧

朝廷威德且勦且撫無難挈舊有之疆宇還隸職方此外如安集延布魯特諸部則等諸邱索之外聽其翔泳可矣英人爲安集延說者慮俄之蠶食其地於英有所不利俄方爭土耳其與英相持我收復舊疆兵以義動彼將何以難之設有意外爭辯枝節橫生在我仗義執言亦決無所

湘軍記

卷十九

三

捷屈新疆南路以吐魯番爲腴區其八城以喀喇沙爾所屬地多磽瘠餘雖廣衍不及北路而饒沃或過之全境收復經畫得人軍食可就地採運餉需可就近取資不致如前此之拮据憂煩張皇靡措也區區愚忱實因地不可棄兵不可停而餉事置絕計非速復腴區無從著手局勢所迫未敢玩愒相將至省費節勞爲新疆畫久安長治之策則設行省改郡縣事有不容已者又言自浩罕爲俄人所併安集延諂附英吉利英人亦陰庇之茲復以護持安集延爲辭保護立國爲義其隱則恐安集延爲俄人所有夫

安集延非無立足之處何待英人別爲立國即欲別爲立國則割英地與之或即割印度與之可也何乃索我腴地以市恩且喀什噶爾爲古疏勒國漢代已隸中國固我舊土也而英人直以爲帕夏固有之地其意何居從前恃其船礮橫行海上猶謂祇索埠頭不取土地今則並索及疆土矣彼陰圖爲印度增一屏障公然強我於回疆撤一屏障此何可許我愈示弱彼愈逞強勢將伊於胡底臣奉職邊方惟有勉竭駑鈍不顧目前成敗利鈍圖之郭嵩燾片奏乘阿古柏冥殛之時席捲掃盪一語尙無不合現在南

湘軍記

卷十九

三

路之師劉錦棠三十二營擬於八月中旬分起西進張曜擬於九月初旬繼發前聞英人遣使赴安集延臣已馳告劉錦棠張曜屬其善爲看待如論及回事則以我奉令討侵佔疆宇之賊以復我舊土他非所聞如欲議論別事請向肅州大營彼如來營臣自有以折之上嘉其奏如所議行七月劉錦棠遣湯仁和等自托克遜進兵八月癸未朔董福祥張俊等自阿哈布拉沿途置哨壘張春發繼之均至曲惠而營士卒曳糧清泉接程以俟大隊癸卯錦棠率大隊行五日至曲惠余虎恩出庫爾勒

之背錦棠自趨開都河開都河源出天山之麓匯而南趨
貫庫爾喀喇沙爾之中下流注於博斯騰淖古所謂泐
澤者也白彥虎壅開都河水溢百餘里以遏我軍錦棠馬
步繞淖行艱地紆折達開都河東白彥虎先期走庫車九
月癸丑朔錦棠收復喀喇沙爾城中水數尺廬舍蕩然召
其台吉遷蒙民數百戶實之乙卯余虎恩收復庫爾勒城
空無人食罄掘窖糧數千石濟軍錦棠偵白彥虎脅纏回
走布告爾急行四百里至洋薩爾見各堡火光燭天知回
去未遠令後隊救火前鋒及之布告爾黃萬鵬譚拔萃與

湘軍記

卷十九

三

戰破走之次日追四十里以西洋測微鏡瞭回眾尙數萬
持鎗矛者才千人錦棠令曰執械者誅餘勿問亟逐之賊
委難民狂奔錦棠悉遣歸復業仍領精騎躡賊甲子至托
利賴纏回萬餘伏地號呼復慰遣之乙丑五鼓蓐食行數
十里至庫車白彥虎方驅纏回西走纏回不從皆散布郊
原見官軍至倉卒列隊錦棠麾馬步突之皆大奔遂復庫
車是役自庫爾勒六日馳九百里拔難回約十萬左宗棠
遣員設善後局安撫之籌籽種招耕牧治塗造船以通商
賈纏回附者益眾白彥虎在拜城與安集延胖色提等日

夜掠城外纏回爲助村堡皆墟拜城回閉關拒之丁卯錦
棠軍至遣通事諭之拜城回目買賣提托呼達等開城迎
降錦棠留方友升鎮撫而自履冰夜行戊辰至銅廠與回
選賊糾二萬眾列河岸拒戰錦棠鼓之騎賊皆靡積尸塞
河水爲不流遣難回悉還拜城復促所部亂流而渡擊回
於上銅廠連敗之遂越察爾齊克台而西己巳度戈壁百
四十里至哈拉裕勒庚午至札木台解鞍小憩進薄阿克
蘇遙望城上鎗矛林立西南飛塵蔽天遣候騎覘之則前
一夕回目將獻款爲胖色提縛去其閉關設守者城回十

湘軍記

卷十九

三

萬餘人嚴備以待官軍者也錦棠召回目出城諭以威德
羣回膜拜乞撫遂復阿克蘇駐軍漢城遣將躡擊白彥虎
於胡馬納克河敗之獲哈密回王邁合默特之母送歸其
部賞遣難回還庫車白彥虎見官軍日迫患之乃嗾安夷
鼠葉爾羌自竄烏什翼分兵力以緩死錦棠舍安夷勿追
專力討白逆令黃萬鵬張俊趨烏什譚盛典夏辛酉自西
會之辛未渡胡馬納克河行戈壁八十里俘黨魁馬有才
等壬申擊回於烏什城東敗之遂復烏什次日至阿他伯
什阻戈壁而返於是南疆東四城皆下

上念湘軍冒寒遠征。一月中馳驅三千餘里。劉錦棠開西甯道缺。晉秩三品京卿。諸將給獎有差。十月癸未朔。張曜由哈喇沙爾進庫車。庫車迤南曰沙雅爾。其酋麻木爾叛。附安集延。聞官軍已下東四城。遁匿哈番。哈番在阿克蘇西南四百里。錦棠率席大成等親攻之。辛卯。擊賊哈番西。麻木爾受創遁。部眾解散。錦棠還軍阿克蘇。當是時。帕夏長子伯克胡里踞喀什噶爾。猶保西三城。而和闐伯克呢牙斯圖反正。乘隙圍葉爾羌。遙爲官軍聲援。伯克胡里僅餘一城。憤甚。率五千騎與呢牙斯戰於葉爾羌。呢牙斯敗。

湘軍記

卷十九

四

走降於我。伯克胡里進奪和闐。踞之。而喀什噶爾守備何步雲。章京英韶及滿漢兵弁陷賊中者尙數百人。相率守漢城。使使迓官軍。安酋阿里達什保回城以攻漢城。且約白彥虎來助。伯克胡里乃棄和闐走英吉沙爾。併入回城。十一月。劉錦棠分三路進軍。黃萬鵬等由烏什道布魯特邊爲奇兵。桂錫楨等由阿克蘇道巴爾楚克爲正兵。均聽進止於余虎恩。以取喀什噶爾。錦棠白駐巴爾楚克瑪納爾。巴什。扼葉爾羌和闐衝要。甲子日中。余虎恩師次喀城北。黃萬鵬次喀城東。相距六十里。賊候騎猝遇官軍。馳歸。

呼於城曰。大軍至矣。纏回皆駭潰。安酋禁殺不能止。伯克胡里白彥虎分路跳。留其黨守城。綴我軍。是夜三鼓。兩軍抵城下。城回縱火燒廬舍。以騎賊出拒戰。余虎恩進中路。蕭元亨等出其左。戴宏勝等出其右。比交綏。回大敗。俘僞元帥王元林。降弁何步雲。英韶等。憑漢城大呼。回城恟懼。失措。開西門出走。遂克喀什噶爾。時天色猶未明也。乙丑。余虎恩留張俊守喀城。黃萬鵬出西北追白彥虎。余虎恩出正西追伯克胡里。俘于小虎馬元於陣。白彥虎伯克胡里及阿里達什遁入俄羅斯。時劉錦棠師次阿郎格爾。遇

湘軍記

卷十九

五

安夷百餘騎。殲之。疾驅而前。戊辰。至葉爾羌。城回先遁。遂復葉爾羌。錦棠入居新城。辛未。錦棠收復英吉沙爾。庚辰。董福祥收復和闐。於是南疆西四城皆下。俘故帕夏妻女及其子。引上胡里邁底胡里。並兩少子三孫。按律治之。于小虎馬元。麻木里暨倡亂之金相印。父子磔於市。誅悍黨一千一百六十人。新疆平。

詔曰。溯自同治三年。布魯特叛亂。逆回金相印陷喀什噶爾。蠶食南八城。而吐魯番烏魯木齊等城。相繼淪陷。於今十有餘年。朝廷曩行天罰。特命左宗棠爲欽差大臣。督辦

新疆軍務該大臣勦撫兼籌議定先規北路首復烏魯木齊以扼其總要旋克瑪納斯數道並進規復吐魯番等城力爭南路要隘然後整旅西行勢如破竹現在南八城一律收復該領兵大臣櫛風沐雨艱苦備嘗允宜特沛殊恩用酬勞勩左宗棠籌兵籌餉備歷艱辛卒能謀出萬全庸公迅奏著由一等伯爵爲二等侯三品京堂劉錦棠智勇深沉出奇制勝用能功宣絕域著由騎都尉世職晉爲二等男其餘諸將給獎有差是時湘軍聲威遠懾諸番夷僑寓南八城者皆翕然聽命凡獲英吉利商官一人隨從商

湘軍記

卷十九

美

賈九人乳目洋操教習二人商三人阿刺伯三人溫都斯坦三十餘人鄂勒推帕二十餘人克什米爾一千七百餘人巴達克山三千餘人巴爾替一千餘人科拉普一百五十餘人哈普隆二百五十餘人劉錦棠以諸種人自稱商賈殺之不武悉宥勿誅其英人乳目人給文返國布魯特十四部落願隸中國者納之

四年十月安酋阿里達什自俄境入寇糾纏回出奈曼謀襲喀什噶爾劉錦棠親擊於玉都巴什大破之奈曼回目庫爾什設伏誅阿里達什以獻並其餘黨悉殲之左宗棠

以俄人庇匿通寇慮諸將忿極啟請飭總理衙門與俄人議之時侍郎崇厚出使俄羅斯議交還伊犁事有

旨垂詢宗棠宗棠奏言俄人自佔據伊犁於西面舊有拱宸瞻德廣仁塔勒奇四城均棄而弗守傾圮殆盡綏定一城近以之雜置陝回距伊犁僅三十里伊犁大城人煙甚少俄兵及商戶均萃居東南惠甯熙春甯遠三城而金頂寺烟戶尤多伊犁管事俄官名馬依爾品秩不過中國同知通判之類主伊犁之事者七河巡撫也所駐阿圖瑪爾

湘軍記

卷十九

毛

將愈近愈偏而我饋運艱阻勢將自絀無地堪立軍府所
憂不僅西北也伊犁收還以後應於邊境擇要築壘開濠
安設大小墩位挑勁兵以增其險其西北之塔勒奇廣仁
瞻德拱宸各城戶口鮮存水草卻便應暫駐各營分屯其
閒其東惠甯熙春甯遠各城民戶商戶願遷往者遷往願
歸業者歸業邊圍既奠人安其土耕其野而出其途者不
待招徠矣現在北路戶口日增開墾日廣南八城地方富
庶劉錦棠張曜開溝築堡鑄錢徵釐開設行省機有可乘
失今不圖未免可惜

湘軍記

卷十九

天

上可其奏

五年正月安集延布魯特寇邊劉錦棠迎擊於烏帕爾大
破之斬二千餘人賊還遁俄羅斯時崇厚與俄人定約議
以伊犁歸我償兵費銀二百八十萬而劃伊犁西界數百
里予俄又劃南界數百里跨天山以隔南八城其他侵佔
口岸尤多崇厚已赴黑海畫諾矣電報至京中外大譁或
疑崇厚既充全權大臣渝盟且啟衅或以新約妨民病國
宜誅崇厚以拒俄

上亦怒崇厚輕率褫職逮問而令疆臣策萬全左宗棠奏

言中國削平髮捻兵力漸強制礮造船已著成效彼如思
逞亦有戒心而渝約稱兵各國先失商賈之利必且知難
而退此時惟有先之以議論委婉而用機次之以戰陣堅
忍而求勝臣雖衰庸無似敢不勉旃

上壯其言嘉許之宗棠乃自請出屯哈密規復伊犁
六年正月

詔毅勇侯曾紀澤自英國赴俄議約通政使劉錦棠幫辦
新疆軍務二月左宗棠分兵進取伊犁奏以精河一帶為
東路伊犁將軍金順主之所部馬步萬人檄卓勝軍二千

湘軍記

卷十九

天

為之助自阿克蘇沿特克斯河為中路廣東提督張曜主
之所部馬步五千人增募皖勇千人土爾扈特馬隊數百
人復檄湘軍二千五百為之助自烏什經布魯特游牧為
西路幫辦軍務劉錦棠主之所部馬步萬餘人而分遣譚
上連步兵二千餘人屯喀什噶爾譚拔萃等二千餘人屯
阿克蘇陶鼎金玉福田等二千餘人屯哈密為後路聲援
塔爾巴哈臺與俄偪處參贊大臣錫綸兵不足募徐學功
孔才舊部二千畀之四月乙卯宗棠發肅州昇輓以行五
月乙亥抵哈密俄人聞

王師大出。增兵守伊犁。納林河。而以兵船翔海上。冀震撼京師。於是天津奉天山東皆警。七月。

詔左宗棠入京備顧問。劉錦棠署欽差大臣。張曜幫辦軍務。楊昌濬護陝甘總督。山西巡撫曾國荃督辦京東軍務。屯山海關。提督鮑超屯樂亭。直隸總督李鴻章整飭天津海防。八月。劉錦棠軍至哈密。十月。張曜移駐喀什噶爾。總西四城邊防。分嵩武軍屯英吉沙爾。移董福祥等屯和闐。葉爾羌。羅長佑等屯阿克蘇。瑪納爾巴什。譚上達屯葉和西城。余虎恩屯烏什。譚和義屯吐魯番。譚拔萃屯庫車。哈

湘軍記

卷十九

三

喇沙爾。左宗棠道甘陝山西赴京。令知府王詩正率旌善馬隊親軍步隊行草地赴張家口。備調遣。七年正月。和議成。海防諸軍皆罷。二月。左宗棠至京。授軍機大臣。曾國荃擢陝甘總督。乞病還湘。以譚鍾麟代之。時會紀澤與俄人更定約章。已允協。詔金順接收伊犁。按圖劃界。參贊大臣升泰錫綸佐之。八月。劉錦棠真除欽差大臣。屢疏懇辭。上慰勉之。

八年三月。譚鍾麟劉錦棠奏設新疆郡縣。自哈密南至吐

魯番北至精河。照鍾麟原奏。無須另設多員。其回疆東四城設兵備道一員。駐阿克蘇。阿克蘇為古溫宿國。設溫宿直隸州知州一員。治阿克蘇。拜城知縣一員。隸之。喀什沙爾撫民同知一員。庫車撫民同知一員。烏什撫民同知一員。統轄於東四城巡道。西四城設兵備道一員。駐喀什噶爾。喀什噶爾為古疏勒國。設疏勒直隸州知州一員。治漢城。疏附知縣一員。治回城。隸之。英吉沙爾撫民同知一員。葉爾羌為古莎車國。設莎車直隸州知州一員。治漢城。葉城知縣一員。治回城。隸之。瑪納爾巴什水利撫民通判一員。

湘軍記

卷十九

三

和闐為古于闐國。設和闐直隸州知州一員。治和闐。于闐知縣一員。治喀拉噶什。隸之。統轄於西四城巡道。初。左宗棠議設新疆總督一員。駐烏魯木齊。新疆巡撫一員。駐阿克蘇。譚鍾麟則謂設省應從州縣起。然後遞設督撫。轄之。至是。劉錦棠奏言。臣自出關辦賊。歷今七載。熟度關外形勢。固舍設郡縣易舊制。則鮮良圖。惟將新疆另為一省。則臣頗以為不然。現在新設南路同通州縣。合之哈密及鎮迪道原有各廳州縣。不過二十餘處。即將來地方富庶。增亦無多。嘗考各省州縣。最少者莫如貴州廣西。新疆尚不

及半其難自成一省明矣且新疆與甘肅形同唇齒從前左宗棠以陝甘總督辦新疆軍務凡兵餉製辦皆以關內為根本臣受代兩年尙未偵事者皆賴譚鍾麟楊昌濬力顧全局故能勉強支持向使甘省大吏稍分畛域則邊事已不堪問若將關內外劃為兩省以二十餘州縣孤懸絕域其勢難以自存惟新疆歸甘肅節制鞭長莫及擬仿江蘇建置大畧添設甘肅巡撫一員加兵部尙書銜以烏魯木齊為省治哈密以西南北兩路道廳州縣皆隸焉新疆布政使一員隨巡撫駐紮鎮迪道加按察使銜管刑名驛

湘軍記

卷十九

三

傳改迪化直隸州為知府添設迪化知縣並昌吉綏來阜康奇台為五縣俱隸迪化知府伊犁滿營照各省駐防將軍營制鎮迪道無須都統兼轄伊犁將軍亦無庸總統全疆移烏魯木齊提督駐喀什噶爾烏垣自設撫標南北兩路另設額兵添設總兵副將參遊都守千把等官吐魯番暨南路舊有參贊辦事領隊各大臣一律裁去自哈密北至伊犁都統辦事領隊各臣酌量裁撤疏入下吏部議行九年四月劉錦棠譚鍾麟始委員試署南疆道廳州縣設吏戶禮兵刑工六房以舊有伯克經收糧賦者充之令與

習漢字書吏雜處互授漢回文官另設義塾訓回童督兵勇修補城垣造

壇廟倉敖監獄通驛傳設塘站南疆歲征糧至二十餘萬石兵食充然有餘百廢具舉民氣漸蘇回疆積弊漸除殆淨矣

十年十月

詔授劉錦棠為甘肅新疆巡撫魏光燾新疆布政使

十一年三月劉錦棠進駐烏魯木齊省城奏移烏垣巴里坤旗兵併入古城設城守尉治之增設布政司經歷一員

湘軍記

卷十九

三

布庫大使一員鎮迪道庫大使兼按司獄一員迪化府經歷兼司獄一員改迪化州吏目為縣典史迪化州學正為府教授裁庫爾哈喇烏蘇糧員設撫民同知一員照磨兼司獄一員裁精河糧員設分防驛糧巡檢一員隸於同知其喀喇巴爾噶遜糧員以迪化知縣兼之又奏裁伊犁參贊大臣增副都統二員佐將軍同駐惠遠大城十二年春劉錦棠奏修新疆省城拓迪化滿漢兩城而一之始建撫藩衙署四月奏增伊塔兵備道一員駐甯遠城升伊犁撫民同知為伊犁知府治綏定城增設綏定知縣

一員以廣仁瞻德拱宸塔勒奇四城隸之甯遠知縣一員
治甯遠城以惠甯熙春兩城隸之俱隸於伊犁知府又設
伊犁分防通判一員兼理事銜精河撫民同知一員改塔
爾巴哈台理事通判爲撫民同知仍兼理事銜俱隸于伊
塔道其他首領雜職如內地於是新疆南北郡縣之制大
定至光緒十三年綜計漢回纏民及入籍安民二十六萬
六千九百五十九戶男女大小一百二十三萬八千五百
八十三丁口丈量荒熟地一千一百四十八萬一百九十
四畝有奇額徵本色糧二十七萬六千五百一十石有奇本
湘軍記 卷十九 三

色草一千四百九十萬二千七百斤有奇折色糧草及地
課銀五萬九千一百四十八兩有奇其已懇熟地現徵本
色糧二十萬三千石有奇本色草一千三百九十五萬八
千二百斤有奇折色糧草及地課銀五萬七千九百五十
二兩有奇
王定安曰史稱西域城郭諸國兵弱易擊匈奴烏孫常役
屬之徵其賦稅蓋古之屏弱小邦也然而恃其險遠遮殺
漢使拒王命者亦屢矣其後漢益出師斬樓蘭誅宛王毋
寡諸戎畏懼始稽首稱外臣乃設都護校尉鎮撫之匈奴

遂益衰弱故漢之經營西域其意在匈奴非顯武勒遠之
謂也今俄夷與我昆鄰東西互萬里其患豈止漢匈奴比
哉而回疆柔懦反側棄之且爲所噬日蹙百里不致於地
盡不已也左文襄排眾議而獨任其難不惜竭天下全力
圖之其深謀遠慮弭禍亂於已兆豈非古之所謂社稷臣
乎劉公錦棠挈百戰之師乘破竹之勢霆摧電激不數月
廓清萬里雖傅介子班超陳湯之立功絕域何多讓焉於
戲盛矣

湘軍記

卷十九

三

湘軍記卷十九

東湖黃學濂校字

湘軍記卷二十

東湖王定安撰

水陸營制篇

國家養綠營兵五十餘萬歲糜二千萬金遇寇發征調四出率用本轄營弁統之其部卒眾寡不齊少或百人多至千餘人縮以提督鎮將而皆隸於專征之欽差將軍都統督撫其由提督膺欽差者他提督均聽節度本轄營弁或傷死退黜則用他將兼領將不必由帥選一營士卒視調發多少無定額二百年來行之久矣自洪楊倡亂大吏久

湘軍記

卷二十

一

不習兵綠營皆竄驕惰聞羽檄征調則舉室驚號以為趨死地無生還理比至前敵秦越楚燕之士雜糅並進將與將不相習兵與兵不相知勝則相妒敗不相救欽差疆帥復時相齟齬號令歧出偏裨各分畛域徵兵日繁迄不得一兵之用於是諸路將帥頗厭征調勞費稍事招募湖勇川勇萌蘗漸起然其人多游民劇盜剽悍釋騷民尤患苦之江忠源初創楚軍劉長佑佐之挈其鄉人子弟慷慨赴敵始講節制禁騷擾義聲日起其時草昧締構實為湘軍濫觴迨曾國藩以儒臣治軍長沙羅澤南王鑫皆起諸生

講學敦氣誼乃選士人領山農滑弁遊卒及市井無賴擯斥不用初立三百六十人為一營已而改五百人為一營營分四哨哨官四人統以營官自兩營迄十營數十營視材之大小而設統領焉統領巡隸大帥故營哨官所轄有定數統領所轄無定數欽差督撫皆大帥也帥欲立軍揀統領一人檄募若干營統領自揀營官營官揀哨官以次而下帥不為制故一營之中指臂相聯弁勇視營哨營哨官視統領統領視大帥皆如子弟之事其父兄焉或帥欲更易統領則並其全軍撤之而令新統領自揀營官如前

湘軍記

卷二十

二

制或即其地募其人分別汰留遂成新軍不相沿襲也當湘軍初起山農柔懦者亦頗畏遠征及援江西士人輕死陷陣壘克縣城國藩聞而樂之益以忠義激勵將士而塔齊布羅澤南李續賓李續宜劉騰鴻蕭啟江之倫皆崇紀律重廉恥於是隴畝愚氓人人樂從軍聞招募則爭出効命無復綠營征調離別可憐之色其後湘軍戰功徧天下從戎者日益眾或募千人則萬人應之募萬人則數萬人應之勢不能盡收甚至可書千請而後得入其隨營待補客死他鄉者不可勝數而湘人士迄無怨心所謂有勇知

方者耶王鑫羅澤南初起才千人江忠源援鄂援江西援皖所部四千國藩初議併澤南鑫軍募足六千合江軍成萬人未行而國藩奉

命東征水陸萬七千人是時軍容號爲極盛遂以平定兩湖揚威江皖其後胡林翼撫湖北養兵至六萬多隆阿鮑超各領萬人戰皖鄂間曾國荃領萬人圍安慶楚師於斯始大安慶克國荃進圍金陵屢增兵至五萬號百營遂藏大功其後曾國藩勦捻統湘淮軍百六十營比於初起時何啻倍蓰迨左宗棠劉錦棠平秦隴率師出關所部百數

湘軍記

卷二十

三

十營雖號老湘營閒用他省人錯雜其間然其營制薪糧猶遵循未改也錄其制如左

凡立營營官一人親兵六十人親兵什長六人營分四哨前後左右哨官各一人哨長四人護勇二十人什長三十二人正勇三百三十六人伙勇四十二人都五百人爲一營營官四哨官不在此數

凡十人爲隊隊置什長一人親兵分六隊一隊劈山礮二隊刀矛三隊劈山礮四隊刀矛五隊小槍六隊刀矛每隊伙勇一人六隊都七十二人

凡一哨哨官一人哨長一人共護勇五人伙勇一人每哨八隊一隊擡槍二隊刀矛三隊小槍四隊刀矛五隊擡槍六隊刀矛七隊小槍八隊刀矛每隊什長一人伙勇一人其擡槍隊正勇十二人合什長伙勇爲十四人其刀矛小槍隊正勇十人合什長伙勇爲十二人每哨一百八人四哨兵都四百三十二人

凡營官若諸幫辦共用長夫四十八人運繩藥軍裝用長夫三十人親兵每劈刀礮隊用長夫三人每刀矛小槍隊用長夫二人六隊長夫都十四人哨官哨長及護勇五人

湘軍記

卷二十

四

其長夫四人四哨共長夫十六人每擡槍隊用長夫三人每刀矛小槍隊用長夫二人四哨擡槍八隊長夫都二十四人刀矛小槍二十四隊長夫都四十八人計每營五百人用長夫都一百八十人每百人合用長夫三十六人許減不許增或拔隊遠行營官別撥公夫擡劈山礮不在此數

凡營官薪水公費銀以月計不扣建哨官下逮長夫以日計俱扣建營官每月薪水銀五十兩辦公經費銀一百五十兩諸幫辦若司帳司軍裝書記醫匠薪糧若置旗幟號

補供於公費內取之。哨官每人日給薪水銀三錢。哨長每人日給口糧銀二錢。什長一錢六分。親兵護勇俱一錢五分。正勇一錢四分。伙勇一錢一分。長夫一錢。每一營遇大建月支銀都二千八百九十二兩二錢。小建月支銀都二千八百二兩四錢六分。

凡統領自帶一營薪水公費如營官制。其統至三千人以上者每月加銀百兩。夫十人以上者加銀夫倍之。萬人以上者三之。

凡新立營自奉檄招募入選後夫勇俱日給錢百文。謂之

湘軍記 卷二十 五

小口糧至大營點驗成軍始給大口糧如前制。其陣亡者卹銀三十兩。傷最重者十五兩。次十兩。次五兩。成廢者另加。

凡營官幫辦書記軍火等共用夾帳棚八。單帳棚二。哨官哨長護勇共用夾帳棚一。單帳棚二。四哨同親兵每隊夾帳棚一。單帳棚一。六隊同正勇每隊單帳棚二。三十二隊同每一營用夾帳棚十八。單帳棚八十。都九十八架。凡募勇取技藝嫻熟年輕力壯樸實而有農氣者。其有市井衙門氣者不用。募之日取保結造籍貫及父母兄弟妻

子名姓箕斗清冊以備清查。

凡鍊兵五更三點即起。以三成隊站牆。放醒礮。聞鐘聲則散。燈時如之。放定更礮。聞鐘聲則散。黎明早操。營官或幫辦閱親兵。哨官閱本哨。日斜時晚操如之。午刻哨名。營官幫辦點親兵。哨官點本哨。二更前如之。每日夜共站牆二次。看操二次。點名二次。其營官合全營點名看操。月四五次無定期。其守夜之規。每夜一成隊站牆。唱更。每更一人輪換。賊近則二成隊站牆。每更二人輪換。仍令哨長親兵常川稽查。其傳暗令則不唱。

湘軍記 卷二十 六

凡紮營必擇頂上寬平。旁面陡峻者。四面陡峻者難得。或一面二面陡峻亦好。背山面水者。兵法右背山陵。前左水澤亦難擇。此好地。但或前或左或右有一面阻水者。即易禦敵。樵汲便宜者。汲道最關緊要。如為賊所斷則不可守。忌低窪。忌平坦。忌坐山。低客山高。忌斜坡。半而礮子易入。營官先相地勢。插竿牽繩。無事則長夫依繩築之。敵近則兵勇併力焉。牆高八尺。厚一丈。草坯土塊砌其外。中土宜堅。每築尺餘。橫鋪樹枝。防雨崩裂。上有鎗眼。內有子牆。子牆高僅如牆之半。環以重濠。外濠寬八尺。深一丈。有五。上廣下狹。內濠半之。掘濠之時。每距二丈留一橫路。重濠既成。鋤其外路。留其內路。

餘土宜遠防雨灌之濠濠外花籬數層用木宜纒約長五尺餘埋土中二尺堅築旁土以防撼搖前後兩門前宜正天後宜隱僻營官帳棚向前門中留甬道親兵紮甬道旁四哨各居其方兩帳相距略寬以留水火之路外廂數處內廂兩處火藥埋地窖中上覆草棚塗之以泥留孔通氣以防潮溼大抵紮營之要有三牆子取其高而難登也濠溝取其深而難越也花籬取其難遠近前也曰壘曰壁曰土城皆牆子之類曰池曰陷馬坑不甚寬長其上虛鋪以土曰梅花坑亂挖深坑約四五尺大小無定皆濠溝之類曰木城立木圓排周圍如城曰柵亦係立木

湘軍記

卷二十

七

不必周圍皆有曰梅花樁亂釘者曰梅花樁分層次者曰花籬笆曰鹿角樹之有杈枒者曰地刺用竹削尖釘於地曰鐵蒺藜曰鐵菱角皆花籬之類三者缺一以營子敵矣距營三箭牽繩為牆買遷在外不準越入門禁必嚴出入挂號違者懲之夜發口號二字呼上應下謬則捕而誅之凡拔營必擇習地勢諸賊情者率七八人先導常在大隊之前十里或二十里遇樹林村庄則搜之橋渡則誌之以防埋伏而制進退遇歧路則分人偵之若賊在前則以七成隊前行備戰鍋帳擔子走中間三成隊在後押之若賊

在後則以三成隊前行鍋帳擔子隨之七成隊殿後或十營八營同行各守其制分班序進不許攙雜混亂每營派一弁押尾輜重既過稽查病卒落後游勇假名及木營不法者

凡步隊日行三十里長日或四十里率八刻而行十五里每軍所至掘濠築牆風雨寒暑不改其常濠牆未成不許休息亦不許搗戰

凡禁令有七曰洋煙吸者禱之鬻者驅之曰賭打牌押寶犯者懲之曰喧嘩居勿吵嚷臨敵勿高聲有夢魘者推而

湘軍記

卷二十

八

警之曰姦淫和則棍責強則斬決曰謠言謗上離軍心者懲亂是非說短長者懲張賊勢妖言惑眾者斬曰結盟拜會鼓眾挾制者嚴懲拜哥老會習邪教者駢誅曰異服包巾衣褲及腰帶辨線禁用紅綠花鞋花巾並禁絕之凡守城宜外有應援以通糧路尤宜鎮靜任賊往來不喊不放槍或二人守三垛或一人守二垛各守汛地此段有警彼段不許棄汛往救另設游兵一二支專司救應留一二門不砌以備游兵出擊

以上陸師

綠營水師承平時用艤艦巨舸繪以雲龍無事委舟江畔帆檝驟弛弗之問遇大操則新之軍士腰皮帶浮水面往來攢刺務為美觀操畢復委之虛應故事而已道光中英夷犯順湖北始造銅甲船二巨容數萬斛上開礮孔周包以銅其形拙勢重無機器關振運掉不能靈每漢江風起怒濤喧逐簸搖掀撞旁船皆受其害敵至帆檣不能制其進退費帑億計而無裨於用見者嗤之洪楊初起無戰艦自粵浮湘開掠民舟載輜重及渡洞庭破武昌擄船滋益多江南水軍不能遏既據金陵揚帆上駛往來楚皖江西湘軍記

卷二十

九

運糧濟師數日千里咸豐三年春向榮奏調廣東紅單船及閩廣快蟹大巴拖罟浮海至江南李德麟吳全美之徒號習水戰是時水師稱勁旅者推廣艇為最江忠源初援湖北與曾國藩論江皖大局議造戰船數百先清江面及守南昌偵賊皆舟居乃囑郭松燾具稿請飭兩湖四川仿造廣東拖罟各數十

上可其奏下楚蜀行之於是曾國藩自長沙移駐衡州創立水師始編木為簾寬七尺長丈有五刻其兩頭以衝敵試之不濟益專意造礮船而苦不知其制自運精思改商

舟為之仿端午競渡船短橈長槳如蛇足鳥翼逆水鬪風不能阻然皆用己意締造無成法可循其制屢更未定會守備成名標自長沙來言廣東快蟹三板船式同知褚汝航自桂林來言長龍船式國藩令仿造之試礮果不震乃令成名標董其役褚汝航分廠湘潭奏留大營粵餉八萬辦水師凡成快蟹四十長龍四十三板八十四年春國藩東征有礮船二百四十募水師五千八分十營衡州六營以成名標諸殿元楊載福彭玉麐鄒漢章龍獻琛統之湘潭四營以褚汝航夏燮胡嘉坦胡作霖統之是為湖南水

湘軍記

卷二十

十

師之始其年四月岳州大風壞師船國藩奏徵知府李孟羣自廣西領水勇千人總兵陳輝龍自廣東領水勇四百至湖南國藩率以援鄂七月陳輝龍沙鎮邦褚汝航夏燮諸殿元相繼戰歿而李孟羣楊載福彭玉麐慶戰洞庭湖自荆河達金口所嚮皆捷遂克武昌徇黃州諸屬邑下之水師聲威大振而彭楊名尤盛彭玉麐起諸生楊載福起外委國藩獨奇其才其後肅清長江二人功為多玉麐屢擢皖撫漕督權兩江總督皆不拜改兵部侍郎尚書以巡長江不之官清望一時無兩載福易名岳斌由提督擢陝

甘總督自楊遇春以來武職

恩遇莫與爲比。然論水師戰績，載福尤爲當時之冠。云：初水師之興也，國藩博求避礮法，依古兵書，張魚網，溼絮牛皮，藤牌，礮來弗能禦，乃仿戚繼光剛柔牌，竹籬排外，承以牛皮，水絮人髮，次第編之，合而成牌，鉛丸至中穿之，楊載福笑曰：礮子可避乎？是有命焉。悉棄魚網牛皮水絮不用，每戰露立船頭，部卒効之，權舟徐進，鉛丸落船中，其進自如。於是諸水師皆以避礮爲怯，盡撤屏蔽，乘礮而前，礮不能必中，舟師已偏壘，賊見之，大恐，輒敗潰，故水師之強由

湘軍記

卷二十

十一

彭楊倡之也。其後國藩攻九江，水師陷內湖，始於南昌，增造船礮，江西水軍興矣。五年春，武昌陷，胡林翼爲湖北巡撫，退屯金口，倚水師自保，設船廠於新隄，湖北水軍始盛。六年冬，林翼克武昌，進圍九江，是時湘軍礮船增至四百艘，而楊載福尤雄傑無倫，常越賊壘，孤軍深入，橫行千里，無阻，眾驚爲神。其後四年，國藩爲兩江總督，議建淮揚甯國太湖水師，林翼則欲立衢杭水師，皆不果行。而浙江已自立水軍，以湘軍將領之，自是東南七省皆有礮船，其制皆仿湘軍，而賊亦時掠官軍戰艦，依式造之，然脆劣不任

戰卒失長江之險，曾國荃之圍安慶，引江水灌濠，浮戰船，

與陸軍犄角，已乃昇礮舟至菱湖，與賊拒，安慶既克，立淮揚水師，以黃翼升統之。同治元年三月，曾國荃進軍規金陵，彭玉麐統水師十八營助之。五月，國荃屯雨花臺，曾貞幹駐江東橋，以水師護糧道。其後李秀成、李侍賢率六十萬眾犯雨花臺，而糧運不匱者，水師之力也。是年更立太湖水師十營，以李朝斌統之。三年六月，金陵克。

朝廷論平寇功，以國藩創立舟師爲首，而國藩亦言長江既清，賊糧漸匱，故金陵兩載而告克。明年，國藩北征，議立

湘軍記

卷二十

十一

黃河水師，其時劉長佑督直隸，初用民船載礮守河，已乃更置礮船，捻至輒卻之，而陳湜亦興山西水師。其後二年，李鴻章勦捻，益徵黃翼升等水師守運河。於是山東、河南、濱水之區，皆有礮船。國藩玉麐以長江五省戰事大定，師船千餘號，礮位二三千，利器不宜浪拋，勁旅不宜裁撤，奏請改經制水兵。

詔允之。設長江提督一人，統五省兵事，以黃翼升爲之。旋命侍郎彭玉麐歲巡一次，翼升病免，李成謀代之。未幾起前總督楊岳斌分巡長江，岳斌乞退，事專於玉麐。是時中

國輪船盛行福建巡撫劉銘傳請減長江水師之半移其費造小火輪

詔下兩江總督曾國荃兵部尚書彭玉麟議之國荃玉麟言長江歲費銀才數十萬減其半無裨輪船而於水師大損事遂寢

凡水師快蟹船一營官領之長龍船十三板船十諸哨官領之合二十一船為一營快蟹槳工二十八人艚八人船長一人頭篙一人舵一人礮手六人都四十五人長龍槳十六人艚四人頭篙一人舵一人礮手二人都二十四人

湘軍記

卷二十

三

三板槳十人頭篙一人舵一人礮手二人都十四人此初定營制也咸豐五六年間裁快蟹減長龍為八增三板為二十二合三十船為一營

凡水師營官月給薪水辦公銀二百兩哨官日給銀四錢船長一錢六分舵工一錢五分頭篙礮手俱一錢四分槳工一錢二分

凡船礮長龍頭礮二洋庄八百斤至千斤邊礮四各重七百斤梢礮一重七百斤快蟹制同後廢不用三板頭礮一重七百斤至八百斤梢礮一重六百斤至七百斤俱洋庄腰礮轉珠

二重四五十斤各船仍分配洋槍鳥槍刀矛備短戰

凡旗幟桅上用方長龍桅旗長一丈有二寬七尺三板桅旗長九尺寬六尺上半紅色下半白色畫北斗太極如意從其意梢用尖角長龍梢旗長一丈一尺寬九尺三板梢旗長九尺寬七尺書某標某營某哨其各標營哨或桅上添小旗或船頭設立旗寫姓號為記顏色制度從其意

凡結營小船依洲大舟橫流相距欲疏以避暴風撞損風起則三板保於大舟接戰則三板爭先快蟹長龍以備指揮敗則棄之以三板歸百舟雖敗一舟可全全船傷死一

湘軍記

卷二十

西

人可戰故水師之強一時無敵

凡快蟹長龍中裝窗榻三板露載無蓬版停泊則施夾帳覆船行則去之弁卒終歲舟居不許登岸軍士自造長龍載輜重號為公船

凡接戰宜乘逆風逆流勝則易歸敗則易退其次順流逆風往來稍易陳輝龍之敗乘順風順流故一敗不能返

凡長江水師制兵萬二千人月費銀五萬有奇自荊州岳州至崇明以達於海延袤千餘里縮以長江提督所部總兵四人駐岳州漢陽湖口瓜洲分二十四營每營營官一

人以副將參將遊擊充之。每船哨官一人，以都司守備千總把總外委充之。計船七百七十四，哨官如其數。提督總兵坐船外，加督陣大三板二，其俸薪口糧及修補船礮經費於長江酌留釐稅，其地連五省，故議五省分任餉事。湖南留岳州卡，湖北留漢口卡，江西留湖口卡，安徽留大通卡，江蘇留瓜洲卡，設船局於漢陽吳城草鞋夾，火藥局於安慶武昌子彈局於長沙，都守以下坐船為衙署，遇搶劫案哨官為專汛，營官為本轄，俱予疏防處分，而統轄之提鎮不與焉。其水師員弁大街借補小缺者，不准借至三級。

湘軍記 卷二十

五

以下已補借缺者，仍照本銜升轉，不得照借缺再借他缺，著為令。

凡長江水師長龍額設兵二十五人，舵兵一人，日給銀一錢二分，船兵頭兵各一人，礮兵四人，俱日給銀一錢，漿兵十八人，日給銀九分，三板十四人，如舊制，督陣大三板二十人，舵兵頭兵各一人，礮兵二人，漿兵十六人，口糧如長龍之制，稿書視舵兵，書識視漿兵，俱扣建。

我

以上水師

朝龍與東土騎射之精，罕有其倫。外綏番回內靖寇盜，不過精騎數千，即奏膚功。然恬熙既久，八旗世習多溺貴寵，習文弱而吉林黑龍江為天下勁旅所在，鳴鎗馳馬，射獵為俗，其人類忠實勁勇，於赴敵如多隆阿舒保之倫，不識漢字，操奇握勝，暗與古合。雖孫吳無以過之。曾國藩常歎馬隊之妙，無美不備，而稍惜其擾民，欲增長夫助之。其後征江南，募馬勇，初定馬軍營制二十則，四人為棚，六棚為哨，十哨為一營，哨官十人，正勇二百四十人，營官領之。營官有幫辦字識各一人，親兵八人，俱有夫馬，先鋒官五

湘軍記 卷二十

六

人為棚，夫馬如之。復設步隊什長一人，步隊親兵十人，共一棚，專備差遣及守營之用。又公長夫四十人，運軍械草料，其後勦捻，國藩乃改定前制焉。茲錄其後者：凡馬軍一營，營官一人，幫辦一人，字識一人，分前後左右中五哨，其前後左右四哨各立正哨官一人，副哨官一人，中哨即以營官為正哨，外立副哨二人，每哨馬勇五十人，每棚什長一人，一營什長都二十五人，散勇二百二十五人，營官及兩副哨幫辦字識，共用伙夫二人，四哨之正副哨官，共用伙夫四人，二十五棚，每棚用伙夫一人，通營伙

夫都三十一人

凡馬軍營官月給薪水馬乾銀五十兩公費銀一百兩馬

四匹幫辦月給銀十六兩馬一匹字識月給銀九兩馬一

匹正哨官月給銀十八兩副哨官月給銀十五兩各給馬

二匹俱不扣建什長日給銀二錢六分馬勇日給銀二錢

四分各給馬一匹伙夫日給銀一錢一分俱扣建

凡營官領藍夾棚二白單棚一正副哨官共領藍夾棚一

白單棚一幫辦字識領白單棚二馬勇每十人領白單棚

二

湘軍記

卷二十

七

凡搬運鍋帳子藥每哨雇大車一輛由糧臺發價如南方無車每

營仍用長夫四十八如或置買大車駱駝亦由臺發價每營百馬之

內每年准報倒斃三十六匹如數換領以資彌補

凡獸醫鐵匠旗幟大小掃把鐵刮竹槽出自營官公費修

補鞍上坐褥布屨後鞦轡頭肚帶及拴肚帶寬皮條拴鐙

窄皮條哨官兵勇自辦更換鞍橋牛皮鞵皮札鐵嚼全副

馬槍弓箭扎草刀草料口袋軍械所辦給

以上馬軍

昔田單攻敵魯仲連策其不能下已而三月不下田單問

之仲連曰將軍之在即墨坐則織黃立則仗鉞為士卒倡

將軍有死之心士卒無生之氣聞君言莫不揮涕奮臂而

欲戰此所以破燕也當今將軍東有夜邑之奉西有淄上

之娛黃金橫帶而騁乎淄池之間有生之樂無死之心所

以不勝也魯國藩服膺其言常引以誡將弁然湘軍起貧

苦忍飢赴敵喋血千里其初並無部撥之餉征調之兵徒

以將帥恩義相聯感發興起張皇補苴朝不保夕其徘徊

於江西躑躅於祁門亦可謂有死心無生氣者矣及其克

金陵清廣粵北靖捻回西定羌戎析符僞主將相接踵區

湘軍記

卷二十

六

區夜邑淄上之奉不足數矣則所謂有生之樂無死之心

者後來者可不引為戒乎吾故採曾公歌辭所以勸誡軍

士者見當時經始之難用心之苦焉

保守平安歌

咸豐二年在湘鄉作

第一莫逃走

眾人謠言雖滿口我境切莫亂逃走我境僻處萬山中四

方大路皆不通我走天下一大半惟有此處好避亂走盡

九州并四海惟有此處最自在別處紛紛多擾動此處卻

是桃源洞若嫌此地不安靜別處更難逃性命只怕你們

太膽小。一聞謠言便慌了。一人倉忙四山逃。一家大小泣
嗷嗷。男子縱然逃得脫。婦女難免受煎熬。壯丁縱然逃得
脫。老幼難免哭號咷。文契縱然帶著走。銀錢不能帶分毫。
衣服縱然帶著走。豬牛雞帶一根毛。走出門來無屋住。躲
在山中北風號。夜無被鋪牀板凳。日無鍋飯切菜刀。受盡
辛苦破盡財。其實賊匪并未來。祇因謠言白驚慌。惹起土
匪吵一場。茶陵道州遭土匪。皆因驚慌先走徙。其餘各縣
逃走人。多因謠言嚇斷魂。我境大家要保全。切記不可聽
謠言。任憑謠言風浪起。我們穩坐釣魚船。一家安穩不喫
湘軍記

卷二十

充

驚十家太平不躲兵。一人當事不害怕。百人心中有柄橈。
本鄉本土總不離。立定主意不政移。地方公事齊心辦。大
家喫碗安樂飯。

第二要齊心

我境本是安樂鄉。只要齊心不可當。一人不敵二人智。一
家不及十家強。你家有事我助你。我家有事你來幫。若是
人人來幫助。扶起籬笆便是牆。只怕私心各不同。你向西
來我向東。富者但願自己好。貧者卻願大家窮。富者很心
不憐貧。不肯周濟半毫分。貧者居心更難說。但願世界遭

搶劫。各懷私心說長短。彼此有事不相管。縱然親戚與本
家。也是丟開不管他。這等風俗實不好。城隍土地都煩惱。
萬一鄰境土匪來。不分好歹一筆掃。富者錢米被人搶。貧
者飯碗也難保。我們如今定主意。大家齊心共努力。一家
有事聞鐘聲。家家向前作救兵。你救我來我救你。各種人
情各還禮。縱然平日有仇隙。此時也要解開結。縱時平日
打官方。此時也要和一場。大家喫杯團圓酒。都是親戚與
朋友。百家合成一條心。千人合做一雙手。貧家飢寒實可
憐。富家量力略周旋。鄰境土匪不怕他。惡龍難鬪地頭蛇。
湘軍記

卷二十

平

箇箇齊心約夥伴。關帝廟前立誓願。若有一人心不誠。舉
頭三尺有神明。

第三操武藝

要保一方好土地。大家學些好武藝。武藝果然學得精。縱
然有事不受驚。石頭要打二十丈。石灰罐子也一樣。木板
只要五寸寬。箭筒要中靶子上。石頭灰罐破得陣。又靶鋪
子一齊進。靶子也立一塊板。板上先鑿四箇眼。眼內安箇
小木毬。戳在鋪子尖上留。只要枝枝戳得準。保守地方總
安穩。火器雖然是箇寶。鳥銃卻要鑄得好。火藥也要辦得

真不然炸裂反傷人。銃手若是不到家。不如操演不用他。惟有一種竹將軍。裝得火藥大半斤。三股麻繩緊纏一。礮響動半邊天。件件武藝皆無損。石頭鏰子更要緊。石頭不花一文錢。鏰子要出一道圈。若是兩箇習得久。打盡天下無敵手。讀書子弟莫驕奢。學習武藝也保家。耕田人家圖安靜。學習武藝也不差。匠人若能學武藝。出門也有防身計。商賈若能學武藝。店中大膽做生意。雇工若能學武藝。全又有聲名又賺錢。白日無閒不能學。夜裏學習也快樂。臨到場上看大操。箇箇顯出手段高。各有義膽與忠肝。家

湘軍記

卷二十

三

家戶戶保平安。

水師得勝歌

咸豐五年江西南康水營作

三軍聽我苦口說。教你水戰真秘訣。第一船上要潔淨。全仗神靈保性命。早晚燒香掃灰塵。敬奉江神與礮神。第二灣船要稀鬆。時時防火又防風。打仗也要去得稀。切莫擁擠。喫大虧。第三軍器要整齊。船板莫沾半點泥。牛皮圈子挂槳椿。打溼水絮封藥箱。羣子包包要纏緊。大子箇箇要合腔。擡槍磨得乾乾淨。大礮洗得溜溜光。第四軍中要肅靜。大喊大叫須嚴禁。半夜驚營莫急躁。探聽賊情莫亂報。

切莫亂打鑼和鼓。亦莫亂放槍和礮。第五打仗不要慌。老手心中有主張。新手放礮總不準。看來也是打得蠢。遠遠放礮不進當。看來本事也平常。若是好漢打得進。越近賊船越有勁。第六水師要演操。兼習長矛並短刀。盪漿要快舵要穩。打礮總要習箇準。斜斜排箇一字陣。不慌不忙聽號令。出隊走得一線穿。收隊排得一絡連。慢的切莫丟在後。快的切莫走在前。第七不可搶賊賊。怕他來殺回馬槍。又怕暗中藏火藥。未曾得財先受傷。第八水師莫上岸。止許一人當買辦。其餘箇箇要守船。不可半步走河沿。平時

湘軍記

卷二十

三

上岸打白板。臨陣上岸就要斬。八條句句值千金。你們牢牢記在心。我待將官如兄弟。我待兵勇如子姪。你們隨我也久長。人人曉得我心腸。願爾將官莫懈怠。願爾兵勇莫學壞。未曾算去先算回。未曾算勝先算敗。各人努力各謹慎。自然萬事都平順。仔細聽我得勝歌。升官發財笑呵呵。

陸軍得勝歌

咸豐六年在江西南昌省城作

三軍聽我苦口說。教你陸戰真秘訣。第一紮營要端詳。營盤選箇好山岡。不要低窪潮溼地。不要一坦大平洋。後有退步前有進。一半見面一半藏。看定地方插標記。插起竹

竿牽繩牆繩子圍出三道圈。內圈略窄。外圈寬六尺。牆腳八尺濠。濠要築緊。牆要牢。正牆高要七尺。滿子牆只有一半高。爛泥碎石不堅固。雨後倒塌。一缸糟。一營只開兩道門。門外驅逐閒雜人。周圍挖些好茅廁。免得熱天臭氣薰。三里以外把箇卡。日日守卡。夜夜巡。第二打仗要細思。出隊要分三大支。中間一支且紮住。左右兩支先出去。另把一支打接應。再要一支埋伏定。隊伍排在山坡上。營營四處好瞭望。看他那邊是來路。看他那邊是去向。看他那路有伏兵。看他那路有強將。那處來的真賊頭。那邊做的假

湘軍記

卷二十

三

模樣。件件看清。件件說得。人人都膽壯。他吶喊來我不喊。他放鎗來我不放。他若撲來我不動。待他疲了再接仗。起手要陰。後要陽。出隊要弱。收隊強。初交手時如老鼠。越打越強。如老虎。打散賊匪。四山逃。追賊專從兩邊抄。逢屋逢山搜埋伏。隊伍切莫亂分臺。第三行路要分班。各營隊伍莫亂參。四六隊伍走前後。鍋帳擔子走中間。不許爭先。太擁擠。不許落後。太孤單。選箇探馬向前探。要選明白真好漢。每日先走二十里。一步一步仔細看。遇著樹林探村莊。遇著河水探橋梁。遇著岔路探埋伏。左邊右邊都要防。

遇著賊匪來迎敵。飛馬回報不要忙。看定地勢并虛實。遲報一刻也不妨。前有探馬走前站。後有將官押尾幫。過了尾幫。落後邊。插他耳箭打一千。第四規矩要肅靜。有禮有法有號令。哨官管兵莫太寬。營官也要嚴。哨官出營歸營。要告假。朔日望日。要請安。若有公事穿衣服。大家出來站箇班。營門擺設杖和枷。閒人進來便鎖單。不許吸煙并賭博。不許高聲大喧譁。姦淫擄掠定要斬。巡更傳令都要查。起更各哨就安排。傳齊夫勇點名來。營官三夜點一次。哨官每夜點一回。任憑客到文書到。營門一閉總不開。衣服

湘軍記

卷二十

四

裝扮要料峭。莫穿紅綠惹人笑。哨官不許穿長衣。兵勇不許穿軟料。腳上草鞋緊緊穿。身上腰帶緊緊纏。頭上包巾緊緊紮。英雄樣子都齊全。第五軍器要整齊。各人製件好東西。雜木杆子溜溜圓。又光又硬又發絲。常常在手摸得久。越摸越熟越值錢。鏽頭只要六寸長。要出楊家梨花槍。大刀要輕腰刀重。快如閃電白如霜。槍礮鑽洗要乾淨。鉛子箇箇要合膛。生漆皮桶盛火藥。勤翻勤曬見太陽。鋤鏃鏟子要粗大。斧頭要嵌三分鋼。火毬都要親手製。六分淨硝四分磺。旗幟三月換一次。紅的印心白的鑲。統領八面

營官四隊長一面哨官雙樹樹搖出如龍虎對對走出如
鴛鴦第八兵勇要演操清清靜靜莫號嘈早習大刀並鎗
子晚習跳牆並跳濠濠溝要跳八尺寬牆子要扒七尺高
樹筒靶子十丈遠火毬石子手中拋閒時尋筒寬地方又
演跑隊又演鎗鳥鎗手勁習筒穩擡鎗眼力習筒準灌起
鉛子學打靶翻山過水習跑馬事事操習事事精百戰百
勝有名聲者箇六條句句好人人唱熟是祕寶兵勇甘苦
我盡知生怕你們起了虧仔細唱我得勝歌保你福多又
壽多

湘軍記

卷二十

五

愛民歌

咸豐八年在江西建昌大營作

三軍箇箇仔細聽行軍先要愛百姓賊匪害了百姓們全
靠官兵來救人百姓被賊喫了苦全靠官兵來作主第一
紮營不要懶莫走人家取門板莫拆民房搬甄石莫踹禾
苗壞田產莫打民間鴨和雞莫借民間鍋和碗莫派民夫
來挖濠莫到民家去打館築牆莫攔街前路砍柴莫砍墳
上樹挑水莫挑有魚塘凡事都要讓一步第二行路要端
詳夜夜總要支帳房莫進城市占鋪店莫向鄉間借村莊
人有小事莫喧嘩人不躲路莫擠他無錢莫扯道邊菜無

錢莫喫便宜茶更有一句緊要書切莫擄人當長夫一人
被擄挑擔去一家嘸哭不安居娘哭子來眼也腫妻哭夫
來淚也枯從中地保又誘錢分派各團并各都有夫派夫
無派錢牽了騾馬又牽豬雞飛狗走都嚇倒塘裏嚇死幾
條魚第三號令要嚴明兵勇不許亂出營走出營來就學
壞總是百姓來受害或走大家誘錢文或走小家調婦人
這些地痞做夥計買些燒酒同喝醉逢著百姓就要打遇
著店家就發氣可憐百姓打出血喫了大虧不敢說生怕
老將不自在還要出錢去陪罪要得百姓稍安靜先要兵

湘軍記

卷二十

五

勇聽號令陸軍不許亂出營水軍不許岸上行在家皆是
做良民出來當兵也是人官兵賊匪本不同官兵是人賊
是禽官兵不搶賊匪搶官兵不淫賊匪淫若是官兵也淫
搶便同賊匪一條心官兵與賊不分明到處傳出醜聲名
百姓聽得就心酸上司聽得皺眉尖上司不肯發糧餉百
姓不肯賣米鹽愛民之軍處處喜擾民之軍處處嫌我的
軍士跟我早多年在外名聲好如今百姓更窮困願我軍
士聽教訓軍士與民如一家千計不可欺負他日日熟唱
愛民歌天和地和又人和

解散歌 咸豐十一年安徽祁門大營作

莫打鼓來莫打鑼聽我唱箇解散歌如今賊多有緣故大半都是擄進去擄了良民當長毛箇箇心中都想逃官兵若殺得從人可憐冤枉無處伸良民一朝被賊擄喫盡千辛并萬苦初擄進去就挑擔板子打得皮肉爛又要煮飯又搬柴上無衣服下無鞋看看頭髮一寸長就要逼他上戰場初上戰場眼哭腫又羞又憾又懵懂向前又怕官兵砍退後又怕長毛斬一年兩載髮更長從此不敢回家鄉一封家信無處寄背地落淚想爺娘被擄太久家太貧兒

湘軍記 卷二十 五

子餓死妻嫁人半夜偷逃想回家層層賊卡有盤查又怕官軍盤得緊跪求饒命也不準又怕團勇來訛錢搶去衣服并盤纏種種苦情說不完說起閻王也心酸我今到處貼告示凡是脅從皆免死第一不殺老和少登時釋放給護照第二不殺老長髮一尺二尺皆遣發第三不殺面刺字勅他用藥洗幾次第四不殺打過仗丟了軍器便釋放第五不殺做偽官被脅受職也可寬第六不殺舊官兵被賊圍捉也原情第七不殺賊探子也有愚民被騙使第八不殺細送人也防鄉團細難民人人不殺都贈壯各各逃

生尋去向賊要聚來我要散賊要擄來我要放每人給張免死牌保你千妥又萬當往年在家犯過罪從今再不算前帳不許縣官問陳案不許仇人告舊狀一家骨肉再團團九重

皇恩真浩蕩一言普告州和縣再告兵勇與團練若遇脅從難民歸莫搶銀錢莫剝衣

王定安曰古云有治人無治法法者所以濟一時之窮未有歷百年而不變者也湘軍初興王鑫羅澤南皆講步伐諳戰陳深溝固壘與賊相拒曾文正採其說而立營制

湘軍記 卷二十 五

規制多採之王鑫練勇芻言楚師之強莫與京矣及勦捻中原賊騎彘急官軍固無築壘挖濠之暇卽以馬逐馬勢常失之不及乃棄鍋帳裹餼糧晝則徒跣夜則野宿烏用所謂濠壘者乎其後陝甘討回之師貴州平苗之役皆以野戰鵬翔取勝濠壘堅脆無關軍事之得失是豈可以常情論哉至水師之設歷今垂四十年盜賊畏其威商民懷其德固一時盛軌矣然而兵輪鐵甲日新月異中國智勇之士方且師夷智造戰輪與外族爭雄海上夫船礮固若士之筆墨然微墨湖筆天下之至良也必得善楷法者書之楷法工矣

而其詩失黏文背題仍不能取勝場闌也是故楮精墨良
不如文章船堅礮利不如猛士機輪百巧擱於頑島鐵甲
堅質敗於焦石善乎曾公之論水師也曰兵隨地形賊勢
而變豈有可泥之法不弊之制惟夫忠臣謀國百折不回
勇士赴敵視死如歸斯則常勝之理萬古不變耳願以古
世之究心兵事者

湘軍記

卷二十

无

湘軍記卷二十終

武昌范德培校字